



70/ CNo: 12498

Ex libris

Josephi Sedlmayr cancell. fr.

co

10/5/54

11. Vol. in the index

operf

C

BIBLIOTHECA

MONASTERII S^TI MICHAELIS ARCH.

ET OMN. S. S. ANGELORUM,

APUD BELMONT


PROPE HEREFORDIAM.

(1771)

Quaritch London 1952
£30/£84-

10 vols. The Index (vol. XI) published 1790
is not included with the set

Stowage Ori 25/1



CONCILIA
GERMANIÆ.

TOMUS I.

CONCISE
GERMANIE
TOMUS I

CONCILIA GERMANIÆ,

QUÆ

CELSISSIMI PRINCIPIS
JOANNIS MAURITII,

ARCHI-EPISCOPI PRAGENSIS

SUMPTU

CL. JOANNES FRIDERICUS SCHANNAT

MAGNA EX PARTE PRIMUM COLLEGIT,

ad Canoniam DEIN

P. JOSEPHUS HARTZHEIM S. J. *Neustift*

EJUSDEM CELSISSIMI IMPENSIS

PLURIMUM AUXIT, CONTINUAVIT,

NOTIS, DIGRESSIONIBUS CRITICIS, CHARTA,

ET DISSERTATIONE CHOROGRAPHICIS

Josephus ILLUSTRAVIT.

TOMUS I. *Abbas*



COLONIÆ AUGUSTÆ AGRIPPINENSIVM,

TYPO VIDUÆ JOAN. WILHELMI KRAKAMP, ET HÆREDUM
CHRISTIANI SIMONIS, Bibliopolarum.
ANNO MDCCLIX.

CUM PERMISSU SUPERIORUM.

CONCILIA
GERMANIAE.

QUE

CELESTISSIMI PRINCIPIS
JOHANNIS MAURITII
ARCHI-EPISCOPI BRAGENSIS
SUMPTU

CE. JOHANNES FRIDERICUS SCHMANNAT
MAGNI EX PARTE PRIMUM COLLEGIT
et PARS
P. JOSEPHUS MARTINIUS 2.

EXUSDEM CELESTISSIMI IMPERIS
PERMISIT AUCT. CONVINCIT
NOTIS, DIGNISSIMIS CRITICIS, CUNCTA
ET DISSERTATIONE, CHOROGRAPHICIS
ILLUSTRATIS
TOMUS I.



COLONIAE AUSTRIAE ACADEMIA
T. P. VIDE JOAN. WILHELM. EXAMIN. ET REVID.
CHRISTIAN. SIMONIS, BRAGENSIS
ANNO MDCCCLX
EUM PARMISSE SUPERIORUM





REVERENDISSIMO. CELSISSIMO.
DOMINO. DOMINO.

J O A N N I.
M A U R I T I O.
G U S T A V O.
DEI. GRATIA. ARCHI-
EPISCOPO. PRAGENSI.
SEDIS. APOSTOLICÆ. LEGATO. NATO.
S. ROMANI. IMPERII. PRINCIPI.
COMITI. DE. MANDERSCHIED-
BLANCKENHEIM.

E T.

GEROLDSTEIN.
LIBERO. BARONI. IN. JUNCKERATH.
DOMINO. IN. BETTINGEN. DAUN. ET. ERP.
UTRIUSQUE. SACRÆ. CÆSARÆ. NEC. NON. GERMANIÆ.
HUNGARIÆ. ET. BOHEMIÆ. REGIÆ. MAJESTATIS.
CONSILIARIO. INTIMO. ACTUALI.
INCLYTI. REGNI. BOHEMIÆ. PRIMATI.
ECCLESiarUM. METROPOLITANÆ. COLONIENSIS. ET.
CATHEDRALIS. ARGENTINENSIS. RESPECTIVE.
PRÆPOSITO. SENIORI. AC. THESAURARIO.
ILLUSTRI. ECCLESIE. COLLEGIATÆ. AD. S. GEREONEM.
PARITER. PRÆPOSITO.
NEC. NON. UNIVERSITATUM. COLONIENSIS.
ET. CAROLO-FERDINANDÆ. PRAGENSIS.
CANCELLARIO. PERPETUO.
ET. PROTECTORI. &c. &c.



REVERENDISSIME
ARCHI-EPISCOPE,
CELSISSIME PRINCEPS
AC DOMINE!



Quantum momentum ad historiam sacram
Ecclesiarum Germaniæ, jam per XVII.
Sæcula florentium, habeat accurata no-
titia Conciliorum, in his Ecclesiis ab Ger-
maniæ Episcopis celebratorum, multi
eruditi Viri dudum viderunt, & votis suis publicatis
orbi demonstrârunt : sed hætenus intra vota steti-
mus.

Major accessio ex his Conciliis fit ad perpetuam
auctoritatem Ecclesiæ Catholicæ demonstrandam &
pro-

D E D I C A T I O.

probendam. Etsi enim in singulis Episcopis resideat Christus, quod S. Ignatius Martyr monet in Epistola ad Trallianos: (a) *Reveremini Episcopum vestrum sicut Christum, uti nobis Beati Apostoli præceperunt*: attamen in Conciliis evidentior apparet unitas & concordia Fidei, ac Dogmatum Catholicæ ecclesiæ ex testimonio Episcoporum orbis, vel Nationis, vel Provinciæ. Ostenditur unitas in disciplina promovenda, & Hierarchia Cleri firmanda, in eliminandis hæresibus, erroribus, superstitionibus, abusibus, defectibus, peccatis: cujusmodi semper fuerunt, semper erunt in ecclesia militante; uti agro ferace tritici & zizaniorum, arêa frumenti & pælearum plenâ, reti claudente pisces bonos & malos: quæ peccata, errores, hæreses, non sunt peccata, nec errores Ecclesiæ Christi, sed hominum in ecclesia viventium, vel ab ecclesia exeuntium, aut exiturorum. Unde necessitas Conciliorum ecclesiasticorum, omni anno celebrandorum, inde à Concilio Nicæno primo definita fuit. Demum in Conciliorum saluberrimis & Sanctissimis Decretis apparet promissa Spiritûs S. assistentia, docentis ecclesiam Christi omnem veritatem, (b) arguentis (c) mundum de peccato, & de justitia, & de judicio.

Primi enim Concilii publici inter Apostolos celebrati vox à Spiritu Sancto veritatis dictata, & veluti frons & introductio ad Canones Apostolicos & Ecclesiasticos

(a) S. Ignatii Martyris Epistola ad Trallenses. (b) Joan. XVI, 13. (c) Ibid. v. 8.

DEDICATIO.

fasticos in Conciliis definitos & definiendos usque ad consummationem sæculi hæc est: (d) VISUM EST SPIRITUI SANCTO, ET NOBIS.

Horum optatissimorum Conciliorum collectionem debet Germania nostra TIBI, CELSISSIME PRINCEPS ARCHI-EPISCOPE, cujus zelo, præfidio, & auctoritate, prodit in lucem tomus hic primus, quatuor minimùm tomis prosequendus.

Erit hæc Corona gloriæ TUÆ longitudinis dierum, quâ replevit TE Dominus : erit monumentum æternum heroicæ liberalitatis TUÆ, & inexhaustæ caritatis erga ecclesias, non solum TIBI commissas regendas, sed erga omnes Germaniæ ecclesias ornandas, & suo in splendore collocandas, qui sanè nullo in loco adeò patens est & manifestus, atque in Conventibus Antistitum.

Jam ecclesiæ speciales Germanicæ, quæ TE PRÆPOSITUM felicissimo voto delegerant, dudum fructum Consilii sui degustârant Metropolitana Illustrissima, & Perillustri Gereonitica Colonienfis, Argentinenfis Cathedralis, non solâ sapientiâ TUI Regiminis suavissimi perspectâ, in servandis & postliminio vindicandis delicatissimis juribus Prælatorum suorum, sed & in liberalitate & munificentia Basilica, in procuranda, augenda & ditanda re vestiaria sacra ad ornatum Domûs Dei, TIBI dilectissimæ.

Principes Electores S. R. I., & horum Caput Augustum

**

DEDICATIO.

gustum, CAROLUS VI., simul ut TE Consistorii facrationis intimi Consiliarium adsciverunt ob meritum scientiæ Juris publici, ecclesiastici, & Cæsarei, eâdem lubenter usi sunt in Legationibus arduis, TIBI deferendis.

Serenissimus Elector, & Metropoli Colonienfis, ad thronum Cæsareum TE ablegavit, investituræ Feudorum capeffendæ causâ, ecclesiis & Statui Principali annexorum. Augustissimus verò CAROLUS longè difficiliori legationi TE destinaverat. Quorum laborum, pro Imperio & ecclesia exantlatorum, vel præmia, vel testimonia, credo fuisse Mitras, venerando Vertici TUO impositas, episcopalem NEOSTADIENSEM in Austria: PANORMITANAM in Sicilia, & PRAGENSEM in Bohemia Archi-Episcopales, quæ TIBI, Sapientissime Antistes, TUOque Heroico Pectori quid aliud extiterunt, quàm novus stimulus, aut campus, exercendi zeli TUI, & magnanimitatis pro ecclesia & Imperio, pro Cleri & populi salute, pro ovibus, TIBI commissis, verbo & exemplo pascendis. Harum nempe ovium salus unica TUA CURA est, unicæ deliciæ Archi-Episcopi.

Hæc evectio CELSITUDINIS TUÆ ad Cathedram Metropolis Regni Bohemiæ, & Primatis ordinum, tantò felicior, & regno gloriosior fuit, quòd in ea nunc Cathedra sedeat Confanguineus JOANNIS, BOHEMIÆ, & POLONIÆ REGIS, ac DUCIS LUXEM-
BUR-

DEDICATIO.

BURGENSIS : nam hoc vero titulo Consanguinei JOANNES MONARCHA BLANCKENHEIMIOS AVOS TUOS, FRIDERICUM ARNOLDUM, & GERARDUM salutabat, & novis identidem gratiis cumulabat. Id quod Diplomata authentica & coæva annis MCCCXXI. MCCCXXV. ex tabulario Blanckenheimio, unà cum *Eiffia Boreali illustrata* orbi literato patefacient.

Nunc in hujus operis, TUIS auspiciis & adjumentis publicati, tomo I, videbit demum orbis literatus, quarto sæculo ecclesias Germaniæ primæ & secundæ, licet pulsatas Arianorum è Syrmienfi conciliabulo literis, perstitisse in avita fide homoufii Filii DEI confitenda, neque ab illius vocis, à Niccenâ Synodo approbatæ, usu deflectere voluisse, ut ut perverfum illi sensum affingere Ariani allaborârint.

Ecclesias Germanicas, quæ sæculis quinto, sexto & septimo, vel ad Rheni littora, vel in Norico confiterant, sæculo octavo videbimus, Deo benedicente, Episcopatibus & Dicecesibus mediterraneis, ut ità dicam, augeri & ampliari: quatuor in Bavaria, totidem in Franconia, Thuringia, & Alemannia, zelo S. Bonifacii, Legati Apostolici, surrexerunt ecclesiæ: unde & Episcoporum Concilia frequentiora & illustriora, & causæ gravissimæ tractatæ ac decisæ fuere. Adalbertus Gallus, & Clemens Scotus, & Godalsatius, Exepiscopi hæretici, fuere condemnati duplici Concilio Germa-

DEDICATIO.

maniae, & uno Romano & excommunicati. Pseudo Episcopi, gradu isto indigni, depositi, & digni ac idonei pastores animarum in eorum locum surrogati. Superstitiones & abusus, partim ex praeterito statu paganismi residui, partim simplicitate plebis, & diaboli persuasionibus introducti, damnati, & vera ac sana morum doctrina populo praedicata. Fuere destinati praecones Evangelii in Saxoniam, Frisiam, & Borealis trans Albim Germaniae partes, in Conciliis Moguntino, Wormatiensi, Paderbornensi: eo fructu, ut sub finem saeculi octavi octo novae Diceceses Episcopales designatae, fundatae, & initio saeculi noni perfectae fuerint.

Haec tam illustria facta, & augmenta, Ecclesiae Germanicae debent tum Synodis celebratis ab Episcopis, tum auctoritati & liberalitati Ducis Carolomanni, Regum Pippini, & Caroli, Ducis Tassilonis, &c. quorum brachio indigebat Ecclesia contra Lupos, & Pseudo-Presbyteros, à satana immissos, ad turbendam Ecclesiam Dei: quae omnia in hoc Tomo repraesentantur.

Præterea Canones fuere Clero praescripti & regulæ, vitæ altari & functionibus sacris dignæ, non solum ab Episcopis privatim pro sua Ecclesia, uti à S. Bonifacio Archi-Episcopo Moguntino, Chrodango Metensi, Remedio Curiensi, Notungo Constantiensi, Sindeperto Augustano, Halitgario

Came-

DEDICATIO.

Cameracensi, Rabano Moguntino conditi fuerunt; sed & à Patribus, coactis in Concilio, quod Annalistæ Francorum sæpe narrant: at annus DCCCXVI, & eo anno celebratum Aquisgranense Concilium, Canonorum Regulam edidit Libro uno, & altero Regulam Sanctimonialibus scripsit, quorum Canonum authenticæ, & puritati conservandæ, & perpetuandæ LUDOVICUS PIUS Augustus omnem suam potestatem interposuit, exempla Canonum conditorum in hoc Concilio per Nuntios misit, executionem eorundem vigilantia & zelo Archi-Episcoporum, & per hos Suffraganeorum seriò inculcavit; asservari in Archivis Ecclesiarum eosdem jussit, & in Palatio suo illibatos, & sacrosanctos apices hos custodiri significavit, ut ne ulla ætas fraudem illis allinere, aut eos oblivione intervertere ausit.

Hæc emolumenta Rei Catholicæ profluxerunt ex Synodis Episcoporum, hoc primo Tomo comprehensis.

Faxit Deus O.M. ut Sanctissima Intentio TUA, CELSISSIME PRINCEPS, in hoc opere promovendo, & labor noster in eodem suscipiendo, & exequendo, ad majorem Sui Nominis Gloriam propagandam, ad ecclesiam Catholicam Domini nostri JESU ædificandam & ampliandam, usque ad ultimos orbis noti fines, usque ad Germaniæ totius sub unum ovile, & sub uno Pastore in una fide reductionem proficiat.

ecquis enim è popularibus nostris, jam per Baptis-

tisnum

D E D I C A T I O.

tissimum JESU Christo regeneratus, adeò excors & ferreus sit, ut visâ hac catenâ testimoniorum à Sæculo quarto ad XV: visâ hac nube testium gravissimorum, & illustrissimorum virorum, quos Sæcula singula tulère: visâ unitate Symboli in fronte Synodorum plerumque positi & acceptati, fateri non cogatur cum Constantino Augusto, finitâ Nicænâ Synodo, ad Ecclesias scribente: " Libentibus animis, (e) Decretum Nicænæ Synodi, tanquam donum Dei, & mandatum " reverà cœlitùs demissum, amplexandum. Nam " quidquid in Sanctis Episcoporum Conciliis de- " cernitur, id universum Divinæ voluntati attribuen- " dum est.

Similis est sententia CAROLI MAGNI, ex Concilio Francofordensi scribentis ad Elipandum, Tolentanæ Sedis Archi-Episcopum, & cæteros Hispaniæ Episcopos, errore Felicis, Orgellitani Episcopi, seductos, *Pag. 320.* hujus Tomi: " Ad multitudinem (f) " Populi Christiani, & ad SACERDOTALIS Con- " cillii unitatem revertimini. Si enim duorum, vel " trium sancto, pióque consensui secundum suam " promissionem Dominum esse præsentem non dubi- " tamus; Quanto magis, ubi tot Sanctissimi Patres, " tot Venerabiles Fratres, tot Filii piæ Matris Ecclesiæ " in nomine illius pacificâ conveniunt unanimitate, " eum adesse medium, non est dubitandum, & illo-
rum

(e) Eusebius L. IV. vitæ Constantini C. XIV.

(f) Epistola Caroli M. ad Elipandum.

DEDICATIO.

” rum regere Consilia , qui sui Nominis laudem quæ-
” rere dignoscuntur?

Hanc, inquam, æstimationem & venerationem Germanis omnibus erga suarum Ecclesiarum Concilia & Antistites, insidere cupio & insculpi, cujusmodi Catholici hi Augusti, CONSTANTINUS & CAROLUS, magni bello, majores pace, maximi religione & tuitione Ecclesiæ, & Catholicorum Antistitum, corde, manu, & publicâ professione in Conciliis præ se tulerunt.

Eandem mentem TUAM, CELSISSIME PRINCEPS, fuisse, laudatissimæ vitæ gloriosus decursus innumeris benefactis, tum vel ipsum hoc opus susceptum, & promotum, adeoque pleno jure NOMINI TUO inscriptum, dicatum, consecratum, demonstrat: Quare ut ejusdem fructum in ecclesiam redundare ferò videas, Nestoreos annos apprecor

CELSITUDINIS TUÆ

Servus deditissimus

JOS. HARTZHEIM S. J.

PRI-



FACULTAS REV. P. PROVINCIALIS
CUM PRIVILEGIO CÆSAREO.



UM VIDUA JOANNIS WILHELMI KRAKAMP, & Hæredes
CHRISTIANI SIMONIS, Bibliopolæ Colonienſes typis vul-
gare deſiderent Librum, cui Titulus: *CONCILIA
GERMANIÆ, quæ Celiſſimi Principis, JO-
ANNIS MAURITII, Archi-Epiſcopi Pra-
genſis ſumptu Cl. Joannes Fridericus Schannat primùm collegit,
dein P. Joſephus Hartzheim S. J. Ejusdem Celiſſimi Impenſis plu-
rimùm auxit, continuavit &c.* Ego inſcriptus, Provinciæ Rheni Infe-
rioris Præpoſitus Provincialis, poteſtate ad id mihi factâ ab Adm. R. P. N.
LAURENTIO RICCI, Societatis JESU Præpoſito Generali, liſdem ad pri-
mâ hanc duntaxat editionem Tomi primi prædicti operis facultatem impertio,
ſimulque communico Privilegium Cæſareum, quo aliis Bibliopolis ac Typo-
graphis prohibetur, ne dictum Librum citra conſenſum Superiorum recudere,
aut intra fines S. R. I. inferre præſumant. In cujus rei fidem hæc Eis manu
propriâ ſubſcriptas, ac conſueti officii Sigillo munitas dedi. Colonia 4. Nov.
1758.



FERDINANDUS RISEN S. J.

PRÆ-



PRÆFATIO.



Inventus à Celsissimo Archi-Episcopo Pragenſi, JOANNE MAURITIO ex Comitibus de Manderſcheit-Blankenheim, ad perficiendam collectionem Conciliorum Germaniæ, à Clariffimo Schannato, bonæ memoriæ, tentatam, & ex parte adornatam, circumſpicere cœpi, quibus adjumentis tam vaſto operi, tam diu à Germania noſtra deſiderato, perficiendo par fierem.

§. I.

Fons primus ipſa Concilia edita vel Mſs. Eccleſiarum Germaniæ.



Poſt Concilia Generalia toties jam edita, ter minimùm hîc Coloniënſi typo, à tribus indefeſſis viris *Crabbeo*, *Surio*, *Binio*, luſtranda fuiſſent ſpeciatiim Archivæ Eccleſiarum Germaniæ ſingularum, pro Conciliis Provincialibus & Dioceſanis; ſed magnam horum partem DD. Proteſtantium manus poſſidet, adeoque Catholico ſcriptori non facilè aperiuntur.

Interim fatendum eſt, multos ex D. D. Proteſtantiſſimis archæa, & hiſtoriam, & Synodos Eccleſiarum, quas poſt pacem Weſtphalicam obtinent, communicâſſe orbi Literario.

Eccleſiarum verò, quas Catholici retinuerunt, & poſſederunt ab initio Chriſtianismi uſque ad noſtram ætatem, acta, quotidie cum ex antiquis cœvis hiſtoricis, tum ex archæis Eccleſiarum illuſtriora & ampliora inſigni cum delectu & criſi prodire videmus, unde & Conciliorum in dies major fit numerus, & acta integriora haurimus.

A

§. II.

§. II.

Fons secundus Collectores Canonum primo Millenario.

ALtera via perficiendæ collectionis Conciliorum sunt Collectores vel Conciliorum, vel saltem Canonum, in iis conditorum.

Eos divido in Collectores primi & secundi Milleharjii Christiani.

Primo Millenario habuit Italia Dionysium Exiguum, deinde Pontifices Romanos, perpetuos custodes, imò Conditores Canonum, qui & cæteras Occidentis Ecclesias à sua Cathedra, & Bibliotheca docuerunt, & donârunt, & dotaverunt Epistolis Canonicis, imò Libris integris oblatis, ut infra videbimus. Habuit Africa Ferrandum & Crisconium Epitomatores verius, quàm Collectores. Habuit Hispania Isidorum Hispalensem, & Martinum Bracarensem Lusitania.

At Germania nostra primo Millenario habuit non tantum Doctores, sed & Collectores, editis Libris Clarissimos.

S. Bonifacium Archi-Episcopum primò regionarium, post Coloniensem, subinde Moguntinum: Chrodegangum Metensem, Angilramnum Metensem sæculo octavo: sæculo nono Remedium Curiensem, Notungum Constantiensem, Haytonem Basileensem, Halitgarium Cameracensem, Rhabanum Moguntinum Episcopos, Benedictum Levitam Moguntinæ Ecclesiæ; Sæculo decimo Reginonem Prumiensem Abbatem, & Ricolfum Archi-Episcopum Treverensem. Videtur igitur non exiguos progressus fecisse Juris prudentia sacra inter Episcopos Germaniæ.

§. III.

Fons tertius Concilia, quibus Germani Episcopi primo Millennario interfuerunt.

NEc id à vero abhorret. Jam Sæculo quarto Conciliis extra Germaniam interfuerant Germaniæ Episcopi: Legationibus ad Augustos functi erant pro Ecclesia: Controversiæ Donatistarum dijudicandæ Romæ & Arelati iudices & arbitri federant.

In Concilio Sardicensi Anni 347. è sola Germania Rhenana decem Episcopi affederunt, pag. 8. hujus voluminis enumerati; è Concilio Sirmienti Anno 357. ab Arianis Episcopis Literæ datæ sunt ad Episcopos Germaniæ primæ & secundæ pag. 8., qui eadem Constantiâ, quâ Sardicæ nuper, sic nunc suis in sedibus Ariano errori restiterunt, nec à Nicæni Symboli professione latum unguem abierunt, propterea magnis laudibus à S. Hilario deprædicati pag. 2. & 3. hujus primi Tomi.

Gregorius Magnus, exeunte Sæculo sexto, Theoderico & Theodeberto Regibus Francorum, Germaniæ Rhenanæ imperitantibus, Canonica quædam Decreta scribit, & Synodum Episcoporum, ad labem Simoniacam compescendam congregari per hos Principes, uti Advocatos & Tutores Ecclesiarum, desiderat, pag. 19. 20.

Sæculo

Sæculo septimo Martinus I. Papa mittit Amando Episcopo Trajectensi acta Synodi Romanæ, à se contra Monothelitas Romæ celebratæ : narrat eidem scandala, in Ecclesia Constantinopolitana ex ambitione & hæresi Præfulum orta, necessitatem indictæ à se Synodi; adjungit Encyclicas Epistolas similes ad Germaniæ & Galliæ Episcopos: Acta hæc in Synodo prælegi mandat, & consensu Episcoporum subscripto, ratificanda Anno 649. pag. 28. 29.

Hinc liquet, à Sæculo quarto ad septimum Germaniæ Episcopos variis Conciliis Orientis, Italiæ, Galliæ interfuisse, Dogmata, & Canones primitivæ Ecclesiæ novisse: & Ecclesiam Romanam suo lacte purissimo, Literarum Canoniarum commercio, Præfules Germanos, Rhenanos, Noricos, Pannonios imbuisse.

§. IV.

Enumerantur Canonistæ Germani: Primus BONIFACIUS.

Sæculo octavo Anglia (quæ sæculo sexto per submissos à S. Gregorio Magno Apostolicos Viros, mirificos progressus in Doctrina Christi & moribus fecerat) multos & Illustres Viros, Apostolico Spiritu plenos, Germaniæ erudiendæ restituit, vel misit, SS. Willibrordum, Bonifacium, Willibaldum, Wunnibaldum, Eobanum, Lullum &c. qui primò Romam, velut ad Ecclesiarum omnium Matrem, profecti, à Summis Pontificibus paternâ benevolentiam excepti, saluberrimâ institutione Catholici Dogmatis, & Canonum muniti, Presbyteri, & Episcopi ordinati, remissi sunt in Germaniam Borealem, adhuc gentilitatis tenebris obductam, in Thuringiam, Saxoniam, Frisiam, ad circumjectas Visurgi, & Albi nationes varias:

Quos inter emicuit S. Bonifacius, natione & ipse Anglus, at zelo major aliis popularibus: nam ab Anno 717., quo ex Anglia in Frisiam abiit, ad 754. quo in eadem Frisia Evangelium, annis XXXIX. prædicatum, Martyrio glorioso coronavit, impendit se totum Germaniæ Boreali, ab Ethnicismo ad veræ fidei lucem traducendæ. Quem in finem Romam ter adiit, & Presbyter ordinatus primùm à Gregorio II., seu juniore, missus fuit in Alamanniâ, Thuringiam, cum munere & charactere Legati Apostolici, fidei prædicator.

Anno 723. die S. Andreæ Romæ ab eodem Gregorio ordinatus Regionalis Episcopus, cum ampliori potestate remittitur in Germaniam.

Anno 732. à Gregorio III. pallio donatur, Archi-Episcopus nuncupatur, quamvis nullius certæ sedis, pag. 38.

Anno 739. quatuor instituit, & distribuit in Boaria Episcopatus, & pro aliis tres Episcopos consecrat, nam Vivilius Pataviensis Romæ ante consecratus fuerat. pag. 40.

Episcopatus Bajoariæ vocat Gregorius III. in partibus *Hesperii* sitas. pag. 41. Etsi Bajoaria, & Thuringia, & Austrasia magis sint sitæ in parte Boreali oppositâ Romæ, quàm in parte Occidentali, vel *Hesperia*. Hispania ad Occidentem; Germania ad Boream Romæ obversa est.

Anno 741. tres in Francia Orientali, Burchardum apud Wurtzburg, Witam Buraburgi, Adelharium Erphesphurdæ, & quartum Aichstadii Willibaldum Episcopos ordinat. pag. 42.

Anno

Anno 743. tres in Neustria Archi-Episcopos instituit, quâ Missus S. Petri, nempe Remis, Rothomagi, & Senonibus. Demum Synodos ab Anno 740. ad 754. quot instituerit; dicam in Dissertatione post sæculum octavum.

Inter Concilia impressa à Synodographis, hætenus primum est, Anni 742. quo statuitur, ideo *singulis annis* Synodum congregandam, ut præsentibus Episcopis, Principe & Optimatibus, uel tutoribus Ecclesiæ, CANONUM DECRETÆ, & ECCLESIAE JURA restaurentur: Clerici, qui contra hæc peccarunt, puniantur, degradentur: & juxta SANCTORUM PP. CANONES Presbyteri omnes subiecti sint Episcopo suæ Parochiæ: Episcopi JURE CANONICO circumeant quot annis Dioecesim: Ignori & undecunque venientes Presbyteri secundum Canonicam cautelam non admittantur ad Ministerium. *Canonibus I. II. III. IV. V. pag. 49.* Et causam, finem, & materiam cogendarum annuarum Synodorum in Germaniæ tum antiquis Episcopatibus, tum in illis octo à S. Bonifacio in Bavaria, & Austrasia, demum tribus Archi-Episcopatibus, in Neustria institutis,

Meriamur hinc Canonum scientiam in Sancto Bonifacio, tunc Ecclesiasticam Hierarchiam ordinante, hos novos Antistites & harum Dioeceses instituyente, docente, tot Synodos regente, moderante. In Synodo Sueffionensi Anni 744. *pag. 37.* constituitur primo Canone servanda fides catholica, 318. Episcoporum in Nicæno Concilio, dein *JUDICIA CANONICA aliorum Sanctorum PP., quæ constituerunt in Synodis suis.*

Ipse Bonifacius, præter Epistolas Canonicas varias, ad ipsum à tribus Pontificibus, Gregorio II. Gregorio III. & Zacharia scriptas, responforias ad Bonifacii, & ad Pippini Ducis interrogata, eidem directas: scripsit Statuta Canonica N. XXXVI. quæ licet Dacherius in *notis* adjectis, à me *recusis pag. 73.* dicat nonnulla desumpta esse ex posterioribus Conciliis Carolinis, vel ex Libris Capitularium; longè tamen verosimilius est, Ansegisum, & Patres Concilii Moguntini ea ex Bonifacio sumpsisse, quàm contrà.

Præter hæc Statuta Canonica antiquissima, à Germaniæ Episcopo collecta, scripsit S. Bonifacius libros dogmaticos & historicos.

Dogmaticus Liber est, *de Unitate fidei Catholicæ*, laudatus à Papa Zacharia *pag. 83. 85.*

Item sermo de abrenuntiatione in Baptismo, editus à Pezio *Tom. IV. Theauri anecdotorum* parte II. ultra varias Epistolas ad Pontifices, ad Reges & Episcopos Anglos, relatas *Historiæ Literariæ Benedictinæ parte tertiâ. p. 56. 57.*

§. V.

CHRODOGANGUS.

ALter Canonista Germanus ejusdem sæculi octavi fuit CHRODOGANGUS, Episcopus Metensis, Pippini Regis consobrinus, & Caroli Martelli Cancellarius, vel Referendarius.

Papa Stephanus, quem Româ in Franciam deduxit Anno 753., eidem Pallium dedit, & Titulum Archi-Episcopi, & facultatem consecrandi Canonicos, & Presbyteros diversarum Ecclesiarum. Interfuit Conciliis Compendiensi, Attiniacensi, Metensi.

Ejusdem

Ejusdem *Regula*, *Clericis observanda Metensibus*, quæ in multis vestigia Regulæ S. Benedicti sequitur, edita fuit à Luca Dacherio in *Spicilegio Capitibus LXXXVI.* distincta, quam edidimus.

Maluit Labbeus edere regulam Chrodogangi, Cap. XXXIV. constantem, ex codice Ms. Vaticano, quam unà cum regula, in Concilio Aquisgranensi Anno 816. proposita, suæ collectioni inseruit, quasi hæc Aquensis prolixior, sit interpolata; illa brevior, sit genuina Chrodogangi.

Cointius demum, *Judice Fabritio*, sinceram dedit *Tomo V. Annalium Ecclesiæ Francorum ad Annum Christi 757. ex cod. Ms.* collato cum Dacheriana, & Labbeana editione. Verùm cum ex Mss. codicibus certò ostendi nequeat, quæ ex his tribus, vel quatuor sit genuina: primam Dacherii edidimus, donec ex Mss. clarior lux affulgeat. Obiit Chrodogangus 6. Martii Anno 766. sepultus Gorziæ. Sancti nomen, & cultum habet apud Metenses, *Fabritius Biblioth. med. & inf. Latinitatis.*

§. VI.

A N G I L R A M N U S.

ANGILRAMNUS, Metensis Episcopus, Chrodogangi Successor à 25. 7bris Anno 768. qui & Archi-Episcopus audit, dicitur Hadriano Pontifici obtulisse collectionem 72. aut 80. Capitulorum juxta *quosdam cod. Mss.* In aliis codicibus Hadrianus Papa dicitur ea donasse Angilramno. Sed *Calmeto* videtur pars prior verosimilior: eò quòd in codice, quem Hadrianus Papa dedit Carolo Magno, nullà fiat mentio Epistolarum Pontificiarum ante Siricium: at in hac collectione citantur Epistolæ Pontificum ante Siricium, quas Isidorus peccator prius supposuit non suis auctoribus. Unde videtur Angilramnus usus Isidoriana collectione veterum Conciliorum: qualem Hadrianus Carolo minimè dedit, adeoque nec veram credidit. Obiit Angilramnus Anno 791. vii. Kal. Novembris, Palatii Regii Capellanus.

§. VII.

S I M P E R T U S.

SINTPERTUS, aliis SIMPERTUS, fuit Abbas Murbacensis Cœnobii Ordinis S. Benedicti: subin Episcopus Augustanus ab Anno 788. ad Anni 818. 13. Octobris, quo obiit, teste *triplici Catalogo vetustissimo*, producto à Cl. Perzio in *Dissertatione Isagogica ad Tomum II. Thesauri Anecdotorum pag. XX.*

Expungunt eum ex serie Abbatum Murbacensium Gabriel Bucelinus, & Carolus le Cointe in *Annal. Francorum*: sed restituit illum Mabillonius, qui sedem ejusdem Episcopalem sibi ignotam scribit. Eckartus L. XXV. N. 47. rectè probat, Simpertum Ratisponensis Ecclesiæ Episcopum, Anno 791. obiisse, quod non negatur: sed an hic fuerit Abbas Murbacensis, id quæritur. Augustanæ Ecclesiæ Catalogi antiquissimi *Simpertum* ab Anno 788. fuisse suæ Ecclesiæ antistitem evidenter demonstrant: eundem fuisse Murbacensem in Alsatia Abbatem, & veteres

veteres membranæ docent, & ex iis descripta statuta regularia pro Monachis. Cæterum quæ Petzjus edidit documenta *Tomo II. Anecdotorum Parte III.* de vita, & miraculis, & translatione secunda post Annum 1400., recentia esse non inficior.

§. VIII.

H A T T O.

HATTO, aliis Hayto, Hetto, teste Walafrido, quinquennis puerulus Deo, & B. Pirminio in Abbatia Augiæ est oblatus: qui cum dein non doctrinâ tantum, & specie corporis externâ, Monachos omnes antecelleret: verum etiam morum gravitate, & omnium virtutum decore; factum est, ut Waldone, tunc Augiæ Abbate, ad S. Dionysii Parisiense Monasterium translato, Hetto Augiense Monasterium à Carolo M. Imperat. & Fratribus, regere iussus fuerit Anno DCCCVI. Vir fuit doctus, & eximiè sanctus; sub illo enim Augiensis schola maximè florere capit: ipse Sacras literas professus. Unde Magnorum Procerum, Ducum, & Comitum filii ad Augiam convolarunt, literis, & bonis moribus iniciandi, ut deinde ad Episcopatus, & Ducatus gubernandos idonei fierent: quorum nonnulli nominatissimi facti sunt Magistri. Scripsit inter alia *Ordinationum in sua Dioecesi Basileensi servandarum Librum unum.*

Carolus enim Magnus perspectâ viri scientiâ, Basileensi Cathedralæ eundem præfecit, & Constantinopolim ad Orientis Imperatorem Nicephorum gravibus de causis misit Anno DCCCXI. nempe ob insignia Dei in eum dona à multis vocatus fuit *Caroli delicia, Caroli corculum*, qui & suo testamento Hettonem voluit subscribere. Postquam Abbatiam, & Dioecesim sedecim annos felicissimè gubernasset quoad Disciplinam Ecclesiasticam, regimen politicum & œconomicum, Basileensis Basilicæ antiquæ dirutæ loco novam magnificam extruxisset; Anno DCCCXXII. contemplationis studio abreptus, & jam annis gravis, Abbatia, & Episcopatu renuntiavit, in suâque Augia sub Erlibaldo Abbate privatus vixit ad anni DCCCXXXVI. xvii. Martii, quo obiit.

Regulæ vivendi & agendi, Clero & Sacerdotibus, suæ Dioecesi Basiliensi subiectis, ab ipso præscriptæ, adhuc Mss. in Augia asservantur. *Joannes Egon. L. de viris Illustribus Augiæ divitis, editus à Petzio Thesauri Antecdotorum Tom. I. Parte III. pp. 637. 646. 727.*

Capitulare ad Presbyteros Dioceſeos Basileensis circa annum 827. promulgatum Capitulis XXV. publicavit D'acherius Tomo VI. spicilegii editionis novæ Tomo I. pag. 584. 586.

§. IX.

R E M E D I U S.

REMEDIUS (aliis *Remigius*) Episcopus Curienſis in Rhætia, temporibus Caroli Magni floruit. Stumpfio dicitur decimus nonus Curienſis antistes in Rhætia *L. X. p. 584.* Ejusdem Canones Ecclesiasticos ex Pontificum Romanorum sparsis ab Isidoro peccatore suppositiciis Epistolis edidit *Golaſtus rerum Alamannicarum Tom. I. Part. I. p. 121. Fabritius Biblioth. med. & inf. Latin.*

§. X.

H A L I T G A R I U S.

HALITGARIUS (*Alitgarius*, *Halitcharius*) erat Anno DCCCXVI. Camera-
centis, & Atrebatensis Episcopus. Fuit cum Ebbone, Remensi Episcopo, mis-
sus ad prædicandum Danis Evangelium. Deinde Anno DCCCXXVIII. ab Im-
peratore Ludovico Pio legatus fuit ad Michaëlem Balbum, Imperatorem Ori-
entis.

Abiit ad superos Anno DCCCXXX. 25. Junii. Scripsit Libros V. de vitiis,
virtutibus, & ordine pœnitentium, editos ab Henrico Canisio *Tomo V. Lectio-
num antiquarum Parte II. pag. 227.* Ingolstadii Anno 1604. in ejusdem Libri
nova editione Basnagiana *Tomo II. Parte II. pag. 87.* in Bibliotheca PP. Coloni-
ensi anni 1618. Tomo VIII. Parisiensi anni 1654. Tomo V. Lugdunensi
Tomo XIV.

His Libris habent pleraque similia Libri Rabani, postea Archi-Episcopi
Moguntini, de eodem argumento scribentis.

Sextus Liber, quem è scrinio S. Romanæ Ecclesiæ Halitgarius ait se de-
scripsisse, fuit à Stevartio vulgatus in Supplemento Canisii. *pag. 793.* & in Bas-
nagiana editione *pag. 132.* Sub *pœnitentialis Romani* Titulo è Corbeienf. Ms.
edidit cum Hugo Menardus ad Gregorii M. Sacramentarium, *Tomo III. Operum
S. Gregorii edit. Parisiæ anni 1705. pag. 462.* Ubi observat Menardus, hunc codicem
fortè non esse integrum, quia in eo quædam inveniuntur citata à Burchardo, alia
non inveniuntur.

Cl. Morinus post commentarium Historicum de disciplina in administratio-
ne Sacramenti pœnitentiæ, subjecit appendicem veterum codicum pœnitentia-
lium, in quorum numero primas obtinet *Liber VI. Halitgarii*, post Menardum
denuo publicatus ex eodem codice Ms. Corbeienf., è quo Menardus eum pri-
mum ediderat.

Addit autem Morinus adnotationem memorandam. Quòd hic Liber sit
antiquissimus ex Romano scrinio descriptus in hac materia: cum verò in quin-
que libris primis multa jam retulisset, huc spectantia; hinc in sexto Libro par-
cior est.

A N S E G I S U S.

ANSEGISUM, quem Sigebertus in *Chronico* ad Annum DCCCXXVII., & Trithemius,
Abbatem Laubienfem, Diœcesis Leodienf. fuisse scripserant, diversum esse ab Ansegiso, Se-
nonum Archi-Episcopo, jam Sirmondus ostenderat in Epistola ad Constantium Cajetanum: cæ-
tera Trithemio, & Sigeberto subscriperat.

At Mabillonius *Sæculi quarti Benedictini, Anno 1677. Luseria impressi, parte I. pag. 630.*
ostendit ex duobus antiquioribus scriptoribus, præsertim ex *Chronico Folcuini* Abbatis Laubien-
fis, eum in numero Abbatum hujus Cœnobii nequaquam reperiri, sed eundem fuisse Abbatem
Luxovienf. & Fontanellenf. Cœnobiorum Ord. S. Benedicti: Illius ab Anno 817., hujus ab
823. Ludovici Imperatoris Augusti gratiâ: defunctum Anno 835. XX. Julii. Ex vita

S. Ansegisi ab Autore Chronographo Fontanellensi coarvo scripta, quam Mabillonius edidit l. cit.

Eundem primum Capitula Regum Francorum, quæ *diversis fuerant data Conciliis*, excepisse, & volumine uno, in quatuor Libros partito, collegisse narrat ADSO Abbas Luxoviensis Sæculo X., scribens de miraculis S. Waldeberti.

Igitur inter Germanos Canonum compilatores referri non potest Ansegisus, uti Sigebertus eum retulerat.

§. XII.

B E N E D I C T U S.

SEptimus Canonum veterum Collector sit Benedictus Levita, seu Diaconus Ecclesiæ Moguntinæ, qui jussu Autgarii Archi-Episcopi sui, circa annum DCCCXLV. curam hanc suscepit, ut Capitula Caroli M. & Ludovici Pii, ab Ansegiso prætermissa in quatuor jam vulgatis libris, ipse colligeret pro DEI omnipotentis amore, & sanctæ DEI Ecclesiæ, ac servorum ejus, ac totius populi utilitate.

Invenit autem ea in sanctæ Moguntiacensis Ecclesiæ scrinio à Riculfo, & Autgario Archi-Episcopis asservata, nullo quidem ordine, sed in diversis schedis, quædam initio, quædam fine diversa, & disparata. Quæ confusio scriptorum fecit, ut nec ipse Benedictus ordinem temporis, vel Conciliorum, vel Episcoporum, vel doctrinæ Canonici servare potuerit, ut in præfatione conqueritur apud Baluzium Tomo I. *Capitularium* pag. 803.

Hunc tamen qualemcunque in tribus libris sibi præfixit ordinem:

In primi Libelli fronte posuit Zachariæ Papæ Epistolam ad omnes Episcopos, & reliquos Ecclesiastici ordinis gradus, & ad cunctos Duces, & Comites, omnesque DEUM timentes, per Gallias & Francorum Provincias, directam.

2. Duos Synodales Conventus, Canonicè celebratos à Carolomanno, & Bonifacio, ut agnoscant omnes, hæc prædictorum Principum Capitula Apostolicâ autoritate fore firmata. Post ista sequuntur, quæ eadem autoritate, & omnium Francorum utriusque ordinis virorum assensu, sunt roborata. *Continet Capitula* 405.

In secundo Libello sunt excerpta ex lege Divina, ut appareat concordia legis Divinæ, & Regularum Canonicarum. *Continet Capitula* 436.

Tertio Libello post Capitula, subjungit ex Canonibus, à Paulino Episcopo, & Albino Magistris, & reliquis, jussu Caroli collectis, regulas Monasticas: & deum ad totius Christiani populi utilitatem conscripta Capitula numero 478.

Baluzius in præfatione N. XLV. autumat, Benedictum collegisse primum Capitula, quæ citra controversiam edita sunt à Regibus: tum ea, quæ ab ipsis, vel eorum jussu, ab Episcopis, aut viris doctis excerpta sunt ex libris divinæ scripturæ, sicut ea sparsim in eorum mixta capitulis se reperisse profitetur: tum desumpta ex Canonibus Conciliorum, ex Decretis Romanorum Pontificum, ex dictis Sanctorum Patrum, ex institutionibus Synodalibus Episcoporum Gallicanorum, ex codice Theodosiano, sive Aniani interpretationibus, Pauli sententiis, Juliani Antecessoris Novellis, codice Wisigothorum, ex lege Salica, ex lege Ripuarianorum, ex lege Bajuvariorum. Ex his enim omnibus confarcinata est illa

Benedicti

Benedicti collectio confusè sanè facta, nullo servato temporum ordine, mutatis etiam sæpe verbis capitum, quæ illic referuntur.

Hactenus *Baluzius*, qui simile elogium poterat addere quatuor Ansegiffi Libris.

Herardum, Archi-Episcopum Turonensem, Isaacum, Episcopum Lingonensem, Capitula sua ex tribus Libris Benedicti excerptisse, & abbreviâsse, non diffitetur.

Nihilominus spernenda non est hæc Benedicti collectio, absque cujus diligentia & labore careremus plerisque sanctissimis & optimis Principum Francorum constitutionibus, quæ alibi non reperiuntur. *Ejusdem Baluzii hæc est confessio & Apologia.*

§. XIII.

R H A B A N U S.

Octavus inter Canonistas Germaniæ sit RHABANUS Magnentius Maurus, Moguntiæ natus, Fuldæ à puero educatus. Monachus factus inde Turonos missus fuit ad scholam Albini, seu Alcuini Abbatis, gratiâ liberales discendi artes, unâ cum Hatone, post Fuldensî Abbate, & Heimone vel Heymone, post Halberstadenî Episcopo. Presbyter ab Haistulpho Moguntinò ordinatus X. Kal. Januarii Anno 814. desinente, sive anno imo Ludovicii Pii: & Abbas Anno 822. Verùm ob disciplinæ Benedictinæ rigorem, & sacrarum literarum studium, exusus fratribus, è Monasteriò abiit anno 842. Post mortem Olgarii 847. fit Archi-Episcopus Moguntinus 26. Junii, die Dominicâ consecratus: obiit demum Anno 856. 4. Febr.

Quantus hic vir fuerit vastissimâ scientiâ primò Divinæ scripturæ plurimis commentariis illustratæ variis *Tomis* in Folio: quantus scientiâ Canonicâ Dogmatum Hierarchiæ & disciplinæ Ecclesiasticæ: quantus in Liturgica, in scientia ascetica monastica: quantus & in profanis, Grammatica, Poesi, docent *VII. Tomi* in Folio, Colonia editi, Anno 1627. studio Jacobi Pamelii, & Georgii Colvenerii, Cancellarii universitatis Duacenæ, præstantissimorum virorum. Elogium viri innumeri scriplere, quos Serarius & Labbé in *Dissertatione historica de scriptoribus Ecclesiasticis* recensent. Ad nos spectant sequentes Libri:

1. *De Clericorum institutione, & ceremoniis Ecclesiæ* Libri tres, scripti Anno 819. ad Haistulphum Archi-Ep. Moguntinum, sub Eigile Abbate Fuldensî.

2. *De Sacris Ordinibus, Sacramentis divinis, & vestimentis Sacerdotalibus* Liber unus, ad Thiotmarum.

3. *De Disciplina Ecclesiastica*, ad Reginaldum Libri tres.

4. *De quæstionibus Canonum pœnitentialium* ad Heribaldum Libri tres. *Mailillon Sæculi IV. Benedictini parte II.* spurium opus Rabani censet, & certò est Halitgarîi Cameracensis; consentit Baluzius.

5. *De vitiis & virtutibus, de peccatorum satisfactione & remediis* Libri tres. Liber de vitiis Rabani, est primus Halitgarîi. Secundus de virtutibus Rabani est & adus Halitgarîi: 3tius Rabanicus, cujus sit, incertum.

6. *Pœnitentium Liber unus* ad Otgarium, Moguntinum Archi-Episcopum Anno 842. iudice Mabillonio p. II. *Sæculi IV.*

7. *Quotâ generatione licitum sit matrimonium?* ad Humbertum Episcopum Würzburgensem.

8. *De consanguineorum nuptiis, & magorum præstigiis.*

9. *De anima & virtutibus* ad Lotharium Regem. Hactenus Labbé in *Dissertatione Historica de scriptor. Ecclesiasticis*, qui ait sex Tomis Colonienfibus tres Epistolas Mss. addendas; Sed Fabricius *Biblioth. media & infima Latinitatis*, novem opera inedita prodit, nempe.

10. *Epistola Rabani de Chorepiscopis* ad Drogonem Anno 841. Metensem Ep. curâ Stephani Baluzii edita in tertiâ editione *Librorum Petri de Marca, de Concordia Sacerdotii & Imperii*, Mabillon. p. II. *Sæculi IV. Benedictini* pag. 38.

11. *Liber de reverentia filiorum erga Patres, & Subditorum erga Reges*, ad Ludovicum Imp. scriptus post ann. 839. Vocatur hic *Liber Collectarium* à Rudolfo Fuldenf Monacho Biographo Scholastico, quem Browerus, Bollandus, Colvenierius & recentissimè Mabillon recudit hac parte II. *Sæculi IV.*

12. *Epistola Synodalis Rabani*, in Conciliis jam citanda Anno 848. alia Anno sequenti 849. alia ad Hincmarum de eodem Concilio.

13. *Epistola ad Notingum Veronensem Episcopum de Gottescalco.* Hæc ab Ugello recusa T. III. *Italie.*

14. *Epistola ad Egilonem Abbatem Prumienfem*, quæ creditur excidisse.

15. *Epistola ad Heribaldum Antissiodorensen Episcop.* à Stevartio primùm edita ex Weingartenf cœnob. recusa à Baluzio, post opera Rheginonis; à nobis recudenda.

16. *Epistola ad Regemboldum Chor-Episcopum Moguntinum*, de quibusdam quæstiunculis pœnitentiæ anno 848. scripta, sed iudice Mabillonio. Anno 842.

17. *Epistola ad Herebardum Comitem contra Gottescalcum.* X. Kal. Maji 847.

18. *Canones Moguntini Concilii Ludovico Regi Juniori obtulit* Anno 847. Trithemius pœnè infinita, ait, opuscula scripturarum composuit. Ex Baronii I. Tom. X. *Annal. Eccles.* unum Elogium addam: "Emicuit planè Rhabanus, ut fulgentissimum sidus, cujus, quæ extant scripta, tanquam lucis radii, excellentiam demonstrant autoris, ut & iisdem illustrata Germania gloriatur, sum haud adeò imparem magnis habuisse Doctorem.

Synodos tres celebravit Archi-Episcopus; Primam Anno 847. circa Kal. Octobris Moguntiacy in Monasterio S. Albani: Occasio Synodi, Laicorum invasio in bona Ecclesiarum, de qua re, cum apud Regem conqueruntur, indicitur Provinciale Concilium. *Epistola Synodica edita in coll. Conciliorum, ubi & personæ præsentæ.*

Anno 848. Secundam Moguntinam sub Rabano. Actio I. pacificatio Moguntinorum cum Rabano, Rege Ludovico Germanico mediante. Secunda Gottescalci Monachi correctio. *Synodica Rabani ad Hincmarum, II. ad Notingum III. ad Herardum vel Heberardum Comitem.* Trithemius ex his duabus Synodis unam facit, ait Mabillon, pag. 32.

Anno 852. Tertiam Moguntinam sub Rabano. Mabillon ex Henschenio in commentario n. 51. corrigente Trithemium. Serarius Mogunt. p. 645. 4tam Francoforti sub Ludovico & Rabano, anno 853. celebratam addit Mabillonius.

Idem in actis Ss. Sæculi IV. Benedictini parte II. vitam B. Rabani dat ex Rodulpho Scholastico Fuldensi ejus Discipulo : deinde amplius elogium, quàm Serarius subjicit vitæ, & ex cœavis ac posterioribus scriptoribus id conficit.

§. XIV.

R E G I N O.

REGINO primùm Monachus fuit cœnobii Benedictini Prumiensis in Archidieceſi Treverensi, cujus subinde Abbas fuit ab anno 891. ad 899. à qua dignitate, æmulorum, ut ajunt, invidiâ dejectus, privatam Monachi vitam duxit in celebri ejusdem Ordinis S. Benedicti Monasterio Sanmaximiano, sub mœnibus urbis Trevericæ : in quo sacro otio varios libros scripsit. Ad nostrum institutum unus facit, inscriptus Rathbodo (*) Treverorum Archi-Episcopo, hoc titulo : *De disciplinis Ecclesiasticis, & religione Christiana*. Nam ejusdem Archi-Episcopi jussu, & ad usum ejusdem Archi-Dioceſeos hanc collectionem Canonum instituit Libris duobus. *Primo* tractat de rebus & personis Ecclesiasticis : *Secundo* de vita & conversatione Laicorum. Continent hi duo Libri non-genta fermè Capitula : sed pauciora aut plura in diversis Mss. codicibus.

Reginonem primùm edidit Helmæstadii Joachimus Hildebrandus Ann. 1659. ex veteri codice Ms. Bibliothecæ Julicæ. Aliam editionem instituit Stephanus Baluzius Parisiis Anno 1671. in Octavo, quam eruditis notis illustravit.

§. XV.

R U T G E R U S.

RUTGERUS Trevirorum Archi-Episcopus in Concilio Provinciali suo anni 927. fecit Sanctionum Ecclesiasticarum Librum, summo Patrum assensu probatum, & à Clero receptum. *Bromerus in Annal. Trevirensibus ad h. a.*

Atqui hi sunt Collectores Canonum primo Millenario Germanicis in Ecclesiis nati & superstites.

Secundi Millenarii æræ Christianæ vel præcipuus inter Germanos, vel unicus Canonum Collector est, qui sequitur

§. XVI.

B U R C H A R D U S.

BURCHARDUS, in Hassia natus parentibus secundum Sæculi dignitatem non infimis : apud Confluentiam Canonicè primùm nutritus, deinde per loca diversa, causâ studii directus est. Postea verò Willigiso Moguntinensis Sedis venerabili Archi-Episcopo se adjunxit, illiusque salutari sapientia repletus, & secundum suos nobiles mores imbutus fuit.

C 2 Worma-

(*) Rathbodus electus Anno 883. sedit in cathedra Trevirensi ad Annum 915.

Wormatiensis Episcopus, FRANCO, Ottoni tertio de successore sciscitanti, fratrem suum Burchardum commendaverat. Otto licet id eidem sanctè promississet, duobus aliis candidatis Cathedram Wormatiensem post mortem Franconis donavit, quorum prior quarto, alter decimo tertio die è vivis abierunt priùs, quàm Cathedram adiissent, demum recordatus promissi, Franconi facti, eidem Burchardo obtulit pedum Ecclesiæ Wormatiensis, quod hic ab initio recusat, at consilio Moguntini Archi-Episcopi accepto, consentit, à quo & Seligenstadii Sacerdos primùm, postmodum Episcopus consecratur: Hæc Biographus anonymus. Cl. Schannatus Burchardum Anno 997. VI. idus Martii Presbyterum, Anno 1006. vel 1008. Episcopum ordinatum scribit.

Exorsus fuit Pastor bonus officium suum à visitandis ovibus suis: quas inter, civibus Wormatiensibus urbem manibus nudatam querentibus, moenia instauravit, Henricus Bavarus Rex post mortem Ottonis III. Wormatiam venit, & inde Moguntiam abiit, ubi Sceptrum Regni collaudantibus cunctis accepit. Interea Burchardus paci civium & Ecclesiarum multarum ædificationi invigilans minimè neglexit sacrorum Canonum studium; nam variis Synodis Tremonia, Francofurti, Moguntia, Saligunstadii interfuit: quas inter Episcopales occupationes oratorium & cellam, in foresto, duobus milliaribus Wormatiâ distito ædificavit, uti opportuno loco ad adornandam collectionem Canonum, ad quam Waltherius Spirensis Episcopus eundem extimulabat, & Brunicho Præpositus.

Olbertus (Albertum vocat Trithemius) ejus olim in Lobienfi cœnobio Præceptor, operis condendi adjutor dicitur Trithemio.

Vitam Sanctam tot rebus præclare gestis & re Literariâ promotâ Sancto fine conclusit Anno MXXV. XIII. Kal. Septembr. nil thesauris ex suis relinquens præter denarios tres: reliquos per pauperum manus jam cælo transmiserat. Soror ejusdem Mechtildis Abbatissa heres fuit opum in Scrinio reclusorum; nempe Cilicii hirsutissimi, & ferrea catenæ, quasi ex usu attrita.

Editio Colonienfis Burchardi, Anni 1578. continet primo Libros XX. ejusdem. Præmittit vitam Sancti Episcopi, ab anonymo cœpyo scriptam.

Secundò leges & Statuta, Familiæ S. Petri Ecclesiæ præscripta, quam Ecclesiam ipse nuper erectam cum Canonicorum Collegio, novis à se fortunis & opibus aucto, Henrico Regi ostendit. Recudit has leges Cl. Schannatus in cod. probationum historiæ Wormatiensis N. LI. ex Archivio Ecclesiæ Cathedralis Wormatiæ.

Tertiò habet admonitionem in Synodo, finito Evangelio à Diacono legendam, Episcopo, & cæteris in ordine sedentibus.

Quartò Concilium in Saligunstadt celebratum Anno 1023. indict. V. II. idus Augusti, Præsidente ARIBONE Archi-Episcopo Moguntino & Episcopis Burchardo Wormatiensi, WERENHARIO Argentinenfi, BRUNONE Augustensi, EBERHARDO Babenbergensi, MAGINHARDO Würceburgensi.

Quintò Instructionem, quomodo initianda sit Synodus, & quomodo Sæculo XI. in Ecclesiis Germanicis celebrabatur.

Albertus Fabricius in *Bibliotheca med. & inf. Latinitatis* censet Burchardi opus

opus integrum necdum lucem vidisse, sed tantum excerpta ex illo, vix sextam æquantia portionem, divisâque in Libros XX. ex quibus Surius XVI. duntaxat habuisse videtur.

In Operibus Georgii Cassandri observatur, Ms. Burchardi Epistolæ paraphrasin totam immutatam ab opere Parisiis impresso Anno 1549. & Librum impressum vigesimum Burchardi continere C. capitula, Mscriptum verò CLVIII. & Capitum ordinem quorundam immutatum.

Cl. Schannatus multa Capita Burchardi ex Ms. quodam codice citat, quæ impresso defunt: ubi verò hic Ms. codex lateat, non adscripsit, aliàs accuratus auctor.

Statuta Canonum de officio Sacerdotum ex Libris Burchardi vulgavit Canisius *Tom. VI. antiquarum Lctionum*. Videatur *Tomus III. editionis Basnagianæ. fol. 797.*

Est hæc collectio Librorum XX. hujus Antistitis, omnium, quæ hæcenus prodierunt, uti amplissima, ita & ordinatissima: nam primò diversas Juris Canonici materias in viginti classes secevit. Secundò singula Decreta, vel Canones ostendit, ex quibus fontibus hausit; primò quidem & ante omnia è Conciliis, quorum permultis ipse coram interfuit.

Secundò Romæ fuit, & Romanæ Ecclesiæ Canones, ac Epistolas Pontificias studiosè indicat, etsi aliquando infelicitè non tam suo vitio, quàm sæculi, in quo vivebat, genio & simplicitate, Isidori peccatoris collectionem pro verâ amplexi.

Tertiò, cum ad aulam Cæsaris accedere cogeretur, & imperii negotiis definiendis interessè, sensit sanè, & expertus est difficultatem concordie inter Sacerdotium, & Imperium: neque tamen à constantia Sacerdotali latum unguem discessit, sed Ivoni & Gratiano viam stravit promovendæ scientiæ Canonice.

Unde miror Clmi viri BALUZII bilem in BURCHARDUM, licet moribus Sanctissimum antistitem, tam vehementer effusam, ut eum non tantum *lapsum fuisse* dicat; sed valde eidem indignetur, quòd cum Saxonibus reverentiam erga Capitularia Francorum exuerit, quòd Reginonem compilaverit Plagiarius, nec ex eo decerpta Capitularia citet: quòd Reginonem, Ansegisum, Benediktum non laudet. *Audacem* insuper, & *Mendacem* inverecundo scommate compellat, & in indice Tomi II. Burchardi Wormatiensis FRAUDES speciali titulo indicat, ideo, quia Capitula, quæ, licet plurima in Reginone & in Capitularibus Regum Francorum extabant, maluit tribuere Conciliis quibusdam, aut Patribus antiquis. quàm Regibus Francorum: quia Francorum appellatio usurpari desierat ætate Burchardi, & à Saxonibus exuta esset omnis Capitularium istorum reverentia. *Hæcenus Baluzius in præfat. ad Tom. I. Capitularium §. XX.*

§. XVII.

BREVIS APOLOGIA BURCHARDI.

VERùm pace Clarissimi viri dicam, hanc notam vel malæ fidei, vel mendacii, vel plagii nullatenus cadere in collectionem Sancti & docti Burchardi. Qui Canones colligere & edere vult, is ante omnia fontem indigitare debet, unde

D

Canones

Canones prodierint : nempe Concilia, & Patres. Hinc Burchardus longè prudentiùs & accuratiùs, feliciùsque collegit canones indicando *Concilia*, & *Patres* antiquos, quàm Reginonem, vel Anfegifum, aut Benedictum Levitam, vel alium similem, Capitularium meros compilatores, finè ordine, finè chronologia, & sæpe finè fonte indicato scribentes.

Capitularia Francorum non plus habent autoritatis, quàm Synodi, vel Sancti Patres, unde desumpta fuère : usque adeò, ut Regino, ea citans, dicat plerumque : ex *Capitulis Synodalibus Caroli Augusti*, vel *Caroli Calvi*, indicans, ea vim nullam obtinere ex qualicunque compilatione Anfegifi, vel Benedicti, vel Theodori, vel alterius Collectoris.

Sit sua laus Capitularibus Francorum, & Collectoribus eorundem. Jure consultus tamen ante omnia consulat Concilia, in quibus conditi fuère canones, à quibus comitiis veluti Synodicis Ecclesiæ Catholicæ, in nomine Christi congregatis, fuit autoritas obligatoria Episcoporum docentium, servare omnia, quæ Clarissus eis mandavit, delegavit, & apud eos custodienda deposuit, populo fideli publicanda suo tempore & loco : ut in prima Solymæ Synodo factum fuit Act. XV. Laudandus ergo Burchardus, quòd canones maluerit referre ad Concilia, quàm ad collectores Canonum Reginonem, Anfegifum, & cæteros.

§. XVIII.

QUÆNAM COLLECTIO CANONUM
PRÆCIPUA?

INter has collectiones Conciliorum & Canonum præstantior omnium est DIONYSII exigui Sæculo VI. Romæ scripta ; tum, quia prima est ex omnibus notis : tum quia continet antiquissima Concilia, quorum summa autoritas semper in Ecclesia Catholica fuit, hodièque manet. Eadem collectio Dionysiana forè S. Bonifacio, sed certè CAROLO Regi Magno data fuit ab HADRIANO Papa. Eadem ab omnibus Germaniæ & Franciæ Episcopis summa cum veneratione excepta, & hucusque servata fuit.

Huic subnexuimus nostra Concilia Germaniæ, quæ tam illustri fundamento, nempe quatuor primis Oecumenicis Ecclesiæ Conciliis superstruimus, ut pateat orbi universo, Ecclesias Catholicas Germaniæ inde à quarto Sæculo ad hoc XVIII. quod vivimus, eodem Spiritu, sine, modo, normâ, convocasse, celebrasse Concilia, quo primorum sæculorum sanctissimi Episcopi ea convocârunt, celebrârunt : & in iis Doctrinam, scripto & traditione acceptam, contra hæreses, & novatores quovis sæculo propugnârunt : Hierarchiam Episcopalem, & reliqui cleri conservaverunt, demum hæreses, errores, & defectus correxerunt, & debitæ pœnis coercuerunt. Hic finis, hæc causa Conciliorum Ecclesiæ, quæ nunc Ordine temporum, vel certo, vel verosimili, quo celebrata fuere, edemus ex testibus aut corævis, aut supparibus, servatâ primigeniâ phrasi codicum Mss. quod idèd monendum, ne barbarismi, aut errores contra Grammaticam in autoribus inventi, & à nobis religiosè & studiosè transcripti nobis adscribantur.

§. XIX.

§. XIX.

FINES CONCILIORUM GERMANIÆ SUMENDI
EX EPISCOPATIBUS GERMANIÆ.

Instituturi Collectionem Conciliorum Germaniæ primò constituamus terminos Episcopatum Germaniæ, ne alienis plumis, uti cornicula Æsopica, inflati, ansam demus calumniæ violatorum finium, vel alienæ Dioeceseos in Germaniam invectæ. Certum est quidem hoc Sæculo XVIII., Ecclesias olim, quæ Germanicæ fuere, in Territoria extraneæ nationis migrasse: unde à præsentis statu metiri Ecclesiarum vel primam originem, vel antiquiorem statum, incongruum est, & erroneum.

Cogitavi igitur distinguenda esse tempora, ut secernantur Jura: duasque mappas geographicas Lectori exhibendas, veteris, & præsentis Germaniæ Catholicæ. Veteris Germaniæ Episcopos intelligo eos, qui à Sæculo quarto ad decimum quintum absolutum recensiti fuere in Matricula Imperii, veluti membra, Proceres, & Principes Sacri Romano-Germanici Imperii:

Quem in finem addidi *præfationem* chorographicam, seu notitiam omnium S. R. I. Episcopatum ab Anno 300. Christi ad 1500. Tomo IV. aut V. præmitteretur alia charta, & notitia chorographica mutationum, quæ in Dioecesibus Germanicis acciderunt ab 1500. ad 1750.

§. XX.

QUÆ PERSONÆ DE JURE VEL CONSUETUDINE
VEL DE FACTO CONCILIIIS INTERSINT?

„**C**oncilia Ecclesiastica Catholica, uti primum Solymæum, de Jure ordinario non constant, nisi ex iis, quos Spiritus S. posuit Episcopos, ad regendam Ecclesiam DEI *Act. XV.*

Est enim in Ecclesia Christi, uti in omni ordinata Republica, ab ipsomet Christo institutum discrimen inter oves, & Pastores: inter docentes, & discentes: inter Magistros & Discipulos: inter Patres Spirituales, & filios in Christo genitos. *Verbo*, datur Jurisdictio Spiritualis, à Christo derivata in Petrum, & Apostolos, & Episcopos, Apostolorum Successores, quod Catholici Doctores clarissimè probant, Primò ex Sacris Literis: Secundò ex perenni usu hujus Sacræ potestatis, indè à Petro ad Clementem XIII.: ab Jacobo Solymæ Ecclesiæ Episcopo, ab Materno Agrippinensis Ecclesiæ Episcopo primo ad præsentem Clementem Augustum in Cathedra eadem sedentem.

Hanc Thesin uti apud nos certam & apud omnes Doctores Canonici Juris supponimus: hinc non probamus. Illud unum miror, DD. Protestantes, qui omnem potestatem in Sacra, & de Sacris, Regi, aut Domino Territorii tribuunt, jactare *Jus Canonicum*, cujus fundamento carent.

Ex hac Jurisdictione, à Spiritu Sancto data, sequitur, solos Episcopos de Jure cogere concilia, sive ad Dogmata proponenda, & ad errores proscribendos, sive ad mores cleri, & populi commissi corrigendos. Soli Episcopi *judicantes* Synodis subscribunt: soli votum *decisivum* habent.

Sententia hæc Catholicorum de Jurisdictione, Episcopis divinitus datâ, non debet displicere DD. Augustanæ confessioni additis : qui in Articulo VII. de *Potestate Ecclesiastica* Anno 1530. coram Carolo V. & S. R. I. Proceribus hæc declarârunt :

„Secundùm Evangelium , seu , ut loquuntur , de Jure Divino hæc Jurisdictionis competit Episcopis , ut Episcopis , hoc est , his , quibus est commissum ministerium verbi , & Sacramentorum , remittere peccata , Doctrinam ab Evangelio dissentientem rejicere , & impios , quorum nota est impietas , excludere à communione Ecclesiæ , sinè vi humana , sed verbo : hinc necessariò & de Jure Divino debent eis Ecclesiæ præstare obedientiam juxta illud ; *Qui vos audit , me audit.* *Celestinus Historia Comitiorum Augustæ* Anni 1530. pag. 185.

Eadem vox Catholicorum Ægyptiorum in Concilio Chalcedonensi : Synodus Episcoporum est , non Clericorum . . . superfluos foras mittere , Imperator Episcopos vocavit *Tomo IV. Conciliorum parte III.*

In Concilio Basiliensi Presbyteri , & Doctores Juris , & Principum , vel statum Legati admissi fuere ad suffragium decisivum , sed perperam , & contra morem *omnis* antiquitatis. *Bellarminus L. I. de Ecclesia. Cap. XV.*

DE CONSUETUDINE præter Episcopos etiam Seniores Ecclesiarum , quales sunt Prælati , Presbyteri , Abbates Monasteriorum , sæpe convocati fuere ad Concilia , non quidem cum facultate judicandi , vel voti decisivi ferendi , sed cum facultate , consilia sua præmendi . Generatim , qui interfunt Concilio , & non sunt Episcopi , votum habent consultivum. *Tournelius Tomo I. de Deo Q. 4. præviâ de Conciliis mihi pag. 170. Van Espen Juris Ecclesiastici universi parte I. Tit. XX. Cap. I. N. 16. 17.*

DE FACTO Laici Principes , & Reges intervenerunt multis , præsertim œcumenicis , & nationalibus Conciliis : Eadem suâ præsentia tuiti sunt , concordiam & pacem conservârunt : Executionem Decretorum Synodaliū promoverunt , hæreticos compescuerunt : Cæterum nullus Catholicus Princeps arrogavit sibi auctoritatem dogmatis Catholici definiendi , hæreses , & hæreticos judicandi : etsi hæreticos condemnatos à conciliis vel ad obedientiam flexendi , vel pœnis debitis coercendi. *Lege Benedictum XIV. L. III. de Synodis Cap. IX. Quo titulo Principes , aliique Laici intervenerint aliquibus Conciliis. Thomassinum de Conciliis, Dissert. III. ad Synodum Nicenam.*

EX FACTO Imperatorum Constantinii , Theodosii , & Caroli Synodos convocantium , vel Synodis præsentium immeritò colligitur , Synodorum œcumenicarum convocationem ad Romanum Pontificem non pertinere. *Quod egregiè demonstrat Natalis Alexander Histor. Ecclesiasticæ Sæculi IV. Dissertat. XI.*

§. XXI.

DE VARIO GENERE CONCILIORUM.

Post personas , quæ de Jure , vel consuetudine interfunt Synodis Ecclesiasticis , videndum est , quot generum Synodi celebratæ fuerint.

Distinguendæ sunt Synodi ipsæ in *Generales* , *Nationales* , *Provinciales* , *Diocesanas*.

GENE-

GENERALES proprio & rigoroso sensu sunt, & solum ex dicuntur, ad quas Episcopi totius orbis Catholici evocantur, invitantur, licet actu non interveniant. Hinc eadem dicuntur œcumenicæ, & universales. Qualis omnium consensu habetur prima Nicæna Anni 325., cui plurimi Orientales, admodum pauci Occidentales Episcopi, universim non nisi CCCXVIII. Patres interfuerunt.

Hujusmodi in Germania tres nuncupantur Constantiensis Anno 1414. Basileensis Anno 1431. Tridentina Anno 1546.

Quas toties jam editas in Conciliorum Generalium collectionibus Crabbii, Surii, Binii, Romana, Veneta, Regia Parisina, Labbei, Cossartii, Harduini, recudere opus non erit: sed ea tantum accuratius & plenius referre convenit, quæ à Germanicis Augustis, & Episcopis, in - & pro istis Synodis acta fuere, aut scripta.

Fuere etiam stilo veteri multæ Synodi *plenæ, generales, universales, plenissimæ* nuncupatæ, quarum Episcopi vix nationem unam alteramve excefferint: Exempla dat Thomassinus *de veteri & nova Ecclesiæ disciplina* Tom. II. Part. II. Lib. III. Cap. XLV.

Quancquam igitur plura Concilia Nationalia & Provincialia dicta fuerint *Generalia* vel *Plenaria*, vel *Universalia*, nostrâ tamen, & communi Dialecto XVIII. duntaxat reputantur Generalia Concilia, quorum primum est Nicænum Anni 325. & postremum Tridentinum in Germania Anno 1546. coeptum.

NATIONALIA Concilia in Germania multa habita fuere, inter quæ primum est anni 358. contra Arianos *pag. 1.* Illud anni 742. cui septem Episcopi nominati, præter alios Episcopos non specialiter nominatos interfuerunt. *pag. 48.* Concilium Liptinense anni 743. *pag. 50.* Moguntinum anni 752. *pag. 92.* Synodus in Duria, palatio Regio anni 779. *pag. 239.* Synodus Ratisbonensis anni 792. *pag. 287.* Francofordiensis anni 794. *pag. 288.* hæc ex septem primis sæculis indicamus: plura annis sequentibus sese offerent?

PROVINCIALE Concilium est, ad quod unius Provinciæ Episcopi sub Metropolitano Præside conveniunt.

DIOECESANUM denique, ad quod Ecclesiæ Antistes clerum suæ Diœceseos cogit. In œcumenico Concilio tractantur ea, quæ ad universæ Ecclesiæ doctrinam, pacem, quietem, mores spectant, quæ ad hæreses reprimendas, hæreticos coercendos, & corrigendos, Baptismi, & Sacramentorum usum legitimum opportuna sunt.

Nationale examinat sanam doctrinam Nationis unius vel plurium; & quæ ad disciplinam Cleri roborandam & faciendam conducunt.

Provinciale & Diœcesanum concilia inquirunt & statuunt de doctrina orthodoxa, disciplina, & moribus unius Diœcesis, aut plurium.

§. XXII.

DE EPISCOPIS APUD CURIAM PRINCIPIS MORANTIBUS.

Episcoporum numerus ordinariè apud Aulas Regum frequens erat, quos vel Reges ipsi consilii causâ accersebant, vel qui ob causas suæ Ecclesiæ aut miserabilium agendas illuc ventitabant.

De Orientalibus Constantinopolim confluentibus Episcopis , Legatur *Thomasassinus Tom. II. Parte II. L. III. C. 43. de veteri & nova discipl.*

Nos in Occidente maneamus & in Germania. Anno Christi 386. plures Episcopi Treveros confluerant ad aulam Maximi Imperatoris : quam & duo Sanctissimi antistites istius sæculi, Ambrosius, & Martinus iustissimâ de causa adierant.

Quo in loco duo Concilia Ecclesiastica agitata fuere , pag. 51. hujus voluminis descripta ex *Sulpitio Severo*.

In Aula Pippini , Caroli Magni , ordinariè erant Episcopi , diversis licet ex causis eò vel profecti , vel vocati.

Quos inter eminebat Episcopus Cancellarius , vel Archi-Capellanus , uti Chrodegangus sub Carolo Martello ; Angilramnus & Hildebaldus sub Carolo M. de quibus pag. 329. videre est licentiam Pontificis & consensum Synodi Francofurtensis anni 794. Unde & legimus tot Episcoporum Concilia coacta fuisse in *Palatiis Regum Franciæ : Verno , Liptinis , Attiniaci , Aquis , in Duria , Noviomagi , in Ingelheim , Triburia , Francofurti* , quæ omnia erant Palatia Regum, & Conciliis plurimis nomen dederunt, quod notatu dignum est : Quia Concilia Ecclesiastica per se in Ecclesiis, vel in Secretario, Ecclesiæ contiguo, ubi Sacri Libri pro sacrificio & officio reponebantur, celebranda sunt, & celebrata fuerunt; Attamen ob reverentiam Regum, eorûmque protectionem & auctoritatem sacris cœtibus acquirendam conveniens erat & commodum palatia Regum adire.

§. XXIII.

CUJUS SIT CONVOCARE CONCILIA?

Oecumenicum Concilium Jure Romanus Pontifex convocat. Non demonstrabimus hanc Thesin multis rationibus, sed facto uno & altero.

Primi Oecumenici Concilii Nicæni primum Locum tenuit Osus , Episcopus civitatis Cordubæ , Vitus & Vincentius , Romanæ Ecclesiæ meri Presbyteri, ante Patriarchas , Primates , & Metropolitans , & omnes Orientis Episcopos.

Hoc factum indubitatum est. Lege subscriptionem in omnibus codicibus Mss. antiquissimis pag. 140. & vide , quinam primo Loco inter CCCXVIII. Patres subscripserint , judicârint , definierint Symbolum fidei contra Arium , & XX. Canones de disciplina Ecclesiasticâ. In reliquis subscriptionibus Episcoporum variæ Lectiones sunt , sed in his tribus nominibus scribendis primo loco, concors est Mss. codicum scriptura.

Alterum factum est anni 1530. quo omnes Germani Principes & Status , etiam septem protestantes , judicarunt Augustæ Vindelicorum. Concilii Oecumenici, vel Nationalis indictionem à Romano Pontifice per Carolum V. Augustum petendam esse : & septem , tum Luthero addictos status , idem judicâsse , & rogâsse Cæsarem , factum est indubitatum.

Erat ergo anno 1530. sentus universæ Germaniæ , Procerum , & populorum , ad Romanum Pontificem spectare indictionem Concilii Generalis & Nationalis. Vide præfationem Confessionis Augustanæ impressam apud Cælestinum in *Historia Comitiorum Anni 1530.*

Concilia autem Oecumenica & Nationalia congruum , & conveniens est ,
non

non sine consensu Principum & Regum fieri : quod Catholici Principes Constantinus , & alii Imperatores Orientis , Carolus M. & Imperatores ac Reges , Franci & Germanici , demum Carolus V. opere ipso declararunt , dum suam augustam operam & sæpe personam , aliàs Legatos suos Conciliis , & auctoritatem & benevolentiam libentissimè impenderunt.

Quo sensu Augusti & Reges dicti fiderint Concilia convocasse , eis præfedis-
se, *in digressionē ad Sæculum VIII. dicemus.* Minor auctoritas requiritur ad indi-
cenda Concilia Provinciæ , aut Dioeceseos unius , nam ad illam Archi-Episcopi ,
ad hujus Episcopi voluntas rationabilis sufficit. Archi-Episcopo impedito , vel
mortuo , Senior Comprovincialis Episcopus Provinciale Synodum indicit &
convocat. Observat Thomassinus , Concilia Nationalia , & Provincialia priùs ,
quàm Dioecesana adhibita fuisse in Ecclesia. Antiquissima enim illa de Baptismo
hæreticorum sub Firmiliano in Oriente , sub S. Cypriano in Africa fuere natio-
nalia :

Ancyranum Concilium antiquissimum in Codice Dionysii exigui, XV. annis
ante Nicænum , nationale erat, XXVIII. Episcoporum ex variis Provinciis Asiæ
minoris : itidem Neocæsariense in eodem codice , Carolo Magno oblato , Natio-
nale erat.

Provincialia & Dioecesana seriùs fuere celebrata , post primum autem Mil-
lenarium plura unius Provinciæ ac Dioeceseos , pauciora Nationis integræ Con-
cilia numeramus.

Summi Pontifices , sæpissimè Germanos , & aliarum nationum Episcopos
hortati fuere , ad Concilia Provincialia , vel Dioecesana celebranda , sed ordina-
riè iis præfedit , ea convocavit solus Archi-Episcopus , vel Episcopus.

Testis est Epistola gemina S. Gregorii Magni ad Reges Francorum Theodori-
cum & Theodebertum pag. 22. 23. ad Synodos celebrandas admonentis , & per
Bonifacium Legatum suum præfidentis variis Conciliis in Germania & Francia.
Sed hæc extraordinaria fuit præfidentia , non ordinaria Synodorum Provinciali-
um , vel Diocesanarum.

§. XXIV.

DE TEMPORE CONCILIORUM CELEBRAN- DORUM.

Sacrum Nicænum Concilium Canone V. statuit : “Placuit Annis singulis per
„unamquamque Provinciam bis in Anno Concilia celebrari : ut communiter
„omnibus simul Episcopis Congregatis Provinciæ , discutiantur hujusmodi quæ-
„stiones pag. 138. Hic sermo est de Provinciali Concilio sub Archi-Episcopo ce-
lebrando ob delicta , & poenas Canonicas , delinquentibus infligendas.

Secundò in eodem canone ulterior definitio procedit : Unum Concilium
celebrandum ante quadragesimam Paschæ : Secundum circa tempus autumnii.
Equidem Canone XXXVIII. pag. 134. hujus Libri inter Apostolicos perantiquos ,
idem statutum legitur. “*Bis in Anno Episcoporum Concilia celebrentur ; ut in-
„ter se invicem dogmata pietatis explorent , & emergentes Ecclesiasticas contentio-
„nes amoveant.* Verùm in Concilio Chalcedonenfi cùm hic zelus Conciliorum

cogendorum refrigeret, Cap. XIX. (pag. 179.) renovata fuit lex antiqua saluberrima: "Pervenit ad aures nostras, quòd in Provinciis Statuta Episcoporum Concilia minimè celebrentur, & ex hoc plurima negligantur Ecclesiasticarum causarum, quæ correctione indigent: Decrevit itaque S. Synodus fecundùm Canones Patrum, Episcopos bis in anno in idipsum in unaquaque Provincia convenire, quò Metropolitanus Antistes probaverit.

Nihilominus eadem lex variè in variis locis Orientalium & Occidentalium Ecclesiarum observata fuit. In Germanico Concilio anni 742. statuitur per annos singulos Synodum congregandam.

§. XXV.

MATERIA CONCILIORUM.

Supereft, ut videamus, quæ fit materia Conciliorum Ecclesiasticorum. Ea apud Catholicos alia esse non potest, quàm hæc triplex: 1. Fidei conservatio, promulgatio, & errorum ac hæresum confutatio, Hæreticorum & Ethnicorum ad fidem veram Conversio, aut ex Ecclesia depulsio. 2. Disciplina Cleri, & populi: sublatio, & punitio abusuum aut delictorum, & correctio delinquentium. 3. Ordo & pax in Hierarchia Ecclesiastica inter Clericos, Monachos, & Laicos. Hæc spectant ad forum Ecclesiæ & Episcoporum.

At in eodem Conventu inveniuntur tractata negotia tum Ecclesiastica; tum politica ad Civitatis regimen & pacem spectantia?

Respondeo, id reverà factitatum fuisse, at eà discretione & prudentiâ, ut Ecclesiastica Episcopis, sæcularia Comitibus deliberanda committerentur; utrorumque sententia audiretur, ac demum Rex Regiâ autoritate suâ Clerum, & populum ad observantiam Capitulorum Sanctorum obligaret.

Clarissimum hujus facti argumentum sufficit Moguntina Synodus anni 813. à Carolo M. celebrari jussâ, præter quatuor alias in quatuor civitatibus Regni sui eodem Anno celebratas.

Ad eam Synodum convenerunt Episcopi Abbates, Comites, Judices Regii. Post Triduanum cum Litaniis jejunium, ab omnibus observatum, convenerunt universi in Claustro Basilicæ sancti Albani Martyris Moguntiæ. Funditur oratio, & gratiarum actio pro Imperatore, Ecclesiæ DEI Tutore. Dein fit ex communi consensu divisio Procerum in tres turmas, seu Collegia, seu Cameras, uti nos loqui amamus. In prima turba confederunt Episcopi XXX. cum quibusdam Notariis, legentes atque tractantes sanctum Evangelium, nec non Epistolas, & Actus Apostolorum: canones quoque, ac diversa Sanctorum Patrum opuscula, pastoralémque Librum GREGORII, cum cæteris sacris dogmatibus, diligenti studio perquirentes, quibus modis statum Ecclesiæ DEI, & Christianæ plebis profectum sanâ doctrinâ & Exemplis justitiæ inconvulsam, largiente gratiâ DEI, perficere, & conservare potuissent. In alia verò turma confederunt Abbates XXV., ac probati Monachi, regulam S. Benedicti legentes, atque tractantes diligenter, qualiter Monachorum vitam in meliorem statum atque augmentum cum DEI gratia perducere potuissent. In tertia denique turma sederunt Comites, & judices, mundanis legibus decertantes, vulgi justitias perquirentes,

quirentes, omniumque advenientium causas diligenter examinantes, modis, quibus poterant, justitias terminantes. Canones in Moguntino & quatuor aliis Conciliis conditos Imperator voluit ad se mitti, confirmandos, aut supplendos, aut emendandos: sic enim loquuntur P. P. Concilii Moguntini in *præfatione*.

„De his tamen omnibus valde indigemus vestro adiutorio, atque sanâ doctrinâ, quæ & nos jugiter admoneat, atque clementer erudiat, quatenus ea, quæ paucis subter perstrinximus capitulis; à vestra autoritate firmentur; si tamen vestra pietas ita dignum esse judicaverit; & quidquid in eis emendatione dignum reperitur, vestra Magnifica Imperialis dignitas jubeat emendare. Similem Clausulam Concilii Arelatensis V. refert PAGIUS in Critica anni hujus n. XIX. Canones LVI. à Crabbe, Surio, Binio, & Synodographis descripti spectant tantum Clericos & Monachos. Baluzius autem præter Canones Moguntini Concilii anni hujus, & Canones quatuor Conciliorum, de quibus ipse non agit, habet Capitularia tria, inter quæ primum est Capitulare ex his V. Synodis conflatum, Capitulum XXVII. Capitulare secundum & tertium hoc anno 813. Mense Decembri sunt Aquis data, quæ continent tum Ecclesiastica, tum politica decreta.

Ex actis hujus Synodi anni 813. conficitur, Reges Francorum, etsi in eadem Synodo Episcopos, & Comites convocari jusserint, & de causis tum Spiritualibus, tum Civilibus egerint; easdem tamen separasse, & alias causas Episcopis, alias Comitibus examinandas, & definiendas commisisse, adeoque ex simultaneo conventu Personarum diversi ordinis perperam deduci, vel concludi, quod Civiles Judices, Comites, Duces se dijudicandis causis Spiritualibus immiscuerint, & contra Episcopi politica, civilia negotia definierint. Neutrum rectè, neutrum verè dicitur. Hinc Libri Capitularium fecerunt Capitula Imperialia & Regia ab Episcopalibus & Ecclesiasticis: Capitula Legalia à Sacris & Canonjcis. Uti Martinus Braccarensis Ecclesiastica & secularia negotia Laicorum separavit. Idem Regino fecit, neque præsentia Regum, interventio, convocatio, præsidium, si ita loqui vis, autoritatem ad definienda dogmata fidei vel hæreses damnandas infert Laicis.

MARTIANUS Imp. in *Oratione ad Synodum Chalcedonensem*. „Nos (ait) ad fidem confirmandam, non ad potentiam aliquam exercendam, exemplo religiosi Principis Constantini, Synodo interessè voluimus; ne vel alterius populi pravis suasionibus separentur. Citatus à De Marca L. I. T. II. *Concordiæ Sac. & Imperii* Cap. 6. n. 14.

S. AMBROSIUS Ep. XXXIII. „Allegatur Imperatori licere omnia: ipsius esse universa. Respondeo: Noli te gravare, Imperator! ut putes te in ea, quæ Divina sunt, Imperiale aliquod jus habere. Noli te extollere: sed si vis diutius imperare, esto Deo subditus. Scriptum est; *Quæ DEI DEO; quæ Cæsaris Cæsari*. Ad Imperatorem palatia pertinent, ad Sacerdotem Ecclesiæ. Publicorum tibi mœnium jus commissum est, non sacrorum.

THEODOSIUS Imp. in Epist. ad Synodum *Ephesinam*: Candidianum, ait, „ad Sacram Synodum vestram abire jussimus, sed eâ lege, & conditione; ut cum quæstionibus & controversiis, quæ circa fidei dogma incidunt, nihil

„quidpiam

„quidpiam commune habeat. Nefas est enim, qui Sanctissimorum Episcoporum „catalogo adscriptus non est, illum Ecclesiasticis negotiis & consultationibus se „immiscere. *Citat. à De Marca loco allegat.*

Perperam igitur, & contra omnem antiquitatem, contra publicam professionem Imperatorum Orientis, & Occidentis, & Regum faciunt, qui Jurisdictionem Sacram, & præsertim auctoritatem docendi Laicis tribuunt, & ideo Regibus tribuunt hanc potestatem, quia interfuerunt Conciliis Episcoporum.

§. XXVI.

DE SYNODO AGRIPPINENSI ANNI CCCXLV.
ALIISQUE PRÆTERMISSIS.

ERunt, qui me reprehendant ob omisam Synodum Agrippinensem Anno CCCXLV. quæ à Synodographis Surio, Binio, Sirmondo & cæteris magno apparatu in fronte Synodorum Germaniæ, & Galliæ collocari solebat, & à Schannato fuerat adnotata. Verùm, priusquam collectionem Germaniæ Synodorum aggrededer, contineremque me intra angustam periodum Synodorum Colonienſium perficiendam, jam decreveram apud me; hanc Synodum spectatis omnibus nullam fidem mereri, & sæculi IX. aut decimi figmentum esse, quod Abbas Laubienſis Harigerus sæculi XI. initio, velut emblemæ memorandum, Historiæ Episcoporum Leodiensium inseruit, unde gloria Sancti Servatii Episcopi Tungrenſis, & Maximini Treverensis, cæterorumque Germaniæ Rhenanæ & Galliæ Antistitum illustrior evaderet. Imò ex ea Synodo posteriores scriptores probarunt existentiam Episcoporum suæ Ecclesiæ. Carolus à S. Paulo in Geographia sacra Episcopos Argentinenses, Spirenses, Vangionum &c. primos in hac Synodo subscribentes, & Photini hæresin damnantes demonstrasse se mirifice opinatur.

Meo iudicio, spectatis omnibus, quæ ingeniosissimi critici pro hac Synodo tuenda & retinenda excogitarunt, manent insanabiles contradictiones, tum ex ratione temporis, tum ex ratione personarum, tum ex ipsomet errore Photini, qui damnatus illic fuisse narratur, ut eam jam sustineri nulla ratione videam. Taceo adhuc silentium omnium coævorum & supparium à Sæculo quarto ad XI. quo scribebat Harigerus; sed quid dico silentium? coævi scriptores ea scribunt de his annis & personis, quæ nullo colore veri conciliari possunt cum actis & personis Concilii Agrippinensis.

Certum est primò: Euphratam Episcopum Agrippinensis Coloniz, quæ est superioris Galliæ Metropolis, cum Vincentio Capuano Episcopo Legatum fuisse ex Concilio Sardicensi Anno CCCXLVI. celebrato, ad Augustum Constantium.

Certum secundò: Maximinum, Servatium, Euphratam, cæterosque in Agrippinensi Synodo laudatos, interfuisse Synodo Sardicensi: unde Historia Episcoporum Germaniæ nihil detrimenti facit, eliminatâ vel obscuratâ Agrippinensi Synodo: habet enim sinceriores & indubitatum fontem pro suis Episcopis sæculi quarti asserendis, nempe SARDICENSEM Synodum.

Certum

Certum tertio : Photini hæresin non ante annum CCCXLVI. & Synodum Sardicensem innotuisse Ecclesiæ Orientali. Quomodo igitur Patres Ecclesiæ Occidentalis, tanto intervallo locorum & temporum disjuncti, anno uno citius eam Coloniz rescire & damnare potuerunt? Quomodo Euphratas veluti huic errori infordescens & contumax ante annum CCCXLVI. damnari?

Certum quarto : Euphratam Coloniensem S. Athanasio, & Maximino & Patribus Concilii Sardicensis Catholicis & perspicacissimis Doctoribus notum fuisse, uti insignis virtutis, & orthodoxæ fidei elogio celeberrimum Antistitem; nec à cœvo scriptore ullo nominatum sine commendatione ejusdem fidei Catholicæ, ac virtutum omnium choro.

Certum quinto : S. Maximinum ante ann. 349. ex Oriente non rediisse ad suam Ecclesiam Treverensem, & anno eodem defunctum. Euphratas noster Colonienfis anno 346, 347, 348. fuit in Oriente, & non Colonia.

Hinc jam facillimè diluitur, quidquid pro defendendâ Synodo nostrâ à Surio, Binio, Crombachio hætenus excogitatum fuit.

Prima evasio : Euphratas, à Synodi Sardicensis Patribus Legatus ad Augustum, fuit Episcopus Agrippinensis & Colonienfis, sed non Agrippinensis nec Colonia in Germania vel Gallia : nam Agrippinenses Episcopi in Africa memorantur; In Asia verò sunt duo Colonienfes Episcopi, pag. 142. 185. hujus Collectio- nis laudati. Unde non palliatur hæresis Euphratæ Colonienfis ad Rhenum ob Orthodoxiam aliorum Episcoporum, qui Agrippinenses vel Colonienfes scribuntur.

Respondetur, S. Athanasium non *apud* affirmasse, Euphratam legatum fuisse ex Sardicensi Concilio, sed Euphratam Episcopum Agrippinæ, quæ est superioris Galliæ Metropolis, adeoque hoc effugium Mörckensii nullum esse liquet, imò jam tum præclusum fuisse ab S. Athanasio, qui coram Euphratam viderat, & noverat : & mille testium instar unus est.

Alter evasio. In Data hujus Synodi error cubat. Non enim an. CCCXLV. sed Anno CCCXLVIII. vel CCCXLIX. celebrata est : triennio, aut quadriennio post Datam in libris impressis extantem.

Respondetur, parum verosimile esse, lapsum Euphratam in hæresin fuisse post biennium, quo cum Patribus Catholicis Sardicæ, cum præstantissimis Catholicæ Fidei vindicibus Athanasio & Maximino in Oriente conversatus est, & pro Catholica fide servanda legatione functus fuit, & adeò derepente aberrasse à Doctrina tanto tempore in facie Concilii, Ecclesiæ, & Aulæ Constantii Augusti propugnata.

Respondetur secundo : Falsæ igitur & commentitiæ sunt concertationes inter Euphratam, & Maximinum, & Athanasium, & pertinax professio erroris Photiniani coram his Episcopis; quæ nulla verisimilitudine ab hujus Synodi auctore conficta sunt, quibus tutandis decem minimum mendaciis opus esset : nec sic tamen fidem mereretur.

Respondetur tertio : Maximinum Anno 349. defunctum non potuisse Synodo præsidere.

Tertia evasio est : Nihil novi aut miri esse, quod Episcopi lapsi in hæresin,

sed resipiscences, fuerint restituti priori gradui, & ad officia Ecclesiastica adhibiti.

Quamvis ergo deaus, Euphratam Anno 345. lapsum fuisse, potuit resipiscere, & suam resipiscenciam Patribus Sardicenfibus demonstrâsse, adeoque ab iis adhiberi ad legationem obeundam, pro Catholicæ Ecclesiæ Antistitibus revocandis.

Respondetur : Primò probandus fuisset lapsus Euphratæ, post de eo sanando vel tegendo cogitandum esse.

Quomodo autem lapsus tanti viri, in tanto Concilio palam damnati, depositione publicâ ab Episcopali cathedra diffamati, fugisset omnes scriptores sæculi quarti, qui lapsus Oñi & aliorum Catholicorum Antistitum longè minores non dissimulârunt?

Respondetur secundò . Ea resipiscencia nec probatur ab ullo scriptore coævo aut suppare, sed Sancti Severini Colonienfis Antistitis immediarè secuta surrogatio in Cathedram Coloniensem vacantem constanter asseritur : Nec ullus antiquus autor resipiscenciæ Euphratæ meminit : unde gratis citra ullum testimonium hæc asseritur pro fabella Concilii pratenfis defendenda.

Secundò omisimus Concilium in Provincia Colonienfi, aut in Austrasia, sub Theodorico III. circa DCLXIV. celebratum, in quo S. LAMBERTUS Tungrensis Episcopus, & S. LEODEGARIUS Augustodunensium Episcopus, de sedibus suis dejecti & in exilium pulsi asseruntur, consilio Ebroini majoris Domûs, cui Episcopi in Concilium acciti, aut adulando consenserunt, aut tacendo instar canum mutorum iniquo Ducis judicio non se opposuerunt.

Primus Assertor hujus Concilii est SIGEBERTUS in Chronico ad Annum DCLXXXIII. Ubi cum narrâset, Ebroini consilio Episcoporum Synodum coactam fuisse, in qua multi Episcopio privati, alii insuper irrevocabili exilio damnati fuerint ; addit sub tam procelloso tumultu etiam S. LAMBERTUM Episcopatu Trajectensi amotum fuisse, & septennio Strabulensi in Monasterio delituisse. Sigebertum secutus est Illmus Baronius ad annum DCLXXIV. verùm in *actis Sanctorum Septembr. Tom. V. pag 528.* Suyskenius Commentator ad vitam S. Lamberti hanc Synodum negat intercessisse. *Ratio I* : Quia ex septem Biographis S. Lamberti, quatuor Sigeberto anteriores nil de hac Synodo meminerunt : etsi amotionem à Cathedra accuratè descripserint. *Secundò* ex eo, quòd S. Leodegarius fuerit fortè Synodo coactâ dejectus, non sequitur S. Lambertum eadem viâ depositum fuisse. *Tertiò* annus à Sigeberto adnotatus non congruit Chronologiæ antiquorum Biographorum, juxta quam S. Lambertus circa DCLXXIV. amotus, & circa DCLXXXI. restitutus est, ut hagiographi demonstrant. Hæc sunt, benevole Lector, quæ tum amicorum suâsu, tum Consilii mei exponendi causâ præfari volui, & quæ ad plenam noticiam Ecclesiarum Germaniæ consequendam opportuna censi, auditurus lubenti animo, quemcunque meliora suggerentem.

PRÆFATIO CHOROGRAPHICA

ET
HIERARCHICA,
DE

EPISCOPATIBUS GERMANIÆ
AB ANNO CHRISTI CCC. AD MD.

CAPUT PRIMUM.

QUI, ET QUOT DE HIERARCHIA GERMANICARUM
ECCLESIARUM SCRIPSERINT?



Qui Episcopatus ad Germaniam pertineant à Sæculo IV. ad XV. à Christo nato, sperabam, me ex CAROLI à S. PAULO Episcopi Abrincensis *Geographia Sacra*, seu *Notitia antiqua Diæcesum omnium*, Amstelodami elegantissimo typo anno 1711. cum notis *Lucae Holstienii* recusâ, descriptionem; sed præter opinionem accidit mihi, quod in totius Orbis Catholici, primo millenario noti, descriptione ab illo facta, nulla Ecclesia Germaniæ, nulla Germanica Diæcesis reperiatur. Galliæ, Hispaniæ, Illyrici Occidentalis & Orientalis: Patriarchatus Orientalium Ecclesiarum, Constantinopolitanæ, Antiochenæ, Jerosolymitanæ, Alexandrinæ demum, & Africa Ecclesiæ, Diæceses; Metropoles sunt & historicè descriptæ, & in æs incisæ; nihil hujusmodi de Germaniæ Ecclesiis expecta.

Potuiſſet tamen earum mentio honorifica fieri inde à II. Sæculo Christiano, quo scribebat *S. Irenæus*, Lugdunenſis Episcopus, affirmans *L. 1. adversus Hæres. Cap. III.* "Has, quæ in Germaniis sunt Ecclesiæ, non aliter credere, nec aliter tradere, quàm Ecclesias in Iberis, in Celtis, in Oriente, in Lybia."

Ante Illustriss. *Carolus à S. Paulo*, qui anno 1640. ediderat *Geographiam sacram*, *Melchior Haiminsfeldius Goldastus* Francofurti anno 1606. typo vulgavit rerum Alamannicarum Tomos tres. Tomo III. inseruit brevem annotationem de civitatibus, & Metropolitibus orbis Catholici, & quales hæ sub se habeant civitates, erutam ex vetustissimo codice, qui anno Regni Caroli M. XLII, Imperii autem IX. scriptus est, judice Goldasto. In eâ sequentes Provinciæ, Metropoles & civitates Germanicæ enumerantur.

Prima Provincia Belgica habet civitates numero IV.

Metropolis civitas Treveris.

Civitas Mediomartis, id est, Metis.

Civitas Lecorum, id est, Tulla.

Civitas Viriduno.

Secunda Provincia Belgica habet civitates numero XII.

Metropolis civitas Remis.

Civitas Seffionis.

Civitas Catalonis.

Civitas Veremundis, id est, Noviomacus.

Civitas Atravitum.

Civitas Camaracus.

Civitas Turnacus.

Civitas Silvanetis.

Civitas Belviaco.

Civitas Ambianis.

Civitas Morinus, id est, Ternacus.

Civitas Bononia.

Prima Provincia Germaniæ habet civitates numero II.

Metropolis civitas Agrippina, id est, Colonia.

Civitas Tungris.

Secunda Provincia habet civitates numero VIII.

Metropolis civitas Moguntiacus.

Civitas Argentoratensis, id est, Stratburg.

Civitas Nemnetis, id est, Spira.

Civitas Wangionum, id est, Wormatia.

Civitas Wirtzburgensis.

Civitas Constantia.

Castrum Rubilocus, quod Eichsteti dicitur.

Civitas Augusta Vindelicum, id est, Auverpurch.

Provincia Bajoariorum, id est, Noricus Ripensis super Danubium, sive

Noricus Mediterraneus, habet civitates numero VI.

Metropolis civitas Juvavo, id est, Salzburg.

Civitas Regino.

Civitas Pataviæ.

Civitas Frisingensis.

Civitas Nova.

Civitas Sabionenensis.

Provincia Sequanorum habet civitates numero VII.

Metropolis civitas Vesontio.

Civitas Equestris, id est, Aventicus.

Civitas Basiliensis.

Civitas Vindonenensis.

Civitas Argentariensis.

Civitas Ebritunenensis.

Civitas Rauracensis.

Aubertus Miræus anno 1613. Antverpiæ edidit notitiam Orbis Christiani Libris quinque. Libro II. profert *Codicem Provinciale* veterem, vel *Provinciale Romanum*,

manum, ex quatuor MSS. Parisinis, qui codex jam antea Romæ anno 1603. impressus, & alibi recusus fuerat.

In eo leguntur octo Archi-Episcopatus in Alemannia.

Moguntinus Archi-Episcopatus cum quatuordecim Suffraganeis.

Coloniensis Archi-Episcopatus cum quinque Suffraganeis.

Bremensis Archi-Episcopatus cum quinque Suffraganeis.

Rigenfis Archi-Episcopatus cum sex Suffraganeis.

Magdeburgensis Archi-Episcopatus cum quinque Suffraganeis.

Salisburgensis Archi-Episcopatus cum octo Suffraganeis.

Treverensis Archi-Episcopatus cum tribus Suffraganeis.

Vesontionensis Archi-Episcopatus cum tribus Suffraganeis.

Ipse *Carolus à S. Paulo* in *Geographia Galliae* recitat acceptam à SIRMONDO notitiam Provinciarum & civitatum Galliae, *Honorii Augusti*, ut videtur, temporibus conditam, in qua recensentur

Provinciae Belgicae primae Metropolis civitas Treverorum,

Provinciae Germaniae primae Metropolis civitas Moguntiacensium,

Provinciae Germaniae secundae civitas Agrippinensium Metropolis,

Provinciae maximae Sequanorum Metropolis civitas Vesontionensium.

Post *Geographiam Caroli à S. Paulo* recusam Amstelodami anno 1711. subnequitur *Pavergon*, in quo quintuplex exhibetur *Notitia antiqua Patriarchalium & aliarum Ecclesiarum*.

I. Notitia Graeco-Latina ex codice Vaticano.

II. Notitia veterum Provinciarum, & urbium, quae sub Imperatore Romanorum apud Constantinopolim sedente reguntur, Graeco-Latina ex Vaticano eodem vetere codice.

III. Notitia Ecclesiastica ex Regia Bibliotheca Parisina, Graeco-Latina.

IV. Notitia quinque Patriarcharum, ex Regia Parisina Bibliotheca, Latina tantum. In hac septem Archi-Episcopales Ecclesiae Germaniae leguntur.

Archi-Episcopus Moguntinus habet sub se Suffraganeos: Pragensem, Moraviensem, vel Holomucensem: Eistetensem, Herbipolensem, vel Wirceburgensem: Constantiensem, Curientem, Argentinensem, Spirensen, Verdensen, Udemensem, Alunstatensem, Patterburnensem, Pandeburgensem, Augustensem.

Archi-Episcopus Coloniensis hos habet Suffraganeos: Leodiensem, Trajectensem, Monasteriensem, Mindensem, Osemburgensem.

Archi-Episcopus Bremensis hos habet Suffraganeos: Barduicensem, Solesvicensem, Raskeburgensem, Zermensem, Libicensem, Rigensem, vel Amonensem.

Archi-Episcopus Magdeburgensis hos habet Suffraganeos: Aldeburgensem, Brandeburgensem, Misensem, vel Misenensem: Merseburgensem, Cicensen, vel Nunburgensem.

Archi-Episcopus Salzeburgensis hos habet Suffraganeos: Pataviensem, Ratisbonensem, Frisingensem, Gurcensem, Brixinensem.

Archi-Episcopus Treverensis hos habet Suffraganeos : Metensem , Tullensem , Virdunensem.

Archi-Episcopus Bifuntinus hos habet Suffraganeos : Basiliensem , Laufanensem , sive Sillicensem.

In ultima notitia PARERGI , desumptâ ex veteri MS. Bibliothecæ *Thuane* , iidem septem Archi-Episcopatus Germaniæ enumerantur : sed inter Moguntini Suffraganeos additur Alberstadiensis , & Parabergensis , sub quibus nominibus latent Halberstadiensis , & Bambergensis. Rursum Bremensi subjiuntur Mickelburgensis , vel Cerinensis ; qui idem erit , ac supradictus Zermensis , pro Swerinensi. Rigenfis , seu Livenensis loco Amonensis : Soloniensis idem , qui Solesvicensis , Schlesvicensis. Salisburgensi subjiuntur Sequonensis , Riemensis , Lavendienfis , Remensis , Seckovienfis. Reliqua nomina eadem sunt , quæ in notitia quarta recitantur. Non mutavi Orthographiam Civitatum Episcopaliû Germaniæ , cum eadem satis notæ sint Historiophilis , & Germaniæ populâribus.

Linneus Tom. I. Juris Publici Imperii Romano-Germanici, Anno 1645. Argentorati Impresso Cap. VIII. edidit Catalogum Ordinum Sacri Imp. Romano-Germanici , qui intra annos circiter CCCC. civitati Germaniæ adscripti , jus suffragiorum in Comitibus habeant ; quem catalogum desumpsit tum ex tabulis publicis , quas *Friedericus III.* in Comitibus Ratisbonensibus anno 1471. In acta Imperialia referri mandavit , tum ex Recessibus & Matriculis Imperii variis , veteribus & novis.

Petrus Bertius Commentariorum de rebus Germaniæ Lib. II. Cap. III. hanc eandem matriculam excuderat Amstelædamensi typo *Joannis Janssonii* anno 1616. Quæ ideo adnoto , ne quis Tiro ex hodierno statu & numero Episcoporum metiatur statum & numerum Episcoporum Germaniæ ante annum MD. In istis autem Catalogis , seu Matriculis exeunte sæculo XV. inter membra Imperii Ecclesiastica sequentes leguntur

ARCHI-EPISCOPI.

Archi-Episcopus & Elector Moguntinus.
 Archi-Episcopus & Elector Trevirensis.
 Archi-Episcopus & Elector Colonienfis.
 Archi-Episcopus Aquilejensis Patriarcha.
 Archi-Episcopus Magdeburgensis , Primas Germaniæ.
 Archi-Episcopus Lugdunensis , Primas Galliæ.
 Archi-Episcopus Salisburgensis , Legatus Sedis Apostolicæ.
 Archi-Episcopus Bremensis in Saxonia.
 Archi-Episcopus Bisantinus in Burgundia.
 Archi-Episcopus Gnesnensis in Polonia.
 Archi-Episcopus Lundenfis in Dania.
 Archi-Episcopus Rigenfis in Livonia.
 Archi-Episcopus Pragenfis in Bohemia.

E P I S C O P I.

Bambergensis , immediatè sub Romano Pontifice.

Misnensis , immediatè sub Romano Pontifice.

S U F F R A G A N E I.

Sub Moguntino.

Episcopus Herbipolensis , qui & Wirceburgensis.

Episcopus Vangionum , qui & Wormatiensis.

Episcopus Nemetum , qui Spirensis.

Episcopus Argentinenfis , qui Strasburgensis.

Episcopus Aureatenfis , qui Eychstetenfis.

Episcopus Pragenfis ¶ à Carolo IV. in Archi Episcopatum

Episcopus Olomucensis ¶ Bohemicum translati sub Clemente IV.

Episcopus Constantienfis , qui & Merseburgensis , ad lacum Podamium.

Episcopus Curienfis in Rhætia.

Episcopus Verdenfis in Saxonia.

Episcopus Augustanus in Vindelicia.

Episcopus Hildesheimenfis in Saxonia.

Episcopus Paterbornenfis in Westphalia.

Episcopus Halberstadenfis in Saxonia.

S U F F R A G A N E I.

Sub Archi-Episcopo Coloniensi.

Episcopus Tungrorum , qui Leodiensis.

Episcopus Mimingerodenfis , vel Mimingardifurdenfis , qui Monasterienfis in Westphalia.

Episcopus Traiectenfis in Hollandia , qui Ultrajectinus.

Episcopus Mimindonenfis , qui Mindenfis in Westphalia.

Episcopus Osnabrugensis in Westphalia.

S U F F R A G A N E I.

Sub Aquilegiensi , vel Forojulensi.

Episcopus Tarvisinus in Marchia Veneta , quæ imperitè vulgò dicitur Vandalica.

Episcopus Polenfis , vel Polanenfis in Histria.

Episcopus Tergestinus , qui & Triestenfis in Histria.

S U F F R A G A N E I.

Sub Parthenopolitano seu Magdeburgensi.

Episcopus Martisburgensis , qui Merseburgensis.

Episcopus Moesianus , qui Michnenfis.

Episcopus Neapolitanus, qui Naumburgensis, olim Citizenfis.

Episcopus Brennopolitanus, qui Brandenburgensis.

Episcopus Havelburgensis.

S U F F R A G A N E I

Sub Archi-Episc. Juvavensi, seu Salisburgensi.

Episcopus Reginoburgensis, qui Ratisbonensis.

Episcopus Laureacensis, postea Pataviensis.

Episcopus Tridentinus.

Episcopus Brixinensis.

Episcopus Fraxinensis, qui Frisingensis.

Episcopus Chiemsensis, qui & Chiemseensis.

Episcopus Gorciensis, qui & Gurcensis in Carinthia.

Episcopus Seccoviensis, qui & Segoviensis.

Episcopus Laubianus, qui Laventinus in Carnia.

Episcopus Fabianensis, qui Viennensis in Austria.

Episcopus Neostadiensis: hic nondum Sessionem in Comitibus obtinuit.

S U F F R A G A N E I

Sub Hammaburgensi, sive Bremensi.

Episcopus Vagrianus, qui Lubecensis, olim Aldenburgensis.

Episcopus Suerinensis in Megalopolia.

Episcopus Libuffinus in Brandenburgia.

Episcopus Sleswicensis in Dania.

Episcopus Caminensis in Pomerania.

Episcopus Raceburgensis in Megapolia.

Episcopus Oborritorum.

S U F F R A G A N E I

Sub Bisantinensi, vel Burgundici.

Episcopus Rauracorum, qui Basiliensis.

Episcopus Aventicorum vel Antuaturn, qui Laufanensis.

Episcopus Bellicensis.

S U F F R A G A N E I

Sub Gneznenfi, seu Polonici.

Episcopus Vratislaviensis, qui Breslensis in Silefia.

Episcopus Clocensis in Masovia.

Episcopus Uladislaviensis, seu Leslawensis in Cujavia.

Episcopus Warmienses in Borussia.

Episcopus Cracoviensis in Polonia.

Episcopus Lublinensis in Polonia.

Hi sub Alberto I. Imp. & Wenceslao Rege Bohemiæ & Poloniæ inter Ordines Imperii celebrati memorantur, uti & Episcopus Poznanienfis, qui anno 968. sub Magdeburgenfi fuit, nunc est sub Gneznenfi.

S U F F R A G A N E I.

Sub Rigenfi, seu Livonici.

Episcopus Curienfis, qui & Curlandicus.

Episcopus Revalienfis.

Episcopus Oiseliensis.

Episcopus Torpatensis, qui & Darptensis.

S U F F R A G A N E I.

Sub Pragenfi, vel Bobemici.

Episcopus Olomucensis in Moravia.

Episcopus Lutomischlesfis.

Episcopus Blyzimenskianus. Hujus nomen non legitur in Reecessibus Imperii: attamen Goldastus eum enumerat ex matricula anno 809. condita.

S U F F R A G A N E I.

Sub Remensi.

Episcopus Cameracensis.

Episcopus Atrebatensis, qui & Arrasensis.

Episcopus Tornacensis.

Episcopus S. Audomari in Flandria.

S U F F R A G A N E U S.

Sub Viennensi in Gallia.

Episcopus Sedunensis, qui & Vallesianus, & Sittenfis.

S U F F R A G A N E I.

Sub Lugdunensi in Gallia.

Episcopus Cabillonensis, qui Chalonienfis, vel Schalonensis.

Episcopus Matifconensis in Burgundia.

E P I S C O P I.

Sub magno Magistro Ordinis Teutonici, qui in Borussia obtinet dignitatem Archi-Episcopi.

Episcopus Ermlandiæ.

Episcopus Heilspergenfis.

Episcopus Culmenfis, qui & Culmseensis.

Episcopus Premislavienfis.

Episcopus Pomeranensis.

Episcopus Sambienfis, qui & Samlandiæ.

Episcopus Rifeburgenfis.

Hi omnes, tanquam origine Germani, & in Provincia Germanica residentes, ad decidendas gravissimas Imperii controversias adhibiti fuerunt ante annum MD. alii stabiliter, alii per duo aut tria sæculi. Hactenus *Linneus loc. cit.*

Quis Status harum Diceesium fuerit post annum MD. dabimns suo loco ex *Oldenbergi Linneo enucleato Tom. I. L. I. C. V. & ex Hermanno Conringio de finibus Imperii Germanici.*

Caspar Bruschius Bobemus ex egra anno 1549. Norimbergæ edidit de omnibus totius Germaniæ episcopatibus epitomen, quam *Joannes Geroldus* anno 1551. Germanicam fecit.

Ex his manifestum videtur, scientiam Hierarchiæ Germanicarum ecclesiarum Illustrissimo Carolo à S. Paulo non defuisse, sed voluntatem, cujus causam non indago; sed mortuo bene precor.

Judicavi autem, Mappam Chorographiam episcopalium sedium Germaniæ, quotquot ab anno Christi CCC. ad MD. extitere, huic operi lucem esse fœneraturam, cui brevem in hac Præfatione addendum duxi notitiam Originis, simulque factas fortè in his sedibus mutationes Lectori indicandas post *Aubertum Miræum*, qui anno 1620. Lugduni edidit *Geographiam Ecclesiasticam*, in qua Provinciæ Metropoles, sive urbes titulo Episcopali illustres serie Alphabeti digestæ leguntur. Sequor & *Beyerlinck* in Theatro vitæ humanæ anno 1631. edito Coloniae verbo *Episcopus*.

Sequor & *P. Scherer è Soc. Jesu*, qui brevem Geographiam Hierarchiæ, sive Statûs Ecclesiastici Romano-Catholici per orbem universum distributi succinctam descriptionem Historico-Geographicam edidit anno 1703 Monachii. *P. Hadrianus Daude Professor publ. Historiarum in universitate Wurceburgensi*, Majestatem Hierarchiæ ecclesiasticæ conscripsit, anno 1745. Wurceburgi typis excusam, cujus Cap. IV. Sect. II. de Archi-episcopis Germaniæ: Cap. V. Sect. II. & III. de episcopis Germaniæ figillatim tractat. De iisdem agit *Pfessinger ad Vitriarium Tom. I. L. I. Tit. XV. Christophorus Wintzler I. V. L. de Jurisdictione episcoporum Germaniæ.*

Ex his condo sequentem Catalogum Sedium Metropolitanarum & Cathedralium Germanicarum.

CAPUT II.

Catalogus Ecclesiarum Germanicæ Hierarchiæ, seu Metropolitanarum & Cathedralium, additis earundem primordiis, & designatis Episcopis, qui easdem circa annum MD. tenuerunt.

MAGUNTIA METROPOLIS.

Archiepiscopus Moguntinus refert initia suæ Sedis ad tempora Apostolorum. Est Sacri Rom. Imperii Princeps, Elector, & Archi Cancellarius per Germanicam.

Anno

Anno MD. hanc regebat Ecclesiam *Bertboldus Comes ab Henneberg de Rembild*, in Episcoporum Moguntinorum ordine XCII. Archi-Episcopus LII. Elector XXXVI. *Judice Seravio.*

Suffraganeos tum habebat Episcopos XII. plures aliis annis huic Metropoli fuere subjecti, quos nunc ordine Alphabetico enumerabo.

ARGENTINENSIS Episcopus jam sæculo VII. erat *S. Amandus*. Hujus subin successores S. R. I. Principis & Landgravii Alsatiæ titulo fuere condecorati.

Anno MD. *Carolus Lotbaringæ Dux*, & S. Rom. Ecclesiæ Cardinalis, hanc Cathedralam tenuit Antistes LXXXII.

AUGUSTANI Episcopi suæ primordia ecclesiæ petunt à *S. Dionysio* circa annum Christi CCCII. *Judice Corbiniano Khamm.*

Anno MD. eidem præfuit *Fridericus Comes à Zollerén*, Episcopus Augustanus LVII.

BASILEENSIS Cathedra; olim Augustæ Rauracorum, fuit sub Visontino Metropolita maximæ Sequanorum, seu Lugdunensis V.: inde circa annum DV. Basileam translata. Eodem anno DV. *Adelphius* Rauracorum Ep. Synodo Aurelianensi interfuit.

Anno MD. *Caspar zu Rhin von Mulhusen* erat LI. Episcopus Basileensis.

BURABURGENSIS in Hassia Episcopus I. *Albinus*, seu *Witta*, à *S. Bonifacio* Legato Apostolico institutus fuit anno DCCXLI. sed paulo post sub secundo Antistite desit hic Episcopatus, ejusque major pars Paderbornensi, nonnulla Moguntinæ Diœcesi accessit.

CONSTANTIA ad *S. Beatum*, Apostolicæ ætatis virum, suæ refert Ecclesiæ originem, prius tamen Vindonissæ, quæ Suffraganea erat maximæ Sequanorum sub Vesonino Archi-Episcopo, fixa fuisse sedes, indeque circa annum DXCVII. Constantiam translata creditur.

Anno MD. *Hugo de Hobenlandenburg* hanc Ecclesiam moderabatur episcopus LXXXIV.

CURIA, Rhætorum civitas, ad Sæculum II. Christianum Evangelii lucem sibi illuxisse credit.

Anno MD. *Henricus Baro de Hohn* in ejus Ecclesiæ Cathedra sedebat.

EYSTAT, AICHSTADIUM (Aureatum aliàs dictum à civitate, quam Attila evētit) à *S. Bonifacio* primum accepit episcopum *Willibaldum* circa annum DCCXLI.

Anno MD. *Gabriel ab Eyb*, LII. hujus Sedis episcopus numerabatur.

ERPHESTFURT in Thuringia primum & ultimum habuit episcopum *Adalarium*, à *S. Bonifacio*, quæ Legato Sedis Apostolicæ, constitutum. Subinde ea Thuringiæ portio Moguntinæ Archi-episcopi ditioni incorporata fuit, hodièque manet.

HALBERSTADIUM primum episcopum vidit *Hildigrimum* sub Ludovico

Pio Imp. anno DCCCXIV. Jam sub Carolo M. Salingenstadii, sæculo VIII. ex-
eunte, designata illic dicitur fuisse Sedes episcopalis.

Anno MD. *Ernestus Saxonie Dux*, & Archi-episcopus Magdeburgensis, simul
Halberstadiensem administravit Ecclesiam, à *S. Hildegimo* trigessimus nonus.

HERBIPOLENSIS, seu WIRCEBURGENSIS episcopatus institutus est à
S. Bonifacio Legato Apostolico anno DCCXLI., primo hujus Sedis Præsule conse-
crato *Burchardo*:

Paulò ante annum MD. *Laurentius à Bibra* LXI. ejusdem ecclesiæ Antistes sa-
lutabatur.

HILDESHEIMIUM sub Ludovico Pio Imp. *Guntbarium* primum episcopum
obtinuit anno DCCCXIV., quanquam *Carolus M.* aulicæ jam pridem destinasset
virum, illi parti Saxonie invigilantem.

Anno MD. *Bertholdus Baro de Landsberg* mitram Hildesiensem simul & Verden-
sem gestabat, episcopus Hildefinus XLV.

PADERBORNA, à Carolo M. sæpius visitata, primum Wireceburgensi epi-
scopo commissa fuit. *Schatenus S. Hatbumarum* anno DCCXCV. primum illi epi-
scopum datum statuit, &

Anno MD. *Hermannum Hassum*, Coloniensem Archi-episcopum, ecclesiæ
Paderbornensis Administratorem, episcopum numero XXXVI.

SPIRENSIS Civitas, Nemetum præcipua Sedes, jam IV. Sæculo habebat
Fessen episcopum, Concilii Sardicenis collegam anno CCCXLVI., nec prioris
cujuspiam est memoria.

Anno MD. *Philippus à Rosenberg* Antistes LXVIII. eandem gubernabat.

VERDENSIS, ad Alleram & Visurgim confluentes sitæ civitatis, primus
episcopus dicitur *S. Smbertus*, qui tamen prius Bardevici, quàm Verdæ, stationem
fixerit.

Anno MD. Catholicum Præsulem numero XLIX. habebat *Bertholdum ex Ba-
ronibus de Landsberg*.

WORMATIA, Vangionum urbs capitalis, *Victorem*, Sardicensi Concilio
anno CCCXLVII. præsentem, & antiquissimum Præsulum suorum ostentat.

Anno MD. *Joannem à Dablbeg* episcopum LXII. venerabatur.

BAMBERGA, Franconie urbs, sita quidem intra Provinciam Moguntinæ,
attamen ab *Henrico Sancto* Imp. instituta ibidem & dotata ecclesia primum episco-
pum *Eberhardum* in Concilio gemino Francofortensi anno MVII. & MVIII. habuit,
eamque soli apostolicæ Sedi immediatè subiectam, declaravit Eugenius III. Papa,
Bullâ anni MCXLV.

Anno MD. *Henricus Grofs à Drockau* Antistes Catholicus XXXVI. Bamber-
gam pascebat.

PRAGENSIS & OLOMUCENSIS ecclesiæ ab Moguntie Archi-episcopo
exemptæ, infra suo loco memorabuntur. V. *Scrarium Moguntiacarum rerum* L. I.
C. XXII.

TREVERIS METROPOLIS.

TREVERIS, urbs antiquissima, ab Apostolorum ævo ecclesiæ suæ primum episcopum multis sæculis credidit *S. Eucharium*. Hoc sæculo *S. Agritius*, qui Arelatenſi I. Concilio ſubſcripſit anno CCCXIV., primus ejusdem Sedis certus episcopus ſcribitur à nonnullis.

Anno MD. *Joannes Marchio Badensis* hanc antiquissimam Cathedram rexit episcopus Cl., S. R. I. Elector, per Galliam, & Regnum Arelatenſe Archi-Cancellarius.

Suffraganeas habet Metas, Tullum, Verodunum.

METÆ, Mediomatricum civitas, primum episcopum *Clementem*, S. Petri Discipulum, ſuis in ſaſtis nominat. *Victor*, qui Concilio Sardiceniſi anno CCCXLVII. ſubſcripſit, notior eſt.

Anno MD. *Henricus*, Lotharingici ſanguinis Princeps, huic eccleſiæ præſidebat.

TULLUM, Leucorum civitas, *S. Manſuetum*, apoſtolorum diſcipulum, primum habet in catalogo ſuorum antiſtitum,

Anno verò MD. *Obricum de Blammont*, episcopum LXXI.

VERODUNUM, urbs Lotharingæ, *B. Santinum*, Concilii Sardiceniſis, anno CCCXLVII. celebrati, nobile membrum, primum ſibi fuiſſe episcopum, conſtanti, & univerſali traditione paternâ credit. Idem Anticlavorum episcopus dicitur apud *Chapeauvilleum*.

Anno MD. diem ſupremum vidit *Guilielmus de Haraucourt*, qui ſedis hujus LXXX. numeratur Episcopus à *Bucelino*.

COLONIA METROPOLIS.

COLONIA, Auguſta Agrippinenſium civitas, *Maternum*, apoſtoliſci ſæculi virum, Principem ſuorum Episcoporum ſtatuit. *Launoio*, & ejus ſequacibus *Maternus* nullus Coloniz vixit, niſi is, qui ſæculi IV. initio anno CCCXIII. Romano Concilio interfuit.

Anno MD. *Hermannus* ex *Haffæ* Landgraviis ſumma cum laude hanc Eccleſiam gubernabat Episcopus LXVI, per Italiam Archi-Cancellarius, Sedis apoſtoliſcæ Legatus natus, Dux Weſtphaliæ, S. R. I. Princeps Elector.

Suffraganeæ Coloniensis.

LEODIENSIS Eccleſia, antea Tungrenſis & Trajeſtenſis, primum episcopum ſuum *S. Maternum* numerat, eundem, quem Colonia, & Treveri præ ſe ferunt. *S. Servatius*, qui Sardiceniſi, & variis Synodis Sæculo IV. interfuit, notior eſt.

Anno MD. *Joannes Comes Hornensis* LXXXIII. Sedis hujus Episcopus fuit, teſte *Bucelino*. Scribitur Dux Bulloniæ, & Comes Loſſenſis.

MONASTERIENSIS, ſeu MIMIGARDEFORDENSIS in Weſtphalia Præſul I. fuit *S. Ludgerus*, designatus jam pridem à *Carolo. M.* circa annum DCCXC.

sed non ante annum DCCCIV. consecratus ab *Hildebald*o Archi-episcopo Colonienfi metropoli suo.

Anno MD. monasteriensibus præerat *Conradus Comes de Rietberg* Episcopus XLIV.

OSNABRUGENSIS, vel OSSEMBRUGENSIS Civitas, ab Anno DCCLXX. destinata modò fuit Sedes Episcopalis à *Carolo M.* *Wibo* primus ejusdem Episcopus initiatus est ab *Altfrido* Leodienfi comprovinciali suo anno DCCLXXX. judice *Schateno*.

Anno MD. eundem cum Monasterienfi ecclesia episcopum numero XLVIII. reverebatur *Conradum V. Comitem Rietbergensem*.

MINDENSIS Dicecesis *Ercambertum* episcopum primum non nisi anno DCCCIV. adiisse stabile regimen, judicat *Erkartus Tom. II. Hist. Franc.* ad h. annum.

Anno MD. *Franciscus Dux Brunswicensis* inter Catholicos hujus ecclesiæ Præsules LII. numerabatur.

ULTRAJECTENSIS Ecclesiæ, seu Wiltabergi primam curam sacram suscepit *Cunebertus* archi-episcopus Colonienfis : subin *Willibrordus*, & *Bonifacius* Apostolicâ prædicatione locum illustrârunt. Anno DCCLXXVII. post obitum *Gregorii* Abbatis, ecclesiæ Trajectensis ad Rhenum Rectoris, susceptus est *Albinus I.* à Colonienfi Metropoli episcopali dignitate donatus.

Anno MD. *Fridericus Marchio Badensis*, Antistes Ultrajectinus LVIII. clavum hujus ecclesiæ moderabatur.

BREMA, Visurgi incumbens civitas, *Caroli M.* Regis Zelo fidei præconem primum obtinuit *Willebadum*, anno DCCLXXX. in Wigmodiam & circumjecta loca missum. Hic anno DCCLXXXVII. Wormatiens in Synodo consecratur Bremensium episcopus, Metropolitæ Colonienfi suffraganeus, ut ait *Cranzius*. Anno DCCCXLVII. ecclesia Bremensis unita fuit Hamburgensi, simulque exempta ab obedientia sedi Colonienfi debita. Teste *Bulla Nicolai I. Papæ de anno DCCCLXIV.*

LAUREACENSIS METROPOLIS.

LAUREACUM urbs erat, haud procul à Danubio, & Anasò confluentibus sita : metropolis Norici, & Pannoniæ à Sæculo V. ad VIII. & IX. Ad *S. Marcum*, Apostolorum discipulum, exordia fidei & Cathedræ referebat. *S. Maximilianus* medio sæculo III. Laureacensium archi-episcopus & Martyr audit. Laureaco everso, Pataviam translata sedes. *Theodorus* ex Chor-episcopo Laureacensi primus Pataviensis Episcopus obiit anno DCXXXIII. *Urosphus* sæculo IX. Pallium ab *Eugenio II. PP.* accepisse scribitur : unde & usque ad extremum IX. & medium sæculum X. dicuntur archi-episcopi. Cæterum à sæculo X. ad XV. Patavienses episcopi suffraganei fuerunt sub Salisburgensi Metropoli.

Suffra-

Suffraganei Laureacensis Ecclesiæ certi fuere sequentes.

FAVIANENSIS, seu VINDOBONENSIS episcopus in Pannonia. Sæculo V. hanc sedem tenuit *Mamertinus*, sæculo IX. *Ratbfredus*. *Faviana*, seu *Fabiana*, & *Vindobona* rectè congruere nomen *Viennæ* Austriae, scribit *Hansitzius* Tomo I. *Germaniæ sac.* pag. 72.

SPECULIANENSIS Antistes *Methodius* anno DCCCXXIV. inclauit. Fors eadem hæc sedes est, quæ hodie Olomucensis.

NITRAVIENSIS episcopus *Adelwinus*, deinde *Wicbindus* sub *Woldinio* Laureacensi episcopo floruerunt.

VETUARENSIS in Pannonia episcopus sæculo IX. notus est sub *Urolpho* Metropolitæ.

Sequentes Episcopatus certi sunt ; dubitatur autem , quibus Archiepiscopis subiecti fuerint , Laureacensi , an Aquileiensi , an Juvaviensi.

CELEIANUS , seu CELEIENSIS episcopus *Joannes* Synodo Gradeni anno DLXXIX. affedit.

PETOVIENTIS , PETOVIONENSIS , seu PETABIONENSIS , *Victorinus* episcopus sæculo III. claruit , sæculo IV. *Marius* , & *Julianus Valens* intrusus , sæculo VI. *Virgilius*.

TIBURNIENSIS episcopus. Tiburnum urbs erat Norici mediterranei , cujus *S. Paulinus* sæculo V. erat episcopus. Deinde *Leonianus* & *S. Modestus*.

ÆMUNDA Urbs est Histriæ , in cujus reliquiis exstructa fuit civitas nova episcopalis sub Aquileiensi Patriarcha.

ÆMONA , EMONA vel HEMONA rectè cum Labaco, hodiernâ Carniolæ Metropoli, confunditur.

Concludo cum *Hansitzio* : Laureacensis Metropolis intra IV. & VIII. sæculum septem Suffraganeas sedes numerabat , vel septem Parochias , ut Pontifices loquuntur. In Pannonia superiore Vindobonensem , Stridonensem , Sisciacensem : in inferiore Mursensem , Cibulensem , Sirmiensem : in Mœsia superiore Singidunensem. An autem , & quæ ex his sedibus subinde ad Salisburgensem , aut Aquileiensem transferint : an & quæ civitates penitus extinctæ : quæ nomine mutato superint , nunc examinare non vacat. *Hansitz.* in *Corollar.* Tom. I. *Germ. Sacra.*

Lazius aliter hos episcopatus enumerat. Laureacensi Metropoli subfuerunt Tiberinensis , Quintaviensis , Pataviensis in Vindeliciis : Ovilabienfis in Norico Ripensi. Juvaviensis , Solienfis , Celeianus , Petovienfis , & Taurisanus episcopatus in Norico Mediterraneo. *Lazius* L. II. *Rerum Viennens.* C. II. cui subscribit *Miræus* in *Geograph. Ecclesiastica* , & *Caspar Bruschius*.

SALISBURGUM METROPOLIS.

SALISBURGUM, olim JUVAVIUM, primum episcopum *S. Rupertum* numerat, qui anno DCCXVI. cathedram fixit in Bajoaria sub Duce *Theodone*. Anno DCCXCIII. *Arno* episcopus VI., Primus Archi-episcopus, pallium accepit à *Leone III.* Papa.

Anno MD. *Leonardus* nobilis de *Keutjbach* Archi-episcopus XLVII. florebat, Sanctæ Sedis apostolicæ Legatus natus, Primas Germaniæ.

Ecclesiæ Suffraganeæ.

Augustana, cujus episcopus primus *S. Dionysius* scribitur à Bucelino circa annum CCXCVI. ab aliis CCCII. floruisse, & sub Salisburgenfi, vel Laureacenfi stetit: sed qui eum secuti sunt, certò fuere Suffraganei Metropolitæ Moguntini.

BRIXINA primum *S. Cassianum* episcopum circa annum CCCLX. Sabione residentem ostendit, unde Sabionenfes episcopi dicti; donec MXXXVIII. Sabione Brixinam sedes translata fuit.

Anno MD. *Melchior à Beckau*, S. R. E. Cardinalis, Brixinenfis episcopus in Comitatu Tirolis erat.

CHIEMSEENSIS episcopatus ad lacum cognominem institutus fuit ab *Eberhardo II.* Salisburgenfi Metropolitâ anno MCCXV. Primus Episcopus *Rudigerus de Radeb.*

Anno MD. ejusd. sedis antistes XXIV. fuit *Ludovicus Ember.*

FRISINGA primum episcopum *S. Corbinianum* habuit circa annum DCCXXX.

Anno MD. *Philippus, Comes Palatinus Rheni, & Baviaræ Dux* hanc cathedram ornabat.

GURCUM, civitas in Carinthia, à flumine Gurco nomen trahit: à Metropolitâ suo Salisburgenfi proprium & primum nata fuit episcopum, *Gunterum Comitem Helfensteinium* anno MLXXII. pro Carenthanis, & Sclavis juvandis.

Anno MD. *Raymundus Perauldus*, S. R. E. Cardinalis idem & episcopus Gurcensis erat.

LAVANTINA Dicecesis instituta fuit ab *Eberhardo II.* metropolitâ Salisburgenfi anno MCCXXVI. apud S. Andream in Laventmund. *Udalricus* primus ei episcopus datus.

NEOSTADIENSIS in Austria civitas, *Friderico IV.* Augusto erecta est sedes episcopalis anno MCCCCLXVIII. à Paulo II. Papa.

PATAVIENSIS (antea Laureacensis) à sæculo X. ad XV. subjectus fuit episcopus metropolitæ Salisburgenfi. *Vide supra Laureacensis.*

RATISBONENSIS episcopatus multos Slavorum apostolos, seu episcopos numerat inde à *S. Paulino*, circa annum CCCCLXX. Certior notitia est episcoporum à *Gaubaldo*, anno DCCXL. per *S. Bonifacium*, Legatum apostolicum, instituto, consecrato, & à tribus aliis Bajoariæ episcopis diviso.

Anno MD. *Rupertus II. Comes Palatinus, Baviaræ Dux*, eam cathedram regebat.

SECCO-

SECCOVII in Stiria sedem episcopalem statuit suprâ laudatus *Eberhardus II.* Archi-episcopus Salisburgensis, circa annum MCCXX. *Carolus* primo Antistiti nomen erat.

Anno MD. *Matthias Scheid* ex administratore Patriarchatus Aquilejensis consecratur Romæ Seccovienfis episcopus XXIII.

TRIDENTUM. Sanctum *Hermagoram*, *S. Marci* discipulum, primi Antistitis *Jovini* institutorem veneratur.

Anno MD. *Udalricus IV. de Liechtenstein* episcopus XCIV. in fastis Tridentinis numeratur apud *Bucelinum*.

VIENNENSIS (olim Fabianensis), usque ad annum MDCCXXI. sub Salisburgensi metropolita fuit. Primi Fabianensium ac Noricorum apostoli celebrantur sæculo V. *S. Severinus*, ac *Mamertinus*: restaurata sedes à *Paulo II.* MCCCCLXVIII. *Friderico IV.* Augusto

Anno MD: *Bernardus Baro de Polheim* sæculum XV. ut conjicio, clauderat.

LABACUM (olim Æmona) civitas est accubans fluvio Laubach, episcopum habet nulli Metropoli obnoxium, sed summo Pontifici. Institutus hic fuit episcopus anno MCCCCLXVIII. à *Paulo II. PP.* ad votum *Friderici IV.* Augusti. *Sigismundus à Lamberg* primus antistes fuit.

Anno MD. *Christophorus Rauber*, nobilis Carniolus, eam sedem obtinebat.

BREMENSIS, subin HAMMABURGENSIS METROPOLIS.

CUM *S. Ansbarius* anno DCCCXLVII. *Ludovici* Regis, & *Nicolai I.* voluntate Cathedram Bremensem conjungeret Hamburgensi; Bremensis subtrahita fuit Colonienfi metropoli, & Archi-episcopalis audiit.

Anno MD. Bremensem metropolim regebat *Joannes Radius*, à primo Antistite XXXIX, qui *Christophorum*, *Ducem Brunswicensem* Catholicum, sibi Coadjutorem elegit.

Suffraganeæ Bremensis Metropolitanæ.

ALDENBURGENSIS & Wagriorum Ecclesia, postmodum LUBECENSIS, jam ab anno DCCCCLXX. *Marconem* primum Wagriorum episcopum habuit. Anno MCLVIII. *Geroldus* Aldenburgerfis XII. Lubecensis primus Antistes Romæ consecratur, resistente *Hartwico*, Metropolitano Bremensi.

Anno MD. *Theodoricus Arndes* Lubecensi ecclesiæ præerat, qui *Friderico* Holsatiæ Duci feudum Ducatus Holsatiæ contulit Kiloniæ in foro publico.

CAMINENSIS, seu Pomeraniæ, episcopus primus ab *Innocentio II.* Papa constitutus fuit *Adelbertus* in civitate Wollin. *Otto* Pomeranorum primus apostolus celebratur, circa annum MCXL. Anno MCLVIII. *Conradus* successor in episcopatu Pomeraniæ, Wollino sedem episcopalem Julinum transtulit: inde tandem anno MCLXXV. *Casimirus*, *Wratislai* Ducis filius, eandem in oppido Camino collocavit, approbante translationem *Clemente III.* anno MCLXXXVIII.

Anno MD. *Martinus Carib*, XXIV. ab *Adelberto* episcopus Caminensis, Catholicam hanc Cathedralam possidebat.

MECKLEBURGUM Provincia & oppidum, duos sub hoc nomine episcopos habuit *Joannem Scotum*, & *Everardum* Sæculo XII. *Benno III.* mecklenburgicus episcopus, primus *Swerini* sedem fixit post annum MCLX.

Anno MD. *Conradus Lofius* XXXII. à primo, regebat ecclesiam *Swerinensem*.

RATZEBURGUM Civitas, primum episcopum suum fuisse prætendit *Aristonem*. Tempus primordiorum hujus Cathedralæ incertum est.

Circa annum MD. *Joannes Parckentin* erat XXVII. Catholicus Antistes.

SLESWICUM, urbs episcopalis, Metropoli Hamburgensi paruit usque ad annum MLXVI., quando sub *Aschero*, Lundenfi Metropolitano, tam Sleswicensis, quàm reliqui Daniæ Episcopi, ab Hamburgensi Metropoli exempti fuere. *Ericus* primus fuit Sleswicensium Antistes anno DCCCCXXXVII.

Anno MD. *Detlevus van der Wisch* eam Cathedralam tenuit, electus anno MCCCCXCIX. 20. Decembris, Sleswicensium Præsulum Catholicorum penultimus.

MAGDEBURGUM METROPOLIS.

MAGDEBURGUM civitas, diploma fundatæ apud se Ecclesiæ ad annum DCCCCXXXVII. sub *Ottone I.* refert. Sed anno DCCCCLXVIII. in secunda Synodo Ravennæ, consentientibus *Hattone* Moguntino, & *Haldwardo* Halberstadiensi Episcopis, *Adelbertus* Magdeburgensis Metropoli est confirmatus à *Joanne XIII.* Papa, à quo & Pallium accepit. Subiecta illi primitus fuere Merseburgum, Cizicum, Misnia: tum Naumburgum, & quæ Moguntino antea paruerant, Brandeburgum, Havelberga; Poznania item in Polonia, ac demum Lebusium.

Anno MD. *Ernestus* ex *Saxonia Principibus*, Archi-Episcopus Magdeburgensis Comitibus Imperii Augustanis interfuit, & inter Assessores Regiminis Imperii locum obtinuit.

Ecclesiæ Suffraganeæ.

HALBERSTADIUM primum Episcopum habuit *Hildegrium*, ex Catalaunensi cathedra anno DCCCXIV. à *Ludovico Pio* ad hanc civitatem traductum.

Anno MD. *Ernestus Saxo* Præsul XLI. hunc administrabat Episcopatum, simul Archi-Episcopus Magdeburgensis.

MISNENSIS Ecclesiæ primum episcopum *Burchardum*, Suffraganeum suum consecravit *Adelbertus* Magdeburgensis, anno DCCCCLXVIII. Anno autem MCCCCII. Cathedra Misnensis exempta, & Romano Pontifici immediatè subiecta fuit.

Anno MD. hanc Sedem obtinebat *Joannes VI. de Salhausen* Episcopus à primo *Burchardo* XLII.

BRANDEBURGENSIS civitatis ad Havelam primus Episcopus, *Ottonis I.* Imp. beneficio, dictus fuit *Ditmarus*, Moguntini metropolitæ Suffraganeus ab
anno

anno DCCCCXLVI. ; sed anno DCCCCLXVIII. Diœcesis hæc Archi-Episcopum suum agnovit Magdeburgensem.

Anno MD. Brandenburgensibus præerat *Joannes de Bredaw*, Episcopus Catholicus XXXVII. : aliis scribitur *Joachimus de Bredaw*.

HAVELBERGENSIS episcopatus fundatus est ab *Ottone I.* anno DCCCCXLVI. VII. Idus Maji., *Udone* Præsule nominato, sub metropoli Moguntina. Dein verò anno DCCCCLXVIII. transcripta fuit Provinciæ Magdeburgensi ope ejusdem *Otonis* Augusti, & *Joannis XIII.* Papæ.

Anno MDI. obiit *Otto II. de Königsmarck*, Havelbergenfis episcopus xxxv.

LEBUSIENSIS in marchia Brandenburgica episcopus primus numeratur *Hycinthus* circa annum DCCCCLXV. Hujus cathedræ Præsules primùm Gnesnensi Archi-Episcopo paruerant: demum subjehti magdeburgensi.

Anno MD. *Theodoricas de Bulow* xxxiv. episcopus erat, judice *Augusto Benedicto Michaelis*, Philosopho Göttingensi.

MERSEBURGI primus Antistes nominatus est *Bofo* circa annum MCCCCLXIX.

Anno MD. *Tilo à Trotte* episcopus XL. hanc Ecclesiam gubernabat.

CITIZUM primum episcopum habuit *Hugonem*, monachum Benedictinum, sub annum DCCCCLXXIV. Anno autem MII. Citizo sedes translata est Naumburgum, vel Newenburgum ad Salam.

Anno MD. præfuisse huic sedi videtur *Joannes de Schonberg*, Episcopus xxxvi. ab Ernesto Magdeburgensi inauguratus.

POZNANIA, civitas Poloniae, anno DCCCCLXVIII. Archi-Episcopali Ecclesiæ Magdeburgensi subiciebatur ex Bulla *Joannis XIII.* sed postmodum Gnesnensi metropolitæ subdita mansit, & Regno Poloniae incorporata.

R I G A M E T R O P O L I S.

Livoniae primus Apostolus & fidei præco fuit *Meinardus*, Instituti Augustiniani Canonicus ex Cœnobio Sigebergenfi, diœcesis Bremensis, circa annum MCLXXXVI. Qui subinde, acceptâ benedictione ab *Hartwico*, Bremensi Episcopo, ordinatus fuit Livoniae Episcopus. *Granzius Saxon. L. VII. Cap. 14. Albertus I.*, qui tertius erat Livoniae Antistes, sedem Cathedralem ab Ykeskola transtulit in opidum RIGAM. Anno MCCXIII. *Innocentius III.* Rigensem Episcopum nulli Metropolitæ subjectum declarat. *L. XVI. Epist. 182.* Anno MCCLIV. *Albertus II.* Livoniae quintus Episcopus, ab *Innocentio IV.* primus dicitur Archi-Episcopus. Jam inde à sæculo XIII. tam Archi-Episcopus Rigenfis, quàm ejus suffraganei Revaliensis, Dorpatensis, Oïseliensis, & Curionensis in numerum episcoporum & Principum S. R. I. asciri leguntur, teste *Pfessingero ad Vitriarii Tom. I. Lib. I. Tit. XK. pag. 1171.*

Anno MD. quis fuerit Archi-Episcopus Rigæ, non reperi.

Ecclesiæ Suffraganeæ.

REVALIA, urbs episcopalis Livoniæ ab anno MCCXXIV., videtur in testimonium primæ conversionis, quam Danorum prædicationi debuit, à Danorum Regibus subiecta fuisse Metropolitæ Lundenfi in Dania. *Cramzius L. VII. cap. 14.* Subin tamen Rigensem Metropolitam agnovit. *Wesselinus, Woldenari II.* Daniæ Regis Sacellanus, Revaliensem cathedram primus obtinuit.

DORPATUM, urbs, fit sedes episcopalis ab *Hermanno*, fratre *Alberti* episcopi Rigenfis, anno MCCXXIV. Idem episcopus vocabatur Ungannensis.

OISELIA, Insula, Livoniæ à latere occidentali obiecta, facta fuit sedes Episcopalis anno MCCXXV. ejusdemq; Antistes S. R. I. Princeps ab Imperatore creatus. *Guillelmus de Sabaudia*, episcopus Mutinensis, primus usque in Oiseliæ prædicationem apostolicam extendit, qui ob fidei dilatata merita Cardinalis creatus, obiit Lugduni anno MCCLI. Hic Episcopatus primò dictus Lealensis, dein Oslensis: eundem post *Theodoricum*, & *Hermannum Alberti* fratrem circa annum MCCL. regabat *Godefridus*, Prior de Porta cœli, quod erat Monasterium ordinis Cisterciensis prope Numburgum ad Salam Thuringiæ.

SELONIENSIS, Semigallorum Episcopatus *Bernardum de Lippia* primum videtur habuisse Episcopum circa annum MCCXXVIII., secundum *Lambertum*.

IN PRUSSIA AB ANNO MCC. AD ANNUM MD.

Magnus Magister Ordinis Teutonici nunquam fuit Episcopus, nunquam jurisdictionem, quasi Episcopalem habuit; attamen inter status S. R. I. post omnes Archi-Episcopos, & ante omnes Episcopos Germaniæ locum obtinet.

Antequam *Innocentius IV.* anno MCCXLIII. & *Alexander IV.* audito mirabili progressu Catholicæ fidei inter Prussos per fratres Teutonici ordinis, cogitaret de Prussia in quatuor Episcopatus dividenda; jam fuerant in ea Regione sæculo X. & XI. Præcones fidei *S. Adalbertus* Episcopus Pragenfis, & *S. Episcopus Bruno*, qui & fidem, quam prædicaverant, suo sanguine obsignarunt. Ast non nisi sæculo XIII. stabiles ibi sedes Episcopales fuerunt institutæ. *Hermannus de Salza*, magnus Magister Ordinis Teutonici, qui tempore tricennalis magisterii totam Prussiam & Livoniam armis subegerat, merebatur, ut hi labores à Pontifice succollarentur.

CULMENSIS primus episcopus institutus fuit *Christianus*, Prussiæ Episcopus dictus, cui *Comadus* Dux Massoviæ & Cujaviæ anno MCCXXII. donavit terras quasdam suas cum omni Dominio Ducali. Chartam edidit *Leibniz. in Prodromo Codicis Juris Gentium*. Secundus Prussiæ Episcopus *Henricus* ex Ordine Prædicatorum, Culmensẽ Ecclesiã sæcularem mutavit in Regularem Canonicorum *S. Augustini*, demum in Regularem Cruciferorum ad instantiam magni magistri, & Ordinis totius, cum consensu Legati Apostolici Anselmi, Episcopi Warmiensis.

Anno

Anno MD. Nicolaus Crapotz, Thorunæ natus, fuit Episcopus Culmenfis à Christiano vigefimus.

WARMIENSEM episcopatum primus rexit *Anselmus*, Ordinis Teutonici frater, anno MCCXLV. Brunsbergæ primò, dein urbe hâc à Pruffis combustâ, Elbingæ Sedem Cathedralẽ collocavit.

Anno MD. Decimus sextus à primo Warmiensium Antistes erat *Lucas Weißelrod*, aliàs *de Allen* dictus, In Frauenberg sepultus.

POMESANIENSIS, vel RISEBURGENSIS episcopus primus erat *Ernestus* ex Ordine Prædicatorum. In Marienwerder videtur fixa fuisse sedes Cathedralis Pomesaniæ.

Anno MD. huic ecclesiæ præfuit *Joannes* hoc nomine IV. numero XVIII. Pomesaniensis episcopus: Idem Procurator Ordinis Teutonici, obiit Romæ anno MDI. 10. April.

SAMBIENSIUM episcoporum primus fuisse videtur *Henricus von Brun*, qui cum Ottocaro, Bohemiæ Rege, in Prussiam venit. Tertius episcopus *Seifridus* cum collegio suorum Canonicorum, Ordinis Teutonici vestem & Regulam suscepit. Sedes Episcopi Sambienfis oppidum Fischhausen, post Balga. *Jacobus*, ortu Culmenfis, Templum Cathedralẽ, quod antea in veteris urbis Regiomontanæ platea S. Spiritus fuerat, transtulit ad urbem Kniphoviam, ubi ultima Sedes Episcoporum Sambiz vel Samlandiæ.

Hæc ex Hartknochii dissertat. XIV. ad Chronicon Prussiz Petri de Dusburg.

Ex quatuor his Episcopis Prussiz tres, Culmenfis, Pomesaniensis, & Sambienfis successu temporis habitu & regulâ Ordinis Teutonici susceptâ, Cruciferis se subjecere; testibus *Miechovio* & *Cromero*. Ast Warmiensis nunquam ordinis Imperium agnovit, ut idem *Cromerus* scribit *L. II. de Polon.*

Queritur autem, quo tempore hi Episcopi ceperint esse subiecti Metropolitæ Rigenfi, & à Gnesnensi abstracti? *Respondetur*: etsi annus hujus mutationis definiri non possit; *Grunovius* tamen refert, *Conradum Zöllnerum* XXImum Magistrum Generalem Ordinis Teutonici id privilegium inpetrâsse, ut Episcopi Prussici Archi-Episcopo Rigenfi subessent.

CURONIENSIS Ecclesia in Curlandia, à quatuor antedictis Prussicis, & quinque Livonicis secreta cum diocesi & redditibus legitur in *Bulla Cardinalium de anno MCCXLV. apud Gruber. pag. 274.* ex quâ constat, tertiam partem reddituum Sempalliæ, & duas Curlandiæ Teutonicis Equitibus fuisse assignatas: Semigallensem Episcopatum extinctum, & *Henricum de Littelburg*, Curoniensis Ecclesiæ Episcopum promotum, cum omni jure & jurisdictione Spirituali & temporali. Similis charta, exhibetur apud *Gruberum pag. 276.* qua *Wilhelmus de Urenbach*, Ordinis Teutonici Magister Generalis, post annum MCCXLV. cavet, ne tertia pars reddituum Curoniensis Ecclesiæ immutetur.

EPISCOPI GERMANIÆ INFERIORIS,

S E U
B E L G I I.

ANte annum MD. sex erant duntaxat Episcopi in Belgio, ex quibus duo suberant Metropolitano Colonienſi, quatuor Metropolitano Remenſi: ſub Colonienſi fuit Leodienſis, ſeu Tungrenſis, & Ultrajectinus, de quibus jam ſuprà actum. Sub Remenſi Metropoli erant Cameracenſis, Tornacenſis Nerviorum, Atrebatenſis, Terrovannenſis Morinorum.

CAMERACENSIS Eccleſia jam ab anno D. numerabat Antiſtitem *S. Vedastum*. Eadem Eccleſia per multa ſæcula conjuncta fuit cum Atrebatenſi.

Anno MD. *Henricus Bergenſis* Cameraco præfuit Episcopus LXX. cum titulo Ducis Cameracenſis & S. R. I. Principis.

ATREBATENSIS pluribus, ut dictum, ſæculis unita Cameracenſi fuerat: ſed anno MXCVI. ſpecialem habere cepit Antiſtitem *Lambertum*.

Anno MD. hanc ſedem tenuit *Nicolaus Ruſſie*, Episcopus XXXV.

TORNACUM, Nerviorum civitas S. Piatum Martyrem circa annum CCC. primum ſuum cenſet Episcopum. Eadem Eccleſia ab anno Chriſti DLX. ad annum MCXLVI. communem habuit Antiſtitem cum Eccleſia Noviomenſi, ita tamen, ut duæ manerent diſtinctæ diœceſes, & Episcopus diceretur Tornacenſis & Noviomenſis.

Anno MD. *Petrus Kuick* hanc cathedram ſuſcepit, ex Abbate S. Amandi factus Episcopus Tornacenſis LXXXIV.

TERROVANNA Morinorum, primum ſuum ſcripſit episcopum Sanctum *Antimundum* circa annum Chriſti DXXXI. Sæculo XI. urbs hæc deleta fuit.

Circa annum MD. *Philippus de Luxemburgo*, poſt Cardinalis, videtur Cathedrali Tervannenſem poſſediſſe.

**ARCHI-EPISCOPUS ET SUFFRAGANEI
BURGUNDIÆ.**

VESONTIO METROPOLIS.

VESONTIO, civitas Imperialis, judice *Chiffletio*, erat Metropolis Provinciæ Eccleſiaſticæ maximæ Sequanorum, ſeu quintæ Lugdunenſis. Primus ejus Antiſtes *Linus*, S. Petri diſcipulus.

Anno MCCCCXCVIII. *Franciſcus de Buſleyden* hujus Metropolitanæ Sedis electus eſt Episcopus LXXXII.

In Notitia antiqua Episcopatum Gallicæ hæc quatuor leguntur Veſontionis Suffraganeæ: Aventicum, hodie Lauſanna: Auguſta Raura-

Rauracorum, hodie *Basilea*: *Vindonissa*, hodie *Constantia*: *Bellica* ad *Rhodanum*. *Geneva* & *Sedunum* sub *Provincia Viennensi prima*. In presenti autem alia est, imo jam ante annum MD. alia erat harum Ecclesiarum Hierarchia: nam *Basilea* & *Constantia* sub *Moguntina Metropoli* numerantur, de qua supra: hinc de reliquis agam.

AVENTICUM episcopum primum ostendit *Protasium* circa annum D. & *Marium*, qui Concilio *Matisconensi* II. subscripsit. Subinde sedes hæc *Laufannam* translata fuit.

Ad annum MDIX. *Aymo de Monte Falcone* Ecclesiam *Laufannensem* in antiqua fide regebat.

BELLICA, aliàs BELLICIUM, habuit episcopum *Vincentium*, qui Concilio II. *Parisiensi* subscripsit. Videtur ante *Tarentassienfi Metropoli* paruisse; post *Bisontino*.

GENEVA, aliàs GEBENNA *Allabrogum*, ad lacum *Lemanum* sita, primum episcopum *Cataldum* habuisse scribitur *Stumpfio*, *Helvetiæ L. VIII. Cap. 25*. *Friedericus I. Imp. Arduico* episcopo anno MCLXII. dominium urbis donavit.

Anno MD. *Joannes Sabaudus* Catholicam hanc ecclesiam pascebat.

OCTODURUS episcopum habuit *Theodorum*, qui *Aquilejensi Concilio* sub *Damaso* Papa subscripsit. Videtur idem locus, qui olim *Octodurus*, hodie *Martinach* esse.

SEDUNUM, *Vallisarum* civitas ad *Rhodanum*, Germanis *Sitten*, Gallis *Syon*, evasit episcopalis post annum DLII., sede illuc ex *Octoduro* translata.

Anno MD. *Matthæus Schyner*, S.R.E. Cardinalis, *Sedunensem Cathedralam* adiit episcopus XLVI. Teste *Stumpbio L. XI. de Vallisa. Cap. 18*.

FINIS EPISCOPORUM,

Qui, testibus *Matriculis Imperii*, in *Comitiis S. R. I. locum*
& sessionem habuerunt ante annum MD.



INDEX EPISCOPATUUM GERMANIÆ

AB ANNO CHRISTI CCC. AD ANNUM MD.

*Sub iis nominibus, quibus & veteres, & recentiores Scriptores
eos indignant.*



Æmonia, Emona : post Laba-
centis episcopatus.
Aprippinensis, - Colonienſis episcop.
Aichtadienſis, - Eichſtattenſis episcop.
Aldenburgenſis, poſt Lubecenſis episcop.
Argentoratenſis, poſt Strasburgenſis ep.
Attribatenſis - episcop.
Aventicorum, - Lauſannenſis Episcop.
Auguſtanus, - Vindelicorum Episcop.
Aureatenſis - poſt Aichtadienſis.

Babenbergenſis, Bambergenſis episcop.
Baſileenſis, - Rauracorum episcop.
Bellicenſis - episcopatus.
Bennopolitanus, poſt Hildeſheimenſis
episcopatus.

Bizuntinus - Archi-episcop. Veſon-
tionenſis.

Blizymenſianus episcop. ignoti loci.

Bremenſis, ¹³³ Archi-Episcopatus.

Bremonenſis ¹³³

Brandenburgenſis ¹³³ episcopatus.

Brennopolitanus ¹³³

Brixinenſis - episcopatus.

Buraburgenſis - in Haſſia episcop.

Cameracenſis - Episcopatus.

Caminenſis, - in Pomerania episcop.

Celeianus, ¹³³ in Norico Mediterr.

Celeienſis, ¹³³ episcop.

Chiemſeenſis, ¹³³

Chiemenſis, ¹³³ Episcop.

Citizenſis - ep. poſt Naumburgenſ.

Colonienſis - Archi-episcop. idem Agrip-
pinenſis.

Conſtantenſis, ad lacum Bodamicum
episcop.

Culmenſis - in Pruſſia episcop.

Curionenſis, - Curlandiæ episcop.

Curia, - Rhætorum episcop.

Dorpatenſis, ¹³³ in Livonia episcop.
Derpſenſis, ¹³³

Eichſtadienſis - episcop.

Ermelandiæ - episcop. reſidet Warmiæ.

Eſtoniæ - episcop. reſidet Revaliæ.

Erpheſphurdenſis episcop. in Thuringia.

Fabianenſis - poſt Viennenſis in Au-
ſtria episcop.

Ferdenſis - ad Alleram episcop.

Freſiæ, - Freſonum episcop.

Friſingenſis, ¹³³

Friſacenſis, ¹³³ episcop.

Frixinenſis, ¹³³

Genevenſis - ad lacum Lemanum ep.

Gerlandiæ - episcop. idem Curlandiæ.

Gurkenſis, ¹³³ in Carinthia ep.

Gorickenſis, ¹³³

Halberſtadienſis episcop.

Hammaburgenſis Archi-episcop. idem &
Bremenſis.

Havelbergenſis - episcop.

Herbipolenſis - idem Wirceburgenſis.

Iulini - episcop. poſt Caminenſis.

Juvavienſis, - poſt Salisburgenſis Ar-
chi-episcop.

Labacenſis - episcop.

Lavantinus - episcop.

Lautreacenſis - archiep. poſt Paſſavienſ.

Lauſannæ - episcop.

Lebuſienſis - ad Viadrum episcop.

Leuorum - episcop. Tullenſis.

Litomislienſis - episcop.

Livoniæ, ¹³³ episcop. poſt Rigenſis

Lettonum, ¹³³ archiepiscop.

Lubecenſis, - Wagriorum Episcop.

Mag-

Magdeburgensis Archiep. idem Parthenopolitanus.

Maguntiacensis, idem Moguntinus Archiepisc.

Martisburgensis, ¹³³⁵ Episcop.

Merseburgensis, ¹³³⁵ Episcop.

Mecklenburgensis Episc. post Swerinens.

Mediomatricum, ¹³³⁵ Episcop.

Metensis, ¹³³⁵ Episcop.

Mimigardefordensis, post Monasteriensis Episcop.

Mimidonensis, ¹³³⁵ Episcop.

Mindensis, ¹³³⁵ Episcop.

Misnensis, ¹³³⁵ Episc.

Mœsianus, ¹³³⁵ Episc.

Moravorum = Episc. post Olomucienf.

Naumburgensis, ¹³³⁵ Episc. in Saxonia.

Neapolitanus, ¹³³⁵ Episc.

Neostadiensis, = Austriae Episcop.

Nemetum = Episc. Spirensis.

Nitraviensis, = Pannoniae Episc.

Novae civitatis in Istria, olim Æmundae Episcop.

Octodurensis, post Sedunensis.

Oisclensis = Episcop.

Olomucensis = Episcop.

Osnabrugensis, ¹³³⁵ Episc.

Oßembruggensis, ¹³³⁵ Episc.

Ovilabensis, = in Norico Ripensi Ep.

Parthenopolitanus, idem Magdeburgi Archi-Episc.

Paffaviensis, ¹³³⁵ Episc.

Pataviensis, ¹³³⁵ Episc.

Petavionensis, ¹³³⁵ Episc.

Petovienfis, ¹³³⁵ Episc.

Pomeranorum = Episc. post Caminenfis.

Pomezaniae = Episc. residet in Mariae-werder in Prussia.

Pragensis = Archi-Episcop. Bojohemiae, Bohemiae.

Quintaviensis, in Vindelicia Episc.

Reginoburgi, ¹³³⁵ Episcop.

Raginesburc, ¹³³⁵ Episcop.

Ratisbonensis, ¹³³⁵ Episcop.

Ratzeburgensis, Episcop. Obotritorum Transalbianorum.

Rauracorum, = post Basileensis Episc.

Revaliensis = in Estonia Episc.

Rigenfis = Archiep. in Livonia.

Rubicollensis, Aichtadiensis.

Sabonae, ¹³³⁵ Episc. post Brixinensis.

Sabionensis, ¹³³⁵ Episc.

Salisburgensis = Archiep. olim Juvavienf.

Sambienfis, ¹³³⁵ Episc. residet in Kö-

Samlandiae, ¹³³⁵ nigsberg.

Scarabantiae = Episc.

Seccovienfis = in Stiria Episc.

Selonienfis, = Semigalliae Episc.

Sedunensis = Ep. in Vallisia.

Slesvicensis = Episc.

Solienfis, = in Norico Mediterraneo

Episcop.

Speculianensis, fortè Olomucensis.

Spirensis = Episc. idem Nemetum.

Strasburgensis = Episc. Argentinenfis.

Swerinensis = in Mecklenburg Ep.

Taurisanus, = in Norico Mediterr. Ep.

Tergestinus, = Carnorum Episc.

Terrovannensis, Morinorum Episc.

Thorunensis, = in Prussia Episc.

Tiburnensis, = Norici Mediterranei Ep.

Tiberinensis, = in Vindelicia Episc.

Tornacensis, = Nerviorum Episc.

Trajectensis ad Mosam, nunc Leodienf.

Trajectensis ad Rhenum, Ultrajectinus.

Trevirensis = Archiepisc.

Tridentinus = Episc.

Tullensis, = Leucorum Episc.

Tungrenfis, = Tungrorum Episc. Leodienfis.

Vagriae, = Wagriorum Ep. Lubec.

Vangionum = Episcop. Wormatiens.

Velegradienfis = Episc.

Verdenfis = Episc. Ferdensis.

Veredunum, ¹³³⁵ Ep. in Lotharingia.

Verdunum, ¹³³⁵ Episc.

Vesontionis = Episc. Bisuntinus.

Vindobonensis = Ep. Viennens. in Austr.

Vindonissae = Ep. Constantienfis.

Virdunensis = Episc. Veredunensis.

Ultrajectinus = Episc.

Vratislaviensis = Episc.

Warmienfis = Episc. Ermelandiae.

Wigmodiae = Episc. Bremenfis.

Wirceburgensis = Episc. Herbipolitanus.


Wollinenfis = Episc. Caminenfis.

Wormatiensis = Vangionum Episc.

CONCILIORUM HUIUS TOMI I, ET EPISTOLARUM
CANONICARUM

INDEX CHRONOLOGICUS,

*Ea, quæ nec à Crabbéo, Surio, Binio, Sirmondo, nec à Labbéo in
prima Editione, nec ab Harduino adnotata sunt, stellulâ
distinguntur.*

- | | | | | |
|--------|---|--|--------|---|
| Anno |  | | Anno | |
| 358. | | Ermania primæ & secundæ Episcoporum Concilium loci incerti. | 740. | Ejusdem ad Bonifacium de institutis in Bavaria Episcopatibus confirmatoria. |
| 386. | | Concilium Treverense unum Episcoporum pro Ithacio. | * 740. | Concilium in Bajoaria sub S. Bonifacio, quâ Legato Apostolico, loco incerto. |
| 386. | | Concilium Treverense alterum pro Electione Felicis Treveror. Episc. | 741. | Bonifacii, Archi-Episcopi Regionarii, Epistola gratulatoria ad Zachariam PP. |
| * 520. | | Concilium Tornacense. | 742. | Responsoria Papæ Zachariæ ad præcedentem Bonifacii Epistolam |
| 550. | | Concilium Tullense. | 742. | XI. Kal. Maji Concilium Germanicum, loci incerti, sub Carlomanno Duce, S. Bonifacio, & aliis Episcopis. |
| * 566. | | Concilium Treverense. | 743. | Kalendis Martii Concilium Lip-
tinentense sub Bonifacio. |
| 590. | | Concilium Metense. | * 744. | Capitulare Concilii Regum, cui interfuit Legatus Romanæ Sedis, Bonifacius. Loco incerto. |
| 599. | | Gregorii I. Papæ ad Reges Francor. de Synodis Epistola. | 744. | Concilium Sueffionense VI. Nonas Martii. Sub Pippino & Bonifacio, Legato Apostol. |
| 601. | | Gregorii I. PP. ad Reges Francorum, de Synodis celebrandis Epistola. | | Zachariæ Papæ Epistola Canonica ad Bonifacium Archiep. |
| * 616. | | Concilium Constantiense. | 745. | Concilium Romanum ad instantiam, & relationem Bonifacii, ex Conciliis Germaniæ. |
| * 636. | | Concilium Moguntinum. | 745. | Synodica Gemmulæ Diaconi Ecclesiæ Romanæ ad Bonifacium, de actis Romæ. |
| 644. | | Sigeberti III. Fundatio Cœnobii cum consilio Episcoporum Germaniæ. | * 745. | Synodalis Conventus in Germania, sub Bonifacio. Loco incerto. |
| 649. | | Martini I. Papæ Synodica ad Amandum Episc. Traject. | 745. | Zachariæ PP. Epistola ad Francos, & per Gallias Episcopos, Duces, Comites. |
| * 708. | | Synodus Tungrensis prima. | 745. | Zachariæ PP. ad Bonifacium Archiep. de Metropolitana Colonia sede eidem confirmata. |
| * 709. | | Synodus Tungrensis secunda. | | |
| * 710. | | Synodus Leodiensis. | | |
| * 726. | | Synodus Leodiensis secunda. | | |
| 726. | | Capitulare Gregorii II. PP. ad Bonifacium Episcopum. <i>Pfaffius ad annum 714.</i> | | |
| 730. | | Capitulare Gregorii II. datum Martiniano Episc. missio in Bajoariam. <i>Pfaffius ad 714.</i> | | |
| 732. | | Epistola Canonica Gregorii III. PP. ad Bonifacium Coepisc. | | |
| 740. | | Gregorii III. Epistola ad varios Germaniæ Episcopos. | | |

Anno

- * 745. Synodus in Provincia Francorum, in qua Statuta S. Bonifacii promulgata.
747. Zachariæ Papæ Epistola ad Bonifacium, de publicandis in Synodo Capitulis, ad Pippinum missis.
- - Responsorial Epistola Zachariæ PP. ad Quæstiones 27. à Pippino Pontifici propositas.
748. Responsorial Zachariæ ad Bonifacium ad diversa Capita, per Burchardum Legatum proposita, & confirmatoria Sedis Moguntinæ pro Bonifacio.
748. Conventus in Villa Duria.
751. Responsorial Zachariæ Papæ ad Bonifacium, de Quæstionibus per Lullum missum propositis.
- * 752. Synodus in Austrasia, loci incerti.
752. S. Bonifacii Epistola ad Stephanum Papam, Gratulatoria, & Petitoria confirmandi officii Legati Apostolici.
- - Ejusdem ad eundem Papam contra Hildegarium, Coloniensem Archiepisc.
- * 752. Concilium Moguntinum.
753. Concilium Metense.
759. Concilium Constantienfe.
761. Conventus in Villa Duria.
762. Chrodegangi, Metensis Episcopi, Regula Canonicorum.
764. Verno tempore Conventus Wormatiæ.
- * 768. Conventus Episcoporum in Cella S. Goaris.
- * 769. Concilium Ratisbonense.
769. Caroli Magni Capitulare primum.
772. Conventus Wormatiæ.
772. Concilium apud Dingolvingam.
774. Codex Canonum veteris Ecclesiæ, ab Hadriano Papa Carolo Regi oblati, & ab Ecclesiis Germanicis & Gallicis receptus, & cum tribus Codicibus Colonienfis Ecclesiæ Metropolitanæ collatus.
- Eo continentur:
- Canones quinquaginta Apostolorum.
- Canones viginti Concilii Nicæni primi.
- Canones quatuor & viginti Concilii Ancyrani.

Anno

- Canones quatuordecim Concilii Neo-Cæsariensis.
- Canones viginti Concilii Gangrensis.
- Canones viginti quinque Antiocheni.
- Canones quinquaginta novem Concilii Laodicæni.
- Canones tres Concilii Constantinopolitani; Nec non & Statuta duodecim Concilii primi Ephesini.
- Canones viginti septem Concilii Chalcedonenfis.
- Fides & Constitutio Concilii Sardicensis.
- Canones viginti & unus Concilii Sardicensis.
- Canones triginta tres Concilii congregati apud Carthaginem.
- Tituli Canonum centum & quinque, diversorum Conciliorum Africane Provincie.
- * 774. Synodus in Villa Duria.
775. Synodus in Villa Duria.
776. Wormatiæ Synodus.
777. Concilium Paderbornense primum.
779. Synodus Duriensis. *Capp. 24.*
780. Concilium Paderbornæ, vel apud Lippiam.
781. Wormatiæ Conventus.
782. Colonienfis Synodus.
782. Synodus Paderbornensis tertia.
784. Synodus Paderbornensis quarta.
- Alii ad 785.
785. Attiniacensis Conventus.
785. Hadriani Papæ Epistola gratulatoria ad Carolum M. Regem, ob Saxones ad fidem Christi, & Baptismum perductos.
- - Ejusdem Papæ Epistola ad eundem Regem, de modo, lapsos Saxones reconciliandi Ecclesiæ.
785. Angilramni Metensis Capitula, oblata Hadriano Papæ.
786. Synodus Wormatiæ.
- * 787. Conventus Wormatiensis.
788. Synodus in Ingelheim.
789. Diploma Caroli Magni de Ecclesia Bremensi, & Willehadi in Concilio consecrato Episcopo.
- - Constitutio Caroli Magni de Scholis per Episcopos & Monasteria institutis, & instituendis.
789. Capitulare Aquisgranense. *Capp. 82.*

N

790.

Anno

790. *Conventus Wormatiæ.*
 792. *Concilium Ratisbonense.*
 794. *Concilium Francofordiense.*
 I. *Epistola Hadriani Papæ ad Episcopos Hispaniæ.*
 II. *Libellus Episcoporum Italiæ, contra Elipandum, decreto Concilii in Hispanias missus.*
 III. *Synodica hujus Concilii Francofordiæ, ab Episcopis Germaniæ & Galliæ ad Præsules Hispaniæ missa.*
 IV. *Caroli Magni Epistola ad Elipandum, & cæteros Hispaniæ Episcopos.*
 V. *Canones quinquaginta sex, editi à Concilio Francofordiensi.*
Epistola Paulini Patriarchæ, ex hac Synodo scripta.
Caroli Regis Præceptum de Aniano Abbate Caunenfi in hoc Concilio editum.
 795. *Placitum Caroli in Cussenstein.*
 797. *V. Kal. Novembris. Aquisgrani Capitulare Saxonum.*
 798. *Concilium Ratisbonense.*
 799. *Concilium Aquisgranense.*
 799. *Capitulare interrogationis ad Episcopos, de Presbyteris criminosos.*
 800. *Edictum Dominicum Caroli, de honore & adjutorio Episcopis præstando.*
 800. *Synodus apud Moguntiam, Capitulum de honoranda Sede Apostolica.*
 801. *Caroli M. Edictum pro jejuniis.*
Caroli M. Epistola ad Ghaerbaldum Leodiens. Episc.
Ghaerbaldi, Leodiensis Episcopi, Epistola ad Presbyteros suæ Diœcesis.
Ejusdem Instructio pastoralis ad Gregem suum.
Antiquum Capitulare per Missos Caroli M. promulgatum.
 802. *Synodus apud Aquis Palatium. Capitula data Missis Dominicis, Episcopis & Comitibus.*
 803. *Synodus Wormatiensis.*
Synodus Aquisgranensis.
Regularia Decreta per Simpertum Abbatem.

Anno

804. *Conventus ad Saltz.*
Concilium Tegernseense.
Conventus in Saltz de Pace Saxonum.
Præceptum de Scholis græcis & latinis, Osnabrugæ institutendis, Aquisgrani datum.
 805. *Capitulare Dominicum ad Theodonis villam.*
 * 807. *Concilium Provinciale Salisburgense.*
 * 807. *Conventus in Ingelheim.*
 809. *Concilium Aquisgranense.*
Epistola Caroli M. ad Leonem III. Ratio, quæ habita est de Symbolo Fidei, in Secretario S. Petri.
 811. *Caroli Magni Capitulare Interrogationis ad Episcopos & Abbates.*
Ejusdem Epistola Generalis ad Archiepp. Regni Francorum.
 * 811. *Carolus Magnus componit litem de finibus Aquilegiensis & Salisburgensis Diœcesium.*
 * 812. *Conventus Aquisgranensis de Pace Monasterii Fuldenfis.*
 813. *Concilium nationale Moguntiæ. Capitulare Caroli M. post quinque Synodos, hoc anno celebratas editum.*
 814. *Capitulare Carolinum, anni incerti, Capitulum XIV.*
Capitulare alterum, anni incerti, ex divinarum Scripturarum libris excerptum Capp. XXVII.
Capitula varia ejusdem Imp. numero XX.
Capitula alia ejusdem num. XVII.
Capitulare ultimum, XXXIII. Capitulum.
 814. *Concilium Treverense.*
 815. *Conventus Paterbrunnæ.*
 816. *Concilium Aquisgranense.*
Liber I. Regula Canonicorum.
Liber II. Regula Sanctimonialium.
 816. *Encyclica Ludovicii Pii Augusti ad Arnonem Salisburgensem, aliisque Germaniæ & Franciæ Archiepiscopos de Capitulum Synodi Aquisgranensis anni hujus observantia & executione.*
 816. *Capitulare Aquisgranense de rebus pertinentibus ad Episcopos & Ecclesias.*

INDEX ALPHABETICUS CONCILIORUM GERMANIÆ

HUIUS I. TOMI,

*Item eorum Conciliorum, quæ adoptavit Ecclesia Germaniæ in codice
veteris Ecclesiæ, quem CAROLO MAGNO donavit HA-
DRIANUS PAPA pro Ecclesiis Occidentalibus.*



A

- Fricane Provinciae diversorum
Conciliorum Canones ab anno
CCCXLVIII. ad CCCCXIX.
ab Ecclesiis Germanicis acceptati in codice
Canonum veteris Ecclesiæ - pag. 204.*
- Ancyran Conc. Canones
anni - - - CCCCIV.
Ex eodem Codice - - - pag. 145.*
- Antiochenum Concil. anni CCCXLI.
Ex eodem Codice - - - p. 155.*
- Apostolorum Canones ex
eodem Codice - - - p. 131.*
- Aquisgranense Conci-
lium primum anni DCCXXCIX. p. 263.
Secundum - DCCXCVII. p. 232.
Tertium - DCCIC. - p. 336.
Quartum - DCCCH. - p. 353.
Quintum - DCCCHII. p. 377.
Sextum - DCCXCIX. - p. 390.
Septimum - DCCCXI. - p. 400.
Octavum - DCCCXII. - p. 401.
Nonum - DCCCXIII. p. 413.
Decimum - DCCCXVI. - p. 430.*
- Attiniacensis Conven-
tus in Austrasia pri-
mus anno - - - DCCXLV. - p. 343.
Secundus - DCCLXXXV. p. 346.*
- Augustani Episcopi
Simperti Regula
Monachorum - - - p. 378.*
- In Austrasia Synodus
loco incerto, anno DCCXLV. p. 72.
Altera - DCCLII. - p. 90.*

B

- In Bajoaria Concilium
loc. incerto - - DCCXL. p. 42.*

C

- Cartaginensis Concilii Ca-
nones anni - CCCCXIX.
Ex cod. vet. Ecclesiæ - - - p. 395.*
- Chalcedonense Concilium
anni - CCCCII. p. 175.*
- Colonienſe Conci-
lium anni - DCCXXCH. p. 245.*
- Constantienſe Conci-
lium primum. - DCXVI. - p. 24.
Alterum - DCCLIX. - p. 95.*
- Constantinopolitanum
Concilium - CCCCXXCI.
Ex Codice vet. Ecclesiæ - - - p. 166.*
- In Cuffenstein Conci-
lium anni - DCCXCV. p. 332.*

D

- In Duria villa, Palatio
Regio, Concilium
Primum anni DCCXLVIII. p. 90.
Secundum - DCCLXXIV. p. 235.
Tertium - DCCLXXV. p. 236.
Quartum - DCCLXXIX. p. 239.*
- Dingolvingæ Conci-
lium anni - DCCLXXII. p. 128.*

E

- Epheſinum Concilium
anni - - - CCCCXXXI.
acceptatum in Cod. vet. Eccl. - - p. 170.*

F

- Francofordienſe Con-
cilium anni - DCCXCIV. p. 288.*
- Friſingenſis Synodus
anni - - - DCCLXIX. p. 343.*

G

- In Germania loci in-
certi Concil. anni CCCLVIII. p. 1.
Al.*

- Alterum - DCCXLII. p. 48.
 Tertium - DCCXLIV. p. 54.
 Quartum - DCCXLV. p. 67.
 Quintum - DCCXLVII. p. 76.
- Gangrense Concilium*
 anni - CCCXXIV.
acceptatum in vet. Cod. - p. 152.
- In S. Goaris cella Con-
 ventus Episcopo-
 rum anno - DCCXLVIII. p. 124.
- In Ingelheim, Palatio
 Regio, Conc. pri-
 mum - DCCXXCVIII. p. 262.
 Alterum - DCCCVII. - p. 390.
- L**
- Laodicense Concilium*
 anni - CCCLXXII.
acceptatum in Cod.
vet. Eccl. - p. 161.
- Leodienſe Concilium*
 Primum anni - DCCX. - p. 32.
 Alterum - DCCXXVI. p. 33.
 Tertium - DCCCI. p. 359.
- Liptinenſe Concilium*
 anni - DCCXLIII. p. 50.
- M**
- Metenſe Concilium*
 primum anni - DL. - p. 14.
 Alterum - DXXC. - p. 17.
 Tertium - DCCLIII. - p. 94.
- Metenſis episcopi Gro-
 degangi Regula Ca-
 nonicorum* - p. 96.
- Moguntinum Concili-
 um*
 primum anni - DCCXXXVI. p. 25.
 Secundum - DCCCLII. - p. 93.
 Tertium - DCCXCV. p. 332.
 Quartum - DCCGC. - p. 356.
 Quintum - DCCCXIII. p. 404.
- Moguntini Archi-Episc.*
 Bonifacii statuta Canonica p. 73.
- N**
- Neo-Cæsariense Concilium*
 anni - CCCXIV. p. 149.
- Nicenum primum Con-
 cilium anni* - CCCXXV. p. 136.
- P**
- Paderbornense Conci-
 lium*
 primum anni - DCCCLXXVII. p. 238
apud Lippiam alterum - DCCCLXXX. p. 243
 Tertium - DCCCLXXXII. p. 245
 Quartum - DCCCLXXXVI. p. 245
- Quintum - DCCXCV. P. 430
- R**
- Ratisbonense Conci-
 lium anni* - DCCCLXXI. p. 125.
 Alterum - DCCXCH. p. 287.
 Tertium - DCCXCVIII. p. 335.
- Romanum Concilium*
 anni - DCCXLV. p. 60.
- S**
- Salisburgenſe Conci-
 lium anni* - DCCCVII. p. 389.
- In Salz Palatio Regio
 Concilium anni* - DCCXIV. p. 383.
- Sardicenſe Concilium* CCCXLVI.
acceptatum in Cod.
vet. Eccles. - p. 188.
- Suessionense Conci-
 lium anni* - DCCXLIV. p. 57.
- Synodica epistola epif-
 coporum Germani-
 æ in Concilio Fran-
 cofortensi ad episco-
 pos Hispaniæ.* - p. 304.
- T**
- Tegernſeense Conci-
 lium anni* - DCCXIV. p. 384.
- In Theodonis villa, Pa-
 latio Regio, Conci-
 lium primum anni* - DCCCV. p. 388.
 Alterum - DCCXIV. p. 388.
- Tornacense Conci-
 lium anni* - DXX. p. 9.
- Treverense Concilium*
 primum anni - CCCXXCVI. p. 5.
 Alterum - CCCXXCVI. p. 5.
 Tertium - DLXVI. p. 15.
 Quartum - DCCXIV. p. 429.
- Tullenſe Concilium*
 anni - DL. p. 13.
- Tungrenſe Conci-
 lium primum anni* - DCCVIII. p. 31.
 Alterum - DCCIX. - p. 32.
- W**
- Wormatiæ in Palatio
 Regio Concilium*
 Primum anni - DCCXLIV. p. 123.
 Alterum - DCCCLXXII. p. 128.
 Tertium - DCCCLXXVI. p. 237.
 Quartum - DCCXXCI. p. 244.
 Quintum - DCCXXCVI. p. 258.
 Sextum - DCCXXCVII. p. 259.
 Septimum - DCCXC. p. 287.
 Octavum - DCCXIII. p. 372.
- CATA-

CATALOGUS ROMANORUM PONTIFICUM

A SÆCULI IV. ANNO XII. AD SÆCULI IX. ANNUM XVI.

Sub quibus celebrata fuere Concilia tum in - tum extra Germaniam, quæ in hoc I. Tomo recensentur.

<i>Nomen & Natio.</i>	<i>Ordo Successionis à S. Petro.</i>	<i>Adiit Pontificatum.</i>	<i>Sedit.</i>	<i>Obiit.</i>
Melchiades <i>Afer.</i>	Papa XXXIII.	Anno Christi cccx. 2. Jul. Ind. 13.	Annis III. Menfib. VI. Dieb. 9.	Anno Christi cccxiv. 10. Jan. Ind. 2.
Silvester <i>Romanus.</i>	XXXIV.	cccxiv. 31. Januar. Indict. 2.	Annis XXI. Menfib. XI.	cccxxxv. 31. Decemb. Indict. 8.
Marcus <i>Romanus.</i>	XXXV.	cccxxxvi. 18. Januar. Indict. 9.	Menf. VIII. Dieb. 20.	cccxxxvi. 7. Octob. Indict. 9.
Julius <i>Romanus.</i>	XXXVI.	cccxxxvii. 6. Februarii. Indict. 10.	Annis XV. Menfib. 2. Dieb. 6.	ccclii. 12. April. Indict. 10.
Liberius <i>Romanus.</i>	XXXVII.	ccclii. 21. Junii. Indict. 10.	Annis XIV. Menfib. 3. Diebus 3.	ccclxvi. 23. Sept. Indict. 14.
Felix II. <i>Romanus.</i>	XXXVIII.	ccclv. Indict. 13.	Annis III.	Depositus ccclviii. 29. Jun. Ind. 1
Damasus <i>Hispanus.</i>	XXXIX.	ccclxvi. 1. Octobr. Indict. 9.	Annis XVIII. Menfib. II. Diebus 10.	ccclxxxiv. 10. Decemb. Indict. 12.
Siricius <i>Romanus.</i>	XL.	ccclxxxiv. 22. Decemb. Indict. 12.	Annis XIII. Menfib. XI. Dieb. 5.	cccxcviii. 26. Novemb. Indict. 11.
Anastasius I. <i>Romanus.</i>	XLI.	cccxcviii. 5. Decembr. Indict. 11.	Annis III. Dieb. 10.	ccccc. 14. Decemb. Indict. 14.

<i>Nomen & Natio.</i>	<i>Ordo Successio- nis à S. Petro.</i>	<i>Adiit Pontificatum.</i>	<i>Sedit.</i>	<i>Obiit.</i>
Innocentius <i>Albanensis.</i>	Papa XLII.	Anno Christi cccci. 21. Decemb. Indict. 14.	Annis XV. Mensib. II. Dieb. 20.	Anno Christi ccccxvii. 12. Martii. Indict. 16.
Zosimus <i>Græcus.</i>	XLIII.	ccccxvii. 18. Martii. Indict. 15.	Anno I. Mensib. IX. Dieb. 9.	ccccxviii. 26. Decemb. Indict. 16.
Bonifacius I. <i>Romanus.</i>	XLIV.	ccccxviii. 29. Decemb. Indict. 16.	Annis III. Mensib. VIII. Dieb. 9.	ccccxxii. 4. Septemb. Indict. 5.
Cœlestinus <i>Campanus.</i>	XLV.	ccccxxii. 10. Septemb. Indict. 5.	Annis IX. Mensib. X. Dieb. 9.	ccccxxxii. 18. Julii. Indict. 15.
Sixtus III. <i>Romanus.</i>	XLVI.	ccccxxxii. 24. Julii. Indict. 15.	Annis VIII. Dieb. 19.	ccccxl. 11. Augusti. Indict. 8.
Leo I. <i>Tusculus.</i>	XLVII.	ccccxl. 2. Septemb. Indict. 8.	Annis XXI. Mense I. Diebus 13.	ccccxli. 4. Novemb. Indict. 14.
Hilarus <i>Sardus.</i>	XLVIII.	ccccxli. 12. Novemb. Indict. 14.	Annis VI. Mensib. III. Dieb. 10.	ccccxlviii. 21. Februar. Indict. 6.
Simplicius <i>Tiburtinus.</i>	XLIX.	ccccxlviii. 25. Febr. Indict. 6.	Annis XV. Dieb. 6.	ccccclxxxiii. 2. Martii. Indict. 6.
Felix III. <i>Romanus.</i>	L.	ccccclxxxiii. 6. Martii. Indict. 6.	Annis VIII. Mensib. XI. Dieb. 18.	ccccxcii. 24. Februar. Indict. 15.
Gelasius <i>Afer.</i>	LI.	ccccxcii. 1. Martii. Indict. 15.	Annis IV. Mensib. VIII. Dieb. 18.	ccccxcvi. 19. Novemb. Indict. 4.
Anastasius II. <i>Romanus.</i>	LII.	ccccxcvi. 24. Novemb. Indict. 4.	Anno I. Mensib. XI. Dieb. 24.	ccccxcviii. 17. Nov. Indict. 6.
Symmachus <i>Sardus.</i>	LIII.	ccccxcviii. 22. Novemb. Indict. 6.	Annis XV. Mensib. VII. Dieb. 27.	dxiv. 19. Julii. Indict. 7.
Hormisdas <i>Campanus.</i>	LIV.	dxiv. 27. Julii. Indict. 7.	Annis IX. Dieb. 11.	dxiii. 6. Augusti. Indict. 1.

ROMANORUM PONTIFICUM.

55

<i>Nomen & Natio.</i>	<i>Ordo Successio- nis à S. Petro.</i>	<i>Adiit Pontificatum.</i>	<i>Sedit.</i>	<i>Obiit.</i>
Joannes I. <i>Tusculus.</i>	Papa LV.	Anno Christi DXXXIII. 13. Augusti. Indict. 1.	Annis II. Menfib. IX. Dieb. 5.	Anno Christi DXXXVI. 18. Maji. Indict. 4.
Felix IV. <i>Samnita.</i>	LVI.	DXXXVI. 12. Julii. Indict. 4.	Annis IV. Menfib. II. Dieb. 6.	DXXXIX. 18. Sept. Indict. 8.
Bonifacius II. <i>Romanus.</i>	LVII.	DXXXIX. 21. Sept. Indict. 8.	Annis II. Dieb. 26.	DXXXII. 16. Octobr. Indict. 10.
Joannes II. <i>Romanus.</i>	LVIII.	DXXXII. 31. Decemb. Indict. 10.	Annis II. Menfib. IV. Dieb. 26.	DXXXV. 27. Maji. Indict. 13.
Agapetus <i>Romanus.</i>	LIX.	DXXXV. 3. Junii. Indict. 13.	Menfib. X. Dieb. 19.	DXXXVI. 22. April. Indict. 14.
Silverius <i>Campanus.</i>	LX.	DXXXVI. 8. Junii. Indict. 14.	Anno I. Menfib. V. Dieb. 11.	Depositus DXXXVII. 18. Nov. Ind. 15. Mortuus in exilio.
Vigilius <i>Romanus.</i>	LXI.	DXXXVII. 22. Nov. Indict. 15.	Annis legiti- mi Pontifica- tus circiter XVI.	DLIV. Mensis & Dies incerti. Indict. 2.
Pelagius I. <i>Romanus.</i>	LXII.	DLV. 11. Aprilis. Indict. 3.	Annis IV. Menfib. X. Dieb. 18.	DLX. Nocte inter ultimam Feb. & 1. Martii. Indict. 8.
Joannes III. <i>Romanus.</i>	LXIII.	DLX. 18. Julii. Indict. 8.	Annis XII. Menfib. XI. Dieb. 26.	DLXXIII. 13. Julii. Indict. 6.
Benedictus I. <i>Romanus.</i>	LXIV.	DLXXIV. 3. Junii. Indict. 7.	Annis IV. Mense I. Dieb. 28.	DLXXVIII. 30. Julii. Indict. 11.
Pelagius II. <i>Romanus.</i>	LXV.	DLXXVIII. 30. Nov. Indict. 11.	Annis XI. Menfib. II. Dieb. 10.	DXC. 8. Februar. Indict. 8.
Gregorius I. <i>Romanus.</i>	LXVI.	DXC. 3. Septembr. Indict. 8.	Annis XIII. Menfib. VI. Dieb. 10.	DCIV. 12. Martii. Indict. 7.

<i>Nomen & Natio.</i>	<i>Ordo Successio- nis à S. Petro.</i>	<i>Adiit Pontificatum.</i>	<i>Sedit.</i>	<i>Obiit.</i>
Sabinianus <i>Tusculus.</i>	Papa. LXVII.	Anno Christi DCIV. 13. Septemb. Indict. 7.	Anno I. Mensib. V. Dieb. 9.	Anno Christi DCVI. 22. Februar. Indict. 9.
Bonifacius III. <i>Romanus.</i>	LXVIII.	DCVII. 19. Februar. Indict. 10.	Mensib. VIII Dieb. 22.	DCVII. 10. Novemb. indict. 10.
Bonifacius IV. <i>Marsus</i>	LXIX.	DCVIII. 25. Augusti. Indict. 11.	Annis VI. Mensib. VIII Dieb. 13.	DCXV. 7. Maji. indict. 3.
Deusdedit <i>Romanus.</i>	LXX.	DCXV. 19. Octobr. Indict. 3.	Annis III. Dieb. 20.	DCXVIII. 8. Novembr. indict. 6.
Bonifacius V. <i>Campanus.</i>	LXXI.	DCXIX. 23. Decemb. Indict. 7.	Annis V. Mensib. 10.	DCXXV. 22. Octobr. indict. 13.
Honorius I. <i>Campanus.</i>	LXXII.	DCXXV. 27. Octobr. Indict. 13.	Annis XII. Mensib. XI. Dieb. 17.	DCXXXVIII. 12. Octobr. indict. 11.
Severinus <i>Romanus.</i>	LXXIII.	DCXL. 28. Maji. Indict. 13.	Mensib. II. Dieb. 4.	DCXL. 1. Augusti. indict. 13.
Joannes IV. <i>Dalmata.</i>	LXXIV.	DCXL. 24. Decemb. Indict. 13.	Anno I. Mensib. IX. Dieb. 18.	DCXLII. 11. Octobr. indict. 15.
Theodorus <i>Græcus.</i>	LXXV.	DCXLII. 24. Novemb. Indict. 15.	Annis VI. Mensib. V. Dieb. 19.	DCXLIX. 13. Maji. indict. 7.
Martinus I. <i>Tusculus.</i>	LXXVI.	DCXLIX. 5. Julii. Indict. 7.	à Consecra- tione ad exi- lium ann. IV.	DCLIV. 16. Septemb. indict. 12.
Eugenius I. <i>Romanus.</i>	LXXVII.	DCLIV. 8. Septembr. Indict. 12.	Annis II. Mensib. VIII. Dieb. 24.	DCLVII. 1. Junii. indict. 15.
Vitalianus <i>Campanus.</i>	LXXVIII.	DCLVII. 30. Julii. Indict. 15.	Annis XIV. Mensib. VI.	DCLXXII. 27. Januar. indict. 15.
Adeodatus <i>Romanus.</i>	LXXIX.	DCLXXII. 22. April. Indict. 15.	Annis IV. Mensib. II. Dieb. 5.	DCLXXVI. 26. Junii. indict. 4.

<i>Nomen & Natio.</i>	<i>Ordo Successio- nis à S. Petro.</i>	<i>Adit Pontificatum.</i>	<i>Sedit.</i>	<i>Obiit.</i>
Donus I. <i>Romanus.</i>	Papa LXXX.	Anno Christi DCLXXVI. 1. Novembr. indict. 4.	Anno I. Mensib. V. Dieb. 10.	Anno Christi DCLXXVIII. 11. April. indict. 6.
Agatho <i>Siculus.</i>	LXXXI.	DCLXXVIII. 27. Junii. indict. 6.	Annis III. Mensib. VI. Dieb. 14.	DCLXXXII. 10. Januar. indict. 10.
Leo II. <i>Siculus.</i>	LXXXII.	DCLXXXII. 17. Augusti. indict. 10.	Mensib. X. Dieb. 17.	DCLXXXIII. 3. Julii. indict. 11.
Benedictus II <i>Romanus.</i>	LXXXIII.	DCLXXXIV. 26. Junii. indict. 12.	Mensib. X. Dieb. 12.	DCLXXXV. 7. Maji. indict. 13.
Joannes V. <i>Syrus.</i>	LXXXIV.	DCLXXXV. 23. Julii. indict. 13.	Anno I. Dieb. 9.	DCLXXXVI. 1. Augusti. indict. 14.
Conon <i>Thrax.</i>	LXXXV.	DCLXXXVI. 21. Octobr. indict. 14.	Mensib. XI.	DCLXXXVII. 21. Septemb. indict. 15.
Sergius I. <i>Syrus.</i>	LXXXVI.	DCLXXXVII. 15. Decemb. indict. 15.	Annis XIII. Mensib. VIII. Dieb. 23.	DCCI. 7. Septembr. indict. 14.
Joannes VI. <i>Græcus.</i>	LXXXVII.	DCCI. 28. Octobr. indict. 14.	Annis III. Mensib. II. Dieb. 12.	DCCV. 9. Januar. indict. 3.
Joannes VII. <i>Græcus.</i>	LXXXVIII.	DCCV. 1. Martii. indict. 3.	Annis II. Mensib. VII. Dieb. 17.	DCCVII. 27. Octobr. indict. 5.
Sifinnius <i>Syrus.</i>	LXXXIX.	DCCVIII. 18. Januar. indict. 6.	Dieb. 20.	DCCVIII. 6. Februar. indict. 6.
Constantinus <i>Syrus.</i>	XC.	DCCVIII. 25. Martii. indict. 6.	Annis VII. Dieb. 15.	DCCXV. 8. Aprilis. indict. 13.
Gregorius II. <i>Romanus.</i>	XCI.	DCCXV. 19. Maji. indict. 13.	Annis XV. Mensib. VIII. Dieb. 23.	DCCXXXI. 11. Februar. indict. 14.
Gregorius III <i>Syrus.</i>	XCII.	DCCXXXI. 18. Martii. indict. 14.	Annis X. Mensib. VIII. Dieb. 11.	DCCXLI. 27. Novemb. indict. 9.

<i>Nomen & Natio.</i>	<i>Ordo Successio- nis à S. Petro.</i>	<i>Adiit Pontificatum.</i>	<i>Sedit.</i>	<i>Obiit.</i>
Zacharias <i>Græcus.</i>	Papa XCIII.	Anno Christi DCCXLI. 30. Novemb. indict. 9.	Annis X. Mensib. III. Dieb. 14.	Anno Christi DCCLII. 14. Martii. indict. 5.
Stephanus <i>Romanus.</i>		DCCLII. <i>Electus,</i>	<i>ante Consecrationem mortuus.</i>	DCCLII.
Stephanus II. <i>Romanus.</i>	XCIV.	DCCLVII. 26. Martii. indict. 5.	Annis V. Dieb. 29.	DCCCLVII. 24. Junii. indict. 10.
Paulus I. <i>Romanus.</i>	XCIV.	DCCLVII. 29. Maji. indict. 10.	Annis X. Mense I.	DCCCLXVII. 28. Junii. indict. 5.
Stephanus III <i>Siculus.</i>	XCVI.	DCCCLXVIII. 7. Augusti. indict. 6.	Annis III. Mensib. V. Dieb. 27.	DCCCLXXII. 2. Februar. indict. 1.
Hadrianus I. <i>Romanus.</i>	XCVII.	DCCCLXXII. 9. Februar. indict. 10.	Annis XXIII Mensib. X. Dieb. 17.	DCCXCv. 25. Decemb. indict. 3.
Leo III. <i>Romanus.</i>	XCVIII.	DCCXCv. 27. Decemb. indict. 3.	Annis XX. Mensib. V. Dieb. 16.	DCCCXvi. 11. Junii. indict. 9.
Stephanus IV <i>Romanus.</i>	XCIX.	DCCCXvi. 22. Junii. indict. 9.	Mensib. VII.	DCCCXvii. 24. Januar. indict. 10.



SERIES REGUM FRANCIAE AUSTRASIAE EX MEROVINGICIS.



HEODORICUS I. Rex Metensium & Austrasiae, Fil. Clodovei I. Magni, Regnum adiit anno DXI. obiit anno DXXXIV.

Celebrata sub eo fuit Synodus Tornacensis. Pag. 9.

THEODEBERTUS I. Rex Metensium in Austrasia, Fil. Antecessoris: obiit anno DXLVII.

Sub eo fortè Concilium Tullense. pag. 13.

THEODOBALDUS, Fil. Antecessoris. Obiit anno DLIV.

Sub eo Concilium Metense. pag. 14.

CHLOTHARIUS, Fil. Chlodovei I. Patruus Antecessoris, primò Rex Sueffionum, dein Austrasiae post mortem Theodobaldi, demum Monarcha Franciae. Obiit anno DLXI.

SIGEBERTUS I. Fil. Antecessoris. Obiit anno DLXXV.

Sub illo Concilium Treverense. pag. 15.

CHILDEBERTUS Fil. Antecessoris, sub tutela Matris Brunechildis. Obiit DXC. aliis DXCVI.

Circa hoc tempus CHILPERICUS, Rex Sueffionum, Frater Sigeberti I., operâ Fredegundis uxoris interfectus est: de cuius cædis auctoribus quæsitum in Concilio Metensi anno DXC. Eodem tempore Chrodielidis Filia Chariberti, Regis Parisiorum, (qui Childeberti Patruus, & Sigeberti I. frater erat) damnata fuit in Concilio Pictaviensi: sed denuo absoluta in Metensi. p. 19. & 21.

THEODEBERTUS II. Austrasiae Rex, Fil. Antecessoris: Brunechildis Aviae iussu occisus anno DCXII.

THEODORICUS II. Rex Burgundiae, dein & Austrasiae Rex, Frater Theodeberti II. Obiit eodem anno DCXII.

Ad utrumque scripsit S. Gregorius I. PP. pag. 19. 20. 22.

SIGEBERTUS II. Fil. Theodoricus II. ab Avia Brunichilde, Rex Austrasiae designatus, antequam Regnum adiret, iussu Chlotarii occisus anno DCXIII.

CHLOTARIUS II. Fil. Chilperici, Regis Sueffionum & Fredegundis: Parricis Childeberti, Patruus Theodeberti II. & Theodoricus II. primò Rex Austrasiae anno DCXIII. Demum totius Franciae. Obiit DCXXVIII.

Sub eo Concilium Constantiense - - - - - pag. 24.

DAGOBERTUS I. Fil. Chlotarii II. à Patre præficitur Austrasiæ anno DCXXXIII.
fit Monarcha totius Franciæ anno DCXXXVIII. Obiit DCXXXVIII.

Sub eo dotatur Ecclesia Wormatiensis - - - - - pag. 25.

Celebratur Concilium Remense nationale. - - - - - pag. 31.

SIGEBERTUS III. Fil. Dagoberti I., ab hoc Rex Austrasiæ dictus fuit anno
DCXXXII. Obiit DCLVI.

Fundavit Monasterium casæ Conguidinensis. - - - - - pag. 26.

Sub eo Pippinus Major Domus in Austrasia; quorum Majorum Domus potentia uti increvit indies, sic Regia viluit.

CHLODOVEUS II. Fil. Dagoberti I. Rex Neustriæ & Burgundiæ, post Monarcha Franciæ. Obiit DCLVI.

CHLOTHARIUS III. Fil. Chlodovei II. sub matre Bathilde ad annum DCLX. Franciæ universæ præfuit. Dein retenta sibi Neustria, & Burgundia, Austrasiam Fratri Childerico natu minori cessit. Obiit DCLXX.

CHILDERICUS II. Fil. Chlodovei II. austras. Rex circa annum DCLX. Obiit DCLXXXIII.

DAGOBERTUS II. Sigeberti III. Fil. Austrasiæ Regnum adiit anno DCLXXIV.
Obiit DCLXXVII.

THEODORICUS III. Childerici II. frater, fit monarcha Franciæ anno DCLXXXIII.
Obiit DCXCI.

CHLODOVEUS III. Rex Fil. antecess. Rex Austrasiæ ab anno DCXCI. Obiit DCXCV.

CHILDEBERTUS III. Frater antecessoris, fit Rex Austrasiæ anno DCXCV. Obiit
anno DCCXI.

Sub eo Synodi Tungrenses & Leodiensis - - - - - pag. 32.

DAGOBERTUS III. Childeberto Patri in Regno successit anno DCCXI. Obiit DCCXV.

CHILPERICUS, F. Childerici II. Monachus *Daniel* dictus, fit Rex Franciæ anno
DCCXV. Deponitur DCCXX. Obiit DCCXXVII.

THEODORICUS IV. Calensis dictus, Filius Dagoberti junioris, anno DCCXX.
Rex Austrasiæ. Obiit DCCXXXVII.

CHILDERICUS III. Filius Chilperici, à Pippino Majore Domus & Carolomanno
declaratur Rex anno DCCXLII. Deponitur & monasterio mancipatur anno
DCCLII. Regum Merovingicorum ultimus.

Sub eo Concilia in Germania Liptinis & alibi - - - - - à pag. 50. ad 72.

In hac Serie secuti sumus Cl. Joann. Georgium Eckbartum in Historia Franciæ Orientalis.

STEMMA ET SERIES
FRANCORUM REGUM
CAROLINGORUM,
USQUE AD ANNUM DCCCXVI.



S. ARNULPHUS, Episcopus Metensis. Obiit dēXL.

ANSEGISUS Filius. Obiit dCLXXIX.

PIPPINUS Heristallus, Filius Ansegisi Ducis, Major Domûs. Obiit dCCXIV.

Uxor prima *Plectrudis*, Filia *Hugoberti*.

Uxor secunda *Alpais*, Soror *Dodonis*.

GRIMOALDUS, Major Domûs, ex *Plectrude*, prima uxore, cujus Filius fuit
Theudoaldus Major Domûs.

DROGO, Dux Campaniæ, ex *Plectrude*, prima uxore, cujus Filius *Arnoldus*.

CAROLUS MARTELLUS, natus ex *Alpaide*, secunda Conjuge: post Vin-
ciacensem anni dCCXVII., & Sueffionensem anni dCCXIX. Victorias, Dux
universæ Franciæ. Obiit dCCXLI. Idibus gbris.

Uxor prima *Rotrudis*, secunda *Sonecbâldis*. Octo liberos reliquit.

PIPPINUS brevis, seu nanus, Dux in Neustria, Burgundia, Provincia, Filius
Caroli ex *Rotrude*, fit Rex Franciæ anno dCCLII. Obiit dCCLXVIII. 24. 7bris.

Uxor *Bertrada*, seu *Berta*.

Sub eo Duce Synodi anni DCCXLIV. DCCXLV. & DCCXLVII.

*Sub eodem Rege Synodi anni DCCLII. Moguntina, Metensis
anni DCCLIII. & Constantiensis anni DCCLIX.*

CAROLOMANNUS ex *Rotrude*, Filius Caroli Martelli, Dux Francorum in
Austriâ, fit Monachus anno dCCXLVIII. Obiit dCCLIV.

Sub hoc habitæ Synodi anni DCCXLII. & DCCXLIII. pag. 48. 50.

LANDRADA, Filia Caroli Martelli ex *Rotrude*, uxor *Sigrammi*, Mater CHRO-
DEGANI, Archi-Episcopi Metensis, mortui anno dCCLXVI. Vide de
hoc pag. 96, 97.

CHILTRUDIS, Filia Caroli Martelli ex *Rotrude*, uxor *Odilonis*, Bajoariæ Du-
cis, Mater *Tassilonis*, Bajoariæ Ducis.

GRIPHO, F. Caroli Martelli ex *Sonecbilde*: Dux in parte Neustriæ, Austriæ,
Burgundiæ, ex Testamento Paterno; sed à Fratribus exclusus fuit.

REMIGIUS, F. Caroli ex Concubina, Archi-Episcopus Rotomagensis.

HIERONYMUS, F. Caroli ex Concubina, Pater *Fulradi*, Abbatis S. Dionysii,

BERNARDUS Comes, F. Caroli ex Concubina: Pater *Adalardi*, Abbatis Corbeienfis: *Wala* Comitis, post Abbatis: & *Bernarii* Monachi.

CAROLUS MAGNUS, Filius Pippini brevis & Bertæ: Rex Franciæ in Neustria ab 24. Septembris DCCLXIII. Rex universæ Franciæ DCCLXXI. Imperator Occidentis anno DCCC. die Natali Domini. Obiit DCCCXIV.

Sub eo ferè omnibus annis Comititia politica, militaria, Conventus Procerum Mense Majo, aut seriùs, Synodi Ecclesiasticæ plurimæ.

CAROLOMANNUS, Filius Pippini brevis & Bertæ, Rex Austrasiæ. Obiit DCCLXI.

Uxor GERBERGA, ex qua Filium unicum PIPPINUM reliquit.

GISELA, Soror Caroli Magni.

ADA, Soror Caroli Magni, Treveris in Sancti Maximini sepulta.

LUDOVICUS PIUS, Filius Caroli M. ex Hildegardâ, Rex Aquitaniæ, anno DCCCIV. Imperator Occidentis anno DCCCXIII.





CONCILIA GERMANIÆ.

SÆCULUM QUARTUM.

CONCILIUM EPISCOPORUM GER-
MANIÆ PRIMÆ ET SECUNDÆ, ET ALIO-
RUM: LOCI INCERTI. ANNO CHRISTI CCCLVIII. LIBERII
PAPÆ VII. CONSTANTII IMPERATORIS XXII.

*Concilium hoc alicubi extitisse, colligitur ex Libro de Synodis S. Hilarii, Pi-
etaviensis Episcopi, in Phrygiâ ob Fidem exulis, seu ex Epistolâ respon-
soriâ, scriptâ ad Episcopos Germaniæ & Belgii & Galliæ: quâ eos
docet retinendam absolutè & palàm vocem CONSUBSTANTIALIS,
Catholico sensu sat declarato Nicææ: & Orientalium Episcoporum
varias professiones utcunque explicat, & excusat Pacis causâ.*

Initium Libri de Synodis.

Dilectissimis & Beatissimis Fratribus & Coepiscopis,
Provinciae Germaniæ primæ, ^(a) & Germaniæ secundæ,
& primæ Belgicæ, & Belgicæ secundæ, & Lugdunen-
sis primæ & Lugdunensis secundæ, & Provinciae Aquি-
tanicæ, & Provinciae Novempopulanæ, & ex Narbo-
nenfi: Plebibus, & Clericis Tolosanis, & Provin-
ciarum Britanniarum Episcopis, Hilarius
Servus Christi, in DEO & Domino
nostro æternam Salutem.

A

i. Con-

^(a) *Benedictini Editores operum S. Hilarii in notis ex MSS. sic interpolatum titulum representant:*
Coepiscopis Germaniæ primæ, in qua est primâ Moguntia; & Germaniæ secundæ, in qua pri-
ma est Agrippina, id est, Colonia; & primæ Belgicæ, in qua prima est Treviris; & Belgicæ
secundæ, in qua prima est Remis; &c.



1. Constitutum mecum habebam, Fratres carissimi! in tanto silentii vestri tempore nullas ad vos Ecclesiastici Sermonis literas mittere. Nam, cum frequenter vobis ex plurimis Romanarum Provinciarum urbibus significassem, quid cum Religiosis Fratribus nostris, Orientis Episcopis, Fidei, Studiique esset, quantaque, sub occasione temporalium motuum, Diabolus venenato ore atque lingua mortifera doctrinae fibila protulisset: verens, ne in tanto, ac tam plurium Episcoporum calamitosa impietatis, vel erroris periculo, taciturnitas vestra de polluta atque impia conscientia esset desperatione suscepta, (b) (nam ignorare vobis, frequenter admonitis, non licebat) mihi quoque apud vos tacendum arbitrabar, Dominicae Sententiae admodum memor, quā post primam (c) atque iteratam conventionem, eos, qui etiam sub Testimonio Ecclesiae inobedientes existerent, haberi sicut Ethnicos Publicanosque iussisset.

2. Sed *beatae Fidei vestrae literis sumptis*, (d) quarum lentitudinem ac raritatem de exilii mei & longitudine, & secreto intelligo constitisse; Gratulatus sum in Domino, incontaminatos vos, & illos ab omni contagio detestandae haereseos perstitisse, vosque comparticipes exsilii mei: in quod me Saturninus, (e) ipsam conscientiam suam veritus, circumvento (f) Imperatore detrulerat, negata ipsiusque hoc tempus, toto jam triennio, communionē, fidē mihi ac spiritu cohaerere: Et *missam proximē vobis ex Sirmienſi* (g) *opido infidelis Fidei impietatem*, non modō non suscepisse, sed nuntiatam etiam, significantemque damnasse. Necessarium mihi ac religiosum intellexi, ut nunc

quasi Episcopus, Episcopis, mecum in Christo communicantibus, salutaris ac fidelis sermonis colloquia transmitterem: & qui per metum incertorum, conscientiae tantum antea meae, quod ab his omnibus essem liber, gratulabar, nunc jam communis Fidei nostrae integritate gauderem. O gloriosa conscientiae vestrae inconcussam stabilitatem! O firmam fidelis petrae stabilitate Domum! O intemeratae voluntatis illaem, imperturbatamque constantiam! Manſit namque, atque etiam nunc permanet, post Synodi Biterrenſis Professionem, in qua Patronos hujus haereseos ingerendae quibuscum vobis testibus denuntiaveram, innocens, inviolata, religiosa.

3. Expectastis enim sanctae & indemutabilis perseverantiae gloriosum triumphum, non cedendo Saturnini (b) minis, potestatibus, bellis: & cum omnia inchoanda blasphemiae in Deum certamina moverentur, manentes nunc usque mecum in Christo Fideles, neque antea ad occasionem prorupturae haereseos cessistis, & nunc omnem ejus petulantiam in pruritionis congressione fregistis. Vicistis enim, Fratres, cum ingenti fidei communis gratulatione: & geminam habuit illa conscientiae vestrae honor gloria, de integritate scilicet conscientiae, & de exempli auctoritate. Nam Fidei vestrae imperturbatae, inconcussaeque fama, quosdam Orientalium Episcopos sero jam ad aliquem pudorem nutritae exinde haereseos, auctaeque commovit: & auditis iis, quae apud Sirmium conscriptae impiissime erant, irreligiosorum audaciae quibuscum sententiarum suarum decretis contradixerunt. Et licet non sine aliquo aurium scandalo, & pia sollicitudinis offensione restiterint: tamen adeo

(b) *Suspecta* corrigi ex MSS. melioribus.

(c) Matthaei XVIII. 15.

(d) Episcopi Germaniae & Galliae confessionem Sirmienſem, de qua infra Num. 11. ad se missam acceperunt vel exeunte anno 357, vel ineunte anno 358, & illico damnarunt acceptam; quae horum Episcoporum in damnanda Ariana formula constantia Orientalibus innouit ante Pascha anni 358, hoc est, ante conventum Ancyranum. Scripserunt Episcopi Germaniae primae & secundae, vel in una, vel pluribus Synodis adunati, & ad S. Hilarium, & ad Arianos Episcopos.

(e) Saturninus, Atelatenſis Episcopus, Arianus in Concilio Biterrenſi anno CCCLIII.

(f) Constantio Augusto, Arianorum Fautore.

(g) Tres Synodos Sirmienſes hoc tempore coactas fuisse, demonstrat Pagi in *Critica Baronii* ad annum 357. Primam anno 351. secundam anno 357. tertiam anno 358.

(h) Quidam ex Episcopis in titulo nominatis videntur interfuisse Biterrenſi Synodo, & a Saturnini ac ceterorum Arianorum Episcoporum communionē se abstinuisse palam, ut infra N. 4. S. Hilarium narrat, aut eosdem excommunicasse in ista vel alia Synodo.

adedo restiterunt, ut ipsos illos, qui tunc apud Sirmium in sententiam Potamii atque Offii, ita & ipsi sentientes confirmantesque, concesserant, ad professionem ignorantiae, errorisque compellerent; ut ipsi rursus subscribendo damnarent; quod fecerant. Quod utique idem fecerunt, ut aliud ante damnarent.

4. Sed tenet etiam nunc invicta Fides vestra spectabilem conscientiae suae gloriam, & nihil subdolum, nihil ambiguum, nihil trepidum agere contenta, securè in Christo libertatis suae professione persistit, ab eorum se communione, qui Episcopos, blasphemis suis contradicentes, in exilio detinent, abstinendo, neque se in iniusti Iudicii reatum per assensum dissimulationis subdole aggrediendo. Nam post multum, & gravem omnium nostrum ob eas res, quae irreligiousè ab impiis gerebantur, dolorem, ex eo intra nos tantum Communio Dominica continetur, ex quo his perturbationibus vexari Ecclesia cœpta est, ut exsulent Episcopi, demutentur Sacerdotes, plebes terreantur, fides periclitetur, humano arbitrio, ac potestate doctrinae Dominicae decreta statuuntur. Hoc fides illæsa vestra neque nescire se simulat, neque pati posse profiteretur, non se extra conscientiae crimen futuram intelligens ex ipso dissimulationis assensu.

5. Et quidem quamvis in omnibus, quae gessistis & geritis, constantem fidei vestrae libertatem & securitatem testemini: tamen etiam in eo ferventis spiritus ardorem probatis, quod nonnulli ex vobis, quorum ad me potuerunt scripta deferri, quae exinde Orientales in fidei professionibus gerant, & gesserunt, significari vobis humilitatis meae literis desiderastis: etiam hoc mihi onus imperitissimo atque indoctissimo omnium ex affectu caritatis addentes, ut quid ipse super omnibus dictis eorum sentiam, indicem; cum difficillimum sit, sensum ipsum propriae meae fidei, secundum intelligentiae interioris affectum loquendo proferre, nedum modò facile sit intelligentiam eorum, quae ab aliis dicuntur, exponere.

6. Oro autem vos per Domini misericordiam, ut, quia mihi ad vos de Divinis, ut voluistis, rebus, & de Fidei nostrae intemerata conscientia, erit per

A 2

has literas sermo, ne quisquam de me ante sermonis consummationem per literarum exordia existimet judicandum. Iniquum est enim, nisi comperta usque ad finem ratione dictorum, praedictam sententiam ex initiis, quorum causa adhuc ignoretur, afferre: cum non de inchoatis ad cognoscendum, sed de absolutis, ad cognitionem sit judicandum. Est enim mihi non de vobis, ut Dominus sensui meo conscius est, sed de quibusdam, nimium apud se cautis, & prudentibus metus, non intelligentibus, per beatum Apostolum sibi, ne *superasperent*, (i) praeceptum: quos vereor, nolle omnia ea, quorum absolutio à me in consummatione erit praestanda, cognoscere, dum verum intelligi ex iis, quae absolventur, evitant. Sed quisque hæc legenda & cognoscenda susceperit, modum sibi atque mihi patientiae fidelis indulgeat, & usque ad absolutionem universa percontetur. Fortè enim omnis hic fidei meae sermo praestabit, ut neque furtivi haeretici, quod volunt, fallant, & perfecti Catholici, quod desiderant, consequantur.

7. Obsequor igitur caritatis vestrae impatientissimae voluntati: & omnes fides, (k) quae post sanctam Synodum Nicænam diversis temporibus, & locis editae sunt, cum sententiarum omnium, atque etiam verborum, additis per me expositionibus, destinavi. In quibus, si quid vitiosè inesse intelligitur, nemo mihi vitium potest assignare dictorum: internuntius enim, ut voluistis, sum ipse, non conditor. Si quid verò rectum, atque ex doctrinis Apostolicis praescriptum deprehenditur, nemo ambigit, non interpretantis in eo esse gloriam, sed auctoris. Ego tamen, quae gesta sunt, fideliter transmissi: vos, an Catholica, an haeretica sint, fidei vestrae Iudicio comprobate.

8. Quanquam enim responderi literis vestris necessarium fuerit, quibus communionem mihi Dominicam fidei vestrae scriptis miseratis, & quidam etiam ex vobis ad Synodum, quae in Bithynia futura videbatur, acciti, firmissimam fidei constantiam, intra communionem se meam continentes, à cæteris extra Gallias abstinere: & dignum sanè erat Episcopali Ministerio, ac voce, in tanto haereticorum

(i) Roman. XII. 3.

(k) Annuas atque mensuales Arianorum fides queritur & enarrat S. Hilarius L. II. ad Constantium Augustum §. 5. p. 1228.

reticorum furore, aliqua vobiscum per litteras piæ fidei consilia conferre. Non enim cum corporibus nostris exsulans, vincitum ac detentum esse potuit Dei verbum, ut non communicari vobiscum posset ubicunque. Sed maximè cum comperissem, *Synodos in Ancyra*, atque *Armino* congregandas, & à singulis provinciis Gallicanis binos, vel singulos, eò esse venturos; ea, quæ inter nos, atque Orientales Episcopos mutuis suspitionibus ⁽¹⁾ detinentur, per me, qui in Orientis partibus continebar, exponenda vobis, licet jam scientibus, atque edenda existimavi: ut, cum hanc *præsumptentem à Sirmio heresim* & vos condemnassetis, & illi cum Anathemate judicassent; Sciretis tamen, in cuius fidei professione idipsum, quod vos gesseratis, etiam ab Orientalibus Episcopis esset effectum; & vos, quos maximè vellem futuris Synodis probabiles elucere, non paterer, uno atque eodem Apostolicæ fidei sensu Catholica sentientes, aliqua saltem à Catholicæ Fidei sinceritate, ignoratæ verborum opinione, differre.

9. Et quidem rectum ac conveniens existimo, ut antè, quàm de verborum suspitionibus ac dissensionibus in eo sermonem, ea, quæ ab Orientalibus Episcopis adversum conscriptam apud Sirmium heresim dicta & constituta sint, verbis, quàm possim, absolutissimis demonstrarem: non, quòd non ab aliis planissimè omnia edita sint, sed quòd ex Græco in Latinum ad verbum expressa translatio affert plerumque obscuritatem, dum custodita verborum collatio eandem absolutionem non potest ad intelligentiæ simplicitatem conservare.

10. Meministis namque in ea ipsa scripta proximè apud Sirmium blasphemiam id tentatum ac laboratum fuisse, uti dum Pater unus & solus omnium Deus prædicatur, Deus esse Filius negaretur: & dum de hominifilio, ac de hominifilio taceri decernitur, id decretum esse; ut aut ex nihilo, ut creatura, aut ex alia

essentia, ut consequentia creaturarum, & non ex Deo Patre Deus Filius natus confirmaretur. Tum porro in eo, quòd honore, dignitate, claritate, maiestate Pater major diceretur, id esse quæsitum, ut Filius his omnibus, quibus Pater major est, indigeret. Postremò, dum ignorabilis nativitas ejus asseritur, per hoc ignorantia decretum, nescire, quòd ex Deo sit, juberetur: perinde quasi juberi, decernique possit, ut quis, aut quod ignoraturus sit, sciat, aut quod scierit, ignoret. Ipsam autem ex solido impiissimæ blasphemiae pestem invitus licet subdidi, ut responsum, quæ è diverso ab Orientalibus posita sunt, absolutius, & virtus, & ratio nosceretur, quibus studii fuit, ut secundum intelligentiæ suæ sensum omnibus hæreticorum artibus contrairent.

Exemplum Blasphemiae apud Sirmium per Osum, (m) & Potamium conscriptæ.

11. Cum nonnulla putaretur esse de fide disceptatio, diligenter omnia apud Sirmium tractata sunt, & discussa, præsentibus Sanctissimis Fratribus, & Coepiscopis nostris, VALENTE, URSACIO & GERMINIO. Unum constat Deum esse Omnipotentem & Patrem, sicut per universum orbem creditur: & unicum Filium ejus, JESUM Christum, Dominum, Salvatorem nostrum, ex ipso ante sæcula genitum. Duos autem Deos nec posse, nec debere prædicari; quia ipse Dominus dixit, *Ibo ad (n) Patrem meum, & ad Patrem vestrum, ad Deum meum, & ad Deum vestrum.* Idem omnium Deus unus est, sicut Apostolus docuit: *An Judæorum Deus (o) tantum? Nōne & Gentium? Immo & Gentium. Quoniam quidem unus Deus, qui justificat circumcissionem ex fide, & præputium per fidem.* Sed & cætera convenerunt, nec ullam habere potuerunt discrepantiam. Quod verò quosdam, aut multos movebat de substan-

(1) Germani & Gallicani Occidentales Episcopi suspicabantur, Orientis Episcopos omnes purum putum Arianismum tueri: quum non nulli Semi-Ariani, vel molliores Ariani essent, propiusque accederent ad Nicænæ Fidei professionem: quam tamen variè describebant, invertebant & depravabant. Econtrario Orientales suspicabantur Germanos & Gallos Sabellii erroribus adhærere.

(m) Osius Episcopus Cordubensis hanc formulam non tam scripsit, quàm subscripsit, Victus Arianorum Episcoporum, Potamii, Ursacii, Valentis, & Germinii, minis, promissis, fraudibus, OSII & LIBERII nomen Ariani suis professionibus præmitterebant, ut per has auctoritates seducerent Catholicos.

(n) Joannis XX. 37.

(o) Roman. III. 29. 30.

substantia, quæ græcè usæ appellatur, id est, (ut expressius intelligatur) *homousion*, (p) aut quod dicitur, *homoousion*, nullam omnino fieri oportere mentionem; nec quemquam prædicare eâ de causâ & ratione, quod nec in Divinis Scripturis contineatur, & quod super hominis scientiam sit, nec quisquam possit nativitatem Filii enarrare, de quo scriptum est, *Generationem* (q) *eius quis enarrabit*? Scire autem manifestum est solum Patrem, quomodo genuerit Filium suum, & Filium, quomodo genitus sit à Patre. Nulla ambiguitas est, majorem esse Patrem. Nulli potest dubium esse, Patrem honore, dignitate, claritate, maiestate, & ipso nomine Patris majorem esse Filio, ipso testante: *Qui me (r) misit, major me est*. Et hoc Catholicum esse, nemo ignorat, duas personas esse Patris & Filii; majorem Patrem, Filium subiectum cum omnibus his, quæ ipsi Pater subjecit. Patrem initium non habere, invisibilem esse, immortalem esse, impassibilem esse. Filium autem natum esse ex Patre, Deum de Deo, Lumen ex Lumine. Cujus Filii generationem, ut

antè dictum est, neminem scire, nisi Patrem suum. Ipsum autem Filium Dei Dominum & Deum nostrum, sicuti legitur, carnem & corpus, id est, hominem suscepisse ex utero Virginis Mariæ, sicut Angelus prædicavit. Ut autem Scripturæ omnes docent, & præcipue ipse Magister Gentium Apostolus, hominem suscepisse de Maria Virgine, per quem compassus est. Illa autem clausula est totius fidei, & illa confirmatio, quod Trinitas semper servanda est, sicut legimus in Evangelio: *Ite, & (s) baptizate omnes Gentes in nomine Patris, & Filii, & Spiritus Sancti*. Integer, perfectus numerus Trinitatis est. Paracletus autem Spiritus per Filium est: qui missus venit juxta promissum, ut Apostolos & omnes credentes instrueret, doceret, sanctificaret.

12. His itaque tot & tantis impietatis professionibus editis, has rursus è contrario Orientales Episcopi in unum congregati Sententiarum Definitiones condiderunt. &c.

Hactenus ex Operibus S. Hilarii Editionis Parisiæ anni 1693. à pagina 1149.

(p) *Homousion* ejusdem, unius substantiæ Pater & Filius; *Homœousion* similis substantiæ.

(q) Isaïæ LIII. 8.

(r) Joannis XIV. 28.

(s) Matthæi XXVIII.

CONCILIIUM TREVERENSE.

Unum, in quo Ithacius Episcopus, accusator Priscillianii Hæresiarchæ, apud Maximum Imperatorem ad communionem admittitur: quem S. Ambrosius & Catholici Episcopi, uti Sanguinarium, & Episcoporum causas ad Imperatoris Judicium deferentem, exhorruerunt & evitârunt.

Alterum in eadem urbe, in quo Felix Treverensis Episcopus ordinatus fuit: cui S. Martinus interfuit, eo fine, ut Maximum Imperatorem à Sanguine fundendo averteret. Anno Christi CCCXXCVI. Siricii PP. anno XI. Imperatoris Maximi III.

Utriusque Concilii notitiam damus ex Dialogo Sulpitii Severi tertio N. XV. collato cum ejusdem Sulpitii Severi sacre Historiæ Libro II.

Maximus Imperator, aliàs sanè bonus, depravatus Consiliis Sacerdotum, post Priscilliani (a) necem, Ithacium Episcopum, Priscilliani accusatorem, ceterosque illius socios vi Regià tuebatur, ne quis ei crimini daret, operà illius ejuscuque modi hominem fuisse damnatum.

Interea Martinus multis gravibusq; laborantium (b) causis ad comitatum (c) ire compulsus, procellam ipsam totius tempestatis incurrit. Congregati apud Treveros Episcopi tenebantur, qui quotidie communicantes Ithacio, communem sibi causam fecerant. His, ubi nuntiatum est inopinantibus, adesse Martinum, totis animis labefacti mustitare, & trepidare cœperunt. Et jam pridie Imperator ex eorum (Episcoporum) sententia decreverat, tribunos summâ potestate armatos, ad Hispanias mittere, qui hæreticos (d) inquirerent, deprehensis vitam, & bona adimerent.

Nec dubium erat, quin sanctorum etiam maximam turbam tempestas ista esset depopulatura, parvo discrimine, inter hominum genera. Etenim tum solis oculis judicabatur, cum quis pallore potius aut veste, quàm fide hæreticus haberetur. Hæc nequaquam placitura Martino, Episcopi sentiebant, sed malè consciis illa vel molestissima erat cura, ne se ab eorum communione adveniens abstinere, non defuturis, qui tanti viri constantiam præmissa autoritate sequerentur. Ineunt cum Imperatore consilium, ut, missis obviam Magisterii officialibus, urbem illam propius vetaretur accedere, nisi se cum pace Episcoporum ibi consistentium, adfore fateretur.

Quos ille callidè frustratus, profiteatur, se cum pace Christi esse venturum.

Postremò ingressus nocturno tempore adiit Ecclesiam tantum orationis gratiâ postridiè palatium petiit. Præter multas,

quas evolvere longum est, has principales petitiones habebat.

I. Pro Narsete comite, & Leucadio præside, quorum ambo Gratiani (e) partium fuerunt, pertinacioribus studiis, quæ non est temporis explicare, iram Victoris (Maximi) emeriti. II. Illa præcipua cura, ne tribuni cum jure gladiorum ad Hispanias mitterentur. III. Piam enim erat sollicitudo Martino, ut non solum Christianos, qui sub illa occasione erant vexandi, sed ipsos etiam hæreticos liberaret. Verum primo die, atque altero suspendit hominem callidus Imperator, sive, ut rei pondus imponeret: sive, quia nimis sibi implacabilis erat: seu, quia, ut plerique tum mitterebantur, avaritia repugnabat: siquidem in bona eorum inhiaverat. - - - Interea Episcopi, quorum communionem Martinus non inibat, trepidi ad Regem concurrunt, prædamnatos se conquirentes: - - Actum esse de suo omnium statu, si Theognisti pertinaciam, qui eos solus palam latâ sententiâ condemnaverat, Martini armaret autoritas. Non oportuisse hominem recipi mœnibus. Illum non jam defensorem hæreticorum esse, sed vindicem. Nihil actum morte Priscilliani (nuper cæsi) si Martinus exerceat illius ultionem. - - Postremò prostrati cum fletu & lamentatione potestatem regiam implorant, ut utatur adversus unum hominem vi suâ.

Nec multum aberat, quin cogere-
tur Imperator, Martinum cum hæreticorum sorte miscere. Sed ille, licet Episcopis (Ithacii patronis) nimio favore esset obnoxius, non erat nescius, Martinum fide, sanctitate, & virtute cunctis præstare mortalibus; aliâ longè viâ sanctum vincere parat. Ac primò secretò accersitum blandè appellat, hæreticos jure damnatos, more Judiciorum publicorum potius, quàm insectationibus sacerdotum: non esse causam, quâ Ithacii,

(a) Priscillianus Abilæ in Hispania Episcopus, sedissimæ Hæreseos autor, à Damaso Papa & Ambrosio exclusus communione Ecclesiæ fuit cum Sociis: sed Ithacius Episcopus hac Ecclesiasticâ pœnâ non contentus ad Imperatorem causam Priscilliani deferret, ad quem & ipse Priscillianus post provocavit: vicit Ithacius apud Imperatorem, & Priscillianus capitis damnatus fuit, complices criminum variis pœnis mulctati fuere. Ea crudelitas invidiam Ithacio conciliavit apud plurimos Catholicos, sed gratiam paravit apud Maximum, qui cæsorum bonis inhiabat. *Prosper in Chronico. Hieronymus de Scriptor. Ecclesiasticis. Latinus Pacatus in Theodosii Panegyrico. Sulpicius Severus loc. citato. Ex his Sigonius, Baronius.*

(b) Metu imminentiæ mortis: nam prætextu scelerum vindicandorum multi etiam innocentes Catholici cædebantur, ut cæsorum bona Fisco Imperatoris inferrentur.

(c) Id est, ad Curiam & Tribunal Imperatoris Maximi.

(d) Priscilliani impuram Sectam amplexos.

(e) A Maximo victore interfecti.

cii, cæterorumque partis ejus communionem putaret esse damnandam. Theognistum odio potius, quam causâ fecisse discidium; eundemque tamen solum esse, qui se à communione interim separavit. A reliquis nihil novatum. Quin etiam paucos ante dies habita (f) Synodus Ithacium pronuntiaverat cuiâ non teneri. Quibus cum Martinus parum moveretur; Rex irâ accenditur, ac se de conspectu ejus abripuit. Et mox percussores his, pro quibus Martinus rogaverat, diriguntur. Quod, ubi Martino compertum jam noctis tempore est,

Palatium irruit. Spondet, si parceretur, se communicaturum, dummodo ut & tribuni jam in excidium Ecclesiarum ad Hispanias missi retraherentur. Nec mora intercessit, Maximus indulget omnia.

Postridie Felicitis Episcopi ordinatio parabatur, sanctissimi sanè viri, & planè digni, qui meliore tempore sacerdos fieret. Hujus diei communionem (g) Martinus iniit, sanè æstimans, ad horam cedere, quàm his non consilire, quorum cervicibus gladius imminabat.

(f) En primum Concilium, hoc anno Treviris coactum.

(g) En secundum Concilium, Sulpitius Severus *Historia sacra Lib. II. & Dialogo Tertio N. XV.*

*Digressio de Synodis extra Germaniam, quibus Sæculo quarto
Episcopi Germanici interfuerunt, aut ubi de iis
actum fuit.*

Statuera, inter Germaniæ Concilia & ea interere, ordine temporum servato, quibus interfuisse Episcopi Ecclesiarum Germaniæ, etsi extra Germaniam in Gallia, Italia, Thracia &c. celebrata fuissent. Sed amicorum suavis eadem singulis Sæculis summam subiungi placuit, ne extra præscriptos Titulo Conciliorum Germaniæ Terminos vagaremur.

CCCXIII. Sæculi quarti initio ad A. C. CCCXIII. habitum fuit Concilium Romæ ad VI. nonas Octobris, in Laterano sub Melchiade Pontifice Præsidente. Occasio Synodi fuit inquietudo hæreticorum Donatistarum in Africa, eorumque odium in Cæcilianum Carthaginensem Episcopum: diffusi causæ suæ Donatistæ ab Augusto Constantino Episcopos Judices causæ suæ à Gallia sibi dari petunt.

Augustus, ut ut ægrè ferret, causam Ecclesiæ ad curiam suam trahi, detulit eorundem postulationi, & tres designavit à tot Galliæ Antistitibus. MATERNUM COLONIENSEM, Rheticium Augustodunensem, Marinum Arelatensem; qui literis invitati ab Imperatore, & curru publico vecti, Romam appulere, & unâ cum Melchiade Papa, & XV. Italiæ Episcopis causam Donati & Cæciliani in medium miserunt & pro Cæciliano (omnium votis innocuo promulgato) in sua Cathedra, & communione Ecclesiastica retinendo, contra Donatum convictum de rebaptizatione, & ob manus impositas lapsis, pronuntiaverunt.

Constantini Magni littera ad Melchiadem apud Eusebium L. X. Cap. V. Opiatus Milevitanus L. 1. de Schismate Donatistarum pag. 29. Augustinus in breviculo collation. die 3. cap. 12. Binus Tomi 1. L. 1. Pag. 212.

Nota. Vocatio Materni, Colonæ Agrippinensium Episcopi, facta à Constantino magno, illustre argumentum est, quo loco apud Augustum fuerit hic Germaniæ secundæ Episcopus ob eximium Doctrinæ, & virtutis meritum, ut in causa Ecclesiæ vexatissima exciretur cognitor, & arbiter in Concilio Romano cum summo Pontifice, Galliæ, & Italiæ Episcopis.

Alii volunt Maternum hunc fuisse primum Colonæ Episcopum, alii negant. Videatur P. Calles *Ann. Eccles. Germ. L. III. No. VII.*

CCCXIV. Kal. Augusti, Donatistis Romanæ Synodi decreto recalcitrantibus, Constantinus Arelati novum denud Concilium indicere voluit, quo ex omnibus occidentis orbis Provinciis convenire Episcopi XXXIII. ex Africa, Sicilia, Sardinia, Hispania, Gallia, Italia, Britannia, ac Germania cum quibusdam presbyteris, Diaconis, Exorcistis. Hos inter memorandi nobis Maternus Episcopus Colonienfis cum Macrino Diacono, Agræcius Trevirensis cum Felice Exorcista. Qui in actis recensentur, & in Epistola Synodica ad Papam Sylvestrum scripta.

Edidit hæc acta & Canones XXI. Binus Tomi 1. Concilior. Part. 1. pag. 220. ad 225. cum Epistolis Constantini Augusti ad Ablavium, alterâ ad Christum Episcopum Syracusæ, tertiâ ad omnes Episcopos Catholicos. E quibus collatis ad codd. Mss. & addito græco postea edidit Simonandus, Labbe, Hardouinus.

CCCXLVII. Synodus Sardienfis Orientalium LXXVI. Occidentalium C. Episcoporum sub Julio Papa, & Augustis Constantino, & Constantino

Constante, cui præfedit Hosius Cordubensis Episcopus. *Teste Athanasio, & Theodoro L. II. Historia cap. 15.* Tum Archidamus, & Philoxenus Presbyteri Legati Julii Papæ. Interfuit Personæ nobis celebrandæ ex Germania Rhenana Maximinus Trevirensis, Euphratas Colonia, Martinus Moguntia, Servatius Tungro- rum, Superior Nerviorum, Victorius Vangionum, Jesses Nemetum, Amandus Argentinenſium, Justinianus Rauracorum, Victor Mediomatri- cum Episcopi.

Patres Occidentales statuerunt primò de fide agendum, & Nicænum Symbolum omninò retinendum decreverunt, non novum fabrican- dum Arianorum exemplo. Secundò actum fuit de variis Personis. Sanctus Athanasius ab im- pactis calumniis absolutus, Marcellus Ancyranus restitutus suæ Cathedræ & Communioni, uti & Asclepas Gazæ Episcopus. Econtrariò varii hæ- retici Episcopi excommunicati & depositi fuere. Tertiò loco viginti Canones sancti de disciplina Ecclesiastica: & literæ Synodicæ scriptæ ternæ: pri- mæ ad omnes Episcopos, relatæ à SS. Athanasio, & Hilario: alteræ ad Julium Papam: Tertiæ ad Ecclesiam Alexandrinam.

Orientalis Episcopi viſa Catholicorum constantia immutabili in Nicæno Symbolo pro- fitendo, secesserunt Philippopolim, proximam Thraciæ urbem: Inde Epistolam, quasi Sardicæ datam spargunt per univèrsam orbem. Accu- sant, & calumniantur S. Athanasium, alioſ- que Catholicos: Novam fidei normam procu- dunt, in qua omiſſa voce *Consubstantialis*, Fi- lium Patri similem pronunciant.

Acta Synodi habet Binius Tom. I. Par. 1. pag. 423. græco latina cum duplici veteri interpretatione Dionysii exiguæ, & Isidori peccatoris.

Idem habet Epistolam Synodicam latinam ad Julium Papam, deinde Epistolam græco- las- tinam ad omnes Episcopos, magna ambitio- ne diffusas... quæ omnia posteriores edidere collata ad aliquot Mss. codices.

Nota. DUPINIUS Tomo II. Bibliotheca nova authorum Ecclesiasticorum pag. 329. negat Canones Sardicenses ab Catholica Ecclesia receptos, & speciatim circa jus appellatio- nis ad Sedem Apostolicam Romanam Cano- nibus III. IV. V. stabilicum, Eximius Lupus Tomo VIII. novæ editionis ostendit ex omnigena Historia Ecclesiastica jus appel- landi Romam ex Africa, ex Gallia, ex Ori- ente semper vigiſſe, & Clnus Schelestra- te Dissertatione II. antiquitatis illustrata cap. VI. ostendit Canones Sardicenses & ab initio fuisset receptos, & post Innocenti- um primum, idque omnium Gentium tes- timoniis.

CCCLIII. S. Paulinus Trevirensis Archi-Epi- scopus à Sancto Athanasio, & Sancto Hilario, uti constantissimus Nicæne fidei Defensor, lauda- tus, contra CONSTANTIUM Augustum & Sa- turninum Arelatenſem Ep. Ariane Hæreſeos Se-

ctatores, quum subscribere Athanasii damnationi fortissimè recusaret in Conciliabulo Arelatenſi II. anno CCCLIII. celebrato, tum in Mediolanenſi haud minus turbulento & violento Concilio, fuit relegatus in Phrygiam, ubi anno CCCLVIII. pridie Kalend. Septembris in Domino obiit, Ni- cæne fidei Confessor & Martyr.

Bromerus Annal. Treviren. L. IV. à pag. 272. prima editionis. Acta SS. ad diem tria- gesimam unam Augusti.

CCCLVII. Sirmii in Pannonia secunda con- ciliabulum Arianorum, quorum Epistola ad Ger- maniam 1mæ & 2dæ Episcopos cum nova procu- sa perfidiæ formula missa fuit (*teste sancto HI- LARIO in libro de Synodis*) cui Hosius minis, verberibus & plagis fatigatus subscripsit, & cum Ursacio Singidunensi, Valente Mursensi, Epi- scopis Arianis, in gratiam rediit.

S. Athanasius Historia Arianorum cap. 45. Tomo I.

Marcellini & Faustini Libellus Theodosio Imp. oblatuſ.

CCCLIX. Concilio Ariminensi, Consulibus Eusebio & Hypatio celebrato, unicus è Germa- nia adfuit Servatius Episcopus Tungenſis. Ejuſdem in hoc Concilio 1mò Constantiam, tum falla- cis formulæ acceptionem, demum à sancto Hi- lario in Galliam reverſo reductionem ad profes- sionem Catholicæ Fidei, & *Homouſion* nar- rat Severus Sulpitius L. II. Historia Ecclesiastica & ex ed. Clariff. Binius Concilior. Tomo I. p. 1. pag. 482. ad 485.

Henschenius in actis SS. ad diem XIII. Maji pag. 211.

CCCLXII. Concilio Parisiensi (in quo for- mula fidei, ab Arianis, suppreſſo uſuſe nomine, fabricata, & Arimini firmata, suscepta, & Orientalibus Episcopis missa est) interfuisse S. Servatium Tungenſem & S. Severinum Coloni- enſem Episcopos HENSCHENIUS, & CROM- BACHIUS autumant: aut S. Severinum è Pari- ſino Concilio reverſum Tugros adviſſe, ut cum S. Servatio de Orthodoxa fide ſervanda & propaga- nda conferret.

Acta Sanctorum Maji Tomo III. pag. 112. Bi- nius Tomo I. Conciliorum Part. I. pag. 489.

CCCLXXXIII. IV. Idus Julii Valentia Al- lobrogum Concilium celebratum fuit, cui inter plures Galliarum Episcopos Britto Trevirensis Episcopus subscripsit.

Binius Tomo I. Part. I. pag. §16. ex quo Sir- monduſ & alii.

CCCXC. In Concilio Mediolanenſi, & CCCXCVII. in Concilio Taurinenſi sic ſtatuitur: *De iis, qui à Felicio Trevirenſis Episcopi commu- nione se ſeparare voluerint, illud præterea de- crevit sancta Synodus, ut, quoniam Legatos Episcopi Galliarum, qui Felicio communicant, deſtinarunt, in noſtræ pacis conſortium ſuſci- pianrur: juxta literas venerabilis memoriæ Am- broſii Episcopi, vel Romanæ Ecclesiæ Sacerdo-*

tis dudum latas , quæ in Concilio Legatis præsentibus recitatae sunt.

Nota. FELIX ordinatus ab Ithacianis Episcopis, anno 386. sponte secessit in Monasterium sancti Paulini à se ædificatum ; duodecimo Præfularis sui anno, & circa annum ccccvii. Kalend. Aprilis sancta morte defunctus, miraculis & perpetuo cultu inclaruit.

Acta SS. ad Diem XXVI. Martii Antwerpia.

Hæc tamen sanctitas non obstitit , quominus Patres horum Conciliorum ab ejusdem communione abstinendum censerent : in detestationem sanguinolentorum Consiliorum Ithacii. S. Martinus , qui ad horam ejusdem ordinationi interfuit ; ut Maximi sanguinea decreta retardaret , nulli deinceps Concilio, interesse voluit. *Sigismundus Calles in Annalibus Ecclesiasticis Germania. Tomo I. pag. 321.*

DIGRESSIO

De causa, cur Sæculo 5to nulla Synodus Ecclesiastica in Germania sit celebrata?

Fuit sæculum 5tum Christianum fecundum & fertis plurium Syndorum, quas inter III. & IV. Generales, Ephesina, & Chalcedonenfis, deinde Africanæ permultæ, è quibus codex canonum Ecclesiæ Africanæ collectus fuit. Synodi in causa Pelagii in Africa, Italia & Gallia, imò & in Oriente celebratæ : Multæ aliz Romanæ, Hispanæ & Gallicanæ Synodi celebratæ : attamen Germania Rhenana, Rhetia, Norium & Pannonia, ut ut multis Ecclesiis & Episcopis sæculo quinto ditatæ, nullam Synodum reliquerunt.

Nisi forte illud incerti loci in Gallia, in qua Chelidonius, Vefontionenfis Episcopus, Episcopatu dejectus fuit, præside S. Hilario Arcla-

tensi, ut ex ejus vita discimus circa annum ccccxliv.

Causa hujus silentii *Prima* sit Romani Imperii in Occidente imminutio, variis Tyrannis existentibus, & mutua cæde cadentibus. *Alteræ* : Gothi è Septentrione versus meridiem migrant, Italiam, Galliam, Hispaniam invadunt, obtrinent ; *Tertis* : Franci populi & principes è Saxonia, Ost- & Westphalia transito Rheno Belgium, Gallias occupant : sub finem sæculi V. Duce Clodoveo fidem Christianam amplectuntur. Hæ Gravissimæ mutationes circa Rhenum, Danubium sterilitatem Synodorum Ecclesiasticarum inter Episcopos Germaniæ post se traxerunt.

SÆCULUM SEXTUM.

ACTA SYNODI TORNACENSIS

habitæ

SUB S. ELEUTHERIO (a)

EPISCOPO TORNACENSI,

Contra Hæreticos varios, Eutychetis, Photini, Acephalorum, Arii, Sabellii posteros.

Circa Annum Christi DXX. Hormisdæ Papæ VII.

Justini Imperat. III. Theoderici

Regis Austrasiæ IX.

Beatus Eleutherius jam Tornacensem Ecclesiam triginta annis & uno rexerat ; Blandiniensem (b) verò novem : qui audiens Filios Ecclesiæ
B *pertur-*

(a) S. Eleutherius obiit 20. Februarii anno 523. juxta *Annales Tornacenses*. Sedit annos 45.

Pagius in critica Baronii ad annum DXXXII. indicat eum hoc anno obiisse.

(b) Tornacenses Episcopi fuere etiam dicti *Nerviorum* Episcopi, quia Tornacum Nerviorum metropo-

perturbatos, indoluit. Deinde auctoritate Romani Papæ decrevit, quatenus omnes Hæretici ab ipsâ civitate ejicerentur, vel Christum Dei Patris Filium unanimiter confiterentur.

Igitur à Præsule coacti, diem competentem elegerunt, in qua Synodum suam Antistes Christi Eleutherius convocaret. Advenit dies, in quo Synodus convocata erat: advenerunt etiam Filii Catholici, Hæreticorum Sectam confundentes: affuerunt nonnulli Hæreticorum, illis contradicentes. Exurgens autem Sanctus Vir Dei Eleutherius, & manu faciens silentium, ait: Omnes Deum Patrem, & Filium ejus cum Spiritu Sancto confitentes, audite.

SERMO DE TRINITATE.

I. **C**Redite in unum Deum Patrem omnipotentem, (c) & in Filium ejus unicum, Dominum nostrum Jesum Christum, qui ex Deo Patre natus est Unigenitus, Imminus de immenso, immortalis de immortali, invisibilis de invisibili, sempiternus de sempiterno, per quem & cum quo omnia, quæ continentur in celo, vel in terrâ, aut in mari, fecit Pater. Hortor igitur vos, dilectissimi: Credite, Jesum Christum Dominum nostrum propter salutem hominum, & sæculi liberationem de celis descendisse, incarnatum, & hominem esse, passum sub Pilato Præside: propterea die tertiâ à mortuis resurrexisse, & iterum in celos, unde descenderat, ascendisse.

2. Hæc decreta, Filii mei charissimi! tenere & observare debetis: his vos devotè oportet obtemperare, si gaudia vultis promereri cœlestia. His dogmatibus & decretis antiquorum Patrum obedite, considerantes, & lucidissimè intuentes, quid sit incarnatum esse, & Hominem factum Dei Verbum; Vos enim asserere non debetis, quòd natura Dei immutata (d) sit, sed magis, quòd copulaverit sibi animâ rationali carnem animatam, Christusque Dei Filius irreprehensibiliter, ineffabiliter, substantia-

liter Homo factus sit, & Filius hominis etiam sit appellatus. Itaque Christus Jesus, qui ante omnia Sæcula ex æterno Patre natus est, etiam ex muliere, id est, Beatâ Virgine Mariâ carnaliter procreatus est; non quòd cœlestis (Divina) ipsius natura de Sanctâ Virgine sumpserit exordium, (e) nec propter se ipsam necesse habuit, nasci secundo, post illam gloriosam nativitatem, quam habuit ex Patre. Non enim est competens, sed magis stultum, affirmare, quòd Jesus Christus Dominus noster, qui ante omnia Sæcula est coæternus Patri, post generationem Patris alterius indiguerit, ut per illam, quam in Virgine assumpsit, esse inciperet.

Sancta autem Catholica universalis Ecclesia affirmet & credat, quòd propter salutem hominum, & peccatorum ablu-tionem, sibi naturam copulaverit humanam, & processerit ex utero Virginali, utero impolluto, sed ab Angelis dignissimè cœlestibus conservato. Idèd afferunt illum Catholici Patres, & nos auctoritate majorum, carnaliter esse natum. Qui benignus & misericors omnes volens ad semitam veritatis convertere, ex ipso Virginali & incontaminato utero, ut suprâ dictum est, secum conjunxit carnem, & generationem sustinuit carna-

lem

lis est. Eo nomine Superior, Nerviorum Episcopus, subscripsit Sardicensi Concilio Anno CCC XLVII. *Elandinensis* Ecclesia inter Tornacum, & Insulas sita, locus fuit; ubi aliquot annis sedet S. Eleutherius: non verò specialis à Tornacensi distinctus Episcopus. S. Medardus Tornacensem, & Noviodunensem aliquamdiu administravit Episcopatum: quin idèd hæc duæ Cathedræ unæ, aut altera alteri subiecta fuerit. *Hæc Nata Andrea Cassali in suo Tornaco Metropoli, & Cathedrâ Episcopali. Bruxella anno 1652. impresso.*

(c) Ex Symbolo Apostolorum & Nicæno.

(d) Error Eutycheis.

(e) Phorini error.

lem suæ carnis suam faciens nativitatem. Deinde credite, ipsum crucifixum esse, & tertiâ die à mortuis resurrexisse, non quia Deus Verbum in suâ naturâ sub Pilato Præsîde sit colaphis cæsus, deinde patibulo crucis affixus, aut quia pro nobis transfixiones lanceæ atque clavorum, & tanta vulnera sustinuerit: Deus namque incorporalis, & extra passionem est; sed quia corpus illud, quod proprium factum est ipsius, hæc pro nobis sustinuit. Hæc omnia idcirco dicitur pro omnibus hominibus ad peccatorum redemptionem passus esse: in eo etenim corpore, quod patiebatur, inerat Deus, qui nullo modo pati poterat

Similiter mortem ipsius intelligere debetis: naturaliter enim incorruptibile est & immortale vivificans Dei Verbum; sed quoniam Gratiâ Dei proprium corpus ipsius juxta Sententiam Doctoris gentium Pauli (f) *Mortem gustavit*, idcirco dicitur Deus pro nobis mortem esse passus: non quia mortem ipse expertus fuisset, quantum ad naturam ipsius pertinet. Idoneum siquidem non esset, sed ineptum, asserere hoc; sed quodd, ut superius diximus, vera caro ipsius mortem gustaverit. Itâ carne ipsius resurgente, iterum resurrectionem asserite, non quia in corruptionem cecidit, sed quodd ejusdem corpus surrexit.

Itaque Dilectissimi, deprecor fraternitatem vestram, quatenus Deum verum, & Filium ejus Jesum Christum, Dominum nostrum, devotè veneremini: adorate benigno corde, laudate purâ mente, confitemini lacrymosis suspiriis, non sicut hominem cum verbo glorificantes, ne inducatis quandam speciem divisionis; sed unum & eundem honorate, quia non est corpus suum, cum quo assidet Patri, à verbo alienum.

Nec etiam debetis contestari quasi assidentibus duobus (g) filiis, sed uno cum carne per unitatem.

Præterea Fides vestra credere debet, quodd, Christus Dominus noster, Mediator DEI & hominum factus est, & Reconciliator ad Pacem, Deo Patri pro nobis offerens se in odorem suavitatis. Idcirco enim dicebat per Prophetam: *Sacrificium* (h) *& oblationem noluit, holocausta*

ita pro peccato non tibi placuerunt; corpus autem perfecisti mihi... In capite Libri scriptum est de me, ut faciam voluntatem tuam Deus: Proprium enim corpus non pro se ipso obtulit, sed pro nobis in odorem suavitatis.

Fratres mei, quis vestrum ultra dubitet, Agnum verum & immaculatum pro salute humani generis immolatum, & ab impiis Judæis crucifixum? ipse est, qui nos per admirabilem virtutem, & ineffabilem potentiam Divinitatis suæ redemit, rebellésque & superbos Judæos devicit, & claustra gehennæ expoliavit, educens de vinculis captivos, emittens de tenebrarum locis carceratos, clamantes, & dicentes: O Triumphator bone Sæculi! O pie debellator diabolicæ fraudis! Te nostra clementissime Jesu in his tormentorum poenis expectant lamenta: Te, misericors Christe, flebilium in his tormentorum caliginosis locis conclamabant suspiria! Ecce advenisti, quem ab antiquis temporibus expectavimus, libera nos, quem in terrâ positi olim devotè coluimus.

Ipse est, qui post destructionem diaboli, & liberationem Sanctorum de tenebris clamantium, tertiâ die resurrexit, & ascendens in regnum cælestē, sedes ad dexteram Dei Patris. Ipse est Filius Mariæ, quæ Virgo de Spiritu Sancto concepit, quæ in virginitate illibata Deum & hominem peperit; quæ etiam post partum Virgo & Mater Salvatoris permanfit: qui se, ut supra dictum est, hostiam immaculatam, hostiam Deo placentem obtulit.

Si quis autem dixerit, quia tam pro ipso, quam pro nobis, Sacrificium se Deo Patri obtulerit: non æternum effugiet supplicium, sed poenas in interitu cum impiis dabit æternas.

De Spiritu quoque Sancto cum discipulis suis diceret: *Ille (i) me clarificabit.* Hoc filii sentientes unum Christum & filium, non velut alterius gloria egentem confitemini gloriam à Spiritu Sancto consecutum, quia ejusdem Spiritus nec superior, nec melior ipso est. Licet verò in substantiâ suâ Spiritus ejus sit, & intelligatur in personâ proprietates secundum id, quod Spiritus ejus est, & Filius tamen

(f) Hebræ. II. 9.

(g) Nestorii error.

(h) Psalm. XXXIX. 7. 8. 9.

(i) Joannis XVI. 14.

ab illo nec est alienus. Appellatus enim est Spiritus veritatis, & veritas Christus est. Igitur à Filio similiter, sicut à Patre, Spiritus Sanctus procedit. Spiritus enim Sanctus miracula per manus Sanctorum Apostolorum faciens, Deum glorificabat. Jesum Christum, postquam per gloriosam resurrectionem suam in cœlum, unde pro liberatione animarum nostrarum descenderat, ascendit. Ided à nobis & nonnullis Catholicis viris Christus creditur Deus naturâ existens, per Spiritum suum, virtutes & gloriosa miracula gentibus per universum orbem dispersis demonstrans. Inde dicebat Dominus noster Jesus Christus, *Quia (f) de meo accipiet & annuntiabit vobis*: Sed nequaquam idem Spiritus Sanctus alterius participatione potens aut sapiens dicitur, quia perfectus est per omnia, & in omnibus, & nullo prorsus indigens bono. Nam Paternæ virtutis & sapientiæ celestis, id est, Filii Spiritus Sanctus creditur, & idcirco ipsa re & virtute subsistente virtus & sapientia comprobatur.

Dilectissimi fratres, hæc est Fides recta, & omnibus Catholicis Viris tenenda, quam nisi quisque firmiter & rectè crediderit, non poterit à consortio diaboli liberari.

Unum in substantia, Trinum in personis, confiteamini, ut ad cœleste regnum pervenire, & æternis bonis perenniter gaudere mereamini, ubi gaudent Angeli, lætantur Apostoli, exultat Martyrum turba gloriosa, plaudit Confessorum & Virginum caterva, quos Redemptor mundi perenni laureâ coronat, qui vivit & regnat Deus Omnipotens, Invisibilis, Æternus, Incorruptibilis, cui est honor, laus, decus, imperium, potestas indeficiens, majestas immar-

cessibilis, gloria perpes, & virtus ineffabilis cum Patre & Spiritu Sancto per infinita sæcula sæculorum. Amen.

Si quis autem his Decretis contradixerit, à Patre, & Filio, & Spiritu Sancto, anathema sit.

His dictis beatus Pontifex Eleutherius sedit, Catholici autem Viri, qui ad Sanctam Synodum convocati erant, vocem cum gaudio levantes, glorificabant Deum dicentes: Trinitatem in Unitate veneramur & colimus, Unitatem in Substantiâ profitemur, & devotè adoramus.

Econtrà confunduntur Hæretici, deinde à Sancta Synodo recedunt confusi. Synodo autem ad propria revertente, Sanctus similiter Eleutherius ad Aulam suam, quæ in oppidano loco continebatur, cum Catholicis Viris, jam septuaginta & uno existens anno, regressus est.

Acta Sanctorum Antwerp. ad Diem 20. Februarii. pag. 191.

Summa Statutorum Synodaliū Ecclesiæ Tornacensis, impressa Insulis Anno 1726. Parte II. pag. I. II. III. ex antiquissimo Codice MS. Bibliothecæ Cænobii S. Martini Tornaci.

(k) Joannis XVI. 14.



CONCILIUM TULLENSE.

Theodebaldi Regis jussu Kalendis Juniis in Tullensium urbe celebratum, propter molestias, quas Nicetius, Episcopus Trevirensis, ab excommunicatis quibusdam patiebatur.

Anno Christi DL. Vigiliis Papæ XIV.
Theodebaldi Regis III.

Ex Sirmondo Tom. I. Conciliorum Galliæ.

Excommunicat ob incestas nuptias Francos aliquos Nicetius, Trevirorum Antistes. Quod illi cum ægrius ferrent, & contumeliosius agerent in Episcopum, indicta est Theobaldi Regis nutu Synodus in urbe Tullensium; ad eamque vocatus inter cæteros MAPPINIUS Episcopus Remensis. MAPPINIUS, quia Synodi causam ignorabat, ire se posse negavit, nisi certior fieret. Certior igitur à Rege iteratis literis factus est, sed serius, quam ut Synodo adesse ad diem dictam liceret. Itaque cum abfuisset, absentiam suam Nicetio per Epistolam excusavit.

MAPPINII EPISCOPI REMENSIS

EPISTOLA,

AD NICETIUM EPISCOPUM TREVERENSEM.

Excusatoria, cur ad Synodum Tullensem non venerit.

Domino Sancto, & in Christo beatissimo fratri Nicetio
Papæ Mappinius Episcopus.

EVangelicæ lectionis doctrina testatur: Regnum (a) in se divisum stare non posse. Si hoc de mundi amatoribus, & in terrena cupiditate manentibus, rectè & non immeritò credatur; indubitanter rectius de sacerdotum personis sentitur, si discordantibus votis ac studiis inter se dividi comprobentur. Aut quâ fiduciâ conditori nostro, qui nos in unitate compagis, quod est Corpus suæ Deitatis, vivere præcepit, preces oblaturi sumus, si nos vicissim à mutuâ charitate seponimus? Ut quodam

B 3

loco deificus (b) sermo docet, studere non convenit, ut Frater fratri adjuvans, sicut civitas munita & fortis inconcussò fundamine stare possit: scilicet, ut unus fratris molestiæ omnes æquanimiter compatiendo participemus, mutuisque nos laboribus sublevemus. Pro quâ re, piissime, ac multùm diligende Domine, & frater, indicamus, nos literas filii nostri Domini Regis Theodebaldi accepisse, ut in Tullensium urbe die Kalendarum Juniarum adesse deberem, nullam causam evocationis declarantes. Recipro-

[a] Lucæ XI. 17.

[b] Proverbiorum XVIII. 19.

ciprocante pagina indicavimus, nos illuc accedere non debere, quia causam conditionemque nos constabat ignorare. Iteratis scriptis edocuit, beatitudinem vestram, dum aliquos Francorum pro zelo divini timoris corripit, ac pro incestis conditionibus à communione Ecclesiasticâ removel, scandala, seu anxietates multimodas sustinere. De quâ re non medioeriter ingemiscimus, quod nos relatione vestrâ scire non feceritis, utrum ex Canonica lectione damnentur, an pro pastoralis diligentia corrigantur. Licet nihil novi vos de his rebus invenire posse cognoscimus, quod prisca patrum solertia non potuit reperire: tamen absurdum esse videtur, ut à nobis recipiantur, qui à vobis secundum seriem Canonum Ecclesiasticâ severitate abdicantur. Novimus enim, si scienter hoc gerimus, quod criminibus aliorum miscemur: si ignoranter, reatui non subdamur. Quapropter salutantes caritate debita, indicamus, simulque suademus, ut nos in omnibus participes, tam tribulationem vestrarum incommodis, quam prosperitatum commodis fieri studeatis. Nam nos, mediante capite nostro, quod est Christus, nullis adversitatibus à vestra anxietate divellimur, nullisque asperitatibus à vestra caritate dividimur. De quâ re, si tamen presumptiosi non existimus, indicare presumimus.

Decuerat, ut vestra consolatio pro huiusmodi conditionibus potius, quam Regiæ vocationis nos conferere debuisset: quia pari modo, si nobis aliquid simile, quod in posterum arbitramur posse fieri, contigisset, statim ad vestram fraternitatem scripta direxisset, ut nos congruo tempore vel loco coram positi videremus. Quamquam parere nos Regiis præceptis in bonis rebus, & conveniat, & libeat; tamen non vestris minus scriptis, si studio caritatis, non supercilio dirigantur despectionis: quia amaritudo vestra dulcedo nostra esse non poterit, nec abjectio vestra absque nostra dejectione constabit; & veneratio vobis debita impenſa, à nobis non dinoscitur procul posita. Atque utinam, ut præfati sumus, caritate suadente, ac pagina decurrente, vestram nobis patefieri decrevissetis animorum molestiam: cognoveramus, utrum compatimur molestiis vestris, an delectamur. Nam tacente ut ipsi scitis divina, sola loquente viro humanitas intelligere potest. Hoc tamen plenius noverit vestra perfectio, si ad nos iterata scripta Domini Regis ante quinque, vel sex dies Kalendarum Juniarum pervenissent, in die præfato præsentiam humilitatis nostræ in locum habueratis constitutum.

Hæc Sirmondus L.c.

SYNODUS METENSIS.

In causa eligendi Episcopi Arvernensis.

Anno Christi DL. Vigiliis Papæ XIV. Theodevaldi Austrasiæ Regis III.

Ex Gregorio Turonensi.

CAUTINUS Archidiaconus Ecclesiæ Arvernensis, cum Catonem Presbyterum Arvernensem, ab Episcopis destinatum successorem in Cathedra S. Galli, & populorum vota in eum confluere advertisset: suspicatus Catonem promovendum Episcopum, languore simulato, per noctem civitatem Arvernensem egrediens, Theodoaldum Regem petit, adnuntians transitum Sancti Galli. Quod Rex audiens, vel qui eum eo erant, convocatis sacerdotibus apud

Metensem civitatem, Cautinus Archidiaconus Episcopus ordinatur. Cum autem venissent nuntii Catonis presbyteri, hic jam Episcopus erat. Tunc ex iussu Regis traditis ei clericis, & omnibus, quæ hi de rebus Ecclesiæ exhibuerant, ordinatisque, qui cum eo pergerent Episcopis & Camerariis, Arvernenses eum direxerunt.

Gregorius Turon. Historia Francorum Lib. IV. §. 7.

CONCILIIUM TREVERENSE

S U B

RUSTICO II. ARCHI-EPISCOPO.

In quo S. Goar accusatus, & Archi-Episcopus Judex
miraculo damnatus fuit.

Anno Christi DLXVI. Joannis III. Papæ VII.

Sigeberti Regis Austrasiæ V.

*Occasionem huic Synodo dedit calumnia fæda, S. Goari, famâ sanctimo-
niæ tum inclarescenti, impacta, cui purgandæ S. Goar ab Archi-
Episcopo Rustico per duos Legatos Alboinum, & Almannum accitus,
compareret coram suo Metropolita, in Synodo sedente, & insigni mi-
raculo tum suam innocentiam, tum Archi-Episcopi, qui calumniato-
ribus faciles aures dederat, imprudentiam gravissimâ pœnâ ejusdem
demonstrat.*

*Ex Mabilloné in actis Ordinis S. Benedicti, Sæculo secundo. Quibus planè consentit Bio-
graphus anonymus, S. Goari subæqualis, editus ab Hagiographis Antwerpiensibus,
Tomo II. Julii. pag. 328. aliæque vitæ S. Goaris ab iisdem Patribus collatæ cum
hac edita.*

LEgati festinanter venientes (a) ad
Episcopum Metropolitanum, in-
venerunt eum in SYNODO sedentem in
folio suo, unâ cum Clero; narraverunt-
que ei omnia, quæ eis contigerant, vel
quæ facta viderant ab ipso S. Goar. Quæ,
cum audisset, cum iracundiâ cœpit di-
cere: in quantum intelligentia cordis
considerare valeo; consuetudo istius per-
tinacis viri, qui sic manè comedit &
bestias mulget, sine dubio deputanda est
gulositati, quàm caritati. Inquirendus
est tamen, quam ob rem, vel quo hu-
manæ laudis desiderio hoc faciat, & u-
trum ex parte Dei sit, an ex deceptione
adversarii? Vix verba complêrat, &
ecce Vir Dei Goar intravit in domum,
in quâ ipse Archiepiscopus residebat. In-
gressus itaque, cœpit quaquaversum as-
picere, si fortè esset locus, ubi stare
posset discipulus suus, & cappam suam
pendere, vel abscondere. Diu ergò cir-
cumspectans, vidit in angulo domûs,
quasi similitudinem fustis, qui certè non
erat fustis, sed radius solis, qui per fene-
stellam penetrabat interiora mansionis.

Cumque appropriasset ad radium solis,
speciem grossioris perticæ prætendentis,
appendit cappam suam super ipsum ra-
dium, ibique stare præcepit ministrum
suum. Quod cum audisset Rusticus Ar-
chiepiscopus unâ cum (b) Clero suo,
dixit: Videtis nunc, quid fecit? verè,
si hæc ex Deo fecisset, tam manè non
comedisset, & bibisset, quia anteriores
Sancti per eleëmofynas & jejunia intra-
verunt in Regnum Dei. Hoc autem
mirabile factum, quod video, quid sit,
omnimodis nescio. Sed inde non me-
diocriter stupeo: manè comedit & bibit,
bestias mulget, cappam etiam suam in
radio Solis suspendit. Quid plura? ac-
cedat propius, & reddat rationem cir-
cumsedentibus, ut sit notum omnibus,
si ex virtute Dei hæc facit, an ex immis-
sione hostis antiqui? cumque interroga-
tus fuisset cultor Trinitatis, respondit:
Deus, qui es fortis Judex, justus & pa-
tiens, & nôsti omnia, Tu scis, quod
consentio nihil de adversarii opere, ne-
que consentire cupio, neque cappam
meam ex radio solis pendere scio, nisi in
fuste

[a] Ex Cella S. Goaris Treveros reversi. Hæc Cella nunc est Oppidum Occidentali Rheni littori
incubans Archi-Diœcesis Treverensis.

[b] Erat igitur Synodus Diœcesana.

fuste ruboreo, & illas cervas divinitus transmissas per nulla maleficia mulgere volui. Inspiratio autem Omnipotentis Dei, postquam solita fuit hora transacta, ita mihi inspiravit facere, & manè caritativum cibum & potum cum his, qui sunt membra ejus, sumere, quatenus & lacte cervarum officio meo relevarer, & dolore corpora vestrorum legatorum: & edulio jentaculo, matutino tempore cum pauperibus participato, adimplerem Christi præceptum, sicut ipse Dominus novit, qui omnia judicat.

Hæc Viro DEI dicente, venit puer de Clero Treverorum, nomine Leubgigius, portans in brachio suo infantem tres noctes habentem, qui fuerat projectus in illam concham marmoream, sicut est consuetudo Treverorum, ubi pauperculæ feminae infantes suos solent jactare. Hæcque consuetudo erat, ut quando aliquis homo de ipsis infantibus projectis misericordiâ motus vellet curam haberi ab illis, quos Nutricarios vocant, matriculariis S. Petri compararet, & illi Episcopo istum infantem præsentare deberent, & postea Episcopi auctoritas eundem hominem de illo nutricario confirmabat.

Videns autem Rusticus Treverorum Archiepiscopus illum infantem portare, dicebat: modò investigare poterimus sagaci animo, si ex Deo sunt sapientia & virtutes, quas facit Goar, an ex adversario? Si ex Deo est, faciat nobis cognitum, qui fuit pater ipsius infantuli, & matrem ejus denominet, & credemus. Si verò hæc facere non prævaluerit, feriatur sententiâ capitali. Hæc autem nequaquam dixit propter causam suam, ut ipse cognitor de semetipso esset, sed quia scelera ejus & crimina principalia jam latere non poterant.

Conversus ergo ad virum Dei dixit Goar: qui respondens, ait, Ecce adsum. Dixit Episcopus: Multa de te audivimus, simul & vidimus, non ego solus, sed & tota plebs hic congregata. Quapropter necesse est, ut ostendas nobis ministerium modò tuum, si verum sit, an falsum. Si verum est, per veram obedientiam præcipio tibi, ut facias istum infantem nobis innotescere genitorem suum & genitricem suam. Si hoc facere potes, credemus tibi, & virtutibus tuis. Sin autem: nihil tibi credere habemus.

Hæc audiens Vir Dei suspiravit graviter, ac lacrymas finè cessatione fundebat, vehementer admirans, quamobrem Pontifex suorum vituperator operum talem sibi inanem atque ineptam obedientiam facere præcepisset, & oravit Dominum, dicens: CHRISTE FILI DEI, qui temetipsum exinanisti, & formam servi accipere dignatus es, fac mecum quamvis indigno, tamen tuo clientulo, misericordiam tuam, ut cognoscat iste Episcopus, vel plebs ejus, quia te diligo, te adoro, tibi servire cupio, Creator, & Redemptor meus. Et hæc dicens, accessit ad illum hominem, qui illum infantem in brachio gerebat, & dixit ad illum: Quot noctes habet infans iste? Respondit: Tres. Vir Dei Goar, elevatis oculis ac manibus in cælum, dixit: Trinitas Sancta, Te invoco, atque te infans in nomine Trinitatis conjuro, ut genitorem tuum per nomen denomines & genitricem tuam. Similiter respondens infans dixit: Ille Rusticus Episcopus est Pater meus, & mater mea Afflagia nuncupatur. Quo audito Episcopus cecidit velociter ad pedes B. Goaris, dicens: Nunc scio verè, & credo, Te Sanctum Dei servum fore, cui scelera mea, quæ sic abscondita putabam, ut nullus alius præter me, & illam mulierem, & unum puerum meum, unquam nosse posset, ita sunt tibi patefacta per ipsius nati mei verba.

Hæc audiens B. Goar, stupore miraculi repletus, atque quasi in excessu mentis factus dixit ad eum: Heu! Heu Domine! quare per me miserum peccata tua hæcenus latentia facta sunt manifestata? melius quippe fuisset spontanea & secreta coram Deo confessio, quam ista contra votum tuum ignominiosa publicatio. Quæ licet sit notabilis, non est tamen usquequaque inutilis, nam & verba Domini, qui dixit Discipulis suis: *Nilil (c) est opertum, quod non reveletur, nec occultum, quod non sciatur*, evidenter ostendit esse verissimum. Et tu propitiâ Divinitate ac salubri confessione, si pœnitueris, pro certo eripieris à maligni damnatione. Quocirca acquiescens consiliis meis, accipe duram & prolixam pœnitentiam ab auctoritate Sacerdotum, ut salveris.

Nota. Rusticum hunc Archi-Episcopum (quem Browerus ex Wandelverti vitâ S. Goaris, Sæculo nono scripta, ad hunc annum collocat)

locat) non solus Wandelbertus indicat, uti Illustrissimus Hontbemiusscribit in Dissert. de Scriptoribus Treverensibus §. XIII. Sed anteriores Biographi S. Goaris, detecti, & citati tum ab Mabillone Sæculo II. in Actis Ordinis S. Benedicti, & à Joanne Pinio S. J. ad Diem VI. Julii, Tomo hujus Mensis se-

cundo. Ex quibus Pinus detegit codicem Bertinianum, à subæquali anonymo scriptum, collatum cum variis codicibus MSS. Biographis S. Goaris: adeo, ut inter veteres Archiepiscopos Trevericos pauci sint, tam clarè ex scriptis demonstrati, quàm Rusticus hic secundus.

CONCILIUM METENSE.

In quo Ægidius, Remensis Episcopus, ob Regem Chilpericum cæsum obtentâ vitâ, Episcopatus Gradu dejectus est ex Sententia Concilii Episcoporum, Moniales verò Pictavienses antea excommunicatæ in communionem receptæ fuerunt.

Anno Christi DXC. Gregorii Magni Papæ I.
Childeberti Francorum in Austrasia
Regis XV.

Ægidius, qui particeps Regiæ cædis ferebatur, veniam à Childeberto Rege impetraverat, teste Gregorio Turonensi L. IX. cap. XIV. Verum, cum Sunnegifilus tormentis adaectus criminis memoriam renovasset, & Ægidium complicem prodidisset, de variis etiam aliis criminibus suspectum; Synodi examen subire debuit, & Episcopatu de-jicitur. Ex eodem Gregorio L. X. cap. XIX.

In hoc eodem Concilio Chrodielidis (Chariberti Regis Filia, quæ Leuboveræ Abbatissæ suæ in Monasterio Pictaviensi rebellis, cum Basina consobrina sua, & aliis amplius XL. Puellis Monasterio egressa, ad Episcopos, & Regem Guntramnum conversa, Abbatissam Leuboveram multis convitiis, & criminationibus laceraverat) causa instaurata. Episcopi utriusque Regni in Concilio Pictaviensi reluctantes Moniales damnaverant, & excommunicaverant anno 589. Sed causa denud examinatâ in Concilio Metensi, Moniales supplices à Rege veniam meruerunt, & diversis levioribus modis coercitæ fuerunt.

Gregor. Turon. L. X. §. XX. Ex quo Concilii Historiam damus.

IN his tormentis Sunnegifilus non solum de morte Chilperici Regis, verum etiam diversa scelera admisisse confessus est. Inter quas confessiones addidit, etiam Ægidium, Remensem Episcopum, socium fuisse, in illo Rauchingi, Ursonis, ac Bertheфри Confilio ad interficiendum Childebertum Regem.

Nec mora rapitur Episcopus, & ad

Metensem urbem, cum esset valde ab ægritatione longinqua defessus adducitur, ibiq; sub custodia degens, Rex Episcopos arcessiri ad ejus examinationem præcepit, scilicet, ut initio mensis octavi apud Viridunensem urbem adesse deberent. Tunc ab aliis sacerdotibus increpitus, cur hominem absque audientiâ ab urbe rapi, & in custodiam retrudi præcepisset,

fer, permisit eum ad urbem suam redire, dirigens Epistolas, ut suprà diximus, ad omnes Regni sui Pontifices, ut medio mense nono ad discutiendum in urbesupradicta adesse deberent. Erant autem pluvix validæ, aquæ immensæ, rigor intolerabilis, dissoluta luto viæ, amnes litora excedentes. Sed præceptioni Regiæ obfistere nequiverunt. Denique convenientes, pertracti sunt usque Mettensem urbem : ibique & præfatus Ægidius adfuit. Tunc Rex inimicum eum sibi, regionisque proditorem esse pronuntians, Ennodium ex duce (a) ad negotium delegit prosequendum, cujus propositio prima hæc fuit. Dic mihi, o Episcopo! quid tibi visum fuit, ut relicto Rege, in cuius urbe Episcopatus honore fruebaris, te Chilperici Regis amicitias subderes, qui semper inimicus Domino nostro Regi fuisse probatur, qui patrem ejus interfecit, matrem exilio condemnavit, regnumque pervasit, & in iis urbibus, quas, ut diximus, iniquo pervasionis ordine, suo Dominio subjugavit, tu ab eodem possessionum fiscalium prædia meruisti? Ad hæc ille respondit : quod fuerim amicus Regis Chilperici, negare non potero, non tamen contra utilitatem Regis Chilperici hæc amicitia pñlulavit, vilas verò quas memoras, per istius Regis chartas emerui. Tunc proferente eadem in publico, negat Rex, se largitum fuisse : requisitusque Otto, qui tunc Referendarius fuerat, cujus ibi subscriptio meditata tenebatur, adfuit, negat se subscripsisse. Conficta enim erat manus ejus in hujus præceptionis scripto. In hac igitur causâ primum Episcopus fallax repertus est. Posthæc epistolæ prolatae sunt, in quibus multa de improperiis Brunichildis tenebantur, quæ ad Chilpericum scriptæ fuerant : similiter & Chilperici ad Episcopum delatæ, in quibus inter reliqua habebatur insertum : Quia si radix cujuslibet rei incisa non fuerit, culmus, qui terris est editus, non arescet. Unde prorsus manifestum est, ideò hæc scripta, ut superatâ Brunichilde, filius ejus opprimeretur. Negavit se Episcopus has Epistolas vel misisse suo nomine, vel suscepisse à rescripto Chilperici. Sed puer ejus familiaris adfuit, qui hæc notarum titulis per

tomos chartarum comprehensa tenebat : Unde non dubium fuit residentibus, hæc ab eodem directæ. Deinde prolatae sunt pactiones, quasi ex nomine Chilperici ac Chilperici Regis, in quibus tenebatur insertum, ut ejecto Guntchramno Rege, hi duo Reges inter se ejus regnum urbisque dividerent : Sed negavit hæc Rex cum suo factum consilio, dicens : Quid tu commisit patriuos meos, ut inter illos bellum civile confurgeret, unde factum est, ut commotus exercitus Biturigas urbem, pagumque Stampensem, vel Mediolanensem Castrum adtererent atque depopularentur : in quo bello multi interemti sunt, quorum, ut puto, animæ erunt Dei judicio de tuis manibusquirendæ? Hæc Episcopus negare non potuit. Scripta enim ista in regeſto Chilperici Regis in uno scrinio pariter sunt reperta : ac tunc ad eum pervenerunt, quando interemto Chilperico, thesauri ejus de Calensi Parisiæ urbis villa ablati, ad eundem delati sunt. Cùmque de hujuscemodi causis altercatio diutius traheretur, adfuit & Abbas Epiphanius Basilicæ Sancti Remigii, dicens, quod duo millia aureorum, speciesque multas pro conservanda Regis Chilperici amicitia accepisset : adfiteruntque etiam & Legati, qui cum eodem ad memoratum Regem fuerant, dicentes : Quia nobis relictis, diutius cum eodem solus conlocutus est : de quibus verbis nihil intelleximus, nisi supradicti excidii prosecutionem imposterum cognoscentes. Hæc eo negante, Abbas qui fuerat semper in iis Consiliorum arcanis particeps, locum hominemque denominat, ubi, & qui aureos, quos diximus, detulisset, & qualiter de excidio regionis ac Regis Guntchramni, conventum fuerat, ut gestum est, ex ordine denarravit. Quæ & ille convictus, deinceps est confessus. Hæc audientes Episcopi qui advocati fuerant, & in tantis malis sacerdotem Domini conuentes fuisse satellitem, suspirantes, de iis tridui temporis spatium deprecantur tractandi, scilicet ut forsitan respiciens Ægidius ullum modum reperire posset, per quem se ab iis noxis, quæ ei objiciebantur, excusare valeret : Sed inlucescente die tertiâ, convenientes in Ecclesiam, interrogant Episcopum, si

(a) Ennodius ante paucos annos fuerat Turonum, Pictonum, Vicojulienſium, seu Arturenſium ac Benearenſium Dux, *Eccart.*

aliquid excusationis haberet, ediceret; at ille confusus ait: ad sententiam dandam super culpabilem ne moremini. „ Nam ego novi me ob crimen Majestatis reum esse mortis, qui semper contra utilitatem hujus Regis matrisque ejus abii: ac per meum consilium multa fuisse gesta certamina novi, quibus nonnulla Galliarum loca depopulata sunt. Hæc Episcopi audientes, ac lamentantes fratris opprobrium, obtentâ vitâ, ipsum ab ordine sacerdotali, lectis canonum Sanctionibus, removerunt: qui statim ad Argentoratensem urbem, quam nunc Strateburgum vocant, deductus, exilio condemnatus est. In cujus locum Romulfus, filius Lupi ducis, jam presbyterii honore præditus, Episcopos subrogatus est, Epiphonio, Abbatis officio, qui basilicæ Sancti Remigii præerat, remoto. Multa enim auri, argentique in hujus Episcopi regesto pondera sunt reperta, quæ autem de illa iniquitatis militia erant, regalibus thesauris sunt inlata; quæ autem de tributis, aut reliqua ratione Ecclesiæ inventa sunt, inibi relicta.

Altera Actio ejusdem Synodi

D E

SANCTIMONIALIBUS PICTAVIENSIBUS.

§. II. In hac synodo Basina Chilperici Regis filia, quam suprà cum Chrodielde à Communionem remotam diximus, coram Episcopis solo prostrata, veniam petiit, promittens se cum caritate Abbatissæ monasterium ingredi, ac de Regula nihil transcendere. Chrodielidis autem obtestata est, quòd Leoboverâ Abbatissâ in hoc monasterio commorante, ibidem nunquam ingrederetur. Sed utrisque Rex veniam impertiri deprecatus est: & sic in communionem receptæ, Pictavo regredi jussæ sunt: scilicet, ut Basina in monasterium, ut præfati sumus, regrederetur: Chrodielidis verò in Villa, quæ quondam Wadonis, superiùs memorati fuerat, sibi à Rege concessa resideret.

Gregorius Turonensis Lib. X. Historia Francorum §. XIX. & XX. pag.

§. II. Editionis Ruinartii.

Flodoardus Historia Ecclesiæ Remensis Lib. II. cap. II. ex bis Binus Tom. II. Part. II. pag. 300., tum Sirmondus & juniores Synodographi.

GREGORII PAPÆ

EPISTOLA

A D

THEODORICUM & THEODEBERTUM
REGES FRANCORUM.

Anno Christi DIC. Gregorii Papæ anno X.

Theodeberti Regis Austrasiæ IV.

Quòd multi per Simoniam ordinentur, tributa à prædiis Ecclesiasticis exigantur, ex Laicis repente fiant Episcopi. Ut Synodum ad hæc emendanda futuram promoveant; statuântque, ne Judæis Christiana mancipia habere liceat.

Gregorius Theodorico & Theodeberto Regibus
Francorum, à paribus.

Cum Regni vestri nomen inter cæteras gentes gratia olim Christianæ Religionis effullerit, valde studendum est, ut unde gloriosiores cæteris genti-

C 2

bus eminentis, inde omnipotenti Domino, qui dat salutem Regibus, perfectiùs placeatis, & fidem, quam colitis, adjutricem in omnibus habeatis. Optavimus

mus

mus quidem, Præcellentissimi filii, nostrum ad vós solita (a) dirigere visitatione sermonem, ut caritatis officiis paternum monstraremus affectum; sed quia nimium nos res contristat illicita, sic unum convenit exhibere, ut aliud sub silentio, quod emendatione indiget, minimè relinquamus. Quodsi diligenter attenditis, pro salutis vestræ nos loqui prorsus incolumitate cognoscetis. Fertur autem simoniacam hæresim, quæ prima contra Dei Ecclesiam diabolica supplantatione surrepsit, & in ipso ortu suo telo Apostolica ultionis percussa ac damnata est, in Regni vestri finibus dominari, cum in sacerdotibus sit fides eligenda cum vita. Si enim vita deest, fides meritum non habet, Beato Jacobo attestante, qui ait: *Fides (b) sine operibus mortua est.* Quæ enim opera esse valeant sacerdotis, qui honorem tanti Sacramenti convincitur obtinere per præmium? Ex qua re agitur, ut ipsi quoque, qui sacros ordines appetunt, non vitam corrigere, non mores componere studeant, sed divitias, quibus honor sacer erinitur, satagant congregare. Hinc fit etiam, ut infantes & pauperes à sacris ordinibus prohibiti defectique resiliant: & dum innocentia pauperis displicet, dubium non est, quod præmium illic delicta commendet: quia ubi aurum placet, ibi & vitium. Hinc igitur non solum in ordinatoris & ordinati animam lethale vulnus infligitur, verum etiam Excellentie vestræ Regnum, vestrorum Episcoporum culpâ, quorum magis intercessionibus juvari debuerat, prægravatur, si enim is dignus sacerdotio creditur, cui non actionis merita, sed præmiorum copia suffragatur, restat, ut nil sibi ad honores Ecclesiasticos gravitas, nil defendat industria, sed totum auri profanus amor obtineat. Et dum vitia remunerantur honore, in locum ultoris is, qui fortasse fuerat ulciscendus, adducitur, atque hinc sacerdotes non proficere, sed perire potius judicantur. Vulnerato namque Pastore, quis curandis ovibus adhibeat medicinam? aut quomodo populum orationis clypeo tueatur, qui jaculis se hostilibus feriendum exponit? aut qualem de se fructum producturus est, cujus gravi peste radix infecta est? Major ergo metuenda est locis illis calamitas, ubi tales intercessores ad locum Regiminis adducuntur, qui Dei in se magis iracundiam

provocent, quam per semetipsos populi placare debuerant. Audivimus autem, quia Ecclesiarum prædia tributa nunc præbeant, & magna super hoc admiratione suspendimur, si ab eis illicita quærantur, accipi, quibus etiam licita relaxantur. Nec hoc quoque malum sollicitudo nostra patitur negligenter omittere, quod quidam instinctu gloriæ inanis illecti, ex laico repente habitu Sacerdotii honorem arripiunt, & quod dicere pudet, & grave tacere est, regendi Rectores, & qui docendi sunt, Doctores, nec erubescunt (c) fieri, nec meruunt. Ducatum animarum impudenter assumunt, quibus via omnis ignota ductoris est, & quo vel ipsi gradiantur, ignari sunt. Quod quàm pravum, quàmque temerarium sit seculari etiam ordine & disciplinâ demonstratur. Nam dum Dux exercitus non nisi labore, & sollicitudine expertus eligitur, quales animarum duces esse debeant, qui ad Episcopatus culmen immaturâ cupiunt festinatione conscendere, hujus saltem rei comparatione considerent, & aggredi repente inexpertos labores abstineant, ne cæca honoris ambitio, & ipsis in penam sit, & aliis pestifera erroris semina jaciat: quippe, qui non didicerunt, quod ipsi doceant. Proinde paterno salutantes affectu petimus, præcellentissimi Filii, ut hoc tam detestabile malum de Regni vestri studeatis finibus prohibere, & nulla apud vos excusatio, nulla contra animam vestram suggestio locum inveniat: quia facientis procul dubio culpam habet, qui, quod potest corrigere, negligit emendare. Qua de re ut magnum omnipotenti Domino munus valeatis offerre: SYNODUM congregari præcipite, in qua sicut Fratribus & Coepiscopis nostris mandavimus, præsentem dilectissimo Filio nostro Cyriaco Abbate, sub anathematis debeat obligatione constitui, nullum pro Ecclesiastico Ordine aliquid unquam dare, nullum accipere, nec quemquam ex laicis ad Sacerdotium repente transire; quatenus hanc vobis mercedem, & hinc, & in futura vita Redemptor noster, cujus Sacerdotes interius ab hoste perire non sinitis, recompenset. Omnino præterea admirati sumus, quod in Regno vestro Judæos Christiana mancipia possidere permittitis. Quid enim sunt Christiani omnes, nisi membra Christi? Quorum videlicet membrorum caput

(a) Solâ alii.

(b) Jacobi II. 18.

(c) Videri alii.

put cuncti novimus, quia fideliter honoratis. Sed quam diversum sit, Excellentia vestra perpendat, caput honorare, & membra ipsius hostibus calcanda permittere. Atque ideo petimus, ut Excellentia vestra constitutio de Regno suo hujus pravitate mala removeat: ut in hoc vos amplius dignos cultores omni-

potentis Domini demonstretis, quod fideles illius ab inimicis ejus absolvis.

Est hæc Epistola 114. Libri VII. Regesti in Indictione II. sed in Editione Parisina Operum S. Gregorii de anno 1705. est Epistola CX. Lib. IX. Registri pag. 1015. Descripta à Sirmondo Tomo I. Concilior. Galliae ad annum Christi 599. Cblotarii II. 15tum.

Digressio de Conciliis Sæculi VI. extra Germaniam, quibus Episcopi nostri interfuerunt.

ANNO DXXXV. Synodus celebrata fuit Arverni sub Theodeberto Austrasie Rege, in qua Canonibus XVI. de Disciplina Ecclesiastica sancitis, præter decem Franciæ Episcopos, subscripserunt hi ex Germania:

Nicetius, Deo propitio, Episcopus Ecclesiæ Treverorum, consensu & subscripsi.

Domitianus, in Christi nomine Episcopus Ecclesiæ Colonienſis, consensu & subscripsi.

Hesperius, in Christi nomine Episcopus Ecclesiæ Metensis, consensu & subscripsi.

Desideratus, in Christi nomine Episcopus Ecclesiæ Viridunensis, consensu & subscripsi.

Grammaticus, in Christi nomine Episcopus Ecclesiæ Vindoniſſæ (nunc Constantinſis) consensu & subscripsi.

Subjicitur Epistola Synodica Patrum Concilii Arvernensis, ad Theodebertum Austrasie Regem scripta, quâ petitur ut Clerici, aliſque, qui Regum aliorum Dominio subjacent, possessionibus, quas in ejus Regno jure obtinent, non fraudentur.

Binius Tomi II. Parte I.

Sirmondus Tomo I. Concilior. Gallia p. 241.

DXLIX. Kalendis Novembris, Concilio Aurelianensi V. in Gallia celebrato, damnati fuere NESTORII & EUTYCHETIS errores, præsentibus ex Austrasia Episcopis, hac formulâ subscriptis:

Nicetius, Gratia Domini Episcopus Trevericæ Civitatis, consensum meum, vel Dominorum meorum reſegi, & subscripsi.

In Christi nomine Urbicus, Episcopus Civitatis Vesontienſis, consensu & subscripsi.

In Dei nomine Rufus, Episcopus Ecclesiæ Octodurenſium (Martiniaci in Helvetia) consensu & subscripsi.

Domitianus, Episcopus Ecclesiæ Tungrenſis, subscripsi.

Desideratus, in Christi nomine Episcopus Ecclesiæ Veredunenſis, subscripsi.

Alodius, in Christi nomine Episcopus Ecclesiæ Tullenſis.

Binius Tomi II. Parte I. ex quo Sirmondus & cæteri posteriores.

Calles, Annal. Ecclesiasticæ. Germania L. VIII. No. LXXVII.

DXLIX. Paulò post proximam Synodum secuta est alia in Arvernſis habita, in qua Aurelianensis Concilii canones in pauciores redacti, & à X. Episcopis, inter quos iterum NICETIUS Treverensis erat, confirmati sunt.

Binius loco citato. Ex quo Sirmondus, Labbé, Tomo V. Concilior. pag. 1390.

DLV. Parisiensi secundo concilio subscriptis inter Franciæ Episcopos Nicetius Treverensis.

Binius Tomo II. Parte II. Concilior. p. 201. ex quo Sirmondus, & posteriores.

DXC. Synodus Pictaviensis in causa Monasterii Pictaviensis. Childebertus Rex (audiens Chrodieldis Filie Chariberti, quondam Regis, Monialis perduellis tumultum contra Leuboveram Abbatissam suam) Legationem ad Guntramnum Regem direxit, ut scilicet Episcopi conjuncti de utroque Regno (Austrasie & Neustrie) hæc, quæ gerebantur sanctione Canonica emendarent. Ob hanc causam Childebertus Rex (Austrasie) mediocritatis nostræ personam (id est: Gregorium Turonensem Episcopum, cujus verba describo) cum EBREGISILO Agrippinensi, & ipſo urbis Pictavæ, Maroveo Episcopo, jussit adesse: Gunthramnus verò Rex Gundegisilum Burdigalensem cum Provincialibus suis, eò quòd ipſe, Metropolitani huic urbi (Pictavorum) esset.

Gregorius Turonensis L. X. Historia Francor. pag. 503. Edit. Runarii.

Subjungit & Judicium Episcopale Regibus missum, quo Abbatissa deposita restituitur, & Moniales petduelles à communione suspenduntur.

Binius Concil. Tomo II. Parte II. pag. 299. sed refert ad annum Christi 593. sub Gregorio Magno & Childeberto Rege.

DXC. DXIC. Kalendis Martii varii conventus habiti fuere à CHILDEBERTO cum optimatibus & luidis suis (quos inter Episcopi ordinarii erant) Antonaci (Andernaci) Trajecti ad Mosam, & Coloniz.

In his Conventibus nonnisi politica pacis, & belli negotia tractabantur: Duo tamen in iis, & ex iis adnotanda sunt pro Ecclesia & Ecclesiæ bono.

Primum. In Conventu Antonacensi Decretum fuit, ut qui Episcopum prædicantem noluerit audire, & excommunicatus fuerit, primò perennem condemnationem apud Deum sustineat. 2. Insuper de Palatio Regio sit omninò extraneus. 3. Omnes facultates suas Parentibus [a] legitimis amittat, qui noluerit Sacerdotis sui medicamenta sustinere.

(a) Parentibus ponitur pro Agnatis.

Secundum. In Conventu Colonienfi fuere decretæ penæ Diem Dominicum non observantibus. „ Die Dominico similiter placuit observari, ut si quisque ingenuus, excepto, „ quod ad coquendum, vel manducandum pertinet, opera alia in die Dominico facere præsumpserit, si Francus fuerit, solidos quindecim componat; si Romanus, septem & dimidium; Servus verò, aut tres solidos reddat, „ aut de dorso suo (b) componat.

(b) Fustigatione puniatur.

Baluzius Tomo I. Capitular. pag. 17. 18. 19.



SÆCULUM SEPTIMUM.

GREGORII PAPÆ EPISTOLA

AD

THEODORICUM REGEM FRANCORUM.

Anno Christi DCI. Gregorii Papæ XII.
Theoderici Regis Burgundiæ VI.

*Iterum hortatur ad Synodum convocandam & Monachos
in Angliam directos commendat.*

Gregorius Theodorico Regi Francorum.

EXcellentia vestra index cordis Epistola quanta in vobis fulgeat cum Regia potestate prudentia, ita luculenti copia sermonis edocuit, ut dubium esse non valeat, quidquid laudabile de vobis fama narraverit. Et quoniam adhortationem nostram ad eum Regis animis vestris per laudis prædicamenta placuisse signastis, ut quidquid ad Dei nostri cultum, quidquid ad Ecclesiarum reverentiam, quidquid ad honorem pertinere cognoscitis sacerdotum & studiose statui, & velitis in omnibus custodiri: iterata vos pro vestra magis mercede ad hortationem pulsamus, ut congregari SYNODUM jubeatis, & sicut dudum scripsimus, corporalia in sacerdotibus vitia, & Simoniacæ hæreseos pravitate omnium Episcoporum definitione damnari, atque de Regni vestri finibus amputari faciatis, nec plus illic pecuniam obtinere, quam

præcepta Dominica permittatis. Nam cum omnis avaritia (a) idolorum sit servitus, quisque hanc & maximè in dandis Ecclesiasticis honoribus, vigilanter non præcaverit, infidelitatis perditioni subjicitur, etiam si tenere fidem, quam negligit, videatur. Sicut ergo contra exteriores hostes, ita quoque contra interiores animarum adversarios studete esse solliciti: ut per hoc, quod Dei nostri inimicis fideliter repugnatis, & hic feliciter ipsius protectione regnetis, & ad æterna postmodum gaudia ejus duce gratia veniatis. Quanta præterea bona Reverendissimo fratri & Coepiscopo nostro Augustino ad Anglorum gentem proficiscenti Excellentia vestra præbuerit; revertentes ab eo quidam monachi retulerunt, unde uberes gratias referentes petimus, ut his quoque monachis, qui ad eum directi sunt, suffragia vestra copiosius præbere,

(a) Gratianus 1. Qu. 1. C. 20. cum omnis.

bere ; atque eos ad proficiscendum juvare dignemini , ut quanto beneficia vestra eis amplius adhibetis , tanto maiorem vicissitudinem ab omnipotente Deo , cui serviunt , expectetis. Mense Julio Indictione IV.

Est hæc Epistola S. Gregorii Papæ 53tia Libri IX. in nova Editione Parisina anni 1705. Lib. XI. Indict. IV. N. 59.

Relata à Sirmondo Tomo I. Conciliorum Gallicæ ad A.C. 601. Chlotarii II. XVI.

GREGORII PAPÆ EPISTOLA

A D

THEODEBERTUM REGEM FRANCORUM.

Anno Christi DCI. Gregorii Papæ XII.

Theodeberti Austrasiæ Regis VI.

Hortatur ad Synodum congregandam, & Monachos ad Angliam convertendam missos commendat.

Gregorius Theodeberto (a) Regi Francorum.

QUI paternæ adhortationis verba libenti animo suscipit ; & sinu cordis amplectitur , emendatorem se vitiorum fore proculdubio proficitur. Ex qua re satis nos Excellentia vestra certos reddit absoluta promissio. Nam ejus , quem idoneum ad solvendum esse cognoscimus , verba pro pignore retinemus. Itaque Excellentia vestra Dei nostri mandatis inhærens , studium ad congregandam SYNODUM pro sua mercede adhibere dignetur , ut omne à sacerdotibus corporale vitium , & Simoniaca hæresis , quæ prima in Ecclesiis iniqua ambitione surrexit , potestatis vestrae imminente censurâ , Concilii definitione tollatur , & abscissa radicibus amputetur : ne si plus illic aurum quàm Deus diligitur , qui modò tranquillus in suis præceptis despicitur , iratus postmodum in vindictâ sentiat. Et hæc quidem , quia pro vobis loquimur , idcirco imminere sæpius non cessamus , ut prodesse excellentissimis ac dulcissimis filiis nostris vel inopportunitate possimus. Nam Regno

vestro per omnia proficit , si quod contra Deum in illis partibus geritur , emendatione Excellentia vestra corrigatur. Quanta præterea bona proficiscenti ad Anglorum Gentem Reverendissimo fratri , & coepiscopo nostro Augustino Excellentia vestra impenderit , referentibus quibusdam Monachis ; qui ab eo reversi sunt , cognovimus ; de qua remaximas gratias exolventes petimus , ut & Monachis præsentium portitoribus , quos ad eundem Fratrem nostrum direximus , vestra uberius beneficia ministretis : quatenus dum vobis patrocinantibus nullas illic difficultates invenerint , sed cœptum iter facili Christo juvante peregerint , uberiorem mercedis vestrae fructum , ante Dei nostri oculos faciant. Mense Julio indictione IV.

Est hæc Epistola S. Gregorii Magni 54ta Lib. IX. sed in Editione Parisina 1705. est Epistola LX. Libri IX. indictione IV.

Relata à Sirmondo Tomo I. Conciliorum Gallicæ pag. 455. ad annum Christi 601. Chlotarii II. Regis 16tum.

Con-

(a) Theodebertus , Austrasiorum Francorum Rex , & Filius natu major postponitur in Epistola antecedente Theodorico Fratri suo , Burgundionum Regi , eâ de causâ , quia Nuntii literarum bajuli Româ in Franciam venientes prius Theodoricum in sua Regia Cabilloni residentem adiituri erant , quàm Theodebertum Metris in Metropoli Regni Austrasiæ. Hæc conjectura Clm. Hadriani Valesii rerum Francicarum Lib. XVI. & Guffanvillæ & Benedictinorum , qui ultimam Editionem Operum S. Gregorii accurarunt anno 1705.



CONCILIIUM CONSTANTIENSE.

Mortuo Gaudentio ^(a) Constantiensi Episcopo, Gunzo Dux Alemanniæ, Synodum Episcoporum cogit, & S. Gallum designat Episcopum; quo se excusante, & varias causas allegante, Joannes à S. Gallo Episcopus designatus, Cleri, & Populi votis eligitur.

Anno Christi DCXVI. Deusdedit Papæ III.
Lotharii Monarchæ Francorum III.

Ex Serio ad Diem XVI. Octobr. & Goldasto Rerum Alemannicarum Tom. I. Part. II.

Post hæc Dux, sæpè jam dictus, per Epistolam suam Virum Dei rogavit, ut ad Constantiam oppidum perveniret, ad eligendum, qui eidem sedi præficeretur, antistitem. Advocavit autem Augustodunensem, & Virdunensem Episcopos cum multitudine Clericorum. Nemidone etiam, quæ à modernis Spira vocatur, venire fecit Episcopum: nec non per Nuncios & Epistolas suas totius Alemanniæ Presbyteros, Diaconos, universasque Clericorum copias, generaliter die denominata, id est, proximâ Paschæ Dominicâ, apud Constantiam convenire præcepit. Ipse quoque cum Principibus & Comitibus suis huic intererat conventui. Cùmque hæc Synodus tantæ multitudinis celebraretur accessu, & trium spatio denunciaretur futurum, Beatissimus Gallus, Divino plenus consilio, assumptis Joanne & Magnoaldo, Diaconatûs officio sublimatis, perrexerit ad oppidum: ingressoque eo locum Concilii, Dux hujusmodi verba profudit: Deus omnipotens, cujus providentiâ totum corpus Ecclesiæ augmentatur, & regitur: per interventionem & meritum Beatæ Mariæ semper Virginis, in cujus honore locus iste consecratus est, effundat hodie super nos Spiritum Sanctum ad eligendum Pontificem, qui ad regendam plebem fidelium sit idoneus, & ad gubernandam Ecclesiam DEI Pastoralis sit diligentia plenus. Admonuit deinde Pontifices & omnem Clerum, ut juxta saluberrima canonum decreta, Rectorem Ecclesiæ providerent.

Cæperunt autem omnes Clerici ad invicem dicere: Gallus iste testimonium habet bonum ab omnibus, qui ejus vitam noverunt: In Scripturis Divinis Scientiæ culmen obtinuit, & in omni vitæ honestate sapientiæ luce refulget: Justitiæ autem vitæ castitatem corporis sociavit, mansuetudinem cum humilitate possedit: continentie verò salutari patientiam junxit. Largitor est elemosynarum, orphanorum Pater, in viduarum solatiis alacer. Hunc omnium Sectatorem virtutum decet esse Pastorem populorum. His auditis, Dux dixit ad illum: Audis, quid isti loquuntur & affirmant? Sanctus Pater respondit: Bene quidem dicunt: utinam verum esset, quod fatentur. Cùm autem invicem talia tractant, nesciunt in canonibus esse prohibitum, ne aliqui de locis suis commigrantes; aliis facile ordinentur in locis. Est verò mecum Diaconus quidam nomine Johannes, vicinorum indigena locorum, cui meritò testimonium, quod isti mihi dederunt, potest aptari. Hunc Divino credens electum judicio, vobis offero, promovendum.

Cùmque hac attestazione Vir Sanctissimus in Johannem cunctorum concitaret amorem (neque enim aliud de illo credere poterant, quàm quod vir Deo charus afferuit) Dux Diaconum venire fecit in medium: Tu es, inquit, Joannes Diaconus? Et respondit: Ego planè. Unde, ait, ducis propaginem generis? & dixit: in Rhetiâ Curiensi mediocri natalium dignitate sum pro-

(a) Mortem Gaudentii Episcopi CRUSIUS refert ad annum Christi DCL. ECCART Rerum Franciæ L. XI. N. XVIII. ad A. C. DCXXII. Sigismundus Calles in Annalibus Ecclesiasticis Germaniæ ad annum D. XVI.

procreatus. Dux verò ad illum : Potèſne, inquit, pontificalis inſulæ pondus ſubire? Tunc venerabilis GALLUS ſe pro filio reſponſurum promiſit. Et dum hæc mutuo ſermonum commercio pertractarent, ſubtraxit ſe Diaconus, & fugiens, latibulum quæſivit in Eccleſiâ Sancti Stephani Martyris, quæ eſt extra oppidum. Secuti ſunt autem ſacerdotes cum plebe, & apprehenſum, lachrymas perſuſum felicibus, licet renitentem, in præſentiam Pontificum pertraxerunt & Ducis : & levaverunt omnes pariter vocem, dicentes : Joannem elegit ſibi Dominus Pontificem hodie : & reſpondit omnes populus, Amen. Epifcopi itaque duxerunt eum ad altare, & ſoleni benediſtionis officio ordinaverunt antiſtitem. Conſummatoque ſacræ promotionis miniſterio, rogaverunt eum, ſacrificii ſalutaris celebrare myſteria. Præmiſſis ergò ex more divinæ libationis initiis, poſt lectionem Evangelii rogaverunt venerabilem Gallum, ut multitudini, quæ aderat, verbi officio ſacræ inſtructionis pabulum miniſtraret. Qui aſſumpto Joanne Epifcopo, gradum aſcendit, eo videlicet pacto, ut ipſe quidem ædificationis inſtrumenta colligeret, Epifcopus verò ad utilitatem barbarorum bene prolata interpretando transfunderet. Cæpit ergò verbum facere de initio creaturarum, & Adæ peccatum, pro quo depulſus eſt de paradifo, commemorare. Tranſiens inde ad diluvium, Patriarcharum confequenter tempora perſtrinxit & actus. Egreſſum quoque filiorum Iſraël de Ægy-

pto, & tranſitum per mare rubrum, legiſque lationem per Moſen, & celeſtis alimentimiraculareplicavit. Regum deinde ſucceſſiones & tempora Prophetarum breviter attingens, adventus Domini tempus retexuit. Baptiſmum etiam Salvatoris, & mirabilium ejus gloriam commemorans, Crucis ignominiam cum impiis inſectationum generibus veraci relatione ſubjunxit. Hæc audientes Eccleſiæ Paſtores, cum populi multitudine lachrymas fuderunt uberimas, & ad invicem dixerunt : verè Spiritus Sanctus locutus eſt hodie per os viri iſtius. Ille verò prædicationem perduxit uſque ad reſurrectionem Chriſti, & in commemoratione Generalis Judiciï terminavit. Omnes ergò, qui aderant, alacri mentis exultatione repleti, benedicebant Dominum, & ad ſua cum gaudio remeabant. Doctòr itaque venerabilis manens apud Joannem Epifcopum ſeptem diebus, inter multa ſalutiferæ conſolationis verba, hæc ſæpiùs inculcavit : Quem Deus elegit, homo non deſpiciet : ſed erit omnium veneratione ſublimis, quem divinum commendat judicium. Deinde acceptà ab eo benediſtione, reverſus eſt ad Cellulam ſuam. Epifcopus autem juſſit his, qui rebus Epifcopi præerant, ut ad virum Dei cum ſibi ſubjectis venirent, & ejus obtemperarent juſſioni.

Walafridus Strabo in vita S. Galli editus à Surio ad Diem XVI. Octobris.

Acta Ss. Ordinis S. Benediſti. Tomo II. pag. 243. à Mabillone edita.

CONSILIUM PROCERUM ET EPISCOPORUM MOGUNTIÆ,

Quo audito Dagobertus Rex donat Amando civitatem
Laudenburg ad Baſilicam S. Petri Wormaciæ.

Anno Chriſti DCXXXVI. Honorii Papæ XI.
Dagoberti Primi VI.

Dagobertus Rex Francorum. Cunctos nôſſe volumus, qualiter nos de remedio animæ noſtræ & de futurâ retributione cogitantes, omnino propoſuimus in animo noſtro, Eccleſias Dei de

D

allodiis noſtris cohæredes facere, & loca Sanctorum augmentare. De hoc tu-
limus bonum *Conſilium Procerum* noſtro-
rum, Pippini, qui eſt major domûs,
Arnolſi Merenſis Epifcopi, Humberti (b)

Colo-

(b) Pro Chuniberti. *Cuniberhti legit Schannatus.* Varia eſt enim ejus vocis ſcriptura in variis diplomatibus,

Coloniensis Archiepiscopi : & inde misericordiam Domini consequi & ejus Sanctorum suffragia promereri confidimus. Ideo omnes Dei Fideles & nostri præsentēs , & futuri , recognoscite , qualiter omnes res juris nostri in pago Laudemburgensi (c) & quidquid ad nostrum usum ambulare visum est , & omne , quod ad fiscum nostrum hætenus pertinebat (excepto stipe & comitatu) ex eo nihil dimittentes , tradimus totum ex integro , magnum & parvum , ad basilicam S. Petri Apostoli , quæ est in Wormatia civitate constructa , cui præest Dominus vir Apostolicus Amandus : hoc est , quod tradimus , civitatem nostram Laudemburg , palatium nostrum , ædificia , mancipia , vineas , terras cultas & incultas , agros , prata , campos , omne sylvaticum in sylvis Otenwaldt , cum omni utensilitate in omni pago Laudemburgensi , & undique intranti , in piscuis , inter-ammibus , aquas aquarumque decursus , piscationibus , quæsitis & inquirendis , omnè theloneum , merca-

tum , & quidquid dici aut nominari potest , sicut prius ad nostrum usum ambulare videbatur , sic in antea ad præscriptam Basilicam pro æternæ mercedis augmento possidendum donavimus , & sub integrâ immunitate omnia ad eandem Basilicam pertinentia præceptione nostrâ à novo confirmamus , sicuti priori anno immunitatis-tuitionem dedimus omnes villas , facultates , seu Abbantias , & quidquid ad ipsam civitatem Wormatiam aspicere videretur : ut nullus Judex publicus , nec causas audiendas , nec freda exigenda , nec homines ipsius Ecclesiæ tam ingenuos , quàm & servientes distringendo , nullum impedimentum audeat facere , nisi pro parte ipsius Ecclesiæ , vel ipsè Pontifex Amandus , aut Successores hoc habent concessum atque indultum , quieto ordine possidere atque dominari , quod partibus Fisci nostri fuit consuetudo reddendi . Et ut authoritas hæc firmior sit , manu nostrâ subscriptionibus subditis illam decrevimus roborare.

DAGOBERTUS REX FRANCORUM.

GODEFRIDUS recognovit.

Datum sub Die XI. Kalend. Octobris, Anno Regni nostri VI. Actum Moguntia Palatio nostro , feliciter satis.

Freherus de Lupoduno pag. 17.

Schannatus in Historia Ecclesiæ Wormatiensis pag. 309.

(c) Lupoduni verum situm & nomen vindicavit Cl. Marquardus FREHERUS speciali Opusculo edito : nunc Ladenburg vulgò audit.

SIGEBERTUS III.

R E X ,

Fundat Monasterium Caseconguidinense , in Dicecesi Trevirensi cum consilio Episcoporum & Procerum.

Anno Christi DCXLIV. Theodori Papæ III.
Sigeberti III. Regis Austrasiæ anno XI.

(a) Sigebertus Rex Francorum viro Inlustri (b) Grimoaldo Majori Domûs. Singulariter ac per cuncta feliciter ad mercedis nostræ augmentum credimus pertinere , si larga munera summi Dei omnipotentis devotâ mente offerre non

(a) Sigebertus III. Dagoberti primi Filius , secundò genitus anno 629. Austrasiæ Rex fit anno 633. moritur 656.

(b) Grimoaldus , Pippini Landensis Filius , post annum 642. Major Domûs Franciæ , vacillante jamjam & inclinata Regia primæ stirpis auctoritate.

non dubitemus, quia tunc Regia potestas suum cultum corroborare videtur, quando ex propria voluntate compendia fervorum Dei destinare non dubitat. Ideoque de devotione animæ nostræ, cum Consilio magnificorum Apostolicorum (c) Cuniberti, (d) Gudonis, vel illustrium virorum Grimoaldi, Bobonis, Adalgisili, Monasterium regulare in honore Patroni nostri Petri, Pauli, Johannis vel caterorum Martyrum, in terra nostra, sylva Arduense, in loco, qui dicitur (e) Casegonguidinus, quem Sefomires fluvijs cingere videtur, & ex nostræ largitatis munere juxta Patrum traditionem Cœnobium volumus construere, & ibidem Deo auspice (f) Remaclum Abbatem constituimus, qualiter ibidem secundum ordinem & monita antiquorum Patrum conversari debeant: sic tamen, ut de ipsa castra vel ripa fluminis in directum (g) levas tres de nostra sylva (b) Uriaciense cum ipsa venna Dominica, quæ dicitur Arnulfi, cum Probardo de Badone vel junioribus eorum, qui ibi-

dem servire videntur, die præsentē concessimus ad possidendum. Similiter de suo ipso castro ex alia sylva Dominica, alias tres levas, & in directum item tres aslevas, nec non & aliam venellam in fluvijs nuncupante Alisna, ubi illa petra pro quadrata est. Hæc omnia ad usus eorum fervorum Dei ex unitate nostra visi sumus condonasse; ut habeant, possideant, suisque posteris Spiritualibus derelinquant, ut potius eis delectet attentius pio Domino preces incessabiliter fundere. Et ut præceptio firma atque inviolata permaneat, manûs nostræ subscriptionibus subter eam roborari decrevimus.

Henschenius in actis SS. ad Diem 1. Februarii primus edidit MS. hoc diploma, acceptum ab Gournesio Presbytero Oratoriæ pag. 234.

Mixtus Operis Diplomatici Tomo III. pag. 1. ex quo Illmus Hontbemijs Tomo I. Histor. Treverens. sed variâ lectione ab Henschenii Editione.

D 2

MAR-

(c) Colonienfis Archi-Episcopi.

(d) Metensis Episcopi.

(e) *Casegonguidinus*: hodie dum Coughnon in Ducatu Luxemburgensi, Archi-Diœcesis Treverensis, super fluvijs Somey olim Sefomires vel Sefmarus.

(f) *Remaclum*, genere Aquitanum, S. Eligii Discipulum primum è Solemniacensi Monasterio Monachum evocatum ad Abbatiam Casæconguidinensem regendam, dein Abbatem Malmuadriensem ac Strabulensem, demum Episcopum Tungrensem, seu Leodiensem, *Notkerus & Harigerus Biograph. S. Remacii.*

(g) *Levas*, pro Leucas, imò Bannleucas. Du Fresne in glossario barbaro.

(b) *Uriaciense*: Forestum d' Urès supra Bullonium.



**MARTINI PAPÆ
EPISTOLA
AD AMANDUM, EPISCOPUM
TRAJECTENSEM.**

Diffuadet, ne Episcopatum abdicet. Mittit Acta Synodi Romanæ, ut ab Episcopis Galliæ congregatâ Synodo confirmentur. Monet, ut Sigeberto Regi suggerat de mittendis in urbem Episcopis, qui legatione ad Imperatorem fungantur.

Anno Christi DCIL. Martini Primi Papæ I.
Sigebertii III. Regis XVI.

DILECTISSIMO FRATRI AMANDO MARTINUS.

Fraternitatis tuæ studio pietatis congestam Epistolam suscipientes, animos nostros relevare cognoscimus. Quippe quoniam hujus sæculi fluctivagas atque transitorias despicientem oblectationes, illa quæ perpetua & sublimia dona pro Domini Dei nostri obsequiis tribuuntur, appetere certum est. Ex relatione igitur, juxta tenorem tuæ fraternitatis Epistolæ, (a) præsentium laboris, laborum tuorum certamen cognovimus: ex quibus cœlestis Patriæ ascensu, humiliatis mentibus, atque contritis corporibus, vobis futurorum gaudiorum largienda sunt munera. Nam cum sit nulli omnino comparationi cœquandum, quod à creatore nostro pro bonis servitiis repensatur, dum brevi atque parvo temporis spatio finiuntur labores, quos pro dilectione ipsius sustinemus, consideratione refrigerii nos oportet libenti animo tolerare præsentis vitæ angustias. Sed quantum nobis laborum vestrorum operatio magnam gaudii ubertatem inducit, tantum pro duritia sacerdotum gentis illius conterimur, quod postpositis salutis suæ suffragiis, atque Redemptoris nostri contemnendo servitia, vitiorum fetoribus in-

gravantur: quibus ad præparandam salutem quandoquidem tantum nos necesse est importunis prædicationibus imminere, quantum nos perfectæ negotiationis creditorum nobis talentorum duplicat assignatio, atque Dominicæ vocis ad suscipiendam ejus requiem persuadet assertio. Suggestum est namque nobis, eò quod Presbyteri, seu Diaconi, aliique sacerdotalis officii, post suas ordinationes in lapsu coinquinantur: & propterea nimio moerore fraternitatem tuam adstringi, velléque pastorale obsequium pro eorum inobedientia deponere, & vacationem ab Episcopatus laboribus eligere, & in silentio atque otio vitam degere, quam in his, quæ tibi commissæ sunt permanere, dicente Domino, *Beatus* (b), *qui perseveraverit usque in finem*. Unde namque beata perseverantia, nisi de virtute patientiæ? quia secundum Apostolicam prædicationem, *Omnes* (c) *qui voluerint in Christo piè vivere, persecutiones patientur*. Ideoque, frater charissime, non vos afflictionum amaritudo à pio mentis vestræ proposito coarctet recedere, considerans quanta pro absolutione nostri & liberatione, creator Dominus noster pertulerit, quibûs-

que

(a) Est igitur hæc Papæ Martini responsoria ad Epistolam, ab Amando Trajectensi Romam missam, quæ periit.

(b) Matthæi X. 22. XXIV. 13.

(c) II. Timoth. III. 12.

que se contumeliis afficiendum tradiderit, ut nos à vinculis diabolicæ potestatis liberaret. Propterea nullatenus in hujusmodi peccato delinquentibus ad destructionum Canonum compassionem exhibeas. Nam qui semel post suam ordinationem (d) in lapsum ceciderit, deinceps jam depositus erit, nullumque gradum sacerdotii poterit adipisci: Sed sufficiat ei, lamentationibus, fletibusque assiduus quousque advixerit in eadem penitentia perdurare, ut commissum delictum divinâ gratiâ extinguere valeat. Si enim tales quaerimus ad sacros ordines promovendos, quibus nulla ruga, nullumque vitæ contagium mentes & corpora præpediat: quanto magis, si post ordinationem (e) suam quispiam in lapsum ceciderit, & prævaricationis peccato deprehendatur obnoxius, omnino prohibendus est, cum manibus lutulenis atque pollutis mysterium nostræ salutis tractare? sitque hujusmodi semper, juxta Sacrorum Canonum statuta, in hac vita depositus, ut ab illo, qui mentis interiora scrutatur, nullamque de ovibus errare congaudet, dum adspexerit sinceram penitentiam ejus, in terribili judicio habeat reconciliatum. Ideoque iterum hortamur caritatem tuam, exemplo ejus, qui pro nobis pati & mori voluit, promptos vos in cunctis ejus servitiis permanere. Neque pigeat vos temporales cruciatus pro Christi nomine sustinere: sed emolumenta futuræ remunerationis hujus Sæculi vexationes tolerare persuadeant. Scriptum namque est, (f) *Quid retribuam Domino pro omnibus, quæ retribuit mihi? Calicem salutaris accipiam, & nomen Domini invocabo.* Tantum enim à nobis exigitur, quantum possumus famulatus nostri obsequio commodare. Cumque cuncta quæ nobis ad confortandos fraternitatis vestræ animos poterant ministrari, largiente supernæ Majestatis Clementiâ vobis sint procul dubio manifesta, restat, ut de aliis, quæ nos per sua scripta consuluit, fraternitati vestræ significemus.

Credimus etenim ad vos pervenisse, quomodo in conturbatione rectæ fidei, & Catholicæ Ecclesiæ conculcatione, ante hos annos plus minus quindecim, à Sergio (g) Episcopo Constantinopolitano, in auxilio habente tunc imperantem Heraclium, execranda & abominanda hæresis pullulavit, Apollinaristarum & Severianorum, Eutychanistarum atque Manichæorum errorem renovans: quam successor ejus Pyrrhus, idemque Episcopus, qui ambitionis fastu Constantinopolitanam sedem arripuit, in deterius auxit. Pro quâ re sæpius Apostolica sedes persuasionibus, contestationibus, atque increpationibus plurimis admonuit eos, quatenus ab hujusmodi errore recederent, & ad lumen pietatis, ex quo lapsi sunt, remearent. Et non solum hoc facere nullatenus voluerunt: sed & nunc successor ejus Paulus, temerator fidei, Episcopus Constantinopolitanus, aliud nequius excogitavit in præjudicium Catholicæ fidei conamen, quasi quæ à decessoribus suis hæreticè exposita fuerunt destruens; & imperialem typum, sacrilego ausu, totius plenum perfidiæ, à Clementissimo Principe nostro fieri persuasit, in quo promulgatum est, ut omnes populi Christiani credere debuissent. Ideoque necesse habuimus, ne pro quadam negligentia & animarum detrimento, quæ nobis commissæ sunt, culpæ reatu adstringamur, cœtum generalem fratrum & Coepiscoporum nostrorum in hac Romanâ civitate congregare. In quorum præsentia (h) memoratorum hæreticorum scelerosa conscripta examinata, atque denudata sunt, & Apostolico mucrone, patrumque definitionibus, uno ore, unôque Spiritu condemnavimus: ut cognoscentes universi errorem, qui in eis continetur, eorum pollutione nullatenus maculentur. Unde prævidimus volumina gestorum Synodali in præsentia vobis dirigere, unâ cum Encyclicâ (i) nostra. Ex quorum serie omnia subtrahere

D 3

liter

(d) Distinctione L. Cap. Qui semel post.

(e) Distinct. L. Cap. Si post ordinationem.

(f) Psal. CXV. 12. 13.

(g) Sergius Patriarcha Constantinopolitanus obiit 639.

Pyrrhus ejusdem in eadem Cathedra Successor.

Paulus II. hujus Successor obiit anno 651.

(h) Martinus Papa anno 649. Romæ in Laterano Synodum CV. Episcoporum coëgit contra Monothelitas, quorum acta mittit Amando Episcopo.

(i) Encyclica dicitur Epistola ad omnes vel plurimos Episcopos scripta. Admirare hic vigilantiam Apostolicæ Sedis, exempla actorum hujus magnæ Synodi ad omnes Episcopos ultrò mittentis, unâ cum Literis Encyclicis.

liter potestis addicere, & tenebras illorum nobiscum, ut filii lucis, extinguere. Idcirco studeat fraternitas tua omnibus eadem innotescere, ut tam abominandam hæresim nobiscum execrentur, quàmque suæ salutis Sacramenta addicere valeant, atq; SYNODALI conventionem omnium fratrum & Coepiscoporum nostrorum partium illarum effecta, secundum tenorem Encycliæ à nobis directæ, scripta unà cum subscriptionibus vestris nobismet destinanda concelebrent, confirmantes atque consentientes eis, quæ pro orthodoxâ fide, & destructione hæreticorum vesaniam, nuper exortæ à nobis statuta sunt. Et Sigebertum Præcellendissimum filium nostrum Regem Francorum, pro suæ Christianitatis remedio consultissimè admone atque precare, dirigere nobis ex corpore fratrum nostrorum dilectissimos Episcopos, qui sedis Apostolicæ legatione, divinâ concedente propitiatione, fungi debeant; & quæ in nostro Concilio peracta sunt,

(k) Observa, quoties Exemplaria hujus Synodi transscripta, transmissa per Ecclesiam fuerint, ut Pontifex dicat, évacuata fere, vel exinanitam bibliothecam Romanam: semper tamen paratus ad commodandum codicem hunc denuò describendum, cuicumque libuerit,

cum his Synodalibus apicibus vestris, ad Clementissimum Principem nostrum finè dubio adportare, ut nostrorum laborum particeps effectus, mercedis cumulum adipisci valeat, & sui Regni protectorem inveniat eum, cujus causa flagitari dignoscitur. Hoc namque & in ejus Epistolâ exhortari eum cognovimus. Reliquias verò Sanctorum, de quibus præsentium lator nos admonuit, dari præcepimus. Nam codices jam exinaniti sunt à nostra Bibliotheca (k) & unde ei dare nullatenus habuimus: transcribere autem non potuit, quoniam festinanter de hac civitate regredi præparavit. His igitur pralibatis, quæ à nobis per Epistolam vobis scripta sunt effectui mancipari fraternitatem vestram hortamur. Deus te incolumem custodiat, dilectissime frater.

Binius Tomo II. Parte II. pag. 479. ex actis Synodi Lateranensis consultatione quinta, seu secretario V. ex quo Sirmondus & posteriores Synodographi.

DIGRESSIO

De Legibus Ecclesiasticis Sæculi VII.

Ecclésiæ Catholicæ Leges, quas *Canones* vocamus, nonnisi à Præpositis Ecclesiarum expectandæ sunt, ac petendæ, & subditis oviculis observandæ. Præpositi autem Ecclesiarum antonomastice sunt Episcopi, Apostolorum Successores, sive intra, sive extra Concilium, & inter Episcopos Princeps PETRUS, Petrice Successores.

At hoc Sæculo VII, Christiano, Christiani Reges & Principes in Occidente, quâ Advocati & Tutores Ecclesiarum & Ecclesiasticorum, varias Leges condiderunt, Ecclesiæ Catholicæ perhonorificas, & utiles: quibus condendis etsi ordinariè interfuerint Episcopi, qui in Conventibus publicis Regum Francorum, & Germanorum semper primas à Regibus sedes occuparunt ante Duces, Optimates, Comites, Judices, Laicos: non possumus tamen eas Leges inter canones recensere, ut nec Comitibus, consistoria Regia inter Concilia Ecclesiastica.

Neque tamen ea indelibata præterire fas est: quia ipsi Episcopi, & Sacri Juris Conditores, aut Collectores, uti *Ansegisus*, *Benedictus Levita*, *Rhabanus*, *Regino*, *Burchardus*, ac demum *Gratianus* tales Leges, Ecclesiæ honorificas Corpori Juris Canonici inserere non dubitarunt: & ipsimet Episcopi sæpè iis utuntur suis in Conciliis.

Hujusmodi Leges sunt, Lex Alamannorum, Lex Bajuvariorum, Lex Ripuariorum, Lex Salica Francorum, conditæ ex moribus antiquis horum populorum, etiamnum idololatrarum.

Reges Francorum post ortam Evangelii lucem, & Baptismum susceptum, Leges populorum subceptorum reformare, & ad Evangelium accommodare studuerunt, unde dicti sunt harum Legum Conditores, melius, Reformatores, Correctores, vel Ampliatores, Chlodoveus, Chlotarius, Dagobertus, Carolus Magnus.

Inspiciamus titulum Legis Alamannorum:

„ Incipit textus ejusdem Legis Alamannorum,
„ que temporibus Hlotharii Regis unâ cum
„ Principibus suis, id sunt XXXIII. Episcopis,
„ XXX. tribus Ducibus, & LXX. duobus Comitibus, vel cætero populo constituta est.

Quum hunc titulum apud GOLDASTUM legerem in collectione consuetudinum, & legum Imperialium Francofurti 1613. edita, dubitavi de ejusdem veritate: verum, cum Petrus Lindembrogius in *Codice Legum antiquarum*, ibidem eodem anno editus, eundem exhibeat: cum codex D. KRUFFTII, Patricii Colonienfis, MS. Sæculi noni vel decimi, eundem habeat, credo eum titulum genuinum esse, & licet eas Leges potissimum spectent

speitent Rempublicam civilem, seu Statum politicum, nihilominus XXIII. Capitula prima concernunt Personas Ecclesiasticas, Ecclesiæ bona & Immunitates tum personales, tum locales, demum varios gradus hominum ad Ecclesiam pertinentium, adeoque licet Leges Ecclesiasticæ dici nequeant, sunt tamen Leges pro Ecclesia, & Ecclesiæ bonis, adeoque spectant ad integrandum Juris Canonici codicem; unde videmus à Conciliis & Patribus, & Juris Canonici Doctoribus sæpe eadem usurpari.

Lex Bajuvariorum, & Ripuarianorum varia Capita, Leges, & Privilegia pro rebus, personis, & locis Ecclesiasticis tutandis, vindicandis, dotandis habet, unde & postea in Capitularia, & Canones translata sunt.

Lege hac apud Heroldum, Lindenbrogium, & inter Baluzii Capitularia.

De Conciliis extra Germaniam

hoc Sæculo.

DCXXV. Synodo nationali Remensi sub Sommario interfuerunt ex Germania Arnulfus Metensium Præsul; Modoaldus Treverensis, Cunebertus Colonienfis, Donatus Vefontionensis, Godo Virdunensis, Bertraldus Cameracensis, Lupoaldus Moguntiacensis.

Frodoardus Historia Remensis L. II. C. V.

Baluzius Tomo I. Capitularium refert Capitula de Ecclesiasticis & sæcularibus Rebus.

DCLXXXI. Habita in Galliis Synodus loco incerto contra Monothelitas. In hac Adeodatus, Leucorum Episcopus, Francorum, Austrasiorum communi voluntate electus fuit, ut interesset Concilio Romano, quod sextæ generalis Synodi Constantinopolitæ Acta antecessit. In hoc Concilio Romano subscriptus legitur: Adeodatus, humilis episcopus, Sanctæ Ecclesiæ Leucorum, Legatus Venerabilis, Synodi per Galliarum Provincias constitutus.

Browerus in Annal. Trev. Tomo I. ad h. a.

SÆCULUM OCTAVUM. SYNODUS TUNGRENSIS I.

CELEBRATA

à S. HUBERTO

Pontificatus sui Anno XII.

In qua actum de Translatione S. Lamberti, Trajecto è cella SS. Cosmæ & Damiani Leodium. (a)

Anno Christi DCCVIII. Constantini Papæ I.

Pipino Heristallo majore Domûs.

SANCTUS Hubertus, edoctus divinitus, ancipiti summotâ sententiâ, tertio decimo anno (b) sui Præsulatus, cœtu Clericorum sibi adjuncto, nec non populari agmine creato, accitis etiam Venerabilibus Episcopis & Sacerdotibus, tumultum Venerandi Viri (S. Lamberti Antecessoris) adiit, ibidemque spirituales observantes excubias, Divinitatemque pulsantes precibus, honorantes laudibus, rogabant, ut quæ Antistiti suo facienda mandaverat (Deus) quo perficerentur,

cœptis annueret. Nam cum maxima veneratione urnam, quâ Sanctissimus cinis conditus servabatur, adeuntes, absque aliquâ difficultate busta Beati Viri ex loculo protulere, & cum magno gaudio, quâ venerunt, pedem referentes, in loco, quo passus est (Leodii) terræ mandavere.

Autor coævus & vetustus vitæ S. Huberti,

è MSS. correctus, editus à P. Roberti

S. J. in vita S. Huberti C. III. pag. 26.

SYNO.

[a] Leodium vicus fuit exili nomine & famâ. Sed postquam S. Lamberti M. corpus èd transfuit Hubertus, & in Basilica deposuit, quam novis operibus angustam decessoris honori extruxerat; ex eo tempore studium mirificum Lamberti colendi, in Austrasianorum animis exortum, & Leodicum, seu Leodium, convenarum votivis & religiosis frequentarum peregrinationibus, in eam inde Dignitatis amplitudinem caput extulit; ut primò quidem publici vici, atque municipii titulo surgeret; hinc à posteris Francorum Regibus vicino domicilio, moxque à Clero acceptis Ecclesiasticæ Disciplinæ studiis urbs exornata; inde ad justæ Reipublicæ formam perducta; denique Noigeri munificentissimi Præsulis, aliorumque infinitis operibus, eximie civitatis decus, & præstantis inter primas tulit. *Hæc Brower, in Annal. Trev. Tom. I. ad annum DCCIX.*

[b] Inchoato, duodecimo completo,

SYNODUS TUNGRENSIS II.

Sub S. Huberto, in qua Cathedra Episcopalis Tungris Leodium translata fuit. (b)

Anno Christi DCCIX. Constantini Papæ II.
Childeberti II. Austr. Reg. X.

Notitiam hujus Synodi accepimus ex Hist. MS. Adolphi Happart, Cœnobitæ S. Huberti in Monasterio Andainensi, ubi refert sequentia:

Ecclēas inter Trajectum & Leodium, quas in Translatione S. Lamberti designaverat, fideliter complevit (*seu perfecit*) S. Hubertus, auctoritate Apostolica, (*per Papam Joannem VI. vel VII.*) Synodum triginta Episcoporum congregavit, quorum ordinatione Tungrensem Ecclesiam transtulit (*Leodium*) & plurimis dignitatibus & privilegiis decoravit.

(b) Elevatio & translatio corporum Sanctorum, quæ Canonizationis vicem obtinebant, tum & Episcopalis Sedis erectio, vel translatio, vel consecratio, causæ fuerunt plurimarum Synodorum, primo Millenario celebratarum.

SYNODUS LEODIENSIS I.

Sub S. Huberto Leodii in Ecclesia S. Lamberti habita,
Die 29. Aprilis, indict. VII.

Anno Christi DCCX. Constantini Papæ III.
Childeberti II. Regis Austraf. XI.

De hac Synodo P. Roberti in notis ad vitam S. Huberti pag. 166. ita scribit: Claudius Desprez J. C. Atrebatensis Clarissimus, & Dominus de Queant, Societati nostræ, mihiq; amicissimus, in quibusdam Analektis, quæ de nostro Sancto collegit, & D. Huberto honorando, ad me misit, ex antiquis monumentis annotavit, Anno Christi DCCX. Mensis Aprilis die 29. (est is proximus annus post translatum Episcopatum) primam habuisse Synodum Leodiensem in S. Lamberti Ecclesia, cujus & X. articulos, sive canones ponit, quos ad verbum hæc tibi describo.

CANONES X.

I. **F**orma verborum, in quibus consistit Sacramentum Baptismi, talis est: Ego Baptizo te in nomine Patris, & Filii, & Spiritus Sancti. Amen.

II. Volumus autem septenos, (a) & supra, adduci ad Episcopum confirmandos; & adultos prius confiteri de peccatis suis.

(a) Fors septuages.

III. Ut Presbyter proprius alia Sacramenta Ecclesiastica ministrat; ita & saltem semel in anno, ei confiteantur sua peccata subditi.

IV. Diligenter eis explicet præcepta Dei: & diebus Dominicis exponat ea, quæ ad salutem sunt animarum: quibus

quibus Sanctum Corpus Christi quotannis dabit ad manducandum.

V. Quod si remissè Presbyter ea curet; noverit se à Deo puniendum, qui ardentissimo desiderio oblati sunt pro suis, quia voluit.

VI. In omnibus se præbeat Presbyter, exemplum bonorum operum, & super grege vigilet: cum inimicus homo promptissimus sit ad superfeminandum in agro Dei Zizaniam.

VII. Ecclesiæ mundæ sint, & altaria ornata decenter: cum in iis Deus habitet, non solum Spiritu, sed & homo factus.

VIII. Ità tamen, ut id, quod oculis intrantis ab oratione potest avellere,

non reperiatur in eis, aut curiositas oculorum: sed sapiant universa & singula ignem immittendum in cor Fidelis, adorare, & orare venientis.

IX. Infirmis misericordia Dei aperiatur, ità tamen, ut & iustitia comes sit. Sed venit Christus, ut nos redimeret, & suo Regno inscriberet volentes.

X. Defunctis, certò sciant universi, reddere Deum propitium missæ Sacrificia quotidiana, preces, Donationes, & jejunia: quæ idè fieri postulamus, ut eorum animæ requie citius potiantur æternà: quam nobis Christus donare dignetur. Amen.

P. Roberti in notis ad vitam S. Huberti pag. 166.

SYNODUS LEODIENSIS II.

Sub S. Huberto, Episcopo.

Anno Christi DCCXXVI. Gregorii Secundi XII. (b)
Leonis Isauri Iconomachi X. Constantini
Copronymi VII.

Anno 726. habuit S. Hubertus secundam Synodum contra oppugnatores Sacrarum Imaginum, qui caput extulerant in suâ Parochiâ Episcopali: in quâ secundam Synodum Romanam, pro

imaginibus, sub S. Gregorio juniore celebratam, integrè inseruit.

P. Roberti in notis ad vitam S. Huberti pag. 168.

(b) Cum Gregorius Papa, Secundus hoc nomine (unde & junior dictus) sederit in Cathedra S. Petri ab anno DCCXIV. Leo verò Isaurus Imp. anno Imperii sui X. Indiæ IX., hoc est, Christi DCCXXVI. Kalendis Septembris (quibus Indiæ X. inchoabatur) Sacris Imaginibus bellum indixerit; duas ad Leonem scripsit Epistolas, quibus ejus errorem circa cultum Sacrarum Imaginum graviter reprehendit. Hujus zelum videtur S. Hubertus imitatus proscribendis Iconomachis: Non ergò anno 720, sed 726. statuenda est hæc Synodus. Anno 727. obiit S. Hubertus juxta Cointium ad h. a. & juxta P. Roberti anno vitæ 72. Episcopatus Tungrensis XXXI.

CAPITULARE GREGORII II. PP.

AD BONIFACIUM EPISCOPUM.

Respondet ad varias Quæstiones canonicas
à S. Bonifacio propositas.

Reverendissimo ac Sanctissimo Fratri Bonifacio Coepiscopo
Gregorius Servus Servorum DEI.

Desiderabilem mihi à te missus DEN-
VAL religiosus presbyter attulit
nuntium, cum te sospitem narravit, &
in Ministerio, pro quo missus es, faventem

te Deo proficere nuntiavit. Detulit etiam
à te missas literas: ubi indicasti, quod
ager Dominicus, qui incultus jacebat,
& spinarum aculeis ex infidelitate riguerat,

erat, vomere tuæ doctrinæ exarante, semen verbi suscepit, & fertilem messem protulit fidelitatis. In iisdem literis quædam subnexuisti capitula, sciscitando, qualiter teneat, vel doceat hæc sancta Apostolica Romana Ecclesia. Bene satis, quia beatus Petrus Apostolus & Apostolatus & Episcopatus principium extitit, & consulenti tibi de statu Ecclesiæ, non ex nobis, quasi ex nobis, sed ejus gratiâ, qui aperit os mutorum, & linguas infantium facit disertas, qualiter tenere debeas Apostolici vigoris doctrinam, dicimus.

I.

Igitur in primis legebatur, in quata progenie propinquorum matrimonium copulatur. Dicimus, quod oportuerat quidem, quamdiu se agnoscunt infinitate propinquos, ad hujus copulæ non accedere societatem. Sed quia temperantia magis, & præsertim in tam barbarâ gente, plus placet, quàm restrictio censuræ, concedendum est, ut post quartam generationem jungantur.

II.

Nam quod proposuisti, quod si mulier infirmitate correpta non valuerit debitum viro reddere, quid ejus faciat jugalis? Bonum esset, si sic permaneret, ut abstinentiæ vacaret. Sed quia hoc magnorum est, ille, qui se non poterit continere, nubat magis: non tamen subsidii operi subrahatur ab illa, quam infirmitas præpedit, & non detestabilis culpa excludit.

III.

De presbyterio verò, si quilibet sacerdos à populo fuerit accusatus, si certi non fuerint testes, qui criminis illati approbent veritatem, iurandum erit in medio, & illum testem proferat de innocentia suæ puritate, cui nuda & aperta sunt omnia: sicque maneat in proprio gradu.

IV.

Nam de homine, qui à Pontifice confirmatus fuerit, denuò illi talis reiteratio prohibenda est.

V.

In Missarum solemnibus illud observandum est, quod Dominus noster JESUS CHRISTUS sanctis suis tribuit discipulis. Accepit namque calicem dicens: *Hic est calix novi Testamenti in meo sanguine: hoc facite quotiescumque sumetis.* Unde congruum non est, duos vel tres

calices in Altario ponere, cum missarum solemnibus celebrantur.

VI.

De Immolatiis autem efscis consulisti, si à fidelibus superduetum fuerit vivificæ crucis signum, edi liceret, an non; Illud sufficit respondere, quod beatus Paulus Apostolus dicit: *Si quis dixerit, quia hoc immolatum est, nolite edere propter eum, qui indicavit, & propter conscientiam.*

VII.

Addidisti adhuc, quod si pater, vel mater filium, vel filiam intra septa Monasterii in infantia annis sub regulari traderint disciplina; utrum liceat eis, postquam pubertatis impleverint annos, egredi, & matrimonio copulari. Hoc omnino devitamus, quia nefas est, ut oblati à parentibus Deo filiis voluptatis freno laxentur.

VIII.

Enimverò quosdam, absque interrogatione symboli, ab adulteris & indignis presbyteris factus es baptizatos. In his tua dilectio teneat antiquum morem Ecclesiæ: quia quisquis in nomine Patris, & Filii, & Spiritus Sancti baptizatus est, rebaptizari eum minime licet. Non enim in nomine baptizantis, sed in nomine Trinitatis, hujus gratiæ donum percipitur. Et teneatur, quod Apostolus ait: *Unus Deus, una fides, unum baptisma.* Doctrinam verò spiritualem talibus studiosius ut impertias, demandamus.

IX.

De parvulis verò, qui à parentibus subtrahi sunt, & an baptizati sint, an non, ignorant, quia interrogasti; hos ut baptizare debeas, secundum patrum traditionem, si non fuerit, qui testificetur, ratio poscit.

X.

Leprosi autem, si fideles Christiani fuerint, Dominici corporis & sanguinis participatio tribuatur: cum sanis autem convivia celebrare prohibeantur.

XI.

Adjecisti etiam, quod si pestifer morbus, aut mortalitas in Ecclesia vel monasteriis irrepserit, hi, quos nondum tetigit, an debeant à loco fugere, evitantes periculum. Quod valde fatuum videretur: non enim valet quisquam Dei effugere manus.

XII.

In fine Epistola continebat, quod sunt quidam presbyteri, seu Episcopi, mul-

multis vitiis irretiti, quorum vita in se ipsis sacerdotium maculat, si tibi liceret cum eis edere aut loqui, nisi coerciti fuerint. Dicimus, ut hos ex Apostolica auctoritate redarguendo admoneas, & ad mundiciam Ecclesiasticæ disciplinæ reducas. Et si quidem obdierint, salvabunt animas suas, & ipse mercedem lucratus es. Veruntamen colloctionem & mensam communem cum eis agere non recuses. Plerumque enim contingit, ut quos correctio disciplinæ tardos facit ad percipiendam veritatis normam, conviviorum sedulitas & admonitio blanda ad viam perducit justitiæ. Idipsum autem & in illis proceribus, qui tibi adjutorium præstant, observare debebis. Hæc ergo, frater carissime, ex Apostolicæ Sedis vigore Scripta sufficiant. De reliquo, Dei imploramus clementiam, ut qui te illis in Regionibus vice nostra ex Apostolica auctoritate pergere fecit, & in opacam sylvam lumina veritatis per os tuum micare prædestinavit, opitulationis suæ misericordissimum tribuat incrementum; quatenus de fructu operis & ipse valeas præmia percipere, & veniam peccatorum invenire. Deus te in-

columem custodiat, Reverendissime frater. Data decimo Kalendas Decembris, imperante Domino Piissimo Augusto Leone à Deo coronato Magno Imperatore, anno decimo Imperii ejus; Sed & Constantino Magno Imperatore, Regni ejus anno septimo, indictione decimâ.

Inter Bonifacianas à Serario editas hæc legitur CXXVI. & Illmus Baronius ad A.C. 726. refert.

Hanc Epistolam Gratianus Gregorio tertio attribuit, quotiescumque illius testimonio utitur, ut 2. Quæst. 5. Presbyter, 32. Quæst. 7. Quod proposuisti. De Consecrat. Distinctione 4. Parvulos, & Distinctione 5. de Homine. Idemque sentire videntur Hincmarus Epistola 7. Capite 15. & 18. & Ivo Parte 8. Capite 78. cum Gregorio juniore adscribunt. Hoc enim nomine Gregorium tertium intelligere solebant. Sed quo minus huic tribui possit, reclamant in Epistole subscriptione, annus decimus Leonis, & Indictio X. qua congruunt anno Christi 726. quo anno Pontifex erat Gregorius II. & non III. qui ante annum 731. Sedem non obtinuit. Quare Gregorio II. asserenda est. Hæc adnotatio est Jacobi Sirmondi à Societ. Jesu.

XX

CAPITULARE GREGORII PAPÆ II.

DATUM MARTINIANO EPISCOPO, GEORGIO PRESBYTERO &c.
IN BAVARIAM ABLEGATIS.

IN NOMINE DOMINI.

Incipit Capitulare à Gregorio Papa urbis Romæ datum Reverendissimo Fratri nostro (a) Martiniano Episcopo, (b) seu Georgio Presbytero Sanctæ Sedis Apostolicæ; atque Dorotheo Subdiacono prædictæ Sedis, euntibus cum Domini auxilio in Bajoariam.

CAPITULA.

I.

UT datis nostris scriptis, ita ut cum duce Provinciæ deliberetis, quatenus conventus aggregetur Sacerdotum, & Judicum, atque universorum gentis ejusdem primariorum, (c) & ex quæsitis Sacerdotibus atque Ministris, quorum canonicam approbaveritis extitisse promotionem, ac rectæ fidei tenere,

E 2

aut recipere rationem, his sacrificandi, & ministrandi, sive etiam psallendi ex Figura & Traditione Sanctæ Apostolicæ, & Romanæ Sedis Ecclesiæ ordine (d) tradetis potestatem. Quorum verò non clauerit recta fides credulitatis: aut approbata solemnitas canonicæ ordinationis, illis per omnia prohibeatur licentia ministrandi.

(a) Martinianus Episcopus Sabinus.

(b) Georgius Presbyter titulo SS. Joannis & Pauli.

(c) Lege exquisitis.

[d] Tradatis.

nistratōnis, ut subrogentur canonicè probabiles successores.

II.

Ut (e) loco singularum Ecclesiarum (f) prævidentes, quomodo unusquisq; Sacerdos, seu Minister, erga Ecclesiam debeat conservare, vel qualiter sacra Missarum solemnna, sive cætera diurnarum horarum officia, sive etiam lectionem sacrorum novi atque veteris testamenti ordinabilia prædicamenta studeat observare secundum traditum Apostolicæ Sedis antiquitatis ordinem (g) disponetis.

III.

Ut consideratis locorum spatiis juxta gehennationem uniuscujusque ducis episcopopia disponatis, & subjacentia singulis sedibus terminetis. Et si tres, aut quatuor, vel majoris numeri visæ fuerint constitutæ sedes, reservato præcipuæ sedis loco pro Archi-Episcopo refedendo, adhibito trium Episcoporum conventu, probabiles fide, ac boni testimonii, & eruditæ sanæ doctrinæ viros ordinetis antistites ex autoritate beati Petri Apostoli, & in subsequenti vigoris tradita dispensatione locis (h) eos creditis collocantes.

IV.

Ut prævisio (i) PP. Archi-Episcopum loco, si talem reperire poteritis virum, qui possit doctrinæ salutiferis, & operum exemplis instruere sibi subditos sacerdotes, ac regere prudentissimè clerum, ac plebem, & amplificare congruè creditas oves, aut datis literis vestris eum ad nos dirigatis, aut nobiscum venire faciatis. Si certè talem invenire non poteritis, hoc aut per vos, aut per vestras literas innotescatis; quatenus de hac sacra præmissa sede (k) prævidentes, utilem cum Dei auxilio dirigamus.

V.

Ut ordinatis Episcopis unicuique illorum hoc detis ex figura (l) nec ordines in mandatis, ne unquam ordinationes præsumat illicitas: ne digamum, aut qui virginem non est sortitus uxorem, neque illiteratum, vel in qualibet parte corporis vitiatum aut expenitentem, vel cuilibet conditioni obnoxium, atque notatum, ad sacros ordines permittat accedere, sed si quos ejusmodi fortè repe-

rerit, non audeat promovere. Afros passim ad Ecclesiasticos ordines prætendentes nulla ratione suscipiat: quia plerique illorum Manichæi (m) rebaptizati sæpius sunt probati. Ministeria, atque ornatum Ecclesiæ, vel quidquid est, vel fuerit in Patrimonium ejusdem, non minuire studeat, sed augere. De reditu verò Ecclesiæ, vel oblationibus fidelium, quatuor faciat portiones, quarum unam sibi retineat, alteram clericis pro suorum officiorum sedulitate distribuat, tertiam pauperibus & peregrinis, quartam Ecclesiasticis fabricis noverit reservandam, de quibus Divino erit redditurus Judicio rationem. Ordinationes verò Presbyterorum, seu Diaconorum, nonnisi quarti, septimi & decimi mensium jejuniis, (n) sed in ingressu quadragesimali, atque vespere sabbati noverit celebrandas. Sacrosancti autem Baptismi Sacramentum nonnisi in Paschali festivitate & Pentecoste noverit esse præbendum, exceptis his, quibus mortis urgente periculo, ne in æternum pereant, talibus oportet remediis subvenire. Cui de reliquo Sedis Apostolicæ præmissæ (o) Romani præcepta servant cuncta subjacet Religio, & universa generalitas populorum Christiani nominis (p) renotata signaculo, ad obsequendum commoneatur, corde promptissimo, ut irreprehensibile placitum fiat corpus Ecclesiæ per Christum Dominum nostrum.

VI.

Ut ita nubentibus, vel nupturis ordinem ex autoritate Apostolica detis, ut nec continentie causa (q) indicientibus damnabilis (r) copulæ nuptialis, nec per licentiam nubendi præsumatur occasio fornicandi, sed sicut masculum & feminam Deus in ipso exordio mundi præcepit conjungi, ut sint duo in carne una: ita juxta Doctrinam Apostolicam, Unusquisque vir (s) suam uxorem habeat. Et non licere invicem fraudare, nisi ex consensu ad tempus, ut vacent orationi: dicente de hoc ipso Apostolo: *Alligatus ex uxori: noli quærere solutionem*: Id est superstitute conjuge, ad (t) alteram femine concupitam non velle transire, quia eodem doctore gentium adstruente: *Qui fornicatur, in corpus suum peccat*: hoc est, in uxore-

(e) loca (f) prövidentes (g) disponatis (h) eis (i) propter
(k) prövidentes (l) *Lege*, nostræ ordinationis in mandatis. (m) *Lege*, & rebaptizati.
(n) et in (o) Romanæ (p) renovata (q) *Lege*, judicetur (r) copula
(s) I. Corinth. VII, 2, 5. (t) *Lege*, alterius femine concubitum.

(u) uxore propria, cum qua unum corpus est; cui fraudando per amplexus illicitos semet-ipsam sub peccati reatu (x) objurgat. Unde nec reputandum est rectè conjugium; quod duorum ex-
cesserit numerum, quia nisi in duobus non geritur jugum. Ipsum quoque uni-
us viri & uxoris conjugium doceatur in
proximitate sanguinis non esse penitus
præsumendum, id est, ne quis uxorem
Patris, aut Patruj, aut fratris, sive sororem
suam, aut Patris, vel Matris, sive filiam so-
roris suæ, seu etiam filiam (y) Patris,
aut Matris, audeat sibi conjugio copulare,
aut in adulterio sociare. Quod si quis aut
per conjugalem (z) copiam, aut adul-
terandi temerantiam ausus fuerit perpe-
trare, noverit se incesti facinoris conta-
minatione obnoxium esse, atque ob hoc
indignum fieri sacra communione cor-
poris & sanguinis Domini nostri JESU
CHRISTI: sine cujus perceptione nemo
poterit salvari. Nuptiis quoque ipsis
præferenda fidelium Virginum & conti-
nentium doceatur integritas.

VII.

Ut nihil in perceptione ciborum ju-
dicetur immundum, nisi quod fuerit
idolis immolatum: quia, juxta quod Ma-
gisterio Apostolico docetur: *Omnis (a)*
creatura Dei bona: & nihil rejiciendum, quod
cum gratiarum actione percipitur.

VIII.

Ut somnia & auguria, quia juxta
Divina oracula, vana sunt, non atten-
denda penitus doceantur.

IX.

Ut incantationes, & fastidiationes, sive
diversæ observationes dierum Kalenda-
rum, quas error tradidit paganorum,
prohibeantur, sicut maleficia & mago-
rum præstigia, seu etiam fortilegium ac
divinantium observatio execranda.

X.

Ut Dominicis diebus doceantur non

licere omnino jejunare, propter resur-
rectionis Dominicæ Sacramentum, ne-
que in festivitibus Dominicis Nativita-
tis, aut Apparitionis (b) sive Ascensio-
nis.

XI.

In omnibus ita Christi caritas tenea-
tur, quatenus secundum statuta sacro-
rum canonum, oblationes dissidentium,
priusquam reconcilientur, nullo modo
in Ecclesia recipiantur.

XII.

Ut poenitentia remediis nemo se
non egere putet pro quotidianis huma-
næ fragilitatis excessibus, sine quibus
in hac vita esse non possumus.

XIII.

Ut de spe resurrectionis futuræ ita
instituantur, ut eodem ordine, eadem-
que forma, qua ipse Dominus resurre-
xit à mortuis, omnes homines resurre-
cturos esse non dubitent in eodem cor-
pore, in quo sumus & vivimus; non
naturam aut sexum mutantes, sed tan-
tum fragilitatem & vitia deponentes. Ip-
sum quoque satanam, cum Angelis su-
is, atque cultoribus, æterno incendio
concremandum: neque secundum quo-
rundam sacrilegam disputationem, ad
pristinam, id est, Angelicam dignitatem,
unde decidit, reducendum, juxta quod
Dominus in Evangelio se prædixit dictu-
rum reprobis stantibus à sinistris in futu-
ro iudicio: *Discedite à me maledicti in ig-
nem æternum, qui preparatus est Diabolo &
Angelis ejus.* Bene valete. Datum Idibus
Martii: imperante Domino Augusto
Anastasio à Deo Coronato magno Impe-
ratore. Anno tertio Pontificatus (c)
ejus, &c.

Binius Conc. Tom. III. L. I. pag. 345.

Ex Tomo III. Conciliorum Harduini pag.
1861, ex quo & variantes emendatas
Lectiones descripsimus.

E 3

GRE-

(u) uxorem propriam (x) obstringit
(z) copulam (a) 1. Timoth. IV, 4.
(c) Patriciatûs corrigit Labbéus.

(y) *Lege*, Sororis Patris
(b) Apparitionis, id est, Epiphaniz.

GREGORII III. EPISTOLA CANONICA AD BONIFACIUM (a)

1. *Mittit illi Archi-Episcopale Pallium, ejusque usum docet.*
2. *Potestatem facit, novos Episcopatus instituendi.*
3. *De Presbytero, qui Romano Judicio se absolutum asseruerat, canonum censurâ corrigendo.*
4. *Variis interrogationibus S. Bonifacii respondet.*

Anno Christi DCCXXXII. Gregorii III. PP. II.
Carolo Martello Duce.

Reverentissimo ac Sanctissimo Fratri Bonifacio, Coepiscopo, ad illuminationem Gentis Germaniæ, vel circum quaque in umbra mortis morantibus gentibus in errore constitutis ab hac Apostolica Sede directo, Gregorius Servus Servorum Dei.

Magna nos habuit gratulatio lætis sanctissimæ Fraternitatis tuæ literis; cum in eis relectâ serie, fuisset repertum, Domini nostri Jesu Christi gratiâ plurimos te à gentilitate & errore ad veræ fidei cognitionem convertisse. Quod, quia Divinâ institutione docemur in parabolis, cui quinque talenta credita fuerant, alia quinque fuisse lucratum; in talis commercii lucro cum tota plaudimus Ecclesia. Hinc jure tibi sacri Pallii direximus munus, quod beati Petri Apostoli auctoritate suscipiens induaris, atque inter Archi-Episcopos unus, Deo Auctore, præcipimus, ut censearis. Qualiter autem eo utaris, ex mandato Apostolico informatus agnosce. Itaque dum Missarum solemnias agis, vel Episcopum te contigerit consecrare, illo tantummodo tempore eo utaris. Quia verò turbas Domini gratiâ in iisdem partibus ad rectam fidem asseris esse conversas, ideoque nequire te occurrere omnibus, & quæ salutis sunt, impendere aut intimare; cum jam longè latèque gratiâ Christi ejus fides in illis partibus propagetur: præcipimus, ut juxta sacrarum canonum statuta, ubi multitudo exerevit fidelium, ex vigore Apostolicæ Sedis de-

beas ordinare Episcopos, piâ tamen contemplatione; ut non vilescat dignitas Episcopatus.

Presbyterum namque, quem præterito asseruisti anno ad nos venisse, nostròque judicio fuisse à suis nefariis absolutum actionibus; credas, neque nobis confessionem aliquam fecisse, nec à nobis, ut suos expleat libitus, absolutum fuisse. Sed si eum errori deditum repereris, hunc Apostolicæ Sedis vigore, ut juxta sanctorum canonum censuram corrigas, & emendes præcipimus, vel si quos forsân tales inveneris.

Ille enim veniens, presbyter sum, ait: Et commendatitias ad filium nostrum Carolum literas expetiit. Nullam illi aliam concessimus licentiam: quem vitari, si pravè conversatur, cum reliquis volumus.

I.

Eosdem, quos à Paganis baptizatos esse asseruisti, si ita habetur, ut de nudo baptizes in nomine Sanctæ Trinitatis, mandamus.

II.

Inter cætera agrestem caballum aliquantos comedere adjunxisti, plerosque, & domesticum. Hoc nequaquam fieri

dein-

(a) S. Bonifacius convertendis Thuringis & Hassis occupatus, audita morte Gregorii II. III. Idus Februarii 731. defuncti, ad electum Gregorium III. Legatos misit, & Statum Germanicæ Ecclesiæ accrescentis narravit. His respondet Gregorius Papa.

deinceps, Sanctissime Frater! finas, sed quibus potueris, Christo juvante, modis per omnia compeſce, & dignam eis impone pœnitentiam. Immundum est enim atque execrabile.

III.

Pro obeuntibus quoque conſuluiſti, ſi liceat offerre. Sancta ſic tenet Eccleſia, ut quiſque pro ſuis mortuis verè Chriſtianis offerat oblationes, atque eorum memoriam faciat preſbyter. Et quamvis omnes peccatis ſubjaceamus, congruit tamen, ut Sacerdos nonniſi pro mortuis Catholicis memoriam faciat, & intercedat. Non enim pro impiis, quamvis Chriſtiani fuerint, tale quid agere licebit.

IV.

Eos etiam, qui ſe dubitant fuiſſe baptizatos, vel qui à preſbytero Jovi mæſtante, & carnes immolatiis veſcente baptizati ſunt, ut rebaptizentur præcipimus.

V.

Progeniem verò ſuam unumquemque uſque ad ſeptimam generationem obſervare decrevimus.

VI.

Et ſi valueris, devitandum doce, ne cui uxor obierit, ampliùs quàm duabus debeat copulari.

VII.

De his verò, qui Patrem, Matrem, Fratrem, aut Sororem occiderint, dicimus, ut toto vitæ tempore corpus Dominicum non ſuſcipiant: niſi in ſuo exitu

pro viatico. Abſtineant etiam ſe à carnis comeſtione & potu vini, donec advixerint. Jejunent ſecundà, quartà, & ſextà feriâ, ut ſic poſſint deſcentes diluere commiſſum ſcelus.

VIII.

Hoc quoque inter alia crimina agi in partibus illis dixiſti, quod quidam ex fidelibus ad immolandum paganis ſua vendunt mancipia. Quod ut magno- pere corrigere debeas, Frater, commo- nemus. Nec finas fieri ultra: ſcelus eſt enim & impietas. Eis ergo, qui hæc perpetraverunt, ſimilem homicidæ indi- ces pœnitentiam.

IX.

At quoties Episcopum conſecrave- ris, duo vel tres convenient tecum Epi- scopi, ut Deo ſit gratum, quod geritur, & eis convenientibus, ipſiſque præſenti- bus conſecres. Hæc te, frater cariſſime, diligenter obſervare volumus, & ſtudio pietatis ceptum negotium ſalutis exſe- qui; ut de lucro apportato valeas à Do- mino Deo noſtro mercedem percipere in æterna retributione. Privilegium ve- rò, juxta quod petiſti facientes, his jun- ctum direximus: Optantes te Domini Dei noſtri præſidio de converſione erran- tium Chriſto Domino pleniffimum ap- portare lucrum. Dens te incolumen cuſtodiat reverentiſſime Frater.

Binius Tom. III. pag. I.

Epistola inter Severianos CXXII. apud Har- duinum Ina Gregorii III.

Willibaldus Cap. XXV. ejus meminit.

[a] Sirmondus obſervavit, à Gratiano 13. Qu. 2. pro obeuntibus, & de Conſecrat. D. 4. quos à Paganis. tribui Gregorio II. ſed certò ex Epistola Gregorii III. deſumpta eſſe.

EPISTOLA GREGORII III. PP.

Ad varios Germaniæ Episcopos.

*Ut veniant ad Synodum indicendam à Bonifacio Papæ vicem
gerente.*

Dilectiſſimis nobis Episcopis in Provincia Bajoariorum,
& Alemannia conſtitutis, Wiggoni, (a) Luidoni, Ry-
dolto, & Philippo, ſeu Addæ, Gregorius Papa.

Anno

(a) Wiggo Auguſtanus, Luido Spireniſis, Rydoltus Conſtantiendiſis, Adda, vel Heddo, Argen-
toratenſis, Episcopi judicantur à G. L. Ecarto. Hiſtor. Franc. Orient.

Anno Christi DCCXL. indict. VIII. Gregorii tertii.
Papæ X. Leonis Isauri XXIV.

Catholica & Sanctorum Patrum jubet auctoritas, ut bis in anno pro salute populi Christiani seu exhortatione adoptionis filiorum Synodalia (b) debeant celebrari, & causarum Canoniarum examinatio provenire: ut unicuique, prout necessitas uniuscujusque poposcerit, (c) pia judicatione subveniatur. Unde secundum Apostoli doctrinam admonere, & hortor vos, charissimi, per misericordiam Dei: *Ut digne ambuletis vocatione, (d) quæ vocati estis*, ut ministerium vestrum perfectum sit coram Deo. Opportunum namque est, vos nosse, fratrem ac Coepiscopum nostrum præsentem Bonifacium, nostram agentem vicem, cum digno & debito honore pro CHRISTI nomine suscipere: & ministerium Ecclesiasticum cum fide Catholica secundum morem & normam S. Catholicæ & Apostolicæ Dei Ecclesiæ, cui, misericordiâ Dei præveniente præesse videmur, sicut Apostolicâ auctoritate à nobis destinatus est, ab eo suscipientes, dignanter teneatis, & Gentilitatis ritum & doctrinam, vel venientium Britonum, vel falsorum sacerdotum hæreticorum, sive adulatores, aut undecunque sint, renuentes, ac prohibentes abjiciatis, &

ut populum vobis à Deo commissum piis admonitionibus edoceatis: & à sacrificiis mortuorum omnino devitetis: & juxta quod fueritis à prædicto nostro confacerdote edocti, ita Catholicam & Apostolicam doctrinam tenentes Domino Deo & Salvatori nostro placere studeatis: & in quo vobis loco ad celebranda CONCILIA convenire mandaverit, sive juxta Danubium, sive in civitate Augusta, vel ubicunque judicaverit, pro nomine CHRISTI parati esse inveniamini: quatenus cognoscamus per ejus mandatum de vestro conventu, ut in diem Adventus CHRISTI JESU cum fructu boni operis ante ejus tribunal assistere mereamini, dicentes (e) *Ecce nos, & pueri, quos dedisti nobis Domine, non perdidimus ex eis quemquam: (f) ut & vos Dominicam vocem audire mereamini dicentem: (g) Venite Benedicti Patris mei, percipite Regnum, quod vobis paratum est ab origine mundi. Bene valete.*

Epistola hæc est CXXIX. inter Bonifacianas, editas à Serario anno 1629. ex Codice MS. Casareo, suppleto per Codicem MS. Ingolsiadensem. Conferatur Surius ad diem 5. Junii. Camillus Tomo V. antiquarum Lctionum.

[b] Fors: Synodalia.

[c] Fors: Educatione.

[d] Ephes. IV, 2.

[e] Isaïæ VIII, 18.

[f] Joannis XVIII, 9.

[g] Matthæi XXV, 34.

GREGORII III. PP. EPISTOLA

Ad S. Bonifacium.

Anno DCCXL. Gregorii III. X.

Reverendissimo & Sanctissimo Bonifacio Coepiscopo,
Gregorius (a) Servus Servorum Dei.

Collaudat institutos in Bavaria Episcopatus: hortatur ad prosequendam doctrinam: variis in locis Synodum celebrari optat.

Doctoris omnium Gentium, egregii Beati Apostoli Pauli vox est dicentis: *Diligentibus (b) Deum omnia cooperantur in bonum.* Agnoscetes itaque

in Syllabis fraternitatis tuæ, quæ innouisti jam de Germaniæ Gentibus, quas sua pietate Deus noster de potestate Paganorum liberavit, & ad centum millia

(a) Tertius Papa hoc nomine, ut ex notis Chronologicis extremæ Epistolæ patet.

(b) Roman. VIII, 28.

animas in sinu S. Matris Ecclesiæ tuo conamine, & Caroli (c) Principis Francorum, aggregare dignatus est: Sed & in Bajoariorum provincia, quæ à te acta sunt, agnoscentes, datori omnium bonorum Domino Deo nostro, extensis ad cælum palmis, gratias retulimus, qui januam misericordiæ & pietatis in illis partibus Hesperii, ad cognoscendam viam salutis, ostium misericordiæ aperuit, & misit Angelum suum, qui præparavit viam tuam ante te. Ipsi gloria in sæcula sæculorum. Igitur, quia indicasti, perrexisse te ad Gentem Bajoariorum, & invenisse eos extra ordinem Ecclesiasticum viventes, dum Episcopos non habebant in Provinciâ, nisi unum nomine VIVILO (d) quem nos ante tempus ordinavimus: & quia cum assensu Otile, (e) Ducis eorundem Bajoariorum, seu Optimatum Provinciæ illius, tres alios ordinâsses Episcopos, & in quatuor partes Provinciam illam divisisti, id est, in quatuor Parochias, ut unusquisque Episcopus suum habeat Parochium: bene & satis prudenter peregristi frater, quoniam Apostolicam præceptionem ex nostrâ vice implèsti: & sicut tibi præcepimus, ita peregristi. Itaque non desinas, frater Reverentissime, docendo eas S. Catholicam & Apostolicam Romanæ sedis traditionem, ut illuminentur rudes, & viam salutis teneant, per quam possint ad æterna præmia pervenire. Presbyteros verò, quos ibidem reperisti, si incogniti fuerint viri illi, à quibus sunt ordinati, & dubium est, eos Episcopos fuisse, an non, qui eos ordinaverunt, si bonæ actionis & Catholici viri sunt ipsi Presbyteri, & in Ministerio Christi, omnemque legem sanctam edocti, atque apti; ab Episcopo suo benedictionem presbyteratus suscipiant & consecrentur; & sic ministerio sacro fungantur. Illi quippe, qui baptizati sunt per diversitatem & declinationem linguarum Gentilitatis, tamen quod in nomine Trinitatis baptizati sunt, oportet eos per manûs impositionem, & sacri Crismatis unctionem confirmari. Nam Vivilo à

nobis Episcopus est ordinatus; & si aliquid excedit extra Canonicam Regulam, doce & corrige eum, juxta Romanæ Ecclesiæ traditionem, quam à nobis accepisti. De Concilio verò, ut juxta ripam Danubii debeas celebrare nostra vice, præcipimus fraternitati tuæ, Apostolicâ autoritate te ibidem præsentari: & in quantum Dominus tibi vires dederit, prædicare verbum salutis non cesses, ut religio Christiana in nomine Domini crescat multipliciter. Nec enim habebis licentiam, frater, percepti laboris in uno morari loco: Sed confirma corda fratrum, & omnium fidelium, qui rarefunt in illis Hesperii partibus; ubi tibi Dominus aperuerit, viam salutis prædicare non desistas: & ubi locum inveniæ necessarium, secundum Canonum Regulam Episcopos ordina ex nostrâ vice, & Apostolicam atque Canonicam traditionem eos tenere edocebis. Ex hoc enim magnum mercedis præmium tibi præparabis: quoniam omnipotenti Deo nostro facies plebem perfectam. Non pigeat, dilectissime frater, itinera capere aspera & diversa, ut Christiana fides longè, latèque tuo conamine extendatur. Scriptum est namque: *Angusta & angusta via (f) quæ ducit ad vitam.* Operare itaque, frater, bonum opus, quod coepisti, ut in die Christi Dei nostri merearis dicere inter coetum probabilium Patrum assistens: *Ecce ego & pueri, (g) quos dedisti mihi, non peridi ex eis quemquam.* Iterum: *Domine quinque (h) talenta tradidisti mihi, ecce alia quinque superlucratus sum:* ut subsequenter merearis vocem Domini dicentis: *Euge serve bone & fidelis (i) qui super pauca fuisti fidelis, supra multa te constitui: intra in gaudium Domini tui.* Deus te incolumem custodiat, Reverentissime frater. Data IV. Kal. Novembris, Imperante Domino Piissimo Augusto Leone, Imperii anno vicefimo tertio: sed & Constantino magno Imperatore ejus filio, anno vicefimo, indictione octava.

Epistola hæc est CXXX. inter Bonifacianas Serarii.

F

CON.

- (c) Carolus, major domûs, Bonifacium Episcopum sub sua defensione esse declarat, *Epistola XXXII. inter Seravianas.*
 (d) Vivilo Episcopus Passaviensis, seu Laureacensis.
 (e) Utile, Odilo aliis; dicitur successisse Hugberto anno 737. in Baviaræ Ducatu regundo.
 (f) Matth. VII, 14.
 (g) Isaïæ VIII, 18. Joann. XVIII, 9.
 (h) Matth. XXV, 20.
 (i) Matth. XXVI, 21.

CONCILIIUM IN BAJOARIA

LOCO INCERTO. (a)

Primum sub S. Bonifacio, Legato Apostolico
& Archi-Episcopo.

Anno Christi DCCXL. Gregorii Papæ X.
Othilonis Bavarie Ducis IV.

Synodum hoc anno 740. à S. Bonifacio in Bavaria celebratam, asserunt Baronius, Historiæ Ecclesiasticæ Parens, & Spondanus ad hunc annum; Mabillonius Sæculo III. Actor, Ord. S. Benedicti Parte II. in Notis ad C. X. vitæ S. Willibaldi; Eckartus L. XXII. Hist. Franc. N. XI. Marcus Hanfzicus Tom. I. Germ. Sacræ Pag. 124. Editor Meichelbeckii in Præfatione Chronici Benedicto-Burani, N. XXXI. & seqq.

Contrariam opinionem Carissimorum Virorum *PAGI in Critica ad annum 742.* & *MANSI in Supplemento Conciliorum Tom. I.*, primam S. Bonifacii Synodum differentium ad annum 742, speciali digressionem post hoc Sæculum examinabimus.

(a) Locus Concilii hujus incertus est: hoc certum videtur, quod in Bajoaria celebratum sit, vel Augustæ, ut Pontifex suaserat, vel juxta Ripam Danubii. Eckartus Frisingæ, Editor Meichelbeckii Ratisbonæ habitum putat.

Nec Personæ, quæ intervenerint Concilio, sat certò constant. Eckarto videntur præter Clericos & Coepiscopos, Sancti Bonifacii ordinarios Comites, Lullum, Eobanum, Sturmium, & cæteros; interfuisse Viggo Augustanus, Luido Spirensis, Rudoltus Constantiensis, Adda, vel Herro, vel Philippus Argentoratensis Ecclesiarum Episcopi: quia Gregorius II. literis anno 739. datis, inter Serarianas CXXIX, eosdem invitat, ut festinent ad celebranda Concilia indicanda à S. Bonifacio.

EPISTOLA (a) BONIFACII ARCHI-EPISCOPI AD ZACHARIAM PAPAM.

Anno Christi DCCXLI. Zachariæ Papæ I.

Domino charissimo, Summi Pontificatus infula præ-
dito, Viro apostolico Zachariæ, Bonifacius
Servus Servorum Dei.

Gratulatur primò aditum Pontificatum.

2. *Cupit prorogari sibi Legationem Apostolicam.*

3. *Confirmari tres in Franconia, & Thuringia institutos Episcopatus; & Synodos celebrandas.*

4. 5. *Doceri, quæ via corrigendi Clerici perverfi.*

6. *De veritate Dispensationum Romanarum.*

7. *De Cæremoniis Paganis Romæ celebratis.*

8. *De Episcopis Romæ dispensatis.*

I. **C**onfitemur, Domine Pater, quia audivimus, quod venerandæ memoriæ postquam per nuntios referentes Apostolatûs vestri præcessor Gregorius

(a) Hæc Epistola est CXXXII. inter Bonifacianas à Seratio editas, & prima missa ad Zachariam Papam apud Harduinum.

(III.) Pontifex Apostolicæ Sedis, ergastulo corporeo absolutus, ad Dominum migravit, majorem lætiam & majus gaudium nobis non audivimus, & suspensis ad æthera palmis, Deo gratias egimus, quàm quòd clementem paternitatem vestram altissimus arbiter canonica jura regere, & Apostolicæ Sedis gubernacula gubernare concessit.

2. Ergo non aliter, quàm ut antè vestigia vestra geniculates, intimis subnixè flagitamus precibus, ut sicut præcessorum vestrorum pro auctoritate Sancti Petri, servi devoti & subditi discipuli fuimus: Sic & vestræ pietatis servi obedientes, subditi sub jure canonico, fieri mereamur: optantes, Catholicam fidem & Unitatem Romanæ Ecclesiæ servare, & quantoscunque audientes vel discipulos in ista legatione mihi Deus donaverit, ad obedientiam Apostolicæ Sedis invitare & inclinare non cessò.

3. Necessè quoque habemus indicare Paternitati vestræ, quia per Dei gratiam; Germaniæ populis aliquantulum percursis vel correctis, tres ordinavimus Episcopos, & Provinciam in tres Parochias discretevimus, & illa tria oppida, sive urbes, in quibus constituti & ordinati sunt, scriptis auctoritatis vestræ confirmari, & stabiliri precesantes desideramus. Unam esse Sedem Episcopatus decrevimus in Castello, quod dicitur Wirtzburg: & alteram in oppido, quod nominatur Buraburg: tertiam in loco, qui dicitur Erphesfurt, qui fuit jam olim urbs Paganorum rusticorum. Hæc tria loca propriâ carâ & auctoritate Apostolatûs vestri roborari, & confirmari diligenter postulamus: ut si Dominus voluerit, per auctoritatem & præceptum Sancti Petri, jussionibus Apostolicis, fundatæ & stabilite sint tres in Germania Episcopales Sedes. Et ut præsentibus, vel futuræ generationibus, non præsumant, vel Parochias corrumpere, vel violare præceptum Apostolicæ Sedis.

4. Notum similiter sit Paternitati vestræ, quòd Carolomannus Dux Francorum me accersitum ad se rogavit, ut in parte regni Francorum, quæ in suâ est potestate, *Synodum* facerem congregari: & promissit, se de Ecclesiastica Religione, quæ jam longo tempore, id est, non minus quàm per sexaginta, vel septuaginta annos calcata, & dissipata fuit, aliquid corrigere & emendare velle. Quapropter

ter si hoc Deo inspirante, veraciter implere voluerit, consilium & præceptum vestræ auctoritatis, id est, Apostolicæ Sedis habere & sapere debeo. Franci enim, ut seniores dicunt, plus quam per tempus octoginta annorum Synodum non fecerunt, nec Archi-Episcopum habuerunt, nec Ecclesiæ canonica jura alicubi fundabant, & renovabant.

5. Modò autem maximâ ex parte, per civitates, Episcopales Sedes traditæ sunt Laicis cupidis ad possidendum, vel adulteratis Clericis, Scortatoribus, & Publicanis sæculariter ad perfuendum. Nam si, per verbum vestrum, hoc negotium, Duce rogante supradicto, amovere & corrigere debeo, præceptum & judicium Apostolicæ Sedis cum *Canonibus Ecclesiasticis* præsto habere cupio. Si invenero inter illos Diaconos, quos nominant, qui à pueritiâ suâ semper in stupris, semper in adulteriis, & in omnibus semper spurciis vitam ducentes, sub tali testimonio venerunt ad Diaconatum, & modò in Diaconatu concubinas quatuor, vel quinque, vel plures noctu in lecto habentes, Evangelium tamen legere, & Diaconos se nominare nec erubescunt, nec metuntur: & sic in talibus incestis ad ordinem Presbyteratûs venientes, in hisdem peccatis perdurantes, & peccata peccatis adjicientes; Presbyteratûs officio fungentes, dicunt se pro populo posse intercedere, & sacras oblationes offerre: novissimè, quod pejus est, sub talibus testimoniis per gradus singulos ascendentes ordinantur, & nominantur Episcopi. Si, inquam, tales invenero inter illos, rogo, ut habeam præceptum, & conscriptum auctoritatis vestræ, quid de talibus diffiniatis: & per responsum Apostolicum convincantur, & arguantur peccatores. Et inveniuntur quidam inter eos Episcopi, qui licet dicant se fornicarios & adulteros non esse, sed sunt ebriosi, & injuriosi, vel venatores: & qui pugnant in exercitu armati, & effundunt propriâ manu sanguinem hominum, sive Paganorum, sive Christianorum. Et quia Servus & Legatus Apostolicæ Sedis esse dignoscor, unum sit verbum & meum hic, & vestrum ibi, si contingat ad judicium auctoritatis vestræ, ut pariter missos dirigamus.

6. Præterea de unâ re & consilium querere, & licentiam petere necesse habeo,

habeo, eò quòd venerandæ memoriæ præcessor vester, sicut audistis, in præsentia vestra mihi præcepit: ut presbyterum post obitum meum, Deo volente, in Ecclesiastico ministerio heredem & successorem constituere deberem. Et hoc mihi, si Dei voluntas est, placet. Sed modò dubito, & nescio, si fieri possit, quia postea frater illius, avunculum Ducis Francorum occidit, & adhuc ignoramus, qualiter ista discordia pacificari & finiri valeat. Et obsecro, ut auctoritatis vestræ licentia sit, ut cum consilio Servorum Dei, de istâ electione faciam, quod nobis in commune, pro Deo, & pro Ecclesiæ utilitate, vel fructu spiritali, & defensione religionis, optimum esse videatur, ut consensum vestrum habeam de hoc facere, quod optimum esse mihi inspirare dignetur Deus: quia hoc non videtur posse fieri, si contrarius Princeps fuerit.

7. Præterea querere & interrogare Paternitatis vestræ. Consilium debeo de quadam confusione & scandalo prædicationis, quæ nuper ad nos veniens mentem nostram conturbavit; & Sacerdotibus Ecclesiarum verecundiam incutiebat; quia laicus quidam magnæ personæ ad nos veniens, dicebat, sibi ab Apostolica Sedis Pontifice, Sanctæ memoriæ Gregorio datam fuisse licentiam, ut in matrimonium acciperet viduam avunculi sui: quæ & ipsa fuit uxor consobrini sui, & ipsa, illo vivente, discessit ab eo, & isti viro, qui nunc eam accipere desiderans, affirmat sibi licentiam datam; in tertia generatione illa propinqua illius esse dignoscitur: & votum vovit Deo castitatis, & velata fuit: & iterum abjecto velamine maritata. Tale enim matrimonium supradictus homo sibi ab Apostolico affirmat esse permissum. Quod non æstimamus esse verum, quia *Synodus* & Ecclesia, in qua natus & nutritus fui, id est, in transmarina Saxonia, *Lundunensis Synodus*, quæ in primis à discipulis Sancti Gregorii, id est, Augustino, Laurentio, Justo, Melito, Archiepiscopis constituta & ordinata fuit, talem copulam & matrimonium maximum scelus & incestum, & horribile flagitium & damnable piaculum fieri ex auctoritate Sacræ Scripturæ iudicabant. Quapropter Paternitas vestra huius rei veritatem indicare non dedignetur, ut Ecclesiæ Sa-

cerdotibus vel populo Christiano inde scandala & schismata, vel novi errores non oriantur, & concresecant: quia carnales homines, idiotæ Alemanni, vel Bajoarii, vel Franci, si juxta Romanam urbem aliquid facere viderint ex his peccatis, quæ nos prohibemus, licitum & concessum à sacerdotibus esse putant, & nobis improprium deputant, sibi scandalum vitæ accipiunt.

8. Sicut affirmant, se vidisse annis singulis in Romana urbe, & juxta Ecclesiam in die, vel nocte, quando Kalendæ Januarii intrant, paganorum consuetudine choros ducere per plateas, & acclamationes, ritu Gentilium, & cantationes sacrilegas celebrare: & mensas illa die, vel nocte dapibus onerare: & nullum de domo sua vel ignem, vel fermentum, vel aliquid commodi vicino suo præstare velle. Dicunt quoque, se vidisse ibi mulieres pagano ritu phylacteria, & ligaturas, & in brachiis, & cruribus ligatas habere: & publicè ad vendendum vanales ad comparandum aliis offerre. Quæ omnia, eò quòd ibi à carnalibus & insipientibus videntur, nobis hic & improprium & impedimentum prædicationis & doctrinæ perficiunt. De talibus ait Apostolus increpans: *Dies observatis & tempora: (b) timeo, ne sine causa laboraverim in vobis.* Et Sanctus Augustinus dixit: Nam qui prædictis malis, id est, caragis, & divinis, & aruspiciibus, vel phylacteriis, & aliis quibuscumque auguriis crediderit: etsi jejundet, etsi oret, etsi jugiter ad Ecclesiam currat, etsi largas Eleemosynas faciat, etsi corpusculum suum in omni afflictione cruciaverit, nihil ei proderit, quamdiu sacrilegia illa non reliquerit. Nam si istas paganas ibi Paternitas vestra in Romanâ urbe prohibuerit, & sibi mercedem, & nobis maximum profectum in doctrina Ecclesiastica acquireret.

9. Episcopi quoque Gentis Francorum, qui fuerunt adulteri, vel fornicatores accerrimi, quos in gradu Episcopatus, vel Presbyterii fornicationum filii nati arguunt, revenientes ab Apostolica Sede, dicunt sibi Romanum Pontificem licentiam dedisse, ministerium Episcopale in Ecclesia ministrare. Quos contra contendimus, quia Apostolicam Sedem contra decreta Canonum nequam audivimus iudicasse. Hæc omnia, Domine Charissime, propterea nota vo-

bis

[b] Gal. IV, 10.

bis facimus, ut vestræ auctoritatis responsum talibus dare possimus, ut per cautelam vestræ doctrinæ oves Ecclesiæ non seducantur, sed lupi rapaces convicti & superati pereant. Interea munuscula parva vobis direximus: non quia digna sint Paternitate vestrâ, sed pro indicio charitatis, obedientiæ, devotionis: id est,

villosam unam, & argenti & auri tantillum. Dextera Domini protegente incolumem valere, & in Christo proficere beatitudinem vestram in longitudine dierum optamus.

Inter editas à Serario est Epistola CXXXII. Harduino prima inter Zacharias.

EPISTOLA ZACHARIÆ PAPÆ AD S. BONIFACIUM.

Anno Christi DCCXLII. Zachariæ Papæ II.
Reverentissimo & Sanctissimo Fratri Bonifacio, Episcopo, Zacharias Servus Servorum Dei.

Responsoria ad præcedentem Epistolam.

SUscipitis Sanctissimæ Fraternalitatis tuæ literis per Denehardum, religiosum Presbyterum tuum, quia te sospitem, ut semper cupimus esse, cognovimus, omnipotenti, ac misericordissimo Deo nostro magnas retulimus grates, qui tibi in omnibus bonis prosperari dignatur! Magnam enim cordibus nostris infundis lætitiā, quociens nobis Sanctitatis tuæ scripta mittuntur: quando reperimus, quæ ad salutem respiciunt animarum: dum quotidie in gremio Sanctæ Matris Ecclesiæ, per tuam prædicationem, novi populi adduntur.

Ubi & tres Episcopos per loca singula, secundum seriem syllabarum tuarum, te ordinasse cognovimus, qui eodem populo, quem sibi Dominus Deus noster, per tuam Sanctitatem aggregare dignatus est, præesse debeant: & petivisti, ut per auctoritatem Sedis nostræ, Episcopales ibidem Sedes firmentur. Sed tua sancta Fraternalitas pertractet maturè, & subtili consideratione discernat, si expediat: aut si loca, aut populorum turbæ talia esse probantur, ut Episcopos habere mereantur. Meministi enim Charissime, quid in sacris Canonibus præcipimur observare: ut minimè in villulas, vel in modicas civitates Episco-

pos ordinemus: ne vilescat nomen Episcopi. Sed nos tuis sincerissimis, atque à nobis dilectis syllabis provocati, quæ poposcisti, absque morâ concedi patimur: & statuimus per Apostolicam auctoritatem, Episcopales illic esse Sedes, quæ per successionem Episcopos mereantur: & populis præsent, atque verbum prædicationis subiectis insinuent: id est, in Castello, quod dicitur *Wurtzburg*, & alteram in oppido, quod nominatur *Buraburg*: tertiam in loco, qui dicitur *Erpsfurt*: ita ut nulli post hæc liceat cuiquam hæc, quæ à nobis sancita sunt, quoquo modo violare, quæ auctoritate Beati Petri Apostoli firma esse decrevimus.

De eo autem, quod nobis intimasti, quoddam te Carolomannus filius noster apud se rogavit accedere: ut in parte Francorum, in sua ditione, sive potestate constituta, Synodum celebrares, eò quoddam omnis Ecclesiastica regula, sive disciplina ab eadem Provincia funditus abolita est, nimis mœrendum est, quoddam per spacia tanta temporum ibidem Synodus Sacerdotum minimè celebraretur: unde neque, quid sit Sacerdotium ab eis, qui se Sacerdotes esse existimant, cognoscitur.

F 3

Sed

(a) *Est hæc Epistola inter Severianas CXLII. apud Harduinum Zachariæ Papæ prima. Tomo III. Concilior.*

Sed dum, juvante Deo, quæ à præfato filio nostro promiffa sunt, ad effectum perducta fuerint: tuâq; fraternitas in memorato Concilio confederit cum eodem Excellentissimo viro; si quos reperit Episcopos, Presbyteros, aut Diaconos contra canones, aut statuta Patrum excessisse: id est, in adulterio, vel si plures uxores habuerunt, aut si sanguinem Christianorum, aut Paganorum effuderunt: vel etiam aliis capitulis canonum obviâsse reperit tua Sanctitas, nulla ratione Apostolica auctoritate permittat sacerdotio fungi: quia tales à suo tantum proprio ore falso nominantur sacerdotes, & deteriores secularibus esse noscuntur. Qui se neque à fornicationibus, neque à nefariis matrimoniis abstinere: neque ab hominum sanguinis effusione manus servant innoxias, se esse sacerdotes existimant? Aut quid inde sentiunt, dicente Deo: *Sacerdotes mei semel nubant.* Et Apostolus: *Unius uxoris (a) virum,* &cætera. Et hoc ante susceptum sacerdotium, uti licitum est. Nam à die suscepti sacerdotii etiam ab ipso proprio conjugio prohibendi sunt. Quomodo se sacerdotio fungi considerant: qui talibus sceleribus involuti esse monstrantur, ut neque seculares fideles his facinoribus obvolutos optemus? quomodo non pertimescunt Divina mysteria contingere? aut quomodo ad orandum pro peccatis populi accedere præsumunt, dum Sacri Canones neque purum Clericum, cui sacerdotium non est, secundis copulari nuptiis præcipiunt? Isti enim è contrario non solum post susceptum sacerdotium se abstinere nolunt ab una uxore, imò luxuriâ obvoluti pejora secularibus scelera committunt, ut plures uxores habere præsumant; quibus neque unam, concessum est, post susceptum ministerium, attingere. Sed & ista parvi pendentes, atque Dominum ad iram provocantes, majora committunt facinora, dum propriis manibus Christianos, atq; Paganos homines necant. Et fit, ut quibus in remissionem peccatorum debuerunt lavacrum regenerationis impendere, atque Christi Sacramenta donare, ne in æternum perirent, eorumdem sacrilegis manibus exstinguantur. Quis enim sapiens habens cor eos æstimer sacerdotes; qui neque à fornicationibus abstinere: Neque ab effusione sanguinis manus servant innoxias?

Quisve eorum sacrificiis Deum esse credit placatum, dicente Propheta: *Vtrum sanguinem (b), & dolosum abominabitur Dominus?* Isti namque, ut præmissi, ne sacerdotio fungi patiantur, neque Divina contingere mysteria, commonemus. Quidquid verò aliud, ut dictum est, eos contra Ecclesiasticam regulam excessisse repereris, canones (sive instituta Patrum) præmanibus habeto: & juxta quod in eis edoctus fueris, discerne.

Quod autem tibi successorem constitutur petisti, ut te vivente in tuo loco eligatur Episcopus, hoc nulla ratione concedi patimur: quia contra omnem Ecclesiasticam regulam, vel instituta Patrum esse monstratur. Sed volumus, ut tibi ministret, & sit in Evangelio adjutor, dicente Apostolo: *Si quis bene ministraverit, (c) gradum sibi bonum acquirit.* Nimis enim reprehensibile, ac detestabile esse manifestum est, ut te vivente, tibi alium substituamus. Sed hoc commonemus, ut quamdiu te Divina jussit clementia superesse, sine intermissione orare non cesses: ut tibi Deus illum successorem concedat, qui ei possit esse placabilis, & populum, quem ad suam gratiam per tuæ sanctitatis industriad, vocare voluit, irreprehensibiliter regere valeat, atque ad viam vitæ elaborare perducere. Nam quomodo hæc, quæ poposcisti (etiam si voluerimus) concedere possumus; dum nos fragiles homines existentes, & sub conditione mortis constituti, ignorantes, quid superventura pariat dies, non valentes investigare, quis è nobis propior de præsentis sæculo migraret? Sin autem & eundem Divina voluerit clementia post tui diem transitus superesse: si eum aptum cognoveris, & in tua voluntate fuerit definitum, eâ horâ, quâ te de præsentis sæculo migraturum cognoveris, præsentibus cunctis tibi successorem designa, ut huc veniat ordinandus: quod nulli alii concedi patimur, quod tibi charitate cogente largiri censuimus.

De illo verò, qui viduam avunculi sui, quæ & ipsa fuit uxor consobriini sui, & sacrum velamen habere monstrata est, & à beatæ memoriæ præcessore nostro tibi licentiam concessam esse divulgavit, ut ei in pernicioso matrimonio assumi debuisset. Absit hoc, ut decessor noster ista permitteret. Nec enim ab hac Apostolica Sede illa diriguntur, quæ con-

contraria esse Patrum, sive Canonum institutis probantur. Ammonere, adhortari, increpare eos, charissime frater, ne cesses, quatenus à tali scelesto recedant matrimonio, ut non in æternum pereant. Reminiscantur enim, se Christi sanguine esse redemptos: & non sponte se contradant (nisi ab isto recesserint incesto matrimonio) diaboli potestati, sed magis omnipotenti Deo, & Christo Filio ejus, Spiritui quoque Sancto, in cuius nomine ab illius antiqui hostis erepti sunt potestate. Elabora igitur, Sanctissime frater, in eis, quia scriptum cognoscis: *Qui converti fecerit peccatorem ab errore viae suae, salvabit animam ejus à morte, & suorum operit multitudinem peccatorum.* Nam & nos ei pro hoc commonitoria scripta direximus.

De Calendis verò Januariis vel ceteris auguriis, Phylacteriis, & incantationibus, vel aliis diversis observationibus, quæ gentili more observari dixisti apud Beatum Petrum Apostolum, vel in urbe Romæ; hoc & nobis, & omnibus Christianis detestabile, & perniciosum esse judicamus, dicente Domino: *Non augurabimini, vel certè non observabitis somnia.* Et iterum Scriptura dicit: *Non sint auguria in Israël, nec observatio in domo Jacob.* Ita & à nobis cavendum esse censemus, ut nullis auguriis, vel observationibus attendamus. Quia omnia hæc abscissa esse à Patribus sumus edocti. Et quia per investigationem Diaboli iterum pullulabant, à die qua nos jussit Divina clementia, quanquam immeriti existamus, Apostoli vicem gerere, illicò omnia hæc amputavimus. Pari etenim modo volumus tuam Sanctitatem populis sibi subiectis prædicare, ad viam æternæ perducere vitæ. Nam & sanctæ recordationis prædecessoris, atque nutritoris nostri Domini Gregorii Papæ constitutione, omnia hæc piè, atque fideliter amputata sunt, & alia diversa quàm plura, quæ Diabolo suggerente pullulabant in Christi ovili: cuius instar, pro illius populi salute dirigere maturavimus.

Nam de sacerdotibus illis, qui falsa opinantur, qui etiam adulteri, & fornicatores probantur: & sibi ab Apostolicâ Sede indultum esse testantur, & è contrario sibi licentiam prædicationis largitam esse, hoc nulla ratione credat sancta tua fraternitas: sed similiter in eis canonicam exerce vindictam, quemadmodum

de his, quibus superiùs à nobis edoctus monstraris. Non enim aliud te agere volumus, præterquam, quod sacri præcipiunt canones, vel etiam ab hac Apostolicâ Sede instructus esse dinosceris.

Secundùm tuæ namque Sanctitatis petitionem, & tribus Episcopis tuis singulas confirmationis Epistolas misimus, quas per tuæ Sanctitatis manus eis largiri volumus. Et Carolomanno filio nostro alia scripta direximus, ut quæ tibi poposcit, adimplere festinet, adminicula præstet.

Sed hæc, Frater charissime, de omnibus superiùs comprehensis capitulis, ut Dominus donavit, respondimus ad omnia amputanda Diabolicæ fraudis scandala. Tua verò sancta fraternitas, si quid de cætero evenierit, ut sacri docent canones, studeat emendare in plebibus sibi à Deo commissis. Non enim aliud nobis convenit prædicare, præter quod à Sanctis Patribus sumus edocti. Si verò & novi aliquid, inimici astutia agente acciderit, quod tua sancta fraternitas minime per canonum instituta discernere possit: huc vobis non pigeat insinuare: quatenus Deo juvante, quæque ad emendationem novæ plebis esse possunt, tibi absque tarditate respondere maturemus. Cognoscebat enim, Frater charissime! tua sancta fraternitas, ita dilectionem tuam habere in nostris præcordiis: ut te præsentialiter quotidie videre desideremus: & ita te in nostro consortio habeamus, ut certè Ministrum DEI, & Dispensatorem Ecclesiarum Christi. De cætero namque confortare in Domino, frater charissime: & esto robustus: & elabora in opere, ad quod te Divina voluit evocare clementia. Magna enim te spes remunerationis expectat: quam promissit Deus diligentibus se. Et nos, licet peccatores existamus, tamen DEI nostri non cessamus absque intercessione immensam exorare clementiam, ut qui coepit in vobis, perficiat opus bonum usque adhuc. Et Beatus Apostolorum Princeps Petrus cooperetur tibi in omnibus bonis, qui ei parere desideras. Deus te incolumem custodiat, Reverentissime, & Sanctissime Frater. *Data Kalend. April. imperante Domino piissimo, Augusto Constantino, à Deo coronato magno Imperatore. Anno vicesimo quarto Imperii. Indictione XI.*

CON.

(a) I. Timoth. III, 2.

(b) Psalm. V, 7.

(c) I. Timoth. III, 13.

(d) Jacobi V, 20.

CONCILIIUM GERMANICUM

AUCTORITATE S. BONIFACII CELEBRATUM

XI. Kalendas Maji, anno Domini DCCXLII. Zachariæ Papæ II. sub Carlomanno, majore Domûs Regiæ.

TITULI CAPITULORUM.

- I. *De Episcopis in Germaniâ constitutis, & de Synodo singulis annis congreganda.*
- II. *Ut Clerici arma non tractent, neque ad Exercitum pergant, præter eos, qui Sacrorum causa electi fuerint. Item, ut à venationibus abstineant.*
- III. *Ut Presbyteri Parochiarum Episcopo suo sint subiecti, & Ministerii sui rationem illi reddant; paratque sint ad illum in visitatione suscipiendum: ab illo Chrisma novum accipiant: illum castitatis, vitæ, fidei, & doctrinæ suæ testem habeant.*
- IV. *Ut ignoti Episcopi ac Presbyteri sine probatione ad ministerium non admittantur.*
- V. *Ut Episcopus cum comite provideat, ne populus Paganus observationes faciat.*
- VI. *De pœnâ Clericorum, vel Monachorum, aut Monialium, quæ in fornicationem inciderint.*
- VII. *Ut Presbyteri & Diaconi sagis non utantur, sed casulis; & ut in domo suâ mulieres non habeant. Item, ut Monachi & Moniales juxta Sancti BENEDICTI Regulam vivere studeant.*

P R Æ F A T I O.

IN nomine Domini nostri JESU Christi. Ego Carlomanus Dux & Princeps Francorum, anno ab Incarnatione Domini DCCXLII. XI. videlicet Kalendas Maji, cum Consilio Servorum Dei, & optimatum meorum, Episcopos, qui in regno meo sunt, cum presbyteris ad Concilium & Synodum pro timore Christi congregavi, id est, Bonifacium Archiepiscopum, & Burchardum, (*) & Regenfridum, & Wintanum,

& Wirbaldum, (*) & Dadanum, & Eddanum, ac reliquos Episcopos, (b) cum presbyteris eorum, ut mihi Consilium dedissent, quomodo lex Dei, & Ecclesiastica religio recuperetur, quæ in diebus præteritorum Principum dissipata corrui; & qualiter populus Christianus ad salutem animæ pervenire possit, & per falsos sacerdotes deceptus non pereat.

CANO.

(*) Willibaldum.

(a) Burchardus erat Wurtziburgensis, Regenfridus Colonienfis, Wintanus Buraburgensis, Willibaldus Eistatenfis, Daddanus Regionarius, Edda Argentoratensis Episcopi.

(b) Per reliquos Episcopos Eckhartus intelligit Treverensem, Leodiensem, Spirensem, Wormatensem &c. Australiæ Episcopos.

C A N O N E S.

I.

Itaque per Consilium Sacerdotum , Religiosorum & Optimatum meorum , ordinavimus per civitates Episcopos , & constituimus super eos Archiepiscopum Bonifacium , qui est missus Sancti Petri. Statuimusque per annos singulos Synodum congregari , ut nobis presentibus canonum decreta & Ecclesiæ jura restaurentur , & religio Christiana emendetur. Et fraudatas pecunias Ecclesiarum Ecclesiis restituvimus : (**) falsos verò presbyteros , vel fornicatores Diaconos & Clericos de pecuniis Ecclesiarum abstulimus , & degradavimus , & ad penitentiam coëgimus.

II.

Servis (***) Dei per omnia armaturam portare , vel pugnare , aut in Exercitum & in hostem pergere , omninò prohibuimus : nisi illis tantum , qui propter divinum Mysterium , missarum scilicet solemniam adimplenda , & Sanctorum patrocina (d) portanda , ad hoc electi sunt : id est , unum , vel duos Episcopos , cum capellanis (e) & Presbyteris eorum princeps secum habeat : & unusquisque præfectus unum presbyterum , qui hominibus peccata confitentibus judicare , & indicare penitentiam possit. Nec non & illas venationes , & sylvaticas vagationes cum canibus omnibus servis Dei interdiximus : & ut accipitres & falcones non habeant.

III.

Decrevimus quoque juxta Sanctorum Canones , ut unusquisque Presbyter in Parochiâ habitans , subiectus sit illi Episcopo , in cujus Parochiâ habitat ; & semper in quadragesimâ rationem & ordinem ministerii sui , sive de baptismo , sive de fide Catholicâ , sive de precibus & ordine missarum , ipsi Episcopo reddat & ostendat. Et quodcumque jure Canonico Episcopus circumierit Parochiam ad confirmandos populos , Presbyter semper paratus sit , ad suscipiendum Episcopum , cum collectione & adjutorio populi , qui ibi confirma-

G

ri debet. Et in cœnâ Domini semper novum chrisma accipiat ab Episcopo. Et ut Episcopus testis sit castitatis & vitæ , & fidei , & doctrinæ illius.

IV,

Statuimus etiam , ut secundum Canonicam cautelam , omnes undecumque venientes ignotos Episcopos , vel Presbyteros , ante probationem Synodalem in Ecclesiasticum ministerium non admitteremus.

V.

Decrevimus quoque , ut secundum Canones unusquisque Episcopus in suâ Parochiâ sollicitudinem gerat , adjuvante Gravione (e) qui defensor Ecclesiæ ejus est , ut populus Dei paganas non faciat , sed omnes spurcicias abjiciat & respuat ; sive profana sacrificia mortuorum , sive sortilegos , vel divinos , sive phylacteria & auguria , sive incantationes , sive hostias immolationes , quas stulti homines juxta Ecclesias ritu pagano faciunt , sub nomine sanctorum Martyrum , vel confessorum , Deum & sanctos suos ad iracundiam provocantes : sive illos sacrilegos ignes , quos *Ned fratres* (f) vocant sive omnes , quæcumque sunt , Paganorum observationes diligenter prohibeant.

VI.

Statuimus similiter , ut post hanc Synodum , quæ fuit XI. Kalendas Maji , quisquis servorum Dei , vel ancillarum Christi , in crimen fornicationis lapsus fuerit , in carcere penitentiam faciat in pane & aqua. Et si ordinatus presbyter sit , duos annos in carcere permaneat , & antea flagellatus & scorticatus videatur , & post Episcopus adaugeat. Si autem Clericus , vel monachus in hoc peccatum inciderit , post tertiam verberationem in carcerem missus , vertente anno ibi penitentiam agat. Similiter & nonnæ velatæ eadem penitentia contineantur , & radantur omnes capilli capitis ejus.

VII.

(**) reddidimus (**) Servos

(c) Caplæ Reliquiis Sanctorum refertæ , deferebantur cum exercitu per Clericos : & hæ caplæ vocantur *Patrocina Sanctorum*.

(d) Capellani , Regiæ Capellæ Ministri Clerici , qui Archi-Capellano subiecti erant.

(e) Gravione , id est , Judice loci , à Rege missus & statuto. Eckhart. Tom. I. L. XXIII. N. X.

(f) Ned fratres. Ned feor edit *Serarius*. Noth feor *Struvius*, *Spelmanus*. Id est , ignis , ex duorum aridorum lignorum attritu elicitus.

VII.

Decrevimus quoque, ut Presbyteri, vel Diaconi non sagis, laicorum more, sed castulis utantur, ritu fervorum Dei, & nullus in sua domo mulieres habitare permittat. Et ut monachi, & ancillæ Dei monasteriales, juxta regulam Sancti Benedicti, Cænobia & Xenodochia sua ordinare, gubernare, vivere student: & vitam propriam degere sectin-

dum prædicti Patris ordinationem non negligent.

Ex Codice Palatino Bibliothecæ Vaticanæ Holsteinius edidit: ante illum Serarius inter Epistolas Bonifacianas à pag. 110, 111, 112. unde Synodographi posteriores.

Baluzius Tomo I. Capitularium pag. 145. & seqq.

XX

CONCILIUM LIPTINENSE, (a)

In quo approbantur superioris Synodi Germanicæ Decreta, novæque sanciantur, sub Carlomano majore domus Regiæ celebratum, Kalendis Martiis. (b)

Anno Christi DCCXLIII. Zachariæ Papæ II.
Childerici III. Regis II.

TITULI CANONUM.

- I. De prioris Synodi canonibus communi sensu receptis & approbatis.
- II. De pecunia Ecclesiastica sub precario vel censu in subsidium exercitiis præstanda.
- III. De incestis Matrimoniiis: & ut mancipia Christiana Paganis non tradantur.
- IV. Ut qui Paganas observationes in aliqua re fecerit, quindecim solidis mulctetur.

C A N O N E S.

I.

Moddò autem in hoc Synodali Conventu, qui congregatus est ad Kalendas Martias in loco, qui dicitur Liptinas, omnes venerabiles Sacerdotes Dei, & Comites, & Præfecti, prioris Synodi decreta consentientes firmaverunt, seque ea implere velle & observare promiserunt. Et omnis Ecclesiastici ordinis Clerus, Episcopi, & Presbyteri, & Diaconi, cum reliquis Clericis, fuscipientes antiquorum Patrum canones,

promiserunt, se velle Ecclesiastica Juram moribus & doctrinis, & ministerio recuperare. Abbates verò & Monachi receperunt Regulam Sancti Patris Benedicti ad restaurandam normam regularis vitæ. Fornicatores autem & adulteros, qui sancta Loca vel Monasteria ante tenentes coinquinarunt, præcepimus inde tollere, & ad poenitentiam redigere. Et si Post

(a) Liptinæ, in Diœcesi Cameracensi, in eo loco, ubi nunc est Cænobium Laubienſe.

Nota Serarii ex Myrao: hodie Lestines dicitur.

(b) Gratianus causa XVI. Qu. I. Can. LIX. Quia juxta, refert, revelatam S. EUCHARIO damnationem æternam Caroli Martelli [qui fuit Pater Pippini & Carolomanni,] occasionem dedisse convocandæ Synodi Liptinenſis per filium Carlomannum. Ast, I. hic canon. Quia juxta, non est editus in Concilio Liptinenſi, sed inter Capitularia Caroli Magni anno 803. 814. & 816. Ludovici Pii. addò Eruditissimus Pagi in Critica ad annum 741. N. XVI. hanc fabulam confutat & evertit.

post hanc definitionem in crimen fornicationis vel adulterii ceciderint, prioris Synodi Judicium sustineant. Similiter & Monachi & Nonnæ.

II.

Statuimus quoque, cum consilio Servorum Dei & Populi Christiani, propter imminentia bella & persecutiones certarum gentium, quæ in circuitu nostro sunt, ut sub precario & censu aliquam partem Ecclesiæ pecuniæ in adiutorium exercitus nostri, cum indulgentia Dei, aliquanto tempore retineamus: ea conditione, ut annis singulis de unaquaque casata solidus, id est, duodecim denarii, ad Ecclesiam vel Monasterium reddantur: eo modo, ut, si moriatur ille, cui pecunia commodata fuit, Ecclesia cum propria pecunia revestita sit. Et iterum, si necessitas cogat, aut Princeps jubeat, precarium renovetur, & rescri-

batur novum. Et omnino observetur, ut Ecclesiæ, vel Monasteria penuriam, paupertatemque non patiantur; quorum pecunia in precario præstita sit. Et si paupertas cogat, Ecclesiæ vel Domui Dei integra reddatur possessio.

III.

Similiter præcepimus, ut juxta canonum decreta, adulteria & incesta Matrimonia, quæ non sunt legitima, prohibeantur, & emendentur Episcoporum Judicio. Et ut mancipia Christiana Paganis non tradantur.

IV.

Decrevimus quoque, quod & Pater meus ante præcipiebat, ut, qui Paganas observationes in aliqua re fecerit, mulctetur, & damnetur XV. solidis. (c)

Inter Epistolas Bonifacianas editas à Serrario. pag. 112. 113.

(c) Præter quatuor Canones, duo hæretici Adalbertus Gallus & Clemens Scotus, qui S. Bonifacii jurisdictionem spernebant, damnati fuerunt, & à Sacerdotali Officio nudati.

Demum tres Archi-Episcopi in Galliis fuerunt à S. Bonifacio ordinati, Grimo Rothomagi, Abel Remis, Harbertus Senonis. Horum confirmatio, uti & factæ damnationis hæreticorum, à Zacharia Pontifice petita fuit per Dengardum Presbyterum, ex hac Synodo Romam missum.

Ad Bonifacii literas per Dengardum Romam latas Mense Augusto respondet Zacharias, Epistolâ CXLIV. inter Bonifacianas, data X. Kal. Octobris, imperante Domino Artavasdo, à Deo coronato, magno Imperatore anno III. post consulatum ejus anno III. sed & Nicephoro, magno Imperatore anno I. Indictione XII., quæ Septembri hujus anni 743. inchoabatur.

Sic Pag. 6 Eckhartus corrigunt Subscriptionem rerum Franciæ Tomo I. L. XXIII. pag. 448.

I. Abrenuntiatio Diaboli, operumque ejus & Superstitionum.

Forfachistu Diabolæ? & Respons. Ec forfacho Diabolæ. En allum Diobol gelde? Resp. End ec forfacho allum Diobol galde. End allum Dioboles wercum? Resp. End ec forfacho allum Dioboles wercum, und wordum thuna eren de woden ende Saxnote, ende albem them

unholdum, the hira genotas sint. Gelobistu in Got almehtigan Fadaer. R. Ec gelobo in Got almehtigan Fadaer. Gelobistu in Christ Godes Suno? R. Ec gelobo in Crist Gotes Suno. Gelobistu in halogan Gast? R. Ec gelobo in halogon Gast.

II. Indiculus Superstitionum & Paganiarum.

De Sacrilegio ad sepulchra mortuorum.
De Sacrilegio inter defunctos. I. Dadstîas.
De Spurcalibus in Februario.
De Castulis: id est: Fanis.
De Sacrilegiis per Ecclesias.
De Sacris Silvarum, quæ Nimidas vocant.
De his, quæ faciunt super petras.
De sacris Mercurii vel Jovis.
De Sacrificio, quod sit alicui Sanctorum.
De Phylacterijs & Ligaturis.
De fontibus Sacrificiorum.

De incantationibus.
De auguriis vel avium, vel equorum, vel boum stercorebus vel sternutatione.
De Divinis vel Sortilegis.
De igne fricato de ligno: id est: Nod-fyr.
De cerebro animalium.
De observatione Pagana in foco, vel in inchoatione rei alicujus.
De incertis locis, quæ colunt pro Sanctis.
De petendo, quod boni vocant Sanctæ Mariæ.

- De feriis, quæ faciunt Jovi vel Mercurio.
 De Lunæ defectione, quod dicunt, Vinceluna.
 De Tempestatibus & Cornibus & Cochleis.
 De Sulcis circa villas.
 De Pagano concursu, quem Yrias nominant, scissis pannis vel calceis.
 De eo, quod sibi Sanctos fingunt quolibet mortuos.
- De Simulacro de conspersa farina.
 De Simulacris de pannis factis.
 De Simulacro, quod per campos portant.
 De ligneis pedibus vel manibus Pagano ritu.
 De eo, quod credunt, quia Feminae lunam (d) comedant, quod possint corda hominum tollere juxta Paganos.

Illius Furstenbergius post Monumenta Paderbornensia, ex codice Vaticano Antiquissimo vulgavit & hanc Abrenuntiationem & Indiculum Superstitionum.

Cl. Eccartus Lib. XXIII. Commentariorum de rebus Franciæ Orientalis eruditus Notas edidit in has Superstitiones, quas Christiani nonnulli etiam post Baptismum exercebant & retinebant.

(d) *Commendat* habet Baluzius Tomo I. Capitular. pag. 194. Idem in Notis ad Capitularia Tomo II. pag. 1021. ostendit, unicam tantum fuisse Synodum Liptinensem, cui præter Bonifacium, Georgius Episcopus, Legatus Romanæ Sedis, & Joannes Sacellarius præfuerunt. Teste Hincmaro Epistola XXXVII. ad Rodolphum.

2dò. Hanc Synodum, & illam anni prioris, nullatenus esse falsas, aut supposititias, demonstrant contra opinionem Henschenii & Papebrochii in propylæo antiquario de diplomatis antiquis discernendis, præmissio Tomo II. Aprilis, cap. II. N. 3. Baluz. T. II. Capitular. pag. 1200. de Marca. De Concordia L. VI. C. 25. Mabillon de re diplom. L. II. C. 25.

III. Allocutio Sacerdotum de conjugii illicitis ad plebem.

Fili (a) hominis, speculatorem posui te in populo meo: Audiens ergò ex ore meo sermonem, annuntiabis eis ex me, non ex te. Si me dicente ad impium: Impie, morte morieris; non fueris locutus, ut se custodiat impius à via sua, ipse impius in iniquitate sua morietur: sanguinem autem ejus de manu tua requiram. Si autem annuntiaveris impio, & ille non fuerit conversus ab impietate sua & via sua impia, ipse quidem in iniquitate sua morietur; tu autem animam tuam lucrifecisti. Sed & si conversus justus à justitia sua fecerit iniquitatem, ponam offendiculum coram eo, ipse morietur; quia non annuntiasti ei, in peccato suo morietur: & non erunt in memoria justitiæ ejus, quas fecit: Sanguinem verò ejus de manu tua requiram. Si autem tu annuntiaveris justo, ut non peccet justus, & ille non peccaverit, vivens vivet, quia annuntiasti ei, & tu animam tuam liberasti.

Videte, filii charissimi, quale nobis incumbit periculum, si tacemus. Absit, absit, ut nostrum silentium vestrum fiat exitium. Si vos amamus, prodere debemus, quod lædit, ne veniat, quod occidit. Ergo diligenter advertite voces Dei nostri, quibus vos vetat à conjugii criminalibus, ut vivatis æternis ejus muneribus. Clamat ecce Deus noster, & humanæ libidinis illicitam rabiem prævidens contestatur: ne quis polluat cum matre, non cum

noverca, non cum sorore ex patre nata; non cum sorore ex matre nata, sive intus, sive foris nata sit. Non cum filia filiae, non cum nepte ex filia nata, non cum filia novercæ, non cum sorore patris, non cum sorore matris. Non cum uxore patris, non cum nuru, non cum uxore fratris. Non cum filia uxoris. Non cum filia filii uxoris tuæ, non cum filia filiae ejus. Non cum sorore uxoris tuæ; non cum menstruata muliere, non cum uxore proximi, non cum

dua-

(a) Ezechielis III, 17. XXXIII, 7.

duabus simul mulieribus, sive ancillæ sint, sive liberæ; seu libera & ancilla: Non cum masculo coitu femineo, non cum pecore aliquo: non cum focu tua. Non mulier succumbat jumento, non vir cum filia & matre, non cum uxore avunculi tui. Dicit etiam de sacerdote futuro: non cum repudiata à marito, non cum scorto, non cum viduâ, sed virgine. Ecce carissimi, qualem ad vos legationem perferimus, non cujuscumque, qui pretio possit redimi; sed cuius sanguini pro vobis fuso estis obnoxii. Ammonemus sanctitatem vestram: vivite cum conjugibus licitis: vivite continenter. Nemo se ulteriùs illicitis ma-

culet. Nemo talibus sociatus ante prenitentiæ dignum servitium ad tanti Domini corpus accedat: ne non remedium, sed vulnus accipiat. Quia quod indignè sumitur; pœna est, non medela. Carissimi, homines sumus pleni squaloribus: & tamen nolumus ab inquinatis membra nostra contingi: & credimus, quod Unigenitus Dei Filius nostrorum criminum sordes in suum corpus libenter excipiat? Fratres, ecce Rex noster, qui nos dignos hac legatione credidit, post nos continuò sequitur: paremus ei mundas domus nostras, si eum in ipsis corporibus nostris volumus habitare.

IV. Alia Allocutio.

Rogamus vos, carissimi filii, rogamus vos, viscera sanctæ matris Ecclesiæ, ut qui soletis leges sæculi formidare, legem Dei nostri audire patienter dignemini. Ille est, qui ad vos per linguæ nostræ servitium loquitur: cuius paulò ante paschalia beneficia celebrastis. Qui unigenito suo inter manus persequentium parcere noluit, ut nos in hæreditatem adscriberet filiorum. Si agnovistis, quantum nobis munus in passione ejus præstitum, celerius ipsius audite præceptum: ne dum jussionibus ejus inobedientes existimus, ingrati beneficiis judicemur. Non est dubium filii carissimi, esse quosdam, atque utinam paucos, qui de nostra negligentia conquerantur, quare tardiùs salutis vestræ remedia prædicamus: quorum tamen justus (b) dolor est, si vel modò voluerint facillè percipere medicinam. Nam, qui nec tardiùs curari se patitur, de medici tarditate quid queritur? Immodò quantò

longior præcessit infirmitas, tantò major succedere debet humilitas. Nam quis ferat ægrotum superbum, qui & incurrisse se causatur in ægri tudinem, & non vult recipere sanitatem? quam multos invenimus, filii carissimi, qui cum turpiter vivant, tamen calumniantur, dicentes: quare tardiùs Christus advenerit: quare tot millia hominum ante incarnationem suam perire perpeffus sit? Horum si querelam recipimus, etiam post tanti munus medici necesse est ægrotemus. Quid accusas, homo, solem justitiæ, quod tardiùs ortus sit; qui post ortum quoque ejus in tenebris ambulat? An quia frequenter nubes diutius occupant cælum, non debemus gaudere rediisse tranquillum? Quid fluctuaris, frater, quid fluctuaris inaniter? Ecce jam licet ad serenitatis quietem reverti, quid iterum scopulosâ desideras? Nemo te in tempestate periturum reri- nere voluit, quia tardiùs portus occurrit.

(b) *Fortè injustus.*

V. De Sabbato.

Magnificentissimi Patres nostri apud (c) Laodiciam Phrygiæ congregati, memores salutis nostræ, multa censuerunt, quæ nos observare convenit. Inter cætera, filii charissimi, de Christianis, qui sabbatizare, vel juxta quemdam modum judaizare noscuntur. Quia sub anathemate decreverunt, qui eos imitari noscuntur. Nam & nos vobis de eo insinuare curamus. Qui baptizati & regenerati estis in Christo, ecce facti es-

tis membra Christi. Ammonemus vos, timemus vos, non tantum à Paganis, non tantum ab hæreticis, sed etiam à perfidis judæis, qui vos cupiunt judaizare, & otari in sabbato; ut nomen Christi, quod accepistis, in vobis maculetur. Sed ita agendum est secundum Patrum definitionem, qui nobis jubent operari in sabbato; secundum Domini sententiam, qui in Evangelio ait: *Sabbatum (d) propter hominem factum est;*

G 3

71071

(c) Laodiceam.

(d) Marci II, 27. III, 1. 5.

non homo propter sabbatum : Itaque Dominus est Filius hominis etiam sabbati. Et cum in Synagoga observassent eum Judæi, si in Sabbato curaret, ut accusarent eum; ait homini habenti manum aridam: surge in medium, & dicit eis, licet sabbatis bene facere an male? animam salvam facere, an perdere? At illi tacebant. Et circumspiciens eos cum ira, contristatus super cecitatem cordis eorum, dicit homini: extende manum tuam: & extendit: & restituta est manus illius. Item secundum Lucam Evangelistam, erat Jesus docens in Synagoga (e) eorum sabbatis, & curavit ibi mulierem, quæ habebat spiritum infirmitatis annis decem & octo. Cum ergo indignè ferrent Judæi, ait eis: Hypocritæ, unusquisque vestrum sabbato non solvet bovem suum & asinum à præsepì, & ducit ad aquare? hanc autem filiam Arabæ non oportuit solvi à vinculo isto die sabbati? Etiam pro hoc erubescant Judæi. Vi-

detis, carissimi nobis, quia Dominus pro hoc sabbatis operabatur, quia nos, qui Christiani sumus, secundum litteram sabbatum observare non debemus. Christiani enim sabbatum observare ita debemus: abstinere nos à rapinis, à fraudibus, à perjuriis, à blasphemis, ab illicitis rebus, à munere accipiendo super innocentes, à jurgiis. Fornicationes enim sic timeamus, sicut mortem; quæ non animam solvit à corpore, sed ubi anima semper ardet cum corpore. Obsecro vos per nomen, quod super vos invocatum est; per Sacramenta, quæ accepistis, ut eos imitemini, quos in populo Dei bene agere videbitis, ut illius Sacramentum Paganicarum, à quibus populus, qui de ligno descendere noluit, sed de sepulcro resurgere dignatus est: Qui vivit & regnat cum Patre & Spiritu Sancto, in sæcula sæculorum.

In antiquissima Canonum Collectione, codice MS. Palatino 542. annorum amplius nongentorum (ut refertur in Monumentis Paderbornensibus Illustrissimi Furstenbergii pag. 336.) post Concilium ad Liptinas habitum à Catolomanno Duce, subiungitur Abrenuntiatio Diaboli, operumque ejus veteri Theotiscâ linguâ, cum indiculo superstitionum Paganicarum, à quibus populum Episcoporum sollicitudine revocandum illud statuit Parte I. Canon. 5. Indiculum proxime sequitur, teste Luca Holstenio, gemina allocutio ad plebem, de incestis matrimoniiis fugiendis, quæ idem Concilium Can. III. ab Episcopis prohiberi præcipit. Itaque hæc omnia ad Concilium Liptinensium acta pertinere omnino videntur. *Adnotatio P. Philippi Labbé, S. J.*
(e) Lucæ XIII, 10, 16.

CAPITULARE (a)

INCERTI ANNI,

Datum in Synodo, cui interfuit Bonifacius, Apostolicæ Sedis Legatus,
Circa annum Christi DCCXLIV. Zachariæ Papæ III.
Childerici III. Regis II.

INCIPIUNT CAPITULA.

- | | |
|-------------------------------------|--|
| 1. De exposito infante. | 13. De Compositioribus Cantionum. |
| 2. De trigessimis mortuorum. | 14. De modo Sacramenti. |
| 3. De muliere enixa. | 15. De libertis, ut non sint testes. |
| 4. De Clericis, qui comam nutriunt. | 16. De Commutatione. |
| 5. De Sacerdotibus, qui demigrant. | 17. De Fidejussore. |
| 6. De Loco Laicorum in Ecclesia. | 18. De Personis Judiciorum. |
| 7. De Servis Clericorum. | 19. De Agnatis & Cognatis. |
| 8. De Invasoribus rerum Ecclesiæ. | 20. De falsa Moneta. |
| 9. De regula Collectiarum. | 21. De Homicidiis ad Ecclesiam confugientibus. |
| 10. De Professione Sacerdotum. | 22. De Latronibus. |
| 11. De Testamento Sacerdotum. | |
| 12. De Archi-Diaconis. | |

23. De

[a] Editum primum à Baluzio, Tomo I. Capitularium à veteri codice MS. Bibliotheca Thuana, cum hoc titulo: EX CONCILIO REGUM, QUIBUS LEGATUS ROMANÆ SEDIS INTERFUIT BONIFACIUS pag. 151. & seqq.

23. De die Dominico.
24. De empto à Fure.
25. De alieno animali occiso.

26. De compositione incensæ Domus.
27. De via convicinali.
28. De rebus commendatis incensis.

INCIPIUNT PRÆDICTA CAPITULA ET EORUM TEXTUS.

De exposito Infante.

I.

SI expositus ante Ecclesiam cujuscunque fuerit miseratione collectus, contestationis ponat collector Epistolam. Et si is, qui collectus est, intra decem dies quæsitus, agnitusque non fuerit, securus habeat, qui collegit. Sanè, qui post prædictum tempus ejus calumniator extiterit, ut homicida damnabitur, sicut Patrum sanxit auctoritas.

De trigessimis mortuorum.

II. Fideles pro defunctis amicis jejunia & oblationes triginta diebus adimpleri faciant, & mortuum super mortuum non ponant, nec ossa defunctorum super terram dimittant. Quod si fecerint, canonicæ sententiæ subjacebunt.

De muliere enixa.

III. Cum enixa fuerit mulier, si statim actura gratias intrat Ecclesiam, nullo hinc peccati pondere gravatur. Voluptas enim carnis, non dolor, in culpa est; in prolis verò prolatione gemitus est. Si itaque enixam mulierem prohibemus intrare Ecclesiam, ipsam ei pœnam suam in culpam deputamus.

De Clericis, qui comam nutriunt.

IV. Sancitum est, ut Clerici, qui comam nutriunt, ab Archi-Diacono, etsi noluerint, inviti tondeantur. Vestimenta verò vel calciamenta eis, nisi religionem deceant, habere non liceat.

De Sacerdotibus, qui demigrant.

V. De Sacerdotibus, qui suos titulos absque licentia Episcopi dimittunt aut dimiserunt, statutum est, ut tamdiu à communione habeantur alieni, quousque ad suos titulos revertantur.

De loco Laicorum in Ecclesia.

VI. Laici secus altare intra cancellos tam ad Vigiliis, quàm ad missas stare penitus non præsumant.

De Servis Clericorum.

VII. Ecclesiarum Servos, vel Episcoporum, vel Clericorum à judicibus, vel auctoribus publicis in diversis angariis

fatigari Divina prohibemus auctoritate. Si quis verò judicum vel auctorum Clericum, aut Servum Clericalem Ecclesiæ in publicis vel privatis negotiis voluerit occupare, ab Ecclesia, cui impedimentum facit, efficiatur extraneus.

De Invisoribus rerum Ecclesiæ.

VIII. Qui reiculam Ecclesiæ petierit à Regibus, & horrendæ cupiditatis impulsu egentium substantiam rapuerit, irrita habeantur, quæ obtinent, & ipsi ab Ecclesia, quam spoliare cupiunt, excludantur.

De Regula Collectarum.

IX. Nullus in precibus nisi ad Patrem dirigat orationem, secundum illud: *Si quid petieritis (b) Patrem in nomine meo.* Et ut prius eas cum instructoribus tractet.

De professionibus Sacerdotum.

X. Quando Presbyteri vel Diaconi per Parochias constituuntur, oportet eos Episcopo suo professionem facere.

De testamento Sacerdotum.

XI. Presbyteri post ordinationem suæ paupertatis prædia comparantes, testamenta Ecclesiis confirmant. Sin aliter, ut fraudatores teneantur.

De Archi-Diaconis.

XII. Prævideant Episcopi, ne cupiditas Archi-Diaconorum suorum culpas nutriat, quia multis modis mentitur iniquitas sibi.

De Compositioribus Cantionum.

XIII. Qui in blasphemiam alterius cantica composuerit, vel qui ea cantaverit, extra ordinem judicetur. Nam lex hujusmodi præcipit exiliari.

De modo Sacramenti.

XIV. Omne Sacramentum in Ecclesia, & super Reliquiis juretur! sic il-
lum Deus adjuvet, & illi Sancti, quorum sunt istæ Reliquiæ.

De Libertis, ut non sint testes.

XV. Libertus & liberta in nullis negotiis contra quenquam testimonium dicere permittantur, exceptis illis causis, in

(b) Joannis XIV, 14.

in quibus ingenuitas deesset, sicut præmissum est & de servis. Quia indignum nostra pensat clementia, ut libertorum testimonia ingenuis damna incutiant. Qui verò ex iisdem fuerint progeniti, ad testimonium à tertia generatione admittuntur.

De Commutatione.

XVI. Commutatio, si non fuerit per vim vel metum extorta, talem qualem & emptio habeat firmitatem.

De Fidejussore.

XVII. Si quis conterito Fidejussore debitorem suum tenere maluerit, fidejussor & hæres ejus à fidejussionis vinculo liberantur.

De Personis Judiciorum.

XVIII. In judiciis quatuor debent esse personæ, accusator, defensor, testes, judex. Accusator uti debet intentione ad amplificandam causam, defensor extenuatione ad minuendam, testes veritate, judex æquitate.

De Agnatis & Cognatis.

XIX. Agnati sunt, qui per virilem sexum descendunt, cognati qui per femineum. Et ideo patrum vel patruorum filii & agnati sunt & cognati. Avunculi verò & avunculorum filii cognati sunt, non agnati.

De falsa Moneta.

XX. De falsa moneta jubemus, ut qui eam percussisse comprobatus fuerit, manus ei amputetur; & qui hoc consensit, si liber est, sexaginta solidos componat: si servus, sexaginta ictus accipiat.

De homicidis ad Ecclesiam confugientibus.

XXI. Homicidis vel cæteris reis, qui legibus mori debent, si ad Ecclesiam confugerint, nullus eis victus detur.

De Latronibus.

XXII. De Latronibus præcipimus observandum, ut pro prima culpa unum oculum perdat; de alia verò naſus ei

truncetur; de tertia culpa, si non emendaverit, morietur.

De die Dominico.

XXIII. Si quis die Dominico opera servilia fecerit, liber homo, si boves junxerit, dextrum bovem perdat. Et si alia, quæ prohibita sunt, fecerit, sacerdotibus illa emendet: Sicut de reliquis negligentis judicibus emendari solet, & poenitentiam insuper accipiat. Similiter de præcipuis festivitibus.

De empto à Fure.

XXIV. Si quis de fure nesciens aliquid emerit, quærat accepto spatio furem. Quem si non potuerit invenire, probet se Sacramento innocentem, & rem restituat, & furem quærere non mittat. Quod si furem celaverit, & perjurasse postea detectus fuerit, tanquam fur & ipse damnetur.

De alieno animali occiso.

XXV. Si quis casu faciente occiderit alienum animal, & non negaverit, simile dare non tardet, & cadaver mortui accipiat.

De compositione incense Domus.

XXVI. Si quis incenderit alienam domum, primò omnia ædificia restituat, & quidquid ibi arserit, componat, & insuper LX. solidos, & publicâ poenitentia multetur. Et quotquot homines de ipso incendio evaserint, unicuique secundum legem suam componat, & quidquid perdiderint, restituat.

De via convicinali.

XXVII. Si quis viam convicinali vel pastorem clauſerit, cum sua lege componat, & ipsam viam aperiat.

De rebus commendatis incensis.

XXVIII. Si cui commendatæ res fuerint, vel traditæ ad vendendum, & in domo ejus cum rebus suis.

Cætera desunt in MS.

CON-

Eckhart Historia rerum Franc. L. XXIII. N. LXXVIII. hunc cœtum Regum (sic per abusum vocantur Pippinus & Carolomannus) inter Comitias, non inter Synodos refert, Verùm cum codex MS. Synodum vocet, & plurima Capitula tractent de Personis & Locis Ecclesiasticis; jure inter Synodos referimus.



CONCILIIUM SUESSIONENSE

S U B

PIPPINO MAJORE DOMÛS REGIÆ,

AB EPISCOPIS XXIII. CELEBRATUM VI. (1) NONAS MARTIAS,

Anno Christi DCCXLIV. Zachariæ Papæ III.

Childerici (2) Regis II.

TITULI CAPITULORUM.

- I. De Fide Nicæna, & canonibus antiquis, toto Regno promulgandis.
- II. De Synodo singulis annis congreganda: & de Adalberto (3) hæretico in Synodo damnato.
- III. De Episcopis per civitates ordinatis sub Archi-Episcopis (4) Abele & Ardoberto. De Monachis, & ut Abbates in hostem ipsi non eant, sed mittant: & Clerici à fornicatione, habitu Laico, & venatione abstineant.
- IV. Ut Laici fornicationem omnem, perjuriam, falsa testimonia devitent, Ecclesiâque tutentur: & ut Presbyteri Parochiarum Episcopo suo sint subjecti.
- V. Ut ignoti Episcopi vel Presbyteri ad ministerium sine probatione non admittantur.
- VI. Ut Episcopi provideant, ne populus Paganismum faciat, & ut legitime per civitates mensuræ sint.
- VII. Ut Adalberti cruciculæ igni tradantur.
- VIII. Ut Clerici extraneas mulieres domi non habeant.
- IX. Ut sacratam feminam, vel propinquam, nemo uxorem ducat: neque uxor viro superstite alterum accipiat.
- X. De transgressoribus horum canonum.

P R Æ F A T I O.

IN Dei nomine & Trinitatis. Anno DCCXLIV. ab incarnatione Christi, sub die VI. Nonas Martii, & luna XIV. in anno secundo Childerici Regis Francorum, ego Pippinus Dux & Princeps Francorum. Dum pluribus non habetur incognitum, qualiter nos in Dei no-

mine unâ cum consensu Episcoporum, sive Sacerdotum, vel Servorum Dei Consilio, sive Comitum & Optimatum Francorum colloquio, apud Sueffionis civitatem Synodum, vel Concilium facere decrevimus, quod ita in Dei nomine & fecimus.

C A N O N E S.

IN primis constituimus fidem Catholicam (a) quam constituerunt CCCXVIII. Episcopi in Nicæno Concilio, ut denuntiaretur per universam regionem nostram & judicia canonica alio-

rum Sanctorum, quæ constituerunt in Synodis suis: quo modo lex Dei, & Ecclesiastica regula recuperetur, quæ in diebus priorum Principum dissipata corrui-

H

II.

II.

Propterea nos unà cum consensu Episcoporum, sive sacerdotum, seu servorum Dei & optimatum, eorum Consilio decrevimus, ut annis singulis Synodum renovare debeamus, qualiter populus Christianus ad salutem animarum pervenire possit: & ut hæresis amplius in populo non resurgat, sicut invenimus (3) in Adalberto hæresim; quem publicitus unà voce condemnaverunt XXIII. Episcopi, & alii multi sacerdotes, cum consensu Principis & populi; ita condemnaverunt ipsum Adalbertum, ut amplius populus per falsos sacerdotes deceptus non pereat.

III.

Idcirco constituitur per Consilium sacerdotum & optimatum eorum, & ordinavimus per civitates legitimos Episcopos; & idcirco constituitur super eos Archiepiscopos Abel, (4) & Ardobertum; ut ad iudicia eorum de omni necessitate Ecclesiastica recurrant tam Episcopi; quam alius populus; ut ordo monachorum vel ancillarum Dei secundum regulam sanctam stabilis permaneat, & de rebus Ecclesiasticis subtrahis monachis vel ancillis Dei consolerentur, usque ad dum illorum necessitati satisfaciant; & quod (5) superaverit, census levetur, & Abbates legitimi hostem non faciant, nisi tantum homines eorum transmittant. Et omnes Clerici fornicationem non faciant, nec habitum laicorum portent, nec apud canes (b) venationes faciant, nec accipitres (6) portent.

IV.

Similiter decrevimus, ut laici homines legitimè vivant, & diversas fornicationes non faciant, & perjuria in Ecclesia non consentiant, & falsa testimonia non dicant, & Ecclesiam Dei in omni necessitate conservent. Et unusquisque presbyter, qui in Parochia est, Episcopo obediens & subiectus sit: & semper in cena Domini rationem & ordinem ministerii suo Episcopo reddat; & chrisma & oleum petat: & quando Jure Canonico Episcopus circumit Pa-

rochiam ad confirmandum populum, Abbates & Presbyteri parati sint ad suscipiendum Episcopum in adiutorium necessitatis.

V.

Et statuimus, ut supervenientes Episcopi vel Presbyteri de aliis regionibus non suscipiantur in ministerium Ecclesiæ, nisi prius fuerint probati ab Episcopo, cujus parochia est.

VI.

Et omnino decrevimus, ut unusquisque Episcopus, in sua parochia sollicitudinem habeat, ut populus Christianus Paganitum non faciat: & per omnes civitates legitimus foras & mensura fiat, secundum obedientiam temporis.

VII.

Similiter constituitur, ut illas cruculas, (7) quas Adalbertus per parochiam plantaverat, omnes igne consumantur.

VIII.

Similiter diximus, ut neque clericus mulierem habeat in domo sua, quæ cum illo habitet, nisi matrem, aut sororem, aut neptem suam.

IX.

Similiter constituitur, ut nullus laicus homo Deo sacratam feminam ad mulierem habeat, nec suam parentem: nec marito vivente suam mulierem alius accipiat, nec mulier vivente suo viro alium accipiat: quia maritus mulierem suam non debet dimittere, excepto causa fornicationis deprehensa.

X.

Siquis contra hoc decretum, quod XXIII. Episcopi cum aliis sacerdotibus vel servis Dei, una cum consensu Principis Pippini, vel optimatum Francorum Consilio constituerunt, transgredi, vel legem irrumpere voluerit, vel despegerit, judicandus sit ab ipso Principe, vel Episcopis, vel Comitibus: & componat, secundum quod in lege scriptum est, unusquisque juxta ordinem suum. Et si hæc omnia observaverimus, quæ superius scripta sunt, Christi misericordiam invenire poterimus in sæcula sæculorum. Amen.

- (8) *Signum illustris Viri Pippini majoris Domus.*
Signum Radbodi.
Signum Arilberti.
Signum Helmigaudi.

(b) *Fortè subtrahitis.*

NOTÆ P. Jacobi Sirmondi & Soc. Jesu.

- (1) Itā & vetus Exemplar Metense, & alterum Flandricum. In Bellovacensi tamen legitur V. Nōnas, quod magis fortasse cohæret cum lxxa XIV., quam numerabant.
- (2) Postremi Merovingorum Regis, qui post aliquot annorum interregnum, quibus rerum potitum esse diximus Carolum Martellum, illo mortuo Rex tandem ab ejus filiis renunciatus est. Qui à Martello ipso renuntiatus volunt, non animadvertunt Childerici Regis, si superflite Martello regnum iniisset, cum is Anno Christi DCCXLI. vivere desierit, æonum hunc fore non secundum, sed tertium.
- (3) Vulgati ADLABERTO: item codex Bellovacensis cum Flandrico. Nos Metensem hoc loco, ut in cæteris, secuti sumus. Idem Aldebertus vocatur in Epistola Bonifacii ad Zachariam, & in Synodo Romana.
- (4) Alterum Remiorum, alterum Senonum, ut est in Epistola V. Zachariæ ad Bonifacium; ubi posterior ARTBERTUS appellatur.
- (5) Metensis codex, *Si quid speraverit.* De hoc vero casu cautum fuerat in Synodo Liptinensi, Can. 2.
- (6) Bellovacensis, acceptores, quod idem est, ut in lege Salica Cap. VII. Si quis acceptorem de arbore furaverit.
- (7) Ita Metensis & Flandricus: in Bellovacensi verò cruciliæ, sicut in vulgatis, sed truciçulas idem habet Bonifacius, de iisdem agens in Epistola ad Zachariam.
- (8) Hæ Subscriptiones aberant à vulgatis: exstant autem in tribus manuscriptis, Metensi, Bellovacensi, & Flandrico.

Sirmondus Tomo I. Concilior. Galliæ pag. 543.

Harduinus Tomo III. Concilior. pag. 1931.

- (a) In hoc Concilio, Nicæni Concilii fides & aliarum Synodorum judicia canonica, à Sanctis constituta, populo denuntianda esse, canone primò definitur, & Sueffione sub Pippino vocatur ab omnibus Synodographis Binio, Sirmondo, Labbeo, Harduino. Attamen Willibaldus, Biographus S. Bonifacii cœvus vocat quintum Synodale Concilium sub Carlomanno Duce, in quo S. Bonifacius præfedit, & quatuor primitus principalium Synodorum constituta admonerit observari, convenientibus in unum Episcopis & Presbyteris, Diaconibus atque Clericis. Inde consequens est, ut dicamus, vel eam Synodum habitam in Austrasia sub Carlomanno, quæ sub Pippino in Neustria habita fuit: vel utriusque Ducis jussu Sueffione convenisse tam Neustriæ, quam Austrasiæ Episcopos, sub Præside Bonifacio, quâ misso Sedis Apostolicæ: vel Episcopos Austrasiæ acceptasse ea, quæ Sueffione constituta erant sub Pippino; atque uno ex his tribus modis verificari quintum Synodale Concilium, in quo de quatuor primis generalibus Conciliis actum fuit teste Willibaldo. *Vide Acta SS. ad diem V. Junii, pag. 468. columnâ secundâ.*
- (b) Nec habeant canes, ut venationes faciant. Sic legit Baluz, T. I. pag. 158.

EPISTOLA ZACHARIÆ PAPÆ AD BONIFACIUM EPISCOPUM.

*Non iterandum esse Baptismum, quem imperitus Sacerdos
infractis verbis ministrat.*

Reverendissimo & Sanctissimo Fratri Bonifacio Episcopo, Zacharias Servus Servorum Dei.

Virgilius & Sidonius Religiosi viri apud Bajoriorum Provinciam degentes, suis apud nos literis usi sunt, per quas intimaverunt, quod tua reverenda fraternitas eis injungeret Christianos denuo baptizare. Quod audientes nimis fuimus conturbati, & in admirationem quandam incidimus, si haberetur, ut dictum est. Retulerunt quippe, quod

H 2

fuerit in eadem Provincia sacerdos, qui latinam linguam penitus ignorabat, & dum baptizaret, nesciens latini eloqui, infringens linguam diceret: *Baptizo te in nomine Patriæ, & Filii, & Spiritus Sancti*, ac per hoc tua Reverenda fraternitas consideravit rebaptizare. Sed Sanctissime Frater, si ille, qui baptizavit non errorem introducens, aut hæresim, sed

sed pro sola ignorantia Romanæ locutionis infringendo linguam, ut supra fati sumus, baptizans dixisset, non possumus consentire, ut denuo baptizaretur, quia, quod tua bene compertum habet sancta fraternitas, quicumque baptizatus fuerit ab hæreticis in nomine Patris, & Filii, & Spiritûs sancti, nullo modo debet rebaptizari, sed per solam manûs impositionem purgari. Nam Sanctissime Frater, si ita est, ut nobis relatum est, non amplius à te illis prædicentur hujusmodi, sed ut Patres sancti docent

& prædicant, tua sanctitas studeat conservare. Deus te incolumem custodiat, Reverentissime Frater; data Kalendis Julii, imperante Domino piissimo Augusto Constantino à Deo coronato magno Imperatore Anno XXVI. Imperii ejus Anno IV. Indictione XIV.

Inter Epistolas à Serario editas Numero CXXXIV. unde Binius, Sirmondus.

Hardouinus inter Zachariæ Epistolas N. VI.

A. Pagi anno XXV. Ind. XII. corrigi.

CONCILIIUM ROMANUM

DE

HÆRETICIS ALDEBERTO & CLEMENTE,

Quos Bonifacius in Franciæ Synodo condemnârat; in Patriarchio Lateranenfi à Zacharia Papa celebratum, mense Octobri, indictione XIV.

Hoc est:

Anno Christi DCCXLV. Zachariæ Papæ IV.

ACTIO PRIMA.

IN nomine Domini nostri JESU Christi. Imperante Domino piissimo Augusto Constantino Imperatore anno XXVI. post Consulatum anno V. mense Octobri, die XXV. indictione XIV. præfidente Sanctissimo ac Beatissimo Domino Zacharia Papa, in Patriarchio Lateranenfi, in Basilica, quæ appellatur Theodori. Confidentibus etiam cum eo Sanctissimis Episcopis, Epiphanio de silva candida, Benedicto Nomento, Venantio Præneste, Gregorio Portuense, Niceta Gabiis, Theodoro Ostiense, Gratioso Velitris: seu Venerabilibus Presbyteris, id est, Joanne Archi-Presbytero, Gregorio, Stephano, item Stephano, Dominico, Theodoro, Anastasio, Sergio, Jordane, Leone: item Leone, Gregorio, Stephano, Eustachio, Procopio, atque Theophanio. Propositis

in medio Sacrosanctis Evangelii, adstantibus quoque Diaconibus, vel cuncto clero. Gregorius Notarius regionarius & nomenclator dixit: Deneardus (a) religiosus presbyter, legatus Bonifacii Sanctissimi Archiepiscopi Provinciæ Germaniæ, directus apud vestrum Apostolatum, præ velo (b) est, & petit se ingredi: quid præcipitis? Dictum est: Ingrediat. Cumque ingressus fuisset, Zacharias Sanctissimus ac Beatissimus Papa Sanctæ Dei Catholicæ atque Apostolicæ Urbis Romæ dixit: Ante hos dies syllabas Reverentissimi atque Sanctissimi fratris nostri Bonifacii Archiepiscopi nobis retulisti, per quas nobis, quæ opportunè ei visa sunt indicavit: quid ergo denuo secretaria nostra te ingredi postulasti? Deneardus, religiosus presbyter dixit: Domine mi, dum juxta sancti

(a) Secundus est Deneardus ex quatuor à S. Bonifacio Romam missis Legatis. Primus erat Denval Presbyter, anno 730. ed missus: Epistola CXXVI. Tertius Burchard Wirtzburgensis, circa annum 748. Epistola CXL. Quartus Lull circa annum 751. Romam missus: Epistola CXLI.

(b) Velum erat inter chorum & Presbyterium, ubi chorus in medio Ecclesiæ ante Altare & Presbyterium situs erat, *Bona de rebus Liturg. L. 1. C. 25.*

sancti Apostolatus vestri præceptionem Dominus meus Bonifacius Episcopus, famulus pietatis vestræ, in Provincia Francorum Synodum aggregasset, & reperisset illic falsos sacerdotes, hæreticos & schismaticos: id est; Aldebertum & Clementem; eos sacerdotio privans unâ cum Principibus Francorum, retrudi fecit in custodiam. Illi autem impoenitentes permanent, contra quod judi-

carum est, & adhuc populum seducunt. Pro qua re hanc Epistolam præfati Domini mei, quam in manibus gero, vestro Sancto Apostolatu missus offero, ut eam coram Sacrosancto Concilio relegi faciat. Dictum est: suscipiatur Epistola & coram nostra præsentia relegatur. Et accipiens Theophanius Notarius Regionarius & Sacellarius, (c) relegit in his sermonibus.

EPISTOLA BONIFACII

AD ZACHARIAM PAPAM.

Excellentissimo Patri, atque Apostolico Pontifici, & ex auctoritate Sancti Petri Principis Apostolorum magisterio freto, Zachariæ Papæ, Bonifacius exiguus, Servus Servorum Dei, optabilem in Christo caritatis salutem.

Postquam me ante annos prope XXX (d) sub familiaritate & servitio Apostolicæ Sedis, annuente & jubente venerandæ memoriæ antistite Apostolico Gregorio, anteriore voto constrinxî; quidquid mihi lætitiæ vel tristitiæ acciderat, Apostolico Pontifici solebam indicare, ut in lætis simul laudaremus Deum, & in tristibus ejus consilio roborarer. Et sicut tunc, & nunc mihi liceat, pietati vestræ supplico, sicut scriptum est: *Interroga (e) Patrem tuum, & annuntiabit tibi: seniores tuos, & dicent tibi.* Notum enim sit Paternitati vestræ, quia postquam indigno mihi mandâstis in Provincia Francorum, sicut & ipsi rogaverunt sacerdotes, Concilio Synodali & Conventui præesse, multas injurias & persecutiones passus sum, maximè à falsis sacerdotibus, ab adulteratis Diaconibus, & Fornicariis Clericis. Maximus tamen mihi labor fuit contra duos hæreticos pessimos & publicos, & blasphemos contra Deum, & contra Catholicam fidem: Unus eorum,

qui dicitur Aldebertus, natione generis Gallus est; alter qui dicitur Clemens, genere Scotus est: specie erroris diversi, sed pondere peccatorum pares. Contra istos obsecro Apostolicam auctoritatem vestram, quo meam mediocritatem defendere & adjuvare, & per scripta vestra populum Francorum & Gallorum corrigere studeatis: ut hæreticorum fabulas, & vana prodigia, & signa præcursoris Antichristi non festerint: sed ad Cænonicæ Jura, & ad viam veræ doctrinæ convertantur. Et ut per verbum vestrum isti duo hæretici mittantur in carcerem, si vobis justum esse videatur, cum vitam & doctrinam illorum vobis intimaverô: & nemo cum eis loquatur, vel communionem habeat; ne fortè fermento doctrinæ illorum fermentatus aliquis pereat: sed segregati vivant, & juxta dictum Apostoli hujusmodi *Traditi satanæ (f) in interitum carnis sunt, ut Spiritus salvus sit in die Domini*: & juxta Evangelicum præceptum, dum (g) *Ecclesiam non audivint, sint nobis sicut Ethni-*

H 3

(c) Sacellarius & Nomenclator Ecclesiæ videtur nomen officii, quod nostra ætate Thesaurarius, Bursarius Ecclesiæ, gerit. Serarius.

(d) Litteræ primæ Gregorii II. PP. datæ Bonifacio cum facultate prædicandi Evangelii Gentibus, datæ sunt Idibus Maji: Leonis Augusti anno III. Imperii, Indictione II. adeoque anno 719. sed ab anno 717. Romam profectus dedicaverat se Apostolico Ministerio; ab anno autem 717. ad 745. sunt prope anni XXX. Vide Epistolam CXVIII. inter editas à Serario.

(e) Deuter. XXXII, 7.

(f) I. Corinth. V, 5.

(g) Matth. XVIII, 17.

Ethnici & Publicani, donec discant non blasphemare; nec scindere tunicam Christi. Propter istos enim, persecutiones & inimicitias, & maledictiones multorum populorum patior, & Ecclesia Christi impedimentum fidei & doctrinæ sanctæ sustinet. Dicunt enim de *Aldeberto*, quod eis Sanctissimum Apostolum abstulerim, Patronum & Oratorem, & virtutum factorem, & signorum ostentorem abstraxerim. Sed pietas vestra audiens vitam ejus, judicet ex fructu operum, utrum vestimentis ovium indutus, intus autem lupo rapax sit, an non? In primæva enim ætate hypocrita fuit, dicens, quod sibi Angelus Domini in specie hominis de extremis finibus mundi miræ & tamen incertæ Sanctitatis Reliquias attulerit, & exinde posset omnia quæcumque à Deo posceret impetrare: & tunc demum per illam simulationem, sicut Apostolus Paulus prædixit, domos (*b*) multorum penetravit, & captivas post se mulierculas duxit oneratas peccatis, quæ ducebantur variis desideriis: & multitudinem rusticorum seduxit, dicentium, quod ipse esset Vir Apostolicæ Sanctitatis, & signa arque prodigia faceret. Deinde conduxit Episcopos indoctos, qui se contra præcepta canonum absolute ordinaverunt. Tum demum in tantam superbiam elatus est, ut se æquipararet Apostolis Christi. Et dedignabatur in alicujus honore Apostolorum, vel Martyrum Ecclesiam consecrare; improprians hominibus etiam, cur tantopere studerent Sanctorum Apostolorum limina visitare. Postea, quod absurdum est, in proprii nominis honore dedicavit oratoria; vel ut verius dicam, sordidavit. Fecit quoque cruciculas & oratoriola in campis, & fontes, vel ubicumque sibi visum fuit: & iussit ibi publicas orationes celebrari, donec multitudines populorum, spretis cæteris Episcopis, & dimissis antiquis Ecclesiis, in talibus locis conventus celebrarent, dicentes: merita sancti Aldeberti adjuvabunt nos. Ungulas quoque & capillos suos dedit ad honorificandum, & portandum cum reliquiis Sancti Petri Principis Apostolorum. Tum demum, quod maximum scelus, & blasphemia contra Deum esse videbatur, fecit. Venienti enim populo & prostrato ante pedes ejus, & cupienti confiteri peccata

sua, dixit: scio omnia peccata vestra, quia mihi cognita sunt omnia occulta. Non est opus confiteri, sed dimissa sunt peccata vestra præterita: securi & absoluti redite ad domos vestras cum pace. Et omnia quæcumque sanctum Evangelium hypocritas fecisse testatur, suo habitu, & incessu, & moribus imitatus est.

Alter autem hæreticus, qui dicitur Clemens, contra Catholicam contendit Ecclesiam, & Canones Ecclesiarum Christi abnegat & refutat: tractatus & sermones Sanctorum Patrum, Hieronymi, Augustini, Gregorii recusat. Synodalia jura spernens, proprio sensu affirmat, se post duos filios sibi in adulterio natos sub nomine Episcopi esse posse Christianæ legis Episcopum. Judaïsmum inducens judicat justum esse Christiano, ut si voluerit, viduam fratris defuncti accipiat uxorem. Contra fidem quoque Sanctorum Patrum contendit, dicens, quod Christus Filius Dei descendens ad inferos, omnes quos inferni carcer detinuit, inde liberavit, credulos & incredulos, laudatores Dei simul & cultores idolorum: & multa alia horribilia de prædestinatione Dei contraria fidei Catholica affirmat. Quapropter de hoc quoque hæretico precor, ut per literas vestras mandare curetis Duci Carlomanno, ut mittatur in custodiam; quatenus femina Satanae latius non seminet, & ne fortè ovis morbida totum gregem contamine. Valere Sanctitatem vestram, & prosperis provectibus gaudere in longitudine dierum optamus.

Cumque relecta esset, Zacharias Sanctissimus ac Beatissimus Papa dixit: Audistis, fratres charissimi; quod in ista Epistola relectum sit ex sacrilegis illis, qui se ad suam condemnationem Apostolis prætulerunt. Sanctissimi Episcopi & venerabiles Presbyteri responderunt: Audivimus certè per omnia, non Apostolos, sed ministros satanæ, & præcursores Antichristi. Quis enim aliquando Apostolorum, aut quilibet Sanctorum, ex capillis suis, aut unguibus, sanctuaria populis exhibuerunt, ut iste Sacrilegus & perniciosus Aldebertus? sed hoc scelus à vestro Sancto Apostolatu est rescandum, tam de illo, quam etiam de illo transgressore Clemente, qui Sacros Canones spernit, atque expositiones Sanctorum Patrum, & di-

cta

(*b*) II. Timoth. III, 6.

Etia Sanctorum: ut pro transgressionibus suis dignam suscipiant sententiam. Sanctissimus ac Beatissimus Papa Zacharias dixit: Quia hodie jam tardior hora est,

venturo (i.) Secretario, relictis iterum vitâ eorum & actibus, communi consensu, mediante Deo, quid fieri debeat, pertractandum est.

ACTIO SECUNDA.

IN nomine Domini Dei, & Salvatoris nostri JESU Christi, imperante Domino piissimo Augusto Constantino magno Imperatore anno XXVI. post consulatum ejus anno V. mense Octobris, die XXV. Indictione XIV. Præsidente Sanctissimo ac Beatissimo Zacharia Papa in Patriarchio Lateranensi, in Basilica, quæ appellatur Theodori; confidentibus etiam cum eo Sanctissimis Episcopis, Epiphanio silvæ candidæ, Benedicto Nomento, Venantio Præneste, Gregorio Portuense, Niceta Gabiis, Theodoro Ostiense, Gratiofo Velitris: seu Venerabilibus Presbyteris, id est, Joanne Archi-Presbytero, Gregorio, Stephano, item Stephano, Dominico, Theodoro, Anastasio, Georgio, Sergio, Jordane, Leone, item Leone, Gregorio, Stephano, Eustachio, Procopio, atque Theophanio. Propositis in medio Sacrosanctis Evangelii: adstantibus quoque Diaconibus, vel cuncto Clero, Gregorius Notarius regionarius, & nomenclulator dixit: Juxta vestri Sancti Apostolatus præceptionem, quam in præterito jussistis, Deneardus religiosus Presbyter adest præ velo: quid præcipitis? Dictum est: ingrediatur. Cùmque ingressus esset, Zacharias Sanctissimus ac Beatissimus Papa dixit: Actus illius nefandissimi Aldeberti, five cætera, quæ de eo sunt scripta, quæ præterito Secretario præ manibus gerebas, coram præsentem Concilio porrige legenda. Et accipiens Theophanius Notarius Regionarius & Saccellarius relegit vitam illius, cujus initium tale est:

In nomine Domini nostri JESU Christi. Incipit vita Sancti & Beati DEI famuli, & præclari, atque per totum speciosi; ex electione DEI nati, Sancti Aldeberti Episcopi.

De simplicibus Parentibus fuit pro-

creatus, & de Gratia DEI est coronatus: quia dum in utero matris esset, ibi gratiam DEI accepit: & antequam pervenisset beatissima nativitas ejus, vidit genitrix ejus, quasi per visionem, egredientem vitulum de dextero latere suo: qui vitulus designabat gratiam illam, quam ab Angelo acceperat, antequam exiret de vulva.

Cùmque hic libellus usque ad finem lectus fuisset, Zacharias Sanctissimus ac Beatissimus Papa dixit: Quid ad hæc blasphema respondetis, Sanctissimi Fratres? Epiphanius, Sanctissimus Episcopus silvæ candidæ, dixit: Certè, Apostolice Domine, ex Divina Inspiratione motum est cor sancti vestri Apostolatus, ut prædictum Bonifacium, sanctissimum Fratrem nostrum, Episcopum, atque Francorum Principes commoneretis; quatenus in partibus illis post longa tempora Concilium aggregaretur Sacerdotum, ut hæc schismata & blasphemiarum usquequaque sancto vestro Apostolatu minimè celarentur. Zacharias, Sanctissimus ac Beatissimus Papa, dixit: Si quid adhuc habet Deneardus religiosus Presbyter nobis porrigere relegendum, porrigat. Deneardus religiosus Presbyter respondit: Ecce, Domine, Epistolam, qua utebatur, & divulgabat eam esse JESU, & de cælo cecidisse. Et accipiens Theophanius Notarius regionarius & Saccellarius relegit: cujus initium tale est:

In Dei nomine incipit Epistola Domini nostri JESU Christi Filii Dei, quæ in Hierosolyma cecidit, & per Michaël Archangelum inventa est ad portam Ephrem: & per manus Sacerdotis, nomine Leoræ, Epistola ista relecta fuit, & exemplata: & transmissit eam ad Hieremiam civitatem ad alium sacerdotem, nomine Talasium: & ipse Talasius transmissit eandem ad Arabiam civitatem, ad alium sacerdotem Leobanum: & ipse Leobanius transmissit Epistolam istam ad Vettaviam civitatem: quam recepit Macherius

(i) Secretarium erat Camera Ecclesiæ conjuncta, in qua libri pro officiis & Synodis, asservabantur, uti in Diaconia vestes, & Vestiaria. Hic autem sumitur pro sessione & conventu Episcoporum intra Ecclesiam, vel intra Secretarium Ecclesiæ.

cherius Sacerdos Dei, & transfinit in montem Sancti Michael Archangeli. Et ipsa Epistola per manus Angeli Domini pervenit ad Romanam Civitatem, ad locum sepulchri Sancti Petri, ubi claves Regni cœlorum constitutæ sunt: & duodecim Papati, qui sunt in Romana civitate, triduanas fecerunt vigilias, & in jejuniis & orationibus permanserunt diebus ac noctibus: & cætera usque ad finem perlecta.

Zacharias Sanctissimus ac Beatissimus Papa dixit: Pro certo, Fratres charissimi, iste Aldebertus in infaniam est conversus: & omnes, qui hac utuntur sceleratâ Epistolâ, more parvulorum, absque memoria mentium sunt, & muliebribus sensibus infaniunt. Sed ne le-

viores adhuc ampliùs decipiantur, indiffusam & absque sententia causam hanc in eum relinquere minimè possumus. Sanctissimi Episcopi & venerabiles Presbyteri responderunt: Ex divinâ illustratione cognoscimus, cor vestri sancti Apostolatûs illuminatum, & quæ à vobis dicta sunt ex administratione Sancti Spiritûs emanârunt. Et idcirco, ut à vobis prævisum fuerit, in utrosque sententia promulgetur. Zacharias Sanctissimus ac Beatissimus Papa dixit: Non ut nobis solum visum fuerit, sed pariter cum Sanctitate vestra est pertractandum: sed si Domino placuerit, in futuro Secretario, quod rectum visum fuerit, & Dominus suis famulis administraverit, ex omnibus ejus actis promulgabitur sententia.

ACTIO TERTIA.

IN nomine Domini DEI nostri Salvatoris JESU Christi, imperante Domino piissimo Augusto Constantino Magno Imperatore, anno XXVI. post consulatum ejus anno V. mensè Octobris, die XXV. indictione XIV. præfidente Sanctissimo ac Beatissimo Domino Zacharia Papa in Patriarchio Lateranensi, in Basilica, quæ appellatur Theodori: confidentibus etiam cum eo Sanctissimis Episcopis Epiphanio de silva candida, Benedicto Nomento, Venantio Præneste, Gregorio Portuense, Niceta Gabiis, Theodoro Ostiense, Gratiofo Velitris: atque venerabilibus Presbyteris, Joanne Archipresbytero, Gregorio, Stephano, item Stephano, Dominico, Theodoro, Anastasio, Georgio, Sergio, Jordane, Leone, item Leone, Gregorio, Stephano, Eustachio, Procopio, Theophanio. Propositis in medio Sanctis Evangelii, adstantibus quoque Diaconibus, vel cuncto Clero. Gregorius Notarius regionarius & Nomenclator dixit: Secundum quod à vestro sancto Apostolatu præceptum est in præterito Secretario, ut Deneardus Religiosus Presbyter hodie se vestris obtutibus præsentaret, præsto est pro foribus, quid præcipitis? Dictum est: Ingrediat. Cumq; ingressus fuisset, Zacharias Sanctissimus ac Beatissimus Papa dixit: Habes adhuc ex Sacilegorum illorum conscripto, quod coram hoc Sancto Concilio porrigas ad relegendum? Deneardus religiosus Presbyter respondit:

Etiam, Domine mi, habeo orationem quam sibi Aldebertus componere nifus est. Et ecce præ manibus eam gero, jubete eam suscipi. Et accipiens eam Theophanius Notarius relegit coram omnibus, cujus initium tale est:

Domine Deus omnipotens, Christi Filii Dei Domini nostri Jesu Christi Pater, & A, & Ω, qui sedes super septimum thronum, & super Cherubim & Seraphim, tu pietas magna, & dulcedinis est tibi satis. Pater Sanctorum Angelorum, qui fecisti cœlum & terram, mare & omnia, quæ in eis sunt, te invoco & reclamo, & invito te super me miserrimum, quia tu dignatus fuisti dicere: Quodcumque petieritis à Patre in nomine meo, hoc faciam. Ergo ego te peto, quia in te confidit anima mea. Cumque per ordinem legeretur, ventum est ad locum, ubi dicebat: Precor vos, & conjuro vos, & supplico me ad vos, Angele Uriel, Angele Raguel, Angele Tubuel, Angele Michael, Angele Inias, Angele Tubuas, Angele Sabaoc, Angele Simiel.

Dum verò hæc oratio sacrilega usque in finem perlecta fuisset; Zacharias Sanctissimus ac Beatissimus Papa dixit: Quid ad hæc, sanctissimi Fratres, respondetis? Sanctissimi Episcopi & venerabiles Presbyteri responderunt: Quid aliud agendum est, nisi ut omnia, quæ nobis relecta sunt, igni concrementur, auctores verò eorum anathematis vinculo percellantur? Non enim nomina Angelorum, præter nomen Michaëlis, sed nomina dæmonum sunt, quæ in suis orationibus invocavit, ad præstandum auxilium sibi. Nos autem, ut à vestro Sancto Apostolatu edocemur, & Divinā tradit auctoritas, non plius, quàm trium Angelorum nomina cognoscimus, id est, Michaël, Gabriël, Raphaël: Alioqui de Mysterio, sub obtentu Angelorum, dæmonum nomina introduxit. Zacharias, Sanctissimus ac Beatissimus Papa dixit: Optimè provisum est à vestra Sanctitate, ut scripta illius omnia igne cremantur. Sed opportunum est, ut in scrinio nostro ad reprobationem & ad perpetuam confusionem ejus referrentur. Nunc verò, quia omnia perlecta sunt, de utrorumque sententia, quorum superius mentio facta est, pertractandum est. Universum Concilium dixit: Aldebertus, cujus nobis actus & nefaria commenta relecta sunt, quia se Apostolum censuit nominare, & capillos atque ungulas suas populis pro sanctuario exhibuit, seducens populum diversis erroribus: & quoniam sub obtentu Angelorum in suo auxilio dæmones invocavit, ab omni officio sacerdotali deponatur, agens pœnitentiam pro commissis, & ampliùs jam populum minime seducat. Sin autem in his erroribus perseveraverit, & populum ampliùs seduxerit, sit ei anathema, & æterno Dei judicio condemnnetur; omnisque, qui ei consenserit, vel ejus secutus fuerit doctrinam, aut adjunctus illi fuerit. Similiter autem & Clemens, qui per suam stulticiam Sanctorum Patrum scripta respuit, vel omnia Synodalia acta parvipendit, inferens etiam Christianis Judæismum, dum prædicat, fratris defuncti uxorem posse in matrimonio jungi, insuper & Dominum Jesum Christum descendentem ad inferos, pios & impios simul inde abstraxisse; ab omni etiam sacerdotali officio deponatur, & anathematis vinculo obligetur: atque nisi resipuerit, æterno Dei judicio condemnnetur,

vel etiam omnes, qui ejus sacrilegis consenserint prædicationibus.

SUBSCRIPTIONES.

Zacharias, Episcopus Sanctæ DEI Catholicæ, atque Apostolicæ urbis Romæ, his gestis atque sententiæ, à nobis promulgatis subscripsi.

Epiphanius, Episcopus Sanctæ Ecclesiæ Silvæ candidæ, his gestis atque sententiæ à nobis promulgatis subscripsi.

Benedictus, Episcopus Sanctæ Ecclesiæ Nomentanæ, his gestis atque sententiæ à nobis promulgatis subscripsi.

Venantius, Episcopus Sanctæ Ecclesiæ Prænestinæ, his gestis, atque sententiæ à nobis promulgatis subscripsi.

Gregorius, Episcopus Sanctæ Ecclesiæ Portuensis, his gestis, atque sententiæ à nobis promulgatis subscripsi.

Nicetas, Episcopus Sanctæ Ecclesiæ Gabinatis, his gestis, atque sententiæ à nobis promulgatis subscripsi.

Theodorus, Episcopus Sanctæ Ecclesiæ Ostiensis, his gestis, atque sententiæ à nobis promulgatis subscripsi.

Gratiosus, Episcopus Sanctæ Ecclesiæ Veliternensis, his gestis, atque sententiæ à nobis promulgatis subscripsi.

Joannes, Archi-Presbyter tituli Sanctæ Susannæ, his gestis, atque sententiæ à nobis promulgatis subscripsi.

Gregorius, humilis Presbyter Sanctæ Romanæ Ecclesiæ tituli Sancti Clementis, his gestis, atque sententiæ à nobis promulgatis subscripsi.

Stephanus, Dei gratiâ Presbyter Sanctæ Romanæ Ecclesiæ tituli Sancti Marci, his gestis, atque sententiæ à nobis promulgatis subscripsi.

Stephanus, indignus Presbyter Sanctæ Romanæ Ecclesiæ tituli Sancti Eusebii, his gestis, atque sententiæ à nobis promulgatis subscripsi.

Dominicus, humilis Presbyter Sanctæ Romanæ Ecclesiæ tituli Sanctæ Priscæ, his gestis, atque sententiæ à nobis promulgatis subscripsi.

Theodorus, humilis Presbyter Sanctæ Romanæ Ecclesiæ tituli Sancti Laurentii, his gestis, atque sententiæ à nobis promulgatis subscripsi.

Anastasius, indignus Presbyter Sanctæ Romanæ Ecclesiæ tituli Sanctæ Mariæ, his gestis, atque sententiæ à nobis promulgatis subscripsi.

Georgius, humilis Presbyter Sanctæ Romanæ Ecclesiæ tituli Sanctorum Joannis

nis & Pauli, his gestis, atque sententiæ à nobis promulgatis subscripsi.

Sergius, humilis Presbyter Sanctæ Romanæ Ecclesiæ tituli Sanctæ Potentianæ, his gestis, atque sententiæ à nobis promulgatis subscripsi.

Jordanes, indignus Presbyter Sanctæ Romanæ Ecclesiæ tituli Sanctæ Sabinæ, his gestis, atque sententiæ à nobis promulgatis subscripsi.

Theophanius, humilis Presbyter Sanctæ Romanæ Ecclesiæ tituli Sanctorum quatuor Coronatorum, his gestis, atque sententiæ à nobis promulgatis subscripsi.

Leo, indignus Presbyter Sanctæ Romanæ Ecclesiæ tituli Sanctæ Anastasiæ, his gestis, atque sententiæ à nobis promulgatis subscripsi.

Leo, humilis Presbyter Sanctæ Romanæ Ecclesiæ tituli Damasi, his gestis, atque sententiæ à nobis promulgatis subscripsi.

Gregorius, indignus Presbyter Sanctæ Romanæ Ecclesiæ tituli Sanctæ Balbinæ, his gestis, atque sententiæ promulgatis subscripsi.

Stephanus, Presbyter Sanctæ Romanæ Ecclesiæ tituli Sancti Chrysogoni, his gestis, atque sententiæ à nobis promulgatis subscripsi.

Eustachius, humilis Presbyter Sanctæ Romanæ Ecclesiæ, his gestis, atque sententiæ à nobis promulgatis subscripsi.

Procopius, indignus Presbyter Sanctæ Romanæ Ecclesiæ tituli Sancti Cyriaci, his gestis, atque sententiæ à nobis promulgatis subscripsi.

Huic anno congruit Indictio XIV. Mense Octobri. Constantini autem annorum duplex epocha memoratur. Prior, ex quo cum Leone Isauto Patre regnare ceperat, XII. Kalendas Majas, anno DCCXX. Altera annorum, quibus post Patris obitum solus imperabat, ex die XIV. Kalendas Julias, Indictione IX, id est, Anno Christi DCCXLI. Quamquam enim hoc loco non imperii annos computat, sed post consulatum, res eodem recidit: quia Constantinus paucis diebus post imperii natale consulatum dedisse videtur, sicut de Patre dictum est. Quare ad hanc normam exigendæ sunt reliquarum quoque Epistolarum Subscriptiones. *Annotatio P. Sirmondi.*

Serarius inter Epistolas Bonifacianas hoc Concilium edidit. Ex quo Binius Tomi III. Concilior. Parte I. & ex eo Synodographi.

EPISTOLA
G E M M U L I
DIACONI ECCLESIAE ROMANÆ
AD BONIFACIUM ARCHI-EPISCOPUM.

De actis in Synodo Romana contra Aldebertum & Clementem.

Domino Sanctissimo, Apostolorumque meritis decorato Bonifacio Archi-Episcopo, Gemmulus indignus Diaconus Sanctæ Sedis Apostolicæ.

Summis & Deo amabilibus apicibus Sacceptis, cum magno & omni quo concedet honore & veneratione relegi. Et quia post tot tempora merui ex vestris syllabis visitari, omnipotenti Deo nostro gratias egi, qui me indignum famulum suum etiam vestra lætificavit incolumitate. Igitur omnia, quæ nobis per nunc directas litteras præcepistis, ut Dominus vires donare dignatus est, adimplemus.

Sed & ea, quæ Domino Apostolico suggestistis, per nos sunt suscepta & annuntiata, atque relecta: & vos ea pertractantes omnia scripta, quæ vobis ab eo directæ sunt, à nobis esse dictata juxta vestram voluntatem cognoscite. Sed &, quod vos non sperabatis fieri, suggestimus: & facta est SYNODUS sacerdotum, præidente Domino Apostolico: & relecta est Sacrilega illius *Aldeberti* nefandiss.

sandissimi vita, & omnia opuscula illius coram Synodo, pariter & Epistola Sanctissimæ Paternitatis vestræ, ubi de illo, & de *Clementis* dementia suggestistis: & sic gestis peractis sententia anathematis in eos promulgata est, vel in omnes, qui eorum nefandam secuti sunt sectam: cuius instar vobis à Domino Apostolico directum est. Et hæc coram præsentia præsentis Patris nostri, Deneardi, venerabilis Presbyteri acta sunt: & ipse vobis ore proprio poterit enarrare, quod omnia ista per nos acta sunt. Nam pro certo cognoscite, Sanctissime Pater, quia in omnibus paratum me offero, vestris obtemperaturum præceptis. Scio enim, quia vestris orationibus ad jutus, erutus sum à tentationibus inimici, & misertus Dominus suo famulo medelam tribuit: & diversis infirmitatibus circumdatus, quamquam indignus, illud Apostoli sequor consolationis donum, quo ait: *Dum infirmor (a) tunc potens sum. Et libenter gloriabor in infirmitatibus meis, ut inhabitet in me per vestras sanctas preces virtus Christi.* Venerandas namq; sorores nostras, &

(a) II. Corinth. XII, 9, 10.

Dei ancillas, quæ apud limina Sanctorum Principum Apostolorum properaverunt, quas etiam nobis vestra Sancta Paternitas commendare iussit, in quantum Dominus vires donare dignatus fuerit, curam earum habemus propter vestram sanctam præceptionem. Benedictionem etenim, quam nobis direxistis, suscepimus; id est, poculum argenteum, & Sindonem unam, quam in duplici suscepimus benedictione, eo quod à tanto Patre meruimus visitari. Et licet tribuere non valeamus, tamen ad vicem caritatis, cum magna reverentia direximus cinnamomum uncias quatuor, costum uncias quatuor, piper libras undecim, cozum brem libram unam. Quæ peto, ut absque injuria suscipere jubeatis, & ut pro nobis orare dignemini, omnino depono. Incolumem Sanctissimam Paternitatem vestram Divina conservet Majestas orantem pro nobis, Domine, & meritis Apostolorum decorete Pater.

Inter editas à Suario Bonifacii Epistolæ hæc est CXLVIII.

SYNODALIS CONVENTUS

DECRETA

SUB S. BONIFACIO.

Excerpta ex Epistola CV.

Spiritualis affinitatis necessitudine copulando Fratri, Archi-Episcopatus infulâ sublimato, Coepiscopo (a) CUDBERTHO, Bonifacius Legatus Germanicus Catholicæ Apostolicæ Romanæ Ecclesiæ optabilem in Christo charitatis salutem.

Scriptum est in libro Salomonis: *Beatus (b) homo, qui invenit amicum.* POST ALIA. Major enim nobis sollicitudo Ecclesiarum, & cura populorum propter pallia credita & recepta: quam cæteris Episcopis, qui proprias tantum procurant Parochias, incumbit. Propterea, charissime, non quia vestræ prudentiæ opus sit rusticitatis nostræ statuta audire vel legere, sed propter bonam &

humilem, & sanctam voluntatem vestram, putamus vos libentius scire vel le, quam nescire, quæ hic sacerdotes nobiscum servanda decreverunt, vobis emendanda & corrigenda destinamus.

Decrevimus autem in nostro Synodali Conventu, & confessi sumus fidem Catholicam & unitatem, & subjectionem Romanæ Ecclesiæ, sine tenus vitæ nostræ velle servare sancto Petro, & Vicario

(a) Cuthbertus, Dorobernensis in Anglia Archi-Episcopus.

(b) Ecclesiastici XXV, 12.

cario ejus velle subjici : Synodum per omnes annos congregare : Metropolitanos pallia ab illa sede quarere , & per omnia præcepta Petri canonicè sequi desiderare , ut inter oves sibi commendatas numeremur . Et isti confessioni universi consensimus , & subscripsimus , & ad corpus Sancti Petri Principis Apostolorum direximus : quod gratulando Clerus & Pontifex Romanus suscepit .

Statuimus , ut per annos singulos Canonum decreta , & Ecclesiæ jura , & norma regularis vitæ in Synodo legantur , & recuperentur .

Decrevimus , ut Metropolitanus , qui sit pallio sublimatus , hortetur cæteros , & admoneat , & investiget , quis sit inter eos curiosus de salute populi , quisque negligens servus Dei .

Venationes , & Sylvaticas vagationes cum canibus , & ne accipitres , & falcones habeant , prohibuimus .

Statuimus , ut per annos singulos unusquisque Presbyter Episcopo suo in quadagesima rationem Ministerii suireddat , sive de fide Catholica , sive de baptismo , sive de omni ordine Ministerii sui .

Statuimus , ut singulis annis unusquisque Episcopus Parochiam suam circumceat , populum confirmare , & plebem docere , & investigare , & prohibere paganas observationes , vel omnes spurcicias gentilium .

Interdiximus servis Dei , ne pompato habitu vel sagis , vel armis utantur .

Statuimus , quòd proprium sit Metropolitanò juxta Canonum statuta , subjectorum sibi Episcoporum investigare mores , & sollicitudinem circa populos , quales sint ; & moneat , ut Episcopi à Synodo venientes , in propria Parochia cum Presbyteris & Abbatibus conventus habentes , præcepta Synodi servare insinuando præcipiant : & unusquisque Episcopus , si quid in sua Dicecesi corrigere vel emendare nequiverit , ibidem in Synodo coram Archi-Episcopo & palam omnibus ad corrigendum insinuet : eodem modo , quo Romana Ecclesia nos ordinatos cum Sacramento constrinxit , ut si sacerdotes vel plebes à lege Dei deviassè viderim , & corrigere non potuerim ; fideliter semper Sedi Apostolicæ & Vicario Sancti Petri ad emendandum indicaverim . Sic enim , ni fallor , omnes Episcopi debent Metropolitanò , & ipsi Romano Pontifici , si quid de corrigendis populis apud eos impossibile est , notum facere : & sic alieni fient à sanguine animarum perditorum : &c .

Epistola CV. inter Bonifacianas à Seravia editas. unde Synodographi.

EPISTOLA ZACHARIÆ PAPÆ

AD FRANCOS ET GALLOS.

Anno Christi DCCXLV. Zachariæ Papæ IV.
Childerici III. Regis III.

Laudat eos ob ea , quæ in Synodo rectè fuerunt constituta , hortaturque ut Bonifacii monitis obtemperare pergant.

Zacharias Papa universis Episcopis , Presbyteris , Diaconibus , Abbatibus , cunctis etiam Ducibus , Comitibus , omnibusque Deum timentibus , per Gallias , & Francorum Provincias constitutis .

R Eferente nobis Bonifacio Reverentissimo , atque Sanctissimo Fratre nostro Episcopo , quod , dum SYNODUS congregata esset in Provincia vestra ,

stra, juxta nostram communionem, mediantibus filiis nostris, PIPPINO, & CARLOMANNO Principibus vestris, peragente etiam vicem nostram præfato BONIFACIO, Dominus inclinasset corda sua cum Principibus vestris in prædicationem ejus, ut omnibus communionibus ejus obediretis, & falsos & schismaticos, & homicidas, & fornicarios à vobis expelleretis sacerdotes, omnipotenti Deo nostro gratias egimus, & pro vobis incessanter sumus orantes, ut, qui *cepit in vobis opus bonum, perficiat* (b) *usque in finem*. Obsecro enim vos omnes coram Deo, ut ejus communionibus firmiter obediatis. Ipsum enim vice nostrâ in partibus illis ad prædicandum constitutum habemus, ut vos Deo propitio ad viam perducatur reformationis, & à cunctis facinoribus salvi esse possitis. Habuistis enim peccatis facientibus nunc usque falsos & erroneos sacerdotes, unde & cunctæ Paganæ gentes vobis pugnantibus prævalebant, quia non erat differentia inter laicos & Sacerdotes, quibus pugnare licitum non est. Qualis enim victoria dari potest, ubi sacerdotes unâ horâ Dominica pertractant mysteria, & Christianis corpus Dominicum porrigunt pro suarum animarum redemptione: & postea Christianos, quibus hoc ministrare debuerant, aut Paganos, quibus Christum prædicare, propriis, sacrilegisque manibus necant? Et fit secundum Domini verbum: *Vos estis sal* (c) *terre, quod si sal evanuerit, in quo condietur? ad nihilum valet ultra, nisi ut mittatur foras, & conculcetur ab hominibus*. Et dum hæc ita sunt,

& tales in vobis fuerint sacerdotes, quomodo victores contra inimicos vestros esse poteritis? Nam si mundos & castos ab omni fornicatione, & homicidio liberos habueritis sacerdotes, ut sacri præcipiunt canones, & nostrâ vice prædicat præfatus Bonifacius frater noster, & ei in omnibus obedientes exstiteritis, nulla gens ante vestrum conspectum poterit stare, sed corruent ante faciem vestram omnes Paganæ gentes & eritis victores, insuper & bene agentes vitam æternam possidebitis. Vos autem Fratres carissimi, qui estis vel sacerdotes, vel sub regulari disciplina constituti, sic vos metipsum exhibetè, ut certè *Ministros Dei* (d) *& Dispensatores mysteriorum Dei*, ut non vituperetur ministerium nostrum, ne fiat in vobis, sicut scriptum est: *Erit sicut populus* (e) *sic Sacerdos*. Et si hoc fuerit, qualis vobis erit ab hominibus laus, aut qualis à Deo expectetur retributio? Sed sic vos corrigite, ut veri sacerdotes: & tales ad sacerdotium perducite, ut & vobis, & illis testimonium maneat bonum ab his, qui foris sunt: quatenus ab hominibus vobis acquiratis laudem, & à Deo mercedis præmium in æterna beatitudine percipere mereamini, eo quod per vos ad Christi rectam fidem perducti multi sunt, innoxios habentes sacerdotes. Ad Synodum namque omni anno convenite ad pertractandum de unitate Ecclesiæ, ut si quid adversi acciderit, radicatus amputetur, & Dei Ecclesiæ maneat inconcussa. Bene valete.

Inter editas à Serario CXXXVII

(b) Philipp. 1, 6.

(d) I. Corinth. IV, 1. II. Corinth. V, 3.

(c) Matth. V, 13.

(e) Isaia XXIV, 2.

EPISTOLA (a)
ZACHARIÆ PAPÆ
AD S. BONIFACIUM.

Reverendissimo & Sanctissimo Fratri Bonifacio,
Coepiscopo, Zacharias Servus Servorum Dei.
Anno Christi DCCXLV. Zachariæ Papæ IV.
Childerici Regis III.

(a) Est hæc CXXXVIII, inter editas à Serario, Apud Harduinum IX. inter Zacharianas, post Concilium Romanum scripta.

Rescribit ad ternas ejus literas. I. De censu annuo undecim denariorum Ecclesiis pendendo à singulis conjugis servorum.

2. De actis in Synodo Romana contra Aldebertum & Clementem.

3. De Metropolitana Sede Coloniae S. Bonifacio confirmandæ.

Cùm nobis Sanctissimæ Fraternitatis tuæ syllabæ delatæ fuissent, arque per singula relegifecissemus, reperimus in earundem litterarum tuarum serie, quoddam peccatis nostris facientibus, dum Dominici tritici semina quæreres elaborare, ad augendam segetem spiritalem, subito inimici superfeminaverint zizania, ut Sanctitatem tuam in bono opere impedirent. Sed tua Sancta Fraternitas incessanter orationi instet pariter cum fratribus, qui tecum laborant: & spiritales sarculos construens zizaniæ eradicans deportes ad comburendum. Ut Beatus Gregorius (b) Papa bonum, inquit, opus vobis sit in voluntate: nam ex divino adjutorio erit in perfectione. His ita se habentibus, charissime frater, confortare in Domino, & ipse erit adjutor tuus. De incurfione autem gentium, quæ in tuis plebibus facta est, mœrendum nobis est: sed hæc adversitas nullatenus tuam fraternitatem conturbet: quia & Romana civitas ex accidentibus facinoribus est depopulata; & tamen omnipotentia sua Dominus ex supernis eam dignatus est consolari. Sic etenim credimus, quia & vos consolabitur. Sed populis tibi commissis, reverentissime frater, prædica jejunium, supplicationes apud Deum Litaniarum, & supereminens clementia ejus adjuvabit vos. Te autem, ut prædiximus, nullatenus adversa conturbent: sed in bono opere, quod cœpisti, nullo modo deficias. Nos verò licet immeriti & peccatores existamus, nostris precibus vel Confacerdotum nostrorum, in quantum possumus, adjuvamus.

De Synodo autem congregata apud Francorum Provinciam, mediantibus Pippino & Carolomanno Excellentissimis filiis nostris juxta syllabarum nostrarum communionem peragente vicem nostram tuâ Sanctitate, qualiter egisses, cognovimus, & omnipotenti Deo nostro gratias egimus, qui eorum corda confirmavit, ut in hoc pio opere adjutores existerent. Et omnia optimè

& Canonicè peregristi tam de falsis Episcopis & fornicariis, & schismaticis, quam & in reliquis nomine sacerdotibus contra Canonum instituta agentibus, vel contra Catholicam & Apostolicam Dei Ecclesiam, de quibus secundum tuam relationem per singula respondemus.

De eo autem, quod suggessisti, quoddam elegerunt unam civitatem omnes Francorum Principes pertingentem usque ad Paganorum fines, & in partes Germanicarum gentium, ubi antea prædicasti, quatenus ibi sedem Metropolitanam perpetuo habere debeas, & inde cæteros Episcopos instruere ad viam rectitudinis & post tui successores perpetuo jure possideant, hoc quod decreverunt, nos læto suscipimus animo, eo quod ex Dei nutu factum est. Quod verò quidam falsi sacerdotes & schismatici hoc impedire conati sunt, eorum vanum agone Dominus dissipabit, & illa faciet stabilita, quæ Sanctorum Patrum statutis conveniunt concordare. Et quia tibi ipsi Principes Francorum etiam in hoc adjutores extiterunt, retribuat illis omnipotens Deus vicissitudinis præmium, & innumera largiatur bona.

Nam de illo similiter falso Episcopo (c) quem dixisti, quoddam adulterati Clerici, & homicidæ filius, in adulterio natus, & absque disciplinâ nutritus: & cætera mala & horribilia, quæ per singula enarrasti, ac per hoc is sui similes sacerdotes consecravat; de hoc meministi tua Reverenda Fraternitas, quia jam tibi sæpius scripsimus, ut nullus homicida, nullus adulter, nullus fornicator sacrum ministerium debeat tractare: sed neque ex poenitente quis, aut talis qualem Sacri Canones prohibent esse sacerdotem.

De baptizatis verò ab illis, seu Ecclesiis consecratis requirit tua fraternitas, si aut Ecclesias in nomine TRINITATIS consecravat, aut parvulos similiter baptizavit, dum sacerdotio fungebatur, & sic consecratio Ecclesiarum, & parvulorum baptisma sit confirmatum.

Et

(b) Gregorius II. Epistolâ I. ad Bonifacium.

(c) Gewilieb Moguntinus anno 745. in Synodo sexta Bonifaciana, uti Eckhartus autumat, depositus. *Tomo I. rerum Franc. Lib. XXIII. N. LXXXI.*

Et hoc pariter suoggeffisti, quod hi, qui antè projecti sunt sacerdotēs, à nobis se absolutos apud Francorum Provinciam divulgent. Quod tua Sancta Fraternitas nullo modo credat. Quia (quod impossibile est) si hoc fecissemus, tuæ charitati per nostras indicissemus litteras. Sed hoc, quod impossibile; nullo modo credas. Quia non aliud prædicamus, & aliud agimus & dirigimus, ut illi garriunt: sed, auxiliante Deo, illud, quod prædicamus, finetenus observandum censemus. Hoc autem sanctitatem tuam, firmissimè ut teneas, hortamur, ut Sanctorum Patrum institutis, & Consultis Sacrorum Canonum omnimodo obsequi debeas: quia nos nullatenus aliud prædicamus, aut aliud agimus.

Nam de eo quod obsecrasti, ut Francorum Principibus scriberemus, vel cæteris Francis, ut petisti, eis per singula scripsimus: ut tibi & amici sint, & adiutores in Dominico opere existant.

De censu verò expetendo, eo quod impetrare à Francis ad reddendum Ecclesiis vel Monasteriis non potuisti, quàm ut in vertente anno ab unoquoque conjugio servorum duodecim denaria redantur, ex hoc gratias ago Deo, quia hoc potuisti impetrare, & dum Dominus donaverit quietem, augentur & luminaria Sanctorum pro eo, quod nunc accidit tribulatio, Saracenorum, Saxorum, vel Fresonum, sicut tu ipse nobis innotuisti.

De eo namque quod interrogasti, quod illi, qui depositi sunt pro capitalibus peccatis de gradu sacerdotali, dum eos reperisses adulteros, homicidas, ut nec sacerdotes, nec Clerici esse possint, nec sub poenitentia Monachi esse volunt, sed pergentes apud palatium Regis Francorum rogant, ut eis loca tribuat Ecclesiarum, vel Monasteriorum, ut laicam vitam vivant, dispergentes Sanctorum loca, sed & de hoc pariter qualiter fieri debeat, Francorum Principibus commonentes direximus.

In alia quippe tua Epistola reperimus contineri omnia, quæ contra te egerunt falsi & schismatici Episcopi, id est, ALDEBERTUS & CLEMENS, per quæ, omnia acta ipsorum, & impiissimum errorem singillatim indicasti. Nos verò congregatis fratribus, & confacerdotibus nostris, eorundem pravorum sceleratissima acta in eorum præsentia relegi feci-

mus: & dum nobis coram Concilio relecta fuissent, pio studio omnes eadem schismatica dogmata ipsorum, seu sceleratissimam vitam, quam sibi Aldebertus conscribere fecit, unâ voce exclamaverunt, ut igni cremarentur. Sed nos hoc non fieri rectum judicavimus, pro eo, quod ad reservandum, five in æternum eos condemnandum, in scrinio Sanctæ Ecclesiæ reservanda mandavimus, suscipientes ipsi dignam sententiam: cujus instar actionis, ad tuam direximus Fraternam Sanctitatem, ut relecta in Provincia Francorum omnis schismaticus audiens taliter à Sancta DEI Catholica & Apostolica Ecclesia judicatum, à sensus sui pravitate respiscat.

In Tertia tua namque Epistola intimafti de alio seductore, nomine Geoleobo, qui antea falso Episcopi honoreungebatur, & quia, sine cuiuscunque consulti, apud nos properat, dum adveniret, ut Domino placuerit, fiet. Tua autem reverentia, ut cœpit, auxiliante Domino, vice nostrâ volumus, ut omni anno, apto tempore, in Francorum Provincia, Concilium debeat celebrare: ut frequentia sacerdotum, five institutis sacrorum mediantibus, illic quid adversum nullo modo valeat pullulare: sed magis Ecclesiæ Dei unitas, & disciplina Catholica atque Apostolica ubique in illis partibus dilatata cunctæ populorum turbæ etiam, in occiduis partibus, veri Catholici esse possint: & non amplius per falsos Sacerdotes erroribus involuti demergantur in interitum. Dum verò Concilium aggregaveris; sic tua Fraternitas conflictum habeat cum Metropolitanis, quos confirmavimus, de eo, quod dixisti, ut nullus sine commendatiis suscipiatur epistolis. Tamen & pro hoc ipso, & pro omnibus utilitatibus Sanctæ Ecclesiæ, Francorum Principibus, commonitionis direximus litteras: ut jam superius fati sumus. De civitate namque illa, quæ nuper AGRIPPINA vocabatur, nunc verò COLONIA, juxta petitionem Francorum, per nostræ auctoritatis præceptum, nomini tuo Metropolim confirmavimus, & tuæ Sanctitati direximus, pro futuris temporibus, ejusdem Metropolitanæ Ecclesiæ stabilitatem. Deus te incolumem custodiat Reverendissime & Sanctissime Frater. Data pridie Kalend. Novemb. Imperante Domino piissimo Augusto Constantino,

à Deo coronato, magno Imperatore anno XXVII. Imperii ejus anno quinto, Indictione quarta & decima.

Pagius refert hanc Epistolam ad annum C. 745: sed annum Constantini Copronymi XXVI. numerat, & Indictionem XIII.

Coloniam S. Bonifacio Metropolim destinatam fuisse in Synodo Sueffionensi autumat Cl. Eckhartus, Libro XXIII. N. LXXXV. imò *erectam* Metropolim ad annum 745. sed Literæ Zachariæ nil aliud faciunt nec scribunt, quàm quòd Bonifacio hætenus regionatio Episcopo ab 723. ad 745. nunc sit *confirmata* Metropolis Colonia, uti ordinaria Cardinalis Sedes.

SYNODUS ^(a) IN PROVINCIA FRANCORUM

LOCO INCERTO.

Anno Christi DCCXLV. Zachariæ Papæ IV.
Childerici tertii Regis III.

SEXTA SUB S. BONIFACIO PRÆSIDE.

Interfuere huic Synodo Episcopi octo, Bonifacius Legatus Germanicus Romanæ Ecclesiæ, Wevera, ^(b) Episcopus Buraburgensis, Burckhart Wurzburgensis, Warbert ^(c) Senonensis Archi-Episcopus, Abel Remensis Archi-Episcopus, Willibaldus Eichsterensis. Id colligitur ex Epistola XIX. Bonifaciana ad Ethelbaldum Regem Merciorum scripta ab octo Episcopis natione Anglis.

ACTA SYNODI.

1. *In hac Synodo Adelbertus & Clemens damnati denuo fuere.*
2. *Gerviliebus, Moguntinus Antistes, qui post patratum anno superiore homicidium nihilominus sacra tractaverat, Episcopali gradu dejectus fuit.*

Pars prima & secunda probantur ex Othlono, quo Surius & Serarius usi sunt: & ex Serario. *Har- duinus Tomo III. p. 1933.*

Cùm ita Carlomanno jubente, & Bonifacio consulente, SYNODUS haberetur, multi illi non solum Clerici quilibet hæreticâ pravitare infecti extra Ecclesiæ communionem pellebantur, sed etiam Episcopi capitalium criminum maculis infames deponebantur. Totius autem erroris, qui tum in Germania grassabatur, præcipui autores duo fuere hæretici, CLEMENS & ALDEBERTUS; de quibus postea, cùm Epistolas ad Zachariam Pontificem datas protulerimus, opportuniùs dicetur. In iis enim illorum hæresis exitialis commemoratur. Depositus est etiam tunc GERVILIO,

Moguntinæ Sedis Antistes; cujus quidem depositionis hæc causa fuit.

Eâ tempestate Saxonibus Thuringiam vastantibus, ejus Provinciæ homines Carlomanni opem implorabant. Ille mox exercitum misit, & cum eo Geroldum Moguntinum Episcopum, Gervilioni Patrem. In ipso autem conspectu Geroldus cum plerisque aliis cæsus est. Gervilio verò filius ejus, qui tum adhuc Laicus in palatio versabatur, in Clerum asciscitur leniendi doloris causâ, quem ex Parris morte conceperat; eidemque in Moguntino Pontificatu subrogatur. Non diu post Carlomannus rursus colli-

(a) Cl. Eckhart Historiæ Wurtzeburgensis L. XXIII. §. LXXXI. hanc Synodum sextam ex vita S. Bonifacii colligit. Serarius tertiam L. III. C. XXIV. *Hist. Mogunt.* Sex hic tantum nominantur Episcopi: Duorum reliquorum Episcoporum nomina planè ignorati, idem Eckhartus affirmat.

(b) Witta: corrigendum.

(c) Warbert pro Hardeberto.

git militem, proficiscitur contra Saxones, Gervilionem secum ducit.

Exercitu utroque ultra citràque ripam fluminis (b) Wisaraha confidente, Gervilio jubet puerum suum ire ad hostium castra, diligenter illic inquirere nomen ejus, qui patrem ipsius interfecerat. Abit puer, discit ex quodam, non longè abesse eum, quem quæreretur: rogat, ut ad Domini sui colloquium properare velit. Venit ille, & adventus ejus denuntiatio, paratis equis, Episcopus Gervilio ei præcedit obviam, & cum in medio flumine inter se colloquerentur, Gervilio clam ferens gladium, hominem confodit, ita dicens: Accipe jam ferrum, quo Patrem vindico charum. Ille mox ex equo corruens, in flumine exhalat spiritum. Repente autem ejus comperita cæde, sublato clamore utrimque ad arma concurrunt. Fit pugna atrox,

Saxonibus victis, Carlomannus ad sua se recipit, nemine tum id, quod Gervilio fecerat, pro homicidio ei imputante. Itaque reversus domum, perrexerat solito more Episcopi munia obire.

At Sanctus Præsul Bonifacius inter cætera hoc etiam in Synodo pronuntiavit: Neminem, qui hominis cæde pollutus sit, sacerdotio fungi posse. Tum etiam objecit ei, suis se conspexisse oculis, illum cum avibus & canibus ludentem, quod Episcopo fas non esset. Gervilio his auditis, sentiens se nullo pacto contra stimulum vel sæcularis potentiae, vel canonice auctoritatis, quæ per Sanctum Bonifacium in præfentes omnes proferebatur calcitrare posse; omnium de se calculis subscripsit, & exauctoratus est.

Surius ad diem V. Junii.

STATUTA (c) QUÆDAM S. BONIFACII ARCHIEPISCOPI MOGUNTINI & MARTYRIS.

Sunt hæc Statuta, vel in hujus anni, vel alterius anni Synodo à S. Bonifacio edita & promulgata.

S. BONIFACIUS ARCHIEPISCOPUS.

Compellimur quoque Statuta Canonum in hoc observare.

I. Ut (d) nullus Presbyter creditam sibi Ecclesiam sine consensu Episcopi derelinquat, & laicorum suasionem ad aliam transeat.

II. Ut (e) nullus Presbyter sacra mysteria, nisi in locis consecratis pro contemptu Ecclesiæ agere præsumat.

III. Ut (f) nullus Presbyter in Ecclesia consecrata aliud altare erigat, nisi quod ab Episcopo sanctificatum est, ut sit discretio inter sacratum, & non sacratum.

IV. Ut Presbyteri sine sacro Chrismate, & Oleo benedicto, & salubri Eucharistia alicubi non proficiscantur. Sed ubicumque vel fortuito requisiti fuerint, ad officium suum statim inveniantur parati.

K

V. Ut (g) Presbyteri sub sigillo custodiant Chrisma, & nulli sub prætextu medicinæ, vel cujuslibet rei donare præsumant. Genus enim Sacramenti est, non ab aliis, nisi à Sacerdotibus contingi debet: quod si fecerint, honore priventur.

VI. Ut (h) Laici Presbyteros non ejiciant de Ecclesiis, nec mittere præsumant sine consensu Episcoporum suorum.

VII. Ut Laici omnino non audeant munera exigere à Presbyteris, propter commendationem Ecclesiæ cuique Presbytero.

VIII. Ut Presbyteri bene vivere studeant, & ita populum doceant.

IX. Ut (i) unusquisque Episcopus in sua Parochia Presbyteros diligenter inquireat

(b) Visurgis Latinè, nunc Germanis Weser.

(c) Ex vetusta Canonum collectione MS. Corbeienfis Monasterii, edidit Lucas D'acherius, cujus etiam sunt Notæ omnes ad hæc statuta.

(d) Ex Concilii Arelatenfis Canone 21.

(e) Ex Libro VI. Capitularium cap. 198.

(f) Ex Lib. VI. Capitulum C. 199. sequens quantum ex eodem Cap. 175. 178.

(g) Concilii Arelatenfis VI. Cap. 18. Concil. Moguntini Can. 27.

(h) Ex Concilii Moguntini II. Cap. 29. laudar Ivo parte III. cap. 87. uti & cap. VI. sequens ex eodem.

(i) Concilii Moguntini Cap. 31. Arelatenfis VI. Cap. 24.

quirat, unde sint. Et si quem fugitivum invenerint, ad suum Episcopum redire faciat.

X. Qui (k) relicto suo Episcopo ad alium convolat, degradetur.

XI. Ut Abbates & Abbatissæ sic castè vivant, ut subiectos, subiectasque illorum vel illarum exemplum ostendant sanctæ conversationis. Quod si non fecerint, ab Episcopo corrigantur. Si autem Episcopum minimè audierint, Episcopus Imperatori indicare faciat.

XII. Ut (l) diligenter unusquisque Episcopus in sua Parochia prævideat, ut, ubi Monasterium Monachorum fuerit, si regulariter vivant, & monachicè: ubi autem canonica vita fuerit, bene & canonicè vivant.

XIII. Ut Episcopi puellarum Monasteria diligentissimè perferutentur: quomodo primum ipsa Abbatissa, si se contineat, aut castè vivat, deinde seu diligenter discutiantur Nonanæ, ne adulterium & fornicationes faciant. Et hoc à Præpositis Monasteriorum summopere inquiratur.

XIV. De Monasteriis Puellarum. Ut Presbyteris opportuno tempore ad Missarum solennia liceat illic advenire, & iterum ad proprias Ecclesias redire.

XV. Ut plus non mittantur in Monasterio Canonicorum atque Monachorum, seu puellarum, quàm sufficere possint.

XVI. Ut unusquisque (m) Episcopus in sua Parochia diligenter discutiat suos Presbyteros, & faciat, ut illorum signacula & baptisteria bene faciant, & edoceant Presbyteros, quid in illo baptisterio unumquodque verbum vel sententia per se significet.

XVII. Ut unusquisque Presbyter à suo Episcopo discutatur diligenter de sua vita & conversatione, ne omnino feminas secum habeat in sua domo habitantes.

XVIII. Si quis egredietur è corpore, ultimo & necessario viatico minimè privetur.

XIX. Non licet mortuum super mortuum mitti.

XX. Non licet mortuis Eucharisti-

am nec osculum tradi: nec de velis, vel pallis corpora eorum involvi.

XXI. Non licet in Ecclesia choros sæcularium vel puellarum cantica exercere, nec convivia in Ecclesia præparare: quia scriptum est: *Domus mea, Domus orationis vocabitur.*

XXII. Ut viri (n) cum mulieribus balneum non celebrent.

XXIII. Non licet in illo altario, ubi Episcopum missam dixerit, ut Presbyter postea illà die Missam dicat.

XXIV. Non licet vigilià Paschæ ante horam secundam noctis vigiliis perexpedire (quia in ipsa nocte non licet post mediam noctem bibere) nec Natale Domini, nec in reliquis sollemnitatibus.

XXV. Adnuntient etiam Presbyteri omnibus fidelibus sibi subiectis Symbolum, & orationem Dominicam memoriæ commendare; ut fide & oratione Sancto Spiritu illustrante salventur.

XXVI. Adnuntient Presbyteri, ut neque viri, neque feminae de sacro fonte filiolos vel filiolas suscipiant, si non memoriter Symbolum & orationem Dominicam tenuerint.

XXVII. Nullus sit Presbyter, qui in ipsa lingua, quâ nati sunt, baptizandos Abrenuntiationes, vel Confessiones apertè interrogare non studeant, ut intelligant, quibus abrenuntiant, vel quæ confitentur; & qui taliter agere dedignantur, sed (o) cedat in Parochia.

XXVIII. Si de aliquibus dubium est, utrum sint baptizati, absque ullo scrupulo baptizentur: his tamen verbis præmissis: Non te rebaptizo: sed si nondum es baptizatus; Baptizo te in nomine Patris, & Filii, & Spiritûs Sancti.

XXIX. Omnes Presbyteri oleum infirmorum ab Episcopo expetant, secumque habeant: & admoneant fideles infirmos illud exquirere: ut eodem oleo peruncti à Presbyteris sanentur, quia *Oratio Fidei salvabit infirmos.*

XXX. Doceant etiam Presbyteri populum quatuor legitima temporum jejunia observare, hoc est, in mense Martio, Junio, Septembrio, & Decembrio.

XXXI. Et quia variâ necessitate præpe-

(k) Canon. 15. Apostolorum. Canon. 3. Concilii Antiocheni L. VI. Capitulum, C. 247.

(l) Concil. Arelatense VI. C. 6. Moguntinum C. 13.

(m) Eadem in Capitulis datis Presbyteris anno 804. C. 3.

(n) Concilii Laodicensi Canon. & Concilii Antisiodorensis Can. 10. & 11.

(o) Locus corruptus. Acherius legit: *secedat à Parochia.*

præpedimur canonum statuta de reconciliandis pœnitentibus pleniter observare; propterea omnino non dimittatur. Caret unusquisque Presbyter statim post acceptam confessionem pœnitentium, singulos datâ oratione reconciliari. Morientibus verò sine cunctamine communio & reconciliatio præbeatur.

XXXII. Qui pœnitentiam in infirmitate petit, & casu, dum ad eum sacerdos invitatus venit, oppressus infirmitate obmutuerit, vel in phrenesim versus fuerit; dent testimonium, qui eum audierunt, & accipiat pœnitentiam; & si continuo creditur moriturus, reconcilietur per manûs impositionem, & infundatur ori ejus Eucharistia: si supervixerit, admoneatur à supradictis testibus petitioni suæ satisfactum, & subdatur statutis pœnitentiæ, quamdiu sacerdos, qui pœnitentiam dedit, probaverit.

XXXIII. Si quis Presbyter aut Clericus auguria, vel divinationes, aut somnia, sive sortes seu phylacteria, id est, scripturas observaverit, sciat se canonum subjacere vindictis.

XXXIV. Et hoc notum facient Presbyteri omni populo, ut sabbato Pentecostes, sicut sabbato sancto Paschæ, omnes jejunent, & ad Ecclesiam horâ nonâ conveniant, quando sicut vespera stante sabbato sanctæ Paschæ celebratur: & ipsum diem Pentecostes similiter celeberrimum habeant, ut sanctum Pascha.

Dupinius putat, causam dubitandi esse: utrum hæc statuta sint genuinus fœtus S. Bonifacii? eo quod *Statuto* nono dicatur recurrendum esse ad Imperatorem ob eos, qui Episcopum non audierint: cum tempore Pippini nullus Imperator fuerit. Respondent alii critici, Pippinum, cum esset Dux Francorum, jam tum Regem, quin & Imperatorem vocitatum fuisse. Unde ex hoc Capite non videntur abjudicanda hæc statuta S. Bonifacio. *Tomo VI. nova Bibliotheca Auctorum Ecclesiæ, pag. 94.*

Rectius scripsit DUPINIUS eodem loco, volumen de *Unitate Fidei Catholicæ directum universis Episcopis*, Presbyteris, Diaconibus, vel cæteris religiosam vitam degentibus, quod Zacharias Papa laudat Epistolâ CXL, diversum esse ab his statutis, & nunc non superesse.

XXXV. Admoneant etiam unusquisque Presbyterorum publicè plebem ab illicitis connubiis abstinere: & secundum Domini mandatum legitimum conjugium nequaquam posse ullâ excusatione separari, exceptâ causâ fornicationis, nisi cum consensu amborum; & hoc propter servitium Dei.

XXXVI. Adnuntient Presbyteri diebus Dominicis per annum sabbatizandum.

PRIMO MODO.

In Natale Domini viii. Kal. Januarii dies iv.

In Circumcisione Domini Kalendis Januarii diem unum.

In Epiphania viii. Idus Januar. diem unum.

In Purificatione Sanctæ Mariæ iv. Non. Febr. diem unum.

In Pascha Domini post Dominicam dies tres.

In Ascensione Domini diem unum.


In Natale Sancti Joannis Baptistæ viii. Kal. Julias diem unum.

In Passione Sanctorum Apostolorum Petri & Pauli iii. Kal. Julias. diem unum.

In Assumptione Sanctæ Mariæ xviii. Kal. Septemb. diem unum.

In Nativitate Sanctæ Mariæ vi. idus Septembris diem unum.

In Passione Sancti Andreæ Apostoli pridie Kal. Decembr. diem unum.



EPISTOLA ZACHARIÆ PAPÆ

AD BONIFACIUM ARCHI-EPISCOPUM.

Anno Christi DCCXLVII. Zachariæ Papæ VI.

Childerici III. V.

Ut recitentur in Concilio, quæ ad Pipini Capitula rescripsit, discutianturque iterum Aldebertus, Godolfatus & Clemens.

Reverendissimo & Sanctissimo Bonifacio, Coepiscopo,
Zacharias Servus Servorum Dei.

EGregiè nos admonet Beatus Apostolus Paulus, in eo, quod ait. *Imitatores mei estote, sicut & ego CHRISTI.* (a) Hinc est ergo, ut per Spiritale charitatis vinculum, etsi corpore absentes, Spiritu verò semper Fraternali sanctitati tuæ sumus præsentis: ita ut in nostris visceribus te habentes charissimum fratrem, & confacerdotem, licet peccatores, tamen Spe Divinâ freti, assiduè in nostris orationibus memoriam tuâ agere non desistimus: petentes immensam CHRISTI DEI Divinitatem, ut ad peragendum suum te confirmet ministerium: quatenus in diem adventus ejus, illam placabilem merearis exprimere vocem: *Ecce ego & pueri*, (b) *quos dedisti mihi, non perdidisti* (c) *ex eis quenkum.* Ut continuè altisona & desiderabilis vox inter illos, qui ab initio mundi ei placuerunt, consonanter te in illorum invitatione submittat, in qua dicturus est: (d) *Venite Benedicti Patris mei, percipite Regnum, quod vobis paratum est ab origine mundi.* His ita se habentibus, agnoscas charissime, flagitasse à nobis PIPPINUM Excellentissimum, majorem Domûs Gentis Francorum, per suum hominem, nomine Ardobanum, religiosum Presbyterum, aliquanta capitula de Sacerdotali ordine, & quæ ad salutem animæ pertinent: simul etiam & pro illicita copula, qualiter se se debeant custodire juxta ritum Christianæ Religionis, & Sacrorum Canonum instituta. Et quanquam de hoc jam experta sit tua Fraternalis Sanctitas, quæ à nobis sunt decreta, illius tamen vocibus aurem accommodantes, in bre-

vi eloquio conscripta Apostolica documenta direximus: pro quibus, ut in Sacerdotali Collegio Lectioni pandantur, tuam Fraternali Sanctitatem inibi evocari dedimus in mandatis. Et dum pro hac re fuerit aggregatum Concilium; ad medium deducantur sacrilegi illi, & contumaces, Aldebertus, & Godalfacius & Clemens Exepiscopi, ut eorum denuò, subtili indagatione, cribretur causa. Quos si deviantes à rectitudinis tramite ulquequaque reppereritis, & convicti fuerint inclinati ad viam converti rectitudinis, ut bonum atque placitum in oculis vestris paruerit, cum Principe Provinciæ disponite secundum Sacrorum Canonum sancita. Sin autem in superbia perstiterint, contumaciter proclamantes, reos se non esse, tunc cum probatissimis atque prudentissimis sacerdotibus duobus aut tribus prædictos ad nos dirigatis viros, ut profundâ inquisitione coram Sede Apostolica eorum inquiratur causa, & juxta quod meruerint, finem suscipiant. Age itaque, Dilectissime frater, in ministerio tibi commissio, ut ab omnipotente Deo mercedis præmium recipiens æternam vitam consequi merearis. Deus te incolumem custodiat, Reverendissime Frater. Data nonis Januarii, Imperante Domino nostro piissimo Augusto Constantino, à Deo Coronato Magno Imperator. Anno XXVIII. Imperii ejus anno sexto, Indictione. XV. *Id est Christi.* 747.

*Est hæc inter editas à Servatio CXXXIX.
Zachariæ Papæ VIII. apud Harduinum.*

(a) 1. Corinth. II.

(b) Isaïæ VIII, 18. Hebræo. II, 13.

(c) Joannis XVIII, 9.

(d) Matth. 25.

Sequuntur Capitula Zachariæ Papæ ad Pippinum, in Sacerdotali Collegio à S. Bonifacio lectione pandenda, fortè in Concilio Vernensi prælecta.

ZACHARIAS PAPA

Respondet de diversis Capitulis per Ardobanum missis. Anno Christi DCCXLVII. Zachariæ VI. Childerici III. Regis V.

I. De honore Metropolitanorum.

II. De

- II. De damnatis Episcopis, Presbyteris & Diaconis.
- III. De Presbyteris superbientibus.
- IV. De Presbyteris agrorum.
- V. De Monachis ancillis Dei.
- VI. De Viduis non velandis.
- VII. De Laico pellente suam conjugem.
- VIII. De Presbyteris & Diaconis, qui seorsum collectas faciunt.
- IX. De clericis & Monachis, non manentibus in suo proposito.
- X. De Clericis, qui sunt in Parochiis, Monasteriis & Martyriis.
- XI. Qui clerici ab uxoribus abstinere debeant?
- XII. De iis, qui uxores aut viros dimittunt.
- XIII. De Monachis, qui clerici sunt.
- XIV. De Presbyteris & Diaconis in crimen prolapsis.
- XV. De Ecclesiis, quas laici in suis proprietatibus construunt.
- XVI. De clericis, qui suas Ecclesias relinquunt.
- XVII. De Episcopis, qui aliorum clericos suscipiunt.
- XVIII. Qui clerici uxores ducere possint.
- XIX. Ut Presbyteri & Diaconi sine commendatitiis non suscipiantur.
- XX. De Virginibus velatis, si deviaverint.
- XXI. De non velatis virginibus, si deviaverint.
- XXII. De his, quæ duobus Fratribus nupserint, vel, qui duas sorores uxores acceperint.
- XXIII. De his, qui homicidium sponte perpetrant.
- XXIV. De his, qui homicidium non sponte perpetrant.
- XXV. De his, qui adulteras habent uxores, vel ipsi sunt adulteri.
- XXVI. De Monachis & Virginibus propositum non servantibus.
- XXVII. De his, qui suscepto virginitatis proposito nubunt.

Domino Excellentissimo atque Christianissimo Pippino Majori Domûs, seu dilectissimis nobis universis Episcopis Ecclesiarum, & Religiosis Abbatibus, atque cunctis Deum timentibus Principibus in Regione Francorum constitutis, Zacharias Episcopus Sanctæ Dei Ecclesiæ Catholicæ & Apostolicæ Romanæ in Domino salutem. Gratia vobis, & Pax à Deo Patre omnipotente, & Domino Jesu Christo unico Filio ejus, & Spiritu Sancto ministretur.

Gaudio magno gaudemus in Domino, addiscentes per relationem subtilissimi atque à Deo servati prædicti filii nostri Pippini vestram omnium bonam conversationem: & quod ut in bonis & Deo placitis Dispositionibus unanimes atque cooperatores estis, ita & Ecclesiæ

Dei venerabilia loca per universam vestram Provinciam sita, atque eorum Præsules, Sacerdotes & religiosos Abbates, ut condecet, in sancto habitu & conversatione sacerdotali conservetis, vacantes orationibus, insistentes precibus ad implorandam Divinam potentiam.

am, & cœlitus victoriam tribuendam adversus Paganas & infideles Gentes propugnatoribus vestris. Etenim vobis in vera confessione & simplici corde ad Deum accedentibus, sicut Moyses ille amicus Dei orando pugnabat, & Jesu Nave cum populo Israël bella Domini præliando vincebat, ita & vos agere oportet, charissimi mihi: ut sitis adjutores populo vestro orando & bonis actibus inhærendo, declinantes à curis & negotiis secularibus. Scriptum est enim: *Vacate & videte (a) quoniam suavis est Dominus*: Et iterum: *Accedite ad eum & illuminamini, & vultus vestri non erubescunt*. Principes & sæculares homines atque bellatores convenit curam habere & sollicitudinem contra inimicorum astutiam, & Provinciæ Defensionem. Præsulibus verò, sacerdotibus, atque Dei servis, pertinet salutaribus consiliis & orationibus vacare; ut vobis orantibus, & illis bellantibus, Deo præstante, Provincia salva persistat, fiatque vobis in salutem, laudem & mercedem perpetuam. Ex hoc quippe præsulatus vester apparebit in Sanctitate: & Principatus Dilecti Filii nostri PIPPINI approbabitur per subditorum potestatem, & bonum dispositum. Itaque ut flagitavit à nobis cum vestro consilio superius effatus filius noster Pippinus, ut de omnibus capitulis, quibus innotuit, responsum demus, in quantum in Domino valeamus; de unoquoque capitulo inferius conscripsum, juxta quod à Sanctis Patribus traditum habemus, & Sacrorum Canonum sanxit autoritas; etiam nos, quod Deo inspirante Apostolicâ autoritate decernere potuimus, mandavimus in reponsis.

I.

Quomodo honorari debeat Metropolitanus Episcopus coram Episcopis, & Parochialibus Presbyteris. In Canone Sanctorum Apostolorum XXXV. scriptum est: Episcopos gentium singularum scire convenit, qui inter eos primus habeatur, quem velut caput existiment, & nihil amplius præter ejus conscientiam gerant, quàm illa sola singuli, quæ Parochiæ propriæ, & villis, quæ sub ea sunt, competant: sed nec ille præter omnium conscientiam faciat aliquid. Sic enim unanimitas erit, & glorificabitur Deus per Christum in

Spiritu Sancto. Item in Canone Concilii Antiocheni Capitulo IX. continetur ita: Per singulas regiones Episcopos convenit nosse Metropolitanum Episcopum totius provinciæ sollicitudinem gerere; propter quod ad Metropolim omnes undique, qui negotia videntur habere, concurrent. Unde placuit eum & honore præcellere, & nihil amplius præter eum cæteros Episcopos agere, secundum antiquam à Patribus regulam constitutam, nisi ea tantum, quæ ad suam Dicesim pertinent, Possessionesque subiectas. Unusquisque enim Episcopus habet suæ Parochiæ potestatem, ut regat juxta reverentiam singulis competentem, & providentiam gerat omnis possessionis, quæ sub ejus est potestate. Ita ut Presbyteros & Diaconos ordinet, & singula sub Judicio comprehendat. Amplius autem nil agere tenet præter Anulstitem Metropolitanum, nec Metropolitanus aliquid gerat sine cæterorum sacerdotum consilio. Item ex libro de creatorum Beati Leonis Capitulo XXXII. continetur: Igitur secundum Sanctorum Patrum Canones Spiritu Dei conditos, & totius mundi reverentiâ consecratos, Metropolitanos singularum Provinciarum Episcopos, quibus ex delegatione nostra Fraternalitatis tuæ cura prætenditur, jus traditæ sibi antiquitus dignitatis intemeratum habere decernimus: ita ut à Regulis præstitutis nullâ aut negligentia, aut præsumptione discedant; aut in habitu aut incessu Sanctitatis. Nam & nos ab Apostolica autoritate subjungimus, ut Episcopus juxta dignitatem indumentis utatur. Simili modo & Presbyteri Cardinales, & qui in Monastica vita velle habeant vivendi, plebi quidem sibi subiectæ præclariore veste induti debitum prædicationis persolvant, & in secreto propositum servent sui cordis, ut, qui videtur abscondito Deus reddat illis in palam. Scriptum quippe est: *Quæ dicitis in cordibus vestris, & in cubilibus vestris compungimini*. Non enim nos honor commendat vestium, sed splendor animarum. Monachi verò lanea indumenta, juxta normam & regulam monasticæ disciplinæ, atque traditionem sanctorum probabilium Patrum sine intermissione utantur. Si enim abrenuntiantes ea, quæ sæculi sunt, totâ se Deo intentione contulerunt, de omni-

(a) Psalmo XXXIII, 6, 9.

omnibus illicitis debent abstinere, ut quantum corpore suo sustinuerunt laborem, tantum remunerationis præmium à Deo percipere mereantur. Apostolis quippe divinum datum est mandatum, duas tunicas non habendi. Tunicas dixit Christus, utique laneas, non lineas. Qui ergo obedierit Dominico præcepto, bonis actibus inhærens, habebit vitam æternam. Item ex Canone Antiocheni Concilii Capitulo X. de his, qui vocantur Chorepiscopi decretum est: Qui in vicis vel possessionibus Chorepiscopinominantur, quamvis manus impositionem Episcoporum perceperint, & ut Episcopi consecrati sint; tamen Sanctæ Synodo placuit, ut modum proprium recognoscant, & gubernent subiectas sibi Ecclesias, earumque moderate curaque contenti sint: ordinent etiam Lectores & Subdiaconos, atque exorcistas, quibus promotiones istæ sufficiant. Nec presbyterum verò, nec Diaconum audeant ordinare præter civitatis Episcopum, cui ipse cum possessione subiectus est: si quis autem transgredi statuta tentaverit, depositus, quo utebatur, honore privetur. Chorepiscopus verò civitatis Episcopus ordinet, cui subiectus est.

II.

De Episcopis, Presbyteris, & Diaconis damnatis, quod pristinum officium usurpare non debeant, ex libro Canonum Sanctorum Apostolorum Capitulo XXIX. dictum est: Si quis Episcopus, aut Presbyter, aut Diaconus depositus iuste super certis criminibus, ausus fuerit attrectare ministerium dudum sibi commissum, hic ab Ecclesia penitus abscindatur.

III.

De Presbyteris superbientibus, ex Concilio Carthaginensi, Capitulo IX. Si quis Presbyter contra Episcopum suum inflatus schisma fecerit, anathema sit. Ab universis Episcopis dictum est: Si quis Presbyter à præposito suo correptus fuerit, debet utique apud vicinos Episcopos conqueri, ut ab ipsis ejus causa possit audiri, ac per ipsos suo Episcopo reconciliari. Quod nisi fecerit, sed superbiâ, quod absit, inflatus, secernendo se ab Episcopi sui communione subdlexerit, ac separatim cum aliquibus faciens sacrificium Deo obtulerit, anathema habeatur, & locum amittat. Si

querimoniam justam adversus Episcopum non habuerit, inquirendum erit.

IV.

De Presbyteris agrorum, quam obedientiam debeant exhibere Episcopis, & Presbyteris cardinalibus, ex Concilio Neocæsariensi, Capitulo XIII. ita continetur: Presbyteri ruris in Ecclesia civitatis, Episcopo præsentem, vel Presbyteris urbis istius, offerre non possunt, nec panem sanctificatum dare, calicemque porrigere. Si verò absentes hi fuerint, & ad dandam orationem vocentur, soli dare debebunt. Chorepiscopi quoque ad exemplum quidem & formam septuaginta videntur esse; ut cum ministraverint, propter studium, quod erga pauperes exhibent, honorentur.

V.

De Monachis, id est, Ancillis Dei, de quibus flagitatum, si liceat eas ad Missarum solemniam, aut Sabbato Sancto publicè lectiones legere, & ad Missas psallere, aut Alleluja, vel Responsorium: de his in libro Decretorum Beati Gelasii Papæ Capitulo XXVI. destinatum est, quod nefas sit fœminas sacris altaribus ministrare, vel aliquid ex his, quæ virorum sunt officiis deputata, præsumere. Nihilominus impatienter audivimus, tantum sacrarum rerum subiiisse despectum, ut fœminæ sacris altaribus ministrare ferantur, & cuncta, quæ non nisi virorum famulatu deputata sunt, sexum, cui non competit, exhibere: nisi quod omnium delictorum, quæ singillatim perstrinximus, noxiorum reatus omnis & crimen eos respicit sacerdotes, qui vel ista committunt, vel committentes minimè publicando, pravis excessibus se favere significant.

VI.

De Viduis, si possint in propriis habitaculis suis salvare animas, item ex eodem Libro Capitulo XXI. ita continetur: Ut viduæ non velentur à Pontificibus; & si professam continentiam, proposito mutato, calcaverint, ipsæ pro se rationem Deo pro suis sint actibus reddituræ. Nam de viduis sub nulla Benedictione velandis, superius latius duximus disserendum: quæ si propria voluntate professam conjugii castitatem mutabili mente calcaverint, periculi earum intererit, quali Deum debeant satisfactione placare. Sicut enim, si se forsitan continere
non

non poterant, secundum Apostolum nullatenus nubere vetabantur; sic habitum seculi deliberatione, promissam Deo pudicitiam fidem debuerunt custodire. Nos autem nullum talibus laqueum debemus injicere, sed solum adhortationem pramii sempiterni, penamque proponere Divini Judicii; ut nostra sit absoluta conscientia, & illarum pro se rationem Deo reddat intentio.

VII.

De Laico pellente suam conjugem ex Canone Sanctorum Apostolorum Capitulo XLVIII. Si quis laicus uxorem propriam pellens alteram, vel ab alio dimissam duxerit, communione privetur.

VIII.

De Presbyteris, & Diaconibus, qui se à Ministerio Ecclesiastico subtrahunt, & seorsum collectas faciunt, ex Canone Antiocheni Concilii Capitulo V. promulgatum est: Si quis Presbyter, aut Diaconus Episcopum proprium contemnens, se ab Ecclesia sequestraverit, & seorsum colligens altare constituit, & commonenti Episcopo non acquieverit, nec consentire vel obedire voluerit semel & iterum vocanti, hic damnetur omni modo, nec ultra remedium consequatur, quia suam recipere non potest dignitatem: quodsi Ecclesiam turbare & sollicitare persistit, tanquam seditiosus per potestates externas opprimatur.

IX.

De Clericis, & Monachis non manentibus in suo proposito quod interrogatum est, in Canone Chalcedonensi, Capitulo VII decretum est: Qui semel in clero deputati sunt, aut Monachorum vitam expetiverunt, statuimus neque ad militiam, neque ad dignitatem aliquam venire mundanam: sed hoc tentantes & non agentes poenitentiam, quominus redeant ad id, quod propter Deum primitus elegerant, Anathematizari.

X.

De Clericis, qui sunt in Parochiis, Monasteriis, atque Martyriis, ex Canone Chalcedonensis Concilii Capitulo IX. ita decretum est: Clerici, qui praeferuntur Parochiis, vel qui ordinantur in Monasteriis, & Basilicis Martyrum, sub Episcoporum, qui in unaquaque civitate sunt, secundum Sanctorum Patrum traditiones, potestate permaneant, nec

per contumaciam ab Episcopo suo defilient. Qui verò audent evertere hujusmodi formam quocunque modo, nec proprio subjiciuntur Episcopo; si quidem Clerici sunt, Canonum correptionibus subjacebunt, si verò Laici vel Monachi fuerint, communione priventur.

XI.

Qui Clerici etiam ab uxoribus abstinerere debeant, ex Concilio Africano, Capitulo XXXVII. ita continetur: Præterea cum de Clericorum quorundam (quamvis erga proprias uxores) incontinentia referretur, placuit Episcopos & Presbyteros, seu Diaconos, secundum propria statuta, etiam ab uxoribus continere: quod nisi fecerint, ab Ecclesiastico officio removeantur. Ceteros autem Clericos ad id non cogi, sed secundum uniuscujusque Ecclesiae consuetudinem observari debere.

XII.

De his, qui uxores aut viros dimittunt, ut sic maneant, ex Concilio scripto Africano, Capitulo LXIX. ita continetur: Placuit, ut secundum Evangelicam & Apostolicam disciplinam, neque dimissus ab uxore, neque dimissa à marito, alteri jungatur; sed ita maneant, aut sibi invicem reconcilientur: Quod si contempserint, ad poenitentiam redigantur.

XIII.

Quod inquisitum est, Monachus si clericus factus fuerit, quid agi debeat, ex decreto Beati Innocentii Papæ Capitulo XVII. continetur: De Monachis, qui diu morantur in Monasteriis, & postea ad clericatus ordinem pervenerint, non debere eos à proprio proposito deviare. Aut enim sicut in Monasterio fuit, & quod diu servavit, in meliore gradu positus amittere non debet: aut si corruptus postea baptizatus est, & in Monasterio sedens ad clericatus ordinem accedere voluerit, uxorem omnino habere non potest, quia nec benedici cum sponsa potest jam antea corruptus. Quæ forma servatur in clericis, maxime cum vetus Regula hoc habeat, ut quisque corruptus baptizatus clericus esse voluisset, sponderet se uxorem omnino non ducere.

XIV.

Quod Presbyteri, aut Diaconi, si in ali-

aliquo crimine prolapsi fuerint, non possint per manûs impositionem poenitentiae remedium consequi in decreto Beati Leonis Papæ Capitulo XIV. decretum est ita: Alienum est à consuetudine Ecclesiastica, ut qui in presbyterali, aut Diaconi gradu fuerint consecrati, hi pro crimine aliquo suo per manûs impositionem remedium accipiant poenitendi. Quod finè dubio ex Apostolica traditione descendit, secundum quod scriptum est: *Sacerdos si peccaverit: quis orabit pro illo*: Unde huiusmodi lapsis ad promerendam misericordiam Dei secreta est expectanda secessio, ubi illis satisfactio fuerit digna, & etiam fructuosa.

XV.

Pro eo, quodd interrogatum est de laicis, qui Ecclesias in suis proprietatibus construunt, quis ipsas debeat regere aut gubernare? à Sanctis Patribus ita statutum est, & in præceptis Apostolicis sic continetur, juxta petitoris imploratum, ut si in quolibet fundo cujuscunque juris oratorium, sive basilica fuerit constructa, pro ejus devotione in honorem cujuscunque Sancti, in cujus Episcopi Parochia fuerit fundatum oratorium, percepta primitus donatione legitima, id est, præstante tot, gestisque municipilibus alligata, prædictum oratorium absque missis publicis solemniter consecrabit: ita, ut in eodem loco, nec futuris temporibus Baptisteria construantur, nec Presbyter constituantur Cardinalis: Sed & si missas ibi facere maluerit, ab Episcopo noverit Presbyterum postulandum: quatenus nil à quolibet alio sacerdote ullatenus præsumatur, nisi ab Episcopo fuerit ordinatum.

XVI.

De Clericis, qui proprias Ecclesias relinquunt, quid de eis agi debeat, ex Canone Sanctorum Apostolorum Capitulo XV. ita continetur. Si quis Presbyter, aut Diaconus, aut quilibet de numero Clericorum, relinquens propriam Parochiam pergat ad alienam, & omnino demigrans præter Episcopi sui conscientiam in aliena Parochia commoretur, hunc ulterius ministrare non patimur: præcipuè si vocatus ab Episcopo redire contempserit, in sua inquietudine perseverans. Veruntamen tanquam laicis ibi communicet.

XVII.

Item pro Episcopis, qui alterius

L

(a) commoratos forte,

Clericos susceperint, ut excommunicentur, in eodem Canone, Capitulo XVI. continetur: Episcopus verò, apud quem (a) memoratos esse confiterit, si contra eos decretam cessationem pro nihilo reputans, tanquam Clericos forte susceperit, velut Magister inquietudinis communionem priveretur.

XVIII.

Qui Clerici uxores fortiri debeant, in XXVII. Capite Canonum Sanctorum Apostolorum decretum est: Innuptis autem, qui ad Clerum provecti sunt, præcipimus, ut si uxores voluerint, accipiant, sed lectores cantoresque tantummodo.

XIX.

Ut nullus Presbyter, aut Diaconus finè commendatitiis epistolis suscipiatur, in eodem Canone Sanctorum Apostolorum continetur: Nullus Episcoporum peregrinorum, aut Presbyterorum, seu Diaconorum, finè commendatitiis suscipiatur epistolis: & cum scripta detulerint, discutiantur attentius, & ita suscipiantur, si prædicatores pietatis extiterint: sin minus, neque necessaria subministrantur eis, & ad communionem nullatenus admittantur, quia à surreptione multa proveniunt.

XX.

De Virginibus velatis. Si devierint, quid de illis agendum sit? in libro decretorum Beati Innocentii Papæ, Capitulo XIX. assertum est; Quæ Christo spiritaliter nubunt, & à sacerdote velantur, si postea vel publicè nupserint, vel se clanculo corruperint, non eas esse admittendas ad agendam poenitentiam, nisi is, cui se junxerant, de mundo recesserit. Si enim de hominibus hæc ratio custoditur, ut quæcunque vivente viro alteri nupserit, habeatur adultera, nec eis agenda poenitentiae licentia concedatur; nisi unus ex his fuerit defunctus: quantum magis de illa tenenda est, quæ ante immortali se sponso conjunxerat, & postea ad humanas nuptias transmisit?

XXI.

Item de non velatis Virginibus, si devierint, in eodem libro XX. Capite continetur: Hæ verò, quæ necdum sacro velamine testæ, tamen in proposito virginali semper se simulaverunt permanere, licet velatæ non fuerint; si forte nupse-

nupserint, his agenda aliquanto tempore penitentia est, quia sponsio earum à Domino tenebatur. Si enim inter homines solet bonæ fidei contractus nulla ratione dissolvi, quanto magis illa pollicitatio, quam cum Deo pepigerunt, solvi finè vindicta non poterit? Nam si Apostolus Paulus, quæ à proposito viduitatis discesserant, dixit eas habere damnationem, quæ primam fidem irritam fecerunt, quanto potius virgines, quæ prioris promissionis fidem frangere sunt conatæ.

XXII.

De his, quæ duobus fratribus nupserunt, vel qui duas sorores acceperint, in Concilio Neocæsariensi Capitulo II. continetur: Mulier si duobus fratribus nupserit, abjiciatur usque ad mortem. Verum tamen in exitu, propter misericordiam, si promiserit, quod facta incolumnis hujus conjunctionis vincula dissolvat, fructum penitentiae consequatur. Quod si defecerit mulier, aut vir in talibus nuptiis, difficilis erit penitentia in vita permanenti. Nos autem, gratiâ Divinâ suffragante, juxta prædecessorum Pontificum decreta, multo amplius confirmantes dicimus, ut dum usque se se generatio cognoverit, juxta ritum & normam Christianitatis, & Religionis Romanorum non copuletur conjugii. Sed nec spiritualement (id est) commatrem, aut filiam, quod absit, quis ducat temerario ausu uxorem. Est namque nefas, & perniciosum peccatum coram Deo & Angelis ejus. In tantum enim grave est, ut nullus Sanctorum Patrum, neque Sanctarum Synodorum assertione, vel etiam in Imperialibus legibus quispiam judicatus sit, sed terribile Judicium Dei metuentes siluerunt sententiam dare.

XXIII.

De his, qui homicidium sponte perpetraverunt, in XXI. Capitulo Ancyranæ Concilii continetur: Qui voluntarie homicidium fecerunt, penitentiae jugiter se submittant; perfectionem verò circa vitæ exitum consequantur.

XXIV.

De his, qui homicidium non sponte perpetraverunt, in eodem Canone, XXII. Capitulo continetur. De homicidiis non sponte commissis, prior quidem definitio post septem annorum penitentiam perfectionem consequi præci-

pit, secunda verò quinquennii tempus explere.

XXV.

De his, qui adulteras habent uxores, vel ipsi adulteri comprobantur, in Concilio Ancyrano, Capitulo XIX, continetur. Si cujus uxor adulterata fuerit, vel si ipse adulterium commiserit, septem annorum penitentia oportet eum perfectionem consequi secundum pristinos gradus.

XXVI.

De Monachis & Virginibus propositum non servantibus, in libro decretorum Beati Siricii Papæ, Capitulo VI. continetur: Præterea Monachorum quosdam, atque Monacharum, abjecto proposito Sanctitatis, in tantam profligatorum demersos esse lasciviam, ut prius clandestino vel sub Monasteriorum prætextu illicita ac sacrilega se contagione miscuerint, postea verò in abruptum conscientiae desperatione perducti, de illicitis complexibus libere filios procreant, quod & publicæ leges & Ecclesiastica jura condemnant. Has igitur impudicas detestabilesque personas à Monasteriorum cætu clericorumque conventibus eliminandas esse mandamus: quatenus retrusæ in suis ergastulis, tantum facinus continuâ lamentatione desistentes, purificato possint penitentia igne decoquere, ut eis vel ad mortem saltem, solius misericordiae intuitu, per communionis gratiam possit indulgentia subvenire.

XXVII.

De his, quæ non coactè, sed propria voluntate virginitatis propositum susceperunt, quod delinquant, cum nupserint, etsi nondum fuerint consecratæ, in libro decretorum Beati Leonis Papæ Capite XXVII. continetur: „Puellæ, quæ non coactæ parentum imperio, sed spontaneo Judicio, virginitatis propositum, atque habitum susceperunt, si postea nuptias eligunt, prævaricantur, etiam si nondum eis gratia consecrationis accessit: cujus utique quæ non fraudarentur munere, si in proposito permanerent.

Hæc itaque, charissimi nobis & dilectissimi, quæ superius annexa sunt, in quantum miserante Deo valuimus, inter cætera capita deslorantes, tam Sanctorum Apostolorum, quam etiam Beatorum Patrum sanctiones, seu etiam pro-

probabilium Beatissimorum Pontificum decreta, ut uniuscuiusque Capituli sententia continet, in brevi eloquio pertrinentes ad vestri præsulatûs notitiam, & prædicationem, atque populi vobis à Deo crediti ædificationem mandavimus ministranda, atque perficienda: hortantes, vestram omnium prudentissimam sanctitatem, & procerum dilectionem, ut omnimodâ ratione non declinantes à dextris aut sinistris, sed viam Regiam incedentes constantissimè observetis Apostolica mandata. Cæterum hæc, amantissimi nobis, dedimus vobis in mandatis ut nec nos coram Deo de taciturnitate judicemur, nec vos de neglectu coram eo cogamini reddere rationem, sicut scriptum est in Dominico præcepto: Si

non (b) venissem, & locutus fuisset eis, peccatum non haberent. Itaque nihil exculcationis adhibentes, omnium rationabilium animarum salutem procuretis, ita currentes in agone, ut non vituperetur ministerium vestrum, sed magis de palma victoriæ bravium accipiat, juxta egregii Apostoli dictum: habentes bonis actibus inhærendo impositam coronam justitiæ, in sydereâ mansione: quam vobis reddat in illum diem Justus iudex, Dominus Deus, & Salvator noster Jesus Christus, qui vivit in unitate cum Deo Patre omnipotente & Spiritu Sancto per omnia sæcula sæculorum, Amen.

Hardouin. Concilior. Tomo III. pag. 1889.
& seqq.

(b) Joannis XV, 22.

EPISTOLA ZACHARIÆ PAPÆ AD BONIFACIUM ARCHI-EPISCOPUM.

Anno Christi DCCXLVIII. Zachariæ Papæ VII.
Childerici tertii Regis VI.

Respondet Papa variis literis per Burchardum, Episcopum Wurzeburgensem Legatum Romam missis:

1. De forma & Ministro Baptismi.
2. De vagis Episcopis & Presbyteris aggregato provinciali & sacerdotali collegio devitandis, deponendis, includendis.
3. De Sampsonis Scoti hæresi circa Baptismum.
4. Laudat volumen Bonifacii de unitate Fidei Catholicæ.
5. Conciliis ipse præsideat.
6. De Virgilii errore circa alium mundum & alios homines.
7. De Sede Metropolitana non Colonice, sed Moguntice figenda.
8. Permittit, ut successorem sibi deligat.

Reverendissimo & Sanctissimo Fratri Bonifacio Episcopo, Zacharias Servus Servorum Dei.

Sacris liminibus Beati Apostolorum Principis Petri, & nostris obtutibus præsentatus præsens BURCHARDT dilectus nobis Episcopus, fraternæ Sanctitatis tuæ attulit affatus: per quorum scriptum tenorem agnovimus, magnum te habere certamen, & sudorose elaborare fraternitatem tuam, in prædicatione Evan-

gelii Christi Dei nostri, & exhortatione Sanctæ Catholicæ, & orthodoxæ, rectæ fidei, quam à redemptore nostro Deo & Domino JESU CHRISTO per à se institutum beatum Principem Petrum, & vas electionis Paulum, omnesque Apostolos traditam suscepimus. Quibus agnitis, etiam peccatores, extensis ad æthera palmis, omni-

omnipotenti Deo immensas egimus gratias : petentes ejus ineffabilem divinitatem , ut multo amplius confirmet , atque corroboret cor fraternitatis tuæ : & sospitem , atque robustum corpore annuat permanere : usquequo ejus divinitas te superstitem in hac jusserit esse vita . ad perficiendum ministerium tibi impositum , & ad portandum lucrum animarum in diem Christi Jesu : ut illam merearis audire desiderabilem vocem , quam dicturus est Dominus diligentibus se : *Venite benedicti (a) Patris mei , percipite regnum vobis paratum ab origine mundi.* Erant autem inserta in eisdem tuis affatibus diversa Capitula : de quibus judicium atque consilium & solatium Sedis Apostolicæ tibi dirigi flagitasti.

I. Primum Capitulum pro Synodo Provinciæ , in quâ natus & nutritus es , quam & in gentem Anglorum & Saxorum in Britannia Insula primi Prædicatores ab Apostolicâ Sede missi , AUGUSTINUS , LAURENTIUS , JUSTUS & HONORIUS , novissimè & tuis temporibus Theodorus Græcolatinus antè Philosophus , & Athenis eruditus , Romæ ordinatus , pallio sublimatus , ad præfatam Britanniam transmissus judicabat & gubernabat : in illa tale decretum & judicium firmissimè præceptum , & diligenter demonstratum esse dinoscitur , ut quicumque sinè invocatione Trinitatis lotus fuisset , quod Sacramentum regenerationis non haberet : quod omnino verum est . Quia si mersus in fonte baptismatis quis fuerit sinè invocatione Trinitatis , perfectus non est , nisi fuerit in nomine Patris , & Filii , & Spiritûs Sancti baptizatus.

De illo autem , quod per quosdam affirmari scripsisti , ut si Evangelicis quis verbis , invocatâ Trinitate , juxta regulam à Domino positam , quicumque mersus esset in nomine Patris , & Filii , & Spiritûs Sancti , quod Sacramentum sine dubio haberet : & tam fortiter verbis Evangelicis fuisset consecratum Baptisma , ut quamvis sceleratissimus quisque hæreticus , vel schismaticus , aut latro , vel fur , sive adulter hoc homini petenti ministraret ; tamen Christi esset Baptisma Evangelicis verbis consecratum . Et econtra , si Minister iustus fuisset , & Trinitatem juxta regulam à Domino positam

in lavacro non dixisset , verum Baptisma non esset , quod dedit . Pro illis itaque immundis & incertis viris , hæreticis , atque schismaticis , qui in nomine Trinitatis petentes baptizant : sed & de his , qui sine invocatione Trinitatis mergunt in fonte baptismatis , Fraternitati tuæ notum , quid de illis sacrorum Canonum series contineat : quod & tenere te firmiter hortamur . Scriptum quippe est , dicente Domino : *Sancti (b) estote , quoniam & ego Sanctus sum.* Quod suscepisti Frater à nostro Prædecesore sanctæ recordationis Gregorio , hujus Apostolicæ Sedis Pontifice , in eo permâne : & ab Evangelica & Apostolica , seu Sanctorum Patrum tradita doctrina nullo modo declines : sed indutus lorica fidei , & galeam salutis , viriliter contra nequitias Diabolicæ fraudis Apostolicam præsentando vitam , resiste . Scriptum namque est : *Ecce (c) dedi faciem tuam potentem adversus faciem eorum : & constantiam tuam confortabo adversus contentiones eorum : & erit fortior petra constantia tua.*

II. Pro Sacrilegis itaque Presbyteris , ut conscripsisti , qui tauros & hircos , Diis Paganorum immolabant , manducantes sacrificia mortuorum , habentes & pollutum ministerium , ipsique adulteri esse inventi sunt , & defuncti : modò verò incognitum esse , utrum baptizantes Trinitatem dixissent , an non : & timent illi , qui vivi sunt , quod in tali ministerio non sint baptizati , quibus respondens jussisti omnes baptizare . Hoc quoque observasse in suprâ dicta Synodo Sacerdotes , ut qui vel unam personam de Trinitate in baptismo non nominaret , illud baptismum esse non posse . Quod pro certò verum est . Quia , qui unum ex Sancta Trinitate confessus non fuerit , perfectus Christianus esse non potest . Qui enim confitetur Patrem & Filium , si confessus non fuerit Spiritum Sanctum : nec Patrem habet , nec Filium . Et qui confessus fuerit Patrem & Spiritum Sanctum , & Filium non fuerit confessus , nec Patrem habet , nec Spiritum Sanctum , sed vacuus est à gratiâ Divinâ . Eos autem , quos reperisse affata est Fraternitas tua pseudo sacerdotes multo majoris numeri , quàm Catholicos , erroneos simulatores sub nomine Episcoporum vel Presbyterorum , qui nunquam ab Episcopis Catho-

(a) Matthæi XXV , 34.

(b) Levit. XXI,

(c) Ezech. III.

Catholicis fuerunt ordinati, illudentes populo, & ministeria Ecclesiæ confundentes & conturbantes: aut falsos, gyrovagos, adulteros, sacrilegos, hypocritas, & multos servos tonsuratos, qui fugerunt à dominis suis, servos diaboli, transfigurantes se in ministros Christi: qui sine Episcopo, proprio arbitrio viventes, populares defensores habentes contra Episcopos, ut sceleratos mores eorum non infringant, seorsum populum consentaneum congregant, & illud erroneum ministerium non in Ecclesia Catholica, sed per agrestia loca, per cellas rusticorum, ubi eorum imperita stulticia celari Episcopos possit, perpetrant, nec fidem Catholicam Paganis prædicant, nec ipsi fidem rectam habent, sed nec ipsa solennia verba, quæ debet unusquisque Catechumenus, si talis ætatis est, ut jam intellectum habeat, sensu cordis sui percipere & intelligere, nec docent, nec quærunt ab eis, quos baptizare debent, id est, abrenunciationem Sathanæ & catera. Sed neque signaculo crucis Christi eos muniunt, quæ præcedere debent Baptismum: sed nec aliquam credulitatem unius Deitatis, & Sanctæ Trinitatis docent: neque ab eis quærunt, ut corde credant ad iustitiam, & oris confessio fiat illis ad salutem. Hos itaque ministros Satanæ, & non Christi, ubicunque repereris, charissime nobis, aggregato provinciali & sacerdotali collegio, omnimodo devita: & à sacerdotali honore privatos, sub regula monachica & penitentia submissos, vitam finire ordina- bis, ut carne afflicti ad viam quandoque redeant rectitudinis. Et si corde crediderint; oris eorum vera confessio illis fiat in salutem. Si vero non fuerint conversi, tuæ prædicationis non periet iustitia. Habebis enim solatiantem te, contra malitiam malignantium, Sancto- rum Apostolorum, & cæterorum probabili- um Patrum canonicam sanctionem. Confortare itaque, Reverendissime mihi: & prævale in lege, in Evangelio Christi, & prædicatione Catholicæ ac orthodoxæ fidei: quia ipse glorificabit te. Tribu- latio enim corporis nostri temporalis est, & finem habet: Probatio autem spem: *Spes verò (d) non confundit, ut ait Apo- stolus: quia charitas Dei diffusa est in cor- dibus nostris per Spiritum Sanctum, qui da-*

L 3

tus est nobis. Quis namque separabit nos à charitate Christi: tribulatio, an angustia, &c. Etsi deicimur frater, non perimus. Conferamus autem mortem JESU in corpore nostro: ut vita JESU in die adventus sui in corpore nostro manifesta fiat, sicut per ejus divinam edocti sumus vocem: Beati, (e) qui persecutionem patiuntur propter iustitiam: quoniam ipsorum est regnum celorum. Conforta itaque & dilectissimos nobis omnes orthodoxos Episcopos & Sacerdotes, atque Levitas vel Clericos, religiosos Abbates & Monachos, seu gloriosissimos Duces, cunctosque Optimates, Christianæ legis Servatores, ut nobis sint adiutores contra adversarios orthodoxæ fidei, omnes- que hæreticos atque schismaticos, qua- tenus & ipsi de fructu boni operis gau- dere mereantur in celestibus regnis, si- cut scriptum est: *Qui vicerit, (f) faci- am illum columnam in templo meo: & scri- bam super illum nomen meum.*

III. Inter ea scripsit Reverenda Fraterni- tas tua, reperisse quendam Presbyterum, ge- nere Scotum, nomine Sampson, errantem à viâ veritatis, dicentem & affirmantem, sine mystica invocatione, aut lavacro regenerationis posse fieri Catholicum Christianum, per Episcopalis manûs im- positionem. Hoc autem qui dicit, va- cuus est à Spiritu Sancto, & alienus à gratia Christi, atque à consortio sacer- dotali abjiciendus. Quis enim, nisi bap- tizetur juxta præceptum Domini: in no- mine Patris, & Filii, & Spiritûs Sancti, etsi per manûs impositionem consecre- tur, potest esse Catholicus? Hunc ne- quissimum virum talia prædicantem ab Ecclesia Dei Sancta condemnatum ex- pelle: illos autem viros, qui ab hæreti- cis baptizati sunt, & dubietas tenet, quod in nomine Patris, & Filii, & Spi- ritûs Sancti, non sunt baptizati, inqui- sitâ rei veritate, si ab erroneis sacerdo- tibus baptizati sunt, hos sine dubio juxta prædecessoris nostri beatæ memoriæ Gre- gorii Papæ, & Sacrorum Canonum tra- ditum tibi mandatum, implere non o- mittas, ne in æternum pereant, sed po- tius Evangelicâ Consecratione salventur.

IV. Intuiti autem sumus & volumus à te directum universis Episcopis Presbyteris, Diaconibus, vel cæteris religiosam vi- tam degentibus de Unitate Fidei Catholicæ,

&

(d) Rom. V.

(e) Matth. V.

(f) Apoc. III.

& doctrinam Apostolicam scriptam valde nobis acceptabilem esse cognoscas: quoniam per Spiritus Sancti gratiam in te diffusam, charissime, hoc operari studuisti.

V. Interea per alia scripta fraternæ Sanctitatis tuæ petisti: ut sacerdos à nobis dirigatur in partibus Franciæ & Galliæ ad Concilia celebranda. Sed dum, Deo propitio, tua Sanctitas superstes existit, qui Sedis Apostolicæ, & nostram illic præsentas vicem, alium illic dirigere necessarium non est. Quos autem repereris, amantissime Frater, habentes scientiam sacræ doctrinæ, & sanctam tenentes legem, atque orthodoxam sine dubio defendentes fidem, hos mittere studè in quibus prævideris locis ad prædicandum verbum salutis.

Concilia verò aggregatis Episcopis provincialibus, ut tibi & ubi rectum videtur, celebranda procura: & quos deviantes inveneris confunde facies eorum ignominia, ut sint coram omnibus sine honore: Dominus enim Deus noster erit tecum.

Suscepimus verò & chartam conscriptam veræ, atque orthodoxæ professionis & Catholicæ unitatis, quam cum dilectissimis nobis Episcopis partis Francorum tua direxit Reverenda Fraternitas. Quam referantes nimio gaudio sumus repleti, innumerabiles gratias agentes Deo Patri omnipotenti, quia unanimiter eorum ad societatem nostram revocare dignatus est, ut spiritalis eorum mater lætetur Sancta Ecclesia. Nostrâ autem vice, charissime, omnes in oculo pacis Christi saluta: quia & nos dilectioni eorum gratias agentes Apostolicas misimus literas.

VI. Nam & hoc intimatum est à tua fraterna Sanctitate, quòd Virgilius ille (nescimus, si dicatur Presbyter) malignatur adversum te, pro eo, quod confundebatur à te, erroneum se esse à Catholicâ doctrinâ: immisiones faciens Otiloni Duci Bajoariorum, ut odium inter te & illum seminaret: ajens, quod & à nobis esset absolutus, unius defuncti ex quatuor illis Episcopis, quos tua illic ordinavit fraternitas, diœcesim obtinere. Quod nequaquam verum est: *quia mentita est iniquitas sibi*. De perversa autem & iniqua Doctrina, quam contra Deum & animam suam locutus est; si clarificatum fuerit, ita eum confiteri, quod ali-

us mundus, & alii homines sub terra sint, hunc accito consilio ab Ecclesia pelle sacerdotii honore privatum. Attamen & nos scribentes prædicto duci evocatorias de prænominato Virgilio mittimus literas, ut nobis præsentatus, & subtili indagatione requisitus, si erroneus fuerit inventus, Canonicis Sanctionibus condemnatur. Qui enim feminant dolores, ipsi metunt eos. Sic enim scriptum est. *Perverse [g] cogitationes separant à Deo; probata autem virtus corripit insipientes*.

Pro Sidonio autem suprâ dicto, & Virgilio Presbyteris, quod scripsit Sanctitas tua, agnovimus. Illis quidem, ut concedebat, comminando scripsimus: tuæ autem fraternitati plus credulitas quam illis admittetur. Si autem placuerit Deo, vita comite, Sedi Apostolicæ eos, missis Apostolicis litteris, ut prælatum est, evocabimus. Docuisti enim eos, & non susceperunt; & factum est in illis, sicut scriptum est, *Sapientiam (h) qui docet fatuum, quasi qui conglutinat resiam. Avenam, & salem, & massam ferri facilius est portare, quàm hominem imprudentem & fatuum & impium. Quoniam [i] qui minoratur corde, cogitat inania: & vir imprudens & errans cogitat stulta*. Non ergo ad iracundiam provocetur cor tuum, frater, sed in patientia tua, ubi tales repereris, admone, obsecra, increpa, ut convertantur ab errore ad viam veritatis. Et si conversi fuerint, salvasti animas eorum: si verò in duritia permanserint; mercedem Ministerii tui non perdes: illos autem iuxta Apostoli vocem devita.

VII. Alia denique scripta tuæ fraternitatis continebant, quod jam olim de Agrippina civitate scripsisti, quod Franci non perseveraverunt in verbo, quod promiserunt: & nunc moratur tua fraternitas in civitate Moguntinâ. Petisti autem, ut cum nostro consultu pro superveniente tibi senectute, & plenâ dierum ætate, atque imbecillitate corporis, ut, si invenire potueris, alium in eandem sedem, in quâ præes, pro tui persona debeas collocare: Tu verò, charissime, legatus & missus es, ut fuisti, Sedis Apostolicæ. Nos verò adiutore Deo, consilium præbemus tuæ reverendæ Sanctitati, ut pro salute animarum rationabili, fautore Christo, sedem, quam obtines

(g) Sap. I.

(h) Eccl. XXII.

[i] Eccl. XVI.

obtines Sanctæ Moguntinæ Ecclesiæ, nequaquam relinquo, ut impleatur in te Dominicum præceptum : *Qui perseveraverit [k] usque ad finem, hic salvus erit* : Sin verò, si Dominus dederit juxta tuam petitionem hominem perfectum, qui possit sollicitudinem habere, & curam pro salute animarum ; pro tui persona illum ordinabis Episcopum, eritque in Evangelio tibi credito, & ministerio Christi portando in omni loco requirens & confortans Ecclesiam Dei. Oramus itaque Dominum & Redemptorem nostrum, ut sacris interventionibus suæ sanctæ Genitricis, semper Virginis

[k] Matth. 10.

MARIÆ Dominae nostræ, & beatorum Principum Apostolorum Petri & Pauli orantem pro nobis fraternam Sanctitatem tuam fospitem & incolumem conservare dignetur. Deus te incolumem custodiat, reverentissime & Sanctissime Frater. Data Kalendis Maji imperante Domino Piissimo Augusto Constantino, à Deo Coronato, Magno Imperatore, pacifico, anno XXIX. Patriciatûs ejus anno septimo, indictione primâ.

Est hæc Epistola inter editas à Servatio CXL. Inter Zacharianas apud Haradinum X.



EPISTOLA ZACHARIÆ PAPÆ AD S. BONIFACIUM.

Anno Christi DCCLI. Zachariæ Papæ X.
Pippini Ducis IX.

Reverentissimo & Sanctissimo Patri Bonifacio,
Coepiscopo, Zacharias Episcopus Servus
Servorum Dei.

*Respondet Epistolæ & variis Quæstionibus, per Lullum missum
S. Bonifacii propositis.*

Benedictus Deus, Pater Domini nostri Jesu Christi, qui dispersa congregat, & congregata conservat : augētque fidem & fiduciam servis suis ad prædicandum verbum Evangelii Jesu Christi Domini nostri, cum eodem Patre & Spiritu Sancto in unitate viventis in sæcula sæculorum : ipsi gloria & laus, qui adjutor & protector est in se credentibus. Ipse enim dixit : *Qui credit in me, (a) vitā vivet & non morietur* : Quoniam ego (b) *sum via, vita & veritas*. Laudamus & superexaltamus nomen ejus læti, gaudentes, per harum gerulos, & Sanctæ fraternitatis tuæ litteris superflitem te in hac vita, & in Domino te valere cognoscere, petentes immensam Dei nostri Divinitatem, ut ad prædicandum multò

amplius Evangelii atque Sanctæ Fidei ejus Sacramentum longævum te conservet, suæque protectione te muniat, & ab adversantium insidiis piè miserendo custodiat. Suggestit itaque fraterna sanctitas tua in suis apicibus, (c) quod prædecessor noster beatæ memoriæ Gregorius, hujus Sedis Apostolicæ Præsul, dum ad prædicandum verbum Evangelii, tuam misisset fraternitatem in Germaniæ partibus, & gentibus illis Paganis, verbo pollicitationis te esse munitum : itā ut Orthodoxos Episcopos, ac Presbyteros, vel quosque reperire potuisses in verbo exhortationis perfectos, amplius confirmares & eis communicares. Quod & factum est. Si quos verò seductores Episcopos, aut pseudo presbyteros, vel quos-

[a] Joannis XI. 25, 26.

[b] Joannis XIV. 6.

[c] Gratianus XI. Qu. 1. *Quod Prædecessor.*

quosque à recto fidei tramite deviantes reperiffes, nulla tibi cum eis esset communio: quod, te Deo solatiente, usque ad præsens spiritualiter servasse confessus es. Vel si omnino propter principalem & humanum favorem Gentis Francorum, dum ad eos accessiffes, corporaliter abstinere non valuisti, cogente necessitate Ecclesiarum Dei; & tamen in eorum consilio & consensu communionis anima tua non est coinquinata. Itaque propter hoc, quod cum eis conversatus es, non consentiens iniquitati eorum, nullum tibi est detrimentum coram Deo. Te enim prædicante, si obedirent, salvi essent: Sin autem in iniquitate permanent, ipsi peribunt; *tu (a) autem, juxta Prophetæ dictum, salvasti animam tuam.*

De Episcopis autem Francorum, & palliis scripsisti, quod juxta promissionem suam nondum impleverunt: qui si impleverint juxta verbum, habebunt ex eo laudem: sin verò aliter egerint, ipsi videbunt. Nos enim, Divinâ gratiâ largiente, quod gratis accepimus, gratis damus. Tua quidem benigna voluntas propter hoc à nobis suscepta est.

Igitur hoc petisti, ut Monasterium in vastissima solitudine, & in medio gentium, quibus prædicas, constitutum, & à te fundatum: atque in honore Salvatoris Dei nostri dedicatum, ubi etiam & monachos sub regula S. BENEDICTI degere ordinasti, illud venerabile Monasterium nomini tuo, privilegio sedis Apostolicæ munire deberemus. Quod votis tuis acquiescentes ordinavimus juxta desiderium & petitionem tuam. Congruit enim, Divini Ministerii prædicatorem, optimūque ministrum ad desiderata pertingere, & cœptum bonum opus usque in finem perficere, sicut scriptum est in Dominico præcepto: *Qui perseveraverit (e) usque in finem, hic salvus erit.* Et: *Beatus (f) Servus ille, quem cum venerit Dominus, invenerit sic facientem.* Etenim *super omnia bona constituet eum.* Interea prædictus tuus gerulus Lul, cum cæteris suis comitibus, quæ injuncta fuerunt à tua fraterna sanctitate tam verbo quàm per scripta, omnia liquidius suggerentes innotuerunt. De quibus tam in verbo responsum dantes, & per scripta tuæ remisimus fraternitati. Continebant enim Capitula in pyctacio ab eis

porrecto, quæ inferiùs annexa sunt: de quibus flagitasti à nobis, quæ recipienda, quæ respuenda sunt. In primis de volatilibus, id est, graculis, & corniculis, atque ciconiis, quæ omnino cavendæ sunt ab esu Christianorum. Etiam & fibri & lepores, & equi sylvatici multò amplius vitandi. Attamen, Sanctissime frater, de omnibus è Scripturis Sacris bene compertus es.

De *igne autem Paschali* quod inquisisti, à priscis Sanctis Patribus, ex quo, per Dei & Domini nostri Jesu Christi gratiam, & pretioso sanguine ejus Ecclesia dedicata est; quintâ feriâ Paschæ, dum sacrum Christina consecratur, tres lampades magnæ capacitatis, ex diversis candelis Ecclesiæ oleo collecto, in secretiori Ecclesiæ loco, ad figuram interioris tabernaculi insistente, indeficienter cum multa diligentia inspectæ ardebunt, ita ut oleum ipsum sufficere possit usque ad tertium diem. De quibus candelis Sabbato Sancto, pro sacri fontis baptismate sumptus ignis, per sacerdotem renovabitur. De Chrystallis autem ut asseruisti, nullam habemus traditionem.

De his, qui Regio morbo vexantur, inquisisti, sive homines, sive equi sint, quid faciendum sit de illis? Si homines ex nativitate, aut genere istius morbi sunt, hi extra civitatem conversari debent: Eleemosynam verò accipiendam à populo non vetari. Si autem contigerit magnum vel parvum, non nativitate, sed superveniente ægritudine vexari: non est projiciendus: sed, si possibile est, curandus: attamen in Ecclesia, dum ad communionem venerit, post omnium suppletionem erit ingressurus ad participandum munus. Equi verò, qui præfato morbo fuerint coinquinati, si curari non valuerint, in puteis & foveis projiciendi sunt: ne ejusdem contagione cæteri coinquentur. De animalibus autem, quæ à furentibus, id est, rabidis lupis, & canibus fuerint lacerata, oportet ea à cæteris separari: ne fidentes & mordentes cætera coinquent. Quod si pauca sunt, ut supra diximus, in foveam projicienda sunt.

Nam & hoc inquisivit fraternitas tua: si licet Sanctimoniales feminas, quemadmodum viris, sibi invicem pedes ablueri, tam in Cœna Domini, quàm

[d] Ezechielis XXXIII, 5, 9.

[e] Matthæi X, 22.

[f] Matthæi XXIV, 46.

quàm in aliis diebus. Hoc Dominicum præceptum est, quod qui per fidem impleverit, habebit ex eo laudem. Etenim viri & mulieres unum Dominum habemus, qui in cœlis est.

Pro benedictionibus autem, quas faciunt Galli, ut nōstri frater, multis vitis variantur. Nam non ex Apostolicâ traditione hoc faciunt, sed per vanam gloriam operantur, sibi ipsis damnationem adhibentes. Dum scriptum est: *Si quis (g) vobis Evangelizaverit præter id, quod Evangelizatum est, anathema sit.* Regulam Catholicæ Traditionis sicut suscepisti, frater amantissimum, sic omnibus prædica, omnēsque doce, sicut à sancta Romana, cui Deo auctore deservimus, Ecclesia accepisti.

Inquisisti etiam & hoc, *Si (h) ante tricesimum annum*, liceat sacerdotem ordinari. Bonum & congruum est, charissime, si fieri & inveniri potest, ut provectæ ætatis & boni testimonii viri, juxta Sacrorum Canonum instituta, ordinentur Sacerdotes. Si autem minimè reperiuntur, & necessitas exposcit, à viginti quinque annorum, & suprà, Levitæ, & Sacerdotes ordinentur, quemadmodum in lege Domini continetur.

De Milone (i) autem, & ejusmodi similibus, qui Ecclesiis Dei plurimum nocent, ut à tali nefario opere recedant, juxta Apostoli vocem *opportune (k) importune* prædica. Si acquieverint admonitionibus tuis, salvabunt animas suas: sin verò, ipsi peribunt obvoluti in peccatis suis; tu autem, qui rectè prædicas, non perdes mercedem tuam.

Nam & hoc inquisisti, post quantum temporis debet lardum comedi? Nobis à patribus institutum pro hoc non est. Tibi autem petenti, consilium præbemus, quod non oporteat illud mandî, priusquam super fumo sicetur, aut igne coquatur. Si verò libet, ut incoctum manducetur, post Paschalem festivitatem erit manducandum.

Episcopus autem condemnatus, de quo quæstisti, qui pugnator & fornicator existit, atque res Ecclesiæ post degradationem, sibi vindicare nititur, hic

M

omnino ac detestabiliter respuendus est. *Quæ enim (l) portio infideli cum fidei? aut quæ communicatio Christi ad Belial?* Hos Sanctorum Patrum traditiones, & Sanctorum Canonum instituta condemnaverunt.

De Ordinatione etiam Presbyterorum, & Diaconorum, qui cogente, necessitate, & paupertate rogantium, non legitimis temporibus & diebus, ad te pervenerunt, si aliquam haberes ex hoc offensionem, insinuaſti. Dicimus autem tibi, frater: Bene nosti, quod sacri Canones docent, aptis temporibus Sacerdotes ordinandos. Attamen in eo, quod à te, propter zelum fidei actum est, à Domino Deo nostro indulgentiam postulemus.

De Censu autem Ecclesiarum, id est, solidum de casata (m) suscipe, & nullam habeas hæſitationem, dum ex eo poteris Eleëmofynam tribuere, & opus perficere Sanctorum Ecclesiarum, juxta Canonum instituta. Si quos verò Presbyteros, qui de laicis promoti fuerunt, & ante criminalibus causis obvoluti, celantes peccatum suum ordinati sunt, postmodum verò manifestata est eorum iniqua actio; hos à sacerdotali habitu privatos pœnitentiæ submitte. Non enim odit Deus peccantem & confitentem, sed peccantem & negantem.

Nam & hoc flagitasti à nobis, si liceat persecutionem Paganorum fugere, an non? Et pro hoc salutare consilium damus, frater. Si fieri potest, & locum inveneris, insta ad prædicandum illis: si autem supportare non valueris eorum persecutionem, habes præceptum Dominicum, ut in aliam (n) ingrediaris civitatem.

Nam & hoc inquisivisti, quid faciendum sit de excommunicato Episcopo, & Apostolicam auctoritatem negligente. Hic detestabilis est coram Deo & hominibus, cujus condemnationi incondemnatus non communicabit. Ipsi enim condemnabuntur in die iræ & revelationis Domini & Salvatoris nostri Jesu Christi, dum sederit ad judicandum genus humanum,

num,

(g) Galat. I, 8.

(h) Gratianus Distinct. 78. Si triginta.

(i) Carolus Martellus Rigobertum Episcopatu Remensi deturbavit, & eundem Miloni, solâ tonsurâ Clerico, dedit Episcopatum. *Adnotatio P. Jacobi Sirmondi S. 7. ex Flodoardi L. II. cap. 2.*

(k) II. Timoth. 2.

(l) II. Corinth. XV.

(m) Annis singulis de unaquaque casata (familia vel domo) solidus, id est duodecim Denarii ad Ecclesiam vel Monasterium reddantur. *Synodi Liptinensis Capite II. supra.*

(n) Matth. X.

num, sicut scriptum est: *Superbis* (o) *ego resistam, dicit Dominus.*

Etenim de Sclavis, Christianorum terras inhabitantibus, si oporteat censum accipere, interrogasti frater. Hoc quidem consilio non indiget, dum rei causa est manifesta. Si enim sine tributo sederint, ipsam quoque propriam sibi vendicabunt terram. Si verò tributum deriderint, nōrunt dominatorem ipsam habere terram.

Nam & hoc flagitasti à nobis, Sanctissime frater, in sacri Canonis prædicatione, quot in locis Cruces facere debeamus, tuæ significemus Sanctitati. Votis autem tuis clementer inclinati, in

(o) Jacob. IV.

rotula dato prædicto Lul, religioso Presbytero tuo, per loca, signa Sanctæ Crucis quanta fieri debeant, infiximus. His ita se habentibus, Domini deprecamur clementiam, licet peccatores, ut suo te muniat & confortet auxilio, nōsque annuat prosperitatis tuæ semper læta suscipere nuncia. Deus te incolumem custodiat reverentissime frater. Data pridie nonas Novembris, imperante Domino piissimo Augusto Constantino à Deo coronato, magno Imperatore Anno XXXII. Imperii ejus anno undecimo. Indictione quinta.

Epistola CXLII. inter Bonifacianas à Severio editas; Zacharia XII. apud Harduinum.

CONVENTUS IN VILLA DURIA.

Pippinus Dux Francorum Conventum Procerum celebrat in Villa Duria. Anno Christi DCCXLVIII.

Pippinus Princeps in Villa, quæ dicitur (a) Duria, Mense Martio Synodum congregare jussit pro Ecclesiarum restauratione, & causis pauperum, viduarumque, & orphanorum corrigendis, justitiisque faciendis. *Annales Metenses.* Non tantum anno 761. proximo, sed insuper aliis annis hujus Sæculi octavi Pippinum Duria Conventus, Campos Maji, alii Synodos celebrasse volunt, puta annis 764. 765. Pippinum; annis 775. 776. 777. Carolum: adnotavit Eckbartus L. XXIV. suis locis ex *Annalibus Francorum.*

Adnotatio. Refero hos Conventus inter Synodos, quod & Synodographi varii fecerunt de conventibus in Villa Duria & Wormatiæ celebratis à Pippino & Carolo, licet eorum Conventuum acta hæcenus detecta non sint. At ex Summario ab Annalista relato discimus, in hoc actum de Ecclesiarum restauratione: & infra videbimus Acta Ecclesiastica, quæ Binium & Sirmondum latuerant, à Mabillonio, aliisque detecta fuisse.

(a) *Duria Villa* (nunc Marcodurum) civitas est media inter Coloniam & Aquisgranum, Palatio Regum Francorum olim nobilis: post urbs Imperii Germanici fuit; nunc est subdita Duci Juliacensi, Electori Palatino.

SYNODUS IN AUSTRASIA

LOCI INCERTI, TEMPORE PIPPINI REGIS,

Circa Annum Christi 752.

In quo Monachis Fuldensibus super usu vini dispensatio concessa fuit propter ægros & imbecilles.

Altero anno post extructam Fuldæ Ecclesiam, S. Bonifacius Episcopus iterum Fuldam properans, ad novellum Cœnobium pervenit suum; quod jam tunc propter meatum fluminis Fulda vocari inchoaverat.

Visis Fratribus, salutatisque, penes ipsos complures exegit dies; in quibus novellos Monachos suos instruere curavit, & monasticæ Regulæ disciplinas secundum sanctæ Scripturæ traditionem statuere apud ipsos non cessabat.

Qui

Qui cùm fratribus sacras exposuisset Scripturas, & quod nusquam vinum Monachorum legerat esse: consensu omnium decretum est, ut apud illos nulla potio fortis, quæ inebriare possit, sed tenuis cerevisia biberetur. Quod post plures annos, crescente familia, propter ægrotos & imbecilles, tempore

[c] *Forse* tamen. Adnotat Mabillonius.

PIPPINI Regis, SYNODALI Decreto immutatum est: aliqui (a) tantum ex fratribus usque ad finem vitæ suæ se à vino, & cæteris fortibus potionibus abstinerunt.

Vita S. Sturmii, Tomo II. Tertii Seculi Benedictini à Mabillone edita pag. 276.

EPISTOLA S. BONIFACII ARCHI-EPISCOPI

Ad STEPHANUM II. Papam.

Quid Legationem Apostolicæ Sedis prorogari sibi petit.

Domino Excellentissimo, & præ cæteris Pontificibus præferendo & amando, & Apostolatûs privilegio prædito, Stephano Papæ, Bonifacius exiguus Episcopus, Discipulus Romanæ Ecclesiæ, optabilem in Christo charitatis salutem.

SANCTITATIS vestræ Clementiam intimis ac visceratis obnixè flagito precibus, ut familiaritatem & unitatem sedis Apostolicæ ab almitatis clementia impetrare & habere merear, & in discipulatu pietatis vestræ, Sedi Apostolicæ serviendo, servus vester fidelis ac devotus permanere possim, eodem modo, quo antè sub tribus præcessoribus vestris, Apostolicæ sedi serviebam, venerabilis memoriæ duobus GREGORIIS, & ZACHARÆ (a) qui me semper hortatione & auctoritate litterarum suarum muniebant & adjuvabant. Quod & pietatem vestram agere deprecor, ut præceptum Paternitatis vestræ eo melius perficere & implere possim. Nam si quid, in istâ legatione, Romanæ (b) per XXX. & VI. (c) annos fungèbar, utilitatis Ec-

clesiæ præfatæ peregi, adhuc implere & augere desidero. Si autem minùs peritè aut injustè à me factum aliquid vel dictum reperitur, Iudicio Romanæ promptè voluntate & humilitate emendare me velle spondeo. Interea deprecor, ut pietas Domini mei non indignetur, quia tam tardè missum meum & litteras ad præsentiam vestram direxi. Sed hoc idcirco contigit, quia præoccupatus fui in restauratione Ecclesiarum, quas Pagani incenderunt, qui per titulos & cellas nostras plusquam XXX. Ecclesias vastaverunt & incenderunt. Et hæc fuit occasio tarditatis litterarum & appellationis Paternitatis vestræ, & non aliqua negligentia incuria.

Inter editas à Serario est hæc Epistola XCI.

M 2

EPI.

(a) Zacharias Papa obiit 752. 14. Martii. Stephanus II. coronatus 26. Martii h. a.

(b) *Alii legunt*: Legatione Romana, quâ per 36. annos fungèbar.

(c) Ab anno 717. ap 753. fluxere 36. anni obitæ Legationis Apostolicæ per Germaniam, Bajoriam, Franciam.


~~~~~

EPISTOLA  
S. BONIFACII  
ARCHI-EPISCOPI,

AD STEPHANUM II. PP.

*Quâ Trajectensem Ecclesiam, à Dagoberto I. Colonienſi Epifcopo donatam, petit immediatè ſubjici Romano Pontifici.*

Venerando ac diligendo Domino, Apoſtolatûs privi-  
vilegio prædito, Stephano Papæ, Bonifacius exiguus  
Legatus, vel miſſus Germanicus Catholicæ & Apoſto-  
licæ Romanæ Eccleſiæ, optabilem in Chriſto  
charitatis ſalutem.

(a) **N**Am tempore Sergii, Apoſtoli-  
cæ Sedis Pontificis, venit ad  
limina Sanctorum Apoſtolorum Presby-  
ter quidam miræ abſtinentiæ & Sancti-  
tatis, generis Saxonum, nomine Wil-  
librord, & alio nomine, Clemens vo-  
catus, quem præſatus Papa Epifcopum  
ordinavit, & ad prædicandam Paganam  
gentem Freſonum, tranſmiſit in littori-  
bus Oceani occidui. Qui per L. annos  
prædicans, præſatam gentem Freſonum  
maxima ex parte convertit ad fidem  
Chriſti, ſana & delubra deſtruxit, &  
Eccleſias conſtruxit, & Sedem Epifcopa-  
lem & Eccleſiam in honore Sancti Sal-  
vatoris conſtituens in loco & caſtello,  
quod dicitur Trajectum, & in illa Sede &  
Eccleſia Sancti Salvatoris, quam con-  
ſtruxit, prædicans uſque ad debilem ſe-  
neſcitutem permanſit: & ſibi Coepifco-  
pum ad miniſterium implendum ſubſti-  
tuit, & finitis longævæ vitæ diebus, in  
pace migravit ad Dominum. Princeps  
autem Francorum Carolomannus com-  
mendavit in ſedem illam conſtituendum  
& ordinandum Epifcopum, quod &  
feci. Nunc autem Colonienſis Epifcopus  
(b) illam Sedem præſati Epifcopi Cle-  
mentis, à Sergio Papa ordinati, ſibi uſur-  
pat, & ad ſe pertinere dicit, propter  
fundamenta cujuſdam deſtructæ à Paga-

nis Eccleſiæ: quam Willibrordus diru-  
tam uſque ad ſolum in Caſtello Trajecto  
repperit, & eam proprio labore à fun-  
damento conſtruxit, & in honore S.  
Martini conſecravit. Et refert, quia ab  
antiquo Rege Francorum Dagoberto (c)  
caſtellum Trajectum cum deſtructa Ec-  
cleſia ad Colonienſem Parochiam dona-  
tum in ea conditione fuiſſet, ut Epifco-  
pus Colonienſis gentem Freſorum ad fi-  
dem Chriſti converteret, & eorum præ-  
dicator eſſet: quod & ipſe non fecit.  
Non prædicavit, non convertit Freſeos  
ad fidem Chriſti, ſed Pagana manſit  
gens Freſorum; uſque quo venerandus  
Pontifex Rom. ſedis Sergius ſupradictum  
ſervum Dei Willibrordum Epifcopum  
ad prædicandum ſupradictæ genti tranſ-  
miſit, qui illam gentem, ut præſatus  
ſum, ad fidem Chriſti convertit. Et  
modò vult Colonienſis Epifcopus ſedem  
ſupradicti Willibrordi prædicatoris ſibi  
contrahere, ut non ſit Epifcopalis ſedes  
ſubjecta Rom. Pontifici, prædicans gen-  
tem Freſorum. Cui reſpondebam, ut  
credidi, quod majus & potius fieri de-  
beat præceptum Apoſtolicæ Sedis, &  
ordinatio Sergii Papæ, & legatio vene-  
randi prædicatoris Willibrordi, ut & fiat  
ſedes Epifcopalis ſubjecta Rom. Pontifi-  
ci, prædicans gentem Freſorum, quia  
magna

(a) Deest initium Epistolæ hujus XCVII. inter Bonifacianas à Serario editas, uti & finis.

(b) Hildegarius. Sedit in Cathedra Colonienſi ab 750. ad 753., quo anno in expeditione Pippini contra Saxones interemptus fuit à Saxonibus haud procul Viſurgi. *Annales Newenariani & Pitheoani.*

(c) Rex Dagobertus I. circa annum 631., videtur S. Cuniberto donâſſe Trajectum caſtrum ad Rhe-  
num. *Mörckens in conatu Chronolog. Archi-Epp. Colon. pag. 43.*

magna pars illorum adhuc pagana est; quam destructæ ecclesiæ fundamenta diruta, & à Paganis conculcata, & per negligentiam Episcoporum derelicta. Sed ipse non (d) consentit. Sed modo Paternitatis vestræ iudicio mihi intimare dignemini: & si hoc iustum sit responsum, & vobis placeat, quod illi Coloniensi Episcopo reddidi, vestrâ auctoritate roborare, ut præceptum Sergii Papæ, & Sedes illa stabilis permaneat. Sic

enim potestis nos, si vobis placet, adjuvare, si de Scrinio Ecclesiæ vestræ exemplare jubetis, & mihi transmittere, quidquid præfato Episcopo Willibrordo ordinato Sanctus Sergius præciperet & conscriberet, ut ex auctoritate Sanctitatis vestræ contradicentes convincere & superare valeam. Si autem aliter iustius Sanctitati vestræ videatur, consilium Paternitatis vestræ mihi insinuare dignemini, ut sequar.

(d) Hildegarius frater possessione antiqua se opposuit S. Bonifacio; & reapse Trajectensis Ecclesia subjecta mansit Metropolitano Coloniensi usque ad 1549.

## CONCILIIUM MOGUNTINUM

Circa annum Christi DCCLII. Stephani II. Papæ I.  
Pippini Regis I.

*In eo Lullus Moguntiae ordinatur Episcopus à S. Bonifacio, & cæteri  
Episcopi & Abbates olim constituti confirmantur.*

Novissimè . . . præcepto Romani Pontificis & consensu Venerandi Principis Pippini, & Synodalis auctoritatis licentiâ, & omnium Episcoporum, & Abbatum, nec non Canonicorum, & Monachorum, omniumque Christianorum ad suam Diocesim pertinentium profectus est. Sed & Lullum ante iuramento constrinxit, dicens: Equidem animosè proficiscor, quocunque me Divina gratia dirigere voluerit. Nunc autem da fidem, ubicunque obierim, meum corpus ad destinata transferas. Et ille quidem spondit, se omnia pro possibilitate custodire.

*Ex Supplemento vite Bonifacianæ, à Willibaldo conscriptæ, apud Henschenium Tomo I. Act. Ss. ad diem V. Junii. pag. 475.*

Post hæc . . . non multis transactis annorum curriculis contigit B. Bonifacio relatu didicisse S. Willibrordum (a) ex hac peregrinatione ad cælestem patriam obitu felici migrasse. Mox ut hæc audivit, pro tanti viri morte graviter ingemuit. Inter gravissima doloris lamenta

profundique gemitus suspiria, obviavit illi mente, quantocius Synodum coadunare deberet. Nec mora; convenientibus in unum Episcopis, omnique choro Ecclesiastici ordinis, cum consensu illorum omnium, & cum decreto Pippini Regis (qui tunc Carolomanno fratre defuncto Rex effectus est) LUL venerabilem virum Moguntinæ Sedis sibi elegit successorem. Sturmium (b) verò venerabilem in Cœnobio Fuldensi constituit Abbatem, præcipiens illi curam gerere gregis commissi. Willibaldo quidem Pastoralis officii regimen in loco Heytstede commendavit, & Burchardo ejusdem civitatis parochiam in Wirceburgh delegavit. Wigbertum quoque in Monasterio, quod nuncupatur Hersfelda, fratrum constituit gubernatorem. Hæc quoque B. Bonifacius, Martyrque futurus, ut sapiens architectus cuncta disposuit; & adhibitis sibi aliquantis fratribus navim conscendens, Trajectum usque pervenit.

*Vita tertia Bonifaciana apud Henschenium in actis Sanctorum, ad diem V. Junii pag. 482.*

M 3

CONCI-

(a) Willibrordus obiit VII. Idus Novembris DCCXLVI. juxta Ubbonem Emmium L. W. Frisæ. MABILLON *Sæculi III. Benedictini Parte I. pag. 614.* Anno 739. obitum S. Willibrordi statuit collocandum ex Theofrido Abbate Epiernacensi, Bertelio & Miræo. Quo admissio Biographus Tertius non attendisse videtur ad eum annum, quum dixit, MOX AB AUDITâ MORTE S. Willibrordi eam Synodum, in qua Lullus in sede Moguntina Successor ordinatus fuit; Pippino Rege, qui hoc nomen non ante 752. assumpsit, celebratam fuisse, quæ nonnisi anno hoc, aut proximo 753. coacta fuit.

(b) Lull solus Episcopus inauguratus, Reliqui quatuor duntaxat confirmati, non instituti fuerunt,



## CONCILIIUM METENSE.

Anno Christi DCCLIII. Stephani Papæ II.  
Pippini Regis II.

## TITULI CAPITULORUM.

*I. De Incestis.*

*II. De Ecclesiasticis Viris.*

*III. De Presbyteris & Clericis, ut eos Archi-Diaconus convocet ad Synodum.*

*IV. De Teloneis, unde exigi non debeant.*

*V. De Moneta.*

*VI. De Immunitatibus conservandis.*

*VII. De Iustitia facienda.*

*VIII. De Ecclesiasticis Viris, qui se reclamare ad Palatium veniunt.*

## CAPITULA.

*I. De Incestis.*

**S**I homo incestum commiserit de istis causis, de Deo sacrata, aut comatre sua, aut cum matrâ Spirituali de fonte & confirmatione Episcopi, aut cum matrâ & filia, aut duabus sororibus, aut cum fratris filia aut sororis filia, aut nepote, aut cum consobrina atq; sobrina, aut cum amâ vel matertera. De his criminibus pecuniam suam perdat, si habet, & si emendare se noluerit, nullus eum recipiat, nec cibum ei donet; & si hoc fecerit, LX. solidos Domino Regi componat, usque dum se ipse homo correxerit. Et si pecuniam non habet, si liber est, mittatur in carcerem usque ad satisfactionem: si servus aut libertus est, vapuletur plagis multis: & si Dominus suus permiserit, eum amplius in tale scelus cadere, ipsos LX. solidos Domino Regi componat.

*II. De Ecclesiasticis viris.*

De Ecclesiasticis verò, qui supradicta facinora commiserint, si bona persona fuerit, perdat honorem suum: minores verò vapulentur, aut in carcerem recludantur.

*III. De Presbyteris & Clericis, ut eos Archidiaconus convocet ad Synodum.*

De Presbyteris & Clericis sic ordinamus, ut Archidiaconus Episcopi eos ad Synodum commoneat unâ cum comite: & si quis contemplerit, comes

eum distringere faciat, ut ipse Presbyter, aut defensor suus LX. solidos componat, & ad Synodum eat. Et Episcopus ipsum Presbyterum, vel Clericum juxta Canonicam auctoritatem dijudicari faciat. Solidi verò LX. de ipsâ causâ in Sacellum Regis veniant. Et si aliquis per violentiam Presbyterum, aut Clericum aut incestuosum contraxerit, tunc Comes ipsam personam per fidei iussos positam ante Regem faciat unâ cum missis Episcopi venire. Et Dominus Rex distringat, ut ceteri emendetur.

*IV. De Teloneis, unde exigi non debeant.*

De Teloneis verò sic ordinamus, ut nullus de victualio, & carris, quæ absque negotio sunt, teloneum prehendat. De Saumis similiter ubicunque vadunt, & de peregrinis similiter constituimus, qui propter Deum ad Romam, vel alicubi vadunt, ut ipsos per nullam occasionem ad pontes, & ad exclusas, aut navigio detineatis: nec propter scrippa sua ullo peregrino calumniam faciatis, nec ullum teloneum eis tollatis. Et si aliquis hoc fecerit, qualiscunque homo hoc comprobaverit, nos de LX. solidis XXX. illi concedimus, & illi alii in Sacellum Regis veniant.

*V. De Moneta.*

De Moneta constituimus, ut amplius non habeat in libra pensante, nisi XXII. solidos, & de ipsis XXII. solidis mone-

monetarius accipiat solidum unum, & illos alios Domino, cujus sunt, reddat.

*VI. De immunitatibus conservandis.*

Ut emunitates conservatæ sint.

*VII. De Justitia facienda.*

Ut omnes Justitias faciant tam publici, quàm Ecclesiastici. Et si aliquis homo ad palatium venerit pro causâ suâ, & antea Comiti non innotuerit in mallo ante Rachemburgios, aut si causâ suâ ante Comitem in mallo fuit ante Rachemburgios, & hoc sustinere noluerit, quod ipsi ei legitimè judicaverint; si pro istis causis ad palatium venerit, vapuletur: & si major persona fuerit, Regis arbitrium erit. Et si reclamaverit, quod legem ei non judicassent, tunc licentiam ha-

beat ad palatium venire pro ipsâ causâ: & si ipsos convincere potuerit, quod legem ei non judicassent, secundum legem contra ipsum emendare faciat. Et si Comes & Rachemburgii ei convenire potuerint, quod legem ei judicassent, & ipse hoc recipere noluerit, hoc contra ipsos emendare faciat.

*VIII. De Ecclesiasticis viris, qui se reclamare ad palatium veniunt.*

Similiter de Ecclesiasticis, si ad palatium venerint de eorum causâ se reclamare super eorum seniore, vapulentur, nisi senior suus pro sua causâ transmiserit.

*Sirmondus Tomo II. Concil. Gallie pag. 5.*

Cl. Eckartus L. XXIV. rerum Franc. §. XXXVI. ad annum 756. Synodum differt, eamque ex Compensensis & Vennensis Synodorum Canonibus constam conjicit; eo quod inter hujus & illarum Synodorum Canones similitudo sit. Sed hoc argumento quor Synodi diffarentur? cum nihil sit frequentius in Synodis, quàm anteriorum canones repetere, suis intermiscere, &c.



## CONCILIIUM CONSTANTIENSE.

Anno Christi DCCLIX. Pauli Papæ III. Pippini Regis VII. sub Sidonio (b) Episcopo.

*In quo S. Othmarus Abbas Cænobii S. Galli à Lamberto calumniosè accusatus, carceri includitur.*

**W**arinus & Ruodhardus, qui tunc temporis totius Alamanniæ curam administrabant, diabolo suadente, immanissimo avaritiæ morbo præventi, res Ecclesiarum sub sua potestate sitarum, magna ex parte in proprietatis suæ Dominium per vim contraxerunt. Qui cum sibi de Possessionibus B. Galli per plura eodem violentiæ ausu vendicassent; Vir Dei Othmarus, non possessionibus terrenis inhians, sed cœnobialis vitæ defectum præmetuens, Pippinum Regem adiit, ipsique Tyrannicam eorum præsumptionem exposuit, pariter protectatus, grave eum crimen incursum, si eorum actibus consentiendo faveret. Quâ causâ benevolus Princeps utrumque conveniens, interminatus est eis, gratiâ suâ illos omnimodis carituros, si non Ecclesiis Dei, quæ injustè abstraxerunt, absque recastinatione restituerent. At illi patriam repetentes,

vitio rapacitatis infecti, & bestialia sævitia efferati, jussionem Regiam neglexerunt. Virum etiam Dei Othmarum, cum pro hac re iterum Principem adire vellet, missis clanculum post eum militibus, vinculis injectum, per vim reduci fecerunt, nec non & Lambertum quendam, qui fratribus ejus professione connumeratus erat, non vitæ Sanctitate; persuaserunt, ut ei factâ quâdam machinatione luxuriæ crimen impingeret, id elaborantes, ut sanctitate ejus hujusmodi suspicionibus infamata deponendi eum occasionem invenirent. Quâ causâ plurimi, tam dolosæ factionis ignari, ad Concilium evocantur.

Itaque vir venerabilis castitate, integer vitæ, ac morum maturitate grandævus in medio Cænobii collocatur, & in ejus accusationem Lambertus, falsitatis minister, coram omnibus præsentatur, acceptâque loquendi licentiâ, veritatis obli-

(a) Sidonius, Episcopus Constantiensis Ecclesiæ, & Abbas Augiæ, B. Othmarum in Synodo de adulterio accusatum damnavit, mox missum in exilium. *Hepidanus, in Annalibus ad annum DCCXLVI.*



oblitus, falsitatis assertor dixit, se quandam scēminam nōsse, quæ à viro beato vim pollutionis fuisset perpeffa. Ad quod fertur nullum penitus dedisse responsum: cūmq; à plurimis responderi cogeretur objectis hujusmodi, dicto temperavit eloquium: fateor, inquit, me supra modum in multis peccasse, de hujus autem objectione criminis secreti mei inspectorem Deum invoco. Illis autem, ut hujus facti se excusatione purgaret attentius ei assistentibus, mente securus, conscientia liber, tacitus perduravit: & quia accusandi licentiam apud Judices patere cognovit, maluit pro sinceritate sui pectoris Divino, quam humano, pro excusatione criminis placere Judicio. Mox ergo, ut cunctis claresceret, ipsius castimoniam falso fuisse infamatam; Lambertum ultio Divina cor-

ripuit. Nam februm vexatione pervasus, paulatim resolutio membrorum vigore, contrahi cepit, sicque omnibus membris statū sui amittentibus rectitudinem, vel formam, capite ad terram more quadrupedum inclinato, non solum deformitate figuræ terribilis, verum etiam vivā voce in Sanctum Dei peccasse omni tempore fatebatur.

Concilio autem iniquè inchoato, inquit terminato, Vir Dei Othmarus (d) apud villam Potamum palatio inclusus est.

*Ex Walafrido Strabo, Abbate Augiensi, in Libro de vita S. Othmari.*

*Apud Goldastum Tomo I. rerum Alamannicarum Cap. IV. V. VI.*

*Et apud Mabillonium Sæculi III. Benedictini Parte I.*

(b) Obiit S. Othmarus hoc anno 759. plenus Sanctitate meritorum in suo exilio, quod erat in Insula Rheni, *Stein*, nuncupata, XVI. Kalend. Decembris. P. Sigismundus Calles in *Annalibus Ecclesiasticis Germania* corrigat Hepidani Annales apud Goldastum Tomo I. Parte I. Rerum Alamannicarum, referentis accusationem & exilium Beati Othmari ad annum 746, & 758.

(c) Pagius in *Critica Baronii* ad h. a. confutat Cointium, qui unum Othmarum perperam in duos diviserat.

(d) Warinus & Ruodhardus beatum & sanctum virum Othmarum multis injuriis affligebant; ipse verò plenus dierum, plenus etiam Sanctitate meritorum, de angustis hujus vitæ eripitur, atque in Insula Rheni fluminis, quæ vocatur *Stein*, sepultus est. *Hepidanus ad annum DCCLVIII.*

## CHRODEGANGI

METENSIS (a) EPISCOPI,

### REGULA CANONICORUM.

Anno Christi DCCLXII. Pauli I. Papæ V.

Pippini Regis X.

P R Æ F A T I O.

Temporibus piissimi ac Serenissimi PIPINI. (b) CHRODOGANGUS, Servus Servorum Dei, Metensis urbis Episcopus.

Si trecentorum decem & octo (c) Canonum auctoritas inviolata perduraret, & Episcopus atque Clerus secundum

(a) Crodegangus, Metensis Episcopus, & Caroli Martelli ex Landrada filia Pippini sorore nepos, à Stephano II. Papa, cū anno 754. in Francia esset, fuit Archi-Episcopus ordinatus, dato pallio, & facultate Crucis præferendæ, & ordinandi Episcopos per totam Franciam.

(b) Pippinus anno 752. Kal. Martii electus Rex Francorum, anno 754. à Stephano Papa ungitur & coronatur Rex primus è Francorum Regibus. *Eckhart L. XXIV. rerum Francicar. N. XIV. XV. & seqq.*

(c) Concilii Nicæni I. Canones.

dum eorum rectitudinis normam viverent, superfluum videretur, à nobis exiguis, minimisque super hac re, tam ordinatè disposita, aliquid novi retractare aut dicere; sed dum Pastorum subditorumque negligentia ex his temporibus nimium crevit, quid aliud agendum nobis est, qui in tam gravi discrimine venimus; nisi, ut quantum possumus, si non quantum debemus, ad rectitudinis lineam, Deo inspirante, Clerum nostrum reducamus?

Igitur quamvis adeptà hujus sedis Pontificalis Cathedræ, cumque officii mei Pastoralis curam invigilare cepissem, & in tantam negligentiam Clerum, plebemque devenisse conspicerem, cepi mœstus conquirere, quid agere deberem, sed Divino fultus auxilio, fratrumque Spiritualium consolatione adjutus, atque recuperatione provocatus, volui necessitate compulsus parvum Decretulum facere, per quod se Clerus ab illicitis coerceretur, vitiosa deponat, mala diu longèque usurpata derelinquat: ut, dum mens ab assuetis vitiis vacuatur, facilius & optima quæque sunt, inserantur.

Scripturis enim sacris intenti decernimus, ut omnes sint unanimes, officiis divinis, Lectionibusque sacris assidui, atque ad obedientiam Episcopi sui, Præpositique, ut ordo Canonicus deposcit, parati: charitate connexi, zelo bono, ferventissimoque amore conjuncti, à litibus, vel scandalis, seu odiis semoti. Pastor eorum quilibet fuerit, non solum de carnalibus, sed etiam spiritualibus curam gerat, & in utraque parte sagacissimam sollicitudinem, in quo facultatis fuerit, habeat; ut & vitia deprimat, & ea radicatis, ut oriri ceperint, ut prævalet, amputare festinet; & quæ usibus humanis juxta formam subter dispositam necessa-

N

Regulam hanc Canonicorum in Synodis Vernensi & Attiniacensi Episcoporum censuræ à S. Chrodegango subjectam fuisse & approbatam opinatur *Clariss. Eckhartus L. XXIV. rerum Francia §. LXVIII.*

*Dapin. Tomo VI. nova Bibliotheca Autorum Ecclesiasticorum pag. 104.* asserit, Chrodegangi Regulam Capitulis 34. duntaxat constantem, ex vaticano codice à P. Labbéo editam, esse genuinam & veram regulam. Hanc autem à D'acherio in spicilegio editam, fuisse compilatam tum ex vera Regula S. Chrodegangi, tum ex Statutis Concilii Aquisanis anni DCCCXVI. tum ex Regula S. Benedicti, aliisque Monasticis:

Verum cum hæc collectio D'acherii, constans 86. Capitibus, diversa sit ab Aquisanis Synodi anni 816. collectione; quæ 145. Capitibus (*Binius T. 3. p. 1.*) constat; utramque eandem putavi. Obiit S. Chrodegangus anno 766. VI. Martii, judicibus Pagio ex chronotaxi Episcoporum Metensium, & Eckharto L. 24. §. 84. Juxta D'acherium & Paulum Diaconum, pridie Nonas Martias in diebus Pippini Regis, sepultus in Gorzia, Monasterio Benedictinorum, à se ædificato. Sedit in Episcopatu annos 23. menses 5. dies 5. elevatus ad Episcopatum Metensem anno 743. teste Dupinio; idem fuit Abbas Laurisheimensis; secularis scilicet: nec enim certò constat, eum S. Benedicti Regulam professum fuisse; D'acherio contrarium videtur.

(d) Matth. XXV, 21,

(e) Luc. XIV, 11,

(f) Jacob. IV, 6.

ria fuerint, eis præbere studeat; ut cum Pastor Pastorum, judexque vivorum & mortuorum, Christus in ultimo, tremendoque die, in sede Majestatis suæ disceptaturus cum omnibus gentibus, sederit, & omnis Clerus eum revelatâ facie conspexerit, etsi non cum summis Pastoribus, & gregibus sibi commissis, pro dispensatis talentis, multiplicatque Spiritualibus lucris audire merebimur: *Euge serve bone, (d) & fidelis;* saltem hoc concedatur, ut delictorum venia ad integrum tribuatur. Quia manifestum est, quibus peccatorum venia ad integrum tribuitur, quia nec infelix potest judicari, cui contigerit, qualemcumque partem in Paradiso habere; sed illis ibidem fors datur, qui in quantum possunt, per vitæ meritum ad hoc in hujus temporis curriculo, dum licet, currere festinent.

Intendamus ergo ad hoc animum, quantum possumus, quia non possumus, quantum debemus: & nostra vita amarecat in poenitentia, ne ultio Divina, quæ nunc micis est, & exspectat, post sæviat ad vindictam.

## CAPUT I.

## De Humilitate.

**C**lamat nobis Divina Scriptura, dicens: *Omnes qui se exaltant, (e) humiliabitur: & qui se humiliat exaltabitur:* quantum enim humilior fueris, tantum te sequitur gloriæ altitudo: & quia *Superbis Deus resistit, (f) humilibus autem dat gratiam;* omnisque arrogans immundus est coram Domino. Nam quemcumque superbum videris, filium diaboli esse non dubites: & quemcumque humilem prospexeris, Dei Filium esse credere debes. De multis enim pauca perstringimus, ut omnes homines ad amorem humilitatis pro-

voce-



vocemus, & detestabilem, inimicamque Dei superbiam ab eis retrahamus; nam, dum omne genus humanum humilitatem habere convenit, nimis iniquum, pessimumque ac detestabile est, ut qui servitio Dei peculiarius se junxerunt, humilitatem derelinquant, & superbiam diabolicam se faciant. Christus in humilitate, diabolus in superbia sedet.

Idecirco necesse est, ut qui suadente diabolo usque nunc superbus atque elatus, & vultu rigidus vixit, Deo auxiliante, per humilitatem atque charitatem aut obedientiam, seu per reliqua bona Dei præcepta, resurgat: quia multum melius est, per humilitatem cum Christo in Regna cœlestia regnare, quam cum diabolo per superbiam in infernum demergere.

#### CAPUT II.

##### *De Ordine congregationis Canoniorum.*

Ordines suos Canonici ita conservent, ut ordinati sunt in gradibus suis, secundum legitimam institutionem Romanæ Ecclesiæ, in omnibus omnino locis, id est, in Ecclesiâ, vel ubicumque simul se junxerint, & ratio præstat; exceptis his, quos Episcopus in altiore gradu constituerit, aut degradaverit certis de causis, reliqui omnes, ut diximus, ita, ut ordinati sunt, ordines suos custodiant.

Juniores igitur priores suos honorent: priores minores suos in Deum diligant. In ipsorum autem appellatione nominum nulli liceat alium puro nomine appellare, sed secundum constitutionem Sanctæ Sedis Apostolicæ, vocet eum nomen suum, prius addito & ministerii sui gradu, qualiscunque fuerit. Ubicumque se obviaverit Clerus, junior inclinetur, & à priore benedictionem petat, & si sedentem invenerit, transeunte majore, minor surgat, & det ei locum sedendi, nec præsumat junior confedere, nisi ei præcipiat senior suus; ut fiat, quod scriptum est: *Honore invicem prævenientes* (g) Pueri & parvi adulescentes in oratorio, aut ad Missas, cum disciplina suos ordines custodiant, & ubicumque fuerint, custodiam habeant, & disciplinam.

(g) Rom. XII.

#### CAPUT III.

##### *De eo, quod in congregandis Canonici modus discretionis tenendus sit.*

Cavendum summo opere Præpositis & Prælati Ecclesiæ est, ut in Ecclesiis sibi commissis non plures admittant Clericos, quam ratio finit, & facultas Ecclesiæ suppetit; ne, si plures indiscretè aggregaverint, nec ipsos gubernare, nec, ut oportet, valeant adminiculari. Sunt namque nonnulli vanam gloriam ab hominibus captantes, qui innumeratam Cleri congregationem volunt habere; cui nec animæ, nec corporis curant solatia exhibere. Hi namque qualiter aggregati, dum à Prælati stipendia necessaria non accipiunt, neque canonicum servant ordinem, nec Divinis officiis insistant: claustra, societatemque cæterorum relinquentes, efficiuntur vagi & lascivi, gulæ & ebrietati, & cæteris suis voluptatibus dediti, quidquid sibi inhibicum est, licitum faciunt.

Proinde Præpositis solerter providendum est, ut in hoc negotio modum discretionis teneant: scilicet, ut nec plus, quam oportet, & possibilitas Ecclesiæ suppetit, in congregatione admittant; nec eos, quos rationabiliter gubernare possunt, causâ avaritiæ abjiciant.

#### CAPUT IV.

##### *De eo, quod non debent Clerici in congregatione canonici constituti, stipendia superflua accipere, aut exigere, sed necessaria.*

Sanctorum Patrum Sententiæ docent, Clericos non divitiarum sectatores esse, nec res Ecclesiarum inofficiose accipere debere: inde dicit Prosper: Qui Ecclesiæ serviunt, & ea, quibus opus non habent, aut libenter accipiunt, aut exigunt, nimis carnaliter sapiunt: indignum quippe est, si fidelis & operosa devotio Clericorum propter stipendium sæculare præmia sempiterna contemnat. Ut quid accipit, unde rationem reddat? ut quid peccatis alienis sua multiplicat? Unde necesse, imò utile est, Clericis in Ecclesiasticis sumptibus accipiendis suum vitare periculum. Proinde tam de suis quam de Ecclesiæ facultatibus, non plus accipiant, aut exigant, quam oportet;

id

id accipient, cibum, potum, atque vestimentum, & his contenti sint, ne plus accipientes, pauperes gravare videantur. Sinè grandi peccato non accipiunt, unde pauper victurus erat.

Hi verò, qui nec suis rebus abundant, nec Ecclesiæ habent possessiones, & magnam utilitatem Ecclesiæ conferunt, accipient in canonica congregatione victum & vestimentum, & eleëmofynarum partes; quia de talibus in Libro Prosperi dicitur: Clerici, quos voluntas, aut natiuitas pauperes fecit, in congregatione viventes, necessaria vitæ accipient; quia ad ea accipienda non eos habendi ducit cupiditas, sed cogit vivendi necessitas. Porro si tales fuerint, qui nec suas, nec Ecclesiæ velint habere possessiones, horum necessitatibus providentissimâ gubernatione de Facultatibus Ecclesiæ debent subvenire Prælati, attendentes illud Prosperi: Quod habet, inquit, de facultatibus Ecclesiæ, cum omnibus nihil habentibus commune habeat. Sed & illorum curam gerere debent, quos aut infirmitas, aut senectus aggravat, quos etiam constat olim in utilitatibus Ecclesiæ defudasse.

## CAPUT V.

*De his, qui in congregatione sibi commissâ, solummodò ex familiâ Ecclesiæ clericos aggregant.*

Sunt nonnulli, qui tantùm ex familiâ Ecclesiasticâ Clericos in sibi commissis congregant Ecclesiis; & hoc ideo facere videntur, ut si quando eis aliquid incommodum fecerint, aut stipendia opportuna subtraxerint, nihil querimonie contra se obijcere præsumant, timentes scilicet, ne aut severissimis verberibus afficiantur, aut humanæ servituti denuo crudeliter addicantur.

Hoc autem non ideo dicitur, ut ex familiâ Ecclesiæ probabilis vitæ in congregatione non sint admittendi, præsertim cum apud Deum non sit personarum acceptio; sed potiùs, ut propter quam intulimus occasionem, nullus Prælatorum, seclusis nobilibus, viles tantùm in suâ congregatione admittant personas.

## CAPUT VI.

*Qui clerici in congregatione canonicâ constituti, Ecclesiastica accipere debeant stipendia.*

Quia Sanctorum Patrum suprâ no-

N 2

tatæ sententiæ docent; Clericos non divitiarum sectatores esse, nec Ecclesiarum inofficiose accipere debere; non abs re putavimus, nonnulla Capitula Libri Prosperi ad medium exempli causâ deducere, in quibus ita legitur: *Qui Ecclesiæ serviunt, & ea, quibus opus non habent, aut libenter accipiunt, aut exigunt, nimis carnaliter sapiunt...* Item ibi... *Satis quippe indignum est, si fidelis, & operosa devotio Clericorum, propter stipendium sæculare præmia sempiterna contemnat...* Item ibi: *Si propter hoc non vult sua quisque relinquere, ut habeat, unde vivat: ut quid accipit, unde rationem reddat? (h)*

## CAPUT VII.

*De eo, quod in congregatione canonica æqualiter cibus & potus accipiatur.*

Solet in plerisque Canoniconum congregationibus irrationabiliter, atque indiscretè fieri, ut nonnulli Clerici, qui & divitiis affluunt, & aut parum, aut nihil utilitatis Ecclesiæ conferunt, majorem cæteris, Divinum strenuè peragentibus officium, annonam accipiunt; cum hoc ita fieri debere, nunquam nec in auctoritate scripturarum, nec in traditionibus Sanctorum Patrum possit quoquo modo sancitum reperiri. Est nempe rationabile, iustumque coram Deo & hominibus, ut in unaquaque canonica congregatione à minimo usque ad maximum cibum & potum æqualiter accipiant, hi videlicet, qui propter aliquam utilitatem in numero Canoniconum fuerint admissi. Quamquam enim plerique subditorum à Prælati, rebus quibuslibet aliis plùs cæteris meritò solent honorari, in hac tamen societate, seclusâ personarum acceptione, una debet cibi, & potus æqualitas esse.

## CAPUT VIII.

*De mensura cibi & potus.*

Quando Clerus unâ, aut binâ vice in die reficit, accipiat à minore usque ad maximum quatuor libras panis, & quando bis in die reficit, pulmentum verò ad sextam, unam ministrationem de carne inter duos: & si cibaria alia unâ accipient, & cibaria non habeant, tunc duas ministrationes de carne habeant. Ad cœnam autem, aut unam ministrationem inter duos, aut cibaria alia habeant. Illo tempore, quando quadragesimalem vitam debent ducere, tunc



tunc ad sextam inter duos Clericos portionem de formatico, & cibaria alia accipient: Et si pisces habuerint, aut legumen, aut aliud aliquid, addatur & tertium: & ad cœnam cibaria inter duos & portionem de formatico accipient: & si Deus ampliùs dederit, cum gratiarum actione accipient. Quando autem in die una refectio fuerit, tunc cibaria una inter duos, & portionem de formatico, & ministratorem de legumine, aut aliud pulmentum accipient. Et si contigerit, quòd illo anno glandis vel fagina non sit, & non habent, unde hanc mensuram de carne impleant, prævideat Episcopus, vel qui sub eo est, juxta quod Deus possibilitatem dederit, aut de quadragesimali alimento, aut alio, unde consolationem habeant.

Et si eadem regio vinifera fuerit, accipiant per singulos dies quinque libras vini (si tamen sterilitas impedimentum non fecerit temporis) si verò vinifera plena non fuerit: tres libras vini, & tres cerevisiæ: & caveant ebrietatem. Si verò contigerit, quòd vinum minus fuerit, & istam mensuram Episcopus, vel qui sub eo est, implere non potest; juxta quod prævalet, impleat de cervisiâ, & eis consolationem faciant: & illis, qui se à vino abstinere, prævideat Episcopus, vel qui sub eo est, ut tantum habeant de cervisiâ, quantum de vino habere debuerant. Quando verò Ecclesiæ facultas non suppetit, aut sterilitas terræ existiterit, sicut crebro peccatis nostris præpredientibus evenire solet, & Prælati, quantum debent dare vinum, aut ficeram, seu cervisiâ, Canonicis nequiverint; prævideant eis potum, ex diversis materiis confectum: non autem murmurent, sed magis cum gratiarum actione, quod dari sibi potest, accipiant: animadvertentes Joannem Baptistam, qui nec vinum, nec ficeram, nec quid aliud, quod potest inebriare, bibit: quia ubi ebrietas fit, ibi flagitium atque peccatum est; & hoc admoneamus, ut Clerus sobriam semper ducat vitam, & quia persuadere non possumus, ut vinum non bibant, vel hoc consentiamus, ut saltem in illis ebrietas non domineur; quia omnes ebriosos Apostolus à Regno Dei extraneos esse denuntiat, nisi per dignam pœnitentiam emendaverint. Habeant itaque Canonici hortum olerum, unde cum cœteris addita-

mentis aliquid pulmentum quotidie sibi vicissim ministrent.

## CAPUT IX.

*De septimanariis coquinæ.*

Clerici Canonici sic sibi invicem servant, ut nullus excusetur à coquinæ officio, nisi ægritudine, aut causâ gravis utilitatis præoccupatus fuerit; quia exinde major merces aut charitas acquiritur. Imbecilibus autem procurentur solatia, ut non cum tristitiâ hoc faciant, sed habeant omnes solatia secundum modum congregationis, aut positionem loci.

Archidiaconus, aut Præpositus, vel Cellarius; & qui in majoribus utilitatibus occupati sunt, isti excusentur à coquinâ. Cæteri autem sibi sub charitate invicem servant. Egressurus de septimanâ, Sabbato mundicias vasorum faciat, & vasa Ministerii sui, quæ ad ministrandum accepit, sana & munda Cellario reconfignet: & si aliquid ex illis minuatam fuerit, ad Capitulum die Sabbati veniam petat: & vasa, vel quod minuatam est, in loco restituat.

## CAPUT X.

*De Archidiacono, vel Præposito.*

Oportet enim eos esse prudentes, sicut serpentes, & simplices sicut Columbae, id est, ut sint sapientes in bonum, & simplices in malum, & docti in Evangelica præcepta, & Sanctorum Patrum instituta Canonum, ut possint docere Clerum in lege Divinâ: & sic se conforment Clero, ut non tantum verbis capacibus, sed etiam exemplis simplicioribus Divina præcepta demonstrent; quia Apostoli debent semper servare formam, in qua dicit: *Argue (i) obsecra, increpa*: immiscens temporibus tempora, terroribus blandimenta. Indisciplinatos & inquietos debent durius arguere, obediētes autem, & mites, & patientes, ut in melius proficiant, observare: negligentes & contemētes, & superbos increpent, & corripiant. Neque dissimulent peccata delinquentium, sed mox, ut ceperint oriri, radicitus, ut prævalent, amputent, memores periculi Heli Sacerdotis de filiis suis. Honestiores quidem atque intelligibiles primâ & secundâ admonitione corripiant; improbos ac duros corde, ac superbos,

(i) I. Timoth. IV.

perbos, vel inobedientes, verberare & castigatione in ipso initio peccati coërcere, scientes scriptum: *Stultus verbis non corrigitur: (k)* Et iterum: *(l) Percute filium tuum virgâ, & liberabis animam ejus à morte.*

Et quidquid per se justè & rationaliter secundum canonicam institutionem non potuerint definire, Episcopo patefaciant; & ipse secundum Dei voluntatem, quod castigandum est, castiget, & quod corrigendum est, corrigat. Qui Archidiaconus vel Primitiarus, in omnibus omnino actibus, vel operibus suis sint Deo & Episcopo fideles & obedientes: & non sint superbi, neque rebelles, vel contemptores; sed casti, & sobrii, patientes, benigni, & misericordes; diligant Clerum, oderint vitia, & non permittant ea nutrirî, sed prudentes amputare festinent. Caveant, ne, dum aliis prædicaverint, ipsi reprobi efficiantur.

Qui Archidiaconus, vel Præpositus, si reperti fuerint, quod absit, superbi, aut elati, aut contradictores, vel contemptores Canonicæ institutionis, secundum Domini præceptum admoneantur semel & iterum; & si non emendaverint, ab Episcopo secundum modum culpæ judicentur. Quodsi neque sic correxerint; de ordinibus suis ejiciantur, & alii, qui digni sunt, & voluntatem Dei, vel Episcopi sui, secundum Divinum præceptum impleverint, in locis illorum subrogentur.

## CAPUT XI.

*De Cellario.*

Cellarius verò debet esse timens Deum, sobrius, non vinolentus, non contentiosus, non iracundus; sed modestus, moribus cautus & fidelis: non superbus, non tardus, non prodigus, non superfluous dissipator sine ordine, non remissus: & quidquid acceperit, sub curâ suâ ad opus Clericorum custodiat, ne ministri ibidem deputati annuam fratrum, aut fursum subripiendo, aut aliquolibet modo negligenter vivendo dissipent. Hi verò famuli eligantur de fidelissimâ Ecclesiæ familiâ, & his officiis diligenter erudiantur, ut scilicet & arte pistoriâ, & fidei puritate, necessitatibus fratrum opportunissimè valeant suffragari. Eadem quoque forma de cocis servanda est.

N 3

(k) Prov. XVIII, 2.

(l) Ibid. XXIII, 14.

## CAPUT XII.

*De Portario.*

Portarius unus cum suo juniore annum, aut ampliùs si Episcopo, vel ei, qui sub eo est, placuerit, portas claustræ, vel ostia custodiat. Qui Portarius sit frater probabilis vitæ, sobrius, patientis, & sapiens, qui sciat responsum accipere & reddere: cui officium sit, portam Canonicorum cum summâ obedientiâ & humilitate competenti tempore claudere ac referare; ut nulli per eam, nisi per licentiam, aditus pateat intrandi, aut exeundi: cui etiam observandum est, ne eis, quibus cura est, plùs otii vacare, quàm divinis obsequiis incubare, foras evagandi locum præbeat, & eorum nugarum (quod nefas est) particeps fiat.

Debet præterea advenientes quosque cum charitate suscipere, & Priori adventum eorum, causamque nuntiare. Expleto namque vespertino, & completorio officio, obseratisque portis, claves earum idem Portarius ei, qui vicem Prælati tenet, ferat; ut nulli horis incompetentibus intrandi, aut exeundi maneat facultas. Si verò inobediens, aut protervus idem repertus fuerit Portarius, sicut alii Ministri negligentes, judicetur.

## CAPUT XIII.

*De eo, quòd diligenter munienda sunt claustra Canonicorum, in quibus dormiunt canonici.*

Præpositorum cura sit, ut subditorum mentes Sanctarum Scripturarum Lectionibus assiduè muniant, ne lusus invisibilis aditus inveniatur, quo ovile Domini ingredi, & aliquam ovium subripere valeat. Et præterea necesse est, ut claustra, quo Clero sibi commissi canonicè vivendum est, firmis undique circumdant munitionibus, ut nulli omnino intrandi, aut exeundi, nisi per portas, pateat aditus.

Sint etiam interiùs dormitoria, refectoria, cellaria, & ceteræ habitationes usus fratrum, in una societate viventium, necessariae. Omnes in uno dormiant dormitorio, præter illos, quibus Episcopus licentiam dederit, secundum quod ei rationabiliter visum fuerit. Et in ipsa claustra per dispositas mansiones dormiant



miant separatim per singula lecta, mixti cum senioribus propter prævidentiam bonam; ut seniores prævideant, quid juniores secundum Deum agant. Et in ipsa claustra nulla femina introeat, ne laicus homo, præter tantum si Episcopus, aut Archidiaconus, vel Præpositus iusserint, ut in refectorio refectiois causâ veniant, relictis armis ante refectorium. Et si necesse fuerit ad opera faciendâ ibi laici homines. . . At ubi perfectum habuerint opus suum, cum summâ festinatione egrediantur foras. Et si coci Clerici desunt, & opus fuerit, ut laici coci, ad coccinandum tantum ingrediantur, & expleto ministerio suo cum celeritate exeant foras.

## CAPUT XIV.

*De his, quæ à clero in nocte de lecto surgente primum dicenda, atque operanda sunt.*

Nocturnis horis cum ad opus Divinum de lecto surrexit Clerus, primum signum sibi sanctæ Crucis imprimat per invocationem Sanctæ Trinitatis: deinde dicat versum: *Domine labia mea aperies*, (m) *Et os meum annuntiabit laudem tuam*: deinde Psalmum: *Deus in adiutorium meum intende*, (n) totum cum Gloria: & tunc provideat sibi corpoream necessitatem naturæ, & sic ad Oratorium festinet psallendo Psalmum: *Ad te Domine levavi animam meam*, (o) cum summa reverentia & cautela intrans, ut aliis orantibus non impediat; & tunc proftratus in loco congruo effundat preces in conspectu Domini, magis corde, quam ore, ita ut illius vox vicinior sit Deo, quam sibi, ita dicendo: Gratias tibi ago omnipotens Pater, qui me dignatus es in hac nocte custodire: & deprecor Clementiam tuam, misericors Domine, ut mihi concedas, diem venturum sic peragere in tuo sancto servitio cum humilitate & discretione; qualiter tibi complaceat servitus nostra. Amen.

Et tunc omnes sint præparati stantes in loco suo, in choro, per ordinem; ut cum novissimum signum cessaverit, cum summa humilitate & honestate referant laudes Deo, in conspectu Angelorum ejus. Et si alicui frequens tussis aut phlegma ex pectore aut naribus excrescat; post dorsum projiciat, aut juxta latus, cautè tamen & curiosè, ut infirmis men-

tibus non vertatur in nauseam: & semper, quod projicitur, pede conculcetur, ut cum ad orationem curvantur, vestimenta eorum non fordidentur. Et infra Ecclesiam, & in omni conventu, seu & in portico, hoc observandum est, ut, quod spuitur, semper pedibus conculcetur.

## CAPUT XV.

*De Officiis Divinis in noctibus.*

Hyemis verò temporibus, id est, à Kalendis Novembris usque in Pascha, juxta considerationem rationis, octavâ horâ noctis surgendum est: ut modicè ampliùs de mediâ nocte pausentur, & jam digesti ad vigilias surgant. Post finitas nocturnas dicunt versum: *Exultabunt Sancti in gloria*. (p) Ant. *Exultent iusti in conspectu Dei*. (q) Deinde: *Kyrie eleison*, & orationem Dominicam: & faciant interval- lum, excepto diebus Dominicis, & Festivitatibus Sanctorum, juxta considerationem Episcopi, vel qui sub eo est, id est, ut quadraginta, aut quinquaginta Psalmos possint cantare, secundum quod visum fuerit, & hora permiserit; & qui psalterii vel lectionum aliquid indigent, meditationi inferantur.

Et non præsumat aliquis in ipso intervallo dormire (nisi quem infirmitas cogat, & hoc per comineum fiat) & qui aliter fecerit, excommunicetur. Reliqui omnes ordinem vigiliarum teneant usque ad Matutinas dictas. Et in ipso intervallo summum silentium fiat tam in voce, quam in actu, vel incessu, seu sono alicujus rei, ut liceat unicuique absque alterius inquietudine peccata sua cum gemitu & suspirio, & lacrymis Domino confiteri, & veniam vel remissionem pro ipsis ab omnipotente Domino orando & petendo postulare.

## CAPUT XVI.

*De Vigiliarum antiquitate.*

Antiqua est Vigiliarum devotio, familiare bonum omnibus Sanctis. Isaias dicit: *De nocte vigilat spiritus meus ad te Deus* (r): Item David: (s) *Mediâ nocte surgebam ad confitendum tibi super judicia justitiæ tue*. Hoc namque tempore vastator Angelus transiens primogenita Ægyptiorum percussit; unde & nos vigilare oportet, ne periculis Ægyptiorum admisceamur. Iisdem etiam horis venturum se esse, in

Evan-

(m) Psal. L. 16.

(g) Psal. LXVII. 4.

(n) Psal. LXIX.

(r) Isai. XXVI.

(o) Psal. XXIV.

(s) Psal. CXVIII.

(p) Psal. CXLIX. 5.

Evangelio Salvator asserit, unde ad vigilandum auditores suos exfuscitans, dicit: *Beati Servi illi, quos, cum venerit Dominus, invenerit vigilantes.* (t) *Et si vespertinā horā, inquit, venerit, & si mediā nocte, & si galli cantu; & invenerit eos vigilantes, beati sunt quidem servi illi.* Itaque & vos estote parati, quia nescitis, quā horā filius hominis venturus est. Siquidem nec verbis solum docuit vigilias, sed etiam confirmavit exemplo. Nam testatur Evangelium: Quia erat *Jesus pernoctans in oratione Dei.* (u) Paulus quoque & Silas in custodia publica, circa medium noctis orantes, hymnum audientibus cunctis vincti dixisse memorantur: ubi repentē terræ motu facto, & concussis carceris fundamentis, & januis spontē apertis, omnium vincula sunt soluta.

Unde oportet his horis psallendi, orandique frequentiam nos in Sanctis habere officiis, finemque nostrum vel si advenit, sub tali actu expectare securi. Est autem quoddam genus hæreticorum, superfluas æstimantium sacras Vigiliās, dicentium, noctem esse sactam ad requiem, sicut diem ad laborem. Hi hæretici græco sermone Nyctages, id est, somniculosi vocantur.

## CAPUT XVII.

## De Matutinis.

De Matutinorum antiquitate & auctoritate David dicit: *In matutinis meditabor in te,* (x) *quia fuisti adjutor meus.* Et alibi: *Prævenierunt oculi mei ad te diluculo, ut meditarer eloquia tua.* In novo testamento, ex illo tempore, quo Dominus noster JESUS Christus in Bethleem nasci dignatus est, matutinæ solemnitatis officium per univèrsam mundum celebrari invaluit. Matutinā autem luce radiante Dominus & Salvator noster ab inferis resurrexit: Siquidem & eodem tempore cunctis spes futuræ resurrectionis creditur, cum justī, quasi à sopore somni resurgentes, vigilabunt.

## CAPUT XVIII.

## De Horā primā.

Convenientes Cleri ad primam canendam in Ecclesia, completo officio ipso, ante Psalmum quinquagesimum, donent confessiones suas vicissim, dicentes: Confiteor Domino, & tibi, Frater, quod peccavi, in cogitatione, &

loquutione, & opere; propterea precor te, ora pro me. Et ille responderet: Misereatur tuū omnipotens Deus; & indulgeat tibi omnia peccata tua, liberet te ab omni malo, conservet te in omni bono, & perducatur te ad vitam æternam. Et ille dicit: Amen. Supplici corde certatim pro se orantes, hoc sibi faciunt. Hoc expleto conveniant ad Capitulum quotidie. Et ex istā institutione, quam propter illorum utilitatem, Deo auxiliante, fecimus, in unoquoque die aliquod capitulum præter diem Dominicam, quartam & sextam feriam, & solemnitates Sanctorum, in quibus tractatus, & alias homilias, vel quod ædificet audientes, relegant. Et ideo quotidie ad capitulum omnes Cleros venire constituimus, ut anima verbum Dei audiat, & Episcopus, vel Archi-Diaconus, vel qui in loco illorum præesse videtur, ibidem quod jubere habet, jubeat, & quod corrigere, corrigat, & quod faciendum sit, ordinare studeat.

Post lectionem recitantur ætas mensis, & lunæ, & nomina Sanctorum, quorum festa crastinus excipiet dies, & postea pariter dicunt versum: *Pretiosus est in conspectu Domini mors Sanctorum ejus.* (z) Quem sequatur oratio à Priore, ita: *Ipsi & omnes Sancti Dei intercedant pro nobis peccatoribus ad Dominum, ut mereamur possidere vitam æternam. Amen.* Deinde dicatur versus: *Deus in adiutorium meum intende,* tribus vicibus, Priore incipiente, & cæteris respondentibus; subjungentes: *Gloria Patri &c.* Et postea: *Kyrie eleison,* & oratio Dominica. Deinde, *Et ne nos inducas in tentationem, &c.* Et veniat super nos. &c. *Respice in servos tuos,* (a) pariter usque in finem Psalmi, subjungentes: *Gloria.* Deinde Prior dicit: *Dirigere & sanctificare & custodire digneris, Domine Jesu Christe, Fili Dei vivi, hodie corda & corpora nostra, & sensus nostros in viā, & in lege tuā, & in operibus mandatorum tuorum: & pedes nostros dirige in viam pacis, in viam salutis, in viam justitiæ tuæ, ut hic & in perpetuum, te adjuvante salvī esse mereamur, qui cum Patre & Spiritu Sancto vivis & regnas Deus per infinita sæcula sæculorum. Amen.* Deinde: *Adiutorium nostrum &c.* Respondent alii: *In nomine Domini, qui fecit celum & terram.* Post hæc, qui culpabilis est, postulet veniam, & secundum modum culpæ judicium recipiat. Quisquis verò veniam

(t) Luc. XII.

(u) Luc. VI.

(x) Psal. LXII.

(y) Psal. CXVIII.

(z) Psal. CXV.

(a) Psal. LXXXIX, 16.



veniam postulat pro culpâ, quantum plûs se humiliat, & se culpabilem asserit, tantum misericorditer & leviùs à Priore judicetur: necesse est enim, ut omnes nostræ negligentie, id est, cogitationum, linguarum, vel operis in præsentî vitâ per veram confessionem & humilitatem semper judicentur, & non post mortem reos nos faciant.

## CAPUT XIX.

*De opere manuum quotidiano.*

Surgentes à Capitulo vadant aut simul, aut separatim ad opus sibi injunctum, ut ratio præstat, custodientes silentium, decantent Psalmos suos aut bini, aut singuli, juxta quod congruum est, nihil aliud loquentes, nisi fortè de ipsa arte necesse fuerit dicere cautè, & quando incœperint opus suum, dicant: *Benedictus es Domine Deus, qui adjuvisti me, & consolatus es me, Amen. Misereatur nostri omnipotens Deus, Amen.* Et quando opera communia non est necesse facere, unusquisque quod opus habet, faciat: quia otiositas inimica est animæ.

## CAPUT XX.

*De horis diei.*

Horam tertiam, & sextam, & nonam, Daniel & tres pueri supplicationibus Domini devoverunt. Scilicet, ut ab eo ortu diei in tempus supplicationis tres horæ porrectæ, Trinitatis nobis reverentiam declararent. In hora tertia Spiritus Sanctus descendit super Apostolos. In sexta hora Christus passus est. In nona hora emisit Spiritum.

## CAPUT XXI.

*De hora vespertina.*

Vespertinum diurni finis officium, sequitur & diurnæ lucis occasus: cujus ex veteri testamento sollemnis est celebratio. Testis est David, qui dicit: *Dirigatur oratio mea sicut incensum in conspectu tuo.* (b) *Elevatio manuum mearum sacrificium vespertinum.* In novo Testamento, eodem tempore Dominus & Salvator noster cœnantibus Apostolis mysterium corporis & sanguinis sui tradidit. His temporibus in honore, ac memoria tantorum Sacramentorum adesse nos decet DEI conspectibus, & personare in ejus cultibus & laudibus.

## CAPUT XXII.

*De Completis.*

De Completis celebrandis in Patrum invenitur exemplis, David dicente: *Si ascendero in lectum strati mei* (c) *si dederò somnum oculis meis, & palpebris meis dormitationem, & requiem temporibus meis, donec inveniam locum Domino, tabernaculum Deo Jacob.* Nos autem si locus Domini esse volumus, & tabernaculum, & templum ejus cupimus haberi, exempla Sanctorum imitemur, ne de nobis dicatur, quod legitur: *Dormierunt somnum suum, & nihil invenerunt omnes viri divitiarum in manibus suis.* (d)

## CAPUT XXIII.

*De recepto silentio post completum.*

Expleto Completo summum silentium fiat, & orationes secreter fiant cum recordatione peccatorum: & postea gratias agant Deo, dicendo: Gratias ago tibi Domine, sancte Pater, omnipotens æternæ Deus, qui me dignatus es in hac die custodire: per tuam sanctam misericordiam concede mihi, hanc noctem mundo corde & corpore sic pertransire: qualiter manè surgens, gratum tibi servitium exolvere possim, per Christum Dominum nostrum. Amen.

Et cum magna cautela ambulent in Ecclesiâ, & in Dormitorio, & cum ad proprium stratum venerint, dum se collocaverint Clerus, dicat Psalmum: *Deus in adiutorium meum intende, totum cum Gloria.* Et post dicat Versum: *Pone Domine custodiam ori meo, & osium circumstantiæ labiis meis.* (e) Sicut manè surgens, postulavit sibi labia à Domino aperiri, sic requiescens roget poni ori suo à Domino custodiam.

## CAPUT XXIV.

*De eo, quod horas canonicas Canonici religiosè observare debent.*

Studeant summopere Canonici, prædictas horas vigilantissimâ curâ custodire, & in his Divinum officium humiliter, ac devotè persolvere: mox enim, ut auditum fuerit signum, festinanter ad Ecclesiam convenient, relictis omnibus, quælibet fuerint in manibus, sic tamen, ut non pereant: & si longè ab Ecclesia aliquis fuerit, ut ad opus Dei per horas

Canonicos

(b) Psal. CXL.

(c) Psal. CXXXI, 3.

(d) Psal. LXXV.

(e) Psal. CXL, 3.

nicas occurrere non possit, agat opus Dei cum tremore Divino, ubi tunc fuerit. Et prævideat custos Ecclesiæ, ut illa signa horis competentibus sonentur. Et caveant Canonici, ut non pompaticè, aut inhonestè, aut incompotè, aut superbè intrent, aut stent, aut sedent, in Ecclesiam.

## CAPUT XXV.

*De diligentia psallendi.*

Ubique credimus Divinam esse præsentiam, & oculos Domini speculari bonos & malos, maximè tamen hoc finè aliqua dubitatione credamus, cum ad opus Divinum assistimus: ideo semper memores sumus, quod ait Propheta: *Servite Domino in timore, & exultate ei cum timore.* (a) Et iterum: *Psallite sapienter.* (b) Et: *In conspectu Angelorum psallam tibi.* (c) Ergo consideremus, qualiter oporteat in conspectu Divinitatis & Angelorum ejus esse, & orare; & sic stemus ad psallendum, ut mens nostra concordet voci nostræ. Nam si cum bonis hominibus vel potentibus volumus aliqua suggere, non præsumimus nisi cum humilitate & reverentia; quandò magis Dominus univerforum à nobis cum humilitate & puritate supplicandus est?

## CAPUT XXVI.

*De eo, quidd non pompaticè standum est in Ecclesia.*

Mox autem audito signo omnes Canonici festinent ad Ecclesiam, & non pompaticè, aut inhonestè, vel incompotè, sed cum Dei timore ingrediantur eam. Nec cum baculis, aut camputis, aut fustibus in choro, exceptis debilibus, sed religiosè illis standum & psallendum est. Sunt enim quidam Clericorum, qui in sæcularibus negotiis & disceptationibus penè totum infatigabiliter deducunt diem, & mox ut Ecclesiam ad Divinum officium peragendum intraverint, ita fatigati videntur, ut nec orationi vacare, nec ad psallendum stare queant, sed potiùs sedentes, non Divinis, sed vanis solent instare loquelis, & sæcularia verba, & (quod dictu nefas est) turpia & obscœna invicem proferunt. Oportet namque, ut ab his, qui id faciunt, & ab illis, qui eos fortè imitari volunt, iste execrabilis usus radicitiùs evellatur; se-

cundùm sententiam Domini dicentis: *Domus mea, Domus orationis vocabitur.* (d)

## CAPUT XXVII.

*De proficiscentibus in itinere.*

Quicumque ex Clero in itinere cum Episcopo, vel cum alio proficiscuntur, ordinem suum, in quantum iter, vel ratio permiserit, non negligent. Et non eos debent præterire horæ constitutione tam de officiis Divinis, quàm aliunde.

## CAPUT XXVIII.

*De his, qui in quibusdam levioribus culpis delinquant.*

Si quis ex Clero ad opus Dei vel ad mensam tardè occurrat, aut pro aliqua causâ senior suus psalmodiam vel missas cantare ordinaverit, & hoc minimè impleverit: & si fregerit quidpiam aut perdidit, vel aliquid exceßerit; & non veniens continuò ante Episcopum, aut ante eos, qui sub eo sunt, ipsi ultro satisfecerit, vel celaverit delictum suum; dum per alium cognitum fuerit, majori subiaceat emendationi; nam si ipse spontè confessus fuerit, leviori subiaceat emendationi, secundùm modum culpæ: qui modus correptionis in Episcopi, aut in illius judicio, qui sub eo est, pendeat?

Qui in levioribus culpis deprehensus fuerit, in illa die privetur à mensæ participatione, & in oratorio psalmum aut antiphonam non imponat, nec lectionem recitet. Refectionem cibi post Clerorum refectionem accipiat, ut si verbi gratiâ Cleri reficiunt horâ sextâ, ille nonâ: si Cleri nonâ, ille vespërâ.

## CAPUT XXIX.

*De gravioribus culpis.*

Si quis Clerus in ordine Canonico gravioris culpæ crimen commiserit, id est, homicidium, fornicationem, adulterium, furtum, vel his similia, ex principalibus vitiis, corporali castigationi subiaceat primitus. Deinde quanto tempore voluerit Episcopus, vel qui sub eo sunt, carcere vel exilio puniatur, sciens illam terribilem sententiam Apostoli Domini dicentis: *Tradere hujusmodi hominem in interitum carnis, ut spiritus salvus sit in die Domini.* (e) Et dum in ipso carcere fuerit, nullus ei ex Clero in ullo jungatur consortio, neque in colloquio, nisi cui Prior iussu-

(a) Psal. II.

(b) Psal. XLVI.

(c) CXXXVII.

(d) Matth. XXI.

(e) I. Cor. V.



rit; & hic solus perfisset in pœnitentia luctuum, quamdiu Priori visum fuerit.

Egressus de carcere, si Episcopo, vel his, qui sub eo sunt, visum fuerit, agat adhuc publicam pœnitentiam, id est, suspendatur ab oratorio, simul & à mensâ; & omnibus horis Canonicis veniat ante ostium Ecclesiæ, ubi Prior iusserit, jacens prostrato omni corpore suo, ante ipsum limitem Ecclesiæ, usque dum ingrediuntur omnes, & postea erigit se, stet foras Ecclesiæ ante ipsum ostium, & impleat ibi officium suum in quantum potest; & jacens, vel flans ante ipsum limitem, cum nullo homine. Eredientibus de Ecclesia, similiter prostratus jaceat, usque ad dum omnes fuerint egressi foras.

De abstinentia quamdiu vel qualiter Episcopo, vel his, qui sub eo sunt, visum fuerit, mensurâ, vel horâ, quâ ei viderint competere, neque à quocumque benedicatur, usque dum reconcilietur.

#### CAPUT XXX.

##### *De Reconciliatione pœnitentis capitale crimen.*

Ordo pœnitentiam agentis publicam hic est: Suscipies eum quartâ ferâ manè in capite quadragesimæ, id est in capite jejuniorum, & cooperies eum cilicio, & orabis pro eo; & includes eum usque in cenam Domini: qui eodem die præsentetur in gremio Ecclesiæ, qui dum vocatus venerit ad reconciliandum ante Episcopum, vel Clerum, cum omni humilitate prostrato omni corpore super terram ante absidiam, petat ab omnibus veniam, & Episcopus, vel qui sub eo est, det orationes super eum ad reconciliandum in quinta feriâ cenæ Domini.

#### CAPUT XXXI.

##### *De Confessionibus.*

Hortatur nos Scriptura dicens: *Revela Domino viam tuam, (f) & spera in eum.* Item dicit: *Confitemini Domino, quoniam in sæculum in misericordia ejus. (g)* Item: *Delictum meum cognitum tibi feci, & iniquitias meas non abscondi. (h)* Item: *Confitebor adversus me iniquitias meas Domino, & tu remisisti impietatem peccati mei. (i)* Et iterum: *Confitemini alterutrum peccata (k) vestra, & deleantur.* Et alibi: *Qui abscondit scelera sua, (l) non dirigitur: Qui autem ea confessus*

*fuerit, salvabit animam ejus à morte: Et Dominus in Evangelio ait: Agite pœnitentiam, (m) appropinquavit enim Regnum Celorum.* Necessè est, ut dum modò suadente diabolo multa contra voluntatem & præceptum Dei commissimus, per veram humilitatem & confessionem emendemus pœnitentes, sicut Sancti Patres constituerunt; & deinceps cum aliqua cogitatio mala in cor, suadente diabolo, venerit, citò Episcopo, vel Priori confiteatur; ut per veram confessionem & pœnitentiam, Regnum Dei habere mereamur. Nimis enim improbus est, qui ante Dei oculos peccat, & homini confiteri erubescit.

#### CAPUT XXXII.

##### *Ordo ad Pœnitentiam accipendam, & confessionem faciendam.*

Hæc est oratio Pœnitentiæ & Confessionis nostræ, quæ coram Deo & Sacerdotibus ejus à nobis pariter agendæ sunt, id est, in uno quoque anno tribus vicibus, id est, in tribus quadragesimis populus fidelis suam confessionem suo Sacerdoti faciat, & qui plus fecerit, melius faciat. Monachi in unoquoque Sabbato confessionem faciant cum bona voluntate, Episcopo, aut Priori suo. Quando volueris confessionem facere peccatorum tuorum, viriliter age, & noli erubescere, quia inde venit indulgentia, & sine confessione non est indulgentia.

Imprimis prosterne te humiliter in conspectu Dei in terra ad orationem, & roga Beatam Mariam cum Sanctis Apostolis & Martyribus, & Confessoribus, ut ipsi intercedant pro te ad Dominum, & Deus omnipotens dignetur tibi dare sapientiam perfectam, & scientiam, & intelligentiam veram, ad confitendum peccata tua. Et postea surge cum fiducia, & vera credulitate, & dic illi: *Serve Dei, credis in Deum Patrem omnipotentem creatorem cœli & terræ?*

*Respond.* Credo.

*Interrog.* Credis in Patrem, & Filium, & Spiritum Sanctum?

*Respond.* Credo.

*Interrog.* Credis, quoddam istæ tres Personæ, quomodo diximus, Pater & Filius & Spiritus Sanctus, tres Personæ sint, & unus Deus?

*Respond.*

(f) Psal. XXXVI, 4.

(g) Psal. CV, 1.

(h) Psal. XXXI, 5.

(i) Ibid, 6.

(k) Jacob. V, 16.

(l) Prov. XXVIII, 13.

(m) Matth. III, 2.

*Respond.* Credo.

*Interrog.* Credis, quòd in ipsa carne, in qua nunc es, recipere habes, quod egisti, & quod egeris, sive bonum, sive malum?

*Respond.* Credo.

*Interrog.* Credis resurrectionem, & vitam æternam esse tibi post mortem?

*Respond.* Credo.

*Interrog.* Vis dimittere omnia mala illis omnibus, qui in te peccaverunt; ut Deus tibi dimittat omnia peccata tua? dicente eodem Domino in Evangelio: *Si remisistis hominibus peccata eorum, remittentur vobis peccata vestra.*

*Respond.* Volo.

Et postea require eum diligenter, si sunt secum opera mala, quæ separant hominem (ut ait Apostolus) à regno Dei. Hæc sunt mala cogitatio, malus sermo, & otiosus, odium, invidia, detractio, maledictio, convitium, turpilquium, scurrilitas, dissimulatio, adulatio, murmuratio, cupiditas carnalis, elatio, desidia, pigritia, inhonoratio, bonorum inhonoratio, cognatorum inhonoratio, dierum Dominicorum & Sanctorum solemnitatum ignorantia, iracundia, avaritia, falsa testificatio, somnolentia, intemperantia in cibis, rapina, gula, ebrietas, comessatio, fornicatio, adulterium, sacrilegium, superbia, perjurium, furtum, homicidium, & his similia. Et postquam confessus fuerit sua peccata, si vult dimittere ea, da ei poenitentiam, & si non vult, non da ei poenitentiam, quia non potes: & si vult dimittere ipsa peccata, fac ei confiteri ea, & ad ultimum dicere: *Multa sunt peccata mea in factis, in verbis, in cogitationibus;* tunc da illi poenitentiam canonicè mensuratam; & postea effunde super eum orationes & preces.

Cavendum est utique, ne hi, qui in gravibus peccatis incidunt, & hi, qui in levioribus quibusdam delinquant: æqualiter judicentur: sed secundum morbum adhibenda est medicina.

#### CAPUT XXXIII.

##### *De Excommunicatione culparum.*

Si quis Clericus contumax, aut inobediens, aut superbus, aut ebriosus, aut detractor, aut rebellis, aut bilinguis, aut fornicator, aut contradictor, aut

contentiosus, aut raptor, aut fur, aut murmurator, aut increpator, aut indicti jejunii transgressor, aut juxta crucem standi & adorandi contemptor, aut in aliquod contrarium sistens, aut præceptis Episcopi, vel eorum, qui sub eo sunt, contemptor fuerit, & suâ voluntate veniam non petierit, hic secundum Domini præceptum admoneatur, semel & bis, & ter secretò à senioribus suis; & si se non emendaverit, objurgetur publicè coram omnibus.

Si verò neque sic se correxerit, excommunicationi subiaceat. Si autem improbus est, aut minùs intelligens, aut incorrigibilis, vindictæ corporali subdatur.

#### CAPUT XXXIV.

##### *De Quadragesimæ Observationibus.*

Licet omni tempore vita Christianorum simplex debeat esse & sobria: maximè tamen religiosi mentibus convenit, ut his diebus continentius vivant, & sedulâ servitute adherere Deo contendant. Ideoque decernimus, ut in illis quadraginta diebus ante Pascha cum omni puritate mentis & corporis noster Clerus, Deo jubente, in quantum poterit, se custodiat. De cibi autem & potûs perceptione, in quantum Deus auxilium dederit, parcitatem habeat; id est, ut quotidie, exceptis diebus dominicis, à capite Quadragesimæ, usque ad Pascha sanctum, post dictam Vesperam in Refectorio reficiat, & ab illis cibis se abstineat, vel potu, sicut Episcopus, vel qui sub eo sunt, cum ratione constituerint. Et alibi neque in ipsa Civitate, neque in Monasteriis, neque in quibuslibet locis, neque in Domibus propriis, his quadraginta diebus reficiant, nisi ubi horâ competente ad cibum suum accipiendum, pro utilitatis causâ longè fuerint, & adesse cum fratribus non potuerint.

Lectioni verò Clerici in his quadraginta diebus, exceptis diebus Dominicis suis, à Primâ dictâ usque ad Tertiam plenam vacent, & foras claustra, nisi necesse fuerit, non egrediantur; nisi Episcopus, vel qui sub eo est, judicaverit, ut fiat, quod fiendum est. Et post Tertiam tunc temporis Capitulum habeant; & postea faciant, quod congruum fuerit, sive in legendo, sive in operando.

CA-



## CAPUT XXXV.

*De temporibus, in quibus semel aut bis in die Clericis reficiendum est.*

A Pascha autem usque ad Pentecosten bis in die Canonici reficiant, & carnem manducandi licentiam habeant (nisi poenitentes) præter tantum quartam, sextamque feriam.

A Pentecoste verò usque ad nativitatem Sancti Joannis Baptiste, similiter bis in die reficiant, & carne abstineant. A Nativitate verò Sancti Joannis usque ad transitum Sancti Martini, sicut antea bis in die reficiant, quartam & sextam feriâ à carne abstineant.

Ab ipso transitu Sancti Martini usque ad Natalem Domini à carne omnes abstineant, & usque ad nonam jejument, & omnibus his diebus in refectorio reficiant. Et post Natalem Domini usque ad caput quadragesimæ secundam & quartam, & sextam feriâ in refectorio ad nonam reficiant. Reliquis his diebus duabus vicibus in refectorio reficiant; carne verò quartam & sextam feriâ his temporibus abstineant. Et si dies festus in his diebus feriis talis venerit, si permiserit Prior, carnem manducant, pro infirmitate.

## CAPUT XXXVI.

*De Festivitatibus Sanctorum.*

Illud intimare complacuit, ut nos & Clerus noster, festivitibus Domini, & Sanctæ Mariæ, vel duodecim Apostolorum, seu reliquorum Sanctorum, quorum usus est in ista Provincia, annis singulis celebrare (in quantum Deus possibilitatem dederit) officium Divinum die nocturne procuremus. Et Episcopus, vel qui sub eo est, in Nativitate & Epiphaniâ Domini & Pascha, & clauso Paschæ, & Ascensione Domini, & Pentecoste, & festivitibus Sanctorum Provinciæ suæ in domo suâ ad ipsos Cleros refectionem faciat, si præsens est: si absens est, his diebus tunc in refectorio habeant refectionem sufficienter, sicut superius scriptum est. Et postquam de refectorio exierint, in caminadâ bibant duabus vicibus, aut tribus: qualiter consolatio sit, & ebrietas non dominetur.

Aliis verò diebus festis, sicut moris

est Ecclesiæ, juxta quod melius Prælati possunt, Clericis suis cibum potumque ministrant. Et illud interea caveant Prælati, ne id, quod dare debent, aut possunt, qualibet dissimulatione, aut tenacitate subditis subtrahant; ne paupertatis occasione compulsi, per diversa vagari, ac se turpibus implicari negotiis cogantur; relictoque Ecclesiastico Officio, incipiant indiscipline vivere, & propriis voluptatibus deservire: & Prælati, qui eis necessaria largiendo à Domino remunerari poterant, districtè & severè judicentur.

## CAPUT XXXVII.

*Ut non præsumat aliquis alterum cedere, aut excommunicare.*

Vitetur in hoc ordine Canonico omnis præsumptionis occasio, id est, ut nulli liceat quemquam parem suum excommunicare aut cedere, quamvis aliquis suâ præsumptione ipsum ad hoc incitet: non est suum advindicare, aut in verbis aut in factis; sed ad Priorem veniat, & ille secundum ordinem ipsam causam definiat. Et qui hoc facere præsumpserit, ab Episcopo, vel ab eo, qui sub eo est, judicetur.

## CAPUT XXXVIII.

*Ut in Congregatione Canonorum nulli liceat alterum defendere.*

Omnibus modis cavendum est, ut pro nullâ occasione: alter præsumat alium defendere: nec quasi parentelæ obtentu, aut aliquâ amicitia, aut familiaritate id à Canonicis præsumatur; quia gravis occasio scandalorum in congregatione ex hac causâ solet oriri. Quod si quis transgressus fuerit, à Priore acriter coërceatur, ut cæteri timorem habeant.

## CAPUT XXXIX.

*De Zelo bono, quem debent servi Dei habere invicem.*

Sicut est Zelus amaritudinis malus, qui separat à Deo, & deducit ad infernum; ita est Zelus bonus, qui separat à vitiis, & ducit ad Deum, & ad vitam æternam. Hunc ergo Zelum ferventissimo amore exercent servi Dei: id est, ut honore se præveniant invicem, & infirmitates suas sive corporum sive morum, patientissimè tolerent. Et si qua

qua vitia reperta fuerint, reprimenda sunt, & castigatio adhibenda est, cum his à quibus hoc est commissum ( ut ait Apostolus ) . . existant, qualiter vitia si orta fuerint, possunt destruere, & ad meliorem statum unumquemque provocare: quia scriptum est; *Qui diligitis Dominum, odite malum.* (a) *Nam qui diligit iniquitatem, odit animam suam.* Nam ille animam suam bene diligit, qui se custodit, & alios ad exemplum bonæ conversationis, & verbis & operibus trahit.

## CAPUT XL.

*De infirmis Canonicis.*

Si aliquis ex Clero infirmatur, Episcopus, vel qui sub eo est, habeat maximam curam de illo: & caveat, nè negligatur infirmus; sed sicut reverà Christo, ità ei serviat. Quibus infirmis sint mansiones deputatæ rationabiliter dispositæ, condignæ, aptæ, ubi esse possint; & sit unus ex Clero deputatus, timens Deum, qui circa infirmum curam gerat de omnibus necessitatibus ejus: & habeat solatium, si opus est, juxta quod constituerit Prior; & sciat, si bene ministraverit, gradum bonum sibi à Deo acquiri.

Sed & ipse infirmus consideret in honore Dei sibi serviri, & non superfluitate suâ contristat servientem sibi. Et hoc indicendum est, quod infirmo licet omni horâ cibum & potum sumere, quando desideraverit, vel possit, si opportune non possit.

## CAPUT XLI.

*De vestimentis & calceamentis Clericorum.*

Illam dimidia pars Cleri, qui seniores fuerint, annis singulis accipient cappas novas, & vestes laneas novas, & veteres quas præterito acceperint, semper reddant, dum accipiunt novas. Et alia pars dimidia Cleri illas cappas & vestes veteres, quas illis seniores sui singulis annis reddunt, accipiant. Et illi seniores illas cappas & vestes, quas reddere debent, non commutent. Et unusquisque Cleri senioris annis singulis tres campiles accipiunt; & unusquisque Cleri junioris annis singulis duas campiles accipiunt. Calceamenta verò omnis Clerus annis singulis, pelles buccinas, &

O 3

solas, paria quatuor accipiunt. Et vestimenta in transitu Sancti Martini, & campiles in Pascha, & calceamenta in Kalendis Septembribus habeant.

## CAPUT XLII.

*De Eleemosynis accipiendis.*

Si aliquis uni Sacerdoti pro Missâ suâ, vel pro Confessione, aut Clerico pro Psalmis & Hymnis, seu pro se ipso, seu pro quolibet caro suo, aut vivente aut mortuo, aliquid in eleemosynâ dare voluerit; hoc Sacerdos, vel Clericus à tribuente accipiat, & exinde, quod voluerit, faciat. Si autem à tribuente ad omnes Sacerdotes aliquid in eleemosynâ datum fuerit, hanc eleemosynam communem habeant, & psalmodiam, vel missas pro illo misericorde faciant.

## CAPUT XLIII.

*De mensurâ Sacerdotibus de eleemosynis accipiendâ, faciendâ.*

Nimis grave eis esse existimamus, si tam ingentium onera peccantium solis illis Sacerdotibus contingerit portare, quia facilius Dei misericordiam plures impetrant, quàm unus, quia unusquisque de propriâ conscientia suâ debet metuere, quantò magis de alienis peccatis, supra vires non debet sibi farcinam peccatorum cumulare.

## CAPUT XLIV.

*De cura, quam in populo sibi commissio debent habere Clerici.*

Cavendum nobis est, ne in periculum per nostram negligentiam, & ità dixerim, absque baptismo, & confirmatione, & confessione & prædicatione, in quadam securitate positus incurrat noster populus. Unde constituimus, ut bis in mense per totum annum, de quinto decimo, in quinto decimo, verbum salutis ei prædicetur; qualiter ad vitam æternam, Deo auxiliante, perveniat. Et si omnibus Festis & Dominicis diebus assidua fuerit prædicatio, utilior est: & juxta quod intelligere vulgus possit, ità prædicandum est.

## CAPUT XLV.

*Cui committi debeant stipendia pauperum?*

Evangelicis atque Apostolicis instrui-  
mur

(a) Psal. LXXXV, 10.



mur documentis, in colligendis hospitibus: & ideo ante omnia operam debere dare, ut meritò de nobis à Domino dicatur: *Hospes fui, & collegistis me.* (b) Proinde oportet, ut Prælati Ecclesiæ, præcedentium Patrum Exempla sectantes, aliquod præparent receptaculum, ubi pauperes colligantur, & de rebus Ecclesiæ tantum ibidem deputent, unde sumptus necessarios juxta possibilitatem rerum habere valeant, exceptis decimis, quæ de Ecclesiæ villis ibidem conferuntur. Sed & Canonici tam de frugibus, quam etiam de omnibus eleëmofynarum oblationibus, in usus pauperum decimas libentissimè ad ipsum conferant hospitale. Et boni testimonii frater constituatur, qui hospites, & peregrinos mendicantes, utpote Christum in illis suscipiat, eisquæ necessaria libenter pro viribus administret: qui etiam ea, quæ in usus pauperum cedere debent, nequaquam in suos usus reflectat; nè cum Juda loculos Domini furante sententiam damnationis excipiat.

Et Prælati cavere debent, ne curam pauperum parvi pendant. Et Clerici, si aliis temporibus nequeunt, saltem quadragesimali tempore, pedes pauperum in competenti lavare debent hospitali, juxta illud Evangelicum: *Si ergo Dominus & Magister lavi vobis pedes, (c) quantò magis vos debetis alter alterius lavare pedes, & cætera.* Quapropter expedit, ut in competenti loco hospitale sit pauperum, ubi perfacilis ad illud veniendi conventus fieri possit fratrum. Quòd si is, cui hospitale commissum est, curam pauperum neglexerit, eorùmque res in suos usus retorserit; quanquam Divinâ ultione dignus sit, severiùs tamen, quàm cæteri delinquentes, à Præpositis judicandus, & à ministerio removendus: nec immeritò; quippe qui & pretia peccatorum, & alimenta pauperum, & thesaurum cælo recondendum, suis apertavit usus.

## CAPUT XLVI.

## De Præpositis.

Quamvis omnes, qui præsent, Præpositi ritè dicantur, usus tamen obtinuit eos vocari Præpositos, qui quamdam prioratûs curam sub aliis Prælatis gerunt. Hi tamen, qui juxta morem hunc Præpositi vocantur, tales & tam

strenui constituendi sunt, qui vitæ probabilis sint, & ea, quæ sibi injuncta sunt, fideliter, humiliterque expleant, & pro eo, quòd aliis Prælati sunt, nequaquam parvi pendant canonica instituta; sed quantò plùs implicantur in fratrum curis, tantò magis studeant cœlestibus obtemperare monitis. Debent igitur cunctæ congregationi utiles esse, & de ministerio sibi commissò fideliter prodesse; Ea verò, quæ fratribus dare debent, cum charitate tempore opportuno incunctanter præbeant, quatenus à Domino de fidei administratione gradum bonum sibi acquirant.

## CAPUT XLVII.

## Quales vice Prælatorum in congregatione fungi debeant.

Oportet Ecclesiæ Prælatos, ut de congregatione sibi commissâ tales eligant, boni testimonii fratres, in quibus onera regiminis securè possint parti. Quibus etiam talem conferant dignitatem, ut vice illorum fungentes, & inobedientes canonicâ censurâ corripere, & obediētes hortando ad meliora valeant provocare. Non constituendi sunt personaliter, aut eo ordine, quo in collegio fratrum admissi sunt, sed secundum vitæ meritum, & spiritualium donorum prærogativam: qui & in congregatione assidui sint, & fratrum curam pervigili studio gerant: & sicut alios præcedunt Magisterio, ità nimirum innocentis vitæ informant exemplo, ut juxta Apostolum, exemplo sint cæteris in verbo, in conversatione, in charitate, in fide & castitate &c.

Qui etiam, si prioratûs sui causâ intumescere cœperint, & curæ fratrum nihil propenderint, & si crebrò incorrigibiles existerint; à ministerio propellantur, aliique in loco illorum, qui strenuè peragere possint, constituentur.

## CAPUT XLVIII.

## De pueris nutriendis, custodiēdisque.

Solenter Rectores Ecclesiarum vigilare oportet, ut pueri & adolescentes, qui in congregatione sibi commissâ nutriuntur, vel erudiuntur, ità jugibus Ecclesiasticis disciplinis constriuantur; ut eorum lasciva ætas, & ad peccandum valde

(b) Matth. XXV, 35.

(c) Joan. XIII, 14.

valde proclivis , nullum possit reperire locum , quo in peccati facinus proruat. Quapropter in hujusmodi custodiendis ; & spiritaliter erudiendis , talis à Prælati constitutus est vitæ probabilis frater , qui eorum curam summâ gerat industriâ , eosque ita arctissimè contringat , qualiter Ecclesiasticis doctrinis imbuti , & armis spiritalibus induti , & Ecclesiæ utilitatibus decenter parere , & ad gradus Ecclesiasticos quandoque dignè possint promoveri.

Libuit præterea ob ædificationem congruam , & instructionem negotii , de quo agitur , quamdam Sanctorum Patrum sententiam huic operi inferere , quæ ita se habet : " Prona est enim omnis ætas ab adolescentia in malum. Quis- " quis autem in Clero puberes , aut adole- " scētes existunt , omnes in uno con- " clavi atrii commorentur , ut lubricæ " ætatis annos , non in luxuriâ , sed in " disciplinis Ecclesiasticis agant , depu- " rati probatissimo seniori , quem & Ma- " gistrum doctrinæ , & testem vitæ ha- " beant , & cetera. " (\*) His ita præmis- " sis , oportet , ut probatissimo seniori pu- " eri ad custodiendum , licet ab alio eru- " diantur , deputentur. Frater verò , cui hæc cura committitur , si eorum curam parvi penderit , & aliud , quàm oportet , docuerit , aut his aliquam cujuslibet læ- " sionis maculam ingesserit ; severissimè correptus ab officio amoveatur , & fratri alii hi committantur , qui eos & innocen- " tiam vitæ exemplis informet , & ad opus bonum peragendum excitet.

## CAPUT XLIX.

*Ut omnes Canonici ad Completorium conveniant.*

Expletis religiosissimo obsequio ho- " ris competentibus diurnis officiis , ab om- " nibus Canonicis , dato signo , devotissi- " mē ad Completorium veniendum est , incipiente nocte : quo Completo non oportet , ut epulis , & potationibus , vanisque inserviant loquelis ; sed his pe- " nitentiis postpositis humiliter & honestè ; dormitorium petant , & nequaquam duo in uno lecto , sed singuli in singulis lectis quiescant. Lucerna quoque in eo- " dem dormitorio noctis tempore jugiter ardeat. Nihil denique inhonestum , aut in- " decens in dormitorio geratur ab aliquo : nec quispiam aliquem inquietare præsu-

mat , nec ad verba inutilia , & otiosa prorum- " pere cogat. Hujus Capituli contem- " por specialiter à Prælati & Magistris se- " verissimè corripitur.

## CAPUT L.

*De Cantoribus.*

Studendum sumopere Cantoribus est , ne donum sibi divinitus collatum vitiis fœdent , sed potius illud humilitate & sobrietate , & castitate , & ceteris Sanctarum virtutum ornamentis exor- " nent : quorum melodia animos populi circumstantis ad memoriam , amorē- " que cœlestium non solum sublimitate verborum , sed etiam suavitate sonorum , quæ dicantur , erigat. Cantorem autem , sicut traditum est à Sanctis Patribus , & voce & arte præclarum , illustrēmque esse oportet , ita ut oblectamento dulcedinis animos incitet audientium , &c. Cantores itaque non propter donum sibi collatum se cæteris superbiendo præferant , sed humiliter socios exhibeant. Et providendum est illis , quando temperatè , quando submissè Divinum agatur officium ; scilicet ut secundum numerum Clericorum , & officii qualitatem , & temporis prolixitatem tantum protendant , & voces moderentur cæterorum. Sonum etiam vocalium Literarum benè , & ornatè proferrant.

Hi verò qui hujus artis minùs capaces sunt , donec erudiantur melius , convenit ut fileant , quàm cantare volendo , quod nesciunt , aliorum voces dissonare compellant. Psalmi namque in Ecclesia non cursim , aut in excelsis , atque inordinatis , seu intemperatis vocibus , sed planè & lucidè cum compunctione cordis recitentur : ut & recitantium mens illorum dulcedine pascatur , & audientium aures illorum pronuntiatione demulceantur : quoniam quamvis cantilenæ sonus in aliis officiis excelsa soleat fieri voce , in recitandis tamen Psalmis hujusmodi vitanda est vox.

Constituantur interea seniores fratres , probabilioris scilicet vitæ , qui tempore statuto vicissim cum Cantorum scholâ sint : ne hi , qui discere debent , aut otio vacent , aut inanibus , & super- " vacuis fabulis insistent. Si verò Cantores superbi exstiterint , & artem , quam divini- " tati adjuti didicerint , aliis infinuare re- " nuerint ,

(\*) Concil. Tolet. IV. C. 23.



nuerint; graviter, ac severè judicentur, ut emendati atque correcti, talentum sibi à Deo quidem collatum, aliis erogare procurent.

## CAPUT LI.

*Quales ad legendum & cantandum in Ecclesia constituendi sint.*

Tales ad legendum, & cantandum, & Psalendum in Ecclesia constituantur, qui non superbè, sed humiliter, debitas Domino laudes persolvant, & suavitate lectionis, ac melodix doctos demulceant, & minùs doctos erudiant; plùsque velint in lectione, vel cantu populi ædificationem, quàm popularem vanissimam adulationem. Qui verò hæc doctè peragere nequeunt, erudiantur priùs à Magistris, & instructi hæc adimplere studeant, ut audientes ædificent.

## CAPUT LII.

*Modus Correptionis.*

Quamquam contemptores Canonicarum institutionum Episcopali præcipuè judicio plectendi sint, juxta modum culparum, ut suprà retulimus, extendenda est correptionum. Et hæc omnia jure in Prælatorum pendent judicio, quo discretissimè temperanda sunt: necesse est enim, ut iidem Prælati circa delinquentes medici peritissimi imitentur factum, scilicet ut adhibità magnæ discretionis curà, quid cuique congruat, quidve conveniat, adhibeant: summopere perpendentes, ut juxta quantitatem vulnerum, exhibeant fomenta curationum; quatenus nec alteri dent, quod noceat, nec alteri subtrahant, quod juvet.

Omissis igitur his, quorum ætati delinquenti paritum non est, sed potius eorum latera, ne indurescant, virgis assiduè tundenda sunt; qualiter erga ceteros delinquentes juxta auctoritatem Divinam, & Sanctorum Patrum exemplum, traditionesque id fieri oporteat, strictim breviterque ostendatur.

Si quis frater in congregatione Canonica constitutus, horas Canonicas frequentare neglexerit, Ecclesiàmque non religiose, sed pompaticè, vel incompotè intraverit, & opus Dei negligenter exequutus fuerit, ad collationem venire distulerit, obedientiam à Magistro sibi injectam agere recusave-

rit, in legendo & cantando, vel in cæteris Ecclesiasticis disciplinis, juxta vires studium non exhibuerit, ad mensam non necessitate, sed vitio, tardè occurrerit, è claustris finè licentià exierit, per licentiam verò egressus extra constitutum sibi placitum moras fecerit, in plateis ire, aut in biviiis residere tentaverit, in dormitorio aliquid indecens, in inhonestum verbis, aut actibus perpetraverit, alicubi, nisi in dormitorio cum cæteris, absque causà inevitabili dormire præsumserit: fratribus charitatis officio obedienter servire neglexerit, discordiam, quam Scriptura Dei dereftatur, inter fratres seminaverit, & huic institutioni contumax, aut superbus, aut murmurans extiterit, & cætera hujuscemodi agere tentaverit; hic primò secundum Domini præceptum non solum, & secundò, & tertio, quinimò crebriùs admoneatur; & si his admonitionibus non cesserit, publicà objurgatione corripatur. Quod & si his renisus fuerit, cæteris sibi alimentis interdictis, pane tantum usque ad dignam satisfactionem utatur, & aqua. Si verò nec sic correxerit, separetur à mensa & à societate fratrum, & à choro psallentium removeatur, & seorsim in loco hujuscemodi negligentibus à Prælatis constituto stare cogatur, ut saltem rubore sequestrationis emendetur.

Dein si his modis incorrigibilis extiterit, & ætas permiserit, ut ait Salomon, *Stultus verbis non corrigitur*; (d) Congrua ei verberum adhibeatur castigatio, secundum Beati Gregorii sententiam: „ Qui jubentis verba non audit, „ verberibus admoneatur; ut ad bonà „ desideria pœnæ trahant, quem prà „ mia non invitant. „ Cæterum si talis fuerit, quem aut ætas, aut qualitas personæ verberari non fiverit, publicà objurgatione & juniorum assiduà afflictione, & sequestrationis rubore hujusmodi corripatur, usque ad dum dignà pœnitentiæ satisfactione veniam consequatur. Si verò uterque, & qui flagellatur, & quem flagellari ætas aut qualitas personæ prohibet, adhuc incorrigibiles extiterint, sit locus intra claustra Canonicorum, sicut multis in locis noscitur esse, quo ad tempus retrudantur, & secundum modum culpæ castigentur, secundum Apostolum: *Traditi Satanae in*

*inte-*

*interitum carnis, (e) ut spiritus saluus sit in die Domini.* Quodd si etiam tot saluberrimis admonitionibus & castigationibus necdum paruerint, fiat pro eis ab omni congregatione communis oratio, ut postremo sanentur à Domino. Si prorsus inemendabiles & incorrigibiles apparuerint, ne per plures eorum dira serpent contagia; necesse est, ut à cæterorum societate, utpote oves morbidæ, separati, ante præsentiam deducantur Episcopi. Si verò quis in Collegio Canonico criminalem culpam admisit, huic nulla est danda dilatio, quin aut sponte poenitentiam pro admissio crimine gerat, aut si id agere refulaverit, coram Episcopo deducatur, ut ab eo publicâ mulctetur poenitentia. Meminisse enim oportet Rectores, quodd columba in Divinis Scripturis Ecclesia appellata est, quæ non unguibus lacerat, sed alis piè percutit. Unde etiam illis summo opere observandum est, ut sicut præmissam est, juxta modum culpæ, & personarum, & ætatum, omnino ipsa correptio sit temperata, ut nec vitium desidia inoleseat, nec correctio mansuetudinis modum excedat: ne (ut ait B. Maximus) aut solutior lenitas cohibentium licentiam præbeat peccanti, aut immoderata severitas à lapsis non revocet delinquentem.

Sed & hoc illis nihilominus cavendum est, ne errata delinquentium alicujus rei livore feriant, sed potiùs (ut ait B. Augustinus) sint criminum persecutores, & hominum liberatores. Oderint vitia, diligant homines. Oderint, quod instinctu Diaboli ingestum est, diligant quod Dei bonitate creatum est. Teneant in manu baculum, & virgam: baculum videlicet, quo aliorum virorum imbecillitates spiritaliter sustentent: virgam verò, quâ vitia delinquentium zelo rectitudinis feriant. Interea delinquentibus excommunicatis fratribus, nequaquam debent cæteri fratres favere, aut eos suis adulationibus decipere, aut eorum errata defendere, sed potiùs opem ferre, ut æquitatis censurâ districtè corrigantur.

## CAPUT LIII.

*Ut Canonici cucullas Monachorum non induant.*

Reprehenfibilem apud pleròsque Canonicos inolevisse comperimus usum,

P

eo quodd contra morem Ecclesiasticum cucullas, quibus solis Monachis utendum est, induant, cum utique illorum habitum penitus usurpare non debent, à quorum proposito quodammodo distant: quia sicut indecens est, ut arma militaria more Laicorum gestent, ita mirum inhonestum, & valde indecorum est, ut alterius propositi indumenta sibi imponant. Habitus namque singulorum ordinum idcirco in Ecclesia ab invicem discreti sunt, ut his visis cujus propositi sit gestans, vel in qua professione Domino miliret, liquidè cognoscatur: Nam & Domini lege vir muliebre, & mulier virilem prohibetur induere vestem; scilicet ut uterque sexus sibi conveniente veste indutus incedat: sicut enim turpe est, virum vestem muliebre, & mulierem vestem virilem induere; ita valdè indecorum est, Canonicum vestem Monasticam induere; nisi tamen cum veste etiam propositum voluerit assumere. Et quia hujusmodi usus nullâ autoritate approbatur, sed potiùs ab his, qui sanum sapiunt, merito reprehenditur & repudiatur; oportet ut ab hinc, ne fiat, penitus inhibendum sit.

## CAPUT LIV.

*Ut in cultu vestium discretionem teneant.*

Quærere potiùs Deum cultu cordis, quàm corporis, evidentibus Scripturæ sanctæ patet indicis. Proinde caveant Canonici, ne per immoderatum cultum vestium dehonestent Religionis dignitatem. Hieronymus dicit: "Sunt quidam, quibus omnis cura de vestibus est, si benè oleant, si pes laxa pelle non suat. Crines Calamistri vestigio rotantur; digiti de annulis radiant, & ne plantas humidior via spargat, vix imprimunt summa vestigia. Tales cum videris, sponso magis æstimato, quàm Clericos." Inde dicit Gregorius: "Nemo æstimer in fluxu atque studio vestium peccatum deesse: quia si hoc culpa non esset, nullo modo Joannem Dominus de vestimenti sui asperitate laudasset. Si cultus vestium culpa non esset, nequaquam Paulus Apostolus per epistolam scæminas à pretiosarum vestium appetitu comperceret,

(e) I. Cor. V. 5.



" scerer, dicens: *Non in veste pretiosa.* (f) " Unde oportet Canonicos sanctæ authoritati parere, & humilitatem corde, mente, actu, habitu, incessu, æquitate religiosissimè demonstrare: plûsque velint sanctâ conversatione, eximiisque moribus, quàm ornatu vestium fulgere.

Decet porrò, ut eorum talis sit vestium cultus, qui vanitatis occasione careat: non enim specialiter præsumi debet ab aliquo, quod non generaliter teneatur ab omnibus. Vestes enim, & calceamenta, vel lectualia Clericorum, ex moderato & habitu competenti sint, nec nimium nitida, nec plurimum abjecta: nam sicut inter ignem & aquam tenenda est via, ut nec exuratur homo, nec demergatur; sic inter apicem superbiæ, & voraginem desidiæ, iter nostrum temperare debemus.

## CAPUT LV.

*Quod à Prælatiis gemina pastio sit subditis impendenda.*

Solenter Prælatiis satagendum est, ut eos, quibus præsunt, verbis & exemplis ad bene vivendum informet: fixoque corde tenendum, ne eos, quasi proprios, sed ut Domini sui gregem tractare meminerint, juxta illud, quod Petro dicitur: *Si diligis me, pascere oves meas,* (g) inquit, non tuas. Et hoc ideo dicimus, quia sunt nonnulli, qui oves Christi non amore Christi, sed suæ gloriæ, vel dominationis, vel quæstus gratiâ pascunt. Etenim terrena subsidia diligenter illis præbere, exempla virtutis simul verbo prædicationis debent sollicitè impendere. Quapropter studeat unusquisque Prælatiis, ut familiæ Christi annonam spiritalem, carnalemque subministret, ut effici mereatur ille Evangelicus servus, de quo dicitur: *Fidelis servus & prudens,* (h) quem constituit Dominus super familiam suam, ut det illis cibum in tempore.

Ergo sicut subditis necessaria corporis tribuunt, ita nihilominus studere debent, ut iidem religiosissimè ordinem servant, & Prælatiis suis, ac Magistris honorem debitum similiter impendant: ut horis Canonicis Divinum officium impleant, non otio vacent, non vaniloquiis interserviant, non distractionibus & cæteris vitiis illecebris incumbant; sed potius aut orationi, aut lectioni, aut

quibuslibet Ecclesiæ, aut certè propriis utilitatibus vacent, aut etiam doctrinis sacris, & diversarum artium erudiantur disciplinis: ita videlicet, ut nullus in congregatione inutilis, aut otiosus existens, stipendia Ecclesiæ inofficiose accipiat.

Hanc igitur geminam passionem Prælati sibi commissis ovibus impendere instanter procurent, utpote pro animabus eorum Domino rationem reddituri.

## CAPUT LVI.

*De familiaritate à Clericis mulierum extranearum devitandâ.*

Prima quidem tentamenta sunt fœminarum frequentes accessus & reprehensibiles exhibent Clericos. Quid tibi reverà cum fœminis, qui ad altare cum Domino fabularis? Te cuncti in publico, te in agro rustici aratores, ac vinitores quotidie graviter lacerabunt, si contra depositum fidei cum fœminis habitare contendis. Numquid in choro Apostolorum fœminæ affuerunt? Prohibe virgines commorari tecum, quæ de genere tuo non sunt. Nemo inter serpentes & scorpiones securus ingreditur. Non potest cum Domino toto corde habitare, qui frequentibus fœminarum accessibus copulatur. Cùm approximat stipulam, incendit ignem: cùm approximat fœminam, corrumpit mentem. Si cum viris fœminæ habitaverint, viscium diaboli non deerit. Janua diaboli via iniquitatis, percussus scorpionis, nocuumque genus. Nemo miles cum uxore pergit ad bellum.

Inde mando atque remando, ut hospitium Canonicorum aut rarò, aut nunquam mulierum pedes terant. Vir autem, sive mulier, cùm ad Dominum conversi fuerint, post peccatum suum, quod ad invicem commiserunt, nec in unâ villâ unquam peniteant, nec sit inter eos salutatio, aut beneficium; nec visus, nec colloquium (si non casus intervenerit) nec de uno fonte (ut vulgò dicitur) potum bibant; nec alumnus inter utrumque concurrat, nec munusculum quidem, nec colloquium (ut diximus) nec recordatio alterius in mente suâ requiescat; sed cum affuerit, citò veniam à Deo petat. Meminere debent Canonici, quod nec Davide sanctiores,

nec

(f) I. Tim. II, 9.

(g) Joan. XXI.

(h) Matth. XXIV, 43.

nec Salomone sapientiores possunt esse. Meminere debent, quod Paradisi cololum de possessione suâ mulier ejecit.

## CAPUT LVII.

*De Clericis non manentibus in suo proposito.*

Qui semel in Clero deputati sunt, aut Monachorum vitam expetierunt, statuimus, neque ad militiam, neque ad dignitatem aliquam venire mundanam, & hoc tentantes, & non agentes poenitentiam, quo minus redeant ad hoc, quod propter Deum primitus inegerunt, anathematizari.

## CAPUT LVIII.

*De humiliatione faciendâ propter Deum carnî.*

Multitudines hominum, & officia & placita, & convivia, & salutationes hominum, quasi quædam catenæ voluptatum fugiendæ sunt. Sit vilis & vespertinus cibus; Panis cum olera & legumine, interdum pisciculus pro summis ducatur deliciis: qui cum Christo desiderat regnare, non quaeret magnopere, quàm de pretiosis cibis & potibus sterco conficiat & urinam. Ventre vacuo sæpius dormiendum: crebræ vigiliæ carnem & sensum affligunt. Flexo corpore mens erigenda est ad Deum. Semper in manu sacra lectio, & in ore frequenter oratio sit. Pauperibus sumptuum refrigeria manu propriâ sunt distribuenda. Humilitas vestium tumenti animo non appetenda. Sæcularium, maximè potentium, consortium devitandum.

Aliquid operis semper faciendum, ut diabolus inveniat hominem in opere occupatum. ab otiosis sermonibus auditus & lingua sunt castigandi. Et in Ecclesiâ cum timore & veneratione standum: & semper aut orandum, aut cantandum, aut legendum, aut audiendum. De iustis laboribus eleemosyna Deo iusto dandum. Melius non habere quod tribuatur, quàm impudenter petere quod detur. Negotiator Clericus, & ex inope dives, & ex ignobili gloriosus, quasi quædam pestis, fugiendus.

## CAPUT LIX.

*De iracundis Doctoribus.*

Iracundi Doctores per rabiem furo-

ris disciplinæ modum ad immanitatem crudelitatis convertunt: & unde emendare subditos poterant, inde potius vulnerant. Ideo sine mensurâ ulciscitur culpas doctor iracundus; quia cor ejus dispersum in rerum curis, non colligitur in amorem unius Deitatis.

## CAPUT LX.

*De Doctrinâ & exemplis Doctorum.*

Tam doctrinâ, quàm vitâ clarere debet Ecclesiasticus Doctor? nam doctrina sine vitâ arrogantem facit; vita sine doctrinâ inutilem reddit. Doctoris prædicatio operibus bonis confirmanda est, ita, ut quod docet verbo, instruat exemplo. Illa est vera doctrina, quam vivendi bene sequitur forma: nam nihil turpius est, quàm si bonum, quod quisque prædicat, explere opere negligat; tunc enim prædicatio utiliter profertur, quando efficaciter à proferente adimpletur. Unusquisque Doctor & bonæ actionis, & bonæ prædicationis habere debet studium: nam una sine alterâ non facit perfectum: sed præcedat Doctor bene agere, ut sequenter possit bene docere. Et in illâ doctrinâ clara, & similitudo patrum, & humilitas propter Deum habendæ sunt.

## CAPUT LXI.

*De taciturnitate.*

Omni tempore in Ecclesiâ tam à populo, quàm à Clero, summum silentium fiat, excepto hoc, quod ad laudes Dei pertineat. Videamus, quod ait Propheta: *Dixi: custodiam vias meas, ut, non delinquam in lingua mea* (i) Item: *Posui ori meo custodiam: obmutui, & humilitatus sum; & filii à bonis.* Hic ostendit Propheta, si à bonis eloquiis propter taciturnitatem debet interdum taceri; quanto magis à malis verbis propter poenam peccati debet cessari? Inde Sancta Scriptura dicit: *Qui enim in Ecclesia verbosari fecerit, & pro se & pro aliis malam redditurus est rationem in die iudicii* (k) Ergo quamvis de bonis & Sanctis dumtaxat eloquiis propter taciturnitatem rara loquendi in Ecclesia concedatur licentia, quia scriptum est: *In multiloquio non deerit peccatum*: Et alibi: *Mors & vita in manibus lingue.* (l) Nam loqui & doce-

P 2

re

(i) Psal. XXXVIII.

(k) S. Augustin, Serm. 214. de Temp.

(l) Prov. X. &amp; XIV.



re Magistro concedet, tacere & audire discipulo convenit.

Qui hanc taciturnitatem in Ecclesia minimè custodierit, sed fregerit, sit in ipso die pœnitens in aquâ & pane. Et si iterum, tribus diebus pœniteat in pane & aquâ. Et si tertiâ vice iteraverit, septem diebus, ut suprà, pœniteat. Et si ampliùs hoc facere præsumerit, corporali disciplinâ subjiciatur, ut cæteri timeant.

#### CAPUT LXII.

##### *De ebrietate à Clero devitandâ atque detestandâ.*

Dominus in Evangelio dicit: *Attendite autem vobis, ne fortè graventur corda vestra in crapulâ.* (l) Et Apostolus dicit: *Nolite inebriari vino, in quo est luxuria.* (m) Salomon dicit: *Luxuriosa res est vinum,* (n) *& tumultuosa ebrietas: quicumque in his delectatur, non erit sapiens.* Nullum secretum est, ubi regnat ebrietas. (o) Alibi dicitur: *Operarius ebriosus non locupletabitur.* (p) *Vinum & mulieres apostatare quidem faciunt sapientes:* Et alibi: *Diligentes semper se inebriari vino, noli provocare in congregationem tuam.* Vinolentos Sacerdotes & Apostolus damnat, & vetus lex prohibet: qui altari serviunt, vinum & siceram non bibent. Sicera hebræo sermone omnis potio nuncupatur, quæ inebriare potest: quidquid inebriat, & statum mentis mutat, fuge similiter ut vinum.

Qui cupis esse bonus, & vis dinoscere verum,

Ut mortis socium, sic mordax effuge vinum.

Nulla febris hominum major, quàm vitreus humor:

Pro eo surdescent aures, balbutit denique lingua.

Dic mihi; dic ebrie, vivis, an morte gravaris?

Pallidus ecce jaces, & sinè mente quiescis.

Non bona, non mala, non dura, non mollia sentis.

Cavete, Fratres, in omnibus ebrietatem, quia magna animi est subversio. Nam sicut ignis facilè incendit stupas & leviores paleas, ita ebrietas corrumpit animam, & dejicit eam in grande pecca-

tum. Dominus per Prophetam ait: *Vae illis, qui manè surgunt ad ebrietatem sectandam, & ad potandum vinum usque ad vesperam.* (q) Et in alio loco dicitur: *Vae his, qui potentes sunt ad bibendum vinum, & viri fortes ad miscendam ebrietatem.* Basilii dicit: Plurimi namque homines per vinum maximam debilitatem corporis contraxerunt, nec potuerunt consequi pristinam firmitatem. Ebriosus putat se aliquid optimum agere, cum fuerit præcipitio devolutus. Fratres charissimi, nolite vos inebriare, nolite bibendo immoderatè nomina vestra de cælo delere. Sunt multi, quod pejus est, qui non solum se inebriant, sed etiam alios adjuvant, ut ampliùs quod expedit, bibant. O infelix, qui hoc facis, non tibi sufficit, quòd ipse peris, nisi adhuc insuper alios perdas? non tibi sufficit, quòd ipse in illâ ebrietate incurris, adhuc & alios tecum trahis? Non sufficit misero ebrioso, in ebrietate seipsum mergere, nisi & alios secum conetur involvere? Nolite, fratres, nolite hoc malum facere. Audite Apostolum dicentem: *Neque ebriosi regnum Dei possidebunt.* (r) Ebrius enim nec Patrem, nec Matrem, nec amicum, nec inimicum agnoscit, neque inter bona & mala discernit, nec ignem, nec gladium timet; sic falsi fratres & persecutores sunt, qui Deum & Ecclesiam quidem contemnunt, nec bona nec mala discernunt, nec gladium præsentis vitæ, nec ignem gehennæ futuræ metuunt. Quando homo ebrius fuerit, cor suum & membra liberare non potest.

#### CAPUT LXIII.

##### *De Clericis.*

Itaque omnes, qui in Ecclesiastici Ministerii gradibus ordinati sunt, Clerici generaliter nominantur. Cleros autem vel Clericos hinc appellatos Doctores nostri dicunt, quia Matthias sorte electus est, quem primum per Apostolos legimus ordinatum. Sic & omnes, quos illis temporibus Ecclesiarum Principes ordinabant, sorte eligebant: Clerus autem fors interpretatur, unde & hæreditas græcè Cleronomia appellatur, & hæres Cleronomus. Proinde ergo Clericos vocari ajunt, eò quod in sorte hæreditas Domini dantur: vel pro eo, quòd ipse Dominus

(l) Luc. XXI, 34.

[m] Ephes. V, 18.

[p] Eccl. XIX.

[q] Isai. V, 11. & 22.

[r] Prov. XX, 1.

[s] Ibid. XXXI.

[t] I. Cor. VI.

minus fors eorum sit, sicut de eis scriptum est, loquente Domino : *Ego hereditas eorum.* (s) Unde oportet, ut, qui Deum hereditate possident, absque ullo impedimento sæculi Deo servire studeant, & pauperes spiritu esse contendant, ut congruè Psalmistæ illud dicere possint : *Dominus (c) pars hereditatis meæ.*

## CAPUT LXIV.

*De Regulis Clericorum.*

His igitur lege Patrum cavetur, ut à vulgari vita reclusi, mundi voluptatibus se abstineant, non spectaculis, non pompis intersint, convivia publica fugiant, privata non tantum pudica, sed & sobria colant. Usuris nequaquam incumbant, neque turpium occupationes lucrorum, nec fraudis cujusque studium appetant. Amorem pecuniæ, quasi materiam cunctorum criminum fugiant, sæcularia officia negotiæque abjiciant. Honorum gradus per ambitiones non subeant. Pro beneficiis medicinæ Dei munera non accipiant. Dolos & conjurationes caveant : odium & æmulationem, atque detractionem, invidiamque fugiant : non vagis oculis, non infræni linguâ aut petulanti, tumidoque gestu incedant, sed pudorem, ac verecundiam mentis simplici habitu, incessuque ostendant. Obscœnitatem etiam verborum, sicut & operum, penitus execrentur.

Viduarum ac virginum visitationes frequentissimas fugiant : contubernia extranearum feminarum nullatenus appetant : castimoniam quoque inviolati corporis perpetuò conservare studeant, aut certè unius matrimonii vinculo fœderentur. Senioribus quoque debitam præbeant obedientiam, neque ullo jactantiæ studio semetipsos attollant. Postremò in doctrinâ, in lectionibus, in psalmis, in hymnis, in canticis, exercitio jugi incumbant : tales enim esse debent, qui Divinis cultibus sese mancipandos exhibere student ; scilicet ut dum scientiæ operam dant, doctrinæ gratiam populis admittrent.

## CAPUT LXV.

*De generibus Clericorum.*

Duo sunt genera Clericorum. Unum Ecclesiasticorum, sub regimine Episco-

P 3

(c) Deut. XVIII.

(c) Psal. XV, f.

pali degentium, alterum Acephalorum, id est, sine capite, quem sequantur, ignorantium. Hos neque inter laicos sæcularium officiorum studia, neque inter Clericos religio retentat Divina, sed solutos, atque oberantes, sola turpis vita & vaga complectitur.

Qui quidem nullum metuentes, explendæ voluntatis suæ licentiam consecantur ; quasi animalia bruta, libertate, atque desiderio suo fruuntur, habentes signum religionis, non officium, Hippocentauris similes, qui nec equi, nec homines, *mixtumque* (ut ait Poëta) *genus, prolesque biformis.* Quorum quidem fordida, & infami numerositate, satis superque nostra pars occidua polluitur.

## CAPUT LXVI.

*De Sacerdotibus peccantibus.*

Presbyter aut Diaconus, qui in fornicatione, aut perjurio, aut furto, aut homicidio captus est, deponatur : non tamen communione privetur : dicit enim Scriptura : *Non judicabit Dominus his in idipsum.*

## CAPUT LXVII.

*Ut Presbyter habeat unam Ecclesiam.*

Presbyter non ampliùs, quàm unam Ecclesiam habeat, sicut & vir unam uxorem.

## CAPUT LXVIII.

*Ut Clerici nuptialia convivia vitent.*

Presbyteri, Diacones, Subdiacones vel deinceps, quibus ducendi uxores licentia non est, alienarum nuptiarum evitent convivia : neque his cœtibus admisceantur, ubi amatoria & turpia cantica cantantur, aut ubi obscœni motus corporum choreis & saltationibus efferuntur : ne auditus & obtutus sacris mysteriis deputatus, turpium spectaculorum atque verborum contagione polluiatur.

## CAPUT LXIX.

*De eo, quod non per ambitionem Sacerdotium appetendum.*

Sicut qui invitatus renuit, & quaesitus refugit, sacris est altaribus offerendus : sic qui ultrò ambit, vel importunus se

se



se ingerit, est procul dubio repellendus. Nam qui nititur ad altiora conscendere, quid agit, nisi crescendo decreseat? cur non perpendit, quia benedictio illi in maledictum convertitur?

## CAPUT LXX.

*De eo, quod remouentur Presbyteri ab officio suo.*

Hi Presbyteri, qui in Presbyterio suo filios genuerint, removeri ab officio suo debent.

## CAPUT LXXI.

*Pro infirmis orare & ungere eos præcipitur.*

Jacobus Apostolus scripsit: *Infirmatur quis in vobis, inducat Presbyteros in domum suam, & orent super eum, ungentes eum oleo in nomine Domini, & oratio fidei salvabit infirmum, & suscitabit illum Dominus. Et si in peccatis fuerit, remittentur ei.* (u)

Quod non est dubium de fidelibus ægrotantibus accipi, vel intelligi debere, qui sancto oleo perungi possunt, quo ab Episcopo confecto, non solum sacerdotibus, sed omnibus uti Christianis licet in suâ, aut in suorum necessitate ungendis. Nam idcirco Presbyteris dictum est, quia Episcopi occupationibus aliis impediti ad omnes languidos ire non possunt. Cæterum si Episcopus potest, aut dignum ducit à se visitandum, & benedicere & tangere chrismate sine cunctatione potest, cujus est chrisma conficere: nam pœnitentibus istud fundi non potest, quia genus est Sacramenti: quibus enim reliqua Sacramenta negantur, quomodo unum genus posse putatur concedi?

## CAPUT LXXII.

*Oblationes in domibus offerri non oportere.*

Non oportet in domibus oblationes celebrari ab Episcopis, vel à Presbyteris.

## CAPUT LXXIII.

*Quomodo benedicendi sunt Sponsus & sponsa.*

Sponsus & sponsa cum precibus & oblationibus à sacerdote benedicuntur; & legibus sponsa dotetur, & à parymphis custodiatur, & publicè, so-

lemniterque accipiat. Biduo etiam ac triduo abstineatur, & doceatur eis, ut castitatem inter se custodiant, certisque temporibus nubant, ut filios non spurios, sed hereditarios Deo & sæculo generent.

## CAPUT LXXIV.

*De solemnitatibus præcipuis colendis.*

In solemnitatibus præcipuis, id est, in Natali & in octavâ, & in Epiphania Domini, & in Pascha, & in Ascensione Domini, & in Pentecoste, & in Sanctorum festivitibus, id est, Sancti Stephani, & Sancti Joannis Evangelistæ, & in festivitate Infantium, & in Purificatione, & in Assumptione Sanctæ Mariæ: Similiter in Beatorum Apostolorum festis, & Sancti Joannis Baptistæ, & Sancti Laurentii, & Sancti Martini, sive & in natali cujuslibet Sancti, cujus honor in quacumque Parochiâ specialiter celebratur, plenarium officium celebretur, & bis reficiatur.

## CAPUT LXXV.

*De decimis dividendis.*

Sacerdotes populi suscipient decimas & nomina eorum, quicumque dederint, scripta habeant super altare, & ipsas decimas secundum auctoritatem Canoniam coram testibus dividant, & ad ornamentum Ecclesiæ primam eligant partem: secundam autem per manus fidelium ad usum pauperum & peregrinorum, misericorditer cum omni humilitate dispendent: tertiam verò partem sibi metipsis soli sacerdotes reservent.

## CAPUT LXXVI.

*Ut Presbyteri per diversa ab Episcopis aut Laicis indiscretè non mittantur?*

Statutum est, ut Presbyteri, sicut hætenus factum est, indiscretè per diversa non mittantur, nec ab Episcopis, nec à Prælatibus, nec etiam à Laicis; ne forte propter eorum absentiam, & animarum pericula, Ecclesiarum, in quibus constituti sunt, negligantur officia.

## CAPUT LXXVII.

*De illis, qui soli Missas contra Canoniam auctoritatem canere præsumunt.*

Statutum est, ut nullus Presbyterorum

(u) Jacob. V, 14.

rorum solus Missam celebrare præsumat: quia nec verba Domini Salvatoris, quibus mysteria corporis & sanguinis sui discipulis celebranda tradidit, nec Apostoli Pauli documenta declarant, nec in ipsis actibus Apostolorum, si enucleatim legantur, ita fieri debere, ullo modo invenitur. Nam etsi interrogatus, aut contemptus, huiusmodi corporis & sanguinis Domini solitarius consecrator fuerit, quid respondere poterit? Quibus enim dicit: *Dominus vobiscum*: aut à quo illi responderetur: & cum Spiritu tuo? Vel pro quibus supplicat Deum, dum dicit: *Memento Domine famulorum famularumque tuarum, & omnium circumstantium*; cum nullus circumster? quæ consuetudo Apostolica & Ecclesiastica authoritati contraria eradicanda, & funditus extirpanda est à Domini Sacerdotibus. Et si quis hoc deinceps facere præsumserit, gradus sui periculo subjacebit.

## CAPUT LXXVIII.

*Ut Presbyteri inconsulto Episcopo non constituentur in Ecclesiis, vel de Ecclesiis expellantur ab aliquo.*

Statutum est, ut sine authoritate & consensu Episcoporum Presbyteri in quibuslibet Ecclesiis non constituentur, nec inde expellantur. Et si quis deinceps hoc facere tentaverit, Synodali sententiâ districtè feriat.

## CAPUT LXXIX.

*De libris, quos unusquisque secum in Ecclesia habere debet.*

Hi sunt libri, quos habere debet unusquisque sacerdos in sua Ecclesia, per quos Missas & Epistolas, seu Evangelium, vel Baptisterium, seu penitentiam, aut circulos annorum, sive lectiones nocturnales, intelligi potest. Si quis tales non habuerit, ab Ecclesia degradetur, quia in illo completur quod in libris legitur: *Canes muti non possunt latrare.* (u) Hi sunt mali Presbyteri, qui concupiscunt accipere Pastorale Ministerium Ecclesiæ, nec tamen possunt ad populum prædicare.

## CAPUT LXXX.

*De non suscipiendis alterius Ecclesiæ Clericis: & de susceptoribus eorum absque literis commendatiis, vel testibus à Clericis in eadem Ecclesia militantibus*

Jam constitutum est non licere in alterius civitatis Ecclesia, vel in potestate laicorum Clericos militare: sed ibidem permanere, in qua à principi. meruerunt ministrare: Extraneos, qui missi à patria, ad aliquam Ecclesiam pro necessitate venerint, (absque signatis apicibus non recipere.) Qui verò Episcoporum, aut laicorum, post hoc constitutum alterius Ecclesiæ Clericum suscepserit, nisi ad excusandum rationabiliter, placuit à communione suspendi, & eum, qui suscipit, & eum, qui susceptus est, quousque Clericum ad suam fecerit reverti Ecclesiam.

## CAPUT LXXXI.

*Epistola cujusdam Deicolæ in Christi nomine missa ad Sacerdotes & Clericos, prædicationis atque instructionis causâ ipsius directæ.*

Dilectissimis Sacerdotibus Ecclesiarum Christi Præsulibus, & cunctis Clericis in eisdem ubique & famulantibus, & Deicolis omnibus in totum mundum degentibus, æternam in Domino Salvatore nostro salutem. Noverit igitur dilectio vestra, quod semper sollicitus sum, & valde nosse desidero de salute & sanitate, & vitâ vestrâ. Deus autem omnium nostrum, vestrumque pium adimpleat desiderium in gloriam & vitæ sanctæ disciplinam. Ergo cum simus Dominicæ plebis supernâ miseratione Rectores, studiosius nos convenit Dei præsidium pro eorum sæpe cogitare salute, qui nobis commissi esse videntur, ne de creditis, atque frustratis, quod absit, animabus, insidiis antiqui hostis ante omnium Pastorem, nisi succedat præveniendo de offensis correctio, districtam cogamur solvere rationem. Unde rogamus vos, ut justè & piè, sanctèque viventes cæteris fidelibus in Exemplum fitis, & casto corde, & corpore sub regulâ Canonicâ vivatis.

Et



Et præterea peto, ut consideretis, & ante mentis & corporis oculos semper habeatis, quid sumus nos & vos. Nonne homines sumus; & unde homines, nisi de humo? Et quid est humus, nisi pulvis, & cinis? Et quid erimus, nisi quod dictum est: *Christus cum apparuerit*: (x) Si benè egerimus; *ei similes erimus*, hoc est, immortalitate, & æternitate? Abnegemus, quod sumus, ut incipiamus esse, quod non sumus. Ergo omne bonum à summo Deo sperandum est, quia *Nisi Dominus edificaverit domum, in vanum laborant, qui ædificant eam.* (y) Et, *Nisi Dominus custodierit civitatem, frustra vigilant, qui custodiunt eam.* Nos ergo petamus, quæramus, pulsemus: *Qui petit, accipit*: (z) *Et qui querit, invenit: Et pulsanti aperiatur.* Cogitemus semper ultimum nostri exitus diem: ornemus finem nostrum, & componamus diligenter vitam nostram, & quantum incerti sumus de obitu nostro die, tantum parati simus in actione nostra bona; ut quancumque venerit, nos semper paratos inveniat. Consideremus & pensemus, quia districtus venturus est Judex, qui non solum operum, sed cogitationum exactor apparebit. Laboremus in opere Dei, quantum possumus, si non quantum debemus: *Quoniam*, ut ait Apostolus, *non (a) sunt condignæ passionibus hujus temporis ad futuram gloriam, quæ revelabitur in nobis.* Quà de re satagendum est nobis, & omnibus fidelibus, ut ad ipsam gloriam fideliter curramus.

Vestram quoque, o Sacerdotes, Fratresque dulcissimi, moneo solertiam, ut reminiscamini, quàm magna suscepta habetis onera animarum: nam qui curam suscepistis, ideo securitatis vitam deponite, quæ inutilis est animæ & corpori: quoniam qui animas susceperunt ad regendum, parare se debent ad rationem reddendam in conspectu Dei: Idcirco in quantum prævaletis, tam verbo, quàm exemplo, ut prædiximus, admonere non cessetis vobis commissas oves; ut in judicio cum Propheta absoluti, dicere possitis: *Domine justitiam tuam non abscondi in corde meo.* (b) Et, *Veritatem tuam & Salutare tuum dixi.* Diem ultimum cogitate, & regulam vestram conservate; villicationem vestram compenseate; quia

de omnibus, qui negligentiam vestram perierint, rationem eritis reddituri in die judicii. Et ut de negotio lucrum reportetis, & præmium; oportet vos magis prodesse, quàm præesse.

O spirituales Sacerdotes! diligite Clerum, & populum vestrum; & nullos vobis æstimetis propinquiores esse parentes, quàm qui vobiscum in domo & opere Dei morantur; quia ubi amor & dilectio est spiritualis, ibi Deus mediator inhabitat, qui dixit: *In hoc cognoscent omnes*, (c) *quia mei estis discipuli, si dilectionem habueritis ad invicem.* Vestramque fragilitatem humiliter considerate & infirmorum curam patienter portate. In imperio vestro moderati sitis, ut regula edocet. Similiter moneo, ut opera, quæ injungitis, discernatis, & temperetis. Discretionem vestram semper cogitate, ut quod fecerint subjei vestri, absque murmure faciant, ut & animæ salventur, & corpora supra modum non graventur. Moneo & omnes Clericos vobis subiectos, ut vobis humiliter obediant, & regulam Canonicam pro viribus adimplere satagant, & absque murmuratione imperio vestro subiaceant, Dominoque dulciter serviant; quoniam, omnis homo potestatibus sublimioribus, suisque Præpositis subditus esse debet, quanto magis Servi Dei obedire humiliter Præpositis suis debent;

Moneo etiam, ut regulæ Canonicæ memores sint, ejusque præcepta ante oculos semper habeant. Nam quis scit, quid sibi contingat, vel alii in hac vitâ? aut quis unquam inobediens ad bonum finem pervenerit? Nobis verò pavor incutitur non modicus, dum legimus, multorum Sanctorum finem fuisse periculum, & post tantos labores conquistos etiam de summis ad ima esse præcipitados, quorum casus, noster debet esse profectus. Siquidem & primum hominem per inobedientiam cecidisse legimus. Multa siquidem, atque innumerabilia de his colligi possunt, sed nobis ista modò sufficiunt, ut in his caveatis, ne inobedientiam in aliquo Christo conferetis.

Non vobis delectentur deliciæ superflue, nisi quantum corpus sustentare videntur, & non, quantum voluntas humana appetere tentatur. Nolite esse cultis

(x) Coloss. III, 4.

(y) Psal. CXXVI.

(z) Luc. XI, 10.

(a) Roman. VIII, 18.

(b) Psal. XXXIX, 11.

(c) Joan. XIII, 35.

cultis vestibus adornati, sed simplici modo necessitatibus corporis contenti. Sic habeatis disciplinam, ut non amittatis animam. Nolite esse oblivioni dediti, nec ullâ securitate adhibiti, sed tam corporis, quàm animæ alimenta præparate vobis (&) Clericis subiectis vestris, ut læti semper vobiscum cum Christo serviant, sub cuius servitio se tradiderunt; ut in futuro mercedem recipiatis, & vocem Domini audiat, ubi dicitur: *Quia super pauca fidelis fuisti, (c) supra multa te constituam, intra in gaudium Domini tui.* Ad quod gaudium me peccatorem & vos omnes, unâ cum omnibus nobis commissis, Dominus & Salvator noster precibus omnium Sanctorum suorum, perducere illâs in vitam æternam dignetur: Qui vivit & regnat in sæcula sæculorum, Amen.

## CAPUT LXXXII.

*Alia Epistola ad Episcopum.*

*Dulcissimo Domino meo Episcopo in Christi nomine salutem perpetuam.*

Pater dulcissime, bene valeas in Christo, & illi semper placeas. Saluto te, & per te omnes Clericos tuos: consolare, & conforta eos, in servitio Domini nostri JESU CHRISTI, in quantum prævales. Moneo prudentiam tuam, ut peccantes arguas coram omnibus, ut timorem cæteri habeant: qui enim proximorum mala respicit, & tamen silentio linguam premit, eo mortis author fit, quo viros [quos] potuerat curare, noluerit. Nos ergo, qui in periculoso ordine constituti sumus, attendamus, nè simus inutiles servi. Illius semper memores simus mandati, qui dixit: *Hoc est præceptum meum, ut diligatis invicem. (d)* In hoc enim mandato omnium salus consistit; hoc cunctis perneccesarium esse constat, & maxime his, qui gregem Christi ad regendum accipiunt.

Quapropter Pastor carissime! gregem, quem accepisti ad regendum, diligenter erudire studeto, & sanctis admonitionibus eum per pascua vitæ deducere satage. Habes in omni opere bono Christum adiutorem, Sanctum quoque, cui militas, intercessorem: sicut gubernationem & dispensationem in domo Domini habere videris, ita tibi subiectos bonis moribus ornari contende, & eos in Di-

vinâ laude devotissimè fac consistere; & quod Angeli semper agunt in cælis, hoc tui Clerici jugiter faciant in Ecclesiis. Tuum est præcipere, illorum obedire: tuum præire, illorum subsequi. Omnium itaque in servitio Dei una debet esse voluntas, ut una fiat in regno DEI remuneratio.

Nullus horis Canonicis se Divinis subtrahat laudibus; nè propter aliquam indigentiam alicujus, locus in conspectu Dei vacuus inveniat: & verba Dei in Ecclesiis intimo cordis affectu proferantur, & cum magnâ reverentiâ Dei omnipotentis officia celebrentur. Omne verò Ministerium Christi humiliter, & devotè impleatur. Omnis itaque obedientia in sæculi necessitatibus fideliter & strenuè peragatur. Fiat equidem inter omnes concordissima pax, & sanctissima charitas, & devotio vitæ regularis. Seniores bonis exemplis, & sedulâ admonitione erudiant juniores, illôsque diligant, ut filios; & illi quasi patres eos honorificent, illorûmque omni alacritate obediunt præceptis.

Tua verò, venerande Pastor, conversatio omnibus sit exemplum salutis. Cave, ne nimis quis in tuâ scandalizetur vitâ, sed ædificetur, & roboretur in viâ veritatis; quia tibi ex illorum salute merces judicatur æterna. Cani capilli extremum denuntiant properare diem; quapropter paratus esto omni horâ in occursum Domini Dei tui. Dilectio fraterna, & eleemosynæ miserorum, & vitæ castitas, præparent tibi gradum in cælo.

Festivis diebus, veniente ad Ecclesiam populo, fac eis prædicare verba Dei, & quocumque vadis, Clerici, qui servitium Dei pleniter peragant, tecum eant, sobrietate ornati, non ebrietati assueti: quorum honestas vitæ aliis sit doctrina salutis. Curâmq; ubique habeas, & maxime pauperum, viduarum, & orphanorum; ut audias in die tremendo à Domino cum aliis eleemosynam facientibus: *Quamdiu fecisti uni ex his minimis, mihi fecisti. (e)* Esto miseris, ut Pater, & causam ad te clamantium diligenter discute; & parce in te peccantibus, ut Deus tuis parcat peccatis. Esto justus in judiciis, & misericors in debitis: Magister virtutum, moribus honestus, verbis jucundus, vitâ laudabilis, in omni opere Dei devotus.

Cleri-

(c) Math. XXV, 21.

(d) Joah. XV, 12.

(e) Math. XXV, 40.



Clericos quoque cohortare, ut sanctas Scripturas diligentissimè legant, non confidant in linguæ notitiâ, ut possint contradicentibus veritati resistere: sunt enim tempora periculosa, ut Apostolus prædixit, quia multi Pseudodoctores surgent introducentes sectas, qui Catholicæ Fidei impiis assertionibus maculare nitentur: ideo necesse est ad Ecclesiam plus habere defensores, qui non solum vitæ sanctitate, sed etiam doctrinâ veritatis castra Dei viriliter defendere valeant.

Has verò piæ admonitionis literulas, non quasi nescienti direxi, sed ut veræ charitatis (quæ) est in meo pectore, fidem ostenderem. Omnipotens Deus te, tuosque charissimos Clericos in omni bono proficere faciat, & ad beatitudinem æternæ gloriæ pervenire concedat, qui regnat in sæcula sæculorum. Amen.

#### C A P U T LXXXIII.

##### *De Doctrinæ discretione.*

Non omnibus una eodémque doctrina est adhibenda, sed pro qualitate morum diversâ exhortatio erit Doctorum. Nam quosdam increpatio dura, quosdam verò exhortatio corrigit blanda. Sicut periti Medici ad varios corporis morbos diverso medicamine serviunt, ita ut juxta vulnorum varietates medicina diversâ sit, sic & Doctor Ecclesiæ singulis quibuscunque congruum doctrinæ remedium adhibebit, & quid cuique oporteat, pro ætate, pro sexu, ac professione annuntiabit. Non omnibus ea, quæ sunt clausa, aperienda sunt. Multi sunt enim, qui capere non possunt, quibus si indiscretè manifestentur, statim aut detrahunt, aut negligunt. Rudibus populis, seu carnalibus, plana atque communia, non summa atque ardua sunt prædicanda; ne immensitate doctrinæ opprimantur potius, quàm erudiantur. Unde & Paulus Apostolus ait: *Non potui vobis loqui, quasi Spiritualibus (f) sed quasi carnalibus: tamquam parvulis in Christo, lac vobis potum dedi, non escam.* Carnalibus quippe animis nec alta nimis de cœlestibus, nec terrena convenit prædicare, sed mediocriter, ut initia eorum, morésque desiderant edoceri. Corvus dum pullos suos viderit albi coloris, nullis eos cibus alit, sed tantum-

dem attendit, donec paterno colore nigrescant, & sic illos frequenti cibo reficit. Ita & Ecclesiæ Doctor strenuus, nisi eos, quos docet, viderit ad suam similitudinem penitentiae confessione nigrescere, & nitore sæculari deposito, lamentationis habitum de peccati recodatione induere, non aperit intelligentiæ spiritualis profundiora mysteria.

Priùs docendi sunt seniores plebis, ut per eos infrà positi faciliùs doceantur.

Non una eadémque cunctis exhortatio congruit, quia nec cunctos par morum qualitas adstringit: sæpe namque ea, quæ aliis nocent, aliis profunt; quia & plerumque herbæ, quæ hæc animalia nutriunt, alia occidunt; & lenis sibilus equos mitigat, catulos instigat: & medicamentum, quod hunc morbum imminuit, alteri vires jungit: & panis qui vitam fortium roborat, parvulorum necat. Pro qualitate igitur audientium, formari debet sermo Doctorum. „Doctor semper vocem prædicationis habet, (g) nè superni spectatoris iudicium ex silentio offendat. Doctor in tabernaculum ingrediens, vel inde egrediens, moritur, si de eo sonitus non auditur: quia iram Dei contra se excitat, si sine prædicationis sonitu incedit. Rana in aquâ sine aquâ esse videntur, & tamen in putredine paludis commorantur, & procaces efferunt voces, & impatientes, & importunæ; sic hypocritæ Doctores quasi in aquâ sapientiæ esse videntur, & in luto hæresis tamen versantur, & contrarias voces veritati emittunt, & inopportune bonis nocent, spiritu Dæmonis agitati: procedunt ad Reges terræ congregare illos, id est, impios: inspirant ad pugnam contra Sanctos, qui sunt Reges iustitiæ, licet enim omnis falsitas similitudinem veritatis usurpet, differt tamen dignitas veræ sapientiæ à similitudine doctrinæ.

#### C A P U T LXXXIV.

##### *De Clerico derelinquente Clericatum suum.*

Si quis Clericus relicto officii sui ordine laicam voluerit agere vitam, vel se militiæ sæculari tradiderit, excommunicationis pœna feriatur.

(f) I. Cor. III.

(g) Gregor. I. II, Past. C. IV,

## CAPUT LXXXV.

*De eo, quodd non facile vincitur  
unus de ordine Canonico.*

Silvester dicit: Non Acolythus (b) adversus Subdiaconum, non Exorcista adversus Acolythum, non Lector adversus Exorcistam, non Ostiarius adversus Lectorem det accusationem aliquam. Et non damnabitur Subdiaconus, Exorcista, Ostiarius, Lector, Acolythus, filios habentes & uxorem, & omnino Christum prædicantes; sic datur mystica veritas, nisi in septem testimoniis; & non damnabitur Diaconus, nisi in triginta sex, & non damnabitur Presbyter, nisi in quadraginta quatuor.

## CAPUT LXXXVI.

*De eo, quodd debent Canonici se  
præcavere ante transforma-  
tiones dæmonum.*

Admonendi sunt Clerici Canonici, ut sint cauti, nè à dæmonibus in cogitationum subtilitate seducantur. Propterea & forma diaboli inter Clericos observetur, ut si quis ad eos veniat, sive vir, sive mulier sit, sive senex, sive juvenis, etiam si notus, sive ignotus sit; ante omnia oratio fiat, ut nomen Domini primum invocetur, quia si fuerit aliqua transformatio dæmonis, continuò oratione facta defugiet. Et si verò in cogitatione eorum surrexerint dæmones, aliquid unde laudari, aut extolli debeant, non acquiescant eis, sed tunc magis semetipsos humilient in conspectu Dei, & pro nihilo ducant, cum sibi aliquid illicitum suggererint.

Venerunt dæmones ad quemdam Monachum, nomine Or, in specie ec-

(b) Concil. Rom. II. C. III.

lestis militiæ, & habitu Angelorum, currus igneos agentes, plurimo apparatu, tamquam magnum aliquem Regem deducentes, isque, qui à cæteris, ut Rex haberi videbatur, dicebat ad eum: Implèsti omnia, ô homo, tantum superest tibi, ut adores me; sed si adoraveris me, transferam te sicut Heliam. Et Monachus Or hæc audiens, dicebat in corde suo: Quid est hoc? Quotidie ego Salvatorem meum, qui est Rex meus, adoro; hic si esset ille, quem adoro, quomodo hoc à me deposceret, quod indefinenter me facere sciret? Post hæc respondit ad ipsum: Ego habeo meum Regem, quem quotidie sine intermissione adoro, tu autem non es Rex meus: & continuò ille inimicus ad hæc verba nusquam comparuit.

Item Fortunatus Episcopus ex quodam homine spiritum immundum excussit; qui malignus spiritus cum vesperascente jam die secretam ab hominibus horam cerneret, peregrinum quempiam esse se simulans, circuire cepit civitatis plateas, & clamare: O virum Sanctum Fortunatum Episcopum! ecce quid fecit? peregrinum hominem de hospitio expulit: quæro, ubi requiescere debeam, & in civitate ejus non invenio. Tunc quidam in hospitio cum uxore suâ, & parvulo filio ad prunas sedebat, qui vocem audiens, & quid ei Episcopus fecerit requirens, hunc invitavit hospitio, & sedere eum secum juxta prunas fecit: cumque vicissim aliqua confabularentur, isdem malignus spiritus parvulum ejus filium invasit, atque in easdem prunas projecit, ibique mox ejus animam excussit. Qui orbatus miser, vel quem ipse susceperit, vel quem Episcopus expulisset, agnovit.

## CONVENTUS WORMATIÆ

Anno Christi DCCLXIV. Pippini Regis XIII.

Pauli Papæ VII.

DCCLXIV. Verno tempore Rex Pippinus Conventum WORMATIÆ convocatum adiit, & ibi testibus omnibus Annalistis de Waisario Aquitano, & Tassilono Bajoario rebellibus Concilia cum illis contulit. *Epistola XX. Codicis Caroli-*

*ni prodit hæc sequentia Acta Ecclesiastica in hoc Conventu:*

Tassilonem Paulum PP. sæpius rogasse, ut legatos ad Pippinum mitteret, pacem se inter & Regem composituros. Paulum annuissse, & Philippum Presbyterum



byterum atque Ursū cum litteris in Franciam Majo mense direxisse. Sed hos, cū Ticinum venissent, à Desiderio Rege, qui filiam suam Tassiloni vel jam uxorem dederat, vel brevi daturus erat, ulterius progredi prohibitos fuisse: Pontificemque hac de re certiorē factum litteras suas per legatos suos Joannem Subdiaconum & Abbatem, atque Pamphilum, Romanæ Ecclesiæ Defensorem Regionarium Pippino misisse.

Venerant Joannes & Pamphilus ad Pippinum, cū hunc Constantini Imperatoris legati Anthimus Spatharius & Synesius Eunuchus adiissent: quos ergo Rex, ut eadem Epistola *Cod. Carolini XX. indicat*, nec audire, nec videre voluit, nisi Apostolicis Legatis presentibus.

Interfuit etiam disputationibus (a) quas utrique inter se de observatione fidei Orthodoxæ, & piâ Patrum traditione habuerunt.

(a) Hæc fuere primordia disputationum, inter Orientales & Occidentales Franco-Germanos in multis post Synodis, præsertim Aquis instauratarum.

Conventum Wormatiensem à Pippino Rege indictum hoc anno 764. asserunt *Rhegino in Chronico*, & *Annales Fuldenfes*. *Vetus Chronicon Seculi* ejusdem, quod extat in codice Tiliano, adsignatos à Pippino Filiis Carolo, & Carolomanno Comitatus inuere videtur. Sic enim habet:

Anno DCCLXIV. Quando Dominus Pippinus placitum habuit in Wormatia, deditque Comitatus dilectis Filiis suis.

## CONVENTUS EPISCOPORUM IN CELLA S. GOARIS

*Ob Dedicationem novæ Basilicæ S. Goaris, & hujus Reliquias  
in eam transferendas.*

Circa Annum Christi DCCLXVIII. Caroli Magni I.

**P**erfectâ Basilicâ S. Goaris, (a) ubi jam tempus, quo Divino nomini esset consecranda, successit, missi sunt ab Excellentissimo Principe Carolo LULUS Moguntia Archi-Episcopus, Vir Anglorum gente moribus ac vita laudabilis: BASINUS Nemeti, quæ civitas nunc Spira vocatur: & MEGINGODUS urbis, quæ trans Rhenum sita fermone

Postea Pippinus cum Anthimo, qui Constantinopolim revertebatur, suos quoque ad Imperatorem oratores misit, per quos illum de rebus cunctis certiorē fecit. Romam verò ablegavit unâ cum legatis Apostolicis FLAVIUM Capellanum suum, per quem Pontificem de gesti negotii serie certiorē fecit, & litteras etiam communicavit à Constantino Imp. sibi scriptas, & quas ipse rescripserat, ut Pontifex cerneret, se Sedi Apostolicæ non deesse, ipsiusque causam pro virili agere.

*Eckhart. Tomo I. Franc. L. XXIV. §. LXXIV. & sequent.*

Eidem Conventui Wormatiensi Affuerus Abbas Prumiensis interfuit, & cellam S. Goaris commendavit Regi, ut hospitalitas exerceri posset. Pollicetur Rex opem.

*Wandelbertus Cap. 38. de Miraculis S. Goaris.*

barbaro Wirziburg appellatur Episcopi, qui omnes à Beato Bonifacio Pontifice & Martyre fuerunt ordinati; ut per eos & Ecclesia consecrari, & corpus beatissimi viri, in eum, quo nunc situm est, locum transferri deberet.

*Wandelbertus Cap. I. de miraculis S. Goaris.*

CON-

(a) Cellam S. Goaris Pippinus Rex anno 765. Affuero Prumiensi Abbati donaverat, qui mox Basilicam condendis offibus S. Goaris excitavit, & Caroli Regis ope consecrationem impetravit, Episcopis vicinis coactis.

# CONCILIIUM RATISBONENSE.

Anno Christi DCCLXIX. (a) Stephani III. II.  
Caroli I.

*In quo Chor-Episcopis interdicitur functione munerum Episcopali.*

**D**ecretum est in Synodo, quam Regisburc pro eadem, vel pro aliis causis Apostolicâ auctoritate præfato prætexto habuimus, nihil ex prædictis (*Ordinare Presbyterum vel Diaconum, aut Sub-Diaconum, Ecclesiam dedicare, Virginem consecrare, quenquam confirmare, aut quidquam de Episcopali ministerio peragere:*) à quoquam eorum (Chori-Episcoporum) agere vel facere volentibus consentire. Sed quidquid ab his Episcopaliter præsumptum est, à canonicè ordinatis Episcopis peragi debere, nec ullum usquam de Episcopali ministerio à Chor-Episcopis aliquid accepisse, quia nihil in dante erat, quod aliquis horum accipere potuisset: quoniam, quod non habuit quis eorum, dare non potuit. Nam Episcopi non erant, quia nec ad quandam civitatis Episcopalem Sedem titulati

erant, nec canonicè à tribus Episcopis ordinati. Ideo de Episcopali ministerio nihil agere potuerunt. Ideo namque nulla causa permittit, ut videatur iteratum, quod de causis memoratis à canonicè ordinatis Episcopis cognoscitur regulariter peractum. Unde & cum sæpe quæstio de malè accepto honore nascatur, quis ambigat nequaquam esse tribuendum, quod non decet fuisse conlatum. Scimus enim, sicut & in antiquis Patrum legimus decretis, posse verâ ac justâ legitimi Episcopi benedictione auferre omne vitium, quod à vitioso fuerat obiectum.

*L. VII. Capitularium Nro CCLX. apud Baluz. Tomo I. P. 1081.*

*Mansi Conciliorum Supplementi Tomo I. pag. 625.*

Eadem quæstio iterum resumpta, & eodem exitu definita fuit in Synodo magna Aquis, Capitulari primo, anni 803. Missus & ex eadem Synodo Romam Arno Archi-Episcopus Salisburgensis: & Leo Papa juxta antiquorum Patrum decreta censuit, nullam Chor-Episcopis inesse Episcopalem Potestatem. *Videatur Baluz. Tomo I. pag. 379. 380.*

(a) Annum Synodi Dominus Mansi statuerat verosimiliter 768.: verum cum is annus Pippino foreat tribui, apud Baluzium autem CAROLUS dicatur hanc Synodum coegisse, hunc malui 769. scribere. Sed parvi refert. Synodo occasionem dedit Chor-Episcopus ordinandus ad subsidium Gauzoleni Episcopi Cenomanensium cæci. Fuit tum Marolus quidam à tribus Episcopis ordinatus, qui Cenomanensis Ecclesiæ officia Episcopalia vice cæci Episcopi obivit annis ferè XXX. ab 766. ad 796. intra quod tempus Merolus ordinatus fuit. *Labbei & Pagè Dissentientium de anno rationes egregiè diluit MANSI Loc. cit.*

## CAROLI MAGNI CAPITULARE PRIMUM

*Datum, ut videtur, sub ejus Regni exordia.*

Anno Christi DCCLXIX. Stephani III. II.

*Primum à Baluzio editum ex veteri Codice MS. Sancti Vincentii Laudunensis.*

### INCIPIUNT CAPITULA.

- I. Ut Servi Dei in hostem non pergant, nisi illi, qui necessarii sunt propter Divinum Ministerium.
- II. Ne Sacerdotes fundant sanguinem Christianorum, vel Paganorum.
- III. Ut Servi Dei venationes non exercent.

Q 3

IV. De



- IV. De Episcopis & Presbyteris ignotis, quomodo admittantur ad ministerium Ecclesiasticum.  
 V. De Sacerdotibus, qui plures uxores habuerint.  
 VI. Ut unusquisque Episcopus provideat in sua Parrochia, ne populus agat Paganias aut Superstitiones.  
 VII. Ut Parrochiam suam singulis annis unusquisque Episcopus circumeat.  
 VIII. Ut Presbyteri Episcopis suis subiecti sint, & ut quadragesimæ tempore rationem ministerii sui eis reddant.  
 IX. Ne aliquis accipiat Ecclesiam infra Parrochiam sine consensu Episcopi sui.  
 X. Ut Sacerdotes magnam curam habeant de incestis, & infirmis, & poenitentibus.  
 XI. De Jejunio quatuor temporum.  
 XII. Ut bis in anno ad mallum omnes veniant.  
 XIII. Ut nullus negligens sit, quando pro Rege, vel Fidelibus suis orandum fuerit.  
 XIV. Ut Sacerdos, nisi in locis consecratis, Missam non celebret.  
 XV. De Sacerdotibus, qui ministerium suum adimplere non valent.  
 XVI. Ut Sacerdos, qui admonitionem Episcopi sui contempserit, deponatur.  
 XVII. Ut nullus Iudex neque Presbyterum, neque Diaconum, aut Clericum sine consensu Episcopi sui distringat.  
 XVIII. Ut nullus Episcoporum, vel Sæcularium alterius cujusquam res retinere præsumat.

## INCIPIUNT SUPRASCRIPTA CAPITULA ET EORUM TEXTUS.

Ut Servi Dei neque in hostem pergant, neque armaturam bajulent.

De Episcopis, & Presbyteris ignotis, quomodo admittantur ad Ministerium Ecclesiasticum.

## I.

**C**arolus gratiâ Dei Rex, Regni Francorum Rector, & devotus Sanctæ Ecclesiæ defensor, atque adiutor. In omnibus Apostolicæ Sedis hortatu, omnium fidelium nostrorum, & maximè Episcoporum ac reliquorum Sacerdotum consultu, servis Dei per omnia omnibus armaturam portare & pugnare, aut in exercitum, & in hostem pergere omnino prohibemus, nisi illi tantummodo, qui propter Divinum ministerium, Missarum scilicet solemniam adimplenda, & Sanctorum Patrocinia portanda, ad hoc electi sunt, id est, unum vel duos Episcopos cum Capellanis Presbyteris. Et unusquisque Princeps unum Presbyterum secum habeat, qui hominibus peccata confitentibus judicare, & indicare poenitentiam possit.

Ne Sacerdotes fundant sanguinem Christianorum, vel Paganorum.

II. Ut Sacerdotes neque Christianorum neque Paganorum fundant sanguinem.

Ut servi Dei venationes non exerceant.

III. Omnibus servis Dei venationes & silvaticas vagationes cum canibus, & ut accipitres & falcones non habeant, interdiximus.

IV. Statuimus, ut secundum Canonicam cautelam omnes undecunque supervenientes ignotos Episcopos, vel Presbyteros, ante probationem Synodalem, in Ecclesiasticum ministerium non admitteremus.

De Sacerdotibus, qui plures uxores habuerint.

V. Si Sacerdotes plures uxores habuerint, vel sanguinem Christianorum, vel Paganorum fuderint, aut canonibus obviaverint; Sacerdotio priventur: quia deteriores sunt sæcularibus.

Ut unusquisque Episcopus provideat in sua Parrochia, ne populus faciat paganias aut superstitiones.

VI. Decrevimus, ut secundum Canones unusquisque Episcopus in sua Parrochia sollicitudinem adhibeat, adjuvante Graphione, qui defensor Ecclesiæ est; ut populus Dei paganias non faciat, sed ut omnes spurcicias gentilitatis abjiciat, & respuat, sive profana sacrificia mortuorum, sive forilegos vel divinos, sive phylacteria & auguria, sive incantationes, sive hostias immolaticias, quas stulti homines juxta Ecclesias ritu pagano faciunt sub nomine Sanctorum Martyrum, vel Confessorum Domini, qui potius, quam ad misericordiam, sanctos suos ad iracundiam provocârunt.

*Ut Parrochiam suam singulis annis unusquisque Episcopus circumbeat.*

VII. Statuimus, ut singulis annis unusquisque Episcopus Parrochiam suam sollicitè circumbeat, & populum confirmare & plebes docere, & investigare, & prohibere Paganas observationes, divinosque & fortilegos, aut auguria, phylacteria, incantationes, vel omnes spurcias gentilium studeat.

*Ut Presbyteri Episcopis suis subiecti sint & ut quadragesimæ tempore rationem ministerii sui eis reddant.*

VIII. Decrevimus quoque juxta Sanctorum Canones, ut unusquisque Presbyter in Parrochia habitans, Episcopo subiectus sit illi, in cujus Parrochia habitat, & semper in quadragesima rationem & ordinem ministerii sui, five de Baptismo, five de fide Catholica, five de precibus & ordine Missarum Episcopo reddat. Et quodcumque jure Canonico Episcopus circumbeat Parrochiam ad populos confirmandos, Presbyter semper paratus sit ad suscipiendum Episcopum, cum collectione, & adiutorio populi, qui ibi confirmari debet. Et in cœna Domini semper novum Christum ab Episcopo suo querat. Et de vere baptizare nullus præsumat, sed ardere in luminaribus Ecclesiæ faciat.

*Ne aliquis accipiat Ecclesiam infra Parrochiam sine consensu Episcopi sui, nec de una ad aliam transeat.*

IX. Ut nemo accipiat Ecclesiam infra Parrochiam sine consensu Episcopi sui. Nec de una ad aliam transeat.

*Ut Sacerdotes magnam curam habeant de incestis, & infirmis, & pœnitentibus.*

X. Ut de incestis, & criminosis magnam curam habeant Sacerdotes, ne in suis pereant sceleribus, & animæ eorum à districto Iudice Christo ab eis requirantur. Similiter de infirmis & pœnitentibus; ut morientes sine sacra olei unctione & reconciliatione & viatico non deficiant.

*De Jejunio quatuor temporum.*

XI. Ut Jejunium quatuor temporum & ipsi Sacerdotes observent, & ipsi plebi denuntient observandum.

*Ut bis in anno ad mallum omnes veniant.*

XII. Ut ad mallum venire nemo taret. Primum circa ætatem, secun-

dò circa autumnum. Ad alia verò placita, si necessitas fuerit, vel denuntiatio Regis urgeat, vocatus nemo venire taret.

*Ut nemo negligens sit, quando pro Rege, vel fidelibus suis orandum fuerit.*

XIII. Ut quando denuntiatum fuerit pro Rege, vel pro fidelibus suis quolibet causa orationes facere, nemo ex hoc negligens appareat.

*Ut Sacerdos, nisi in locis consecratis Missam non celebret.*

XIV. Nullus Sacerdos, nisi in locis Deo dicatis, vel in itinere positus in tabernaculis & mensis lapideis ab Episcopo consecratis, Missas celebrare præsumat. Quod si præsumpserit gradus sui periculo subjacebit.

*De Sacerdotibus, qui ministerium suum adimplere non valent.*

XV. Sacerdotes, qui ritè non sapiunt adimplere ministerium suum, nec discere juxta præceptum Episcoporum suorum pro viribus satagunt, vel contemptores Canonum existunt, ab officio proprio sunt submovendi, quousque hæc pleniter emendata habeant.

*Ut Sacerdos, qui admonitionem Episcopi sui contempserit, deponatur.*

XVI. Quicumque autem à suo Episcopo frequenter admonitus de sua scientia, ut discere curet, facere neglexerit; procul dubio & ab officio removeatur, & Ecclesiam, quam tenet, amittat: quia ignorantes legem Dei, eam aliis annuntiare, & prædicare non possunt.

*Ut nullus Judex, neque Presbyterum, neque Diaconum, aut Clericum sine consensu Episcopi sui distringat.*

XVII. Ut nullus Judex neque Presbyterum, neque Diaconum, aut Clericum, aut juniorem Ecclesiæ, extra conscientiam Pontificis, per se distringat, aut condemnare præsumat. Quod si quis hoc fecerit, ab Ecclesia, cui injuriam inrogare dignoscitur, tamdiu sit sequestratus, quamdiu reatum suum cognoscat, & emendet.

*Ut nullus Episcoporum, vel secularium alterius cujusquam res retinere præsumat.*

XVIII. Ut nullus Episcoporum, vel secularium cujusunque alterius Episcopi, five Ecclesiæ, five privati res, aut regnorum divisione, aut Provincia-

rum



rum sequestratione competere, aut retinere præsumat. Quod si quis hoc facere tentaverit; tamdiu sit ab omnium caritate suspensus, & à communionis gra-

tia sequestratus, quoadusque res ablatas cum fructuum satisfactione restituat.

*Balzarius Tomo I. Capitularium pag. 189.*

## CONVENTUS WORMATIÆ

Anno Christi DCCLXXII. Stephani III. Papæ V.  
Caroli Regis IV.

*Wormatiæ populi Conventus, quem alii SYNODUM vocant, eò quod Episcopi Regni simul adessent, & de rebus Ecclesiasticis etiam, quæ necessaria viderentur, constituerent.*

*Decretum est hîc Bellum Saxonibus inferendum, quod per XXXIII. annos gestum fuit.*

*Eginhardus Cap. VII. & Poëta Saxo.*

*Eodem in Conventu Wormatiensi Carolus cum Episcopis de convertendis Saxonibus ad fidem consilia contulit, quod Eigil in vita Sturmii cap. 22. prodit his verbis:*

**R**egente feliciter Domino Rege Carolo annos quatuor, Saxonum gens sæva, & infestissima cunctis fuit, & Paganis ritibus nimis dedita. Rex verò Carolus, Dominus semper devotus, cum ipse Christianissimus esset, cogitare cepit, qualiter gentem hanc Christo acquirere quivisset?

Inito Servorum Dei consilio poposcit, ut precibus Dominum suis votis annuere obtinerent. Congregato tam grandi conventu, invocato Christi nomine, Saxoniam profectus est, adsump-

tis universis Sacerdotibus, Abbatibus, Presbyteris, & omnibus Orthodoxis, ac Fidei Cultoribus, ut gentem; quæ ab initio mundi Dæmonum vinculis erat obligata, doctrinis sacris, mire & suave Christi jugum credendo subire fecissent. Quò, cum Rex pervenisset, partim bel-  
lis, partim suasionibus, partim etiam muneribus maxima ex parte gentem illam ad fidem Christi convertit.

*Eckhart. Hist. Franc. L. XXIV. §. CXXXIX. pag. 619.*

Megingaudum, Wurceburgensem Episcopum, eò quod Ecclesiæ Saxonicæ & Sclavicæ ipsius curæ commissæ essent; Carolum Regem ante alios Episcopos comitatum esse, nullus dubito. ait  
*Eckhart. loc. cit.*

## CONCILIIUM BAVARICUM

APUD DINGOLVINGAM,

XXII. Anno Tassilonis Ducis Bavaricæ celebratum,  
tempore Hadriani Papæ primi, Anno  
Christi DCCLXXII.

*De Concilio, quod Dux Tassilo apud Dingolovingam celebravit.*

**R**egnante in perpetuum Domino nostro JESU CHRISTO, in anno verò XXII. Regni Religiosissimi Ducis Tassilonis gentis Bajoariorum, sub die (a) consu-

(a) *Callisti* conjicit Canisius, cujus memoria agitur pridie Idus Octobris; verum cum eadem forma

consulem, quod erat II. Id. Octob. atque anno ab Incarnatione Dominica DCC LXXII. Indiēt. X. Divinā præfatus inspiratione, ut omne Regni Dei prænotatus Princeps collegium procerum coadunaret in villam publicam, Dingoluingam nuncupatam, ut ibi tam regulare moderaretur in sancto habitu Cœnobium virorum, & puellarum, quàm Episcopales moderaretur obsequias, insuper gentis suæ institutiones legum per (b) primatos imperitos, univēsa consentientē multitudinē, quæ reperit (c) diuturna viciata, & quæ videbantur abstrahendo evellere, & quæ decretis placerent, componendo infunderentur. Inter tot verò collegia Sacerdotum, devolutis Episcoporum & Abbatum in præsentia paginis, regularis ordinis vitæ atque canonum normas, vel decreta Patrum nullis comprobare quiverant testimoniis, ut Monachis Parochiæ commendari deberent, vel publica baptismatis obsequia, nisi forte pro periculo mortis, & nihil eorum implerent commorandi negotio, excepto (d) vicissitudinis villarum propriarum singulis annis obedientialibus curis commissio ab Abbate proprio fuerit determinata. Unde ab universis Abbatibus facta professio, ut minimè titulis popularibus se ingerere depellerentur, & hæc omnia, cui commissæ sunt plebes, sub potestate Episcoporum permanerent, sicut in sanctis Synodis, vel Decretis priscorum Patrum perarata comprobata conscriptio, ab Episcopis vero simili modo. Et nihilominus (e) prælatis ponderaverunt sententiis, ut erga eos caritatis gererentur curæ, ita ut canonica auctoritas confirmat, & spiritualis concordia declarat. Hoc peracto Concilio, & ab universis uno ore confirmato, ut si quis de eadem institutione deviare præsumperit, à Collegio eorum alienetur, usque iterato examine, id est, publica Synodo.

*Hæc sunt decreta, quæ constituit sancta Synodus, in loco,*  
R

forma sub die consule crebrò in literis Tassilonis recurrat, ad imitationem Romanorum eam formulam à Notariis Tassilonis adjectam suspicatur. P. Calles L. VII. *Annalium Germania* p. 400.

(b) peritos primates. (c) Forte diuturnitate. (d) Supple li.

(e) Forte prolatis. (f) pro Tassilone. [g] Fors quis.

(h) Miratur Canisius, cur hic primum Canones numerentur.

(i) Subintellige: vellent. (k) Vox Germanica: nobiles servos significat.

(l) Indicium clientelæ feudalīs erga eos, qui fidi manebunt Domino donantū nobile feudum.

*qui dicitur Dingoluingam, Domino (f) Tassilo mediante.*

De die Dominico ita constitutum est, ut tali honore habeatur, sicut in lege scriptum est, & in decretis Canonum. Et si (g) quid præsumperit frangere contra legem, aut decreta Canonum, tali poenæ subiaceat, sicut ibi scriptum est.

De hæreditate, quæ tradita est ad Ecclesiam, ita constituit; ut, quisquis hæreditatem suam ad Ecclesiam ante donaverat, aut postea donaverit, si quid mutare voluerit, chartam suam habeat ita scriptam, ut locum, & tempus, & personam habeat, aut tribus fidelibus testibus, & nobilibus testificetur. Si Sacerdos non habeat chartam, nec testem, ut prædiximus, tunc sicut in lege Bajoariorum, & Judex judicat, sic defendat.

I. (b) De eo, quod Episcopi juxta Canones, & Abbates Monasteriorum juxta regulam viventes, ita constituit.

II. De eo, quod Sanctimonialia, quæ in servitio Dei sunt, ita constituit, ut nullus ausus sit in conjugium & Matrimonium ducere; aut si quis ausus fuerit contra decreta Canonum, ita componat, sicut Canones decreverunt.

III. De eo, quod jus ad legem, quam habuerunt in diebus Patris sui, nobiles & liberi, & servi ejus, ita donaverunt, ut firma fieret.

IV. De eo, quod ut si qui de nobili genere & de hæreditate sua dare (i) ad Sanctuarium Dei, in sua potestate esset, nemo prohibuisset, nec mutaret in perpetuum.

V. De eo, quod ut servi Principis, qui dicuntur Adelschalche (k) ut suam habeant Weregeldam, juxta morem, quem habuerunt sub parentibus, & cæteri minores Weregeldi juxta legem suam, ita constituit.

VI. De eo, quod parentes Principis, quodcumque præstitum fuisset nobilibus intra Bajoarios, hoc constituit, ut permaneret, & esset sub potestate (l) unus-



uscujusq; relinquendum posteris, quamdiu stabiles servassent federe apud Principem ad serviendum sibi, & hæc firma permaneret, ita constituit.

VII. De eo, ut nullus hæreditate sua privetur, nisi per tres causas (m) quas in pacto scribentur: propter homicidium, hoc est, ut quisquis hominem Principis sibi dilectum occiderit; ob injuriam Principis, & ad calumniam hominem componat secundum legem, tunc privetur hæreditate sua.

VIII. De eo, quisquis mulierem nobilem acceperit in conjugium, & non præcivit, ita constituit, ut iterum libera esset, dimittat servum, & postea non redigatur in servitium, sed esset libera.

IX. De eo, quod & si quis de quocunque reatu accusatus ab aliquo potestatem accipiat cum accusatore suo pacificare, si voluerit, antequam pugnam, quæ Wehadine vocatur, permittat.

De eo, quisquis de nobili genere deprehensus fuerit de illis IV. causis, de qua supradiximus, si ille hæreditate sua portionem pro illius criminis reatu perdat, uxor autem illius suo jure non privetur, ita constituit.

(m) pro quæ.

Marcus Velferus, vir doctissimus & nobilissimus, celeberrimæ Augustanæ Reip. Septemvir, hanc Synodum, vel potius fragmentum Synodi, supradicto tempore celebratæ, primus in lucem emisit, dentibusque tinearum, & blattarum eripuit. Ex perversto codice, quem utendum acceperat, à Rever. & Magnif. Domino, Georgio Lautherio Ss. Theol. Doctore, & Monachii ad D. Virginem Præposito, idem Velferus propriâ manu exscripsit. *Notatio Canisii.*

Comitiis Bojorum hoc anno DCCLXXII. Dingoluingæ habitis interfuerunt Episcopi Manno Nuenburgensis [qui vel unicus, vel certè postremus isti Ecclesiæ præfuit] Alimus Sabionensis, Virgilius Salisburgensis, Vilsericus Bataviensis, Simpertus Ratisbonensis, Aribio Frisingensis. Adfuere præter Episcopos Abbates tredecim. *Notatio Adelzreiteri Consiliarii Parte I. Lib. VII. §. XLII. Annalium Boica Gentis.*

*De Epochâ bujus Synodi nota Marci Hanszii.*

Synodographi & Adelzreiter ad annum Christi 772, & Tassilonis Ducis XXII. diem II. Idus Octobris referunt hanc Synodum: Sed annus XXII. Tassilonis respondet anno 769. Gewoldus refert ad annum XXIV. Tassilonis, qui est Christi 771. BARONIUS & COINTIUS censuerunt potius corrigendos annos Tassilonis, quàm incarnationis: & loco anni 22. vel 24. censent substituendum annum 25. Regni Tassilonis, qui mense Octobri 772. in Cursu erat. PAGIUS judicat calculum annorum à Librario recentiore adjectum, quia veteres membranæ nonnisi summam actuum hujus Synodi exhibent. *Vitus Arnpeckius in Chronico Bajoaria L. II. Cap. 35.* De Tassilone scribit: "Hic est Tassilo, de quo scribitur in Libro Synodali Statutorum Patavienfium his verbis: Anno XXVII. Regni Gloriosissimi Ducis Ba-joriarum Tassilonis, Christi videlicet DCCLXXIV. pridie Idus Octobris, habitum est Concilium octodecim Capitulorum." Suspiscatur HANSIZIUS verosimiliorem hanc Epocham: dici verò Patavienfem, quia in libro Statutorum Ecclesiæ Patavienfis relata esset, licet Dingoluingæ habita: demum coincidit dies pridie Idus Octobris pro 2do Idus Octobris.

*Tomo II. Germania sacra, seu historia Archi-Episcopatus Salisburgensis pag. 93. 94.*

Si vera est HANSIZII Epochâ anni mortis Tassilonis, & initii Ducatus Tassilonis, anno 748 affixa: erit annus Christi 772, annus 24. vel 25. Tassilonis.

*De collaudatione, quam Episcopi, & Abbates in Bajoaria inter se fecerunt, pro defunctis fratribus.*

In Christi nomine: Notitia qualem convenientiam gentis Bajoariorum Episcopi & Abbates inter se fecerunt, quorum nomina infra perarare stylo decrevimus (id est) Manno Nuvenpurgensis civitatis Episcopus, Alim, Virgilius Wiserich, Sintpreth, Heres Episcopi; Oportunus, Wolfpreth, Adelpreth, Ato, Uto, Lantfrid, Albune, Ruothart, Ernest, Reginpreth, Volchanhart, Perchkoeh, Sigido, Abbates. Ut eorum quis de hac luce migraret, unusquisque superstitem Episcoporum vel Abbatum pro defuncto in domo sua Episcopali, vel Cænobio C. Missas speciales, & eodem numero Psalteria cantare faciat. Ipse verò de propria persona sua XXX. speciales Missas compleat, vel à Religiosis sibi met subjectis implere omnino prænotatum faciat numerum Presbyteris five Monachis, cum de hoc sæculo migrarint Episcopus seu Abbas, uno Presbytero vel uno Monacho XXX. Missas speciales, totidem Psalteria faciant celebrari.

*Henricus Canisius edidit 1600. Ingolstadtensi typo in 4.*

*Binius anno 1618. Tomi III. Concilior. Parte I.*

CODEX CANONUM  
AB HADRIANO I. CAROLO REGI  
DONATUS.

Incipiunt (\*) Ecclesiasticæ Regulæ Sanctorum Apostolorum prolatae per Clementem Ecclesiæ Romanæ Pontificem, quæ ex Græcis Exemplaribus in ordine primo ponuntur, quibus quam plurimi quidem consensum non præbuere facile, & tamen postea quædam constituta Pontificum ex ipsis Canonibus adsumpta esse videntur. (a)

INCIPIUNT CANONES APOSTOLORUM.

*De Ordinatione Episcopi.*

CAPUT I.

**E**pisopus à duobus, aut tribus Episcopis ordinetur.

*De Ordinatione Presbyterorum & Diaconorum vel ceterorum.* CAP. II.

Presbyter ab uno Episcopo ordinetur, & Diaconus, & reliqui Clerici.

*Nil aliud in sacrificio, præter quod Dominus statuit, offerendum.* CAP. III.

Si quis Episcopus, aut Presbyter, præter ordinationem Domini alia quædam in Sacrificio offerat super altare, id

R 2

est, aut mel, aut lac, aut pro vino ficeram, & confecta quædam aut volatilia, aut animalia aliqua, aut legumina, contra constitutionem Domini faciens, congruo tempore deponatur.

*Quæ species ad Altare, non ad sacrificium, sed ad benedictionem debeant exhiberi.*

CAP. IV.

Offerri (a) non liceat aliquid ad Altare præter novas spicas, & uvas & oleum ad Luminaria, & Thymiana, id est, incensum; tempore, quo Sancta celebratur oblatio.

*Quod*

(\*) Hic titulus est in Codice CXV. MS. Bibliothecæ Ecclesiæ Metropolitane Colonienfis, cujus Catalogum anno 1752. approbante Illustrissimo Capitulo vulgavimus. Est hic Codex scriptus sub pio Patre Hildebaldo Archi-Episcopo Colonienfi, Archi-Capellano, id est, summo Præfæcto Capellæ Regiæ, Palatii, & Cleri Palatini, & Bibliothecæ Regiæ; adeoque coævus Hadriano, Carolo, & Hildebaldo, ut frons libri præfert.

Ipse character membranacei Codicis Sæculum VIII. refert, & venerationem aspirat. Titulus scriptus est literis uncialibus rubro vel minio, & atramento variegatus. Similis titulus est Codicis veteris Ecclesiæ Beluacensis, ut notat edidit elegantissima Codicis Canonum veteris Ecclesiæ Romanæ post Wendelstinum primum Editorem Germanum anno 1525, Parisiis facta à Pithæo 1609. ac Pellerio demum anno 1687. pag. 9.

Præter hunc Codicem CXV. etiam Codices CXVI. & CXVII. MSS. ejusdem Bibliothecæ adhibuimus, & cum illis contulimus editionem Moguntinam Wendelstini, quam hic denno præsentamus, sed collatam cum his MSS. quos indigitamus Codices his numeris: cum qui N. CXV. recensitus est 1100, CXVI. 2dum, CXVII. 3tium appellamus brevitate causa; Plura in Præfatione primi voluminis attulimus argumenta, cur codicem Canonum præulerimus *Epitome Canonum* hujus Codicis à Binio Conciliis primò insertæ, & post ab aliis Synodographis reclusæ, præterito codice, quem nos jam damus.

Tempore, quo Hadrianus PP. I. Romæ sedit ab 772. ad 795. Carolus ter Romam profectus fuit, nempe annis 774. 781. 787. Quo ex his annis codicem Canonum ab Hadriano acceperit, nos hætenus latet. *Eckhart T. I. rerum Franciæ L. 25. §. LXXXII.* PAGI in Critica ad annum 795. N. 40.

(a) Omnes tres Codices habent hoc initium.



*Quod ea, quæ in Ecclesiis offerri non possunt, ad domus Sacerdotum à fidelibus deferantur.*

CAP. V.

Reliqua poma omnia ad domum primitiæ Episcopo, & Presbyteris dirigantur, non offerantur in Altari. Certum est autem, quod Episcopus & Presbyteri dividant (b) Diaconis, & reliquis Clericis.

*Ut Episcopus, aut Presbyter uxorem suam, quam debet castè regere, non relinquat.*

CAP. VI.

Episcopus, aut Presbyter uxorem propriam nequaquam sub obtentu religionis abiciat, si verò rejecerit, excommunicatur, sed si perseveraverit, dejiciatur.

*Ut Sacerdotes, & Ministri Altaris, Sæcularibus curis abstineant.* CAP. VII.

Episcopus, aut Presbyter, aut Diaconus nequaquam sæculares curas adsumat, sin aliter, dejiciatur.

*Quo tempore Pascha celebretur.* CAP. VIII.

Si quis Episcopus, Presbyter, aut Diaconus Sanctum Paschæ diem ante vernale æquinoctium cum Judæis celebraverit, abiciatur.

*Quod Ministri Altaris oblatione celebratâ debent communicare.* CAP. IX.

Si quis Episcopus, aut Presbyter, aut Diaconus, vel quilibet ex Sacerdotali catalogo factâ oblatione non communicaverit; aut causam dicat, ut, si rationabilis fuerit, veniam consequatur: aut si non dixerit, communione privetur, tanquam qui populo causâ (c) læsionis extiterit, dans suspensionem de eo, qui sacrificavit, quod rectè non obtulerit.

*Quod fideles laici ingredienti Ecclesiam communicare debeant.* CAP. X.

Omnes fideles, qui ingrediuntur Ecclesiam, & scripturas audiunt, non autem perseverant in oratione, nec sanctam communionem percipiunt, velut inquietudines (d) Ecclesiæ commoventes, convenit communione privari.

*Quod cum Excommunicatis non sit orandum.* CAP. XI.

Si quis cum (e) excommunicato,

saltem in domo simul oraverit, iste communione privetur.

*Quod cum damnatis Clericis non sit orandum.*

CAP. XII.

Si quis cum damnato Clerico, veluti cum Clerico, simul oraverit, iste damnetur.

*Ut nullus fidelium præter commendatitias suscipiatur epistolæ.* CAP. XIII.

Si quis Clericus aut Laicus à communione suspensus, seu communicans, ad aliam properet Civitatem, & suscipiatur præter commendatitias Literas, & qui suscepit, & qui susceptus (f) communione privetur; Excommunicato verò proteletur ipsa correptio, tanquam qui mentitus sit (g) Ecclesiam Dei seduxerit.

*Ut ab Episcopis aliena (h) parochia minimè pervadatur.* CAP. XIV.

Episcopo non licere (i) alienam (k) parochiam, propriâ relictâ, pervadere, licet cogatur à plurimis. Nisi fortè quis cum (l) rationabili (m) causâ compellat, tanquam qui possit ibidem constitutus plus lucri conferre, & in causâ religionis aliquid profectò prospicere. Et hoc non à semetipso pertentio, sed multorum Episcoporum judicio, & maximâ supplicatione perficiat.

*Ut Clerici proprias Ecclesias non relinquunt.*

CAP. XV.

Si quis Presbyter, aut Diaconus aut quilibet de numero Clericorum relinquens propriam parochiam pergat ad alienam, & omnino demigrans præter Episcopi sui conscientiam in aliena parochia commoretur, hunc ulterius ministrare non patimur. Præcipuè si vocatus ab Episcopo redire contemplerit, in suâ inquietudine perseverans. Veruntamen tanquam laicus ibi communicet.

*Ut Episcopus, qui Clericos alterius suscepit, communione privetur.* CAP. XVI.

Episcopus verò, apud quem memoratos (n) esse confiterit. Si contra eos decretam cessationem pro nihilo reputans, tanquam clericos fortè suscepit: velut magister inquietudinis, communione privetur.

Ut

(b) Cod. 2. & reliqui Clerici.

(c) Cod. 2. causam.

(d) Inquietudinis Cod. 1. & 2.

(e) cum abest 2. Cod.

(f) est Cod. 1. 2. 3.

(g) sit abest à Cod. 2. Cod. 1. & 3 sit &

(h) Parochiam cod. 1.

(i) liceret Cod. 2.

(k) Parochiam Cod. 1.

(l) cum Cod. 1. 2. 3.

(m) rationabilis causa Cod. 3.

(n) Cod. 2. 3. memoratus

Ut (o) bigami non admittantur ad Clerum.  
CAP. XVII.

Si quis post baptismum secundis fuerit nuptiis copulatus, aut concubinam habuerit, non potest esse (p) Episcopus, non Presbyter, aut Diaconus, aut prorsus ex numero eorum, qui ministerio sacro deserviunt.

Quod is, qui viduam, aut (q) ejectam, aut meretricem acceperit, non admittatur ad Clerum.

## CAP. XVIII.

Si quis viduam, aut ejectam acceperit, aut meretricem, aut ancillam, vel aliquam de iis (r) quæ publicis spectaculis mancipantur, non potest esse Episcopus, aut Presbyter, aut Diaconus, aut ex eo numero, qui ministerio sacro deserviunt.

Qui duas sorores habuerit, non admittatur ad Clerum. CAP. XIX.

Qui duas in conjugium sorores acceperit, vel filiam fratris, Clericus esse non (s) potest.

Clericum fidei iussorem esse non posse.

## CAP. XX.

Clericus fidei iussionibus inserviens abjiciatur.

Quod ii, qui non sponte eunuchizati sunt, suscipiantur ad Clerum. CAP. XXI.

Eunuchus si per insidias hominum factus est, vel si in persecutione ejus sunt amputata virilia, vel si ita natus est, & est dignus; efficiatur Episcopus.

Ut is, qui se eunuchizavit, Clericus non fiat. CAP. XXII.

Si quis abscidit semetipsum, id est, si quis amputavit sibi virilia, non fiat Clericus, quia suus (t) homicida est, & Dei conditionis inimicus.

Ut Clericus, qui se eunuchizavit, abjiciatur à Clero. CAP. XXIII.

Siquis cum Clericus fuerit, absciderit semetipsum, omnino damnetur, quia suus est homicida.

Ut Laicus, qui se eunuchizavit, tribus annis communione privetur. CAP. XXIV.

Laicus semetipsum abscindens, annis

R 3

tribus communione privetur, quia suæ vitæ insidiator existit.

Quod Episcopus, aut Presbyter, aut Diaconus, si pro criminibus damnati fuerint, minime communione priventur.

## CAP. XXV.

Episcopus, aut Presbyter, aut Diaconus, qui in (u) fornicatione, aut perjurio, aut furto captus est, deponatur; non tamen communione privetur. Dicit enim Scriptura, non † vindicabit Dominus bis in idipsum.

Similiter & reliqui Ministri Ecclesie.

## CAP. XXVI.

Similiter & reliqui Clerici huic conditioni subiaceant.

Qui (x) Clerici debeant conjugibus copulari.

## CAP. XXVII.

Innuptis autem, qui ad Clerum profecti sunt, præcipimus, ut, si voluerint, uxores accipiant, sed Lectores cantoresque tantummodo.

Quod Episcopus, Presbyter, & Diaconus peccantes fideles verberare non debeant.

## CAP. XXVIII.

Episcopum, aut (y) Presbyterum, aut Diaconum percutientem fideles delinquentes, aut infideles inique agentes, & per hujusmodi volentem (z) timeri, deici ab officio suo præcipimus, quia nusquam nos hoc Dominus docuit. Econtrario verò ipse, cum percuteretur, non repercutiebat, cum malediceretur, non remaledicebat, cum pateretur, non comminabatur.

Quod officium pristinum damnati pro criminibus usurpare non debeant.

## CAP. XXIX.

Si quis Episcopus, aut Presbyter, aut Diaconus depositus iuste super certis criminibus, ausus fuerit attentare ministerium dudum sibi commissum; hic ab Ecclesia penitus (a) abscindatur.

Quod non debeant Officia Ecclesiastica pecuniis obtineri. CAP. XXX.

Si quis Episcopus, aut Presbyter, aut Diaconus per pecunias hanc obtineat dignitatem; deiciatur & ipse, & ordinator ejus, & à communione modis omnibus

(o) Quod bigami Cod. 1. 2. 3.

(p) non Episcopus Cod. 2. 3.

(q) vel Cod. 1. 2.

(r) his Cod. 1. 2. 3.

(s) non poterit Cod. 1. 2. 3.

(t) his pro is Cod. 2.

(u) in abest à Cod. 2.

(x) quod Clerici Cod. 1.

(y) aut abest Cod. 2.

(z) volentes Cod. 2. 3.

(a) abscindatur Cod. 1. 2. 3.



omnibus abscindatur, (b) sicut Simon Magus à Petro.

*Ut Ecclesia seculari potentia minimè pervadatur.* CAP. XXXI.

Siquis Episcopus secularibus potestatibus usus Ecclesiam per ipsos obtineat, deponatur, & segregentur omnes, qui illi communicant.

*De Presbytero, qui contra Episcopum seorsum conventus congregare tentaverit.*

CAP. XXXII.

Siquis Presbyter contemnens Episcopum suum seorsum collegerit, & altare aliud erexerit, nihil habens, quo (c) reprehendat Episcopum in causâ (d) pietatis & justitiæ: deponatur, quasi principatus amator existens, est enim tyrannus, & ceteri Clerici, quicunque tali consentiunt, (e) deponantur, Laici verò segregentur. Hæc autem postunam & secundam, & tertiam Episcopi obsecrationem fieri conveniat.

*Quod Clerici damnati non debeant ab aliis recipi.* CAP. XXXIII.

Siquis Presbyter, aut Diaconus ab Episcopo suo segregetur, hunc non licere ab alio recipi, sed ab ipso, qui eum sequestraverat, (f) nisi forsitan obierit Episcopus ipse, qui eum segregasse cognoscitur.

*Ut nullus Episcopus, Presbyter, aut Diaconus sine commendatitiis suscipiatur epistolis.*

CAP. XXXIV.

Nullus Episcoporum peregrinorum, aut Presbyterorum, aut Diaconorum sine commendatitiis suscipiatur epistolis, & cum scripta detulerint, discutiantur attentius, & ita suscipiantur, (g) & si Prædicatores pietatis existerint minus, nec (h) quæ sunt necessaria subministrantur eis, & ad Communionem nullatenus admittantur, quia per subreptionem multa proveniunt.

*De primatu Episcoporum.*

CAP. XXXV.

Episcopos (i) gentium singularum scire convenit, quis inter eos primus habeatur, quem velut Caput existiment,

& nihil amplius præter ejus conscientiam gerant, quam illa sola singuli, quæ parochiæ (k) propriæ, & villis, quæ sub ea sunt, competunt: sed nec ille præter omnium conscientiam faciat aliquid, sic enim unanimitas erit, & glorificabitur Deus per Christum in Spiritu Sancto.

*Quod non liceat Episcopum in alienâ Provinciâ Clericos ordinare.* CAP. XXXVI.

Episcopum non audere extra terminos proprios ordinationes facere in civitatibus, & (l) villis, quæ illi nullo jure subjectæ sunt: si verò convictus fuerit hoc fecisse præter eorum conscientiam, qui civitates illas (m) & villas detinent: & ipse deponatur, & qui ab illo sunt ordinati.

*De ordinatis Episcopis, nec receptis.*

CAP. XXXVII.

Siquis Episcopus non suscepit officium, & curam populi sibi commissam; hic communione privetur, quoadusque consentiat obedientiam (n) commodans, similiter autem & Presbyter & Diaconus. Si verò perrexerit, nec (o) receptus fuerit, non pro sua sententiâ, sed pro malitia populi, ipse quidem maneat Episcopus, Clerici verò civitatis communione priventur: (p) eo quod eruditores inobedientis populi non fuerunt.

*Ut bis in anno Concilia celebrentur.*

CAP. XXXVIII.

Bis in anno Episcoporum Concilia celebrentur, ut inter se invicem dogmata pietatis explorent & emergentes Ecclesiasticas contentiones amoveant, semel quidem quarta septimana pentecostes, secundò (q) die XII. die mensis Hyperberetæi: id est, juxta Romanos quarto Idus Octobr.

*Ut tantum curam rerum Ecclesiasticarum Episcopus habeat.* CAP. XXXIX.

Omnium negotiorum Ecclesiasticorum curam Episcopus habeat, & ea velut Deo contemplante dispenset: nec ei liceat ex his aliquid omnino contingere, aut parentibus propriis, quæ Dei sunt, condonare. Quod si pauperes sunt,

tan-

(b) abscindatur Cod. 1. 2. 3.

(c) quod Cod. 1. 2. 3.

(d) in causam Cod. 1.

(e) deponatur abest à Cod. 1. 2. 3.

(f) sequestraverit Cod. 2.

(g) abest & à Cod. 2. 3.

(h) neque Cod. 1. 2. 3.

(i) Episcopus Cod. 2.

(k) paroecia Cod. 1.

(l) in villis Cod. 3.

(m) ipsas Cod. 1. 2. 3.

(n) & commodans Cod. 2.

(o) & receptus Cod. 1.

(p) eo abest ab 1. & 3. Cod.

[q] verò Cod. 1. 2. 3.

tanquam pauperibus subministret, nec eorum occasione Ecclesiæ negotia deprædet. (r)

*De dignitate Pontificis, & quod rerum suarum habeat potestatem.* CAP. XL.

Presbyteri, & Diaconi præter Episcopum nihil agere pertentent, nam Domini populus ipsi commissus est, & pro animabus eorum (s) hic redditurus est rationem. Sint autem manifestæ res propriæ Episcopi (si tamen habet proprias) & manifestæ Dominicæ, ut potestatem habeat, de propriis moriens Episcopus (t) sicut voluerit, & quibus voluerit, derelinquere. (u) Nec sub occasione Ecclesiasticarum rerum, (x) quæ Episcopi esse probantur, intercidant, fortassis enim aut uxorem habet, aut filios, aut propinquos, aut servos. Et iustum est hoc apud Deum, & homines, ut nec Ecclesia (y) detrimentum patiatur, ignorance rerum Pontificis, nec Episcopus, vel ejus propinqui sub obtentu Ecclesiæ proscribantur, & in causas incidant, qui ad eum pertinent, morsque ejus injuriis malæ famæ subiciatur.

*Quod Episcopus Ecclesiasticarum rerum pro dispensatione pauperum habeat potestatem.*

CAP. XLI.

Præcipimus, ut in potestate suâ Episcopus Ecclesiæ res habeat. Si enim animæ hominum preciosæ illi sunt creditæ, multò magis oportet eum curam pecuniarum gerere, ita ut potestate ejus indigentibus omnia dispensentur per Presbyteros & Diaconos, & cum timore omnique sollicitudine ministrentur. Ex iis (z) autem quæ indiget (a) (si tamen indiget) ad suas necessitates, & ad peregrinorum fratrum usus (b) ipse percipiat, (c) ut nihil eis possit omnino deesse. Lex enim Dei præcipit, ut, qui Altari deserviunt, de Altari pascantur, quia nec miles stipendiis propriis contra hostes arma (d) sustulit.

*Quod Episcopus, Presbyter, & Diaconus aleator, & ebriosus esse non debeat.*

CAP. XLII.

Episcopus, aut Presbyter, aut Dia-

conus aleæ atque ebrietati deserviens, aut definat, aut certè damnetur.

*Similiter Clerici, & Laici, si permanserint in alea, communione priventur.*

CAP. XLIII.

Subdiaconus, aut Lector, aut Cantor familia faciens, aut definat, aut (e) communione privetur - similiter etiam Laicus.

*Quod Episcopus, Presbyter, aut Diaconus non debeat usuras accipere.*

CAP. XLIV.

Episcopus, aut Presbyter, aut Diaconus usuras à debitoribus exigens, aut definat, aut certè damnetur.

*Quod non debeat Episcopus, Presbyter, aut Diaconus cum hæreticis orare.*

CAP. XLV.

Episcopus, Presbyter, & Diaconus, qui cum hæreticis oraverit, tantummodo communione privetur, si verò tanquam Clericos (f) hortatus eos fuerit agere, vel orare, damnetur.

*Quod non debeant hæreticorum baptismata comprobare.* CAP. XLVI.

Episcopum, aut Presbyterum, hæreticorum suscipientem baptismam daminari præcipimus, quæ enim (g) conventio Christi ad Belial? aut quæ pars fidei cum infidei?

*Quod Ecclesiæ baptizatus denud baptizari non debeat, & non ita baptizatus debeat baptizari.*

CAP. XLVII.

Episcopus, aut Presbyter, si eum, qui secundum veritatem habuerit baptismam, denud baptizaverit, aut (h) pollutum ab impiis non baptizaverit, deponatur, tanquam deridens crucem, & mortem Domini, nec Sacerdotes à falsis Sacerdotibus jure (i) discernens.

*Laicum pellentem suam conjugem communione privandum.* CAP. XLVIII.

Si quis Laicus uxorem propriam pellens, alteram, vel ab alio dimissam duxerit, communione privetur.

*Quod*

[r] depræderetur Cod. 1. 2. [t] hic abest à Cod. 2. (t) si quis Cod. 2.  
(u) Episcopus ne sub cod. 2. (x) quod cod. 2. (y) Ecclesiæ cod. 1.  
(z) his cod. 1. 2. 3. (a) si tamen indiget abest à cod. 2. 3. (b) & cod. 1.  
(c) & pro ut cod. 2. (d) sustollit cod. 1. 2. 3. (e) à communione non aut cod. 2.  
(f) Clericus ortus cod. 2. (g) enim abest à cod. 2. (h) si pollutum cod. 2. 3.  
(i) non discernens cod. 2.



*Quod in nomine Trinitatis debeat baptizari.*

## CAP. XLIX.

Si quis Episcopus aut presbyter iuxta præceptum Domini non baptizaverit, in nomine Patris, & Filii, & Spiritus Sancti, sed in tribus sine initio, principii, aut in tribus Filiis, aut in tribus paracletis, abjiciatur.

*Quod non debeat una versio in baptismo, quasi in morte Domini, provenire.*

## CAP. L.

Si quis Episcopus, aut presbyter non trinam immersionem unius mysterii celebret, sed semel mergat in baptismate, quod dari videtur in Domini morte, deponatur. Non enim dixit nobis Dominus, in morte meâ baptizare, sed: Euntes docete omnes gentes, baptizantes eos in nomine Patris, & Filii, & Spiritus Sancti.

## EXPLICIUNT CANONES APOSTOLORUM.

## INCIPIUNT TITULI CANONUM NICÆNI CONCILII.

## NUMERO XX.

- I. De Eunuchis, qui se ipsos absceiderunt.*
- II. De his, qui ex gentilibus post baptismum ad Clericatus ordinem promoventur.*
- III. De subintroductis mulieribus.*
- IV. De his, qui ad Episcopatum in Provinciis provebuntur.*
- V. De Excommunicatis.*
- VI. De Privilegiis, quæ quibusdam Civitatibus competunt.*
- VII. De Episcopo Eliæ, id est, Hierosolymorum.*
- VIII. De his, qui dicuntur Cathari, id est, mundi.*
- IX. De his, qui ad honorem Presbyterii sine examine provecti sunt.*
- X. De his, qui in persecutionibus negaverunt, & postmodum in Clero promoti sunt.*
- XI. De Laicis, qui negaverunt.*
- XII. De his, qui abrenunciaverunt, & iterum ad Sæculum sunt regressi.*
- XIII. De his, qui communionem tempore mortis exposcunt.*
- XIV. De Catechumenis lapsis.*
- XV. Quod non oporteat demigrari.*
- XVI. De his, qui in Ecclesiis, in quibus provecti sunt, minimè perdurant.*
- XVII. De Clericis usuras accipientibus.*
- XVIII. De privilegiis Presbyterorum.*
- XIX. De his, qui à Paulo Samosateno ad Ecclesiam veniunt.*
- XX. De flectendo genua.*

## INCIPIT (a) CONSTITUTIO, ET FIDES

## NICÆNI CONCILII SUBDITIS CAPI-

## TULIS SUIS.

**F**Acta (b) est autem hæc Synodus apud Nicæam Bithyniæ, Consulatu Constantini Augusti & Licinii, XIII. Calendarum Juliarum, qui est apud Græcos XVIII. dies mensis eorum secundum Alexandriam XXXI. Et placuit, ut hæc omnia mitterentur ad Episcopum urbis Romæ Sylvestrum. (c)

Credimus in unum Deum Patrem,

omnipotentem, omnium visibilium, nec non & invisibilium factorem. Et in unum Dominum nostrum Jesum Christum, Filium Dei, natum ex patre unigenitum, hoc est, ex substantia Patris, Deum ex Deo, Lumen ex Lumine, Deum verum ex Deo vero, natum, non creatum, Homousion, hoc est, ejusdem (d) substantiæ. Per quem omnia facta

(a) Incipiunt cod. 2.

(b) Factum cod. 2.

(c) Ex Græco in Latino verba sermone cod. 3.

(d) cum Patre cod. 1. 2. 3.

facta sunt, celestia, & terrena.

Qui propter nos homines, & propter salutem nostram descendit, & incarnatus est, & homo factus, passus est, & resurrexit tertiâ die. Ascendit in cœlum, venturus indè judicare vivos & mortuos. Et in Spiritum Sanctum. Eos autem, qui dicunt; Erat tempus,

quando non erat, & priusquam nasceretur, non erat, & quia (e) ex (f) nullis subsistentibus factus est, aut ex alia substantia, vel essentia dicunt esse Trepton, hoc est, convertibilem, aut mutabilem Filium Dei, hos (g) anathematizat Catholica, & Apostolica Ecclesia.

## INCIPIIT PRÆFATIO S.S. CONCILII.

**C**oncilium sacrum, venerandi culmina juris,  
Condidit, & nobis congrua frœna dedit.

Ut benè fundatus, justo moderamine possit,

Intemerata gerens, Clericus ordo regi.  
Pontifices summi veterum præcepta sequentes

Planius hæc monitis exposuere suis.

Hinc fidei nostræ se pandit semita, & omnes

Errorum damnant dogmata sancta vias.

Quisque Dei famulus fuerit, Christique Sacerdos,

Hoc sale conditus, dulcia mella fuit.

## INCIPIUNT CANONES NICÆNI

### CONCILII.

#### (b) Canones Nicæni Concilii.

*De Eunuchis, & qui seipsos absciderunt.*

#### CAPUT I.

**S**iquis à medicis per languorem defectus est, aut (i) à Barbaris (k) excisus, hic in Clero permaneat. Siquis autem (l) seipsum sanus abscidit, hunc & in Clero constitutum abstinere † (m) convenit, & deinceps nullum debere talium promoveri. Sicut autem hoc claret, quod de his, qui hanc rem affe-  
ctant, vel (n) ausi sunt seipsos abscindere; (o) hæc, quæ diximus, statuta sunt: Ita si qui vel à Barbaris, vel à Dominis suis eunuchi facti sunt, & probabilis vitæ sunt, tales suscipit Ecclesiastica regula ad Clerum.

*De his, qui ex gentilibus post baptismam ad Clericatus ordinem promoventur.*

#### CAP. II.

Quoniam plura aut per necessitatem, aut (p) aliàs cogentibus hominibus adversus Ecclesiasticam facta sunt regulam, ut homines ex gentili vitâ nuper accedentes ad fidem, & instructos brevi tempore, mox ad lavacrum spiritale per-

ducerent, simulque ut baptizati sunt, ad Episcopatum, vel ad presbyterium promoverent: optimè placuit, nihil tale de reliquo fieri.

Nam & tempore opus est ei, qui catechizatur, & post baptismam probatione quàm plurima. Manifesta est (q) enim Apostolica Scriptura, quæ dicit: *Non Neophyrum, (r) ne in superbiam elatus in iudicium incidat, & laqueum diaboli.* Si verò processu temporis aliquod delictum animæ circa personam reperitur huiusmodi, & à duobus vel tribus testibus arguatur: à Clero talis abstineat. Siquis autem præter hæc fecerit, quasi contra magnum Concilium se efferens: ipse de Clericatus honore periclitabitur.

*De subintroductis mulieribus.*

#### CAP. III.

Interdixit per omnia magna Synodus, non Episcopo, non presbytero, non Diacono, nec alicui omnino, qui in Clero est, licere subintroductam habere mulierem: nisi fortè Matrem, aut Sororem, aut amitam, vel eas tantum personas, quæ suspiciones effugiunt.

*De*

(e) qui cod. 2.

(f) ex abest à cod. 1. 3.

(g) hoc cod. 1.

(h) hic titulus deest à cod. 1. 2. 3.

(i) aut abest à cod. 2.

(k) abscisus cod. 1. 2. 3.

(l) se, non seipsum cod. 1. 2. 3.

(m) conveniat cod. 1. 3.

(n) audentque cod. 1. 3.

(o) dictum sit. Sic eos, quos aut Barbari aut Domini castraverunt, inveniuntur autem alias dignissimi, tales ad Clerum suscipit regula, cod. 1. & 3.

(p) aliis cod. 2.

(q) autem cod. 1.

(r) Ad Timoth. III, 6.



*De his, qui ad Episcopatum in Provinciis provebuntur.* CAP. IV.

Episcopum convenit maximè quidem ab omnibus, qui sunt in provincia, Episcopis ordinari. Si autem hoc difficile fuerit, aut propter instantem necessitatem, aut propter itineris longitudinem: tribus tamen omnimodis in idipsum convenientibus, & absentibus quoque pari modo decernentibus, & per scripta consentientibus, tunc ordinatio celebretur, firmitas autem eorum, quæ geruntur, per unamquamque provinciam, Metropolitano tribuatur Episcopo.

*De Excommunicatis.*

## CAP. V.

De his, qui communione privantur, seu ex Clero, seu ex Laico ordine, ab Episcopis per unamquamque provinciam: Sententia regularis obtineat, ut hi, qui abjiciuntur, ab aliis non recipiantur. Requiritur autem, ne pusillanimitate, aut contentione, vel alio (r) quolibet Episcopi vitio videatur à congregatione seclusus. Ut hoc ergo decentius inquiratur, bene placuit, annis singulis per unamquamque provinciam bis in anno Concilia celebrari: ut communiter omnibus simul Episcopis congregatis provinciae, discutiantur hujusmodi quaestiones. Et sic, qui (s) suo peccaverunt evidenter Episcopo, excommunicati rationabiliter ab omnibus æstimentur: utquequo, vel in communi, vel Episcopo placeat humaniorem pro talibus ferre sententiam. Concilia verò celebrentur, unum quidem, ante Quadragesimam Paschæ: ut omni diffensione sublata munus offeratur Deo purissimum. Secundum verò, circa tempus Autumni.

*De Privilegiis, quæ quibusdam Civitatibus competunt.* CAP. VI.

Antiqua consuetudo servetur per Ægyptum, Libiam, & Pentapolim, ita, ut Alexandrinus Episcopus horum omnium habeat potestatem. Quia & urbis Romæ Episcopo parilis mos est. Similiter autem, & apud Antiochiam, ceterasque provincias, suis privilegia serventur Ecclesiis. Illud autem generaliter clarum est, quod si quis præter sententiam Metropolitani fuerit factus Episcopus, hunc magna Synodus definivit Epi-

scopum esse non oportere. Sin autem communi cunctorum decreto rationabili, & secundum Ecclesiasticam regulam comprobato, duo aut tres, propter contentiones proprias, contradicunt; obtineat sententia plurimorum.

*De Episcopo Æliæ, id est, Hierosolymorum.*

## CAP. VII.

Quia consuetudo obtinuit, & antiqua traditio, ut Æliæ Episcopus honoretur, habeat honoris consequentiam, salvâ Metropoli propriâ dignitate.

*De his, qui dicuntur Cathari, id est, mundi.*

## CAP. VIII.

De his, qui se cognominant Catharos, id est, mundos, si aliquando venerint ad Ecclesiam Catholicam, placuit Sancto & magno Concilio, ut impositionem manuum accipientes sic in Clero permaneant. Hæc autem præ omnibus eos scriptis convenit profiteri, quod Catholicæ (t) & Apostolicæ Ecclesiæ dogmata suscipiant, & sequantur; id est, bigamis se communicare, & his, qui in persecutione prolapsi sunt, erga quos & spatia constituta (u) & tempora definita, ita ut Ecclesiæ Catholicæ & Apostolicæ placita sequantur in omnibus. Ubicunque verò, sive in civitatibus ipsi soli reperti fuerint ordinari: qui inveniuntur in Clero, in eodem habitu perseverent, ubi autem Catholicæ Ecclesiæ Episcopo, vel presbytero constituto quidam ex illis adveniunt, certum est, quod Episcopus Ecclesiæ habeat Episcopi dignitatem. Is autem, qui nominatur apud eos Episcopus, honores (x) presbyterii possidebit, nisi fortè placuerit Episcopo nominis eum honore censeri, si verò hoc ei minimè placuerit, providebit ei aut Corepiscopatus, aut presbyterii locum, ut in Clero prorsus esse videatur, (y) ne in una Civitate duo Episcopi probentur existere.

*De his, qui ad honorem Presbyterii sine examine provecti sunt.* CAP. IX.

Si qui presbyteri sine examine sunt provecti, vel, cum discuterentur, peccata sua confessi sunt & homines contra Canones commoti, manus confessis imponere tentaverunt, tales regula non admittit, quia quod inreprehensibile est, Catholica defendit Ecclesia.

*De*

(r) aliquoliter cod. 1. 2.

[u] *sunt* in tribus additur.

(s) è suo cod. 2.

[x] honorem cod. 1. 2. 3.

(t) & Apostolicæ abest à 2.

[y] & ne cod. 2.

*De his, qui in persecutionibus negaverunt, & postmodum in Clero promoti sunt.*

## CAP. X.

Quicumque de lapsis ad ordinem Cleri promoti sunt per ignorantiam, vel per ordinantium dissimulationem, Ecclesiastica non præjudicat regulæ, cogniti namque deponantur. (z)

*De Laicis, qui negaverunt.* CAP. XI.

De his, qui præter necessitatem prævaricati sunt, aut præter oblationem facultatum, aut præter periculum, aut aliquid hujusmodi, quod factum est sub tyrannide Licinii: placuit Synodo, quamvis humanitate probentur indigni, tamen eis benevolentiam commodari. Quicumque ergo veraciter penitentiam gerunt, tribus annis fideles inter audientes habeantur: & sex annis omni se contritione deiciant, duobus autem annis sine oblatione populo in oratione communicent.

*De his, qui abrenuntiaverunt, & iterum ad sæculum sunt (a) regressi.*

## CAP. XII.

Quicumque vocati per gratiam primum quidem impetum monstraverunt deponentes militiæ cingulum: postmodum verò ad proprium vomitum sunt relapsi, ita ut quidam & pecunias (b) tribuerent, & beneficiis militiam repetere, hi decem annis post triennii tempus (quo inter audientes erunt) in afflictione permaneant. Sed in his omnibus propositum & speciem penitentiae convenit explorare, quotquot enim metu & lacrymis, atque patientiâ, vel bonis operibus rebus ipsis conversionem suam, non simulationem demonstrant, hi definitum tempus auditionis implentes, tum demum fidelibus in oratione communicent. postmodum verò licebit Episcopo de his aliquid humanius cogitare. Quicumque verò indifferenter tulerunt, (c) & (d) aditum introeundi Ecclesiam sibi arbitrati sunt ad conversionem posse sufficere, hi definitum modis omnibus tempus impleant.

*De his, qui communionem tempore mortis exposcunt.* CAP. XIII.

De his, qui ad exitum veniunt,

S 2

etiam nunc lex antiqua regularisque servabitur, ita, ut, si quis egreditur è corpore, ultimo, & necessario viatico minime privetur. Quod si desperatus & consecutus communionem, oblationisque particeps factus iterum convaluerit: sic inter eos, qui communionem orationis tantummodo consequuntur. Generaliter autem omni cuilibet in exitu posito, & poscenti sibi communionis gratiam tribui, Episcopus probabiliter ex oblatione dare debet.

*De Catechumenis lapsis.* CAP. XIV.

De Catechumenis Sancto & magno Concilio placuit, ut tribus annis sint inter audientes tantummodo, post hæc autem cum Catechumenis orent.

*Quod non oportet demigrari.* CAP. XV.

Propter multam perturbationem, & seditiones quæ sunt, placuit consuetudinem omnimodis amputari, quæ præter regulam in quibusdam partibus videtur (e) admittitur, ita ut de civitate ad civitatem non Episcopus, non Presbyter, non Diaconus transferatur. Si quis autem post definitionem Sancti & magni Concilii tale quid agere tentaverit, & se hujusmodi negotio manciparit: hoc factum prorsus in irritum ducatur, restituitur Ecclesiæ cui fuit Episcopus, aut presbyter, vel Diaconus ordinatus.

*De his, qui in Ecclesiis, in quibus proventus sunt, minime perduraverunt.*

## CAP. XVI.

Quicumque temerè, periculose, neque timorem (f) præ oculis habentes, nec Ecclesiasticam regulam agnoscetes, discedunt ab Ecclesia presbyteri, aut Diaconi, vel quicumque sub regula prorsus existunt, hi nequaquam debent in aliam Ecclesiam recipi, sed omnem necessitatem convenit illis imponi, ut ad suas parochias revertantur, quod si non fecerint, oportet eos communionem privari. Siquis autem ad alium pertinentem audacter invadere, & in sua Ecclesia ordinare tentaverit, non consentiente Episcopo, à quo discessit, is qui regulæ mancipatur: (g) ordinatione hujusmodi irrita comprobetur.

De

(z) deponuntur cod. 1. 2. 3.

(a) reversi cod. 3.

(b) tribuerunt cod. 2. 3.

[e] tulerunt cod. 1. 2.

[d] habitum cod. 1. 2. 3.

[e] ammissa cod. 1. 2. 3.

[f] Dei cod. 1. 2. 3.

(g) ordinatio cod. 1. 2. 3.



*De Clericis usuras accipientibus.*

## CAP. XVII.

Quoniam multi sub regula constituti avaritiam, & turpia lucra sectantur, obliſque Divinæ Scripturæ, dicentis : *Qui pecuniam (g) suam non dedit ad usuram* ; mutuam dantes centesimas (b) exigunt justè censuit Sancta & magna Synodus, ut, si quis inventus fuerit post hanc definitionem usuras accipiens, aut ex adinventione aliquâ, vel quolibet modo negotium transigens aut Hemiola (id est, secupla) exigens, vel aliquid tale prorsus excogitans turpis lucri gratiâ : deiciatur à Clero, & alienus existat à regula.

*De Privilegiis Presbyterorum.*

## CAP. XVIII.

Pervenit ad Sanctum, magnûmque Concilium, quod in quibusdam locis & civitatibus, presbyteris gratiam Sacræ Communionis Diaconi porrigant, quod nec regula, nec consuetudo tradidit, ut ab his, qui potestatem non habent offerendi, illi, qui offerunt, Christi corpus accipiant. Nec non & illud innotuit, quod quidam Diaconi ante Episcopos Sacra oblata contingant. Hæc igitur omnia rescendentur, & in suâ Diaconi mensura permaneant, scientes, quod Episcoporum quidem ministri sint, inferiores autem presbyteris habeantur per ordinem : ergo post presbyteros gratiam

Sacræ communionis accipiant, aut Episcopo, (k) aut presbytero porrigente ; sed nec sedere in medio presbyterorum Diaconis liceat, quia si hoc fiat ; præter regulam, & ordinem probatur existere. Si quis autem etiam post has definitiones obedire noluerit, à ministerio cessare debet.

*De his, qui à Paulo Samosateno ad Ecclesiam veniunt.* CAP. XIX.

De Paulianistis ad Ecclesiam Catholicam confugientibus definitio prolata est, ut Baptizentur omnimodis. Si qui autem de his præterito tempore fuerint in Clero, si quidem immaculati & irreprehensibiles apparuerint, baptizati ordinentur ab Episcopo Ecclesiæ Catholicæ : quod si discussio incongruos eos invenerit, abjici tales conveniet, similiter autem & de Diaconissis, & omnino de his, qui sub regula versantur, hæc forma servabitur. Meminimus autem de Diaconissis, quæ in eodem habitu esse probantur, quod non habeant manûs impositionem, & ideo modis omnibus eas inter Laicos deputari.

*De flectendo genua.* (l)

## CAP. XX.

Quoniam sunt quidam in die Dominico Genua flectentes, & in diebus pentecostes, ut omnia in universis locis consonanter observentur, placuit Sancto Concilio stantes Domino vota perfolvere.

## EXPLICIUNT CANONES NICENI CONCILII

(g) Psal. XIV, 5.

(b) centesimos cod. 1. 2. 3.

(i) ad exinventionem cod. 1. 2.

(k) eis cod. 1. 2. 3.

(l) genu cod. 1. 2. 3.

*Et subscripserunt CCCXVIII. qui in eodem Concilio convenerunt.*

**O**SIUS Episcopus civitatis Cordubensis, Provinciæ Spaniæ, dixit, ita credo, sicut superius scriptum est. Victor & Vincentius presbyteri urbis Romæ subscripserunt.

## PROVINCIAE ÆGYPTI.

|                |                  |              |                   |
|----------------|------------------|--------------|-------------------|
| Alexander      | Alexandriæ magnæ | Ita Codex I. | alias Alfecranon  |
| Naucratation * | Naucratiles      |              | alias Cynon       |
| Adamantius     | Cynopolites      |              | alias de Parpheto |
| Alberion       | Parætonii        |              | alias Parafyleos  |
| Philippus      | Paremphteos      |              | alias Heracleos   |
| Potamon        | Heracleotes      |              | alias Ptolemaidis |
| Secundus       | Ptolemaites      |              | alias Pelusianus  |
| Dorotheus      | Pelusiotes       |              | Muethos           |
| Cajus          | Muethos          |              | alias Mempheos    |
| Anthiochus     | Memphites        |              | Jacothiles        |
| Tiberius       | Tarichites **    |              |                   |

\* Alfocraton cod. 1.

\*\* Tauchiles cod. 1.

PRO-

## PROVINCIAE THEBAIDOS.

*Ita Cod. I.*

|            |             |                |
|------------|-------------|----------------|
| Atlas      | Schediæ     | alias Schedras |
| Tyrannus   | Antinoëz    | alias Antinon  |
| Volusianus | Lycopolytes | alias Lycon.   |

## PROVINCIAE LYBIÆ.

|          |               |                      |
|----------|---------------|----------------------|
| Dathes   | Berenices     |                      |
| Zephyrus | Barces        |                      |
| Serapion | Antiphrensis  |                      |
| Secundus | Tautitanensis | ( alias Tauchinbiaes |
| Titus    | Parætonii     |                      |

## PROVINCIAE PALÆSTINÆ.

|             |                    |                    |
|-------------|--------------------|--------------------|
| Macarius    | Hierosolymitanus   |                    |
| Germanus    | Neopolitanus       |                    |
| Marinus     | Sebastenus         |                    |
| Cajanus     | Cæsariensis        |                    |
| Eusebius    | Gadareus           | ( alias Gadarensis |
| Sabinus     | Ascalonitanus      |                    |
| Longinus    | Nicopolitanus      |                    |
| Petrus      | Jamnites           | ( alias Jamnienfis |
| Macrinus    | Eleutheropolites   |                    |
| Maximus     | Maximianopolitanus |                    |
| Paulinus    | Maximianopolitanus |                    |
| Januarius   | Hierichuntinus     | alias Jerichuntus  |
| Heliodorus  | Zabulonites        | alias Zabulon      |
| Aetius      | Lyddenfis          | alias Lybdenfis    |
| Sylvanus    | Azotus             | alias Azoti        |
| Patrophilus | Zabulonites        |                    |
| Afclepius   | Lyddenfis          | ( alias Lydden     |
| Petrus      | Scythopolitanus    |                    |
| Antiochus   | Gazeus             | alias Gazes        |
| Selis       | Capitolienfis      | alias Capitoliados |

## PROVINCIAE PHÆNICES.

|            |              |                 |
|------------|--------------|-----------------|
| Zenon      | Tyrius       | ( alias de Tyro |
| Æneas      | Ptolemaidis  |                 |
| Magnus     | Damascenus   |                 |
| Theodorus  | Sidonius     | alias Sydonos   |
| Hellanicus | Tripolitanus | alias Tripoleos |
| Philocalus | Paneates     | alias Paneados  |
| Gregorius  | Berytius     | alias Beryti    |
| Martinus   | Palmyrenus   | alias Palmyron  |
| Thalaffus  | Alaffius     | alias Alaffius  |
| Anatolius  | Emifenus     | alias Emifes    |

## PROVINCIAE SYRIÆ COELES.

|              |                |                  |
|--------------|----------------|------------------|
| Eustachius * | Antiochenus    |                  |
| Zenonius     | Seleucus       | ( alias Seleuciæ |
| Theodorus    | Laodiceus      |                  |
| Alphius      | Apamienfis     | ( alias Apamiæ   |
| Bassianus    | Rhaphaneotes   |                  |
| Philotinus   | Hieropolitanus |                  |
| Piperius     | Samofatenus    |                  |
| Archelaus    | Dolichenus     | alias Dolices    |
| Euphranor    | Balaneotes     | alias Balaneon   |
| Palladius ** | Corepiscopus   |                  |

S 3

Zoi-

\* Eustathios cod. 1.

\*\* Salados cod. 1.



|            |                 |                    |
|------------|-----------------|--------------------|
| Zoilus     | Gabalites       | <i>Ita Cod. I.</i> |
| Bassus     | Zeugmatitēs     | alias Gabalon      |
| Leontius   | Larissus        | alias Zeugmatos    |
| Eustachius | Arethusius      |                    |
| Mauritius  | Epiphaneus      | ( alias Epiphaniæ  |
| Paulus     | Neocæsariensis  |                    |
| Syricius   | Cyrestes        | ( alias Cyri       |
| Seleucus   | Corepiscopus    |                    |
| Petrus     | Gindareus       | alias Gindaron     |
| Pegasus    | Ambacinianensis | alias Ambacmianon  |
| Pafon      | Gabenus         | alias Gambulenus   |
| Gerontius  | Charistionensis | alias Charistion   |

## P R O V I N C I Æ A R A B I Æ.

|            |              |                   |
|------------|--------------|-------------------|
| Nicomachus | Bostorum     | ( alias Bostron   |
| Cyriion    | Philadelphix |                   |
| Gennadius  | Isbundorum   | alias Isbundon    |
| Severus    | Sodomorum    | alias Sodomitanus |
| Sopater    | Patumius     | Eristisbolanus    |
| Severus    | Dionysiadus  |                   |

## P R O V I N C I Æ M E S O P O T A M I Æ.

|           |                   |                     |
|-----------|-------------------|---------------------|
| Ethilaus  | Edeffenus         |                     |
| Jacobus   | Heberensis        | alias Besthebios    |
| Antiochus | Resinates         | alias Resienas      |
| Marcus    | Macedonopolitanus | alias Macedonopolis |

## P R O V I N C I Æ P E R S I D I S.

|         |           |  |
|---------|-----------|--|
| Joannes | Perfidis. |  |
|---------|-----------|--|

## P R O V I N C I Æ C I L I C I Æ.

|                |                    |                     |
|----------------|--------------------|---------------------|
| Theodorus      | Tarsensis          |                     |
| Alphion        | Epiphaniæ          |                     |
| Narcissus      | Nerodiadis         | alias Nerodanus     |
| Moyfes         | Castabalenfis      | alias Castabalon    |
| Nicesias       | Flaviados          | alias Flabiadensis  |
| Eudæmon        | Corepiscopus       |                     |
| Paulinus       | Adanenus           | alias Adanon        |
| Macedonius     | Mopseates          | vel Mopsuhestiensis |
| Tarcondunantus | Aegirates          | alias Egettanus     |
| Hefychius      | Alexandriæ minoris |                     |
| Narcissus      | Hierapolitanus     | ( alias Irenupolis, |

## P R O V I N C I Æ C A P P A D O C I Æ.

|             |              |                 |
|-------------|--------------|-----------------|
| Leontius    | Cæsariensis  |                 |
| Eufetius    | Tyanæus      | alias Tyano     |
| Euphrasius  | Colonienfis  | alias Coloniae  |
| Timotheus   | Ciristronum  | alias Ciristron |
| Elpidius    | Cumanus      | alias Cumanos   |
| Gregorius   | Corepiscopus |                 |
| Stephanus   | Corepiscopus |                 |
| Euphonius   | Corepiscopus |                 |
| Rhodon      | Corepiscopus |                 |
| Theophanius | Corepiscopus |                 |

## P R O V I N C I Æ A R M E N I Æ M A J O R I S.

|          |             |                  |
|----------|-------------|------------------|
| Eulogius | Sebastensis | alias Sebastenus |
| Ebetius  | Satalensis  | alias Satalon    |

## PROVINCIAE ARMENIAE MAJORIS.

|             |              |                 |
|-------------|--------------|-----------------|
| Arfaphius   | Sobinenfis   | alias Sobinon   |
| Aerites     | Diospontanus | alias Diosponti |
| Eutychianus | Amaseus      | alias Amasiae   |
| Elpidius    | Etesiarum    | alias Etesion   |
| Heracius    | Zelonensis   | alias Zelon     |
| Elpidius    | Cumanus      |                 |

## PROVINCIAE PONTIPOLEMONIACI.

|              |                |                   |
|--------------|----------------|-------------------|
| Longinus     | Neocæsariensis |                   |
| Domnus       | Trapezuntius   | alias Trapezuntos |
| Stratophilus | Pityusius      | alias Pityuntos   |

## PROVINCIAE PAPHLAGONIAE.

|              |              |                      |
|--------------|--------------|----------------------|
| Philadelphus | Pompeiopolis | alias Pompeiopolites |
| Petronius    | Jonopolis    | alias Jonopolitanus  |
| Hefychius    | Amastridos   |                      |

## PROVINCIAE GALATIAE.

|              |                 |                 |
|--------------|-----------------|-----------------|
| Pancratius   | Marcus Ancyrani |                 |
| Dicaeus      | Thobarenfis     | alias Tabienfis |
| Erethorius   | Plamatonsis     | alias Plamaton  |
| Gorgonius    | Cynensis        | alias Cynon     |
| Philadelphus | Julapolitanus   | alias Julapolis |

## PROVINCIAE ASIAE.

|             |                  |                           |
|-------------|------------------|---------------------------|
| Theon       | Cyzicensis       |                           |
| Menophantus | Ephesus          |                           |
| Orion       | Jassius          |                           |
| Eutychius   | Smyrnenfis       |                           |
| Mithres     | Popanensis       | alias Ypapon              |
| Marinus     | Hellenopolitanus | alias Ellevellespontonius |
| Paulus      | Auderenfis       | alias Audensis            |

## PROVINCIAE LYDIAE.

|             |               |                  |
|-------------|---------------|------------------|
| Artemidorus | Sardienfis    | alias Sardeon    |
| Soron       | Thyaterensis  | alias Thyatiron  |
| Thomasion   | Philadelphiae |                  |
| Polion      | Bareos        | alias Barenfis   |
| Agogius     | Tripolitanus  |                  |
| Florentinus | Anticyrae     | alias Antiquiras |
| Marcus      | Standitanus   | alias Standum    |

## PROVINCIAE PHRYGIAE.

|             |                |                    |
|-------------|----------------|--------------------|
| Nunechius   | Laodicensis    |                    |
| Flaccus     | Sandenfis      | alias Sandu        |
| Procopius   | Synnadeus      | alias Synadenon    |
| Pisticus    | Azanites       | alias Azanon       |
| Athenodorus | Dorilaeus      | alias Doryleu      |
| Paulus      | Apameensis     | alias Apamenus     |
| Eugenius    | Eucarpus       | alias Eucarpensis  |
| Flaccus     | Hieropolitanus | alias Hieropolites |

## PROVINCIAE PISIDIAE.

|            |                  |                      |
|------------|------------------|----------------------|
| Eulalius   | Iconiensis       | alias Iconii         |
| Telemachus | Adrianopolitanus | alias Adrianopolites |
| Eutychius  | Seleuciensis     | alias Seleucia       |
| Vranion    | Sutenonensis     | alias Sinenon        |



Tarfitius  
Patritius  
Polycarpus  
Acumedios  
Heraclius

Apamiensis  
Ambladensis  
Metropolitanus  
Parenfis  
Barenfis

*Ita Codex I.*  
alias Apamenus  
alias Amblades  
  
alias Panon  
alias Bareos

## PROVINCIAE LYCIE.

Eudæmus

Patarenfis

( alias Pataron

## PROVINCIAE PAMPHILIÆ.

Callidicus  
Euresius  
Feuxius  
Domnus  
Quintianus  
Patritius  
Aphrodifius

Pergenfis  
Termiffensis  
Siarbonensis  
Aspendius  
Seleucienfis  
Maximianopolitanus  
Magidenfis

alias Pergis  
alias Termiffus  
alias Siarbon  
alias Aspendi

( alias Magidon

## PROVINCIAE INSULARES.

Euphrosynus  
Meliphron  
Strategius  
Apollodorus

Rhodiensis  
Cous  
Lemnius  
Corcyraus

alias Rhodi  
alias à Co  
alias Lemni  
alias Corcyrae

## PROVINCIAE CARIÆ.

Eusebius  
Ammonius  
Leodius  
Eusebius

Antiochenus  
Amphrodifius  
Cibyritanus  
Milefius

alias Cibyraton  
alias à Mileto

## PROVINCIAE ISAURIÆ.

Stephanus  
Athenæus  
Etesius  
Agapetus  
Sylvanus  
Faustus  
Antonius  
Nestor  
Hefychius  
Cyrillus  
Theodorus  
Theodorus  
Anatolius  
Paulus  
Quintus  
Tiberius  
Aquila  
Eusebius

Barathrenfis  
Coropassius  
Claudiopolitanus  
Seleucienfis  
Metropolitanus  
Phanemutenfis  
Antiochenus  
Syedreus  
Corepiscopus  
Sindenfis  
Vlagadenfis  
Corepiscopus  
Corepiscopus  
Larinenfis  
Corepiscopus  
Lyftrenfis  
Corepiscopus  
Parricia

alias Barathron  
alias Curpissu  
  
alias Seleucia  
  
alias Syedron  
  
alias Synnanadron  
alias Vlagadon  
  
alias Lyfton

## PROVINCIAE CYPRI.

Cyrillus  
Selanus

Paphi  
Selanonensis

alias à Papho  
alias Selanon

## PROVINCIAE BITHYNIÆ.

Eusebius  
Theogenius  
Maris  
Cyrillus

Nicomediensis  
Nicanus  
Chalcedonenfis  
Chius

alias Nicomedia  
alias Nicææ  
  
alias à Chio

|            |                   |                        |
|------------|-------------------|------------------------|
| Protogenes | Sardicenfis       |                        |
| Marcus     | Metropolitanus    | ( alias Calabrienfis   |
| Piftus     | Martianopolitanus |                        |
| Cœcilianus | Metropolitanus    | ( alias Carthagenenfis |
| Alexander  | Theffalonicefis   |                        |
| Dacius     | Macedoniæ         |                        |
| Piftus     | Athenienfis       |                        |
| Marcus     | Eubocæ            |                        |
| Strategius | Hephæftus         |                        |
| Claudius   | Theffaliæ         |                        |
| Budion     | Stridonenfis      | alias Dardaniæ         |
| Domnus     | Metropolitanus    | alias Pannoniæ         |
| Nicaſius   | Galliarum         | alias Divienfis        |
| Theophilus | Gotthiæ           |                        |
| Can        | Bofpori           | ( alias Bofphorenus,   |

Nicæna prima œcumenica Synodus CCCXVIII. Episcoporum, celebrata fuit Nicææ in Bithynia, Anno Christi CCCXXV. à die XIII. Kal. Julii, Præfidius Hosiò Episcopo Cordubensì, & Vito, & Vincentio Presbyteris Romanis, Papæ Sylvestri locum & vices gerentibus. Paulino & Juliano coff. *Pagi in Critica ad b. a.*

N U M E R O XXIV.

- XIX.



XIX. De his, qui adulteras habent uxores, vel si ipsi adulteri comprobentur.

XX. De his, qui partus suos ex fornicatione diversis modis interimunt.

XXI. De Homicidiis.

XXII. De his, qui non sponte homicidium commiserunt.

XXIII. De his, qui Divinationes expetunt.

XXIV. De his, qui Virginum corruptionibus conscii sunt.

## INCIPIUNT REGULÆ ANCYRANI (a)

### CONCILII.

**I**stæ Regulæ priores quidem sunt Nicænis: sed ideo Nicænæ prius scriptæ sunt; propter auctoritatem ejusdem magni, sanctique Concilii, congregati apud Nicæam.

*De Presbyteris, qui immolaverunt tempore persecutionis. CAP. I.*

**P**resbyteros immolantes & iterum luctamen adeuntes; si hoc non per illusionem (b) aliquam, sed ex veritate fecerint, (c) ut iterum teneri viderentur, aut tormentis subjici, quo facinus pati videntur inviti: hos ergo placuit honorem quidem sedis retinere; offerre autem illis; & sermonem ad populum facere; aut aliquibus Sacerdotalibus Officiis fungi non liceat.

*De Diaconis, qui immolaverunt. CAP. II.*

Diaconi similiter; qui immolaverunt, honorem quidem habeant; cessent verò ab omni sacro Ministerio, sive à pane, sive in calice offerendo, vel prædicando: Quòd si quidam Episcoporum conscii sunt laboris eorum, & humilitatis, & mansuetudinis; & voluerint eis aliquid amplius tribuere, vel adimere, penes ipsos erit potestas.

*De his, qui ex fugâ comprehensi sunt, & per vim pagani ritus aliquid pertulerunt.*

#### CAP. III.

Qui fugientes comprehensi sunt; vel à domesticis traditi, vel ademptis facultatibus sustinere tormenta; aut incustodiam trusi, proclamaverunt se Chri-

stianos esse; & eo usque adstricti sunt; ut manus eorum comprehendentes violenter attraherent, & funestis sacrificiis admoverent; aut aliquid polluti cibi per necessitatem sumere cogerentur, confidentes jugiter, se Christianos esse (d) & luctum rei, quæ contigit, incessabiliter ostendentes omni dejectione & habitu, & humilitate vitæ: (e) nos velut extra delictum constitutos; à communionis gratiâ non vetamus. (f) Si verò prohibiti sunt ab aliquibus; propter ampliorem cautelam; vel propter quorundam ignorantiam; statim recipiantur. Hoc autem similiter de Clericis & de Laicis ceteris observari conveniet. Perquisitum est autem & illud; si possunt etiam Laici; qui in has necessitatis angustias inciderunt; ad Clericatus ordinem promoveri? Placuit ergo & hos; tanquam qui nihil peccaverunt; si & præcedens eorum vita probabilis sit; ad hoc officium proveli.

*De his, qui diversis causis gentilitatis ritus aliquid peregerunt. CAP. IV.*

De his, qui sacrificare coacti sunt; insuper & cenaverunt in idolo: Quicumque eorum; cum ducerentur; lætiores (g) habitu fuerunt; & vestimentis pretiosioribus usi sunt; & præparatæ cænæ indifferenter participes extiterunt; placuit eos inter [b] audientes uno anno constitui; succumbere verò tribus biennio, & tunc ad perfectionis gratiam

(a) Concilium Ancyranum verosimiliter anno Christi CCCXIV. celebratum fuit ab Episcopis decem & octo, & Canones XXIV. conditi fuere. BINIUS Tomo I. Conciliorum exhibet Canones Græcos cum triplici versione latina; Dionysii exigui; Isidori peccatoris, & Gentiani Herveri.

(b) Codd. Colon. *illusionem*.

(c) In codicibus Colonienſibus ita legitur: nec ante parentes; & affectantes; atque suadentes; ut æstimentur quidem tormentis aptari, sed his visu tantum & habitu subjici: hos placuit honorem quidem retinere propriæ sedis; offerre verò, aut alloqui populum; aut omnino sacerdotalibus fungi officiis non licere.

(d) *Christianos esse* non legitur in 3. codicib. Colon.

(e) *hos*. codd. Colon. (f) Codd. Colon. *vetari*.

[g] *lætiores* Cod. 1. & 2.

[b] *inter* non legitur in Codd. 1.

am pervenire. Quotquot autem ascenderunt templa veste lugubri, & recumbentes per omne tempus flevère discubitis; si compleverunt pœnitentiam triennii temporis, sine oblatione suscipiantur. Si autem non manducaverunt, biennio subiecti pœnitentiæ, tertio anno sine oblatione communicent: ut perfectionem quadriennio consequantur. Penes autem Episcopos erit potestas, modum conversionis eorum probantes, vel humanius ergo eos agere, vel amplius tempus addicere. Ante omnia verò præcedens eorum vita & posterior inquiratur, & ita eis impertiatur humanitas.

*De his, qui timore ritus gentilium peregrerunt.*  
CAP. V.

De his, qui minis tantum cessere pœnarum, aut privatione facultatum territi, aut demigratione sacrificaverunt: & hætenus pœnitudinis negligentes, neque conversi, nunc hujus Concilii tempore semet obtulerunt, conversionis suæ consilia capientes, placuit, usque ad magnum diem eos inter audientes suscipi, & post magnum diem triennio pœnitentiam agere, & postmodum duobus annis sine oblatione communicare, & tunc demum, sex annis completis, ad perfectionis gratiam pervenire. Si verò quidam ante hanc Synodum suscepti sunt ad pœnitentiam, ex illo tempore initium eis sexennii computetur. Si quod autem periculum, vel mortis expectatio, aut ex infirmitate, aut ex aliqua occasione contigerit, his sub definitione statuta communio non negetur.

*De his, qui in locis idolorum manducaverunt.*  
CAP. VI.

De his, qui festis diebus gentilium, in remotis eorum locis convivia celebraverunt, cibosque proprios deferentes ibidem commederunt, placuit post pœnitentiam biennii eos suscipi, utrum verò cum oblatione, singuli Episcoporum probantes vitam eorum, & singulos actus examinent.

*De his, qui frequenter idolis immolaverunt.*  
CAP. VII.

Hi, qui secundò, & tertio sacrificaverunt coacti, quatuor annis pœnitentiæ subjiciantur. Duobus autem aliis sine oblatione communicent, & septimo anno perfecte recipiantur.

T 2

*De his, qui & aliis sacrificandi causas attulerunt.* CAP. VIII.

Quotquot autem non solum ipsi deviaverunt, sed etiam insurrexerunt, & compulerunt fratres, & causas præbuerunt, ut cogerentur, hi per triennium quidem locum inter audientes accipiant, per aliud verò sexennium pœnitentiæ subjiciantur acriori, & alio anno communionem sine oblatione percipiant, ut perfectionem, expleto decennio, consequantur. Inter hæc autem & eorum vita pensanda est.

*De Diaconis, qui tempore ordinationis de nuptiis attestati sunt.* CAP. IX.

Diaconi, quicumque ordinantur, si in ipsa ordinatione protestati sunt, & dixerunt, velle se conjugio copulari, quia sic manere non possunt: hi si postmodum uxores duxerint, in ministerio maneant, propterea quod eis Episcopus licentiam dederit. Quicumque sanè tacuerunt, & susceperunt manus impositionem, professi continentiam, & postea nuptiis obligati sunt, à ministerio cessare debebunt.

*De desponsatis puellis, & ab aliis corruptis.*

CAP. X.

Desponsatas puellas, & post ab aliis raptas, placuit erui, & eis reddi, quibus antè fuerant desponsatæ, etiam si eis à raptoribus vis illata consisterit.

*De his, qui cum essent Catechumeni, idolis immolaverunt.* CAP. XI.

Eos, qui ante baptismum sacrificaverunt idolis, & postea baptismum consecuti sunt: placuit ad ordinem provehi, eò quod probentur abluti.

*Quod non oporteat Corepiscopos Clericos ordinare, nisi in agris & villulis.*

CAP. XII.

Corepiscopis non licere Presbyteros, aut Diaconos ordinare, sed nec Presbyteris civitatis sine præcepto Episcopi, vel literis, in unaquaque parochia.

*De his, qui esum carniū in Clero constituti diffugunt.* CAP. XIII.

Hi, qui in Clero sunt Presbyteri, (b) & Diaconi, & à carnibus abstinent, placuit eas quidem contingere, & ita si voluerint contingere. Quod si in tantum eas abominantur, ut nec holera, quæ

(b) aut Cod. 3.



quæ cum eis coquuntur, existiment comedenda, tanquam non consentientes Regulæ, ab ordine cessare debebunt.

*De rebus Ecclesiasticis eo tempore distractis, quo ipsæ Ecclesiæ viduantur Episcopis.*

## CAP. XIV.

De his, quæ pertinent ad Ecclesiā, quæcunque, cum non esset Episcopus, Presbyteri vendiderunt, placuit rescisso contractu, ad jura Ecclesiastica revocari. In Judicio autem erit Episcopi, si pretium debeat recipi, nec ne. Quia plerumque rerum distractarum redditus ampliorem summam pro pretio dato reddiderit.

*De his, qui fornicantur irrationabiliter, id est, qui miscentur pecoribus, aut cum masculis polluuntur.* CAP. XV.

De his, qui irrationabiliter versati sunt, sive versantur: quotquot ante vicimum annum tale crimen commiserint, quindecim annis exactis in penitentia, communionem mereantur orationum, deinde quinquennio in hac communione durantes, tunc demum oblationis Sacramenta contingant. Discutitur autem & vita eorum, qualis tempore penitudinis extiterit, & ita misericordiam consequantur. Quod si inexplēbiter his hælere criminibus, ad agendam penitentiam prolixius tempus infumant. Quotquot autem peractā XX. annorum ætate, & uxores habentes, hoc peccato prolapsi sunt, XXV. annis penitudinem gerentes, in communionem suscipiantur orationum: in qua quinquennio perdurantes tunc demum oblationis Sacramenta percipiant. Quod si (i) & uxores habentes, & transcendentes quinquagesimum annum ætatis, ita deliquerint, ad exitum vitæ communionis gratiam consequantur.

*De his, qui in pecudes, vel in masculos, aut olim polluti sunt, aut hactenus hoc vitio tabescunt.* CAP. XVI.

Eos, qui irrationabiliter vixerunt, & leprâ injusti criminis alios polluerunt, præcepit Sancta Synodus, inter eos orare, qui spiritu periclitantur immundo.

*De his, qui ad Episcopatum promoti sunt, nec recepti.* CAP. XVII.

Si qui Episcopi ordinati sunt, nec recepti ab illa parochia, in qua fuerant

denominati, voluerintque alias occupare parochias, & vim Præsulibus earum inferre, seditiones adversus eos excitando: hos abjici placuit. Quod si voluerint in presbyterii ordine, ubi prius fuerant, ut Presbyteri residere, non abjiciantur propriâ dignitate. Si autem seditiones commovent ibidem constitutis Episcopis, presbyterii quoque honor talibus auferatur, fiântque damnatione notabiles.

*De his, qui virginitatem professi sunt, & de his, quæ sub sororis habitu cum aliquibus commorantur.* CAP. XVIII.

Quotquot virginitatem promittentes irritam faciunt sponsonem: inter bigamos censentur. Virgines autem, quæ conveniunt cum aliquibus, tanquam forores habitare prohibemus.

*De his, qui adulteras habent uxores, vel si ipsi adulteri comprobantur.*

## CAP. XIX.

Si cujus uxor adulterata fuerit, vel si ipse adulterium commiserit, septem annorum penitentia oportet, cum perfectionem consequi secundum pristinos gradus.

*De his, qui partus suos ex fornicatione diversis modis interimunt.* CAP. XX.

De mulieribus, quæ fornicantur, & partus suos necant, vel quæ agunt secum, ut utero conceptos excutiant: antiqua quidem definitio usque ad exitum vitæ eas ab Ecclesia removel: humanius autem nunc definimus, ut eis decem annorum tempus, secundum præfixos gradus, penitentia largiamur.

*De homicidiis.* CAP. XXI.

Qui voluntariè homicidium fecerint, penitentia quidem jugiter se submittant: perfectionem verò circa vitæ exitum consequantur.

*De his, qui non sponte homicidium commiserunt.* CAP. XXII.

De homicidiis non sponte commissis, prior quidem definitio post septennem penitentiam perfectionem consequi præcipit: secunda verò quinquennii tempus explere, (k) modus autem hujus penitentia in Episcoporum sit arbitrio, ut secundum conversationem penitentium possint & extendere tardantibus, & minuire studiosè festinantibus.

*De*

(i) Cod. 1. 2. 3. *Quod si qui.*

(k) Quæ sequuntur, in Codicibus Colon. non legantur.

*De his, qui Divinationes expetunt.*

## CAP. XXIII.

Qui Divinationes expetunt & morem gentilium subsequuntur, aut in domos suas hujusmodi homines introducunt, exquirendi aliquid arte maleficâ, aut expiandi causâ, sub regula quinquennii jaceant, secundum gradus pœnitentiæ definitos.

*De his, qui virginum corruptionibus conscii sunt.* CAP. XXIV.

Quidam sponsam habens, sororem ejus violavit, & gravidam reddidit: postmodum desponsatam sibi duxit uxorem, illa verò quæ corrupta est, laqueo se peremit. Hi qui fuerunt conscii, post decennem satisfactionem jussi sunt suscipi, secundum gradus pœnitentiæ constitutos.

ET SUBSCRIPSERUNT XVIII EPISCOPI, QUI IN EODEM CONCILIO CONVENERUNT.

|                  |                 |
|------------------|-----------------|
| Vitalis          | Antiochenus     |
| Marcellus (l)    | Ancyranus (m)   |
| Atricolaus (n)   | Cæsarensis (o)  |
| Lupus (p)        | Tarsensis       |
| Basilus (q)      | Amenis          |
| Philadelphus (r) | Æliopolitanus   |
| Eustolus         | Nicomediensis   |
| Heraclius (s)    | Zelonenis       |
| Petrus           | Iconiensis (t)  |
| Nunechius        | Laodicensis (u) |
| Sergianus        | Antiochenis (x) |
| Epidaurius       | Pisidiensis     |
| Narcissus        | Pergensis (y)   |
| Leontius (z)     | Nerodianensis   |
| Longinus (a)     | Dicaionensis    |
| Amphion (b)      | Alphios         |
| Selaus (c)       | Germanus.       |

|| alias de Tarso  
|| alias Amnenis

## EXPLICIUNT CANONES ANCYRANI CONCILII.

- (l) Marcellus Ancyrae Galatiæ primæ. (m) Cod. 1. *Ancyranus*.  
 (n) Agricolaus Cæsareæ Palæstinæ. (o) Cod. 1. Atricolaus. (p) Lupus Tarsensis Ciliciæ;  
 (q) Amasenus Hellepontii. (r) Philadelphus Juliopolis Galatiæ primæ.  
 (s) Zelenensis, Armeniæ majoris. (t) Lycaoniæ. (u) Phrygiæ Pacatianæ.  
 (x) Pisidiæ sive Cariz. (y) Narcissus, Neroniadis Ciliciæ.  
 (z) Leontius, Cæsarensis Cappadociæ primæ. (a) Longinus, Neo-Cæsarensis Ponti Polemoniæ.  
 (b) Amphion, Epiphaniæ Ciliciæ secundæ. (c) Selaenus, Germaniæ Cæsariæ.  
 Germanus Neapolis Palæstinæ: *Haec variantes lectiones omnes sunt Bini, aliis Codd. MSS. usi.*

## INCIPIUNT TITULI CANONUM

## (a) NEO-CÆSARIENSIS CONCILII.

## NUMERO XIV.

- I. De Presbyteris, qui uxores acceperunt, vel fornicati sunt.  
 II. De his, quæ duobus fratribus nupsierint, vel qui duas sorores uxores acceperint.  
 III. De multinubis.  
 IV. De his, qui proponentes fornicari vetantur.  
 V. De Catechumenis peccantibus.

T 3

VI.

- (a) Neo-Cæsareæ in Cappadocia hanc Synodum ab XIII. Episcopis celebratam fuisse anno Christi CCCXIV. statuit Illustrissimus BARONIUS. BINIUS Tomo I. Concilior. exhibet Græcos Canones cum triplici versione Dionysii, Isidori, & Gentiani Herveti: Codex Carolo Magno oblatum primam Dionysianam duntaxat habet ab Ecclesiâ Romana acceptatam.



*VI. De Catechumena prægnante.*

*VII. Quod non oporteat in bigami nuptiis orare Presbyterum.*

*VIII. De his, qui mulieribus adulteris juncti sunt.*

*IX. De his, qui ad Presbyterium promoventur, & ante ordinationem peccatorum sibi sunt conscii.*

*X. De Diaconis similiter.*

*XI. Quo tempore Presbyterum conveniat ordinare.*

*XII. De his, qui in ægritudine Baptisma consequuntur.*

*XIII. De Presbyteris agrorum.*

*XIV. De numero certo Diaconorum.*

## INCIPIUNT CANONES CONCILII NEO-CÆSARIENSIS.

**I**ncipiunt (b) Regulæ prolatae in Synodo Neo-Cæsariensi Numero XIV. Et hæ regulæ post eas quidem probantur esse, quæ apud Ancyram vel Cæsaream expositæ sunt: sed Nicænis anteriores reperiuntur.

*De Presbyteris, qui uxores acceperunt, vel fornicati sunt.*

### CAPUT I.

Presbyter, si uxorem (c) acceperit, ab ordine deponatur, si verò fornicatus fuerit, aut adulterium perpetraverit, amplius pelli debet, & ad poenitentiam redigi.

*De his, quæ duobus fratribus nupserint, vel qui duas sorores uxores acceperint.*

### CAP. II.

Mulier, si duobus fratribus nups-  
erit, abiciatur usque ad mortem: veruntamen in exitu, (d) propter misericordiam, si promiserit, quòd facta incolumis, hujus conjunctionis vincula dissolvat, fructum poenitentiae consequatur. Quod si defecerit mulier, aut vir in talibus nuptiis, difficilis erit poenitentia in vita permanenti.

### De multinubis. CAP. III.

De his, qui in plurimas nuptias inciderunt, & tempus quidem præfinitum manifestum est, sed conversatio eorum, & fides tempus abbreviat.

*De his, qui proponentes fornicari vetantur.*

### CAP. IV.

Siquis mulierem concupiscens proposuerit cum ea concumbere, & cogitatio ejus non perveniat ad effectum; appareat, quòd Gratiâ (e) Dei liberatus sit.

*De Catechumenis peccantibus. CAP. V.*

Catechumenus, si ingrediatur Ecclesiam, & in ordinem eorum, qui instruuntur, afficiat, hic autem deprehensus fuerit peccans, siquidem genu flectit, audiat, ut non delinquat ulterius, si verò, & audiens peccaverit, expellatur.

*De Catechumena prægnante. CAP. VI.*

Gravidam oportet baptizari; quando voluerit, nihil enim in hoc, quæ parit, nascenti communicari; propterea quod uniuscujusque suum propositum in confessione declaretur.

*Quod non oporteat in bigami nuptiis orare Presbyterum. CAP. VII.*

Presbyterum (f) in nuptiis bigami prandere non convenit, quia cum poenitentiam bigamus egeat, quis erit presbyter, qui propter convivium talibus nuptiis possit præbere consensum?

*De his, qui mulieribus adulteris juncti sunt.*

### CAP. VIII.

Mulier cujusdam adulterata Laici constituti si evidenter arguatur, talis ad mini-

(b) BINIUS hunc titulum Græco-Latinum ex MS. pramittit: Canones Ss. & Beatorum Patrum qui convenerunt Neo-Cæsareæ: qui quidem posteriores sunt Ancyranis, priores verò Nicænis. Sed propter dignitatem Nicæni eisdem proponuntur. Codices nostri 1. & 3. eandem notam titulo præponunt: cum hoc discrimine: Hæ regulæ post eas quidem probantur esse, quæ apud Ancyram vel Cæsaream expositæ sunt, sed Nicænis anteriores reperiuntur.

(c) Cod. 1. 2. uxores.

(d) in exitum tres codd. Colon.

(e) à Gratiâ. Cod. 1. 2. 3.

[f] Presbyteros cod. 3.

ministerium Cleri venire non poterit, si verò post ordinationem adulterata fuerit, dimittere eam convenit, quòd si cum illa convixerit, ministerium sibi commissum obtinere non poterit.

*De his, qui ad Presbyterium promoventur & ante ordinationem peccatorum sibi sunt confitii.* CAP. IX.

Presbyter si præoccupatus corporali peccato provehatur, & confessus fuerit de se, quòd ante ordinationem deliquerit, oblata non consecret: manens in reliquis officiis, propter studium bonum. Nam peccata reliqua plerique dixerunt per manus impositionem posse dimitti, quòd si de se non fuerit ipse confessus, & argui manifestè nequiverit, potestatis suæ iudicio relinquatur.

*De Diaconis similiter.* CAP. X.

Simili modo etiam Diaconus, si eodem peccato subcubuerit, ab ordine ministerii subtrahatur.

*Quo tempore Presbyterum conveniat ordinare.*

CAP. XI.

Presbyter ante tricesimum ætatis suæ annum nullatenus ordinetur, licet valde sit dignus: sed hoc tempus observet. Nam Dominus noster tricesimo

ætatis suæ anno baptizatus est, & sic cepit docere.

*De his, qui in ægritudine baptizati consequuntur.* CAP. XII.

Si quis in ægritudine fuerit baptizatus, ad honorem presbyterii non potest promoveri, quod non ex proposito fides ejus, sed ex necessitate descendit: nisi fortè propter sequens studium ejus, & fidem, atque hominum raritatem talis possit admitti.

*De Presbyteris agrorum.* CAP. XIII.

Presbyteri ruris in Ecclesia civitatis, Episcopo præsentè, vel presbyteris urbis ipsius, offerre non possunt, nec panem sanctificatum dare, calicemque porrigere. Si verò absentes hi fuerint, & ad dandam orationem vocentur, soli dare debent. Corepiscopi quoque ad Exemplum quidem, & formam septuaginta videntur esse, ut comministri autem propter studium, quod erga pauperes exhibent, honorentur, (g)

*De numero certo Diaconorum.* CAP. XIX.

Diaconi septem debent esse juxta regulam, licet & valde magna sit civitas. Id ipsum autem & actuum Apostolorum Liber insinuat.

CONVENERUNT AUTEM IN UNUM SANCTI, & VENERABILES

*Episcopi in urbe Cæsariensi, id est,*

|           |            |  |
|-----------|------------|--|
| Vitalis   | Lupus      |  |
| Germanus  | Valentinus |  |
| Gregorius | Gerontius  |  |
| Alphius   | Narcissus  |  |
| Heraclius | Longinus   |  |
| Basilus   | Sanctus    |  |
| Leontius  | Salaminus  |  |
| Amphion   | Rudus      |  |
| Stephanus | Dicasius   |  |
| Eretius   |            |  |

alias Salminus.  
alias Redus.

*Et ceteri, qui statuerunt superius scripta.*

[g] honorantur cod. 1. 2. 3.

[h] Nomina subscribentium nulla leguntur in cod. 2. in 3. aliqua tantum.

*Binus diversis à Wendelstino Codicibus usus sic recenset Episcopos.* Vitalis Antiochenus Cœles-Syriæ: Germanus Neapolis Palæstinæ: Gregorius Cinnensis Galatiæ primæ: Alphius Apameæ: Cœles-Syriæ: Heraclius Zelonenis Armeniæ majoris: Basilus Amasæ Helleponti, vel Armeniæ majoris: Leontius Cæsareæ Cappadociæ primæ: Amphion Epiphaniæ Ciliæ secundæ: Stephanus Chörepiſcopus Cappadociæ: Eretius Placianensis Galatiæ primæ: alias Histricus Timoniensis: Cappadociæ Polemoniæ: Luppus, Tarcensis Ciliæ primæ: Gerontius, Latiæ Cœles-Syriæ: Narcissus, Neroniadis Ciliæ secundæ: Longinus, Neo-Cæsariensis Ponti Polemoniæ: Salaminus, Germaniæ Cœles-Syriæ: Rudus, Chörepiſcopus Cappadociæ: Decasius, Taviensis Galatiæ: Valentinianus, Leontius: *Binus Tomo 1. Concilior. pag. 236.*

TITU-



# TITULI CANONUM (a) GANGRENSIS CONCILII.

## NUMERO XX.

- I. De his, qui nuptias execrantur.
- II. De his, qui abominantur eos, qui carnibus vescuntur.
- III. De Servis, qui jugum famulatus abjiciunt Christianitatis obtentu.
- IV. De Presbyteris, qui habuere conjugia.
- V. De his, qui ab Ecclesia Conventus spernendos æstimant.
- VI. De his, qui Ecclesiastica ministeria præter Ecclesiam faciunt.
- VII. De fructuum oblationibus, quæ ministris Ecclesiæ conferuntur.
- VIII. De his, quæ in usus pauperum conferuntur.
- IX. De his, qui in virginitate, continentiaque persistunt.
- X. De his, qui pro virginitate superbiunt.
- XI. De his, qui Agapas, id est, passionibus pauperum, risui deputant.
- XII. De his, qui palliis utuntur, & idcirco superbiunt.
- XIII. De mulieribus, quæ utuntur virilibus indumentis.
- XIV. De his, qui velut peccatum copulam deserunt nuptiarum.
- XV. De his, qui Christianitatis obtentu despiciunt filios.
- XVI. De his, qui Patres Christianitatis occasione contemnunt.
- XVII. De mulieribus, qui se attondunt Christianitatis obtentu.
- XVIII. De his, qui Dominico die jejunt, tanquam nihil præ cæteris differente.
- XX. De his, qui Ecclesiastica jejunia absque necessitate dissolvunt.
- XX. De his, qui Collectas, quæ sunt in Martyrum commemorationibus, execrantur.

## INCIPIUNT REGULÆ GANGRENSIS, QUÆ POST NICÆNUM CONCILIUM EXPOSITÆ SUNT. NUMERO XX.

### P R Æ F A T I O.\*

Dominis honorabilibus Confacerdotibus in Armenia constitutis Coepiscopi, Eusebius \*\* Hypatius, Eulalius, Gregorius, Ælianus, Bithynicus, Olympius, Bassianus, Basilius, Philetus, Heraclius, Pappus, Eugenius, Osius Cordubensis, Proæresius, Bassus, qui convenerunt in Gangrensi Concilio, in Domino salutem.

**Q**uoniam conveniens Sancta Synodus Episcoporum in Ecclesia Gangrensi, propter quasdam Ecclesiasticas, & necessarias causas inquirendas, & ea, quæ secundum Eustachium gesta sunt, dignoscenda, invenit multa fieri indecenter ab his, qui eundem Eustachium sequuti sunt, necessarium

[a] Gangris in Paphlagonia Asiæ minoris Provincia Concilium hoc Provinciale celebratum fuit anno Christi CCCXXIV. exhibet BINIUS Tomo I. Conciliorum Canones Græcos XX. cum triplici latina interpretatione; Dionysii exigui, Isidori peccatoris, & Gentiani Herveti.

\* Hæc Præfatio extat in 3. Codicibus Eccles. Metrop. Colon.

\*\* Hæc nomina Episcoporum sic apud Binium habentur; in nostris autem tribus codicibus iidem Episcopi subscribunt, sed ordine paululum mutato, quam mutationem etiam indicat BINIUS Tomo I. Concilior. pag. 366. 367. dum eundem Episcopum, nunc ante, nunc postpositum ostendit,

riù statuit, palam omnibus actis, amputare universa, quæ ab eodem malè commissa sunt. Declaratum est enim, hos eosdem nuptias accusare, & docere, quod nullus in conjugali positus gradu, spem habeat apud Deum. Unde factum est, ut multæ mulieres eos secutæ, relictis propriis viris: & viri, uxoribus destitutis, vinculum conjugale dissolverunt, continentiam profluentes, quum quum retinere non possent, adulterium commiserunt. Inventi sunt enim, discessiones & separationes à Dominicis constitutis in Ecclesiis Dei docere, id est, traditiones Ecclesiasticas, & ea, quæ in Ecclesiis aguntur, debere contemni, privatisque conventiculis institutis ad imitationem eorum, quæ in domo Dei aguntur, omnia præsumere celebrare: adhuc etiam vestibus communibus spreto, novos etiam & insolitos habitus assumpsisse: primitias quoque fructuum, & oblationes eorum, quas veterum institutio Ecclesiis tribuit, sibi vindicasse, id est, propriæ ratiocinatione doctrinæ, tanquam sanctis, sibi eas offerri debere, apud se & inter se dispensandas: servos, à Dominicis recedentes, per hunc inusitatum Religionis morem Dominos contempsisse. Mulieres quoque præter consuetudinem & sui sexûs ornatum, hinc se justificari credentes, virilem habitum suscepisse, pluræque earum occasione Religionis, tonsas, genuini decoris comas penitus amputasse; jejunia, quæ in Ecclesia prædicantur, contemnenda asseruisse: nonnullos eorum etiam cibos carniū tanquam illicitos reputasse: in domibus conjugatorum, nec orationes quidem debere celebrari, persuasisse in tantum, ut easdem fieri verent, & oblationibus, quæ in domibus factæ fuerint, minimè communicandum esse decernant: Presbyteros verò, qui Matrimonia contraxerunt, sperni debere dicunt, nec Sacramenta, quæ ab eis conficiuntur, attingi. Loca Sanctorum Martyrum, vel basilicas contemnere, & omnes, qui illuc conveniunt, reprehendere. Divites fideles, qui non omnibus renuntiant, quæ possident, spem apud Deum non habere: & multa alia, quæ numerare nulli possibile est, singulos quoque eorum pro suo arbitrio constituere. Unumquemque enim eorum, tales institutiones ab

Ecclesiastico Canone recedentes, tanquam proprias leges sibi condidisse. Sed nec communis hæc omnibus & una sententia est. Singuli enim, prout videtur & libet, ad accusationem Ecclesiæ nitendo, tanquam rector non sit, vel addunt decreta, vel minuunt. Propterea ergo coactum est hoc Concilium in Gangrensi Ecclesia habitum, ut Canones istos exponeret, quibus probantur memorati extra Ecclesiam esse. Quod si per poenitentiam condemnaverint omnia hæc, quæ malè senserunt, tanquam à se non bene prolata, acceptabiles fiant, atque ideo singula, quæ debeant condemnare, Synodus credidit exponenda. Quod si quis renuerit hæc, quæ hodie constituta sunt, tanquam hæreticus, & anathematizatus, & damnatus abjiciatur. Et erit non solum incommunicatus, verum etiam & ab Ecclesia habeatur extorris, donec deprecetur Episcopum, & de universis, quæ penes eos detecta atque deprehensa sunt, prodiderit, quid horum susceperit observandum.

*De his, qui nuptias execrantur.*

#### CAPUT I.

**S**I quis vituperat nuptias, & dormientem cum viro suo fidelem, ac religiosam detestatur, aut culpabiles æstimat, velut qui in regnum Dei introire non possint: anathema sit.

*De his, qui abominantur eos, qui carnibus vescuntur.* CAP. II.

Siquis carnem (a) edentem, præter sanguinem, & idolis immolatum, & suffocatum, cum religione & fide condemnat, velut spem, propter hujusmodi perceptionem, non habentem: anathema sit.

*De Servis, qui jugum famulatus abjiciunt Christianitatis obtentu.* CAP. III.

Siquis servum prætextu Divini cultus doceat, Dominum contemnere proprium, ut discedat ab ejus obsequio, nec ei cum benevolentia, & omni honore deserviat: anathema sit.

*De Presbyteris, qui habuere conjugia.*

#### CAP. IV.

Quicumque discernit à Presbytero, qui uxorem habuit, quod non oporteat eo ministrante de oblatione percipere: anathema sit.

V

De

(a) *carnes* Cod. 1, 2, 3.



*De his, qui Ecclesiæ Conventus spernendos existimant. CAP. V.*

Siquis docet, domum Dei contempnibilem esse, & conventus, qui in ea celebrantur; anathema sit.

*De his, qui Ecclesiastica ministeria præter Ecclesiam faciunt. CAP. VI.*

Siquis extra Ecclesiam seorsum conventus celebrat, & despiciens Ecclesiam, (b) ea, quæ sunt Ecclesiæ, voluerit usurpare, non conveniente Presbytero, juxta decretum Episcopi: anathema sit.

*De fructuum oblationibus, quæ ministris Ecclesiæ conferuntur. CAP. VII.*

Siquis oblationes Ecclesiæ extra Ecclesiam accipere, vel dare voluerit præter conscientiam Episcopi, vel ejus, cui hujuscemodi officia commissa sunt, nec cum ejus voluerit agere consilio: anathema sit.

*De his, quæ in usus pauperum conferuntur. CAP. VIII.*

Siquis dederit, vel acceperit oblata præter Episcopum, vel eum, qui constitutus est ab eo ad dispensandam misericordiam pauperibus; & qui dat, & qui accipit, anathema sit.

*De his, qui in virginitate, continentiaque persistunt. CAP. IX.*

Quicumque virginitatem custodiens, aut continentia studens, velut horrefcens nuptias temerat, nec propter hoc, quod bonum, & sanctum est, nomen virginitatis adsumit: anathema sit.

*De his, qui pro Virginitate superbiunt. CAP. X.*

Siquis ex his, qui virginitatem propter dominum servant, extollitur adversum conjugatos: anathema sit.

*De his, qui Agapas, id est, pastiones pauperum risui deputant. CAP. XI.*

Siquis despicit eos, qui fideliter agapas, id est, convivia pauperibus exhibent, & propter honorem Dei (c) convocant fratres, & noluerit communicare hujuscemodi vocationibus, parvipendens, quod geritur: anathema sit.

*De his, qui Pallis utuntur, & idcirco superbiunt. CAP. XII.*

Siquis virorum propter continentiam, quæ putatur, amictu pallii utitur, quasi per hoc habere se justitiam credens: & despicit eos, qui cum reverentia birris, & aliis communibus, & solitis (d) utuntur: anathema sit.

*De mulieribus, quæ utuntur virilibus indumentis. CAP. XIII.*

Siqua mulier propter continentiam, quæ (e) putatur, habitum mutat, & pro solito muliebris amictum virilem sumit, anathema sit.

*De his, qui (f) velut peccatum copulam deserunt nuptiarum. CAP. XIV.*

Siqua mulier virum proprium relinqueas, discedere voluerit, nuptias execrans: (g) anathema sit.

*De his, qui Christianitatis obtentu despiciunt filios. CAP. XV.*

Siquis filios suos relinqueas, non eos enutrit, & quod ad se pertinet, non (h) ad pietatem Divini cultus informat, sed per occasionem continentia negligit; anathema sit.

*De his, qui Patres (i) Christianitatis occasione contemnunt. CAP. XVI.*

Quicumque filii a parentibus sub prætextu Divini cultus abscedunt, nec debitam reverentiam dependunt illis, qui Divinum cultum sibi procul dubio præferunt: anathema sit.

*De mulieribus, quæ se attondent Christianitatis obtentu. CAP. XVII.*

Siqua mulier, (k) propter Divinum cultum (ut æstimat) crines attondet, quos ei Deus ad subjectionis memoriam tribuit, tanquam præceptum dissolvens obedientia, anathema sit.

*De his, qui Dominico die jejunant, tanquam nihil præ cæteris differente. CAP. XVIII.*

Si quis propter continentiam, quæ putatur, aut contumaciam, in die Dominico jejunat; anathema sit.

*De his, qui Ecclesiastica jejunia absque necessitate dissolvunt. CAP. XIX.*

Si quis eorum, qui continentia student, absque necessitate corporea, tradita in commune jejunia, & ab Ecclesia custodita superbiendo dissolvit, stimu-

(b) & ea Cod. 2.

(c) Domini Cod. 1. & 3.

(d) vestibus Cod. 1. 2. 3.

(e) quam patitur Cod. 1.

(f) quæ Cod. 1. 2.

(g) execrare Cod. 1. 2. Cod. 3. execrata.

(h) nō abest in 1. 2. 3. Cod.

(i) parentes Cod. 1. 2. 3.

(k) mulierum Cod. 1. 2.

mulo suæ cogitationis impulsus: anathema sit.

*De his, qui collectas, quæ sunt in martyrum commemorationibus, execrantur.*

## CAP. XX.

Si quis superbiz usus affectu con-

## ET SUBSCRIPSERUNT (1)

|            |            |
|------------|------------|
| Ælianus    | Proæreseus |
| Eusebius   | Eulalius   |
| Basilus    | Olympius   |
| Eugenius   | Heracleus  |
| Hypatius   | Broerius   |
| Bithynicus | Gregorius  |
| Philethus  | Bassus     |
| Bassianus  | Pappus     |
| Osus       |            |

Hæc (m) autem scripsimus, non, qui in Ecclesia Dei secundum scripturas Sanctum propositum continentiz eligunt, vituperantes: sed eos, qui abutuntur proposito in superbiam, & extolluntur adversus simplices, abscindimus, & damnamus eos, qui adversum scripturas & Ecclesiasticas regulas nova introducunt præcepta. Nos autem & virginitatem cum humilitate admiramur, & continentiam, quæ cum castitate & religione suscipitur, approbamus, & renunciationem sæcularium negotiorum cum humilitate recipimus, & nuptiarum castum vinculum honoramus, & divitias cum iustitia, & operibus bonis non spernimus, & habitum simplicem,

ventus abominatur, qui ad confessiones martyrum celebrantur, & ministeria, quæ in eis fiunt, simul cum eorum memoris execratur: anathema sit.

ac vestem viliores pro corporis diligentia infucatum laudamus, sicut etiam solitas & fractas in vestibus processiones reprobamus. Et domos Dei honoramus, & conventus, qui in his fiunt, tanquam Sanctos, & utiles suscipimus, pietatem in privatis domibus non claudentes, sed omnem locum in nomine Dei ædificatum, honoramus, & congregationem in eadem Ecclesia factam pro utilitate communi, recipimus. Et bona opera, quæ supra vires in fratres pauperes exercentur, secundum Ecclesiasticas traditiones beatificamus, & omnia, quæ sanctas per scripturas, & per Apostolos sunt tradita, in Ecclesia celebrari exoptamus.

(1) Codex 2. *XVI. & subscripserunt Episcopi.* Cod. 3. Subscriptiones non habet. Nomina Episcoporum vide in Nota [4] ad Præfationem hujus Synodi paululum diversa à Binianis.

(m) Sequentem Clausulam tres Codices Metropolit. Colon. non habent, sed finiunt hæc formula: *Explicit Regula Gangrensis Concilii.* Codex 3. addit *Amen.*

## TITULI CANONUM ANTIOCHENI\* CONCILII. (n) NUMERO XXV.

I. *De his, qui contraria gerunt his, quæ regulariter de Pascha statuta sunt in Nicæno Concilio.*

V 2

II. De.

\* Antiochena Synodus, in Encaniis dicta, Anno CCCXLI, Indictione XIV, celebrata, suspecta idcirco Illustrissimo Baronio fuit, quasi ad evitandum à Julio Papa indictam Synodum Romanam ab Eusebianis coacta fuerit: sed eam Synodum, etsi XL. Patres Arianis faventes intervenerint, quinque tamen insuper orthodoxos Episcopos habuisse, & XXV. Canones per omnem Ecclesiam probatissimos semper fuisse, nec errori Arij, nec Athanasij damnationi favere ostendit *Schelesfrase* Libro speciali pro hoc Antiocheno Concilio; cujus epitomen & vindicias refert *PAGI* in *Critica* ad A.C. 341.

Post hanc Synodum & XXV. Canones, tres Fidei formulas non hæreticas, sed Catholicas habemus: soli Ariani Episcopi Conciliabulum Antiochiæ coegerunt adversus Athanasium, & quartam Fidei formulam dolosam fabricarunt. *Pagi ibidem.*

(n) Codex 1. & 3. *Incipiunt Regula Antiocheni Concilii.* Regula exposita apud Antiochiam in Encaniis.



- II. De his, qui se à perceptione Sanctæ Communionis avertunt, & qui Excommunicatis per domos communicant.
- III. De his, qui ab alia Parochia, præter conscientiam Episcoporum suorum in aliis immorantur.
- IV. De damnatis, & ministrare tentantibus.
- V. De his, qui se à ministerio Ecclesiastico subtrahunt, & seorsum colligunt.
- VI. De Clericis excommunicatis & Laicis.
- VII. De Peregrinorum susceptione.
- VIII. De pacificis Peregrinorum, id est, commendatitiis literis.
- IX. De Metropolitanis singularum Provinciarum.
- X. De his, qui vocantur Corepiscopi.
- XI. De Episcopis, & Clericis adeuntibus Imperatorem.
- XII. De damnatis Episcopis, aut Clericis, & adeuntibus Imperatorem.
- XIII. De his, qui cum sint ex aliâ Provinciâ, in aliis audent ordinationes efficere.
- XIV. De dissensione, quæ super Episcoporum adjudicatione contigit, appellantiâ provinciales Antistites.
- XV. De Episcopis, ab ejusdem Provinciæ Sacerdotibus consonanter exclusis.
- XVI. De vacantibus Episcopis.
- XVII. De his, qui cum ad Episcopatum convocantur, evitant.
- XVIII. De his, qui promoventur ad Episcopatum, nec recipiuntur.
- XIX. De Episcopalibus in Provinciis ordinationibus.
- XX. De Synodis, quæ debent ab Episcopis suis temporibus in Provincia celebrari.
- XXI. Ut nullo modo de Parochia ad aliâ Parochiam transeat.
- XXII. Ut in altera Parochia Clericos alterius Parochiæ Episcopus nullatenus ordinet.
- XXIII. Ut nullum ad Episcopatum pro se constituat promovendum.
- XXIV. De rebus ad Ecclesiam pertinentibus, & de his, quæ propria Episcopi esse noscuntur.
- XXV. Ut Episcopus dispensandi res Ecclesiasticas habeat potestatem.

## INCIPIUNT REGULÆ ANTIOCHENI CONCILII, EXPOSITÆ APUD ANTIOCHIAM IN ENCENIIS. NUMERO XXV.

**S**ancta, & pacata Synodus in unum congregata, his, qui per singulas provincias sunt, unanimibus Sanctis, & Confacerdotibus in Domino salutem. Gratia, & veritas Jesu Christi, Domini & Salvatoris nostri, Sanctam Antiochenam Ecclesiam visitans, & in unum connectens, per concordiam pacatissimi Spiritus: multa quidem & alia perfecit, in omnibus autem, & pacata Spiritu etiam hoc perfecit, ut quæ visa sunt rectè constitui cum plurimâ consideratione & judicio, unâ omnibus nobis Antiochiam ex diversis Provinciis congregatis Episcopis, in vestram notitiam deferrentur. Credimus autem gratiæ Domini, & Sancto Spiritui pacis, quod & ipsi conspirabitis nobis, tanquam in una fuissetis virtute: ut nobis cum traditionibus adnitentes, magis autem muniti, & in Spiritu Sancto, præsentibus hisdem ipsis, quæ definita sunt, con-

sentientes, & ea, quæ recta visa sunt, roborantes cum consensu Sancti Spiritus consignabitis. Sunt autem præfiniti Canones Ecclesiastici hi, qui infra scripti sunt, in qua Synodo fuerunt Episcopi Eusebius, Theodorus, & cæteri, qui in Græco sermone continentur, & hæc constituerunt, quæ infra scripta sunt. (n)

*De his, qui contraria gerunt his, quæ regulariter de Pascha statuta sunt in Nicæno Concilio. CAP. I.*

Omnes, qui ausi fuerint dissolvere definitionem Sancti & magni Concilii, quod apud Nicæam congregatum est sub præsentia piissimi, & venerandi Principis Constantini de salutiferâ solennitate Sacratissimæ paschæ: excommunicandos, & de Ecclesia pellendos esse censemus, si tamen contensiosius adversus ea, quæ benè sunt decreta, perstiterint, & hæc quidem de Laicis dicta sint. Si quis

(n) Hæc Præfatio non legitur in tribus Codicibus Colon.

quis autem eorum, qui præcesse noscuntur Ecclesiæ, aut Episcopus, aut Presbyter, aut Diaconus post hanc definitionem tentaverit ad subversionem populorum, Ecclesiarumque perturbationem seorsum colligere, & cum Judæis Pascha celebrare: Sancta Synodus hunc alienum jam hinc ab Ecclesia judicavit, quodd non solum sibi, sed & plurimis causæ corruptionis, & perturbationis exstiterit. Nec solum tales à ministerio remove, sed etiam illos, qui post damnationem hujusmodi communicare tentaverint: damnatos autem omni quoque extrinsecus honore privari, quem sancta Regula & Sacerdotium Dei promeruit.

*De his, qui se à perceptione Sanctæ Communionis avertunt, & qui excommunicatis per domos communicant.*

## CAP. II.

Omnes, qui ingrediuntur Ecclesiam Dei, & Scripturas Sacras audiunt, nec communicant in oratione cum populo, sed pro quadam intemperantia se à perceptione Sanctæ Communionis avertunt: hi de Ecclesia removeantur, quamdiu per confessionem poenitentiae fructus ostendant, & precibus indulgentiam consequantur. Cum excommunicatis autem non licere communicare, nec cum his, qui per domos conveniunt, deviantes orationes Ecclesiæ, simul orandum est: ab alia quoque Ecclesia non suscipiendum, qui in alia minime congregatur. Si quis autem de Episcopis, aut Presbyteris, vel Diaconis, seu quilibet ex Clero deprehensus fuerit cum excommunicatis communicare, etiam iste privetur communione, tantam qui regulam confundat Ecclesiæ.

*De his, qui ab alia parochia præter conscientiam Episcoporum suorum, in aliis immorantur.* CAP. III.

Si quis Presbyter, aut Diaconus, & omnino quilibet ex Clero, parochiam propriam deferens, ad aliam properaverit, vel (o) inde omnino demigrans, in alia parochia per multa tempora nititur immorari, ulterius ibidem non ministret: maxime si vocanti suo Episcopo, & ingredi ad propriam parochiam commonenti, obedire contempserit. Quod si in hac indisciplinatione perdurat, à ministerio modis omnibus

V 3

removeatur, ita, ut nequaquam locum restitutionis inveniat. Si verò pro hac causâ damnatum alter Episcopus suscipiat, hic etiam à communi coërceatur Synodo, velut qui Ecclesiastica constituta dissolvat.

*De damnatis, & ministrare tentantibus.*

## CAP. IV.

Si quis Episcopus damnatus à Synodo, vel Presbyter, aut Diaconus à suo Episcopo, ausi fuerint aliquid de ministerio sacro contingere: sive Episcopus juxta præcedentem consuetudinem, sive Presbyter, aut Diaconus; nullo modo liceat ei, nec in alia Synodo, restitutionis spem, aut locum habere satisfactionis: sed & communicantes ei (p) omnes abjici de Ecclesia, & maxime, si posteaquam didicerint adversum memoratos prolatam fuisse sententiam, eisdem communicare tentaverint.

*De his, qui se à Ministerio Ecclesiastico subtrahunt, & seorsum colligunt.*

## CAP. V.

Si quis Presbyter, aut Diaconus Episcopum proprium contemnens, se ab Ecclesia sequestravit, & seorsum colligens altare constituit, & commonenti Episcopo non acquieverit, nec consentire, vel obedire voluerit semel & iterum convocanti, (q) hic damnetur (r) omni modo, nec ultra remedium consequatur, quia suam recipere non potest dignitatem. Quod si Ecclesiam conturbare, & sollicitare persistat, tanquam seditiosus per potestates externas opprimatur.

*De Clericis excommunicatis & Laicis.*

## CAP. VI.

Si quis à proprio Episcopo communione privatus est, non ante suscipiatur ab aliis, quam suo reconcilietur Episcopo, aut certè ad Synodum, quæ congregatur, occurrens, pro se satisfaciatur, & persuadens Concilio sententiam suscipiat alteram. Hæc autem definitio maneat circa Laicos, & Presbyteros, & Diaconos, omnesque, qui sub regula esse monstrantur.

*De peregrinorum susceptione.*

## CAP. VII.

Nullus peregrinorum sine pacificeis,

id

(o) vel abest in 3. Codic.

[p] & legunt Cod. 1. 2.

[q] convocati Cod. 1. & 2.

(r) damnatur Cod. 1. & 2.



id est, commendatitiis suscipiatur Epistolis.

*De pacificis peregrinorum, id est, commendatitiis Literis. CAP. VIII.*

Presbyteri, qui sunt in agris, Canonicas Epistolas dare non possunt: ad solos tantum vicinos Episcopos literas destinabunt. Corepiscopi autem, qui sunt inreprehensibiles, dare possunt pacificas, id est, generales Epistolas.

*De Metropolitanis singularum Provinciarum.*

#### CAP. IX.

Per singulas Regiones Episcopos convenit nosse, Metropolitanum Episcopum sollicitudinem totius Provinciæ gerere; propter quod ad Metropolim omnes undique, qui negotia videntur habere, concurrunt. (s) Unde placuit eum & honore præcellere, & nihil amplius præter eum cæteros Episcopos agere; secundum antiquam à Patribus nostris regulam constitutam: nisi ea tantum, quæ ad suam Diocesim pertinent, possessionesque subjectas. Unusquisque etiam (t) Episcopus habeat suæ parochiæ potestatem, ut regat juxta reverentiam singulis competentem & providentiam gerat omnis possessionis, (u) quæ sub ejus est potestate, ita, ut presbyteros, & Diaconos ordinet, & singula suo judicio comprehendat. Amplius autem nihil agere tentet, præter antistitem Metropolitanum, nec Metropolitanus sine cæterorum gerat consilio Sacerdotum.

*De his, qui vocantur Corepiscopi.*

#### CAP. X.

Qui in vicis, vel possessionibus Corepiscopi nominantur, quamvis manus impositionem Episcoporum perceperint, & ut Episcopi consecrati sunt, tamen Sanctæ Synodo placuit, ut modum proprium recognoscant, ut (x) gubernent subjectas sibi Ecclesias, earumque moderamine, curaque contenti sint, ordinent etiam Lectores, & Subdiaconos, atque Exorcistas; quibus promotiones istæ sufficiant. Nec presbyterum verò, nec Diaconum audeant ordinare præter Civitatis Episcopum, cui ipse cum possessione subjectus est. Si quis autem transgredi statuta tentaverit,

depositus, quo utebatur, honore privetur. Corepiscopum verò civitatis Episcopus ordinet, cui ille subjectus est.

*De Episcopis & Clericis adeuntibus Imperatorem. CAP. XI.*

Siquis Episcopus, aut Presbyter, aut quilibet regulæ subjectus Ecclesiæ, præter consilium, & literas Episcoporum provinciæ, & præcipuè Metropolitanæ, adierit Imperatorem, hunc reprobari, & abjici oportere, non solum à communione, verum & ab honore, cujus particeps videtur existere. Quia venerandi Principis auribus molestiam tentavit inferre, contra Leges Ecclesiæ. Si igitur adire principem necessaria causa deposcit, hoc agatur cum tractatu & consilio Metropolitanæ, & cæterorum Episcoporum, qui in eadem provincia commorantur, qui etiam proficiscentem suis prosequantur epistolis.

*De damnatis Episcopis, aut Clericis (y) adeuntibus Imperatorem. CAP. XII.*

Siquis à proprio Episcopo Presbyter, aut Diaconus, aut à Synodo fuerit Episcopus fortè damnatus, & Imperatoris auribus molestus extiterit: oporteat (z) ad majus Episcoporum converti consilium, & quæ putaverint habere iusta, plurimis Episcopis suggerant, eorumque discussiones ac judicia præstolentur. Si verò hæc parvipendentes molesti fuerint Imperatori, hos nullâ veniâ dignos esse, nec locum satisfactionis habere, nec spem futuræ restitutionis penitus opperiri dijudicamus.

*De his, qui, cum sunt ex alia Provincia, in aliis audent ordinationes efficere.*

#### CAP. XIII.

Nullus Episcopus ex alia provincia audeat ad aliam transgredi, & ad promotionem ministerii aliquos in Ecclesiis ordinare, licet consensum videantur præbere nonnulli: nisi literis tam Metropolitanæ, quam cæterorum, qui cum eo sunt, Episcoporum, rogatus adveniat, & sic ad actionem ordinationis accedat. Si verò nullo vocante, inordinato more deproperet super aliquibus ordinationibus, & Ecclesiasticis negotiis ad eum non pertinentibus, componendis: irrita quidem, quæ ab eo geruntur, existant, ipse verò incom-

(s) concurrant Cod. 1. 2. 3.

(t) enim Cod. 1. 3.

(u) omnes possessiones Cod. 1. & 2.

(x) & pro ut Cod. 1. 2. 3.

(y) & additur in Cod. 1. 2. 3.

(z) oportet Cod. 1. 2. 3.

(a) dijudicamus abest à Cod. 1. 2. 3.

incompositi motus sui, & irrationabilis audaciæ fubeat ultionem, ex hoc jam damnatus à sancto Concilio.

*De diffensione, quæ super Episcoporum disjudicatione contigit, appellantium provinciales antistites.* CAP. XIV.

Siquis Episcopus de certis criminibus judicetur, & contingat de eo comprovinciales Episcopos dissidere: cum judicatus ab aliis innocens creditur, reus ab aliis æstimatur; pro totius hujus (b) ambiguitatis absolutione sanctæ Synodo placuit, ut Metropolitanus Episcopus à vicina provincia judices alios convocet, qui controversiam tollant, ut (c) per eos simul, & per comprovinciales Episcopos, quod iustum visum fuerit, approbetur.

*De Episcopis ab ejusdem Provinciæ Sacerdotibus consonanter exclusis.* CAP. XV.

Siquis Episcopus de certis criminibus accusatus contemnatur (d) ab omnibus Episcopis ejusdem provinciæ, cunctique consonanter eandem contra eum formam decreti protulerint, hunc apud alios nullo modo judicari, sed firram concordantium Episcoporum provinciæ manere sententiam.

*De vacantibus Episcopis.* CAP. XVI.

Si quis Episcopus vacans in Ecclesiam vacantem proficiat, sedemque pervadat absque integro perfectoque Concilio, hic abjiciatur, necesse est, etsi cunctus populus, quem diripuit, eum habere delegerit. Perfectum verò Concilium illud est, ubi interfuit Metropolitanus antistes.

*De his, qui, cum ad Episcopatum vocantur, (e) evitant.* CAP. XVII.

Si quis Episcopus permanens impositionem Episcopatum acceperit, & præesse populo constitutus Ministerium subire neglexerit, nec adqueverit ire ad Ecclesiam sibi commissam; hunc oportet communione privari, donec susceperit coactus officium, aut certe de eo aliquid integra decreverit ejusdem Provinciæ Synodus Sacerdotum.

*De his, qui promoventur ad Episcopatum, nec recipiuntur.* CAP. XVIII.

Si quis Episcopus ordinatus ad parochiam minimè, cui est electus, accesserit, non suo vitio, sed quòd eum aut populus vitet, aut propter aliam causam, non tamen ejus vitio perpetrata: hic & honoris sit, & ministerii particeps, dummodo nil molestus Ecclesiæ rebus existat, ubi ministrare cognoscitur. Quem etiam observare conveniet, quicquid Synodus perfecta Provinciæ, quod visum fuerit, judicando decreverit.

*De Episcopis in Provinciis ordinationibus.* CAP. XIX.

Episcopus præter Synodum & præsentiam Metropolitanam nullatenus ordinetur. Hoc autem modis omnibus coram posito melius quidem est, ut omnes simul adsint ejusdem Provinciæ Sacerdotes, quos Metropolitanus Episcopus advocare debebit. Et siquidem omnes occurrerint, optimè; quod si hoc difficile fuerit, saltem plures adesse omnimodo convenit, aut certè scriptis ejusdem sententiæ comprobari, & ita sub plurimorum vel præsentia, vel decreto ordinatio celebretur. Quòd si secus contra definita factum fuerit, nullas ordinationis vires habeat: si verò juxta definitam regulam fiat, & nonnulli pro contentione propriâ contradicant, obtineat sententia plurimorum.

*De Synodis, quæ debent ab Episcopis suis temporibus in Provincia celebrari.* CAP. XX.

Propter utilitates Ecclesiasticas, & absolutiones earum rerum, quæ dubitationem, controversiamque recipiunt, optimè placuit, ut per singulas quasque Provincias bis in anno Episcoporum Concilia celebrentur. Semel quidem post tertiam Septimanam festi Paschalis, ita ut quartâ septimanâ Pentecostes conveniat Synodus, Metropolitanis Provinciales Episcopos ammonente. Secunda verò Synodus fiat idus Octobris, id est, quinto decimo die mensis Octobris, quem Hyperberetæon Græci cognominant. In ipsis autem Conciliis adsint presbyteri, & Diaconi: & omnes, qui se læsos existimant, & Synodi experiantur examen. (f) Nullis verò liceat apud se celebrare Concilia, præter eos, quibus à Metropolitanis (g) videntur esse commissâ.

Ut

(b) propter hujus Cod. 3. (c) & Cod. 1. 2. 3. (d) condemnatur Cod. 1. 2. 3.

(e) convocantur Cod. 1. 2. 3. (f) examine Cod. 1. 2.

[g] Metropolitana jura. Loco; à Metropolitanis Cod. 1. 2. & 3.



*Ut nullo modo de parochia ad aliam parochiam Episcopus transeat. CAP. XXI.*

Episcopus ab alia parochia nequam migrat ad aliam, nec sponte sua prorsus insiliens, nec vi coactus à populis, nec ab Episcopo (*b*) necessitate compulsus: maneat autem in Ecclesia, quam primitus à Deo sortitus est; nec inde transmigret, secundum pristinum de hac re terminum constitutum.

*Ut in altera parochia Clericos alterius parochie Episcopus nullatenus ordinet.*

CAP. XXII.

Episcopus alienam Civitatem, quæ non est illi subiecta, non adeat, nec ad professionem accedat, quæ ad eum non pertinet, super ordinationem cuiusquam, nec constituat presbyteros, aut diaconos alteri subiectos Episcopo, nisi forte cum consilio, & voluntate regionis Episcopi. Si quis autem tale aliquid facere tentaverit, irrita sit ejus ordinatio, & ipse coerceatur à Synodo, nam si ordinare non potuerit, nullatenus judicabit. (*i*)

*Ut nullum ad Episcopatum pro se constituat promovendum. CAP. XXIII.*

Episcopo non licere pro se alterum successorem sibi constituere, licet ad exitum vitæ perveniat; quod si tale aliquid factum fuerit, irritum esse hujuscemodi, est (*k*) constitutum. Servetur autem jus Ecclesiasticum, id continens, oportere non aliter fieri, nisi cum Synodo, & Judicio Episcoporum, qui post obitum quiescentis potestatem habent, eum, qui dignus extiterit, promovere.

*De rebus ad Ecclesiam pertinentibus, & de his, quæ propria Episcopi esse noscuntur.*

CAP. XXIV.

Quæ sunt Ecclesiæ, sub omni sollicitudine & conscientia bonâ, & fide, quæ in Deum est, qui cuncta considerat, judicaturque, servantur, quæ etiam dispensanda sunt iudicio, & potestate Pontificis, cui commissus est populus, & animæ, quæ intra Ecclesiam congregantur. Manifesta verò sint, quæ pertinere videntur ad Ecclesiam (*l*) cum notitia presbyterorum, & Diaconorum, quæ (*m*) circa ipsum sunt: ita ut agnoscant, nec

ignorent, quæ sint Ecclesiæ propria, nec eos aliquid lateat. Ut si contigerit, Episcopum migrare de sæculo, certis existentibus rebus, quæ sunt Ecclesiæ, nec ipsæ collapsæ depereant, nec, quæ propria probantur Episcopi, sub occasione rerum pervadantur Ecclesiæ. Justum namque & acceptum est coram Deo, & hominibus, ut sua Episcopus, quibus voluerit, derelinquat, & quæ Ecclesiæ sunt, eidem conserventur Ecclesiæ, ut nec Ecclesia aliquid patiat incommo- dum, nec Episcopus sub occasione proscrubatur Ecclesiæ, & in causas incidant, qui ad eam pertinent, & ipse post obitum maledictionibus ingravetur.

*Ut Episcopus dispensandi res Ecclesiasticas habeat potestatem. CAP. XXV.*

Episcopus Ecclesiasticarum rerum habeat potestatem, ad dispensandum erga omnes, qui indigent, summâ reverentiâ, & timore Dei. Participet autem & ipse, quibus indiget, si tamen indiget, tam suis, quàm fratrum, qui ab eo suscipiuntur, necessariis usibus profuturis. Ità, ut in nullo qualibet occasione fraudentur, juxta sanctum Apostolum sic dicentem: Habentes victum, & tegumentum, his contenti sumus. Quod si contentus istis minimè fuerit, convertat autem res Ecclesiæ in suos usus domesticos, & ejus commoda, vel agrorum fructus, non cum presbyterorum conscientia Diaconorumque pertractet, sed horum potestatem domesticis suis, aut propinquis, aut fratribus, filiisque committat, ut per hujusmodi personas occultè ceteræ lædantur Ecclesiæ; Synodo Provinciæ poenas iste persolvat. Si autem & aliter accusetur Episcopus, aut presbyteri, qui cum ipso sunt, quod ea, quæ pertinent ad Ecclesiam, vel ex agris, vel ex alia qualibet Ecclesiasticâ facultate, sibi met usurpent, ita ut ex hoc affligantur quidem pauperes, criminationi verò, & blasphemii tam sermo predicationis, quàm hi, qui dispensant, taliter exponantur; & hos oportet corrigi, Sanctâ Synodo, id quod condecet, approbante.

E T

(b) Episcopis Cod. 1. 2. 3.

(i) judicavit Cod. 1. 2.

(k) est absit à Cod. 1. 2. 3.

(l) Ecclesia Cod. 1. 2. 3.

(m) qui Cod. 1. 2. 3.

ET SUBSCRIPSERUNT XXX. EPISCOPI, QUI IN EODEM  
CONCILIO CONVENERUNT.

|                                         |                 |            |           |
|-----------------------------------------|-----------------|------------|-----------|
| Eusebius                                | Palæstinenfis   | Bassus     | Moyfes    |
| Theodorus                               | Isaurienfis     | Mocimus    | Jacobus   |
| Igapius                                 | Arabienfis      | Macedonius | Magnus    |
| Narcissus                               | Cœles-Syriæ     | Quirion    | Anatolius |
| Paulus Tergundici, aliis Torgundimancos |                 | Nicetas    | Siricus   |
| Theodorus Manços, aliis Manicos.        |                 | Alexander  | Petrus    |
| Theodorus                               | Mesopotamienfis | Hefychius  | Aetherius |
| Antiochus                               | Phanicensis     | Petrus     | Agapius   |
| Alfias                                  | Ciliciensis     | Theodorus  | Aemus.    |
|                                         |                 | Archelaus  |           |

TITULI CANONUM CONCILII  
APUD LAODICEAM (a) PHRYGIÆ  
CONGREGATI.  
N U M E R O L I X.

- I. De Bigamis.
- II. De his, qui pro diversis erratis penitentiam ferventiùs exegerunt.
- III. Quod non oporteat ad Clerum statim post baptismum promoveri.
- IV. De tempore ordinationum.
- V. Ut hi, qui sacrario serviunt, usuras non exigant.
- VI. De hæreticis intrantibus in Ecclesias, vel Basilicas Martyrum.
- VII. De his, qui ad Ecclesias ab hæreticis veniunt.
- VIII. De his, qui veniunt ab hæresi Catharygarum.
- IX. De his, qui ad hæreticorum speluncas causâ orationis accedunt.
- X. De his, qui cum hæreticis nuptiarum copulâ junguntur.
- XI. Non congruere Presbyteras in mulieribus ordinare.
- XII. De Episcopilibus ordinationibus.
- XIII. Judicio multitudinis ordinationes fieri non debere.
- XIV. Ad alias Parochias, eulogias, quæ oblatæ sunt, minimè destinandas.
- XV. De his, qui debent in ambone, id est, in pulpito psallere.
- XVI. De Lectionibus, quæ debent Sabbatis recenseri.
- XVII. Quod interstitium Psalmorum debeat in congregationibus fieri.
- XVIII. De precibus nonâ et vespere celebrandis.
- XIX. De precibus post omilias, id est, post

sermone habitos ad populum, proferendis, et de his, quos intra sacrarium communicare conveniat.

XX. De honore, quem Presbyteris Diaconi, qui sub ipsis sunt, debeant exhibere.

XXI. Quod Subdiaconi à Diaconico, id est, à Secretario, sint remoti.

XXII. Subdiaconos cum orariis adfistere non debere.

XXIII. Lectores, cantoresque cum orariis agere suum officium non debere.

XXIV. Quod nullus Ecclesiasticorum in tabernis comedere debeat.

XXV. Quod Subdiaconi non debeant benedicere, vel benedictionem tribuere.

XXVI. De Exorcistis, qui non sunt sub Episcopis ordinati.

XXVII. Quod de conviviiis, quæ ex Agape sunt, escarum partes accipi non debeant.

XXVIII. In Ecclesiis prandia fieri non debere.

XXIX. De Christianis, qui sabbatizare, vel juxta quendam modum judaizare nocentur.

XXX. De viris, cum mulieribus lavacra celebrantibus.

XXXI. De his, qui hæreticis jungunt fœdera nuptiarum.

XXXII. Ab hæreticis eulogias accipere non debere.

XXXIII. De Schismaticis.

XXXIV. De Martyribus hæreticorum.

XXXV. De his, qui Angelos colunt.

XXXVI. De his, qui incantationibus, et phylacteriis utuntur.

X

XXXVI.

(a) BINIUS Tomo I. Conciliorum Canones Laodiceos Græcos edidit cum triplici latina interpretatione, Dionysii exiguï, Ilidori peccatoris, & Gentiani Hervei, demum etuditas Notæ adjecit.



XXXVII. De his, qui ab Hæreticis vel Judæis festivitatis eorum dona suscipiunt.

XXXVIII. De Christianis, qui Judæorum azyma comedunt.

XXXIX. De Christianis celebrantibus festa gentilium.

XL. De Episcopis, qui eas, quæ sunt evocationes ad Synodum, vitant.

XLI. Quod sine literis sacro ministerio servientes proficisci non debeant.

XLII. Quod præter Episcopum Clericus proficisci non debeat.

XLIII. Ut Subdiaconi ad ostia perseverent.

XLIV. Ut ad Sacrarium mulieres non introeant.

XLV. De his, qui circa mediam septimanam ad baptismum veniunt.

XLVI. De redditione baptizandorum.

XLVII. De his, qui in ægritudine baptizantur.

XLVIII. Ut post baptismum Chrisma detur.

XLIX. Oblationes offerri in Quadragesima non oportere.

L. Non debere jejunium solvi in quinta feria majoris septimanæ.

LI. Non debere in diebus jejuniorum commemorationes Martyrum fieri.

LII. Ut natalitia, vel nuptiæ in quadragesima non fiant.

LIII. Ut in Christianorum non saltetur nuptiis.

LIV. Non licere Clericis ludicris spectaculis interesse.

LV. Non congruere penitus Christianis, comensationibus interesse.

LVI. Non licere Presbyteris introire ad altare, priusquam ingrediatur Episcopus.

LVII. Qui in agris, vel possessionibus debeant ordinari.

LVIII. Oblationes offerri in domibus non oportere.

LIX. Quæ psallere, vel legere in Ecclesiis conveniat.

## INCIPIT TEXTUS CANONUM CONCILII

LAODICENSIS, (a) EXPOSITÆ APUD LAODICEAM

PHRYGIÆ. NUMERO LIX.

**S**ANCTA Synodus, quæ apud Laodiceam Phrygiæ Pacatianæ convenit ex diversis regionibus Asiæ, definitiones exposuit Ecclesiasticas, quæ subter annexæ sunt.

*De bigamis. CAP. I.*

**D**E his, qui secundum Ecclesiasticam Regulam liberè, ac legitime secundis nuptiis juncti sunt, nec occultè nuptiarum copulam fecerunt, oportet, ut parvo tempore transacto vacent orationibus, & jejniis, quibus etiam juxta indulgentiam communionem reddi decrevimus.

*De his, qui pro diversis erratis penitentiam ferventiùs exegerunt. CAP. II.*

De his, qui diversis facinoribus peccaverunt, & perseverantes in oratione confessionis & penitentiae, conversionem à malis habere perfectam pro qualitate delicti, talibus penitentiae tempus impensum propter clementiam, & bonitatem Dei communio concedatur.

*Quod non oporteat ad Clerum statim post Baptismum promoveri. CAP. III.*

De his, qui nuper sunt inluminati Baptismate, quod eos in Sacerdotali non conveniat ordine promoveri.

*De tempore ordinationum. CAP. IV.*

Quod non oporteat ordinationes sub conspectu audientium celebrari.

*Ut hi, qui Sacrario serviunt, usuras non exigant. CAP. V.*

Quod non oporteat Sacerdotes, & Clericos scenerantes usuras, vel quæ dicuntur sescupla id est, summam capitis, & dimidium summæ percipere.

*De hæreticis intrantibus Ecclesias, vel Basilicas martyrum. CAP. VI.*

Quod hæretici non permittendi sint ingredi in domum Dei, in hæresi permanentes.

*De his, qui ad Ecclesias ab hæreticis veniunt. CAP. VII.*

De his, qui ab hæreticis convertuntur,

(a) Laodiceam Synodum in Phrygia Pacatiana Anno Christi CCCLXIII. celebratam fuisse contra Petrum de Marca statuit Pagi in Critica ad A. C. 314. Nro XXV.

Equidem ea Synodus ab hæreticis Episcopis coacta. Canones LIX. circa disciplinam Cleri condidit, qui Canones faciunt partem Codicis veteris Ecclesiæ ab Hadriano dati Carolo Magno; & hæc Ecclesia acceptatio tribuit auctoritatem his Canonibus. Ita Pagi contra Baronium Loc. cit.

tur, id est, Novatianis, aut Photinianis, aut Teflare(c)decaticis, sive Baptizati sint illi, seu Catechumeni; non ante suscipiantur, quam omnes hæreses anathematizent & præcipuè illam, quæ detinebantur. Et tunc demum hi, qui apud eos dicebantur, fideles, nostræ doceantur fidei symbolum, & uncti Sancto chrismate, sic mysteriis communicent Sacrosanctis.

*De his, qui veniunt ab hæresi Cataphrygarum.*

## CAP. VIII.

De his, qui convertuntur ab hæresi, quæ dicitur Cataphrygarum, etsi in Clero, qui apud eos esse creditur, fuerint, etsi maximè nominentur; hos sub omni diligentia ab Episcopis Ecclesiæ, vel presbyteris, instrui & baptizari conveniet.

*De his, qui ad hæreticorum speluncas causâ orationis accedunt.* CAP. IX.

Quod non permittantur Ecclesiastici ad hæreticorum cœmeteria, vel ad ea, quæ ab eis appellantur martyria orationis causâ, vel sanitatis accedere: sed huiusmodi, si fideles fuerint, certo tempore communione privari: poenitentes autem & confitentes se deliquisse, convenit suscipi.

*De his, qui cum hæreticis nuptiarum copula junguntur.* CAP. X.

Quod non oporteat indifferenter Ecclesiasticos federe nuptiarum hæreticis suos filios, filiasque conjungere.

*Non congruere Presbyteras in mulieribus ordinare.* CAP. XI.

Quod non oporteat eas, quæ dicuntur presbyteræ, vel (a) præsentēs, (b) Ecclesiis ordinari.

*De Episcopalibus ordinationibus.*

## CAP. XII.

Ut Episcopi, iudicio Metropolitanorum, & eorum Episcoporum, qui circumcirca sunt, provehantur ad Ecclesiasticam potestatem: hi videlicet, qui plurimo tempore probantur tam verbo fidei, quam rectæ conversationis exemplo.

*Judicio multitudinis ordinationes fieri non debere.* CAP. XIII.

Quod non sit permittendum turbis electiones eorum facere, qui sunt ad Sacerdotium provehendi.

X 2

*Ad alias Parochias, Eulogias, quæ oblatae sunt, minimè destinandas.*

## CAP. XIV.

Quod Sancta nullo modo causâ Eulogiarum tempore paschalis festi ad alias parochias debeant destinare.

*De his, qui debeant in ambone, id est, in pulpito psallere.* CAP. XV.

Quod non oporteat amplius præter eos, qui regulariter cantores existunt, qui & de codice canunt, alios in pulpitu ascendere, & in Ecclesia psallere.

*De lectionibus, quæ debeant sabbatis recenser.*

## CAP. XVI.

Quod in Sabbatis Evangelia cum aliis scriptis legi conveniat.

*Quod interstitium Psalmorum debeat in Congregationibus fieri.* CAP. XVII.

Quod in conventu fidelium nequam psalmos continuare conveniat, sed per intervallum, id est, per psalmos singulos recenser debeant lectiones.

*De precibus nonâ & vespere celebrandis.*

## CAP. XVIII.

Quod id ipsum semper officium precum nonâ & vespere semper debeat exhiberi.

*De precibus post omelias, id est, post sermones habitos ad populum, proferendis, & de his, quos intra Sacrarium communicare conveniat.*

## CAP. XIX.

Quod oporteat seorsum primum, post allocutiones Episcoporum, orationem super Catechumenos celebrari, & postquam Catechumeni egressi fuerint, super eos, qui sunt in poenitentia, precem fieri. His etiam accedentibus ad manum Sacerdotis, & descendentibus, tres orationes (c) consummari fidelium; ita ut prima quidem sub silentio, secunda verò, & tertia per exclamationes solitas expleantur, & ita demum pacem sibi invicem dabunt. Et posteaquam dederit Episcopus presbyteris osculum pacis, tunc Laici sibi tribuent. Et ita Sancta celebrabitur oblatio, solis autem ministerio sacro deditis ad altare ingredi & communicare ibidem liceat.

De

(a) præsentēs Cod. 1.

(b) in Cod. 1.

(c) orationibus Cod. 1.



*De honore, quem Presbyteris Diaconi, qui sub ipsis sunt, debent exhibere.*

## CAP. XX.

Quod non oporteat Diaconum coram Presbytero sedere, sed iussione Presbyteri sedeat. Similiter autem & Diaconis honor habeatur ab obsequentibus, id est, Subdiaconis, & omnibus Clericis.

*Quod Subdiaconi à Diaconico, id est, à secretario, sint remoti.* CAP. XXI.

Quod non oporteat Subdiaconos habere locum in Diaconico, & dominica vasa contingere.

*Subdiaconos cum orariis adfistere non debere.*

## CAP. XXII.

Quod non oporteat Subdiaconum uti orario, nec ostia derelinquere.

*Lectores, cantoresque cum orariis, agere suum officium non debere.*

## CAP. XXIII.

Quod non, oporteat Lectores, aut Cantores orariis uti, & ita legere, vel psallere.

*Quod nullus Ecclesiasticorum in tabernis comedere debeat.* CAP. XXIV.

Quod non oporteat Sacro Ministerio deditos à Presbyteris usque ad Diaconos, & reliquum Ecclesiasticum ordinem, id est, usque ad Subdiaconos, Lectores, Cantores, Exorcistas & Ostiarios, & ex numero continentium & monachorum ingredi tabernas.

*Quod Subdiaconi non debeant benedicere, vel benedictionem tribuere.* CAP. XXV.

Quod non oporteat Subdiaconos panem dare, vel Calicem benedicere.

*De Exorcistis, qui non sunt ab Episcopis ordinati.* CAP. XXVI.

Quod hi, qui non sunt ab Episcopis ordinati, tam in Ecclesiis, quam in domibus, exorcizare non possunt.

*Quod de conviviis, quæ ex agape sunt, escarum partes accipi non debeant.*

## CAP. XXVII.

Quod non oporteat Sacro Ministerio deditos Clericos, aut Laicos, ad agapen vocatos, ciborum partes accipere: propterea, quod hinc Ecclesiastico ordini fiat injuria.

*In Ecclesiis prandia fieri non debere.*

## CAP. XXVIII.

Quod non oporteat in domiciliis Divinis, id est, in Ecclesiis convivia, quæ vocantur agapæ, fieri: nec intra domum Dei comedere, vel accubitus sternere.

*De Christianis, qui sabbatizare, vel juxta quendam modum judaizare noscuntur.*

## CAP. XXIX.

Quod non oporteat Christianos judaizare, & ociari in Sabbato, sed operari eos in eodem die. Preferentes autem in veneratione Dominicum diem, si vacare voluerint, ut Christiani hoc faciant. Quod si reperti fuerint judaizare: anathema sint à Christo.

*De viris cum mulieribus lavacra celebrantibus.*

## CAP. XXX.

Quod non oporteat sacris officiis deditos, aut Clericos, aut continentes, vel omnem laicum Christianum lavacra cum mulieribus celebrare, quia hæc apud gentes reprehensio prima est.

*De his, qui hæreticis jungunt fœdera nuptiarum.* CAP. XXXI.

Quod non oporteat cum hæreticis universis nuptiarum fœdera celebrare, nec eis filios dare, vel filias, sed magis accipere: si tamen Christianos se fieri promittant.

*Ab hæreticis eulogias accipere non debere.*

## CAP. XXXII.

Quod non oporteat ab hæreticis eulogias accipere, quæ sunt maledictiones potius, quam benedictiones.

*De Schismaticis.* CAP. XXXIII.

Quod non oporteat cum hæreticis, aut schismaticis pariter orare.

*De Martyribus Hæreticorum.*

## CAP. XXXIV.

Quod omnem Christianum non oporteat deserere Martyres Christi, & ire ad pseudo-martyres, id est hæreticorum, & quos ipsos confiteri hæreticos extitisse: hi namque sunt alienati à Deo. Sint igitur anathema, qui ad tales accesserint.

*De his, qui Angelos colunt.*

## CAP. XXXV.

Quod non oporteat Christianos Ecclesiam Dei relinquare, & ire, atque Angelos nominare, & congregationes face-

re; quæ interdicta noscuntur. Siquis igitur inventus fuerit huic occultæ idolatriæ serviens, sit anathema, quia derelinquit Dominum nostrum JESUM CHRISTUM, Filium Dei, & se idolatriæ tradidit.

*De his, qui incantationibus, & phylacteriis utuntur.* CAP. XXXVI.

Quod non oporteat sacris officiis de-  
ditos, vel Clericos, magos, aut incanta-  
tores existere, aut facere phylacteria;  
quæ animarum suarum vincula compro-  
bantur. Eos autem, qui his utuntur,  
ab Ecclesia pelli præcipimus.

*De his, qui ab Hæreticis, vel Judæis festi-  
vitatibus eorum dona suscipiunt.*

CAP. XXXVII.

Quod non oporteat à Judæis vel  
Hæreticis ea, quæ mittuntur munera fe-  
stiva, suscipere, nec cum eis festa celebrare.

*De Christianis, qui Judæorum azyma come-  
dunt.* CAP. XXXVIII.

Quod non oporteat azyma à Judæis  
accipere, & communicare impietatibus  
eorum.

*De Christianis celebrantibus festa gentilium.*

CAP. XXXIX.

Quod non oporteat cum gentilibus  
festa celebrare, & communicare pravita-  
tibus eorum, qui sine Deo sunt.

*De Episcopis, qui eas, quæ fiunt, evocationes  
ad Synodum vitant.* CAP. XL.

Quod non oporteat Episcopos, ad  
Synodum vocatos, omnino contemnere,  
sed protinus ire & docere, vel discere  
ea, quæ ad correctionem Ecclesiæ, vel  
reliquarum pertinent rerum. Seipsum  
verò, qui contempserit, accusavit; nisi  
forè per ægritudinem ire non possit.

*Quod sine literis Sacro Ministerio servientes  
proficisci non debeant.* CAP. XLI.

Quod non oporteat Sacerdotem, vel  
Clericum sine literis proficisci canonicis.

*Quod præter Episcopum Clericus proficisci  
non debeat.* CAP. XLII.

Quod non oporteat Sacerdotem,  
vel Clericum præter iussione[m] sui pro-  
ficisci Pontificis.

*Ut Subdiaconi ad officia perseverent.*

CAP. XLIII.

Quod non oporteat Subdiaconos

X 3

(d) verant Cod. 1.

(e) nisi in Cod. 1.

saltem paululum, januas deferere, &  
orationi vacare.

*Ut ad Sacrarium mulieres non introeant.*

CAP. XLIV.

Quod non oporteat ingredi mulie-  
res ad altare.

*De his, qui circa mediam septimanam ad  
baptisma veniunt.* CAP. XLV.

Quod non oporteat ad baptisma  
quenquam post duas quadragesimæ heb-  
domadas admitti.

*De redditione baptizandorum.*

CAP. XLVI.

Quod oporteat eos, qui ad baptis-  
ma veniunt, fidem discere, & quintâ  
feriâ septimanæ majoris Episcopo, aut  
presbyteris reddere.

*De his, qui in ægritudine baptizantur.*

CAP. XLVII.

Quod oporteat eos, qui in ægritu-  
dine percipiunt baptisma, postquam  
convalescerint, fidem perdiscere, & sci-  
re, cujus muneris participes facti sint.

*Ut post baptisma Chrisma detur.*

CAP. XLVIII.

Quod oporteat eos, qui baptizan-  
tur, post lavacrum Chrisma cœleste per-  
cipere, & regni Christi participes inve-  
niri.

*Oblationes offerri in quadragesima non oportet.*  
CAP. XLIX.

Quod non oporteat in quadragesi-  
ma panem benedictionis offerri in Sab-  
bato, & Dominico.

*Non debere jejunium solvi in quintâ feriâ ma-  
joris septimane.* CAP. L.

Quod non oporteat in quadragesi-  
ma, in ultima septimana, quintæ feriæ  
jejunium solvere, totâque quadrage-  
simam sine veneratione transire, magis  
que conveniat omnem quadragesimam  
districto venerari jejuniu[m].

*Non debere in diebus juniorum commemora-  
nes martyrum fieri.* CAP. LI.

Quod non oporteat in quadragesi-  
ma Martyrum natalitia celebrari, sed  
eorum sancta commemoratio in diebus  
Sabbatorum & Dominicorum fieri con-  
veniat.

U



*Ut natalitia vel nuptiæ in quadragesima non  
sint.* CAP. LII.

Quod non oporteat in quadragesima aut nuptias, aut natalitia celebrari.

*Ut in Christianorum non saltetur nuptiis.*

CAP. LIII.

Quod non oporteat Christianos, euntes ad nuptias plaudere, vel saltare, sed venerabiliter cœnare, vel prandere, sicut Christianos decet.

*Non licere Clericis ludicris spectaculis interesse.*

CAP. LIV.

Quod non oporteat Sacerdotes, aut Clericos, quibuscunque spectaculis in cœnis, aut in nuptiis interesse; sed antequam thymelici ingrediantur, exurgere eos convenit, atque inde discedere.

*Non congruere penitus Christianis, commissationibus interesse.* CAP. LV.

Quod non oporteat Sacerdotes, aut Clericos ex collatis, vel commissationibus convivia celebrare, hoc autem nec laicis posse congruere.

*Non licere Presbyteris introire ad altare, priusquam ingrediatur Episcopus.*

CAP. LVI.

Quod non oporteat Presbyteros ante profectionem Episcopi introire Sacrarium, & sedere, sed cum Episcopo debent ingredi, vel in subelliis sedere, nisi forsitan infirmitate detineatur, aut proficiatur Episcopus.

*Qui in agris, vel possessionibus debeant ordinari.*

CAP. LVII.

Quod non oporteat in villulis, aut in agris Episcopos constitui, sed visitatores. Veruntamen jam pridem constituti nihil faciant præter conscientiam Episcopi civitatis, similiter & presbyteri præter consilium Episcopi nihil agant.

*Oblationes offerri in domibus non oportere.*

CAP. LVIII.

Quod non oporteat in domibus oblationes celebrari ab Episcopis, vel presbyteris.

*Quæ psallere, vel legere in Ecclesiis conveniat.*

CAP. LIX.

Quod non oporteat plebeios psalmos in Ecclesia cantare, nec libros præter canonem legi; sed sola Sacra volumina novi testamenti, vel veteris.

EXPLICIUNT CANONES CONCILII LAODICENSIS.

NUMERO LIX.

## INCIPIUNT CANONES CONCILII (a)

APUD CONSTANTINOPOLIM.

NUMERO III.

I. *Ut ea, quæ apud Niceam statuta sunt, immota permaneant, & de anathemate Arianorum, Eunomianorum, Macedonianorum, Sabellianorum, Photinianorum, Marcellianorum, & Appollinariorum.*

II. *De ordine singularum Dioeceseon, & de Privilegiis, quæ Aegyptiis, Antiochenis, Constantinopolitanisque debentur.*

III. *De Maximi illicitâ ordinatione.*

## INCIPIUNT REGULÆ CONSTANTINOPOLITANI CONCILII.

**S**ub Theodosio, piissimo Imperatore, qui in idipsum apud Constantinopolim convenerunt, quando beatus Nectarius Episcopus est ordinatus.

Ut

(a) Hoc Concilium anno CCCLXXXI. mense Majo Constantinopoli sub Theodosio Imp. ex fœlis Orientis Episcopis coactum per se œcumenicum non erat, sed accedente Damasi Papæ & Occidentalium Episcoporum consensu œcumenicum evasit, & ejus Canones in Codicem Ecclesiæ veteris relatæ fuere. *PAGI in Critica ad hunc annum.*

Ut ea, quæ apud Nicæam statuta sunt, immota permaneant, & de anathemate Ariianorum, Eunomianorum, Macedonianorum, Sabellianorum, Photinianorum, Marcellianorum & Apollinarianorum.

## CAP. I.

Fidem non violandam patrum CCC XVIII. qui apud Nicæam Bithyniæ convenerunt, sed manere eam firmam, & stabilem: anathematizandam omnem hæresim & specialiter Eunomianorum, vel Anomianorum, & Ariianorum, vel Eudoxianorum, & Macedonianorum, vel Spiritui Sancto resistentium, & Sabellianorum, & Marcellianorum, & Photinianorum, & Apollinarianorum.

De ordine singulorum Diceceson, & de Privilegiis, quæ Aegyptiis, Antiochenis, Constantinopolitanisque debentur.

## CAP. II.

Qui sunt super dicecesin Episcopi, nequaquam ad Ecclesias, quæ sunt extra præfixos sibi terminos, accedant, nec eas hac præsumptione confundant: sed juxta Canones Alexandrinus Antistes, quæ sunt in Aegypto, regat solummodo, & Orientis Episcopi Orientem tantum gubernent, servatis privilegiis, quæ Nicænis Canonibus Ecclesiæ Antiochenæ tributa sunt. Asiæ quoque diceceseos Episcopi ea solum, quæ sunt in Asiana

dicecesi, dispensent. Nec non & Pontici Episcopi ea tantum, quæ sunt in Ponto, & Thraciarum, quæ in Thraciis sunt, gubernent.

Non vocati autem Episcopi, ultra suam dicecesin non accedant propter ordinationes faciendas, vel propter alias dispensationes Ecclesiasticas. Servatâ verò, quæ scripta est de gubernationibus regulâ, manifestum est, quod illa, quæ sunt per unamquamque provinciam, ipsius provinciæ Synodus dispense, sicut Nicæno constat decretum esse Concilio. Ecclesias autem Dei in barbaricis gentibus constitutas gubernari convenit juxta consuetudinem, quæ est à patribus observata.

Veruntamen Constantinopolitanus Episcopus habeat honoris primatum post Romanum Episcopum, propterea, quod urbs ipsa sit junior Roma.

De Maximi illicitâ ordinatione.

## CAP. III.

De Maximo Cynico, & ejus inordinatâ constitutione, quæ Constantinopoli facta est, placuit, neque Maximum Episcopum esse, vel fuisse, nec eos, qui ab ipso in quolibet gradu Clerici sunt ordinati: cum omnia, quæ ab eo perpetrata sunt, in irritum deducta esse videantur.

EXPOSITIO FIDEI CL. SANCTORUM, QUI CONSTANTINOPOLIM CONGREGATI SUNT. aliàs SYMBO-  
LUM EJUSDEM CONCILII.

Credimus in unum Deum, patrem, omnipotentem factorem cæli & terræ, visibilibus omnium & invisibilium, & in unum Dominum Jesum Christum, Filium Dei, natum ex Patre ante omnia sæcula, Deum verum de Deo vero, natum, non factum, consubstantialem Patri, per quem omnia facta sunt, qui propter nos homines & salutem nostram descendit de cælis, & incarnatus est de Spiritu Sancto, ex Maria Virgine & inhumanatus est, & crucifixus est pro nobis sub pontio Pilato, & sepultus est, & resurrexit tertiâ die, ascendit in cæ-

los, sedet ad dexteram patris, iterum venturus est cum gloria judicare vivos & mortuos, cujus regni non erit finis. Et in Spiritum Sanctum, Dominum, & vivificantem, ex patre procedentem, cum patre & Filio adorandum, & conglorificandum, qui locutus est per Sanctos Prophetas. Et unam Sanctam, Catholicam & Apostolicam Ecclesiam, confitemur unum baptisma in remissionem peccatorum, expectamus resurrectionem mortuorum, vitam futuri sæculi. Amen.

ET SUBSCRIPSERUNT EPISCOPI CL. QUI IN EODEM CONCILIO (b) CONVENERUNT.

Nectarius

Constantinopolitanus

PRO-

(b) Licet neque Papa Damasus, neque ejus Legati huic Concilio adfuerint: attamen sexta Synodus actione XVIII. ab Damaso Papa secundam Constantinopolitanam Synodum confirmatam fuisse affirmat. Idem dicit Photius L. de Synodis.



## PROVINCIAE ÆGYPTI.

|           |              |           |              |
|-----------|--------------|-----------|--------------|
| Timotheus | Alexandrinus | Dorotheus | Oxyrynchites |
|-----------|--------------|-----------|--------------|

## PROVINCIAE PALÆSTINÆ.

|           |                  |            |                  |
|-----------|------------------|------------|------------------|
| Cyrillus  | Hierosolymitanus | Rufus      | Neapolitanus (a) |
| Gelasius  | Cæsariensis      | Ælianus    | Jamniensis       |
| Macer     | Hierichuntinus   | Priscianus | Sebastensis      |
| Dionysius | Diospolitanus    | Auxentius  | Ascalonitanus    |
| Saturnius | Scythopolitanus  |            |                  |

## PROVINCIAE PHOENICES.

|               |                |           |             |
|---------------|----------------|-----------|-------------|
| Zenon         | Tyri           | Paulus    | Sidonienfis |
| Nectabus      | Ptolemaidenfis | Philippus | Damascensis |
| Batrachus (b) | Paneadensis    | Timotheus | Berytius    |
| Basilides     | Biblenfis      | Mocimus   | Aradenfis   |
| Alexander     | Arcundenfis    |           |             |

## PROVINCIAE SYRIÆ COELES.

|                      |                        |          |                                 |
|----------------------|------------------------|----------|---------------------------------|
| Melitus              | Antiochenfis           | Pegasius | Laodicenfis                     |
| Acacius              | Berienfis              | Joannes  | Apamiensis                      |
| Byzus                | Seleucienfis           | Eusebius | Epiphanienfis aliàs Epiphaniae. |
| Martianus            | Seleucopolitanus       |          |                                 |
| Parophilus           | Larissenfis            | Severus  | Partenfis                       |
| Flavianus & Elpidius | Presbyter Antiochenfis |          |                                 |
| Eusebius             | Chalcidenfis           | Dominus  | Gabalenfis                      |
| Basilus              | Rafanenfis             |          |                                 |

## PROVINCIAE ARABIÆ.

|         |            |
|---------|------------|
| Agapius | & Bagadius |
|---------|------------|

## PROVINCIAE BOSTRON.

|          |                  |         |                              |
|----------|------------------|---------|------------------------------|
| Elpidius | Dionysienfis     | Vranus  | Adratenfis aliàs Adranenfis, |
| Chilon   | Constantinienfis | Severus | Neapolitanus                 |

## PROVINCIAE OSDROENÆ.

|          |                                |       |                                     |
|----------|--------------------------------|-------|-------------------------------------|
| Eulogius | Edeffenfis                     | Vitos | Caronenfis aliàs Vitus Carronenfis. |
| Abramus  | Batmonenfis aliàs Bapmonenfis. |       |                                     |

## PROVINCIAE MESOPOTAMIÆ.

|          |            |        |                    |
|----------|------------|--------|--------------------|
| Maras    | Amidenfis  | Bathes | Constantinianenfis |
| Jobianus | Aemarenfis |        |                    |

## PROVINCIAE AUGUSTO EUFRASIÆ.

|           |                                          |         |           |
|-----------|------------------------------------------|---------|-----------|
| Theodotus | Hieropolitanus aliàs Theodorus           |         |           |
| Antiochos | Samofatenfis aliàs Antiochus Samofatenus |         |           |
| Isidorus  | Cyrenfis                                 | Jobinus | Perrenfis |
| Maris     | Dolichenfis                              |         |           |

## PROVINCIAE CILICIÆ.

|              |                                      |            |              |
|--------------|--------------------------------------|------------|--------------|
| Diodorus     | Tarsenfis                            | Cyriacus   | Adonenfis    |
| Hefychius    | Epiphanienfis                        | Germanus   | Corycenfis   |
| Aerius       | Zephyrenfis                          | Olympius   | Pompsuentias |
| Philomusus   | Pompeiopolitanus                     |            |              |
| Philomufes   | Alexandrinus per Alipium Presbyterum |            | Cappadociae. |
| Elladius     | Cæsariensis                          | Gregorius  | Nysenfis     |
| Efericus (c) | Tranenfis                            | Bosphorius | Coloniensis  |
| Olympius     | Parnassensis                         | Gregorius  | Nazianzenus  |

PRO-

(a) Nicopolitanus Cod. 1.

(b) Barachius Cod. 1;

(c) Eferius Cod. 1.

## PROVINCIAE ARMENIAE MINORIS.

|         |                            |               |
|---------|----------------------------|---------------|
| Otreius | Melicinenfis alias Oterius | Meletinensfis |
| Otreius | Arabiffenfis alias Oterius |               |

## PROVINCIAE ISAUURIAE.

|            |                 |                                                      |
|------------|-----------------|------------------------------------------------------|
| Symphosius | Seleucenfis     | Montanus Claudianopolitanus (per Paulum Presbyterum. |
| Philotheus | Irenopolitanus  |                                                      |
| Mufonius   | Celenderitanus  | Hypsiftius alias Ifystius Philadelphius              |
| Theodosius | Antiochenus     | Marinus Dafidandensfis                               |
| Neon       | Selinuncinenfis | Artemius Titipolitanus                               |
| Montanus   | Diocafarienfis  | Eusebius Olbitenfis                                  |

## PROVINCIAE CYPRI.

|         |                          |            |              |
|---------|--------------------------|------------|--------------|
| Julius  | Paphenfis                | Theopompus | Tremithufius |
| Tychon  | Tamafenfis               |            |              |
| Mnemius | Citienfis alias Meminius |            |              |

## PROVINCIAE PAMPHILIAE.

|           |                              |                 |                 |
|-----------|------------------------------|-----------------|-----------------|
| Troilus   | Geonenfis                    | Cajus Lyrbenfis | alias Lymbenfis |
| Longinus  | Colymbranfensfis             | Theodolus       | Corocafienfis   |
| Hefychius | Cantemenfis alias Catamenfis |                 |                 |
| Tuefianus | Caffonenfis                  | Mydus           | Paneminenfis    |
| Heracides | Tychenfis                    | Theodulus       | Sialun          |
| Pammenius | Æriaffenfis                  |                 |                 |

## PROVINCIAE LYCAONIAE.

|              |                               |                                              |                    |
|--------------|-------------------------------|----------------------------------------------|--------------------|
| Amphilotius  | Iconienfis                    | Cyrellus Vmanatenfis                         | alias Humanatenfis |
| Aristophanes | Soparenfis                    | Paulus Luftrenfis, Lauffenfis, lego Lyftren- |                    |
| Inzus        | Corienfis                     | Darius                                       | Miftienfis (fis    |
| Leontius     | Pergenfis                     | Theodosius                                   | Hydenfis           |
| Eufathius    | Cananenfis                    | Daphnus                                      | Derbenfis          |
| Eugenius     | Palanenfis alias Pafalonenfis |                                              |                    |
| Ilvarius     | Iauronenfis                   | Severus                                      | Ambladenfis        |

## PROVINCIAE PISIDIAE.

|            |                                |                         |                                  |
|------------|--------------------------------|-------------------------|----------------------------------|
| Optimus    | Antiochenus                    | Themiftius              | Adrianopolitanus                 |
| Attalus    | Proftamenfis                   |                         |                                  |
| Ananius    | Adadanenfis                    | Fauftus Liminenfis      | alias Limenenfis                 |
| Jonius     | Salagaffenfis                  |                         |                                  |
| Callinicus | Pæmandrenfis                   | Eufathius als Eustadius | Metropolitanus                   |
| Patritius  | Paradagenfis alias Parlagenfis |                         |                                  |
| Lucius     | Neapolitanus                   | Longianus Sozopolitanus | per Simpli-<br>cium Presbyterum, |

|            |                                   |                        |         |
|------------|-----------------------------------|------------------------|---------|
| Tyrannus   | Presbyter Amorii                  | Auxanon Presbyter      | Apamiae |
| Helladius  | Presbyter Comenon                 | alias Cinnanon         |         |
| Theofebius | Philomienfis alias Philomilienfis | per Baffum Presbyterum | Lycia.  |

|             |                             |                       |                   |
|-------------|-----------------------------|-----------------------|-------------------|
| Tacianus    | Myrenfis                    | Pionius               | Comatenfis        |
| Eudemus     | Patarenfis                  | Patritius Enoandenfis | alias Endandenfis |
| Lupicinus   | Dimirenfis                  | Macedon               | Zandolenfis       |
| Romanus     | Bibonenfis alias Bibolenfis |                       |                   |
| Theanthinus | Aroxonenfis alias Thoantius |                       |                   |

## PROVINCIAE PHRYGIAE SALUTARIS.

|       |            |           |             |
|-------|------------|-----------|-------------|
| Vitus | Brimnenfis | Auxamanus | Eucarpiefis |
|-------|------------|-----------|-------------|

## PROVINCIAE PHRYGIAE PACATIANAE.

|           |               |                       |                                         |
|-----------|---------------|-----------------------|-----------------------------------------|
| Nectarius | Appianenfis   | Theodorus Eumenienfis | per Profuturum<br>Presbyterum Caefareæ. |
| Eudocius  | Aphrodifiados | Leontius              | Cibyrenfis                              |



## PROVINCIAE BITHYNIÆ.

|            |                |           |                               |
|------------|----------------|-----------|-------------------------------|
| Eufasius   | Nicomediensis  | Dorotheus | Nicanus <i>aliàs</i> Nichenus |
| Olympius   | Neocæsariensis | Theodulus | Chalcedonenfis                |
| Eustathius | Prusiensis     |           |                               |

## PROVINCIAE PONTI AMASIAE.

Pasiphilus Ibirensis, *aliàs* Pantophilus, *aliàs* Panophilus Ibirensis

## PROVINCIAE MYSIAE.

Martyrius Martiopolitanus

## PROVINCIAE SCYTHIAE.

|             |                                         |
|-------------|-----------------------------------------|
| Gerontius   | Tomenfis                                |
| Aetherius   | Terfonitanus, <i>aliàs</i> Terfonitanus |
| Sebastianus | Antialienfis                            |

## PROVINCIAE SPANIAE.

Agrius Immontinenfis

## PROVINCIAE PONTI POLEMONIACI.

Atarbius per Cylum Lectorem.

EXPLICIT CANON CONCILII CONSTANTINOPOLITANI.

# INCIPIT CANON SANCTI EPHESI-

## NI (a) PRIMI CONCILII CC. EPISCOPORUM,

## HABITI CONTRA NESTORIUM, CONSTANTINOPOLITANUM

Episcopum, qui purum hominem ex Sancta Maria Virgine natum asseruit; ut aliam personam carnis, aliam faceret Deitatis, nec unum Christum in Verbo Dei, & carne sentiret, sed se junctum alterum Filium Dei, alterum hominis prædicaret. Convenit autem hæc Synodus Theodosio juniore XIII. & Valentiniano III. Conf.

Æra CCCCLXVII. Cui Synodo, vice Sancti Cœlestini Papæ præfedit Sanctus Cyrillus Patriarcha Alexandrinus, qui cum omni Concilio Nestorium condemnnavit.

**R**eligioso & Deo amabili confacer-  
dori Nestorio Cyrillus, vel quæ  
convenit apud Ephesum, Synodus,  
Cum Salvator noster apertè pronuntiet:  
*Qui diligit Patrem, vel Matrem super me,  
non est me dignus: Et qui diligit filium, vel fi-  
liam super me, non est me dignus:* (b) Quid nos  
faciemus, qui deposcimus à tua religi-  
one, ut te super Christum Salvatorem  
omnium diligamus? Quid enim nobis in  
die judicii prodest, vel quam satisfactio-  
nem reperire poterimus pro tam diutur-  
no silentio de prolatis à te contra eum  
blasphemiis? Et siquidem te tantum-  
modo læderes docens ista, vel sentiens,  
solicitudine nobis minor existeret; cum  
verò totam scandalizaveris Ecclesiam, &

fermentum insolitæ pravitate, & novæ  
hæresis miscueris in populis, nec tan-  
tum ibidem positus sed ubique consiten-  
tibus (nam tuarum expositionum libri,  
per cuncta vulgati sunt per nostros \* silen-  
tio) \*\* Ratio ultra, vel excusationis sermo  
sufficiat? aut quomodo non necesse sit  
meminisse Christi Domini, dicentis:  
*Non putetis, (c) quod venerim pacem mittere in terram, sed gladium. Veni enim  
separare hominem adversus Patrem suum,  
& filium adversus Matrem suam.*  
Nam cum læditur fides: parentum re-  
verentia, velut inutilis, & periculosa,  
despicitur, & amor erga filios & fratres  
vitatur. Ad postremum etiam super istam  
vitam mors potius à piis viris eli-  
gitur,

(a) Ephesinum Concilium Anno CCCCXXXI. VII. Junii die Pentecostes indictum, ferè CC. Episcopis constitit: quibus Cyrillus præfedit & Vicarius Cœlestini Romani Episcopi & Alexandrinæ Episcopus præter Philippum, Arcadium & Juvenalem, Legatos Papæ & Sedis Apostolicæ.

PAGI in Crutica ad hunc annum 431.

\* fortè nostro.

\*\* fortè quæ Ratio.

(b) Matth. X. 37.

(c) Matth. X. 34. 35.

gitur, ut meliorem resurrectionem, sicut scriptum, consequantur. Ecce itaque te simul cum Sancta Synodo, quæ apud amplam urbem Romam congregata, præfidente Sanctissimo, & venerandissimo fratre, & Confacerdote nostro Cælestino Episcopo, his scriptis Synodicis te jam tertio convenimus consilium dantes, ut tam pravis abstinereas distortisque dogmatibus, quæ, & sentire cognosceris, & docere. Recipias verò fidem rectam, Ecclesiis per Beatissimos Apostolos, & Evangelistas ab initio traditam, qui & oculis inspexerunt, & ministri verbi fuisse monstrantur. Quod si hoc religio tua facere distulerit, juxta dilationem literis præfinitam Sanctissimi & Venerandissimi confacerdotis nostri, Romanæ præfulis Ecclesiæ, Cælestini: scias te nullam sortem habere nobiscum, nec locum, aut colloquium cum Dei Sacerdotibus & Episcopis obtinere. Non enim fas, nos contemnere Ecclesias ita turbatas, & scandalizatos populos, fidemque rectissimam violatam, dissipatam quin etiam gregem, quem custodire debueras: si quidem juxta nos amator recti dogmatis existisses Sanctorum Patrum vestigia pia consecrans. Omnes itaque, quos propter fidem tua religio à communione removet, aut ab ordine suo deposuit, laicos, & Clericos in nostra communione recepimus. Non enim justum est, eos tuis decretis opprimi, qui noverunt recta sentire, qui etiam benefacientes tibi prudentissimè resistierunt. Hoc idem namque in Epistola, quam misisti ad præfulem amplæ Romæ sanctum, & Coepiscopum nostrum Cælestinum significare curasti. Non autem sufficit tuæ religioni solummodo fidei symbolum confiteri, quod expositum est per idem tempus Sancti Spiritus largitate à venerando, & magno Concilio apud Nicæam congregato. Hoc enim non intellexisti, nec rectè interpretatus es, quin immo perverse, licet sono vocis eadem verba protuleris, sed consequens est, ut jure jurando fatearis, quo anathematizes quidem tua polluta & prophana dogmata; sentias autem & doceas, quæ nos universi per orientem, seu per occidentem Episcopi, & Magistri, præfulesque populorum credimus, & docemus. Epistolis autem ab Alexandria tuæ religioni directis Ecclesia consensum præbuit tam ea, quæ apud urbem Romam

convenit Sancta Synodus, quàm etiam nos omnes, velut rectè, irreprehensibiliterque conscriptis. Subdinus autem his nostris, quæ te sentire oporteat, & docere, & ea, quibus abstinere conveniat. Hæc est fides Catholicæ Ecclesiæ, cui cuncti consentiunt orthodoxi per orientem, occidentemque pontifices.

Credimus in unum Deum, patrem omnipotentem, omnium visibilium & invisibilium conditorem. Et in unum Dominum Jesum Christum, Filium Dei, natum de patre, unigenitum, hoc est, de substantia patris, Deum de Deo, lumen de lumine, Deum verum de Deo vero, natum, non factum. Hominem patri, hoc est, unius cum patre substantiæ, per quem omnia facta sunt in cælo & in terra. Qui propter nos homines, & propter nostram salutem descendit de cælis, & incarnatus, & homo factus, passus est. Et resurgens à mortuis tertiâ die ascendit in cælos, sedet ad dexteram patris, inde venturus judicare vivos & mortuos. Et in Spiritum Sanctum. Eos autem, qui dicunt: erat tempus, cum non erat, & antequam nasceretur, non erat, & qui ex nullis subsistentibus factus est, aut ex alia substantia, vel essentia dicunt esse, aut convertibilem Filium Dei, vel commutabilem, anathematizat Catholica & Apostolica Ecclesia.

Sequentes itaque omnium Sanctorum patrum confessiones, quas loquente in eis Spiritu Sancto protulerunt, & intentioni, quæ est in eorum intellectibus, æquis vestigiis inhærentes, atque iter ambulantes regium: profitemur, quod ipsum unigenitum Dei verbum, natum ex ipsa patris essentia, de Deo vero Deus verus, lumen de lumine, per quem omnia facta sunt sive in cælis, sive in terra, salutis nostræ causâ descendens, ad exinanitionem se dignatus est inclinare: natus autem, & homo factus, id est, carnem de virgine Sancta suscipiens, eamque propriam faciens, nativitatem nostram ex vulva sustinuit, homo de muliere procedens, nec, quod erat, abiciens. Nam licet factus sit in assumptione carnis, & sanguinis, tamen etiam sic, quod erat Deus, natura scilicet, & veritate, persistit. Nec carnem itaque dicimus in naturam Deitatis esse conversam, nec substantiam carnis in ineffabilem Dei verbi essentiam commutatam, incommutabilis est enim & inconvertibilis,



lis, idemque ipse juxta scripturas jugiter permanens. Visus est autem & parvulus positus, atque in cunabulis, & sinibus genitricis virginis constitutus universam creaturam replebat: ut Deus genitori suo indivisus existeret, quod Divinum est enim, sine quantitate & sine mole cognoscitur, nec ullis terminis continetur verbum Dei. Secundum substantiam confitentes unum, adoramus filium & Dominum nostrum Jesum Christum: non seorsum ponentes & determinantes hominem, & Deum; velut invicem sibi dignitatis & autoritatis unitate conjunctos. Hoc enim novitas est vocis; & aliud nihil: nec item Christum specialiter nominantes Deum verbum, quod ex Deo est; nec alterum similiter Christum specialiter, qui de muliere natus est: sed unum solummodo Christum, Dei patris verbum, cum propria carne cognoscimus. Tunc enim etiam juxta nos cunctos est, quamvis Spiritum dignis ipse contulerit, & non ad mensuram, sicut Beatus Evangelista Joannes asseruit. Sed nec illud dicimus, quod Dei verbum velut \* homine communi, qui de virgine sancta natus est, habitaverit, ne Deum homo Christus habitatorem possidere credatur. Quamvis enim verbum habitaverit in nobis, & dictum sit in Christo habitare omnem plenitudinem Deitatis corporaliter; tamen intelligimus eum, quod caro factus, non sicut in sanctis habitare dicatur, nec talem in ipso habitationem factam definire tentavimus: sed unitus juxta naturam, nec in carnem penitus commutatus, talem sibi fecit habitationem, qualem & anima hominis habere creditur ad proprium corpus. Unus igitur est Christus, Filius, & Dominus, non velut conjunctionem quamlibet in unitate dignitatis & autoritatis homo habens ad Deum. Non enim potest unire naturam sola dignitatis æqualitas. Denique petrus & Joannes æquales sunt in alterutrum dignitatis, propter quod & Apostoli, & Sancti discipuli esse monstrantur: veruntamen uterque non unus est, nec juxta collationem, vel connexionem modum conjunctionis advertimus: hoc enim ad unitatem non sufficit naturalem, nec secundum participationis effectum, sic nos etiam adherentes Domino, unus cum eo Spiritus sumus. Immo potius conjunctionis nomen evitamus: \*\* tam

non existens idoneum, quod significet unitatis arcanum, sed neque Deum, aut Dominum Christi, verbum Dei Patris asserimus: ne iterum manifestius in duo dividamus unum Christum filium, & Dominum in crimen Sacrilegii recidamus, Deum illi seipsum facientes & Dominum. Unicus quippe sicut superius diximus, Deus verbum carni secundum substantiam, Deus est omnium & dominator universitatis. Veruntamen nec servus est sibi ipse Dominus, quia ineptum est, vel potius impium, hoc sentire, vel dicere. Quamvis enim Deum \*\*\* suum in se natura, & illius essentia, tamen nullatenus ignoramus, quod manens Deus, homo quoque factus sit, qui sub Deo juxta debitam legem naturæ humanitatis existeret, ipse verò sibi quomodo vel Deus poterit esse, vel Dominus, ergo sicut homo, quantum decenter exinanitionis mensuræ congruit, sub deo se nobiscum esse disseruit. Hoc etiam, quomodo sub lege factus est, quamvis ipse promulgaverit legem, & legislator Deus existerit. Cavemus autem de Christo dicere, propter assumentem veneror assumptum, & propter invisibilem adoro visibilem. Horrendum super hoc etiam illud dicere, is, qui susceptus est, cum eo, qui suscepit, connuncupatur Deus. Qui enim hæc dicit, dividit iterum in duos Christos eum, qui unus est, hominem seorsum in parte, & Deum similiter in parte constituens. Evidenter enim denegat unitatem, secundum quam non alter cum altero coadoratur, aut connuncupatur Deus: sed unus intelligitur Christus Jesus, Filius Dei unigenitus, unâ servitute cum propria carne venerandus. Confitemur etiam, quod idem ipse, qui ex Deo Patre natus est Filius unigenitus Deus: licet juxta naturam suam expers passionis existerit, pro nobis tunc secundum scripturas carnem \*\*\*\* peressus est, & erat in crucifixo corpore propriæ carnis impassibiliter ad se referens passiones. Gratia verò Dei, pro hominibus gustavit mortem, tradens & proprium corpus, quamvis naturaliter ipse vita sit, & resurrectio mortuorum. Nam ut mortem ineffabili potentia proculcaret, ac prius in sua carne primogenitus ex mortuis fieret, & primitiæ dormientium, viamque taceret humanæ naturæ ad incorruptionis recursum, gratia Dei,

\* forte in homine

\*\* forte tanquam

\*\*\* forte Deus sit

\*\*\*\* forte in carne

Dei, sicut suprà dictum est, *pro omnibus gustavit mortem*, & tertiâ die resurgens expoliavit infernum. Idcirco quamvis dicatur, quod per hominem facta sit resurrectio mortuorum, tamen intelligimus hominem factum verbum, quod ex Deo est, & per ipsum mortis imperium fuisse destructum. Veniet autem temporibus præfinitis, sicut unus est filius, & Dominus in gloria Patris, ut iudicet orbem terrarum in æquitate, sicut scriptum est. Necessariò igitur & hoc adjicimus, annuntiantes enim secundùm carnem mortem unigeniti Filii Dei, id est, JESU Christi, & resurrectionem ejus, & in cælos ascensionem pariter confitentes, incurrentiam celebramus in Ecclesiasticis Sacrificiis servitutem, sic etiam ad mysticas benedictiones accedimus, & sanctificamur participes Sancti Corporis, & pretiosi Sanguinis Christi, omnium nostrorum Redemptoris effecti; non ut communem carnem percipientes, quod absit, nec ut viri sancti facti, & verbo conjuncti, sicut dignitatis unitatem, aut sicut Divinam possidentes habitationem; sed ut verè vivificatricem, & ipsius verbi propriam factam. Vita enim naturaliter, ut Deus existens, quia propriæ carni unitus est, vivificatricem eam esse professus est. Et idèò quamvis dicat ad nos: *Amen, amen dico vobis, nisi manducaveritis carnem Filii hominis, & biberitis ejus sanguinem*; (a) non tamen eam, ut hominis unius ex nobis æstimare debemus; quomodo enim juxta naturam suam vivificatrix esse caro hominis poterit? sed ut verè propriam esse factam, qui propter nos filius hominis & factus, & vocatus. Eas autem voces, quas Salvator noster in Evangeliiis protulit, non in duabus subsistentiis aut personis omninò partimur: non enim duplex est, unus Christus, & solus, quamvis ex duabus, diversisque rebus ad unitatem cognoscatur individuum coisse, sicut homo, quanquam ex anima constans & corpore, non duplex, sed potius unus est, ex utroque. Humanas ergo, Divinâsque insuper voces ab uno Christo dictas, animadvertentes, rectè sentimus, cum enim Deo dignissimè loquitur de seipso: *Qui me videt, videt & Patrem*. (b) *Ego & Pater unum sumus*: (c)

Y 3

Divinam ejus intelligimus, inestabilèmq; naturam, secundùm quam unum est cum patre suo propter unam, eandemque substantiam, imago, & character, splendòrque gloriæ ejus existens. Cùm verò humanæ naturæ mensuram nullatenus ignorans, Judæos alloquitur: *Nunc me queritis occidere hominem, qui veritatem vobis locutus sum*; (d) Item non minùs eum, qui in similitudine, & æqualitate Patris est, Deum verum etiam in mensuris humanitatis ejus cognoscimus. Si autem necessariò creditur, quoniam natura Deus existens, factus sit caro, immo potius homo animatus animâ rationali, quæ causa est, in ejus (e) quilibet vocibus erubescat, si eas homine dignas effatus est? quod si sermones homini congruentes abjicit, juxta nos hominem fieri quis coegit? Cùm sponte se propter nos ad exinanitionem spontaneam misericorditer inclinaverit, quam ob causam dignos exinanitione sermones effugerit? Uni igitur personæ cuncta ejus in Evangelio adscribemus, uni substantiæ, verbi scilicet incarnati, quia unus est Dominus Jesus Christus, ut scriptum est: *Appellatum verò Apostolum*, (f) *& Pontificem confessionis nostræ*, tanquam sacrificantem Deo, & Patri fidei nostræ confessionem, qua à nobis ipsis, & ipsi cum Deo Patre incessanter offertur. Iterum cùm dicimus, quia ex Deo secundùm naturam Filius unigenitus, nec homini præter eum alteri Sacerdotis nomen & officium deputamus: *Factus est enim Mediator Dei & hominum*, (g) *& reconciliator ad pacem, semetipsum Deo & Patri pro nobis offerens in odorem suavitatis*. Idèòque dicebat: *Sacrificium, & oblationem nolui*, (h) *holocausta & pro peccato non tibi placuerunt, corpus autem perfecisti mihi: tunc dixi, Ecce venio. In capite libri scriptura est de me, ut faciam Deus voluntatem tuam*. Obtulit enim proprium corpus, non pro se, sed pro nobis in odorem suavitatis; nam quâ pro se oblatione, vel sacrificio indigeret ab omni peccato liber, ut Deus existens? quod si omnes peccaverunt, & egent gloria Dei, secundùm hoc, quod sumus ad mutabilitatis excessum promptiores effecti, & peccatis, ægrotavit humana natura; ipse verò non ita, idèòque nos gloriæ ejus efficimur: cur erit ultra jam dubi-

(a) Joannis VI.

(b) Joannis XIV.

(c) Joannis X.

(d) Joannis VIII.

(e) forte quibuslibet.

(f) Hebræos II.

(g) Hebræos IX. X.

(h) Psalm. XXXIX.



dubium, quod agnus verus pro nobis sit immolatus? Qui autem dicit, quia ipsum tam pro se, quam pro aliis obtulerit, nullatenus impietatis notam effugiet, cui nil prorsus deliquerit, nec ulum fecerit omnino peccatum, qui egerat oblationes suas, nullo suo extante facinore, pro quo, si esset, satis admodum convenienter offerret. De spiritu quoque, cum dicit: *Ille me clarificabit*, (i) hoc rectissime sentientes unum Christum, & Filium, non velut alterius egentem gloriæ, confitemur à Spiritu Sancto gloriam consecutum. quia Spiritus ejus nec melior, nec superior ipso est: sed quia humana opera faciens ad demonstrationem suæ Deitatis virtute proprii spiritus utebatur. Ab ipso glorificari dicitur, sicut unumquemque virtus sua, vel disciplina clarificare dicitur. Quamvis enim in sua sit substantia spiritus, & intelligatur in persona proprietates, juxta id, quod quia Spiritus est, & non Filius, attamen alienus non est ab illo, nam Spiritus appellatus est veritatis, veritas Christus est, unde & ab isto similiter, sicut ex Deo Patre, procedit. Denique hic & ipse Spiritus etiam per Sanctorum manus Apostolorum miracula gloriosa perficiens Dominum glorificavit Jesum Christum, postquam ascendit in celum. Nam creditus est Christus, naturâ Deus existens, per Spiritum Sanctum virtutes efficiens, ideoque dicebat: *De meo accipiet, & annuntiabit vobis*. (k) Nequaquam verò participatione alterius, idem Spiritus sapiens aut potens dicitur, quia per omnia perfectus, & nullo prorsus indigens bono, nam paternæ virtutis, & sapientiæ, id est, Filii, Spiritus creditur; & ideo ip-

sa re, & subsistentiæ virtus & sapientia comprobatur. Igitur, quia Deum carne unitum juxta subsistentiam sancta Virgo corporaliter peperit, idcirco eam Dei Genitricem esse profiteamur, non quod verbi natura existendi principium de carne sortita sit. (l) *Erat enim in principio & Deus erat Verbum, & Verbum erat apud Deum*, & ipse Conditor sæculorum, Patri coæternus & universitatis Creator, sed, quod supra diximus, juxta subsistentiam sibi mutuans humanam naturam, natiuitatem sustineret ex ipsa corporea vulva, non quod eguerit necessario, ut propter suam naturam natiuitas fieret, quæ est in extremis sæculi facta temporibus, sed ut ipsas benediceret substantiæ nostræ primitias, & dum ipsum carni unitum, mulieri dedisset, illa, quæ adversus omne genus humanum, maledictio fuerat prolata, desineret, nec jam morti nostra corpora destinaret. Illud quoque, quod dictum est, *in tristitia paries filios*, (m) ipse dissolvens, verum esse monstraret, quod Prophetæ voce prædixerat: *Absorpta est mors in victoria*. (n) & iterum: *Absolutus* (o) *Deus omnem lachrymam ab omni facie*. Propter hanc enim causam dicimus eum dispensatoriè & ipsis benedixisse (p) tunc nuptiis in Cana Galilææ, cum Sanctis vocatis Apostolis adesse dignatus est. Hæc sapere sumus edocti à Sanctis Apostolis, & Evangelistis, & ab omni Scriptura divinitus inspirata. Nec non & à Beatis Patrum confessionibus, veritate subnixis. His omnibus & tuam religionem concordare, & præter aliquem dolum consentire jam convenit. Quæ religionem tuam anathematizare necesse est, huic epistolæ nostræ subiecta sunt.

### STATUTA EPHESINI CONCILII

contra hæresim Nestorii.

- I. Si quis non confiteretur Deum esse veraciter Emmanuel, & propterea Dei Genitricem Sanctam Virginem: peperit enim secundum carnem factum Dei verbum, secundum quod scriptum est: *Verbum caro factum est*, anathema sit.
- II. Si quis non confiteretur carni secundum substantiam unitum Dei Patris Verbum, unumque esse Christum cum propriâ carne, eundem scilicet

Deum simul, & hominem: anathema sit.

- III. Si quis in Christo dividit substantiam post unitatem, solâ eas connexionem conjungens, eamque secundum dignitatem, vel etiam auctoritatem aut potestatem, ac non potius conventu, qui per unitatem factus est naturalem: anathema sit.
- IV. Si quis personis duabus, vel substantiis eas voces, quæ in Apostolicis

(i) Joannis XVI.

(k) Joannis X.

(l) Joannis I.

(m) Genes.

(n) Osee XIII. Paulus I. ad Corinth. XV.

(o)

(p) Joannis II.

licis & Evangelicis Scriptis continentur, dividit, vel quæ de Christo à Sanctis dicuntur, vel ab ipso; & aliquas quidem ex his velut homini, qui præter Dei verbum specialiter intelligatur, aptaverit, illas autem tanquam Deo dignas, soli Deo Patris verbo deputaverit: anathema sit.

V. Si quis audeat dicere Christum hominem theophoron, id est, Deum ferentem: ac non potius Deum esse veraciter dixerit: tanquam Filium per naturam, secundum quod verbum caro factum communicavit similiter, ut nos, carni, & sanguini: anathema sit.

VI. Si quis dicit Deum esse Christi, Dei Patris verbum, & non magis eundem ipse confiteretur Deum simul, & hominem: propterea, quod verbum caro factum est, secundum scripturas: anathema sit.

VII. Si quis velut hominem Jesum operantem Dei verbo dicit adjutum, & unigeniti gloriam tanquam alteri præter ipsum existenti, tribuit: anathema sit.

VIII. Si quis audeat dicere assumptum hominem coadorandum Dei verbo, & conglorificandum & connuncupandum Deum, tanquam alterum cum altero, nam con syllaba semper adjecta hoc cogit intelligi: ac non potius unâ supplicatione veneratur Emmanuel, unamque ei glorificationem dependit, juxta quod (q) Verbum caro factum est: anathema sit.

IX. Si quis unum Dominum nostrum Jesum Christum glorificatum dicit à

EXPLICIT SANCTUM, ET UNIVERSALE EPHESINUM  
CONCILIUM PRIMUM.

(q) *Scriptum est:* in Codice Pithoeano & Pelleteriano.

Concilium Ephesinum abest à Codicibus tribus Colonienfibus. WENDELSTINUS in unico ex tribus MS. Codicibus Concilium Ephesinum reperit, & edidit Moguntia.

Spiritu Sancto, tanquam qui alienâ virtute visus fuerit per eum, & ab eo accipere efficaciam contra imundos Spiritus, & omnibus Divina signa perficere, ac non potius proprium fatetur ejus Spiritum, per quem Divina signa implevit: anathema sit.

X. Pontificem, & Apostolum confessionis nostræ factum esse Christum Divina Scriptura commemorat, obtulit autem semetipsum pro nobis in odorem suavitatis Deo & Patri. Si quis ergo pontificem, & Apostolum nostrum dicit Factum, non ipsum Dei verbum, quando caro factum est, & juxta nos homo, sed velut alterum præter ipsum specialiter hominem ex muliere, aut qui dicit, ut pro se obtulisset semetipsum oblationem, & non potius pro nobis solis, quia non eguit oblatione, qui peccatum omnino nescivit: anathema sit.

XI. Si quis non confitetur carnem Domini vivificatricem esse, & propriam ipsius verbi Dei Patris, sed velut alterius præter ipsum, conjuncti eidem per dignitatem, aut quasi Divinam habentis habitationem, ac non potius vivificatricem esse, quia facta est propria verbi cuncta vivificare valentis: anathema sit.

XII. Si quis non confitetur Dei verbum passum in carne, & crucifixum in carne, & mortem in carne gustasse, factumque primogenitum ex mortuis, secundum quod vita est, & vivificator ut Deus: anathema sit.

TITULI CANONUM CHALCEDONENSIS (a) CONCILII.

NUMERO XXVII.

I. De Canonibus uniuscujusque Concilii.

(a) Anno Christi CCCCLI. Leonis Papæ XII, quarta Synodus œcumenica in Metropoli Bithyniæ Chalcedone ab VIII. Idus Octobris ad Kalendas Novembris celebrata fuit. Leo Papa Legatos misit Paschasium & Lucentium Episcopos, Bonifacium & Basilium Presbyteros, inter fuere Episcopi DCXXX. juxta communem opinionem, ait *Lupus Tomo II. Dissertat. in Concilia pag. 120. Edit. ultim.*

II.



- II. Quod non oporteat Episcopos, aut quemlibet ex Clero per pecunias ordinari.  
 III. Quod non oporteat Episcopos, Clericos, & monachos prædia aliena conducere.  
 IV. De honore Monachis competente, & ut nullus eorum tentet Ecclesiastica aut secularia inquietare negotia, nec alienum servum, præter conscientiam Domini ejus, suscipere.  
 V. Non transmigrandum de civitate in civitatem.  
 VI. Quod non oporteat absolute quoslibet ordinari.  
 VII. De Clericis, & Monachis non manentibus in suo proposito.  
 VIII. De Clericis, qui sunt in Ptochodochiis Monasterii atque martyriis, quæ sub potestate Episcoporum uniuscujusque civitatis existunt.  
 IX. Quod non oporteat Clericos, habentes adversus invicem negotia proprium Episcopum relinquere, & ad secularia judicia convolare.  
 X. Quod non liceat Clerico in duarum civitatum Ecclesiis ministrare.  
 XI. Quod non oporteat egenis Epistolas tribui: honestiores autem commendatitiis literis approbati.  
 XII. Ut nequaquam in duos Metropolitanos Provincia dividatur.  
 XIII. Quod non oporteat peregrinos Clericos sine commendatitiis ministrare.  
 XIV. Quod non liceat Clerico uxorem sectæ alterius accipere.  
 XV. De Diaconissis mulieribus.  
 XVI. De Virginitatibus.  
 XVII. De Parochiis.  
 XVIII. De conjuratione vel conspiratione.  
 XIX. Quod oporteat per Provincias bis in anno Concilia celebrari.  
 XX. Quod minimè Clericos transmigrari conveniat.  
 XXI. De Episcoporum aut Clericorum accusatoribus.  
 XXII. Quod non liceat Clericis post mortem sui Episcopi res ad eum pertinentes diripere.  
 XXIII. De Clericis, & Monachis, qui præter voluntatem sui Episcopi ad urbem regiam Constantinopolim veniunt.  
 XXIV. Quod non liceat Monasteria, quæ consecrata sunt, diversoria secularia fieri.  
 XXV. Quod non oporteat ordinationes Episcoporum diu differre.  
 XXVI. De dispensatoribus singularum Ecclesiarum.  
 XXVII. De his, qui rapiunt puellas.

## INCIPIUNT REGULÆ ECCLESIASTICÆ, PROMULGATÆ (a) à CHALCEDONENSI SANCTO CONCILIO. NUMERO XXVII.

De Canonibus uniuscujusque Concilii.

### CAP. I.

**R**egulas Sanctorum Patrum, per singula nunc usque Concilia constitutas, proprium robur obtinere decrevimus.

*Quod non oporteat Episcopos, aut quemlibet ex Clero per pecunias ordinari.*

### CAP. II.

Si quis Episcopus per pecuniam fecerit ordinationem, & sub pretio redegerit gratiam, quæ non potest vendi, ordinaveritque per pecunias Episcopum,

aut presbyterum, aut Diaconum, vel quemlibet ex his, qui connumerantur in Clero, aut promoverit per pecunias dispensatorem, aut defensorem vel quenquam, qui subiectus est regulæ, pro sui turpissimi lucri commodo: is, cui hoc attentanti probatum fuerit, proprii gradus periculo subjacebit. Et qui ordinatus est, nihil ex hac ordinatione, vel promotione, quæ est per negationem facta, proficiat: sed sit alienus (b) à dignitate, vel sollicitudine, quam pecuniis quæsit. Siquis verò mediator tam turpibus, & nefandis datis, & acceptis

(a) promulgatæ abest à Cod. 2.

(b) ea Cod. 1. 2. 3. sine a.

ceptis exiterit : siquidem Clericus fuerit, proprio gradu decadat, si verò Laicus, aut Monachus, anathematizetur.

*Quod non oporteat Episcopos, Clericos, & Monachos prædia aliena conducere.*

## CAP. III.

Pervenit ad Sanctam Synodum, quod quidam, qui in Clero videntur allecti, propter lucra turpia conductores alienarum possessionum fiant, & sæcularia negotia sub cura sua suscipiant : Dei quidem ministerium parvipendentes, sæcularium verò discurrentes domos, & propter avaritiam patrimoniorum sollicitudines sumentes; decrevit itaque sanctum hoc, magnūque Concilium, nullum deinceps, non Episcopum, non Clericum, vel Monachum, aut possessiones conducere, aut negotiis sæcularibus se miscere : præter pupillorum, nisi (c) forte leges (d) imponantur inexcusabilem curam, aut civitatis Episcopus Ecclesiasticarum rerum sollicitudinem habere præcipiat : aut orphanorum, & viduarum, earūque, quæ sine ullā provisione sunt, personarum, quæ maximè Ecclesiastico indigent adiutorio, propter timorem Domini causā depolcat. Si quis autem transgredi de cetero statuta tentaverit, huiusmodi Ecclesiasticis increpationibus subiacebit.

*De honore Monachis competente, & ut nullus eorum tentet Ecclesiastica, aut sæcularia inquietare negotia, nec alienum servum præter conscientiam Domini ejus suscipere.*

## CAP. IV.

Qui verè & sincerè singularem sectantur vitam, competenter honorentur: quoniam verò quidam urentes habitu Monachi, Ecclesiastica negotia, civiliaque conturbant, circumeuntes indifferenter urbes, nec non & Monasteria sibi instituere tentantes, placuit nullum quidem usquam ædificare aut constituere Monasterium, vel Oratorii domum præter conscientiam civitatis Episcopi. Monachos verò per unamquamque civitatem, aut regionem, subiectos esse Episcopo, & quietem diligere, & intentos esse tantummodo jejuniis, & orationi, in locis, quibus renunciaverunt sæculo, perma-

Z

nentes. Nec Ecclesiasticis verò, nec sæcularibus negotiis communicent, vel in aliquo sint molesti propria Monasteria deferentes; nisi fortè his præcipiatur propter opus necessarium ab Episcopo civitatis. Nullum verò recipere in Monasteriis servum obtentu Monachi præter sui Domini conscientiam. Transgredientem verò hanc definitionem nostram, excommunicatum esse decrevimus, ne nomen Dei blasphemetur. (e) Veruntamen Episcopum convenit civitatis competentem Monasteriorum providentiam gerere.

*Non transmigrandum de civitate in civitatem.*

## CAP. V.

De his, qui transmigrant de civitate in civitatem, Episcopis, aut Clericis, placuit: ut canones, qui de hac re à Sanctis Patribus statuti sunt, habeant propriam firmitatem.

*Quod non oporteat absolute quoslibet ordinari.*

## CAP. VI.

Nullum absolute ordinari debere Presbyterum, aut Diaconum, nec quemlibet in gradu Ecclesiastico; nisi specialiter Ecclesiæ civitatis, aut possessionis, aut Martyrii, aut Monasterii, qui ordinandus est, pronuncietur. Qui verò absolute ordinantur, decrevit Sancta Synodus, irritam haberi hujuscemodi manūs impositionem, & nusquam posse ministrare ad ordinantis injuriam.

*De Clericis, & Monachis non manentibus in suo proposito.* CAP. VII.

Qui semel in Clero deputati sunt, aut Monachorum vitam expetiverunt, statuimus nec ad militiam, neque ad dignitatem aliquam venire mundanam, sed (f) hoc tentantes, & non agentes penitentiam, quo minus redeant ad hoc, quod propter Deum primitus elegerunt: anathematizari.

*De Clericis, qui sunt in (g) Ptochodochiis, Monasteriis, atque Martyriis, quæ sub potestate Episcoporum uniuscujusque civitatis existunt.*

## CAP. VIII.

Clerici, qui præficiuntur Ptochodochiis, vel qui ordinantur in Monasteriis, & Basilicis Martyrum, sub Episcoporum,

(c) si Codex 1. 2. 3.

(d) imponant Cod. 1. 2. 3.

(e) ne nomen Domini blasphemetur. Cod. 3. nec reliqua hujus Capituli habet.

(f) aut Cod. 1. 2. 3. pro sed.

(g) Ptochodochiis in titulo & Capite Cod. 1. 2. 3.



scoporum, qui in unaquaque civitate sunt, secundum Sanctorum Patrum traditiones, potestate permaneant, nec per contumaciam ab Episcopo suo dissiliant. Qui verò audent evertere huiusmodi formam quocunque modo, nec proprio subjiuntur Episcopo; siquidem Clerici sunt, Canonum correptionibus subjacebunt, si verò Laici vel Monachi fuerint, communione priventur.

*Quod non oporteat Clericos, habentes adversus invicem negotia, proprium Episcopum relinquere, & ad secularia judicia convolare.*

## CAP. IX.

Si quis Clericus adversus Clericum habet negotium, non deferat Episcopum proprium, & ad secularia percurrat iudicia, sed prius actio ventiletur apud Episcopum proprium, vel certè Consiliarios (b) ejusdem Episcopi, apud quos utræque partes voluerint, iudicium continebunt. Si quis autem præter hæc fecerit, canonicis correptionibus subjacebit. Quod si Clericus habet causam adversus Episcopum proprium vel adversus alterum, apud Synodum Provinciæ judicetur. Quod si adversus ejusdem Provinciæ Metropolitanum Episcopum, vel Clericus habet querelam, petat primatem Dioceseos, aut sedem regiae urbis Constantinopolitanæ, & apud ipsum judicetur.

*Quod non liceat Clerico in duarum civitatum Ecclesiis ministrare.* CAP. X.

Non licere Clericum in duarum civitatum conscribi simul Ecclesiis, & in qua initio ordinatus est, & ad quam confugit, quasi ad potiorem ob inanis gloriæ cupiditatem. Hoc autem facientes revocari debere ad suam Ecclesiam, in qua primitus ordinati sunt, & ibi tantummodo ministrare.

Si verò jam quis translatus est ex alia in aliam Ecclesiam; prioris Ecclesiæ, vel Martyriorum, quæ sub ea sunt, aut Prochodochorum, aut Xenodochorum rebus in nullo communicet. Eos verò, qui ausi fuerint post diffinitionem magnæ, & universalis hujus Synodi quicquam ex his, quæ sunt prohibita perpetrare, decrevit Sancta Synodus, à proprio huiusmodi gradu recedere.

(b) consilio Cod. 1. 2. 3.  
(k) commendari Cod. 3.

*Quod oporteat egenis Epistolia tribui: honestiores autem commendatitiis literis approbari.*

## CAP. XI.

Omnes pauperes, & indigentes auxilio, cum proficiuntur sub probatione epistolis, (i) vel Ecclesiasticis pacificis tantummodò commendare (k) decrevimus, & non commendatitiis literis, propter quod commendatitias literas honorationibus tantummodò præstari personis conveniat.

*Ut nequaquam in duos Metropolitanos Provincia dividatur.* CAP. XII.

Pervenit ad nos, quod quidam præter Ecclesiastica Statuta facientes, convolarunt ad potestates, & per pragmaticam formam in duo unam Provinciam dividerunt: ita ut ex hoc factò duo Metropolitanì esse videantur in una provincia. Statuit ergo Sancta Synodus de reliquo nihil ab Episcopis tale tentari, alioqui qui hoc admissus fuerit, amissioni gradus proprii subjacebit. Quæcunque verò civitates literis imperialibus Metropolitanì nominis honore subnixæ sunt, honore tantummodo perfruantur, & qui Ecclesiam ejus gubernat Episcopus, salvis scilicet veræ Metropolis privilegiis suis.

*Quod non oporteat peregrinos Clericos sine commendatitiis ministrare.*

## CAP. XIII.

Peregrinos Clericos & Lectores in alia civitate præter commendatitias literas sui Episcopi nusquam penitus ministrare debere.

*Quod non liceat Clerico uxorem sectæ alterius accipere.* CAP. XIV.

Quoniam in quibusdam provinciis concessum est lectoribus, & psaltis uxorem ducere, statuit Sancta Synodus, non licere cuiquam ex his accipere sectæ alterius uxorem. Qui verò ex huiusmodi conjugio jam filios susceperunt, siquidem præventi sunt, ut ex se genitos apud hæreticos baptizarent, offerre eos Ecclesiæ Catholicæ communioni conveniet, non baptizatos autem non posse ulterius apud hæreticos baptizari, sed neque copulari debet nuptura hæretico, judæo, vel pagano, nisi fortè promittat, ad orthodoxam fidem se personam ortho-

(i) Epistolis Cod. 1. 2. 3.

orthodoxè copulandam transferre. Si quis autem hanc definitionem Sanctæ Synodi transgressus fuerit, correptioni canonicæ subiacebit.

*De Diaconissis mulieribus.* CAP. XV.

Diaconissam non ordinandam ante annum quadragesimum, & hænc cum summo libramine. (1) Si verò suscipiens manus impositionem & aliquantum temporis in ministerio permanens, semetipsam tradat nuptiis, gratiæ Dei contumeliam faciens, anathematizetur huiusmodi cum eo, qui eidem copulatur.

*De Virginibus.* CAP. XVI.

Virginem quæ se Deo Domino consecravit, similiter & monachum non licere nuptialia jura contrahere; quod si hoc inventi fuerint perpetrantes, excommunicantur. Confitentibus autem decrevimus, ut habeat auctoritatem ejusdem loci Episcopus, misericordiam, humanitatem largiri.

*De Parochiis.* CAP. XVII.

Singularum Ecclesiarum rusticas parochias, vel possessiones (m) manere inconcussas illis Episcopis, qui eas retinere noscuntur, & maximè si per tricennium eas absque vi obninentes sub dispensatione rexerunt: quod si intra tricennium facta fuerit (n) de his, vel fiat altercatio, licere eis, qui se læsos asserunt, apud Sanctam Synodum provincie de his movere certamen. (o) Quod si quis à Metropolitano læditur, apud primatem diceceseos, aut apud Constantinopolitanam sedem judicetur, sicut superius dictum est. Si qua verò civitas potestate imperiali novata est, aut si protinus innovetur, civiles dispositiones, & publicas Ecclesiasticarum quoque parochiarum ordines subsequantur.

*De conjuratione, vel conspiratione.*

CAP. XVIII.

Conjunctionis vel conspirationis crimen, & ab exteris legibus est omnino prohibitum, multò magis hoc in Dei Ecclesia, ne fiat, admonere conveniet. Si qui ergo Clerici, vel Monachi reperi fuerint conjurantes aut conspirantes, aut insidias ponentes Episcopis, aut Clericis, gradu proprio penitus abjiciantur.

Z 2

*Quod oporteat per Provincias bis in anno Concilia celebrari.* CAP. XIX.

Pervenit ad aures nostras, quod in provinciis statuta Episcoporum Concilia minimè celebrentur, & ex hoc plurima negligantur Ecclesiasticarum causarum, quæ correctione indigent; decrevit itaque Sancta Synodus secundum Canones patrum, bis in anno Episcopos in idipsum in unaquaque provincia convenire, quo Metropolitanus antistes probaverit, & corrigere singula: si qua fortassis emerferint. Quicumque verò non advenierint Episcopi, resident autem in suis civitatibus, & hoc, dum (p) in sua incolumitate consistunt, omnique inexcusabili & necessariâ occupatione probantur liberi, fraterno corripiantur affectu.

*Quod minimè Clericos transmigrari conveniat.* CAP. XX.

Clericos in Ecclesia ministrantes, sicut jam constituimus, in alterius civitatis Ecclesia statutos fieri non oportet: sed contentos esse in quibus ab initio ministrare meruerunt, exceptis illis, qui proprias amittentes provincias, ex necessitate ad aliam Ecclesiam transierunt. Si quis autem Episcopus post hanc definitionem susceperit Clericum, ad alium Episcopum pertinentem; placuit & suscipientem (q) communione privari, donec is, qui migraverat, Clericus ad propriam fuerit regressus Ecclesiam.

*De Episcoporum aut Clericorum accusatoribus.*

CAP. XXI.

Clericos aut Laicos accusantes Episcopos, aut Clericos passim, & sine probatione, ad accusationem recipi non debere, nisi prius eorum discutiatur existimationis opinio.

*Quod non liceat Clericis post mortem sui Episcopi res ad eum pertinentes diripere.*

CAP. XXII.

Non licere Clericis post obitum sui Episcopi res ad eum pertinentes diripere, sicut antiquis quoque est canonibus constitutum. Quod si hoc facere tentaverint, graduum suorum periculo subjacebunt.

De

(1) fieri Cod. i. addit. (m) in possessionibus Cod. 1. 2. 3.  
(n) fuerit abest à Cod. 1. 2. 3. (o) movere certamen abest à Cod. 1. 2.  
(p) dum abest à tribus Codicibus. (q) & susceptum Cod. 1. 2. 3.



*De Clericis & monachis, qui præter voluntatem sui Episcopi ad urbem regiam Constantinopolim veniunt.*

## CAP. XXIII.

Venit ad aures Sancti Concilii, quod quidam Clerici & Monachi, quibus nil ab Episcopo suo commissum est, est autem quando & communione ab eo privantur, pervenientes ad urbem regiam Constantinopolitanam, in ea diutius immorentur, excitantes turbas, & statum Ecclesiasticum commoventes, subvertentes etiam quorundam domos: decrevit Sancta Synodus, huiusmodi primo quidem (r) a defensore Constantinopolitanæ Ecclesiæ commoneri, ut egrediantur ab urbe regia, quod (s) iisdem negotiis impudenter insistant, etiam nolentes idem defensor expellat, ut ad propria loca perveniant.

*Quod non liceat monasteria, quæ consecrata sunt, diversoria secularia fieri.*

## CAP. XIV.

Quæ semel dedicata sunt monasteria, Consilio Episcoporum, maneat perpetuò Monasteria, & res, quæ ad ea pertinent, Monasteriis reservari, nec posse ea ultra fieri secularia habitacula: qui verò hoc fieri permiserint, canonum sententiis subiacebunt.

*Quod non oporteat ordinationes Episcoporum diu differre.* CAP. XXV.

Quoniam quidam Metropolitanorum, quantum comperimus, negligunt

commisso sibi greges, & ordinationes Episcoporum facere differunt, placuit Sanctæ Synodo intra tres menses ordinationes Episcoporum celebrari, nisi forte necessitas inexcusabilis præparet tempus dilationis extendi: quod si hoc minime fecerit, correptioni Ecclesiasticæ subiacet: veruntamen redditus Ecclesiæ viduatæ penes æconomum ejusdem Ecclesiæ integri referentur.

*De dispensatoribus singularum Ecclesiarum.*

## CAP. XXVI.

Quoniam in quibusdam Ecclesiis, ut rumore comperimus, præter æconomos Episcopi facultates Ecclesiasticas tractant, placuit omnem Ecclesiam habentem Episcopum habere æconomum de Clero proprio, qui dispenset res Ecclesiasticas secundum sententiam Episcopi proprii; ita, ut Ecclesiæ dispensatio præter testimonium non sit, & ex hoc dispergantur Ecclesiasticæ facultates, & Sacerdotio maledictionis derogatio procurretur. Quod si hoc minime fecerit, Divinis Constitutionibus subiaceat. (t)

*De his qui rapiunt puellas.*

## CAP. XXVII.

Eos, qui rapiunt mulieres sub nomine simul habitandi cooperantes, aut connibentes raptoribus: decrevit Sancta Synodus, ut siquidem Clerici sunt, decendant gradu proprio, si verò Laici, anathematizentur. (u)

## (x) SEQUITUR CONSTITUTIO, ET FIDES CHALCEDO-

NENSIS CONCILII. ÆTIUS, ARCHI-DIACONUS CONSTANTINO-

POLIS, NOVÆ ROMÆ, LEGIT.

Sancta, & magna universalis Synodus quæ secundum gratiam, & Sanctiones piissimorum, Christianorumque (y) Imperatorum Valentiniani, & Martiani Augustorum congregata apud Chalcedona, metropolim Bithyniæ provinciæ in Martyrio Sanctæ Martyris Euphemie statuit subter adnexa.

Dominus noster, & Salvator Christus noticiam fidei confirmans discipulis suis ait: *Pacem (z) meam do vobis, pacem meam relinquo vobis*, ne ullus à proximo suo dissonet in doctrina pietatis, sed æqua-

liter prædicationem veritatis ostendat. Sed quoniam non quiescit nequissimus Zizania (a) stationibus pietatis inspergere, novi aliquid contra veritatem semper inveniens, ob hoc frequenter Dominus noster providens humano generi, piissimum, & fidelissimum Principem ad Zelum fidei suscitavit, & undique Sacerdotii Principes convocavit, quatenus gratiam omnium Domino nostro Jesu Christo operante, ab ovilibus Christi pestem mendacii submoveret. Quod quidem fecimus communi decreto, dogmata

(r) per defensorem Cod. 2. 3.

(s) si in Cod. 1. 2. 3.

(t) subiacet tres Codices nostri.

(u) Explicit textus Chalcedonensis Concilii. tres Codices.

(x) Incipit tres Codices.

(y) Christianissimorumque Cod. 1. 2. 3.

(z) Joannis XIV.

(a) Forte stationibus.

ta fugantes erroris, & integram patrum renovavimus fidem trecentorum decem & octo symbolum omnibus prædicantes & tanquam propinquos pietatis huius consensum recipientes Patres adscripsimus, qui postea apud magnam Constantinopolim convenerunt centum quinquaginta. Quoniam & ipsi eandem fidem subsignaverunt, decernimus (a) statuta ordinem & formam fidei referantes nos, (b) & quæ apud Ephesum olim facta est, Sancta Synodus, cujus præfides fuerunt Sanctæ memoriæ Cælestinus, Romanæ urbis antistes, & Cyrillus Alexandrinæ Ecclesiæ, præfulgere quidem rectæ, & immaculatæ fidei expositionem trecentorum decem, & octo Sanctorum & Beatissimorum apud Nicæam, sub piæ recordationis Constantino Principe congregatorum. Obtinere autem etiam centum quinquaginta Sanctorum Patrum apud Constantinopolim constituta, ad interimendas quidem, quæ tunc emerferant, hæreses. Sufficeret quidem ad plenitudinem cognoscendam pietatis, & confirmationem, prudens hoc, & salutare per Dei gratiam symbolum: de patre (c) enim, & Filio, & Spiritu Sancto (d) doctrinam perfectam edocet, & Domini inhumanationem fideliter accipientibus repænetat. Sed quoniam claudere prædicationem veritatis conantes, propriis hæresibus novas voces proferunt, hi quidem mysterium Domini propter nos divinæ dispensationis audentes corrumpere, & matris Dei virginis appellationem recusant, alii verò confusionem, permissionemque introducunt, & unam naturam carnis, & Deitatis stultè confingunt, passibilem unigeniti Divinam esse naturam confusione portentosa dicentes. Ob hoc illis omnem aditum contra fidem volens claudere præfens nunc sancta & magna, atque universalis Synodus prædicationis huius ab initio inconcussam docens, constituit præ cæteris trecentorum decem & octo Sanctorum Patrum fidem manere illæsam. Et propter illos, qui adversus Spiritum

Z 3

Sanctum pugnant, Monachomenos (e) posterioribus temporibus à Patribus apud Constantinopolim CL. congregatis de essentia Spiritus conroborat traditam disciplinam, quam illi omnibus notam fecerunt: non quasi deesset aliquid præcedentibus inferentes, sed de Sancto Spiritu suam sententiam promulgantes adversus eos, qui veritatem ipsius lædere tentaverunt, Scripturam testimoniis roborantes. At verò propter illos, qui mysterium dispensationis violare conantur, & purum hominem esse, qui ex Sancta Virgine Maria natus est, impudentius dilirantes, Epistolas Beati Cyrilli Ecclesiæ Alexandrinæ præfultis, Synodicas utique literas ad Nestorium, & ad alios per orientem acceptissimas habere, ad convincendas Nestorii blasphemias, & ad interpretationem (g) salutaris symboli his, qui pro Zelo Dei (h) nosse desiderant, quibus etiam subiunxit (i) Epistolam magnæ & senioris urbis præfultis Beatissimi, & Sancti Episcopi Leonis, quæ Scripta est ad Sanctæ memoriæ Archiepiscopum Flavianum, & ad sensus pessimos Eutychetis auferendos; quippe magni illius Petri confessionibus congruentem & quandam columnam nobis (k) adversus pravæ dogmata jure conjunctam ad confirmationem recti dogmatis. Eos (l) autem, qui in dualitate filiorum dispensationis convellere Mysterium nituntur, præcepit & illos, qui passibilem Deitatem unigeniti ausi sunt dicere: Sacerdotali munere (m) submoveri. Et his, qui in duabus naturis Christi promissionem (n) aut confusionem dici æstimant, repugnandum: vel eos qui cœlestem, aut alterius esse substantiæ carnem, quæ illi est assumpta de nobis, formam Dei negantes abjicit. Et qui duas quidem ante unionem naturas Domini fabulantur, unam verò post unionem confingunt, anathematizat. Sequentes igitur Sanctos Pares unum, eundemque confiteri filium, & Dominum nostrum Jesum Christum consonâ voce omnes docemus eundem perfectum in Deitate, eundem perfectum in

(a) statui Cod. 1. 2. 3.

(b) nosque tres Codices.

[c] autem Cod. 1. 2. 3.

(d) plenitudinem Codices tres omittunt doctrinam perfectam.

(e) Monachomenos Cod. 1. 2. 3. aliàs forte Macedonianos

(f) ac tres Codices loco at.

(g) autem amoris Cod. 1. 2. 3.

(h) pro zelo Dei abest à tribus Codd.

(i) subiunxit abest à tribus Codd.

(k) nobis habent Cod. 1. 2. 3.

(l) his, qui in universalitatem filiorum dispensationem Cod. 1. 2.

(m) numero pro munere Cod. 1. 2. 3.

(n) per remixtionem Cod. 3.



in humanitate, Deum verè & hominem verè, eundem ex anima rationali, & corpore, coessentiali Patri secundum Deitatem, coessentiali nobis eundem secundum humanitatem, per omnia nobis similem absque peccato, ante sæcula quidem de Patre genitum secundum Deitatem, in novissimis autem diebus eundem propter salutem nostram ex Maria Virgine Theotoco secundum humanitatem unum eundemque Christum Filium Dominum unigenitum, in duobus naturis inconfusè, immutabiliter, indivisè, inseparabiliter agnoscendum, nusquam sublata essentia naturarum propter unionem, magisque salvâ proprietate utriusque naturæ, & unam personam, atque existentiam concurrentem, non in duas personas partitum, atque divisum, neque disjunctum: sed unum,

& eundem Filium unigenitum, Deum verbum Jesum Christum, sicut ante Prophetæ de eo, & ipse nos Jesus Christus erudivit, & patrum nobis symbolum tradidit. His igitur cum omni undique veritate, & diligentia, & sollicitudine à nobis definitis: statuit Sancta, & universalis Synodus, alteram fidem nulli licere proferre vel conscribere, vel componere, vel sentire, vel docere aliter. Eos autem, qui ausi sunt componere fidem alteram, aut proferre, aut docere, aut tradere alterum Symbolum volenti, vel converti, vel ex gentibus ad cognitionem veritatis venire, vel ex judæis, vel hæresi quacunque: si Episcopi fuerint, aut Clerici, alienos esse Episcopos ab Episcopatu, & Clericos à Clero: si verò Monachi aut Laici fuerint, anathematizari.

### ET SUBSCRIPSERUNT UNIVERSI EPISCOPI.

Paschasius (o) Episcopus, Vicarius Domini mei beatissimi, atque Apostolici universalis Ecclesiæ Papæ Leonis urbis Romæ, Synodo præsidens, statui, consensi & subscripsi.

Lucensis Episcopus civitatis Ecclesiæ Ausculanæ, Vicarius Domini mei, beatissimi, & Apostolici Viri, universalis Ecclesiæ Papæ, urbis Romæ Leonis in Synodo græcè lecta subscripsi.

Bonifacius Presbyter Sanctæ Ecclesiæ Romanæ, statui, & subscripsi.

Leontius Romanus Ss.

Anatolius Constantinopolitanus Ss.

### PROVINCIE THRACIÆ. III.

Cyriacus Heraclienfis per Lucianum aliàs Pelusianum.

Romanus Eudoxiopolitanus Lucianus Buzes, aliàs Byzes.

### PROVIN. THRACIÆ ALTERIUS. III.

Erotion Philippopolitanus Sebastianus Berys (p)  
Epictetus Berois

### PROVIN. DIOCLETIANOPOLI RODOPES. IV.

Basilus (q) Trajanopolitanus Docimasius Marodianus

Serenus aliàs Cærenus Maximianopolitanus

Marius aliàs Macarius Aenuntos

### PROVIN. AEMI MONTIS. I.

Jobianus Demeetri.

### PROVIN. ILLYRII. VII.

Anastasius Thessalonicensis per Quintillum Episcopum Heracliensem.

|           |              |           |                 |
|-----------|--------------|-----------|-----------------|
| Sozon     | Philippensis | Dardanius | Barlaa          |
| Maximinus | Seniensis    | Nicolaus  | Strobienfis     |
| Anopatus  | Thasutanus   | Eusebius  | Deborotanus (r) |

### PROVIN. HELLADIÆ. VIII.

|         |             |           |            |
|---------|-------------|-----------|------------|
| Petrus  | Corinthe    | Nicetas   | Megarenfis |
| Joannes | Messenensis | Ophelinus | Geteas     |

Atha.

(o) Cod. 1. Paschasius. Cod. 2. & 3. non habent nomina subscribentium.

(p) Cod. 1. Berys.

(q) Tracianopolitanus Cod. 1.

(r) Deborotanus Cod. 1.

|            |              |          |                |
|------------|--------------|----------|----------------|
| Athanasius | Opuntunensis | Irenicus | Naupactunensis |
| Domnus     | Plateonensis | Onesimus | Algufanus      |

## PROVIN. SYRIÆ PRIMÆ. IX.

|             |                                       |           |                                                  |
|-------------|---------------------------------------|-----------|--------------------------------------------------|
| Maximus     | Antiochenus                           | Macarius  | Laodicensis per Eusebium Presbyterum Antiochenum |
| Theoctistus | Berienfis                             | Gerontius | Seleucensis                                      |
| Romulus     | Chalcedonensis                        | Petrus    | Gabalensis                                       |
| Marias      | Onofatenfis, aliàs Maras Onothatenfis |           |                                                  |
| Sabas       | Paltibenfis, aliàs Paltinenfis        |           |                                                  |
| Vranius     | Gabalonienfis                         |           |                                                  |

## PROVIN. SYRIÆ SECUNDÆ. I.

Domnus Apamiensis per Mellitum Larissenfem.

## PROVIN. CILICIÆ PRIMÆ. VIII.

|            |             |             |                                                 |
|------------|-------------|-------------|-------------------------------------------------|
| Theodorus  | Tarfensis   | Matronianus | Pompeiopolitanus, per Theodorum Metropolitanum. |
| Alexandrus | Sebastensis | Philippus   | Adanensis                                       |
| Hypatius   | Zephyrenfis | Theodorus   | Augustensis                                     |
| Chryppus   | Malletanus  | Sallustius  | Corycanus (s) per Philippum Adanensem.          |

## PROVIN. CILICIÆ SECUNDÆ. XIX.

|                       |                                                   |              |                                            |
|-----------------------|---------------------------------------------------|--------------|--------------------------------------------|
| Cyrillus              | Anazarbenfis                                      | Polichronius | Epiphanensis                               |
| Joannes               | Flaviados                                         | Indemus      | Hypenopolitanus                            |
| Julianus              | Rossitanus, aliàs Rossitanus                      |              |                                            |
| Bassianus             | Mopsuestienfis, per Sophronium Episcopum Isauriæ. |              |                                            |
| Basilus, aliàs Balias | Seleucienfis                                      |              |                                            |
| Theodorus             | Claudiopolitanus                                  | Julianus     | Celenderitanus                             |
| Joannes               | Diocæsariensis                                    | Danielus     | Anagnosti                                  |
| Epiphanius            | Cetestoroensis                                    | Mampreus     | Titipolitanus                              |
| Acacius               | Antiochenfis, aliàs Antiochenus                   |              |                                            |
| Leamanditos           | Antiochenfis per Papam Diaconum                   |              |                                            |
| Ammonius              | Lapolis                                           | Arrianus     | Selinuntionienfis, per Paulum Subdiaconum. |
| Natalus               | Philadelphæ, aliàs Philadelphitanus               |              |                                            |
| Tyrannus              | Germanicenis                                      |              |                                            |

## PROVIN. PHOENICES. XIII.

|                        |                                                         |            |                                           |
|------------------------|---------------------------------------------------------|------------|-------------------------------------------|
| Phorinus aliàs Photius | Tyrienfis.                                              |            |                                           |
| Damianus               | Sidonensis, aliàs Sinodensis, sed malè.                 |            |                                           |
| Paulus                 | Ptolemaidis, aliàs Ptolemidos                           |            |                                           |
| Olympius               | Aratopolitanus                                          | Paulus     | Porphyreonius (z)                         |
| Thomas                 | Paneadis                                                | Petrus     | Biblitanus (u) per Fotrum Puren-<br>tanum |
| Eustathius             | Berithropolitanus                                       | Theodorus  | Tripolitanus                              |
| Paraelitus             | Arcis                                                   | Alexandrus | Amparadus                                 |
| Porphyrus              | Batryopolitanus, per Seloisium Diaconum, aliàs Gelosium |            |                                           |
| Phosphorus             | Sithrosiadenfis, aliàs Stosiadenfis                     |            |                                           |

## PROVIN. PHOENICES LIBANITIDIS aliàs LIBANITES. VII.

|                          |               |            |                 |
|--------------------------|---------------|------------|-----------------|
| Theodorus                | Damascenus    | Vranius    | Emisenfis       |
| Joseph                   | Helipolitanus | Thomas     | Eulreopolitanus |
| Valerius                 | Laodicensis   | Eustathius | Silefaracensis  |
| Jordonis, aliàs Jordanis | Arabienfis.   |            |                 |

PROVIN.

(z) Corycutanus Cod. 1.

[r] Prophiritanus Cod. 1.

[u] Biblitanus Cod. 1.



## PROVIN. ARABIÆ. XV.

|                            |                   |                                      |                  |
|----------------------------|-------------------|--------------------------------------|------------------|
| Constantinus               | Boftron           | Eulogius                             | Philadelphienfis |
| Proclus                    | Adraonenfis       | Theodosius                           | Canotafienfis    |
| Hormifda                   | Philippopolitanus | Flaccus Geraſotanus per Boftroenſem. | per Conſtantinum |
| Auguſtus                   | Eufratenfis       | Stephanus                            | Hieraſpolitanus  |
| Theodoretus                | Samofatenus       | Joannes                              | Cyropolitanus    |
| Timotheus                  | Germanienfis      | Eultius (x)                          | Doliches         |
| Gavianus, aliàs Gavinianus | Zeugmatos         |                                      |                  |
| Patritius                  | Perrenfis         | Rufinus                              | Neocaſarienfis   |

## PROVIN. OSDROENES. VIII.

|           |                                        |            |                      |
|-----------|----------------------------------------|------------|----------------------|
| Nonnus    | Caelaba Sedenfis, aliàs Zelabafedenfis |            |                      |
| Gavimas   | Marcopolitanus                         | Joannes    | Carron               |
| Habraamus | Caſtrocircon                           | Danielus   | Macedonopolitanus    |
| Damianus  | Callinicipolitanus                     | Sophronius | Conſtantinopolitanus |
| Joannes   | Seracenus, aliàs Saracenus             |            |                      |

## PROVIN. MESOPOTAMIÆ. VI.

|          |                                        |          |               |
|----------|----------------------------------------|----------|---------------|
| Simeon   | Amidenfis                              | Noe      | Zephanenfis   |
| Maras    | Azetinenfis, aliàs Ezetinenfis         |          |               |
| Zebennos | Martipolitanus, aliàs Martiropolitanus |          |               |
| Gavimas  | Inreles                                | Eufebius | Suphaninenfis |

## PROVIN. PALÆSTINÆ PRIMÆ. IX.

|              |                              |                                                     |                 |
|--------------|------------------------------|-----------------------------------------------------|-----------------|
| Juvenalis    | Hierofolymitanus             | Glycon Caſarienfis per Zoſimum Epifcopum Medinenſem |                 |
| Leontius     | Aſcalonitanus                | Photinus                                            | Dioſpolitanus   |
| Paulus       | Antheodonenfis               | Heracius (y)                                        | Agathopolitanus |
| Pancratius   | Abiadenfis, aliàs Ebiadenfis |                                                     |                 |
| Polychronius | anepatridenfis               | Stephanus                                           | Jamnienfis      |

## PROVIN. PALÆSTINÆ SECUNDÆ. IV. (z)

|            |                 |         |                |
|------------|-----------------|---------|----------------|
| Severianus | Scythopolitanus | Anianus | Capitoliodos   |
| Zebinus    | Pelleſitanus    | Joannes | Gadarenfis (a) |

## PROVIN. PALÆSTINÆ TERTIÆ. VI. (b)

|                |             |           |            |
|----------------|-------------|-----------|------------|
| Berillus       | Elienſis    | Aretas    | Eluſitanus |
| Muſonius       | Zooronenfis | Martianus | Diotanus   |
| Nuz, aliàs Niz | Tyras       | Martianus | Gazes      |

## PROVIN. PALÆAS EPIRU. VIII.

|                             |               |           |                  |
|-----------------------------|---------------|-----------|------------------|
| Atticus                     | Nicopolitanus | Marcus    | Eurias           |
| Peregrinus                  | Finicenus     | Eutychius | Adrianopolitanus |
| Claudius                    | Aſchiamenſis  | Soterius  | Nesbitanus       |
| Philocteras, aliàs Fiſtedos | Dodonenfis    | Joannes   | Bruticenſis      |

## PROVIN. METROPOLI EPIRI. IV.

|          |               |        |             |
|----------|---------------|--------|-------------|
| Zenobius | Boftroenſis   | Lucas  | Doracienfis |
| Eufebius | apollonienſis | Petrus | Ethinienfis |

## PROVIN. THESSALIÆ. I.

|                  |             |  |  |
|------------------|-------------|--|--|
| Conſtantinus (c) | Demetriados |  |  |
|------------------|-------------|--|--|

## PROVIN. CRETÆ. V.

|           |                           |                       |                |
|-----------|---------------------------|-----------------------|----------------|
| Martyrius | Gorginenſis               | Gennadius             | Enoſitanus     |
| Cyrillus  | Subretanus                | Eufros, aliàs Eufates | Eleutherienfis |
| Demetrius | Laupenſis, aliàs Lupenſis |                       |                |

PROVIN:

[x] Eyoſtius Cod. I.

[y] Praſtius Cod. I.

[z] V. Cod. I.

(a) Gadarienfis Cod. I.

(b) VII. Cod. I.

(c) Demetrius Cod. I.

## PROVIN. BITHYNIÆ PONTICÆ. (d) V.

|             |                                                                 |            |          |
|-------------|-----------------------------------------------------------------|------------|----------|
| Eunomius    | Nicomedenſis                                                    | Anaſtaſius | Nicæas   |
| Julianus    | Cous, <i>aliàs</i> à Co, & Presbyter (e) Archiepiſcopi Leontis. |            |          |
| Eleutherius | Chalcidos                                                       | Callinicus | Apamenus |

## PROVIN. GALATIÆ PRIMÆ VII.

|           |                                    |             |                |
|-----------|------------------------------------|-------------|----------------|
| Eusebius  | Ancyranus, <i>aliàs</i> Anquiranus |             |                |
| Julianus  | Tabianus                           | Meliſtoggus | Juliopolitanus |
| Hyperetus | Aſponotaniensis                    | Acacius     | Cynnitanus     |
| Leucadius | Mnizutanus                         | Euphraſius  | Galatinensis   |

## PROVIN. GALATIÆ SECUNDÆ. VII.

|           |                                                               |              |               |
|-----------|---------------------------------------------------------------|--------------|---------------|
| Theodotus | Pefinutos per Fotium Archidiaconum, <i>aliàs</i> per Foratium |              |               |
| Elpidius  | Myricenſis                                                    | Myſteros     | Amorii        |
| Aquila    | Eudoxiados                                                    | Cyriacus     | Tronicatenſis |
| Pius      | Petenſiſſis                                                   | Longinus (f) | Orciſſu       |

## PROVIN. CAPPADOCIÆ PRIMÆ. III. (g)

|                                   |             |          |          |
|-----------------------------------|-------------|----------|----------|
| Gelaſius, <i>aliàs</i> Thalaffius | Cæſariensis | Muſonius | Nyſſenus |
| Firminus                          | thermis     |          |          |

## PROVIN. CAPPADOCIÆ SECUNDÆ. IV.

|              |             |            |                |
|--------------|-------------|------------|----------------|
| Patritius    | Tyanenſis   | Theodoſius | Nanziaenſis    |
| Ariſtomachus | Coloniensis | Cyrus      | Cybiſtronenſis |

## PROVIN. ARMENIÆ PRIMÆ. III.

|         |               |           |                     |
|---------|---------------|-----------|---------------------|
| Joannes | Sebaſtenſis   | Cecropius | Sebaſtianopolitanus |
| Joannes | Nicopolitanus |           |                     |

## PROVIN. ARMENIÆ SECUNDÆ. IV.

|                |                                                       |         |             |
|----------------|-------------------------------------------------------|---------|-------------|
| Conſtantineſis | Melitinensis                                          | Acacius | Arimantheus |
| Adonius        | Craviſſu, per Lothium preſbyterum                     |         |             |
| Joannes        | Arcis, <i>aliàs</i> argis, per Euphronium preſbyterum |         |             |

## PROVIN. PONTIPOLEMONIACI. IV.

|           |                                       |                                                 |  |
|-----------|---------------------------------------|-------------------------------------------------|--|
| Dorotheus | Neocæſariensis, per Photinum Diaconum |                                                 |  |
| Joannes   | polemoniachus                         | Gratiadus (b) Ceruſſuntelus, <i>aliàs</i> Cefa- |  |
| Atarbius  | Trapezuntos                           | (runthes                                        |  |

## PROVIN. HELLESPONTI. V.

|              |                                           |  |  |
|--------------|-------------------------------------------|--|--|
| Seleucius    | Amasenus, <i>aliàs</i> Amareus            |  |  |
| Antonius (i) | Amiſſenus, per Olympium Diaconum          |  |  |
| Paralios     | Andranoponenſis, per Elpidium Preſbyterum |  |  |
| Vranius      | Iborensis, per Paulum preſbyterum         |  |  |
| Atticus      | Zenonenſis, <i>aliàs</i> Zelonenſis       |  |  |
| Antiochus    | Synopenus                                 |  |  |

## PROVIN. PAPHLAGONIÆ. V.

|           |                 |                                                  |  |
|-----------|-----------------|--------------------------------------------------|--|
| Petrus    | Gagrotanus      | Aetherius Pompeiopolitanus, per Epipha-          |  |
|           |                 | nium Preſbyterum                                 |  |
| Renas     | Lolliopolitanus | Polichronius Deditenſis, <i>aliàs</i> Dadirenſis |  |
| Theodorus | Soronensis      |                                                  |  |

PROVIN. NONORIADOS, *aliàs* HONORIADOS. VI.

|             |                  |                                          |             |
|-------------|------------------|------------------------------------------|-------------|
| Calegorus   | Claudiopolitanus | Theodorus                                | Heraclensis |
| Apragmonius | Tuitanus         | Theophilus Adrianopolitanus, per Pelagi- |             |
|             |                  | um preſbyterum.                          |             |

A a

Gene-

(d) Ponticis VI. Cod. 1. (e) Presbyteri Cod. 1. [f] Longinus abest à Cod. 1.  
 [g] VII. Cod. 1. (b) Ceraſſuntanus Cod. 1. (i) Antoninus Cod. 1.



Genethlius Erantensis per Eulogium presbyterum  
Olympius prusiadensis, per Modestum presbyterum

## PROVIN. HELLESPONTI ANIANÆ. XI.

|            |                  |            |             |
|------------|------------------|------------|-------------|
| Diogenes   | Gyzicunctos      | Petrus     | Dardanensis |
| Thalassius | pari             | David      | Adrianensis |
| Eulalius   | pionienfis       | Pionius    | Troadensis  |
| Stephanus  | rimanenus        | Theusebius | Ilii        |
| Hermas     | Abydenfis        | Daniel     | Lampfacenus |
| Patritius  | Adrianopolitanus |            |             |

## PROVIN. ASIÆ. XX.

|             |                  |                                     |                           |
|-------------|------------------|-------------------------------------|---------------------------|
| Stephanus   | Ephefinus        | Ætherius                            | Smyrnenfis                |
| Thomas      | Æliocomenus &    | Valentinianopolitanus               |                           |
| Eusebius    | Clazomenus       | Cyriacus Etles, <i>aliàs</i>        | Edes, <i>aliàs</i> Adles. |
| Mamas       | Animetu          | Leontius                            | Magnesiae majoris         |
| Quintus     | Phocensis        | Proclus                             | Alofizenus                |
| Basilius    | Paleaspolitianus | Rufinus, <i>aliàs</i>               | Runus Briulomitanus       |
| Philippus   | Neasiletanus     | Hefaias                             | Eleas                     |
| Olympius    | Evazotanus       | Petronius                           | Myrincus                  |
| Hesperus    | Epitanensis      | Paulinus Perronatanus, <i>aliàs</i> | perperonota-              |
| Neonius     | Nysfenus         |                                     | (nus.                     |
| Marcellinus | Metropolitanus   | Julianus                            | Hypepotanus               |

## PROVIN. LYDIÆ. XIII.

|            |                  |            |                             |
|------------|------------------|------------|-----------------------------|
| Florentius | Sardeonenfis     | Menecrates | Corafenfis                  |
| Patritius  | Crassensis       | Polycarpus | Gabalensis                  |
| Paulus     | Tripolitanus     | Helias     | Vendotanus                  |
| Consinios  | Hierocæsariensis | Amaxios    | Selgon, <i>aliàs</i> Zelgon |
| Andreas    | Satalenus        | Dionysius  | Attanensis                  |
| Gemellus   | Stratonicensis   | Altimedos  | Eulantenfis                 |
| Leucius    | Apollosieru      |            |                             |

## PROVIN. PAMPHYLIAE. VIII.

|             |                              |                |              |
|-------------|------------------------------|----------------|--------------|
| Epiphanius  | Pergensis                    | Theophilus     | Adriassu.    |
| Neon        | Sonifu, <i>aliàs</i> Sinifu  |                |              |
| Diodorus    | Lyfaniensis                  | Paulus         | Pogloniensis |
| Marcellinus | Ifindonenfis                 | Macedon        | Magidonenfis |
| Maras       | Codroylonensis, <i>aliàs</i> | Godroyionensis |              |

## PROVIN. PAMPHYLIAE ALTERIUS. XXII.

|             |              |                                      |               |
|-------------|--------------|--------------------------------------|---------------|
| Amphilotius | Sidenfis (k) | Gajus                                | Suedronensis  |
| Eudoxius    | Ellelonensis | Martianus                            | Corallensis   |
| Eusebius    | Cottinenfis  | Obremus                              | Caracesiensis |
| Romanus     | Myrrensis    | Aristoclitus                         | Olymponensis  |
| Eudoxius    | Comatenfis   | Palladius                            | Capitalensis  |
| Cyrinus     | Patarenfis   | Stephanus (l)                        | Lymmirenfis   |
| Zenodotus   | Telmifu      | Cronton Pasitidonensis, <i>aliàs</i> | Pasittonensis |
| Philippus   | Barbarenfis  | Theodorus                            | Antipollenus  |
| Leontius    | Araxenus     | Antipatros                           | Cacumenus     |
| Cratinus    | Panormitanus | Andreas                              | Ptolcotanus   |
| Nicoillus   | Acraflutanus | Romanus                              | Bobonenfis    |

## PROVIN. LYCAONIAE. VIII.

|             |               |               |                                       |
|-------------|---------------|---------------|---------------------------------------|
| Onesiphorus | Iconensis     | Neoptolemus   | Cronensis                             |
| Paulus      | Derbenfis (m) | Plutarchus    | Lystron                               |
| Eugenius    | Canon         | Rufus         | S'des                                 |
| Tyrannus    | Imadanensis   | Ascholias (n) | Lalandensis, <i>aliàs</i> Ladandensis |

PRO-

(k) *Sidenfis* Cod. i.  
(n) *Ascholias* Cod. i.

(l) *Lymmirenfis* Cod. i. (m) *Dernenfis* Cod. i.

## PROVIN. PISIDIÆ XVI.

|                                 |                  |            |                |
|---------------------------------|------------------|------------|----------------|
| Pergamius                       | Antiochenus      | Eutropius  | Adadonenfis    |
| Paulus                          | Philomedensis    | Longinus   | Apamenus       |
| Theodotus                       | Tyreus           | Eorticius  | Metropolitanus |
| Cyrus                           | Siniandensis     | Libanius   | Pallatonensis  |
| Alexander                       | Seleucensis      | Olympius   | Sozopolitanus  |
| Photianus                       | Salagafutanus    | Messalinus | Laodicensis    |
| Barrones, <i>aliàs</i> Bassones | Neaspolitanus    |            |                |
| Florentinus                     | Adrianopolitanus | Mufonius   | Limenensis     |
| Maximinus                       | Zozilonensis     |            |                |

## PROVIN. CARIÆ (o) XIII.

|             |                                    |                                                  |              |
|-------------|------------------------------------|--------------------------------------------------|--------------|
| Cretonianus | Aphrodisius, <i>aliàs</i> Aphrodis |                                                  |              |
| Dionysius   | Antiochenus                        | Joannes (p)                                      |              |
| Placalus    | Jassus                             | Panias Eristonensis, <i>aliàs</i> Aristodonenfis |              |
| Dionysius   | Latomenus                          | Menandros                                        | Heracleus    |
| Eupithius   | Stratonicensis                     | Joannes                                          | Amazonensis  |
| Tichanius   | Apollonenfis                       | Theodoretus                                      | Alabandenfis |
| Joannes     | Enidiensis                         | Calandion Halicarnassensis, per Paulinum         |              |
|             |                                    | <i>aliàs</i> Publium Presbyterum.                |              |

## PROVIN. PHRYGIÆ SALUTARIS XII.

|                               |                |                                              |              |
|-------------------------------|----------------|----------------------------------------------|--------------|
| Marianus                      | Sinadensis (q) | Aquila                                       | Auroclenus   |
| Eusebius                      | Dorilei        | Myros Bilandenfis, <i>aliàs</i> Bilandrenfis |              |
| Mocimus, <i>aliàs</i> Mozimus | Epsu           | Epiphanius                                   | Mardagenfis  |
| Philippus                     | Lyciados       | Cyriacus                                     | Eucarpensis  |
| Abirtius                      | Hieropolitanus | Basilus                                      | Nicolienfis  |
| Eustochius                    | Docimii        | Strategius                                   | Polibatenfis |

## PROVIN. PHRYGIÆ PACATIANÆ XIII.

|              |                                     |           |               |
|--------------|-------------------------------------|-----------|---------------|
| Nunechius    | Laociastrimitarias                  | Danielus  | Cadonenfis    |
| Modestus (r) | Sebastensis                         |           |               |
| Eulalius     | Fibriensis, <i>aliàs</i> Sibriensis |           |               |
| Matthias     | Temefensis (s)                      | Paulus    | Aristensis    |
| Charis       | Dionysopolitanus                    | Gennadius | Acmonensis    |
| Thomas       | rheodosiopolitanus                  | Philippus | Agirafidenfis |
| Joannes      | trapezuntinus                       | Evandros  | Diocleas      |
| Gennadius    | Molinenfis                          |           |               |

## PROVIN. JONNESON. IV.

|            |       |            |              |
|------------|-------|------------|--------------|
| Joannes    | Rhodi | Florentius | Mitylenensis |
| Euphrotius | Chi   | Batrachus  | Naxensis     |

## PROVIN. CYPRI VII.

|              |                                        |           |                                     |
|--------------|----------------------------------------|-----------|-------------------------------------|
| Olympius     | Constantienfis, per                    | Didymus   | Episcopum Lapitensem                |
| Epaphroditus | Camassensis                            | Eliodorus | Amathuntos                          |
| Soteras      | Theodosianensis                        | Didymus   | Lapitenfis, <i>aliàs</i> Lapidenfis |
| Proeuchius   | Archenoensis, <i>aliàs</i> Arcenoensis |           |                                     |
| Photinus (t) | Cytrenus                               |           |                                     |

## PROVIN. APHRICÆ II.

|            |              |            |       |
|------------|--------------|------------|-------|
| Valerianus | Bassianensis | Valerianus | Apher |
|------------|--------------|------------|-------|

EXPLICIT (u) SANCTUM CHALCEDONENSE CONCILIUM.

Aa 2

TITU-

(o) *Casaria* Cod. i.(p) *Alisdonensis* Cod. i.(q) *Sinalidenfis* Cod. i.[r] *Dodefis* Cod. i.[s] *Temefianensis* Cod. i.[t] *Phoninus* Cod. i.(u) *Expliciunt Canones Chalcedonensis* Cod. i.



# TITULI CANONUM (a) SARDICENSIS CONCILII.

## NUMERO XXI.

- I. De Episcopis, etiam laica communione privandis, qui civitates (b) mutaverint.
- II. Item de iisdem Episcopis, ut si per ambitionem sedem mutaverint, nec in exitu communionem (c) laicam consequantur.
- III. Ut inter discordes Episcopos Comprovinciales antistites audiant, quod si (d) damnatus appellaverit Roman. Pontificem, id observandum, quod ipse censuerit.
- IV. Ut nullus accusati sedem usurpet Episcopi.
- V. Quando quis debeat à vicinis Provinciae Episcopis ordinari?
- VI. De non ordinandis Episcopis per vicos & modicas civitates.
- VII. De Provinciali Synodo retrahenda per vicarios Episcopi urbis Romæ, si ipse decreverit.
- VIII. Quando, & in quibus causis Episcopi ad Comitatum ire debeant?
- IX. De Diaconis ad Comitatum dirigendis.
- X. Quod ad Comitatum pro pupillis & viduis ac necessitatem patientibus sit eundum.
- XI. Ut, qui in canali sunt Episcopi, euntes ad Comitatum sollicitè discutiant.
- XII. De his, qui ignorant, quid sit in Synodo constitutum.
- XIII. De Laicis non temerè faciendis Episcopis.
- XIV. Quamdiu Episcopus in aliena civitate remoretur?
- XV. Non liceat Episcopo à sua Ecclesia plus tribus hebdomadibus abesse.
- XVI. De Clericis à communione summotis, ab alio non recipiendis Episcopo.
- XVII. De excommunicatis apud vicinos Episcopos audiendis.
- XVIII. De non sollicitandis Clericis alienis.
- XIX. De non ordinandis Clericis alienis sine sui consensu Episcopi.
- XX. De Presbyteris & Diaconis, qui Theſſalonicam veniunt, quantum temporis ibi resideant?
- XXI. De suscipiendis his, qui persecutionem patiuntur.

## PRÆFATIO (e) EX TERTIO CODICE ANTIQUO.

**S**unt etiam Regulæ Ecclesiasticæ, quæ in Africani regionibus frequentissimo Synodali Concilio conscriptæ sunt, quæ quoniam multipliciter, & diversis modis inveniuntur; si ad manus cujusque Catholicorum venerint, salvâ & incolumi fide Catholicâ, quæ apud Nicæam Bithyniæ à CCCXVIII. patribus exposita est, & postea iterum in urbe Roma de Spiritu Sancto ab Episcopis salubriter adjecta est, si quid in his rationabile repererit, quod tamen à Sancta, atque Apostolica Ecclesia Romana non discrepet, sequi debet.

Præterea sunt aliæ XL. Regulæ, quæ per Osum Episcopum Cordubensium currunt, quæ titulatur tanquam. XX. Episcopum apud Sardicam, quæ tamen non apud Græcos, sed apud Latinos magis inveniuntur, sed quoniam de Osi persona mentio facta est, necessariè omnibus Catholicis intimandum est; hunc eundem apud Nicæam Bithyniæ inter Sanctissimos. CCCXVIII. Patres fuisse honorabilem, atque ab Epistolica Sede cum Victore & Joventio Presbyteris destinatum, quique in Hispaniis usque ad tempus Constantii Principis in corpore man-

(a) Incipiunt Canones Sardicensis Cod. 1. 2. 3. (b) mutaverunt Cod. 1. 3.

(c) saltem Cod. 1. 2. 3. (d) Diaconatus Cod. 1. 2.

(e) Præfatio hæc non extat in tribus Codicibus MS. Colonienſibus.

manſit. Nam memoratis Conſtantius: ſicut vir eruditiffimus *Sulpitius Severus* in Chronicis ſuis refert, qui diligenti cura complectens noſtræ memoriæ dereliquit apud Arminium Italiæ numeroſum utriusque orbis Synodum Episcopalem collegit, & adverſus fidem Catholicam vel CCCXVIII. Patrum definitionem Arii cupiens venena revolvere, Eccleſiam Dei Tyrannicâ uſurpatione turbavit; denique coacti, vel metu Principis, vel Tauri præſecti præſentia, cui excutio ſaliter fuerat delegata, ut ſi major pars Concilii in Arianorum perfidia conſentiret; ipſe conſulatus inſignia mereretur: penè omnes qui ibidem fuerunt, Episcopi ſubſcripſerunt. Sed poſtea iterum Divino inſpirante præſidio, quàm plurimi agentes pœnitentiam, datis quoque libellis ad Sanctam Eccleſiam, de qua plus neceſſitate quàm voluntate diſceſſerant, redierunt. Unde & in æternum ab omnibus Catholicis Ariminenſe Concilium rectè dicitur anathema. Quod ſi quis dicere neglexerit, Catholicus non eſt. Hunc ergo Oſium, ſicut prædictus *Sulpitius* refert, in longa Synodi diſceptatione quoniam ut ſupra memoratum eſt; adhuc Conſtantii temporibus erat in corpore: placuit miſſâ Episcopali Legatione debere perquiri, utrum in ſancta & venerabili Nicæna congregatione, in

quâ præſens fuerat, Homuſion; ſicut nos Catholici rectè conſitemur uniſcum Patre ſubſtantię Filium: an certè, ſicut Ariani obtendunt Homœuſion; quod eſt ſimilis cum Patre ſubſtantię Filium CCCXVIII. Patres noſtri conſiderari deſceſſiſſent? Qui ſive per longam ætatem deſpiciens, ſive certè pro aſſentatione principis huiusmodi reddidiſſe perhibetur.

Utramque partem rectè intendere quæ conſeſſa fuerit, ſive Homuſion, ſive Homœuſion, cuius ſententia, quoniam ita ſtultè prolata eſt; ab omnibus Catholicis, etiam ab Arianis uno ore irriſa, atque reſutata eſt. Denique in civitate Corduba; in qua Episcopatum tenuit, poſt hanc conſultationem, ſive reſponſum nomen ejus inter Catholicos Episcopos antecellentes, vel deceſſores ejus minime recitatur. Sunt hæc Regulæ, quæ per ſæpè dictum Oſium, & XX. Episcopos curruunt ſalva, & incolumi Fide Catholicâ; quæ apud eandem Nicæam Bithyniæ à CCCXVIII. Patribus expoſita eſt, & poſtea iterum in urbe Roma de Spiritu Sancto à Catholicis Episcopis ſalubriter adjectum eſt. Siquid in his rationabile, qui legit, repèrerit, quod tamen à Sancta, atque Apoſtolica Romana Eccleſia non diſcreper, ſequi debet:

## INCIPIUNT CANONES SÂRDICENSIS CONCILII. NÚMERO XXI.

*De Episcopis etiam Laica communione privandis, qui civitates mutaverunt.*

*Item de iisdem Episcopis, ut si per ambitionem sedem mutaverint; nec in exitu communionem; saltem Laicam; consequuntur.*

### CAPUT I.

**O**ſius Episcopus dixit. Non minus mala conſuetudo, quàm pernicioſa corruptela; funditus eradicanda eſt: necui liceat Episcopo, de civitate ſua ad aliam tranſire civitatem. Maniſta eſt enim cauſa, quâ hoc facere tentat: cum nullus in hac re inventus ſit Episcopus, qui de majore civitate ad minorem tranſiret. Unde appareſt, avaritiæ ardore eos inflammarî, & ambitioni ſervire, & ut dominationem agant. Si omnibus placet, huiusmodi pernicies ſævius, & austerius vindicetur, ut nec laicam communionem habeat, qui talis eſt. Reſponderunt univerſi; placet.

A a 3

(f) talem abest à tribus Codicibus nostris.

(b) vobis pro vero. Cod. i. 2. 3.

### CAP. II.

Oſius Episcopus dixit. Etiam ſi talis aliquis extiterit temerarius, ut fortaliſ talem (f) excuſationem afferens aſſeveret, quod populi literas acceperit, cum maniſtum ſit potuiſſe (g) plures præmio, & mercede corrumpi eos, qui ſinceram fidem non habent: ut clamerent in Eccleſia, & ipſum petere viderentur Episcopum. Ominino has fratres damnandas eſſe arbitror: ita, ut nec laicam in fine communionem talis accipiat. Si verò (b) omnibus placet, ita ruite, Synodus reſpondit: placet.

U

(g) panthei Cod. i. 2. 3.



*Ut inter discordes Episcopos Comprovinciales antistes audiant, quod si damnatus appellaverit Romanum Pontificem, id observandum, quod ipse censuerit. CAP. III.*

Osus Episcopus dixit. Illud quoque necessarium adiciendum est, ut Episcopi de sua provincia ad aliam provinciam, in qua non sunt Episcopi, non transeant; nisi fortè à fratribus suis invitati; ne videamur januam claudere charitatis. Quod si in aliqua provincia aliquis Episcopus contra fratrem suum Episcopum litem habuerit; (z) unus de duobus ex alia provincia advocet Episcopum cognitorem. Quod si aliquis Episcopus judicatus fuerit in aliqua causa, & putat se bonam causam habere: ut iterum Concilium renovetur, si vobis placet, Sancti Petri Apostoli memoriam honoremus, ut scribatur ab his, qui causam examinarunt, Julio Romano Episcopo, & si judicaverit renovandum esse iudicium, renovetur; & det iudices. Si autem probaverit talem causam esse, ut non refricentur ea, quæ acta sunt, quæ decreverit, confirmata erunt: si hoc omnibus placet? Synodus respondit: placet.

*Ut nullus accusati sedem usurpet Episcopi.*

#### CAP. IV.

Gaudentius Episcopus dixit. Addendum si placet huic sententiæ, quam plenam Sanctitate protulisti: (k) ut cum aliquis Episcopus depositus fuerit eorum Episcoporum iudicio, qui in vicinis locis commorantur, & proclamaverit agendum sibi negotium in urbe Roma, alter Episcopus in ejus Cathedra post appellationem ejus, qui videtur esse depositus, omnino non ordinetur, nisi causa fuerit in iudicio Episcopi Romani determinata.

*Quando quis debeat à vicinis Provinciae Episcopis ordinari. CAP. V.*

Osus Episcopus dixit. Si contigerit in una provincia, in qua plurimi fuerint Episcopi, unum fortè remanere Episcopum, (l) verò per negligentiam noluerit ordinare Episcopum, & populi convenerunt, Episcopi (m) vicinæ provinciæ debent (n) illum prius con-

venire Episcopum, qui in ea provincia moratur; & ostendere, quod populi petant sibi rectorem; & hoc iustum (o) est, ut & ipsi veniant, & cum ipso ordinent Episcopum. Quod si conventus literis tacuerit, & dissimulaverit, nihilque rescripserit, satisfaciendum esse populis, ut veniant ex vicina Provincia Episcopi, & ordinent Episcopum.

*De non ordinandis Episcopis per vicos, & modicas civitates. CAP. VI.*

Licentia verò danda non est ordinandi Episcopum, aut in vico aliquo, aut in modica civitate, cui sufficit unus presbyter, quia non est necesse ibi Episcopum fieri, ne vilescat nomen Episcopi, & autoritas. Non debent illi ex alia Provincia invitati facere Episcopum: nisi aut in his civitatibus, quæ Episcopos habuerunt, aut si qua talis, aut tam populosa est civitas, quæ mereatur habere Episcopum; Si hoc omnibus placet? Synodus respondit: placet.

*De Provinciali Synodo retractandâ per vicarios Episcopi urbis Romæ, si ipse decreverit.*

#### CAP. VII.

Osus Episcopus. Placuit autem, ut si Episcopus accusatus fuerit, & judicaverint congregati Episcopi regionis, ipsius, & de gradu suo eum dejecerint, si ipsius, & de gradu suo eum dejecerint, si appellaverit, qui dejectus est, & confugerit ad Episcopum Romanæ Ecclesiæ, & voluerit se audiri; si iustum putaverit, ut renovetur (p) iudicium, vel discussionis examen, scribere his Episcopis dignetur, qui in finitima & propinqua provincia sunt, ut ipsi diligenter omnino requirant, & juxta fidem veritatis definiant. Quod si is, qui rogat causam suam iterum audiri, deprecatione suâ moverit Episcopum Romanum, ut è latere suo presbyterum mittat; erit in potestate Episcopi, quid velit, & quid æstimet. Et si decreverit, mittendos esse, qui præsentibus cum Episcopis judicent, habentes ejus auctoritatem, à quo destinanti sunt; erit in suo arbitrio; si verò crediderit Episcopos sufficere, ut negotio terminum imponant, faciet, quod sapientissimo consilio judicaverit.

*Quan-*

(i) ne interponitur in tribus nostris.

(k) extulisti pro protulisti Cod. 1. 2. 3.

(l) Hoc comma omisum in Cod. 1. 2.

(m) Episcopos Cod. 1. 2. 3.

(n) debere Cod. 1. 2. 3.

(o) esse Cod. 1. 2. 3.

(p) examen LOCO iudicium, Discussionis examen Cod. 1. 2. 3.

*Quando, & in quibus causis Episcopi ad comitatum ire debeant.* CAP. VIII.

Ofius Episcopus dixit. Importunitates; & nimia frequentia, & injustæ petitiones fecerunt, nos non tantam habere vel gratiam vel fiduciam, dum quidam non cessant ad Comitatum ire Episcopi, & maximè Aphri, qui, sicut cognovimus, Sanctissimi fratris & Coepiscopi nostri Grati salutaria consilia spernunt, atque contemnunt: ut non solum ad Comitatum multas & diversas, Ecclesiæ non profuturas, proferant causas, ut fieri solet, aut oportet, aut pauperibus, aut viduis, aut pupillis subveniatur, sed & dignitates sæculares, & administrationes quibusdam postulant. Hæc itaque pravitas olim non solum murmurationes, sed & scandala excitat. Honestum est autem, ut Episcopi intercessionem his præstent, qui iniqua vi opprimuntur, aut si vidua affligatur, aut pupillus expolietur. Si tamen isthæc nomina justam habent causam, aut petitionem. Si vobis ergo fratres charissimi, placet, decernite, ne Episcopi ad Comitatum accedant, nisi forè hi, qui religiosi Imperatoris literis vel invitati vel vocati fuerint. Sed quoniam sæpè contingit, ut ad misericordiam Ecclesiæ confugiant, qui injuriam patiuntur, aut qui peccantes in exilio vel insulis damnantur, aut certè quamcunque sententiam suscipiunt, subveniendum est his, & sine dubitatione petenda indulgentia, hoc ergo decernite, si vobis placet, universi dixerunt. Placet; constituatur.

*De Diaconis ad Comitatum dirigendis.*

## CAP. IX.

Ofius Episcopus dixit. Hoc quod providentia vestra tractare debet, qui (q) decrevistis, ne Episcoporum improbitas nitatur, ut ad comitatum pergant. Quicumque ergo, qualis superius memoravimus preces habuerint, vel acceperint, per Diaconum suum mitant, quia persona ministri invidiosa non est, & quæ impetraverit, celerius poterit referre, & hoc consequens esse videtur, ut de qualibet provincia Episcopi ad eum fratrem & coepiscopum nostrum preces mitant, qui in Metropoli consistit, ut illi (r) & Diaconum ejus, & supplicationes destinet tribuens com-

mendatitias epistolas pari ratione ad fratres & Coepiscopos nostros, qui in illo tempore in his regionibus, & urbibus morantur, in quibus felix, & beatus Augustus rempublicam gubernat. Si verò habet Episcopus amicos in palatio qui cupit aliquid, quod tamen honestum est, impetrare, non prohibetur per Diaconum suum rogare, ac significare his, quos (s) scit benignâ intercessione sibi absenti posse præstare.

*Quod ad Comitatum pro pupillis & viduis, ac necessitatem patientibus sit eundem.*

## CAP. X.

Si (s) verò Romam venerint, sicut dictum est Sanctissimo fratri, & Coepiscopo nostro Romanæ Ecclesiæ preces, quas habent, tradant: ut & ipse prius examinet, si honestæ, & justæ sunt, & præstet diligentiam, atque sollicitudinem, ut ad Comitatum perferantur. Universi dixerunt placere sibi, & honestum esse consilium.

Alipius Episcopus dixit. Si propter pupillos & viduas, vel laborantes, qui causas (u) iniquas habent, susceperint peregrinationis incommoda: habebunt aliquid rationis, nunc verò, cum ea postulent præcipuè, quæ sine invidia hominum, & sine reprehensione esse non possunt, non necesse est ire ad Comitatum.

*Ut, qui in Canali sunt Episcopi, euntes ad comitatum sollicitè discutiant.*

## CAP. XI.

Gaudentius Episcopus dixit. Ea, quæ salubriter præmonuistis (x) convenientia, & æstimatione omnium, & Deo placitura, & hominibus, tenere hanc firmitatem possunt, si metus huic sententiæ jungatur. Scimus enim, & ipsi sæpissimè propter paucorum impudentiam religiosum Sacerdotale nomen fuisse reprehensum. Si igitur aliquis contra omnium sententiam niscus voluerit ambitioni magis placere, quàm Deo; is debet scire, causis redditis, honorem dignitatēque se amissurum, quod ita demùm compleri poterit, si unusquisque nostrum, qui in carnali constitutus est, cum progredientem Episcopum viderit, inquirat transitum ejus, causas videat, quod tendat, agnoscat, & siquidem

(q) quia Cod. 3.  
(i) qui pro si.

(r) ille Cod. 1. 2. 3.  
(u) non

(s) quod Cod. 1. 2.  
(x) providistis



dem eum invenerit ire ad Comitatum, requirat & illud, quod superius comprehensum est, nisi fortè invitatus est, ut ei facultas eundi permittatur. Si verò, ut superius memoravit Sanctitas vestra, propter desideria, & ambitiones ad comitatum pergat, neque in literis ejus scribatur, neque in communione recipiatur. Si vobis placet, omnium sententia confirmari debet. Universi dixerunt honestum esse, & placere sibi hanc constitutionem.

*De his, qui ignorant, quid sit in Synodo constitutum. CAP. XII.*

Osus Episcopus dixit. Sed & moderatio necessaria est, dilectissimi fratres, ne subito adhuc aliqui nescientes, quid decretum sit in Synodo, veniant ad civitates eas, quæ in canali sunt. Debet ergo Episcopus civitatis ipsius admonere eum, & instruere, & ex eo loco Diaconum suum mittat: admonitus ipse tamen redeat in Parochiam suam.

*De Laicis non temerè faciendis Episcopis.*

#### CAP. XIII.

Osus Episcopus dixit. Et hoc necessarium arbitror ut diligentissimè tractetis: si fortè aut dives, aut scholasticus de foro, aut ex administratore Episcopus fuerit postulatus: ut non prius ordinetur nisi ante, & lectoris munere, & officio Diaconi aut presbyteri fuerit perfunctus: & ità per singulos Gradus, si dignus fuerit, ascendat ad culmen Episcopatus. Potest enim per has promotiones, quæ habebunt utique prolixum tempus, probari, quàm fide sit, quàm modestià quàm gravitate, & verecundià. Et si dignus fuerit probatus, Divino Sacerdotio illustretur; quia conveniens non est, nec ratio, vel disciplina patitur, ut temerè, & leviter ordinetur aut Episcopus, aut presbyter, aut Diaconus, qui neophytus est. Maximè cum & Magister gentium, Beatus Apostolus, ne hoc fieret, denunciassè, & prohibuisse videatur. Sed hi, quorum per longum tempus examinata sit vita, & merita fuerint comprobata.

*Quamdiu Episcopus in aliena civitate remoretur? CAP. XIV.*

Osus Episcopus dixit. Et hoc quoque statuere debetis, ut ex alia civitate

cùm venerit ad aliam civitatem, vel ex provincia sua ad aliam provinciam, & ambitioni magis, quàm devotioni serviens voluerit in alienà civitate multo tempore residere: Fortè enim evenit, episcopum loci non esse tam instructum, neque tam doctum. Is verò, qui advenit, incipiat contemnere eum, & frequenter facere sermonem, ut dehonestet, & infirmet illius personam; ità ut hac occasione non dubitet relinquere assignatam sibi ecclesiam, & transeat (a) ad alienam. Definire ergò tempus, quia & non recipi episcopum inhumanum est, & si diutius resideat, perniciosum est: hoc ergo ne fiat, providendum est. Memini autem superiore Concilio, fratres nostros constituisse, ut, si quis laicus in ea, in qua commemoratur, civitate tres Dominicos dies, id est, per tres septimanas, non (b) celebrassè coaventum, communione privetur. Si hæc circa laicos constituta sunt, multò magis episcopo nec licet, nec decet, si nulla sit tam gravis necessitas, quæ detineat, ut amplius à suprà scripto tempore absens sit ab ecclesia sua. Universi dixerunt, placere sibi.

*Ne liceat Episcopo à sua Ecclesia plus tribus hebdomadibus abesse. XV.*

Osus episcopus dixit. Quia nihil prætermitti oportet, sunt quidam fratres, & Coepiscopi nostri qui non (c) eam civitatem (d) possident, in qua videntur episcopi esse constitui, vel certè quòd (e) parvam rem illic habeant. Alibi autem idonea prædia habere cognoscunt, vel affectionem proximorum, quibus indulgeant, hætenus permitti eis oportet, ut accedant ad possessiones suas, & disponant, vel ordinent fructum laboris sui; ut post tres Dominicos, id est, post tres hebdomadas, si morari necesse est, in suis potius fundis morentur. Aut si est proxima civitas, in qua est presbyter, ne sine Ecclesia videatur facere diem Dominicum, illuc accedat: ut neque res domesticæ per absentiam ejus, detrimentum sustineant, & non frequenter veniendo ad civitatem, in qua Episcopus moratur, suspicionem jactantiæ & ambitionis evadat. Universi dixerunt, placere sibi.

*De*

(a) *transire* Cod. 3.

(b) *celebrasset* Cod. 1. 2. 3:

(c) *in ea civitate* Cod. 1. 2.

(d) *possident* omisium Cod. 1. 2.

(e) *quod* omisium in tribus nostris.

*De Clericis & communione summotis, ab alio non recipiendis Episcopo.* CAP. XVI.

Osus episcopus dixit. Hoc quoque omnibus, ut siue Diaconus, siue presbyter, siue quis Clericorum ab Episcopo suo communione fuerit privatus, & ad alterum perrexerit episcopum, & scierit, ad quem confugit, eum ab episcopo suo fuisse abjectum; non oportet, ut ei communionem indulgeat, quod si fecerit, sciat se convocatis Episcopis causas esse dicturum. Universi dixerunt, hoc statutum & pacem servabit, & concordiam custodiet.

*De excommunicatis apud victos Episcopos audiendis.* CAP. XVII.

Osus episcopus dixit. Quod me adhuc movet, reticere non debeo, si episcopus, qui (f) fortè iracundus (quod esse non debet) & asperè commoveretur adversus presbyterum, siue Diaconum suum, & exterminare eum de ecclesia voluerit, providendum est, ne innocens damnetur, aut perdat communionem, & ideo habeat potestatem is, qui abjectus est ut Episcopos finitimos interpellet, & causa ejus audiat, ac diligentius tractetur, quia non oportet ei negare audientiam roganti, & ille Episcopus, qui iuste, aut injuste eum abiecit, patienter accipiat, ut negotium discutiatur, ut vel probetur sententia ejus à plurimis vel emenderetur. Tamen priusquam omnia diligenter & fideliter examinentur, eum, qui fuerit à communione (g) separatus, ante cognitionem nullus debet præsumere, ut eum communione societ. Hi verò, qui conveniunt ad audiendum, si viderint Clericorum esse fastidium, & superbiam, quia jam non decet, ut episcopus injuriam, vel contumeliam patiatur, severioribus eos verbis castigent, ut obediant honesta præcipienti Episcopo, qui (b) sicut ille Clericis Synderum exhibere debet amorem charitatis, ita quoque vicissim ministri infusata debent Episcopo suo exhibere obsequia.

*De non sollicitandis Clericis alienis.*

CAP. XVIII.

Januarius episcopus dixit. Illud

quoque statuatur Sanctitas vestra, ut nulli episcopo liceat, alterius episcopi civitatis ministerium ecclesiasticum sollicitare, & in suis Parochiis ordinare. Universi dixerunt: placet, quia ex his contentionibus solet nasci discordia, & ideo prohibet omnium sententia, ne quis hoc facere audeat.

*De non ordinandis Clericis alienis sine sui consensu Episcopi.* CAP. XIX.

Osus Episcopus dixit. Et hoc universi constitimus, ut quicumque ex alia Parochia voluerit alienum ministerium sine consensu Episcopi ipsius, & sine voluntate ordinare, non sit rata ordinatio ejus. Quicumque autem hoc usurpaverit, à fratribus, & Coepiscopis nostris & admoneri debet, & corrigi.

*De Presbyteris & Diaconis, qui Thessalonicam veniunt, quantum temporis ibi resident.* CAP. XX.

Aëtius (i) Episcopus dixit. Non ignoratis, quanta & qualis sit Thessalonicensium civitas, sæpe ad eam veniunt ex aliis regionibus presbyteri & diaconi, & non sunt contenti brevi tempore morari, & aut resident ibi, & aut cerè vix post longa spatia, ad sua redire coguntur. Universi dixerunt: ea tempora, quæ constituta sunt circa Episcopos, & circa has personas, observari debent.

*De suscipiendis his, qui persecutionem patiuntur.* CAP. XXI.

Osus Episcopus dixit. Suggestente fratre, & Coepiscopo nostro Olympio, etiam hoc placuit, ut, si aliquis vim perpeffus est, & inique expulsum, pro disciplina, & Catholica confessione, vel pro defensione veritatis, effugiens pericula, innocens, & devotus ad aliam venerit civitatem, non prohibeatur immorari, quamdiu aut redire possit, aut injuriâ ejus remedium acceperit; quia durum est eum, qui persecutionem patitur, non recipi; etiam & larga benevolentia, & humanitas ei est exhibenda. Omnis Synodus dixit, universa, quæ constituta sunt, Catholica ecclesia in universo orbe diffusa custodiet.

B b

E T

(f) quis Cod. 2. 3.

(g) communioni Cod. 1. 2. 3.

(b) quia omnes tres.

(i) Olympius Cod. 2. pro Aëtius.



## ET SUBSCRIPSERUNT, (k) QUI CONVENERANT.

|               |                                          |                                       |
|---------------|------------------------------------------|---------------------------------------|
| Ofius         | ab Spania                                | Cordubensis                           |
| Vincentius    | de Capua                                 | Legatus S. Ecclesiæ Rom. ab Spadoniis |
| Florentinus   | de Emerita                               |                                       |
| Costus (l)    | ab Spaniis                               | de Cæsar-Augusta                      |
| Maximus       | à Tuscia                                 |                                       |
| Porphyrius    | à Macedonia                              | de Philippis                          |
| Eutherius     | à Proica                                 | de Candos                             |
| Moysus        | à Thessalia                              | de Thebis                             |
| Dioscorus     | de Thracia                               | de Thracia                            |
| Lucius        | de Thracia                               | de Caniopoli                          |
| Evagrius      | à Macedonia                              | de Heracleonopoli                     |
| Zosymus       | à Bacacia                                | de Ligmedo                            |
| Diodorus      | ab Asia                                  | de Tenedo                             |
| Aetius        | à Macedonia                              | de Thessalonica                       |
| Parigorius    | à Dardania                               | de Seupis                             |
| Athanasius    | Alexandriæ                               |                                       |
| Jonas         | à Macedonia                              | de Partecopoli                        |
| Macedonius    | à Dardania                               | de Vlpianis                           |
| Fortunatianus | Aquilegiensis                            |                                       |
| Heliodorus    | de Nicopoli                              |                                       |
| Arius         | à Palæstina                              |                                       |
| Chocras       | ab Achaia                                |                                       |
| Stercoreus    | de Canusia                               |                                       |
| Martyrius     | ab Achaia                                | de Neapoli                            |
| Severus       | Ravennensis                              |                                       |
| Protasius     | Mediolanensis                            |                                       |
| Verissimus    | à Gallia                                 | de Lugduno                            |
| Palladius     | à Macedonia                              | de Dio                                |
| Alexander     | ab Achaia                                | de Ceporisma                          |
| Tihus (m)     | ab Asia                                  | de Metonis                            |
| Annianus      | ab Spania                                | de Cessalona                          |
| Calipodius    | Depolitanus (n) Legatus S. Ecclesiæ Rom. |                                       |
| Domitianus    | ab Spadoniis                             | de Asturica                           |
| Prætextatus   | ab Spaniis                               | de Barcelona                          |
| Bassus        | à Macedonia                              | de Diocletianopoli                    |
| Marcellus     | à Machedonia                             | de Ancyra                             |
| Afsclepius    | ab Achaia                                | de Serdica aliis Palæstina            |
| Protopogenes  | à Thessalia, aliis ab Achaia             | de Gaza Serderdica                    |
| Hymenæus      | à Thessalia                              | Separata, aliis de Phrata             |
| Item Lucius   | ab Italia                                | de Verona                             |
| Julius        | à Bacacia                                | de Tebeffem                           |
| Athenodorus   | à Bacacia                                | de Blacena                            |
| Alexander     | à Thessalia                              | de Larissa                            |
| Vitalis       | ab Achaia                                | de Aquiripensis                       |
| Triphon       | ab Achaia                                | de Macarce                            |
| Gaudentius    | ab Achaia                                | de Naifo                              |
| Alypius       | ab Achaia                                | de Megaris                            |
| Calunis       | ab achaia                                | Ripensi de Castra                     |
| Postarcus (o) | ab achaia                                | de Patris                             |
| Eutherius     | ab Pannonia                              |                                       |
| Asturius      | de Arabia                                |                                       |
| Dias          | à Posibus                                |                                       |
| Irenæus (p)   | ab Achaia                                | de Secoro                             |

Diony-

(k) Codex 2. non habet nomina; Codex 3. paucissima.

(l) Cusius Cod. 1. &amp; 3.

(m) Tychius Cod. 1.

(n) Neapolitana.

(o) Postarcus Cod. 1.

(p) Hieronimus Cod. 1.

|           |                 |                 |
|-----------|-----------------|-----------------|
| Dionysius | ab Achaia       | de Elide        |
| Ursatius  | ab Italia       | de Brixia       |
| Marcus    | ab Asia         | de Sciscia      |
| Valens    | ab Achiarpensod | Scythopolitanus |
| Gerontius | à Macedonia     | de Brebi        |
| Eutychius | ab Achaia       |                 |
| Alexander | ab Achaia       | de Moreniis     |

## ET CÆTERI.

ET SUBSCRIPSERUNT OMNES EPISCOPI DIVERSARUM  
PROVINCiarUM, VEL CIVITATUM. Numero CXXI.

EXPLICIUNT CANONES CONCILII SARDICENSIS.

## TITULI(a) CANONUM CONCILII CONGREGATI APUD CARTHAGINEM.

## N U M E R O XXXIII.

- I. Ut, quæ in Nicæno Concilio statuta sunt omnimodo conserventur.
- II. De Trinitate prædicanda.
- III. De continentia.
- IV. De diversis Ordinibus ab uxoribus abstinendis.
- V. De avaritia.
- VI. Ut Chrisma à Presbyteris non fiat.
- VII. De his, qui in periculo positi reconciliantur.
- VIII. De his, qui in accusationem majoris natu veniunt, & ut Episcopum nulli criminoso liceat accusare.
- IX. De his, qui merito facinorum suorum ab Ecclesie Congregatione pelluntur.
- X. De Presbyteris, qui à propriis corripuntur Episcopis.
- XI. Siquis Presbyter contra Episcopum suum inflatus Schisma fecerit, anathema sit.
- XII. Siquis Episcopus absque tempore Synodi in crimine detentus fuerit, à XII. Episcopis audiatur.
- XIII. Ut non liceat Episcopum, nisi à plurimis ordinari, sed si necessitas fuerit, vel à tribus ordinetur Episcopis.
- XIV. Ut de Tripoli unus Episcopus in legationem veniat, vel ut Presbyter ibidem à quinque Episcopis audiatur.
- XV. De diversis ordinibus Ecclesie servientibus; ut siquis causam criminis incurrerit, & abnuerit iudicium Ecclesiasticum, debeat periclitari, & ut filii Sacerdotum spectacula secularia non adeant.
- XVI. Ut nullus Episcopus, Presbyter, & Diaconus conductor existat, & ut Lectores uxores accipiant, & Clerici abstineant ab usuris, & quo tempore vel ipsi vel virgines consecrentur?
- XVII. Ut unaqueque Provincia propter longinquitatem Primatem habeat proprium.
- XVIII. Siquis Clericus ordinatur, moneri debet constituta servare, & ut corporibus defunctorum Eucharistia non detur, nec baptisma; & ut per singulos annos per omnes Provincias ad Concilium Metropolitanum conveniatur.
- XIX. Ut siquis Episcopus accusatur, ad primatem ipsius Provinciae causa deferatur.
- XX. De Presbyteris, vel Clericis accusatis.
- XXI. Ut filii Clericorum in matrimonio non jungantur hæreticis.
- XXII. Ut Episcopi, vel Clerici in eos, qui Catholici non sunt, nihil conferant.
- XXIII. Ut Episcopi trans mare non proficiantur.
- XXIV. Ut præter Scripturas Catholicas nihil in Ecclesia legatur.
- XXV. De Episcopis, vel sequentibus Ordinibus, qui Sacrosancta Mystéria contrectant, placuit ab uxoribus contineri.

Bb 2

XVII.

(a) Incipiunt Canones Carthagenenses Cod. 1, 2.



XXVI. Ut tres Ecclesiæ nemo distrabat.

XXVII. Presbyteri & Diaconi in graviore culpa convicti manus impositionem tamquam laici, nequaquam suscipiant.

XXVIII. Presbyteri & Diaconi, vel Clerici, qui causa sua ad transmarina putaverint appellandum; in communione minimè suscipiantur.

XXIX. Siquis excommunicatus ante audientiam communicare præsumpserit, ipse in se damnationem protulit.

XXX. De accusato vel accusatore.

XXXI. Siqui Clerici ab Episcopis suis promoti contempserint, nec illic maneant, unde recedere noluerunt.

XXXII. Siquis Clericorum pauper promotus in ordine postea habuerit aliquid, Ecclesiæ potestati subiaceat.

XXXIII. Ut Presbyteri rem Ecclesiæ, in qua sunt constituti, non vendant, & nulli Episcopo liceat rem tituli matricis Ecclesiæ usurpare.

## INCIPIUNT CANONES SYNODI

### CARTHAGINENSIS. (b)

**P**ost Consulatum Gloriosissimorum Imperatorum Honorii XII. & Theodosii VIII. Augustorum V. (d) Kal. Junii Carthagine, in Secretario Basilicæ Faustæ (e) cum Aurelius Papa, unà cum Valentino, primæ sedis provinciæ Numidiæ, Faustino ecclesiæ Potentiæ, provinciæ Italiæ Picensi, Legato Ecclesiæ Romanæ: Sed & Legatis diversarum Provinciarum Aphricanarum, id est, Numidiarum, Byzacenæ, Mauritanæ Cæsariensis, sed & Tripolim, & Vincen-  
tino Colositano, Fortunatio, & cæteris Episcopis provinciæ Proconsularis residentibus CCXVII. nec non Philippo, & Afello presbyteris atque Legatis Romanæ Ecclesiæ concessisset, adstantibus Diaconis; Aurelius Episcopus dixit. Post diem præstitutam Concilii, ut recordamini Fratres Beatissimi, multa flagitata sunt, exspectantes Fratres nostros, qui nunc ad præsentem Synodum Legati adveniunt, quæ gestis necesse est sci-  
entur, quæ de re Domino Deo nostro de tantæ Congregationis cætu gratias referimus. Super est, ut tam exemplaria Nicæni Concilii, quæ nunc habemus,

& à Patribus constituta sunt, quàm etiam hic à decessoribus nostris eandem Synodum firmantes, vel quæ secundum (f) formam per omnes Clericorum gradus à summo usque ad ultimum salubriter ordinata sunt, in medio proferantur. Ab universo Concilio dictum est: Proferantur.

Daniël Notarius recitavit. Nicæni Concilii fidei (g) professio, vel statuta ita se habent, & cum diceret Faustinus Episcopus plebis potentiænæ, provinciæ Italiæ Picensi, Legatus Romanæ Ecclesiæ dixit. Injuncta nobis sunt à Sede Apostolica aliqua per Scripturam, aliqua etiam in mandatis, cum vestra beatitudine tractanda, sicuti & gestis superioribus meminimus, hoc est, de Nicænis Canonibus, ut conserventur & constituta eorum, & consuetudo quia & aliqua ordine, & Canone tenentur, aliqua consuetudine firmata sunt. De his ergo primitus si placet beatitudini vestræ tractemus, & postea cætera, quæ acta, vel inchoata sunt, inserta, firmabuntur, ut & ad sedem venerandam rescriptis vestris intimare possitis, ad quæ nos ammonuisse

Tituli Canonum præmissi ab sunt à nostris tribus Codicibus.

Præfatio post consulatum abest à Cod. 2.

(b) Edimus Canones Concilii Carthagenensis, eo ordine & numero, quo MS. Codices antiquissimi Dionysii exigui eos referunt. Annus post consulatum Honorii XII. & Theodosii VIII. est aneus Christi CCCXIX. quo anno sextum Carthagine Concilium habitum fuit. Quinque Concilia ante hunc annum Carthagine, & in aliis Africæ locis celebrata fuere. Crabbius, Surlius, Binius, & recentissimè Schelestrateus in *Dissertatione de Ecclesia Africana* conati sunt Canones hos à Dionysio coaceratos ad suos annos Consules, Episcopos & Synodos sigillatim referre, sed parum profecerunt: Certum hoc, quod multarum Synodorum Canones ad Synodum anni 419. adjuncti inserti fuere. Nos uti in MSS. nostris reperimus, sic edimus.

(c) XIII. Cod. 1. & 3.

(d) VIII. Kal. Junias Cod. 1. 3.

(e) Faust Cod. 1. 3.

(f) eam formam Cod. 1. 3.

(g) fidei abest à 1. & 3. Cod;

nuisse apud venerabilem Papam evidenter clareat, licet & Capitula actionum jam inserta sint gestis. De ipsis ergo, ut superius dixi, quid vestra Beatitudini placeat, agere debemus. Veniat ergo commonitorium in medio (b) ut scire possit vestra Beatitudo, quid in eo contineatur, ut ad singula respondeatur.

Aurelius episcopus dixit. Proferatur commonitorium, quod fratres, & Confacerdotes nostri in actis nuper allegaverunt, & cætera, quæ acta sunt, vel agenda sunt, subsequuntur. Daniel notarius recitavit commonitorium fratri Faustino, & Filiis Philippo, & Afello presbyteris Zosimus Episcopus. Vobis commissa negotia non latent vos, ita ac si nostra, immò quia nostra ibi in vobis pœnitentia (i) est, cuncta peragite, maxime cum & hoc nostrum possitis habere mandatum, & verba Canonum, quæ in pleniorē firmitatem huic commonitorio inseruimus. Itā enim dixerunt fratres in Nicæno Concilio: cum de Episcoporum appellatione decernerent.

Placuit autem, ut si episcopus accusatus fuerit, & judicaverint congregati episcopi regionis (k) ipsius, & de gradu suo dejecerint eum, & appellasse videatur, & confugerit ad Beatissimum ecclesiæ Romanæ episcopum, & voluerit audiri, & iustum putaverit, ut renovetur examen, scribere his episcopis dignetur, qui in finitima, & propinqua provincia sunt: ut ipsi diligenter omnia requirant, & juxta fidem veritatis definiant. Quod si quis rogat causam suam iterum audiri & deprecatione suā moverit episcopum Romanum ut de latere suo presbyterum mittat, erit in potestate episcopi, quid velit, & quid existimet. Et si decreverit mittendos esse, qui præsentēs cum Episcopis judicent habentes auctoritatem ejus, à quo destinati sunt, erit in ejus arbitrio. Si vero crediderit sufficere episcopos, ut negotio terminum imponant, faciet, quod sapientissimo consilio suo judicaverit.

Et cum recitaret Alypius Episcopus Ecclesiæ Tagæstensis, Legatus Provinciæ Numidiæ dixit. De hoc jam superioribus etiam literis Concilii nostri rescriptimus, & id nos servaturos profite-mur, quod in Nicæno Concilio consti-

tutum est, adhuc tamen me moveret, quomodo (l) eum inspiceremus græca exemplaria hujus Synodi Nicænæ; ista ibi, nescio qua ratione minimè invenimus, unde petimus Venerationem tuam Sancte Papa Aureli, ut quia hoc authenticum Concilium Nicænum in urbe dicitur esse Constantinopolitanum, aliquos cum scriptis tuæ Sanctitatis mittere digneris, & non solum ad ipsum sanctum Fratrem nostrum Constantinopolitanum Episcopum, sed etiam ad Alexandrinum, & Antiochenum venerabiles Sacerdotes, qui hoc nobis Concilium sub adtutulatione literarum suarum dirigant, ut omnis postmodum ambiguitas auferatur, quia nos ita, ut frater Faustinus attulit, minimè invenimus ista, nos tamen paulisper servaturos, ut antea dixi, donec integra exemplaria veniant, profite-mur. Petendus est autem literis nostris etiam venerabilis Ecclesiæ Romanæ Episcopus Bonifacius, ut ipse quoque dignetur ad memoratas Ecclesias aliquos mittere, qui eadem exemplaria debeant secundum ejus scripta perferre, nunc autem memorati Nicæni Concilii, qualia exemplaria habemus, his gestis sociamus.

Faustinus Episcopus, Legatus ecclesiæ Romanæ dixit. Nec vestra Sanctitas præjudicat ecclesiæ Romanæ, five de hoc Capitulo, five de alijs, quia dicere dignatus est Frater noster, & Coepiscopus Alygius, (m) dubios esse Canones, sed hæc ipsa ad sanctum & beatissimum Papam nostrum scribere dignemini, ut & ipse integros Canones inquirens cum vestra Sanctitate de omnibus constitutis tractare possit. Sufficit autem, & ipse beatissimus Episcopus urbis Romæ, sicut & vestra Sanctitas apud se tractat: ita & ipse inquirat, ne contentio inter Ecclesias nasci videatur: sed magis charitate fraternā deliberare possitis, ipso rescribente, quod melius observari debeat.

Aurelius Episcopus dixit. Præter ista, quæ promissimus actis, necesse est, ut etiam nostræ parvitatis literis Sancto Fratri, & Confacerdoti nostro Bonifacio singula, quæ tractamus, plenissimè intememus. Ergo si omnibus placet professio nostra, ore omnium condiscamus. Universum Concilium dixit: placet.

Bb 3

Novæ

(b) in medium cod. 3.

(i) præsentia est.

(k) S. Religionis cod. 1.

(l) movet quoniam cod. 1.

(m) Alypius cod. 1. 3.



Novatus Episcopus, Legatus Mauritanæ Sicitensis dixit. Nunc meminimus hoc commonitorio, etiam de Presbyteris, vel Diaconibus contineri, (n) qualiter audiri ab Episcopis suis, vel à finitimis debeant, quod in Nicæno Concilio minimè legimus, unde (o) nobis hoc ipsum jubeat Sanctitas vestra, recitari.

Aurelius Episcopus dixit. Recitetur ad locum etiam hoc, quod deponitur: Daniel Notarius recitavit. De appellationibus autem Clericorum, id est de (p) minoris loci, est ipsius Synodi certa responsio, de qua re, quid acturi sitis, credimus inferendum, quod taliter dictum est.

Osus Episcopus dixit. Quid me adhuc moveat, reticere non debeo. Si Episcopus forte iracundus (quod esse non debet) citò aut asperè commoveatur adversus Presbyterum, sive Diaconum suum, & exterminare eum de Ecclesia voluerit, providendum est, ne innocens damnetur, aut perdat communionem; habeat potestatem ejectus, ut finitimos interpellat, ut causa ejus audiat, & diligentius tractetur, quia non oportet ei negare audientiam roganti. Et ille Episcopus, qui aut justè aut injustè eum rejecit, patienter accipiat, ut negotium discutiat, ut aut probetur ejus, aut emendetur sententia &c.

Cùmque recitarentur, Augustinus Episcopus ecclesiæ Hipponensis, Legatus (q) provinciæ Numidiæ dixit. Et hoc nos servaturos profitemur, salvà diligentiore inquisitione Concilii Nicæni. Aurelius Episcopus dixit. Si hoc etiam omnium vestra charitati placet, responsione firmate, universum Concilium dixit. Omnia, quæ in Nicæno Concilio statuta sunt, nobis omnibus placent. Jocundus Episcopus ecclesiæ Suffulæ, Legatus provinciæ Byzacenæ dixit. Quod statutum est in Nicæno Concilio, violari à quoquam nullatenus potest.

Faustinus episcopus Legatus ecclesiæ Romanæ dixit. Adhuc secundum

professionem Sanctitatis vestrae, tam Sancti Alypii, quam etiam fratris nostri Jocundi, aliqua infirmari credo, aliqua firmari, quod non debeat, cum jam in dubium ipsi Canones venerint. Ergo ut placet & nobis & beatitudinem vestrae, ad Sanctum, & venerabilem ecclesiæ Romanæ episcopum vestra Sanctitas referre dignetur, ut & ipse, quod Sanctus Augustinus statuere dignatus est, deliberare possit, utrum & hoc concedendum? hoc est, de appellatione (r) inferioris gradus. Si ergo adhuc in dubium venit, & de hoc Capitulo justum est, ut Beatissimæ Sedis episcopus informari debeat, si tamen approbatis Canonibus hoc non inveniri possit. Aurelius episcopus dixit. Etiam, quæ dudum vestrae charitati intimavimus, nunc patimini exemplaria statutorum Nicæni Concilii, sed & quæ hic salubriter à nostris decessoribus secundum ejusdem Concilii formam, vel quæ nunc à nobis ordinata sunt, recitari, & gestis inferi, omne Concilium dixit. exemplaria fidei, & Statuta Nicænæ Synodi, quæ ad nostrum Concilium per Beatæ recordationis olim prædecessorem tuæ Sanctitatis, qui interfuit *Cacilianum* episcopum adlata sunt, sed & quæ Patres exemplaria sequentes hic constituerunt, vel nunc communi Tractatu statuimus, his gestis Ecclesiasticis inserta manebunt, ita, ut quemadmodum (s) superius dictum est, venerabilibus viris Antiochenæ, & Alexandrinæ, sed & Constantinopolitanæ Ecclesiarum episcopis scribere vestra beatitudo dignetur, ut examina (t) verissima Concilii Nicæni sub adstipulatione literarum suarum dirigat, quibus declaratis, ea Capitula, quæ in commonitorio præfens frater, & Coepiscopus noster Faustinus sed & Compresbyteri Philippus & Asellus secum attulerunt, aut ibidem reperta, à nobis firmabuntur, aut si non inveniantur, collectâ Synodo de hoc in sequenti tractabimus. Daniel Notarius Nicæni Concilii professionem fidei, vel ejus Statuta recitavit in Concilio Aphricano.

PRO-

(n) continere cod. 1. 3.

(o) nobis abest à cod. 1. 3.

(p) de abest à cod. 1. 3.

(q) Legatus abest à cod. 1. 3.

(r) appellationibus cod. 1. 3.

(s) quemadmodum abest à cod. 1. 3.

(t) exemplaria cod. 1. 3.

## PROFESSIO FIDEI NICÆNI CONCILII.

**C**Redimus in unum Deum, Patrem omnipotentem visibilibus & invisibilibus factorem, & in unum Dominum Jesum Christum, Filium Dei, natum de Patre unigenitum, hoc est de substantia Patris, Deum de Deo (*α*) lumen de lumine, Deum verum de Deo vero, natum, non factum, unius substantiæ cum Patre, quod græci dicunt Homou- sion, per quem omnia facta sunt, sive quæ in cælo, sive, quæ in terra. Qui propter nos homines & propter nostram salutem descendit, & incarnatus est, homo factus. Passus est, & resurrexit tertia die, ascendit in cælos, sedit ad dexteram Patris (*κ*) indeventurus est judicare vivos & mortuos, & in Spiritum Sanctum. Eos autem, qui dicunt, erat tempus, (*γ*) quando non erat, & priusquam nasceretur non erat, & quia ex nullis extantibus factus est, vel ex alia substantia dicentes mutabilem & convertibilem Filium Dei, hos anathematizat Catholica & Apostolica Ecclesia.

Statuta quoque Nicæni Concilii in viginti Capitulis similiter recitata sunt, in superioribus inveniuntur adscripta. Deinde quæ in Conciliis Aphricanis promulgata sunt, actis præsentibus inserta noscuntur.

*Ut, quæ in Nicæno Concilio statuta sunt, omnimodo servantur*

### CAP. I.

Aurelius Episcopus dixit. Hæc ita apud nos habentur exemplaria statutorum, quæ tunc patres nostri de Concilio Nicæno secum detulerunt, cujus formam servant, hæc, quæ sequuntur constituta, firmata in nobis custodiuntur.

### De Trinitate prædicanda. CAP. II.

Universum Concilium dixit. Deo propitio pari professione fides ecclesiastica, quæ per nos traditur in hoc cœtu glorioso, primitus confitenda est, tunc demum ordo ecclesiasticus singulorum, & consensu omnium adstruendus. Ad corroborandas autem Fratrum, & Coe-

piscoporum nostrorum, nuper promotorum mentes, ea proponenda sunt, quæ à patribus certa dispositione accepimus. Ut Trinitatis, quam nostris (*z*) sensibus consecratam retinemus; patris, & Filii, & Spiritus Sancti unitatem, quæ nullam noscitur habere differentiam; sicuti (*a*) dicimus, ita Dei populos instruamus. Item ab universis episcopis nuper promotis dictum est, plane sic accepimus, sic tenemus, sic docemus fidem Evangelicam cum vestra doctrina sequentes.

### De Continentia. CAP. III.

Aurelius episcopus dixit. Cum (*b*) in præterito Concilio de continentia & castitatis moderamine tractaretur, gradus isti tres: qui constitutione quadam castitatis per consecrationes adnexi sunt. Episcopos inquam; presbyteros & Diaconos, ita placuit, ut conceder Sacros Antistites, ac Dei Sacerdotes, nec non & levitas, vel qui Sacramentis Divinis inserviunt: continentes esse in omnibus, quò possint simpliciter, quod à Deo postulant, impetrare, ut quod Apostoli docuerunt, & ipsa servavit antiquitas nos quoque custodiamus.

*De diversis ordinibus ab uxoribus abstinentiis.*

### CAP. IV.

Faustinus Episcopus ecclesiæ Potentinæ, provincie picenæ, Legatus Romanæ ecclesiæ, dixit. Placet, ut episcopi, presbyteri, & Diaconi, vel qui Sacramenta contrectant, pudicitia custodes ab uxoribus se abstineant. Ab universis Episcopis dictum est, placet; ut in omnibus, & ab omnibus pudicitia custodiatur, qui altari inserviunt.

### De avaritia. CAP. V.

Aurelius episcopus dixit. Avaritiæ cupiditatem (*c*) rerum omnium malorum matrem esse, nemo qui (*d*) dubitet; proinde inhibenda est, nequis alienos fines usurpet, aut per præmium terminos patrum Statutos transcendat, nec omnino cuiquam Clericorum liceat

(*α*) verò sequitur: *Lumen de Lumine, Deum verum de Deo vero* absunt à cod. 1. 3.

(*κ*) unde cod 1. 2.

(*γ*) tempus abest à 1. & 3.

(*z*) nostris in sensibus tres codices.

(*a*) didicimus cod. tres.

(*b*) in abest à 3. cod.

(*c*) cupiditas, quam codices tres.

(*d*) quis pro qui.



de qualibet re fœnus accipere. Quamquam novellæ suggestiones, quæ vel obscuræ sunt, vel sub genere latent, inspectæ à nobis, formam accipient. Cæterùm de quibus apertissimè Divina Scriptura sanxit, non est differenda (e) sententia, sed potius exequenda. Proinde quod in Laicis reprehenditur, id multò magis debet in Clericis prædominari. Universum Concilium dixit. Nemo contra Prophetas, nemo contra Evangelia facit sine periculo.

*Ut chrismata à Presbyteris non fiat.*

## CAP. VI.

Fortunatus Episcopus dixit. In præteritis Conciliis Statutum meminimus esse, ut chrismata, vel reconciliatio pœnitentium, nec non & puellarum consecratio à presbyteris non fiant, si quis autem emerferit hoc faciens, quid de eo Statuendum sit? Aurelius Episcopus dixit. Audivit Dignatio vestra suggestionem fratris & coepiscopi nostri Fortunati, quid ad hæc dicitis ab universis episcopis dictum est. Chrismatis (f) consecratio, & puellarum consecratio à presbyteris non fiat, vel reconciliare quendam in publica missa presbytero non licere, hoc omnibus placet.

*De his, qui in periculo positi reconciliantur.*

## CAP. VII.

Aurelius Episcopus dixit. Siquisquam in periculo fuerit constitutus, & se reconciliari Divinis altaribus petierit; si episcopus absens fuerit, debet utique presbyter consulere episcopum, & sic periclitantem ejus præcepto reconciliare, quam rem debemus salubri Concilio roborare. Ab universis episcopis dictum est, placet, quod Sanctitas vestra necessariò nos instruere dignata est.

*De his, qui in accusationem majoris natu veniunt, & ut Episcopum nulli criminoso liceat accusare.*

## CAP. VIII.

Numidius episcopus (g) Massilianus dixit. Præterea sunt quamplurimi non bonæ conversationis: qui existimant majores natu, vel episcopos passim, vagæque in accusationem pulsandos, debent tam facillè admitti, nec ne?

Aurelius Episcopus dixit. Placet igitur charitati vestræ, ut is, qui aliquibus sceleribus irretitus est, vocem adversus majorem natu non habeant accusandi? Ab universis Episcopis dictum est, si criminofus est, non admittatur. Placet.

*De his qui merito facinorum suorum ab Ecclesiæ congregatione pelluntur.*

## CAP. IX.

Augustinus episcopus, Legatus provinciae Numidiæ dixit. Hoc statuere dignemini, (h) ut si qui fortè merito facinorum suorum ab ecclesia pulsi sunt, & sive ab aliquo episcopo, vel presbytero fuerint in communionem suscepti, etiam ipse pari cum eis crimine teneatur obnoxius, refugientibus (i) sui Episcopi regulare judicium. Ab universis episcopis dictum est, omnibus placet.

*De Presbyteris, qui à propriis corripiuntur Episcopis.* CAP. X.

Alypius episcopus, Legatus provinciae Numidiæ dixit. Nec illud prætermittendum est, ut si quis forte presbyter ab episcopo suo correptus timore vel superbiâ, inflatus putaverit separatim sacrificia Deo offerenda, vel aliud erigendum altare contra Ecclesiasticam fidem, vel disciplinam crediderit, non exeat impunitus. Valentinus primæ sedis provinciae Numidiæ dixit. Necessario disciplinæ ecclesiasticæ, & fidei congrua sunt, quæ frater noster Alypius profecutus est, proinde quid videatur vestræ dilectioni, edicite.

*Siquis Presbyter contra Episcopum suum inflatus schisma fecerit, anathematis.*

## CAP. XI.

Ab universis episcopis dictum est. Siquis presbyter à præposito suo correptus fuerit, debet utique apud vicinos Episcopos conqueri, ut ab ipsis ejus causa possit audiri, ac per ipsos suo episcopo reconciliari, quod nisi fecerit, sed superbiâ (quod absit) inflatus fecerit, nendum se ab episcopi sui communione duxerit, ac separatim cum aliquibus scisma (k) faciens sacrificium Deo obtulerit, anathema habeatur (l) & locum amittat, ac (m) si quærimoniam justam adversus episcopum non habuerit, inquirendum erit.

*Siquis*

(e) deferenda cod. 1. & 2.

(f) Chrismata cod. 3.

(g) Massilianus cod. 1. & 2. Arlycanus cod. 3.

(h) dignamini cod. 3.

(i) refugientes 3. cod.

(k) schisma absit à 3. cod.

(l) habeat cod. 1. 2.

(m) ac absit à 3. cod.

*Siquis Episcopus absque tempore Synodi in crimine detentus fuerit, à XII. Episcopis audiatur. CAP. XII.*

Felix Episcopus dixit. Suggesto secundum Statuta veterum Conciliorum, ut si quis episcopus (quod non optamus) in reatum aliquem incurrerit, & fuerit ei nimia necessitas, non posse plurimos congregare: ne in crimine remaneat, à XII. episcopis audiatur, & presbyter à sex episcopis cum proprio suo episcopo audiatur, & Diaconus à tribus.

*Ut non liceat Episcopum, nisi à plurimis ordinari, sed si necessitas fuerit, vel à tribus ordinetur Episcopus.*

## CAP. XIII.

Aurelius episcopus dixit. Quid ad hæc dicit Sanctitas vestra? ab universis episcopis dictum est: A nobis veterum Statuta debere assertari, sicuti & inconsulto Primatu cujuslibet provincie tam facile non præsumant multi congregati episcopi episcopum ordinare: nisi necessitas fuerit, tres episcopi, in quocunque loco sint, ejus præcepto ordinare debent episcopum, & si quis contra suam professionem, vel subscriptionem venerit in aliquo, ipse se honore privabit.

*Ut de Tripoli unus Episcopus in legationem veniat, & ut Presbyter ibidem à quinque Episcopis audiatur.*

## CAP. XIV.

Item placuit de Tripoli, propter inopiam provincie unus episcopus in Legationem veniat, & ut ibi presbyter à quinque audiatur episcopis, & Diaconus à tribus, ut superius memoratum est, proprio episcopo residente.

*De diversis ordinibus Ecclesie servientibus, ut si quis (n) causam criminis incurrit & abjicerit (o) Judicium Ecclesiasticum, debeat periclitari, & ut Filii Sacerdotum spectacula secularia non ad-eant. CAP. XV.*

Item placuit, ut (p) quisquis episcoporum, presbyterorum, & Diaconorum, seu Clericorum, cum in Ecclesia fuerit crimen institutum, vel civilis causa fuerit commota; si relicto ecclesiastico judicio, publicis judiciis purgari

C c

voluerit, etiam si pro ipso fuerit prolata sententia, locum suum amittat. Et hoc in criminali (q) actione: in civili verò perdat, quod evincit, si locum suum obtinere maluerit. Hoc etiam placuit, ut à quibuscunque Judicibus ecclesiasticis ad alios judices ecclesiasticos, ubi est major auctoritas, fuerit provocatum, non eis obsit, quorum fuerit soluta sententia, si convinci non potuerint vel inimico animo judicasse, vel aliqua cupiditate aut gratia depravati. Sanè si ex consensu partium electi fuerint judices, etiam à pauciori numero, quam constitutum est, non liceat provocari: & ut filii Sacerdotum spectacula secularia non exhibeant, sed nec expectent, licet hoc semper Christianis omnibus indictum sit, & ubi blasphemie sunt, non accedant.

*Ut nullus Episcopus, Presbyter, & Diaconus conductor existat, & ut Lectores uxores accipiant, & Clerici abstineant ab usuris, & quo tempore vel ipsi, vel virgines consecrentur? CAP. XVI.*

Item placuit, ut Episcopi, Presbyteri, & Diaconi non sint conductores, aut procuratores, neque ullo turpi negotio, & inhonesto victum quarant, quia respicere debent, scriptum esse, nullus militans Deo implicat se negotiis secularibus. Item (r) placuit, ut Lectores, cum ad annos pubertatis pervenerint, cogantur aut uxores ducere, aut continentiam profiteri. Item placuit, ut Clericus, si commodaverit pecuniam, accipiat, si speciem, eandem speciem, quantum dederit, accipiat, & ut ante XXV. annos ætatis nec Diaconi ordinentur, nec Virgines consecrentur (s) & ut Lectores populum non saluent.

*Ut unaquæque Provincia propter longinquitatem primatem habeant proprium.*

## CAP. XVII.

Placuit, ut Mauritania Sitifensis, ut postulavit, primatem provincie Numidie, ex cujus cætu separatur, ut suum habeat Primatem: quem consentientibus omnibus Primatibus provinciarum Africarum, vel omnibus Episcopis, propter longinquitatem habere permittitur.

Siquis

(n) in cod. 3. (o) abnuerit 3. cod. (p) ut abest à 3. (q) actione abest à 3.  
(r) idem abest à 3. (s) nec virgines consecrentur abest à 3.



*Siquis Clericus ordinatur, moneri debet constituta servare, & ut corporibus mortuorum Eucharistia non detur, nec Baptisma, & ut per singulos annos per omnes Provincias ad Concilium Metropolitani conveniatur.*

## CAP. XVIII.

Item placuit, ut ordinatis Episcopis, vel Clericis prius ab ordinatoribus suis placita Conciliorum auribus eorum inculcentur: ne se aliquid contra statuta Concilii fecisse poeniteant. Item placuit, ut corporibus defunctorum Eucharistia non detur, scriptum est enim *accipite, & edite*: cadavera autem nec accipere possunt, nec edere: & nec jam mortuos homines Baptizari faciat Presbyterorum ignavia, pro qua re confirmandum est in hac Sancta Synodo, ut secundum Nicæna Statuta propter causas Ecclesiasticas, quæ ad perniciem plebium sæpe veterascunt, singulis quibusque annis Concilium convocetur, ad quod omnes Provinciæ, quæ primas sedes habent, de Conciliis suis binos, aut quantos delegerint, Episcopos (z) legatos mittant ut in congregato conventu plena possit esse auctoritas.

*Ut si quis Episcopus accusatur, ad Primatem ipsius Provinciæ causa deferatur.*

## CAP. XIX.

Aurelius Episcopus dixit. Quisquis Episcoporum accusatur, ad Primatem (u) Provinciæ ipsius causam deferat accusator: nec à communione suspendatur, cui crimen intenditur, nisi ad causam suam dicendam Electorum Judicium die statuta literis evocatus minimè occurrerit, hoc est infra spatium mensis, ex ea die, quâ eum literas accepisse constiterit. Quod si aliquis veras necessitatis causas probaverit, quibus eum occurrere non potuisse manifestum sit, causæ (x) dicendæ intra alterum mensem integram habeat facultatem: veruntamen diu post mensem secundum non communicet, donec purgetur. Si autem ad Concilium universale infra anni spatium occurrere noluerit, ut vel ibi causæ ejus terminetur, ipse in se damnationis sententiam dixisse judicetur: tempore sane, quo non communicat, nec in sua Ecclesia,

vel Parochia communicet. Accusator autem ejus, si nunquam diebus causæ dicendæ defuerit, à communione non removeatur, si verò aliquando defuerit subtrahens se, restituto in communione Episcopo, ipse removeatur à communione accusator: ita tamen, ut nec ipsi adimatur facultas causæ peragendæ. Si se ad diem occurrere non noluisse, sed non potuisse probaverit, placuit illud sanè, ut cum agere cœperit in Episcoporum Judiciis, si fuerit accusatoris persona culpabilis, ad arguendum non admittatur, nisi proprias causas, non tamen Ecclesiasticas asserere voluerit.

*De Presbyteris, vel Clericis accusatis.*

## CAP. XX.

Si autem presbyteri, vel Diaconi accusati, adjuncto sibi ex vicinis locis cum proprio (y) Episcopo legitimo numero collegarum, quos ab eodem accusati petierint, (z) id est, una secum in presbyteri nomine sex: in Diaconi tres, ipsorum causam discutiant, eadem dierum, & dilationum, & à communione remotiorum, & discussione personarum inter accusatores, & eos qui accusantur, forma servatâ. Reliquorum autem Clericorum causas etiam solus Episcopus loci agnoscat, & (a) definat.

*Ut Filii Clericorum in Matrimonio non jungantur Hæreticis.* CAP. XXI.

Iterum placuit, ut Filii Clericorum gentilibus vel Hæreticis, vel schismaticis (b) matrimonio non jungantur.

*Ut Episcopi vel Clerici in eos, qui non sunt Catholici, nihil conferant.*

## CAP. XXII.

Et ut in eos, qui Catholici Christiani non sunt, etiam si consanguinei fuerint, per donationes rerum suarum Episcopi, vel Clerici nihil conferant.

*Ut Episcopi trans mare non proficiantur.*

## CAP. XXIII.

Item ut Episcopi trans mare non proficiantur, nisi consulto primæ sedis Episcopo suæ cujusque provinciæ: ut ab eo præcipue possint sumere formatam vel commendationem.

*Ut*

[i] delegatos cod. 3.

[u] primates cod. 3.

[x] causa sua cod. 3.

[y] proprius Episcopus codices tres.

[z] petierunt 1. & 2. cod.

[a] finiat res codices.

[b] schismaticis abest à tribus cod.

*Ut præter Scripturas Catholicas nihil in Ecclesia legatur.* CAP. XXIV.

Item placuit, (c) ut præter Scripturas (d) Catholicas nihil in Ecclesia legatur sub nomine Divinarum Scripturarum. Sunt autem Canonica Scriptura, id est, Genesis, Exodus, Leviticus, Numeri Deuteronomium, Jesu Nave, Judicum, Ruth, Regum libri IV, Paralipomenon libri II, Job, Psalterium, Salomonis libri V, liber (e) XII Prophetarum, Hesaias, Hieremias, Ezechiel, Daniel, Tobias, Judith, Esther, Esdrae libri II, Macchabæorum libri II, Novi Testamenti Evangeliorum libri IV, Actuum Apostolorum liber I, Epistolæ Pauli XIV, Petri Apostoli Epistolæ II, Joannis Apostoli III, Jacobi Apostoli liber I, Judæ Apostoli liber I, Apocalypsis Joannis Apostoli liber I. Hoc etiam fratri, & confacerdoti nostro Bonifacio vel aliis earum partium Episcopis pro confirmando isto canone innotescat, quia in Patribus ista accepimus in Ecclesia legenda.

*De Episcopis, vel sequentibus ordinibus, qui Sacrosancta Mysteria contrectant, placuit ab uxoribus contineri.*

## CAP. XXV.

Aurelius Episcopus dixit. Addimus fratres charissimi præterea, cum de quorundam Clericorum, quamvis Lectorum, erga uxores proprias incontinentia referretur, placuit, quod & in diversis Conciliis firmatum est, ut (f) Subdiaconi, qui Sacra Mysteria contrectant, & Diaconi, & Presbyteri, sed & Episcopi secundum priora statuta etiam ab uxoribus se contineant: ut tanquam non habentes videantur esse; quod nisi fecerint, ab Ecclesiastico removeantur officio. Cæteros autem Clericos ad hoc non cogi, nisi maturiori ætate. Ab universo Concilio dictum est, quæ vestra Sanctitas est justè moderata, & sancta, & Deo placita sunt, confirmamus.

*Ut res Ecclesiæ nemo distrabat.*

## CAP. XXVI.

Item placuit, ut rem Ecclesiæ nemo vendat, quod si redditus non habet, & aliqua nimia necessitas cogit, hoc (g) insinuandum esse Prælati Provinciæ ipsius: ut cum statuto numero Episcoporum, utrum faciendum sit, arbitretur.

Cc 2

(c) placuit abest à tribus codd.

(e) libri. cod. 3.

(f) ne abest à tribus.

(d) Canonicas omnes tres, non Catholicas.

(g) hanc cod. tres.

Quod si tanta urget necessitas Ecclesiæ, ut non possit ante consulere, saltem vicinos testes convocet Episcopos, curans ad Concilium omnes referre suæ Ecclesiæ necessitates, quod si non fecerit, reus Deo & Concilio venditor honore amisso teneatur.

*Presbyteri & Diaconi in graviore culpa convicti, manūs impositionem tanquam laici, nequaquam suscipiant.*

## CAP. XXVII.

Item confirmatum est, ut si quando presbyteri vel Diaconi in aliqua graviore culpa convicti fuerint, quæ eos à Ministerio necesse sit removeri, non eis manus, tanquam penitentibus, vel tanquam fidelibus Laicis, imponatur: neque permittendum, ut rebaptizati ad Clericatus gradum promoveantur.

*Presbyteri, Diaconi, vel Clerici, qui causam suam ad transmarinam putaverint appellandum, in communionem minime suscipiantur.*

## CAP. XXVIII.

Item placuit, ut presbyteri, Diaconi, vel cæteri inferiores Clerici, in causis, quas habuerint, si de judiciis Episcoporum suorum questi fuerint, vicini Episcopi eos cum consensu sui Episcopi audiant, & inter eos definiant, adhibiti ab eis Episcopi: quod si & ab eis provocandum putaverint, non provocent ad Transmarinam Judicia, sed ad Prælatos suarum provinciarum, sicut & de Episcopis sæpe constitutum est. Ad Transmarinam autem qui putaverit appellandum, à nullo intra Aphricam ad communionem suscipiatur.

*Siquis excommunicatus ante audientiam communicare præsumpserit, ipse in se damnationem protulit.*

## CAP. XXIX.

Item placuit universo Concilio, ut, qui excommunicatus fuerit pro suo neglectu, sive episcopus, sive quilibet Clericus, & tempore excommunicationis suæ ante audientiam communionem præsumpserit: ipse in se damnationis iudicetur protulisse sententiam.

*De accusato, vel accusatore.* CAP. XXX.

Item placuit, ut accusatus vel accusator in eo loco, unde est ille, qui accusatur,



cusatur, si metuit aliquam vim temerariæ multitudinis, locum sibi eligat proximum, quod non sit difficile testes perducere: ubi causa finiatur.

*Siqui Clerici ab Episcopis suis promoti contempserint, nec illic maneant, unde recedere noluerunt.* CAP. XXXI.

Item placuit, ut quicumque Clerici, vel Diaconi pro necessitatibus ecclesiarum non obtemperaverint episcopis suis, volentibus eos ad honorem ampliorem in sua Ecclesia promovere; nec illic ministrent in gradu suo, unde recedere noluerunt.

*Siquis Clericorum pauper promotus in ordine, postea habuerit aliquid, Ecclesie potestati subiaceat.* CAP. XXXII.

Item placuit, ut Episcopi, Presbyteri, Diaconi, vel quicumque Clerici, qui nihil habentes ordinantur, & tempore Episcopatus vel Clericatus sui agros, vel quæcunque prædia nomine suo com-

parant, tanquam rerum Dominicarum invasionis crimine teneantur: nisi admoniti in Ecclesiam eadem ipsa contulerint. Si autem ipsi propriè aliquid liberalitate alicujus, vel successione cognationis obvenierit, faciant inde, quod eorum proposito congruit. Quod si à suo proposito retrorsum exorbitaverint, honore Ecclesiastico indigni, tanquam reprobi, judicentur.

*Ut Presbyteri rem Ecclesie, in qua sunt constituti non vendant, & nulli Episcopo liceat rem tituli matricis Ecclesie usurpare.* CAP. XXXIII.

Item placuit, ut Presbyteri non vendant rem Ecclesie, ubi sunt constituti, nescientibus Episcopis suis, quomodo & Episcopis non liceat vendere prædia Ecclesie, ignorante Concilio, vel Presbyteris suis. Non habente ergo necessitatem (b) nec Episcopo liceat matricis Ecclesie, nec (i) Presbytero rem tituli sui usurpare.

#### EXPLICIUNT CANONES CARTHAGINENSIS CONCILII.

(h) necessitate cod. 1. 2.

(i) Presbytero abest à tribus.

## TITULI (\*) CANONUM DIVERSORUM CONCILIORUM AFRICANÆ PROVINCIÆ. (\*\*)

### NUMERO CV.

- |                                                                                  |                                                                                                  |
|----------------------------------------------------------------------------------|--------------------------------------------------------------------------------------------------|
| 1. Quod nihil de Hipponensi Concilio sit emendandum.                             | 10. De Penitentibus.                                                                             |
| 2. Ut Episcopi vel Clerici non facile filios suos emancipent.                    | 11. De Virginitate.                                                                              |
| 3. Ut Episcopi vel Clerici non ordinentur, nisi omnes suos fecerint Christianos. | 12. De ægrotantibus, qui pro se respondere non possunt.                                          |
| 4. Quod præter panem & merum mixtum aqua, nihil in Sacramentis offerri debeat.   | 13. De Passionibus Martyrum.                                                                     |
| 5. Ut Clerici, vel continentes ad virgines, viduasque non accedant.              | 14. De Parvulis, qui apud Donatistas baptizati sunt.                                             |
| 6. Ut Princeps Sacerdotum non appelletur Episcopus.                              | 15. De rebaptizationibus, reordinationibus, vel translationibus Episcoporum.                     |
| 7. Ut Clerici tabernas, nisi in peregrinis, non ingrediantur.                    | 16. Quod Episcopi ordinare Episcopum debeant.                                                    |
| 8. Ut à jejuniis Deo Sacrificia peragantur.                                      | 17. Quot addi debeant Episcopi numero ordinatorum, si de ordinando Episcopo fuerit contradictum. |
| 9. Ut in Ecclesiis convivia minime celebrentur.                                  | 18. De Ecclesia Carthaginiensis dies Paschæ nunciatur.                                           |
|                                                                                  | 19. De visitandis Provinciis.                                                                    |
|                                                                                  | 20. Ut                                                                                           |

(\*) Incipiunt Canones omnes tres codd.

(\*\*) Numidia codd. 3.

Verissimus est hic Titulus. Non enim unius loci, aut anni, sed plurium Africa Conciliorum Canones diversis annis conditi, ab anonymo inepto Rapsodo in hanc massam sunt conferti, imò acta de Appellationibus sub Zosimo, Bonifacio, Cælestino, in unum Concilium sub 105 numeris redegit. *Perronius Cardinalis apud Schelestrate Dissert. de Eccl. Africana pag. 265. 266.*

20. Ut *Diaecesis*, nisi ex consensu *Episcopi* proprii *Episcopum* non accipiant.
21. Ut alienus *Clericus* minimè suscipiatur ab alio.
22. Ut *Carthaginensi* *Episcopo*, unde voluerit, *Clericum* liceat ordinare.
23. Ut *Episcopi*, qui in *Diaecese* fuerint ordinati, *Diaecesim* sibi nullam vendicent.
24. Ut parvuli apud *Donatistas* baptizati, in *Catholica* *Clerici* ordinentur.
25. De reliquiis idolorum, vel templis ab Imperatoribus abolendis.
26. Ut *Clerici* de *Judicii* sui cognitione non cogantur in publico dicere testimonium.
27. De *Paganorum* conviviiis auferendis.
28. De spectaculis, ut die *Dominico*, vel cæteris *Sanctorum* festivitatis minimè celebrentur.
29. De *Clericis* damnatis.
30. De histrionibus *Christianis* factis.
31. De manu missionibus, ut in *Ecclesia* celebrentur ab Imperatore poscendum.
32. De Equitio damnato *Episcopo*.
33. Ut cum *Donatistis* levius agatur.
34. De literis mittendis *Judicibus*, ut ea, quæ inter *Donatistas*, & *Maximianistas* facta sunt, innotescant.
35. Ut *Clerici* *Donatistarum* in *Ecclesia* *Catholica* suscipiantur in Clero.
36. Ut *Legatio* ad *Donatistas* componendæ pacis gratiâ dirigatur.
37. Qui *Clerici* ab uxoribus debeant abstinere?
38. De his, qui plebes proprias derelinquant.
39. De infantibus baptizandis, quoties dubitatur, utrum fuerint baptizati.
40. Diem *Paschæ*, diem *Concilii* nunciandum.
41. Ne interventor *Episcopus* cathedram, ubi interventor est, sedeat.
42. De *Defensionibus* *Ecclesiarum* ab Imperatore poscendis.
43. De *Episcopis*, qui ad *Concilia* non occurrunt.
44. De *Cresconio*.
45. De *Ecclesia* *Hipponensium* *Diæretorum*.
46. De *Clericis*, qui intra annum causam suam agere non procurârunt.
47. Ut de alieno monasterio receptos, nec præpositos monasterii, nec *Clericos* liceat ordinare.
48. De *Episcopis*, qui hæreticos, vel paganos hæredes instituant.
49. De *Manumissionibus*.
50. De falsis memoriis *Martyrum*.
51. De idolorum reliquiis extrahendis.
52. Ut ab *Episcopo* *Carthaginensi*, cum opus fuerit, omnium *Episcoporum* nomine dissententur, & subscribantur *Epistole*.
53. De *Episcoporum* ordine, ut qui posterius ordinati sunt, prioribus se non audeant anteferre.
54. De Quodvult Deus *Episcopo*.
55. De *Maximiano* *Episcopo*.
56. Ut *Episcopi*, qui ordinantur, ab Ordinatoribus suis *Epistolas* accipiant, quæ diem & consulem præferant.
57. De his, qui vel semel in *Ecclesia* legerint, ab aliis non posse promoveri.
58. De conveniendis *Donatistis*.
59. Forma *Conventionis* *Donatistarum*.
60. Quale *Communitorium* acceperunt *Legati* contra *Donatistas*.
61. Brevis causarum.
62. *Concilium* universale non nisi necessitate faciendum.
63. Ut ab electis *Judicibus* provocare non liceat.
64. Ut ab Imperatoribus postuletur *Advocatorum* *Defensio* pro causis *Ecclesiæ*.
65. De plebibus, quæ nunquam *Episcopos* habuerunt.
66. De plebibus, vel *Diaecese*bus ex *Donatistarum* pravitate conversis.
67. De *Suggestione* *Maurontii* *Episcopi*.
68. De pacificandis *Ecclesiis*, *Romana*, & *Alexandrina*.
69. De his, qui uxores, aut quæ viros dimittunt, ut sic maneant.
70. De precibus ad altare dicendis.
71. De his, qui publicorum *Judiciorum* cognitionem ab Imperatore proposcerint.
72. De his, qui, cum in *Aphrica* non communicant, voluerint trans mare subripere.
73. Ut pergentes ad comitatum causam suam vel *Carthaginensi*, vel *Romano* *Pontifici* insinuare procurent.
74. *Concilium* de cogitatione *Episcopi*.
75. *Concilium* contra *Heresium* *Pelagii* & *Cælestini*.
76. Quod *Adam* non sit factus à Deo mortalis.
77. Quod parvuli in peccatorum remissionem baptizentur.
78. Quod gratia Dei non solum remissionem tribuit peccatorum, sed etiam præstat adiutorium, ne peccetur.
79. Quod gratia Christi non solum scientiam tribuit quod agamus, sed etiam dilectionem nobis inspirat, ut quod scimus, implere valeamus.
80. Quod sine Dei gratia nihil boni possumus implere.
81. Quod non solum humilis, sed & verax *Sanctorum* vox ista est, si diximus, quia peccam.



- peccatum non habemus, nos ipsos se-  
ducimus. (\*)
82. Quod in oratione Dominica Sancti pro se  
dicant: dimitte nobis debita nostra.
  83. Quod veraciter à Sanctis dicatur: Dimit-  
te nobis debita nostra.
  84. De plebibus conversis à Donatistis.
  85. De Diœcesibus, qualiter eas dividant inter  
se Episcopi tam Catholici, quàm qui ex  
Donati parte conversi sunt.
  86. Ut siquam Diœcesim Episcopus ab Hæresi  
liberans triennio possederit, nullus eam  
repetat.
  87. De his, qui in plebes, quas ad se putant  
pertinere, inconvenerint, à quibus tenen-  
tur, irruerint.
  88. De his, qui plebes ad se pertinentes negligunt.
  89. Quod Electorum Judicium sententia sperni  
non debeat.
  90. Ut si Episcopus negligat suam Diœcesim,  
communione privetur.
  91. De Episcopis, qui Donatistas communi-  
casse sibi mentiti fuerint.
  92. De Presbyteris & Clericis, ut non appel-  
lent, nisi ad Aphyricana Concilia.
  93. De Virginibus, etiam minoribus velandis.
  94. Ne diutius Episcopi teneantur in Concilio,  
ternos ex se singularum Provinciarum  
Judices eligant.
  95. Quod excommunicati ad accusationem ad-  
mitti non debeant.
  96. Quod servi, & liberti, omnesque infa-  
mes persone non debeant accusare.
  97. Ut qui unum crimen non probaverit, ad  
alterum admitti non debeat.
  98. Qui ad Testimonium admittendi sint?
  99. De Episcopo, qui excommunicat eum,  
qui sibi soli crimen dicit esse confessum.
  100. Ut non temere quenquam communione  
privet Episcopus.
  101. Epistola totius Concilii Aphyricani ad Bo-  
nifacium urbis Romæ Episcopum.
  102. Epistola Cyrilli Alexandrini Episcopi ad  
Concilium Aphyricanæ Provinciæ.
  103. Epistola Attici Episcopi Constantinopoli-  
tani ad memoratum Concilium.
  104. Symbolum fidei Nicæni Concilii.
  105. Epistola totius Concilii Aphyricani ad Pa-  
pam Cælestinum, urbis Romæ Episcopum.

[\*] I. Joannis I.

## INCIPIUNT CANONES CONCILIORUM DIVERSORUM APHYRICANÆ PROVINCIÆ.

### NUMERO CV.

**R**ecitata sunt etiam in ista Synodo  
diversa Concilia universæ provin-  
ciæ Aphyricæ, transactis temporibus Au-  
relii Carthagenensis Episcopi celebrata.  
Gloriosissimo Imperatore Theodosio  
Augusto III. (a) & Abundantio Cla-  
rissimo Viro, Consulibus, VIII. Idus Oc-  
tobris, Hippone regio, in Secretario Ba-  
silicæ pacis. (b) Gesta hujus Concilii  
ideo descripta non sunt, quia ea, quæ  
ibi statuta sunt, in superioribus proban-  
tur inserta.

*De Concilio Carthagenensi, ubi Legati Episco-  
pi proconsulares ad Concilium Adru-  
metinum destinantur.*

Gloriosissimis Imperatoribus, Arca-  
dio III. & Honorio II, Aug. Conf. VI.

Kal. Juliarum, Carthagine. In hoc  
Concilio Legati (c) directi sunt Episco-  
pi, proconsulares ad Concilium Adru-  
metinum.

*De Concilio Carthagenensi, ubi multa  
sunt constituta.*

Cæsario, & Attico VV. CC. (d)  
Conf. Quinto Kal. Septembris Cartha-  
gine in Secretario Basilicæ restituta, cum  
Aurelius Episcopus unà cum Episcopis  
confedisset, adstantibus etiam Diaconi-  
bus, advenientibus quoque Victore sene  
Puppianense, Tuto Migirpense, Evan-  
gelio Assuritano.

*Allocutio ad Episcopos Aurelii Carthagi-  
nensis Episcopi.*

Aurelius Episcopus dixit. Post diem  
præstitu-

(a) Annus Christi CCCXCIII: habuit Conf. Theodosium Aug. III. & Abundantium V. C. quo  
Concilium Hipponense celebratum fuit, in quo Divus Augustinus de Fide & Symbolo Apo-  
stolorum disputavit. Schelestr. Dissert. de Eccles. Africana pag. 171.

(b) & cætera gesta tres codices. [c] delecti tres cod.

[d] Est hic annus Christi 397. & Exordium Concilii Carthagenensis Tertii, in quo quinquaginta  
Canones editos fuisse docet Schelestratus Dissert. III. de Eccles. Africana C. VII.

præstitutam Concilii confedimus, ut recordamini fratres Beatissimi, & arbitrabamur (e) omnium provinciarum per (f) Aphricam Legationes convenisse ad diem, ut dixi, præstitutam nostri Tractatus, sed cum Sacerdotum nostrorum Epistola Byzacenorum fuisset recitata, vel quid mecum iidem, qui tempus, & diem Concilii prævenerant, tractassent, vestrae charitati legeretur, lecta est etiam à fratribus Honorato, & Urbano; qui nobiscum hodie Concilio (g) participantur: Legatio Sitifensis provincia destinata. Frater etiam Reginus Ecclesiae Vegei Selitanæ literas ad parvitatem meam datas Crescentiani primæ Sedis, ut ipse insinuat, Numidiarum, & Aurelii Coepiscoporum nostrorum, in quibus scriptis vestra mecum charitas recognoscit promississe eisdem, quod aut ipsi dignarentur venire, aut ad hoc Concilium fuissent ex more destinati Legatos. Sed hoc, quia minimè factum videtur, diu se detineri de longinquo venientes Legati Mauritanie Sitifensis non posse testantur, & ideo fratres, si vestrae charitati videtur, literæ fratrum nostrorum Byzacenorum, sed & brevium, quod ad hunc cœterum conrogatum legantur, ut si qua forte illic movere charitatis vestrae animum possunt, in eodem breviario, quæ diligentius fuerint animadverta, in melius reformatur. Hoc enim frater, & coepiscopus noster primæ Sedis, vir perspectus, merito suæ gravitatis, atque prudentiæ, Mizanius (h) scribens ad meam parvitatem postulavit. Si ergo placet, quæ tractata sunt, legantur, & singula à vestra charitate considerentur.

(c) In hoc Concilio statutum est, ut Episcopi sine formata non navigent.

Cæsario, & Attico VV. CC. Confl. Sexto Kal. Julius Carthagine, placuit,

ut nullus Episcoporum naviget, sine formata Primatis. Gesta in authenticis, qui quæret, inveniet.

De Concilio isto Legati ad Imperatores infra Scripti diriguntur Episcopi.

Post Consulatum Gloriosissimi Imperatoris Honorii (i) Augusti IV. & Eutychiani V. C. Quinto Kal. Majas. Carthagine, in Secretario Basilicæ Restitutæ. In hoc Concilio Legationem susceperunt Epigonius, & Vincentius Episcopi, ut pro confugientibus ad Ecclesiam, quocunque reatu involutis legem de Gloriosissimis Principibus mereantur, nequis eos audeat abstrahere.

(k) In hoc Concilio Legatio destinatur ad Romanum & Mediolanensem Episcopos de parvulis, qui apud hæreticos baptizati sunt, & ad Imperatorem de idolorum reliquiis auferendis, & de aliis rebus quamplurimis.

Post consulatum. Fl. Stiliconis (l) V. C. XIV. (m) Kal. Julius. Carthagine (n) in Secretario Basilicæ Restitutæ. Cum Aurelius Episcopus unà cum Episcopis suis concedisset, adstantibus Diaconibus, Aurelius episcopus dixit. Ecclesiarum Dei per Aphricam constitutarum necessitates mecum optimè novit charitas vestra, Sanctissimi Fratres, & quoniam præstitit Dominus, ut ex aliqua parte Sancti Cœtus vestri esset congregata præsentia, videtur mihi, ut has eadem necessitates, quas pro sollicitudine nostra indagare potuimus, in medium proferamus, quas cum approbaverit vestra Sinceritas, sit consequens, eligendum esse unum à nostro numero consacerdotem, qui auxiliante Domino, & orationibus vestris, & has ipsas necessitates suscipere possit, & gnaviter peragendas implere, perrexturus ad transmarinas Italiae partes, ut tam Sanctis Fratribus &

[e] arbitrabantur cod. 1. 2. (f) pro Aphrica cod. 1. 2. (g) Concilium cod. 3.

(h) Mizanius cod. 3.

(i) Hoc caput in aliis codicibus insertum est post canonem XXVI. uti & in nostris tribus codicibus, & non in principio, uti codices Wendelstini habebant.

(j) Annus Christi 399. est annus post consulatum Honorii IV. & Eutychiani Viti C. qui anno 398. cons. erant. Celebratum tunc fuit Concilium Carthaginense quartum & canones 104. editi, ut ajunt.

(k) Idem hoc Caput est insertum post Cap. XXIII. infra; adeoque tria Capita codices Moguntini præposuerunt, quæ codices MSS. Colonienfes post Cap. XXIII. rejiciunt.

(l) Flavius Stilico fuit Cos. I. anno 400. ergo 401. est annus post consulatum.

(m) XVII. habent nostri tres codices.

(n) Acta Concilii Carthaginensis post Stiliconem, hoc est, anno 401. sunt deperdita, vel aliis Conciliis immixta. Schelesfrat, loco citat.



& confacerdotibus nostris, Venerabili Sancto Fratri Anastasio, Sedis Apostolicæ episcopo, quàm etiam Sancto Fratri Venerio Sacerdoti Mediolanensis Ecclesiæ, necessitatem ipsam, ac dolorem, atque inopiam nostram valeat intimare. Ex his enim sedibus hoc fuerat prohibitum, quod noverint, communi periculo providendum, maximè quia tanta indigentia Clericorum est, multæque Ecclesiæ ita desertæ sunt, ut ne unum quidem Diaconum, vel in literarum (o) habere reperiantur. Nam de cæteris superioribus gradibus, & officiis tacendum arbitror, quia, ut dixi, si Ministerium Diaconi facile non invenitur, multo magis superiorum honorum invenire non (p) posse certissimum est, & quotidie (q) nos planctus diversarum pene emortuarum plebium jam non sustinemus: quibus nisi fuerit aliquando subventum, gravis nobis (r) & inexcusabilis innumerabilium animarum pereuntium causa apud Deum manura est.

*Quod nihil de Hipponensi Concilio sit emendandum. CAP. I.*

Epigonius Episcopus dixit. In hoc breviario, quod decerptum est de Concilio Hipponensi, nihil arbitramur esse emendandum, vel assuendum; nisi id (s) dies Sanctæ Pasc hæ tempore Concilii innotescat.

*Ut Episcopi vel Clerici non facili filios suos emancipent. CAP. II.*

Ut Episcopi vel Clerici filios suos à sua potestate per emancipationem exire non sinant: nisi de moribus eorum fuerint, & de ætate securi, ut possint ad eos jam propria pertinere peccata.

*Ut Episcopi vel Clerici non ordinentur, nisi omnes suos fecerint Christianos.*

### CAP. III.

Ut Episcopi, & Presbyteri & Diaconi non ordinentur priusquam omnes, qui sunt in domo eorum, Christianos Catholicos fecerint.

*Quod præter panem, & merum mixtum aqua nihil in Sacramentis offerri debeat.*

### CAP. IV.

Ut in Sacramentis corporis &

sanguinis Domini nihil amplius offeratur, quàm (x) quod ipse Dominus tradidit, hoc est, panis, & vinum aqua mixtum: primitiæ verò, seu mel & lac, quod uno die solennissimo in infantium mysterio solet offerri, quamvis in altari offerantur, suam tamen habeant propriam Benedictionem, ut à Sacramento Domini corporis & sanguinis distinguantur, nec amplius in primitiis offeratur, quàm de uvis & frumentis.

*Ut Clerici, vel continentes ad virgines vel viduas non accedant.*

### CAP. V.

Clerici, vel continentes ad viduas vel virgines, nisi ex iustis vel permisso Episcoporum, aut Presbyterorum non accedant, & hoc non soli faciant, sed cum Clericis (u) vel cum (x) quibus Episcopus, aut Presbyter iusserit, nec ipsi Episcopi & presbyteri soli habeant accessum ad huiusmodi fœminas: sed ubi aut Clerici præsentibus sunt, aut graves aliqui Christiani.

*Ut Princeps Sacerdotum non appelletur Episcopus. CAP. VI.*

Ut primæ sedis Episcopus non appelletur princeps Sacerdotum, aut summus Sacerdos, aut aliquid huiusmodi, sed tantum primæ Sedis Episcopus.

*Ut Clerici tabernas, nisi in peregrinis, non ingrediantur. CAP. VII.*

Ut Clerici edendi vel bibendi causa tabernas non ingrediantur; nisi peregrinationis necessitate.

*Ut à jejuniis Deo Sacrificia celebrentur.*

### CAP. VIII.

Ut Sacramenta Altaris non nisi à Jejunis hominibus celebrentur, excepto uno die anniversario quo cena Domini celebratur, nam si aliquorum promeridiano tempore defunctorum, sive Episcoporum, sive cæterorum commendatio facienda est, solis orationibus fiat: si illi, qui faciunt, jam pransi inveniuntur.

*Ut in Ecclesiis convivio minimè celebrentur.*

### CAP. IX.

Ut nulli episcopi, vel Clerici in Ecclesia (y) conveniantur, nisi fortè transeuntes

(o) in literarum cod. 1. 2.

(r) nos codices tres.

(x) cum his cum cod. 3.

(p) non abest à tribus.

(s) ut cod. 3.

(y) convivuntur cod. 3.

(q) quotidianos cod. 1. 2. 3.

(x) quàm abest à 3.

(u) Clericis cod. 1. 2.

seuntes hospitiorum necessitate illic reficiant; populi etiam ab hujusmodi conviviis, quantum fieri potest, prohibeantur.

*De Pœnitentibus. CAP. X.*

Ut pœnitentibus secundum differentiam peccatorum Episcopi arbitrio pœnitentiæ tempora decernantur, & ut Presbyter inconsulto Episcopo non reconciliet pœnitentem; nisi [z] absentiæ Episcopi necessitate cogente. Cujuscunque autem pœnitentis publicum, & vulgatissimum crimen est, quod universam Ecclesiam commoverit, ante absidem manus ei imponatur.

*De Virginitas. CAP. XI.*

Ut Virgines Sacræ, cum parentibus, à quibus custodiebantur, privatæ fuerint, ab Episcopo (a) custodiantur. Ubi autem Episcopus absens est, providentia gravioribus feminis commendetur (b) ut simul habitantes invicem se custodiant; ne (c) passim vagando Ecclesiæ lædant existimationem.

*De ægrotantibus, qui pro se respondere non possunt. CAP. XII.*

Ut ægrotantes, si pro se respondere non possunt, cum voluntatis eorum testimonium hi, (d) qui suis periculo proprio affuere, dixerint, baptizentur. Ut Schœnicis, atque Histrionibus, cæterisque hujusmodi personis reconciliatio non negetur.

*De passionibus Martyrum. CAP. XIII.*

Liceat etiam legi passiones Martyrum, cum anniversarii dies celebrantur.

*De parvulis, qui apud Donatistas baptizati sunt. CAP. XIV.*

De Donatistis placuit, ut consulamur fratres, & sacerdotes nostros Syricium & Simplicianum de solis infantibus, qui baptizantur penes eosdem: ne quod suo (e) non fecerunt iudicio, cum ad Ecclesiam Dei salubri proposito fuerint conversi, parentum illos (f) error impediatur, ne promoveantur Sacri Altaris Ministri.

Quibus insertis, Honoratus, & D d

Urbanus Episcopi Legati provinciarum Mauritanie Sitifensis, dixerunt. Jam dudum, cum apud Sanctitatem vestram allegarem Scripta, dilati sumus eam contemplatione, quousque (g) fratres nostri advenire possent de Numidia Legati, sed quia non parvi dies sunt, quibus expectati minimè venerunt, ultra prætermittere, quæ nobis mandata sunt à nostris Coepiscopis, non oportet, atque ideo fratres suggestionem nostram libenter admittite. De fide enim Nicæni Tractatus audivimus: verum est de Sacrificiis inhibendis post prandium, ut ab jejuniis, sicuti dignum est, offerantur, & tunc & nunc firmiter est.

*De rebaptizationibus, & reordinationibus vel translationibus Episcoporum.*

*CAP. XV.*

Illud autem suggerimus mandatum nobis, quod etiam in Capuensi plenaria Synodo videtur statutum, ut non liceat fieri rebaptizationes, reordinationes, vel Translationes Episcoporum. Nam Cresconius villæ Rhegensis Episcopus, plebe sua derelicta, Tubuniensem invasit Ecclesiam, nec (b) usque (i) hodie commonitus, secundum quod statutum fuerat, relinquere eandem, quam invaserat plebem, contempsit. Adversum istum, quæ pronunciata fuerant, confirmata quidem audivimus, sed petimus, secundum quod nobis mandatum est, ut dignemini dare fiduciam, quo jam necessitate ipsa cogente liberum nobis sit Rectorem Provinciarum secundum statuta Gloriosissimorum Principum adversus illum adire, ut, qui nisi admonitione Sanctitatis vestræ acquiescere noluit, & emendare illicitum, auctoritate judiciaria protinus excludatur. Aurelius Episcopus dixit, servatâ formâ disciplinæ non æstimabitur appetitus, si à vestra charitate modestè conventus recedere detrectaverit: cum fuerit suo contemptu, & contumaciâ faciente etiam auctoritate judiciaria (k) conventus. Honoratus & Urbanus Episcopi dixerunt: Hoc enim omnibus placet. Ab universis Episcopis dictum est: placet, & iustum est.

Quod

[z] absentia cod. tres.

(a) Episcopi vel Presbyteri loco ab Episcopo custodiantur cod. 1. 2. 3.

(b) commendantur tres cod. (c) aut loco ne cod. 1. 2.

(d) sui proprio periculo dixerint habent tres codices. (e) suos cod. 1. & 2.

(f) illis codices tres. (g) quod cod. tres loco quousque.

(h) & pro nec cod. tres. (i) in hodie cod. tres. (k) conventus cod. 1. 2.



*Quot Episcopi ordinare Episcopum debeant.*

## CAP. XVI.

Honoratus, & Urbanus Episcopi dixerunt: Et illud nobis mandatum est, ut quia proximè fratres nostri Numidiæ duo Episcopi ordinare præsumpserunt Pontificem: non nisi à XII. censentis celebrari Episcoporum ordinationes. Aurelius Episcopus dixit. Forma antiqua servabitur, ut non minus, quàm tres sufficiant, qui fuerint destinati ad Episcopum ordinandum, propterea, quia in Tripoli fortè, & in Arzuge interjacere videntur Barbaræ Gentes: nam in Tripoli, ut asseritur, Episcopi sunt quinque tantummodo, & possunt fortè de ipso numero vel duo necessitate aliqua occupari: difficile est enim, ut de quolibet numero omnes possint occurrere; nunquid debet hoc ipsum impedimento esse Ecclesiasticæ utilitati? Nam & in hac Ecclesia, ad quam dignata est vestra Sanctitas convenire, crebrò, ac pene per diem Dominicam ordinandos habemus, nunquid nam frequenter duodecim potero, vel decem, vel non multò minus advocare Episcopos? sed facile est mihi, duos adjungere meæ parvitatî vicinos. Quapropter cernit mecum charitas vestra, hoc ipsum observari non posse.

*Quot addi debeant Episcopi numero ordinatorum, si de ordinando Episcopo fuerit contradicendum.* CAP. XVII.

Sed & illud est statuendum, ut quando ad eligendum Episcopum convenerimus, si qua contradictio fuerit oborta, quia talia tractata sunt apud nos, non præsumant ad purgandum eum, qui ordinandus est, tres Episcopi (l) jam: sed postuletur ad numerum supradictorum, (m) si haberi possunt, unus vel duo, & in eadem plebe, cui ordinandus est, discutiantur primò personæ contradicentium. Postremò, etiam illa, quæ obijciuntur, pertractentur, & cum purgatus fuerit in conspectu publico, ita demum ordinetur. Si hoc cum vestræ Sanctitatis animo concordat, roboretur vestræ dignationis responsione. Ab universis Episcopis dictum est: satis placet.

(l) Episcopi abest à tribus.  
(n) communicorem cod. 2.

*Ut de Ecclesiæ Carthaginis dies Paschæ nunciatur.* CAP. XVIII.

Honoratus & Urbanus Episcopi dixerunt: Quoniam de commonitorio nostro omnia tractata noscuntur, addimus etiam, de die Paschæ nobis esse mandatum, ut de Ecclesia semper Carthaginensi, sicuti adsolet, instruamur, & non sub angusto temporis spatio. Aurelius Episcopus dixit. Si Sanctitati vestræ videtur, quoniam nos spopondisse jam dudum meminimus, ut singulis quibuscumque annis ad tractandum conveniamus, & cum venerimus in unum, tunc divulgabitur Sanctus paschæ dies per Legatos, qui adfuerint Concilio. Honoratus, & Urbanus Episcopi dixerunt: Nunc de præsentî cætu petimus, ut literis Provinciæ nostram de hac die informare dignemini. Aurelius Episcopus dixit: ita fiat necesse est.

## De visitandis Provinciis. CAP. XIX.

Honoratus & Urbanus Episcopi dixerunt: Et illud nobis verbo mandatum est, ut quia constitutum est in Concilio Hipponensi, singulas debere provincias tempore Concilii visitandas esse; dignemini etiam, quod hoc anno secundum ordinem distulistis, vel alio anno Mauritaniam provinciam visitare. Aurelius Episcopus dixit. Tunc de Provincia Mauritania, propter quod in sinibus Aphricæ posita sit, nihil statuiamus, siquidem vicinæ sunt barbarico, sed præstet Deus, ut ex abundanti non pollicentes venire possimus ad vestram Provinciam. Cogitare enim debetis fratres, quia hoc sibi & Tripolitani & Arzugitani fratres potuerunt exigere, si ratio pateretur.

*Ut Diæceses, nisi ex consensu Episcopi proprii, Episcopum non accipiant.*

## CAP. XX.

Epigonius Episcopus dixit, Multis Conciliis hoc statutum à cætu Sacerdotali est, ut plebes, quæ in Diæcesibus ab Episcopis retinentur, quæ Episcopos nunquam habuerunt, non nisi cum voluntate ejus Episcopi, à quo tenentur, proprios accipiant Rectores, id est, Episcopos. At verò, quia nonnulli, dominatu quodam adepto communionem (n) fratrum abhorrent, vel certè, cum

(m) supradictorum si haberi possunt abest à tribus.

cùm depravati fuerint, quasi in quadam arce Tyrannica sibi dominatum vendicant, quòd plerique tumidi, atque stolidi adversum Episcopum suas cervices erigunt presbyteri, vel convivii sibi concinnantes plebem, vel certè persuasum maligno, ut illicito favore eisdem velint sibi collocare rectores. Quod quidem insigne mentis tuæ tenemus votum, frater religiose Aureli, qui hæc sæpe oppressisti, non curando tales petitores. Sed propter eorum malos cogitatus, & pravè continuata consilia hoc dico, non debere rectorem accipere eam plebem, quæ in Diocesi semper subjacuit, nec unquam proprium Episcopum habuit. Quapropter si universo Sanctissimo Cœtui placet hoc, quod prosecutus sum, confirmetur. Aurelius Episcopus dixit. Fratri, & Confacerdotis nostri prosecutioni non obisto, sed hoc me & fecisse, & facturum esse prosequor circa eos sane, qui fuerint concordēs, non solum circa Ecclesiam Carthaginensem, sed circa omne Sacerdotale consortium. Sunt enim plerique conspirantes cum plebibus propriis, quas decipiunt, ut dictum est, eorum scalpentes aures, blandi ad seducendum, vitiosæ vitæ homines, vel certè inflati, & ab hoc consortio separati, qui putant propriæ plebi incubandum, & nonnunquam conventi ad Concilium venire detrectant: sua forte ne prodantur flagitia, metuentes. Dico, si placet, circa hos non tantum Dioceses non esse servandas, verum & de propria Ecclesia, quæ illis malè siverit, omni modo adnitendum, ut etiam autoritate publicâ rejiciantur, atque ab ipsis Principalibus Cathedris removeantur. Oportet enim, ut, qui universis fratribus, ac toto Concilio inhæserit, non solum suam (o) integre, sed & Dioceses possideat. At verò, qui sibimet putant plebes (p) sufficere, fraternâ dilectione contemptâ, non tantum Dioceses amittant, sed, ut dixi, etiam propriis publicâ careant autoritate, ut rebelles. Honoratus & Urbanus Episcopi dixerunt. Summa provisio Sanctitatis tuæ cohæsit mentibus singulorum, & puto, omnium responsione ea, quæ prosequi dignatus es, roboranda. Universi Episcopi dixerunt: placet, placet.

D d 2

*Ut alienus Clericus minimè suscipiatur ab alio.*

## CAP. XXI.

Epigonius Episcopus dixit in multis Conciliis hoc statutum est, etiam nunc hoc confirmandum (q) est à vestra prudentia, Beatissimi fratres, ut Clericum alienum nullus sibi (r) præcipiat Episcopus præter ejus arbitrium, cujus fuerit Clericus. Dico autem, Julianum, qui ingratus est Dei beneficiis, per meam parvitatem in se collatis, ita temerarium & audacem extitisse, ut eum, qui à me Baptizatus est, cum esset puer egentissimus mihi ab eodem commendatus, cumque multis annis à me aleretur, atque increveret, hunc, ut dixi, Baptizatum esse in Ecclesia mea per manum parvitatæ meæ, constat: idem in Diocesi Mappalensi lector esse coeperat, immo annis (s) sex me duobus legerat, nescio, quo contemptu humilitatis meæ. Idem Julianus eum (t) arripuit, quem dicit quasi proprium civem sui loci, Vazaritani, me inconsulto usurpare: nam & Diaconum illum ordinavit. Hoc si liceat, pateat hæc licentia, à vobis (u) Beatissimi Fratres; si minùs, tam impudens cohibeatur, ne se misceat communioni cujusquam. Numidius Episcopus dixit. Si non postulatâ, neque consultâ tuâ dignatione id videtur fecisse Julianus, judicamus omnes iniquè factum atque indignè. Quapropter nisi idem Julianus correxerit errorem suum, & cum satisfactione eundem Clericum, quem fuerat ausus ordinare, revocaverit tuæ plebi, contra statuta Concilii faciens, contumaciæ suæ separatus à nobis excipiet Judicium. Epigonius Episcopus dixit. Ætate Pater, & ipsa promotione antiquissimus, vir laudabilis, frater & collega noster Victor vult hanc petitionem generalem omnibus effici.

*Ut Carthaginensi Episcopo, unde voluerit Clericum liceat ordinare.*

## CAP. XXII.

Aurelius Episcopus dixit. Sermone meum admittite fratres. Contingit (x) nonnunquam, ut postulentur ab Ecclesiis, quæ præpositis egent, ut presbyteris, vel episcopis; & tamen memor statutorum id sequor, ut conveniam

(o) iure integro cod. tres.

(p) suas cod. tres.

(q) confirmatum tres cod.

(r) prius cod. 1. 2. 3.

(s) ferme non sex me tres codices.

(t) eum abest à tribus.

(u) à nobis tres codices.

(x) contingit cod. 1. 2.



niam Episcopum ejus, atque ei inculcem, quod ejus Clericus à qualibet Ecclesia postuletur, sed forte in hodierno non reluctati sunt, & nequando contingat, ut reluctantur, cum fuerint à me in hac causa postulati, quem scitis multarum Ecclesiarum, & ordinandorum curam sustinere; justum est ergo, ut quemlibet confacerdotum conveniam cum duobus è consorcio nostro, vel tribus testibus. Sin verò indevotus extiterit; quid censet charitas vestra, faciendum? Ego enim cunctarum Ecclesiarum, dignatione (y) Dei, ut scitis fratres, sollicitudinem sustineo. Numidius episcopus dixit. Fuit semper hæc licentia huic sedi, ut unde vellet, & de cuius nomine fuisset conventus; pro desiderio cujusque Ecclesie ordinare episcopum. Epigonius Episcopus dixit. Bonitas sequestrat possibilitatem, minus enim præsumis frater, cum te bonum & clementem omnibus præbes (z) habes enim hoc in arbitrio. Satis est, ut satisfiat personæ uniuscujusque Episcopi in prima tantummodo conventionione. Si autem quod (a) libet huic sedi vendicandum sibi fuerit arbitratus, necesse habes tu, omnes Ecclesias sustulcire, unde tibi non potestatem damus, sed tua assignamus, ut liceat voluntati tuæ & semper tenere, quem voles, ut præpositos plebibus, vel ecclesiis non (b) constitutas, qui postulati fuerint, & unde voles.

Posthumianus Episcopus dixit. De inde, qui unum habuerit, nunquid debet illi unus (c) presbyter auferri? Aurelius Episcopus dixit. Sed Episcopus unus esse potest, per quem dignatione Divinâ presbyteri multi constitui possunt, unus autem Episcopus difficile invenitur constituendus. Quapropter si necessarium Episcopatu quis habuerit presbyterum, & unum, ut dixisti frater, habuerit, etiam ipsum ad promotionem dare debet. Posthumianus Episcopus dixit. Ergo si habet alius abundantes Clericos, debet mihi alia plebs subvenire. Aurelius Episcopus dixit. Sanè (d) quando tu ecclesie alteri subveneris, persuadebitur illi, qui plures habet Clericos, ut unum tibi ordinandum largiatur.

*Ut Episcopi, qui in Diœcesibus fuerint ordinati, Diœcesim sibi nullam vendicent.*

## CAP. XXIII.

Honoratus & Urbanus Episcopi dixerunt. Audivimus constitutum, ut Diœceses (e) non mereantur Episcopos accipere, nisi consensu ejus, sub quo fuerant constitutæ; sed in provincia nostra cum aliqui forte in Diœcesi, concedente eo Episcopo, in cuius potestate fuerant constituti, ordinati sunt Episcopi, etiam Diœceses sibi vendicant: hoc & corrigi charitatis vestræ judicio, & inhiberi de cætero debet. Epigonius Episcopus dixit: singulis Episcopis servatum est, quod decebat: ut ex massa Diœcesium nulla carperetur, ut proprium Episcopum habuisset, nisi ipse consensum adhibuisset, concedendi. Sufficiat enim si (f) concefferit, ut (g) eadem Diœcesis permilla proprium tantum Episcopum habeat, cæteras sibi non vendicent Diœceses, quia exempta de fasce multarum sola meruit honorem episcopatus suscipere. Aurelius episcopus dixit. Non dubito charitati vestræ omnium placere eum, qui in Diœcesi concedente Episcopo, qui matricem tenuit, solam eandem retinere plebem, in qua fuerit ordinatus: quoniam igitur universa arbitror fuisse tractata, si omnia cum animo vestro convenerunt, sermone vestro cuncta roborate. Universi Episcopi dixerunt. Omnia nobis hæc placuerunt. Et hæc nostrâ subscriptione firmavimus. Et subscripserunt. Aurelius Episcopus ecclesie Carthaginensis, huic decreto consensit, & præfecto subscripsi. Similiter & cæteri Episcopi subscripserunt.

(h) *Ut parvuli apud Donatistas baptizati, in Catholica Ecclesia Clerici ordinentur.*

## CAP. XXIV.

Unde quoniam superiori Concilio statutum esse, necum recognoscit unanimitas vestra, ut hi, qui apud Donatistas parvuli baptizati sunt, nondum scire valentes erroris eorum interitum, & posteaquam ad ætatem rationis capacem pervenerunt, agnitâ veritate falsitatem eorum abhorrentes, ad Ecclesiam Dei Catholicam per universum mundum diffusam

(y) dignationem cod. 1. 2.

(z) reddit cod. tres.

(a) quod licet cod. tres.

(b) non abest à tribus.

(c) ipse cod. 1. 2.

(d) quomodo cod. tres pro quando.

(e) Diœcesim non mereantur Episcopus cod. 1. 2.

(f) consenserit tres codic.

(g) eandem cod. 1. 2.

(h) Post hoc Caput XXIII. sequuntur tria Capitula in fronte Canonum posita.

sam ordine antiquo per manûs impositionem recepti sunt, debere talibus suscipiendum munus clericatûs non impedire nomèn erroris, cùm veram Ecclesiam illorum putaverint ad fidem accedendo, & ibi Christo crediderint, & Trinitatis Sacramenta perceperint: quæ omnia vera, & Sancta, atque divina esse certissimum est, & in his omnem animæ spem constitutam. Quamquam & hæreticorum præsumpta audacia, veritatis nomine palliata, hæc tradere audeat, quæ quoniam simplicia sunt, ut præmonet Beatus Apostolus dicendo, *Unus Deus, una Fides, unum Baptisma*: & iterari non liceat, quod semel dare oportet, anathematizato nomine erroris recipiantur per manus impositionem in unam Ecclesiam, Columbam, ut dictum est, & unam matrem omnium Christianorum, ubi omnia illa Sacramenta salubriter & (k) æterna, & vitaliter accipiuntur; quæ perseverantibus in hæresi magnam damnationis pœnam conquirunt, ut quod eis veritate ad æternam vitam consequendam esset luminosius, hoc in errore sit tenebrosius, atque damnosius. Quod fugientes nonnulli, & matris Ecclesiæ (l) ubera cognoscentes, qui illa omnia Sancta mysteria amore veritatis crediderunt, atque perceperunt, quibus Sacramentorum rebus cum vitæ bonæ probitas (m) accesserit sine dubio ad officium clericatûs tales esse applicandos, & maximè in tanta rerum necessitate, nullus est, qui non concedat. Quanquam nonnulli ejusdem sectæ Clerici (n) cum plebibus atque honoribus suis ad nos transire desiderant, qui amore honoris, aut persuadent ad vitam, aut retinent ad salutem. Sed hoc majori fratrum supradictorum considerationi dimittendum cenfeo, ut prudentiori suo consilio nostræ suggestionis sermonem cùm perpenderint, quid de hac re eis placeat, nos informare dignentur. Tantum de his, qui infantes baptizati sunt, satagimus, nostræ, si placet, in iisdem ordinandis consentiant voluntati, omnia ergo quæ superius comprehendimus, apud Sanctos episcopos agenda esse mecum honorabilis fraternitas vestra perpendat.

Dd 3

- (k) & abest à tribus.  
 (n) Clericorum cod. 1. 2.  
 (p) qui cod. tres pro quia.

- (l) Catholica cod. tres.  
 (o) ipsa deleri tres cod.  
 (q) quoniam tres codices pro qua.

*De Reliquiis idolorum, vel templis ab Imperatoribus abolendis. CAP. XXV.*

Instant etiam aliæ necessitates à religiosis Imperatoribus postulandæ: ut reliquias idolorum per omnem Aphricam jubeant penitus amputari, nam plerisque in locis maritimis, atque possessionibus diversis, adhuc erroris istius iniquitas viget: ut præcipiantur, & ipsa (o) deleri, & templa eorum quæ in agris, vel in locis abditis constituta nullo ornamento sunt, jubeantur omni modo destrui.

*Ut Clerici de Judicii sui Cognitione non cogantur, in publico dicere Testimonium.*

CAP. XXVI.

Petendum etiam, ut statuere dignentur, ut si fortè in ecclesia quamlibet causam jure Apostolico ecclesiis imposito agere voluerint, & fortasse decisio Clericorum uni parti displicuerit: non liceat Clericum in Judicio ad Testimonium devocari, quia (p) cognitor vel præfens fuit, ut nulla ad Testimonium dicendum ecclesiastici cujuslibet persona pulsetur.

*De Paganorum conviviiis auferendis.*

CAP. XXVII.

Illud etiam petendum, ut, quæ (q) contra præcepta Divina convivia multis in locis exercentur, quæ ab errore gentili attracta sunt, ita ut nunc à Paganis Christiani ad hæc celebranda cogantur, ex qua re temporibus Christianorum Imperatorum persecutio altera fieri occultè videatur; vetari talia jubeant, & de civitatibus, & de possessionibus imposita pœna prohiberi; maximè cùm etiam in natalibus beatissimorum Martyrum per nonnullas civitates, & in ipsis locis sacris talia committere non reformident. Quibus diebus etiam, quod pudoris est dicere, saltationes sceleratissimas per vicos, atque plateas exercent, ut matronalis honor, & innumerabilium fœminarum pudor, devotè venientium ad sacratissimum diem, injuriis lascivientibus appetatur, ut etiam ipsius sanctæ religionis penè fugiatur accessus.

Dd



*De spectaculis : ut die Dominico , vel cæteris Sanctorum festiuitatibus minimè celebrentur.* CAP. XXVIII.

Nec non & illud petendum , ut spectacula theatrorum , cæterorumque ludorum die Dominicâ , vel cæteris religionis Christianæ diebus celeberrimis amoveantur , maximè quia Sancti Paschæ octavarum die populi ad circum magis , quam ad Ecclesiam conueniant , deberi transferri devotionis eorum dies , si quando occurrerint : nec oportere etiam quemquam Christianorum cogi ad hæc spectacula , maximè , quia in his exercendis , quæ contra præcepta Dei sunt , nulla persecutionis necessitas à quoquam adhibenda est ; sed , uti oportet hominem , liberâ voluntate subsistat sibi diuinitus concessâ . Corporatorum enim maximè periculum considerandum est , qui contra præcepta Dei magno terrore coguntur ad spectacula conuenire .

*De Clericis damnatis.*

## CAP. XXIX.

Et illud petendum : ut statuere dignentur , (r) ut si quis cuiuslibet honoris Clericus iudicio Episcoporum quocunque crimine fuerit damnatus , non liceat eum sive ab Ecclesiis , quibus præfuit , sive à quolibet homine defensari , interpositâ penâ damni , pecuniæ , atque honoris , quo nec ætatem , nec sexum excusandum esse præcipiant .

*De bistriomibus Christianis factis.*

## CAP. XXX.

Et de his etiam petendum , ut si quis ex qualibet ludicra arte ad Christianitatis gratiam venire voluerit , ac liber ab illa macula permanere , non eum liceat à quoquam iterum ad eadem exercenda reduci vel cogi .

*De manumissionibus , ut in Ecclesia celebrentur , ab Imperatore poscendum.*

## CAP. XXXI.

De manumissionibus sanè in Ecclesia dicendis , si id nostri Confacerdotes per Italiam facere reperiuntur , nostræ etiam erit fiduciæ istorum ordinem sequi : datâ plenè (s) licentiâ missio Legato , ut quæcunque digna fide pro statu Eccle-

sia , & salute animarum agere potuerit , nos laudabiliter in conspectu Domini accepturos . Quæ omnia , si Sanctitati vestræ placent , edicite : ut & meam suggestionem ratam esse vobis advertant , & nostram (t) olim consensionem sinceritas eorum libenter accipiat . Ab universis Episcopis dictum est . Omnibus placent hæc , quæ injuncta sunt peragenda , & prudenter à tuâ Sanctitate narrata .

*De Equitio damnato Episcopo.*

## CAP. XXXII.

Aurelius Episcopus dixit . Equitii etiam , olim merito suo episcopali sententiâ damnati , non arbitror prætereundam esse legationis causam : ut si fortè eum in illis partibus repperit , si (u) eidem Fratri nostro curæ pro ecclesiæ statu , quod oportuerit , vel ubi licuerit , adversus eum peragere . Ab universis Episcopis dictum est , multum placet & ista persecutio : (x) maximè cum olim damnatus sit Equitius , & ejus impudens inquietudo pro statu & salute Ecclesiæ magis magisque ubique repellenda . Et subscripserunt . Aurelius Episcopus ecclesiæ Carthaginensis , huic decreto consensi , & præfesto subscripsi . Similiter & cæteri Episcopi subscripserunt .

*In hoc Concilio Literæ leguntur Anastasio Romani Pontificis , de Donatistis Catholicos Episcopos admonentis.* (y)

Vincentio , (z) & Flabito VV. CC. Confl. Idus Septembris Carthagine in Secretario Basilicæ restitutæ , cum in Concilio congregati in Ecclesia Carthaginensi confedissemus ex Aphricanis omnibus Provinciis Episcopi , id est , Aurelius ejusdem sedis episcopus cum collegis suis , quos eorum subscriptio manifestat , ait idem Aurelius episcopus : recitatis epistolis Beatissimi Fratris , & confacerdotis nostri Anastasii Ecclesiæ Romanæ episcopi , quibus nos paternæ & fraternæ charitatis sollicitudine , ac sinceritate adhortatus est , ut de hæreticorum , & schismaticorum Donatistarum insidiis & improbitatibus , quibus Aphricanam Ecclesiam Catholicam graviter vexant , nullo modo dissimulemus . Gratias agimus Domino nostro ,

(r) dignetur cod. 1.

(s) planè cod. 1. 3.

(t) omnium loco olim.

(u) sit cod. 1. 3. pro si.

(x) persecutio cod. 1.

(y) admonentes cod. 1. 3. p. aut autem Aurelius Episcopus omisâ in cod. 1. 3.

(z) Vincentius & Fravica confl. erant anno 401.

istro, quod illi optimo, ac Sancto Antistiti suo tam piam curam pro membris Christi, quamvis in diversitate terrarum, sed in una compage corporis constitutis inspirare dignatus est.

*Ut cum Donatistis lenius (a) agatur.*

## CAP. XXXIII.

Deinde pertractatis, & consideratis omnibus, quæ utilitati Ecclesiæ convenire videbantur, annuente, atque admonente Spiritu Dei eligimus (b) cum memoratis hominibus; quamvis de Dominici corporis unitate, inquietâ dissensione præcis, leniter, & pacifice agere: ut quantum in nobis est, omnibus, qui eorum communione, & societate irretiti sunt per universas Provincias Africanas penitus devincti sunt; ne fortè, sicut dicit Apostolus, nobis in mansuetudine corripientibus diversa sentientes, det illis Deus penitentiam ad cognoscendam veritatem, & resipiscant de diaboli laqueis, captivati ab ipso in ipsius voluntatem.

*De literis mittendis iudicibus, ut ea, quæ inter Donatistas & Maximianistas acta sunt, innotescant.*

## CAP. XXXIV.

Itaque placuit, ut ex Concilio nostro literæ darentur ad iudices Africanos, à quibus hoc peti congruum videretur, ut in hoc adjuvent communem matrem Ecclesiam Catholicam, in quo Episcopalis Auctoritas communiri (c) in civitatibus potest, id est, ut iudiciaria potestate atque diligentia ex fide Christiana, quid gestum sit in omnibus locis, in quibus Maximianistæ Basilicas obtinuerunt, qui ab eis schisma fecerunt, inquirant, & gestis publicis propter firmam noticiam omnibus necessariam faciant inherere.

*Ut Clerici Donatistarum in Ecclesiâ Catholica suscipiantur in Clero.*

## CAP. XXXV.

Deinde placuit, ut literæ mittantur ad Fratres Coepiscopos nostros, & maxime ad sedem Apostolicam, in qua præsidet memoratus venerabilis frater, &

collega noster Anastasius, quod noverit habere Aphricam magnam necessitatem propter Ecclesiæ pacem & utilitatem, ut & ipsis Donatistis: quicumque Clerici correcto consilio ad Catholicam unitatem transire voluerint secundum uniuscujusque Episcopi Catholici voluntatem, atque consilium, qui in eodem loco gubernat Ecclesiam, si hoc paci Christianæ prodesse visum fuerit, in suis honoribus suscipiantur. Sicut prioribus ejusdem divisionis temporibus factum esse manifestum est. Quod multarum & pene omnium Aphricanarum Ecclesiarum, in (d) quibus talis error exortus est, exempla testantur: non ut Concilium, quod in transmarinis partibus de hac re factum est, dissolvatur, sed ut illud maneat circa eos, qui sic transire ad Catholicam volunt, ut nulla per eos unitatis compensatio procuretur. Per quos autem vel omni modo perfici (e) adjuvari manifestis fraternarum animarum lueris Catholica unitas in locis, in quibus degunt, visa fuerit, non eis obstit, quod contra honores eorum, quamvis salus nulli interclusa sit. In transmarino Concilio statutum est, id est, ut ordinati, in parte Donati, si ad Catholicam correcti transire voluerint (f) ut suscipiantur in honoribus suis secundum transmarinum Concilium, sed exceptis his, per quos Catholica unitati consulatur.

*Ut Legatio ad Donatistas componenda pacis gratia dirigatur.*

## CAP. XXXVI.

Deinde placuit, ut his peractis, Legati etiam prædicandæ pacis, atque unitatis, sine qua salus Christiana non potest obtineri, è numero nostro ad ipsorum donatistarum, sive quos habent Episcopos, sive ad plebes mittantur, per quos omnibus in noticiam perferatur, quam nihil habeant, quod adversus Ecclesiam Catholicam iuste possint dicere: maxime ut manifestum fiat omnibus per gesta etiam municipalia, propter documentorum firmitatem, quid ipsi de Maximianistis schismaticis suis egerint: ubi ei (g) divinitus demonstratur, si attendere velint, tam iniquè tunc illos ab Ecclesiæ unitate præcisos, quam iniquè nunc

(a) lenius cod. 1. 3.

(b) elegimus.

(c) contemni cod. 1. 3.

(d) quibus sine in. cod. 1. 3.

(e) perfici cod. 1.

(f) non pro ut cod. 1. 3.

(g) eis pro ei cod. 1. 3.



nunc claimant, à se Maximianistas schisma fecisse, ex quorum tamen numero, quos jam plenarii Concilii sui autoritate damnaverant, in suis honoribus denuò receperunt, baptismum, quem damnati, & exclusi dederant, acceptaverunt; (b) ut videant, quàm stulto corde resistent paci ecclesiæ toto orbe diffusæ: cum ista faciant pro parte Donati, neque se istorum; quos ita receperunt, communione propter intuitum pacis contaminari dicant; & nos condemnent, (c) id est, ecclesiam Catholicam, etiam in extremis terrarum partibus constitutam, per eorum communionem inquinatam, quos tunc accusantes convincere nequiverunt.

*Qui Clerici ab uxoribus debeant abstinere.*

## CAP. XXXVII.

Præterea, cum de quorundam Clericorum, quamvis erga uxores proprias, incontinentia referretur: placuit Episcopos, & Presbyteros & Diaconos secundum priora statuta etiam ab uxoribus continere, quod nisi fecerint, ab Ecclesiastico removeantur officio; ceteros autem Clericos ad hoc non cogi, sed secundum uniuscujusque Ecclesiæ consuetudinem observari debere.

*De his, qui plebes proprias derelinquunt.*

## CAP. XXXVIII.

Rursum placuit, ut nemini sit facultas, relicta principali Cathedrâ ad aliquam Ecclesiam in Dicecesi (k) constitutam se conferre, vel in re propria diutius, quàm oportet, constitutum, curam, vel frequentationem propriæ cathedræ neglegere.

*De infantibus baptizandis, quoties dubitatur, utrum fuerint baptizati.*

## CAP. XXXIX.

Item placuit, de infantibus, quoties non inveniuntur certissimi testes, qui eos baptizatos esse sine dubitatione testentur, neque ipsi sunt per ætatem de traditis sibi Sacramentis idonei respondere, absque ullo scrupulo eos esse baptizandos, ne ista trepidatio eos faciat Sacramentorum purgatione privari. Hinc enim legati Maurorum, fratres nostri, consuluerunt, quia multos tales à barbaris redimunt.

*Diem Paschæ & diem Concilii nunciandum.*

## CAP. XL.

Item placuit, ut dies venerabilis Paschæ formatarum subscriptione omnibus intimetur; dies verò Concilii idem servetur, qui in Hipponensi Concilio constitutus est, id est X. Kal. Septembris. Et scribendum ad singularum quarumque Provinciarum Primates, ut quando apud se Concilium congregant, istum diem non impediant.

*Ne interventor Episcopus Cathedram, ubi interventor est, teneat.* CAP. XLI.

Item constitutum est, ut nulli intercessori licitum sit Cathedram, cui intercessor datus est, quibuslibet populorum studiis, vel seditionibus retinere, sed dare operam, ut intra annum eisdem Episcopum provideat; quod si neglexerit, anno exempto interventor alius tribuatur.

*De Defensoribus Ecclesiarum ab Imperatore poscendis.* CAP. XLII.

Ab Imperatoribus, universis visum est, postulandum propter afflictionem pauperum, quorum molestiis sine intermissione fatigatur Ecclesia, ut defensores eis adversus potentias divitum cum Episcoporum provisione delegentur.

*De Episcopis, qui ad Concilia non occurrunt.*

## CAP. XLIII.

Item placuit, ut quotiescunque Concilium congregandum est, Episcopi, qui neque ætate, neque ægritudine, neque aliquâ graviore necessitate impediuntur, competenter occurrant, & à (l) Primatibus suarum quarumcunque provinciarum intimetur, ut de universis Episcopis, vel duæ, vel tres turmae fiant, ac de singulis turmis vicissim, quotquot electi fuerint, ad diem Concilii instantissime occurrant. Quod si non potuerint occurrere, excusationes suas in tractatoria subscribant; vel si post adventum tractatoriarum aliquæ necessitates repente forsitan ortæ fuerint: nisi rationem impedimenti sui apud suum Primate reddiderint, Ecclesiæ suæ communione debere esse contentos.

*De*

(b) acceptaverant cod. 1. 3.

(c) contemnant cod. 1. 3.

(k) Diocesim cod. 1. 3.

(l) à omittitur cod. 1. 3.

*De Cresconio.* CAP. XLIV.

De Cresconio villa Regensi hoc omnibus visum est, ut hinc quoque Primate Numidiæ intimeretur, quod cognoscat, memoratum Cresconium scriptis suis conveniendum esse, ut proximo universali Africano Concilio suam præsentiam non differat exhibere; quod si venire contempserit, in se cognoscat sententiam (m) promulgatam.

*De Ecclesia Hipponensium Diaretorum.*

## CAP. XLV.

Rursum placuit, ut (n) quoniam Hipponensium Diaretorum Ecclesiæ destitutio non est diutius negligenda (o) Ecclesiæ, ibi ab his retineantur (p) qui Equitii facinorosam communionem declinaverunt, missis ex præsentī Concilio Episcopis, Regino, Alypio, Augustino, Materno, Theasio, Evodio, Placiano, Urbano, Valerio, Ambivio, Fortunato, Quod-vult-Deo, Honorio, Januario, Apto, Honorato, Ampelio, Victoriano, Evangelo & Rogatiano. Conventis ergo (q) & correctis his, qui culpabili pertinacia fugam ejusdem Equitii expectandam putabant, cum omnium voto eis episcopus ordinetur. Si autem illi pacem considerare noluerint, non impediant in eligendo ad ordinandum præposito utilitatem tanto tempore Ecclesiæ destitutæ.

*De Clericis, qui intra annum causam suam agere non procuraverint.*

## CAP. XLVI.

Rursum constitutum est, ut quoties Clericis convictis, & confessis in aliquo crimine vel propter eorum, quorum verecundiæ parciatur, vel propter Ecclesiæ opprobrium, aut insolentem insultationem hæreticorum, atque gentilium, si forte causæ suæ adesse voluerint, & innocentiam suam asserere, intra annum excommunicationis hoc faciant. Si vero intra annum causam suam purgare contempserint, nulla eorum vox postea penitus audiatur.

*Ut de alieno Monasterio susceptos nec præpositos Monasterii, nec Clericos liceat ordinare.* CAP. XLVII.

Item placuit, ut si quis de alterius Monasterio repertum vel ad Clericatum

E e

promovere voluerit, vel in suo Monasterio majorem Monasterii constituerit; Episcopus, qui hoc fecerit, à cæterorum communione contemptus sit, & ille neque Clericus, neque Præpositus perseveret.

*De Episcopis, qui hæreticos, vel paganos hæres instituunt.* CAP. XLVIII.

Item constitutum est, ut si quis episcopus hæres extraneos à consanguinitate sua, vel hæreticos etiam consanguineos, aut paganos Ecclesiæ prætulerit, saltem post mortem anathema ei dicatur, atque ejus nomen inter Dei Sacerdotes nullo modo recitetur. Nec excusari possit, si intestatus defecerit, quia utique debuit factus episcopus rei suæ ordinationem congruam suæ professioni nequaquam differre.

*De manumissionibus.* CAP. XLIX.

Item placuit, ut de manumissionibus in Ecclesia celebrandis ab Imperatore petatur.

*De falsis memoriis Martyrum.*

## CAP. L.

Item placuit, ut altaria, quæ passim per agros, & per vias, tanquam memoriæ martyrum constituuntur, in quibus nullum corpus, aut reliquiæ martyrum conditæ probantur, ab Episcopis, qui locis eisdem præsunt, si fieri potest, evertantur: si autem hoc per tumultus populares non finitur, plebes tamen admoneantur, ne illa loca frequentent, ut qui rectè sapiunt, nullâ ibi superstitione devincti teneantur: & omnino nulla memoria martyrum probabiliter acceptetur, nisi ubi corpus aut aliquæ reliquiæ sunt, aut origo alicujus habitationis, vel possessionis, vel passionis fidelissimâ origine traditur. Nam quæ per somnia, & per inanes quasi revelationes quorumlibet hominum ubicunque constituuntur altaria omni modo reprobentur.

*De Idolorum reliquiis extirpandis.*

## CAP. LI.

Item placuit, ab Imperatoribus Gloriosissimis peti, ut reliquiæ idololatriæ non solum in simulacris, sed in quibuscunque locis, vel lucis, vel arboribus omni modo deleantur.

Ut

(m) promulgandam cod. 1. 3.

(n) ut abest à tribus.

(o) &amp; Ecclesiæ cod. 1. 3.

(p) retineantur cod. 1. 3.

(q) conventis abest à 1. 3.



Ut ab Episcopo Carthaginiensi, cum opus fuerit, omnium Episcoporum nomine dictentur, & subscribantur Epistole.

## CAP. LII.

Ut siquæ literæ dictandæ in Concilio placuerint, venerandus episcopus, qui huic sedi præsidet, omnium nomine dictare, & subscribere dignetur: in quibus etiam ad episcopos Legatos, qui per provincias Africas in causâ Donatistarum mittendi sunt, placuit literas dari tenorem mandati continentes, quem non egrediantur. Et subscripserunt. Aurelius episcopus Ecclesiæ Carthagenensis huic decreto consensit, & prælecto subscripsi. Similiter & cæteri episcopi subscripserunt. (r)

In hoc Concilio præterita decreta firmantur.

Gloriosissimis Imperatoribus Arcadio, & Honorio Augustis V. Conf. (s) sexto Kal. Septembris in civitate Melibitana, in Secretario Basilicæ cum Aurelius episcopus (t) Carthagenensis in Concilio universali confedisset, adstantibus Diaconibus, Aurelius Episcopus dixit: Quoniam Ecclesiæ Sanctæ unum est corpus, omniumque membrorum caput est unum, factum est, volente Deo, & (u) nostram infirmitatem iuvante, ut ad hanc Ecclesiam venerimus dilectionis, & fraternitatis gratiâ invitati; unde quæso charitatem vestram, quia ita credendum est, (x) quia noster accessus ad vos nec superfluous, nec insuavis est cunctis, ut consensus omnium vestrum manifestetur concordare complacitis decretorum, quæ jam dudum vel in Hipponensi Synodo sunt firmata, vel postmodum meliore Concilio apud Carthaginem definita, nunc quoque nobis ex ordine recitentur. Tunc demum fraternitatis vestræ concordia luce clarior apparebit, si hæc, quæ à nobis superioribus Conciliis legaliter definita noscuntur, non solum consensu vestro his actis, verum & subscriptionibus (y) manifestetis. Xantippus episcopus primæ sedis Numidiæ suâ manu (z) confirmavit subscribendo, etiam nobis placere pos-

se, & nostra subscriptione firmamus. Nicetius Episcopus primæ sedis Mauritanie Siutensis dixit: quæ recitata sunt decreta, quoniam ratione non carent, & sunt approbata cunctis, etiam & meæ parvitati hæc placent, quæ quidem propriâ subscriptione firmabo.

De Episcoporum ordine, (a) ut qui posterius ordinati sunt, prioribus se non audeant anteferre.

## CAP. LIII.

Valentinianus Episcopus dixit. Si permittit bonum patientiæ vestræ, prosequor ea, quæ præterito tempore in Ecclesia Carthagenensi gesta sunt, & subscriptionibus fratrum firmata clauerunt, etiam nos hoc servaturos esse profiteor: sed illud scimus, inviolatè semper mansisse Ecclesiasticam disciplinam; ita ut nullus fratrum prioribus suis se aliquando auderet antepone, sed officiis charitatis id semper exhibitum est prioribus, quod (b) in sequentibus gratanter semper acciperetur. Hunc ordinem jubeat Sanctitas vestra meliùs vestris interlocutionibus roborari. Aurelius Episcopus dixit. Non decuerat quidem, ut hæc repeteremus; nisi fortè existerent inconsideratæ mentes quorundam, quæ ad hæc statuenda nostros acuerent sensus: sed communis hæc causa est, quam insinuat frater & confacerdos noster, ut unusquisque nostrum ordinem sibi decretum à Deo cognoscat, (c) nec posteriores anterioribus se præferant, nec eis inconsultis aliquid agere præsumant. Qua de re dico, prout captus animi mei retinet, eos, qui putaverint spretis majoribus aliquid præsumendum, competenter ab omni esse Concilio coerendos. Xantippus episcopus primæ sedis Numidiæ dixit. Audivit omnium fratrum præsentia prosecutionem fratris, & confacerdotis nostri Aurelii: quid ad hæc respondent? Datanus Episcopus dixit: quæ (d) majorum decrevit sententia, nostro assensui mancipabuntur, ut quæ præteritorum Conciliorum gestis tenentur Carthagenensis Ecclesiæ, nostrâ assensio-

(r) Hic sicut in aliis Canonibus invenitur. Incipit Concilium Milevitanum: hæc omnia inferuntur cod. 3tio hoc loco.

(s) Arcadius Aug. V, & Honorius Aug. V. erant Coss. anno 402.

(t) Ecclesiæ additur cod. 1. 3.

(u) ad pro 13.

[x] quia insuavis est abest à 1. & 3. cod.

(y) Manifestis roboretur cod. 3.

(z) confirmaverunt cod. 1.

(a) ordinationes cod. 3.

(b) ab insequentibus cod. 1. 3.

(c) & posteriores anterioribus deferant cod. 1. 3.

(d) Maurorum cod. 3.

sensione plenè apud omnes firma teneantur. Universi Episcopi dixerunt. Hic ordo & à patribus, & à majoribus servatus est, & à nobis, Deo propitio servabitur, salvo etiam jure primatûs Numidiæ & Mauritanîæ.

*De Archibo & Matricula Numidiæ.*

Deinde placuit omnibus Episcopis, qui in hoc Concilio subscripserunt, ut matricula & archibus Numidiæ, & apud primam sedem sit, & in Metropoli; id est, Constantina. (e)

*De Quod-vult-Deo Episcopo.*

#### CAP. LIV.

De Quod-vult-Deo etiam Centurioni, quomodo (f) adversarius ipsius, cum se petisset introduci ad Concilium nostrum, interrogatus, utrum cum eo vellet apud Episcopos experiri, primò promiserat, & alia die respondit, hoc sibi non placere, atque discessit; placuit omnibus Episcopis, ut nullus eidem Quod-vult-Deo communicet, donec causa ejus, qualem potuerit, terminum sumat. Nam adimi ei Episcopatum, antequam causæ ejus exitus appareret, nulli Christiano videri jure potuisset.

*De Maximiano Episcopo.* CAP. LV.

De Maximiano autem Bagaiensi, & ad eum, & ad ipsam plebem placuit de Concilio literas dari, ut & ipse ab Episcopatu discedat, & illi sibi alium requirant.

*Ut Episcopi, qui ordinantur, ab Ordinatori-  
bus suis Epistolas accipiant, quæ diem &  
Consulem præferant.* CAP. LVI.

Deinde placuit, ut quicumque deinceps ab Episcopis ordinantur per Provincias Aphricanas, literas accipiant ab Ordinatoribus suis, manu eorum conscriptas, continentes Consulem & diem: ut nulla altercatio de posterioribus, vel anterioribus oriatur.

*De his, qui vel semel in Ecclesia legerint,  
ab aliis non posse promoveri.*

#### CAP. LVII.

Item placuit, ut quicumque in Ecclesia vel semel legerit, ab alia Ecclesia

ad Clericatum non teneatur. Et subscripserunt. Aurelius Episcopus Ecclesiæ Carthaginensis huic decreto consensit, & præfecto subscripsi. Similiter & cæteri Episcopi subscripserunt.

*In hoc Concilio, quid egerint Episcopi, qui ad  
transmarina Legati directi sunt,  
intimatur.*

Gloriosissimo Imperatore Theodosio Augusto, & Rumorido (g) V. C. Cons. VIII. Kal. Septembris Carthaginæ, in Basilica Regionis secundæ, cum Aurelius Episcopus in universali Concilio confedisset, adstantibus Diaconibus, Aurelius episcopus dixit: exigente ratione fraternitas vestra à mea tenuitate ad hoc Concilium congregata est: jam dudum enim, sicut vestra Sanctitas recordatur, habito Concilio destinavimus fratres nostros ad transmarina Legatos, quos oportuit in cætu Sanctitatis vestræ perfunctæ legationis cursum narrare: & licet hesterno die de hac re confidentibus nobis præter gesta ecclesiastica diligentius, quæ gesserint, tractaremus, hodie tamen oportet tractatum hesterni diei actûs ecclesiasticis confirmari.

*De Episcopis Provinciarum Ahricæ, qui  
non adfuerunt præsentì Concilio.*

Ordo itaque rerum deposcit, ut primitus de Fratribus nostris, & Confacerdotibus, qui ad hoc Concilium, vel de Bizantio, vel certè de Mauritania convenerunt, quæramus, quemadmodum huic Concilio decreverint interesse, & offerentibus Philologo, Gesta, (b) Venustiano, & Feliciano, Episcopis Provinciæ Bizantinæ Legationis literas, & recitatis, offerentibus etiam Luciano, & Sylvano Legatis Provinciæ Mauritanæ Sitisensis Legationis literas, & recitatis, Aurelius Episcopus dixit: Horum Scriptorum textus sociabitur gestis.

*De Episcopis Byzantinis. (i)*

Numidius Episcopus dixit: Animadvertimus, Fratres & Coepiscopos nostros Byzantinæ Provinciæ, & Mauritanæ Sitisensis ad Concilium destinasse Legatos, nunc quæramus, utrum Legati Numidiæ advenerint? vel certè Provinciæ Tripolitanae, vel Mauritanæ Cæsariensis?

*De*

(e) constantia cod. 1. 3.

[f] quoniam pro quomodo.

[g] Rumrino Rumrido cod. 1. 3. Vera nomina Consulûm anni 403. sunt, Theodosius junior

Aug. & Fl. Rumoridus. *Pagi in Breviario.*

(b) Alii legunt: Geta.

(i) Byzacenus cod. 1. 3.



*De Episcopis Mauritanie Sitifensis.*

Lucianus & Sylvanus Episcopi, Legati Provinciæ Mauritanie Sitifensis dixerunt: Serò ad Cæsarienses fratres nostros tractatoria venit, nam jam & illi venient, tamen necesse est veniant, & confidimus de animis illorum, quia siquid in hoc Concilio gestum fuerit, & ipsi sine dubio suos consensus adhibebunt.

*De Episcopis Numidie.*

Alypius Episcopus Ecclesiæ Tagastensis (i) dixit. Nos quidem de Numidia venimus. Ego, & Sancti fratres Augustinus, & Possidius, sed de Numidia Legati mitti non (k) potuerunt, quod adhuc tumultu tironum, Episcopi propriis necessitatibus in civitatibus suis aut impediti, aut occupati sunt. Nam etiam tractatoriam Sanctitatis tuæ, cum ad sanctum senem Sancti Spiritus (l) deferrem, in præsentis tractatu hoc visum fuerat, ut Concilium indiceretur, quod (m) instructa legatio posset ad hoc Concilium destinari. Sed cum eum posterioribus literis ammonerem de impedimento tironum, ut superius dixi, rescriptis propriis excusavit.

De (n) Tripolitanis verò fratribus nostris hoc potui condiscere, quod Dulcicius fratrem nostrum destinaverunt Legatum: sed quia non potuit occurrere, hoc asseveraverunt quidam filii nostri venientes de supradicta Provincia, quod commemoratus navi se commiserat, & credendum est accidisse nonnullam de tempestatibus moram, quæ retardaret ejus adventum. Tamen etiam circa ipsos, si charitati vestræ placet, hæc forma servabitur, ut placita ad eosdem Concilii transmittantur. Ab universis Episcopis dictum est: hæc, quæ statuit Sanctitas tua, omnibus placent.

*De conveniendis Donatistis.*

## CAP. LVIII.

Aurelius Episcopus dixit: quod in tractatum venit charitatis vestræ, puto hoc Ecclesiasticis gestis esse firmandum. Professio vestrum omnium hoc deprompsit, debere unumquemque nostrum in civitate sua per se convenire Donatista-

rum Præpositos, aut adjungere sibi vicinum collegam: ut pariter eos in singulis quibusque civitatibus, vel locis per Magistratus, vel Seniores locorum conveniant; hoc si omnibus placet, edicatur. Ab universis Episcopis dictum est: Omnibus placet, & omnes hoc subscriptione nostra firmabimus. Petimus etiam, ut epistolis ad Judices de Concilio mittendis pro omnibus subscribat Sanctitas tua. Aurelius Episcopus dixit: Si videtur charitati vestræ, forma conventionis eorum recitetur: ut hunc tenorem prosecutionis omnes, si placuerit, teneamus. Ab universis Episcopis dictum est: recitetur. Lætus Notarius recitavit.

*Forma Conventionis Donatistarum.*

## CAP. LIX.

Ille Episcopus Ecclesiæ illius dixit. Quid de autoritate illius amplissimæ sedis impetraverimus, petimus gravitatem vestram recitare, & gestis innecti, atque ut in effectum deduci jubeatis. Recitatâ autem jussione, atque actis innexâ, dixit (o) ille Episcopus Ecclesiæ illius. Quid ergo nobis de Concilio Ecclesiæ Catholicæ mandatum sit ad Donatistas per vestram gravitatem perferendum, audire, & actis inferere, & ad eos perferre dignemini, eorumque responsionem rursus apud acta vestra nobis insinuare. Convenimus nos ex Concilii nostri Catholicæ autoritate missi, de vestra correptione gaudere cupientes, considerantes Domini charitatem, qui dixit: Beati Pacifici, (p) quia ipsi filii Dei vocabuntur, & admonuit per Prophetam etiam in (q) his, qui dicunt se fratres nostros non esse, dicere nos debere, fratres nostri estis. Hanc ergo pacificam ex charitate venientem communionem nostram contemnere non debetis: ut siquid veritatis asserere, id est, ut congregato vestro Concilio deligatis ex vobis, quibus causam asseritionis vestræ committatis, ut & nos possimus hoc facere, ut etiam de nostro Concilio deligantur, qui cum eis, quos (r) delegeritis, constituto loco, & tempore, quidquid quæstionis est, quod vestram à nobis separat communionem, cum

(i) Tagastensis cod. 3.

[k] Legatio mitti non potuit cod. 3.

(l) Sanctippum pro Sancti Spiritus.

(m) quo.

(n) de Episcopis Tripolitanis titulus cod. 1.

(o) dicat cod. 1. 3.

(p) Marthai V. 9.

(q) in abest à cod. 1. 3.

(r) quod pro quos cod. 1. 3.

cum pace discutiant & tandem aliquando adjuvante Domino Deo nostro, finem veteris error accipiat, ne propter animositatem hominum infirmi (t) nostri, & ignari populi sacrilega dissensione dispareant. Si enim hoc fraternè acceperitis, veritas faciliè dilucescet, si autem hoc facere nolueritis, dissidentia (u) vestra faciliè innotescet. Cùmque recitata esset, ab universis Episcopis dictum est: satis placet, hoc fiat: Et subscripserunt. Aurelius Episcopus Ecclesiæ Carthaginensis huic decreto consensit, & prælecto subscripsit. Similiter & cæteri Episcopi subscripserunt.

*Hæc Synodus adversus Donatistas legationem ad Principes dirigit.*

Gloriosissimo Imperatore Honorio Augusto VI. (y) Conf. XVI. Kal. Julius Carthaginæ, in Basilica Regionis secundæ. In hoc Concilio legationem susceperunt Theasius, & Evodius contra Donatistas, in quo Concilio insertum est communitorium, quod ita se continet.

*Quale communitorium (x) acceperunt Legati contra Donatistas. CAP. LX.*

Communitorium fratribus, Theasio & Evodio Legatis ex Carthaginensi Concilio ad Gloriosissimos, Religiosissimosque Principes missis. Cum Domini auxilio piissimos Imperatores adierunt, ut eis insinuent. Quemadmodum plena fiducia secundum superioris anni Concilium Donatistarum præpositi actis municipalibus sunt conventi, ut si considerent de assertionibus suis, electis ex suo numero aliquibus idoneis, nobiscum pacificè conferrent & mansuetudine Christianâ, siquid veritatis tenerent, non ambigerent demonstrare, quò ita sinceritas Catholica, quæ jam pridem superioribus temporibus claruit, nunc quoque (z) imperitiam, vel pertinaciam resistentibus innotesceret; sed quia dissidentia (a) premebantur, nihil pene ausi sunt respondere. Unde quia impletum est erga eos Episcopale ac pacificum officium, & illi, qui veritati respondere nequiverunt, ad immanes violentias sunt conversi, ita ut multos Episcopos, multosque Clericos (ut de laicis taceamus) insidiis oppresserent.

Ee 3

rint, Ecclesias etiam aliquas invaserint, aliquas invadere pertentaverint, ipsorum jam clementiæ est consulere, ut Ecclesia Catholica, quæ eos religioso utero genuit, & Fidei firmitate nutrit, eorum etiam prospectione muniatur, ne temerarii homines religiosi temporibus infirmos populos terrendo prævaleant, quoniam secundo depravare non possunt; Nota est enim, & sæpe legibus conclamata Circuncellionum, quæ sunt, (b) detestabilis manus. Quæ etiam ipsorum religiosissimorum supra Principum frequentibus Sanctionibus condemnata est, adversus quorum furorem possemus non insolita, nec à Scripturis Sacris aliena impetrare (c) subsidia, quando Apostolus Paulus, sicut in Apostolorum actibus fidelibus notum est, factiosorum conspirationem militari etiam submovit auxilio. Sed nos illud poscimus, ut Catholicis Ecclesiis ordinum per civitates singulas, & vicinorum quorumque possessorum per diversa loca sine ulla dissimulatione tutio præbeatur. Simul etiam petendum, ut illam legem, quæ à religiosæ memoriæ eorum Patre Theodosio de auri libris decem in ordinatores, vel ordinatos hæreticos, seu etiam in possesores, ubi eorum congregatio depræhenditur, promulgata est, ita deinceps confirmari præcipiant: ut in eos valeat, contra quos propter eorum insidias Catholici provocati (d) contestationem (e) deposuerunt, ut hoc saltem terrore à schismatica, vel hæretica pravitate desistant, qui consideratione æterni supplicii emendari, corrigique dissimulant. Petendum etiam, ut lex, quæ hæreticis, vel ex donationibus, vel ex testamentis aliquid capiendi, vel relinquendi denegat facultatem, ab eorum quoque pietate hætenus repetatur, ut eis relinquendi, vel sumendi jus adimat, qui pertinaciæ furore cæcati, in Donatistarum errore perseverare voluerint; cæterum illis, qui consideratione unitatis & pacis se corrigere voluerint, absque interdicto hujus legis, capiendæ hæreditatis aditus pateat, si adhuc in errore hæretico constituti aliquid ante donationis, vel hæreditatis obvenit, his sane exceptis, qui lite pulsati puta-

(t) infirma anima cod. 1. 3.

(u) differentia cod. 1. 3.

(x) communitorium cod. 1. 3.

(y) Honorius Aug. Conf. VI. fuit anno 404. & Aristæus Collega.

(z) per addit cod. 1. 3.

(a) differentia.

(b) furinus cod. 1. 3.

(c) subsidia cod. 1. 3.

(d) provocatio cod. 1. 3.

(e) deposuerint cod. 1. 3.



putaverint ad Catholicam transeundum, quia de talibus credibile est, non meru cælestis iudicii potius, quàm terreni commodi aviditate unitatem Catholicam præoptasse. Ad hæc autem omnia præsidio opus est potestatum suarum quarumcunq; Provinciarum. Sanè pro utilitatibus Ecclesiæ, quicquid intellexerint prodesse, agendi & imperandi liberam decernimus legationem. Illud præterea cunctis (f) vobis placuit, ut literæ de cœtu nostro ad gloriosissimos Imperatores, & eminentissimas Potestates dirigantur, quibus instruantur, nostro omnium consensu ad beatissimum Comitatum Legatos à nobis esse directos. Sed quia iisdem literis ab omnibus subscribi tardissimum est, nisi singulorum subscriptionibus eadem epistolæ onerentur, petimus, frater Aureli, ut iisdem tua charitas nostro omnium n. mine subscribere dignetur. Et subscripserunt. Aurelius Episcopus Ecclesiæ Carthaginensis huic decreto consensit, & subscripsi. Similiter & cæteri Episcopi subscripserunt. Literæ etiam ad iudices mittendæ sunt, ut, donec Dominus Legatos ad nos redire permittat, tuitiones per ordines civitatum, & possessores prædiorum Ecclesiæ Catholicæ impertiant. Adjungendum etiam de Equitio, ut improbitas ejus, quæ sibi jus sacerdotale improbissimè vendicat, ab Hipponensi Diæretorum Diœcesi secundum statuta Imperatorum repellatur. Literæ etiam ad Episcopum Romanæ Ecclesiæ commendatione Legatorum mittendæ sunt, vel ad alios, ubi fuerit Imperator. Et subscripserunt. Item Aurelius Episcopus Ecclesiæ Carthaginensis huic decreto consensit, & præfecto subscripsi. Similiter & cæteri Episcopi subscripserunt.

*In hac Synodo, quæ statuta sunt, brevis declarat annexus.*

Stilicone iterum (g) & Arthemio VV. CC. Conff. X. Kal. Septembris Carthagine in Basilica Regionis secundæ. Hujus Concilii gesta ideo non ex integro descripsi, quoniam magis ea, quæ in tempore necessaria fuerunt, quàm aliqua generalia, constituta sunt, sed ad in-

structionem studiosorum ejusdem Concilii brevem digessi.

*Brevis Causarum. CAP. LXI.*

Ut libera legatio ab omnibus provinciis ad Concilium dirigatur, ad Mizonium Legati & literæ, propter liberam dirigendam legationem destinare præcepta sunt, ut quia apud Carthaginem tantum unitas facta est, dentur etiam literæ ad iudices, ut & aliis provinciis, & civitatibus operam impendi jubeant unitati, ut gratiarum actiones de Carthaginensi Ecclesiâ pro universa Aphrica, de exclusionem Donatistarum cum Episcoporum literis ad comitatum mittantur. Recitatæ sunt literæ Papæ Innocentii: ut Episcopi ad transmarina pergere facili non debeant, quod hoc ipsum Episcoporum sententiis confirmatur, ut propter gratiarum actionem & exclusionem Donatistarum duo Clerici Ecclesiæ Carthaginensis ad comitatum mittantur.

*In (h) hoc Concilio quadam de constitutis superioribus corriguntur, ut Concilium universale non, nisi necessitate faciendum.*

*CAP. LXII.*

Gloriosissimis Imperatoribus Honorio VII. & Theodosio II. iterum Augustis (i) Conff. Idus Junii. Carthagine in Basilica regionis secundæ, cum Aurelius Episcopus unâ cum Episcopis suis confederasset, adstantibus diaconibus ait: quoniam constitutum fuerat in Concilio Hipponensi, ut singulis annis contraheretur Concilium Aphricæ plenarium, non tantum hic apud Carthaginem, verum etiam per diversas provincias suo ordine, & hoc reservatum est: ut indiceremus aliquando in Numidia, aliquando in Byzantio; at quia hoc laboriosum omnibus fratribus visum est, (k) placuit, ut non sit ultra fatigandis fratribus anniversaria necessitas, sed quoties exegerit causa communis, id est, totius Aphricæ, undecunque ad hanc sedem de hac re datæ literæ fuerint, congregandam esse Synodum in ea provincia; ubi opportunitas persuaferit, causæ autem, quæ communes non sunt, in suis provinciis judicentur.

Ut

(f) nobis cod. 1. 3.

(g) Stilico II. & Anthemius Conff. erant anno 405. Pagi in Breviario.

(h) In hoc Prologus hic abest à cod. 1.

(i) Honorius Aug. VII. & Theodosius jun. II. Augustus erant Conff. anno 407.

(k) Concilium universale non nisi necessitate faciendum hic inferitur cod. 1.

*Ut ab electis iudicibus provocare non liceat.*

## CAP. LXIII.

Si autem fuerit provocatum, eligat qui provocaverit, iudices; & cum eo & ille, contra quem provocaverit: ut ab ipsis deinceps nulli liceat provocare.

*De Legationibus diversarum Provinciarum.*

Cum universæ legationes diversarum Provinciarum allegarentur, gratissimè acceptæ sunt, id est Numidiarum, Byzacenorum, Maurorum Sitifensium, itémque Cæsariensium, sed & Tripolitanorum.

*Ut ab Imperatoribus postuletur advocatorum defensio pro causis Ecclesiæ.*

## CAP. LXIV.

Placuit etiam, ut petant ex nomine provinciarum omnium legati perrexturi, Vincentius, & Fotunianus (1) à Gloriosissimis Imperatoribus, ut dent facultatem defensores constituendi Scholasticos qui in actu sunt, vel in munere defensionis causarum, ut in more Sacerdotum provinciæ iidem ipsi quidem defensionem Ecclesiarum susceperint, habeant facultatem pro negotiis Ecclesiarum, quoties necessitas flagitaverit, vel ad obstitendum obrepentibus, vel ad necessaria suggerenda, ingredi iudicium Secretaria.

*Ut sit Legatio libera.*

Placuit, ut Legationem liberam habeant ad comitatum missi electi legati.

*Protestatio Maurorum Pontificum de Primoso. (m)*

Protestatos esse præterea Mauros Cæsarienses constat. Primosum per principales civitatis Thiganensis conventum literis eorum fuisse, ut secundum principalia scita plenario Concilio sui præsentiam faceret, & ut oportuit, requisitus Primosus repertus non est, sicuti Diaconi renunciaverunt: sed quia poposcerunt iidem Mauri, de plenario Concilio oportere literas destinari ad venerabilem fratrem senem Innocentium; has, placuit, mitti, ut agnoscat requisitum Primosum in Concilio, & minimè fuisse repertum.

*De plebibus, qui nunquam Episcopos habuerunt.*

## CAP. LXV.

Placuit & illud: ut plebes, quæ nunquam habuerunt proprios episcopos, nisi ex Concilio plenario uniuscuiusque Provinciæ, & primatis, atque consensu ejus, ad cuius dicecesim eadem Ecclesia pertinebat, decretum (n) fuerit, minimè accipiant.

*De plebibus, vel Diœcesibus ex Donatistis conversis. CAP. LXVI.*

Sanè ut illæ plebes, quæ conversæ sunt à Donatistis, & habuerunt Episcopos sine dubio, inconsulto Concilio habere mereantur; quæ autem plebes habuerunt Episcopum, & eo defuncto valuerunt (o) non Episcopum proprium habere, sed ad alicujus episcopi dicecesim pertinere, non eis esse denegandum. Nec non & illud suggestum est, quod plebes ante legem Imperatorum de unitate datam (p) quicumque converterentur Episcopi ad Catholicam, ipsi eas obtinere debeant, verum à lege unitatis, & deinceps oporteat universas Ecclesias vindicare sibi Episcopos Catholicos eorum locorum, ad quæ loca sub hæreticis pertinebant, vel converforum ad Catholicam, vel non converforum hæreticorum, & diœceses, & si qua forte sunt instrumenta Ecclesiæ, vel ad ejus jus pertinentia. Qui verò aliqua usurpaverunt, post legem (q) usurpata conventi restituant.

*De Suggestione Maurentii Episcopi.*

## CAP. LXVII.

Ad suggestionem vel postulationem Episcopi Maurentii, cum lecta fuisset scheda, quam obtulit Episcopus Placentius (r) qui personam legati Numidarum gestabat, sententia (s) ejusdem Placentii recitata est in conspectu Episcoporum, & cum quaererentur hi, quos adesse voluit, à Diaconis pro foribus, id est, seniores à nova Germania, ac minimè invenirentur, secundò vel tertio requisiti; propterea censuit Sanctum Concilium, ut literæ ad eundem senem Xantippum prærogentur, quò noverit voluntati plebis memoratæ nullo modo injuriam Episcopi succumbendum. Maurentius episcopus dixit. Quoniam requisiti sunt

senio-

(1) Fortunatianus cod. 1. 3.

(o) voluerunt cod. 1. 3.

[r] Placentinus cod. 1. 3.

(m) Promoso cod. 1. 3.

(p) lara cod. 1. 3.

[s] secundum sententiam cod. 1. 3.

(n) decretus cod. 1. 2.

(q) usurpatam cod. 1. 3.

[t] Placentini cod. 1. 3;



seniores à nova Germania secundò ac tertio, & non sunt inventi, quibus præceptum erat à primatè, ut occurrerent ad venerabile Concilium, quod nunc agitur Idibus Junii, suam absentiam procurarunt: idcirco decernat ex hac re aliquid Sanctitas vestra, ne sub (u) molestia calumniæ ipsorum innocens videar laborare. Concilium Sanctum statuit, debuissè quidem secundum censuram sacerdotalem ex hoc Concilio adversus contumaces ferri sententiam, sed quia mansuetudo ecclesiastica servanda est in omnibus causis, promissæ sunt (x) ad senem Xantippum, ut noverint Judices de Concilio electos sine dilatione considerare debere in civitate Thuburicensi, ut negotio congruum adhibeatur examen. Maurentius (y) Episcopus dixit. Judices peto Sanctum senem Xantippum, Sanctum Augustinum, Florentium, Theasium, Sanfucium, Secundum, & Possidium, hos decerni mihi jubeatis. Sanctum Concilium concessit Judices postulatos, reliquos autem Judices ad complendum numerum necessarios, eligentibus ipsis senioribus à nova Germania, senex Xantippus curavit decernere.

*De pacificandis Ecclesiis, Romanæ, & Alexandrinæ.* CAP. LXVIII.

Placuit etiam, ut de dissensione Romanæ, atque Alexandrinæ Ecclesiæ ad Sanctum Papam Innocentium scribatur, quo utraque Ecclesia intra se pacem, quam præcepit Dominus, teneat.

*De his, qui uxores, aut quæ viros dimittunt, ut sic maneant.* CAP. LXIX.

Placuit, ut secundum Evangelicam & Apostolicam disciplinam, neque dimissus ab uxore, neque dimissa à marito, alteri jungatur, sed ita maneant, aut sibi met reconcilientur; quod si contempserint, ad poenitentiam redigantur, in qua causâ legem Imperialem petendam promulgari.

*De precibus ad altare dicendis.*

CAP. LXX.

Placuit etiam hoc, ut preces, quæ probatæ fuerint in Concilio, sive præfationes, sive coramendationes, seu manus impositiones ab omnibus celebren-

tur, nec aliæ omninò contra fidem præferantur, sed quæcunque cum prudentioribus fuerint collatæ, dicantur.

*De his, qui publicorum judiciorum cognitionem ab Imperatore poposcervint.*

CAP. LXXI.

Placuit, ut quicumque ab Imperatore cognitionem judiciorum publicorum petierit, honore proprio privetur; si autem Episcopale judicium ab Imperatore postulavit, nihil ei obstat.

*De his, qui cum in Aphyrica non communicant, voluerint transmare subrepere.*

CAP. LXXII.

Quicumque autem non communicant in Africa, si in Transmarinis ad communicandum obrepserint, jacturam Clericatus excipiant.

*Ut pergentes ad Comitatum, causam suam, vel Carthaginensi, vel Romano Pontifici insinuare procurent.*

CAP. LXXIII.

Placuit, ut quicumque ad Comitatum ire voluerit, in formata, quæ ad urbis Romæ Ecclesiam mittitur, intimitur: ut inde etiam ad comitatum formatam accipiat. Quod si accipiens ad Romanam tantummodo formatam, & taceris necessitatem, quæ (z) ad comitatum pergere, à communione removeatur. Quod si ibi Romæ ei repentina necessitas orta fuerit ad comitatum pergenti, alleget apud Episcopum urbis Romæ ipsam necessitatem, & de hoc scripta ejusdem Romani Episcopi perferat. Formata autem, quæ à Primatibus, vel à quibuscunque Episcopis Clericis propriis dantur, habeant diem Paschæ. Quod si adhuc ejusdem anni Paschæ dies incertus est, ille præcedens adjungatur, quomodo solet post consulatum in publicis gestis adscribi. Placuit & illud, ut adversus Donatistas & Paganos, vel eorum superstitiones Legati missi de hoc glorioso Concilio, quidquid utile perviderint, de gloriosissimis Principibus impetrent. Placuit etiam petum (a) omnium Episcoporum, & epistolis omnibus de Concilio dandis Sanctitas tua sola subscribat. Et subscripserunt. Aurelius Episcopus Carthaginensis huic decreto

(u) modestia cod. 1.

(x) promiserunt cod. 1. 3.

(y) Manuclius cod. 1. 3.

(z) est cod. 3.

(a) petum cod. 1. 3.

creto consensu, & præfecto subscripti. Similiter & cæteri Episcopi subscripserunt.

*Concilium contra Paganos & Hereticos.*

Basso, (b) & Philippo VV. CC. Conf. XVI. Kal. Julius. Carthagine, in Secretario Basilicæ Restitutæ, in hoc Concilio legationem iterum suscepit Fortunatianus Episcopus contra Paganos & hereticos.

*Item Concilium contra Paganos & Hereticos.*

Basso, & Philippo VV. CC. Conf. Tertio Idus Octobris. Carthagine susceperunt legationem Restitutæ, & Florentius Episcopi, contra paganos & hereticos eo tempore, quo Severus, & Macarius occisi sunt, & propter eorum causam Evodius, & Theasius, & Victor Episcopi cæsi sunt.

*Concilium de cognitione Episcoporum.*

CAP. LXXIV.

Gloriosissimis Imperatoribus Honorio VIII. & Theodosio III. (c) Aug. Conf. XVIII. Kal. Julius Carthagine in Basilica Secunda. In hoc Concilio placuit, ut non sibi unus Episcopus vendiceret cognitionem. Gesta hujus Concilii ideo non descripti, quoniam provinciale, non universale celebratum est.

*Concilium contra Donatistas.*

CAP. LXXV.

Post consulatum (d) Gloriosissimis Imperatoribus Honorio VIII. & Theodosio III. Augg. XVIII. Kal. Julius Carthagine in Basilica Regionis secundæ, in hoc Concilio legationem susceperunt contra Donatistas Florentius, Posidius, Præsidius, & Benenatus Episcopi eo tempore, quo lex data est, ut libera voluntate quis cultum Christianitatis exciperet.

*Concilium contra hæresim Pelagii & Celestini.*

*Quod Adam non sit factus à Deo mortalis.* CAP. LXXVI.

Gloriosissimis Imperatoribus Honorio XII. & Theodosio VIII. (e) Augg. Conf. Kal. Majas, Carthagine in Secretario Basilicæ Fausti, cum Aurelius Episcopus in universali Concilio confedisset,

F f

adstantibus Diaconibus, placuit omnibus Episcopis, quorum nomina, & subscriptiones inditæ sunt, in Sancta Synodo Carthaginensis Ecclesiæ constitutis, ut quicumque dixerit, Adam primum hominem mortalem factum, ita, ut, si peccaret, si non peccaret, moreretur in corpore, hoc est, de corpore exiret, non peccati merito, sed necessitate naturæ, anathema sit.

*Quod parvuli in peccatorum remissionem baptizentur.* CAP. LXXVII.

Item placuit, ut quicumque parvulos recentes ab uteris matrum baptizandos negat, aut dicit, in remissionem quidem peccatorum eos baptizari, sed nihil ex Adam trahere originalis peccati, quod lavacro regenerationis expiatur: unde sit consequens, ut in eis forma baptismatis in remissionem peccatorum non vera, sed falsa intelligatur; anathema sit. Quoniam non aliter intelligendum est, quod ait Apostolus: *Per unum (f) hominem peccatum intravit in mundum, & per peccatum mors, & ita in omnes homines pertransiit, in quo omnes peccaverunt*: nisi quemadmodum Ecclesia Catholica ubique diffusa semper intellexit. Propter hanc enim regulam Fidei etiam parvuli, qui nihil peccatorum in se ipsis adhuc committere potuerunt, ideo in peccatorum remissionem veraciter baptizantur: ut in eis regeneratione mundeatur, quod generatione contraxerunt.

*Quod gratia Dei non solum remissionem tribuit peccatorum, sed etiam præstat adiutorium, ne peccetur.*

CAP. LXXVIII.

Item placuit, ut quicumque dixerit gratiam Dei, quâ justificamur per Jesum Christum Dominum nostrum, ad solum remissionem peccatorum valere, quæ jam commissa sunt, non etiam ad adiutorium, ut non committantur; anathema sit,

*Quod gratia Christi non solum scientiam tribuit, quod agamus, sed etiam dilectionem nobis inspirat, ut quod scimus, implere valeamus.* CAP. LXXIX.

Item quisquis dixerit, eandem gratiam

(b) Anicius Bassus & Fl. Philippus conf. erant anno 408.

(c) Honorius Aug. VIII. & Theodosius Aug. III. conf. erant anno 409.

(d) Annus sequens 410. erat post Consulatum Honorii VIII. & Theodosii III.

(e) Annus 418. habuit conf. Honorium Aug. XII. & Theodosium Aug. VIII. (f) Rom. V, 12.



tiam Dei per Jesum Christum Dominum nostrum, propter hoc tantum nos adjuvare ad non peccandum: quia per ipsam nobis revelatur, & aperitur intelligentia mandatorum, ut sciamus, quid appetere, quid vitare debemus, etiam facere diligamus: non autem per illam nobis præstari, ut quod faciendum agnoverimus, agere valeamus, anathema sit. Cum enim dicat Apostolus: *Scientia inflat, charitas vero edificat*, (e) valde impium est, ut credamus ad eam, quæ inflat, nos habere gratiam Christi; ad eam, quæ edificat, non habere, cum sit utrumque donum Dei, & scire, quid facere debeamus, & diligere, ut faciamus, ut edificante charitate scientia nos non possit inflare. Sicut autem de Deo scriptum est, *Qui docet hominem scientiam*, ita etiam scriptum est, *Charitas ex Deo est*.

*Quod sine Dei gratia nihil boni possumus implere.* CAP. LXXX.

Item placuit, ut quicumque dixerit, ideo nobis gratiam justificationis dari, ut quid facere libero jubemur arbitrio, facilius possumus implere per gratiam, tanquam etsi gratia non daretur, non quidem facile, sed tamen possumus etiam sine illa implere Divina mandata; anathema sit. De fructibus etiam (f) mandatorum Dominus loquebatur, ubi non ait: sine me difficilius potestis facere, sed ait: *Sine (g) me nihil potestis facere*.

*Quod non solum humilis, sed verax Sanctorum vox ista est: si dixerimus, quia peccatum non habemus, nos ipsos seducimus.* CAP. LXXXI.

Item placuit, quod ait Sanctus Johannes Apostolus: *Si dixerimus, (h) quia peccatum non habemus, nos ipsos decipimus, & veritas in nobis non est*; Quisquis sic accipiendum putaverit, ut dicat: propter humilitatem oportere dici, nos habere peccatum, non, quia verè ita est, anathema sit. Sequitur enim Apostolus, & adjungit, *Si autem confessi fuerimus peccata nostra, fidelis est, & justus, qui remittat nobis peccata, & mundet nos ab omni iniquitate*. Ubi satis apparet, hoc non tantum humiliter, sed etiam veraciter dici. Poterat enim Apostolus dicere: Si dixerimus, non habemus peccatum, nos ipsos extollimus, & humilitas in nobis non est, sed cum ait: *Nos ipsos decipimus, & veritas in nobis non est*, satis ostendit, eum,

qui dixerit, se non habere peccatum, non verum loqui, sed falsum.

*Quod in oratione Dominica Sancti pro se dicant: Dimitte nobis debita nostra.*

## CAP. LXXXII.

Item placuit, ut quicumque dixerit, in oratione Dominica ideo dicere Sanctos, *Dimitte nobis debita nostra*, ut non pro se ipsis hoc dicant, quia non est eis jam necessaria ista petitio, sed pro aliis, qui sunt in suo populo peccatores: & ideo non dicere unumquemque Sanctorum: *Dimitte nobis (i) debita mea*, sed dimitte nobis debita nostra, ut hoc pro aliis potius, quam pro se justus petere intelligatur; anathema sit. Sanctus enim & justus erat Apostolus Jacobus, cum dicebat; *In multis enim offendimus*. (k) Nam quate additum est, *omnes*: nisi ut ista sententia conveniret & psalmo, ubi legitur: *Ne intres (l) in iudicio cum servo tuo, quoniam non iustificabitur in conspectu tuo omnis vivens*: & in oratione sapientissimi Salomonis: *Non est homo, qui non peccavit*, & in libro Sancti Job: *In manu omnis hominis signat, ut sciat omnis homo infirmitatem suam*? Unde etiam Daniel Sanctus, & justus, cum in oratione pluraliter diceret: *Peccavimus, iniquitatem fecimus*, & cætera. Quæ ubi veraciter & humiliter confiteretur: ne putaretur, quemadmodum quidam sentiunt, hoc non de suis, sed de populi sui potius dixisse peccatis, postea dixit: *Cum orarem, & confiterer peccata mea, & peccata populi mei Domino Deo meo*. Noluisset dicere, peccata nostra, sed peccata populi sui dixit, & sua; quoniam futuros istos, qui tam malè intelligerent, tanquam Propheta, prævidit.

*Quod veraciter à Sanctis dicatur: Dimitte nobis debita nostra.* CAP. LXXXIII.

Item placuit, ut quicumque ipsa verba Dominicæ orationis, ubi dicimus: *Dimitte nobis debita nostra*, ita volunt à Sanctis dici: ut humiliter, non veraciter hoc dicatur; anathema sit. Quis enim ferat orantem, & non hominibus, sed ipsi Domino mentientem, qui labiis sibi dicit dimitti velle, & corde dicit, quæ sibi dimittantur, debita non habere.

*De plebibus conversis à Donatistis.*

## CAP. LXXXIV.

Item placuit, quoniam quidem ante aliquot annos in Ecclesia plenario Concilio

[e] I. Cor. VIII.

(f) enim cod. I. 3.

(g) Joan. XV, 5.

(h) I. Joan. I, 8, 9.

(i) mihi cod. I.

(k) omnes cod. I. 3.

(l) Jacobi III, 2, 1.

cilio constitutum est, ut quæcunque Ecclesiæ in Diœcesi constitutæ ante leges de Donatistis latis Catholicæ (i) lectæ sunt, ad eas Cathedras pertineant, per quorum Episcopos factum est, ut Catholicæ unitati communicarent: post leges autem, quæcunque communicaverint, illuc pertineant, quod pertinebant, cum essent in parte Donati. Sed quia multæ controversiæ postea inter Episcopos de Diœcesibus ortæ sunt, & oriuntur, quibus tunc minus videtur esse prospectum, nunc isto Concilio Sancto placuit, ut ubicunque Catholica fuit, & pars Donati, & ad diversas Cathedras pertinebant, quocunque tempore illic unitas facta est, vel facta fuerit, sive ante leges sive post leges, ad eam Cathedralam pertineant ad quam Catholica, quæ jam ibi fuerat, pertinebat.

*De Diœcesibus, qualiter eas dividant inter se Episcopi tam Catholici, quam qui ex Donati parte conversi sunt.*

## CAP. LXXXV.

Ita sanè, ut si Episcopus ex Donatistis ad Catholicam unitatem conversus est, æqualiter inter se dividant eas, quæ sic fuerint inventæ, ubi ambæ partes fuerunt, id est, ut alia loca ad illum, alia ad illum pertineant, ita ut ille dividat, qui amplius temporis in Episcopatu habet, & minor eligat. Quod si fortè unus fuerit locus, ad eum pertineat, cui vicinior invenitur. Quod si ambabus Cathedris æqualiter vicinus est, ad eum pertineat, quem plebs elegerit. Quod si fortè antiqui Catholici suum Episcopum voluerint, & illi suum, qui ex Donati parte conversi sunt: plurimorum voluntas paucioribus præferatur. Si autem partes æquales sunt, majoris temporis Episcopo deputetur. Si autem ita plurima loca inveniantur, in quibus ambæ partes fuerunt, ut non possit æqualiter dividi, velut si impari numero fuerint; distributis eis locis, qui parem habent numerum, quicunque locus remanserit, hoc in eo servetur, quod superius dictum est, cum de uno tractaretur loco,

*Ut, siquam Diœcesim Episcopus ab Hæresi liberans triennio possederit, nullus eam repetat.*

## CAP. LXXXVI.

Item placuit, ut etiam, si quisquam

F f 2

post leges aliquem locum ad Catholicam unitatem converterit: si eum per triennium, nemine repetente, retinuit, ulterius ab eo non repetatur. Si tamen per ipsum triennium fuit Episcopus, qui potuit repetere, & tacuit, præjudicium parietur: si autem non fuit, non præjudicetur matri, sed liceat, cum locus acceperit Episcopum, quem (k) non habebat, ex ipso die intra triennium repetere. Itemque si fuerit Episcopus ad Catholicam ex Donati parte conversus, non ei præjudicet præinitum tempus, sed ex quo die conversus est, habeat per triennium potestatem repetendi loca, quæ ad ipsam pertinebant Cathedralam.

*De his, qui in plebes, quas ad se putant pertinere, inconveniens his, à quibus tenentur, irruerint.*

## CAP. LXXXVII.

Item placuit, ut quicunque Episcopi plebes, quas ad suam Cathedralam æstimant pertinere, non ita repetant, ut causas suas Episcopis judicantibus agant, sed alio retinente irruerint, sive volentibus, sive nolentibus plebibus; causæ suæ detrimentum patiantur. Et quicunque jam hoc fecerunt, si nondum est inter Episcopos finita contentio, sed adhuc inde contendunt: ille inde discedat, quem constiterit, prætermisissis Judiciis Ecclesiasticis irruisse. (l) Hoc sibi quisque blandiatur, si à primæ, ut retineat, literas impetraverit: sed sive habeat literas, sive non habeat, conveniat eum, qui tenet, & ejus literas accipiat, ut eum appareat pacificè tenuisse Ecclesiam ad se pertinentem. Si autem ille aliquam quæstionem retulerit, per Episcopos judices causa finiatur, sive quos eis primates dederint, sive quos ipsi vicinos ex consensu elegerint.

*De his, qui plebes ad se pertinentes negligunt.*

## CAP. LXXXVIII.

Item placuit, ut quicunque negligunt, loca ad suam Cathedralam pertinentia in Catholicam unitatem lucrari, conveniantur à diligentibus vicinis Episcopis, ut id (m) agere non morentur. Quod si intra sex menses à die conventionis non effecerint, qui potuerit ea lucrari, ad ipsum pertineant. Ità sanè,

ut

(i) facta sunt cod. i. j.

(k) qui pro quem cod. i. j.

(l) nec pro hoc cod. i. j.

(m) dare pro agere cod. i. j.



ut si ille, ad quem pertinuisse videbatur, probare potuerit, magis illius electam negligentiam ab hæreticis, ut impune ibi sint, & suam diligentiam fuisse præventam; ut eo modo ejus cura sollicitior vetaretur; cum hoc Judices Episcopi cognoverint, suæ Cathedræ loca restituantur. (g) Sanè si Episcopi, inter quos causa versatur, diversarum sunt Provinciarum, ille Primas det Judices, in cujus Provincia est locus, de quo contenditur. Si autem ex communi placito vicinos judices elegerint, aut unus eligatur, aut tres, ut si tres elegerint, aut omnium sententiam sequantur, aut duorum.

*Quod Electorum Judicum sententia sperni non debeat.* CAP. LXXXIX.

A Judicibus autem, quos communis consensus intellexerit (r) non liceat provocare. Et quisquis provocatus repertus fuerit per contumaciam nolle obtemperare judicibus, cum hoc primæ sedis Episcopo fuerit prolatum, det literas: ut nullus ei communicet Episcopo (s) donec obtemperet.

*Ut si Episcopus negligat suam Diacesim, communione privetur.*

## CAP. XC.

Si in matricibus Cathedralis Episcopus negligens fuerit adversus hæreticos, conveniatur à vicinis Episcopis diligentibus, & ei sua negligentia demonstratur, ut se excusare non possit. Quod si ex die, quo convenitur, intra sex menses, si in ejus Provincia executio fuerit, & non eos ad unitatem Catholicam convertendos curaverit, non ei communicetur, donec adimpleat. Si autem executor ad loca non venerit, non ascribatur Episcopo.

*De Episcopis, qui Donatistas communicasse mentiti fuerint.*

## CAP. XCI.

Si autem probatum fuerit, eum de communione illorum fuisse mentitum, dicendo eos communicasse, quos, eo sciente, non communicasse constituerit, etiam Episcopatum amittat.

*De Presbyteris & Clericis, ut non appellent, nisi ad Aphricana Concilia.*

## CAP. XCII.

Item placuit, ut presbyteri, Dia-

coni, vel cæteri inferiores Clerici, in causis, quas habuerint, si de Judiciis Episcoporum suorum questi fuerint, vicini Episcopi eos audiant, & inter eos, quidquid est, finiant adhibiti ab eis ex consensu Episcoporum suorum. Quod si & ab eis provocandum putaverint, non provocent, nisi ad Aphricana Concilia, vel ad Primates provinciarum suarum; ad transmarina autem qui putaverit appellandum, à nullo intra Aphricam in communionem suscipiatur.

*De Virginibus, etiam minoribus velandis.*

## CAP. XCIII.

Item placuit, ut quicumque Episcoporum necessitate periclitantis pudicitie virginalis, cum vel petitor potens, vel raptor aliquis formidatur: vel si etiam aliquo mortis periculo scrupulo compuncta fuerit, ne non velata moriatur, aut exigentibus parentibus, aut his, ad quorum curam pertinet; velaverit virginem, seu velavit intra viginti & quinque annos ætatis, non ei obstit Concilium, quod de isto annorum numero constitutum est.

*Ne diutius Episcopi teneantur in Concilio, ternos ex se singularem Provinciarum Judices eligant.*

## CAP. XCIV.

Item placuit, ne diutius universi Episcopi, qui ad Concilium congregati sunt, tenerentur ab universo Concilio, judices ternos de singulis provinciis eligi: & electi sunt de provincia Carthagenensi Vincentius, Fortunatianus, & Clarus: de Provincia Numidiæ Alypius, Augustinus, & Restitutus: de Provincia, (t) Bycancena cum Sancto sene Donatiano Primate Cresconius, Jocundus, & Aemilianus: de Mauritania Sitifensi Severinus, Asitacus, & Donatus: de Provincia Tripolitana Plautius, qui ex more Legatus unus est missus: qui omnes cum Sancto sene Aurelio universa cognoscant, à quo petiti universum Concilium, ut cunctis, sive gestis, quæ confecta jam sunt, seu Epistolis ipse subscribat. Et subscripserunt, Aurelius Episcopus Ecclesiæ Carthagenensis huic decreto consensi, & præfecto subscripsi. Similiter & cæteri Episcopi subscripserunt.

*Item*

(g) restituant cod. 3.

(r) Bizacina cod. 1. 3.

(r) elegerit cod. 1. 3.

(t) Episcoporum cod. 1. 3.

*Item huic Concilio interfuit Ecclesie  
Romane Legatio.*

Post Consulatum gloriosissimorum Imperatorum Honori XII. & Theodosii VIII. (u) Aug. III. Kal. Junias Carthagine in Secretario Basilicæ Restitutæ, cum Aurelius Episcopus unâ cum Faustino Ecclesiæ Potentinæ, Provinciæ Italiæ Piceni, Legato Romanæ Ecclesiæ: Vincentio (x) Calusitano, Fortunatiano Neapolitano, Mariano Uzipparensi, Adeodato Simidico, Pentadio Carpetano, Rufiniano (y) Muzucensi, Prætextato (z) Siciliensi, Quod-vult-Deo Verensi, Candido Abbrittano, Galloniano Utinensi, (b) Legatis Provinciæ Proc: Alypio Thag. Augustino Hippensium Reg. & Posidio Calamensi Legg. Provinciæ Numidiæ: Maximiano Aqueensi, (c) Jocundo Suffetulensi, (d) & Hilarino Horreocellorum, Legatis Provinciæ Byzancenæ: Novato (e) Sitifensi, & Leone Moctensi, Legatis Provinciæ Mauritanie Sitifensis: Nicello Rufurrensi, Laurentio Icolitano, & Numeriano Rusguniensi, Legatis Provinciæ Mauritanie Cæsariensis, ab universali Concilio iudicibus delectis, adstantibus Diaconibus, consedisset, & quibusdam peractis, multi Episcopi exterorum peragendorum memorasse conquererentur sustinere non posse, & ad proprias Ecclesias festinare; placuit universo Concilio, ut ab omnibus eligerentur de singulis quibusque Provinciis, qui propter alia peragenda residerent. Et factum est, ut hi adessent, quorum subscriptiones eos affuisse testantur.

*Quod excommunicati ad accusationem admitti non debeant.* CAP. XCV.

Placuitque omnibus, quoniam superioribus Conciliorum decretis de personis, quæ (f) admittendæ sunt ad accusationem Clericorum, jam constitutum est, & quæ personæ non admittantur, non expressum est; idcirco definimus, eum ritè ad accusationem non admitti, qui posteaquam excommunicatus fuerit, in ipsa adhuc excommunicatione constitutus, sive sit Clericus, sive Laicus, accusare voluerit.

F f 3

*Quod servi & liberti, omnesque infames personæ non debeant accusare.*

CAP. XCVI.

Item placuit, ut omnes servi, vel liberti proprii ad accusationem non admittantur, vel omnes, quos ad accusanda publica crimina leges publicæ non admittunt. Omnes etiam infamiæ maculis aspersi, id est, histriones, ac turpitudinibus subiectæ personæ, hæretici etiam, sive Pagani, sive Judæi: sed tamen omnibus, quibus accusatio denegatur, in causis propriis accusandi licentia non neganda.

*Ut, qui unum crimen non probaverit, ad alterum admitti non debeat.*

CAP. XCVII.

Item placuit, quotiescunque Clericis ab accusatoribus multa crimina obijciuntur, & unum ex ipsis, de quo prius egerit, probare non valuerit: ad cætera jam non admittatur.

*Qui ad Testimonium admittendi sunt?*

CAP. XCVIII.

Testes autem ad testimonium non admittendos, qui nec ad accusationem admitti præcepti sunt: vel etiam, quos ipse accusator de sua domo perduxerit. Ad testimonium autem intra annos XIV. ætatis suæ non admittantur.

*De Episcopo, qui excommunicat eum, qui sibi soli crimen dicit esse confessum.*

CAP. XCIX.

Item placuit, ut si quando Episcopus dicit, aliquem sibi soli proprium crimen fuisse confessum, atque ille neget, (g) & pœnitere noluerit: non putet ad injuriam suam Episcopus pertinere, quod illi soli non creditur. Et si scrupulo propriæ conscientie se dicit, neganti nolle communicare, secretè (b) tamen interdicit ei communionem, donec obtemperet.

*Ut non temere quinquam communionem privet Episcopus.* CAP. C.

Quamdiu excommunicato non communicaverit suus Episcopus, eidem Episcopo ab aliis non communicetur Episcopus,

pis,

[u] Annus Christi 418. habuit hos Consules.

[x] Calusitano cod. 1. 3.

[y] Muzucensi cod. 1. 3.

[z] Sicilibbensi cod. 1. 3.

[b] Vicensi cod. 3.

[c] Aquilegensis cod. 1. 3.

[d] Maximiano Suffetulensi cod. 1. & 3. interponunt.

[e] Novato cod. 1. 3.

[f] non cod. 1. 3.

[g] & pœnitere noluerit abest à cod. 1. 3.

[h] Secretè tamen usque ad finem Canonis abest à cod. 1. 3.



pis, ut magis caveat Episcopus, ne dicat in quenquam, quod aliis documentis convincere non potest. Aurelius Episcopus dixit, juxta statuta totius Concilii congregati, & meæ mediocritatis sententiam placet facere rerum omnium conclusionem. Universi tituli designati, & digesti hujus diei tractatum Ecclesiæ gesta suscipiant, quæ verò adhuc expressa non sunt, die sequenti per Fratres nostros Faustinum Episcopum, Philippum, & Asellum Presbyteros venerabili Fratri, & Coepiscopo nostro Bonifacio rescribamus.

### ET SUBSCRIPSERUNT.

Aurelius Episcopus his gestis Statutorum apud nos habitis, subscripsi.

Faustinus Episcopus Ecclesiæ Potentinæ, Provinciæ Picenæ Legatus Ecclesiæ Romanæ, his gestis subscripsi.

Alypius Episcopus Tagastensis, Legatus Provinciæ Numidiæ, his gestis subscripsi.

Augustinus Episcopus Hipponensis, Legatus Provinciæ Numidiæ, his gestis subscripsi.

Pofidius Episcopus Calamensis, Legatus Provinciæ Numidiæ, his gestis subscripsi.

Vincentius Calusitanus, his gestis subscripsi.

Fortunatianus Neapolitanus, his gestis subscripsi.

Pentadius Carpetanus, his gestis subscripsi.

Rufianus Maxensis, his gestis subscripsi.

Prætextatus Siciliensis, his gestis subscripsi.

Quod-vult-Deus Verensis, his gestis subscripsi.

Candidus Germaniæ, his gestis subscripsi.

Callonius Uticensis, his gestis subscripsi.

Maximianus Aquensis, his gestis subscripsi.

Jocundus Suffenilenis, (i) Legatus Provinciæ Byzancenæ, his gestis subscripsi.

Maximus (k) Legatus Provinciæ Byzancenæ, his gestis subscripsi.

Hilarius (l) Horreocellensis, Legatus Provinciæ Byzancenæ, his gestis subscripsi.

Novatus Sitifensis, Legatus Provinciæ ejusdem, his gestis subscripsi.

Ninellus Rufurianensis, Legatus Provinciæ Cæsariensis, his gestis subscripsi.

Numérianus Ruscuriensis, Legatus Provinciæ Cæsariensis, his gestis subscripsi.

Leo Moctensis, Legatus Provinciæ Cæsariensis, his gestis subscripsi.

Alius Leo, Legatus Provinciæ Sitifensis, his gestis subscripsi.

Et cæteri Episcopi ducenti decem & septem subscripserunt.

Philippus Presbyter Ecclesiæ Romanæ, his gestis à nobis recollectis subscripsi.

Asellus Presbyter, Legatus Ecclesiæ Romanæ, his gestis subscripsi, quæ per nos directæ sunt.

*Incipit Epistola ab omni Concilio Apbricano ad Bonifacium, urbis Romæ Episcopum, per Faustinum Episcopum, Philippum, & Asellum Presbyteros, Legatos Ecclesiæ Romanæ directæ.*

### CAP. CI.

Domino Beatissimo, & honorabili fratri Bonifacio Aurelius Valentinus primæ sedis Provinciæ Numidiæ, & cæteri, qui præsentés adfuimus numero CCXVII. ex omni Concilio Aphricæ. Quoniam Domino placuit, ut de his, quæ nobiscum egerint Sancti fratres nostri, Faustinus, & compresbyteri Philippus, & Asellus, nunc Beatæ memoriæ Episcopo Zosimo, à quo ad nos mandata & literas attulerunt, sed tuæ venerationi, qui in ejus locum es divinitus constitutus, humilitas nostra subscriberet, ea breviter insinuare debemus quæ utrorumq; concordia terminata sunt, nec ea, quæ prolixis gestorum voluminibus continentur, in quibus, salva quidem charitate, non tamen sine parvo altercationis labore demorati sumus, ea gestis deliberantes (m) quæ nunc ad causam pertinent. Quamquam & ille, si adhuc esset in corpore, hoc acciperet gratius, quod videret pacatius terminatum Domine frater, Apiarius presbyter, de cujus & ordinatione, & excommunicatione fuerat exortum non solum Siccensi, verum etiam totius Aphricanæ Ecclesiæ non leve scandalum, de omnibus erratis suis veniam petens communioni est restitutus. Prior autem coepiscopus noster Siccensis Urbanus, quod in eo corrigendum visum est, sine ulla dubitatione

COR.

(i) Suffenlensis cod. 1. 3.

(m) deliberantes cod. 1. 3.

(k) Maximinus cod. 3.

(l) Hilarius cod. 3.

correxit. Quia verò paci, & quieti Ecclesiæ non tantum ad præfens, sed etiam in posterum prospiciendum fuit, quoniam talia multa præcesserant, ut vel similia, vel etiam graviora deinceps præcaveri oporteret, placuit nobis, ut de Siccensi Ecclesia, retento scilicet honore gradus sui, Presbyter removeretur Apiarius, & accepto Epistolio, ubicunque alibi vellet, & posset, presbyterii munere fungeretur. Quod eidem ipsi per literas proprias postulanti sine difficultate concessimus. Sanè priusquam hæc causa isto termino clauderetur, inter alia, quæ diuturnis disceptationibus verfabamus, quia rogatio ipsa poscebat, ut apud acta Ecclesiastica, à fratribus nostris Faustino coepiscopo, & Philippo atque Afello compresbyteris quæreremus, ut promerent, quidquid eis nobiscum agendum fuisset injunctum. Nonnulla quidem sine ullo scripto prosecuti sunt verbis, sed cum id potius flagitaremus, quod in literis ferrent, communitorium protulerunt. Quod recitatum nobis, etiam gestis, quæ secum ad vos deferunt, est allegatum. In quo eis quatuor quædam nobiscum agenda mandata sunt, unum de appellationibus Episcoporum ad Romanæ Ecclesiæ Sacerdotem: alterum, ne ad Comitatum Episcopi importunè navigent: tertium de tractandis Presbyterorum, & Diaconorum causis apud finitimos Episcopos, si à suis excommunicati perperam fuerint: quartum de Urbano Episcopo excommunicando, vel etiam Romam evocando, nisi ea, quæ videbantur corrigenda, corrigeret. Quorum omnium de primo, & tertio, id est, ut Romam liceat Episcopis provocare, & ut Clericorum causæ apud suarum Provinciarum Episcopos fiantur; jam priori anno etiam literis nostris ad eundem venerabilis memoriæ Zosimum Episcopum datis, insinuari curavimus, ut ea servare sine ulla ejus (n) paulisper sineremus, usque ad inquisitionem statutorum Concilii Nicæni. Et nunc de tua poscimus Sanctitate, ut, quemadmodum ea apud Niceam à Patribus acta vel constituta sunt, sic ea à nobis facias custodiri, & ibi apud vos ista, quæ in communitorio attulerunt, faciant exerceri, id est, si Episcopus accusatus

fuerit, & judicaverint congregati Episcopi regionis ipsius, (o) & de gradu suo dejecerint eum, & appellasse videatur, & confugerit ad Beatissimum Ecclesiæ Romanæ Episcopum, & voluerit audiri, & justum putaverit, ut renovetur examen, scribere his Episcopis dignetur, qui in finitima, & propinqua provincia sunt, ut ipsi diligenter omnia requirant, & juxta fidem veritatis definiant. Quod si is, qui rogat causam suam iterum audiri, deprecatione sua moverit Episcopum Romanum, ut è latere suo (p) Presbyteros mittat, erit in potestate Episcopi, quid velit, & quid æstimet, & si decreverit, mittendos esse, qui præsentibus cum Episcopis judicent, habentes auctoritatem ejus, à quo destinati sunt, erit in suo arbitrio. Si verò crediderit, sufficere Episcopos, ut negotio terminum imponant, faciet, quod sapientissimo suo consilio judicaverit. Item de Presbyteris, & Diaconibus. Si Episcopus quis iracundus (quod esse non debet) citò, aut asperè commoveatur adversus Presbyterum, sive Diaconum suum, & exterminare eum de Ecclesia voluerit, providendum est, ne innocens damnetur, aut perdat communionem: habeat potestatem ejectus, ut finitimos interpellat, & causa ejus audiat, & diligentius tractetur, quia non oportet ei negari audientiam roganti, & ille Episcopus, qui aut justè, aut injustè eum rejecit, patienter accipiat, ut negotium discutatur, ut aut probeatur ejus, aut emendetur sententia. Hæc utique ad adventum verissimorum Exemplariorum Nicæni Concilii inserta gestis sunt, quæ si ibi, quemadmodum ipso, quod apud nos fratres, ex Apostolica Sede directi allegaverunt communitorio continentur. Eo (q) quod ordine vel apud vos in Italia custodirentur, nullo modo nos talia, qualia commemorare jam nolumus, vel tolerare cogeremur, sed credimus, adjuvante misericordia Domini Dei nostri, quod tua Sanctitate Romanæ Ecclesiæ præsidente non sumus jam istum typum passuri. Et servabuntur erga nos, quæ nobis etiam non disferentibus, custodiri debent. Cum frater charitate, quæ secundum sapientiam, atque justitiam, quam tibi donavit Altissimus,

[n] injuria addit cod. 3.

(o) ut pro o cod. 1.

(p) Presbyterum cod. 1. 3.

(q) eoque cod. 1. 3.



mus, etiam ipse prospicis esse servanda, si forte aliter se habent canones Concilii Nicæni. Quamvis enim plurimos codices legeremus, sed nusquam in Nicæno Concilio, in latinis codicibus legimus, quemadmodum in supradicto communitorio, inde directa sunt. Tum (r) quia hic in nullo codice græco ea potuimus invenire ex Orientalibus Ecclesiis, ubi perhibentur, eadem decreta posse etiam authentica reperiri: magis nobis desideremus afferri. Pro qua re tuam quoque venerationem obsecramus, ut scribere etiam ipse digneris ad illarum partium Sacerdotes, hoc est, Ecclesiæ Antiochenæ, Alexandrinæ, & Constantinopolitanæ. Et si aliis etiam quæ placuerit Sanctitati, ut inde ad nos iidem canones apud Nicæam civitatem à Patribus constituti veniant. Te potissimum hoc beneficium cunctis Occidentalibus Ecclesiis in Domini adiutorio conferente. Quis enim dubitet, exemplaria esse verissima Concilii in Græcia Nicæni Synodi congregati, quæ de tam diversis locis, & de nobilibus græcis Ecclesiis allata, & comparata concordant? Quod donec fiat, hæc quæ in communitorio supradicto nobis allegata sunt, de appellationibus Episcoporum ad Romanæ Ecclesiæ Sacerdotem, & de Clericorum causis apud suarum Provinciarum Episcopos terminandis, nos usque ad probationem servaturos esse profiteamur, & beatitudinem tuam ad hoc nos adiuturam, in Dei voluntate confidimus. Cætera verò, quæ in nostra Synodo gesta, vel firmata sunt, quoniam supradicti fratres nostri, Faustinus coepiscopus, Philippus & Afellus compresbyteri secum ferunt, si dignatus fueris, tuæ nota facient Sanctitati: & alia manu. Dominus noster te nobis annis plurimis custodiat beatissime Frater. Subscripserunt quoque Alypius, Augustinus, Posidius, Marinus, & ceteri Episcopi.

*Incipiunt Rescripta ad Concilium Apricanum Cyrilli Alexandrini Episcopi, Authentica Concilii Nicæni translata de Græco per Innocentium Presbyterum. Transmiserunt etiam Epistolam cum eodem*

*Concilio Nicæno per memoratum Presbyterum Innocentium, & Marcellum Subdiaconum Ecclesiæ Carthaginensis, Sancto Bonifacio Episcopo Ecclesiæ Romanæ: sub  
d. VI. Kal. Decembris  
sunt directa.*

## CAP. CII.

Domini honorabilibus, Sanctis fratribus Coepiscopis, Aurelio, Valentino, sed & omni sanctæ congregationi in Carthaginensi Synodo congregatæ, Cyrillus saluans in Deo charitatem vestram. Scripta venerationis vestræ, multam habentia querimoniam, in omni læticia per filium (r) vestrum Innocentium presbyterum suscepi, quibus à nobis speratis, ut de scrinio (s) vestræ Ecclesiæ verissima exemplaria ex authentica Synodo apud Nicenam civitatem, Metropolim Bithyniæ, à Sanctis Patribus constitutis (u) atque formata, sub nostra fidei professione vestræ dilectioni porrigamus. Unde etiam (x) honorabiles fratres, salute præeunte, necesse habui per horum latorem filium nostrum Innocentium presbyterum, fidelissima exemplaria ex authentica Synodo, in Nicena civitate Bithyniæ habita, vestræ charitati dirigere. Quod & in Ecclesiastica historia requirentes, invenitis. De Pascha verò, ut scripsistis, nunciamus vobis, XVII. Kal. Majas nos futura indictione celebrare: & alia manu. Deus & Dominus noster Sanctam vestram Congregationem custodiat, quod optamus, charissimi Fratres.

*Incipit Epistola Attici Episcopi Constantinopolitani ad eosdem.*

## CAP. CIII.

Domini Sanctis, merito Beatissimis fratribus, Coepiscopis, Aurelio, Valentino, vel cæteris charissimis in Synodo apud Carthaginensem habita, constitutis, Atticus Episcopus, per filium nostrum Marcellum Subdiaconum vestrum scripta vestræ dilectionis cum omni gratiarum actione suscepi, Domino gratias agens, quod merui tantorum fratrum benedictione perfrui. Domini, bea-

(r) Tamen cod. 1. 3.

(s) nostrum cod. 1. 3.

(t) nostra cod. 1. 3.

(u) constituta cod. 1. 3.

(x) Domini cod. 1. 3.

Beatissimi fratres, (y) scribitis sanè, ut verissimos Canones apud Nicæam civitatem, Metropolim Bithyniæ, à Patribus constitutos sub fidei adstipulatione dirigam. Et quis est, qui communem fidem, vel statuta à Patribus firmata suis fratribus denegat? Qua de re per eundem filium meum Marcellum, Subdiaconum vestrum, nimium festinantem, sicut statuti sunt in Nicæna civitate à patribus Canones in integro, ut iussistis, direxi, petens, ut pro me plurimum vestra Sancta Congregatio orare jubeat. Et aliâ manu: Deus noster Sanctitatem vestram custodiat, quod optamus, Sancti fratres.

*Incipiunt Exemplaria Concilii Nicæni, directâ sub die VI. Kal. Decembris, post Consulatum Gloriosissimorum Imperatorum Honorii XII.*

*Et Theodosii IX (z) Augg. Bonifacio urbis Romæ Episcopo.*

## CAP. CIV.

Credimus in unum Deum, patrem omnipotentem, visibilium, nec non invisibilium creatorem. Et in unum Dominum nostrum, Jesum Christum, Filium Dei, natum ex Patre unigenitum, hoc est, ex substantia Patris, Deum ex Deo, lumen ex lumine, Deum verum ex Deo vero: natum non creatum, ejusdem cum Patre substantiæ, per quem omnia facta sunt, cœlestia, & terrena. Qui propter nos homines, & propter nostram salutem descendit, & incarnatus est, & homo factus, passus est. Et resurrexit tertiâ die, ascendit in cœlum, venturus inde judicare vivos, & mortuos: & in Spiritum Sanctum. Eos verò, qui dicunt, erat tempus, quando non erat, & qui ex nihilo factum, vel ex alia substantia, vel essentia esse, aut mutabilem, aut convertibilem Filium Dei dicunt, anathematizat Catholica, & Apostolica Ecclesia.

Symbolo fidei etiam exemplaria statutorum ejusdem Concilii Nicæni à memoratis Pontificibus annexa sunt, sicut superius per omnia continentur. Quæ nos hic iterum conscribi necessarium non esse credimus.

G g

*Incipit Epistola Concilii Aphricani ad Papam Cælestinum, urbis (a) Romæ Episcopum.*

## CAP. CV.

Domino Dilectissimo, & honorabili fratri Cælestino, Aurelius, Palatinus, Antonius, Tutus, Servus Dei, Terentius, Fortunatus, Martinus, Januarius, Optatus, Cælesticus (b) Donatus, Theasius, Vincentius, Fortunatianus & cæteri, qui in universali Aphricano Concilio Carthagini assimus. Si quemadmodum Sanctitas tua de adventu APIARII lætatos vos fuisse, missis per compresbyterum nostrum Leonem literis, intimavit: ita nos quoque de ejus purgatione hæc scripta cum lætitia mitteremus; esset profectò & nostra, & vestra modò alacritas certior, nec præpropera videretur, quæ adhuc de audiendo, quàm de auditò præcellerat. Adveniente sanè ad nos Sancto fratre, & Coepiscopo nostro Faustino, Concilium congregavimus, & credidimus ideo cum illo missum: quoniam sicut per ejus operam presbyterio ante redditus fuerat, ita nunc posset de tanti criminibus à Tabracenis objectis eo laborante purgari. Cujus tanta, ac tam immantia flagitia decursum nostri Concilii examen invenit, ut & memorati Patrocinium potius, quàm Judicium, ac defensoris magis operam, quàm disceptatoris justitiam superarent. Nam primum, quantum (c) obtinuerit omni Congregationi diversas injurias ingerendo, quasi Ecclesiæ Romanæ asserens privilegia, & volens eum à nobis in communione suscipi, quem tua Sanctitas credens appellâsse, quod probare non potuit, communioni reddiderat, quod minime tamen licuit, quod etiam gestorum melius lectione cognosces. Triduano tamen laboriosissimo agitato judicio, cum diversa eidem objecta afflictissimi quæremus, vel moras Coepiscopi nostri Faustini, vel tergiversationes ipsius Apiarii, quibus nefandas turpitudines occultare conabatur, Deus Judex iustus, tortis, & longanimis, magno (d) impendio recavir,

(y) scripsistis cod. 1. 3.

(z) VIII, cod. 3. & rectè: nam anno 419. advenerunt Exemplaria Concilii Nicæni per Cyrillum Alexandrinum, & Atticum Constantinopolitanum Episcopos directâ Bonifacio Urbis Romæ Episcopo ad petitionem Episcoporum Africanorum specialem in Concilio Africano anni 418. *Page in Breviario.*

(a) Cum S. Bonifacius Papa obiisset anno 422, 4. Septembris, & successisset S. Cælestinus eodem anno, 10. Septembris: ad hunc fuit missa hæc Epistola.

(b) Cælesticus cod. 1.

(c) obtulerit cod. 1. 3.

(d) compendio cod. 1. 3.



fecavit. Tetriore quippe, ac putidior obfinatione compressa, quâ tantum libidinum cœnum impudentiâ negationis volebat obruere, Deo nostro ejus conscientiam coarctante, & occulta, quæ in illius corde tanquam in volutabro criminum jam damnabat, (f) etiam hominibus publicante, repente in confessionem cunctorum objectorum flagitiorum dolosus negator erupit. Et tandem de omnibus incredibilibus opprobriis ultroneus se ipse convicit, atque ipsam quoque nostram spem, quâ eum & credebamus, & optabamus de tam pudendis maculis posse purgari, convertit in gemitus, nisi quoniam istam nostram mæsticiam uno tantum solatio mitigavit, quoddam nos labore diuturnioris quæstionis absolvit, & suis vulneribus qualemcunque medelam, etsi invitâ, ac suæ conscientiæ reluctante confessione providit. Domine frater, (g) præfatio itaque (h) devotato salutationis officio, impendio deprecamur, ut deinceps ad vestras aures hinc venientes non facilius admittatis, nec à nobis excommunicatos in communionem ultra velitis excipere, quia hoc etiam Niceno Concilio definitum facile adverteret venerabilitas tua. Nam & si de inferioribus Clericis, vel laicis videtur ibi præcaveri, quantum magis hoc de Episcopis voluit observari; ne in sua provincia communione suspensi à tua Sanctitate præproperè, vel indebitè videantur communioni restitui. Presbyterorum quoque & sequentium Clericorum improba refugia, sicut te dignum est, (i) repellat Sanctitas tua, quia & nulla Patrum definitione hoc Ecclesiæ derogatum est Aphricanæ, & decreta Nicena sive inferioris gradus Clericos, sive ipsos Episcopos suis Metropolitanis apertissimè commiserunt. Prudentissimè enim, justissimèque viderunt, quæcunque negotia, in suis locis, ubi orta sunt, finienda, ac (k) unicuique providentiæ gratiam Sancti Spiritus futuram, quâ æquitas à Christi Sacer-

dotibus & prudenter videatur, & constantissimè teneatur: maximè, quia unicuique concessum est, si iudicio offensus fuerit cognitorum, ad Concilia suarum provinciarum, vel etiam universale provocare. Nisi fortè quisquam est, qui credat, unicuique posse Deum nostrum examinis inspirare justitiam, & innumerabilibus congregatis in Concilium Sacerdotibus denegare? Aut (l) quàm ipsum transmarinum iudicium ratum erit, ad quod testium necessariarum personarum, vel propter sexus, vel propter senectutis infirmitatem, vel multis aliis impedimentis adduci non poterunt? Nam ut aliqui, tanquam à tuæ Sanctitatis latere mittantur, nullâ invenimus Patrum Synodo constitutum. Quia illud, quod pridem per eundem Coepiscopum nostrum Faustinum, tamquam ex parte Niceni Concilii exinde transmisistis, in Conciliis verioribus, quæ accipiuntur Niceni, à Sancto Cyrillo Coepiscopo nostro Alexandrinæ Ecclesiæ, & à venerabili Attico Constantinopolitano antistite, ex authentico missis, quæ etiam ante hoc per Innocentium presbyterum, & Marcellum Subdiaconum, per quos ad nos ab eis directæ sunt, venerabilis memoriæ Bonifacio Episcopo decessori vestro à nobis transmissæ sunt, in quibus tale aliquid non potuimus reperire. Executores etiam Clericos vestros quibusque petentibus nolite mittere, nolite concedere, ne fumosum typum sæculi in Ecclesiam Christi, quæ lucem simplicitatis & humilitatis diem, Deum videre cupientibus præfert, videamur inducere. Nam de fratre nostro Faustino (amotum jam pro suis nefandis nequitias, de Christi Ecclesia, dolendo Apiario) securi sumus, quod eum probitate, ac moderatione tuæ Sanctitatis, salvâ fraternâ charitate ulterius in Aphrica minimè patiatur. Et alia manu. Dominus noster Sanctitatem vestram ævo longiore orantem pro nobis custodiat, Domine frater.

## EXPLICIT APHRICANUM CONCILIUM.

(f) Apiarius Presbyter Siccensis, qui bis ex Africa Romam appellaverat, tandem suomet ore scelerata, ob quæ in Africa depositus fuerat, confessus est: & depositioni suæ acquievit.

(g) præfatio cod. 3. (h) debita cod. 1. 3. (i) repellat cod. 1. 3.

(k) nec pro ac cod. 1. 3. (l) quomodo cod. 1. 3.

Hic finis codicis Canonum veteris Ecclesiæ, in Conciliis vetustissimis editorum, ex Archæo Romanæ Ecclesiæ per Hadrianum Pontificem Carolo M. donati ad usum Ecclesiarum occidentalium; seu Ecclesiarum in Regno Caroli existentium, adeoque Ecclesiarum Germaniæ, Bavaræ, Norici, Belgii,

Belgii, Gallia. Sequebantur in eodem codice Wendelstini, & nostris, Carolini ævi MSS. Epistolæ Summorum Pontificum à Siricio ad Gregorium. Verùm cum eæ in Conciliis edita non fuerint, reservantur codici Epistolarum Pontificiarum ad Germanicas Ecclesias destinatarum.

## SYNODUS IN VILLA DURIA.

Anno Christi DCCLXXIV. Hadriani Papæ II.

Caroli Regis VI.

*Acta Ecclesiastica in Duria hoc anno, indicat gemina donatio facta  
Folrado Abbati S. Dionysii.*

Carolus gratiâ Dei Rex Francorum & Longobardorum, vir inluster. Quidquid enim ad loca Sanctorum venerabilium congruenter ob amorem Dei concedimus, vel confirmamus, hoc nobis procul dubio ad æternam beatitudinem, Domino protegente, pertinere confidimus. Ideoque cognoscat magnitudo, seu utilitas vestra, qualiter venerabilis vir *Folradus Abba* clementiæ regni nostri suggestit, eò quod in amore & reverentia beatissimi & S. Dionysii, Rustici & Helutherii in sua proprietate in pago *Alfacense*, in loco, qui dicitur *Fulradovillare*, infra fines Audoldovillare, cellam ædificasset, vel à novo suo opere construxisset, & in antea auxilium Domino & bonorum hominum ædificare velle, ut ubi beatissimus & martyr Hypolitus corpore requiescit humatus. Propterea nos propter nomen Domini, & animæ salutem, eò quod mercis nostra in æternum permaneat, ut etiam ad petitionem fidei nostro Fulrado, ad ipso loco superius conscripto, aliqua loca silvestria pro oportunitate & stipendia Servorum Dei ibidem degentium, in pago Alfacense ex Marca fisco nostro Quingirheim, in amore beatorum Sanctorum Dionysii & Privati, nec non & S. Hypoliti, donamus, donatumque in perpetuum esse volumus, hoc est, sylva & foreste nostra superius denominata de una parte Laimaha, ubi dicitur Bobolino cella, & inde pervenitur, ubi stet Simisbach venit in Laima: deinde verò per Hessimisbach, ubi ipse surgit, inde etiam Nannest. Deinde autem de monte usque ad Rumbach, deinde Fludimisberch, deinde in Aliarumbach, deinde in Bureberch, exinde in Terriarumbach, deinde autem pergit in Ackivis Ragni, deinde in foreste perdu-

Gg 2

cias & confinia, inde per Laimaha fluvio in valle de Ambaripas per marca Gasmaringa & Odeldinga usque Ophampol, & inde per Laimaha fluvio Aliaripa usque ubi Audenbach in Laimaha confluit, & pergit per ipso fluvio usque radices Stophanberch per valle, sub integritate ipsius monte usque in Stagorbach, inde per Rivadmarca, Odeldinga, & Gasmaringa, & inde per confinia usque inde Ophampol. Ita omnia per loca denominata, marcas & confinia, totum & ad integrum infra ipsos fines, cum piscatione quacumque avis capiendi, & ad ipso sancto loco concedimus, atque pro oportunitate Ecclesiæ inductum esse volumus: & jubemus, ut per tota illa foreste nostra foras ipsos fines denominatas pastura ad eorum peculia ex nostra indulgentia concessum habeat. Præcipientes enim jubemus, ut nullus quislibet de fidelibus nostris, neque de judiciali potestate, qui ipsa casa Dei vel Rectores ejus de ipsa loca denominata inquietare, nec condemnare, nec contra rationis ordine facere non præsumatis, nec vos, neque juniores, seu successoresque vestri, sed pro mercedis nostræ augmentum, vel stabilitatem Regni nostri, in luminaribus ipsius Ecclesiæ, vel ad stipendia servorum Dei ibidem existentium, futuris temporibus proficiat in augmentis, qualiter delectet ipsa congregatione pro nos & uxore nostra, etiam & prolis, Domini misericordiam attentius exorare. Et hæc auctoritas firmior habeatur, vel per tempora melius conservetur, manu propria subter firmavimus, & de annulo nostro sigillare iussimus. Signum Caroli Gloriosissimi Regis. Wigbaldus ad vicem Hitherii recognovit. Datum octavo decimo Kalend. Octobris, anno sexto regnante



nante Domino nostro Carolo Gloriosissimo Rege. Actum Dura Palatio publico.

*Doublet in Historia Abbatie S. Dionysii L. III. pag. 707. & seqq.*

*Ex quo Mabillonius, & Eckbartus L. XXIV. Historie rerum Francie pag. 635.*

In eodem Palatio Regio Durienti eodem anno Regis Caroli VI. & die dedit Diploma Carolus, quo Monasterium Lebraha in Elifaria situm subjecit Dionysiano cenobio.

*Indicat Mabillon. de re diplomatica L. IV. §. LIV. p. 281. ex Doublet. Historia Abbatie S. Dionysii.*

## SYNODUS IN VILLA DURIA.

Anno Christi DCCLXXV. Adriani I. Papæ III.  
Caroli Regis VII.

*Caroli M. placitum, quo adversus Herchenradum Seniore Episcopum Parisiensem, Placitum Monasterium in pago Pinciace nse Monasterio San-Dionysiano Judicio Crucis adscribitur.*

**C**AROLUS gratiæ Dei Rex Francorum & Longobardorum, ivi inlustre. Tunc regalis celsitudo suis culminis sublimatur, quando cunctorum jurgia juxta præpositionis vel responsionis eloquia inter alterutrum salubre deliberat sententia: quatenus sub Deo in Rege manet potestas, quomodo cuncta terribilia debeant ordonare (igitur) cum nos in Dei nomine DURA VILLA IN PALACIO NOSTRO ad universorum causas audiendum, vel recta Judicia termenandum resederimus; ibique veniens Apostolicus in Christo Pater HERCHENRADUS Episcopus Urbis Parisius civitate Pontifex (a) FOLRADO Abbate interpellabat; repetibat ei, eò quod ipsi PLACICIO (b) Monastirio, qui est constructus in honore Sanctæ Mariæ & Sancti Petri in Pago Pinciace nse, quem Francus homo, nomine ADERARDUS, ad casam Sancti Mariæ, & Sancti Stephani, & Sti Germani per suum strumentum condonavit, ipse Folradus Abba ad partem Sancti Dionysii post se teniat malo ordine injustè: sed ipse Folradus Abba de præsentè adstabat, & taliter dedit in responsis, quod ipso Placicio Monastirio post se ad partem Sancti Dionysii nunquam reteneat malo ordine injustè: pro eo, quod dixit: quod Francus homo

nomine HAGADEUS ipso Monastirio Placicio à Monastirio Sancti Dionysii manus potestativas per suum strumentum condonasset; & per ipsam traditionem plus obtingit ipsam Monastirius Placicius ad casam Sancti Dionysii adherere, quam ipsius Herchenrado Episcopo à parte Sanctæ Mariæ & Sancti Stephani & Sancti Germani adreddere. Unde & ipsa strumenta præ manibus se habere affirmant, & ipsas in præsentia nostra protulerunt recensendas. Etiam & de hac causa ad utrasque partes ibi certa cognovimus, & ad Divina Mysteria, Christi misericordia conspirante (sicut longa consuetudo exposcit, & ipse volumptariè consenserunt) jobemus emanare judicium, ut dum per ipsis strumentis de utrasque partis certamen non declaratur, ut recto thramite ad Dei (c) Judicium, ad crucem eorum homenes, his nominibus Aderanno de parte Sancti Dionysii, vel Folrado Abbate, & Corello de parte Sanctæ Mariæ, vel Sancti Stephani, & Sancti Germani, vel Herchenrado Episcopo, exire atque stare deberint. Quod ita & in capella nostra recensendam Missa Harnaldo presbytero visi fuerint stetit: & ea hora, protegente Divina dextrâ Dei, Deus omnipotens suum justum judicium declaravit, ut homo memorato

Herch-

(a) Fulradus Monachus & Abbas S. Dionysii, Archi-Capellanus Regius sub Pippino & Carolo Magno, tantæ tunc dignitatis, ut locum primum ubique supra Archi-Episcopos & Episcopos, etiam in Synodis, teneret. Obiit anno 784. *Eckhart. Tomo I. Histor. Franc. L. 24. §. 219.*

(b) Placitum, PLAISIR: Vicus haud procul à S. Germani oppido in sylva Ledia.

(c) Judicium crucis. *Vide in fine.*

Herchenrado Episcopo, nomine Corellus, ad ipso Dei iudicium ad ipsa crucem trephidus & convictus aparuit : & tunc ipse Herchenradus Episcopus in praesentia nostra, vel procerum nostrorum sibi recognovit vel resededit, quod nec ipse nec pars Ecclesiae suae Sanctae Mariae, Sancti Stephani, seu Sancti Germani nullum drictum habebant, per quod ipso Placicio Monasthrio habere potuissent. Proinde nos taliter una cum fidelibus nostris, id sunt GHERARDO, BERNARDO, RADULFO, HILDERADO, ERMENALDO, HEBROINO, THEUDOALDO, AGMONE, Comitibus; HALTBERTO, LAUMBERTO, HÆRTERIO, & ANSELMO Comite, Palatio nostro, vel reliquis quàm pluris visi fuimus iudicasse, ut dum ipse memoratus homo Sancti Dionysii, vel Folrado Abbate, nomine Adelramnus, jam dicto homine Sancti Mariae, vel Sancti Stephani, seu Sancti Germani, nec non & Herchenrado Episcopo, nomine Corello, ad ipso Dei iudicio ad

crucem ibidem convieuit; & ipse Corellus ibidem ad ipso Dei iudicio trepidus & convictus aparuit: propterea iubemus, ut dum hæc causa sic acta, vel perpetrata esse cognovimus, ut memoratus Fulradus Abba memorato Placicio Monasthrio, una cum suis apendiciis, vel quicquid ibidem pertinere videtur, in contra sæpe dicto Herchenrado Episcopo vel Ecclesiae suae Sancti Mariae, vel Sancti Stephani, & Sancti Germani suisque successoribus ad parte Sancti Dionysii Monasthriae suae jure firmissimum habeat evindicatum, atque elidiatum, & sit inter ipsis in postmodum absque ulla repetitione Herchenrado Episcopo vel successoribus suis, omniq; tempore subita atq; definita seu & indulta causatio.

THEUDEGARIUS recognovit  
& subscripsit.

Datum quinto Kalendas Augustas, in anno septimo Regni nostri, Duria villa in Palatio publico, in Dei nomine feliciter: amen.

*Eckhartus hoc diploma adnotavit. Sumpsum ex Mabillonii L. VI. de re diplomatica N. LI. ex Autographo Archæi S. Dionysiani.*

*Rhegino in Chronico ad h. a. Rex habuit Synodum in villa, quæ dicitur Duria. Adelmus ad h. a. Monachus Egoismensis. Annales Reuberiani. Ex quibus Baronius, Binius, & Synodographi colligunt Concilium habitum in Duria hoc anno.*

*Judicium Crucis, hoc Sæculo VIII. æræ Christianæ usitatum, in eo situm erat. Controversiæ dubiæ terminandæ partes litigantes constituiebant hominem unum aut plures, qui tempore Missæ, aut dum Psalmi, & oratio Dominica recitabatur, stabant ad Crucem brachiis expansis. Qui prior lassus brachia demississet, aut titubantia ostendisset, ejus pars victa censebatur. Vide Cangii Glossarium. verbo crux.*

*Herchenradus Episcopus Parisinus. Duo hujus nominis fuerunt: unus senior sub Carolo Magno, hoc Diplomate memoratus. Alter junior sub Carolo Calvo, ante Æneam Episcopum. Vide Galliam Christianam fustorem.*

*Annus septimus Regni Caroli Magni coincidit anno Christi 775. Nam anno 768. 24. Septembris obiit Pippinus Caroli Pater. BINIUS reliqua acta hujus Concilii, & cæterorum Sæculo octavo Duria à Carolo gestorum, ait exstare in collectionis Anségisi Abbatis Capitularium libris quatuor, à Baluzio emendatissime editis. Binius Tom. III. Concil. P. I. pag. 475.*

## VORMATIÆ SYNODUS.

Anno Christi DCCLXXVI. Hadriani Papæ IV.

Caroli Regis VIII.

Cùm pervenisset Dominus Carolus Rex Vormatiam omnes istas causas (*Saxonum Rebellionem*) audiens, conjunxit Synodum ad eandem civitatem, & ibi placitum publicum tenens, consilio factum Dei adjutorio, sub celeritate, & nimia festinatione Saxonum causas, seu firmitates subito introivit.

*Annales Francor. ex MS. Loiselii apud Duchesne Tomo II.*

*Vita Caroli M. ab Egoismense Monacho.*

*Adelmus ad h. a.*

*Poeta Saxo.*

*Ex his Binius Tomo III. Concil. Part. I. pag. 475.*

*Annales Reuberiani.*

*Rhegino in Chronico.*

G g 3

CON.



# CONCILIUM PADERBORNENSE (a)

Anno Christi DCCLXXVII. Hadriani V.

Caroli Regis IX.

*Saxones post multas cædes & varia bella afflicti, tandem Christiani effecti, Francorum ditioni subduntur; & Conventus in Saxonia habetur in loco, qui vocatur Padra-brunno, ubi Stinalarabi Saracenus, Præfatus Caesar-Augustæ, venit ad Regem; Ibi Saxones baptizati ingenuitatem, & omnem proprietatem suam secundum morem gentis abdicantes, Regi tradiderunt, si à die illa, & deinceps, Christianitatem, & Regi, & Filiis ejus fidelitatem abnegassent. Annales Pithoeani ad hunc annum.*

*Carolus confirmat Folrado Privilegium Salonæ contra Episc. Metensem.*

**C**AROLUS gratiâ Dei Rex Francorum & Langobardorum, atque Patri-cius Romanorum. Oportet Serenitas nostra, ut ea, quæ à fidelibus nostris postulata fuerint justè & rationabiliter, pro servitio & fidelitate, quæ circa genitorem meum PIPPINUM Regem, & circa me habere videntur, eis impertire debeamus. Notum sit omnibus fidelibus nostris tam & præsentibus, quàm & futuris, qualiter veniens FOLRADUS Cappellanus Palatii nostri, & Abba Sancti Dionysii, nobis retulit Privilegium à partibus Sancti Dionysii, quàm *Senodalis Consilius* (b) anno IX. ad PATRISBRUNNA ex promisso (c) ANGALRAMNO Episcopo & WILHARIO (d) Archiepiscopo constituerunt de res proprietatis suæ in loco, qui dicitur Salona, quæ est constructus, in honore Sanctæ Dei Genitricis & Beatorum Martyrum, & Confessorum, & Virginum, ubi Sanctus Privatus Martyr, & Sanctus Illarius Confessor requiescere videntur, & meo in privilegio insertum invenimus, ut neque Angalramnus Episcopus, neque Successores sui, neque Archidiaconus, neque missus Ecclesiæ suæ Mediomatrici ibi in ipso Cænobio Pontificium habere non debeant, nisi Abbas S. Dionysii experierit ordinationes faciendi, Christum mandandi, & tabulas benedicendi. Interrogavimus Angalramnum Episcopum, si ipsum Privilegium consentire debuisset. Et ipse nullatenus denegavit,

nisi sicut & Cœnenodale consilio constituerunt Coepiscopi sui, sic consentivit, sicut ipse privilegium clariter innovit. Propterea talem præceptum & confirmationem permanere præcipimus ad partibus Sancti Dionysii, ut post hunc diem nullus quilibet Episcoporum, neque Angalramnus, aut Successores sui ipso Cænobio non contingat, nisi sit sub emunitate & privilegio Sancti Dionysii regulariter, sicut cæteras Ecclesias, quas de ipsa casus Sancti Dionysii aspicere videntur, & terrolas, quas Angalramnus & Folradus infra ipso agro Salonæ & sine commutaverunt.... Simile modo ex nostrum permixtum & confirmationem absque Episcoporum Mettensis Ecclesiæ impedimentum pars Sancti Dionysii una cum cænobio Salona sub nostram tuitionem & defensionem, procerumque nostrorum partibus Sancti Dionysii debeant respicere, & quidquid per commutationes Regum aut donationem, aut collata ibidem populi additum, aut censatum, & Folradus de suas res ipso Cænobio ditavit sub emunitate & defensione Sancti Dionysii omnique tempore permanere debeant, ex nostra auctoritate confirmatum, ut melius delectet ipsam congregationem Sancti Dionysii, & Sancti Privati, & Sancti Illarii pro nobis & pro eis, uxoreque nostra Domini misericordiam attentius deprecare. Et ut hæc auctoritas firmior habeatur, vel per tempora melius conser-

(a) Schateno primum Paderbornense, in quo Carolus in Comitatu Sacrorum Præsulum ædificavit Ecclesiam ad Patrisbrunna (ex *Chronico S. Galli, & Divionensi*) & ingens hominum multitudo baptismatis fonte abluta fuit. Sacerdotes revocati & distribuiti. *Annal. Paderbornens. L. I. ad h. a.*

(b) Mentio duplex Synodi Paderbrunnensis h. a. celebrati.

(c) Angalramnus Mettensis Episcopus.

(d) Williharius Archi-Episcopus Senonensis.

servetur: manu nostrâ propriâ subter  
eam firmavimus, & de anulo nostro si-  
gillavimus.

SIGNUM CAROLI GLORIOSIS-  
SIMI REGIS.

*Nomen & Signum Cancellarii  
omissum.*

*Mabilon. de re diplomatica L. VI. N. LII. Mansi Supplementi Tom. I. pag. 726.*

*Regino in Chronico ad h. a.* Omnes Saxones convenerunt, ait, excepto Widichindo, qui cum pau-  
cis Saxonibus in partibus Normanniæ, nunc Dania, confugit.

*Annales Francorum Masciacenses apud Labbé Tom. II. MS.*

*Egislmenfis Monachus* ait, fuisse tres Reges Saracenos de Hispania, qui convenerunt, Carolum in  
Synodo Paderbrunnensi salutaturi. *Ex his Binus Tomo III. Concilior. parte I.*

Hoc eodem anno 777. actum fuisse de Episcopatibus, per Saxoniam instituendis, & speciatim Of-  
nabrugensis Ecclesiæ initia refert *Schatenus L. VII. Historia Westphalia ex vita S. Agilis &*  
*Gobelinus Persona in Cosmodromio atate VI. pag. mibi 188. 189.*

## SYNODUS DURIENSIS (a)

Anno Christi DCCLXXIX. Hadriani Papæ VII.  
Caroli Regis XI.

*Cum MS. KRUFFTIO collata.*

**A**Nno feliciter undecimo Regni Do-  
mini nostri Caroli Gloriosissimi  
Regis in mense Maij, factum Capitulare,  
qualiter congregatis in unum (b) Syno-  
dali Concilio Episcopis, Abbatibus, Vi-  
risque illustribus Comitibus, unâ cum  
piissimo Domino nostro secundum Dei  
voluntatem de causis opportunis consen-  
serunt decretum.

*De Metropolitanis.*

*CAP. I.* Ut Suffraganei Episcopi se-  
cundum Canones subiecti sint, & ea, quæ  
erga ministerium illorum emendanda  
cognoscunt, (c) libenti animo emendent,  
& corrigant.

*De Episcopis.*

*CAP. II.* Ubi præsentis Episcopi  
ordinati non sunt, sine tarditate ordina-  
tur.

*De Monasteriis.*

*CAP. III.* Ut ubi Regulares fue-  
runt, secundum Regulas vivant, nec  
non & Monasteria puellarum ordinem  
sanctum custodiant: & unaquæque Ab-  
batissa in suo Monasterio sine intermissio-  
ne resideat.

*CAP. IV.* Ut Episcopi de Presby-  
teris & Clericis infra illorum Parochia  
potestatem habeant secundum Canones.

*CAP. V.* Ut Episcopi, de ince-  
stuosis hominibus emendandi licentiam  
habeant, seu & de viduis infra sua Para-  
chia, potestatem habeant corrigendi.

*CAP. VI.* Ut nulli liceat alterius  
Clericum recipere, aut ordinare in ali-  
quo gradu.

*De Decimis.*

*CAP. VII.* Ut unusquisque suam  
decimam (d) donet, atque per iussio-  
nem Pontificis dispenseretur.

*De Homicidis.*

*CAP. VIII.* Ut homicidæ, aut cæ-  
teri rei, qui legibus mori debent, si ad  
Ecclesiam confugerint, non excusentur,  
neque eis ibidem victus detur.

*De Latronibus.*

*CAP. IX.* 1. Ut Latrones de in-  
fra emunitate, Iudices ad Comitibus placi-  
ta præsentent, &, qui hoc non fecerit,  
beneficium & honorem perdat.

2. Similiter & Waffus noster, si hoc  
non

(a) Eckhartus & Schatenus indubitanter primos Canones 24. adscribunt Synodo Duriensi hujus  
anni 779. Baluzius T. I. Capitularium, Amerspachius, Lindenbruch, Goldastus primos XXIV.  
Canones ad h. a. referunt: sed locum Concilii non addunt.

(b) Synodicali. Confero codicem Krufftii MS. simili titulo & exordio.

(c) liveat.

(d) Primam mentionem decimarum hoc & 13. Capp. fieri observat Eckhartus *histor. Francor.*  
*Lib. 24. p. 661.* Et Carolum Regem primum sua autoritate eas decimas introduxisse, univer-  
sales fecisse asserit.



non impleverit, beneficium & honorem perdat, & qui beneficium non habuerit, bannum solvat.

*De Perjuris.*

*Cap. X.* 1. De eo, qui perjurium fecerit, se sciente, nullam redemptionem habeat, nisi manum perdat.

2. Quodsi accusator contendere voluerit de ipso perjurio, stent ante crucem. Et si jurator vicerit, lege sua accusator emendetur.

3. Hoc verò de minoribus causis observandum. De Majoribus verò rebus, aut de statu ingenuitatis secundum (e) legum custodiant.

*De Latronibus justè peremptis, & hominibus injustè punitis.*

*Cap. XI.* De vindicta ex justo Judicio in Latronibus facta, testimonio Episcoporum absque peccato Comites esse dicuntur; sicutamen, ut absque invidia, aut occasione mala, & nihil aliud interponatur, nisi vera Justitia ad perficiendum, & pacem confirmandam; & si quis per odium, aut malum ingenium, nisi per Justitiam faciendam, hominem diffecerit, honorem suum perdat, & legibus, contra quem injustè fecit, secundum pœnam, quam intulit, emendet.

*De statutis Pippini Regis.*

*Cap. XII.* Quæ bonæ memoriæ genitor noster in sua placita constituit, sic & nos conservare volumus.

*De nonis & decimis, vel censu Ecclesiarum.*

*Cap. XIII.* De rebus verò Ecclesiarum, unde nunc pensiones exeunt, decimæ & nonæ sint solutæ. Unde antea non extierunt; similiter nona (f) & decima dentur, ac de casatis quinquaginta Solidi. 1. & de casatis triginta, medio solido: & de viginti, tremisse uno. Et precariæ, ubi modò sunt, renoventur,

ubi non sunt, scribantur: & sit discretio inter (g) præstarias de verbo nostro factas, & inter eas, quæ spontanea voluntate de ipsis rebus Ecclesiarum faciunt.

*De Truste (h)*

*Cap. XIV.* De Truste facienda nemo præsumat.

*De Tributariis Ecclesiarum.*

*XV.* De cerariis (\*) & tabulariis, atque Cartulariis, sicut de longo tempore fuit, observetur.

*Ut Sacramentorum pro Gildonia (i) non fiat.*

*XVI.* De Sacramentis per Gildonia invicem jurantibus, ut nemo facere præsumat. Alio verò modo, de illorum Eleëmofinis, aut de incendio, aut de naufragio, quamvis convenientiam faciant, nemo in hoc jurare præsumat.

*Ut iterantibus nullus impedimentum faciat.*

*XVII.* De iterantibus, qui ad Palatium aut aliubi pergunt, ut eos cum collecta nemo sit ausus (k) salire.

*De Herba non tollenda.*

*XVIII.* Ut nemo alterius herbarum defensionis tempore tollere præsumat, nisi in hostem pergendo, aut missus noster sit: qui aliter facere præsumit, emendetur.

*De Thæloneis (l) forbannitis.*

*XIX.* De Thæloneis, qui jam antea forbanniti fuerunt, ut nemo tollat, nec novas, nisi ubi antiquo tempore consuetudo fuit, præsumat.

*Ut mancipia non sine testibus vendantur.*

*Cap. XX.* De mancipiis, tot qui vendentur, ut fiat in præsentia Episcopi, vel Comitis, aut in præsentia Archidiaconi & centenarii, sive voce Domini, aut Judicis, aut Comitis, ante bene nota

(e) legem.

(f) Nona pars frugum, vel decima, vel census pecuniarius de domibus, seu casatis, pro diversitate temporum & regionum diversæ erant; & Sacerdotibus alendis à Regibus donabantur.

(g) Inter præstarias, & de verbo nostro factas, & inter spontaneas. Variis enim modis hæc fiebant donationes, vel à privatis, vel sub Regis aut Episcopi ratificatione.

(h) Trustis, significat fidelitatis signum, quo quis alii ab Rege se servum vel clientem dedit, ad-dixit.

[\*] Cerarii: qui tenentur ad ceram dandam. Tabularii manu missi per tabulam scriptam.

(i) Gildonia, significat cœtum, contubernium, constatriam, quibus se variè invicem obligabant ad varia.

(k) Ad salire, invadere spoliis causâ.

(l) Forbannitis, id est, abrogatis, abolitis.

ta testimonia. Et foras marcha nemo mancipium vendat. Qui hoc fecerit, tantas vices bannum solvat, quanta mancipia vendit; & si non habet precium, in Wadium pro servo semetipsum donet Comiti, usque dum ipsos bannos solvat.

*De Bruniis, (m) non exportandis.*

*Cap. XXI. De Bruniis, ut nullus foras nostro Regno vendere præsumat.*

*De Comitibus, vel Wassis Dominicis, Justitiis non facientibus.*

*Cap. XXII. Si Comes in suo Ministerio Justitias non fecerit, missum nostrum de sua sonniare faciat, usque ad dum Justitiæ ibidem factæ fuerint. (n)*

*De his, qui pretium pro fuida (o) recipere, & Justitiam facere nolunt.*

*Cap. XXIII. Si quis pro fuida præ-*

*(m) Brunia pro lorica. Thorax militaris.*

*(n) Etsi Vasso nostro justitiam non fecerit, tunc eis comes & missus ad ipsius casas redeant, & de suo vibant, quousque justitiam faciant. Hæc addit Krufftius codex Capitulo XXI, nobis XXII.*

*(o) Fuida pretium. Læso, vel ejus amicis pro injuria condonanda. Freda, multa Regi pendenda ob injuriam 3tio illatam.*

Codex Krufftius MS. Sæculi decimi, Coloniae extans apud Familiam DD. DE KRUFFT, addit his XXIV. Capitulis, alia LXVIII. universim XCII. sed nos ex iis ea duntaxat, suo loco & anno referemus, quæ ad rem Ecclesiasticam spectant: Nam hæc Capitula XCII. non omnia anno XI. Caroli Regis edita fuisse aliunde constat. Cl. Eckhartus ac Baluzius ea ad suum locum & annum retulerunt. Spectant etiam ad hunc annum & Conventum Duriensem verosimiliter:

II. Conventus Episcoporum de Precibus faciendis.

III. Donatio Carolina de Villa Folrado Abbati donata.

## ACTIO SECUNDA. CONVENTÛS DURIENSIS VEROSIMILITER.

### DECRETALE PRECUM QUORUNDAM EPISCOPORUM.

*Qualiter pro Rege & Exercitu ejus, hac instanti tribulatione, à Fidelibus in orationibus, & eleëmofynis Deo supplicandum est.*

Capitulare, qualiter institutum est in hoc Episcoporum CONVENTU, id est: ut unusquisque Episcopus tres Missas & Psalteria canret, unum pro Domino Rege, alterum pro exercitu Francorum, tertium pro præsentis tribulatione. Presbyteri verò unusquisque tres Missas. Monachi & Monachæ, & Canonici unusquisque Psalteria tria. Et bi-duanam omnes faciant, tam Episcopi,

H h

tium recipere non vult, tunc ad nos sit transmissus, & nos eum dirigamus, ubi damnum minimè facere possit. Simili modo, & qui pro fuida pretium solvere noluerit, nec Justitiam exinde facere, in tali loco eum mittere volumus, ut per eum majus damnum non crescat.

*De Latronibus his per membra & 3tio per vitam puniendis.*

*Cap. XXIV. De Latronibus ita præcipimus observandum, ut per primam vicem non moriantur, sed oculum perdant.*

De secunda verò culpa, nasus ipsius Latronis abscindatur.

De tertia verò culpa, si non emendaverit, moriatur.

*Hactenus Baluzius & alii citati.*

Monachi & Monachæ, atque Canonici, atque eorum infra casati homines, vel qui potentes sunt. Et unusquisque Episcopus, aut Abbas, vel Abbatissa, qui hoc facere potest, libram donet de argento, aut valentem in eleëmofynam, mediocres verò mediam libram, minores verò solidos quinque. Episcopi, Abbates, atque Abbatissæ pauperes famelicos quatuor pro ista striccite nutriti debent.



bent usque tempore messium, & qui tantum non possunt, juxta quod possibilitas est, aut tres, aut duos, aut unum: Comites fortiores libram unam de argento; aut valentem donent in eleëmofynam, mediocres mediam libram. Vassus Dominicus de casatis ducentis mediam libram, de casatis centum solidos quinque, de casatis quinquaginta, aut triginta, unciam unam. Et faciant biduanas, atque eorum homines in eorum casatis,

vel qui hoc facere possunt. Et qui redimere ipsas biduanas voluerit, fortiores comites uncias tres, mediocres unciam, & dimidiam, minores solidum unum. Et de pauperibus famelicis, sicut superscriptum est, & ipsi faciant. Hæc omnia, si Deo placuerit, pro Domino Rege, & pro exercitu Francorum, & præsentente tribulatione Missa S. Johannis sint completa.

In Conventu Duriensi verosimiliter hoc decretum fuit conceptum, & acceptatum ab Episcopis in comitatu Regis existentibus.

*Mabillon de re diplomatica L. IV. §. LIV. Pag. 28.*

*Doubletus diploma expansum refert.*

## DONATIO SACRA, FACTA HOC ANNO IN CONVENTU DURIENSI VEROSIMILITER.

**C**AROLUS, gratiâ Dei Rex Francorum & Longobardorum vir illustris. Si enim ex his, quæ Divina pietas nobis affluentur tribuit, locis venerabilibus concedimus, hoc nobis ad mercedis augmentum vel stabilitatem regni nostri pertinere confidimus. Pro quo donamus villam nostram Hairibertingas ad Sacro-Sancram Ecclesiam Beatissimi Martyris Dionysii, ubi Sanctus VARANUS corpore requiescit in loco, qui dicitur Hairibertingas, & vir venerabilis FOLRADUS Abba præesse videtur, quam ipse in sua proprietate infra fine Hairibertingas super fluvium Brailia, in ducato Alamanorum in Comitatu Hurma novo construxit opere, hoc est, fisco nostro Hairebertingas: quantumcumque in ipsa curte Hairebertingas habere visum sumus, & ibidem aspicere videmur, unâ cum villa nuncupante, Bolamen, cum omnibus appendiciis suis, id est, cum terris, domibus, ædificiis, mansis, mancipiis, accolabus, litis, libertis, sylvis, pratis, pascuis, aquis, aquarumve decursibus, mobilibus & immobilibus, farinariis, gregis cum pastoribus, peculium, utriusque sexus tam majora, quam & minora, totum & ad integrum à die presente ad ipsa casa Dei, vel partibus Sancti Varani plenissima voluntate concessimus, atque indulgimus pro luminaribus & stipendiis Monachorum.

Propterea hanc præceptionem auctoritatis nostræ conscribere fecimus. Per quam omnino jubemus, ut ab hac die tam ipse Folradus Abba, quam & sui successores, prædictam rem ad partem jam dictæ Ecclesiæ Sancti Varani habeant, teneant, atque possideant, & quicquid exinde ad profectum ejusdem Ecclesiæ facere eligerint, in omnibus (Christo propitio) licentiam habeant, & potestatem faciendi: & nullus ex judiciaria potestate, aut qualibet persona prædicto Folrado Abbate, vel Sancto Varano, neque juniore: aut successores sui de memorata re inquietare, nec contra rationis ordine vel calumniam. Generare quoque tempore Pontificum non habeat, sed hoc nostræ confirmationis donum jure, Domino adjuvante, ad ipsa casa Dei valeat possidere firmissimum: ut ipsa congregatio ibi anstistentium pro me valeant Domini misericordiam adtencius exorare, uxoreque nostra, prolis, & leudis, ut per intercessionem Sancti Varani, illiusque congregatione mereamur adipisci vitam æternam. Et ut hæc auctoritas firmitior habeatur, vel nostris & futuris temporibus melius conservetur, manu propriâ decrevimus roborare, & de anulo nostro jussimus sigillare. Signum Caroli Gloriosissimi Regis. Ego Wigbaldus ad vicem Hitherii recognovi. Data septimo Idus

Idus Septembris, anno undecimo & septimo regni nostri. Actum Duria palatio regio in Dei nomine feliciter. Amen.

Cum effigie ejusdem Regis sana & integra in Sigillo cereo.

*Doublet in Historia Abbatie S. Dionysii L. III. pag. 715. & seqq.*

*Mabillon. de re diplomatica L. IV. §. LIV. idem refert.*

## CONCILIIUM II. APUD PATERBRUNNAM, ALII APUD LUPPIAM, VEL LUPPIÆ FONTES.

Anno Christi DCCLXXX. Hadriani Papæ IX. Caroli Regis XII.

ACTA IN HAC SYNODO.

*I. Controversia de proprietate cellæ S. Goaris inter WEOMADUM Archi-Episcopum Trevericum, & ASSUERUM Abbatem Prumiensem definita fuit, Carolo pro Abbate pronuntiante.*

**R**egnante post obitum Patris magno Carolo, orta est inter Trevirorum Pontificem tunc Weomadum, & Abbatem Assuerum pro eadem cella, nempe Sanctis Goaris ad lavam Rheni Ripam contentio; afferente Episcopo, eam ad suæ Ecclesiæ jus pertinere: Abbate contra dicente, esse illam Regis, lege hæreditariâ possessionem, neque in ea posse sibi aliquid Ecclesiæ vendicare, quæ & sibi à Rege Pippino commissæ (*in conventu Atiniaci Anno 765. ut videtur*) & in Dominium Clarissimi Caroli successionis jure transmissa. Ità eis diu multumque certantibus, & re ad controversiam sæpe deductâ, directi sunt ex latere Regis & semel, & iterum, ac tertio Legati fideissimi & veraces, qui causam diligenter inquirerent, litemque congruè terminarent: quique rem examinantes non aliud, quàm quod Abba protestatus fuerat, invenerunt, Regii scilicet, quàm Ecclesiastici juris possessionem loci sæpe dicti existere.

Sed cum Episcopo hæc nequaquam sufficerent; famosissimus Princeps habito in Saxonia super fontem (qui Lippia dicitur) generali *Conventu*, sub præsentia totius prope Regni Primatum, & universæque ordinis Clarissimorum Virorum, rem per se examinandam suscepit, omniumque, qui tum adfuere, judicio jurisjurandi conditio causidico Monasterii, tunc *Roberto* nomine, est constituta,

H h 2

quâ ille postea cum aliis duodecim firmavit, possessionem sæpeditam non Ecclesiæ Trevirorum, sed Dominio Regio tantum competere. Hoc ergo modo re definita, & Episcopo tandem adquiescente, famosissimus Rex cum suorum consensu cellam Sancti Viri Monasterio Prumiæ tradidit, edito traditionis ejusdem privilegio, quo firmavit, testatusque est, se pro amore Christi & Eleemosyna Parentum suorum, Pippini videlicet Regis & Reginae Bertradae, cellam ipsam hac lege jam dicto Monasterio subdere, ut omni deinceps tempore Rectores Monasterii ejusdem eam tenere, & rebus ejus liberâ conditione in usus suorum, Deoque servientium fratrum necessarios uti, ac sine ulla cujusquam contradictione, quæ utilitati communi competere, de ea facere & ordinare deberent: neque rebus solummodo, quas tempore eodem cellæ Dominium retineret, sed & illis, quæ futuris Successoribus adquisisset, jure firmissimo uterentur.

*Hæc Wandelbertus Diaconus & Monachus Prumiensis, in vita S. Goaris.*

*ACTIO II.* Wigrudis è prima è Saxonum nobilitate Matrona injuriam sibi illatam conquesta, suscipitur in tutelam cum filio Meinulpho, quem in baptismo suscepit ipsemet Carolus, futurum subin Episcopum Paderbornensem.

*ACTIO III.* Ad firmandam Christi Reli-



Religionem inter Saxones variæ Ecclesiæ vel designatæ, vel institutæ fuere à Carolo, nempe, Mindenſis, Halberſtadienſis, Verdenſis, & Paderbornenſis, & Monaſterienſis initia jaſta fuiſſe, docet

*Sebatenus Libro VII. Hiſtoria Weſtphalia ad annum 780.*

*Ex autore vita Caroli magni, ex Reginone, ex Gobelino in Coſmodromio, ex Diſchmaro, ex Adamo Bremenſi, ex Abbate Stadenſi, aliſque: quorum nonnulli ad Concilium III. Paderbornenſe anni 785. referunt hæc exordia.*

**ACTIO IV.** Willehaldus mittitur (b) ad partes Saxoniz ad Pagum, qui dicitur Wigmodia.

Ad Eginharti & Francorum ſcriptorum ſilentium de his Actis Eccleſiaſticis in conventibus Paderbornenſibus obiectum, appoſitè reſponder Scharenus; Biographi Sanctorum apud Su-

rium & Mabillonium, item Cœnobiorum Hiſtoriographi ſexcenta facta Eccleſiaſtica in Synodis recentent, de quibus ſilent Annales Franci, Politicis enarrandis iocenti.

*Ad Lippia fontes Synodum anni 780. celebratam referunt Annaliſta, Loſſelianus, Bertinianus, Metenſis, Paſi in Critica ad h. a. Lippienſem vocat Binus.*

Regino, ait; ad locum, ubi Lippa conſurgit. Chronicon vetus Moſſiacenſe in eodem loco ad h. ann.

[b] Anſcharius in vita S. Willehadi, poſt Archi-Epiſcopi Bremenſis, edita à Philippo Caſare.

Annales Francorum ex codice MS. Tili apud DUCHESNE T. II. referunt, Synodum habitam Duriz anno DCCLXXX. exiguo diſcrimine, nempe annus hic eſt proximus anno 779. quo Convenum Duriz celebratum ferè unanimi aliorum Annaliſtarum conſenſu retulimus.

## WORMATIÆ CONVENTUS.

Anno Chriſti DCCLXXXI. Hadriani Papæ X.  
Caroli Regis XIII.

*Acta Conventus hujus: I. Reconſiliatio Taſſilonis Ducis cum Carolo Rege.  
II. Miſſio à militia Epiſcopis conceſſa.*

**P**oſt ſecundum iter Italicum Romæ, Papiæ, Mediolori ſuſceptum Carolus in Germaniam revertit, & quot Romæ ſecum duxerat Pontificios legatos, Formoſum & Damafum Epiſcopos, ſuoſque Riculfum & Eberhardum Magiſtrum Pincernarum ad Taſſilonem, Bajoariæ Ducem, rebellionis ſuſpectum, mittit, qui ipſi ex autoritate Apoſtolica ſuggerent, ut recordaretur priorum Sacramentorum (anno 770.) & non aliter faceret, niſi ſicut jurejurando jam dudum promiſerat Pippinò & filiis ejus. His admonitionibus conſenſit Taſſilo, & ſumptis obſidibus ad Regem venit WORMATIAM, ubi renovavit Sacramenta, & dedit duodecim obſides; ſed non diu promiſſa ſervavit.

*Annales Nazariani.*

*Vetus Chronicon Moſſiacenſis Cœnobii.*

*Annales Pruſſocani addunt, honorificè remiſſum Taſſilonem ad ſua.*

*Regino h. a.*

Alteram actionem hujus conventus, ſpectantem ad Eccleſiam, collegit

*Eckbartus ex Lib. VI. Capitularium Benediſti Levitæ Cap. 285. nempe Regi à populo ſupplicatum fuiſſe WORMATIÆ, ut Epiſcopi deinceps ad militiam proficiſci ne cogerentur, exceptis duobus, aut tribus doctis, ad benedictionem dandam, & ad periclitantium reconſiliationem faciendam: ſed alii omnes in ſuis Parochiis reſideant, ibidem Deo fideliter famulaturi, & Sacroſancta Myſteria Canonice peracturi, atque pro Rege, ejusque exercitu, unâ cum ſibi ſubjectis, orationes, Miſſas, Litanias, & Eleemoſynas perſolaturi. Hoc autem à ſe non peti, inſiſtunt, quo ſupplementum ad bellicos ſumptus ex rebus Eccleſiaſticis uſurpent, quos contra potiùs augeri cupiunt; ſed quod Epiſcopos, ſi apud ſe remanſerint, cum ſuæ, tum Regis ſaluti utiliores fore perſuaſum habeant. Rex piæ populorum ſupplicationi conſenſit, eamque proximo generali conventu confirmatum iri promiſit.*

*Eckhart. Hiſtoria Francia L. XXIV. N. CCIII.*

## SYNODUS COLONIENSIS.

Anno Christi DCCLXXXII. Adriani Papæ XI.

Caroli Regis XIV.

**S**ynodum Coloniae à Carolo M. habitam, & Legatos variarum gentium illic exceptos fuisse, indicat

*Baronius h. a.*

Sequenti anno Dominus Rex Carolus Rhenum transiit, & in Colonia Syno-

dum tenuit. Ibi omnes Saxones venerunt, excepto rebeli Widochindo: & illuc convenerunt Normandi, Nuntii Regis Sigefridi. Similiter Avari convenerunt illic, missi à Cagano & Vigurio. Ibi peracto placito reverfus est Dominus Rex Carolus in Franciam.

*Hæc Egohermensis Biographus Caroli à Pitheco editus: ex quo Baronius ad h. a. Synodum Coloniensem habitam, à Carolo M. scribit.*

At Annales Reuberiani, Newenariani, & Pithecoani dicunt, tres hos Legatos ad Carolum venisse in loco, ubi Lippia oritur, postquam apud Coloniam Carolus Rhenum transisset.

## SYNODUS PADERBORNENSIS III.

EODEM ANNO.

*SCHATENUS asserit*, In Conventu generali anni hujus 782. ad Lippiæ fontes habito, venisse ad Carolum Regem, Romæ reversum, Proceres Westphaliæ, Angariæ, Ostphaliæ, cum Episcopis: & ea, quæ Carolus Romæ egerat cum Hadriano Pontifice, de Episcopatibus

per Saxoniam instituendis, dividendis, dotandis, intellexisse, cœpisseque ordinari Rempubicam sacram & civilem. Sed Acta hujus Synodi interiisse dolet *SCHATENUS*

*Annal. Paderbornensium Lib. I. ad h. a. 782.*

## SYNODUS PADERBORNENSIS IV.

Anno Christi DCCLXXXV. Hadriani Papæ XIV.

Caroli M. XVII.

**C**AROLUS Eresburgo digressus est Paderbornam, advectoque ex Francia commeatu, & omnium rerum annonâ, celebrem Mense Majo ad fontes Paderæ Synodum denuo habuit: iussique non modò adesse Præfules & Sacerdotes; qui aulam sectabantur, sed & militiæ Duces, Comites, Consiliarii periti legum, omnisque Westphaliæ Senatus & populus; prætereaque novi Episcopi, quos Saxoniam præstitueret. Acta hujus Synodi licet cum aliis intercederint, nihil tamen verisimilius à probatis auctoribus assertum, quàm in ea totius Westphaliæ & Angariæ consensione ejuratam esse omnem cum Witechindo ac rebellium capitibus societatem belli, tran-

Hh 3

sisseque Westfalos & Angarios, novo fidei Sacramento dicto, in potestatem & Imperium Francorum: interque decreta, sancita primùm libertas Christianæ Religionis, proscripto Idolorum cultu, cœptaque Saxonia in Provinciæ formam redigi: impositi Duces militiæ, Comites & Præfecti; ordinatæque Respublica haud secus, quàm devicto DESIDERIO, Longobardorum Rege, in Italiâ fecerat Carolus ad formam legesque Imperii Francici: arces & castella præmunita præsidii: descriptæ Ducum regiones, quas militia tenerent, Marchiarum limites, quos *Marchas* dixere: Comitum pagi, per quos jus dicerent: data pro meritis feuda in militare obsequium: præ-



præscriptæ sacræ profanæque leges; multaq; ejusmodi salubriter constituta, ad rebellem toties populum in fide regni Francici continendum. Ejus rei gratiâ, ut quidam volunt, in hac Synodo Paderbornensi occultum illud, secretumque Judicium, quod *Vemium* passim vocant, severis illis legibus est præscriptum, cæptumque comprimis per Westphaliâ exerceri. Sed rem nullam majori cura & sollicitudine complexus Rex, quàm Religionem. Hinc quod ante quinquennium cæperat, hoc anno & hac Synodo Paderbornensi confecit: Saxoniamque inter Episcopos divisam, certis simul limitibus descripsit, quibus Episcoporum Dioceses continerentur: simul ex hac Synodo Paderbornensi, qui aderant, Episcopos suis sedibus aut reddidit, aut

imposuit. Inde Wiho Osnabrugensi, Willehadus Bremensi, Hercumbertus Mindensi: Hildegimus, D. Ludgeri frater, Halberstadiensi, Suibertus Verdensi, Bernardus Abbas Mimigardevordensi, Albertus Schidrensi Ecclesiæ est præstitutus. Burchardo Paderbornensi Ecclesiæ mansit, Vicario adhuc munere gubernanda, quam senio prope confectus, ut fasti Herbipolenses nos docent, Megingaud & Bernulpho, alii post alium administrandam commisit.

*Schatenus Lib. VIII. Historiæ Westphaliæ pag. 495. 496.*

*Secutus Autorem Translationis S. Liborii Helmodum, Albertum Stadensem, Dithmarum, Gobelinum, Crantzium.*

In hoc Conventu Paderbornensi Procerum Francorum ac Saxonum, aut alibi per hæc tempora, vetustas illas Saxonum Leges à Carolo sanctas [emendatas] esse, quas Heroldus primum in lucem produxit, & Lindenbrochius in Volumen aliarum gentium, quæ Francico Imperio continebantur, bona fide retulit & *Baluzius* Tomo I. Capitularium p. 249. 256. rursum p. 275. 280. de annis 788. circiter 789. 797. V. Kal. Novembris, persuadet sibi *Schatenus* loco citato.

## ATTINIACENSIS CONVENTUS IN AUSTRIA, HODIE IN CAMPANIA.

Anno Christi DCCLXXXV. Hadriani Papæ XIV.  
Caroli Magni XVII.

CAROLUS Rex Natalem Domini Attiniaci (a) celebrat: ibi post conventionem de Pace initam, Witichindus Saxonum Dux, & Albio Transalbinorum Princeps, cum suis Comitibus, sacris undis abluuntur. Carolus Rex Witichindum de sacro fonte levavit, magnificis donis auxit, Ducatus Titulum in Saxones reliquit. GEVAM Sigefridi Danorum Re-

gis Filiam, Fastradâ Reginâ spondente, & levante baptizatam, & Liberos ejusdem pari beneficio affectos fuisse, Scriptores coevi indicant. Vicissim Witichindi egregia fides & liberalitas in Ecclesiam deinceps prædicatur post Crantzium & *Biographum S. Ludgeri*, à *Schateno L. VIII. Historiæ Westphaliæ* ad h. a. Et Eginbarto.

Minister Baptismi, quis fuerit, coevi non prodiderunt. Alii Lullo Moguntino Archi-Episcopo: Alii Hercumberto Mindensi: Alii Hildegimo Halberstadiensium Episcopo hoc munus tribuunt. Ex hoc anno Saxonia satis pacata & Francis subjugata fuit: Ecclesiarum augmentum & corroborata fides illuxit Bardewici, Selingenstadii; Aulicæ, sive Elzæ ad Salam, vel inchoatæ, vel saltem præordinatæ Ecclesiæ fuerunt. Huc spectat Gratulatoria Hadriani Papæ ad Carolum Regem de Saxonia Christo subiecta, & instructio de relapsis Saxonibus, quas subijcio post hunc annum. (a) In Conventum hunc Attiniacensem ad h. a. uti & baptismum Witichindi omnes Annalists Francorum & Biographi Caroli consentiunt. Annales Francorum Pithocani, Newenariani, Reuberiani. *Schatenus* ad annum 786. refert Baptismum.

*Exemplar Epistolæ Hadriani Papæ ad Domnum Carolum Regem directæ, in qua continetur de gente dudum perfida, scilicet Saxonum, qualiter Dominus ac Redemptor noster per præfati Regis laboriosa certamina, ad Dei cultum, suæ Catholicæ, & Apostolicæ Ecclesiæ rectitudinem Fidei, seu ad Sacrum Baptismatis Fontem usque perduxisset, & de Letaniis, & de Jeuniis & Orationibus pro hujuscemodi re.*

Domino Excellentissimo Filio, nostróque spiritali compatri, CAROLO Regi Francorum, & Longobardorum, atque Patricio Romanorum,  
Hadrianus Papa.

**P**Ræstolatos, nimisque nobis optabiles regales vestros suscepimus affectus per fidelissimum vestrum latorem atque missum, videlicet *Andream* religiosum Abbatem: quos referantes reperimus in eis de vestræ præcelæ regalis potentia, & comparis, sobolisque vestræ, seu cunctorum præcipuorum vestrorum, nostrorúmque fidelium sospitate, & incolumi, ac serenissimâ prosperitate: in quibus Redemptori mundi consueta retulimus grates. Magis autem inibi vestris à Deo præfidiatis regalibus triumphis comperientes, qualiter sævas, adversasque gentes, scilicet Saxonum, ad Dei cultum, & suæ Sanctæ Catholicæ, & Apostolicæ Ecclesiæ rectitudinem fidei perduxeritis, atque Domino auxiliante, & Petri, Paulique Apostolorum Principum interventione suffragante, sub vestra eorum colla redacta sunt potestate, ac ditione: eorúmque Optimates subjugantes, Divinâ inspiratione, regali annisu, universam illam Gentem Saxonum ad Sacrum deduxisti Baptismatis fontem. Unde nimis amplius Divinæ Clementiæ retulimus laudes, quia nostris, vestrisque temporibus gentes paganorum in veram, & magnam deductæ religionem atque perfectam fidem, vestris regalibus substernuntur ditionibus. In hoc quippe freta vestra à Deo fundata existat potentia, quia si, ut pollicita est, fautori suo Beato Petro Apostolo, & nobis, puro corde, atque libentissimo animo adimpleverit, maximas robustiores illarum gentium suis præcipuis suffragis vestris substernet pedibus, ut nemine eos persequente, vestris regalibus subjian-

tur potentis, & maximum fructum in die Judicii ante tribunal Christi de eorum animarum salute offerre mereamini dignissimum munus, & pro amore animarum lucra infinita mereamini adipisci in Regno cælesti. Illud autem, quod vestra intimavit regalis excellentia, ut in uno mense, vel in una die, pro hujusmodi operibus, scilicet stabilitatis vestræ victoria, laudes Deo gerentes caneremus, & unâ, vel duabus feriis Litanias perageremus; valde hoc nobis delectabile existit. Quatenus Apostolica exarantes censurâ, decrevimus in omnibus nostris partibus, quæ sub ditione Spiritalis Matris vestræ, Sanctæ Romanæ Ecclesiæ existunt, illic celebrari easdem unâ nobiscum, disponentes emisimus, Domino protegente; videlicet vicesimâ tertiâ die, & vicesimâ sexta, atque vicesimâ octavâ hujus advenientis Junii mensis, quæ sunt in primis Vigiliæ Beati Joannis Baptiste, & Natalis Sanctorum Joannis, & Pauli, nec non & Vigiliæ Beati Petri Apostoli. Similiter & vestra Regalis potentia in suis dirigat universis finibus, seu transmarinis partibus, ubi Christiana moratur gens, similiter perficiendas triduanas litanias. Et ideo tale protelatum emisimus spatium propter tam longinquas Christianas nationes, ultra vestrum regale morantes regnum. Nos quippe non solum unam, vel duas, ut nobis insinuâstis, celebrandas Litanias prævidimus; sed etiam pro vestra, ut soliti sumus, indefinenter orare excellentiâ cupientes, decrevimus perficere, & Redemptori mundi canere laudes, ut ipsæ gentes, quæ per vestrum Regale



gale certamen ad Christianam perductæ sunt fidem, usque in ævum per vestrum maneant adminiculum, & nostris vestrisque sinibus omnes repelli faciat ægritudinis morbos, & procul ejiciat pestilentiam, ut nostris, vestrisque diebus populus nobis à Deo commissus in magna degentes ubertatis affluentia, simulque sincerissimæ sospitatis lætitiâ, lon-

giori ævo unâ cum Domina Regina, vestræque nobilissima prole, mereamini Regni gubernacula perfrui, & in ætheris arcibus sinè fine regnare, ut per vestra laboriosa certamina magis, magisque Spiritalis Mater vestra Sancta Romana Ecclesia maneat exaltata. Incolumem Excellentiam vestram gratia superna custodiat.

*Extat hæc Epistola N. XCI. in codice Carolino à Gretsero S. J. Theologo anno 1613. primùm integro vulgato è codice membranaceo, Casareæ Viennensis Bibliothecæ descripto, quem Carolus Rex anno XXIII. Regni sui, Christi DCCXCI. scribi decrevit, & fecit. Extat in postremæ editionis Gretserianæ anni 1735. Tomo sexto p. 775. Centuriatores Magdeburgenses similem viderant, & fœdis glossis maculaverant. Panvinius Epitomen ediderat: Gretserus primùm vulgavit hæcenus amplissimum textum Epistolæ Pontificiæ.*

### RESPONSORIA

## HADRIANI PAPÆ AD CAROLUM MAGNUM,

DE MODO, SAXONES AD PAGANISMUM RELAPSOS,  
RECONCILIANDI DEO ET ECCLESIAE.

*Carolus Rex, cum indicasset Adriano Papæ per Itherium & Manegarium Abbates, Legatos suos, Saxones quosdam (inter annos 777. & 785.) in Paganismum relapsos esse, deque iis, quid agendum esset, interrogasset: respondit Pontifex, post longam penitentiam eos ad consortium Ecclesiæ posse recipi.*

Domno Excellentissimo Filio, nostróque spiritali

Compatri CAROLO, Regi Francorum & Longobardorum, atque  
Patritio Romanorum, Adrianus Papa

**V**estra à DEO protectæ regalis Excellentia suscipientes Missos, scilicet Itherium & Magenarium, religiosos Abbates, sciscitati sunt nos, interrogantes de Saxonibus, qui Christiani fuerunt, & ad Paganismum reversi sunt, qualem penitentiam eis Sacerdotes indicare debeant? Hoc Prædecessorum nostrorum Sanctorum Pontificum dudum decretum est, quodd, qui resipiscentes, & ruinas suas cogitantes redire maluerint, sub longa penitentia satisfactione admittendi sunt, & iterum penitentia satisfactione purgentur, quæ non tam temporis longitudine, quam cordis compunctione pensanda sunt; & ideo Excellentissime, & à Deo protecte Fili, oportet Sacerdotem partibus illis pastorem circumdare

solertiam, atque Episcopalem induere vigilantiam, & in eorum arbitrio indicare penitentiam, considerantes piaculum tam voluntatis, quamque extra voluntatem coacti ad suum revertentes vomitum; & tunc canonica promovere sententia, quatenus, si veraciter reversi in fide orthodoxa maluerint perseverare, promissuros, se omnem adimplere Episcopalem prædicationem, indiculum orthodoxæ fidei exarantes, secundum olitanam Patrum traditionem, unum consistentes Baptismum, sub iurjurandum pollicentes, fidem Christianitatis servaturos: in gremio suscipiantur orthodoxæ fidei Ecclesiæ, ut copiosa merces vobis adscribatur in celis. Incolumem Excellentiam vestram gratia superna custodiat.

*In Codice Carolino N. LXXX. editionis Gretserianæ Typo ultimo Tomo VI. pag. 765. Baronius & Centuriatores ejusdem Epistola meminerunt.*

# HADRIANI PAPÆ

## CAPITULA,

Quæ ex Græcis & Latinis Canonibus, & Synodis Romanis, atque Decretis Præsulum ac Principum Romanorum sparsim collecta sunt, & Ingilramno, Mediomatricæ urbis Episcopo, Romæ à Beato Hadriano Papa tradita, sub die XIII. Kalendas Octobres, Indictione IX. quando pro sui negotii causâ agebatur.

### TITULI CANONUM.

1. Quod qui Episcopum accusat, Dei ordinationem accusat.
2. Qui negotium habet cum Episcopo, prius ad illum privatim recurrat.
3. De primatu sedis Apostolicæ, & de legitima Episcopi vocatione.
4. De discutienda accusatoris personâ.
5. Qualiter Episcopus ad Synodum convocetur, & qualiter in ea de illo agatur.
6. Ut si quis Metropolitanum suspectum habuerit, apud Primate[m] audiat.
7. De Canonica accusationis ordine.
8. Ut accusatio Clericorum intra Provinciam fiat, & ut pulsatis appellare liceat.
9. Salvo sedis Apostolicæ primatu, res Provincie cujusque Synodus Provincie dispenset.
10. Omnis accusatio intra Provinciam audienda.
11. Quæ sæculi leges non admittunt, à Clericorum causis repellenda.
12. Causæ, ubi ortæ sunt, finiendæ, salvo appellatione.
13. Episcopi ejecti & spoliati ante accusationem redintegrandi.
14. Ut Metropolitanus Episcopi causam sine Comprovincialibus, & Episcopus Presbyteri causam sine Clericis suis non audiat.
15. Accusantium personam ante omnia discutiendam.
16. Ut hi, quorum libertas nescitur, nequam accusent Sacerdotes.
17. Ut Criminosus accusandi vocem non habeat.
18. Nullus Episcopus alterius Parochianum retineat, ordinet, vel judicet.
19. De peregrinis Judiciis non recipiendis.
20. Ut Episcopus extra Provinciam ad Judicium non vocetur, eique provocare liceat, si judices suspectos habeat.
21. Quales personæ ad accusationem non admittantur.
22. Ut accusatores præsentés adsint, & accusatis spatium detur ad abluenda crimina.
23. De Episcopis, qui ad Romanum appellant Pontificem.
24. Qui Clericum accusat, si probare non potest, infamie jacturam subeat.
25. De Primatum & Metropolitanorum deferentia.
26. Judici omnia patienter audienda, quæ proponuntur, priusquam sententiam ferat.
27. De iis, qui indiscussos potestate tyrannica damnant: & quod Episcopi, vel Presbyteri non debeant ab aliis judicari, nisi & à quibus ordinari.
28. Ubi judicari debeant, qui adversus Episcopum, vel Metropolitanum causam habent.
29. Ut Episcopus accusatus ab omnibus Comprovincialibus audiat.
30. De Episcopo, qui alterius Parochianum ordinat, vel judicat.
31. Ut eorum in accusatione, vel testimonio vox obstruatur, qui Divinis vocibus mortui sunt.
32. De non neganda appellatione accusato.
33. Quod reis, qui de se confessi sunt, super alios non sit credendum.
34. Ut qui judices suspectos habuerint, vocem appellationis exhibeant.
35. Quod omnibus, qui lite pulsati sunt,

I i

non

Capitula vel articuli collecti ex diversis Conciliis & Decretis Pontificum per Angilramnum Episcopum Merensem, oblata Papæ Hadriano. Sic habent alii codices MSS. teste Dupinio *Nova Bibliotheca Antorum Ecclesiasticorum Tomo VI, pag. 114.* & Calaneo, *Historie Ecclesiasticæ & Civiles Tomo I, L. XI. pag. 529.* Qui judicant hunc titulum verosimiliorem esse eo, quem Siemonius ex aliis MSS. secutus est: duplex enim titulus hujus collectionis reperitur, alius in aliis MSS. *Vide Dissertat. ad Sæculum VIII. l. c. p. 349*



- non alibi, quàm in proprio foro iurgandum sit.
36. Ut appellantes nulla arceantur detentione.
37. Quòd etiam in causis criminalibus appellare liceat.
38. In causis capitalibus absens accusare non potest, nec accusatus per alium defendi.
39. De constitutionibus contra Canones & decreta, vel contra bonos mores conditis.
40. Ut non constringat Clericum sententia, non à suo iudice dicta.
41. De his, qui falsa aliis irrogant.
42. De Provinciali Synodo retractanda per Venerarios Urbis Romæ Episcopos.
43. De iis, qui majores natu accusant.
44. Quòd in causâ Capitali, vel in causâ statûs non per Advocatos, sed per ipsos agendum sit.
45. Ut liceat majores iudices appellare, quoties necessitas ingruerit.
46. Ut Metropolitanæ Episcoporum causas, nisi præsentem omnes fuerint Episcopi comprovinciales, audire non præsumant.
47. Quæ in laicis arguuntur, à Clericis respuantur.
48. De contemptoribus Canonum, laicis vel Clericis.
49. Delatores qui sint, & quâ penâ multandi.
50. De iis, qui in alterius famam Scripturam, aut verba contumeliosa confinxerint.
51. De eo, qui iratus crimen objecit, & postea retractat.
52. Qui crimen objicit, probare debet: & ut causa ibi agatur, ubi crimen admissum est.
53. Ne iudices causam absentis personæ sua sententia præsumant.
54. De eo, qui frequenter litigat, ut non suscipiatur absque examine.
55. Quòd Episcopi inter se corrigere, si quid ortum fuerit, debent.
56. Summus Præsul à nemine judicatur.
57. Ut iudex non antè reum condemnet, quàm ipse constiteatur, aut per testes revincatur.
58. Injuria Episcoporum damnatio à Synodo retractanda.
59. Quòd Ecclesiam suam relinquere nullus debeat.
60. Ante Iudicem non suum pulsatus taceat, si velit: & ut appellanti induciæ dentur.
61. De eo, qui contra suam subscriptionem venit.
62. Falsum crimen adversus Episcopum, Presbyterum, Diaconem objicienti nec in fine danda communio.
63. De libellis famosis.
64. Ut diebus Dominicis causæ ab Episcopo non audiantur.
65. De potente, si quem expoliaverit, ut ab Episcopo excommunicetur.
66. Ut nullus Clericus à suo recedat Episcopo.
67. Ut criminibus implicati ad accusationem aut testimonium non admittantur.
68. Criminosi accusatio periculosa est, & admitti non debet.
69. Misericordiam ruinis qui succurrat, Dei à se remonet vindictam.
70. De periculo judicantium, & providentiâ eorum.
71. De accusatione adversus Doctorem submovenda.
72. De Presbyteris, Diaconibus, & reliquis Clericis, ex decreto Sancti Sylvæstri & LXXXIV. Episcoporum.
73. Laici Testimonium adversus Clericum suscipi non debet.
74. Clericus in Publico examinandus non est, sed in Ecclesiâ.
75. De Episcopis damnare volentibus eum, à quo sunt consecrati.
76. Ut nullus contra Religionem faciat.
77. De Apostolicis & Canonicis decretis minime violandis.
78. De injusto Iudicio Principis metu, vel iussu terminato cassando.
79. Quod hi, qui contra patres armantur, Deo existant odiosi.
80. Ut nullus regum hujus Canonis censuram in aliquo violare præsumat.
- I. Quòd qui Episcopum accusat, Dei ordinationem accusat.
- D**EI Ordinationem accusat, in qua constituuntur, qui Episcopos accusat vel condemnat, dum minùs spiritualia, quàm terrena sectantur. Unde & Propheta ait: Nolite (a) tangere Christos meos, & in Prophetis meis nolite malignari.
- II. Qui cum Episcopo negotium habet, priùs ad illum privatim recurrat.
- Placuit, ut quæcunque persona contra Episcopum, vel Actores Ecclesiæ, se proprium crediderit habere negotium, priùs ad eum recurrat caritatis studio; ut familiari colloquio commonitus, ea sanare debeat, quæ in querimoniam deducuntur. Quam rem, si differre voluerit, sententiam suscipiat excommunicationis.

III.

(a) I. Paralip. XVI, 22. Psalmo CIV, 25,

### III. De Primatu Sedis Apostolicæ, & de legitimâ Episcopi vocatione.

Nullus Episcopus, nisi canonicè vocatus, & in legitimâ Synodo suo tempore Apostolicâ auctoritate convocatâ (cui iussione Domini, & meritis B. Petri Apostoli, singularis congregandorum Conciliorum auctoritas, & Sanctorum Canonum ac venerandorum Patrum decretis multipliciter privata tradita est potestas) super quibuslibet criminibus pulsatus audiat, vel impetatur. Si aliter præsumptum à quibuslibet fuerit, in vanum deducatur, quod egerint. Nec inter Ecclesiastica ullo modo reputabitur, nec ullas habebit vires, quicquid ei obviaverit. Quoniam eadem sedes testante veritatis voce Primatum obtinuit; nec prima diceretur, si aliam super se haberet. Quæ etiam Caput est omnium Ecclesiarum, à qua omnes sumpsere originem. Primatum enim non Synodalibus, aut aliquibus commentis meruit institutis, sed Domino largiente, qui ait: *Tu es Petrus, (b) & super hanc Petram edificabo Ecclesiam meam.* Et reliqua talia, & his similia. Quibus si aliquis superbo spiritu obviaverat præceptionibus, non exeat impunitus, sed gradus sui periculo subiacabit.

### IV. De discutienda accusatoris persona.

Placuit, ut semper primò in accusatione Clericorum fides & vita blasphemantium perscrutetur. Nam fides omnes actus hominis debet præcedere, quia dubius in fide infidelis est. Nec eis omnino esse credendum, qui veritatis fidem ignorant, aut non rectæ conversationis vitam ducunt: quoniam tales faciliè & indifferenter lacerant, & criminantur rectè & piè viventes, & credentes. Ideo suspicio eorum discutienda est primò, & corrigenda.

### V. Qualiter Episcopus ad Synodum convocetur, & qualiter in eâ de illo agatur.

Sancta Synodus Romana dixit. Hæc sunt, quæ deinceps, propter malorum hominum insidias, qui in Ecclesiam & Ecclesiasticos indifferenter sæviunt viros, conservari firmissimè volumus in Sæcula. Si quis Episcopus ab illis accusatoribus, qui recipiendi sunt, fuerit accusatus, postquam ipse ab eis caritative conventus fuerit, ut ipsam causam emendare debeat,

l i 2

& eam corrigere noluerit, non olim, sed tunc ad summos Primates causa ejus canonicè deferatur. Qui congruo in loco, infra ipsam Provinciam, tempore à Canonibus præfixo Nicænis, Concilium canonicè convocare debebunt, ita ut ab omnibus ejusdem Provinciæ Episcopis in eo audiat. In quo & ipse canonicè convocatus, si eum aut infirmitas, aut alia gravis necessitas non detinuerit, adesse debet: quia ultra Provinciæ terminos accusandi antè licentia non est, quàm audientia rogetur. Nam si suis fuerit rebus exspoliatus, aut quod absit, quod alienum ab omnibus debet esse fidelibus, à sede propriè ejectus, aut in detentione aliqua à suis ovibus fuerit sequestratus; tunc Canonicè, antequam in pristinum restituatur honorem, & sua omnia, quæ insidiis inimicorum suorum ei ablata fuerant, redintegrentur; nec convocari, nec judicari poterit, nisi ipse pro sua necessitate, minimè tamen judicandus, advenire sponte elegerit. Nec omnino à quoquam respondere cogatur, antequam omnia integerrimè, quæ per suggestiones inimicorum suorum amiserat, potestati ejus ab honorabili Concilio redintegrentur, & Præful prius statui pristino restituatur: & ipse dispositis ordinatisque libere ac securè suis, tunc Canonicè convocatus, ad tempus Synodo in legitima & Canonica veniat ad causam, & si ita justè videretur, accusantium propositionibus respondeat. Nam hoc summopere providendum est, ne antequam hæc omnia fiant, coactus respondeat: quia contentio semper vitanda est. Adimi namque Episcopo Episcopatum, antequam causæ ejus exitus appareat, nulli Christiano videri jure potest. Quod si ægrotans fuerit Episcopus, aut aliqua eum gravis necessitas detinuerit, pro se Legatum ad Synodum mittat: nec à communione suspendatur, cui crimen intenditur, nisi ad causam suam dicendam electorum Judicum die statuta litteris evocatus, minimè occurrerit: hoc est, nisi alia præoccupaverit necessitas, infra duorum, vel trium mensium spatium, & eo amplius, pro ut causa dictaverit. Quod si ex utraque parte ad causam dicendam venerint, quia unus absque altero audiri non debet, querendum est in Judicio, cujus sint conversationis,

(b) Matthæi XVI, 18.



fationis, & fidei, atque suspitionis accusatores, aut quâ intentione hoc faciant: quia ad hoc admitti non debent, nisi bonæ conversationis, & rectæ fidei viri, & ii, qui omni suspitione careant, & bonâ vitâ clareant, neque infames existant. Quod si accusatorum personæ in Judicio Episcoporum culpabiles apparuerint, ad arguendum non admittantur, nisi proprias habuerint causas, non tamen criminales, vel Ecclesiasticas. Infamis enim persona, nec Procurator potest esse, nec cognitor. Absente verò adversario non audiatur accusator; nec sententia, absente parte alia, à Judice dicta, ullam obtinebit firmitatem. Neque absens per alium accusare, aut accusari potest. Nec affinis testis admittatur. Neminem ergo exhiberi de Provincia ad Provinciam, vel ad Comitatum oportet, nisi ad relationem Judicis, ad quem fuerit appellatum; id est, ut actor semper rei forum sequatur. Si quis autem Judicem adversum sibi senserit, vocem appellationis exhibeat, quam nulli oportet negari.

VI. *Ut si quis Metropolitanum suspectum habuerit, apud Primum audiatur.*

Si quis autem putaverit se à proprio Metropolitano gravari, apud Primum Diceceos, aut apud Constantinopolitanæ civitatis sedem, agat Judicium & reliqua.

VII. *De Canonica accusationis ordine.*

Accusationis ordinem, dudum Canonicis institutum decretis, servari jubemus. Ut si quis Clericorum in accusatione pulsatus fuerit, non statim reus æstimetur, qui accusari potuit, ne subiectam innocentiam faciamus. Sed quisque ille est, qui crimen intendit, in Judicium veniat, nomen rei indicet, vinculum inscriptionis arripiat, custodiæ similitudinem, habitû tamen dignitatis æstimatione, patiat: nec sibi fore noverit licentiam mentiendi, cum calumniantes ad vindictam poscat similitudo supplicii.

VIII. *Ut accusatio Clericorum intra Provinciam fiat, & ut pulsatus liceat appellare.*

Si quis Clericus super quibuslibet criminibus pulsatus fuerit; in Provincia, in quæ confisist ille, qui pulsatur, suas exerat actiones: nec æstimet eum accusator suus alibi, aut longius pertrahen-

dum ad Judicium. Illi verò, qui pulsatus fuerit, si judicem suspectum habuerit, liceat appellare.

IX. *Salvo Sedis Apostolicæ Primatu, res Provincie cujusque Synodus Provincie dispensat.*

Salvo Romanæ Ecclesiæ in omnibus primatu, manifestum est, quod illa, quæ sunt per unamquamque Provinciam, ipsius Provincie Synodus dispense, sicut in Nicæno constat decretum esse Concilio.

X. *Omnis accusatio intra Provinciam audienda.*

Ultra Provincie terminos accusandi licentia non progrediatur. Omnis accusatio intra Provinciam audiatur, & à Comprovincialibus terminetur.

XI. *Quæ sæculi leges non admittunt, à Clericorum causis repellenda.*

Accusationes & accusatores, atque ea negotia, quæ sæculares non adficiunt leges, Divinâ ac Synodicâ funditus à Clericis repelli auctoritate censemus: quia indignum est superiores pati ab inferioribus, quæ inferiores ab eis pati despicunt.

XII. *Causæ ubi ortæ sunt finiendæ, salvo appellatione.*

Prudentissimè, justissimèque Nicæna, sive Africana decreta definierunt, quæcumque negotia in suis locis, ubi orta fuerint, finiendæ: maximè quia unicuique concessum est, si judicio offensus fuerit cognitorum, ad Concilium suæ Provincie, vel etiam universale provocare.

XIII. *Episcopi ejecti & spoliati, ante accusationem redintegrandi.*

Placuit, Episcopos ejectos, atque suis rebus exspoliatos, Ecclesias proprias primò recipere, & sua omnia eis reddi; & postea, si quis eos accusare vellet, æquo periculo facere. Judices esse decernentes, Episcopos recta sapientes, in Ecclesiam convenientes, ubi testes essent singulorum, qui oppressi videbantur.

XIV. *Ut Metropolitanus Episcopi causam sine Comprovincialibus, & Episcopus Presbyteri causam sine Clericis suis non audiat.*

Nullus Metropolitanus Episcopus, absque cæterorum omnium Comprovincialium

cialium Episcoporum instantia, aliquorum audiat causas eorum, quia irrita erunt, immò etiam causam in Synodo pro facto dabit. Nec reliquorum aliquis Episcoporum, suorum Sacerdotum causas audiat, absque præsentia Clericorum suorum: quia irrita erit sententia Episcopi, nisi præsentia Clericorum confirmetur.

XV. *Accusantium personam ante omnia discutiendam.*

Primò semper vita & persona accusantium diligenter inquiratur, & postea, quæ obijciuntur, fideliter pertractentur: quia nihil aliter fieri debet, nisi impetitorum prius vita discutiatur.

XVI. *Ut hi, quorum libertas nescitur, nequam accusent Sacerdotes.*

II, qui non sunt bonæ conversationis, vel quorum fides, & vitæ libertas nescitur, non possunt Sacerdotes accusare: nec viles personæ in accusationem eorum admittantur.

XVII. *Ut Criminosus accusandi vocem non habeat.*

II, qui in aliquibus criminibus irretiti sunt, vel qui sunt suspiciosi, vocem adversus majores natu non habeant accusandi, sed II, qui omni suspicione careant.

XVIII. *Nullus Episcopus alterius Parochianum retineat, ordinet vel judicet.*

Nullus Episcopus alterius Parochianum præsumat retinere, aut ordinare, absque ejus voluntate, vel judicare: quia sicut irrita erit ejus ordinatio, ita & judicatio: quoniam censemus nullum alterius judicis, nisi sui, sententiâ teneri. Nam qui eum ordinare non potuit, nec judicare ullatenus poterit.

XIX. *De peregrinis judiciis non recipiendis.*

Peregrina judicia generali sanctione prohibemus: quia indignum est, ut ab externis judicetur, qui Provinciales & à se electos debet habere judices.

XX. *Ut Episcopus extra Provinciam ad judicium non vocetur, eique provocare liceat, si judices suspectos habeat.*

Nullus Episcopus extra suam Provinciam ad judicium devocetur; sed vocato eo Canonice, in loco omnibus congruo, tempore Synodali, ab omnibus Comprovincialibus Episcopis audiatur;

II 3

qui concordem super eum, Canonicamque proferre debent sententiam. Quia si hoc minoribus tam Clericis, quam laicis concessum est, quanto magis de Episcopis servari convenit? Nam si ipse Metropolitanus, aut judices suspectos habuerit, aut infestos senserit; apud Primatem Diceceseos, aut apud Romanæ sedis Pontificem judicetur.

XXI. *Quales personæ ad accusationem non admittantur.*

Placuit, ut nullus servus, nullus libertus, nulla infamis persona Sacerdotem accuset. Omnes verò infames esse dicimus, quos leges sæculi infames appellant, & omnes, qui culpis exigentibus, ad Sacerdotium non possunt provehi. Indignum est enim, ut illi eos accusent, qui esse non possunt, quod ipsi sunt: quoniam sicut majores à minoribus non judicantur, ita nec criminari possunt.

XXII. *Ut accusatores præsentés adsint, & accusatis spatium detur ad ablucenda crimina.*

Placuit, ut nullus Episcopus quemquam Clericorum judicare, aut damnare præsumat, nisi accusatus legitimis accusatores præsentés habeat, locumque defendendi accipiat ad ablucenda crimina.

XXIII. *De Episcopis, qui ad Romanum appellant Pontificem.*

Placuit, si Episcopus accusatus appellaverit Romanum Pontificem, id statuendum, quod ipse censuerit.

XXIV. *Qui Clericum accusat, si probare non potest, infamie jacturam subeat.*

Si quis Episcopus, Presbyter, aut Diaconus, vel quilibet Clerici, apud Episcopos, quia alibi non oportet, à qualibet personâ fuerint accusati, quicumque fuerit ille, sive sublimis vir honoris, sive ullius alterius dignitatis, qui hoc genus illaudabilis intentionis arripuerit, noverit, docenda probationibus, monstranda documentis se debere inferre. Si quis verò circa hujusmodi personas non probanda detulerit, auctoritate hujus Sanctionis intelligat, se jacturam infamie propriæ sustinere; ut damno pudoris, exultationis dispendio, discat, sibi alienæ verecundiæ impunè insidiari, saltem de cætero non licere: sed qualem fratri



fratri paraverat damnationem , talem in se suscipiat.

XXV. *De Primatum & Metropolitanorum differentia.*

Nullus Archi Episcoporum, nisi qui primas Sedes tenent, appelletur Primas, aut Princeps Sacerdotum, aut Summus Sacerdotum, vel aliquid hujusmodi: sed tantum ille, qui in Metropoli sedet, aut Metropolitanus, aut Archi-Episcopus vocetur, & suum in Canonibus præfixum non excedens teneat cum humilitate modum. Et ille, qui primam sedem retinet, tantummodo primæ sedis appelletur Episcopus: salvâ semper in omnibus auctoritate Beati Petri Apostoli.

XXVI. *Judici omnia patienter audienda, quæ proponuntur, priusquam sententiam ferat.*

Judicantem oportet cuncta rimari, & ordinem rerum plena inquisitione discutere, interrogandi ac proponendi, adjiciendique patientia præbita ab eo, ut ibi actio partium limitata sit pleniter, nec prius litigantibus sua velit sententia obviare, nisi quando ipsi peractis omnibus jam nihil habuerint in quæstione, quod proponant: & tam diu actio ventiletur, quousque ad rei veritatem perveniatur. Frequenter ergo interrogari oportet, ne aliquid fortè prætermisissimum remaneat, quod annecti conveniat.

XXVII. *De iis, qui indiscussos potestate tyrannicâ damnant: & quod Episcopi, vel Presbyteri non debeant ab aliis judicari, nisi & à quibus ordinari.*

Sunt nonnulli, qui indiscussos potestate tyrannicâ non canonicâ auctoritate damnant; & sicut nonnullos gratia favoris sublimant, ita quosdam, odio invidiæque permoti humiliant, & levi opinionis aurâ condemnant, quorum crimina non adprobant. Ideoque communi decreto censemus, ut quodcumque aliquis Episcoporum criminatur, congregatis omnibus ejusdem Provinciæ Episcopis causa ejus audiat, ut non occultè judicetur vel condemnetur: qui ab aliis prius judicari non potest, nisi ab iis, à quibus ordinari potuit. Quod si aliter factum fuerit, nullas vires habebit.

XXVIII. *Ubi judicari debeant, qui adversus Episcopum, vel Metropolitanum causam habent.*

Si Clericus, vel Laicus, habuerit

causam adversus Episcopum proprium, vel adversus alterum, aut Episcopus adversus quemquam, apud Synodum Provinciæ judicetur. Quod si adversus ejusdem Provinciæ Metropolitanum Episcopus, vel Clericus habuerit querelam, petat Primatem Diœceseos, ut apud ipsum judicetur, aut apud Sedem Apostolicam.

XXIX. *Ut Episcopus accusatus, ab omnibus Comprovincialibus audiat.*

Si quis Episcopus super certis accusatur criminibus, ab omnibus audiat, vel judicetur, qui sunt in Provincia, Episcopis.

XXX. *De Episcopo, qui alterius Parochiarum ordinat, vel judicat.*

Si quis Episcopus judicaverit, vel ordinaverit alterius Parochianum sine consilio & voluntate Episcopi sui, oportet eum non sine increpatione in communi Concilio admitti, ita ut Ecclesiasticum ultra non solvat Canonem.

XXXI. *Ut eorum in accusatione, vel testimonio vox obstruatur, qui Divinis vocibus mortui sunt.*

Placuit, eorum accusandi Sacerdotes, & testificandi in eos, vocem obstruere, quos non humanis, sed Divinis vocibus mortuos esse scimus: quia vocem funestam potius intercedi, quam audiri oportet.

XXXII. *De non neganda appellatione accusato.*

Placuit, ut accusato, si Judicem suspectum habuerit, liceat appellare; quia non oportet negare audientiam roganti.

XXXIII. *Quod reis, qui de se confessi sunt, super alios non sit credendum.*

Non est credendum contra alios eorum confessioni, qui criminibus implicantur, nisi se prius probaverint innocentem: quia periculosa est, & admitti non debet rei adversus quemcunque confessio.

XXXIV. *Ut qui Judices suspectos habuerint, vocem appellationis exhibeant.*

Si quis Judicem adversum sibi miserit, vocem appellationis exhibeat: ut cum ei concessum fuerit, integro negotio apud alium Judicem amotis dilationibus possit audiri.

XXXV. *Quod omnibus, qui lite pulsati sunt, non alibi, quam in proprio foro iurgandum sit.*

Clericus, sive Laicus, si crimine, aut lite pulsatus fuerit, non aliubi, quam in foro suo provocatus audiatur.

XXXVI. *Ut appellantes nulla arceantur detentione.*

Appellantem non debet afflictio ulla, aut carceris, aut detentionis injuriæ custodia; si liceat appellatori vitiatam causam appellationis remedio sublevare.

XXXVII. *Quod etiam in causis criminalibus appellare liceat.*

Liceat etiam in causis criminalibus appellare: nec appellandi vox denegetur ei, quem in supplicium sententia destinavit.

XXXVIII. *In causis capitalibus absens accusare non potest, nec accusatus per alium defendi.*

In criminalibus causis, nec accusator, nisi per se, aliquem accusare potest, nec accusatus per aliam personam se defendere permittitur.

XXXIX. *De Constitutionibus contra Canones & Decreta, vel contra bonos mores conditis.*

Constitutiones, contra Canones & Decreta Præsumum Romanorum, vel bonos mores, nullius sunt momenti.

XL. *Ut non costringat Clericum sententia non à suo Iudice dicta.*

In Clericorum causa huiusmodi forma servetur, ut ne quemquam eorum sententia non à suo Iudice dicta costringat.

XLI. *De his, qui falsa aliis invogant.*

Oranis, qui falsa aliis intulerit, puniatur, & pro falsitate ferat infamiam.

XLII. *De provinciali Synodo retractanda per Vicarios urbis Romæ Episcopi.*

Ut provincialis Synodus retractetur per Vicarios Romani Pontificis, si ipse decreverit.

XLIII. *De iis, qui majores natu accusant.*

De iis, qui in accusationem majoris natu veniunt: & ut Episcopum nulli criminoso liceat accusare.

XLIV. *Quod in causâ capitali, vel in causâ statûs, non per Advocator, sed per ipsos agendum sit.*

Si quando in causa capitali, vel in causa statûs, interpellatum fuerit, non per Procuratores, sed per ipsos est agendum.

XLV. *Ut liceat majores Judices appellare, quoties necessitas ingruerit.*

Placuit, ut à quibuscumque Judicibus Ecclesiasticis ad alios Judices Ecclesiasticos, ubi major est auctoritas, fuerit provocatum, audientia non negetur.

XLVI. *Ut Metropolitanî Episcoporum causas, nisi præsentibus omnes fuerint Episcopi Comprovinciales, audire non præsumant.*

Si quis Metropolitanus Episcopus, nisi quod ad suam pertinet propriam solummodo Parochiam, sine consilio & voluntate omnium Comprovincialium Episcoporum extra aliquid agere tentaverit, gradûs sui periculo subjacebit, & quod egerit, irritum habeatur & vacuum: sed quicquid de Provincialium Coepiscoporum causis, suarumque Ecclesiasticarum & Clericorum, atque Sæcularium necessitatibus, agere aut disponere necesse fuerit, hoc cum omnium consensu Comprovincialium agatur Pontificum; non aliquo Dominationis fastu, sed humillima & concordia omnium administratione, sicut Dominus ait: *Non veni ministrari, sed ministrare.* Et alibi: *Qui major est vestrum, erit Minister vestri;* & reliqua. Similiter & ipsi Comprovinciales Episcopi cum ejus consilio, nisi quantum ad proprias pertinet Parochias, agant, juxta Sanctorum constituta Patrum: ut uno animo, uno ore concorditer Sancta glorificetur TRINITAS in Sæcula.

XLVII. *Quæ in laicis arguuntur, à Clericis respuantur.*

Quod in laicis reprehenditur id multo magis debet in Clericis prædarnari.

XLVIII. *De Contemptoribus Canonum, laicis, vel Clericis.*

Ut laici contemptores Canonum excommunicentur; Clerici vero honore priventur.

XLIX.



XLIX. *Delatores qui sint, & quâ pœnâ multandi.*

Delatori aut lingua capuletur, aut convicto caput amputerur. Delatores autem sunt, qui invidiâ produnt alios.

L. *De iis, qui in alterius famam, Scripturam aut verba contumeliosa confinxerint.*

Qui in alterius famam in publico Scripturam, aut verba contumeliosa confinxerit, & repertus scripta non probaverit, flagelletur: & qui ea prius invenerit, rumpat, si non vult auctoris facti causam incurere.

LI. *De eo, qui iratus crimen objicit, & postea retractat.*

Si quis iratus crimen aliquod cuilibet temerè objecerit, convictum non est pro accusatione habendum: sed permissio tractandi studio, id quod iratus dixit, per Scripturam se probaturum esse fateatur: aut si fortè resipiscens post iracundiam, quæ dixit, iterare aut scribere noluerit, non ut reus criminis habeatur.

LII. *Qui crimen objicit, probare debet: & ut causa ibi agatur, ubi crimen admissum est.*

Qui crimen objicit, scribat se probaturum revera: & ibi causâ agatur, ubi crimen admittitur: ut qui non probaverit, quod objicit, pœnam, quam intulerit, ipse patiatur.

LIII. *Ne iudices causam absentis personæ suâ sententia præsumant.*

Caveant iudices Ecclesiæ, ne absente eo, cujus causâ ventilatur, sententiam proferant: quia irrita erit, immò causam in Synodo pro facto dabunt.

LIV. *De eo, qui frequenter litigat, ut non suscipiatur absque examine.*

Ejus, qui frequenter litigat, & ad accusandum est facilis, accusationem nemo absque grandi examine recipiat.

LV. *Quòd Episcopi inter se corrigere, si quid ortum fuerit, debent.*

De accusationibus Episcoporum Constantinus Imperator inter cætera, sic ait: vestræ, inquit, accusationes tempus habebunt proprium, id est, diem magni iudicii: iudicem verò illum, qui tunc futurus est omnibus iudicare. Mihi ergo homini constituto de huiusmodi re-

bus non licet habere auditorium, Sacerdotum scilicet, accusantium simul, & accusatorum. Quos minimè convenit tales debere monstrari, qui iudicentur ab aliis, cum ab ipso Domino magis sint ipsi iudicandi: de quibus ait Propheta: *Deus stetit in Synagoga Deorum*: (a) *in medio autem Deos discernit.* Neque possunt humano condemnari examine, quos Deus suo reservavit iudicio. Et reliqua talia, & his similia.

LVI. *Summus Præsul à nemine iudicatur.*

Neque Præsul summus à quoquam iudicabitur: quia dicente Domino, *Non est discipulus super Magistrum.* (b)

LVII. *Ut Judex non ante reum condemnet, quam ipse confiteatur, aut per testes revincatur.*

Judex criminofum discutiens, non antè sententiam proferat capitalem, quàm aut reum se ipse confiteatur, aut per innocentis testes vincatur.

LVIII. *Injusta Episcoporum damnatio à Synodo retractanda.*

Irritam esse injustam Episcoporum damnationem: idcirco à Synodo retractandam.

LIX. *Quòd Ecclesiam suam relinquere nullus debeat.*

Ut ne quis, dum in ea durare poterit, qualibet necessitate suam relinquat Ecclesiam.

LX. *Ante iudicem, non suum, pulsatus taceat, si velit: & ut appellanti induciæ dentur.*

Pulsatus ante suum iudicem causam dicat; & non ante suum iudicem pulsatus, si voluerit taceat: & ut pulsatis, quoties appellaverint, induciæ dentur.

LXI. *De eo, qui contra suam subscriptionem venit.*

Si quis contra suam professionem, vel conscriptionem venerit, si Clericus fuerit, deponatur, si laicus anathematizetur.

LXII. *Falsum crimen adversus Episcopum, Presbyterum, Diaconem objicienti, nec in fine danda communicatio.*

Si quis Episcopum, aut Presbyterum, aut Diaconem falsis criminibus appeterit, & probare non potuerit; nec in fine dandam ei esse communionem.

LXIII.

(a) Psalmo LXXXI, 1.

(b) Luca VI, 40.

LXIII. *De libellis famosis.*

Si qui inventi fuerint libros famosi legere, vel cantare, excommunicentur.

LXIV. *Ut diebus Dominicis cause ab Episcopo non audiantur.*

Ut nullus Episcopus, vel infra positus, die Dominico causas judicare præsumat.

LXV. *De potente, si quem expoliaverit, ut ab Episcopo excommunicetur.*

Ut si quis potentem quemlibet expoliaverit, & admonente Episcopo non reddiderit, excommunicetur.

LXVI. *Ut nullus Clericus à suo recedat Episcopo.*

Ut nullus Clericus ab Episcopo suo recedat, & ad alium se transferat.

LXVII. *Ut criminibus implicati ad accusationem aut testimonium non admittantur.*

Homicidæ, malefici, fures, sacrilegi, raptores, venefici, adulteri, & qui raptum fecerint, vel falsum testimonium dixerint, seu qui ad fortilegos magis que cucurrerint, nullatenus ad accusationem vel testimonium erunt admittendi.

LXVIII. *Criminosi accusatio periculosa est, & admitti non debet.*

Qui crimen intendit, agnoscendum est, si ipse antè non fuit criminosus: quia periculosa est, & admitti non debet rei adversus quemcumque professio.

LXIX. *Miserorum ruinis qui succurrit, Dei à se removet vindictam.*

Occurrere quisque fidelium ruinis miserorum debet subsidio quo valet, & ex relevatione alienæ vindictæ à se Dei removere vindictam. Libat enim Domino prospera, qui ab afflictis pellit adversa.

LXX. *De periculo judicantium, & providentia eorum.*

Majus periculum est judicantis, quam ejus qui judicatur. Unde unicuique providendum est, ne aliquem injustè judicet, aut puniat.

LXXI. *De accusatione adversus Doctorem submovenda.*

Accusationes adversus Doctorem  
K k

nemo suscipiat: quia non potest humano condemnari examine, quem Deus suo Judicio reservavit.

LXXII. *De Presbyteris, Diaconibus & reliquis Clericis, ex decreto Sylvestri, & LXXXIV. Episcoporum.*

Presbyter non adversus Episcopum, non Diaconus adversus Presbyterum, aut Subdiaconus adversus Diaconum, non acolytus adversus Subdiaconum, non exorcista adversus acolytum, non lector adversus exorcistam, non ostiarius adversus lectorem det accusationem aliquam. Et non damnabitur Præsul, nisi in LXXII. testibus. Neque Præsul summus à quoquam judicabitur: quoniam scriptum est: *Non est discipulus super Magistrum.* Presbyter autem in cadine constitutus, non nisi in XLIV. testibus damnabitur. Diaconus Cardinarius constitutus urbis Romæ, nisi in XXVI. non condemnabitur. Subdiaconus, acolytus, exorcista, lector, nisi sicut scriptum est in VII. testibus, non condemnabitur. Testes autem finè aliqua sint infamia, uxores & filios habentes, & omnino Christum prædicantes.

LXXXIII. *Laici Testimonium adversus Clericum suscipi non debet.*

Testimonium Laici adversus Clericum nemo suscipiat.

LXXXIV. *Clericus in publico examinandus non est, sed in Ecclesia.*

Nemo enim Clericum quemlibet in publico examinare præsumat, nisi in Ecclesia, & reliqua.

LXXXV. *De Episcopis damnare volentibus eum, à quo sunt consecrati.*

Episcopi Pontifici, à quo consecrati probantur, præjudicium inferre nulum possunt. Quod si præsumptum fuerit, viribus carere non dubium est, nec posse inter Ecclesiastica ullo modo statuta censeri.

LXXXVI. *Ut nullus contra Religionem faciat.*

Non licet Imperatori, vel cuiquam pietatem custodienti, aliquid contra mandata Divina præsumere.

LXXXVII. *De Apostolicis & Canonis decretis minime violandis.*

Providendum est, ne in aliquo Aposto



Apostolica, aut Canonica decreta violentur.

LXXVIII. *De injusto Judicio, Principis metu vel jussu terminato, cassando.*

Injustum Judicium, & definitio injusta, regio metu vel jussu à Judicibus ordinata, non valeat.

LXXIX. *Quod hi, qui contra Patres armantur, Deo existant odiosi.*

Sic odit Deus eos, qui adversus Pa-

tres armantur, ut Patrum invasores, qui in omni mundo infamia notantur.

XXC. *Ut nullus regum hujus Canonis censuram in aliquo violare præsumat.*

Item generali decreto constituimus, ut execrandum anathema, & velut prævaricator Catholicæ fidei, apud Deum reus existat, quicumque Regum, vel potentum, deinceps Canonum censuram in quocunque crediderit, vel permiserit violandam.

BINIUS, SIRMONDUS.

## SYNODUS WORMATIÆ.

Anno Christi DCCLXXXVI. Hadriani Papæ XIV.  
Caroli Magni XVIII.

*Actio una. Exercitum Rex Carolus misit contra Rebelles in Britanniam, 2dò in Orientalem Franciam.*

**A**NNO Dominicæ Incarnationis DCCLXXXVI. Carolus misit exercitum suum partibus Britanniae unam cum misso suo Odulfo Principe Cacorum (a), ubi multa Castella acquisierunt Franci, & eorum Primates repræsentaverunt Wormatiam Regi in publico conventu.

*Regino L. II. Chron. Autor vitæ Caroli Magni. Ex bis, Harduinus Tom. III. Concil.*

*Fragmentum Annalium ex veteri cod. MS. Alexand. Petavii apud And. du Chesne Tom. II. Script. Franc.: Hanc alteram actionem Conventus Wormatiensis refert.*

Anno DCCLXXXVI. Rebellari conati sunt quidam Comites, nonnulli etiam nobilium in partibus Austriæ, (b) &

conjurantes invicem, quos poterant cogerunt, ut contra Carolum Regem insurgerent: quod factum multos exterruit, cumque prospicerent, quod opus nefandum implere non possent, neque opportunum tempus adesset, subito exterriti, latebras undique quasiere. Quo comperto Carolus Rex solita clementia omnia consilio regens jussit eos ad se venire.

Procedente autem tempore in mense Augusto apud Wormatiam Synodum Episcoporum, ac Conventum magnificum coire fecit. Ubi decernens, quod hi, qui potissimè in hac conjuratione devicti sunt, honore simul ac luminibus privarentur, atque exitio damnarentur: eos verò, qui innoxii in hac conjuratione seducti sunt, clementer absolvit.

Iisdem ferè verbis hoc deductum Concilium in veteri Chron. Canobii Moissiacensis: excepto, quod mense Aprili, non verò Augusto factum asserat. *Procedente tempore mense Aprili in Wormatia Synodum Episcoporum, ac Conventum magnificum coire fecit.*

Huic Wormatiensi Conventui Lullum Archi-Episcopum Moguntinum, Albuinum seu Wittam Episcopum Buraburgensem, alias Frideslaricensem, Bernwelfum Wurceburgensem interfuisse non dubitat Eckhartus Tom. I. pag. 714. 715. *Historia Francia.*

(a) Lego Cocorum seu Senescalco, Præfecto mensæ Regiæ & coquinæ Audulfo.

(b) Orientalis Franciæ Hartradus Princeps conjurationis contra Carolum Regem. *Annales Reuberiani. Eginhartus. Sigebertus apud Eckhartum Tomo I. pag. 712.*

CON-

## CONVENTUS WORMATIENSIS.

Anno Christi DCCLXXXVII. Hadriani Papæ XV.  
Caroli Magni XIX.

**C**AROLUS in civitate Wormatia positus servum Dei WILLEHADUM consecrari fecit Episcopum tertio Idus Julii, constituitque eum Pastorem atque Rectorem super Wigmodiam, & Laras, & Riustri, & Asterga, nec non Norden-di, & Wanga, ut inibi auctoritate Episcopali & præfesset populis, & uni cœperat,

doctrinâ salutari, operibusque eximiis speculator desuper intentus prodesse stude-ret. . . . Septem annis prius in eadem Presbyter est demoratus Parochia, (a) vocatus tamen Episcopus, & secundum quod poterat, cuncta potestate præfiden-tis ordinans.

*Vita Willehadi C. VIII. apud Mabillon. Sæculi III. Benedictini parte II. p. 409. Chronicon Moissiacense.*

Diploma Caroli Magni Spiræ Nemetum datur anno 788. Indiæ, XII. aliàs XI. apud Adamum Bremensem L. I. Historiæ Capite X. annos verò Incarnationis fortè Adamus, aut alius addidit Diplomati Carolino. Schatenus L. VIII. Historiæ Westphaliæ pag. 514. refert Diploma Ecclesiæ Bremensi concessum spiræ Nemetum anno 788. quod mox subjiciemus, quale invenimus.

## Actio secunda hujus Conventus Wormatiæ. Legatio ad Tassilonem:

*Exercitus in Bavariam missio: Tassilonis apud Lechfeld subjeçtio & deditio  
Tassilonis cum Carolo à tertio Romano itinere reverso.*

**C**AROLUS autem à Roma veniens, Synodum apud Wormaciam congregavit, & manifestavit Sacerdotibus, & Optimatibus Regni, qualiter versutia Tassilonis coram Summo Pontifice esset deprehensa: misit itaque cum consultu fidelium ad eundem Ducem monens, ut Apostolicis adhortationibus obediret, qui cùm noller, Rex exercitum partibus Bavariz movit, & venit in locum, qui dicitur Lechfeld super Augustam civitatem

cum valida manu. Tunc videns Tassilo se ex omni parte circumdatum, venit ad Carolum, tradens se manibus ejus ad servitium, & reddidit Ducatum sibi commissum à Pippino, & se in omnibus peccasse, & male egisse confessus est, & denudò renovans Sacramenta dedit XII. obfides, & filium suum I. Theodonem decimum tertium obsidem.

*Chronicon Reicherspergensæ ad h. annum.  
Regino in Chronico. Annales Reuberiani.*

(a) Hinc patet Wihonem, Guntherum, Ludgerum, aliosque Sæculo hoc octavo nondum consecratos, vocatos fuisse Episcopos, quia munia Episcopalia prædicando, baptizando, & Presbyteros in variis locis instituendo obierunt, certè Willehadus ab anno 780. Episcopus vocatur, licet non nisi hoc anno 787. consecratus fuerit Wormatiæ, *Nota Eckharti p. 721. loc. citato.*

CAROLI MAGNI DIPLOMA,  
DE BREMENSI ECCLESIA,

Cum præsentium Episcoporum CONSIGLIO commissa  
Willehado, ejusque Consecratione; de hujus Eccle-siæ dote, limitibus, à Carolo præstitutis.

**I**N nomine Domini, & Salvatoris nostri JESU CHRISTI, Carolus Di-vinâ ordinante providentiâ Rex. Si Do-mino Deo exercituum succurrente in bel-lis



lis victoriâ potiti sumus, in illo, & non in nobis gloriamur, & in hoc sæculo pacem, & prosperitatem, & in futuro perpetuæ mercedis retributionem nos promereri confidimus. Quapropter noverint omnes Christi fideles, quod Saxones, quos à progenitoribus nostris ob suæ pertinaciam perfidiæ semper indomabiles, ipsique Deo, & nobis tamdiu rebelles, quousque illius, non nostrâ virtute ipsos, & bellis vicimus, & ad Baptismi gratiam Deo annuente perduximus, pristinæ libertati donatos, & omni nobis debito censu solutos, pro amore illius, qui nobis victoriam contulit, ipsi tributarios, & subjugales devotè addiximus, videlicet, ut qui nostræ potestatis jugum hætenus ferre tractaverunt, victi jam (Deo gratias) & armis, & fide Domino, & Salvatore nostro Jesu Christo, & Sacerdotibus ejus, omnium suorum jumentorum, & fructuum, totiusque culturæ decimas, ac nutrituræ, divites, & pauperes legaliter constricti persolvant. Proinde omnem terram eorum antiquo Romanorum more in Provinciam redigentes, & inter Episcopos certo limite determinantes, Septentrionem illius darterem, quæ est piscium ubertate ditissima, & pecoribus alendis habetur apertissima, pio Christo, & Apostolorum suorum Principi Petro pro gratiarum actione devotè obtulimus: sibi in Wigmodia in loco *Bremun* vocato, super flumen Wirraham Ecclesiam, & Episcopalem statuimus cathedram. Huic Parochiæ decem Pagos subjecimus, quos etiam abjectis eorum antiquis vocabulis, & divisionibus, in duas redegitur Provincias, his appellantes nominibus, Wigmodiam, & Lorgoë. Insuper ad præfatæ constructionem Ecclesiæ in supra dictis Pagis LXX. mansos cum suis Colonis offerentes totius hujus Parochiæ incolas decimas suas Ecclesiæ, suoque Provisori fideliter persolvere, hoc nostræ Majestatis præcepto, jubemus, donamus, & confirmamus. Adhuc etiam summi Pontificis, & universalis Papæ Adriani præcepto, nec non & Moguntiacensis Episcopi Lullonis (a) omniumq; qui affuere Pontificum *CONSILIO*, eandem Bremensem Ecclesiam cum omnibus suis appendiciis Willehadeni ad paludem, coram Deo, & San-

ctis ejus commisimus. Quem etiam primum ejusdem Ecclesiæ III. Idus julii consecrari fecimus Episcopum, ut populis Divini semina verbi secundum datam sibi sapientiam fideliter dispensando, & novellam hanc Ecclesiam Canonico ordine, & monasteriali competentia utiliter instruendo, interim plantet, & riger, quousque precibus Sanctorum suorum exoratus, incrementum det Omnipotens Deus. Innotuit etiam idem venerabilis vir serenitati nostræ, eam, quam diximus, Parochiam propter barbarorum instantium pericula, seu varios eventus, qui in ea contingere solent, ad sustentacula, sive stipendia Dei servorum inibi militantium Deo, minimè sufficere posse. Quamobrem quia Deus omnipotens in gente Fresonum, sicut & Saxonum, ostium fidei aperuit, partem prænominatæ Regionis, videlicet Fresiæ, quæ contigua huic Parochiæ esse dignoscitur, eidem *Bremensi* Ecclesiæ, suoque provisori Willehadeni Episcopo, ejusque successoribus, perpetualiter delegavimus retinendam. Et quia casus præteritorum nos cautos faciunt in futurum, ne quis, quod non optamus, aliquam sibi in eadem Diocesi usurpet potestatem, certo eam limite fecimus terminari, eique hos terminos; mare Oceanum, Albiam fluvium, Liam, Steinbach, Hasalam, Wimarcham, Schneidbach, Ostam, Mulinbach, Motam paludem, quæ dicitur Sigefridesmor, Quistinam, Chesenmar, Aschbroch, Wifebroch, Bivernam, Uternam, iterumque Ostam, ab Hosta usque quo perveniatur ad paludem, quæ dicitur Caldenbach. Deinde ipsam paludem usque in Wempnam fluvium. A Wempnâ verò Bicinam, Farstrinam, usque in Wirraham fluvium. De hinc ab Orientali parte ejusdem fluminis viam publicam, quæ dicitur Hesseweg, Sturmege, & Lorgoë determinantem Sechbasam, Alapam, Caldowa, iterumque Wirham: ex Occidentali autem parte viam publicam, quæ dicitur Foloweg, Derve, & Lorgoë dividentem, usque in Huntam flumen. Deinde ipsum flumen, & Amrivum lucum Sylvestrem, quem incolæ loci Wildloch nominant, Finolam, Waldesmoer, Berepol, Edendeni ad paludem, Emisge, & Osterge determinantem, Brustlacho, Biberlach, ite-

(a) Insinuatur Concilium Wormaticense III. Idus Julii anni 787.

iterumque mare, firmos, & intransgressibiles circumscribi iussimus. Et ut hujus donationis, ac circumscriptiois auctoritas nostris, futurisque temporibus Domino protegente valeat inconvulsa manere, manu propria subscripsimus, & annuli nostri impressione signari iussimus.

Hildebaldus Archi-Episcopus Colonienfis, & sacri Palatii Capellanus recognovi. Data II. Idus Julii, anno Dominicæ Incarnationis DCCLXXXVIII. Indictione. XII. Anno autem Regni Domini Caroli XXI. Actum in Palatio Nemerensi feliciter. Amen.

(†) SIGNUM DOMINI CAROLI  
REGIS INVICTISSIMI.

Adamus Bremenſis *Hiſtoria Eccleſiaſtica* Cap. X. teſtatur ſe hoc præceptum Carolinum ex Eccleſia Bremenſi hauſiſſe & deſcripſiſſe: editum à Lindenbruchio anno 1595. Mabillon. recudit in *Actis Sanctorum Ordinis S. Benediſti Sæculi III. Parte II. pag. 403.* In ſubſcriptione legit annum 789. pro 788. ſic congrui Indiſt. XII. & annus 21. Adamus Regni. ADDIT, annum Incarnationis teſte ab Adamo, aliòve Librario adjectum fuiſſe huic Diplomat.

*Schatenus L. VIII. Historia Westphaliae* authenticam Diplomatis tueretur non spernendis argu-  
mentis.

2do. Exsi hoc Diploma anno 789. datum fuerit, refert se tamen ad Synodum Wormatiensem antecedentem anno 787. celebratam, cujus mentionem disertam facit.

# CONSTITUTIO DE SCHOLIS (a) PER SINGULA EPISCOPIA ET MONASTERIA INSTITUENDIS.

*ADMONITIO.*

*Laborasse Carolum Magnum, ut instarentur in Galliis studia litterarum, & Scholæ publicæ instituerentur, testantur, ut de aliis nihil dicam, Concilium Cabilonense II. Cap. 3. & Parisiense sub Ludovico pio Libro III. Cap. 12. Qui ejus vitam scripsit, Monachus Engolismensis, Autor est, in eam maxime curam incubuisse post tertium iter Romanum, cum ab urbe grammaticos adduxisset, anno septingentesimo octogesimo septimo. Nec dubium, quin multæ Caroli hæc de re fuerint Leges atque Capitula. Epistolæ hæc de numero est illarum, quæ generales dicebantur, quod uno exemplo, paucis mutatis, ad diversos mitterentur Metropolitanos, Episcopos, Abbates, & alios, ut res postulabat. Sed in hac nostra, quæ ad Baugulfum (b) Fulde Abbatem missa est, scrinarii oscitantia obrepit, ut nonnulla sub finem hæserint, quæ mutari oportebat, ut, quæ Metropolitanò conveniant, non Abbati. Sic enim habet in codice Sancti Arnulfi Metensis, ex quo deprompta est.*

*Hæc Admonitio est Jacobi Sirmondi Soc. Jesu.*

**C**AROLUS gratia Dei Rex Franco-  
rum, & Longobardorum, ac Pa-  
tricius Romanorum, BAUGULFO Ab-  
bati, & omni Congregationi, tibi etiam  
fidelibus commissis oratoribus nostris, in  
omnipotentis Dei nomine amabilem di-  
reximus salutem. Notum igitur fit Deo  
placitæ devotioni vestræ, quia nos unâ

cum Fidelibus nostris confideravimus  
utile esse, ut Episcop<sup>ia</sup> (c) & Monaste-  
ria nobis Christo propitio ad gubernan-  
dum commissa, præter regularis vitæ  
ordinem, atque Sanctæ Religionis con-  
versationem, etiam in litterarum medi-  
tationibus, eis, qui donante Domino  
discere possunt, secundum uniuscujusque  
expa-

K k 3

expa-

- (a) Scholæ trium generum erant Sæculo VIII. Palatinæ in Regis Palatio sub Archi-Capellano. Episcopales apud Ecclesiâ Cathedralẽ sub Episcopis. Monachales sub Abbatibus. In Monasteriis Scholæ internæ & externæ.
- (b) Baugulfus, secundus Fuldenfis Abbas à morte Sturmii electus anno 780. renuntiat anno 802. *Ex Schannati Historia Fuldenfis Parte III.*
- (c) Igitur similis formæ Encyclica Epistola ad omnes Episcopos intra Regnum Carolinum habitantes scripta fuit, uti ad Abbatẽ Fuldensem, & reliquos Abbates Prædices studiorum Monasticorum.




capacitatem, docendi studium, debeant impendere; qualiter sicut regularis norma honestatem morum, ita quoque docendi & discendi instantia ordinet, & ornet seriem verborum; ut, qui Deo placere appetunt rectè vivendo, ei etiam placere non negligant rectè loquendo. Scriptum est enim: *Aut ex verbis tuis (d) justificaberis, aut ex verbis tuis condemnaberis.* Quamvis enim melius sit benè facere, quàm nōsse; prius tamen est nōsse, quàm facere. Debet ergo quisque discere, quod optat implere; ut tanto uberius quid agere debeat, intelligat anima, quanto in omnipotentis Dei laudibus sine mendaciorum offendiculis currerit lingua. Nam cum omnibus hominibus vitanda sint mendacia, quantò magis illi secundum possibilitatem declinare debent, qui ad hoc solummodo probantur electi, ut servire specialiter debeant veritati: nam cum nobis in his annis à nonnullis Monasteriis sæpius scripta dirigerentur, in quibus, quod pro nobis fratres ibidem commorantes in sacris & piis orationibus decertarent, significaretur, cognovimus in plerisque præfatis conscriptionibus eorundem & sensus rectos, & sermones *incultos*: quia quod pia devotio interius fideliter dictabat, hoc exterius, propter negligentiam discendi, lingua inerudita exprimere sine reprehensione non valebat. Unde factum est, ut timere inciperemus, ne fortè, sicut minor erat in scribendo prudentia, ita quoque & multo minor esset, quàm rectè esse debuisset, in Sanctarum Scripturarum ad intelligendum sapientia. Et bene novimus omnes, quia

(d) Matthæi XII, 37.

quamvis periculosi sint errores verborum, multò periculosiores sunt errores sensuum. Quamobrem hortamur vos, litterarum studia non solum non negligere, verum etiam humilimà & Deo placitâ intentione ad hoc certatim discere, ut facilius & rectius Divinarum Scripturarum Mysteria valeatis penetrare. Cum autem in sacris paginis schemata, tropi, & cætera his similia inserta inveniantur, nulli dubium est, quod ea unusquisque legens tanto citius spiritaliter intelligat, quanto prius in litterarum magisterio plenius instructus fuerit. Tales verò ad hoc opus viri eligantur, qui & voluntatem & possibilitatem discendi, & desiderium habeant alios instruendi. Et hoc tantum eâ intentione agatur, quâ devotione à nobis præcipitur. Optamus enim vos, sicut decet Ecclesiæ milites, & interius devotos, & exterius doctos, castosque bene vivendo, & scholasticos bene loquendo, ut quicumque vos propter nomen Domini & Sanctæ conversationis nobilitatem ad videndum experierit, sicut de aspectu vestro ædificatur visus; ita quoque de sapientia vestra, quam in legendo seu cantando perceperit instructus, omnipotenti Domino gratias agendo gaudens redeat. Hujus itaque Epistolæ Exemplaria ad omnes Suffragantes, tuosque Coepiscopos, & per universa Monasteria dirigi non negligas, si gratiam nostram habere vis. Nullus Monachus foris Monasterio judiciaria teneat, nec per mallos, & publica placita pergat. Legens valeat.

Baluzius Tomo I. Capitularium pag. 201.



## SYNODUS IN INGELHEIM, DIOECESIS MOGUNTINÆ.

Anno Christi DCCLXXXVIII. Hadriani Papæ XVI.  
Caroli Magni XX.

*ACTIO. Finalis Sententia Caroli in Tassilonem Monasterio  
includendum.*

**I**N Suburbano Moguntino, in Villa, celebravit, cum in eadem villa generalem populi sui Rex decrevisset fieri Conventum, ac Tassilonem Ducem, sicut &

cæteros vassos suos in eodem adesse jussisset, atque ille, ut ei fuerat imperatum, ad Regis præsentiam pervenisset, crimine læsæ Majestatis à Bajoariis accusatus est. Objiciebant ei, quod, postquam filium suum obsidem Regi dederat (*anno superiore*) suadente conjuge sua Luiburgâ, quæ filia Desiderii Regis Longobardorum fuit, & post Patris exilium (*a*) Francis inimicissima semper extitit, in adversitatem Regis, & ut bellum contra Francos susciperent, Hunnorum gentem concitaret. Quod verum fuisse rerum in eodem anno gestarum probavit eventus. Objiciebantur ei & alia complura, & dicta, & facta, quæ nonnisi ab inimico & irato, vel fieri, vel proferri poterant, quorum ne unum quidem inficiari cœpit. Sed noxæ convictus uno omnium assensu, læsæ Majestatis reus

capitali sententiâ damnatus est. Sed clementia Regis, licet morti addictum, liberare curavit detrusione in Monasterium. Postulavit autem Tassilo (*b*) magnis precibus, ut non ibidem in Palatio tonderetur, propter confusionem videlicet atque opprobrium, quod à Francis habere videbatur. Rex ejus precibus adqueiescens, ad S. Goarem transiit, & ibidem Clericus factus est pridie Nonas Julias, & exinde exiliatus est ad Cœnobium, quod vocatur *Gemmeticum*.

Filius ejus Theodo (& alter filius Theotbertus) ad B. Maximinum comam capitis sui deposuit, & ipsius uxor Luitburga velamen sibi imposuit, & filias ejus unam ex illis transiit ad *Cala* Monasterio, & aliam ad *Lauduno* Monasterio.

*Hæc ex Annalibus Reuberianis, Nazarianis apud Duchesne Tomo II. Scriptorum Franc. item ex Fragmento Petuviano apud eundem Duchesne in unam seriem collegimus, & digestimus.*

(*a*) Desiderium Regem Longobardorum, & Ansam Conjugem anno 774. captos, & in Franciam missos fuisse certum est.

(*b*) Tassilonem apud S. Goaris tonsum, deinde Fuldensi Monasterio, demum Laureshamensi Monasterio creditum, & in hoc sepulchrum censet *Eckhart. Hist. Franc. L. XXV. §. XXIV.* Filios autem ex S. Maximino Gemeticum forte cum Patre translatos fuisse, idem autumat.

*Mabillonii Nota.* Tassilo Nepos Caroli Martelli, & consobrinus Caroli Magni, tam religiosè vixit in Monasterio, quam libens intravit, teste *Eginharto*: Signum veræ penitentiae hujus viri fuit humilis deprecatio culpæ, facta in Concilio Francofurtensi anno 794, ut ex ejus actis Cap. III. constat: Hinc licet non inter Sanctos, attamen pios, & religioso fine vitæ coronatos, refertur: & Gemmetici verò similiter defunctus est vitâ. *Sæculo III. Altorum Ord. S. Benedicti Parte II. pag. 443.*

Simili felici exitu in monasterio Corbejæ Franciæ Desiderium Longobardorum Regem, Socerum Tassilonis, anno 774. captâ papiâ Carolo deditum, vitam absolvisse adnotat *Mabillon. Loca citata ex Hepidanno San-Gallensi Scriptore.*

# CAROLI MAGNI

## REGIS

## CAPITULARE

AQUISGRANENSE, SIVE EDICTUM LEGATIONIS, QUOD IN AQUISGRANI PALATIO DATUM EST DIE X. KALENDAS APRILES, ANNO CHRISTI DCCXXCIX. INDICTIONE XII. ANNO HADRIANI PAPÆ XVIII. CAROLI EJUSDEM REGIS XXI.

*Nunc primum (a) in Lucem editum ex MS. Codice Aquitanico.*

## TITULI CAPITULORUM.

1. De his, qui ab Episcopo proprio excommunicantur.

2. De

(a) Primus edidit hoc Capitulare Vitus Amerpachius anno 1545. Ingolstadtii in 8vo. Recudit in



2. De his, qui ad ordinandum veniunt.
3. De Clericis fugitivis & peregrinis.
4. De Presbyteris, Diaconis, vel his, qui in Clero sunt.
5. De usuris.
6. De Presbyteris missas cantantibus, & non communicantibus.
7. De his, qui à Synodo, vel à suo Episcopo damnati sunt.
8. De suffraganeis Episcopi.
9. De Chorepiscopis.
10. De Episcopis, vel quibuslibet ex Clero.
11. De ordinationibus, vel quibuslibet negotiis.
12. De cura Episcoporum.
13. De Provincialibus Episcopis.
14. De Monachis & Clericis.
15. De die Dominica, qualiter servanda est.
16. De ignotis Angelorum nominibus.
17. De mulieribus, ne ad altare accedant.
18. De maleficiis vel incantatoribus.
19. De Episcopis, ubi non oporteat eos constitui.
20. De libris Canonici.
21. De Episcopis ordinandis, vel quibuslibet ex Clero.
22. De Monachis, & Clericis, & Presbyteris.
23. De servis alterius non sollicitandis.
24. De stabilitate Episcoporum vel Clericorum.
25. De Presbyteris non absolute ordinandis.
26. De proposito Monachorum & Clericorum.
27. De Monachis, qui ad Clericatum provebuntur.
28. De negotio Clericorum inter se.
29. De conspiratione Clericorum vel Monachorum.
30. De accusatione Laicorum contra Episcopos.
31. De Monasteriis Deo dicatis.
32. De fide Sanctæ Trinitatis prædicanda.
33. De avaritia.
34. De his, qui se convertunt ad Deum.
35. De his, qui non sunt bonæ conversationis.
36. De his, qui excommunicato communicaverint.
37. De subjectione Presbyterorum.
38. De Clericis Ecclesiastici ordinis.
39. Ut Clerici non sint Usurarii.
40. De Virginibus Deo dicatis.
41. De Principali Cathedra Episcoporum.
42. De falsis nominibus Sanctorum.
43. De uxore à viro dimissa.
44. De iudicibus à Metropolitano probatis.
45. De accusatione vilium personarum.
46. De virginibus velandis.
47. De oblatiis pauperum.
48. De Jejunis à Sacerdotibus constitutis.
49. De his, qui contra naturam peccant.
50. De Presbyteris, quo tempore ordinentur.
51. De sponsa alterius.
52. De Monachis & Virginibus propositum non servantibus.
53. De pace danda.
54. De nominibus recitandis.
55. De Canonum institutis à Presbyteris non ignorandis.
56. De Clericis alterius Episcopi.
57. De servis alterius.
58. De Sacerdotibus contra decretalia agentibus.
59. De Viduis, ne velentur.

## ITEM ALIA CAPITULA.

60. De fide Catholica, & primo præcepto legis.
61. De pace & concordia servanda.
62. De iudicibus.
63. De perjuriis.
64. De Auguriis, vel aliis maleficiis.
65. De odio, vel invidia.
66. De avaritia vel concupiscentia.
67. De homicidiis.
68. De furtis, & iniustis connubiis, & falsis testimoniis.
69. De honore parentum.

70. De

410 Joannes Buseus Soc. Jesu Moguntia anno 1602. in 4to. Recudit tertio Melchior Goldastus Haiminsfeldius, Francofurti in Folio anno 1613, in *Collectione Consuetudinum & Legum Imperialium* pag. 104. Eadem Capitula Ansegisus Lib. I. suæ collectionis ab initio ad N. 82. inseruit: quos Ansegisi Libros IV. edidit Francofurti Petrus Lindenbrogius 1613; præter Ansegisi Abbatis Libros, Baluzius edidit hoc Capitulare anni 1689. unâ cum fontibus Canonici, ex quibus singula Capita desumpta sunt: secutus SIRMONDUAU, qui anno 1629. primum è codice MS. Aquitanico hoc Capitulare unâ cum fontibus, ex quibus singula Capitula desumpta fuerunt. *Tomo II. Conciliorum Gallicæ* pag. 129. & seqq. vulgavit. Idem extat in Codice Palatino Bibliothecæ Vaticanæ indicante Cl. Schannato.

70. *De fide Presbyterorum ab Episcopis discutienda.*  
 71. *De honore Ecclesiæ Dei.*  
 72. *De Ministris Altaris Dei, & de schola.*  
 73. *De voto Monachorum, & de Clericatu.*  
 74. *De mensuris & ponderibus.*  
 75. *De susceptione hospitum.*  
 76. *De Abbatissis contra morem Ecclesiæ facientibus.*

77. *De Clericis, qui se fingunt esse Monachos.*  
 78. *De Pseudographis & dubiis narrationibus.*  
 79. *De mangonibus, & nudis cum ferro.*  
 80. *De cantu Romano, à Monachis peragendo.*  
 81. *De operibus servilibus, quæ diebus Dominicis non sunt agenda.*  
 82. *De prædicatione Episcoporum, ac Presbyterorum.*

## P R Æ F A T I O.

**R**egnante Domino nostro JESU CHRISTO in perpetuum. Ego Karolus gratiâ Dei, ejusque misericordiâ donante, Rex & Rector Regni Francorum, & devotus Sanctæ Dei Ecclesiæ Defensor, humilisque Adjutor, omnibus Ecclesiasticæ pietatis ordinibus, seu sæcularis potentiae dignitatibus, in Christo Domino, Deo æterno, perpetuæ pacis & beatitudinis salutem. Considerans pacifico piæ mentis intuitu, unâ cum Sacerdotibus & Consiliariis nostris, abundantem in nos, nostrumque populum Christi Regis clementiam, & quam necessarium est, non solum toto corde & ore ejus pietati agere gratias incessanter; sed etiam continua bonorum operum exercitatione ejus insistere laudibus: quatenus, qui nostro Regno tantos contulit honores, suâ protectione nos, nostrumque Regnum in æternum conservare dignetur. Quapropter placuit nobis, vestram rogare solertiam, ô Pastores Ecclesiarum Christi, & Ductores gregis ejus, & clarissima mundi luminaria, ut vigili curâ, & sedulâ admonitione populum Dei per pascua vitæ æternæ ducere studeatis, & errantes oves bonorum operum exemplo, seu adhortatione, humeris intra Ecclesiasticæ firmitatis muros reportare satagatis; ne lupo insidians aliquem, Canonicas Sanctiões transgredientem, vel paternas traditiones universaliū Conciliorum excedentem, quod absit, inveniens devoret. Ideo magnæ devotionis studio admonendi & adhortandi sunt, immò compellendi, ut firmâ fide, & infatigabili perseverantiâ,

intra paternas Sanctiões se contineant. In quo operis studio sciat certissimè Sanctitas vestra, nostram vobis cooperari diligentiam. Quapropter & nostros ad vos direximus missos, qui ex nostri nominis auctoritate unâ vobiscum corrigerent, quæ corrigenda essent. Sed & aliqua capitula ex Canonicis Institutionibus, quæ magis vobis necessaria videbantur, subjunximus. Ne aliquis, quæso, hujus pietatis admonitionem esse præsumptiosam judicet, qua nos errata corrigere, superflua abscindere, recta coartare studuimus: sed magis benevolæ caritatis animo suscipiat. Nam legimus in Regnorum libris, quomodo Sanctus Josias regnum sibi à Deo datum circum-eundo, corrigendo, admonendo, ad cultum veri Dei studuit revocare. Non ut me ejus Sanctitati æquiparabilem faciam, sed quòd nobis sint ubique Sanctorum semper exempla sequenda, & quoscumque poterimus, ad studium bonæ vitæ, in laudem, & in gloriam Domini nostri JESU CHRISTI, congregare necesse est. Quapropter, ut prædiximus, aliqua Capitula notare iussimus, ut simul hæc eadem vos admonere studeatis, & quæcumque vobis alia necessaria esse scitis: ut & ista, & illa æquali intentione prædicetis; nec aliquid, quod vestræ Sanctitati, populòque Dei utile videtur, omitatis, ut pio studio nos admoneatis: quatenus, ut & vestra solertia, & subditorum obedientia æternâ felicitate ab Omnipotente Deo remuneretur.

*I. De his, qui ab Episcopo proprio excommunicantur.* OMNIBUS.

**S**unt enim aliqui, qui culpis exigentibus ab Episcopo proprio excommunicantur, & ab aliis Ecclesiasticis

vel Laicis præsumptiosè in communionem accipiuntur: quod omnino sanctum Nicænum Concilium, simul & Chalche-



Chalchedonense, nec non & Antiochenum, atque Sardicense fieri prohibent.

De his, qui excommunicantur, (a) sive Clerici, sive laici, ab Episcopis per suas quasque Parochias, servetur ista sententia, ut ii, qui ab aliis excommunicantur, ab aliis non recipiantur. Requiritur sanè, ne fortè pro aliqua indignatione animi, aut contentione, aut qualibet tali conuotione stomachantis Episcopi, abjecti sint. Ut ergo hæc digna possint examinatione perquiri, rectum esse visum est, per singulos annos in singulis quibusque Provinciis bis in anno Episcoporum Concilia fieri: ut simul omnes in unum convenientes ex universa Provincia, ejusmodi examinent quæstiones: ut ita demum, qui ob culpas suas Episcoporum suorum offensam merito contraxerunt, dignè etiam à cæteris excommunicati similiter habeantur; usque quo vel in commune omnibus, vel ipsi Episcopo suo fuerit visum, humaniorem circa eos tenere sententiam. Agantur autem Concilia, semel quidem ante dies Quadragesimæ; ut omnibus, si quæ sunt, simulatibus amputatis, mundum Deo solemne munus possit offerri. Secundò verò agatur circa Autumni tempus.

Non (b) autem liceat communicare excommunicatis: neque per domos ingredi, & cum eis orare, qui Ecclesiæ non participant: nec in alteram Ecclesiam recipi, qui ab aliâ segregantur. Quod si visus fuerit quilibet Episcoporum, vel presbyterorum, aut Diaconorum, vel etiam, qui in Canone detentus, excommunicatis communicare; & hunc oportet communionem privari, tanquam Ecclesiæ regulas confundentem.

Si quis (c) à proprio Episcopo excommunicatus est, non eum prius ab aliis debere suscipi, nisi à suo fuerit receptus Episcopo, aut Concilio factò occurrat & respondeat: & si Synodo satisfecerit, & statuerit, sub alia sententia recipi oportet.

tere. Quod etiam circa Laicos & presbyteros & Diaconos, & omnes, qui in Clero sunt, convenit observari.

Hofius (d) Episcopus dixit: Hoc quoque omnibus placeat, ut sive presbyter, sive Diaconus, sive quis Clericorum, ab Episcopo suo communionem fuerit privatus, & ad alterum Episcopum perrexerit, & scierit is, ad quem confugit, eum ab Episcopo suo fuisse abjectum, non oportet, ut ei communionem indulgeat. Quod si fecerit, sciat se convocatis Episcopis causas esse dicturum. Universi dixerunt: Hoc statutum & pacem servabit, & concordiam custodiet.

## II. De his, qui ad ordinandum veniunt. AD SACERDOTES.

Item habetur in eodem Concilio, ut eorum, qui ad ordinandum veniunt, fides & vita prius ab Episcopo diligenter discutiatur, & sic ordinentur.

Si qui (e) sine examinatione provecti sunt presbyteri, & examinati confessi sunt peccata sua, & cum confessi sunt, contra regulam venientes homines manus eis temerè imposuerunt, hos Ecclesiasticus ordo non recipit. In omnibus enim, quod irreprehensibile est, Catholica defendit Ecclesia.

## III. De Clericis fugitivis & peregrinis. OMNIBUS.

Item in eodem Concilio, nec non & in Antiocheno, simul & Chalchedonense, ut fugitivi Clerici & peregrini à nullo recipiantur, nec ordinentur sine commendatitiis literis, & sui Episcopi, vel Abbatibus licentia.

Si qui (f) sine respectu agentes, & timorem Dei ante oculos non habentes, neque Ecclesiastica statuta custodientes, recesserint ab Ecclesiâ suâ, sive presbyteri, sive Diaconi, sive in quocunque ordine Ecclesiastico positi fuerint, hi nusquam suscipi debent in alia Ecclesiâ, sed cum omni necessitate cogantur,

ut

[a] Concilium Nicænum c. 5.

(b) Concil. Antiochenum can. 2.

(c) Concil. Antioch. can. 6.

(d) Conc. Sardic. can. 16.

[e] Conc. Nicæn. can. 9.

(f) Conc. Nicæn. c. 16.

ut redeant ad Ecclesias suas : aut si permanferint; excommunicatos eos esse oportet. Si quis autem aufus fuerit, aliquem, qui ad alterum pertinet, ordinare in suam Ecclesiam, cum non habeat consensum Episcopi illius, à quo recessit Clericus suus, irrita sit huiusmodi ordinatio.

Si quis (g) Presbyter, vel Diaconus, vel quilibet Clericus, defertà suà Ecclesià, ad aliam transeundum esse crediderit, & ibi paulatim tentat, quò migravit, perpetuò permanere, ulterius ministrare non debet: præsertim, si ab Episcopo suo ad revertendum fuerit exhortatus. Quòd si & post evocationem sui Episcopi non obaudiat, sed perseveraverit, omnibus modis ab officio deponi debere, nec aliquando spem restitutionis habere. Si quem verò post hanc culpam depositus alius Episcopus susceperit, & ipse à communi Synodo poenam merebitur increpationis, tamquam Ecclesiastica Jura dissolvens.

Peregrinos (b) Clericos & Lectores in aliena civitate, sine Synodici litteris Episcopi sui, penitus nusquam ministrare posse.

#### IV. De Presbyteris, Diaconibus, vel his, qui in Clero sunt.

##### AD SOLOS SACERDOTES.

Item in eadem Synodo interdictum est Presbyteris, & Diaconibus, vel omnibus, qui in Clero sunt, mulierem non habere in domo suà, propter suspicionem, nisi matrem, aut sororem, vel eas tantum personas, quæ suspensiones effugiant.

De (i) suspectis verò, omnimodis interdicat Sancta Synodus; neque Episcopo, neque Presbytero, neque Diacono, neque omnino ulli Clericorum, habere secum mulierem extraneam: nisi fortè mater sit, aut soror, aut avia. In his namque personis, & harum similibus, omnis suspicio declinatur. Qui autem præter hæc agit, periclitabitur de Clero suo.

#### V. De Usuris. OMNIBUS.

Item in eodem Concilio, seu in decretis Papæ Leonis, nec non & in Canonibus, qui dicuntur Apostolorum, ficut & in lege ipse Dominus præcepit, omnino omnibus interdictum est, ad usuram aliquid dare.

Quoniam multi Cleri (k) avaritiæ causa turpia lucra sectantes; obliisque Divini præcepti, quod dicit: *Qui pecuniam suam non dedit ad usuram*, feneratoribus centesimas exigunt; statuit hoc Sanctum Concilium, ut si quis inventus fuerit, post hanc definitionem usuras accipere, vel ex quolibet tali negotio turpia lucra sectari, vel etiam species frugum ad sexcuplum dare, omnis, qui tale aliquid commentus fuerit ad quæstum, abscindatur ex Clero, & alienus ab Ecclesiastico habeatur gradu.

Episcopus, Presbyter, aut Diaconus usuras à debitoribus exigens, aut definat, aut certe damnetur.

#### VI. De Presbyteris Missas cantantibus, & non communicantibus. AD SACERDOTES.

Auditum est, aliquos Presbyteros Missam celebrare & non communicare, quod omnino in Canonibus Apostolorum interdictum esse legitur: vel quomodo dicere rectè potest, si non communicaverit: Sumpsimus Domine Sacramenta? Hæc verò per singula capita in Statutis Nicæni Concilii legere potestis, seu & in aliis Sanctorum Patrum Synodalibus institutis, vel edictis.

Si quis Episcopus, (l) aut Presbyter, aut Diaconus, vel quilibet ex Sacerdotali Catalogo, factà oblatione non communicaverit; aut causam dicat, ut si rationalis fuerit, veniam consequatur; aut si non dixerit, communionem privetur, tamquam qui populo causa læsionis extiterit, dans suspensionem de eo, qui sacrificavit, quòd rectè non obtulerit.

#### VII.

Ll 2

(g) Conc. Antioch. can. 3.

(i) Conc. Nicæn. can. 3.

(l) Canon. Apostol. 9.

(b) Conc. Chalcedon. can. 13.

(k) Conc. Nicæn. can. 17.



*VII. De his, qui à Synodo, vel à suo Episcopo damnati sunt.*

OMNIBUS.

In Antiocheno Concilio, quodd his, qui damnati sunt à Synodo, vel à suo Episcopo, & postea ministrare præsumunt, præcipitur, ut nullus audeat communicare: si quis verò eis communicaverit, simili sententiæ subiaceat, sicut & damnatus.

Si quis Episcopus à Synodo, (m) vel Presbyter, vel Diaconus à proprio Episcopo fuerit exautoratus, & præsumpserit ministerii quippiam; non ei amplius liceat; neque in alià Synodo spem restitutionis habere, neque assertionis alicujus locum: sed & communicantes ei, omnes abjiciantur ab Ecclesià: & maximè, si postquam cognoverunt sententiam adversus eum prolatam, contumaciter communicaverint.

*VIII. De Suffraganeis Episcopis.*  
EPISCOPI.

Item in eodem Concilio, ut ad Metropolitanum Episcopum Suffraganei respiciant; & nihil novi audeant facere in suis Parochiis sine conscientia & consilio sui Metropolitanì, nec Metropolitanus sine eorum consilio.

Per singulas (n) Provincias Episcopos constitutos scire oportet, Episcopum Metropolitanum, qui præest curam & sollicitudinem totius Provinciæ suscepisse. Propter quod ad Metropolitanam civitatem ab his, qui causas habent, sine dubio concurratur. Quapropter placuit, eum & honore præire, & nihil ultra sine ipso reliquos Episcopos agere, secundum antiquam Patrum nostrorum, quæ obtinuit, regulam; nisi hæc tantum, quæ uniuscujusque Ecclesiæ per suam Dicecesim competunt. Unumquemque enim Episcopum oportet potestatem habere suæ Dicecesis ad hanc gubernandam secundum competentem sibi reverentiam, ad providendum regioni, quæ subest ipsius civitati. Ita, ut etiam ordinare ei Presbyteros, & Diaconos probabili iudicio liceat;

& de singulis moderatione & pondere disceptare: ultra autem nihil agendum permittitur citra Metropolitanì Episcopi conscientiam.

*IX. De Chor-Episcopis.*

SACERDOTIBUS.

Item in eodem Concilio, simul & in Ancyronensi, ut Chor-Episcopi cognoscant modum suum, & nihil faciant absque licentià Episcopi, in cujus Parochià habitant.

Qui in fundis (o) & villis constituti sunt Chor-Episcopi, tamen manibus impositiones ab Episcopis susceperunt, & ut Episcopi consecrati sunt, placuit Sanctæ Synodo, scire eos oportere, modum proprium retinere, & gubernare adjacentes Ecclesias sibi commissas, & esse contentos propriâ sollicitudine & gubernatione, quam susceperunt. Constituire autem his permittitur Lectores, & Subdiaconos, & Exorcistas: quibus sufficiat istorum tantum graduum licentiam accepisse. Non autem Presbyterum, non Diaconum audeat ordinare, præter conscientiam Episcopi civitatis, vel Ecclesiæ, cui adjacens invenitur seu ipse, seu regio, in quâ præesse dinoscitur. Quod si prævaricari ausus fuerit constituta, deponi eum, & dignitate, quâ præditus est, debere privari. Chorepiscopus autem ab Episcopo civitatis vel loci, cui adjacet, ordinandus est.

Vicariis (p) Episcoporum, quos Græci Chorepiscopos dicunt, non licere presbyteros, vel Diaconos ordinare: sed nec presbyteris civitatis, sine Episcopi præcepto, amplius aliquid jubere; vel sine auctoritate litterarum ejus, in unaquaque parochia aliquid agere.

*X. De Episcopis, vel quibuslibet ex Clero.* OMNI CLERO.

Item in eodem Concilio, ut Episcopus, vel quilibet ex Clero sine consilio vel litteris Episcoporum, vel Metropolitanì, non audeant ad Regalem dignitatem pro suis causis clamare, sed in com-

(m) Concil. Antioch. can. 4.

(o) Concil. Antioch. can. 10.

(n) Concil. Antioch. can. 9.

(p) Concil. Ancy., can. 13.

communi Episcoporum Concilio causa examinetur.

Si quis Episcopus, (g) presbyter, vel omnis omnino, qui est sub Ecclesiastica regulâ constitutus, præter consilium & litteras eorum Episcoporum, qui sunt intra provinciam, & maxime Metropolitani, ad Imperatorem perrexerit, hunc abdicari & ejici non solum communione debere, sed à propriâ dignitate privari, tamquam molestum & importunum Imperialibus auribus, contra Ecclesiastica constituta. Si autem necessitas cogat ad Imperatorem excurrere, cum deliberatione & consilio Metropolitani ipsius provincie Episcopi, & cæterorum conscientia, qui in eadem provincia sunt, & litteris ire debebit.

#### XI. De ordinationibus, vel quibuslibet negotiis. EPISCOPIS.

Item in eodem Concilio, simul & in Sardicensi, nec non & in decretalibus Innocentii Papæ, ut nullus Episcopus in alterius Parochiâ ordinationes aliquas audeat facere, vel negotia peragere, quæ ad eum non pertinent.

Nullum (r) Episcoporum debere ex alia provincia ad aliam transitum facere, & ordinare aliquos in Ecclesiis, aut provehere ad sacrum ministerium: nec alios illuc secum abstrahat Episcopos, nisi fortè rogatus per litteras abierit, non solum à Metropolitano, sed ab his, qui cum eo sunt, provincie Episcopis. Quod si nullo invitante, inordinatè superveniat, & aliquos vel ordinare præsumpserit, vel quoslibet actus illi Ecclesie competentes, ad se minus pertinentes, usurpare tentaverit, vacua quidem & inania erunt omnia, quæ gesserit; ipse vero hujus indisciplinati ausus, & irrationabilis cepti dignas causas, expendat, tamquam depositus à Sancta Synodo, & per hujusmodi præsumptionem jam prædamnatus.

Janiarius (r) Episcopus dixit: Illud quoque statuatur Sanctitas vestra, ut nul-

LI 3.

li liceat Episcopo alterius Episcopi civitatis ministrum Ecclesiasticum sollicitare, & in suis Parochiis ordinare. Universi dixerunt: quia ex his intentionibus solet nasci discordia. Et idè prohibet omnium sententia, ne quis hoc facere audeat.

Innocentius (z) Florentino Episcopo Tiburtiensis. Non semel, sed aliquoties clamat Scriptura Divina, transferri non oportere (u) terminos à Patribus constitutos: quia nefas est, si, quod alter semper possederit, alter invadat. Quod tuam bonitatem frater, & Coepiscopus noster Ursus adserit perpetrâsse. Nam Nomentanam, sive Filicenses Parochiam, ad suam Diocesim à majoribus pertinentem, invasisse te, atque illic Divina celebrâsse mysteria inconsulto eodem, ac nesciente, non sine dolore conquestus est. Quod si verum est, non leviter te culpam incurrisse cognoscas. Unde si declinare cupis tantæ usurpationis invidiam, nostris litteris admonitum te convenit abstinere. Certè si aliquid tibi credis justitiæ suffragari, integris omnibus, & in pristino statu manentibus, post dies venerabiles Paschæ adesse debebis, ut memoratis possis intentionibus respondere, partibusque in medio collocatis, quid antiquitas aut veritas habeat, inquiramus.

#### XII. De Curâ Episcoporum.

EPISCOPIS.

Item in eodem Concilio, ut Episcopus ejus Ecclesie curam habeat, ad quam ordinatus est.

Episcopum (x) de Diocesi ad alteram diocesim non debere transire, neque si se ipsum ingesserit, neque si à populis fuerit violenter attractus, neque si etiam hoc ei ab Episcopis suadetur. Manere autem eum debere in Ecclesia Dei, quam ab initio sortitus est, & non ab ea aliò demigrare, secundum regulam super hoc olim à Patribus constitutam.

XIII.

(g) Concil. Antioch. can. 11.

(r) Concil. Antiochen. can. 13.

(r) Concil. Sardic. can. 18.

(z) Innocentius Ep. 7.

(u) Deuteronom. 19. Proverb. XXII, 28.

(x) Concil. Antioch. can. 21.



### XIII. De Provincialibus Episcopis. EPISCOPIS.

Item in eodem Concilio, nec non & in Chalcedonenſi, ut Provinciales Episcopi cum ſuo Metropolitano bis in anno propter cauſas Eccleſiæ Concilia celebrent.

Propter (y) Eccleſiaſticas curas, & quæ exiſtunt, controverſias ſolvendas, ſufficere viſum eſt, bis in anno per Provincias ſingulas Episcoporum Concilium fieri. Primò quidem poſt tertiam hebdomadam Paſchalis Feſtivitatis: ità ut in quarta hebdomada, quæ conſequitur, id eſt, mediæ Pentecoſtes, Concilium compleatur: admoneant autem Provinciales Episcopos hi, qui in amplioribus, id eſt, qui in Metropolitanis civitatibus degunt. Secundum verò Concilium Idibus Octobribus habeatur, qui dies apud Græcos Hyperberetæi Menſis decimus quintus invenitur. In iſſis autem Conciliis, & Presbyteros, & Diaconos præſentes eſſe oportet, & omnes quotquot ſe læſos exiſtimant, & ſynodicam exſpectare ſententiam, Nec liceat aliquibus apud ſemetipſos, ſine Metropolitanorum Episcoporum conſcientia, Synodos facere, quibus de omnibus cauſis conſtat permiſſum eſſe iudicium.

Ad aures (z) noſtras pervenit, quoniam in Provinciis non ſiunt Episcoporum Synodi ſecundum Canonum conſtituta; & hinc multa rerum Eccleſiaſticarum, quæ emendanda ſunt, negligi. Sancta igitur Synodus conſtituit, ſecundum Canones Patrum, bis in anno Episcopos in id ipſum in unaquaque Provinciâ convenire; quò Metropolitanus conſtituerit, & omnia, quæcumque emerſerint, corrigere. Episcopi verò, qui non convenerint, in propriis poſiti civitatibus, & non per profectionem abſentes, maxime ſuppeditante ſalute, & à neceſſariis & excuſabilibus occupationibus liberi, fraternitatis intuitu corripiantur.

### XIV. De Monachis & Clericis. EPISCOPIS.

In Concilio Laodicenſi, nec non & in Africano, præcipitur, ut Monachi & Clerici tabernas non ingrediantur edendi & bibendi cauſa.

Quoniam (a) non oportet Altario ſervientes, à Presbyteris uſque ad Diaconos, & deinceps Ordinis Eccleſiaſtici omnes, uſque ad Miniſtros, aut Lectores, aut Pſaltas, aut Exorcistas, aut Oſtiarios, aut etiam eos, qui in propoſito ſunt continentiæ, tabernas introire.

Ut Clerici (b) edendi, vel bibendi cauſa tabernas non ingrediantur, niſi peregrinationis neceſſitate compulſi.

### XV. De die Dominica, qualiter ſervanda eſt. AD OMNES.

Item in eodem Concilio præcipitur, ut à vesp̄a uſque ad vesp̄eram dies Dominica ſervetur.

Non (c) oportet Chriſtianos judaizare, & in Sabbato vacare, ſed operari eos in eadem die. Dominica verò, præponendo eandem diem, ſi hoc eis placet, vacent tamquam Chriſtiani. Quod ſi inventi fuerint judaizare, anathema ſint.

### XVI. De ignotis Angelorum nominibus. OMNIBUS.

Item in eodem Concilio præcipitur, ut ignota Angelorum nomina nec ſingantur, nec nominentur, niſi illorum, quos habemus in auctoritate. Hi ſunt Michael, Gabriel, Raphael.

Quòd non (d) oportet Chriſtianos derelicta Eccleſiâ Dei abire, & Angelos nominare, & congregationes facere, quæ omnia interdicta ſunt. Quicumque autem inventus fuerit occultè huic idololatriæ vacans, anathema ſit: quoniam derelinquens Dominum noſtrum Jeſum Chriſtum Filium Dei, acceſſit ad idola.

XVII

[y] Concil. Antiochen. can. 20.

(a) Concil. Laodic. can. 24.

(c) Concil. Laodic. can. 29.

[z] Concil. Chalcedon. can. 19.

(b) Concil. Afric. can. 7.

(d) Concil. Laodiceo. can. 35.

*XVII. De Mulieribus, ne ad  
Altare accedant.*

CLERICIS ET NONNANIS.

Item in eodem Concilio, quòd non oporteat mulieres ingredi ad Altare.

Non oportet (e) mulieres ingredi ad Altare.

*XVIII. De maleficis, vel incantatoribus.* AD SACERDOTES.

In eodem Concilio, ut caulearii, malefici, incantatores, & incantatrices fieri non sinantur.

Quoniam non (f) oportet Ministros Altaris, vel Clericos, magos aut incantatores esse, aut facere, quæ dicuntur phylacteria, quæ sunt magna obligamenta animarum: hos autem, qui talibus rebus utuntur, proijci ab Ecclesiâ iussimus.

*XIX. De Episcopis, ubi non oporteat eos constitui.*

OMNIBUS.

Item in eodem Concilio, nec non & in Sardicensi, quod non oporteat in villulis, vel in agris Episcopos constituere.

Non (g) oportet in vicis & in villis Episcopum ordinari, sed eos, qui circumstant, constitui. Hos autem, qui hinc ordinati sunt, nihil agere sine conscientia Episcopi civitatis. Similiter etiam Presbyter nihil sine præcepto Episcopi & consilio agat. Si enim subito, aut vicus aliquis, aut modica civitas, cui satis est unus Presbyter, voluerit sibi Episcopum ordinari, ut vilescat nomen Episcopi & auctoritas, non debent illi ex aliâ Provinciâ invitati facere Episcopum, nisi aut in his civitatibus, quæ Episcopos habuerint, aut si quæ talis, aut tam populosa est, quæ mereatur habere Episcopum. Hoc omnibus placet? Synodus respondit: Placet.

*XX. De Libris Canonicis.*

SACERDOTIBUS.

Item in eodem Concilio, ut Canonici Libri tantum legantur in Ecclesiâ.

Non oportet (h) ab Idiotis Psalmos compositos, & vulgares, dici in Ecclesiis: neque libros, qui sunt extra Canonem, legere, nisi solos canonicos novi & veteris testamenti. Quæ autem oporteat legi, & in auctoritatem recipi, hæc sunt: Genesis mundi, Exodus Ægypti, Leviticum, Numeri, Deuteronomium. Jesu Nave, Judices, Ruth, Regnorum libri quatuor, Paralipomenon libri duo, Esdræ libri duo, liber Psalmorum CL, Proverbia Salomonis, Cantica Canticorum, Ecclesiastes, Job, Esther, Duodecim Prophetæ, id est, Osee, Amos, Joel, Abdias, Jonas, Micheas, Naum, Abacuc, Sophonias, Aggæus, Zacharias, Malachias. Item Isaias, Hieremias, Ezechiel, Daniel. Novi Testamenti Evangelia quatuor, secundum Matthæum, secundum Marcum, secundum Lucam, secundum Joannem. Actus Apostolorum, Catholica Epistola, Petri II. Jacobi I. Joannis III. Judæ I. Epistolæ Pauli XIV. ad Romanos, ad Corinthios prima & secunda, ad Galatas, ad Ephesios, ad Philippinenses, ad Colossenses, ad Thessalonicenses prima & secunda, ad Timotheum II. ad Titum, ad Philemonem, ad Hebræos.

*XXI. De Episcopis ordinandis, vel quibuslibet ex Clero.*

CLERICIS ET MONACHIS.

Item in Concilio Chalcedonensi, nec non & in Canonibus Apostolorum, ut non oporteat Episcopum, aut quemlibet ex Clero, per pecunias ordinari: quia utrique deponendi sunt, & qui ordinat, & qui ordinatur: nec non, & qui mediator est inter eos.

Si quis (i) Episcopus ordinationem pro pecuniâ fecerit, & vendiderit rem, quæ nisi gratiâ non acquiritur; & sub pecuniâ ordinaverit Episcopus Provinciale Episcopum, sive Presbyterum, vel Diaconum, aut eorum quemquam, qui in numero Clericorum continentur, aut acceptâ pecuniâ fecerit œconomum, vel

defen-

(e) Concil. Laodicæn. can. 44.

(g) Concil. Sardic. can. 6.

(i) Concil. Chalcedon. can. 1.

(f) Concil. Laodicæn. can. 36.

(h) Concil. Laodic. can. 59.



defensorem, vel ostiarium, vel quemcumque hujuscemodi, pro turpitudine lucri; qui hoc fecisse probatur, sui gradus periculum sustinebit. Sed & is, qui ordinatur, nihil ex ordinatione, quæ pro negotiatione processit, utilitatis acquirit; sed fiat dignitatis, vel rei, quæ ipsi pro pecunia commissa est, alienum. Si quis autem his tam turpibus; & nefariis lucris medius interfuisse videtur, & is, si quidem Clericus fuerit, degradetur; si verò Laicus, aut Monachus, anathematizetur.

Si quis Episcopus, aut Presbyter, aut Diaconus, per pecunias hanc obtinuerit dignitatem, deiciatur & ipse, & ordinator ejus, & à communione modis omnibus abscedatur, sicut Simon Magus à Petro.

## XXII. De Monachis, & Clericis, & Presbyteris. OMNIBUS.

Item in eodem Concilio infra duo Capitula, nec non & in decretis Leonis Papæ, ut nec Monachi, nec Clerici, nec Presbyteri in sæcularia negotia abeant.

## XXIII. De servis alterius non sollicitandis.

Et ut servum alterius nullus sollicitet ad Clericatum, vel monachalem ordinem, sine voluntate & licentia Domini sui.

Item (k) qui revera & manifestè solitariam vitam sectantur, honore competenti fungantur. Quoniam verò quidam, sub prætextu habitus monachalis, Ecclesias, & conventus, & res communes disturbant, civitates indiscretè circumeunt, & Monasteria sibi constituere studentes; placuit, nusquam ullum ædificare debere, neque monasterium constituere, neque oratorium, absque civitatis Episcopi voluntate. Monachos verò, qui sunt per singulas civitates & Provincias, Episcopis subditos esse, & quietem diligere, & jejuniis esse intentos & orationibus, & in illis locis observare, in quibus sæculo renuntiassè videntur. Nequa-

quam autem Ecclesiasticis vel sæcularibus rebus communicare, nec importunitatem inferre, desertis propriis Monasteriis, nisi fortè quæsitæ fuerint propter causam necessariam à civitatis Episcopo. Sanè in Monasteriis non esse suscipiendum servum, ad Monachum faciendum, præter proprii Domini voluntatem. Qui verò hoc constitutum nostrum exceßerit, eum à communione suspendi decrevimus, ne nomen Dei blasphemetur. Civitatis autem Episcopos oportet competentem providentiam Monasteriis impendere.

Admittuntur (l) passim ad ordinem sacrum, quibus nulla natalium, nulla morum dignitas suffragatur. Et qui à Dominis suis libertatem consequi minimè potuerunt, ad fastigium Sacerdotii, tamquam servilis vilis hunc honorem capiat, provehuntur: & probari Deo posse creditur, qui Domino suo necdum probare se potuit. Duplex itaque in hac parte reatus est: quod & sacrum Ministerium talis confortii vilitate polluitur, & Dominorum, quantum ad illicitæ usurpationis temeritatem pertinet, jura solvuntur. Ab his itaque, fratres charissimi, omnes vestræ Provinciæ abstineant Sacerdotes, & non tantum ab his, sed ab alijs etiam, qui originali, aut alicui conditioni obligati sunt, volumus temperari. Nisi fortè eorum petitio, aut voluntas accesserit, qui, aliquid sibi in eos vendicant potestatis. Debet enim esse immunis ab alijs, qui Divinæ militiæ fuerit aggregandus, ut à castris Dominicis, quibus nomen ejus adscribatur, nullis necessitatis vinculis abstrahatur.

## XXIV. De stabilitate Episcoporum, vel Clericorum.

### SACERDOTIBUS.

Item in eodem Concilio infra duo Capitula, nec non & in Sardicensi, ut nec Episcopus, nec Clerici transmigrent de civitate in civitatem.

De Episcopis (m) vel Clericis, qui

(k) Concil. Chalcedon. can. 4. (l) Leo PP. cap. I.

(m) Concil. Chalcedon. can. 5.

se de civitate in civitatem transferunt; placuit ut Canones, qui à Sanctis Patribus de his ipsis constituti sunt, suam habeant firmitatem.

Hofius (n) Episcopus dixit: Ut de civitate in civitatem quisquam si migraverit aut Episcopus, aut Clericus, excommunicatus remaneat.

### XXV. De Presbyteris non absolute ordinandis. OMNIBUS.

Item in eadem Synodo, ut nullus absolute ordinetur, & sine pronuntiatione & stabilitate loci, ad quem ordinatur.

Nullum (o) absolute ordinari, neque Presbyterum, neque Diaconum, neque penitus quemquam eorum, qui sunt in Ecclesiastico ordine, nisi specialiter Ecclesiæ civitatis, vel vici, vel Martyrii, qui ordinandus est, fuerit declaratus. Horum autem ordinationem huiusmodi, qui absolute ordinantur, constituit Sancta Synodus inefficacem esse, & nusquam posse ad ordinantis injuriam prævalere.

### XXVI. De proposito Monachorum & Clericorum.

SACERDOTIBUS.

Item in eodem Concilio, ut Clerici & Monachi in suo proposito & voto, quod Deo promiserunt, permaneant.

Qui semel (p) sunt ordinati, aut qui Monachi facti sunt, constituimus neque ad militiam, neque ad sæcularem dignitatem venire. Cum verò hoc arripuerint, nisi poenitentes ad hoc revertantur, quod propter Deum elegerant, anathematizentur.

### XXVII. De Monachis, qui ad Clericatum provehuntur.

OMNIBUS.

Item in Decretis Innocentii Papæ de eadem re, ut Monachus, si ad Clericatum provehatur, propositum Monachicæ professionis non amittat.

De Monachis, (q) qui diu morantes in monasteriis, postea ad Clericatus

M m

ordinem perveniunt, non debere eos à priori proposito deviare. Aut enim sicut in monasterio fuit, & quod diu servavit, in meliori gradu positus amittere non debet: aut si corruptus, postea baptizatus, in monasterio sedens, ad Clericatus ordinem accedere voluerit, uxorem omnino habere non poterit: quia nec benedici cum sponsa potest jam corruptus. Quæ forma servatur in Clericis maxime, cum vetus regula hoc habeat, ut quisque corruptus baptizatus Clericus esse voluisset, sponderet, se uxorem omnino non ducere.

### XXVIII. De negotio Clericorum inter se. OMNIBUS.

Item in eodem Concilio, ut si Clerici inter se negotium aliquod habuerint, à suo Episcopo dijudicentur; non à sæcularibus.

Si quis (r) Clericus cum Clerico causam habeat, Episcopum suum non deferat, & ad iudicia sæcularia currat: sed prius apud Episcopum suum examinet causam, aut certe cum voluntate ipsius Episcopi, causa dicatur, apud quos partes utæque voluerint. Si quis autem contra hæc venire tentaverit, canonicis interdictis subjaceat. Si verò Clericus habeat causam cum extraneo Episcopo, vel cum suo; apud Synodum Provinciæ causam dicat. Si autem Episcopus, vel Clericus, disceptationem habeat cum Metropolitanò Episcopo, aut ad Dioeceseos primam sedem recurat, aut ad sedem Constantinopolitanam, apud quam causa dicatur.

### XXIX. De conspiratione Clericorum vel Monachorum.

OMNIBUS.

Item in eodem Concilio, ut nec Clerici, nec Monachi conspirationem, vel insidias contra pastorem suum faciant.

Conjuracionis (s) vel conspiracionis crimen etiam apud extrinsecas leges peni-

(n) Concil. Sardic. can. 1.

(p) Conc. Chalcedon. can. 7.

(r) Conc. Chalcedon. can. 9.

(o) Conc. Chalcedon. can. 5.

(q) Innocentius PP. cap. 17.

(s) Conc. Chalcedon. can. 18.



penitus amputatur : multò magis in Ecclesiâ Dei hoc ne fiat, oportet prohiberi. Igitur Clerici, aut Monachi, si inventi fuerint conjurati, aut per conjurationem calumniam machinantes Episcopis, vel Clericis; proprium amittant gradum.

**XXX. De accusatione laicorum contra Episcopos.**

AD OMNES.

Item in eodem Concilio, ut laici Episcopos, aut Clericos non accusent, nisi prius eorum discutatur existimationis opinio.

Clericos, (†) vel laicos, qui accusant Episcopos, vel Clericos, quomodocumque & sine Judicio non suscipi ad accusandum debere, nisi prius eorum existimatio fuerit discussa.

**XXXI. De Monasteriis Deo dicatis.**

OMNIBUS.

Item in eodem, ut loca, quæ semel Deo dedicata sunt, ut Monasteria sint, maneant perpetuò Monasteria, nec possint ultrà fieri sæcularia habitacula.

Quæ Deo semel sacrata sunt Monasteria secundum Episcoporum consensum, oportet in perpetuum Monasteria nuncupari, & eorum res Monasteriis reservari, & non posse ulterius cœnacula sæcularia fieri. Si qui verò hæc fieri permiserint, Canonicis interdictis subjaceant.

**XXXII. De fide Sanctæ Trinitatis prædicanda.**

OMNIBUS.

In Concilio Carthaginense, primò omnium necesse est, ut fides Sanctæ TRINITATIS, & INCARNATIONIS CHRISTI, PASSIONIS, RESURRECTIONIS, ASCENSIONIS IN COELO diligenter omnibus prædicetur.

Anno (u) ab Alexandro MXXXVI. Mensè Junio, XIV. Kalendas Julii, à magna Synodo dictum est: Credimus in unum Deum, Patrem omnipotentem, omnium visibilibum & invisibilium factorem. Et

in unum Dominum nostrum JESUM CHRISTUM, FILIUM DEI, natum de Patre unigenitum, hoc est, de substantia Patris. Deum ex Deo, lumen ex lumine, Deum verum ex Deo vero. Natum non creatum, hominifion Patri, hoc est, ejusdem cum Patre substantiæ, per quem omnia facta sunt, quæ in Cœlo, & quæ in terris. Qui propter nostram salutem descendit, & incarnatus est, homo factus, passus est, & resurrexit tertiâ die, & ascendit in Cœlos. Inde venturus est judicare vivos & mortuos. Et in Spiritum Sanctum. Eos autem, qui dicunt, erat aliquando, quando non erat, & antequam nasceretur, & quia ex nullis extantibus factus est, aut ex alia substantia vel substantia dicunt esse, aut convertibilem Filium Dei, anathematizat Catholica & Apostolica Ecclesia.

**XXXIII. De avaritia. OMNIBUS.**

Item in eodem, de prohibenda avaritia, ut nullus alienos fines usurpet, vel terminos Patrum transceadat.

Aurelius (x) Episcopus dixit: Avaritiæ cupiditas, quam omnium malorum matrem esse, nemo, qui dubitet, proinde inhibenda est, ne quis alienos fines usurpet, aut per præmium terminos Patrum statutos transceadat: nec omnino cuiquam Clericorum liceat de qualibet re fœnus accipere. Quamquam novellæ suggestiones, quæ vel obscuræ sunt, vel sub genere latent, inspectæ à nobis formam accipient: ceterum, de quibus apertissimè Scriptura Divina sauxit, non ferenda sententia est, sed potiùs exequenda. Proinde quod in laicis reprehenditur, id multò magis debet in Clericis prædamnari.

**XXXIV. De his, qui se convertunt ad Deum. OMNIBUS.**

Item in eodem, de his, qui in periculo constituti sunt, & convertunt se ad Deum, ut Canonicè inquirentur de reconciliatione, & Canonicè reconcilientur.

Aure-

(†) Concil. Chalcedon, can. 21.

[x] Concil. Carthagin, can. 5.

(u) Concil. Carthagin. in Professione Fidei.

Aurelius (y) Episcopus dixit : si quisquam in periculo fuerit constitutus , & se reconciliari Divinis Altaribus petierit , etsi episcopus absens fuerit , debet utique presbyter consulere Episcopum , & sic periclitantem ejus præcepto reconciliare. Quam rem debemus salubri consilio roborare. Ab universis Episcopis dictum est. Placet , quod Sanctitas vestra necessariò nos instruere dignata est.

**XXXV. De his , qui non sunt bonæ conversationis.**

OMNIBUS.

Item in eodem , ut illi , qui non sunt bonæ conversationis , & eorum vita est accusabilis , non audeant Episcopos , vel majores natu accusare.

Aurelius (z) Episcopus dixit : Placet igitur caritati vestræ , ut is , qui aliquibus sceleribus inretitus est , vocem adversus majorem natu non habeat accusandi ? Ab universis Episcopis dictum est : Si criminofus est , non admittatur. Placet.

**XXXVI. De his , qui ex communicato communicaverint.** OMNIBUS.

Item in eodem , ut qui ex communicato præsumptuosè communicaverit , excommunicetur & ipse.

Augustinus (a) Episcopus , legatus Provinciæ Numidiæ , dixit : Hoc statuere dignamini , ut si qui fortè merito facinorum suorum ab Ecclesiâ pulsi sunt , & sive ab aliquo Episcopo , vel Presbytero , fuerint in Communionem suscepti , etiam ipse pari cum eis crimine teneatur obnoxius , refugiens sui episcopi regulare judicium. Ab universis Episcopis dictum est : omnibus placet.

**XXXVII. De subjectione Presbyterorum.** SACERDOTIBUS.

Item in eodem Concilio infra duo Capitula , nec non & in Canonibus Apostolorum , ut nullus Presbyter contra suum Episcopum superbire audeat.

M m 2

Alypius (b) Episcopus , legatus Provinciæ Numidiæ , dixit : Nec illud prætermittendum est , ut si quis fortè presbyter ab episcopo suo correptus , tumore vel superbiâ inflatus , putaverit separatim sacrificia Deo offerenda , vel aliud erigendum altare , contra Ecclesiasticam fidem , vel disciplinam crediderit , non exeat impunitus. Valentinus primæ sedis Provinciæ Numidiæ dixit : Necessariò discipline Ecclesiasticæ & fidei congrua sunt , quæ frater noster Alypius persecutus est. Proinde quid videatur vestræ dilectioni , edicite. Ab universis episcopis dictum est : Si quis presbyter à præposito suo correptus fuerit , debet utique apud vicinos episcopos conqueri , ut ab ipsis ejus causâ possit audiri , ac per ipsos suo Episcopo reconciliari. Quod nisi fecerit , sed superbiâ , quod absit , inflatus secernendum se ab episcopi sui communione duxerit , ac separatim cum aliquibus schisma faciens , sacrificium Deo obtulerit , anathema habeatur , & locum amittat : ac si queremoniam justam adversus Episcopum non habuerit , inquirendum erit.

Si quis (c) presbyter , contemnens Episcopum suum , seorsum collegerit , & altare aliud erexerit , nihil habens , quo reprehendat Episcopum in causâ Pietatis , & justitiæ ; deponatur , quasi principatus amator existens , est enim tyrannus. Et cæteri Clerici , quicumque tali consentiunt , deponantur : laici verò legregentur. Hæc autem post unam , & secundam , & tertiam episcopi obsecrationem fieri conveniat.

**XXXVIII. De Clericis Ecclesiastici ordinis.** OMNIBUS.

Item in eodem , ut Clerici Ecclesiastici ordinis , si culpam incurrerint , apud Ecclesiasticos judicentur , non apud sæculares.

Item (d) placuit , ut quisquis Episcoporum , presbyterorum , & Diacono.

[y] Concil. Carthagin. can. 8.

(z) Concil. Carthagin. can. 9.

(b) Concil. Carthagin. can. 10. 11.

(c) Canon. Apostolor. 32.

(d) Concil. Carthagin. can. 15.



conorum, seu Clericorum, cum in Ecclesia ei fuerit crimen institutum, vel civilis causa fuerit commota; si relicto Ecclesiastico iudicio, publicis iudiciis purgari voluerit, etiamsi pro ipso fuerit prolata sententia; locum suum amittat, & hoc in criminali actione: in civili verò perdat, quod evicit, si locum suum obtinere maluerit. Hoc autem placuit, ut à quibuscumque iudicibus Ecclesiasticis ad alios iudices Ecclesiasticos, ubi est major auctoritas, fuerit provocatum, non eis obstit, quorum fuerit soluta sententia, si convinci non potuerint, vel inimico animo iudicasse, vel aliqua cupiditate, aut gratiâ depravati. Sanè si ex consensu partium electi fuerint iudices, etiam à pauciori numero, quam constitutum est, non liceat provocare. Et ut Filii Sacerdotum spectacula secularia non exhibeant, sed nec expectent: licet hoc semper Christianis omnibus interdictum sit, ut ubi blasphemix sunt, non accedant.

*XXXIX. Ut Clerici non sint usurarii.* OMNIBUS.

Item in eodem, ut qui commodaverit pecuniam, pecuniam accipiat: Si speciem aliam, eandem speciem, quam dederit, accipiat.

Item (e) placuit, ut Clericus, si commodaverit pecuniam, pecuniam accipiat: si speciem, eandem speciem, quantam dederit, accipiat. Et ut ante XXV. annos ætatis nec Diaconi ordinentur, nec virgines consecrentur: & ut Lectores populum non salutent.

*XL. De Virginitate Deo dicatis.* OMNIBUS.

In Concilio Africano præcipitur, ut Virgines Deo Sacratæ, à gravioribus personis diligenti custodia serventur.

Ut Virgines sacræ, (f) cum parentibus, à quibus custodiebantur, privatæ fuerint, ab Episcopo custodiantur. Ubi autem Episcopus absens est, providentia gravioribus

feminis commendetur: ut simul habitantes invicem se custodiant; ne passim vagando Ecclesiæ lædant estimationem.

*XLI. De principali Cathedra Episcoporum.* EPISCOPIS.

Item in eodem, ut non liceat Episcopo principalem Cathedralē suæ Parochiæ negligere, & aliquam Ecclesiam in suâ Diœcesi magis frequentare.

Rursum placuit, (g) ut nemini sit facultas, relicta principali cathedrâ, ad aliquam Ecclesiam in Diœcesi constitutam se conferre, vel in re propria diutius, quam oportet, constitutum, curam & frequentationem propriæ Cathedralis negligere.

*XLII. De falsis Nominibus Sanctorum.* EPISCOPIS.

Item in eodem, ut falsa nomina Martyrum, & incertæ Sanctorum memoriæ non venerentur.

Item placuit, (b) ut altaria, quæ passim per agros & per vias, tamquam memoriæ Martyrum constituuntur, in quibus nullum corpus, aut reliquiæ Martyrum conditæ probantur, ab Episcopis, qui locis eisdem præsumunt, si fieri potest, evertantur. Si autem hoc per tumultus populares non finitur, plebes tamen admonentur, ne illa loca frequentent, ut qui rectè sapiunt, nulla ibi superstitione devincti teneantur. Et omnino nulla memoria Martyrum probabiliter acceptetur, nisi ubi corpus, aut aliquæ reliquiæ sunt, aut origo alicujus habitationis, vel possessionis, vel passionis, fidelissima origine traditur. Nam quæ per somnia, & per inanes quasi revelationes quorumlibet hominum, ubicumque constituuntur altaria, omnimodo reprobentur.

*XLIII. De uxore à viro demissa.* OMNIBUS.

Item in eodem, ut nec uxor à viro demissa, alium accipiat virum, vivente viro suo: nec vir aliam accipiat, vivente uxore priore.

Pla-

(e) Concil. Carthagin. can. 16.

(g) Concil. African. can. 38.

(f) Concil. African. can. XI.

(b) Concil. African. can. 50.

Placuit, (i) ut secundum Evangelicam & Apostolicam disciplinam, neque dimissus ab uxore, neque dimissa à marito, alteri conjugatur; sed ita maneant, aut sibi inter reconcilientur. Quod si contempserint, ad poenitentiam redigantur: in qua causâ legem imperialem petendam promulgari.

#### XLIV. De Judicibus à Metropolitano probatis. EPISCOPIS.

Item in eodem, ut probati à Metropolitano Judices non spernantur.

A Judicibus (k) autem, quos communis consensus elegerit, non liceat provocare: & quisquis probatus fuerit, per contumaciam nolle obtemperare judicibus; cum hoc primæ sedis Episcopo fuerit probatum, det litteras, ut nullus ei communicet Episcoporum, donec obtemperet.

#### XLV. De accusatione vilium personarum. OMNIBUS.

Item in eodem infra duo Capitula, ut viles personæ non habeant potestatem accusandi: & si in primo crimine victi sunt falsum dicere, in secundo non habeant potestatem dicendi.

Item (l) placuit, ut omnes servi, vel proprii liberti, ad accusationem non admittantur, vel omnes, quos ad accusanda publica crimina leges publicæ non admittunt: omnes etiam infamiæ maculis aspersi, id est histriones, ac turpitudinibus subiectæ personæ, hæretici etiam, sive Pagani, sive Judæi. Sed tamen omnibus, quibus accusatio denegatur, in causis propriis accusandi licentiam non negandam.

Item (m) placuit; quotiescumque Clericis ab accusatoribus multa crimina obijciuntur, & unum ex ipsis, de quo prius egerit, probare non valuerit, ad cætera jam non admittatur.

#### XLVI. De Virginibus velandis.

OMNIBUS.

Item in eodem, ut virgines non velentur ante XXV. annos, nisi rationabili necessitate cogente.

Item (n) placuit, ut quicumque Episcoporum necessitate periclitantis pudicitia virginalis, cum vel petitor potens, vel raptor aliquis formidatur, vel si etiam aliquo mortis periculo scrupulo compuncta fuerit, ne non velata moriatur, aut exigentibus parentibus, aut his, ad quorum curam pertinet, velaverit virginem, seu velavit intra XXV. annos ætatis, non ei obicit Concilium, quod de isto annorum numero constitutum est.

#### XLVII. De oblatiis pauperum.

OMNIBUS.

In Concilio Gangrensi, ut nulli liceat oblata, quæ ad pauperes pertinent, rapere vel fraudare.

Si quis (o) oblationes fructuum, Ecclesiæ debitas, voluerit extra Ecclesiam accipere, vel dare, præter conscientiam Episcopi, & non magis eum consilio ejus, cui hæc credita sunt, de his agendum putaverit, anathema sit.

#### XLVIII. De jejuniis à Sacerdotibus constitutis. OMNIBUS.

Item in eodem, ut Ecclesiastica à Sacerdotibus jejunia constituta sine necessitate rationabili non solvantur.

Si quis eorum, (p) qui in proposito sunt continentia, præter necessitatem corporalem superbiat, & jejunia communia, quæ totius Ecclesiæ traditio celebrat, putaverit dissolvenda, perfectam scientiam esse apud se judicans, anathema sit.

#### XLIX. De his, qui contra naturam peccant.

SACERDOTIBUS.

In Concilio Ancyronensi investum est in eos, qui cum quadrupedibus, vel masculis

M m 3

(i) Concil. African. can. 69.

(l) Concil. African. can. 69.

(n) Concil. African. can. 93.

(p) Concil. Gangrense, can. 19.

(k) Concil. African. can. 89.

(m) Concil. African. can. 97.

(o) Concil. Gangrense can. 7.



maſculis, contra naturam peccant; dura & diſtriſta pœnitentia. Quapropter Epifcopi, & Presbyteri, à quibus iudicium pœnitentiæ injungitur, conentur omnimodis hoc malum à conſuetudine prohibere vel abſcindere.

In titulo (q) Græca verba hæc ſunt: *περί τῶν ἀλογουμένων ἢ θ' ἀλογουμένων*: quæ nos latinè poſſumus dicere, de his, qui irrationabiliter verſati ſunt, ſive verſantur. Senſus autem in hac ſententia triplex eſſe poteſt, qui ex ſubjectis conſicitur: aut de his, qui cum pecoribus coitu mixti ſunt, aut more pecudum inceſta cum conſanguineis commiſerunt, aut cum maſculis concubuerunt. Quotquot igitur ante viceſimum ætatis ſuæ annum tale crimen admiferunt, XV. annis in pœnitentiâ exactis, orationi tantum incipiant participari; & quinquennio altero in communione ſimplici perdurantes, poſt viceſimum cum oblatione ad communionem ſuſcipiantur. Diſcutiatur autem & vita eorum, quæ fuerit tempore pœnitentiæ, & ita hanc humanitatem conſequantur. Quod ſi, qui perſeverantiùs abuſi ſunt hoc crimine, prolixius tempus habeant ſubmiſſioni. Quotquot verò exacta viginti annorum ætate, & uxores habentes, in hoc crimen inciderunt; viginti quinque annis pœnitentiâ actâ, ad communionem orationum tantum admittantur: in qua communione orationis altero quinquennio perdurantes, plenam communionem cum oblatione recipiant. Quod ſi aliqui & uxores habentes, & excedentes quinquageſimum ætatis ſuæ annum, in hoc prolapſi ſunt, ad exitum vitæ tantum communionem mereantur.

#### L. De Presbyteris, quo tempore ordinentur. EPISCOPIS.

In Concilio Neocaſarienſi, ut nuper latenus preſbyter ordinetur ante XXX. ætatis ſuæ annum: quia Dominus JESUS CHRISTUS non prædicavit ante XXX. annum.

Presbyter (r) ante XXX. annorum

(q) Concil. Ancyran. can. 15.

(r) Siricius PP. cap. 4.

(r) Concil. Neocaſarienſ. can. 11.

(s) Siricius cap. 6.

ætatem, quamvis ſit dignus, non ordinetur: ſed obſervet uſque ad præſinitum tempus. Dominus enim XXX. anno baptizatus eſt, & tunc prædicavit.

#### LI. De ſponſa alterius.

OMNIBUS.

In decretalibus Siricii Papæ, ut alterius ſponſam nemo accipiat.

De (s) Conjugali autem violatione requiſiſti, ſi deſponſatam alii puellam, alter matrimonio poſſit accipere? Hoc ne fiat, modis omnibus inhibemus: quia illa benediſtio, quam nuptæ Sacerdos imponit apud fideles, cujuſdam Sacrilegii inſtar eſt, ſi ulla transgreſſione violetur.

#### LII. De Monachis & Virginibus, Proſopitum non ſervantibus.

EPISCOPIS, MONACHIS & VIRGINIBUS.

Item ejuſdem, ut Monachi & Virgines ſuum proſopitum omnimodis obſervent.

Præterea (t) Monachorum quorundam, atque Monacharum, abjecto proſopito Sanctitatis, in tantam proteſtaris demerſos eſſe laſciviam, ut priùs clanculo, velut ſub Monasteriorum prætextu, illicitâ ac ſacrilegâ ſe contagione miſcuerint: poſtea verò in abruptum conſcientiæ deſperatione perducti, de illicitis complexibus liberè filios procrearent: quod & publicæ leges, & eccleſiaſtica jura condemnant. Has igitur impudicas, deteſtabilesque perſonas à Monasteriorum cœtu, Eccleſiarumque conventibus eliminandas eſſe mandamus: quatenus retruſæ in ſuis ergaſtulis, tantum facinus continuâ lamentatione deſcientes, purificatorio poſſint pœnitædinis igne decoquere, ut eis vel ad mortem ſaltem, ſolius miſericordiæ intuitu, per communionis gratiam poſſit indulgentia ſubvenire.

#### LIII. De pace danda.

OMNIBUS.

In decretalibus Innocentii Papæ, ut pax

pax detur omnibus, confectis Christi Sacramentis.

Pacem (*u*) igitur afferis, ante confecta mysteria quosdam populis imperare, vel sibi inter Sacerdotes tradere, cum post omnia, quæ aperire non debeo, pax sit necessario indicenda: per quam constet, populum ad omnia, quæ in mysteriis aguntur, præbuisse consensum, ac finita esse, pacis concludentis signaculo demonstrantur.

#### LIV. De nominibus recitandis.

##### SACERDOTIBUS.

Item ejusdem, ut nomina publicè non recitentur ante preces Sacerdotes.

De (*x*) nominibus verò recitandis, antequam precem Sacerdos faciat, atque eorum oblationes, quorum nomina recitanda sunt, suâ oratione commendat, quàm superfluum sit, & ipse pro tuâ prudentia recognoscis: ut cujus hostiam necdum Deo offeras, ejus nomen antè insinues, quamvis incognitum illi nihil sit. Priùs ergo oblationes sunt commendandæ: ac tunc eorum nomina, quorum oblationes sunt, edicenda: ut inter sacra mysteria nominentur, non inter alia, quæ antè præmittimus, ut ipsis mysteriis viam futuris precibus aperiamus.

#### LV. De Canonum institutis, à Presbyteris non ignorandis.

##### EPISCOPIS & SACERDOTIBUS.

In (*y*) Decretis Cælestini Papæ, ut nulli Sacerdoti liceat ignorare Sanctorum Canonum instituta.

Nulli Sacerdotum suos liceat canones ignorare; nec quicquam facere, quod Patrum possit regulis obviare. Quæ enim à nobis res digna servabitur, si decretalium norma constitutorum, pro aliquorum libitu, licentiâ populis permiscâ, frangatur?

#### LVI. De Clericis alterius Episcopis.

##### EPISCOPIS.

In decretis Leonis Papæ sanctum

est, & in Sardicense Concilio, ut episcopus alterius Clericum ad se non sollicitet, nec ordinet.

Alienum (*z*) Clericum, invito episcopo ipsius, nemo suscipiat, nisi fortè ex placito caritatis id inter dantem accipientemque conveniat. Nam gravis injuriæ reus est, qui de fratris ecclesiâ, id, quod est utilius, aut pretiosius, audet vel allicere, vel tenere. Itaque si intra provinciam res agitur, transfugam Clericum ad ecclesiam suam Metropolitanus redire compellat. Si autem longius recessit, tui præcepti auctoritate revocabitur, ut nec cupiditati, nec ambitioni occasio relinquantur.

#### LVII. De servis alterius.

##### EPISCOPIS.

Item ejusdem, ut nullus Episcopus servum alterius ad Clericatus officium sine Domini sui voluntate promoveri præsumat. Et hoc Gangrense Concilium prohibet.

Si quis servum (*a*) occasione religionis doceat Dominum suum contemnere, & ejus ministerium deserere, ac non potius docuerit eum suo domino bonâ fide, & cum omni honorificentia deservire, anathema sit.

#### LVIII. De Sacerdotibus contra decretalia agentibus.

##### EPISCOPIS.

Item ejusdem, ut si quis Sacerdotum contra constituta decretalia præsumptiosè agat, & corrigi nolens, ab officio suo submoveatur.

Hoc (*b*) itaque admonitio nostra denuntiat, quod si quis fratrum contra hæc constituta venire tentaverit, & prohibita fuerit ausus admittere, à suo se noverit officio submovendum; nec communionis nostræ futurum esse consortem, qui socius esse non voluit disciplinæ. Ne quid verò sit, quod prætermisissimum à nobis fortè credatur, omnia decretalia constituta tam beatæ recordationis Innocentii, quàm omnium

(*u*) Innocentius PP. cap. 1.

(*x*) Innocentius PP. cap. 2.

(*y*) Cælestinus PP. cap. 20.

(*z*) Leo PP. cap. 39.

(*a*) Concil. Gangrense can. 3.

(*b*) Leo PP. cap. 5.



nium decessorum nostrorum, quæ de Ecclesiasticis Ordinibus, & Canonum promulgata sunt disciplinis, ità à vestra dilectione custodiri debere mandamus, ut si quis in illa commiserit, veniam sibi deinceps noverit denegari.

*LIX. De viduis, ne velentur.*

EPISCOPIS.

In Decretis Gelasii Papæ, ut nullus Episcopus viduas velare præsumat.

Viduas (c) autem velare Pontificum nullus attentet; quod nec auctoritas Divina delegat, nec Canonum forma præstituit. Non est ergo penitus usurpandum, eisque sic Ecclesiastica sunt inferenda prædia, ut nihil committatur illicitum.

ITEM ALIA CAPITULA.

Hæc enim Dilectissimi, pio studio, & magnà dilectionis intentione, vestram unanimatem admonere studuimus, quæ magis necessaria videbantur; ut Sanctorum Patrum canonicis institutis inhærentes, præmia cum illis æternæ felicitatis accipere mereamini. Scit namque prudentia vestra, quàm terribili anathematis censurâ feriantur, qui præsumptiosè contra statuta universalium Conciliorum venire audent. Quapropter & vos diligentius admonemus, ut omni intentione illud horribile execrationis iudicium vobis cavere studeatis; magis canonica instituta sequentes, & pacificâ unitate nitentes, ad æterna pacis gaudia venire digni efficiamini. Sunt quoque alia Capitula, quæ vobis utilia huic præcedenti admonitioni subungere visa sunt.

*LX. De Fide Catholica, & primo Præcepto legis.* OMNIBUS.

Primò omnium admonemus, ut Fides Catholica ab Episcopis & Presbyteris diligenter legatur, & omni populo prædicetur: quia hoc primum præceptum est Domini Dei omnipotentis in lege: *Audi (d) Israël, quia Dominus Deus tuus, Deus unus est:* & ut ille diligatur ex toto

corde, & ex totà mente, & ex tota anima, & ex tota virtute nostra.

*LXI. De pace & concordia servanda.* OMNIBUS.

Ut pax sit, & concordia, & unitas cum omni populo Christiano, inter Episcopos, Abbates, Comites, Iudices, & omnes ubique, seu majores, seu minores personas: quia nihil Deo sine pace placet, nec munus sanctæ oblationis ad altare, sicut in Evangelio, ipso Domino præcipiente, legimus: quia & illud secundum mandatum est in lege: *Diliges (e) proximum tuum, sicut te ipsum.* Item in Evangelio: *Beati pacifici, (f) quoniam Filii Dei vocabuntur.* Et iterum: *In hoc (g) cognoscent omnes, quia mei discipuli estis, si dilectionem habueritis ad invicem.* In hoc enim præcepto discernuntur filii Dei, & filii Diaboli: quia filii Diaboli semper dissensiones & discordias movere satagunt; filii Dei semper paci, & dilectioni student.

*LXII. De Iudicibus.*

OMNIBUS.

Ut quibus data est potestas iudicandi justè iudicent, sicut scriptum est: *Iuste (h) iudicate filii hominum.* Non in muneribus, quia munera excecant corda prudentium, & subvertunt verba justorum. Non in adulatione, nec in consideratione personæ, sicut in Deuteronomio (i) dictum est, *Quod justum est iudicate, sive civis sit ille, sive peregrinus: nulla sit distantia personarum, quia Dei iudicium est.* Primum namque iudici diligenter discenda est lex, à sapientibus populo composita; ne per ignorantiam à via veritatis erret: & dum ille rectum intelligit iudicium, caveat ne declinet aut per adulationem aliquorum, aut per amorem cujuslibet amici, aut per timorem alicujus potentis, aut propter præmium, à recto iudicio. Rectum autem & honestum videtur, ut iudices jejuni causas audiant, & discernant.

*LXIII. De perjuriis.* OMNIBUS.

Habemus in lege, Domino præcipiente, *Non (k) perjurabis in nomine meo, nec polluens nomen Dei tui, neque assumens nomen Domini Dei tui in vanum.* Ideo omnino

(c) Gelasius PP. cap. 13.

(f) Matthæi V, 9.

(d) Deuteronomio. 1, 17.

(d) Deuteronom. VI, 4.

(g) Joannis XIII, 35.

(k) Exodi XX.

[e] Matth. V. Levit. XIX.

(h) Psalmo LVII, 2.

Levitici XIX, 12.

nino admonendi sunt omnes diligenter, ut caveant perjurium, non solum in Sancto Evangelio, vel in altari, seu in Sanctorum Reliquiis, sed & in communi loquela: quia sunt aliqui, qui per caritatem & veritatem jurant, & cavent se à juramento nominis Dei, & nesciunt, quodd idem est Deus, quod caritas & veritas, dicente Joanne Apostolo: *Quia* (1) *Deus caritas est.* Item ipse Dominus in Evangelio: *Ego sum* (m) *via & veritas*, ideo, qui in veritate & caritate jurat, in Deo jurat. Item cavendum est, ne Pharisaicâ superstitione aliquis plus aurum honoret, quàm altare: ne dicat ei Dominus: *Stulte*, (n) *& quid est majus, aurum, an Altare, quod sanctificat aurum?* Sed & nobis honestum videtur, ut qui in Sanctis habet jurare, hoc jejunos faciat, cum omni honore & timore Dei. Et sciat, se rationem redditurum Deo, unquique vestrum, ubicumque sit, sive intra Ecclesiam, sive extra Ecclesiam. Et ut parvuli, qui sine rationabili ætate sunt, non cogantur jurare, sicut Gunebodigni faciunt. Et qui semel perjuratus fuerit, nec testis sit posthæc, nec ad Sacramentum accedat, nec in suâ causâ, vel alterius jurator existat.

#### LXIV. De Auguriis, vel aliis maleficiis. OMNIBUS.

Habemus in lege Domini mandatum, non auguramini, & in Deuteronomio: *Nemo* (o) *sit, qui ariolos sciscitetur, vel somnia observet, vel ad auguria intendat.* Item: *Nemo* (p) *sit maleficus, nec incantator, nec Pythonis consultor.* Ideo præcipimus, ut nec cauculatores, & incantatores, nec tempestarii, vel obligatores non fiant; & ubicumque sunt, emendantur, vel damnentur. Item de arboribus, vel petris, vel fontibus, ubi aliqui stulti luminaria, vel alias observationes faciunt, omnino mandamus, ut ipse pessimus usus, & Deo execrabilis, ubicumque invenitur, tollatur & destruat.

#### LXV. De odio, vel invidia. OMNIBUS.

Prædicare necesse est, quantum malum sit odium, vel invidia: quia in lege

scriptum est: *Non* (q) *oderis fratrem in corde tuo, sed publice argue eum.* Item Joannes Evangelista: *Qui* (r) *odit fratrem suum, homicida est.* Item in Evangelio: *Si* (s) *peccaverit in te frater tuus, vade & corripe eum inter te & ipsum solum.* Et cætera, quæ ibi leguntur.

#### LXVI. De avaritia, vel concupiscentia. OMNIBUS.

De avaritia autem Apostolum legimus dicentem: *Avaritia, quæ* (t) *est idolorum servitus, cavenda est.* De concupiscentia verò legitur, quodd radix sit omnium malorum: & in lege: *Non concupisces* (u) *rem proximi tui.*

#### LXVII. De Homicidiis. OMNIBUS.

Item ut homicidia infra Patriam, sicut in lege Domini interdictum est, nec causa ultionis, nec avaritiæ, nec latrocinandi, non fiant; & ubicumque inventa fuerint, à iudicibus nostris secundum legem ex nostro mandato vindicentur: & non occidatur homo, nisi lege jubente.

#### LXVIII. De furtis, & injustis connubiis, & falsis testimoniis. OMNIBUS.

Item & furta, & injusta connubia, nec non & falsa testimonia, sicut sæpe rogavimus, prohibete diligenter, sicut & lex Domini prohibet.

#### LXIX. De honore Parentum. OMNIBUS.

Et hoc cum magno studio admonendum est, ut filii honorent parentes suos: quia ipse Dominus dicit: *Honora* (x) *Patrem tuum & matrem tuam, ut sis longævus super terram, quam Dominus Deus tuus dabit tibi.*

#### LXX. De Fide Presbyterorum ab Episcopis discutienda. SACERDOTIBUS.

Ut episcopi diligenter discutiant per suas Parochias Presbyterorum fidem, Baptisma Catholicum, & Missarum celebrationes: ut fidem rectam teneant, & Baptisma Catholicum observent, & Missarum

(1) I. Joannis IV.

(m) Joannis XIV, 6.

[n] Matthæi XXIII, 19.

(o) Levitici XIX, 31.

(p) Deuteronom, XVIII, 10, 11.

(q) Levitici XIX, 17.

(r) I. Joannis III, 15.

(s) Matthæi XVIII, 15.

(t) Coloss, III, 1.

(u) Exodi XX, 16.

(x) Exodi XX, 12.



farum preces bene intelligant. Et ut Psalmi dignè secundùm divitiones versuum modulentur : & Dominicam orationem ipsi intelligant, & omnibus prædicent intelligendam, ut quisque sciat, quid petat à Deo : & ut *Gloria Patri* cum omni honore apud omnes cantetur, & ipse Sacerdos cum Sanctis Angelis, & populo Dei, communi voce *Sanctus, Sanctus, Sanctus* decantet. Et omnimodis dicendum est Presbyteris & Diaconibus, ut arma non portent, sed magis confidant in defensione Dei, quàm in armis.

**LXXI. De honore Ecclesiæ Dei.**

**ALIQUID SACERDOTIBUS.  
ALIQUID OMNIBUS.**

Placuit nobis, admonere reverentiam vestram, ut unusquisque vestrum videat per suam Parochiam, ut Ecclesia Dei suum habeat honorem : simul & Altaria secundum suam dignitatem venerentur : & non sit Domus Dei, & Altaria pervia canibus : & ut vasa sacrata Deo cum magna veneratione habeantur : & ut sacrificia sanctificata cum magna diligentia ab eis colligantur, qui digni sunt, vel cum honore servantur : & ut sæcularia negotia, vel vaniloquia in Ecclesiis non agantur, quia *Domus (γ) Dei domus Orationis* debet esse, non spelunca latronum : & ut intentos habeant animos ad Deum, quando veniunt ad Missarum solemniam : & ut non exeant ante completionem benedictionis sacerdotalis.

**LXXII. De Ministris Altaris Dei,  
& de schola. SACERDOTIBUS.**

Sed & hoc flagitamus vestram almitatem, ut ministri Altaris Dei suum ministerium bonis moribus ornent : seu & alii Canonici observantia ordinis, vel monachi proposito consecrationis, obsecramus : ut bonam & probabilem vitam & conversationem habeant, sicut ipse Dominus in Evangelio præcipit : *Sic (z) luceat lux vestra coram hominibus, ut videant opera vestra bona, & glorificent Patrem vestrum, qui in celis est.* Ut eorum bonâ conversatione multi attrahantur ad servitium Dei. Et non solum servilis conditionis infantes, sed etiam ingenuorum filios aggregent, sibi que socient. Et ut scholæ legentium puerorum fiant,

Psalmos, notas, cantus, compotum, grammaticam per singula Monasteria, vel Episcopia discant : sed & libros Catholicos bene emendatos habeant : quia sæpe, dum bene aliquid Deum rogare cupiunt, per inemendatos libros malè rogant. Et pueros vestros non finite eos vel legendo, vel scribendo, corrumpere. Et si opus est Evangelium, vel Psalterium, & Missale scribere, perfectæ ætatis homines scribant cum omni diligentia.

**LXXIII. De voto Monachorum, & de Clericatu. SACERDOTIBUS.**

Simul & hoc rogare curavimus, ut omnes ubicumque, qui se voto Monachicæ vitæ constrinxerunt, Monachicè & regulariter omnimodis secundum votum suum vivant, secundum quod scriptum est : *Vota (a) vestra reddite Domino Deo vestro. Et iterum : Melius est non vovere, quàm vovere, & non reddere.* Et ut ad Monasteria viventes, secundum ordinem, primò in pulsatorio probentur, & sic recipiantur. Et qui ex sæculari habitu in Monasteria veniunt, non statim foras ad ministeria Monasterii mittantur, antequam intus bene erudiantur. Et ut Monachi ad sæcularia placita non vadant. Similiter qui ad Clericatum accedunt, quod nos nominamus Canonici vitam, volumus, ut illi Canonice secundum suam regulam omnimodis vivant : Et Episcopus eorum regat vitam, sicut Abba Monachorum.

**LXXIV. De mensuris & ponderibus.  
OMNIBUS.**

Ut æquales mensuras, & rectas, & pondera iusta & æqualia omnes habeant, sive in civitatibus, sive in Monasteriis, sive ad dandum in illis, sive ad accipiendum, sicut in lege Domini præceptum habemus. Item in Salomone, Domino dicente : *Pondus (b) & pondus, mensuram & mensuram odit anima mea.*

**LXXV. De susceptione hospitum.  
OMNIBUS.**

Et hoc nobis competens & venerabile videtur, ut hospites, peregrini, & pauperes, susceptiones regulares & Canonicas per loca diversa habeant : quia ipse

(γ) Lucæ XIX, 46.

(b) Levitici XIX, 36.

(z) Matthæi V, 16.

[a] Ecclesiæ V, 3, 4.

ipse Dominus dicturus erit in remuneratione magni diei : *Hospes (c) eram , & suscepisti me.* et Apostolus, hospitalitatem laudans, dixit : *Per hanc (d) quidam placuerunt Deo , Angelis hospitio susceptis.*

**LXXXVI. De Abbatissis contra morem Ecclesiæ facientibus.**

EPISCOPIS & ABBATIBUS.

Auditum est, aliquas Abbatissas, contra morem Sanctæ Dei Ecclesiæ, benedictiones cum manûs impositione, & signaculo sanctæ Crucis, super capita virorum dare, nec non & velare virgines cum Benedictione Sacerdotali: quod omnino à vobis, Sanctissimi Patres, in vestris Parochiis illis interdicens esse fecitote.

**LXXXVII. De Clericis, qui se fingunt esse Monachos. CLERICIS.**

Ut illi Clerici, qui se fingunt habitum, vel nomine Monachos esse, & non sunt, omnimodis videntur esse corrigendi atque emendandi, ut vel veri Monachi sint, vel veri Canonici.

**LXXXVIII. De pseudographiis, & dubiis narrationibus.**

OMNIBUS.

Pseudographiæ, & dubiæ narrationes, vel quæ omnino contra fidem Catholicam sunt, ut epistola pessima & falsissima, quam transacto (e) anno dicebant aliqui errantes, & in errorem alios mittentes, quodd de Cælo cecidisset, nec credantur, nec legantur, sed comburantur; ne in errorem per talia scripta populus mittatur. Sed soli Canonici libri, & Catholici tractatus, & Sanctorum auctororum dicta legantur & tradantur.

**LXXXIX. De mangonibus & nudis cum ferro.**

ALIQUID SACERDOTIBUS.

ALIQUID OMNIBUS.

Item ut isti mangones & cotiones, qui sine omni lege vagabundi vadunt, per istam terram non finantur vagari, & deceptiones hominibus agere. Nec isti nudi cum ferro, qui dicunt se datâ sibi

pœnitentiâ ire vagantes. Melius videtur, ut si aliquid inconfuetum & capitale crimen commiserint, in uno loco permaneant laborantes, & servientes, & pœnitentiam agentes, secundum quod sibi canonicè impositum sit.

**XXC. De Cantu Romano à Monachis peragendo.**

OMNIBUS CLERICIS.

Monachi, ut cantum Romanum pleniter & ordinabiliter per nocturnale vel gradale officium peragant, secundum quod beatæ memoriæ genitor noster Pipinus Rex decertavit, ut fieret, quando Gallicanum cantum tulit, ob unanimitatem Apostolicæ Sedis, & Sanctæ Dei Ecclesiæ pacificam concordiam.

**XXCI. De operibus servilibus, quæ diebus Dominicis non sunt agenda. OMNIBUS.**

Statuimus quoque, secundum quod & in lege Dominus præcepit, ut opera servilia diebus Dominicis non agantur, sicut & bonæ memoriæ Genitor meus in suis Synodalibus Edictis mandavit, quod nec viri ruralia opera exerceant, id est, nec in vinea colenda, nec in campis arando, nec in metendo, vel fœnum secando, vel sœpem ponendo: nec in sylvis stirpare, vel arbores cedere, vel in petris laborare, nec domos construere: nec in horto laborent, nec ad placita conveniant, nec venationes exerceant. Sed tria carraria opera licet fieri in die Dominico, id est, hostilia carra, vel victualia, vel, si fortè necesse erit, corpus cujuslibet duci ad sepulchrum. Item fœminæ opera textilia non faciant, nec capulent vestitus, nec consuant, vel acupictile faciant: nec lanam carpere, nec linum battere, nec in publico vestimenta lavare, nec berbices tondere habeant licitum: ut omnimodis honor & requies diei Dominici servetur. Sed & ad Missarum solemnias ad Ecclesias undique conveniant, & laudent Deum in omnibus bonis, quæ nobis in illo die fecit.

**XXCII. De prædicatione Episcoporum & Presbyterorum.**

OMNIBUS.

Sed & unicuique vestrum videndum

(c) Matth. XXV, 35.

(d) Hebræ. XIII, 2.

(e) Vide paginam 68. Tomi hujus primi, ubi refertur hæc Epistola ad A. C. 745.



dum est, dilectissimi & venerabiles Pastores & rectores Ecclesiarum Dei, ut presbyteri, quos mittitis per Parochias vestras, ad regendum, & ad prædicandum per ecclesias populum Deo servientem, rectè & honestè prædicent, & non finatis nova, & non canonica, aliquos ex suo sensu, & non secundum Scripturas Sacras, fingere & prædicare populo. Sed & vosmetipsi utilia honestè, & rectè, & quæ ad vitam ducunt æternam, prædicare, aliisque instruere, ut hæc eadem prædicent. Primum omnium prædicandum est omnibus generaliter, ut credant, Patrem, & Filium, & Spiritum Sanctum unum esse Deum omnipotentem, æternum, invisibilem, qui creavit Cælum & Terram, mare & omnia, quæ in eis sunt: & unam esse Deitatem, substantiam, & Majestatem in tribus personis Patris, & Filii, & Spiritus Sancti. Item prædicandum est, quomodo Filius Dei incarnatus est de Spiritu Sancto, & ex Maria semper Virgine, pro salute & reparatione humani generis, passus, sepultus, & tertiâ die resurrexit, & ascendit in Cælum: & quomodo iterum venturus sit in Majestate Divina, judicare omnes homines secundum merita propria; & quomodo impii propter scelera sua cum diabolo in ignem æternum mittentur, & iusti cum Christo, & cum Sanctis Angelis suis in vitam æternam. Item diligenter prædicandum est de resurrectione mortuorum, ut sciant, & credant, in iisdem corporibus præmia meritorum accepturos. Item cum omni diligentia cunctis prædicandum est, pro quibus criminibus deputentur cum diabolo in æternum supplicium. Legimus enim, Apostolo dicen-

te: *Manifesta autem sunt opera carnis, quæ sunt fornicatio, immunditia, luxuria, idolorum servitus, veneficia, inimicitia, conventiones, emulationes, animositates, ira, rixa, dissensiones, hæreses, sectæ, invidia, homicidia, ebrietates, commensationes, & his similia: quæ prædico vobis, sicut prædixi, quoniam qui talia agunt, regnum Dei non consequentur.* Ideo hæc eadem, quæ magnus prædicator ecclesiæ Dei fingillatim nominavit, cum omni studio prohibeantur, intelligentes, quàm sit terribile illud, quod dixit: *Quoniam qui talia agunt, regnum Dei non consequentur.* Sed & omni instantia admonete eos de dilectione Dei & proximi, de fide & spe in Deo, de humilitate & patientia, de castitate & continentia, de benignitate & misericordia, de Eleemosynis & confessione peccatorum suorum: & ut debitoribus suis secundum Dominicam orationem sua debita dimittant. Scientes certissimè, quod qui talia agunt regnum Dei non possidebunt. Et hoc ideo diligentius injungimus vestræ caritati, quia scimus, temporibus novissimis pseudo-doctores esse venturos, sicut ipse Dominus in evangelio prædixit, & Apostolus Paulus ad Timotheum testatur. Ideo, Dilectissimi, toto corde præparemus nos in scientia veritatis, ut possimus contradicentibus veritati resistere, & Divinâ donante gratiâ verbum Dei crescat, & currat, & multiplicetur in profectum Sanctæ Dei Ecclesiæ, & salutem animarum vestrarum, & laudem, & gloriam nominis Domini nostri JESU CHRISTI. Pax prædicantibus, gratia obedientibus, gloria Domino nostro JESU CHRISTO.

Anno Dominicæ Incarnationis (f) DCCLXXXIX.  
Indictione XII. Anno XXI. Regni nostri actum  
est hujus Legationis Edictum, in Aquisgrani palatio publico. Data est hæc charta die X. Kalendas  
Apriles.

CARO-

(f) Hæc eadem temporis notatio in codice Palatino-Vaticana Bibliothecæ sequentibus duobus Capitulis Caroli M. tituli loco præscribitur. *Nota P. Labbé.* Balozius Tomo I. Capitularium hoc secundum & tertium Capitulare refert ad annum hunc DCCLXXXIX.

## CAROLI MAGNI

REGIS

## CAPITULA,

*Quæ ad Monachos (g) propriè spectant: eidemque loco & anno, quibus superiora, in nonnullis Codicibus adscribuntur.*

I.

DE Monachis gyrovagis, vel sarabaitis.

II.

De Anachoretis, melius est, ut horrentur in congregatione permanere, quàm animus eorum alicubi ambulare tentet.

III.

Ut non parvipendentes sint Pastores animarum sibi commissarum; nec majorem curam habeant de lucris terrenis, quàm de animabus sibi commissis.

IV.

De obedientia, quæ Abbati debet exhiberi, & ut absque murmuratione sit.

V.

De Decanis, & Præpositis, ut eorum mutatio secundum Regulam fiat.

VI.

De Cellariis Monasterii, ut non avari, sed tales mittantur, quales Regula præcipit.

VII.

Ut ubi corpora Sanctorum requiescunt, aliud Oratorium habeatur, ubi fratres secretè possint orare.

VIII.

De Eulogiis.

Item alia Capitula (i) de diversis rebus, partim Ecclesiasticis, partim Politicis.

I.

UT Comites Pupillorum & Orphanorum causas primùm audiant: & in venationem non vadant in illo die, quando placitum debent custodire, nec ad pactum.

II.

De Sacramento fidelitatis, quod nobis & filiis nostris jurare debent, quod his verbis contestari debet: *Sic promitto ego ille, partibus Domini mei Caroli Regis, & Filiorum ejus, quia fidelis sum, & ero diebus vite meæ, sine fraude vel malo ingenio.*

N n 3

III. DE

(g) Hoc Capitulare, & sequens tertium anni hujus in codice Sancti Vincentii conjunguntur cum præcedente eodem titulo & anno. Idem fit in editione Bavarica: Igitur omnia tria ad hunc annum & locum pertinent. *Sirmondus.*

(b) Præmium non quærat *Baluzius.*

(i) Capitulare tertium anni 789. dicitur *Baluzio.*

IX.

De susceptione hospitum, sicuti regula continet.

X.

De vestimentis Monachorum, ubi superfluum est abscedatur; & ubi minus, augeatur.

XI.

De noviter venientibus ad conversionem, ut secundum regulam probentur, & non antea recipiantur, nisi sicut regula jubet. Et nullus cogatur invitus promittere: & de obedientia, & de stabilitate permanendi, sicut regula jubet.

XII.

De filiis nobilium, qui offeruntur.

XIII.

De ordinando Abbate.

XIV.

De Fratribus in viam directis.

XV.

Ut nullus Abbas pro susceptione Monachi præmium (b) quærat.

XVI.

Ut disciplina Monachis regularis imponatur, non sæcularis: id est, non orbentur, nec mancationes alias habeant, nisi ex auctoritate regulæ.



## III.

De Monasteriis minutis, ubi Nonnanes sine regula sedent, volumus, ut in uno loco congregatio fiat regularis, & Episcopi prævideant, ubi fieri possit: & nulla Abbatissa foras Monasterium exire præsumat sine nostra iussione, nec sibi subditas facere permittat: & earum claustra sint bene firmata, & nullatenus Winileodos scribere vel mittere præsumat: & de pallore earum propter sanguinis minutionem.

## IV.

De codicibus, vel tabulis requirendum. Et ut nullus in psalterio, vel in Evangelio, vel in aliis rebus fortiri præsumat, nec divinationes aliquas observare.

## V.

Ut nullus glorietur, per injustitiæ rationem aut conquirere aliquid, aut continere.

## VI.

Ut illæ disciplinæ, quæ propter legem conservandam sunt constitutæ, propter præmium non dimittantur.

## VII.

Ut audiant Episcopi baptisterium Presbyterorum, ut secundum morem Romanum baptizent.

## VIII.

De calceamentis secundum Romanum usum.

## IX.

Ut in diebus Festis, vel Dominicis omnes ad Ecclesiam veniant. Et non invitent Presbyteros ad domos suas, ad missam faciendam.

## X.

Omnino prohibendum est omnibus ebrietatis malum: & istas conjurationes, quas faciunt per Sanctum Stephanum, aut per nos, aut per filios nostros prohibemus: & præcipimus, ut Episcopi, vel Abbates non vadant per causam miscendo.

## XI.

De eo, quod Missi nostri provide-re debent, ne fortè aliquis clamor super Episcopum, vel Abbatem, vel Abbatissam, vel Comitem, seu per qualemcunque gradum sit, & nobis renunciare.

## XII.

De injustis teloneis.

## XIII.

De manu leprosi.

## XIV.

Ut Monachi, & qui in gradu Sacerdotali constituti sunt, ad sæcularia negotia non transeant. De reliquis tonsuratis detur spatium usque in Synodum nostram.

## XV.

Ut Episcopi, & Abbates, & Abbatissæ culpas (k) canum non habeant, nec fallaces, nec accipitres, nec jaculatores.

## XVI.

De pauperibus in plateis, vel quadruviis jacentibus, ut ad Ecclesiam veniant, & illorum confessiones donentur.

## XVII.

Ut supra altaria (l) tecuaria fiant, vel laquearia.

## XVIII.

Ut Cloccæ non baptizentur, nec chartæ per perticas pendeant propter grandinem.

## XIX.

Ut Missi nostri provideant beneficia, quomodo sint condirecta, & nobis renunciare sciant.

## XX.

De leprosis, ut se non intermiscant alii populo.

## XXI.

Et omnino Missis nostris præcipimus, ut bona, quæ aliis per verbum nostrum docent facere, factis in se ipsis ostendant.

*Baluz. Tomo I. Capitularum à pag. 241. ad 244.*

*Labbe Tomo IV. Conciliorum pag. 844-845. 846.*

(k) cupplas.

[l] teguria Baluzius.

## CONVENTUS WORMATIÆ.

Anno Christi DCCXC. Hadriani XVIII.

Caroli Magni XXII.

**M**agnum Conventum cum Francis habuit Rex Carolus ad Vangionem, (a) quod est Wormatia.

Venit ibidem Legatio (b) Hunnorum, quos audivit, & suos vicissim ad eorum Principes misit. Agebatur de confiniis Regnorum suorum, quibus in locis esse deberent. Hæc contentio, atque

altercatio belli, quod postea anno 791. cum Hunnis gestum est, seminarium & origo fuit.

Rex disposuit (c) ea, quæ utilia videbantur esse in Regno suo. Cæterum annus hic à bellorum motibus (d) quietus fuit. Nulla expeditio à Rege facta.

(a) *Annales Francorum S. Martini Masiacensis apud Labbé Tomo II. MSS. Bibliothec.*

(b) *Fragmentum Annal. Petavii apud Duchesne Tomo II. Scriptor. Franciæ.*

*Annales Reuberiani, Newenarum.*

(c) *Chronicon S. Arnulphi.*

(d) *Annal. Newenarum, & Reuberiani. Ex his Synodographi Sirmondus & Harduinus.*

## CONCILIIUM RATISBONENSE.

Anno Christi DCCXCII. Hadriani XX.

Caroli Magni XXIV.

De hæresi Felicis Orgellitani Episcopi.

**O**rgellis est civitas in Pyrenæi montis jugo sita, cujus Episcopus, nomine Felix, natione Hispanus, ab Eligio, Toleti Episcopo, per literas consultus, quid de Humanitate Salvatoris Dei, & Domini nostri JESU CHRISTI sentire deberet, utrum secundum id, quod homo est, proprius, an adoptivus Dei Filius credendus esset, ac dicendus? valde incautè atque inconsideratè, & contra antiquam Catholicæ Ecclesiæ doctrinam, adoptivum non solum pronuntiavit, sed etiam scriptis ad memoratum Episcopum libris, pertinacissimè pravitatem

opinionis suæ defendere curavit. Hujus rei causâ ductus (a) ad Palatium Regis, qui tunc apud Reginum, Bajoriæ civitatem, in qua & hiemaverat, residebat. Ubi congregato Episcoporum Concilio (b) auditus est, & errasse convictus. (c)

Ad Præsentiam Adriani Pontificis (d) Romam missus, ubi etiam coram ipso in Basilica Beati Petri Apostoli hæresim confessus est, atque abdicavit.

Quo facto ad civitatem suam reversus est.

*Annales Francorum à Nemenario editi 1521, Quibus consentiunt Petaviani, & Reuberiani, Loiseliani, Laurishamenses, Bertiniani, Metenses.*

(a) Præfatus Urgellæ civitatis, tunc ad regnum Aquitaniz, adeoque ad Francos pertinentis, videtur tumultuantem Felicem Carolo Regi misisse Ratisbonam.

[b] Episcopi Bavariz Arno Salisburgensis, Waldericus Pataviensis, Paulinus Aquilegiensis, & finitimi videntur huic Synodo interfuisse. *Hansiz, Germania Sacra Tomo I. pag. 145.*

(c) Hæc prima Synodus coacta ad errorem Felicis damnandum, altera Romana hoc eodem anno sub Hadriano: Tertia Francofordiensis anni 794. Quarta Aquisgranensis anno 799. Quinta Urgellitana anni 798. cui Benedictus Aniani, & S. Cornelii ad Indam Abbas interfuit: Ultima Aquisgranensis anni 803.

(d) Hadrianus Papa jam anno 783. hujus erroris sparsi notitiam habuerat, & de eo Ep. XCVII. *Codicis Carolini editionis novæ Tomo VI. Gregorianæ, scripta ad omnes Hispania Episcopos, meminit,*



nit, ubi de hæresi blasphema Elipandi Toletani Episcopi, olim discipuli Felicis, & Ascarici Ep. Bracarenfis, jam à Felice seductorum, veluti Nestorii hæretici posterorum: quos doctissimè confutat testimoniis densis S. Scripturæ & SS. Patrum. Angelbertus Abbas Felicem, iussu Caroli, Pontifici Romano dedit in manus, qui errantem oviculam ad erroris abjurationem adegit hoc anno. *Nota hæc est Cmsi Eckharti rerum Franciæ L. XXV. §. L.*

Eodem anno, & in eadem urbe Regino, Pippinus Filius major Caroli Regis conjugationem inivit cum quibusdam Francis in Regis Patris sui necem, qui Franci crudelitatem Reginæ Fastradæ se ferre non posse, asseverabant.

Hæc conjuratio ab Ardulfo Longobardo detecta fuit; qui ob meritum fidei servatæ, Monasterio S. Dionysii donatus est. Autores verò conjugationis, ut rei læsæ Majestatis, partim gladio cæsi, partim patibulis suspensi, ob meditatum scelus tali morte multati sunt.

*Annales Neuenariani, Renberiani, Petaviani.* Quorum alii in Conventu Episcoporum Ratisbonensi, alii post Conventum, hanc conjuratorum condemnationem institutam parrant. *Chronicon vetus Cænobii Moisiacensis* refert hanc detectam Pippini & Procerum conjugationem ad annum sequentem 793; & Conventum ad Ragenesburch in ipsa hyeme anni ejusdem celebratum, in quo Carolus fideles suos Episcopos, Abbates, & Comites, qui cum Pippino in ipso consilio pessimo non fuissent, multipliciter honoravit auro, argento, & serico, & donis plurimis: verosimiliter autem est, hæc omnia anno 792. post Synodum actitata fuisse.

## CONCILIIUM FRANCOFORDIENSE,

*In quo hæresis Felicianæ ab Episcopis universi Regni Francorum, Italiae, Galliae, ac Germaniae, præsentem Carolo Magno Rege, atque Hadriani Papæ Legatis, Theophylacto & Stephano Episcopis, tertio damnata est,*

Anno Christi DCCXCIV. Hadriani ejusdem Papæ XXIII. Caroli Magni XXVI.

*Index eorum, quæ in hoc Concilio (\*) continentur.*

- I. Epistola Hadriani Papæ ad Episcopos Hispaniæ, contra Elipandum Episcopum Toletanum.
- II. Libellus Episcoporum Italiae contra Elipandum, Concilii decreto missus ad Provincias Hispaniæ.
- III. Synodica Concilii, ab Episcopis Galliae & Germaniæ ad Præsules Hispaniæ missa.
- IV. Caroli Magni Regis Epistola ad Elipandum, in qua trium etiam superiorum Libellorum fit mentio.
- V. Admonitio Surii & Sirmondii ad Canonem II. Concilii Francofordiensis.
- VI. Canones LVI. Concilii Francofordiensis, ex antiquis codicibus eruti.
- VII. Epistola Paulini Aquilejensis in Synodo Francofordiensi scripta.
- VIII. Caroli Regis Donatio, facta Monasterio Caunensi in eadem Synodo.

## EPISTOLA HADRIANI PAPÆ AD EPISCOPOS HISPANIÆ, CONTRA ELIPANDUM EPISCOPUM TOLETANUM.

**H** Adrianus Papa Sanctæ Catholicæ et Apostolicæ, primæq; Pontificis Sedis, Dilectissimis Fratribus, & Confacerdotibus nostris, Galliciis, Spaniisq; Eccle-

(\*) Desunt & interierunt literæ Elipandi Episcopi Toletani, ad Carolum Regem; alteræ ejusdem ad Hadrianum Papam; Tertiæ ejusdem ad Episcopos Galliarum; sed ex Responsoriis Hadriani, Caroli, & Episcoporum colligitur argumentum earundem literarum, nempe pertinax & dolosa

Ecclesiis præfidentibus, in roseo Christi sanguine salutem. Si tamen licet de omnibus Fratribus & Confacerdotibus dici. Non enim caritatis vinculo fraternæ ansula perstringente nostris illigare amplexibus amoris connivemus modò, qui non sunt fidei nostræ communioni sinceris sensibus sociati, ac per hoc à gremio Sanctæ Matris ecclesiæ lacrymabili divisione exstant exortes. Igitur dilectissimus Filius noster, & spiritalis Compater, domnus Carolus Magnus, & venerabilis Princeps, Rex Francorum ac Longobardorum, seu Patricius Romanorum, sæpe nos styli ferculo, Catholicæ fidei epulas offendo, multarefectionis dulcedine satiari consuevit, & confluente ad vallem mentis ex aliis quibuscumque rebus amaritudinis unda, mellitis quinimmo rivulis, lætitiæ de fonte manantibus summa nihilominus suavitate temperare non cessat. Sed quoniam ferventi succensus Fidei zelo, eaque contraria orthodoxæ fidei, Spaniarum de consiniis allata sibi persensit, nostris curavit summa pernicitate obtutibus præsentari, Beati Petri amore feliciter obstrictus, non renuit illi honorem debitum exhibere, & sedis ejus Præfulem dignum duxit sacris syllabis consulendum; Regiam videlicet vel Canonicam placuit ei consuetudinem renovare. Cùmque perlectus, & sagaciùs exploratus fuisset Epistolæ (a) textus, reperta sunt in eodem pseudosyllabo perquam plurima cum Autore suo Elipando; Toletanæ sedis Archiepiscopo, redarguenda, ac per hoc redargutionis vindictâ modis omnibus ulciscenda. Unde non mediocri dolore mente nostrâ sauciata, medium se in animum nostrum tristitiæ angor immerfit. Quâ de re nimio satis zelo compulsi, ex auctoritate sedis Apostolicæ, pro causâ siquidem orthodoxæ fidei, æquum ratumque per sacros apices prospeximus respondendum.

Materia autem causalis perfidiæ in-

O o

ter cætera rejicienda, de adoptione JESU CHRISTI, FILII DEI, secundum carnem falsis argumentationibus digesta, perfidorum verborum ibi stramina in composito calamo legebantur. Hoc Catholica Ecclesia numquam credidit, numquam docuit, numquam malè credentibus assensum præbuit. Multa siquidem sparsim in sacris foliis Divinarum Scripturarum testimonia super hoc negotio inserta reperiri possunt. Sed si in unum plura coacervatim colligere non vitamus, mensuram prorsus epistolæ ultra modum excedere nihilominus judicamur. Sufficiant ergo pauca de multis, ne morosa legendi prolixitas desidiis fastidium inferat, non abstergat. Cujus namq; meliùs, quàm ipsius Domini verba primum ponenda sunt? Ipsius nimirum veritatis testimonia inferenda. Ipse enim de se innotuit, cujus filius esset, cùm Patris nomen, se asserat hominibus nuntiâsse. Ait enim: *Manifestavi (b) nomen tuum hominibus, quos dedisti mihi de mundo.* Nomen paternum tunc manifestavit hominibus, cùm se Patris filium verum, & non putativum: proprium innotuit, & non adoptivum. Sed notandum, quod dicitur: *Hominibus, quos dedisti mihi.* Non enim sunt isti ex illis hominibus, quos ei Pater dederat, & immo, quos ille cum Patre ante mundi constitutionem elegerat, qui eum adoptivum, & non proprium filium constituentur: quasi alienus aliquando à Patre fuerit, aut per carnis extraneus ab eo factus esset assumptionem; cùm, ut Verbum caro fieret, una existeret Patris Filique voluntas, sicut scriptum est: *Ut facerem voluntatem (c) tuam, Deus meus volui.* Hinc aliàs ait: *Ascendo (d) ad Patrem meum, & Patrem vestrum.* Distinctè enim dixit: *Meum & vestrum.* Ejus videlicet, non per gratiam, sed per naturam: noster verò, per gratiam adoptionis. Porro numquam non fuit filius, quia numquam non fuit Pater. Semper enim & ubi-

defensio erroris Feliciani. Sed Elipandi Epistolæ responsores ad Alcuinum supersunt inter opera Alcuini edita Parisiis 1617. pag. 910. Et Alcuini ad Elipandum prima cohortatoria Ep. cum libelli duo confutatorii Elipandi in eadem Editione: demum Epistola Elipandi ad Felicem, nuper conversum.

- (a) Epistola hæc vel à Felice Urgellitano, vel ab Elipando Toletano, vel ab alio erroris socio Hispano Episcopo, scripta fuit ad Hadrianum PP. nisi fors hi Episcopi Concilium coegerint pro suo errore tuendo, ut opinatur *Manf. Supplementi Tomo I.* Ut ut sit, ea Epistola non extat. Hæc Hadriani Epistola eandem confutat clarissimis SS. Scripturæ testimoniis.
- (b) Joannis XVII, 6. (c) Psalm. XXXIX, 9. (d) Joann. XX, 17.



ubique distinctè Patrèm suum appellat. *Pater*, (e) inquit, *meus usque modò operatur*, & ego operor. Et rursus: *Pater clarifica* (f) *filium tuum, ut filius tuus clarificet te*. Et: *Pater meus* (g) *quod dedit mihi, majus omnibus est*. Quòd si secundùm eorum callidam tergiversationem cuncta, quæ protulimus, ad Divinitatem tantummodo Filii Dei referenda opinantur, dicant, ubi umquam communi affectu dixerit nobiscum, *Pater noster*? *Scit enim*, inquit, *Pater vester*, (i) *quid vobis opus sit*. Non ait, *noster*, quasi nobiscum adoptatus per gratiam. Et alibi: *Estote ergo* (k) *& vos perfecti, sicut & Pater vester cælestis perfectus est*. Cur non dixit, *noster*? Quia aliter *noster*, & aliter *suus*. Hinc rursus ait: *Si vos, cum sitis mali*, (l) *nōstis bona dare filiis vestris, quanto magis Pater vester, qui in cælis est, dabit bona petentibus sè?* &c. Hinc Paulus, Electionis vas, ait: *Proprio filio* (m) *suus non pepercit Deus, sed pro nobis omnibus tradidit illum*. Sci- mus enim, quia non est traditus secundùm Divinitatem; sed secundùm id, quod homo verus erat. Illum nimirum qui traditus est, id est, hominem, ipsum Apostolus proprium Dei Filium protestatur.

Quid enim præstabilius, quidve clarius, & omni religione devotius, quàm beati Petri, primi Pastoris Ecclesiæ, felici confessione prolata fidei tenere fundamentum? *Fundamentum*, (n) inquit Magister gentium, *aliud nemo potest ponere præter id, quod positum est, quod est CHRISTUS JESUS*. Hujus nimirum fundamenti immobilis soliditatem B. Petrus, non carne & sanguine, sed Patre revelante de cælo, contendendam declaravit. Cum refutatis quorundam opinionibus, quid in discipulorum animis fides operaretur, cunctorum cognitor exploraret; solus pro se, & pro omnibus, & pro unitate unus, testimonium fidei perhibuit, dicens: *Tu es* (o) *Christus, Filius Dei vivi*. Qui mox confessionis præmium, nullâ interveniente morâ adeptus, ut cæli janitor, & ligandi, solvendi- que arbiter factus est animarum. Stanimque Dominus: *Et ego dico* (p) *tibi, quia tu es Petrus, & super hanc Petram ædificabo Ecclesiam meam*. Super hanc, inquit, petram,

quam confessus es, & à quâ vocabuli sortitus es dignitatem: super hanc soliditatem fidei Ecclesiam meam ædificabo. Et idcirco portæ inferi non prævalebunt adversus eam, per quas aditus mortis panditur, ut ad inferni claustra eorum errores sequendo descendant, qui se à B. Petri fidei communione dissociant. Relictâ, heu miseri! inviolabilis petræ inconcussâ firmitate, super lubrica & arenosa ruralia perfidia domum ædificare festinant. Inundatione autem juxta Dei beatificam vocem facta, illisum est limen domûs, & cecidit, (q) *quia non erat fundata super Petram*. O quàm bene fidei ejus immobiliter persistente muro, omnium hæreticorum fluxa sunt machinamenta destructa! Numquidnam dixit Petrus: *Tu es Christus*, qui propter nos factus es Filius hominis, & per adoptionem factus es Filius Dei? Absit. Hoc nec Petrus confessus est, nec Sancta Ecclesia, super firmam fundata petram, id est, Fidei fundamentum, quod Christus est, confitetur; quam Christus protegit & defendit, & Petrus, Christi auxilio sustentus, gubernat. Sed unâ voce cum Petro Christus Dei Filium confitetur, quia unus est Christus, Dei, hominisque Filius, non per gratiam adoptionis, sed propriâ filii dignitate.

Sufficeret quinimmo, in his duobus, vel tribus testibus stare omne verbum: sed propter controversias litigantium, qui falsis objectionibus, conjecturalium quæstionum molimine, veritatis refragari nituntur adfectionibus, adhibeamus quin etiam alios veritatis testes, Sanctos scilicet Prædicatores nostros, qui in gremio Catholicæ Ecclesiæ lacte fidei sunt nutriti, & ad tantam perfectionis maturitatem perungere meruerunt, quatenus & solidi cibi capaciores fierent, & minutius turbis frangendi peritiam retinerent. Beatus igitur Athanasius, Alexandrinæ Sedis Antistes, sancto afflatus spiritu, hoc modo fidei suæ exorsus principium dedit: *Confitemur Filium Dei, ante sæcula sempiternum, ex Patre genitum, novissimis verò temporibus propter nostram salutem de MARIA Virgine natum, sicut scriptum est: Quando* (r) *venit plenitudo temporis, misit Deus filium suum, factum*

(e) Joannis V, 17.

(f) Matth. VI, 18.

(g) Roman. VIII, 32.

(p) Ibidem.

(f) Joannis XVII, 1.

(k) Matth. V, 48.

(n) I. Corinth. III, 11.

(q) Matth. VII, 25.

(g) Joan. X, 29.

(h) Lucæ XI, 13.

(o) Matth. XVI, 16.

(r) Galat. IV, 4.

*factum ex muliere.* Ac deinceps : Si quis verò adversus Divinas Scripturas alium dicens Filium Dei, & alium, qui ex Maria Virgine, hominem secundum gratiam adoptatum, sicut nos, quasi essent duo filii, unus secundum naturam, qui ex Deo, & unus secundum gratiam, qui ex MARIA : & si quis Domini nostri carnem desursum dicit, & non ex Virgine MARIA ; aut mutatam Deitatem in carnem, & confusam, aut alienatam, aut passibilem Deitatem, aut inadordandam Domini nostri carnem, sicut hominis, & non adorandam Domini & Dei carnem ; hunc anathematizat Sancta & Apostolica Ecclesia, juxta Pauli vocem dicentis : *Si quis (r) aliter evangelizaverit vobis præter quod accepistis, anathema sit.* Eloquentissimus vir, S. Gregorius Nazianzenus, ad Clidonium ita scribit : Si quis introducit duos filios, unum quidem, qui ex Deo, & Patre, secundum verò, qui ex matre, & non eundem, ut adoptionis excedat gratiam, quæ promissa est his, qui rectè credunt, alienum eum à nostro consortio judicamus. Naturæ verò duæ, Deus & homo, nam & anima, & corpus. Filii verò non duo ; neque Dii, neque duo homines, quamvis Paulus *interiorem (t) & exteriorem* hominem appellaverit. Sed hujus expositio Capituli tempore reservatur opportuno.

Venerabilis verò Pater Augustinus, & admirabilis Doctor, in quodam sermone super Evangelio Joannis, inter cætera, sic ait : Non enim nos nati sumus de Deo, quomodo ille unigenitus, sed adoptati per gratiam ipsius. Ille enim venit unigenitus solvere peccata. Advertat tandem aliquando obstinata dementia vestra, & abjicientes opera tenebrarum, indui arma lucis, reliquæque nocte perfidiæ, in die sinceræ fidei honestè ambulate. Pensate, quid Doctor iste dixerit, adoptatos nos esse per gratiam ipsius, qui peccata solvere venit. Quomodo per illius gratiam nos sumus adoptati, si ipse confors nobis in adoptionis gratiâ fuit ? Credatur ergò, quod dici nefas est, particeps etiam nobis in causâ peccati. Nam sicut peccata nostra non tolleretur, si ipse peccatum haberet : ita adoptionis gratiam nobis non tribueret, si ipse propter hominem, quem assumpsit sine sorde peccati, ne-

O o 2

cessarium eguerit, ut gratiam adoptionis acciperet. Animadvertite, quid Dilectus Joannes Baptista, & Præcursor dixit : *Joannes*, inquit, *testimonium perhibuit, (u) quia ipse est Filius Dei* : Ipse est, inquit, unus idemque. Oportebat, ait Beatus Augustinus, cum Capituli hujus mysterium exponendo revelaret, ut ille baptizaret, qui est Filius Dei unicus, non adoptivus. Adoptati Filii, ministri sunt unici : unicus autem habet potestatem, adoptare ministrum. Scriptum est enim : *Pater (x) diligit Filium, & omnia dedit in manu ejus.* Adoptivis verò filiis non dedit omnia, sed quædam dona charismatum. Pater diligit Filium : sed quomodo Pater Filium ? Non quomodo Dominus servum : quomodo unicum, non quomodo adoptatum.

Jam nunc videamus, quid de hac re sentiat prædecessor noster, Beatus Gregorius, egregius Doctor, sagacissimus Verbi Dei indagator, & venerabilis Pater. Denique in libris moralibus, Sancto repletus Spiritu, inter cætera de eo, quod scriptum est : *Erâtque (y) vir ille magnus inter omnes Orientales.* Omnes, inquit, qui in hunc Orientem fide consistunt, rectè Orientales vocantur. Sed quia omnes homines tantummodo homines, ipse autem Oriens Deus & homo ; rectè dicitur : *Erât magnus inter omnes Orientales*, ac si aperte diceretur, omnes, qui in fide Deo nascuntur, superat : quia non ut cæteros adoptio, sed natura illum Divinitatis exaltat. Et rursus alibi idem ipse : Quia omnis homo tantummodo homo est, ipse autem Deus & homo, in terrâ ei similis non est : quia etsi adoptivus quisque filius ad percipiendum Divinitatem proficit ; nequaquam tamen, ut Deus naturaliter esset, accepit. Item ipse in eodem libro B. Job, de eo, quod scriptum est : *Ecce Deus (z) excelsus in fortitudine, & nullus ei similis in legislatoribus.* Ac si diceret, Qui humilis videbatur in infirmitate, excelsus manet in fortitudine. Et post paululum : Legislator Moyses, Legislatores etiam Prophetas, vel cunctos Legislatores dicere possumus, quos ex lege admonuisse recta populum scimus : sed huic mediatori in legislatoribus similis nullus est : quia isti gratuito vocati ex peccatis ad innocentiam redeunt ; Redemptor autem noster homo sine peccato

(r) Galat. I, 9.

(t) Roman. VII.

(u) Joan. I, 34.

(x) Joan. III, 35.

[y] Jobi I, 3.

[z] Jobi XXXVI, 22.



cato est, filius sine adoptione. Nam etsi homo quidem, sed extra mensuram hominum credendus est. Unde bene dicitur: *Nullus ei similis in legislatoribus*. Ecce de quo scriptura dicit, *Deus excelsus in fortitudine*, & *nemo ei similis in legislatoribus*. Et de quo alia Scriptura dicit: *Quis in nubibus (a) æquabitur Domino? aut quis erit similis Deo inter filios Dei?*

Tanta nimirum vos temeritatis dementia deludit, ut æquare eum nubibus & legislatoribus non erubescatis: adoptivum eum filium, quasi purum hominem, calamitati humanæ subiectum, & quod pudet dicere, servum eum impii & ingrati tantis beneficiis, liberatorem nostrum non pertimescitis venenosâ fauce susurrare. Cur non veremini, queruli obrectatores, Deo odibiles, illum servum nuncupare, qui vos de servitute diaboli liberavit; cui servituti vos iterum nitimini perfidiæ sponte colla submittere? Porro cum essetis servi peccati, ipse vos liberavit gratuito munere per adoptionis gratiam in fortem filiorum Dei. Numquid non sonat de vobis vox illa Domini dicentis: *Ego (b) honorifico Patrem meum, & vos inbonorâstis me?* Tales gratiarum actiones infelices ei refertis, ut, qui vos honorificè liberos pretio sanguinis fecit, eum vos injuriosè adoptivum & servum caninis non confundamini linguis latrare? nam etsi in umbrâ Prophetiæ dictus est servus, propter servilis formæ conditionem, quam sumpsit ex Virgine, sicut scriptum est: *Considerâsti servum meum Job, (c) quod non sit ei similis in terrâ?* Hoc nos unâ cum Beato Gregorio intelligimus, & secundum historiam de S. Job, & allegoricè de Christo dictum. Numquid propterea servi ei nomen imponere debemus, quia sub personâ Job scriptura eum typicè designabat? Hinc etiam alius Propheta, membrum scilicet sacri corporis, ex personâ summi capitis, tropica clamat involvente vaticinia nube: *O Domine, (d) ego servus tuus, ego servus tuus, & Filius ancillæ tuæ*. Et rursus: *Da imperium (e) puero tuo, & salvum fac Filium ancillæ tuæ*. Et illud: *Noli timere*

*serve (f) meus Jacob, & rectissime, quem elegi*.

Quæ cuncta & juxta litteram Prophetiæ & mysticè revelata, nostri mediatoris designant personam: quod quilibet Catholicorum virorum, hujus Prophetiæ mysterio usus, quemadmodum in quodam libro de Incarnatione Domini B. Ambrosius, simile quid dixerit: propter eos videlicet hæreticos, qui phantasticum, aut etiam semipletum Domini cum corpus sacrilego ore susurrant. Numquid docuerunt, eum servum, & adoptivum filium prædicare, cum universalis Ecclesia, Evangelicis atque Apostolicis imbuta lucidissimis documentis, deum ac dominum suum, totis medullis cordis, tota animi devotione, in dextera eum Patris proficitur sedentem? Postquam autem cessavit umbra veritatis, & ipsa in promptu manifestata est veritas, quæ sub allegorica silva latebat, nusquam eum à parte servum vocatum legimus, sed filium, & dilectum, & suum; nec filium Dominum eum suum appellâsse, sed Patrem. Nam deus & homo erat, qui secundum deum dicebat: *Ego & (g) Pater unum sumus*; & secundum hominem: *Pater (h) major me est*: & tamen non ait: *Pater Dominus meus est*, sed major. Enim verò etiam in ipso articulo passionis, in quo servilis forma pati parata erat, ubi omnis humanæ conditionis infirmitas monstrabatur, non eum dominum appellavit, sed Patrem. *Pater, (i) inquit, si fieri potest, transseat à me calix iste*. Quoniam magnum pietatis Sacramentum, quod apparuit in mundo, juxta Pauli vocem, assumptum est in gloria. Nullus unquam Evangelistarum, nemo Apostolorum, servum eum commemorat, sed Dominum & Salvatorem. Nam Thomas cum exploraret vestigia vulnerum, quæ clavi & lancea intulerunt, exclamavit dicens: *Dominus (k) meus, & Deus meus*. Petrus ait: *Domine, (l) tu mihi lavas pedes?* Discipuli omnes, *Domine (m) adauge nobis fidem*. Paulus, Clarissima mundi tuba, semper eum dominum & ipse confitetur, & omnium linguam confiteri perdocet.

Jam

(a) Psalmo LXXXVIII, 7.

(d) Psalmo 115, 16.

(g) Joan. X, 30.

(k) Joan. XX.

(b) Joan. VIII, 49.

(e) Psalmo 85, 16.

(h) Joan. XIV, 28.

(l) Joan. XIII.

(c) Jobi I, 8.

(f) Isaïæ 44, 2.

(i) Matth. XXVI, 42.

(m) Lucæ XVII.

Jam revelata & impleta erat omnis figuræ locutionis obumbratio: ipse enim de cruce testimonium perhibuit. Nam cum accepisset acetum, dixit: *Consummatum (n) est.* Cum autem in Altari crucis Hostiam se pro nobis exhibuisset Deo & Patri in odorem suavitatis, & acetum poculum mixta gustasset felis amaritudine, tunc consummata sunt omnia, quæ longè ante Prophetis fuerant oraculis pronunciata. Hierusalem autem per figuram significabat Ecclesiam: sed in re corpora civitas est. Et his similia, quàm plurima, & innumera mysteriorum Sacramenta, figuræ locutionis modo edita, & ænigmatibus sensim foliis involuta, per sacras paginas inveniuntur inserta; quæ longè aliter sunt habenda in specie rerum, aliter in mysticis veneranda figuris. Dicitur quippe est in mysterio Redemptor noster lapis (o) *angularis*, propter duos parietes utriusque populi, ut faceret utraque unum. Dicitur etiam & petra, propter firmitatem. Dicitur est namque & agnus, propter innocentiam & mansuetudinem, & sacrificium, quod in Altari crucis pro nobis obtulit Deo & Patri. Num quidnam lapis, & petra est insensibilis creatura? aut agnus est irrationale animal? aut vitulus lascivum pecus? Nam si propter servi formam, & injuriam passionis, pauld minus ab Angelis est minoratur, propter triumphum ramen victoriæ, & gaudium resurrectionis, gloriâ & honore est coronatus. *Constituit (p) eum*, ait Psalmista, *super opera manuum tuarum: omnia subiecit sub pedibus ejus.* Omnia namque post gloriam resurrectionis subiecta sunt ei: haud dubio Angeli, & omnis creatura. Dominum igitur Angelorum, omnisque creaturæ, cujus sub pedibus cuncta subiecta sunt, vos dicitis servum & adoptivum.

Paulus namque, mundi lilium, & Ecclesiæ pulcherrima rosa, templum scilicet Spiritus Sancti, & prædicabilis Doctor, in universo ore suo Dominum eum, & non servum appellat. Ait namque: *In nomine (q) JESU omne genu flectatur, celestium, terrestrium, & inferorum: & omnis lingua confiteatur, quia Dominus JESUS CHRISTUS in gloria Dei Patris est.* Unde & aliàs dicit: *Et si (r)*

*novimus Christum secundum carnem, sed jam nunc non novimus illum.* Ac si patenter diceret: Et si novimus eum mortalem, passibilem, vulnere deditum: sed jam in Gloria Patris scimus eum ab omni humanæ conditionis debito alienum. Paulus electionis vas, docet, ut omnis lingua, confiteatur, quia Dominus JESUS CHRISTUS in gloria est Dei Patris; cur surdâ aure, & erroris obvoluto tenebris corde hunc locum scripturæ legendo transilitis? Paulus, omnem linguam Dominum JESUM eum confiteri, hortatur, & docet: & vestra lingua non confunditur, servum eum & adoptivum latrare? Hæc namque stultiloqua lingua in frustra est præcidenda, & per mille, ut ita dixerim, partes minutius deterruncanda.

Cur vos non revocant ad viam veritatis & lucis, cæci, scelesti, immites, & incompositi, tam salubria scripturarum documenta? qui cadentes sicut Balaam, apertos habetis oculos, nihil videntes: & quia in foveam erroris corruistis, ideo lumine veritatis privati, ignorantia vestra tenebras non videtis. Apertos vos dicitis habere oculos: sed quia à statu rectitudinis recidistis, idcirco Patrem mendacii, qui Adâ in peccati nocte aperuit oculos ad malum, & clausit in bonum, intuemini: & patrem luminis non aspicietis, qui discusâ nocte peccati, justitiæ nobis diem veritatis radio illuminavit. Numquid non legistis: *Quia omne datum optimum (s) & omne donum perfectum, desumsum est, descendens à Patre luminum?* Cur vos de deorsum à Patre mendacii, & rectore tenebrarum harum nummum exposcitis peccatorum? cur cum antiquo serpente renovare vultis delicti chirographum, quod dulcis clementiæ bonitas, unica ac singularis pietas, cruci affixit in arce, & roseo pretiosi sanguinis aluit ostro? An nescitis, quia ab origine mundi usque ad mediatores adventum, hujus emptionis debitum, veneni gutta, calamo scribentis infusa, mendacique fraude deceptionis falsitas exarata, omne humanum genus in ventrem malitiæ suæ trahens, quasi fluvium ingurgitantem absorbit? Sicut de eo scriptum est: *Absorbebit (t) fluvium, & non mirabitur. & habet fiduciam, quod insuit Jordanis in os ejus.*

Cur

(s) Joannis XIX.  
(q) Philipp. II, 10.  
(r) Job. XL, 18.

(o) Psalm. 117, 22.  
(r) II. Corinth. V, 16.

(p) Psal. VIII, 7:  
(t) Jacobi I, 27.



Cur non præcaveris, miseri, ne forte propter perfidiam vestram eleve se Jordanis in undam tumescens, glomeratque fluctibus extra ripas, vos in locis palustribus evomat, statimque serpens ille vos inveniat, in cœno erroris defixos, apertoque crudelitatis ore, summâ vos rapacitate deglutiat? Intelligite, quæ dico. Per Jordanem, Ecclesiam, vel baptizatorum advertite multitudinem: per tumescens undam, censuram disciplinæ, & anathematis jacturam: extra ripas enim Jordanis, extra gremium Ecclesiæ: per cœnum, hæreseam pollutionem. In serpente diabolus debet intelligi: qui ideò hæreticorum corda perfidiæ veneno sauciare inhianter desiderat, ut eos, quasi ebrios, fauce devoret impietatis.

Cur beati Petri parvi penditis gloriosæ confessionis inviolabilem fidem? Cur Sacratissimi Pauli Apostoli plena Sacramentorum Mysteriis despiciatis perspicua documenta? Cur non per Evangelicas paginas planam & directam, Catholica luce persulam viam repetitis veritatis? Cur non tot testium Christi veridicas simpliciter, sacratiusque prolatas suscipitis Sanctiones; sed magis his crudelitatis præbetis assensum, quæ vestris auribus diabolica sibilat lingua? Patris testimonio, de filio prohibentis, non creditis, qui dixit, *Hic est filius meus dilectus*? Spiritus Sancti ostensionem in specie columbæ, quia ipse esset dilectus filius, nihil penditis? Super quem putatis Spiritum Sanctum in specie Columbæ descendisse? super Deum? An super hominem? An propter unam personam Christi, super Dei hominisque filium? Spiritus namque Sanctus, cum sit inseparabiliter amborum, Patris scilicet & filii, & ex Patre filioque essentialiter procedat, quo pacto credi potest super Deum descendisse, à quo nunquam recesserat; & à quo ineffabiliter semper procedit? Dei enim filius, secundum id, quod Deus est, Sanctum Spiritum, cum Patre numquam à se recedente, inenarrabili modo mittit: & secundum id, quod homo est, super se venientem suscepit. De eo ergo, id est, de hominis filio, super quem Spiritus Sanctus descendit, licet unus sit Dei hominisque filius, vox Patris intonuit, dicens: *Hic est filius* (u)

*meus dilectus, in quo mihi bene complacuit.* Si secundum Divinitatem dixisset, nequaquam diceret, *In quo mihi bene complacuit.* Sed tantummodo, in quo mihi bene placuit. Sed dum dicit, complacuit, totam simul Trinitatem comprehendit, quia in homine Christo tota complacuit Trinitas. Animadvertite, quia nihil vobis restat, ut secundum Divinitatem tantummodo credatis dixisse Patrem, *Hic est filius meus*: sed potius secundum humanitatem, super quam Spiritus Sanctus dicitur descendisse. Johannes clamat dicens; *Ego nesciebam* (x) *eum, sed qui misit me baptizare in aqua, ille mihi dixit, super quem videris Spiritum descendentem & manentem super eum, ipse est.* Ipse utique unicus, proprius & dilectus, & non servus & adoptivus. Ipsius igitur filii testimonium abnuetis, qui distinctè semper eum suum Patrem & nostrum appellat? Cui ergo vultis credere? aut cui vultis adæquare eum? Dicit enim ipse per Prophetam: *Cui (y) assimilastis & adequistis me?* Cui alius Prophetam dicit: *Non est similis (z) tibi in Diis Domine, & non est secundum opera tua?* Non est secundum opera ejus, quia ficut singulariter est homo ultra homines, ita singulare est opus ei, & excellens omnia opera Sanctorum, qui Dei non essentialiter propter gloriam divinitatis, sed nuncupativè pro meriti appellantur dignitate. Opus namque ejus est, ut sit unicus, proprius & dilectus Filius dei. Nostrum opus est, ut simus servi per conditionem, & filii per gratiam adoptionis.

Jam nunc tempus est, ut à labore operis styli requiescat mucro: non torpescat, sed requiescat, & otio reparatus, semper sit ad omne opus bonum paratus. Series enim proluxæ orationis jam jamque suspensum exposcit veritatis punctum. Attamen priusquam libelli imponatur terminus finalis, adhibenda est litigatorum optio sententialis. Eligant namque quæ volunt, vitam aut mortem, benedictionem aut maledictionem. Optamus namque, & infinitam boni Pastoris Domini precamur benignitatis clementiam, ut qui *ovem perditam* (a) *ad ovile* propriis humeris reportavit, ut relictis erroris anfractibus, in quibus malæ bestię, id est, maligni spiritus commorantur,

(u) Matth. III, &amp; XVII, 5.

(x) Joan. I, 3, 33.

(y) Isaia XL, 25.

(z) Psalm. 85, 8.

(a) Lucæ XV, 4.

rantur, & ad viam, quæ ducit ad vitam æternam, fidei passibus Christo redeant pertrahente: quatenus in sinu matris Ecclesiæ suscepti, per lamentum poenitentiae sordes abluant peccatorum, & infamata eorum modestia, bonæ famæ recipiant pristinam dignitatem. Nec honoris periclitentur naufragio, & à nostro non disjungantur consortio: ac per hoc reconciliati Communioni Catholice Fidei, Divina illos pietas cœlestium faciat esse participes gaudiorum. Quod si exigentibus indignis meritis, tam insolubili eos malignus Spiritus perfidiæ laqueo, iusto Dei iudicio, strangulavit, ut resolvi nequeant; ex auctoritate prorsus sedis Apostolicæ, ac Beati Petri Apostolorum Principis, & per eam, quam illi Magister & Dominus tradidit potestatem, & solvendi, ligandique licentiam tribuit, quod sine gravi mœore non possumus dicere, perpetuo eos janthematis vinculo religatos, ultrixi cum sequacibus suis vindicta plectendos, ac per hoc &

à gremio Ecclesiæ, & à nostro confortio definitio alienos. Si quis autem fidelium, Deumque timentium, caritatem eis, benignitatis impartiendo, & Christi amore, pro eis precis oblationem Domino offerre voluerit, non solum non inhibemus, sed ut faciat, Apostolica admonitione & optamus, & salubri incitamus exhortatione: ut Deus omnipotens, qui neminem vult perire, & omnes homines propter nimiam bonitatem suam vult salvos fieri, revocet eos ad viam veritatis, & ad agnitionem pertingere, sicut dignum est, recte fidei, quæ est in CHRISTO JESU, Domino nostro, qui cum Patre & Spiritu Sancto vivit & regnat Deus in Trinitate perfecta, per omnia sæcula sæculorum, Amen.

*Surius Tomo III. Conciliorum.*

*Binius Tomo III. Concilior. Part. I. p. 141.*

*Sirmondus edidit denuo collatam hanc*

*Epistolam cum Codice MS. Remensi, ex quo nos eam recudimus.*

Aliam Epistolam Hadriani Papæ, directam omnibus Episcopis, per universam Spaniam commorantibus, maxime tamen Elipando, vel Ascarico, cum eorum consentaneis, pro hæresi vel blasphemia, quod Filium Dei adoptivum nominant, &c. refert volumen Epistolarum Pontificiarum ad Carolum Martellum, Pippinum, & Carolum M., editum primò à Gretsero, novissima Editionis Tomo VI. N. XCVII. pag. 782. Sed quia eadem Epistola multos alios errores hæreticorum confutat, in eadem Hispania grassantes, hinc Concilii Francofordienfis Actis non additur.

## LIBELLUS EPISCOPORUM ITALIÆ CONTRA ELIPANDUM, CONCILII DE- CRETO MISSUS AD PROVINCIAS HISPANIÆ.

*Incipit Libellus sacrosyllabus, Catholico salubriter editus stylo in Concilio, Divino nutu habito in Suburbanis Moguntiae, Metropolitanae civitatis, Regione Germaniae, in loco celebri, qui dicitur Francofurt, sub praesentia Clementissimi Principis Domini Caroli, gloriosique Regis, anno felicissimo Regni ejus XXVI. Placuit igitur Sancto Venerandoque Concilio, quatenus hic Libellus pro causa fidei ad Provincias Galliciae, ac Spaniarum mitti deberet, obnoxios refecandos errores: specialiter autem ad Elipandum, Toletanae Sedis Episcopum: in quo omnis hujus negotii constat materia quaestionum.*

**S**ANCTO incitante Spiritu, ac zelo Fidei Catholicae, scintillatim sub pectore fervescente Clementissimi & tranquillissimi, gloriosique CAROLI Regis, Domini terræ, Imperii ejus decreto, per diversas Provincias Regni ejus ditioni subiectas, summâ celeritate præcurrente,

multitudo Antistitum, sacris obtemperando præceptis, in uno Collegio aggregata convenit. Quadam die residentibus cunctis in Aula sacri Palatii, adstantibus in modum coronæ Presbyteris, Diaconibus, cunctoque Clero, sub praesentia prædicti Principis, allata est Epistola (a)

missa

[a] Epistola hæc non superest.



missa ab Elipando, auctore noxii sceleris, Toletanæ Sedis Pseudo-Episcopo, Hispanensi (b) termino circumseptæ. Cùmque jubente Rege, publicâ voce recitata fuisset, statim surgens venerabilis Princeps de sella regiâ, stetit supra gradum suum, ac locutus est de causâ fidei prolixo sermone, & adjecit: Quid vobis videtur? Ab anno prorsus præterito, & ex quo cœpit hujus pestis insanîa tumescere, peridiæ ulcus diffusius ebullire; non parvus in his regionibus, licet in extremis finibus Regni nostri, error inolevit, quem censurâ fidei necesse est modis omnibus refecare. Cùmque imprecata & concessa esset morosa dilatio per dies aliquot, placuit ejus mansuetudini, ut unusquisque, quicquid ingenii captu rectius sentire potuisset, per sacras syllabas die statuto, ejus Clementiæ oblatum sui cor peitoris, fidei munus styli ferculo mentis vivacitate deferret. Sed sicut mos est hæreticis, tristitia lætis, dulcia permiscere amaris, veneni poculum mellis sapore temperare; quædam in eadem epistola plena blasphemii, & Catholicæ Fidei reperta sunt modis omnibus inimica: quædam verò, si dici liceat, inveniri poterant non rejicienda. Sed in eodem poculo, in quo gutta veneni infusa turgescit, mellis nihilominus amarescit dulcedo.

Quapropter ego (c) Paulinus, licet indignus peccator, omniumque Servorum Domini ultimus servus, Aquilegiensis Sedis, Hesperii oris accinctus, cui Deo auctore deservio, nomine, non merito Præsul, unâ cum Reverendissimo, & omni honore digno, Petro Mediolanensis Sedis Archi-Episcopo, cunctisque cum Collegis, Fratribus, & Confacerdotibus nostris, Liguriæ, (d) Austriæ, Hesperii, Æmiliiæ Catholicarum Ecclesiarum Venerandis Præsulibus, juxta exilem intelligentiæ nostræ tenuitatem, Sancto perdocente Spiritu, corde, lingua, stylo, contra eorum vesanias, qui rectæ fidei sunt adversarii, respondere non formido: cùm sit sancta & universalis Ecclesia super firmam nihilominus immobiliter

fundata petram, & portæ inferi nequeant prævalere adversus eam. Verumtamen, quia in mari hujus sæculi constituta persistit, adversis hæreticorum flatibus, violentis perfidorum procellis, fumantibusque maledicorum undis illisa concutitur: licet quassari possit, & mergi nequeat, Christi firmata dextera, & Apostolico gubernaculo moderata; necessarium tamen existimo omnibus Christianis, cunctisque Fidelibus, maxime Apostolicis Viris, contra hostes ejus, fidei armis dimicare. Non enim Christi miles impetum irruentis belli debet enerviter expavescere, nec effugii latibula inermis palando appetere: sed armis militiæ suæ præcinctus, irrumpentium hostium peccata, spiritualibus jaculis ex arcu intorquens scripturarum, intrepidè perforare: quatenus & semetipsum, fidei clypeo munitus, illasum custodiat, & inimicorum latera spiculis cruentè acutis. Nam ante certaminis trophæum, tironis non plebitur circa verticem triumphalis corona. Cujus rei ratio Apostolicis evidentiis approbatur documentis. *Oportet*, (e) inquit egregius Prædicator, & de castris Dominicis probatissimus miles, *hæreses esse, ut hi, qui probati sunt, manifesti fiant*. Altâ etenim nonnunquam dispensatione agitur, ut unde cadere ad ruinam timetur vacillantibus plantis, inde valentius roborata firmiter inconcussa persistat: & antiquus hostis, unde se vicisse superbè gloriatur, inde Divinâ superatus potentia, se succubuisse doleat prostratus. Nam quia super Fidei fundamentum omnium virtutum fabricam persistere non ignorat, ipsam fidei malitiæ suæ manu eradicare soliditatem festinat, quemadmodum de ejus satellitibus, id est, malignis spiritibus, per Psalmistam dicitur: *Qui dicunt, exinanite*, (f) *exinanite usque ad fundamentum*. Usque ad fundamentum quippe maligni spiritus animam inaniter se exinanisse gloriantur; si ab ipso fundo mentis fidei firmitatem, tentationum jacula exaggerando, eradicare valebunt. Sciunt utique, nihil esse boni omne, quod videtur bonum, nisi fuerit super fidei fun-  
damen-

(b) Finitimæ ruti, legit Binius.

(c) Idem Paulinus, præter hanc Synodicam Concilii Francofordiensis, scripsit ad Carolum Magnum Libros tres contra Felicem Urgellitanum Episcopum, qui Dominum JESUM nuncupativum Deum, & Filium Dei adoptivum pestilenti errore asserbat. Editi sunt hi tres Libri post opera Alcuini anno 1617.

(d) Austriæ hesperii, legit Labbeus sine distinctione.

(e) I. Corin. XI, 19.

(f) Psalm. 136, 72.

damentum firmiter radicatum. *Sine fide* (g) enim impossibile est Deo placere. Firmum autem fundamentum Dei stat, habens signaculum hoc: *Novit Dominus*, (h) *qui sunt ejus*. Licet ille sæviat, ac mille modis fraude calliditatis serpendo extra septa sanctæ Ecclesiæ, hinc inde squamas nequitia suæ fyrtis scopolis illius exspoliet; ac per hoc circumquaque discurrens, modò in orbe circulato latenter se circa viam objiciens, ut pedem simplicitatis calcantis mordeat; modò in summa sese suspendens falsitatis cauda, hæreticorum pectora veneno perfidiæ inficiendo tumida reddat, ut fauciat ea vitalia fastidiendo spiritalia alimenta evomant. Sed quia super firmam petram fundata est, portæ inferi non prævalerunt adversus eam.

Hujus nimirum pestiferi serpentis instinctu, fellisque poculo debriati quidam, quorum non sunt nomina in calculo candido agni scripta, hæresim veterinosam, illustriorem, foris scilicet virorum calcibus mirabiliter inculcatam, Catholicæque falce olim funditus detruncatam, spinoso moliantur rediviva radice suscitare de stirpe. Adstruunt igitur, sed falsis adsercionibus, Dominum nostrum JESUM CHRISTUM, adoptivum Dei Filium de Virgine natum, quod divinis nequeunt adprobare documentis. Hæc igitur dicentes, aut in utero Virginis eum suspicantur adoptatum; quod dici nefas est, quia de Beata Virgine inenarrabiliter sumpsit, non adoptavit carnem: aut certè purum eum hominem sine Deo natum, quod cogitare impium est, necesse est fateantur; ac per hoc postea, quasi egerit adoptionem, à Patre in Filium sit adoptatus: cum nihil Deus eguerit, qui erat in eo non per gratiam, quemadmodum in cæteris sanctis, purisque hominibus; sed essentialiter per naturam. *Deus*, (i) inquit Apostolus, *erat in Christo, mundum reconcilians sibi*. Quo igitur pacto nobis adoptionem tribuit filiorum, si ipse necessarium eguit, ut sibi haberet? Nam quia peccatum non habuit, ideo nobis peccata donavit: quia non accepit ut vita esset, sed ipse essentialiter vita est, idcirco nobis vitam æternam indulsit.

Videamus nunc, quid de ejus incarnatione Gabriel, cui credicum fue-

rat secretæ dispensationis Sacramentum, ad MARIAM Virginem dicat, *Ave* (k) inquit, *gratia plena, Dominus tecum*. Cumque turbata esset in sermone, subjunxit Angelus: *Ne timeas MARIA, invenisti enim gratiam apud Deum; Ecce concipies in utero, & paries filium, & vocabis nomen ejus JESUM. Hæc erit magnus, & vocabitur Altissimi filius*. Jamque credula Angelicis dictis, cum ordinem tantæ novitatis inquireret, quomodo sine viro fieri possit, mox Angelus addidit: *Spiritus Sanctus superveniet in te, & virtus Altissimi obumbrabit tibi. Ideoque & quod nascetur ex te sanctum, vocabitur Filius Dei*. Non enim ait, adoptivus vocabitur Filius Dei, sed absolutè, Filius Dei, & Filius Altissimi. Denique non de solâ excellentia Majestatis ejus tunc loquebarur Angelus, sed potius de incarnatâ divinitate. Porro, *Quod* pronomen neutri generis est. Ait enim: *Quod enim ex te nascetur Sanctum, vocabitur Filius Dei*. Et rursus Matthæus narrat Angelum dixisse: *Quod enim (l) in eâ natum est, de Spiritu Sancto est*. Ut non dubites de corpore dixisse, quod de inviolatâ Virgine sumpsit, more sacri eloquii partem pro toto; ut per solum corpus, totum intelligas hominem in anima rationali ex eâ natum. Sed ne quilibet scrupulus ambiguitatis remaneret, quia de incarnationis ejus mysterio dixerit, statim post pauca subinfert: *Dabit ei Dominus Deus sedem David Patris ejus*. Secundum carnem videlicet David filius dictus est, non secundum divinitatem. Habes igitur, quoniam, de quo supra dixerat: *Quod enim ex te nascetur Sanctum; vocabitur Filius Dei*, non adoptivus, sed verus; non alienus, sed proprius; de eo subjecit, *Dabit ei Dominus Deus sedem David Patris ejus*. Nāq̃ quis eum adoptasse in filium credatur, cum tota Sancta Trinitas hominem Christum in utero Virginis operata sit? sicut scriptum est, & juxta historiam de primo Adam, & de secundo, id est, Christo, in Prophetiæ Sacramento: *Faciāmus (m) hominem ad imaginem & similitudinem nostram*. Vel certè quemadmodum in hac eadem Evangelicæ lectione angelica voce declaratur: Ait enim: *Spiritus Sanctus superveniet in te*. Habes Spiritus Sancti tertiam de Trinitate personam. *Et virtus Altissimi obumbrabit tibi*.

ln

(g) Hebræ. XI, 6.

(k) Lucæ I.

(h) II. Timoth. II,

(i) Matth. I, 20.

(l) II. Corin. V, 19.

(m) Genes. I, 26.



In virtute namque Altissimi, Filii persona demonstratur: quia ipse est dei virtus, dei que sapientia. In Altissimi nomine, Patris nihilominus persona accipienda est. Dicant ergo, si valent, hæretici: quod si nequeunt, Catholicis se humiliter salubribus subdant documentis; quis de his tribus personis eum adoptaverit, cum tota eum Trinitas in utero, immaculatæ operata sit Virginis.

Porrò adoptivus dici non potest, nisi is, qui alienus est ab eo, à quo dicitur adoptatus: & gratis ei adoptio tribuitur, quoniam non ex debito, sed ex indulgentia tantummodo adoptio præstatur; sicut nos aliquando, cum essemus peccando filii iræ, alieni eramus à Deo: per proprium & verum filium ejus, qui non eguit adoptionem; adoptio nobis filiorum donata est: Paulo adtestante, qui ait: *Cum ergo venit (n) plenitudo temporis, misit Deus Filium suum, factum ex muliere, factum sub lege, ut eos, qui sub lege erant, redimeret, ut adoptionem filiorum reciperemus per ipsum.* Proprius filius factus est ex muliere, non adoptivus. Hinc aliàs idem ipse egregius prædicator dixit. *Proprio (o) filio suo non pepercit, sed pro nobis omnibus tradidit eum.* Igitur cum ad Jordanis alveum Joanne comite, qui Christus à populis existimabatur, adpropinquaret, & ut sanctificaretur aquarum natura, mediis sese Jordanicis intinxisset in undis, ut manifestius inter adoptivum & proprium filium discerneret, statim vox Patris intonuit dicens: *Hic est Filius (p) meus dilectus, in quo mihi bene complacui.* Et rursus, cum esset in monte Sancto cum discipulis, quos voluit, & visi essent cum eo Moyses & Elias loquentes, mox paterna vox fulgida per nubem discurrens intonuit, discrevitque, qui essent servi per gratiam, & per adoptionem filii, & qui verus ac proprius filius: *Hic est, inquit, filius meus dilectus, (p) in quo mihi bene complacui, ipsum audite.* In Adam quippe sibi deus pater displicuisse innuit, qui peccando filii dignitatem amisit. *Paniter, (q) inquit, me fecisse hominem super terram.* In unigenito sibi filio complacuit, quia propria non habuit, sed aliena peccata tulit, qui numquam à paternâ voluntate discordans: *Factus (r) pro*

*nobis est Patri obediens usque ad mortem, mortem crucis. Propter quod & Deus exaltavit illum, & donavit illi nomen, quod est super omne nomen.* Si igitur juxta hæreticos adoptivo nomine censetur, ut nos puri & ingrati homines; quo ergo pacto Apostolus eum nomen perhibet super omne nomen habere? Adoptivi etenim non est super omne nomen, sed commune, & infra nominum tenetur mensuram.

Videamus jam nunc, qualiter primus Pastor Ecclesiæ fidei posuerit fundamentum. Nam cum Magister & Dominus discipulos sagaciùs exploraret, quid de se homines dicerent, & illi singulorum opiniones diverso sermone retexuissent, qui, eum unum quemlibet de adoptivis filiis existimabant, quorum adoptio nondum in re, quam per mediatoris perceperunt adventum, sed adhuc in spei servabatur occulto: Illico Dominus, quid illi de se fixius corde retinerent, adjunxit: *Vos, (s) inquit, quem me esse dicitis? Moxque Beatus Petrus, cui non caro & sanguis, sed Pater cœlestis revelavit, Tu es, inquit, Christus Filius Dei vivi.* Ecce fidem Beati Petri Apostoli, quam hæretici furdâ aure transfiliunt, perfundiorè legere non pertimescunt. Petrus confessus est Christum verum Filium Dei vivi; & tu hæretice dicis, Christus adoptivus Filius est? Enimverò fortassis erigeres perfidiæ aurem, si absolute dixisset, Tu es Filius Dei vivi. Fingeres forsitan more tuo, falsâ argumentatione ut diceres, secundum divinitatem eum Filium Dei confessus est. Sed quoniam cum additamento dixerat: *Tu es Christus Filius Dei vivi*, omnium hæreticorum ora fidei suæ pugno attrivit: Christi namque nomen ab homine, quem assumpsit, accepit, quia unctus in homine fuit. Nihil tibi restat, quid dicas, nisi solito more faciens, sumas de officinâ mendacii veneno illita spicula, quibus simplicium corda jaculando falsis adfertionibus perforare non erubescas. Frons enim meretricis facta est tibi, erubescere noluisti. Defraudare etenim sacram non veremini scripturam, parvipendentes Magistri gentium prohibitionem dicentis: *Nolite (t) adulterare verbum Dei.*

Sed

(n) Galat. IV, 4.

(q) Genes. VI, 6.

(r) II. Corinth. IV, 2.

(o) Roman. VIII, 32.

(p) Philipp. II, 9, 10.

(s) Matth. III. XVII.

(t) Matth. XVI, 15.

Sed quid mirum, si stulti in his erratis; quæ allegorica sunt silva condensæ, & umbrosis phalerarum ænigmatibus obvoluta, & carpere nescitis docta manu de sub foliis literarum pendentia spirituum fructuum poma, cum in propatulo per Sanctos Prædicatores educam, malè intelligentes orthodoxam depravatam doctrinam? Cujus temeritatis, & audaciæ estis, ô infelices! inflati superbiæ fastu, ut ipsa Joannis Evangelistæ mirabilia documenta, perversis non erubescatis fabulis depravare, juxta vestram vecordiam, & non secundum sanam doctrinam, intelligentes mystica Sacramenta? Dicitis enim, quod Joannes scribat in Epistola sua: *Habemus (u) Advocatum apud Patrem JESUM CHRISTUM*, & hoc sit Advocatus, quod & adoptatus: cum longè aliud sit advocatus, & aliud adoptatus. Nam advocatus ille mihi est, qui pro me judicem interpellat, & causam necessitatis meæ propriâ tuitione defendit. Convenientius quippe propitiatus dici potest, quàm adoptatus, quia ipse est propitiatio pro peccatis nostris. Cum enim naturam nostram, quam in se adsumpsit, in dextera Patris collocat ostendendo Patri, ineffabiliter manifestat, propitium eum nobis advocatus noster, quasi interpellando efficit, & benignum. Adoptivus verò dicitur, cui nihil à Patre adoptante debetur, sed gratiâ indulgendo conceditur. Abusivè namque & non essentialiter, adoptivus est filius dictus, sicut Moyses in filium adoptatus est filius Pharaonis, alienus ab ea, & generatione, & sanguinis adfinitate. Hoc ideo posuimus, ut patenter daretur intelligi, eum dici adoptatum, qui nondum prius fuerat proprius filius adoptantis. Unde in Dei Filium non cadit nomen adoptionis, quia semper verus Filius, semper Dominus, ac per hoc, & post assumptum hominem veri filii vocabulum non amisit, qui numquam verus desit esse Filius. Quod si juxta vestram vesaniam hoc putatis advocatum esse, quod & adoptatum: confitemini ergo, quod est deterius, & omni blasphemiâ plenum, duos adoptivos, Filium scilicet, & Spiritum Sanctum. Non enim negare valetis, Spiritum Sanctum paraclerum esse: quod enim Græcè παρακλητος, hoc latine dicitur advocatus. Patemini quin etiam,

P p 2

quod est super omne malum deterius, super omnem impietatem scelestius, duos adoptivos filios, Verbum scilicet, & Spiritum Sanctum; ut sitis deteriores Arrio & Eunomio, & Maranatha anathemate Macedonio digni. Adoptivus enim nonnisi adfectatæ locutionis alienus dicitur filius. Omnis enim adoptio ex affectione ducit vocabuli sui originem, quamquam Etymologiæ suæ non videatur trahere similitudinis sonum. Habet namque ex utraque parte utinam adverbium eleganter insitum, ut si dicas, utinam sis mihi in Filium adoptivum; & econtrâ, utinam merear à te in Filium adoptari. Ex affectu quidem dilectionis pars subrepat parti, ut in utraque conveniat dilectionis effectus. Sed videant hæretici, qui portæ sunt inferi, quid dixerint; quinimò perverso garririant ore. Obdurata nempe illorum corda, mendaciæ latibula per abrupta perfidiæ debacchantes, semper inquirunt: & ne veritatis luce perfundantur, in spelæo se falsitatis occultare festinant. Cecidit, heu pro dolor! super eos invisibilis ignis, & ideo justitiæ solem non meruerunt videre.

Sancta autem Catholica, atque Apostolica Ecclesia, quæ licet in toto sit orbe terrarum diffusa, una tamen est amica sponsi, proxima; & columba, quæ pennis deargentatis sacri eloquii refulget pulchritudine, & in pallore auri posteriora ejus perfectæ fidei puritate clarescunt, confitetur Sanctam & ineffabilem Trinitatem in Unitate: salvâ scilicet inconfusibiliter proprietate personarum, inseparabilem substantiam confitetur. Ità sanè, ut alius credatur Pater, quia Pater est, qui genuit coæternum sibi sine tempore, & omni initio Filium: & alius credatur Filius, quia Filius est, qui genitus est sine initio à Patre, non putativè, sed verè: & alius credatur Spiritus Sanctus, quia Spiritus Sanctus, & à Patre, Filioque procedit. Et non est aliud Pater, & aliud Filius, & aliud Spiritus Sanctus; sed unum sunt inseparabiliter Pater, & Filius, & Spiritus Sanctus: non unus, sed unum: quia alia est persona Patris, alia Filii, alia Spiritus Sancti: sed una, & æqualis, & consubstantialis, & coæterna est Patris, Filiique, & Spiritus Sancti inenarrabilis Divinitatis Majestas, quia unus est Deus. Unionem namque



namque in essentiâ confitemur, Trinitatem verò in Personarum discretionem prædicamus. Dominum igitur nostrum JESUM CHRISTUM, Dei Filium, verum Deum, semper in Patre, semper cum Patre, semper credimus apud Patrem. In ultimis namque temporibus, propter nos, & propter nostram salutem, secundum secretæ dispensationis arbitrium, descendit de cælo, unde numquam recesserat: venit nimirum in propriâ, ubi numquam deerat: natus est de Spiritu Sancto, & MARIA Virgine, dicente Angelo: *Quod enim (x) in eâ natum est, de Spiritu Sancto est.* Factus verus homo, juxta id, quod scriptum est: *Et verbum caro factum (y) est, & habitavit in nobis;* permansit verus & omnipotens Deus in utraque naturâ, unus Dei Filius, idemque hominis Filius. Nihil enim humana natiuitas Diuinæ præjudicavit natiuitati: adsumpsit, quod non erat, permansit in id essentialiter, quod erat. Non commixtionem passus, neque divisionem: sed in unâ personâ Christi Deus verus, & homo permanet verus: non duo filii Deus & homo, sed unus filius Deus & homo: non alius filius hominis, & alius Dei, sed unus idemque Dei, hominisque filius. Unde & eos valde execramur, qui eum adoptivum impio grunniunt ore. Quia sicut præfati sumus, adoptivus dici non potest, nisi is, qui prius alienus est ab eo, à quo adoptari desiderat. Dei ergo filius, quâ ratione credi potest adoptivus, qui inseparabiliter adsumpto homine in unâ personâ coeunte utraque naturâ, non duo filii, alius Dei, & alius hominis, ut, sicut illi errando æstimant, adoptivus sit hominis filius, & sine adoptione Dei filius: sed in unâ personâ unus idemque Dei & hominis filius, qui nunquam hominem, quem adsumpsit, deseruit, etiam nec in cruce, quando inclinato capite tradidit spiritum, Paulo attestante, qui ait: *Si enim cognovissent, numquam Dominum Gloriæ crucifixissent;* Dominus Gloriæ dicitur crucifixus, cum sola caro sit crucifixus. Sed quia Dominus Gloriæ idem ipse erat, qui & hominis filius, qui crucifigebatur, & numquam hominem deseruit, sicut dictum est, quem adsumpsit, ideo dicitur Dominus gloriæ crucifixus.

Sunt etiam plerique, qui adstruunt ex tribus substantiis unam mediatoris personam, Verbi, carnis, & animæ, cum in causa fidei non videatur necessarium, Sophisticâ disputatione sæcularium litterarum calculos syllogisticâ spargere manu. Sufficeret enim, juxta præcedentium, Catholicorum Patrum saluberrimæ promulgationis doctrinam, sincera simplicitatis voce ex utraque natura unam personam confiteri, veri Dei, verique hominis Christi, Divina scilicet & humana: sed propter eos utique, qui semiplenam sine animâ rationali, & ad vicem animæ Divinam naturam in carnis dispensatione adsumptam suspicantur, cum Psalmista alacri pectore dicat: *Ecce (z) enim Deus adjuvat me, & Dominus susceptor est animæ meæ.* Pro hac igitur re, & hujuscemodi erroris nubilo, styli flabello ex aëre mentis ventosas nubium umbras dispergere festinamus: quatenus æterni solis perfusa radio, micantes stellas per cælos valeat puris obtutibus inspicere scripturarum. Non enim ignoramus ex duabus substantiis humanam subsistere naturam, ex anima nimirum & carne: sed unum sine altero perfectum non efficere hominem. Quid enim caro sine anima, nisi terra? & quid anima sine carne? nõne spiritus? Homo enim ex utroque, & non ex uno. Unde quia Redemptor noster perfectum hominem adsumpsit in Deum, idcirco ex duabus naturis Deum & hominem confitemur. Non enim caro sine anima perfecta humana potest dici integræque natura. Nam cum ex limbo terræ finxisset Deus hominem, protinus insufflavit in eum spiraculum vitæ, sicut scriptum est: *Et factus est homo in animam viventem.* Non igitur alter, qui formatus est, & alter, qui insufflatus, sed unus idemque. Ex statu namque animata est terra, tam incomprehensibili arte, mirabilique modo, summi artificis manu configurata, ut investigari plenius nequeat, qualiter & unum sit anima & caro, quæ perfectum efficiunt hominem; & tamen diversa sit substantia carnis & spiritus. Nam cum scriptum sit: *Ad te (a) omnis caro venit:* Et rursus: *Non timebo, (b) quid faciat mihi caro.* Et iterum: *Et videbit (c) omnis caro salutare Dei nostri:* nullo namque pacto sine anima vide-

(x) Joannis I, 14.

(a) Psal. LXIV, 3.

[y] I. Corinth. II, 8.

(b) Psalmo LV, 5.

(z) Psal. LIII, 6.

(c) Isaia XL. ex Græco.

videre potest, ut videat Salutare Dei; nec venire valet, ut veniat ad eum omnis caro.

Ponamus igitur, exempli causâ, secundum humanæ rationis affectum, necessitate per omnia compellente, materialia themata disputandi. Nam sicut in planis & solidis figuris lineæ, & in quadrangulis punctus, licet sint indiffecabiles & dividi nequeant, & idcirco egregie depingant dimensionum figuras; omnium tamen numerorum multitudinis summam in se sociatam retinent, & ex se usque ad infinitam numerositatem procedentes, & rursus in se usque ad unum recurrentes, individuum retinere probantur unionis censuram. Pingamus igitur animam in forma corporis, quasi lineam vel punctum in planis, solidis, atque quadrangulatis figuris cunctas membrorum partium in se individuè continentes positiones, unumquodque in juncturâ suâ insertum, ita ut & unum & diversum. Nam si subtrahas lineam & punctum æqualitatis, nobilitas degeneratur figuræ. Instante autem lineæ jacentis primordio, punctique circumfusâ numeri quadratura, quique segregari, vel non segregari possunt, resolvi insolubili sectione in lineæ punctique privilegio demonstrantur. Ita sanè vis animæ, cum sit incorporea & invisibilis, nec dividi potest, nec recipit sectionum scissuras: totam tamen corporis molem, quæ dividi, vel segregari potest, in se continentem mirabiliter regit, & per totum diffusa animando vivificat, & quasi punctus in medio suam individuè retinet dignitatem, & in alienam non resolvitur qualitatem. Nam sicut dictum est, cum sit incorporea, corporaliter cuncta per corpus disponit; & cum sit substantia carnis corporea, per incorpoream creaturam, id est, animam, corporeas perficit actiones. Tantâ enim societatis convenientiâ sibi met sunt junctæ, ut unum sine altero nihil possit, & alterum sine altero plenam non possit humanam monstrare naturam: & idcirco placuit ex utraque humanam definire naturam. Nam anima incorporea per corporeos oculos videt, audit, sentit: & corporei oculi per incorpoream animam videre probantur. Nam si recedat anima, oculi aperti remanentes, & aures patentes nec videre possunt, nec

P p 3

audire. Per linguam loquitur anima, & lingua loquitur per animam. In qualibet enim parte corporis incisâ carne anima dolet: sine anima verò in frustra secata caro, nec dolere, nec sentire potest. Per carnem nempe anima, & per animam caro esurit, sitit, tristatur. Numquid potest dici caro sine anima, humana natura, cum nihil sit aliud, nisi terra? animata verò terra humana profectò potest dici integra perfectâque natura. Omne enim imperfectum amittit nominis proprietatem, nisi perfectionis ei commodius adjiciatur supplementum. Ex quatuor igitur diversis elementis humana subsistere fertur natura; calido, frigido, humido, sicco, id est, igne, aëre, terra & aquâ. Cum ergo ex his quatuor variis homo subsistat naturis, numquid debemus in uno homine quatuor substantias profiteri? Si hoc placet, addatur quin etiam quinta, id est, anima, ut constet homo ex quinque, & Verbi Omnipotentis sit sexta: & tunc, quod est omni facultate dementius, omnique vecordia stultius, fateantur sex in una Dei, Hominisque Christi persona substantiæ.

Tu forsitan suspicaris, quicumque es nostræ refragator adfectionis: de memoria nobis avolâsse, quia dixerit beatus Apostolus, in interiore homine habitare Christum per fidem in cordibus nostris. Hæc nos tota devotione mentis, totaque simplicitate veraciter retinemus cordis: & adjicimus ea, quæ te forsitan somniantes latent. Idem vas electionis Paulum dixisse reminiscimur: *Ipse autem Deus (d) Pacis sanctificet vos per omnia, ut integer spiritus vester, & anima, & corpus sine querela in adventum Domini nostri JESU CHRISTI servetur.* Tria, inquam, dixit, spiritus, & anima, & corpus. Numquid aliud est spiritus, & aliud anima? Non divisit substantias, sed dignitatem distinxit. Spiritalis quippe anima, & spiritale corpus, vult, ut in adventum Domini nostri JESU CHRISTI servetur. In hoc spiritali homine, qui & interior dicitur, proficitur idem mirabilis Doctor, habitare Christum per fidem in cordibus nostris. Nam est homo animalis, & est spiritalis, non per substantiam, sed per meriti qualitatem. Animalis quippe ab anima, spiritalis verò à spiritu nuncupatur: quemadmodum idem, veridicus videlicet Doctor



Et or, alterum ab altero discrevit: *Animalis*, (e) inquit, *homo non percipit ea, quæ sunt Spiritus Dei*: hic est exterior, qui foras se ad exteriora appetenda effundit. *Spiritualis autem dijudicat omnia*, id est, discernit, & ipse à nemine judicatur. Hic est, inquam, interior, in quo Christus creditur habitare, qui introrsus se per contemplationis gratiam retinet, & internæ refectiōis dulcedine depastus in amore sui Conditoris suaviter requiescit.

Hic ita prælibatis, ad ea, quæ reliquimus, revertamur. Quæro igitur, ut dicas mihi, in quâ natura ipse mediator Dei, & hominum, homo CHRISTUS JESUS, dignatus est esurire, sitire, passionum sentire dolores. Quid moraris? Non vales negare, melius est, ut profitearis, quia secundum humanam. Divina enim natura impassibilis, inviolabilis, & semper permanet immutabilis. Verum est, omnino verum, quia in humana. Volo ergo, ut liquidius definias, quid sit humana natura: sola caro, an sola anima, an utraque anima, & caro? Non enim possumus, nec fas est, veritati contradicere, ex utraque nihilominus humana constat natura, ex anima siquidem & carne. Dico ergo mihi, in solâ carne, an in solâ animâ, an, quod verius est, in utraque pertulit vulnera passionum? Caro enim sine anima nihil sentit: anima enim sine carne non esurit, neque sitit, nec potest crucifigi: & tamen crucifixa est per carnem. In summis etenim palmis, & in extremis crucifixa est plantis. Quod si non est crucifixa cum carne, cur sensit dolorem? Caro enim, sicut dictum est, sine animâ nihil sentit. Quod si per carnis cognationem sentit dolorem, & caro per animam dolet incisa; nec caro ergo sine anima, nec anima sine carne, plena potest humana dici natura. Ex utraque namque connexionē, carnis scilicet, & animæ, perfecta constat humana natura. Unde & majores nostri hanc definitionē sanctitâ, quorum sagacissima capacitatis peritiâ longè valde à nostræ tarditatis distat ignavia, placuit eis, Sancto adnuente Spiritu, duas in unâ Christi personâ indubitanter profiteri naturas, Divinam scilicet, & humanam: quia anima & caro non sunt duo, sed unus homo. Deum enim, & hominem Dei Filium confitetur. *Mediator*, (f) inquit Apo-

stolus, *Dei & hominum, homo CHRISTUS JESUS*, qui ex anima & carne non duo, sed unus est dictus homo.

Cessent ergo jam nunc omnes superflue mustitantium adinventiones: cessent calumniatrices querularum questionum objectiones, quæ ad rem non pertinent, sed magis ad simplicium subversionem. *Doctrinis variis, & peregrinis non abducamur*: sed confiteamur cum Sanctis Patribus nostris, Catholicis, orthodoxisque Viris, qui rectam fidem & corde perceperunt, & inviolabili ore Ecclesiæ filios salubriter docuerunt, duas in Christo naturas, Divinam nimirum & humanam, verum Deum, verumque hominem: in utroque proprium Dei Filium, non adoptivum: sempiternum ex Patre, temporaliter natum ex Virgine Matre: consubstantialē in sua Deo Patri, Sanctoque Spiritui: consubstantialē etiam nobis in nostra. Nostra dicimus in carnis conditione, non in peccati vel miseriæ communione. Peccatum enim non fecit, sed alienum tulit: nec dolus inventus est in ore ejus, sed dolores nostros ipse portavit: vulneratus est propter iniquitates nostras, attritus est propter scelera nostra: disciplinā pacis nostræ super eum, & livore ejus sanati sumus. Omnium autem hæreticorum perversa dogmata, cum auctoribus, & sequacibus suis, æterno anathemate percelli judicamus. Elipandum namque, & Felicem, novos hostes Ecclesiæ, sed vternosâ face perfidiæ pollutos, nisi ab hac stultitia resipiscant, & per rectæ fidei satisfactionem lamentis se abluant penitentiae, indignos & ingratos eos à consorcio Catholicorum perpetuâ animadversione eliminare discernimus, & à gremio Orthodoxæ Ecclesiæ censemus alienos. Optamus tamen, & omni adnisti mentis, immensæ Pietatis boni Pastoris, qui animam suam posuit pro ovibus suis, & neminem vult perire, Clementiam imprecamur; ut perfidiæ relicto errore, ad viam veritatis, quæ est Christus, & ipso redeant perducente: quatenus in finem Matris Ecclesiæ, dilectionis suscepti amplexu, tranquilla suaviter fidei pace quiescentes, largissima fugiant ubera bonitatis Dei, ac per hoc perpetuæ felicitatis gaudia, gratiâ Dei, qui pro omnibus mortem gustavit, largiente, sine fine valeant

(e) I. Corinth. II, 14,

(f) I. Timoth. II, 5.

leant adipisci. Eos etiam, qui post hanc tam saluberrimam definitionem, quam plenaria Synodus, Sancto afflata Spiritu concorditer subtili sinceritate terminavit, falsissimis eorum assertionibus, five clam, five in publicâ voce, præbuerint assensum, simili eos sententiæ vindictâ sancimus esse plectendos; *reservato* (g) *per omnia juris privilegio summi Pontificis, Domini & Patris nostri Hadriani, primæ Sedis Beatissimi Papæ.*

Nos autem, Domini, & Carissimi fratres, sequentes præcedentium Patrum sanam Doctrinam, respuentes per omnia deliramenta nugacium hominum, corde credamus ad justitiam, ore autem confiteamur ad salutem, Dominum nostrum JESUM CHRISTUM verum Dei Filium, non putativum: proprium in utraque naturâ, non adoptivum: æqualem & coæternum Patri, Sanctoque Spiritui; qui Ecclesiam suam proprio sanguine adquisitam, sine macula & rugâ immaculatam custodiat, & corda nostra in rectæ fidei puritate immutato jure conservet. Catholicum atque Clementissimum, semperque inclytum domnum Carolum, Regem, per intercessionem Beatæ, Gloriosæ, semperque VIRGINIS DEI GENITRICIS MARIÆ, per quam meruimus auctorem suscipere vitæ, Beati Petri, primi Pastoris Ecclesiæ, omniumque Sanctorum, verum etiam suffragantibus precibus vestris, omnipotens, & Sancta TRINITAS sua eum gratia circumcingat, suæque dextera semper protegat, quæ illi sunt placita: quatenus cœlestibus fretus armis, inimicos nominis Christi, auxilio fulvus de cœlo, ad terram prosterнат. Barbaras etiam nationes infinitâ Deus omnipotens ditioni ejus potentiâ subdat: ut ex hac occasione ad agnitionem perveniant veritatis, & cognoscant verum & vivum Deum, creato-

rem suum. Regenerati siquidem undâ baptismatis, in gremio adgregentur matris Ecclesiæ, ut impleatur, quod bonus Pastor promiserat dicens, *Et alias* (h) *oves habeo, quæ non sunt ex hoc ovili, & illas oportet me adducere; & vocem meam audient, ut fiat unum ovile, & unus Pastor.* Multiplicetur pax in diebus ejus, ut sit Sancta Ecclesia libera; & ab omni strepitu mundi secura, quâ libertate Christus eam liberavit: liceatque Domini Sacerdotes juxta Evangelicas & Apostolicas, canonicasque regulas simpliciter Domino deservire, militare in solis castris Domini: quia juxta ejusdem Domini vocem: *Nemo potest duobus* (i) *Domini servire.* Et Paulus: *Nemo militans* (k) *Deo, implicat se negotiis secularibus, ut placeat ei, cui se probavit.* Nemo sibi blandiatur, quodd utrumque possit, & Deo & mundo servire; quia veritas est, & mentiri non potest, qui hoc fieri non posse testatur. Unde supplicandus est tranquillissimus Princeps noster, ut ille pro nobis contra visibiles hostes, pro Christi amore, Domino opitulante, dimicet; & nos pro illo contra invisibiles hostes, Domini imprecantes potentiam, spiritalibus armis pugnemus, quatenus vicariam ei retributionem in illâ die pro Ecclesiâ suâ Dei Filius rependat: ut quemadmodum ille nunc eam inter tot mundanos tumultus constitutam reddit securam; ita eum illa cœlestis regni faciat esse participem. Indulgeat miseratus captivis, subveniat oppressis, dissolvat fasciculos deprimentes: sit consolatio viduarum, miserorum refrigerium: sit Dominus & Pater, sit Rex & Sacerdos, sit omnium Christianorum moderantissimus gubernator, auxiliante Domino nostro JESU CHRISTO, qui cum Patre & Spiritu Sancto vivit & regnat Deus in Trinitate perfectâ, per omnia sæcula sæculorum, Amen.

*Surius Tomo III.*

*Binius Tomo III. Concilior. Parte I. p. 144. & seqq.*

*Sirmondus cum Cod. MS. Remensi collatum edidit.*

(g) Ecce reverentiam Patrum Concilii Francofurtensis erga summum Pontificem.

(h) Joannis X, 16.

(i) Math. VI, 24.

(k) II. Timoth. II.



# SYNODICA CONCILII AB EPISCO- PIS GERMANIÆ ET GALLIÆ, AD PRÆSULES HISPANIÆ MISSA.

*Sancta Synodus, & Venerabiles in Christo Patres, cum omnibus Episcopis Germaniæ, Galliæ, & Aquitaniæ, & toto Catholicæ pacis Clero, Præsulibus Hispaniæ, & cæteris ibidem Christianitatis nomen habentibus, in Domino Deo, Dei Filio vero & proprio, JESU CHRISTO, æternæ beatitudinis Salutem.*

**I**N Nomine Domini nostri JESU Christi, qui dixit: *Ubi sunt duo, (a) vel tres congregati in nomine meo, ibi sum ego in medio eorum*, congregatis nobis in unum caritatis conventu, præcipiente & præsidente Piissimo & Gloriosissimo Domino nostro, CAROLO Rege, ad renovandum cum consilio pacificæ unanimi-  
tatis Sanctæ Dei Ecclesiæ statum, & ad prædicandam orthodoxæ Fidei veritatem, in qua Divina operante gratiâ salutis nostræ initium extat & finis, cui nihil augeri potest vel minui, quæ una debet esse omnium Christianorum, dicente Beato Apostolo: *Unus (b) Dominus, una Fides, unum Baptisma: unus Deus, & Pater omnium, qui super omnia, & in omnibus nobis.* In hac omnis Sanctitas vitæ, omnis spes remunerationis æternæ, sine quâ nihil sanctum, nihil Deo acceptabile, nihil vivum. *Iustus enim (c) ex fide vivit:* quam qui diabolo decipiente perdidit, vivens mortuus est: quia sicut per fidem iustitia, ita etiam per fidem veram vita obtinetur æterna, dicente Domino Salvatore: *Hæc est autem vita (d) æterna, ut cognoscant te solum verum Deum, & quem misisti JESUM CHRISTUM.*

Inter cætera itaque, quæ pro hujus fidei firmitate tractavimus, Domini Regis nostri præcipuâ pietate, ac laudabili sapientia assidente, & auxiliante nobis, præcepit subito gloriosa illius excellentia fidei vestræ libellum adferri in medium: qui cum à Notario, nobis diligentius attendentibus, sub distinctione sententiarum, & proprietate sensuum perlegeretur ad finem, audivimus in eo novas quasdam assertiones exaratas, non tam antiquis Sanctorum Doctorum traditionibus

convenientes, quàm vestris nuper inventionibus utcumque confirmatas. Sed duæ difficiles res nostris in eo libello, quem direxistis, sensibus occurrerunt. Una, cur nobis non sufficiant, quæ in Sanctorum Patrum dictis inveniuntur, & universali Catholicæ Sanctiõis consuetudine confirmantur, dicente Scriptura: *Terminos (e) Patrum tuorum ne transgrediaris.*

Numquid sagaciores sumus, ad invenendam viam veritatis, quàm Apostolici Doctores? Et quare aliquid confirmare audemus, quod in illorum non inveniatur scriptis? Altera res est, quare generationem Filii Dei, vel æternam de Patre, vel temporalem de Matre, quisquam hominum audeat investigare, dicente Scripturâ: *Altiora (f) te ne quaesieris.* Unde & Sanctus Augustinus dicit in sermone de Nativitate Christi: Merito, Dilectissimi, miranda est Salvatoris nostri nativitas, non solum illa Divina, de quâ dictum est: *In principio (g) erat Verbum:* sed etiam illa humana, de qua idem dicit Evangelista: *Verbum caro factum est.* Unde & Propheta: *Generatio- nem (h) ejus quis enarrabit?* Divina enim magis fide veneranda sunt, quam ratione investiganda.

Sed tempus est, ut ad discutiendos sensus libelli vestri veniamus, in quo Sanctorum Patrum per loca testimonia invenimus posita, sed malè perfidiæ veneno corrupta, & inter flores pulcher-  
rimos Fidei Catholicæ anguinos erroris vestri dentes insertos. Tacuistis nomina librorum & numerum Capitulorum, ut difficilius error vester investigaretur: & ex hoc solo perspicuum est, errasse, vos  
volun-

(a) Matth. XVIII,  
(d) Joannis XVII,  
(e) Joann. I.

(b) Ephes. IV,  
(c) Prov. XXII, 28.  
(f) Isaïæ LIII, 8.

(g) Roman. I. Habacuc. II.  
(f) Eccles. III, 22.

voluntariè, dum Sanctorum Patrum venerabiles sensus, per intermissiones aliorum verborum maculare nitimini. Et miramur, vel magis lugemus, quare hoc facere velitis; quare purissimos Catholicæ Fidei fontes hæretico pede turbare non timeatis. Invenimus enim in libelli vestri principio scriptum, quod vos posuistis: "Confitemur, & credimus Deum Dei Filium, ante omnia tempora, sine initio ex Patre genitum, coeternum, & consubstantialem: non adoptione, sed genere. Item post pauca eodem loco legebatur: "Confitemur, & credimus, eum factum ex muliere, factum sub lege, non genere esse Filium Dei, sed adoptione: non naturâ, sed gratiâ." Ecce serpens inter pomifera Paradisi latitans ligna, ut incautos quosque & decipiat. Ex sermonibus Sancti Augustini hæc testimonia translata sunt, sed hæretica pravitate additum invenimus in sequenti periodo: Non genere esse Filium Dei, sed adoptione: quod etiam in sequentibus plenius, volente Deo, demonstrabimus. Nunc verò tantummodo ad ostendendos, & cavendos mortiferos veneni fucos legentibus inservimus. Quod autem exempli gratiâ posuistis: *Pater major* (i) *me est*; non propter adoptionem, sed propter formam servi dixit, in qua minor est Patre. Simili modo, & propter formam servi illud dictum est: *Puer* (k) *autem crescebat, & confortabatur spiritu*. Hoc verò, quod Joannes dixit: *Vidimus* (l) *gloriam ejus, gloriam quasi Unigeniti à Patre, plenum gratiâ & veritate*; contra adoptionem carnis facit. Si unigenitus, quomodo tunc adoptivus? Vel, si non est proprius filius, quomodo tunc plenus gratia & veritate?

Igitur quod sequitur in Epistolâ adfertionis vestræ, beatum dixisse Hilariū: "Nam & in ipso usu nostro est adoptivus filius, & verus filius: adoptivum filium non dicimus naturâ esse, qui verus est filius." Videtis, quomodo cæca mens contra suam ponit testimonia sententiam. Quis est, qui audeat dicere, Christum non esse verè Filium Dei, Joanne Baptista attestante, dum vidit Spiritum Dei descendentem, & manentem super eum; *Et ego vidi*, (m) &

Q q

*testimonium perhibui, quia hic est Filius Dei?* De quo & Apostolus testatur: *Quorum Patres, (n) ex quibus Christus secundum carnem, qui est super omnia Deus benedictus in secula*. Et si verus Deus, etiam & verus Filius: & si verus Filius, nequaquam adoptivus: quia adoptivus, sicut in testimonio Sancti Hilarii positum est, non verè naturâ est Filius.

Item de tractatu in Apocalypsim beati Hieronymi, ut dicunt, hoc modo positum testimonium in Epistolâ reperimus præfata: "Calculus candidum, id est, gemma alba, adoptio carnis in Filio Dei." Quod longè aliter in eodem tractatu invenitur: Et dabo ei, inquit, calculum candidum, id est, adoptionem filiorum Dei. Nam calculus gemma pretiosa est. Et post pauca: sive calculum: corpus in baptismo candidatum: sive calculi appellatione sermo Divinus significatur. Epistola verò Beati Hieronymi, quam ad Cerasiam scriptam dicitis, hæctenus, nec apud Romanos, nec apud nos inveniri potuit. Nec sibi ipsi eum unquam contraria scribere putamus: & veris credere meliùs est exemplaribus, quàm dubiis. Ecce pravitas omni tergiversatione deterior, quæ sic Sanctorum Patrum purissimis sensibus venena suæ infundit perfidiæ. Sequitur in Epistolâ:

Item in Homilia Sancti Augustini secundum humanæ servitutis formam ita dicit: Homo adoptatur, cujus gloriam quæsit, qui est ab illo unicus natus. Ecce quem Augustinus dicit adoptatum, hunc Joannes dixit: *Advocatum* (o) *habemus apud Patrem*. In hoc itaque loco ignoramus, quid priùs agendum sit, an pravitas repellenda, sive imperitia decidenda? In XXVI. Homilia, in expositione ejus sententiæ legitur, ubi Dominus dixit: *Qui à semetipso (p) loquitur, propriam gloriam querit*. Ubi post congruam expositionem infert: Quid tu homo facere debes, qui quando aliquid boni facis, gloriam tuam quæris: quando autem aliquid mali facis, Deo calumnias meditaris? Intende tibi. Creatura es, agnosce Creatorem; Servus es, ne contemnas Dominum. Adoptatus es, sed non meritis. Quare gloriam ejus, à quo habes hanc gratiam homo adoptatus,

(i) Joan. XIV,

(m) Joan. I, 34.

(p) Joan. VII, 18.

(k) Lucz II, 49,

(n) Rom. IX, 5,

(l) Joan. I, 14.

(o) Imæ Joan. II, 1,



tatus, cujus gloriam quæsit, qui est ab illo unico natus. De Christo enim dixit, unicus natus: de nobis verò, homo adoptatus. Quam adoptionem pravissimo sensu, qui scripsit Epistolam, ad Christi voluit transferre humanitatem. In quâ perversitate sensus utrumque, & imperitia scribentis patet, & mala voluntas non lateret. Etiam & in sequenti mox sententia, & falsitas malæ voluntatis apparet, ubi dixit: Ecce quem Augustinus dicit adoptatum, Joannes Apostolus dicit advocatum. Certissimum est enim, Joannem Apostolum Christum Advocatum nominare, sicut ipse testatur: *Apud (q) Patrem habemus Advocatum Dominum nostrum JESUM CHRISTUM.* Perspicuum quoque est, Sanctum Augustinum de homine quolibet per gratiam adoptato dicere, sicut ex sequentiâ lectionis certissimè cognosci potest.

Sequitur in eodem libello nostro: "Item prædecessores nostri Eugenius, Hildefonsus, Julianus, Toletanæ sedis Antistites, in suis dogmatibus ita dixerunt in Missâ de cenâ Domini: Qui per adoptivi hominis passionem dum suo non indulsit corpori." Item in Missâ de Ascensione Domini: "Hodie salvator noster post adoptionem carnis sedem repetivit Deitatis." Et cætera, quæ ex parentum vestrorum dictis posuisti; ut manifestum sit quales habeatis parentes; & ut notum sit omnibus, unde vos traditi sitis in manus infidelium. Quia hominem Christum, verum Dei Patris Filium esse negastis, vobis defensor esse noluit, sed tradidit vos in manus inimicorum suorum, ut dominentur vestri, qui eum recipere noluerunt; & cui illi publicè detrahunt, vos occultè illi derogatis. Nec illius Christi testimonio credere vultis de ipso dicentis: *Pater clarifica (r) filium tuum, ut filius tuus clarificet te.* Dum dixit, tuus, proprietatem ostendit, veluti & Pater in baptismo testimonio comprobavit: *Hic (s) est filius meus dilectus.* Meus dixit, addidit quoque, dilectus: ut intelligeretur proprius esse filius, sicut apostolus dixit, *Proprio (t) filio suo non pepercit.* Et melius est testimonio Dei Patris credere de suo filio, quàm Hildefonsi vestri, qui tales vobis composuit preces in Missarum solemnibus, quales universalis & Sancta

Dei non habet Ecclesia. Nec vos in illis exaudiri putamus. Et si Hildefonsus vester in orationibus suis Christum adoptivum nominavit, noster verò Gregorius, Pontifex Romanæ Sedis, & clarissimus toto orbe Doctor, in suis orationibus semper eum unigenitum nominare non dubitavit. In oratione enim, quæ est secundâ feriâ post palmas, ita posuit: Da, quæsumus, omnipotens Deus, ut, qui in tot adversis ex nostra infirmitate defecimus, intercedente unigeniti Filii tui passione respiciamus. Item quartâ feriâ ejusdem septimanæ: Præsta, quæsumus, omnipotens Deus, ut qui nostris excessibus incessanter affligimur, per unigeniti tui passionem liberemur. Item in ascensione Domini: Concede, quæsumus, omnipotens Deus, ut qui hodiernâ die unigenitum tuum, redemptorem nostrum, ad celos ascendisse credimus. Item ad sanctam Crucem: DEUS, qui unigeniti tui, Domini nostri, JESU CHRISTI, pretioso sanguine humanum genus redimere dignatus es. Ecce eum Unigenitum nominavit, cujus sanguine redempti sumus.

Quod autem dicitis in Epistola fidei vestrâ, "Ex Patre unigenitum sine adoptione, primogenitum verò in fine temporis, verum hominem adsumendo de Virgine, carnis adoptione, unigenitum in naturâ, primogenitum in adoptione & gratiâ." Scimus enim Deum Dei Filium ex utraque natura, & unigenitum esse, & primogenitum: unigenitum, quia solus sine initio ex Deo Patre genitus, & solus ex initio temporis ex Matre Virgine genitus: ideoque in utraque naturâ unigenitus etiam, & primogenitus; quia omnis unigenitus primogenitus est: licet secundum humanam generationem, non omnis primogenitus unigenitus sit. Idem ipse Dei Filius; primogenitus est Virginis, ut dicitis; etiam & unigenitus, qui non habuit sequentes carnaliter fratres. Igitur & Deo Patri primogenitus, quia prius ex Deo Patre genitus, quàm ulla esset creatura, vel aliquid esset tempus, Apostolo teste, qui ait, ad Colossenses scribens: *Gratias (u) agentes Deo Patri, qui dignos nos fecit in parte sortis Sanctorum in lumine: qui eripuit nos de potestate tenebrarum, & transfudit in regnum. Filii dilectionis claritatis sue;*

(q) Imæ Joan. II, 1.

(t) Rom. VIII, 32.

(r) Joan. XVII, 1.

(u) Coloss. I, 12.

(s) Matth. III, 17.

sua: in quo habemus redemptionem, remissionem peccatorum: qui est Imago Dei invisibilis, primogenitus omnis creaturæ: quia in ipso condita sunt universa in Cælis, & in terrâ, visibilia & invisibilia, sive Throni, sive Dominationes, sive Principatus, sive potestates: omnia per ipsum, & in ipso creata sunt: & ipse est ante omnes; & omnia in ipso constant: & ipse est caput corporis Ecclesiæ, qui est principium, primogenitus ex mortuis, ut sit in omnibus ipse primatum tenens: quia in ipso complacuit omnem plenitudinem Divinitatis inhabitare corporaliter. Item Salomon: Dominus (x) possedit me initio viarum suarum, antequam quicquam faceret à principio. Ab æterno ordinata sum, & ex antiquis, antequam terra fieret: necdum erant abyssi, & ego jam concepta eram: necdum fontes aquarum eruperant, necdum montes gravi mole constituerant. Ante colles ego parturiebar, &c. Item in libro Sapientiæ, ipsâ dicente Sapientiâ, id est, FILIO DEI: Ego (y) ex ore Altissimi prodire, primogenita ante omnem creaturam. Ego in cælis feci, ut oriretur lumen indeficiens, & sicut nebula tæxi omnem terram. Ego in altis habitavi, & thronus meus in columnâ nubis. Item, ubi dicit Apostolus: Expectantes (z) beatam Spem, & adventum gloriæ magni Dei & Salvatoris nostri JESU CHRISTI, qui dedit seipsum pro nobis. Ubi est, inquit, serpens Arius? ubi Eunomius coluber? MAGNUS DEUS, JESUS Christus, Salvator dicitur, non Primogenitus omnis creaturæ: non Verbum Dei & Sapientiâ, quæ sunt appellationes Divinæ generationis; sed JESUS & CHRISTUS, quæ vocabula adsumpti hominis sunt. Neque verò alium, JESUM CHRISTUM, alium Verbum dicemus, ut nova hæresis calumniatur: sed eundem, & ante sæcula, & ante mundum, & post MARIAM, immò ex MARIA, magnum Deum appellamus, Salvatorem nostrum JESUM CHRISTUM, qui dedit semetipsum pro nobis.

Hæc testimonia ideo posuimus, ut cognoscatis Deum & Dominum nostrum JESUM CHRISTUM, in utraque naturâ esse, & unigenitum, & primogenitum; non adoptivum, sed Magnum Deum: nec ex eo fratres nominari, sicut Helvidius blasphematur, quod primoge-

nitus est, sed ex paternæ charitatis affectu. Nam quatuor modis in Scripturis Sanctis fratres appellari legimus, sicut Beatus Hieronymus in libello contra eundem Helvidium testatur; naturâ, gente, cognatione, affectu. Naturâ, ut Esau & Jacob, duodecim Patriarchæ, Andreas & Petrus, Jacobus & Joannes. Gente, quia omnes Judæi fratres inter se vocantur, ut in Deuteronomio: Si autem (a) emeris fratrem tuum, qui est Hebræus, vel quæ est Hebræa; serviet tibi sex annis, & in septimo anno dimittes eum liberum abs te. Et in eodem: Constituendo (b) constitues super te Principem, quem elegerit Dominus Deus tuus, eum, qui ex fratribus tuis sit, & reliqua. Cognatione autem fratres vocantur, qui sunt de unâ familiâ, sicut Loth frater Abrahæ dicitur, cum sit filius fratris sui Aran, dicente Abraham: Non sit rixa (c) inter me, & te, & inter Pastores meos, & Pastores tuos, quia omnes fratres nos sumus. Quia lege, & in Evangelio fratres Domini dicuntur Jacobus, Judas, & Simon. Affectu quoque fratres dicuntur, qui in duo scinditur, in spiritale, & in commune. In spiritale, quia omnes Christiani fratres vocantur: ut ibi: Ecce (d) quàm bonum, & quàm jucundum, habitare fratres in unum. Et Salvator: Narrabo (e) nomen tuum fratribus meis. Et alibi: Vade, (f) dic fratribus meis. Porro in commune, quia omnes homines, ex uno Patre nati, pari germanitate conjungimur. Hinc Hieronymus dicit, affectu fratres esse Domini, non adoptione, ubi dicit: Narrabo (g) nomen tuum fratribus meis. Et item: Ite, dicite fratribus meis.

Sequitur in Epistolâ vestrâ: "Ca-  
" rissimi, nunc Filii Dei sumus, & non-  
" dum apparuit, quid erimus. Scimus,  
" quia, cum apparuerit, similes ei erimus,  
" & videbimus eum, sicuti est. Similes  
" utique in carnis adoptione, & non si-  
" miles ei in Divinitate." Hujus verò  
sententiæ intellectum longè aliter Catho-  
lici Patres exposuerunt. Dicit enim San-  
ctus Augustinus in Epistola ad Italicam  
Virginem: In tantum ergo videbimus,  
in quantum similes erimus: quia & nunc  
in tantum non videmus, in quantum  
dissimiles sumus. Inde igitur videbi-  
mus,

(x) Prov. VIII, 22.

(y) Eccles. XXIV, 5.

(z) Tit. II, 13;

(a) Deut. XV, 12.

(b) Deut. XVII, 15.

(c) Gen. XIII, 8.

(d) Psalm. CXXXII, 1.

(e) Psalm. XXI, 23.

(f) Joan. XX, 17.

(g) Hebr. II, 12.



mus, ubi similes erimus. Quis autem dementissimus dixerit, corpore nos vel esse, vel futuros esse similes Deo? In interiore igitur homine ista similitudo est, qui renovatur in agnitione Dei, secundum agnitionem ejus, qui creavit eum: & tanto efficimur similiore illi, quanto magis in ejus agnitione & caritate proficimus: quia etsi exterior homo noster corrumpitur, interior autem renovatur de die in diem: ita sanè, ut in hac vitâ, quantumque profectus sit, longè ab sit ab illâ perfectione similitudinis, quæ idonea erit ad videndum Deum. Quid verò David putatis dixisse de fratribus adoptivis: *Unxit te Deus, (h) Deus tuus, oleo letitiæ præ participibus tuis*? Non enim Beatus Hieronymus, & ceteri Sanctæ Scripturæ Tractatores, hanc participationem unctionis de adoptivis fratribus, sed de Regibus, qui Christi vocabantur, intelligi voluerunt, qui oleo humanæ compositionis uncti esse leguntur: sicut idem Beatus Hieronymus in tractatu ejusdem Psalmi exposuit: *Oleo letitiæ præ consortibus tuis*. Alii Reges, qui typum illius prætulerunt, & regnando consortes dicti sunt, oleo corruptibili sunt inuncti: hic verò Filius Dei, à Deo Patre oleo exultationis, hoc est, resurrectionis, ascensionis, Dominationis, que est delibutus: quia Christus naturâ unctus, nos per gratiam, quia in illo pleniter fuit Divinitas.

Item post multa testimonia, quæ omnia exequi longum est, novissimè in Michæ Prophetæ sententiam offendistis, in quâ poenitentis populi personam in se ipso Propheta assumpsit: in qua & vestra blasphemiarum stultitiam aperuistis, dicendo: *Numquid (i) dabo Primogenitum meum pro scelere meo? Fructum ventris mei pro peccato animæ meæ*? Quod dixit primogenitum, secundum humanitatem: quod dixit fructum ventris mei, secundum Divinitatem. Quæ aures Catholica hanc expositionem audire non abhorrent? Quis fidelis illam nare contractâ non respuit? Tam ridiculosa est, tam stulta hujus sententiæ expositio apud vos, ut propter Sanctitatem aurium magis taceamus, quid de vestra interpretatione sentimus, quam exponamus: & lectoris arbitrio dimittimus de vobis in hoc loco judicare. Tantum

dicimus, quid Beatus Hieronymus de hac intellexit sententia. Dicit enim in Tractatu ejusdem Prophetæ: Deus populum ad judicium provocârat. Ille sciens peccatum suum, non vult contendere, sed rogare: nec tamen in ipsis precibus habet fiduciam. Nihil enim dignum est, quod pro peccato Deo possit offerri: & nulla humilitas potest maculas eluere delictorum: quia impossibile est, sanguinem taurorum, & vitulorum, & holocausta medullata, & cruorem arietum, & hircorum pinguium, sordes animæ lavare. *Numquid*, ait, *dabo Primogenitum meum pro scelere meo*, sicut Rex Moab fecisse describitur? *Aut fructum ventris mei pro peccato animæ meæ*, quod fecit Jephthæ, pro temeritate voti offerens filiam? Item secundum LXX. allegoricam expositionem ita disseruit: Si dederò primogenita mea pro impietate; & fructum ventris mei pro peccato animæ meæ: dabo quidem, quicquid in me primum est, sed pro meo peccato, & impietate nihil dignum offeram Deo. Unde & David precatur, & dicit: *Magis, magisque (k) lava me ab iniquitate meâ, & à peccato meo munda me*.

Item mentionem Epistolæ B. Pauli ad Hebræos facientes, nec intelligentes omnia, quæ posuerunt, contra se esse, & semper ubique Christum Dominum, Filium Dei nominari; non servum, non adoptivum, sicut in illis testimoniis perspicuum est, quia ex principio Epistolæ illius ponere voluerunt: *Multifarie, (l) multisque modis olim Deus locutus est Patribus nostris in Prophetis, novissimè diebus istis locutus est nobis in Filio, quem constituit hæredem universorum, per quem fecit & secula. Qui cum sit splendor gloriæ, & figura substantiæ ejus, portansque omnia verbo virtutis suæ, purgationem peccatorum faciens, sedet ad dexteram Majestatis in excelsis: tantò melior Angelis effectus, quantò differentius præ illis nomen hereditavit. Cui enim dixit aliquando Angelorum, Filius meus es tu, ego hodie genui te? Et rursum: Ego ero illi in Patrem, & ipse erit mihi in Filium. Et iterum: Cum introduceret Primogenitum in orbem terrarum, dicit: Advenit eum omnes Angeli Dei. Hæc itaque testimonia non servum, non adoptivum dicunt Dominum nostrum JESUM Christum, sed Filium & hæredem universorum;*

(h) Psalm. XLIV, 8.

(i) Hebr. I, 1.

(j) Mich. VI, 7.

(k) Psalm. I, 3.

rum : sicut & in sequentibus ejusdem Epistolæ legimus: Moyses quidem, tanquam famulus fidelis, fuit in totâ domo ejus: Christus verò tanquam filius in domo suâ. Et paulò ante: *Amplioris enim (m) gloriæ iste præ Moyse dignus habitus est.* Quomodo amplioris gloriæ, si servus, sicut & Moyses, vel ex servo adoptivus? Quos & Beatus Augustinus in Homilia III. Sancti Evangelii secundum Joannem mirabiliter distinxit, dicens: Tenete ergò, Fratres, soliditatem istam: Lex per Moysen data est, gratia & veritas per JESUM CHRISTUM facta est. Per servum lex data est, & reos fecit: per Imperatorem indulgentia data est, & reos liberavit. Lex per Moysen data est: non sibi aliquid amplius servus assignet, quam quod per illum factus est. Electus ad magnum Ministerium, tanquam fidelis in domo, sed tamen servus, agere secundum legem potest, solvere à reatu legis non potest.

Quod autem in sequentibus Epistolæ vestræ legitur: "His præmissis Sanctorum Patrum sententiis, adseritionibus nostris roboratis, in commune decrevimus ab eorum decretis nullo modo deviare vestigiis." Optamus, dominumque deprecamur, hoc omnino verum esse, quod dicitis. Sed necdum perpeximus ita esse. Faciat quandoque misericordia Divina fieri, ut terminos Sanctorum Patrum non transgrediamini.

Quod etiam & in sequentibus adjunxistis: "In professione Nicæni Symboli non invenimus dictum, in Christo sto duas naturas, & tres substantias, & homo deificus, & Deus humanatus." Quid est natura hominis, nisi anima & corpus? vel quid est inter naturam & substantiam, ut tres substantias necesse sit nobis dicere, & non magis simpliciter, sicut Sancti Patres dixerunt, confiteri Dominum nostrum, JESUM CHRISTUM, Deum verum, & verum hominem in una personâ? Mansit verò persona Filii in SANCTA TRINITATE, cui personæ humana accessit natura, ut esset & una personâ, Deus & homo: non homo deificus, & humanatus Deus; sed Deus homo, & homo Deus: propter unitatem personæ unus Dei Filius, & idem hominis Filius: perfectus Deus, per-

Q 9 3

fectus homo. Perfectus homo non est, nisi animâ, & corpore, sicut & Sanctus Papa Leo in Homilia IV. de Natali Domini, eandem nuncupat naturam, quam & substantiam, ita dicens: tanto federe naturam utramque conferuit, ut nec inferiorem consumeret glorificatio, nec superiorem minueret adsumptio. Salvâ igitur proprietate utriusque substantiæ, & in unam coeunte personam, nec negamus & nos, Christo hæc tria veraciter inesse, Divinitatem scilicet, animam, & corpus. Sed, quia verè Deus & homo dicitur, in Dei nomine totum, quod Dei est, designatur, in hominis verò, totum, quod hominis est, intelligitur. Ideo sufficit, in eo unam perfectam Divinitatis, & alteram perfectam humanitatis confiteri substantiam. Aliud enim est, contra hæreticos contendere: aliud verò, puram fideliter confiteri fidem. Ibi enim veritas animæ, & carnis in Christo ostendenda erat, hic perfecta humanitas in eodem confrenda est. Sic & Sanctus Augustinus in libro, quem Enchiridion nominari placuit, evidentissimè & Catholicè in undecimo Capitulo (n) exposuit, ita dicens de Deo Christo: Nempe ex quo homo esse cœpit, non aliud cœpit homo esse, quam Dei Filius, & hoc unicus: & propter Deum Verbum, quod illo suscepto Caro factum est, utique Deus: ut quemadmodum est una persona quilibet homo, anima scilicet rationalis & caro, ita sit Christus una persona, Verbum & homo.

Consuetudo Ecclesiastica solet in Christo duas substantias nominare, Dei videlicet & hominis, sicut Cassiodorus in secundi Psalmi tractatu cum sententiâ Sancti Augustini roboravit: Et ne per hæreticas, inquit, contentiones Christiani animus fluctuetur, quem oportet omnia veraciter fixèque credere, nominis ipsius definitionem auctoritate Patrum brevi satisfactione concludimus. Audiamus ergo Beatum & Doctissimum Augustinum in Evangelistæ Joannis expositione dicentem: Agnoscamus geminam substantiam Christi, Divinam scilicet, quæ æqualis est Patri; humanam, quæ major est Pater. Utrumque autem simul, non duo, sed unus est Christus, ne sit quaternitas, non Trinitas Deus: ac per hoc Christus est Deus, anima rationa-

(m) Hebr. III, 3.

(n) Cap. XXXV.



tionalis, & caro: qua veritate recognita, competenter mortiferos vitamus errores. Item Beatus Ambrosius in hymno quodam de Natali Domini ita dicit: Geminae gigas substantiæ alacris, ut currat viam. Item Sanctus Augustinus in libro Enchiridion (o) Capitulo XIII. Proinde sicut confitemur, Dominus noster JESUS CHRISTUS, qui de Deo Deus, homo autem natus est de Spiritu Sancto, & Maria Virgine, utraque Substantia, Divina scilicet atque humana, Filius est unicus Dei Patris omnipotentis. Item in expositione Catholicæ Fidei: Non ergo duos Christos, neque duos Filios, sed Deum & hominem unum Filium: quem propterea Unigenitum dicimus, manentem in duabus substantiis, sicut ei naturæ veritas contulit. Isidorus quoque in libro Etymologiarum: Sic autem, inquit, Dei Filio juncta est humana natura, ut ex duabus substantiis fieret una Persona.

Item Sanctæ Romanæ Ecclesiæ Diaconus Paschasius, in libro secundo operis pulcherrimi, quod de Spiritu Sancto composuit, cujus opusculi Beatus Gregorius Papa Romanus, in libris Dialogorum mentionem fecit, in Capitulo IV. ita dicit: Itaque in Deo & homine gemina substantia; sed non gemina persona est: quia persona personam consumere potest, substantia verò substantiam non potest: siquidem persona res juris est, substantia res naturæ. Hoc loco necessarium videtur, ut in Christo, Domino pariter & homine, unam personam, & duas substantias testimoniis asseramus. Da unam Redemptoris Dei, hominisque personam. Apostolus dicit: *Si enim cognovissent Sapientiam (p) Dei, numquam Dominum Gloriæ crucifixissent.* Si requiras, quomodo potuerit inviolabilis pati, & incomprehensibilis crucifigi; Personæ unitas facit, ut quod homo pertulit, Deus pertulisse credatur. Item cum Evangelista commemorat: *Nemo (q) ascendit in celum, nisi qui de celo descendit, Filius hominis, qui est in celo.* Quomodo hic Filium hominis ante Passionis & Resurrectionis, sive Ascensionis diem, & de celo asserit descendisse, & in cælestibus permanere, nisi hoc per unitatem personæ ratio veritatis absolvat? Sicut alio loco capitis,

& corporis sociatur persona, cum legitur: *Esurivi enim, (r) & dedistis mihi manducare, sitiivi, & dedistis mihi bibere.* Quid agit personæ unitas? Homo pascitur, & Deus reficitur: pes confovetur, & caput fomentum in se sentire testatur. Dicit ergo: *Numquam Dominum gloriæ crucifixissent; & è diverso: Nemo ascendit in celum, nisi qui de celo descendit, Filius hominis, qui est in celo.* Vide, quomodo per unitatem personæ humana divinis, & humanis Divina miscentur. Deus crucifigitur, & homo de celo descendere, & in celo permanere memoratur. Item paulò post, in eodem Capitulo: Paulus Apostolus etiam duas substantias evidenter, remotâ Sacramenti obscuritate, digessit, ita dicens: *Patres nostri, ex quibus (s) Christus secundum carnem, qui est super omnia Deus benedictus in secula.*

Sed & inter lucidissimas & Catholicas Sancti Augustini sententias, quas sparsim, & inordinate posuistis ad defensionem, ut vos dicitis, vestram; ut nos intelligimus, accusationem erroris vestri: non metuistis, intermiscere sensus adulterinos, fingentes eum dicere, quod in illius non invenimus dictis. Ex quo perspicuum est, vos vestræ non confidere causæ, quia in exemplis Sanctorum Patrum, non invenistis fidem vestram confirmari: ideoque adulterinos pravitatis sensus interposuistis, asserentes illos dicere, quod non dixerunt, sicut certissime cognosci potest in Capitulo XI. de libro Sancti Augustini, quem Enchiridion, ut præfati sumus, nominavit: cujus Capituli textum ponimus, ut facilius vester pateat error, & malitiæ noscatur imperitia. Dicit enim præfatus Pater: Proinde (t) CHRISTUS JESUS Dei Filius est, Deus, & homo: deus ante omnia sæcula, homo in nostro sæculo: deus, quia dei Verbum, deus enim erat Verbum: homo autem, quia in unitatem personæ accessit Verbo anima rationalis, & caro. Quocirca in quantum deus est, ipse, & Pater unum sunt: in quantum autem homo est, Pater major est illo. Cum enim esset unicus dei Filius, non gratiâ, sed naturâ; ut esset etiam plenus gratiâ, factus est & hominis Filius: idem ipse utrumque ex utroque unus Christus. Quia cum in formâ

(o) Cap. XXXVIII.

(r) Matth. XXV, 35.

(p) Ima Cor. II, 3.

(t) Rom. IX, 5.

(q) Joan. III, 13.

(s) Cap. XXXV.

formâ Dei esset , non rapinam arbitratus est , quod naturâ erat , id est , esse se æqualem Deo : exinanivit autem se , accipiens formam servi , non amittens vel minuens formam Dei. Ac per hoc , & minor est factus , & mansit æqualis , utrumque unus , sicut dictum , sed aliud propter Verbum , aliud propter hominem : propter Verbum æqualis Patri , propter hominem minor : unus DEI FILIUS , idemque hominis Filius : unus hominis Filius , idemque , & DEI FILIUS : non duo FILII DEI , DEUS & homo , sed unus DEI FILIUS , DEUS sine initio , homo à certo initio , Dominus noster JESUS CHRISTUS.

Hicce igitur verissimis Catholicæ fidei adfectionibus , perfidiæ venena intermiscere non metuitis. Ubi ergo ille dixit , cum enim esset unicus dei filius , non gratiâ , sed naturâ ; ut esset etiam plenus gratiâ , factus est & hominis Filius , idem ipse utrumque ex utroque unus Christus : ad confirmandum errorem vestrum , interposuistis , quod ille non dixit , hoc modo : cum enim esset unicus dei filius , non adoptione , sed genere , neque gratiâ , sed naturâ : ut esset etiam plenus in formâ servi , adoptione & gratiâ , factus est hominis filius , idem ipse utrumque ex utraque unus Christus. Videat , qui legit , & intelligat , quanta est hæc pravitas , & quanta est hæc tergiversatio. Quare Sanctorum Patrum sensus commaculatis , & venenum erroris Catholico melli immiscetis ? Quid est , quod dicitis , deum naturâ dei filium , genere esse filium dei ? Quid est , quod adoptionem gratiæ conjungitis , dum in eodem Capitulo paulò post idem mirificus doctor , eum , qui est hominis filius , unicum dei filium nominare non dubitaret , ita dicens , sicut , & antè exposuimus : Nempe ex quo homo esse cepit , non aliud cepit homo esse , quam dei filius , & hoc unicis : & propter deum Verbum , quod illo suscepto caro factum est , utique deus ; ut quemadmodum una persona est quilibet homo , anima scilicet rationalis , & caro , ita sit Christus una persona , Verbum , & homo. Igitur si unicus , quomodo adoptivus , dum multi sunt adoptivi filii ? Unicus itaque de multis

non potest dici. Item unitas personæ , quæ est in dei filio , & filio Virginis , adoptionis tollit injuriam. Si ergo deus verus est , qui de Virgine natus est , quomodo tunc potest adoptivus esse , vel servus ? deum enim nequaquam audetis confiteri servum , vel adoptivum : etsi eum Propheta servum nominasset , non tamen ex conditione servitutis , sed ex humilitatis obedientia , quâ factus est Patri obediens usque ad mortem , præfatio Papa Leone dicente in Homilia II. de Nativitate Christi : Assumpta est de matre Domini natura , non culpa : creata est forma servi sine conditione servili. Item Sanctus Augustinus in Homilia XXXIX. dicit : Dominus noster etiam in forma servi non servus , sed in formâ etiam servi dominus fuit. Nonne secundum sæculi nobilitatem , Beata MARIA Virgo ex regali & libera prosapia processit ? Huic ergo Virgini , Regiæ dignitatis , Spiritus Sanctus accessit , & Filium ex ea procreari fecit. Mirum , si Spiritus Sanctus hominem ex ea non potuit facere perfectum , & ingenuum.

Sed , & hoc volumus à vobis audire , an Adam primus humani generis Pater , qui de terra Virgine creatus est , liber esset conditus , sive servus ? Si servus , quomodo tunc Imago Dei ? Si liber , quare & Christus quoque non ingenuus de Virgine ? Meliore quidem terrâ , etiam animatâ , & immaculatâ , Spiritu Sancto operante , factus est homo , dicente Apostolo , *Factus est ( u ) primus homo de terra terrenus , secundus de Cælo celestis*. Si terrenum liberum conditum confitemur , quare non multò magis celestem liberum confitemur ? Unde , Adam fuit servus factus , nisi ex peccato , Apostolo Petro attestante : *Qui enim ( x ) peccatum facit , servus est peccati* ? Christus autem non fecit peccatum , idè servus non est peccati ; sed magis liberator & redemptor eorum , qui servi sunt peccati , eo ipso attestante. *Si Filius ( y ) vos liberaverit , verè liberi eritis*. Sed fortè servum hominis eum fuisse dicitis. Quid est , quod dicit Propheta , *Deus ( z ) judicium tuum Regi da , & justitiam tuam filio Regis : & adorabunt eum omnes Reges terræ , omnes gentes servient ei* ? Item Apostolus. *Omnia ( a ) subiecit sub pedibus ejus*. Et hoc sapius

[u] I. Cor. XV. 47.

[x] II. Petr. II. 19.

[y] Joan. VII. 26.

[z] Psalm. LXXI. 1. &amp; 11.

[a] Imz Cor. XV. 26.



fapius repetitur; quàm exemplis indigeat edoceri, quòd sit dominus omnium, non alicujus servus. Anne Angelorum eum servum vultis dicere, quia dictum est: *Ministri (b) eum paulò minùs ab Angelis?* Utiq; minoratus est propter mortalitatem carnis, non propter conditionis servitium: ideoque statim sequitur: *Glorià, & honore coronàsti eum, & constituisti eum super opera manuum tuarum. Omnia subiecisti sub pedibus ejus.* Item Apostolus ad Hebræos, *Tanto (c) melior effectus Angelis, quanto differentius præ illis nomen hereditavit.* Et iterum, *Cùm (d) introducit primogenitum in orbem terræ, dicit: Et adorent eum omnes Angeli Dei.*

Quid dicitis de Deo Patre, qui eum in baptismo etiam, & in transfiguratione, quæ facta est in monte, filium nominavit, non servum: *Hic est filius (e) meus dilectus, in quo mihi bene placuit?* De quâ sententiâ Beatus Hilarius in libro VI. de fide, ita disseruit: Si proprium ac singulare est: *Hic est Filius meus;* quid calumnias deo patri professæ de filio proprietatis adferimus? Anne tibi videtur in eo, quod dicitur, hoc significari, alios quidem cognominatos habeo in filios, sed hic filius meus est? donavi adoptionis nomen plurimis: sed iste mihi filius est. Ne queras alium, ne non hunc esse credas. Hunc ergo tamquam digito indice, ac verbi significatione contingo, quia dico, & meus est, & filius est. Hæc quidem Paternæ vocis significatio ea fuit, non quòd, qui ad implendam omnem justiciam baptizandus erat, ignoraretur: sed, ut, qui ad Sacramentum salutis nostræ homo cernebatur, Dei voce Dei Filius nosceretur. Restat igitur, ut sit Rex, & Redemptor, Deus, & Dei Filius: de quo & Apostolus ad Romanos: *Qui proprio Filio suo (f) non pepercit.* Proprium nominavit, non adoptivum. De quâ sententiâ idem Beatus Hilarius in libro præfato ita dicit: Numquidnam etiam nunc adoptionis in eo erit nuncupatio, in quo proprietas est hoc nomen? Item post pauca: *Quære virtutem dicti, ut magnitudinem caritatis intelligas.* Quid sit proprium, expende, ne ignores veritatem. Nunc enim Apostolus proprium ait filium, cùm in multis, vel su-

um, vel ejus sæpe dixisset. Quamvis multi codices, per translatorum simplicem intelligentiam, in hoc loco, proprio filio, suo filio conscriptum habeant: tamen Græcitas, quâ lingua Apostolus est locutus, proprium nunc magis, quàm suum nuncupavit. Et licet communis intelligentiæ sensus non satis inter proprium, & suum differat, verùm Apostolus, cùm in cæteris aliis dictis suum filium commemorasset, hic tamen dicit: *Qui proprio Filio non pepercit.* Item libro VIII. Sentisne, quid tibi desit, Christo negando, quod suum est? Si per naturam Dei Christus tibi Dominus est; habes Spiritum Sanctum: si verò per adoptivum nomen hic Dominus est; Spiritu Sancto carens spiritu erroris animaris: quia nemo, nisi in Spiritu Sancto Dominum JESUM potest dicere. Item in dogmate Catholicæ Fidei. Ergo Dei Filius, hominis factus est Filius, natus secundum veritatem naturæ ex Deo, Dei Filius; & secundum veritatem naturæ ex homine, hominis Filius: ut veritas unigeniti non adoptione, neque appellatione, sed in utraque nativitate Filii nomen nascendo haberet, ut esset verus Deus, & verus homo unus Filius. Item Sanctus Evangelista Joannes verum eum Filium nos credere edocuit, dicens: *Et nos vidimus, (g) & testificamur, quoniam Pater misit Filium suum Salvatorem mundi. Quisquis confessus fuerit, quoniam JESUS est Filius Dei, Deus in eo manet, & ipse in eo.* Item post pauca: *Scimus, quoniam Filius Dei (h) venit, & dedit nobis sensum, ut cognoscamus verum Deum, & simus in vero Filio ejus.* *Hic est verus Deus, & vita æterna.* Tu verò quisquis es, qui Christum prædicas adoptivum, unde tibi iste sensus venisset, voluisses scire: Ubi hoc nomen didicisses, ostende. Patriarchæ nescierunt, Prophetæ non dixerunt, Apostoli non prædixerunt, Tractatores hoc nomen tacerunt, Doctores Fidei nostræ non docuerunt. Fortè in tertium cælum raptus fuisti, & ibi audisti arcana verba, quæ hucusque Sanctæ Dei Ecclesiæ ignota essent, si tu in tertium cælum raptus non esses? Aut super pectus Domini recubuisti, & ibi audisti, quæ Beatus Joannes audire non meruit? Aut

te

[b] Psal. VIII, 6.

[c] Matth. III. &amp; XVII.

[d] Imaz Joan. V, 20.

[e] Hebr. I, 4.

[f] Rom. VIII, 32.

[g] Ibid. 6.

[h] Imaz Joan. IV, 14.

te per Choros Angelorum agnus ducens, hoc tibi nomen ostendit? Aut tibi Leo de tribu Juda librum septem sigillis clausum aperuit, unde hæc mysteria intelligeres; & nomina proferres, quæ quatuor animalibus incognita mansissent, immò toti mundo inaudita, nisi tu novus Doctor ad declarandum tuum nomen venisses?

Dices enim, cur times adoptivum Christum Dominum nominare? Dico tibi, quia nec Apostoli eum sic nominarunt, nec Sancta Dei, & Catholica Ecclesia consuetudinem habuit, sic eum appellare, immò nec credere eum adoptivum esse, sed proprium filium, juxta præcedentia Apostolorum testimonia, & Sanctorum Doctorum dogmata. Plurimæ verò sunt in Sanctis Scripturis appellationes Domini nostri JESU CHRISTI: sicut leo, agnus, lapis, vermis, & multa talia, quæ omnia certas habent, & mysticas significationes, cur ita dicantur. Adoptivus siquidem non habet aliam significationem, nisi ut JESUS CHRISTUS non sit proprius Filius Dei, nec ex Virgine ei in filium genitus; sed nescio, ex quo servo adoptatus in filietatem, ut vos dicitis: quarum significationum allegoricas interpretationes dicemus, si huic præfenti rationi necessariæ viderentur, sicut Leo propter Regiam Dignitatem, agnus propter innocentiam, vermis propter humilitatem incarnationis. Quodd verò eum dicitis leprosum nominari, videtur, vos minis intendisse, quomodo Propheta hoc nomen posuit: *Et nos, inquit, putavimus (1) eum, quasi leprosum & percussum à Deo, & humiliatum. Ipse autem vulneratus est propter iniquitates nostras.* Quasi leprosum dixit, non leprosum. Item, putavimus, dixit, id est, ut Beatus Hieronymus in Tractatu ejusdem Prophetæ exposuit: Nos putavimus, eum propria sustinere peccata: sed ut verius intelleximus, pro nostris vulneratus est iniquitatibus: Nullatenus morbo lepræ percussus est in corpore, nec legrâ peccati vulneratus est in anima. Lupum verò, & vulturem eum non legimus in Scripturis Sanctis, quantum nostræ occurrit memoriæ, nuncupari: nec etiam adoptivum.

Nónne olim eadem hæresis vestra in Nestorio ab universali Ecclesia refutata

R r

est, etiam & damnata? Quapropter fortè illum anathematizare noluitis, dum alios, Bonosum scilicet, Arium, & Sabellium, Manichæumque, qui prava de Dei Filio senserunt, in Epistola vestra anathematizastis. Numquid non ideo damnatus est, qui Beatam MARIAM semper Virginem, non Dei, sed hominis tantummodo credidit esse Genitricem? De cujus hæresi Sanctus Cyrillus Eulogio Presbytero scribit, hoc modo dicens: Nestorius itaque in suis expositionibus simulat se dicere unum Filium, & unum Dominum: sed refert filiationem ad solum Dei Verbum. Et paulò post: Dicendo enim, quia propterea Deus Verbum, Christus nominatur, quia habet copulationem ad Christum; quomodo non apertum est, duos dicere Christos, si Christus ad Christum habet conjunctionem, tanquam alter ad alterum? Videtur enim, Nestorium dicere copulationem, quod vos dicitis adoptionem. Quid est adoptio, nisi caritatis copulatio, qua Pater adoptione sibi copulat filium; quem proprium non habet? Et certissimum est, sicut præfati sumus, alium esse proprium filium, alium adoptivum. Nónne tunc duo filii erunt Deo Patri, unus proprius, & alter adoptivus, quod nullus Catholicus auderet dicere? Quid est aliud dicere, eandem Virginem adoptivum, vel servum genuisse, nisi negare, Deum illam genuisse? Si Deus generatus est, nequaquam adoptivus, sed Filius: quia alia persona est proprii filii, alia adoptivi filii, vel servi. Et scimus, unam esse personam in Christo Deo, Dei & hominis, sicut Beatus Gregorius in Epistola ad Quirinum Episcopum scripsit: Non autem, inquit, prius in utero Virginis caro concepta est, & postmodum divinitas venit in carnem: sed mox, ut Verbum venit in uterum, mox Verbum, servatâ propriæ virtute naturæ, factum est caro, & perfectus homo. Idem in veritate carnis, & animæ rationalis natus est per uterum Virginis Filius Dei. Si igitur mox à tempore conceptionis verus Deus, Dei Filius conceptus est; quando fuit, ut homo esset sine Deo, unde adoptaretur in filium? Sicut enim nunquam fuit, ut Deus Pater esset sine Deo Filio, de quo dictum est: *In (k) principio erat Verbum:* Ità nunquam fuit, ut homo JESUS esset sine

(i) Mat. XIII, 4.

(k) Joan. I, 1.



sine deo, de quo dictum est, *Verbum* (1) *earo factum est*, id est deus homo factus est. Sicut enim Arius filium separavit à Patre, dicendo: erat, quando non erat Dei Filius; ita per adoptionem vos separatis hominem Christum à Deo Filio.

Et miramur, dum tanta Sanctorum Patrum testimonia profertis, cur non intelligatis, quod contra eadem testimonia sensum punitis vestrum, alia pravè intelligentes, alia pessimè interpretantes, juxta Apostolum, (m) non intelligentes, quæ dicitis, nec de quibus affirmatis. Sufficiat vobis, obsecramus, dicere in confessione Catholicæ fidei, quod Sancti Patres dixerunt: & sic Symbolum tenere Ecclesiasticæ professionis, sicut Sanctissimi Doctores exposuerunt. Longè siquidem inferiores sumus illis, ad excogitanda verba convenientia fidei Apostolicæ. Tantum firmiter credamus, & teneamus, quod illi scripserunt, qui Spiritu dei repleti sunt, & nobis à deo dati sunt Doctores. Qui enim vobis displicet in domino nostro JESU CHRISTO, ut verus sit deo patri filius, dum ille ipse, & se Filium nominavit & veritatem, dicendo: *Pater* (n) *clarifica filium tuum; ut filius tuus clarificet te*. Et iterum: *Ego sum via*, (o) *& veritas, & vita*? Nisi fortè eum judæis vultis dicere: *Tu* (p) *de te ipso testimonium dicit, testimonium tuum non est verum*. Mox ille ipse pro se respondebit vobis. Si ego testimonium perhibeo de me ipso, testimonium verum est. Et paulò post: *In lege*, inquit, *vestra scriptum est, quia duorum hominum testimonium verum est*. Ego sum, qui testimonium perhibeo de me ipso, & testimonium perhibet de me, qui misit me, Pater. Pater de celis intonuit, & eum filium suum nominavit: Christus de terris in celos clamavit, se filium nominavit, & vos cum Judæis adhuc increduli estis? Latro in cruce eum Dominum nominavit: Centurio morientem eum videns clamavit: *Verè Filius Dei* (q) *erat iste*. Sed & dæmones eum verè filium dei summi cum suâ legione proclamaverunt, sicut in sanctis legitur Evangelii. Et Elipandus cum suâ legione negat adhuc eum verè filium dei esse? Apostoli interrogati à

Christo dicente: *Quem dicunt* (r) *homines esse filium hominis?* de filio hominis interrogat, & de filio hominis respondet ei Petrus dicens: *Tu es* (s) *Christus Filius Dei vivi*: & pro hac laudabili confessione meruit ab ipso deo salvatore nostro audire: *Beatus es Simon Bariona, quia caro, & sanguis non revelavit tibi, sed Pater meus, qui in celis est*. Patrem suum dixit, qui hæc revelavit. Pater de suo Filio mysteria revelavit, sæculari inaudita sapientiæ: & pro hac gloriosa confessione Beatum Petrum, Principem Apostolorum, cæli, terræque remuneravit potestate, dicens: *Tu es* (t) *Petrus, & super hanc Petram ædificabo Ecclesiam meam, & porta inferi non prævalebit adversus eam*. Et tibi dabo claves Regni Cælorum: & quodcumque ligaveris super terram, erit ligatum & in Cælis, & quodcumque solveris super terram, erit solutum, & in Cælis. Auditis, quid hæc fides Apostolica meruit: videte, quid vestra mereatur adoptio. Paulus eundem, qui crucifixus est, Dei virtutem, & dei sapientiam prædicavit, scribens ad Corinthios: *Nos verò Christum* (u) *prædicamus, & hunc crucifixum, Judæis quidem scandalum, gentibus autem stultitiam, credentibus verò Dei virtutem, & Dei sapientiam*. Ecce duo luminaria mundi, quale de Christo Filio Dei testimonium proferunt: & vos eum adhuc adoptivum vultis dicere, & nobiscum Spiritum adoptionis accepisse dei filium? Eſaias eum Filium appellat: *Filius*, inquit, (x) *datus est nobis, & factus est principatus super humerum ejus; & vocabitur nomen ejus admirabilis, Deus fortis, Princeps pacis, Pater futuri sæculi*.

Intelligite, fratres, quæ legitis, & nolite nova, & incognita nomina fingere, sed quæ in Sanctâ Scripturâ inveniuntur, tenete. Illa enim, quæ ibi inveniuntur de CHRISTO DEO, honestas habent significationes, & nostræ salutis convenientes. Et nolite per humanas inventiones fluctuare, sed in soliditate Sanctarum Scripturarum vosmetipsos roborate. Illas legite, illas docete: quia in illis est vita æterna. Incalcistis iterum, iterumque replicastis, vos consona sanctis Patribus ponere testimonia. Sed, ut probavimus, longè aliter vos illorum intel-

(1) Ibid. 14.

(o) Joan. XIV, 6.

(r) Math. XVI, 13.

(u) 1mæ Cor. I, 23.

(m) 1. Tim. I.

(p) Joan. VIII, 13, &amp; seq.

(s) Ibid. 16.

(x) Eſaiæ IX, 6.

(n) Joan. XVII, 1.

(q) Math. XXVIII, 54.

(t) Math. XVI, 18.

intelligitis dicta, quàm illi ipsi intellexerunt, qui hæc ipsa testimonia libris inferbant: & invenimus, sicut & antè præfati sumus, certissimè vos illorum Sanctissima Scripta hæreticæ pravitatis veneno infecisse, & interferuisse verba, quæ nusquam in eorum legimus libris. Nisi fortè vestri Magistri ita sensissent, quorum nomina Sanctæ universali Dei Ecclesiæ ignota putamus hucusque remansisse, si hujus erroris schisma per vos ea mundo non innotuisset. Desinite, fratres, vestros per aures populi Christiani diffamare parentes, & vosmetipsos à Sanctâ dei dividere ecclesiâ: & nolite per diviticula discurrere errorum, & cisternas vobis hæreticâ perfidiâ dissipatas fodere, quæ aquas purissimæ fidei non tenebunt. Sed per viam regiam ad limpidissimum Catholicæ puritatis fontem festinate, & ex eo potate Spiritum caritatis, & fidei, quatenus de ventre vestro fluant aquæ vivæ salientes in vitam æternam. Tenete vos intra terminos Sanctorum Patrum, & nolite novas versare quæstiunculas: ad nihilum enim valent, nisi ad subversionem audientium. Sufficit enim vobis Sanctorum Patrum vestigia sequi, & illorum dicta firmâ tenere fide. Illi enim in Domino nostri existerunt doctores in fide, & ductores ad vitam: quorum & sapientia, Spiritu dei plena, libris legitur inscripta, & vita meritorum miraculis clara, & Sanctissima: quorum animæ apud deum dei filium, Dominum nostrum JESUM CHRISTUM, pro magno pietatis labore regnant in cœlis.

Hos ergo totâ animi virtute, toto caritatis affectu sequimini, carissimi fratres, ut horum inconcussâ firmitate doctrinis adhaerentes, consortium æternæ beatitudinis, donante vero, & proprio filio dei, Domino nostro JESU CHRISTO cum illis habere mereamini in cœlis. Desinite, fratres, illum prædicare servum, quem Regem, & redemptorem habemus, cui data est omnis potestas in Cælo, & in terrâ. Cessate eum adoptivum nominare, qui verus deus, & verus dei filius: in cuius nomine omne genu flectatur cœlestium, terrestrium, & infernorum, & omnis lingua confiteatur, quia Dominus JESUS CHRISTUS in gloria est Dei Pa-

R r 2

tris. Intelligite in hac professione vestra duplices diabolicæ fraudis latuisse dolos: hoc est, ut vos, qui gratiâ baptismi redempti estis, ab unitate Catholicæ disjungeret Ecclesiæ, & schismatici erroris laqueo à viâ salutis æternæ retraheret, & gentibus, inter quas habitatis, Christianæ fidei initia intercluderet, dum & Dominum nostrum JESUM CHRISTUM, quem Deum colimus, & adoramus, servum prædicatis, & adoptivum. Hæc enim sunt argumenta diaboli, & ut vos subvertat in fide, & illos avertat à fide. Quiescite, viri fratres, quiescite ab hac nequitia: & estote vobismet ipsis Doctores ad vitam, & vicinis vestris ductores ad fidem. Considerate, quale est hoc scandalum inter paganas gentes, ut dicatur, Deum Christianorum servum esse, vel adoptivum. Nos per illum adoptivi sumus, non ille nobiscum adoptivus servus. Cur eum servum nominare debemus, qui nos amicos maluit nominare, quàm servos, dicens: *Jam non dicam vos servos, (y) sed amicos: quia servus nescit, quid faciat Dominus ejus. Vos autem dixi amicos, quia omnia, quæcumque audivi à Patre meo, nota feci vobis?* Attendite, quâ caritate nos nominavit amicos, eâ caritate nominemus eum Deum Dei Filium, & diligamus ex toto corde, quia ipse prior dilexit nos, & tradidit semetipsum pro nobis, ut emundaret sibi populum acceptabilem, sectatorem bonorum operum. Credamus eum Dominum, & non servum, ipso dicente, *Vos (z) vocatis me: Magister, & Domine, & bene dicitis, sum etenim.* Et verum deum, verumque dei filium confiteamur in utraque natura, divina scilicet, & humana. Credamus eum omnia velle, quæ meliora sunt, & omnia posse, quæ vult, sicut dictum est, *Omnia (a) quæcumque voluit Dominus, fecit in Cælo & terrâ.* Quis negat, meliorem esse proprietatem in filio, quàm adoptionem? Et dum omnipotens dei filius nostræ fragilitatis naturam in unitatem suæ personæ adsumere voluit, ut esset mediator Dei, & hominum; cur non debuit ex meliore filiorum dignitate, & multò excellentiore, nostram sibi in unitatem personæ adsociare humanitatem; quatenus ex suâ gloriosâ, & propriâ nobilitate nostræ servitutis redimeret

[y] Joan. XV, 15.

[z] Joan. XIII, 13.

[a] Psalm. CXIII, 9.



meret ignobilitatem? Venit enim medicina ad ægros, misericordia ad miseros, redemptor ad reos, liber ad servos, ut dictum est, *Deus (b) ultionum liberè egit.* Et in Evangelio: *Si filius (c) vos liberaverit, verè liberi eritis.* Non sumus ingrati tantorum beneficiorum Domini nostri JESU CHRISTI, per quem conditi sumus, & à quo iterum redempti sumus, & in gloriam Filiorum Dei adoptati.

(b) Psalm. 93. 1.

(c) Joan. VIII, 36.

Prædicemus eum deum verum, & vivum, & verè Filium Dei, ut ad ejus beatissimam visionem pervenire mereamur, in qua est æterna beatitudo, & beata æternitas. Cui laus, & gloria in omnes æternitates. Amen.

*Survius Tom. III. Concilior.*

*Binius Tomo III. Concilior.*

*Sirmondus Tom. II. Concil. Gallie.*

# CAROLI MAGNI

## REGIS

### EPISTOLA

#### AD ELIPANDUM, ET CÆTEROS

#### EPISCOPOS HISPANIÆ, IN QUÀ TRIUM

#### ETIAM SUPERIORUM LIBELLORUM FIT MENTIO.

*CAROLUS, GRATIA DEI REX FRANCORUM ET Longobardorum, ac Patricius Romanorum, Filius & Defensor Sanctæ Dei Ecclesiæ, Elipando, Toletanæ civitatis Metropolitano, & cæteris in partibus Hispaniæ Consacerdotibus orthodoxæ Fidei, & fraternæ caritatis, in CHRISTO, Dei Filio proprio & vero, optamus Salutem.*

**G**Audet pietas Christiana, divinæ scilicet, atque fraternæ per lata terrarum spatia duplices caritatis alas extendere, ut materno foveat affectu, quos sacro genuerat baptisinare. Et maxima est Sanctæ Marris Ecclesiæ exultatio, suorum adunatio filiorum, ut sint consummati in unum, qui redempti sunt ab uno, dicente eodem redemptore Domino nostro JESU CHRISTO: *Pater (a) Sancte, serva eos in nomine tuo, quos dedisti mihi, ut omnes unum sint, sicut & nos unum sumus.* Unde & in Cantico canticorum de Sancta dicitur Ecclesia: *Terribilis, ut (b) castrorum acies ordinata.* Confirpata exercitus ordinatio, & unanimis bellatorum fortitudo, magno solet hostibus esse terrori: sic Filiorum Sanctæ Marris Ecclesiæ intra murum Catholicæ Fidei pacifica adunatio aëreis potestatibus nimium constat terribilis, & ignitis malignæ perfidiæ spiculis omnino im-

penetrabilis extat, sicut & verissimus gentium prædicator præcipit, dicens: *In omnibus adsumentes (c) scutum fidei, in quo possitis omnia tela nequissimi ignita extinguere, & hoc sæculum nequam libero ad celestia volatu evadere.* Sine fide enim impossibile est, placere deo. Impossibile est, quod omnino ab homine fieri non potest. Principium est salutis nostræ fides: quâ intemeratâ, & integrâ sanitate confirmatâ, totius vitæ cursus per bonorum vestigia operum feliciter fine tenus currit. Per fidem enim, sicut idem præfatus doctor in Epistola ad Hebræos testatur, omnes (d) Sancti placuerunt Deo.

Hanc igitur fidem orthodoxam, & ab Apostolicis traditam Doctoribus, & ab universali servatam Ecclesia, nos pro virium nostrarum portione ubique in omnibus servare, & prædicare profite-mur: quia non est in alia aliqua salus, ni-

fi

(a) Joan. XVII, 1.

(d) Hebr. XI.

(b) Cant. VI, 39.

(c) Ephes. VI, 16.

fi in illa, quam pacifica ab initio salutis nostræ unanimitate semper servabat Ecclesia: pro quâ etiam, viri fratres, & vestra bona devotio, quam vos habere decet in Domino, his partibus fidei vestræ litteras dirigere curastis, utrumque, & generales ad Sacerdotales Sanctissimas aures, ad nos quoque speciales. In quarum utique serie litterarum non satis nobis elucebat, an quasi ex auctoritate magisterii vos vestra docere disposuistis, an ex humilitatis discipulatu, nostra discere desideratis. Tamen sive hoc, sive illud vestris inesset animis, petitionem vestram, caritate Christianæ religionis cogente, non spernendam esse censuimus: valde desiderantes, Deumque ex intimo cordis affectu deprecantes, quatenus in vera fidei soliditate firmiter utrinque permaneamus, & inter fluctivos hujus sæculi æstus, Spiritu Sancto navigium vestri cursûs regente, ad portam perpetuæ tranquillitatis pervenire mereamur. Ad hanc autem tranquillitatem capiendam, oculus cordis fide purificandus est, & assiduis Sanctarum Orationum precibus mentis acies illustranda, ut puræ veritatis lumen, omni errorum nube expulsâ, contemplari valeat, ne in opiniones noxiæ falsitatis temeritas inordinata incautiùs gradientes præcipitet. Nec pigeat Christianum, ubi hæsitet, quærere; nec pudeat, ubi nesciat, discere: quoniam pia humilitas discendi sapientiæ intrat secreta; & melius est, discipulum esse veritatis, quam Doctorem existere falsitatis. Ille ad altiora semper provehitur; iste ad inferiora semper dilabitur, & inde Magister efficitur erroris, unde auditor contempsit esse veritatis.

Hanc igitur, fratres, perniciosam devitantes elationem, Sanctorum Patrum, & Catholicorum Doctorem sacris inhæreamus sensibus. Discamus, quæ scripserunt, credamus, quæ docuerunt, & non declinemus ad dexteram, neque ad sinistram, sed per viam Regiam ad Regem & redemptorem, Deum, & Dominum nostrum Jesum Christum, concordî fidei, & veritatis curramus professione. *Corde enim creditur (e) ad justitiam, ore autem confessio fit ad salutem, eodem attestante Apostolo: Justus autem (f) ex fide vivit.* Si justus ex fide vivit, quo-

Rr 3

modo, qui fidem non habet rectam, se vivere existimat? Nos nempe non sumus infidelitatis filii in perditionem, sed fidei in acquisitionem animæ. Sequamur Sanctorum Patrum venerabilia præcepta. Decet enim, ut omnium Christianorum una sit fides, & unus animus, sicut est unum ovile, & unus Pastor. Qui verò extra Ecclesiastici ovilis sæpta inveniuntur, lupinâ rabie devorabuntur, quia vocem boni Pastoris non audiunt, qui ante suas oves ingreditur, & egreditur, ut eos ad pascua vitæ deducat æternæ. Nobis itaque dictum intelligamus, quod egregius prædicator suis carissimis filiis præcipiebat, dicens: *Obsecro vos (g) per nomen Domini nostri JESU CHRISTI, ut unum dicatis omnes, & non sint in vobis schismata: sitis autem perfecti in uno sensu, & in eadem scientiâ.* Hæc habentes Apostolicæ auctoritatis præcepta, concordate nobiscum. Diligimus vos: hoc vobis volumus in Domino, quod, & nobis: quia perfecta, quam habemus in Christo, caritas congregare gaudet, non spargere: adunare, non scindere; & inconfutilem Salvatoris nostri tunicam integram servare, non dividere: prævidentes hoc idem in Pace Christi custodire, quod milites in passione ejus observabant.

His ita prælatis vestris in Domino valde congaudemus profectibus: ita ut in cordibus nostris fraterno vulnerati amore, vestram, quam patimini inter gentes, lacrymabili gemitu condoleamus oppressionem: sed majore multò tristitiâ lugemus, si aliquid diabolicâ fraude interioris oppressionis per infidelitatem, vel cujuslibet schismatici erroris patiamini in cordibus. Ille est continuus dolor peccatoribus nostris, & pene irremedicabile vulnus, nisi per ejus misericordiam, qui sanat contritos corde, & vult omnes homines salvos fieri, ad agnitionemque veritatis pervenire, illi nos lætificent, qui contristaverunt. Vestra igitur correctio, nostra est lætificatio: desiderantes vos socios habere in Fide Catholicâ, & co-operatores in prædicatione veritatis, ut gaudium, quod Christus suis promisit discipulis, habitet in nobis, & gaudium nostrum impleatur in vobis.

Ad impletionem verò hujus gaudii, fraternâ cogente caritate, iustissimus San-

ctorum

(e) Rom. X, 10.

(f) Rom. I, 17.

(g) Imæ Cor. I, 10.



ctorum Patrum Synodale ex omnibus undique nostræ ditionis Ecclesiis congregari Concilium : quatenus sancta omnium unanimitas firmiter decerneret, quid credendum sit de adoptione carnis Christi, quam nuper novis adfersionibus, & Sanctæ Dei universali Ecclesiæ antiquis temporibus inauditis, vos ex vestris scriptis intulisse cognovimus. Immo & ad Beatissimum Apostolicæ Sedis Pontificem, de hac novâ intentione, nostræ devotionis ter, quaterque direximus Missos, scire cupientes, quid Sancta Romana Ecclesia, Apostolicis edocta traditionibus, de hac respondere voluisset inquisitione. Nec non & de Britannia partibus aliquos Ecclesiasticæ disciplinæ viros convocavimus: ut ex multorum diligenti consideratione veritas Catholicæ Fidei investigaretur, & probatissimis Sanctorum Patrum hinc inde roborata testimoniis absque ullâ dubitatione teneatur. Idcirco vobis per singulos libellos dirigere curavimus, quid prædictorum Patrum pia unanimitas, & pacifica perscrutatio, auctoritate Ecclesiasticâ inveniret, statuisset, confirmaret. Primum, quid Dominus Apostolicus, cum Sancta Romana Ecclesia, & Episcopis illis in partibus quaquaversum commorantibus, & Catholicis Doctoribus sentiret, sub unius libelli tenore statuimus. Deinde secundo loco, quid Ecclesiastici Doctores, & Sacerdotes Ecclesiarum Christi de propinquieribus Italiae partibus, cum Petro, Mediolanensi Archiepiscopo, & Paulino Foro-Julianensi, vel Aquilejanensi Patriarcha, viris in Domino valde Venerabilibus, intelligi, vel firmiter credi voluissent, suis propriis responsionibus exaratum posuimus libellum, quia ipsi quoque præsentibus nostro Synodali Conventui adfuerunt. Posthæc tenet & tertius libellus orthodoxam Sanctorum Patrum Episcoporum, & Vidorum Venerabilium Fidem, qui in Germaniæ, Galliæ, Aquitaniæ, & Britannia Partibus, dignis Deo deserviunt officiis, vestrisque objectionibus Sanctorum Scripturarum testimoniis roboratas obtinet responsiones. Dein quarto loco meæ propriæ unanimitatis, cum his Sanctissimis prædictorum Patrum Decretis, & Catholicis Statutis consensum subnexui, sicut vosmetipsi in vestrâ Epistolâ, quam

meo specialiter assignastis nomini, rogare curastis: id est, ne paucorum subdolis adfersionibus consentirem, sed plurimorum testimoniis roboratam fidem firmiter tenerem. Facio certissimè, Deo Domino meo JESU CHRISTO donante, horum me sanctissimæ multitudini, & probatissimæ auctoritati in verâ Fidei Professione firmiter associans, nec vestræ me paucitati in consensione hujus novæ adfersionis socium admitto: sed Apostolicæ Sedi, & antiquis ab initio nascentis Ecclesiæ, & Catholicis Traditionibus tota mentis intentione, totâ cordis alacritate conjungo. Quicquid in illorum legitur libris, qui Divino Spiritu afflati, toti orbi à Deo Christo dati sunt Doctores, indubitanter teneo: hoc ad salutem animæ meæ sufficere credens, quod sacratissimæ Evangelicæ veritatis pandit historia, quod Apostolica in suis Epistolis confirmat auctoritas, quod eximii Sacræ Scripturæ Traductores, & præcipui Christianæ Fidei Doctores ad perpetuam posteris scriptum reliquerunt memoriam. Cum his quoque Doctoribus, & Sanctæ Ecclesiæ Pastoribus, veram prædico Fidem, quos in præsentī tempore ille nobis dedit luminaria, qui dixit: *Ecce (h) ego vobiscum sum omnibus diebus usque ad consummationem sæculi.*

Hi sunt Propugnatores Fidei nostræ, hi sunt Rectores per diversas Sedes civitatis CHRISTI: cujus antemurale est Fides Catholica, & caritas firmissimus murus, & propugnacula Divinarum testimoniarum Scripturarum: & divitiæ salutis in ea sunt sapientia, & scientia, & spes portarum custodia: quæ quatuor clavibus, id est, prudentia, justitia, fortitudine, & temperantia, piis aperiuntur animis. Hujus verò civitatis ipse Dei verus & proprius filius, Deus verus, homo verus, JESUS CHRISTUS, Dominus noster, regali præsidet potentia: cujus gratia totam illius civitatis structuram regit, defendit, & exaltat. Quisquis ad hanc civitatem, rectâ sibi præviante fide, manus bonorum operum habens plenissimas, pervenire festinat, apertas inveniet portas, & Regem Regum cum millibus Sanctorum agminum obviare sibi gaudebit. Sed & gratias vobis agimus de instantiâ orationum vestrarum, quibus

(h) Math. XXVIII, 20.

quibus memoriam nostrâ assiduè vos habere dixistis : optantes , ut preces vestræ acceptabiles sint Domino Deo Salvatori nostro , & ut ipse per suam misericordiam dignos vos efficiat exaudiri , & ad unitatem Sanctæ suæ Ecclesiæ revocare dignetur , & ejusdem pietatis humeris in Sanctæ Matris Ecclesiæ reportet ovile , qua de cœlis veniens , ovem requirere perditam , inventamque cum triumpho gloriæ ad Sedem Paternæ Majestatis revexit.

Illud quoque , quod vobis nostram pietatem flagitare placuit , quatenus in præsentia nostra libelli vestri legeretur textus , & perscrutante plurimorum consilio , quid in eo rectæ fidei Sanctiõibus consentiens inveniretur : fecimus , sicut petistis , collectis undique , veluti præfati sumus , Ecclesiasticis Doctõibus , & Populi Christiani Rectõibus : nobisque omnibus pacifico unanimis choro confidentibus eundem libellum à capite calcetenus per distinctiones uniuscujusque sententiæ , & per interrogationes , vel responsiones , prout cuique libuit , perlegere jussimus. Quid verò de eo libello Præsules Ecclesiarum Christi , Fideique Catholicæ Doctores intellexissent , non opus mihi , in hac mea iterare Epistola , dum illorum libellus proprius hoc vobis evidenter ostendit.

Scriptam itaque in Epistolâ vestrâ hujusmodi obsecrationem invenimus : " Poscentes vos per eum , qui pro te in cruce manus innoxias extendit , & pro te sanguinem pretiosum effudit , & pro te mortem pertulit & sepulturam , ad liberandos electos ad infernum descendit , & pro te resurgens , tibi viam ad cœlos revertendi , sicut ad cœlestem Patriam , demonstravit , ut per te ipsum arbiter sedeas . " Ecce ego vestris petitionibus satisfaciens , congregationi Sacerdotum auditor & arbiter adfedi . Discrevimus , & Deo donante decrevimus , quid esset de hac inquisitione firmiter tenendum . Sed modo per eandem obsecrationem vos iterum iterumque obtestor , ut in pacificâ unanimitate , & Catholicæ Fidei professione nobiscum firmiter maneatis : nec vos doctiores æstimetis universali Sanctæ Dei Ecclesia . Eam fidem tenete , quam orthodoxi Patres in suis nobis symbolis scriptam reliquerunt ,

Et nolite plus sapere , quàm oportet sapere , sed sapere ad sobrietatem . Nec ratiocinando humano ingenio Divina vos Mysteria investigare arbitremini : sed magis credendo honorate , quæ humana fragilitas temerè perscrutando invenire non valet .

Exemplum mihi Constantini Imperatoris proposuistis , cujus initium B. Isidorum laudasse dicitis , & finem doliuisse : quod ne mihi accidat , per quemdam Beatum , quem Antiphrasium cognominastis , benignè suadetis . Hoc etiam , Divinâ miserante gratiâ , præcavere satago : non ab illo tantummodo , sed etiam ab omnibus , qui aliquid rectæ fidei contrarium docere videntur . Assiduâque devotione Dominum deosco , & quoscumque ex filiis Sanctæ Matris Ecclesiæ valeo , mihi in hac petitione adjutores convoco ; ne me alicujus verbosa adulatio , vel fraudulenta laudatio decipiens , à via veritatis avertat , sæpius cum Propheta decantans : *Corripiet (i) me justus in misericordia , & increpabit me : oleum autem peccatoris non impinguet caput meum .* Vos verò vobismetipsis cavete , quod nos fraterno admonuistis amore , procurantes diligentissimè : Omnipotentisque Dei vobis assiduis precibus clementissimam convocate gratiam , ne callidâ antiqui hostis versutiâ sensus vestros in aliqua parte corrumpat , & pejus fiat interius Diaboli servitium , quàm exterius gentis inimicæ . Eumque expectate Redemptorem , quem salutis vestræ habuistis auctorem . Illum glorificate in corde , & portate in corpore ; & dignam in vobis illi preparate habitationem in fide , quæ per dilectionem operatur : quatenus vos illius gloriosa potentia , & ineffabilis misericordia , ab utriusque servitutis molestia , exteriori scilicet , & interiore , liberet & custodiat , & in magno die ante conspectum gloriæ suæ cum multiplicibus laboris vestri divitiis gloriosos stare concedat , & vocem optabilem cum operatoribus Apostolicæ Fidei audire faciat : *Venite (k) benedicti Patris mei , percipite regnum , quod vobis paratum est ab origine mundi .* Paratum igitur vobis regnum ab origine mundi , indubitata veritatis promissione speratis , si Catholicæ Fidei unanimi vobismetipsos adjungere curetis . Exteriores servitutis molestias internâ fidelitatis spe consolamini ,

1 (i) Psalm. CXLIII, 5.

(k) Matth. XXV, 34.



mini. Oculos mentis vestræ ad eum erigite, qui vos eripuit de potestate tenebrarum, & transtulit in regnum filii dilectionis suæ.

Hactenus, antequam hujus adoptionis in Christo nomen à vobis exortum nostros offenderet animos, vos germanitatis amore dileximus. Et si nos vestrum corporale servitium contristaret, rectitudo tamen Fidei Catholicæ lætificavit in vobis. Nunc verò duplici pro vobis affligimur mœrore, diabolicâ fraude deceptis in corde, & inimicâ servitute oppressis in corpore. Sed redite obsecro ad unitatem Sanctæ Matris Ecclesiæ, ut vos eruat de angustia servitutis terrenæ, qui vos per baptismi gratiam à vinculo liberavit originalis peccati. Expoliastis veterem hominem, quomodo iterum, fraude decepti malignâ, induamini illo? Adoptionis filii Deo Patri facti estis, per eum; qui non est adoptivus, sed proprius: State per fidei inviolabilem confessionem in libertate filiorum Dei, & nolite infidelitatis jugum subire. Expellite vincula diabolicæ deceptionis de cordibus, quatenus Deus Christus, qui solvit compeditos, excutiat catenam gentis inimicæ de manibus vestris. Habetis nos, Divina auxiliante gratiâ, cooperatores gaudii vestri, si vos nobiscum Catholicæ Fidei vultis esse Prædicatores. Certissimum itaque ibi erit Divinæ misionis auxilium, ubi una est totius Ecclesiæ caritas, & una veræ Fidei confessio. Ad multitudinem populi Christiani, & ad Sacerdotalis Concilii unanimitatem revertimini. Si enim duorum, vel trium sancto, piisque consensui, secundum suam promissionem, Dominum esse præsentem non dubitamus: quanto magis, ubi tot Sanctissimi Patres, tot Venerabiles Fratres, tot filii piæ Matris Ecclesiæ, in nomine illius pacifica conveniunt unanimitate, eum adesse medium non est dubitandum, & illorum regere consilia, qui sui nominis laudem quærere dinoscuntur.

Ad confirmanda igitur corda vestra in fide & veritate, hanc nostri nominis, fraternâ instigante caritate, Epistolam scribere curavimus, optantes, ut nostra, quam habemus pro fide Catholicâ, proficiat devotio, & vos Divina Clementia ad fidem reducat Catholicam. Ante igitur, quàm hujus sæpe dicti scandali à vo-

bis oriretur offensio, duplici caritate, sicut prædiximus, dileximus vos: id est, in orationibus nostris per omnes Regni nostri Ecclesias habuimus socios, & vestri memoriam quotidie facientes: itidem quoque & Deo auxiliante voluntatem habuimus, vos liberare à servitio sæcularis necessitatis, secundum temporis opportunitatem; & vestri consilii adhortationem. Nunc verò hac duplici caritate (quod sine dolore non dicimus) fraudastis vosmetipsos, non intelligentes, vos fraude diabolicâ esse deceptos, ut utroque juvamine vos denudaret, id est, participatione fidei, & orationum nostrarum, vel solatio auxilii nostri. Videte, videte, quàm grande malum adversum vosmetipsos habetis factum, quòd nequaquam ausi sumus orare pro vobis, sicut pro fidelibus Sanctæ Dei Ecclesiæ filiis, nec vos adjuvare, quomodo fratres: in vestris maximis necessitatibus. Quapropter revertimini ad hanc duplicem consolationem, & abjicite à vobis hanc malignam diabolicæ fraudis versutiam, ut possitis nobiscum consortium habere in omni caritate, & auxilio opportuno. Post hanc verò correptionem, siue admonitionem Apostolicæ auctoritatis, & synodalis unanimitatis, si non resipiscitis ab errore vestro; scitote, omnino vos pro hæreticis haberi, nec ullam vobiscum communionem pro Deo audemus habere. Currite, dum lucem habetis, ne tenebræ vos anathematatis apprehendant, unde non potestis pedes vestros explicare, sed æternâ damnatione irretitos esse lugebitis. Adhuc enim pia Mater Ecclesia revocat vos ad gremium suæ misericordiæ, volens vos Deo nutrire in filios. Tantùm nolite vos abstrahere ab ejus pietate, qui vos vocavit in regnum filii dilectionis suæ.

Credimus in unum Deum, Patrem omnipotentem, factorem celi & terræ, visibilium omnium & invisibilium. Credimus in unum Dominum nostrum JESUM CHRISTUM, filium Dei unigenitum: natum ex Patre ante omnia sæcula; & ante omnia tempora: Lumen de Lumine, Deum verum de Deo vero: natum, non factum: naturalem, non adoptivum: per quem omnia condita sunt, cœlestia & terrestria, unius essentia, & unius substantia cum Patre. Credimus & in Spiritum Sanctum Deum verum,

verum, Vivificatorem omnium, à Patre & Filio procedentem, cum Patre & Filio coadorandum & conglorificandum. Credimus eandem Sanctam TRINITATEM, PATREM, & FILIUM, & SPIRITUM SANCTUM, unius esse Substantiæ, unius potentiæ, & unius essentiæ tres Personâs, & singulam quamque in Trinitate Personam plenum Deum, & totas tres Personas unum Deum Omnipotentem: Patrem ingenitum, Filium genitum, Spiritum Sanctum procedentem ex Patre & Filio. Nec Patrem aliquando cœpisse; sed sicut semper est Deus, ita semper & Pater est, quia semper habuit filium. Æternus Pater, æternus Filius, æternus & Spiritus Sanctus, ex Patre, Filioque procedens. Unus Deus omnipotens, Pater & Filius, & Spiritus Sanctus. Ubique præsens, ubique totus, Deus æternus, ineffabilis, incomprehensibilis. In qua Sancta TRINITATE nulla est persona vel tempore posterior, vel gradu inferior, vel potestate minor: sed per omnia æqualis Patri Filius, æqualis Patri & Filio Spiritus Sanctus divinitate, voluntate, operatione, & gloria. Alius tantummodo in persona Pater, alius in persona Filius, alius in persona Spiritus Sanctus. Non aliud, sed unum naturâ, potentiâ, & essentiâ Deus Pater, & Filius, & Spiritus Sanctus. Credimus ex hac Sancta TRINITATE, Filii tantummodo personam, pro salute humani generis de Spiritu Sancto, & MARIA VIRGINE incarnatam. Ut, qui erat in divinitate Dei Patris Filius, esset & in humanitate hominis Matris Filius: perfectus in divinitate Deus, perfectus in humanitate homo: Deus ante omnia sæcula, homo in fine sæculi: verus in utraque substantia Dei Filius, non putativus, sed verus, non adoptione, sed proprietate: una persona Deus & homo, unus Mediator Dei & hominum: in forma Dei æqualis Patri, in forma servi minor Patri: in forma Dei Creator, in forma Servi Redemptor. Unus in utroque Dei Filius proprius & perfectus, ad implendam humanæ salutis dispensationem, passus est verâ carnis passionem, mortuus verâ corporis sui morte: surrexit verâ carnis suæ resurrectione, & verâ animæ resurrectione: & eodem corpore, quo passus est, & surrexit: ascendit in cœ-

los, sedens in dextera Dei Patris: & in eadem forma, quâ ascendit, venturus judicare vivos ac mortuos: cuius regni non erit finis. Prædicamus unam Sanctam Dei Ecclesiam toto orbe diffusam, locis separatam, fide & caritate conjunctam: & veram remissionem peccatorum in eadem Ecclesia, sive per baptismum, sive per pœnitentiam, divina donante gratiâ, & bonâ voluntate hominis cooperante. Credimus & omnes homines resurrecturos esse, & singulos secundum sua opera judicari. Impios æternis suppliciis damnandos cum diabolo & angelis ejus: Sanctos verò æternâ gloriâ coronandos cum Christo, & Sanctis Angelis ejus in sæcula sempiterna.

Hæc est Fides Catholica, & ideo nostra. Optamus etiam & vestra: quia una est Fides, & unum Baptisma; & unus Dominus noster JESUS CHRISTUS, qui est Deus verus, & verus homo: verus Deus, & verus Dei Filius, in utraque natura unus idemque Mediator Dei & hominum Homo JESUS CHRISTUS, qui est Deus benedictus in sæcula. Hanc Fidem vos, carissimi Fratres! firmiter tenere in commune deprecamur. Et si aliter antea in quolibet verbo sensitis, corrigite vosmetipsos, & ad unitatem Sanctæ Dei Ecclesiæ purâ fide festinare: & contentiones nominum, novitatesque vocum devitate, quia juxta Apostolum, non est hæreticus, nisi ex contentione. Vos igitur, quia pauci estis, unde putatis vos aliquid verius invenire potuisse, quàm quod Sancta universalis toto orbe diffusa tenet Ecclesia? Sub tegmine alarum illius requiescite, ne vos avida diaboli rapacitas, si foris inveniatur, nefando gutture devoret. Redite ad pium Matris Ecclesiæ gremium. Illa vos foveat & nutriet, donec occurratis in virum perfectum, & in plenitudinem corporis Christi. Habetote vos cooperatores salutis vestræ; Catholicæ pacis auxiliares: & societas nostra sit in Christo JESU Domino nostro, qui vos nobiscum incorruptos & immaculatos fide pariter & opere custodiat, & constituat ante conspectum gloriæ suæ incontaminatos & irreprehensibiles, & perpetuæ beatitudinis hæredes pariter perficiat in æternum. Amen.

*Surius, Binius, Sirmondus.*



## JACOBI SIRMONDI

## ADMONITIO AD LECTOREM

*De Canone II. Concilii Francofordiensis, quo rejecta est secunda Synodus Nicæna, & de Capitulari, seu Libris IV. Caroli Magni, quos adversus eandem Synodum scriptos Hadriano Papæ misit.*

**Q**Uæsitum est à multis, nostrâ, & Patrum ætate doctissimis viris, de Canone isto, & de libris Carolinis, primum, verine essent, an falsi & subditiui? Deinde, an Synodus illa Græcorum, cui adversantur, Nicæna pro Imaginibus Synodus fuerit, an alia? Nec injuria fortasse de utroque capite, remondum compertâ, dubitabatur. Nunc verò, & Synodi Canones, librisque Caroli pro legitimis omnes fere agnoscunt, & de Synodo Nicæna quæstionem fuisse, quod ex libris ipsis patet, similiter consentiunt. Ac de libris sancti Caroli, ut Hincmarum omittam, quibus à se lectos testatur; inficiari nemo potest, nisi qui Hadriani Papæ ad eosdem libros responsioni, seu confutationi, quæ in omnium manibus versatur, fidem detractam velit. De Canonibus verò qui sequuntur, quin ii quoque veri fiderique sint, nobis certè propter antiquissimam codicis auctoritatem ambigere non licet: ut de multis ejus sæculi scriptoribus nihil dicam, qui, dum septimam Synodum à Francofordiensi rejectam tradunt, secundum hunc Canonem, de quo agimus, tacite significant. Nec difficile porro ista sibi de Gallorum Episcopis persuadebit, qui meminere, illos Ludovici Pii temporibus non dissimilia in Synodo Parisiensi sensisse, & Anastasii Bibliothecarii apud Joannem VIII. censurâ perstrictos fuisse, quod adversus Synodi Nicænae decretum in approbanda Imaginum adoratione cunctarentur. Restat ergo, ut quænam illorum de Imaginibus mens fuerit, aut quâ ratione purgari queant, qui Synodum Nicænam, quam inter œcumenicas numeramus, explodere ausi sint, consideremus. Quamquam quoddam ad Synodi nomen attinet, in promptu habent, quod invidiam depellant. Constat enim, sic in hac quæstione versatos esse, tum Synodi Francofordiensis, tum Carolini voluminis auctores, ut sibi non cum œcumenico Concilio, sed cum peculiari Græcorum, ut appellabant, Synodo rem esse contenderent. Ità enim passim in libris illis proficuntur, querunturque propterea, illam sibi, aut universalem, aut septimam Synodi nomen arrogare, cum œcumenicam dici posse negarent, ad quam soli Græci convenissent, reliquarumque Provinciarum Ec-

clesiæ convocatae, aut sententiam per Epistolam more Ecclesiastico rogatae non fuissent. Et quidem, si rem suis momentis expendamus, satis omnino causæ videbatur, cur Synodum, cui tot adhuc Provinciarum, ac totius pene Occidentis suffragia deessent, pro œcumenica nondum haberent. Nec Hadrianus ipse aliter se sentire ostendebat: qui allatam à Græcia Synodum, ut Hincmarus eodem loco docet, in Galliam misit, Conciliūque ejus causa convocari à Carolo jussit; & libris Carolinis, quibus oppugnata est, ità respondit, ut œcumenicæ Synodi nomen illis, auctoritatēque nusquam objiciat. Quare habebant, ut dixi, hac in parte Galli, quo se defenderent. Haud perinde fortasse in re ipsa, hoc est, in quæstione Imaginum, in qua vehementer à Synodo dissentiebant. Nam, cum in Synodo Nicæna de Sacris Imaginibus duo essent constituta, & retinendas nimirum, & adorandas Imagines esse; prius illud Galli libenter amplectebantur, quod ipsi quoque jam ante in Synodo Gentiliaca contra Græcos Iconoclastas adstruxerant: alterum verò penitus respuebant, Imaginesque non adorandas, sed memoriæ tantum causa, & instructionis habendas affirmabant; Gregorium Magnum, ut agebant, ducem sequuti, qui in eam sententiam Sereno Massiliensi Episcopo rescripisse videbatur. Ac meritò sanè adorandas Imagines negarent, si adorare id erat, quod interpretabantur, hoc est, Divinum honorem cultumque deferre. Sic enim vitandam Imaginum adorationem docuerat S. Gregorius, & adorari Deum solum oportere, manifestum est, sed mirum profectò, suspicari id Gallos de Græcis potuisse, aut Synodum Nicænam, quod Francofordiensis Canon declarat, hoc nomine traducere, quasi Imagines Divino cultu adorandas statuisset: cum in Synodo illa nihil sit expressus, quam adorationis, seu προσκυνήσεως, quæ Imaginibus tribuitur, nomine non intelligi veram latrām, quæ naturæ Divinæ debetur; sed honorariam tantum venerationem, quā dum Imagines prosequimur, prototypa ipsa per eas honoramus; quo utique sensu Gregorius idem, qui adorandas Divino cultu Imagines negabat, in aliis ad JANUARIUM,

& ad

Et ad SECUNDINUM Epistolis, congruentem hanc illarum venerationem aperte confirmarat. Et HADRIANUS Papa, sub finem Epistolæ, quæ libris Carolinis respondet, Gregorii Magni, et Synodi Nicænæ diversas de Imaginum cultu sententiâs non fuisse demonstrat. Denique Galli ipsi, qui adorari sacras Imagines vetabant, crucis tamen effigiem, Reliquias Sanctorum, codicem Evangelii, et alia, quorum par, atque Imaginum, est ratio, adorare consueverant. Unde adversus illos non in seipso pro septimâ Synodo argumentatur idem ANASTASIUS. "Ajunt, inquit, quod non sit quodlibet opus manuum hominum adorandum. Quasi non sit codex Evangeliorum opus manuum hominum, quem quotidie osculando adorant. Similiter formæ crucis, quam se adorare omnes ubique Christiani fatentur. Quod si quamlibet crucem auream, vel argenteam, aut ligneam adoramus, quæ utique non est eadem ipsa crux, in qua

salus nostra patrata est, sed figura, et Imago ejus: quare non adoremus figuram, et Imaginem ejus, qui eandem salutem operatus est? venerabilior namque est, qui salutem operatus est, quam ea materia, in qua idem salvator operatus est: ac per hoc magis est adoratione digna Imago Christi, salutem operantis, quam Imago crucis salutem tantummodo bajulantis." Cæterum qui Synodo Nicænæ, nondum satis intellectæ, adorationique Imaginum, religiosa, ut apparet, sed inani trepidatione pertinacius initio resistebant, idem postea, rebus explicatis atque perspectis, et Synodum eandem sunt amplexi, et sacrarum Imaginum venerationem religiosissime coluerunt. Quare libros Carolinos, quos majores nostri reverentiam ipsa damnabant, vel Hadriani ad eos responsionem, minus proinde necessariam, representari hoc loco (ne quis fortasse inconsulte requirat) supervacaneum censuimus.

Hactenus Sirmondus Tomo II. Concilior. Gallie p. 191.

Similem imò prolixiorum Admonitionem Laurentius Surius, post quatuor jam recitatâs Epistolas ediderat, et Binius eandem cum Notis suis recuderat Tomo III. Conciliorum.

## CANONES CONCILII FRANCO-FORDIENSIS.

Nunc primum (a) in Lucem editi ex Codice S. Remigii Remensis.  
TITULI CANONUM.

1. Damnata hæresis Elipandi, et Felicis Episcoporum, qui in Dei Filio adoptionem adferebant.
2. Synodus Græcorum de adorandis imaginibus rejecta.
3. De Indulgentia Tassiloni Duci Bajuvariae a Carolo Rege concessa.
4. De stabili pretio annonæ, tum privata, tum publicæ.
5. De novis Denariis, ut ab omnibus ubique recipiantur.
6. Ut Episcopi justitias faciant in suis Parochiis.
7. Ut Episcopus non migret de sua civitate, nec Presbyter, aut Diaconus de sua Ecclesiâ.
8. De Altercatione Viennensis, et Arelatensis Episcopi: et de Tarentassia, Ebreduno, et Aquis.
9. De Purgatione et reconciliatione Petri Episcopi.
10. Gerbodo incertæ ordinationis Episcopo dignitas abrogata.
11. Ut Monachi à secularibus negotiis et placitis abstineant.
12. Ut reclusi, nisi ex Episcopi, et Abbatis approbatione non fiant.
13. Ut Abbas cum suis dormiat Monachis.
14. Cellarii in Monasteriis, quales eligendi sunt.
15. De Monasteriis, ubi Corpora Sanctorum sunt.
16. Ut pro introeuntibus in Monasterium præmia non exigantur.
17. Ut Abbas sine consensu Episcopi non eligatur.
18. Nulla ex culpa Monachos Abbati cæcere, aut mutilare licet.
19. Ne Clerici, aut Monachi tabernas ingrediantur.
20. Episcopus Canones et Regulam scire debet.
21. Dies Dominica quomodo observanda.
22. Ne in villis aut vicis ordinentur Episcopi.
23. Servum sine Domini licentiâ nemo recipiat, vel ordinet.
24. Ut Clerici, et Monachi in proposito permaneant.

Ss 2

(a) A Patre Jacobo Sirmonde Tomo III. Concilior. Gallie.



25. *Ut decimas & nonas Ecclesiæ solvant, qui debent, & omnes decimam de sua proprietate.*
26. *Ut Ecclesiæ per eos restaurentur, qui beneficia habent, & ut inde ablata restituantur.*
27. *Ut Clerici alieni sine commendatitiis non recipiantur; & qui nunc sunt, redeant ad Ecclesias suas.*
28. *Ut absolute nullus ordinetur.*
29. *Ut Episcopus sibi subditos rite doceat.*
30. *De altercationibus Clericorum inter se, vel cum Laicis.*
31. *Ut conjurationes non fiant.*
32. *Ut Monasteriorum disciplina servetur.*
33. *Ut orationem Dominicam, & Symbolum Fidei omnes doceantur.*
34. *De avaritia & cupiditate.*
35. *De hospitalitate.*
36. *Ut criminosi accusare non liceat.*
37. *De Reconciliatione.*
38. *Ut Presbyteri contumaces cum Regiæ Cappelle Clericis non communicent.*
39. *De Judicio Presbyteri in crimine deprehensi.*
40. *De suscipienda cura puellarum, quæ parentibus privatae sunt.*
41. *Ut Episcopus extra propriam sedem ultra tres hebdomadas non hæreat: & in Episcopi rebus post ejus obitum quis succedat.*
42. *Quinam Sancti in Ecclesiâ venerandi sint.*
43. *De arboribus & lucis destruendis.*
44. *Ut electi utrinque judices non spernantur.*
45. *Ut parvuli ad Sacramenta non trahantur.*
46. *Ut in velandis virginibus Canones observentur.*
47. *Abbatissæ, quæ regulariter non vivunt, deponendæ.*
48. *Ut Oblationes, quæ in Ecclesia fiunt, dispenset Episcopus.*
49. *Ut Presbyter ante annos XXX. non ordinetur.*
50. *Ut post Missarum Solemnia pax invicem detur.*
51. *Ut nomina ante oblationem non recitentur.*
52. *Quod non in tribus tantum linguis orandus sit Deus.*
53. *Ut Episcopi & Presbyteri Canones non ignorent.*
54. *Quatenus Ecclesiæ ab ingenuis constructæ tradi, aut vendi queant.*
55. *De licentia Hildeboldi, Archi-Capellani.*
56. *De Alcuino, quem Rex Synodo commendavit.*

## C A N O N E S.

- I. *Damnata hæresis Elipandi, & Felicis Episcoporum, qui in Dei Filio adoptionem adferebant.*

Conjunctibus, Deo favente, Apostolica auctoritate, atque piissimi Domini nostri Caroli Regis iussione, anno XXVI. Principatus sui, cunctis regni Francorum, seu Italiæ, Aquitanix Provinciarum Episcopis ac Sacerdotibus Synodali Concilio, inter quos ipse mitissimus Sancto interfuit conventui. Ubi in primordio Capitulorum exortum est de impia ac nefanda hærese Elipandi, Tolentanæ sedis Episcopi, & Felicis Orgellitanæ, eorumque sequacibus, qui malè sentientes in dei filio adferebant adoptionem. Quam omnes qui supra Sanctissimi Patres, & respuentes unâ voce contradixerunt, atque hanc hæresim funditus à Sancta Ecclesia eradicandam statuerunt.

- II. *Synodus Græcorum de adorandis Imaginibus rejecta.*

Allata est in medium quæstio de nova Græcorum Synodo, quam de adorandis Imaginibus Constantinopoli fece-

runt, in qua scriptum habebatur, ut qui imaginibus Sanctorum, ita ut DEIFICÆ TRINITATI, servitium aut adorationem non impenderent, anathema judicaretur. Qui supra Sanctissimi Patres nostri omnimodis adorationem, & servitutum renuentes contempserunt, atque consentientes condemnaverunt.

- III. *De indulgentia Tassiloni Duci Bajoaria à Carolo Rege concessa.*

His peractis, de Tassilone definitum est Capitulum, qui dudum Bajoariæ Dux fuerat, sobrinus videlicet Domini Caroli Regis. In medio Sanctissimi adstuit Concilii, veniam rogans pro commissis culpis, tam quas tempore domini Pippini regis adversus eum, & regnum Francorum commiserat, quàm & quas postea sub tempore domini nostri piissimi Caroli Regis, in quibus fraudator fidei suæ extiterat, indulgentiam ut ab eo mereretur, accipere, humili petitione visus est postulasse. Dimittens videlicet puro animo iram atque omne scandalum de parte sua, quæque in eo perpetrata fuissent, & sciebat: nec non omnem

omnem justitiam, & res proprietatis, quantum illi, aut filiis, vel filiabus suis in Ducatu Bajoariorum legitimè pertinere debuerant, gurgivit atque projecit, & in postmodum omni lite calcanda, sine ulla repetitione indulgit, & filios, ac filias suas in illius misericordia commendavit. Et idcirco dominus noster, misericordiâ motus, præfato Tassiloni gratuito animo, & culpas perpetratas indulgit, & gratiam suam pleniter concessit, & in sua Eleëmofyna eum in amore dilectionis visus est suscepisse, ut securus de dei misericordia existeret in antea. Unde tres breves ex hoc Capitulo, uno tenore conscriptos, fieri præcepit. Unum in palatio retinendum, alterum præfato Tassiloni, ut secum haberet in Monasterio, dandum, tertium verò in sacri Palatii capella recondendum fieri iussit.

IV. *De stabili pretio annonæ, tum private, tum publicæ.*

Statuit piissimus noster, consentiente Sancta Synodo, ut nullus homo, sive Ecclesiasticus, sive Laicus sit, umquam carius vendat annonam, sive tempore abundantia, sive tempore caritatis, quam modium publicum, & noviter statutum. De modio de avena, denarius unus, modio ordeï denarii duo, modio sigali denarii tres, modio frumenti denarii quatuor. Si verò in pane vendere voluerit, duodecim panes de frumento, habentes singulos libras duas, pro denario dare debeat, sigalatos quindecim æquo pondere pro denario; ordeaceos viginti similiter pensantes, avenaceos viginti quinque similiter pensantes. De annona verò publica Domini Regis, si venundata fuerit, de avena modii duo pro denario, ordeo denario uno, sigalo denariis duobus, frumento modius denariis tribus. Et qui nostrum habet beneficium, diligentissimè prævideat, quantum potest Deo donante, ut nullus ex mancipiis, ad illum pertinentibus beneficium fame moriatur: & quod superest ultra illius familiæ necessitatem, hoc liberè vendat jure præscripto.

V. *De novis denariis, ut ab omnibus in omni loco accipiantur,*

De denariis autem certissimè sciatis nostrum edictum, quod in omni loco, in omni civitate, & in omni emporio similiter vadant isti novi denarii, & acci-

piantur ab omnibus. Si autem nominis nostri nominis habent, & mero sunt argento, pleniter pensantes; si quis contradicit eos in ullo loco, in aliquo negotio emptionis vel venditionis, si ingenuus est homo, quindecim solidos componat ad opus Regis, si servilis conditionis, si suum est illud negotium proprium, perdat illud negotium, aut flagelletur nudus ad palum coram populo. Si autem ex iussione domini sui fecerit, tunc ille dominus solidos quindecim componat, si ei approbatum fuerit.

VI. *Ut Episcopi justitias faciant in suis Parochiis.*

Statutum est à Domno Rege, & Sancta Synodo, ut Episcopi justitias faciant in suis Parochiis. Si non obedierit aliqua persona Episcopo suo de Abbatibus, Presbyteris, Diaconibus, Subdiaconibus, Monachis, & cæteris Clericis, vel etiam aliis, in ejus Parochia, veniant ad Metropolitanum suum, & ille dijudicet causam cum Suffraganeis suis. Comites quoque nostri veniant ad iudicium Episcoporum. Et si aliquid est, quod Episcopus Metropolitanus non possit corrigere vel pacificare, tunc tandem veniant accusatores cum accusato cum literis Metropolitanis, ut sciamus veritatem rei.

VII. *Ut Episcopus non migret de sua civitate, nec Presbyter, aut Diaconus de sua Ecclesia.*

Definitum est etiam à Domno Rege, & Sancta Synodo, ut Episcopus non migret de civitate in civitatem, sed curam habeat Ecclesiæ suæ. Similiter Presbyter, & Diaconus maneat in sua Ecclesia canonicè.

VIII. *De Altercatione Viennensis & Arelatenfis Episcopi, & de Tarentasia, Ebreduo & Aquis.*

De Altercatione Ursionis, Viennensis Episcopi, & Elifanti, Arelatenfis Episcopi, lectæ sunt Epistolæ Beati Gregorii, Zosimi, Leonis, & Symmachi, quæ definierunt, eò quod Viennensis Ecclesia quatuor Suffraganeas habere Sedes deberet, quibus illa quinta præmineret; & Arelatenfis Ecclesia novem Suffraganeas habere deberet, quibus ipsa præmineret. De Tarentasia verò, & Ebreduo, sive Aquis, legatio facta est ad sedem



dem Apostolicam; & quidquid per Pontificem Romanæ Ecclesiæ definitum fuerit, hoc teneatur.

IX. *De purgatione & reconciliatione Petri Episcopi.*

Definitum est etiam ab eodem Domino nostro Rege, sive à Sancta Synodo, ut Petrus Episcopus, contestans coram Deo & Angelis ejus, juraret cum duobus aut tribus, sicut sacrationem suscepit, aut certè cum suo Archi-Episcopo, quoddam ille in mortem Regis, sive in regnum ejus non confiliaffet, nec ei infidelis fuisset. Qui Episcopus, dum cum quibus juraret non invenisset, elegit sibi ipse, ut suus homo ad Dei judicium iret, & ille testaretur absque Reliquiis, & absque Sanctis Evangelii, solummodo coram Deo, quod ille innocens exinde esset, & secundum ejus innocentiam Deus adjuvaret illum suum hominem, qui ad illud judicium exiturus erat. Et exivit tamen ejus homo ad judicium Dei, neque per Regis ordinationem, neque per Sanctæ Synodi censuram, sed spontaneâ voluntate. Qui etiam à Domino liberatus, idoneus exivit. Clementia tamen Regis nostri præfato Episcopo gratiam suam contulit, & pristinis honoribus eum ditavit: nec passus est, eum esse sine honore; quem prospexit, de composito crimine nihil mali meruisse.

X. *Gerbodo, incertæ ordinationis Episcopo, dignitas abrogata.*

Definitum quidem à domino Rege, & à Sancta Synodo esse dinoscitur, ut Gerbodus, qui se Episcopum esse dicebat, & suæ ordinationis testes non habuit, qui tamen Episcopalia à Magenardo, Metropolitano Episcopo, consecutus est; qui etiam professus est Diaconum, & Presbyterum non secundum canonicam ordinationem ordinatum esse, ut ab eodem gradu Episcopatus, quem se habere dicebat, deponeretur à prædicto Metropolitano, sive à Comprovinciali-bus Episcopis.

XI. *Ut Monachi à secularibus negotiis, & placitis abstineant.*

Ut Monachi ad secularia negotia, neque ad placita exercenda non exeant; nisi ita faciant, sicut ipsa regula præcepit.

XII. *Ut reclusi, nisi ex Episcopi & Abbatis approbatione non fiant.*

Ut reclusi non fiant, nisi quos antè

Episcopus Provinciæ, atque Abbas comprobaverint, & secundum eorum dispositionem in reclusionis loco ingrediantur.

XIII. *Ut Abbas cum suis dormiat Monachis.*

Ut Abbas cum suis dormiat Monachis secundum Regulam Sancti Benedicti.

XIV. *Cellarii in Monasteriis, quales eligendi sunt.*

Ut Cellarii in Monasteriis avari non eligantur: sed tales electi sint, quales Regula Sancti Benedicti docet.

XV. *De Monasteriis, ubi Corpora Sanctorum sunt.*

De Monasterio, ubi Corpora Sanctorum sunt, ut habeat Oratorium intra claustrum, ubi peculiare officium, & diuturnum fiat.

XVI. *Ut pro introeuntibus in Monasterium præmia non exigantur.*

Audivimus enim, quod quidam Abbates, cupiditate ducti, præmia pro introeuntibus in Monasterium requirant. Ideo placuit nobis, & Sanctæ Synodo, ut pro suscipiendis in sancto ordine fratribus nequaquam pecunia requiratur; sed secundum Regulam Sancti Benedicti suscipiantur.

XVII. *Ut Abbas sine consensu Episcopi non eligatur.*

Ut Abbas in congregatione non eligatur, ubi jussio Regis fuerit, nisi per consensum Episcopi loci illius.

XVIII. *Nulla ex culpa Monachos Abbati cæcare, aut mutilare licet.*

Abbates, qualibet culpâ à Monachis commissâ, nequaquam permittimus cæcare, aut membrorum debilitatem ingere, nisi regulari disciplinæ subjaceant.

XIX. *Ne Clerici aut Monachi tabernas ingrediantur.*

Ut Presbyteri, Diaconi, Monachi, & Clerici tabernas ad bibendum non ingrediantur.

XX. *Episcopus Canones, & regulam scire debet.*

Ut Episcopum Canones, & regulam non liceat ignorare.

XXI. *Dies Dominica quomodo observanda.*

Ut dies Dominica à vespera usque in vesperam servetur.

XXII. *Ne in villis ac vicis ordinentur Episcopi.*

Quòd non oporteat in villis, nec in vicis, Episcopos ordinari.

XXIII. *Servum sine Domini licentia nemo recipiat, vel ordinet.*

De servis alienis, ut à nemine recipiantur, neque ab Episcopis sacrentur sine licentia Dominorum.

XXIV. *Ut Clerici & Monachi in proposito permaneant.*

De Clericis & Monachis, ut in suo proposito permaneant.

XXV. *Ut decimas & nonas Ecclesiæ solvant, qui debent, & omnes decimam de sua proprietate.*

Ut decimas & nonas, sive census, omnes generaliter donent, qui debitores sunt ex beneficiis & rebus Ecclesiarum, secundum priora Capitula domni Regis. Et omnis homo ex sua proprietate legitimam decimam ad Ecclesiam conferat. Experimento enim didicimus, in anno quo illa valida fames irrepsit, ebullire vacuas annonas à dæmonibus devoratas, & voces exprobrationis auditas.

XXVI. *Ut Ecclesiæ per eos restarentur, qui beneficia habent, & inde ablata restituantur.*

Ut Domus Ecclesiarum, & tegumenta ab eis fiant emendata, vel restaurata, qui beneficia exinde habent. Et ubi repertum fuerit per veraces homines, quod lignamen & petras, sive tegulas, quæ in domibus Ecclesiarum fuerint, & modo in domo sua habeat, omnia in Ecclesia fiant restaurata, unde abstracta fuerunt.

XXVII. *Ut Clerici alieni sine commendatitiis non recipiantur, & qui nunc sunt, redeant ad Ecclesias suas.*

De Clericis, ut nequaquam de Ecclesia ad aliam Ecclesiam transmigrant, neque recipiantur, sine conscientia Episcopi, & litteris commendatitiis, de cuius vicefissi fuerunt, ne fortè discordia exinde veniat in Ecclesia. Et ubi modò tales reperti fuerint, omnes ad eorum Ecclesias redeant, & nullus eos posthæc retinere audeat, postquam Episcopus, aut Abbas suos eos recipere voluerit. Et si fortè senior ignorat, ubi suum requirere debet Clericum; cum quo fuerit, ipse eum sub custodia retineat, &

non permittat eum vagari aliubi, usque dum Domino suo restituatur.

XXVIII. *Ut absolute nullus ordinetur.*

Ut non absolute ordinentur.

XXIX. *Ut Episcopus sibi subditos rite doceat.*

Ut unusquisque Episcopus sibi subditos bene doceat, & instruat: ità ut in domo Dei semper digni inveniantur, qui Canonicè possint fieri electi.

XXX. *De altercationibus Clericorum inter se, vel cum laicis.*

De Clericis ad invicem altercantibus, aut contra Episcopum suum agentibus, ut sicut Canones docent, ità omnimodis peragant. Et si fortè inter Clericum, & Laicum fuerit orta altercatio, Episcopus & Comes simul conveniant, & unanimiter inter eos causam definiant secundum rectitudinem.

XXXI. *Ut conjurationes non fiant.*

De conjurationibus, & conspirationibus, ne fiant, & ubi sunt inventæ, destruantur.

XXXII. *Ut Monasteriorum disciplina servetur.*

Ut Monasteria secundum Canonice institutionem fiant custodita.

XXXIII. *Ut orationem Dominicam, & Symbolum fidei omnes doceantur.*

Ut fides Catholica Sanctæ TRINITATIS, & oratio Dominica, arque Symbolum fidei, omnibus prædicetur, & tradatur.

XXXIV. *De avaritia & cupiditate.*

De avaritia & cupiditate calcanda.

XXXV. *De Hospitalitate.*

De Hospitalitate sectanda.

XXXVI. *Ut criminosi accusare non liceat.*

De criminosi, ut non habeant vocem accusandi majores natu, aut Episcopos suos.

XXXVII. *De reconciliatione.*

De reconciliatione tempore necessitatis.

XXXVIII. *Ut Presbyteri contumaces cum Regiæ Capelle Clericis non communicent.*

De Presbyteris, qui contumaces fuerint



rint contra Episcopos suos, ut nequaquam communicent cum Clericis, qui in Capella Regis habitant, nisi reconciliati fuerint ab Episcopo suo, ne fortè Canonica excommunicatio super eos exinde veniat.

XXXIX. *De iudicio Presbyteri, in crimine deprehensi.*

Si Presbyter in criminali opere fuerit deprehensus, ad Episcopum suum ducatur, & secundum Canonicam institutionem constringatur. Et si fortè negare voluerit, & accusator probationem dare non potuerit, & coram Episcopo definitum esse nequiverit; tunc ad universale Concilium illorum ratio deferatur.

XL. *De suscipiendâ curâ puellarum, quæ parentibus privatae sunt.*

De puellis, quæ à parentibus privatae fuerint, ut sub Episcoporum, & Presbyterorum providentia gravioribus criminis commendentur, sicut canonica docet auctoritas.

XLI. *Ut Episcopus extra propriam sedem ultra tres hebdomadas non hæreat, & in Episcopi rebus post ejus obitum quis succedat.*

Ut nullus Episcopus propriam sedem amittat aliubi frequentando, aut in propriis rebus suis manere audeat amplius, quàm tres hebdomadas. Et propinqui, vel hæredes Episcopi, res, quæ ab Episcopo sunt acquisitæ, aut per comparationes, aut per traditiones, postquam fuerit ordinatus, nequaquam post ejus obitum hereditare debeant; sed ad suam Ecclesiam Catholicè. Illæ autem, quas prius habuit; nisi traditionem ad Ecclesiam ex eis fecerit, hæredibus & propinquis succedant.

XLII. *Quinam Sancti in Ecclesiâ venerandi sunt.*

Ut nulli novi Sancti colantur, aut invocentur, nec memoriæ eorum per vias erigantur: sed hi soli in Ecclesiâ venerandi sint, qui ex auctoritate passionum, & vitæ merito electi sunt.

XLIII. *De arboribus & lucis destruendis.*

De arboribus, & lucis destruendis canonica observetur auctoritas.

XLIV. *Ut Electi utrinque Iudices non spernantur.*

Ut Electi Iudices de utrisque partibus non spernantur.

XLV. *Ut parvuli ad Sacramenta non trahantur.*

De eorum testibus canonica sit observatio: & parvuli non trahantur ad Sacramentum, sicut Gunthadingi faciunt.

XLVI. *Ut in velandis Virginibus Canones observentur.*

De Virginibus, quo tempore velandæ sint, vel quibus occupationibus ante annos XXV. detinendæ, si necessitas compellit, ea quærantur, quæ in Canone scripta sunt.

XLVII. *Abbatissæ, quæ regulariter non vivunt, deponendæ.*

De Abbatissis, quæ canonicè, aut regulariter non vivunt, Episcopi requirant, & Regi adnuntient, ut ab honore priventur.

XLVIII. *Ut oblationes, quæ in Ecclesiâ sunt, dispenset Episcopus.*

De oblationibus, quæ in Ecclesiâ, vel in usus pauperum conferuntur, canonica observetur norma, & non ab aliis dispensentur, nisi cui Episcopus ordinaverit.

XLIX. *Ut Presbyteri ante annos XXX. non ordinentur.*

De Presbyteris ante XXX. ætatis annum non ordinandis.

L. *Ut post Missarum sollemnia pax invicem detur.*

Ut confectis sacris Mysteriis in Missarum Solemnis omnes generaliter pacem ad invicem præbeant.

LI. *Ut nomina ante oblationem non recitentur.*

De non recitandis nominibus antequam oblatio offeratur.

LII. *Quod non in tribus tantum linguis orandus sit Deus.*

Ut nullus credat, quod nonnisi in tribus linguis Deus orandus sit: quia in omni lingua Deus adoratur, & homo exauditur, si iusta petierit.

LIII. *Ut Episcopi & Presbyteri Canones non ignorent.*

Ut nulli Episcoporum & Sacerdotum liceat Sacros Canones ignorare.

LIV.

LIV. *Quatenus Ecclesiæ ab ingenuis constructæ tradi, aut vendi queant.*

De Ecclesiis, quæ ab ingenuis hominibus construuntur, licet eas tradere, aut vendere, tantummodo, ut Ecclesia non destruat, sed serventur quotidie honores.

LV. *De licentia Hildeboldi Archi-Capellani.*

Dixit enim Dominus Rex in eadem Synodo, se à Sede Apostolica, id est, ab Hadriano Pontifice, licentiam habuisse, ut Angilramnum Archi-Episcopum (a) in suo Palatio assidue haberet propter utilitates Ecclesiasticas. Deprecatus est eandem Synodum, ut eo modo, sicut Angilramnum habuerat, ita etiam Hil-

deboldum (b) Episcopum habere debueret; quia & de eodem, sicut & de Angilramno, Apostolicam licentiam habeat. Omnis Synodus consensit, & placuit eis eum in Palatio esse debere propter utilitates Ecclesiasticas.

LVI. *De Alcuino, quem Rex Synodo commendavit.*

Commonuit etiam, ut Alcuinum ipsa Sancta Synodus in suo consortio, sive in orationibus recipere dignaretur, eo quod esset vir in Ecclesiasticis doctrinis eruditus. Omnis namque Synodus secundum admonitionem Domini Regis consensit, & eum in eorum consortio, sive in orationibus receperunt.

(a) Angilramnus Nomine Archi-Episcopi & Pallii honore gaudebat, ex speciali Privilegio Sedis Apostolicæ, licet Metropolitanus non esset, sed merus Metensis Episcopus. Simili honore nominis & Pallio duo alii Episcopi Metenses donati fuere Chrodogangus & Drogo.

*Sirmondus in notis ad Capitularia.*

Baluzius credit sub secundâ Regum Franciæ Sanctione Archi-Capellani & Archi-Cancellarii officia fuisse conjuncta. *Tomo II. Capitularium pag. 1047.*

(b) Hildeboldum Coloniensem Leo III. in Ep. ad Carolum vocat fratrem suum Archi-Episcopum, & Capellanum: idem erat Apocrisiarius Sedis Apostolicæ. *Anastasius in vita Leonis III.*

*Sirmondus in notis ad Capitularia.*

Angilramno anno 791. defuncto Hildeboldus in hæc officia subintrârat, Pontificiâ concessione, quæ nunc, petente Carolo, à Patribus Concilii Francofurtensis confirmatur & collaudatur.

## INCIPIE EPISTOLA PAULINI (a)

### PATRIARCHÆ FOROJULIENSIS,

EDITA IN LOCO CELEBRI, NOMEN FRANCOFURT, IN SYNODO MAGNA, CONTRA FELICEM HÆRETICUM, DE HEISTULFO, QUI UXOREM SUAM OCCIDIT CAUSA ADULTERII, PROPTER UNIUS TESTIMONIUM.

**A**dmonere te cum lacrymis, & multo gemitu cordis curaveram, fili Heistulfe, si tamen filius dici debeas, qui tam crudeliter infelix homicidium perpetrâsti. Nam occidisti uxorem tuam, partem corporis tui, legitimo tibi matrimonio sociatam, sine mortis causa, non tibi resistentem, non infidantem quocumque modo vitæ tuæ. Non invenisti eam, cum alio viro nefariam rem facientem: sed incitatus à diabolo, impio inflammatus furore, latrocinii more atrocius eam gladio tuo crudelior omni bestia interemisisti. Et nunc post mortem ejus addis iniquitatem su-

T t

per iniquitatem, filiorum tuorum improbe prædo: qui matri non pepercisti, & ideo filios tuos orphanos esse fecisti, inducere vis super eam mortis causam post mortem per unum homicidam, & reprobum testem, (b) cum nec secundum Evangelium, nec ulla Divina humanaque lex uniûs testimonio, etiam idonei, quempiam condemnat vel justificat. Quamto magis per istum flagitiosissimum, & tam scelestissimum, nec illa debuit viva condemnari, nec tu poteris post ejus mortem excusari. Prius causa criminis subtiliter in veritate fuerat investiganda, & tunc, si rea fuisset inventa, secundum

(a) Hincmarus Remensis, consultus ab Vulfado, Bituricensi Archi-Episcopo, de inconsulta uxoris cæde, hanc Paulini sententiam loco responsi misit. *Flodoardus L. III. Histor. Remens. C. III.*

(b) Addit Burchardus: Inculcare vis mortuam? Hoc nec Evangelium concedit, nec ulla Divina humanaque Lex concedit, ut uniûs testimonio, etiam idoneo, aliquis condemnatur, vel justificetur.



cundum legis tramitem debuit excipere ultionis vindictam. Nam etsi verum, quod absit, fuisset, sicut adulter ille mentitus est, post octo annos penitentia forsitan peccata dimittere eam per approbatam causam poterat, si voluisset: occidere eam tamen nullatenus debuisset: *Non enim vult Deus, mortem peccatoris, sed ut convertatur ad penitentiam, & vivat.*

Idcirco placeat tibi consilium nostrum, (c) & fac hoc, quod tibi melius, & levius videri potest. Misere animæ tuæ, ut non sis tuus tibimet homicida. Quapropter, homicida, rogamus te, relinque hoc malignum sæculum, quod te traxit ad tam immanissimum peccati facinus: ingredi in Monasterium, humiliare sub manu Abbatis, multorum fratrum precibus adjutus. Observa cuncta simplici animo, quæ tibi (d) fuerint imperata, si forte ignoscat infinita Dei bonitas peccatis tuis, & refrigeret animam tuam, priusquam crucieris perpetuis flammis. (e) Hoc tibi melius & levius esse certissime scias. Sin autem penitentiam publicam, in domo tua permanens, vel in hoc mundo vis agere, quod tibi gravius, & durius, & peius esse non dubites, ita ut agere debeas, te exhortamur. Omnibus diebus, quibus vixeris, penitere. Vinum & omnem siceram non bibas. Carnem nullo unquam tempore ullam quamlibet commedas, præter Pascha, & diem natalis Domini. In panem & aqua, & sale penitere. In jejuniis & vigiliis, orationibus, atque eleemosynis omni tempore persevera. Armis nunquam cingere, nec causam in quolibet loco litigare præsumas. Uxorem nunquam ducere, nec concubinam habere, nec adulterium committere. In balneo nunquam lavare, in conviviis lætantium nunquam te commiscere. In Ecclesia segregatus ab aliis Christianis post ostium & postes te similiter reponere. Ingreddientium, & egredientium te suppliciter orationibus commendare. A communione Sacri Corporis, & Sanguinis Christi cunctis diebus vitæ tuæ, indignum te existimans, abstinere. In

ultimo tamen exitu vitæ tuæ pro viatico, si merueris, ut sit, qui tribuat, tantummodo venialiter, ut accipias tibi concedimus.

Sunt alia multa, quæ tibi durius, & satis acrius, erant juxta tam magnum pondus peccati, infelix, adjicienda. Sed si hæc omnia, quæ supra misericorditer dicta sunt, perfecto ordine, domino auxiliante feceris, & custodieris, confidimus de immensa dei clementia, remissionem te tuorum habiturum peccatorum: & secundum boni justique Pastoris imperantis iussionem, resolvit te Sancta Ecclesia ab hoc vinculo peccati in terris, ut sis per ipsius gratiam, qui eam sanguine suo acquisivit, solutus in cœlis. Sin autem aliter feceris, & Sanctæ Matris Ecclesiæ salubrem admonitionem despexeris, ipse tibi sis Judex, & in laqueo diabolico interitus permanebis. Sanguis tuus super caput tuum. Nos alieni à consortio tuo pro aliorum Filiorum dei salute, ipso opitulante, omni sollicitudine intenti innitimur desudare: & domini attentius misericordiam quotidie implorare. Qui cum Patre, & Spiritu Sancto vivit & regnat Deus in trinitate perfecta per omnia sæcula sæculorum. Amen.

*Apud Burchardum post ea verba in margine indicata, lugeas deslenda peccata; sequentia in hunc modum leguntur.*

Secundum autem Consilium tale est. Arma depone, & cuncta sæcularia negotia dimitte. Carnem & fagimen omnibus diebus vitæ tuæ non comedas, excepto uno die Resurrectionis Domini, & uno die Pentecostes, uno die Natalis Domini: cæteris temporibus in pane & aqua, & interdum leguminibus, & ole-ribus peniteas, in jejuniis & vigiliis, in orationibus, & eleemosynis perseveres omni tempore. Vinum, medonem, & mellitam cervisiam nunquam bibas, nisi in illis prædictis tribus diebus. Uxorem ne ducas, concubinam non habeas, adulterium non facias, absque spe conjugii perpetuo permanes, nunquam te laves in balneo, equum non ascendas: causam tuam & alterius in Conventu Fide-

(c) Burchardus: duo Consilia proponimus tibi. Accepta tecum deliberatione duorum elige magis, quod placeat, & misere animæ tuæ, & tu hic in isto angusto tempore positus.

(d) Ab Abbate fuerint.

[e] Istud consilium, ut certissime scias, levius & salubrius est, ut sub alterius custodia lugeas deslenda peccata.

Fidelium non agas, in conviviis latantium nunquam sedes: in Ecclesia segregatus ab aliis Christianis post ostium humiliter stes, ingredientium, & egredientium orationibus suppliciter te commendes: communione sacri corporis, & sanguinis Domini cunctis diebus vitæ tuæ indignum te existimes. In ultimo termino vitæ tuæ pro viatico, si observaveris Consilium, ut accipias, tibi concedimus. Sunt & alia multa duriora, quæ tibi juxta pondus tanti facinoris essent adjiacienda; sed, si hæc omnia, quæ suprà misericorditer dicta sunt, perfectò corde, Deo auxiliante, perfeceris & custodieris, confidimus de immensâ Dei

clementia remissionem tuorum peccatorum habiturum: & secundum boni, justique pastoris imperium, resolvat te Sancta Ecclesia ab hoc vinculo peccati in terris, ut per ipsius gratiam, qui eam suo sanguine redemit, sis solutus in cælis; sin autem aliter feceris, & Sanctæ Matri Ecclesiæ salubre consilium despexeris, ipse tibi sis judex, & in laqueo diaboli, quo irretitus teneris, maneat, sanguisque sit super caput tuum, nos alieni à consortio tuo: & sub indissolubili anathemate permaneat, donec Deo & Sanctæ Ecclesiæ satisfacias.

*Hæc apud Burchardum loco indicato.*

Eddidit Harduinus ex MS. codice Parisiensis Collegii, Societatis Jesu, collato cum Capite quadragesimo Libri VI, Decretorum Burchardi, Vormatiensis Ecclesiæ Episcopi. *Tomo IV. Concil. pag. 909.*

## CAROLI REGIS PRÆCEPTUM,

P R O

ANIANO, ABBATE MONASTERII CAU-  
NENSIS, IN SYNODALI CONCILIO FRANCONOFURTI  
ANNO DCCXCIV.

**C**arolus gratiâ Dei Rex Francorum, & Longobardorum, ac Patricius Romanorum, omnibus fidelibus nostris præsentibus, & futuris. Rectum est, regalis potestatis illis tuitionem impertiat, quorum necessitas comprobatur. Igitur cognoscat magnitudo, seu utilitas vestra, quia vir venerabilis ANIANUS Abbas ex Monasterio Sancti Joannis, & Sancti Laurentii, quod fuit constructum in locis nuncupatis Extorio, & Olibegio, nostro *Synodali Concilio* veniens unâ cum Monachis suis Continuo, Stromundo, Lurio, cum omnibus rebus vel hominibus Monasterii sui, quas moderno tempore videtur possidere, se plenius commendavit: & nos sub nostra tuitione eum, & Monachos suos cum omnibus rebus, atque hominibus suis recipimus, ac retinemus, quatenus diebus vitæ suæ sub nostra tuitione valeant quietè vivere, & residere. Propterea has litteras nostras pro firmitatis studio eis dedimus, per quas omnino jubemus, ut nullus quislibet de vobis, neque de junioribus vestris, prædicto Aniano Abbati, seu Monachis suis, nec re-

bus, nec hominibus eorum, contingere, nec inquietare, aut contra rationis ordinem calumniam generare non præsumatis, nisi ut diximus, cum omnibus rebus vel hominibus illorum sub nostra tuitione valeant quietè vivere, vel residere. Similiter concessimus ei villam Caunas, sicuti Milo ad suum Monasterium per suas litteras delegavit, cum omnibus appendiciis suis, quatenus melius delectet ipsos servos Dei pro nobis, vel stabilitate regni nostri Domini misericordiam exorare. Et si aliquæ causæ adversus eos surrexerint, vel homines eorum autolat fuerint, quas in promptu absque gravi illorum dispendio definire non potueritis, usque in nostram præsentiam referuntur, quatenus ante nos secundum legis ordinem accipiant finitivam sententiam. Et ut hæc auctoritas firmior habeatur, vel à fidelibus nostris melius conservetur, de annulo nostro eam subterfigillari iussimus.

VINDOLAICUS ad vicem Radonis recognovit.

T t 2

Data



Data XIII. Kalendas (a) Augusti, anno Actum Franconoforti, Palatio Regio, in  
vigesimo sexto, & vigesimo Regni Dei nomine feliciter. Amen.  
nostri.

Baluz. in *Appendice Tomi II. Capitularium* pag. 1399. ex *Archivo Monasterii Cau-*  
*nensis.*

Mabillon. *L. VI. de re diplomatica N. LVIII.* idem refert; sed Baluzii exemplar cor-  
rectius & integrius secuti sumus.

(a) Synodus Francofurtensis ætatis initio habita fuit: postquam Rex ibi hyemaverat, & Pascha-  
lis festi solemnitatem celebraverat, ajunt Annales Francorum à Newenarrio & Reubero: in ea  
igitur Synodo Carolus suscepit Monasteria S. Laurentii, & S. Joannis, & villam Caunis  
Aniano Abbati donavit: sed utriusque facti expeditio in Cancellaria serius contigit, nempe  
XIII. Kal. Augusti.

Quor, & quæ personæ interfuerint Concilio nationali Francofurtensi, nescitur. CCC. interve-  
nisse, quidam memorant.

Annales Francici Reuberiani ajunt, ex omnibus Regni Carolini Provinciis Episcopos fuisse illic à  
Carolo Rege congregatos, communi Episcoporum auctoritate Librum contra hæresin Felicis,  
illic condemnatum, compositum, & propriis manibus Episcoporum subscriptum fuisse.

Interfuerunt Legati Romani Pontificis Hadriani nomine, Theophylactus, & Stephanus Episcopi.

Paulinus Aquilegiensis Patriarcha, Petrus Mediolanensis Archi-Episcopus.

Hildebaldus Sacri Palatii Regii Archi-Capellanus, cujus mentio est in Canone LV., utique à La-  
tere Regis non abfuit.

Ricolphus Moguntinus, in cujus Parochia est Franconofortum, verosimillimè adfuit.

Cæteri Episcopi Germaniæ, Bavariz, Italiæ, Gothiæ, Aquitaniz, Gallaciæ, Galliæ, qui tunc  
interfuerint, nescitur. Abbates plurimi cum Monachis interfuerunt.

Ex Chronico Moissiacensi, edito in *Collection. veter. Monument. Tomo V. Martenii & Durandi* inter-  
fuit Benedictus, qui & vocatur Villiza, Abbas Monasterii Anianensis, cum Monachis Beda, Ad-  
done, qui & Smaragdus vocatur, Ingeila, Aimone, Rabano, Georgio: item Abbas ex Mona-  
sterio S. Joannis Anianus, cum Monachis Continuo, Stromondo, & Lurione, ut patet ex di-  
plomate jam citato. *Hec ex Eginhardo & Annalibus Francorum.*

ANNO DOMINICÆ INCARNATIONIS DCCXCV. Rex CAROLUS venit Moguntiam,  
ibique tenuit placitum suum in villa, quæ dicitur, Cussenstein, in suburbio  
ejusdem urbis.

*Acta hujus Conventus latent.*

*Regino L. II. Chronic.*

*Eginhardus in Chronico.*

*Annales Loiseliani apud Duchesne T. II. Scriptor. Francia.*

## CAPITULARE SAXONUM.

DATUM AQUISGRANI ANNO CHRISTI  
DCCXCVII. V. KALENDAS NOVEMBRES, IN GENERALI EPIS-  
COPORUM ET OPTIMATUM CONVENTU.

### INCIPIUNT CAPITULA.

- I. De justitia Ecclesiarum, Viduarum, Orphanorum, & minus Potentium. De  
raptu & incendio, & de exercitu.
- II. De observatione superiorum Capitularum.
- III. De compositione secundum Legem Saxonum.
- IV. De his, qui causam judicatam repetere præsumunt in Patria, aut in præsentia  
Regis.
- V. De manitione ad placitum.
- VI. De compositione rerum, quæ Presbyteris ablata sunt.
- VII. De compositione Missorum Regiorum.
- VIII. Ne quis incendium faciat infra Patriam.
- IX. De banno augendo.

X. De

X. De malefactoribus, qui mori debent.

XI. Quales debeant esse solidi Saxonum.

Anno ab Incarnatione Domini nostri JESU Christi DCCXCVII. & XXX. ac XXII. regnante Domno CAROLO Præcellentissimo Rege, convenientibus in unum Aquis palatio in ejus obsequio Venerabilibus Episcopis, & Abbatibus, seu Illustribus Viris Comitibus V. Kalendas Novembris, simulque congregatis Saxonibus de diversis pagis, tam de Vestfalahis & Angrariis, quàm & de Oostfalahis, omnes unanimiter consenserunt & aptificaverunt, ut de illis Capitulis, pro quibus Franci, si Regis bannum transgressi sunt, solidos sexaginta componunt, similiter Saxones solvent, si alicubi contra bannos fecerint.

## HÆC SUNT CAPITULA.

*De justitia Ecclesiarum, Viduarum, Orphanorum, & minis Potentium. De raptu & incendio, & de exercitu.*

I.

UT Ecclesiæ, Viduæ, Orphani, & minis potentes justam, & quietam pacem habeant. Et ut raptum, & fortiam, nec incendium infra patriam, quis facere audeat præsumptivè. Et de exercitu nullus super bannum Domini Regis remanere præsumat.

*De observatione superiorum Capitulorum.*

II. Si quis supradicta octo Capitula transgressus fuerit, omnes statuerunt, & aptificaverunt, ut Saxones similiter, sicut Franci, sexaginta solidos componant.

*De compositione secundum legem Saxonum.*

III. Item placuit omnibus Saxonibus, ut ubicunque Franci secundum legem solidos duodecim, ingenui quinque, liti quatuor componant.

*De his, qui causam judicatum repetere præsumunt in Patria, aut in præsentia Regis.*

IV. Hoc etiam statuerunt, ut quascunque causâ infra Patriam cum propriis vicinantibus pacificata fuerit, ibi solito more ipsi pagenses solidos duodecim pro districtione recipiant, & pro

vuargilda, quæ juxta consuetudinem eorum solebant facere, hoc concessum habeant. Si autem in præsentia Missorum regaliû causâ definita fuerint, pro jam dicta vuargilda supra scriptos solidos duodecim ipsis pagenses habeant concessos. Et pro hoc, quia Missus regalis ex hac re fatigatus fuerit, alios duodecim solidos inde recipiat ad partem Regis. Si autem ipsa causâ ad Palatium in præsentia Regis, ad definiendum fuerit perducta; tunc utrique solidi duodecim, id est, pro vuargilda, & quod vicinis debuit componere, eò quod infra Patriam definita ratio non fuerit, ad partem Regis faciant componere, quod sint solidi XXIV. Nam si fuerit aliquis, qui in Patria, juxta quod sui vicini judicaverint, seque pacificare noluerit, & ad Palatium pro hujus rei causâ venerit, & ibi ei fuerit judicatum, quod justum judicium judicassent, in prima vice, ut supra dictum est, solidos XXIV. ad partem Regis componat. Et si tunc inde rediens, se pacificare, & justitiam facere renuerit; & iterum pro ista causâ ad palatium fuerit convocatus, & dejudicatus; bis XXIV. solidos componat. Si verò necdum correptus tertiâ vice pro eadem re ad Palatium remeaverit; triplam compositionem exinde faciat ad partem Regis.

T t 2

D.



*De manitione ad placitum.*

V. Si quis de nobilioribus ad placitum manitus venire contempserit, solidos quatuor componat, ingenui duos, liti unum.

*De compositione rerum, quæ Presbyteris ablata sunt.*

VI. De Presbyteris statuerunt, quod si aliquid eis, aut eorum hominibus quis contrarium facere, aut tollere præsumperit contra iustitiam, omnia in duplum restituat ei, & componat.

*De compositione Missorum Regionum.*

VII. De Missis Regis statuerunt, ut si ab eis aliquis interfectus evenierit, in triplum eum componere debeat, qui hoc facere præsumperit. Similiter quicquid aut eorum omnibus factum fuerit, omnia tripliciter faciant restaurare, & secundum eorum euva componere.

*Ne quis incendium faciat infra Patriam.*

VIII. De incendio convenit, quod nullus infra Patriam præsumat facere propter iram, aut inimicitiam, aut qualibet malevola cupiditate; excepto si talis fuerit rebellis, qui iustitiam facere noluerit, & aliter districtus esse non poterit, & ad nos, ut in præsentia nostra iustitiam reddat, venire despexerit, condicto commune placito simul ipsi Pagenses veniant; & si unanimiter consenserint pro districtione illius casa incendatur, tunc de ipso placito, commune consilio facto, secundum carnem euva fiat peractum, & non pro qualibet iracundia, aut malevola intentione, nisi pro districtione nostra, si aliter facere ausus fuerit, sicut superius dictum est, solidos sexaginta componat.

*De banno augendo.*

IX. Item placuit, ut quandoquidem voluerit Dominus Rex propter pacem, & propter fidam, & propter

maiores causas bannum fortiores statuere, unà cum consensu Francorum, & fidelium Saxonum, secundum quod ei placuerit, juxta quod causa exigit, & opportunitas fuerit, solidos sexaginta multiplicare in duplum, & solidos centum, sive usque ad mille componere faciat, qui ejus mandatum transgressus fuerit.

*De malefactoribus, qui mori debent.*

X. De malefactoribus, qui vitæ periculum secundum euva Saxonum incurrere debent, placuit omnibus, ut qualiscunque ex ipsis ad regiam potestatem confugium fecerit, aut in illius sit potestate, utrum interficiendum illis reddat, aut unà cum consensu eorum habeat licentiam, ipsum malefactorem cum uxore & familia, & omnia sua foris Patriam infra sua Regna, aut in marca, ubi sua fuerit voluntas, collocare, & habeant ipsum, quasi mortuum.

*Quales debeant esse solidi Saxonum.*

XI. Illud notandum est, quales debent solidi esse Saxonum, id est, bovem annoticum utriusque sexus autumnali tempore, sicut in stabulum mittitur, pro uno solido. Similiter & vernum tempus, quando de stabulo exiit, & deinceps, quantum ætatem auxerit, tantum in pretio crescat. De annona vero bortrinis pro solido uno scapilos quadraginta donant, & de sigale viginti. Septentrionales autem pro solido scapilos triginta dent, & sigale quindecim. Mel vero pro solido bortrensi sigla una & medio donant. Septentrionales autem duas ficas de melle pro uno solido donent. Item hordeum mundum, sicut & sigale pro uno solido donent. In argento duodecim denarios solidum faciant. Et in aliis speciebus ad istud pretium omnes æstimationes compositionis sunt.

#### EXPLICIT CAPITULARE SAXONUM.

*Illmus Fürstenbergius primus edidit ex codice Palatino Bibliotheca Vaticana, post Monumenta Paderbornensia.*

*Bahz. Tomo I. Capitul. pag. 275. 280.*

Anno DCCXC VII. Carolus Rex ad Aquis Palatium Concilium habuit cum Episcopis, Abbatibus, Monachis, de Cœnobium S. Pauli, qualiter constituere deberet: & in ipso anno perrexerat in Saxonia, & ibidem hyemavit. *Chronicon breve apud Duchesne Tomo II. Scriptor. Francia.* Erit igitur hæc consultatio de Cœnobio S. Pauli, Actio Concilii Aquisgranensis anni hujus, Rex hoc anno bis Aquisgranum venit, & utraque vice diversos Legatos honorifice suscepit & absolvit: eodem anno bis in Saxoniā profectus est ad Saxones compescendos, & in ordinem redigendos: eò spectat Capitulare Saxonicum supra descriptum. *Annales Reuberiani, & Pithoeani.*

## CONCILIIUM RATISBONENSE.

Anno Christi DCCXCVIII. Leonis III. Papæ III.

Caroli Magni XXX.

*De Translatione Cathedralæ Ratisbonensis ex Monasterio S. Emmerani in Ecclesiam S. Stephani.*

LEO III. P. M. confirmat Translationem Sedis Episcopalis Ratisb. ex Monasterio S. Emmerani ad Ecclesiam S. Stephani, illiusque omnimodam exemptionem promulgat.

## §. I.

IN nomine Domini nostri Jesu Christi Dei Omnipotentis, Leo Papa. Agnitum esse volumus, cunctis Christianæ Religionis fidelibus, tam præsentibus, quam futuris, qualiter Christianissimus Imperator, & Augustus, nomine Carolus, Deo aspirante, Christum hæreditatis suæ desiderans fieri possessorem, quoddam Monasterium juxta muros civitatis TYBURNIÆ, quæ à Tyberio Cæsare Augusto ædificata est, quæ modo vulgo appellata est REGANISPURCH, quod est constructum in honore S. Mariæ, Matris Domini nostri Jesu Christi, & Principis Apostolorum Petri, & S. Georgii Martyris, ubi præclarissimus martyr, & Episcopus Pictaviæ, corpore requiescit Emmerammus, in nostram immunitatem, successorumque nostrorum gratiæ defensionis transfudit, & nos continuo pro Christi amore gratuita mente petitioni ejus piè annuentes decrevimus ita fieri, & jussimus hanc chartam auctoritatis nostræ inde conscribi.

## §. II.

Et Episcopus ejusdem civitatis tertius, nomine ADALWINUS juxta decreta Canonum, & cum auctoritate nostrâ, in præsentia piissimi Imperatoris Caroli, rectâ ratione, in Synodali Concilio cum Judicio Episcoporum, Clericorum, nec non nobilium laicorum de eodem loco Cathedralam Pontificalem mutavit, & Canonicâ auctoritate in civitatem ad Ec-

clesiam Sancti Stephani Protomartyris statuit, & suæ suorumque successorum proprietati, & potestati deinceps in futurum abalienavit. Econtra ante dictus Christianissimus Imperator dedit ad illum locum, ubi modò sedes Episcopalis est, à parte meridiana ipsius Monasterii perticas decempedas XL. & in alia parte C. in longitudine ducentas VII. & Ecclesiam Sancti Petri, & Ecclesiam Sancti Pauli juxta muros prædictæ civitatis, & WIMINTINGEN, & EGLOLFESHEIM, & Ecclesiam juxta NAPURCH, quæ vocatur BERSANA; & confirmavit Monasterium pretiosi Dei Martyris Emmerammi in potestate Imperatorum sive Regum usque ævum permanere, & ita confirmavit; ut Rector & Abbas ejusdem cœnobii unoquoque anno VII. aureos Romam ad altare Sancti Petri persolveret. Hæc mutatio, & confirmatio fuit anno ab incarnatione Domini DCCXCVIII. auctoritatis nostræ; ita ut si quis Imperator, aut Rex eandem Ecclesiam tam Sanctam alicui præstet, anathema sit. Congregatio autem Monasterii liberam habeat potestatem, & electionem Abbatibus juxta Decretum Sancti Benedicti sine omnium contradictione substituendi, & præfatum Monasterium cum Monachis, & omnibus ibidem in præsens collatis vel in posterum conferendis, in nostram, successorumque nostrorum immunitatem recepimus feliciter. Amen.

*Petrus Thesauri novissimi anecdotorum Tomo I. Parte III. pag. 4. ex cod. MS. Monasterii S. Emmerani descript.*

*Hundius in Metropol. Salisburgensi ediderat §. I. num. hujus Bullæ.*

Cointius & Pagi ad A.C. 781. Bullæ huic Leoninæ fidem abjudicant, quibus assurgit *Manfi Tomo I. Supplementi Conciliorum pag. 729.* Non ita tamen, ut factam translationem hoc tempore neget: quia id asserit Arnulfus in *Miraculis S. Emmerani*: verum probabilius sub Adalwino, quam sub Sindperro Ratisbonensi Episcopo. *Manfi Loco citato.*

*Velferus rerum Boicarum ad h. annum. Hundius in Catalogo Epp. Ratisbonensium ad anni 792. initium refert.*

CONCI.



## CONCILIIUM AQUISGRANENSE.

*In quo Felix Urgellitanus hæreseos, in quam relapsus fuerat, iterum convictus, Catholicam Fidem ex animo postea simulatione professus est.*

Anno Christi DCCXCIX. Leonis III. Papæ IV.  
Caroli Magni XXXII.

CONFESSIO FIDEI FELICIS, ORGELLITANÆ SEDIS EPISCOPI,  
*quam ipse post spretum errorem suum in conspectu Concilii edidit, & eis, qui in ipso errore ei dudum consentientes fuerant, direxit.*

**I**N nomine Dei. Felix, olim indignus Episcopus, Domnis in Christo Fratribus Emani Presbytero, Ildefonso Presbytero, atque Exsuperio, Gundefredo, Sidonio; nec non & Ermegildo, seu cæteris Presbyteris: similiter Wittildo, Diacono, & Witirico, seu cæteris Clericis, in Parochia Orgellitanæ Ecclesiæ degentibus, seu cæteris fidelibus Ecclesiæ in superdicto commisso commorantibus, in Domino Deo Patre, & Jesu Christo, vero Filio ejus, Domino ac Redemptore nostro, & in Spiritu Sancto, æternam salutem.

De cætero ad agnitionem vestram reducimus, quia, postquam ad præsentiam Domini nostri, ac piissimi gloriosique Caroli Regis perductus sum, & ejus conspectui præsentatus, licentiam ab eo, secundum quod & venerabilis Dominus Laidradus (a) Episcopus nobis in Orgello pollicitus est, accepimus: qualiter in ejus præsentiam in conspectu Episcoporum, quos ad se ordinatio gloriosi Principis nostri convenire fecerat, sententias nostras, quas ex libris Sanctorum habere nos de adoptione carnis in Filio Dei, seu nuncupatione in humanitate ejus, credebamur, repræsentaremus; qualiter non in violentia, sed ratione veritatis, nostra adsertio rata judicaretur, si ab illis per auctoritatem Sanctorum Patrum minimè repudiaretur. Quod ita factum est: nam prolata à nobis sententias de super dicta contentione, hoc est, de adoptione carnis

atque nuncupatione, ita illi ex auctoritate de libris Sanctorum Patrum, id est, Cyrilli, Episcopi, & Beati Gregorii Papæ urbis Romæ, seu Beati Leonis, sive & aliorum Sanctorum Patrum, qui nobis prius incogniti erant, seu per auctoritatem Synodi, quæ nuper in Roma hac intentione, præcipiente gloriosissimo ac piissimo Domino nostro Carolo, adversus Epistolam meam, quam dudum venerabili viro Albino, Abbati Turonensis Ecclesiæ, conscripseram, congregata est. In qua Synodo (b) præsentem LEO-NE Apostolico, & cum eo cæteri Episcopi numero quinquaginta septem residentes, & plerique Presbyteri ac Diaconi cum eis in Domo Beatissimi Petri Apostoli: per quorum omnium auctoritatem istas jam dictas sententias nostras non qualibet, ut dictum est, violentia, sed ratione veritatis, ut oportuit, excluderunt. Quorum auctoritate veritatis, & totius Ecclesiæ universalis consensu, convicti, ad universalem Ecclesiam, Deo favente ex toto corde nostro reversi sumus: non qualibet simulatione, seu velamine falsitatis, sicut dudum, quod Deus scit; sed, ut dixi, verâ cordis credulitate, & oris professione. Quod etiam in conspectu multorum Sacerdotum, & Monachorum professi sumus, poenitudinem gerentes de pristino errore, & Sacramento, quam pro hac intentione olim prævaricatus sum: profiten-tes, nos deinceps adoptionem carnis in Filio Dei, sive nuncupationem in huma-  
nitate,

(a) Laidradus, Laudunensis Episcopus, missus fuit à Carolo Rege Orgellas ad Felicem invitandum ad Concilium Aquense.

(b) Mentio Synodi Romanæ sub Leone III. anno 799. forte coactæ LVII. Episcoporum in Domo Beatissimi Petri, in qua Epistola Felicis ad Albinum scripta, pro errore tuendo, damnata fuit: cuius Synodi excerpta exhibet Hardwin. Tomo IV. Concil. p. 927.

nitate, nullò modo credere, vel prædicare; sed secundum quod dogmatibus Sanctorum Patrum informamur, eundem Dominum nostrum Jesum Christum in utràque natura, id est, Deitatis scilicet & humanitatis, proprium ac verum filium profitentes, unigenitum videlicet Patris, unicum filium ejus: salvas tamen utriusque naturæ proprietates, ita duntaxat, ut nec divinitas Verbi Dei (c) in natura credatur humana conversâ, vel humana à Verbo adsumpta (d) invidia mutata: sed utraque, id est, Divina atque humana, ab ipso conceptu in utero Virginis, ita in singularitate personæ sibi nec connexæ atque conjunctæ sunt, ut unicuique Filio Patri, & verus Deus ex ipso utero Gloriosæ Virginis absque ulla corruptione editus prodiretur. Non ita homo adsumptus à verbo de substantia Patris, sicut ipsumque verbum à fidelibus genitus credatur, cum sit ex substantia matris, sed quia, ut dictum est, in ipsâ vulva Sanctæ Virginis ab ipso conceptu ab eo, qui secundum Divinitatem verus, & proprius Dei Filius existit, in singularitate personæ suæ susceptus est, atque conceptus, verus, & proprius Dei Filius, ex eadem sancta Virgine natus est. Non alius Dei Filius, & alius hominis Filius; sed Deus, & homo, unicus Dei Patris verus, ac proprius Filius, non adoptione, non appellatione, aut nuncupatione; sed in utràque natura, ut dictum est, unus Dei Patris secundum Apostolum verus ac proprius Dei Filius credatur.

Hæc est confessio fidei nostræ, quam Deo juvante à Sanctis Patribus per eorum scripta cognovimus, & ab universali Ecclesia post pristinum errorem nostrum accepimus, & tenemus. Quod & vos omnes credere, & confiteri per eundem Dominum nostrum exhortamur, nil diminuentes, aut addecentes ex sensu vestro, sed hoc, quod vobis innotescimus, cum universali Ecclesia indubitanter retinentes: & ut pro me misero, per quem usque nunc in Ecclesia Dei contentio versâ est, ex totis præcordiis vestris Domini misericordiam implorare non dedigneris: qualiter propter vestram emendationem, & orationem Catholicorum Sacerdotum, qui in simili prævaricatione, ut ego, ne-

V v

quaquam obnoxii sunt, Domini misericordiam, priusquam de hoc mortali corpore egrediar, consequi valeam. Quod per hoc me magis consequi à domino confido, si scandalum, seu error in fide, qui per me in usque nunc, inter utrasque partes duravit, per me iterum omnia correctâ atque sedata fuerint: atque omnia Ecclesiæ membra in unitate fidei, & concordia caritatis velut in unum corpus compaginata, ita nemo ex nobis in Ecclesia dei ultra scandalum, vel quodlibet schisma intrromittere audeat: sed omnes nos cum universali Ecclesia, quæ in toto mundo dilatata noscitur, similiter sentientes, & ea, quæ dudum intentio orta est, id est adoptionem carnis, seu nuncupationem in humanitatem Filii Dei, anathematizantes; pacem, ut dixi, & unitatem fidei cum omnibus fidelibus Ecclesiæ, absque ulla simulatione, inconcussâ fide retineamus: ne cum Nestorii impietate concordantes, qui purum hominem Christum Dominum credidit, alicubi deinceps labamur, qui dixit: oportet verò & de Dei dispensatione, quam pro nostra salute in dispensatione domini Christi dominus deus perfecit, scire, quoniam deus verbum hominem perfectum adsumpsit ex semine Abraham, & David secundum pronuntiationem divinarum scripturarum: hoc constitutum natura, quod erant illi, ex quorum erat semine, hominem perfectum natura, ex anima intellectuâ, & carne humana constantem, perfectum hominem constitutum secundum nos per naturam, Spiritus Sancti virtute in vulva Virginis formatum, factum ex muliere & factum sub lege, ut omnes nos à servitutis lege redimeret: ante jam prædestinatam adoptionem accipientes, inenarrabiliter sibi nec uniens: mortuum quidem eum secundum legem humanam faciens, suscitans verò ex mortuis, & perducens in Cælum, & consedere faciens ad dexteram Dei: unde personam, constitutos principatus, & potestates, & Dominationes, & virtutes, & omne, quod nominatur nomen, non solum in hoc sæculo, verum etiam & in futurum, ab omni creatura accepit adorationem; sicut inseparabilem à Divina natura habens copulationem, relationem Dei & intelligentiam omni creaturæ

[c] *Forse in naturam credatur humanam.*[d] *Forse in Divinam pro invidia.*



turæ adoratione exhibentem. Et neque duos filios dicimus, neque duos dominos: quoniam unus filius Patris secundum substantiam, deus Verbum unigenitus Filius Patris, sicut iste conjunctus & particeps constitutus filii communicat nomine, & honore. Dominus secundum essentiam deus Verbum, cui iste conjunctus honore communicat. Et ideo neque duos filios nos dicimus, neque duos homines: quia manifesto constituto secundum substantiam domino, & filio inseparabilem tenet ad eum copulationem, qui causa nostræ salutis adsumptus confertur nomine, & honore domino & filio, non sicut unusquisque nostrum secundum seipsum constitutus est Filius. Unde & multi secundum beatum Paulum dicimur filii: Sed solus præcipuum habens hoc, quod ad Dei Verbi Copulationem, adoptionem, & dominationem participans, aufert quidem omnem suspicionem dualitatis filiorum & Dominorum. Præstato verò nobis in copulationem ad Domini verbum, bonam haberet ipsius fidem, & intelligentiam, & theoriā, pro quibus & adorationem per relationem dei ab omnibus cepit creatura. Unum igitur filium dicimus, & dominum Christum, per quem omnia facta sunt: principaliter quidem Deum Verbum intelligentes substantialiter filium Dei & Dominum: conspirantes autem adsumptum Nazaret, quem unxit Deus Spiritu & virtute, sic in Verbi Dei copulationem adoptionis participantem, & dominationis, qui & secundus Adam.

Hæc est sententia Nestorii Hæretici, qui purum hominem absque Deo Virginis utero genitum impie adtruebat. In quem hominem ex eadem sancta Virgine procreatum & genitum, post Nativitatem ejus, verbum Dei, hoc est, divinitatem Filii dei, descendisse, & habitasse præ ceteris Sanctis impudenter prædicabat. Et ob hoc, sicut in Christo duas naturas, ita & duas personas in eo satis improbe vindicare contendebat. Nos verò ejus impietatem anathematizantes, quædam testimonia ex libris Sanctorum Patrum, quos Ecclesia venerabiliter recipit, decerpentes, huic Epistolæ subnectimus: per quæ nos ad viam veritatis post pristinum errorem

nostrum reverſi sumus, vobis subter adscriptam direximus: per quæ & vos de dicta intentione veritatem fidei plenius agnoscere potestis, & ad rectum tramitem fidei reverti. Contra quas sententias Patrum dissentiens, aliter, quam illas nos informant, credere aut docere voluerit, & adoptionem, & nuncupationem in carne salvatoris credere vel prædicare præsumpserit, anathema sit. A quo jaculo anathematis ipse verus ac proprius Dei Filius, de quo loquitur, tam vos, quam nos, & hic & in futuro liberare dignetur. Cui cum Patre in unitate Spiritus Sancti similis, & coæqualis existat gloria, ante omnia sæcula, & nunc, & in dies æternitatis.

Beatus denique Cyrillus in tractatu suo inter alia ita dicit: Immo multum interest, & incomparabilibus differentiis gloriæ, & eminentiæ Salvatoris nostri monumentis, ea quæ nostra sunt. Nos enim famuli sumus: ille verò naturaliter Dominus Deus, licet factus sit nobiscum, & in his, quæ sunt nostra dispensativè. Præterea & Beatus Paulus Christum eum nominavit & Deum; ita dicens: *Scitote cognoscetes (c) quia omnis fornicator, &c. non habet hereditatem in regno Christi, &c. Dei.* Solus autem Christus etiam Deus verè, qui Emmanuel est. Etenim nos per gratiam dei: verumtamen non ita Deus Filius, sed natura magis, & veritate, licet caro sit factus.

Item ipse in eodem tractatu post aliqua ita dixit: quomodo proprius Dei Filius nominatus est Christus, qui etiam traditus est à Deo & Patre, causa omnis salutis & vitæ. *Traditus est (d) enim propter peccata nostra, & ipse iniquitates multorum portavit in corpore suo, in ligno; secundum Prophetæ vocem.* Palam ergo est, quia unitatis res adsumpta necessariè proprium filium declaravit dei, qui ex sancta Virgine est. Corpus enim erat non alteriuscujuspiam secundum nos, sed magis proprium ex Patre existentis Verbi, natum ex ea.

Item ipse post paululum contra Nestorium: sicut enim in Adam omnes morimur, sic & omnes in Christo vivificamur. Si enim non pateretur humanè pro nobis, neque operaretur Divinè, quæ ad salutem sunt. dicitur enim prius

(c) Ephes. V, 5.

(d) Isaïæ LIII, 5. I. Petri II, 2.

us quidem mori, ut homo : reviviscere autem postea, eo quod sit naturaliter deus. Si igitur non est passus mori carne secundum scripturas, neque vivificatur Spiritu, hoc est, non revixit. Et si hoc est verum, vana est fides nostra, adhuc sumus in peccatis nostris. Baptizati enim sumus in mortem ejus, secundum Beati Pauli vocem, & remissionem peccatorum habuimus per sanguinem ejus. Sed si est Christus neque filius verè, neque naturaliter deus, sed homo purus secundum nos, & divinitatis organum : salvati quidem sumus non in deo quodammodo, sed in uno magis secundum nos moriente pro nobis, & virtutibus alienis resuscitato. Quomodo ergo est mors destructa per Christum? & *infra*. Colimus autem non hominem purum, absit, sed Deum potius naturaliter, non ignorantes ejus gloriam, licet factus sit secundum nos.

Item Beati GREGORII PAPÆ urbis Romæ sua per moralia. Erâtque ille vir magnus inter omnes Orientales. Omnes, inquit, qui in hunc Orientem fide pleni consistunt, rectè Orientales vocantur. Sed quia omnes homines tantummodo homines, ipse autem Oriens Deus & homo; rectè dicitur: erat magnus inter omnes Orientales. Ac si aperte diceretur: omnes, qui in fide Deo nascuntur, superat: quia non ut ceteros adoptio, sed natura illum divinitatis exaltat. *Et rursus alibi idem ipse*. Quia omnis homo tantummodo homo est, ipse autem Deus & homo. In terra ei similis non est, quia etsi adoptivus quisque filius ad percipiendum divinitatem proficit, nequaquam tamen, ut deus naturaliter esset, accepit.

Item in libro Beati Job. Mediatori verò nostro in legislatoribus similis nullus est, quia isti gratuiti vocati ex peccatis ad innocentiam redeunt. Redemp-

tor autem noster sine peccato est, filius sine adoptione, nec perpetravit unquam, quod redarguit. Quas quidem sententias prius non rectè intelligebamus.

Item Beati Aθανασii Alexandrini Episcopi: si quis verò adversus Divinas scripturas docet, alium dicens Filium Dei, & alium qui ex Maria Virgine, hominem secundum gratiam adoptivum, sicut nos: quasi essent duo filii, unus secundum naturam, qui ex Deo: & unum (e) secundum gratiam, qui ex Maria. Et si quis Domini nostri carnem, desumsum dicit, & non ex Virgine Maria: aut mutatam deitatem in carnem & confusam: aut passibilem Domini deitatem: aut inadorandam Domini nostri carnem sicut hominis: & non adorandam Domini, & dei carnem; hunc anathematizat Catholica, & Apostolica Ecclesia.

Item Sancti Gregorii Nazianzeni Episcopi ad Cledonium: si quis introducit duos filios, unum quidem, qui ex Deo Patre; secundum verò, qui ex Matre, & non unum, eundemque, & adoptione excedat gratia, quæ promissa est iis, qui credunt: alienum eum à nostro confortio judicamus. Naturæ verò duæ Deus & homo: nam & anima & corpus: filii verò à duo: neque Dii, neque duo homines.

Item Beatus Leo Papa urbis Romæ ita dicit: exsultet rectarum mentium fides, & verum, unumque dei filium non solum secundum deitatem, quâ à Patre est genitus, sed etiam secundum humanitatem, quâ de Matre Virgine est natus, intelligant.

Item ipse alibi. Adsumpta est de Matre Domini natura, non culpa: creata est forma servi sine conditione servili: quia novus temperatus est veteri, ut & veritatem susciperet generis, & vitium excluderet vetustatis.

*Extat hæc Confessio edita inter opera Alcuini 1617. Parisina Editionis pag. 998.*

*Apud Harduimum Tomo IV. Concil. p. 929.*

*Vide vitam Alcuini ad diem XIX. Maji inter Acta Sanctorum Antwerp.*

Synodi hujus nomen, historiâque Alcuino maximè debemus, cujus in ea præcipue adversus Felicem partes fuerunt. Narrat enim, qui ejus vitam conscripsit, Carolus Magnus Regem, ut Feliciana hæresim expugnaret, magnam Synodum Episcoporum in Aquisgranî Palatio congregasse, in eâque Alcuinum & Felicem Regis jussu diebus aliquot conspexisse, ita ut à secunda usque ad septimam Sabbathi vix aliud gestum sit: victum se denique Fel-

V V 2

cem



cem voce, fletuque testatum esse. Quâ de re Alcuinus idem, sed tacitâ sui mentione, in hæc verba scribit, & Synodi annum designat, libro primo adversus Ekipandum:

- " Sed & idem Felix, inquit, anno præfati Gloriosi Principis trigésimo secundo, advocatus voluntariè  
 " veniens ad Aquis Palatium, ibique in præsentia Optimarum illius, sive Sacerdotum Dei, rationabiliter auditus, & veraciter convictus, atque Deo dans gloriam, verâmq; confessus  
 " fidem, in pacem Catholicæ unanimiatis reversus est cum suis discipulis, qui ibi tunc temporis erant præsentés.

*Nec dissimilia sunt, quæ Felix ipse in Fidei suæ confessione persequitur, quam post hæc ad suos Urgellitanos scripsit, quæ & nuper edita est cum operibus Alcuini.*

- " Postquam, inquit, ad præsentiam Domini nostri, ac piissimi, gloriosique Caroli perductus sum, licentiam ab eo, secundum quod & Venerabilis Dominus Laidradus Episcopus nobis in Or-gello pollicitus est, accepimus: qualiter in ejus præsentiam, in conspectu Episcoporum, quos ad se ordinatio Gloriosi Principis nostri convenire fecerat, sententias nostras, quas ex Libris Sanctorum habere nos de adoptione carnis in Filio Dei, seu nuncupatione in humanitate ejus credebamus, præsentaremus: qualiter non in violentia, sed ratione veritatis nostræ assertio rata judicaretur, si ab illis per auctoritatem Sanctorum Patrum minimè repudiarentur. Quod ita factum est. Nam prolaras à nobis sententias de superdictâ contentione, hoc est, de adoptione carnis, atque nuncupatione, ita illi ex auctoritate de Libris Sanctorum Patrum, id est, Cyrilli Episcopi, & Beati Gregorii Papæ urbis Romæ, seu Beati Leonis, sive & aliorum Sanctorum Patrum, qui nobis prius incogniti erant, seu per auctoritatem Synodi, quæ nuper in Roma hac intentione, præcipiente Gloriosissimo, ac Piissimo Domino nostro Carolo, adversus Epistolam meam, quam dudum Venerabili Viro Albino, Abbati Turonensis Ecclesiæ, scripseram, congregata est. In quâ Synodo, præsentè Leone Apostolico, & cum eo cæteri Episcopi Numero LVII. residentes, & plerique Presbyteri, ac Diaconi cum eis in domo Beatissimi Petri Apostoli. Per quorum omnium auctoritatem jam dictas sententias nostras non qualibet, ut dictum est, violentia, sed ratione veritatis, ut oportuit, excluderunt. Quorum auctoritate veritatis, & totius Ecclesiæ universalis consensu convicti, ad universalem Ecclesiam, Deo favente, ex toto corde nostro reversi sumus, non qualibet simulatione, seu velamine falsitatis, sicut dudum, quod Deus scit, sed, ut dixi, verâ cordis credulitate, & oris professione. Quod etiam in conspectu multorum Sacerdotum, & Monachorum professi sumus. &c.

*Notata hæc, & excerpta ex Alcuino sunt à P. Jacobo Sirmondo S. J.*

*Adde his, quæ de hoc Concilio habentur apud Papebrochium, in Actis Sanctorum ad XIX. Maji, in vita B. Alcuini, edita à du Chesne, à Coevo scripta. Hæc nempe sequentia:*

- " Advocans namque (Carolus M.) Albinum Institutorem suum Turonis, & miserum Felicem hæresis hujus adstructorem de Hispaniæ partibus, congregavit Synodum magnam Episcoporum in Aquisgrani Imperiali Palatio, in quorum ipse sedens medio, Felicem, licet valde repugnantem, de Natura Filii Dei secundum carnem cum Albino doctissimo disputando rationabiliter confingere jussit. Tum quantum Episcoporum tunc exstitit silentium! O quam clara & inexpugnabilis Caroli cum auctoritate Magistri sui Fidei confessio atque defensio! Per plura autem Felix fugiens latibula, plurioribus ab Albino confossus est spiculis, in tantum, ut penè omnes civitates Israël consummaret, quousque Filius hominis veniret. Nam à secunda usque ad septimam Sabbati parum aliud gestum est. Omnibus denique ejus patefactâ socordia, atque ab universis Apostolicâ auctoritate hæresi confutata, soli sibi laus deformiter, usque dum dicta Cyrilli Martyris ab Albino sibi directâ legit lamentabiliter. Ea natura, quæ per diabolum vitata est, super Angelos exaltata est, propter triumphum Christi, atque ad dextram Patris collecta. Hanc ergo legens sententiam, tandem se recognovisse, & impiè egisse, voce, & nimio fletu testatus est.

## CAPITULARE

INTERROGATIONIS

AD EPISCOPOS

DE PRESBYTERIS (a) CRIMINOSIS.

Certum est, Carolum Magnum multum laborasse, ut quietam ac tranquillam vitam procuraret populis sibi subiectis, præcipue vero viris Ecclesiasticis, ac propterea omni studio in id incubuisse, ut vitam eorum, morésque ad optimum exemplar componeret. Dux in primis res animum ejus valde occuparunt, quid agendum foret de Presbyteris criminosis, non convictis, neque confessis, & quid Chorepiscopis liceret, quidve non liceret. Ea de causa Arnonem Archi-Episcopum Juvavensem; & alios quosdam misit ad Leonem III. Pontificem Romanum anno

DCCXCIX. aut circiter, ut ejus responsis edoctus, rei finem imponeret, quæ tum multum habebat difficultatis ac laboris. Interim Regni sui Episcopos per literas admonuit legationis à se Romam missæ, ut & ipsi serio cogitarent, quid fieri deberet, ac postea in commune consulerent coram Imperatore. Epistola ejus missa ad Episcopos non extat integra. Superest tantum ea pars, in qua agitur de Presbyteris criminosis, relata in Libro V. Capitularium Cap. XXXV. & apud Hincmarum in Epistola XLVIII. Cap. I.

## FRAGMENTUM EPISTOLÆ

IMPERATORIÆ.

ET hoc vobiscum magno studio tractandum est, quid de illis Presbyteris, unde approbatio non est, & semper negant, faciendum sit. Nam hoc sapissimè à nobis, & progenitoribus, atque antecessoribus nostris ventilatum est, sed non ad liquidum hactenus definitum. Unde ad consulendum Patrem nostrum Leonem Papam Sacerdotes nostros mit-

timus. Et quidquid ab eo, vel à suis perceperimus, vobis, unà cum illis, quos mittimus, renunciare non tardabimus. Vos interdum vicissim tractate attentius; quid ex his vobiscum constituamus unà cum prædicti Sancti Patris institutionibus; ut murmur cesset populi, & nos his satisfacientes, inlæsi, Domino auxiliante, ab utroque maneamus.

## CAPITULA DATA POST REDITUM LEGA-

TORUM à SEDE APOSTOLICA.

De Chorepiscopis; ne deinceps fiant.

I.

PLacuit, ne Chorepiscopi à quibusdam deinceps fiant; quoniam hactenus à nescientibus Sanctorum Patrum, & maxime Apostolicorum decretis, suisque quietibus ac delectationibus inhaerentes facti sunt. Idecirco & olim persæpe & nostro à Sancta Apostolica Sede tempore sunt prohibiti, & ne deinceps à quoquam, tam ordinante, quam ordinari cupiente talis præsumptio assumatur, à cunctis

nostri Regni Episcopis est in Synodo canonicè prohibitum.

Ut si Chorepiscopi aliquam consecrationem, aut confirmationem fecerint, ab Episcopis canonicè reformentur.

II. Hominum confirmatio, Ecclesiarum, Altarium, Virginum, Christmatum, Presbyterorum, Diaconorum, & Subdiaconorum consecrationes à Chorepiscopis factæ, ab Episcopis, qui Canonicè ordinati sunt, reformandæ, Canoniceque sunt peragenda, quia Chorep-

V V 3

[4] Eadem materia iterum agitabitur in Conventu anni 803. Sæculi proximi. Eckhartus putat, eam controversiam in Synodo anno 801. agitatam fuisse Aquisgrani: dein in Synodo anni 802. mense Martio ibidem celebrata, constitutionem, ex mente Leonis Papæ confectam, recitatam fuisse, quam Benedictus Levita Cap. XXXVI. Libri V. ex editione Baluzii subdidit.



episcopi hæc contingere non debuerunt, nec agere potuerunt. Non enim ea tribuere valuerunt, quæ non habuerunt. Nequaquam enim talis ordinatio, vel consecratio reiteratio esse à prudentibus, & rectè sapientibus videtur, sed irrita indubitanter fore agnoscitur. Si quis autem Chorepiscoporum aliquid ex prædictis agere tentaverit, non acta, sed imperfecta, atque irrita erunt, & ipse omni Ecclesiastico irrevocabili careat gradu.

*De Presbyteris & Ministris Ecclesiæ, ut à suis & non ab aliis Episcopis chrisma petant, vel accipiant.*

III. In singulis Episcoporum Parochiis Presbyteri, eorumque Ministri à non quibuslibet Episcopis, sed à suis propriis chrisma petant vel accipiant. Nec alio unquam tempore, juxta sacros Canones vel secundum morem Romanum, nisi in cœna Domini, sanctum chrisma conficiatur. Quibus etiam diebus Presbyteris, vel eorum Ministris Canonice dispensandum est, sed non aliis tradendum, nisi solummodo Presbyteris, vel Diaconibus, aut Subdiaconibus bene fidelibus. Indignum enim est, ut alii illud suscipiant, nisi illi qui hoc in tradendo usuri sunt.

*De Chorepiscoporum cassanda superstitione.*

IV. Similiter & hoc statutum est, ut à Chorepiscopis, qui juxta Sancto, rum decreta locum septuaginta discipulorum, id est, Presbyterorum, tenent, vel ab ipsis Presbyteris nec virginum consecratio, nec Sancti Spiritus traditio, nec Ecclesiarum, vel altarium consecratio, vel illa, quæ solis Episcopis debentur, fiant. Nam si à duobus Episcopis Episcopus non

potest consecrari, quomodo ille Episcopus erit, aut aliquid de Episcopali Ministerio, nisi quantum Presbyter, cuius locum in Ecclesia tenet, agere poterit? Omnia ergo, quæ isti præsumptiosi de Episcopali Ministerio egerunt, irrita esse comprobantur, & affectu carere, atque per omnia tam ab Apostolica sede, quam & omnium Episcoporum decreto irrita esse, & potius nocumenta, quam aliqua adjumenta sunt judicata, ac sæpius interdicta. Ideoque ne fiant sub anathematis vinculo interdicimus, atque qui ab eis sunt polluti potius, quam sanctificati, in meliorem statum Canonice, id est à tribus ordinatis Episcopis ut reformentur jubemus: quia reformatio non est iteratio, sed Ecclesiastica, & Canonica perfectio.

*De his qui à Chorepiscopo confirmati sunt.*

V. Si quis ab Episcopo & non à Chorepiscopo, qui non Episcopus, sed Vicarius Episcopi, priusquam prohibiti essent, & erant, & dicebantur, fuerit confirmatus, reiterari talis confirmatio non debet. Nam Chorepiscopi ante Apostolicam, atque Synodalem prohibitionem non ex septuaginta discipulorum, ut sacri Canones testantur, ordine erant, quos nunquam Spiritum paracletum tradidisse novimus. Sed quia olim, ut dictum est, jam dicti Chorepiscopi prohibiti sunt, ideo modò nihil sunt, nec Spiritum paracletum ullo unquam tempore tradere non potuerunt, nec modò possunt. Quapropter non apparet iteratum, quod olim Canonice non agnoscitur patratum.

*Baluz. Tom. I. Capitularium pag. 327. 330.*

## DIGRESSIO AD SÆCULUM OCTAVUM.

### §. 1. Synodi extra Germaniam celebratæ in causis Germanicæ Ecclesiæ.

**P**rima occurrit Romana, anni 717, ut Hagiographi Antwerpenses judicant, *Tomo III. Septembr. p. 269. & 289.* in notis præviis, & additis ad vitam S. Corbiniani sub Gregorio II. Papa celebrata, in secundo itinere S. Corbiniani, Romam instituto.

Verba ARIBONIS Biographi cœvi sunt hæc *Cap. IV.* " Ipse S. Corbinianus Roman

" usque pervenit, & oratione factâ, ad utramque Beatorum Apostolorum Petri & Pauli limina, ad Summi Pontificis Gregorii II. præsentiam veniens, ad ejus se stravit vestigia.

" Tunc coram eo lacrymis fufus, flebili voce deplorans, qualiter suum decretum (*soltarium vitam ducendi*) imposito honore perdidisset, & in pristina petitione persistens, ut ad cœnobium

"biura cum ire permisisset, vel in quandam cellulam cum deputasset, vel in aliqua secreta silva ad operationem ei concederet agellum.

"His auditis, tantam humilitatem ejus admiratus Papa, cōque à se dimisso, ad secreta necessaria Synodum congregavit, & in eorum Collegio talia promulgavit.

"Quibus auditis illi unā voce omnes proclamabant, eum reverti debere ex multis testimoniis Scripturarum.

"His ita dicentibus, virum Dei in medium venire iussit. Quorum verbis fide-receptā se victum considerans, ut injunctum sibi à tanto Patre officium (*Apostolica predicationis*) nullo modo deberet omittere, & à lucro vacuum redire, cum summo ibi aliquantum temporis retentus honore, benedictione acceptā, vale faciens omnibus, tristis recessit."

*Hagiographi ad diem VIII. Septemb. p. 288. ex Aribone Biographo, antè à Surio & Mabillone, recentissimè à Meichelbekio recensio ad fidem MSS.*

#### *Altera Synodus de Translatione S. Corbiniani.*

Fuit S. Corbinianus in prima Romana professione ordinatus Episcopus sub Constantino PP. Post secundam Romanam professionem anni 717, circa annum 722. (alii 724.) fixit Cathedralam Episcopalem Frisingæ. Obiit circa 730. Circa 769. annum, à morte circiter XL. Aribio Frisingensis Episcopus, & in Cathedra Successor, GENERALEM SYNODUM congregavit post triduanum jejunium, psalmodiam continuam, & Missarum celebrationes: & ex consilio omnium Coepiscoporum, & cæterorum Ecclesiasticorum virorum, & ipsius Principis Bajoariæ Tassilonis II. decreverunt, corpus S. Corbiniani ex urbe Megeni Frisingam traducendum: quod mox effectui datum cum summā solemnitate, nec sine miraculis.

*Ex Aribone Biographi loc. citat. p. 294. 295.*

#### *De Synodo secundā Romanā anni 738. & aliis hoc Sæculo.*

Anno 738. quo tertium Romam profectus est S. Bonifacius, ROMÆ indictam fuisse Synodum celebrandam à Gregorio III. colligitur ex *Ep. XXVII.* inter Serrarianas: sic enim scribit: "Nunc autem hic expectantes Sacerdotum consilium, vel Synodi consulum, adhuc ignoramus, quando hoc fieri faciat Apostolicus Pontifex: sed eo finito, Deo volente, & vita comite, ad vestram præsentiam festinabimus."

Utrum ea Synodus habita fuerit, nullus veterum prodidit; fuisse autem verosimiliter in ea agendum de statu Ecclesiarum Germaniæ, Franciæ, Bajoariæ sub Carolo Martello admodum perturbato, vexato, afflicto, restantur mullæ literæ à Papa Gregorio III. S. Bonifacio datæ, com-

mendatitiæ tum ad Principem, tum ad Episcopos Germaniæ, Rhenanæ, Franciæ, & Bajoariæ: propterea Concilii finis S. Bonifacio expectandus fuit ante reditum in Germaniam.

*Pagi ad annum hunc 738.*

*Confer Epistolas CXXVII. CXXVIII. CXXIX. CXXX: inter Bonifacianas à Serrario editas.*

COMPENDIENSI Synodo anno DCCLVII. celebratæ interfuisse à Germaniā Episcopi Chrodegangus Metensis, Fulcharius Tungrensis, Magingaudus, seu Magingaudus Würceburgensis, Siodonius Constantienfis.

*Ex privilegio dato Monasterio Görziensi docet Eckhart. Hist. T. I. p. 564.*

Anno DCCLXII. Augusti die XIII. anno XI. regnantis Pipini Regis charam dedit hic Rex pro confirmatione PRUMIENSIS Cænobii, in qua tot Episcopi præsentés subscribunt, ut Synodi speciem præ se ferat.

Ex Germanis subscribunt Fulcarius Tungrensis, Magingaudus Würceburgensis, Berthelinus Colonienfis, Bafinus Spirensis, Weomadus Treverensis, præter multos alios ex Francia eidem chartæ subscribentes.

*Eckhart. Tom. I. rerum Franciæ pag. 575.*

DCCLXV. Conventui ATTINIACENSI anni hujus valde multi Germaniæ Episcopi interfuerunt Chrodegangus Metensis, Edda Strateburgensis, Lullo Moguntinus, Baldebertus Basilienfis, Megingozus Wirzaburgensis, Folericus Tungrenfis, Theodulphus Episcopus de Monasterio Laubias, Joannes Constantienfis, Willibaldus de Monasterio Aichstadii, Madalseus Wiridunensis, Hanseus Bisontionis civitatis Episcopus.

*Labbéus ex Schedis Holstæni Romæ missis.*

DCCLXIX. Lull Moguntinus interfuit Concilio Lateranensi Romæ.

*Manfi Tomo I. Supplementi pag. 713.*

#### *§. 2. De numero Synodorum à S. Bonifacio coactarum.*

Pontifices, sub quibus vixit S. Bonifacius, & Apostolicum officium felicissimo successu per Frisiam, Bavariam, Thuringiam, Austrasiam, Franciam exercuit, tot & tam crebris literis ab anno 738. ad 753. Bonifacium, & Coepiscopos Germaniæ, Franciæ, ad Synodos, celebrandas hortati sunt, ut credas, omni anno Synodum celebratam fuisse in locis Apostolicæ Missionis.

Gregorius III. *Epist. 119. ad Episcopos Germaniæ Rhenanæ.* "In quo vobis loco Bonifacius ad celebranda Concilia convenire mandaverit, sive juxta Danubium, sive in civitate Augustæ, vel ubicunque indicaverit, pro nomine Christi parati esse inveniamini."



Et Ep. 130. " De Concilio vero, ut juxta ripam Danubii debeas celebrare nostrâ vice, præcipimus fraternitati tuæ, Apostolica auctoritate te ibidem præsentari."

Zacharias Papa Ep. 137. ad universos Episcopos, Presbyteros, Diaconos, Abbates per Gallia & Francorum Provincias constitutos.

" Ad Synodum quoque omni anno convenite, ad pertractandum de unitate Ecclesiæ; ut, siquid adversi acciderit, penitus amputetur, & Dei Ecclesia maneat inconcussa."

Iterum Ep. 138. " Tua autem Reverentia [scribit Zacharias Bonifacio] auxiliante Domino, vice nostrâ, volumus, ut omni anno apto tempore in Francorum Provincia Concilium debeas celebrare."

Demum Ep. 140. " Concilia verò aggregatis Episcopis Provincialibus, ut tibi, & ubi tibi rectum videatur, celebranda procura. " Scripserat S. Bonifacius Zachariæ, multitudinem negotiorum & Ecclesiarum se impediri, ne Conciliis adesse & præesse posset, aliisque Sacerdotes petit à Papa designari, Conciliorum celebrandum moderatores: Verum Zacharias desiderio Bonifacii restitit. " Dum Tua Sanctitas superstes existit, qui Sedis Apostolicæ, & nostram illic præsentas vicem, alium illuc dirigere necessarium non est: " Ex his iteratis mandatis Pontificum constat, quanto ardore urserint annuam Conciliorum celebrationem Pontifices, & dum Bonifacium laudant, ut Pontificiæ voluntatis executorem, ejusque Concilia approbant, utique S. Bonifacium ea Concilia celebrasse infirmant.

2dò. Quod permulta Concilia à S. Bonifacio celebrata fuerint, colligitur ex primi Millenarii moribus; causæ enim ordinariæ Synodorum, tum Romæ, tum in Provinciis cogendarum, erant hæ: Missiones Apostolicorum Virorum per orbem: Foundationes novarum Ecclesiarum; consecrationes Ecclesiarum, & Episcoporum, Diocæson institutio, divisio, hæresum orientium suppressio, extirpatio, abusus reformatio: Hæ causæ quoties occurrerint ultimis quindecim annis vitæ Bonifacianæ, patet intuenti obiter vitam Bonifacianam.

Itaque non admodum laborandum sibi credidit Cl. MANSI in figenda Chronologia annorum Leonis Augusti, Constantini Filii &c, nec in conciliandis variis diebus aut datis.

Ipsa verba clarissima, discretissima Pontificum Romanorum, Bonifacii, & Biographorum Willibaldi, aliorumque editorum ab Hagiographis, nobis viam monstrabunt ad numerum, & ordinem Synodorum sub S. Bonifacio celebratorum.

### §. 3. Referamus primò aliorum sententias.

A WILLIBALDUS Biographus coævus quin-

que Concilia ab S. Bonifacio habita scribit, & quintum quidem Sueffione.

Ad diem V. Junii §. 44. Hagiographi Antv.

B Binius Tomo III. Conciliorum quatuor enumerat:

Primum Ratisbonæ vel Augustæ ad annum 742.

Secundum Liptinis Calendis Martii anno 743.

Tertium Sueffione anno 744.

Quartum in Germania anno 745. pag. 380. Tomi III.

C Cl. Eckhartus in Historia rerum Franciæ Orientalis pag. 459. sex Synodos numerat:

Primam in Bajoaria & fortè Frisingæ anno 740.

Secundam Saltzburgi in Franconia anno 741.

Tertiam ibidem.

Quartam Liptinis anno 743.

Quintam apud Sueffiones 744.

Sextam Germanicam ex octo Episcopis Angliæ conflata circa 746. pag. 471.

D Serarius Lib. III. rerum Adoguntiacarum Notatione LIV. pag. 576. tres Synodos à S. Bonifacio habitas scribit:

Primam anno 742. XI. Kal. Majas.

Secundam anno 743. die primo Martii.

Tertiam anno 745.

E Pagius in critica Baronii ad 742. statuit

Primum sub S. Bonifacio Concilium celebratum est anno 742. N. VII. ad hunc annum.

Secundum Liptinense anno 743. deinde anno 744. Sueffionense.

F Cl. Mansi Supplementi Conciliorum Tomo I. pag. 556. 557. nonnisi quinque Concilia celebrata à S. Bonifacio censet:

Primum anno 742.

Secundum Germanicum anni 743., quod Labbé, & cæteris primum est.

Tertium Senonense anni 744. (fortè Sueffionense scribendum est.)

Quartum Liptinense anno 745.

Quintum S. Bonifacii Germanicum, quod Labbéus tertium dicit, anno 747. celebratum, collegit ex Epistola Zachariæ, quæ jubet Bonifacio, ut data Pippino responsa canonica in Concilio statim celebrando recitet.

Statuta, à D'acherio, sub Bonifacii nomine vulgata, credit esse Scriptoris alienæ à S. Bonifacio ætatis.

### §. 4. Nostra sententia.

Ego septem minimùm, distincta tempore & loco, Concilia in Bavaria, Thuringia, Austratia, Neustria, inter annos 740, & 753. celebrata fuisse ex Epistolis Pontificiis, ex Bonifacianis, ex actorum Apostolicorum naturâ, serie, & successione verosimillimum judico.

Primum anno 740. in Bajoaria loco incerto.

Mabilon. Saculo III. Benedictino pag. 20: in notis ad S. Willibaldi vitam.

Secun-

Secundum 742. anno 11. Zachariæ Papæ, in Germania loco incerto, Kal. Maji sub Carlomanno Principe.

Tertium 743. Liptinense cum abjurazione diaboli, & indiculo superstitionum, & allocutione variâ sacerdotali.

Quartum 744. Capitulare datum in Synodo, cui interfuit Bonifacius, Sedis Apostolicæ Legatus.

Annum ex conjectura addo; si quis velit illud præcedenti, vel posteriori Synodo conjungere, non repugno.

Sed quæ Majores nostri in tot codicibus MSS. discreverunt, ea temerè confundenda non judico.

Quintum anno 745. Sueffionense.

Hoc plerique censent quintum, à Willibaldo numeratum.

1<sup>mò</sup> ipse *Mabillonius Sæculi III. Benediictini* p. 20. & *vita Bonifaciana* §. 44. Tomo I. *Juni Hagiographi* pag. 468.

Sed multiplex hîc discrimen apparet: nam illud quintum Willibaldus ait, *Carlomanno consensiente factum fuisse*.

Sueffionense autem, sub Pippino Duce, ajunt omnes Synodographi.

2<sup>dò</sup> narrat Willibaldus, in eo quinto Concilio quatuor primitus principalium Synodorum numerosa Canonum constituta conservanda admonuisse Bonifacium, quæ admonitio in nullis Synodalibus Actibus sub Bonifacio legitur. *Eckhart. Hansiz.*

3<sup>tiò</sup> idem Willibaldus §. 47. *vita loc. citat.* narrat, à S. Bonifacio Lullum sub Pippino jam Rege, adeoque post annum 752. *Synodalia* constituta recuperando, consecratum fuisse Archi-Episcopum Moguntinum, sua in Cathedra Successorem, & post in Frisiam reversum S. Bonifacium Martyrium pro Christo obiisse; idem dicit Autor supplementi vitæ Bonifacianæ ex MS. codice Treverensi, *ab Hagiographis editus* pag. 475. " *Synodali ergo auctoritate, & consensu Principis Pippini, Lullum Moguntie ordinavit.*

Habemus ergò sex Synodos Bonifacianas, à Willibaldo coævo, & MS. Treverico distinctè enumeratas.

Quod autem Hagiographi conquerantur pag. 470. quartum & quintum Concilium non existere: intelligunt, credo, de actibus harum Synodorum: quanquam non disceantur, statuta Bonifaciana, à D'acherio edita, ad alterutram ex his posse referri, quod & ego feci.

Concilium Romanum, etsi Romæ celebratum sit, judicavi inter Germaniæ Concilia inferendum; non quia Synodum Bonifacianam præcisè confirmavit; sed quia ad petitionem & relationem Bonifacii pro causa Ecclesiæ Germaniæ, novis hæreticis urbatum, habitum fuit.

Aliud Concilium sub S. Bonifacio celebratum collige ex Ep. CV. ad Ludbertum scripta,

X x

cujus verba clarissima sunt, & acta diversa ab Synodorum præteritarum actis.

Siquis autem hoc Concilium cum sequenti Sto copulare voluerit, faciat meâ pace; dum modo causam reddat, cur ea, quæ in tot codicibus MSS. Europæ distincta cum suis titulis referantur, in eundem annum, locum & diem conjici, seu confundi debeant.

Sexta Synodus, in Provincia Francorum sub Carlomanno celebrata, statuitur anno 745. ex *Epist. XIX. Bonifacianâ ex Othlono & Eckhart.*

Statuta S. Bonifacii numero 36. refer ad quam Synodum, & cujus anni voles; ea non sibi, sed Clero, & Episcopis, & Monachis docendis & corrigendis scripsit, & publicavit hortatu Pontificum.

Septima Synodus ponitur circa 747. quam jussu Zachariæ Papæ coegit, ut Capitula canonica per Ardobanum missa Pippino publicaret. *Epist. 139. & 140. apud Serrarium.*

*Eckhart. rerum Francia Lib. 23. §. 92.*

Octavum Synodale Decretum sub Pippino Rege, & Bonifacio incerti temporis & loci est, attamen in Austria conditum, in quo dispensatum cum fratribus Fuldensibus. *v. pag. 20.*

Nonum vel octavum, & ultimum est Moguntinum Concilium, in quo Lullus à S. Bonifacio ordinatur Archi-Episcopus, & Successor in Cathedra. *pag. 93.*

Nullam harum Synodorum sinè idoneo autore ex coævis certis scriptis asserui.

### §. 5. Respondetur Pagio & Mansio.

Nunc respondebo Clarissimo Pagio in crisi Baronii ad annum 742. eique anno primum Concilium Bonifacii alliganti.

*Ratio prima* Non habet ante eum annum Synodi à S. Bonifacio est Pagio incomposita Ecclesiæ Germaniæ œconomia.

*Sed respondeo.* Quò majus vulnus, eò citius medicina afferenda. Ab anno 738. reversus in Germaniam, consecravit tres Episcopos in Bajoria, & quatuor Dioceses divisit, ordinavit; quatuor in Hassia, Thuringia, Franconia Episcopos consecraverat, suisque Diocesium divisos Hierarchiæ Ecclesiasticæ aptaverat: & hæc ante annum 742: Ecce restitutionem Ecclesiasticæ œconomiz in Germania: an hæc omnia tam gravia negotia sine Concilio?

*Ratio altera Pagii:* Mors Gregorii III. impedit Bonifacium à cogendis Conciliis.

*Respondeo.* Cùm ea mors non impederet Bonifacium ab octo Diocesium finibus-regundis, & coordinandis, nec eum impedit à cogendo Concilio Episcoporum & Presbyterorum. Nam præter septem novos à se consecratos Episcopos vivebant tum Epp. Augustinus, Curienfis, Constantien-



stantienſis, Baſileenſis, Spirenſis, Wormatienſis, Mogontinus, Trevirenſis, Colonienſis, Tun- grenſis; præter numerolum comitatum Bonifacii tot Anglorum Presbyterorum, inter quos & forte erant Regionarii Episcopi EOBANUS, DADANUS &c. Nihil ergo mors Gregorii interrupit Concilia celebranda, & Apostolicum curſum Bonifacianum.

*Ratio tertia Pagii.* Willibaldus aſſerit tantum quinque Concilia celebrasse S. Bonifacium.

2. Quod quinque sub Carlomanno in Auſtraſia celebraverit, aſſerit Willibaldus. Quod verò quinque tantum; quod nullum in Neuſtria, in Bajoſtia, in Suevia, Thuringia celebraverit, non dicit Willibaldus, imò contrarium dicit, ut ſupra oſtendi §. 4.

*Ratio quarta.* Bonifacius ſcripſit, in Francia ab octoginta annis nullum Concilium habi- tum fuiſſe.

Reſpondi dudum ego, aliique Critici ad hunc locum Bonifacii, per Franciam non poſſe hic intelligi Franciam univerſam, ſed Auſtraſiam, & Rhenaniam, in qua Majores Domūs, uti Regiam Dignitatem abſorbabant, ſic Eccleſias & earum præſules diripiebant, & ineptiſſimis dabant: Hinc hæc querela Bonifacii, nec ad Bajoſiam, nec ad Germaniam referri poſteſt.

*Ratio quinta.* Si Synodus ante annum 742. celebrata fuiſſet, hujus acta confirmäſſent Patres, uti Patres in Synodo Liptinenſi 743. confirmä- runt acta præcedentis Synodi habita.

*Reſpondeo.* Non omnia antecedenſia ſemper in poſterioribus Synodis repeti, vel confirmari.

Quod ſemel id factum fuerit in Liptinenſi, inde non ſequitur, Bonifacium ſemper Synodum inchoaſſe à confirmatione ſuperioris Synodi.

*Hactenus reſponſum Cmo Pagio.*

Cl. Manſi Supplementi Tomo I. pag. 551. & 556. ſtatuit primum Concilium Germanicum, à nullo vetere, aut recentiori Scriptore indicatum, in quo tres Episcopales Sedes Wurceburgenſis, Buraburgenſis, Erphesphordenſis in Germania à S. Bonifacio erectæ ſunt ad annum 742.

Secundum verò Germanicum, cui Burchardus interfuit, quod Labbéo *primum* dicitur, rejicit ad annum 743. XI. Kal. Majas, adeoque corrigi omnes codices, qui hoc Concilium ad 742. referunt.

*Ratio Clariffimi viri eſt.* Quod Burchardus non fuerit conſecratus Episcopus Wurceburgenſis, niſi paulò ante Aprilis anni 743. eò quod Zacharias Papa Bonifacio non reſponderit de confirmatione trium Episcoporum in Germania, niſi Epistolà data Kalend. Aprilis. Indiſt. XI.

Sed Reſpondet Eckhartus *rerum Francie Lib. XXIII. N. 11. pag. 389.* S. Burchardum Wurzburgi conſecratum fuiſſe Episcopum à S. Bonifacio anno 741. ex Biographà Heidenheimenſi moniali, Diem verò Zacharianæ Epistolæ N.

CXLII. quæ erat Kalend. Aprilis. Indiſt. XI. edita hoc Tomo I. pag. 47. à Pagio corrigi, & corrigendum eſſe, & loco ind. XI. ſcribendum *decimam*, loco Kalendarum Aprilis ſcribendas Kalendas Februarii.

Ejuſmodi errores circa diem datæ, & annum in Bonifacianis Epistolis occurrere, omnes Critici conſentiunt. Deinde hac ratione evincitur. Zacharias Papa mortuo Gregorio III. IV. Kal. Decembris. Indiſt. X. jam inchoatâ ſuccedit, & eligitur quartâ poſt obitum die. Bonifacius, accepto nuntio mortis & ſucceſſoris, ſtatim ad Zachariam ſcribit: & narrat jam inſtitutos à ſe tres Episcopos in Germania: ergo anno 741. exeunte, cùm hic nuntius ad Bonifacium perferretur, erant jam tres Episcopi, quos inter Burchardus conſecratus erat.

Huic Epistolæ Zacharias ſtatim reſpondet per Deneardum, miſſum S. Bonifacii, ergo ſub initium anni 742. quo Indiſt. X. adhuc currebat & Kal. Februarii vel Martii. Unde eodem anno XI. Kal. Majas poterat Burchardus & Witra, & Willibaldus, anno ſuperiore conſecrati, eſſe præſentes Synodo Germanicæ, quam pag. 48. hujus Tomi repræſentamus cum Canonibus. Non eſt igitur cauſa ſufficiens, omnes Mss. codices concordans in hoc Concilio, uti à nobis relatum eſt, corrigendi. Nec major ratio ex eo ſumi poſteſt, quod anno 743. XI. Kal. Majas incidat in *Dominicam*, quia more antiquo Dominicâ exordiri Synodos ſepè alias animadvertit Manſius.

Sed hoc ipſo, quod ſepè fiat, nulla eſt regula univerſalis: imò antiquiſſimis temporibus ſunt dies eerti fixi Conciliorum verno & autumnali tempore, quo Synodi quot annis in Africa Carthagine inchoabantur. Unde nec ex hoc capite, annus hujus Synodi mutandus venit.

2dum Germanicum vellet Manſius ad annum 747. ſtatueri vel permittere, in quo legentur Capitula Pippino miſſa ab Zacharia per Arbanum: ſed præter hæc nullum aliud Germanicum ſub Bonifacio celebratum agnoſcit ob numerum quinarium Conciliorum ſub Bonifacio à Willibaldo determinatum; cui argumento ſuprà reſpondi.

### §. 6. Concilium ſuppoſitum fictitium.

Stabilito nunc verofiſſimi numero Conciliorum ſub S. Bonifacio retractanda eſt opinio Othloni, & Eckharti: hic Lib. XXIII. *Rerum Francie Orientalis* §. CIV. pag. 485. ſtatuit, anno 748. fuiſſe habitum Concilium, cui Auſtraſiæ, & Neuſtriæ Episcopi interfuerunt, & omnes ſe Bonifacio ſubjecerunt, & de unitate fidei convenerunt.

Probat hoc ſuum Concilium, & in eo acta ex vita S. Bonifacii ab Othlono ſcripta L. II. cap. 14. ubi referunt Zachariæ Papæ Epistola, data pridie nonas Novembris, Imperante Domino

mino Augusto Constantino anno XXXII. Imperii ejus, indiſt. V.

Non ſolùm hæc data, ſed integra Epiſtola, ab Othlono Zachariæ tributa, ficticia videtur, ita, ut mirer, hanc fabulam ab Cl. Eckharto admiſſam, illique Concilium inædificatum fuiſſe.

*Prima probatio ſumitur ex ſilentio omnium ſcriptorum coævorum octavi, noni, decimi ſæculi, qui talem ſubjectionem tot Eccleſiarum ſub Moguntina, talem mutationem, & everſionem Hierarchiæ tot Germanicarum Eccleſiarum non tacuiſſent.*

*Othlonus ſæculo XI.* Primus eam & ſolus produxit contra omnes ſæculi octavi & noni ſcriptores.

2dò. Hoc ſæculo octavo Zachariæ Metropolitim Coloniam Agrippinam, mortuo Reginſredo, Bonifacio, hæcenus regionario Archiepiſcopo, confirmavit, ad petitionem Francorum anno 745, uti anno 747. Francorum mutatâ petitione Moguntiam Bonifacio confirmavit in Metropolitim ordinariam, ſeu Cathedralẽ: Neutrã erigit in Metropolitim, ſed nunc hanc; poſt illam Metropolitim confirmat Bonifacio, qui hæcenus nullam ordinariam cathedrã habuerat. Ita *D'acherû & Mabillonius*, An Pontifex intra tres hos annos nullâ prolata cauſâ ſus dẽque vertit omnia? Hodie Coloniam Metropolitim confirmat, cras Metropoliticâ dignitate exiit? Suffraganeos Coloniæ facit ſuffraganeos Moguntiæ? & quando, quis Pontifex Coloniam rursus Metropolitim Eccleſiam efficit? quando Pontifex Tungros, Trajectum denuo Coloniam ſubmiſit?

Tertium Argumentum falſitatis Ep. Othlonianæ eſt Ep. XCVII. Bonifacii ad Stephanum Papam, quâ queritur, quòd Coloniensis Episcopopus Hildegarius præendar Ultrajectinam Eccleſiam ad ſuam Metropolitim pertinere, vide eam pag. 92. hujus Tomi; uti revera Ultrajectum Metropoli Coloniæ partiit ab 753. ad 1559. adeo parum memor erat Bonifacius, quod Colonia anno 748. ſibi uti Metropolitæ ſubjecta fuiſſet ab Zacharia? Nempe Othlonianum commentum Bonifacio ignotum erat, uti & Zachariæ & stephano.

Quartò aſſerit Eckhartus, quòd omnes Episcopopi Coloniensis, Trajectensis, Tungrensis, Wormatiensis, Spirensis ſubjecerint ſe Bonifacio in aliqua Synodo: hic error inædificatus eſt Epiſtolæ Othlonianæ: Synodi illius nemo meminit, ne Othlonus quidem: Episcopopi Germaniæ, & Franciæ Bonifacium reveriti ſunt uti Legatum Apoſtolicum, non ut ſuum Archiepiſcopum: nam Trevir. Coloniensis, Remensis, Archiepiſcopi ante Bonifacii adventum fuerunt. Hi Episcopopi conſenſerunt eodem in unitate fidei: at ecce anno 751. omnia confunduntur, & ſubjiciuntur uni Moguntino, quâ Archiepiſcopo, adeoque tota Hierarchia Germaniæ & Franciæ una iſthac Synodo annihilata fuit & diſſipata.

Taceo nunc errores Chronologicos in hac Othlonianâ Epiſtola. Inprimis in data pridie

X x 2

nonas Novembris, Imperante Domino Constantino anno XXVIII. imperii ejus, indiſt. V. quæ notæ temporis conveniunt anno 751, At Cointius & Pagius rectè, judice Eckharto, ſtatuerunt, eas notas temporis Epiſtolæ huic erroneè ſuppoſitas & delendas; rectius dixiſſent, totam Epiſtolam delendam

Alter error hujus Epiſtolæ eſt, quòd hucusque Cathedralẽ ſedem minimè ſibi Bonifacius vendicaverit: at ante annum 751. jam quadriennio ſedebat in Moguntina Cathedra.

3tius error Chronologicus, quòd poſt ordinationem Bonifacius XXV. annos in prædicatione Evangelii laboraſſet: at ab anno 723. quo Romæ ordinatus fuit ad 751. non 25. ſed 29. anni effluxerunt.

*Epiſtolam Othlonianam exhibet Surius ad diem V. Junii p. 80. 81.*

Hi errores contra Chronologiam & hiſtoricos omnes coævos Bonifacio & Zachariæ Papæ, omnium Eccleſiarum Germaniæ ab Scriptore ſæculi XII. prodiiti oſtendunt, nullâ fide dignam eſſe eam Epiſtolam, & Zachariæ Pontifice indigniſſimam, & nullo temporis momento veram fuiſſe.

### §. 7. De progressibus ſcientiæ, & ſtudii Canonici apud Episcopos Germaniæ ſæcul. VIII.

Canonum Eccleſiæ Catholiæ ſcientia omnibus Episcopis neceſſaria eſt, cõque amplior, quo plures populos paſcunt, & Diœceſes patentes obtinent.

Sæculo IV. vidimus, Episcopos Germaniæ Rhenanæ, Norici, & Pannoniæ interfuſſe Conciliis Romanis, Sardiceniſi, & Gallicanis, ubi graviffimæ de fide, diſciplina controverſiæ agitatæ, & deciſæ fuerunt: iſdem Episcopis è Sardiceniſi, & Nicæno domum reverſi, exemplar Conciliorum ſecum detulerunt, & Archivum Eccleſiæ ſuæ inferuerunt.

Ex Sæculo VII. habemus Synodicam Epiſtolam Martini I. Papæ ad Servatum Tungrenſem, quâ eidem mittit volumen geſtorum in proxima Synodo, & petit ab eo, ut acta in hac Synodo Synodali conventionẽ Episcoporum conſirmentur. Ex quo exemplo collige ſollicitudinem Romanæ Eccleſiæ Pontificum in communicandis Synodalibus ſtatutis cum Episcopis Occidentalium Eccleſiarum. pag. 28

Gerhardus von Maſtricht in *Hiſtoria Juris Eccleſiaſtici*, edita Arnheimii 1678. pag. 71. cùm ad Germanos perveniſſet, & quam collectionem Canonum Eccleſiæ Germanæ ante ſæculum VIII. JCI tribuerint, inquireret, reſpondit, id determinati vix poſſe ob hiſtoricorum ſilentium & penuriam. Tum uno ſaltu tranſiit ad ſæculum IX., & allatas à Riculpho Moguntino in Germaniam Iſidori Peccatoris merces, veluti primum



mum codicem canonum, Germanis oblatum, tursim insinuat. Absit tam absurdus saltus, & enormis hiatus.

Sæculo VIII. Pontifices Romani nacti Apostolicos Germaniæ interioris Doctores, eosdem doctrinâ Canonicâ ex Archivo romanæ Ecclesiæ affatim dotârunt, veluti armis necessariis ad regendum populum Dei, ad errores, abusus, superstitiones eliminandas, ad Hierarchiam Cleri Catholici instituendam, & mores Christianis dignos formandos.

Primus, qui sæculo octavo Canones Episcopis, & Clero communicavit, fuit Gregorius II. *Epistola* ad Bonifacium Presbyterum, circa annum 726. scriptâ, *N. CXXIII. inter Bonifacianas*, quæ XII. Canones continebat. Lege eam pag. 33. Ejusdem Pontificis Capitulare, datum Martino Episcopo, & Georgio Presbytero, in Bavariam ablegatis, lege pag. 35.

Præter has duas Canonum Epitomas, in Germaniam missas, lege in vitâ Bonifacii, ab Othlono scriptâ, apud Surium die 5. Junii pag. 61. quod Papa Gregorius II. accepto Sacramento Fidei à Bonifacio jam consecrato Episcopo, vicissim eum in omnibus adjuvare, præferre, & venerari studuit.

" Nam libellum, in quo sacratissima Ecclesiasticæ institutionis judicia, Pontificalibus digesta Conventibus, habebantur, ei donavit, præcipiens, ut tam Clerus, quàm cæteri populi, suo regimini subijciendi, institutis talibus erudirentur.

*Willibaldus. Surius ex Othlono Loc. cit.*

Hic *Libellus* Bonifacio anno 723, Româ in Germaniam redeuntî datus, videtur fuisse collectio Canonum, quâ Ecclesia Romana utebatur, erâque necessaria viro Apostolico, multos Episcopos, & Episcopatus in Bajoaria, Thuringia, Franconia, & Neustria instituturo; adeoque diversus est ab Epistola Canonica, jam antea Bonifacio Presbytero scripta, & à Capitulari, dato duobus viris in Bavariam ablegatis ab eodem Pontifice.

Mabillonius in *Annalibus Benedictinis* credit, hunc libellum fuisse Epistolam Gregorii Papæ Clero & Plebi dilectissimis filiis inscriptam. Sed *Eckhartus rerum Franciæ Lib. XXI. §. XIII. pag. 342.* existimat, eum libellum fuisse potiùs *Instituta antiqua Sanctorum Patrum*, ut ipse Bonifacius in juramento suo loquitur, sive codicem Canonum Ecclesiasticorum, quo continebantur Canones Apostolorum, Conciliâque Nicænum, Ancyranum, Neocæsariense, Gangrense, Antiochenum, Laodicense, Constantinopolitanum, Ephesinum, Chalcedonense, Sardicense, Carthaginense, & Africanum: cujusmodi codex, Anglo-Saxonica exaratus manu, ipsius S. Bonifacii ætate, extat adhuc inter Libros MSS. Bibliothecæ Cathedralis Wirceburgensis vetustissimos.

*Eckhart. loc. cit.*

Juramentum à Bonifacio præstitum fuit imperanti Domino Leone Magno Imperatore, anno septimo post consulatum ejus, sed & Constantini Magni Imperatoris, ejus filio, anno quarto, *Indict. sexta.* Quæ notæ conveniunt Anno Christi 723. si pro *Indictione VI.* corrigas *VII.* Similis correctio sæpe necessaria in cæteris datis Literarum Pontificiarum inter *Serrarianas* editas.

Ab illo ergo anno communicatus fuit Germaniæ codex Canonum Ecclesiæ Romanæ; antam plenus, quàm ille, ab Hadriano oblatum Carolo Magno, pro certo affirmari non potest.

Gregorius III. Successor Gregorii II, qui S. Bonifacium Archiepiscopum creavit, non destitit, eundem informare: cujus specimen habemus in Epistola *CXXII.* quæ IX. canonica documenta continet. *Pag. 38. hujus primi Voluminis.*

Zacharias autem crebrioribus & prolixioribus literis Vitum Apostolicum informavit, institutos ab eodem Episcopatus, & Archi-Episcopatus restauratos, & Concilia habita confirmavit, enascentia dubia circa fidem & disciplinam, & ritus varios resolvit: quas leges pag. 42. & seqq.

Germania ipsa, medio sæculo octavo tot Episcopis instructa, frequentes Synodos celebravit, in iisdem Canones condidit aut novos pro necessitate abusum corrigendorum, aut veteres ex veteri codice Canonum restauravit, & observantiam eorundem induxit.

PIPPINUS & CAROLOMANNUS Principes, ipsi interesse voluerunt Conciliis, suâ auctoritate ea tueri, & Canonum executionem validâ manu adjuvare satagebant. Unde Episcopalis dignitatis vigor, & Jurisdictio Ecclesiastica, & populi Sanctitas indes augebatur & effulgebat, & Canonici juris scientia, & Canonum observantia major fuit introducta, & propagata.

Sunt enim Concilia Ecclesiastica, Sæculo VIII. creberrima, Canonum fontes, ubi conduntur, formantur & autorizantur. Verbum Dei quarimus in Scriptura Sacra. Canones in- & ex Conciliis Episcoporum. Post Nicænum primum œcumenicum, orbis Catholici consensu receptum, etiam jam quædam Provincialia Concilia præcessissent, cogitatum fuit de codice canonum Ecclesiæ colligendo.

Denique CAROLUS MAGNUS, à Deo datus Germaniæ, tum bellicâ gloriâ, tum Ecclesiarum fundandarum, dotandarum, tuendarum, in Septentrionem extendendarum cœlesti consilio, sapientia, & potestate regiâ donatus, novam, ut ita dicam, Catholicâ Ecclesiæ in Germania, novam Juri Canonico Germanico indoit faciem, Apostolicis viris, Episcopis, & Abbâtibus, cœlestis missis, & Verbum Dei prædicantibus à Solis ortu ad occasum.

Advertit sagacissimus Catholicus Rex necessitatem Ecclesiæ Germanicæ cum Petro, cui oves & agnos pascendos Christus commiserat, conjunctionem; Petro enim confirmandos fratres omnes Christum commisisse memiperat.

### §. 8. De Codice veteris Juris Canonici plenissimi, dato Carolo Magno.

**C**arolus igitur Romam profectus est ter ante Sæculum nonum, nimirum annis 774. 781. 787., magnum desiderium habens invifendi Limina Apostolorum, & honorandæ memoriæ S. Petri: ad cujus tumulum cum Papa Hadriano lubens orabat, & Deo gratias agebat, quod per suffragia Principis Apostolorum sibi victoriam indulgisset, ita loquuntur antiquissimi Scriptores Francorum.

In una ex his tribus peregrinationibus Hadrianus Papa Carolo donavit codicem veterum Canonum, non *Epiomen*, qualem Cl. Canisius *Tomo VI. antiquarum Lctionum* pag. 413. & seqq. ex codice MS. Weingartenfis Cœnobij primum evulgavit Ingolstadt anno 1604. & Binus recudit in *collectione Conciliorum* anno 1618;

Sed integram collectionem Canonum, qualem ex Dionysii exigui labore adornatam edidit Wendelstinus anno 1525. *Moguntia* ex tribus codicibus MSS. *Moguntina* Ecclesiæ, & nos cum tribus codicibus MSS. *Metropolitana* Colonienfis collatam edimus hoc primo volumine. *Pagius* ad 795. & de Marca L. I. *Concordiæ* cap. IX.

Quo anno autem ex his tribus, suprâ enumeratis, hæc donatio facta sit, parvi refert: multi eam factam credunt anno 774. in primo congressu Regis & Papæ. Sirmondus anno 787. alii ad unam ex tribus illis epochis. Certum tempus cum hæctenus a nemine indagatum fuerit, retulimus nos ad primam peregrinationem anno 774. institutam.

Sirmondus Epistolam duntaxat ab Hadriano Pontifice codici Canonum præfixam inseruit Conciliis Gallicanis. Nos ipsum hoc corpus veterum Canonum, uti FUNDAMENTUM & basin omnium Canonum posteriorum, in Ecclesiis Catholicæ Germaniæ, aliis occidentalibus, conditorum, collectioni Germaniæ Conciliorum inferendum putavimus, sic enim habet inscriptio. *Ad usum occidentalium Ecclesiarum.*

### §. 9. De Capitulis Angilramni.

**A**ngilramnus Ecclesiæ Metensis Episcopus fuit à die 25. Septembris anni 768. ad annum 791. quo obiit. Idem erat Archicapellanus Caroli Magni, ex quo officio tenebatur sequi curiam Regis, sed ex officio Episcopi residere apud Ecclesiam Metensem.

Episcopi Austrasiæ & Germaniæ, nec exemplo Caroli Magni, qui apud Pontificem, veniam Curiae regiæ sectandæ, Angilramno impetrasse dicebatur, neque Angilramni gratiâ apud Regem tertiis, accusabant cum violatorum Canonum, qui residentiam Episcopi apud Ecclesiam suam poscebant.

Angilramnus, ut querimonias Episcoporum

XX 3

Provincialium suorum faceret satis, dicitur scripsisse Capitula XXC. ex græcis, & Latinis Canonibus, & Synodis Romanis, atque decretis Præfulum ac Principum Romanorum collecta, quibus absentiam suam ab Ecclesia excusare nitebatur.

Huic collectioni, ab Antonio Augustino cum notis editæ, à Surio, Binio, Sirmondo & Labbé collectioni Conciliorum Generalium insertæ, duplex præfigitur titulus, unus hic: "Hadriani Papæ Capitula, quæ ex Græcis, & Latinis... Collecta sunt, & Angilramno Mediomaticæ urbis Episcopo, Romæ à B. Hadriano Papa tradita sunt, sub die XIII. Kal. Octobris indict. IX. quando pro sui negotii causâ agebatur, vid. pag. 249. Nempe ind. IX. post Septembrem anni 785. jam inchoata erat.

*Alter titulus est.* "Incipiunt capitula collecta ex diversis Conciliis, sive Decretis Pontificum Romanorum, ab Angilramno Metensi Episcopo tradita, Hadriano Papæ oblata: ita Codex Ms. S. Victoris Parisiis.

Hunc 2dum titulum Baluzius in præfatione ad emendationem Gratiani per Anton. Augustinum §. IV. Eckhart L. XXV. rerum Franciæ §. LXXXI. pag. 768. Calmetus *Historia civilis, & Ecclesiast. Lotharingiæ* L. XI. pag. 529. multò verosimiliorem existimant primo.

*Rationes Calmeti sunt.* 1ma: accusati est, suam causam tueri, non iudicis, apud quem accusatus causam dicere vult: erat autem Angilramnus accusatus, & Papam iudicem volebat.

2da Causa: Hadrianus Papa anno 787. vel anteriore quopiam, donaverat Carolo Regi codicem Canonum veterum Ecclesiæ Romanæ, qualem Dionysius exiguus compilaverat, à nobis recusum pag. 131. in quo nulla Epistola decretalis Pontificia ante Siricium exiit, nulla post Gregorium I.; at illusterrimus Augustinus ostendit, Canones Angilramni desumptos ex Epistolis supposititiis Anaclæti, Evaristi, Alexandri, Telesphori, Hygini, Pii, Aniceti, Eleutherii, Calisti, Fabiani, Stephani, Felicis, Euthychii, Marcellini, Eusebii, Julii; quas Isidorus Peccator, in Hispania Episcopus, fabricatus fuit, ut jam eruditi omnes farentur. Ignoravit ergo Hadrianus Papa has adulterinas merces.

Aut quâ verosimilitudinis specie quis dixerit, aut crediderit, eundem integerrimum Pontificem Hadrianum, alium codicem dedisse Carolo Regi, alium Angilramno ejusdem Regis Archicapellano?

*Ratio 3tia.* Absurdissima thesis est, quod Hadrianus Papa ignoraverit Antecessorum suorum Epistolas; qui non nisi illas, quas Dionysius exiguus collegerat, Carolo Magno donavit: quod signum est, alias nullas in Scrinio Romanæ Ecclesiæ asservatas, & notas fuisse ad eum diem.

Unum hic observo, Angilramnum jam anno 785. habuisse notitiam codicis Canonum, ab Isidoro Peccatore constati, adeoque Ricolphum, qui non



non nisi anno 787. ad Cathedram Moguntinam esse Serrario ascendit, non fuisse primum codicis Iudoriani delatorem ex Hispania in Germaniam.

Sed utrum hæc Hincmari, & de Marca, & Calmeti vera sint; non potest illius de Marca difficeri, hæc Iudoriana in tres ultimos *Librorum Capitularium Regum Francorum* inserta, & frequentissime ab Episcopis Gallicanis laudata fuisse *Decretalium Iudorianorum* verba, & auctoritatem usurpatam. *L. III. de concord. Cap. V.*

Hincmarus tamen Remensis Episcopus, contra Hincmarum nepotem, Laudunensem, his Iudorianis mercibus inniti volentem, se ruitus est, nullisque alios Canones, quam à Nicæno ad Africana Concilia, nullas Decretales Pontificias, quam ab Siricio ad Gregorium I. pro canonibus ab Ecclesia Gallicana receptis, unâ cum Hadriano Papa agnovit.

Addit de Marca, à Nicolao Papa non incongruè Gallicanis Episcopis fuisse objectum, " eos uti his Capitulis; cum ipsi sua intentioni hæc suffragari conspiciant.

Ob eandem igitur causam, nempe vetustissimi usus horum capitulorum Angilramni apud Germanicæ & Galliæ Episcopos, nos ea inferuimus huic Tomo I. absque notis Antonii Augustini, quæ ad scholas pertinent, & ad crisin, non ad corpus Canonum in Ecclesiis nostris receptorum.

### §. 10. De Synodo Lateranensi anni 774.

ET si hæc Synodus extra Germaniam celebrata sit, ejus tamen veritatem aut falsitatem nolle, interest Episcoporum Germaniæ. Agitur enim de jure Regio antiquo, quo Carolus usus fuerit in constituendis Episcopis Germaniæ & Franciæ.

Sigebertus in Chronico, edito Parisiis anno 1613. ad annum 774. narrat, Adrianum Papam collecto Romæ Concilio CLIII. Episcoporum & Abbatum, dedisse CAROLO REGI " Jus eligendi Pontificem, & ordinandi Apostolicam " sedem, dignitatem quoque Patriciatus: in " super Archiepiscopos & Episcopos per singulas " las Provincias: ab eo investituram accipientem " dam definitivisse: & , ut nisi à Rege laudetur, & investitur Episcopus; à nemine concedetur: omnesque huic decreto rebelles anathematizavit, & nisi resipiscerent, bona eorum publicari.

Hanc concessionem Gratianus Distinct. LXIII. Cap. XXII. transcripsit pro jure Imperatorio eligendi Pontificis Romani. Anastasius, & Anonymus Scriptor. historia Romanor. PP. editus à Petzio Anecdotorum Tomo I. Parte III. Et Landolphus Senior Mediolan. Sæculo XI. florens, editus à Muratorio Tom. IV. inter Scriptores Italiæ: & Bernardus Guidonis de Hadriano

no adoptarunt. De Niem. L. de investituris Episcoporum eam recoxit.

Centuriatores Magdeburgenses Tomo VIII. Goldastus constitution. Imperial. Tom. I. & nuper Pffessingerus ad Vueriarium Lib. I. Tit. IV. §. 29. pag. mihi 355. hoc Concilium Romanum pro Imperiali jure in Electiones Romæ, Pontif. recuderunt.

Sed Aubertus Miræus, cum anno 1608. Ecclesiastica vetera chronica denuo ederet Antverpiæ; edidit & hoc chronicon Sigeberti ex vetustis codicibus MSS. in quorum nullo reperit hoc Emblemata, ab aliquo schismatico posteriore Sigeberto assertum; unde liquet, genuinum Sigeberti Librum hoc Concilium non habere.

Frustra igitur Baronius, & alii Sigebertum accusant de hoc conficto Concilio, de quo omnes cœvi & superiores historici tacent.

Superfedeo nunc aliis argumentis, quibus Illmus de Marca, alique falsitatem prætexti Concilii ostendunt, docentque, acatholicos nullam ex hac fictitia Synodo causam habere, ampliandæ potestatis Regiæ in Electiones Pontificum Romanorum.

De Marca L. VIII. de concord. Cap. XII. Pagi in Critica ad annum 774.

Mansi in Supplemento Concilior. Tom. I. pag. 721.

Similis farina est pseudo-Synodus Romana anni 964. sub Leone VIII., quam refert Gratianus eadem Distinctione 63. Cap. 23. ex Ivonis Pannormia L. VIII. cap. 136.

Goldastus Tomo I. Constitution. imperial. Theodericus de Niem.

De Marca Lib. VIII. de concord. Cap. 12. id Concilium tuerunt.

Sed Franc. Pagi in Breviario Historico-Chronologico - Critico in vita Leonis VIII. Antipapa observat, de Marcam non respondere argumentis Baronii pro falsitate hujus Pseudo-Synodi, quam & annotator Baronii multis ostendit fide indignam esse.

Hæc speciatim de Conciliis hoc Sæculo celebratis ad Germaniam spectantibus.

Superest Quæstio:

### §. 11.

Quid auctoritate Principes & Reges, Pippinus, Carolomannus, Carolus Magnus intervenerint Conciliis Ecclesiasticis?

Utrum ex ea interventione consequens sit, Jus in Sacra, in definiendis dogmatibus, sibi hos Principes arrogasse?

An omnia Capitularia facta fuerint in Conciliis Episcoporum?

An

*An omnia ea approbata fuerint à Romano Pontifice?*

Ad primam Quæstionem Respondeo:

Factum ex historia certum est, quòd Principes Franci, & Germani interfuerint Conciliis, quòd ea cogi, convocari iusserint, quòd dicti fuerint iis præfedis.

Concilii Germanici anni 742, Præfatio hæc est in omnibus codicibus MSS. " Ego Carolomannus, Dux & Princeps Francorum, cum consilio Servorum Dei, & Optimatum meorum, Episcopos, qui in Regno meo sunt, cum Presbyteris, ad Concilium & Synodum pro timore Christi congregavi, id est, Bonifacium Archiepiscopum &c. pag. 43.

Sic legit Illustrissimus Baronius ad A. C. 742. N. XXI. Sic omnes Synodographi in omnibus codicibus leguntur.

Similis Frons Synodi Suevionensis anni 744.:

" Ego Pippinus, Dux & Princeps Francorum...  
" unà cum consensu Episcoporum, sive Sacerdotum, vel Servorum Dei consilio... apud Suevionis civitatem Synodum, vel Concilium congregari fecimus. Vide pag. 57.

Illustrissimus Baronius ad annum 745. N. II. ex vita S. Bonifacii apud Surium hæc excerptit:

" Cum Carlomanno jubente, & Bonifacio consulente Synodus haberetur.

Idem Illustrissimus ad annum 794. N. XI. ex Epistola Caroli Regis ad Elipandum hæc verba transcripsit:

" Ad impletionem verò hujus gaudii (*conversionis hæreticorum*) fraternâ cogente caritate, iussimus Sanctorum Patrum Synodale ex omnibus undique nostræ ditionis Ecclesiis congregare Concilium; quatenus sancta omnium unanimitas firmiter decerneret, quid credendum sit de adoptione carnis Christi.

PP. Episcopi Concilii Francofordiensis in sua Synodali sic loquuntur:

" Congregatis in unum, caritatis conventu, Præcipiente & præfidente piissimo & gloriofissimo Domino nostro Carolo Rege.

Has autem locutiones sive Regum, sive Conciliorum habere, & habere posse legitimum Catholicum sensum, dubitandum non est, quia Catholici Scriptores eas adhibuerunt, nemine arguente.

Ecce autem Papebrochius in *Propyleo ad Tom. II. Aprilis*, scripto anno 1675. *Parte I. §. 30. de Diplomatistis discernendis*, ut spurias rejicit Synodos anno 742. Ratisbonæ, & anno 744. Suevionis celebratas, eò quod his Carolomannus & Pippinus præfedis legantur. *Rationem addit*:

" Cum Carolomannus & Pippinus præfidere his Synodis, excedat sæcularem potestatem, & Principem laicum faciant conventui Ecclesiastico præfidere, eaque ordinare, quæ disciplinam & correctionem Cleri, ac Monachatus concernunt; absit, ut ea habeamus pro genuinis...

" Extant ea quidem in vulgaris Synodorum collectionibus, æquè, ac alia spuria non pauca, suisque Annalibus Baronius haud indigna censuit; sed, quòd salvâ tanti Scriptoris reverentiâ scriptum sit, severiori fuerunt examine ponderanda, nec propter eam, quam præferunt, speciem utilitatis statim recipienda.

Huic censuræ Papebrochii responderunt viri Catholici Clarissimi, *Pagius Annotator ad A.C. 744. N. IX. ad annum 776. N. VIII. ad annum 873. N. XVI. & sequentibus. De Marca L. de Concordia. VI. Cap. 25.*

*Baluz. in notis ad Capitularia Tom. II. pag. 1260.* ostendit, eam censuram justo severiorem esse, & contrariam historiis Conciliorum; tam in Francia, quàm Germaniâ celebratorum, quibus Reges interfuisse, quæ à Regibus convocata fuisset, competissimum est.

Nam primò Regia præfidentia vel convocatia, vel præfentia, nil demit juri Pontificio, imò nequidem juri Legatorum Pontificiorum, quominus Episcopis & Canonibus dogmaticis definiendis soli præfideant.

Inspiciamus acta Concilii Francofordiensis, quod toties, à Carolo Magno coactum, subejus præsidio celebratum, scribitur. Leges in libello sacrosyllabo, qui non tantum suo, sed & omnium Episcoporum nomine in Hispanias missus fuit, Sancti Spiritus afflatu, saluberrimâ definitione Concilii falsissimam Elipandi hæresin terminatam fuisse, *Reservato per omnia juris privilegio Summi Pontificis, Domini, & Patris nostri Hadriani, prima Sedis beatissimi Papa.* Quod privilegium Illustrissimus Baronius scribit, accipi posse vel de potestate Rom. Pontificis, ad condemnandas novas hæreses & hæresiarchas; vel de potestate Rom. Pontificis, Conciliorum omnium acta cognoscendi, & ap- & reprobandi.

Igitur Illustrissimus Baronius nequaquam judicavit, aut spuriam, aut irritam Francofordiensem Synodum, aut alias, simili stylo usas, dum de interventu Regum aut Principum loquuntur; ne centenas Catholicas Synodos exfussilemus.

Imò ex hac Francofordiensis, ad quam Papa duos Legatos misit, confirmatur Pontificia potestas in Concilia.

Nam primò Carolus ante Synodi indictionem Legatos ad Hadrianum Papam misit, ter quaterque exploraturos ejusdem mentem de mora ab Elipando quæstione. " Imò ad Beatissimum Apostolicæ Sedis Pontificem de hac nova inventione (*Felices & Elipandi*) nostræ devotionis ter, qua-



"quatérque direximus missos, scire cupientes, quid  
" Sancta Romana Ecclesia Apostolicis edocta tradi-  
" tionibus, de hac respondere voluisset inquisitione.

Baronius h. a. N. XI.

Post Synodum, cum sensisset Carolus, Lega-  
tos sedis Apostolicæ dissentire ab Episcopis  
Germaniæ, Legatum novum Angilbertum Abba-  
tem S. Richarii Romam misit ad Pontificem, &  
contradictiones ortas eidem exposuit.

Probat id Baronius N. XXXII. ad annum  
794. ex Epistola Caroli ad Hadrianum.

Denique literis acceptis ab Hadriano papa, dissen-  
tiente à Germanicis & Gallicanis Episcopis circa  
cultum imaginum, subiungit Carolus Magnus :  
" Apostolicæ Sedi, & antiquis ab initio nascen-  
" tis Ecclesiæ & Catholicis traditionibus torâ  
" mentis contentione, torâ cordis alacritate con-  
" jungor. *Baron. §. XXIX. ad hunc annum.*

Hæc acta ante - in - & post Synodum, quæ  
à Carolo Magno coacta fuisse toties scribitur,  
Caroli Catholicum pectus ostendunt, & subli-  
mem de summo Pontifice existimationem & ob-  
servantiam, circa Concilia inchoanda, & ap-  
probanda.

Observat autem Gretserus *Lib. II. contra  
Replicatorem Tomo VI. nova edition. pag. 378.*  
quod Carolus in Epistola ad Elipandum jam ci-  
rata, non se primo loco iudicem erroris Elipandi  
statuerit, sed in ea damnatione primas det  
Domino Apostolico, cum Sancta Romana Ec-  
clesia.

Secundum & tertium Sanctissimis Patribus  
assignat locum, id est, Episcopis Catholicis Ju-  
dicibus, tum demum quarto loco : " Meæ pro-  
" priæ, ait, unanimis cum his sanctissimis  
" prædictorum Patrum decretis, & Catholicis  
" Statutis consensum subnexui ; sicut vosmetipsi  
" in vestra Epistola, quam meo specialiter de-  
" signâstis nomine rogare curâstis &c. Non  
sunt hæc verba iudicis, vel Prædis, in defini-  
endis Ecclesiæ dogmatibus, sed modestissimi  
Principis, consentientis Ecclesiæ Prælati, & Do-  
ctoribus.

Præterea aperiamus *Librum VI. Capitularium  
N. CCCLXXXI.* " Auctoritas Ecclesiastica atque  
" canonica docet, non debere absque sententia  
" Romani Pontificis Concilia celebrare.

*Baluz. Tomo I. pag. 994.*

Explicat subinde Gretserus *Loco cit. Cap. III.  
& IV.*, quo sensu Catholico Carolus Magnus di-  
catur, & dici queat, *Synodos convocasse, &  
Synodus præfuisse.*

Alterum argumentum, quo Pagius ad an-  
num 776. N. VIII. & seqq. probat, Reges, etsi  
dicantur convocasse Synodos, nullam inde sibi  
spiritualem arrogasse potestatem ; sed eam om-  
nem Petro, & Episcopis datam, agnovisse, ex  
modo, quo Synodi celebrabantur à Principibus,

Episcopis, Abbatibus, Comitibus, ævo Caroli-  
no sub 2dâ Regum stirpe.

Primo ordinariè quovis anno duplex con-  
ventus erat *Generalis*, ut loquuntur *Annales  
Francorum*, etsi non semper eodem, nec æque  
fæto tempore.

In his conventibus Rex proponebat Capi-  
tula, de quibus deliberandum. Verum quia ex  
his causis aliæ Ecclesiasticæ, sæculares aliæ ; Op-  
timates vel Proceres in duas aut tres classes sece-  
debant. Episcopi dogmata & disciplinam Cleri  
inspiciebant, quo loco essent : an integra, ac sa-  
na omnia, & Canonibus priscis conformia. Ab-  
bares, & Monachi regulam S. Benedicti inspi-  
ciebant, & revolvebant. Duces, & Comites Lai-  
corum belli, & pacis causas agitabant. Factâ  
maturâ discussione, singuli in - & pro suo foro  
referebant coram Rege ; cuius accedente consen-  
su robur executioni, & iuratio Ecclesiæ Canoni-  
bus accedebat. Discimus hoc ex titulo Capitularis  
anni 779. " Congregatis in unum Synodali  
" Concilio Episcopis, Abbatibus, virisque il-  
" lustribus, Comitibus unâ cum piissimo Do-  
" mino nostro, secundum Dei voluntatem, pro  
" causis opportunis consenserunt. *vid. pag. 239.*

Idem renovat ad annum 813. à N. XIV. Nihil  
ergo præsentia Regia auctoritati Papali, vel  
Episcopali circa dogmata & leges Ecclesiasticas  
condendas, restauandas detraxit ; imò eis-  
dem vim, & robur in tuitione, executione op-  
portunissimè commodavit.

*Alterâ quæstio præcipua est, an & quam vim  
habeant Capitularia sub Pippino, Carolo Mag-  
no, & sequentibus secundæ stirpis Regibus,  
edita à medio sæculo octavo ad sæculum deci-  
mum ?*

Ea sunt tum politica pro Imperio, tum  
sacra pro Ecclesia, & Ecclesiasticis.

Politica Capitula plenam vim, Laicos obli-  
gandi, habere, ut à legitimis Regibus, &  
Principibus lata pro salute Imperii, nemo est,  
qui dubitet.

At, utrum sacra Capitula, pro Ecclesia  
& Ecclesiasticis lata, eandem vim obligandi Epi-  
scopos & Clericos habeant ? quaeritur.

Clarissimus Baluzius in *Præfatione ad Capi-  
tularia Tomo I. §. VII. & seqq.* magno molimine  
horum Capitularium in Clericos & Laicos obli-  
gandos potestatem tuetur & propugnat. Verum  
quaestioni solutio inde pender, quâ auctorita-  
te ea Capitularia prodierint.

Sulpicio iusta celeberrimi & doctissimi viri  
Antonii Augustini, Tarracensis Archi-Episco-  
pi, est, CAPITULARIUM FONTEM ESSE  
IPSA CONCILIA ATQUE CONVENTUS,  
in quibus Imperator cum Episcopis & aliis Con-  
siliariis de rebus tam Ecclesiasticis, quam profa-  
nis agebat. *L. posteriore de emendatione Gra-  
tiani Dialogo X. mihi pag. 447. Baluzius in Præ-  
far. §. IX.*

Unde

Unde patet auctoritas Capitularium : uti enim Canones Ecclesiastici vim obligandi derivant à Conciliis Episcoporum, à quibus conditi fuere: V. g. *Nicani* à Concilio Nicæno, *Ancyran* à Concilio Ancyrano : sic & Capitularia Regum Francorum Ecclesiastica, cum permulta fuerint edita in Conciliis Liptinenſi, Sueſſionenſi, Wormatiensī, Ingelheimenſi, Aquisgranenſi, vim in Clerum & Ecclesiasticos ab his sacris coetibus Episcoporum, à Spiritu S. constitutorum ad regendam Ecclesiam Dei, mutantur.

Idem observat van Espen *Traſſatus historiæ Canonici in omnes Canones Parte IV. Cap. II. pag. milt 746.*

*Exceptio tamen hic intercurrit :* Non enim omnia Capitula Francorum, nec semper in Synodis publicis fiebant; sed sæpe in privatis virorum Ecclesiasticorum coetibus, qui fortè tum in comitatu Regis erant, edebantur.

*Exceptio 2da.* Multa Capitularia deprompta sunt à codice Canonum veteris Ecclesiæ, qualis Carolo Magno ab Hadriano donatus fuit: igitur vim suam à fontibus veterum Synodorum mutantur.

*Exceptio 3tia.* Multa ex Decretalibus Romanorum Pontificum Siricii, Innocentii, Cælestini, Gregorii sumpta sunt, unde & ab his auctoritatem habent.

Quædam etiam ex Supposititiis Isidori Decretalibus, aut Pseudo-Synodis, ab eodem congestis: quæ consuetudine & acceptatione Ecclesiasticarum Germanicarum non leve robur acquisiverunt.

Unde patet, variam esse Capitularium auctoritatem pro diversitate fontium, è quibus desumpta sunt.

Hoc universum verum est: magnam eorum auctoritatem in Ecclesia Dei fuisse, & Concilia posteriora Sæculo VIII. & IX, sæpe ad anteriora Capita confugisse: Imò Canonum collectores, Reginonem, Burchardum, Ivonem, Gratianum, iis liberaliter usos, postquam ab Anſegio Abbate anno 827. & Benedicto Levita Moguntino anno 845. in septem Libros utcumque congesti, & compilati fuere.

Nihil gravius pro Capitularium commendatione dici potest, quàm quod Leo IV. PP. Lothario Augusto circa annum 847. scripsit:

De Capitulis, vel Præceptis Imperialibus vestris, vestrorum Pontificum, Prædecessorum, irrefragabiliter custodiendis & conservandis, quantum volumus & valemus, Christo propitio, & nunc, & in ævum nos conservaturos, modis omnibus profitemur. Et si fortasse quilibet aliter vobis dixerit, vel dicturus fuerit, sciatis, eum pro certo mendacem.

*Ivo Pannormia Lib. II. Cap. 149.*

*Gratianus Dist. X. Cap. IX.*

## §. 12. De dissidio PP. Concilii Francofurtensis anni 794. à Patribus Concilii Secundi Nicæni anni 787.

**S**YNODUS Nationalis Francofurtensis Canone II. inter LVI. sic statuit: "Allata est in medium quæstio de nova Græcorum Synodo, quam de adorandis imaginibus Constantinopoli fecerunt, in qua scriptum habebatur, ut, qui Imaginibus Sanctorum, ita, ut Deificæ Trinitati servitium, aut adorationem non impenderent, anathema judicaretur. Qui supra Sanctissimi Patres nostri omnimodis adorationem, & servitium renuentes contempserunt, atque consentientes damnaverunt.

In hoc Canone error facti evidens est, undecunque ille natus sit, & quidem duplex: *primus* circa dogma: Nam Patres Concilii Nicæni secundi id non scripserunt, sed contrarium omnino, nempe latrari soli Deo reservârunt; Imaginibus autem cultum honorarium, latrari inferiorem.

*Secundò.* Nicææ est habita septima Synodus, non Constantinopoli: hic enim sola ultima actio celebrata fuit, & confirmata fidei definitio, cui subscripserunt Imperatores.

Nullum igitur in fide divortium fuit inter Patres Francofurtenses & Nicæni secundi.

*Fuit tamen dissidium circa Imagines.*

Et primò quidem Episcopi Germaniæ, Franciæ, Italiæ, negabant Imagines confringendas, lacerandas, & damnabant *εἰκονολατρίαν*, & in his consensiebant septimæ Synodo Orientales cum Occidentalibus.

2dò. Eas Imagines asserendas ad imprimenda memoriæ humanæ Myteria Christi Domini, B. V., & Sanctorum. Utrumque colligitur ex Epistolis S. Gregorii Papæ. Una est *CV. Epistola Libri IX. Registri Epistolarum indict. II.* Altera est *XIII. Epistola Libri XI. Registri Epistolarum* edition. novæ S. Gregorii Magni Tomo II. pag. 1006. & pag. 1099.

Utrumque scribit Gregorius Papa Sereno Massiliensi Episcopo, eumque docet sequentia: "Perlarum liquidem ad nos fuerat, quòd inconsiderato zelo succensus, Sanctorum Imagines sub hac quasi excusatione, ne adorari debuissent, confringeris.

"Et quidem, quia eas adorari vetuisses, omninò laudavimus, fecisse verò reprehendimus. Dic frater! à quo factum Sacerdote aliquando auditum est, quod fecisti? Si non aliud, vel illud te non debuit revocare, ut, despectis aliis fratribus, solum te Sanctum, & esse crederes sapientem? Aliud est enim picturam adorare, aliud per picturæ historiam, quid sit adorandum, addiscere.

"Nam



" Nam quod legentibus scriptura , hoc  
" idioris præstat pictura cernentibus : quia in  
" ipsa etiam ignorantes vident , quid sequi debe-  
" ant. In ipsa legunt , qui literas nesciunt.  
" Unde & præcipue gentibus pro lectione pi-  
" ctura est.

Hæc Sententia Gregorii Magni prius in-  
ferat Episcopis Germaniæ.

Iconoclastas damnabant & abominabantur ,  
imagines servabant , & servabant in Eccle-  
siis , & exponebant palam , sed cultum eis  
nullum deferendum putabant. In quo ipso  
redarguuntur à Romanis.

Nam , cum Germani , & Gallicani populi , &  
Clerici , crucem Christi colerent , impense saluta-  
rent , caput illi inclinarent , deoscularentur , pro-  
cumbendo ad illam , mente semper ad Christum  
directa : cum Librum Evangelii honorarent ,  
cum Reliquias Sanctorum congruo cultu vene-  
rarentur ; non videbantur posse denegare  
imaginibus Christi & Sanctorum cultum relati-  
vum ad prototypa ; Deinde XII. Episcopi Fran-  
ciæ interfuerunt Concilio Romano , sub Stephano  
Papa III. celebrato anni 769. in quo sacrarum  
imaginum cultus rursus probatus fuit , ut Ba-  
ronius probat in vita Stephani III. & adnotator  
Baronii ad annum 769. & Fleury *Hist. Eccle-  
siastica* L. XLIV. In qua denegatione cultus  
imaginibus tribuendi , alii extremâ , alii mediâ via  
incedebant.

Auctor Carolinus , & Scriptor libelli , no-  
mine Synodi Parisiensis editi , & Agobardus ( si  
ab hoc Scriptore diversus est ) ferventiùs causam  
inventur , & imaginum cultores pœne idololatriæ ,  
cerè superstitionis æquant. Paulò moderatior est  
Jonas Ep. Aurelianensis. At Walafrius Strabus ,  
& Dungalus , non longè à sententia Nicænæ Sy-  
nodi recedunt.

Observatio altera est , quòd Hadrianus Pa-  
pa , & cæteri Italiæ Episcopi , licet scirent , à se  
dissentire Carolum , & Patres Francofurtenses cir-  
ca cultum licitum imaginum , nihilominus eos  
propterea nec reprehenderunt , nec se ab eis se-  
junxerunt , nec ullum iis errorem exprobrarunt.  
Cujus causa Theologis nota est.

Imagines Christi ac Sanctorum habere , non  
habere : colere cultu honoratio , aut nullo cultu  
afficere , res est de se adiaphora , nihil ad fidem  
pertinens : adeoque variis temporibus varia circa  
hæc variarum Ecclesiarum disciplina fuit , salvâ  
fidei unitate. At imaginem Christi ac Sancto-  
rum calcare , dilacerare , non minùs iniqua & in-  
juria humani generis iudicio habentur , ac si Pa-  
tris aut Regis imaginem , quis filius , aut subditus  
conspuat , calcet , dilaceret.

Huic doctrinæ Theologicæ consonat ulti-  
mum Capitulum *Libri Carolini* , etsi aliàs vehe-  
mentissimo stylo exarati ; quod citavit Papa HA-  
DRIANUS in scripto de imaginibus ad Carolum  
Regem Francorum.

Ultimum Capitulum : Ut sciat Dominus Apo-  
stolicus , & Pater noster , & cuncta simul Roma-  
norum Ecclesia , ut , secundum quod continetur  
in Epistola Beatissimi Gregorii , quam ad Sere-  
num Massiliensem Episcopum direxit , permitti-  
mus imagines Sanctorum , quicumque eas formare  
voluerint , tam in Ecclesia , quàmque extra Eccle-  
siam , propter amorem Dei & Sanctorum ejus.  
Adorare verò eas nequaquam cogimus , qui no-  
luerint. Frangere , vel destruere eas , etiam si  
quis voluerit , non permittimus. Et quia sensum  
Sanctissimi Gregorii sequi in hac Epistola univer-  
salem Catholicam Ecclesiam Deo placitam , indu-  
bitanter libere profitemur.

His verbis excerptis è libro Carolino sub-  
jungit Pontifex : Hoc sanctum & venerandum  
Capitulum multum distat à totis supradictis Ca-  
pitulis. Et idcirco eum agnovimus VESTRÆ à  
Deo servatæ , orthodoxæque regalis excellentiæ  
esse proprium , in eo , ubi rectæ fidei plena pe-  
nitus confessio est , sensum Sanctissimum Gregorii  
sequi.

*Binius. Ex quo*

*Harduin. Tomo IV. Concil. p. 817.*

Quasi scripsisset Papa Hadrianus , Carolo ;  
cætera libelli Carolini indigna sunt , quibus no-  
men Caroli Regis prætexatur ; at hæc ultima ver-  
ba , ex S. Gregorio sumpta , digna sunt fide Caroli  
Regis , & Catholicorum Episcoporum Germaniæ  
& Galliæ , & consonant fidei Romanæ Ecclesiæ ,  
& Italiæ , & Hispaniæ , & Orientalium Episco-  
porum in septima Synodo Nicæna congregato-  
rum.

*Observatio tertia.* Germaniæ & Galliæ An-  
tistites paulatim induerunt mores Ecclesiæ Roma-  
næ , & Orientalis , quia imaginibus cultum rela-  
tivum infra Latiam tribuerunt.

Vide hæc de lite plenam & eruditam differ-  
tationem *Mabilonii in præfatione ad primam  
partem Sæculi quarti Benedictini* , quem sequitur  
& Pagi Crites ad A. C. 825.

### §. 13. De numero Synodorum con- tra Felicis Urgellitani hæresin coactorum.

**C**ERTÆ ex historicis cœvis , & Theologis Scri-  
ptoribus Sæculi VIII. sunt hæ Synodi , contra  
Felicem , Urgellitanum Episcopum , qui Christum  
secundum humanam naturam adoptivum Dei Fi-  
lium , & nuncupativum Deum asserere ausus fue-  
rat , coactæ :

1<sup>ma</sup> Ratisbonæ anno 792.

Omnes Annalistæ Francorum & Alcuinus L.  
adversus Elipandum , Toletanum Archi-  
Episcopum.

2<sup>a</sup> Romana , sub Hadriano anno eodem 792.  
Iidem Autores Annalistæ apud Pagium ad  
h. annum.

Synodica Hadriani ex hac Synodo Romana  
ad Episcopos Hispaniæ , ad Carolum , ad  
Episcopos Galliæ.

3<sup>ta</sup> Francofordiensis anni 794.

4<sup>ta</sup> Romana anni 799. hæcenus obscura,

Ex Schedis Pithoeanis à Sirmondo eruta,  
& ab Harduino recusa Tomo IV. Conc.  
p. 927. Pagius ad h. annum N. IX.

5<sup>ta</sup> Synodus Urgellitana adversus Felicem anno 799. Præside Laidrado, Archiepiscopo Lugdunensi, & Neftidio Narbonensi, & Benedicto Abbate S. Cornelii ad Indam, & Anianensi, aliisque Episcopis & Abbatibus.

Constat ex IV. Libris Alcuini contra Elipandum scriptis post hanc Synodum.

Pagi Adnotator ad annum 799. N. XI. XII. XIII.

Mabilon. in vita Benedicti Anianensis.

6<sup>ta</sup> Synodus Aquisgranensis excurrente anno 799. celebrata, ad quam Felix veniens, & ab Alcuino hæreseos convictus, edidit ultro-neam Fidei Catholicæ Professionem, quæ extat inter opera Alcuini, & ab Harduino recusa est Tomo IV. Concilior. pag. 929.

Præter has sex Synodos, in causa Felicis celebratas, duæ aliæ jactantur:

Primam edidit Baluzius in suis ad Illmum de Marca adnotatis ad *Concordia Libri VI. Cap. XXV.* "Nempe Narbonense Concilium anno 788. Indiç. XII. V. Kal. Julii, Caroli Regis anno XXIII. celebratum, pro Felicis Urgellitanæ Sedis Episcopi pestifero dogmate, monente

"per suæ auctoritatis literas Domino Apostolico Hadriano, ac Domino Imperatore per Missum suum, nomine Desiderium. "Quam Synodum proluxa apologia conatur tueri Baluzius. Sed Pagius, Crites Baronii, ad hunc annum 788. multis argumentis demonstrat, eam falsitatis suspectam esse, quæ lege, si voles: maximè quodd ejus *acta & data* contradicant omnibus cævis scriptoribus de initio, progressu, & fine Felicianæ hæreseos.

Alterum Concilium Romanum anno 794. contra Felicem; asseritur à Mansi Tomo I. Supplementi pag. 731. ex *Annalibus Moissiacensibus & Autore veterum Annalium Francorum.*

Verùm, quàm clara est assertio Annalistarum Franci de Concilio Romæ congregato post universale Concilium Francofordiense: tam clara, imò longè clariora sunt verba Caroli Regis, quibus asserit, se mittere Elipando Toletano Feliciani erroris pertinacissimo defensori, quid Dominus Apostolicus cum Sancta Romana Ecclesia, & Episcopis Italiæ sentiant de Felicianæ hæresi: add Synodicam Epistolam Patrum Francofordiensium. Cum autem major & certior sit auctoritas Caroli Regis, quàm cujusvis obscuri Annalistarum, qui non sunt semper accurati in rebus referendis ad eum annum, quo contigerunt; Hinc retinuimus ordinem loci & temporis, quem Hadriani Epistola occupavit, ante Francofordiense Concilium. Nec judicamus multiplicanda Concilia sine sufficienti & idoneo testimonio.

## SÆCULUM NONUM.

### EDICTUM DOMINICUM.

De honore & adjutorio, Episcopis præstando à Comitibus & aliis Judicibus, datum circa annum Christi DCCC.

Carolus, gratiâ Dei Rex Francorum, & Longobardorum, ac Patricius Romanorum, dilectis Comitibus, Judicibus & vassis nostris, Vicariis, Centenariis, vel omnibus missis nostris, & agentibus. Cognoscat utilitas vestra, quia resonuit in auribus nostris quorundam præsumptio non modica, quod non ita obtemperetis Pontificibus nostris, seu Sacerdotibus, quemadmodum Canonum & legum continet autoritas: ita ut Presbyteros, nescio, quâ temeritate, præsentari Episcopis denegatis, insuper & aliorum Clericos usurpare non pertimescatis, & absque consensu Episcopi in vestras Ec-

clesias mittere audeatis. Nec non & in vestris Ministeriis Pontifices nostros talem potestatem habere non permittatis, qualem reſtitudo Ecclesiastica docet. Insuper nonas & decimas, vel census improbâ cupiditate de Ecclesiis, unde ipsa beneficia sunt, abstrahere nitimini, & precarias de ipsis rebus, sicut à nobis dudum in nostro Capitulare institutum est, accipere negligitis, & ipsam sanctam Dei Ecclesiam unâ cum ipsis Episcopis, vel Abbatibus emendare juxta vires vestras denegatis. Quapropter nos unâ cum consensu Episcoporum nostrorum, Abbatum, nec non & aliorum Sacerdotum hæc



hæc instituta partibus vestris direximus. Præcipientes enim jubemus, ut nullus quilibet ex fidelibus nostris, à minimo usque ad maximum, in his, quæ ad Deum pertinent Episcopo suo inobediens parere audeat de supradictis Capitulis seu aliis eruditionibus, ad illorum ministerium pertinentibus; sed cum bona voluntate & omni mansuetudine subjectionis, unusquisque Sacerdoti suo, propter Deum & pacis studium, obtemperare studeat. Si quis autem, quod absit, unus ex vobis, ullus de nonis & decimis, censibusque

reddendis, atque precariis renovandis negligens apparuerit, & importunus Episcopis nostris de his, quæ ad ministerium illorum pertinere noscuntur, vel sicut in Capitulare, dudum à nobis facto, continetur, contradicere præsumpserit; sciat se procul dubio, nisi se citò correxerit, in conspectu nostro exinde dicere rationem. Et ut has literas certius credatis, de annulo nostro subter eas decrevimus roborare.

Baluz. Tomo I. Capitularium pag. 329.  
332.

## CONCILIIUM MOGUNTINUM

CAROLUS Rex congregavit Optimates suos, & Synodum habuit apud Moguntiam Episcoporum, vel Abbatum.

*Martene Collectio vet. Monumentor. Tomo V.*

Mense Augusto inchoante, Moguntiacum veniens, generalem Conventum ibidem habuit.

*Eginhardus in Chronico.*

*Annal. Francor. à Newenarvio editi ad h. a. & à Reubero, & à Pitheco, Annal. Metens. Ex his Mansi Supplementi Tomo I. pag. 742. Concilium hoc anno Moguntiaë constitutum fuisse colligit.*

## CAPITULUM DE HONORANDA SEDE APOSTOLICA.

ANNO CHRISTI DCCCL.

IN memoriam Beati Petri Apostoli, honoremus Sanctam Romanam, & Apostolicam Sedem; ut, quæ nobis Sacerdotalis mater est dignitatis, esse debeat Magistra Ecclesiasticæ rationis. Quare servanda est cum mansuetudine humilitas; ut licet vix ferendum ab illa Sancta Sede imponatur jugum, feramus, & piâ devotione toleremus. Si verò, quod non decet, quilibet, sive sit Presbyter, sive Diaconus, aliquam perturbationem machinando, & nostro Ministerio insidiando, redarguatur, falsam ab Apostolica sede detulisse Epistolam, vel aliud quid, quod inde non convenerit, salvâ fide, & integra circa Apostolicum, humilitate penes Episcopum sit potestas,

utrum eum in carcerem, aut in aliam detradat custodiam, usquequo per Epistolam, aut per idoneos suæ partis legatos, Apostolicam interpellet sublimitatem, ut potissimum suâ sanctâ legatione dignetur decernere, quid de talibus justo ordine lex Romana statuât definire; ut & is corrigatur, & cæteris modus imponatur.

*Confer Concilium Triburiense C. 30.*

*Burchardum L. I. C. 220.*

*Ivonem. Part. 5. C. 50.*

*Gratianum Distinct. XIX. C. 3.*

*Baluz. Tomo I. Capitularium p. 357.*

*Grombach in Metropoli Colon. MS. ad annum DCCCL. refert.*

CARO-

# CAROLI MAGNI

## EDICTUM.

*Quo jejunium pro necessitatibus publicis, maximè pro fame, peste & bello indicitur.*

*Ex MS. Andaginenfis Monasterii S. Huberti.*

**I**N nomine Patris, & Filii, & Spiritus Sancti. Carolus Serenissimus Augustus à Deo coronatus, Ghaerbaldo Episcopo, cum universis tibi omnipotente Deo, & nostrâ ordinatione commissis, in Domino salutem.

Notum sit dilectioni vestræ, quia nos cum fidelibus nostris tam Spiritualibus, quam sæcularibus tractantes, cum consensu, & pari consilio invenimus necessarium, & propter instantes quasdam necessitates, quas subter significaturi sumus, tria tridua jejunia ab omnibus nobis generaliter esse celebranda, atque ab eo, in quo vivimus, movemur, & sumus, auxilium esse quaerendum, à quo quicquid iuste ac rationabiliter fides vestra, spes certa, seu charitas perfecta postulat, sine dubio tempore congruo impetrat: ipso Domino dicente: *Petite & dabitur vobis, querite & invenietis, pulsate & aperietur vobis.* Ipsa autem jejunia, sicut nobis omnibus visum est, hac discretione posse fieri, Domino largiente, congruenter impleta, scilicet ut primum XI. diebus post festivitatem S. Andreae transactis, id est III. idus & idus Decembris. Et XVIII. Calendas Januarii tali ratione fiat, ut omnes à vino, & carne his III. diebus abstineant, & usque horam nonam jejunent, excepto quæ aut ætas aut infirmitas non permittit, qui tamen secundum suam qualitatem, vel vitæ suæ professionem aut (a) rationibus satis, aut Eleëmofynis congruis id ipsum secundum consilium Magistrorum redemere studeat, quod jejunando & abstinendo complere non valet. Horâ autem nonâ omnes generaliter ad Ecclesias vicinas, ubi eis denuntiatur, devota mente occurrant, & si hora, vel locus permiserit, aliquo spatio loco Letania procedant, atque psallendo Ecclesiam intrantes, cum omni devotione missam audiant. Quâ subacta, unusquisque domum redeat, & statutis ci-

his corpori satisfaciatur, non ad voluntatem, sed ad necessitatem ac sobrietatem. Similiter quoque monemus unumquemque, ut Eleëmofynam faciant, secundum quod commodum substantiæ suæ permiserit, & mentis devotio Domino inspirante suaserit; & unusquisque presbyterorum missam cantet, & alterius ordinis Clericus vel monachus, sive deo sacrata, qui psalmos didicit, L. Psalmum similiter cantet. Opera autem ea his diebus operare permitimus, quæ nec ad Ecclesiam venire impediunt, nec ante statutam horam manducare, aut bibere cogant. Duo quoque cætera tridua jejunia his diebus pari ratione per omnia erant celebranda, unum post Theophaniam VII. Idus, & IV. Idus, & II. Idus Januarii. Aliud verò post septuagesimam, II. Idus Februarii, & XV. Calendas Martii, & IV. Calendas Martii. Necessitates verò, quas supra nos dicturos esse promissimus, inter cæteras, quas tamen hac vice commemorare necessarius diximus, hæc sunt. Denique compertum habemus per fideles nostros, qui nobis de singulis regni nostri partibus hæc nuntiaverunt, quod insolito more, & ultra consuetum, ubique terræ sterilitas esse, & famis periculum imminere videtur. Aëris etiam intemperies frugibus valde contraria; pestilentia quoque per loca, & pagorum gentium circa marcas nostras sedentia bella continua. Multa præterea, quæ, & nunc enumerare longum est, & nobis experimentum possunt esse notissima, si recordare volumus, qualia incommoda singulis diebus propter merita nostra sentiamus, certissimèque ab his exterioribus colligere possumus, nos per omnia Domino non placere interiùs, qui tanta mala compellimur tolerare exterioribus. Quamobrem bonum nobis omnino videtur, ut unusquisque nostrum cor suum humiliare in veritate studeat, & in quo-

Y y 3

(a) Forè: orationibus.



quocunque loco, sive actu, sive cogitatu se Deum offendisse deprehenderit, poenitendo tergat, flendo doleat, & seipsum, in quantum ipso largiente potest, ab his malis in futurum cavendo custodiat: & hæc debet esse præmissæ orationis intentio, ut omnipotens Deus, qui non solum facta, verum etiam antequam fiant, omnia novit, corda nostra compungat, & nos sibi supplices atque subiectos in vera humilitate faciat, & unumquemque nostrum, ab observantia mandatorum suorum depulso à nobis omni errore, convertat, misereaturque, sive à nobis mala repellendo, sive bonis quibus indigni sumus, tribuendo, sicut ipse novit nos indigere, & tribuat, ut in membris suis, id est, in corpore sanctæ Ecclesiæ numerari mereamur, quam pa-

cificare, adunare, & regere, atque ab omni malo protegere dignetur, nobis etiam in illa unitate comprehensis, qui ut gratiam illius promereri possimus, hæc jejunia, atque has orationes, ab omnibus vobis generaliter fieri decrevimus. Hanc quoque Epistolam relegentes secundum tibi à Deo datam sapientiam coram omnibus diligenter relege, & tradere facias: ita ut omnes intelligant, pro qua necessitate hæc agenda sunt, & unusquisque vestrum per singulas Ecclesias Baptismales dirigite, & bonos interpretes mittite, qui omnia tradant, sicut superius diximus: nam & per singula Monasteria infra Parochia tua ita facias.

*Mansi T.I. Supplement. p. 768.*

---

EPISTOLA  
CAROLI MAGNI  
IMPERATORIS  
AD GARIBALDUM LEODIENSEM  
EPISCOPUM.

*De curâ, quam instruendis populis præcipue ante Baptismum adhibere debent Pastores.*

**I**N nomine Patris, & Filii, & Spiritus Sancti. Carolus Serenissimus Augustus à Deo coronatus, magnus, pacificus, Imperator, gubernans imperium, qui & per misericordiam Dei Rex Francorum & Longobardorum, Garibaldo Episcopo in Domino salutem.

Bene igitur recordari credimus Sanctitati tuæ, qualiter sæpius in conventu, & *Concilio nostro* monuimus de prædicatione in Sancta Dei Ecclesia unusquisque vestrum secundum Sanctorum Canonum auctoritatem, & prædicare & docere deberet. Primum omnium de fide Catholica; ut qui amplius capere non valuisset, tantummodo orationem Dominicam, & Symbolum fidei Catholicæ, sicut Apostoli docuerunt, tenere & memoriter recitare potuisset, & ut nullus de sacro fonte baptismatis aliquem suscipere præsumeret, antequam in vestra, aut ministrorum vestrorum sacri or-

dis præsentia orationem Dominicam, & symbolum recitaret, & sicut in proximo comperimus, in die apparitionis Domini multi fuerunt apud nos inventi, qui volebant suscipere infantes de sacro fonte baptismatis, quos iussimus singulariter, & diligenter examinare & requirere, si orationem Dominicam, & symbolum, ut supra diximus, scirent & memoriter tenerent; & plures, qui nulla exinde in memoriam habeant: quibus præcepimus abstinere, ut antequam orationem, & symbolum scirent, & recitare potuissent, neque aliquem de sacro fonte baptismatis suscipere præsumerent. Et valde erubescences fuerunt ex hac re, & spondere volebant, ut si concessum eis fuisset, ad tempus hoc improprium à se potuissent auferre. In quo loco intelleximus, quod non eis fuit convenientia, & sicut in Capitulari nostro potestis reperire, discretionem factam

factam habuimus, quanto tempore se unusquisque abstinere debuisset ab hoc opere, usque dum bonus fidei iussor esse valeret in hoc negotio, scilicet aut certe statim alium inveniret scientem, aut si infirmitas non impediret, expectaret de Pascha usque in Pentecosten, donec ipse disceret ea, quæ supra dicta sunt. Nunc autem denuo monemus, ut memores sitis, si cut concedet de ministerio Sacerdotali, &

conventum habeatis cum vestris Sacerdotibus, & diligenter omnem rei veritatem requirite, & examinate: ita ut opus Domini non prætereatur, nec aliqua requisitio vobis exinde fiat ante conspectum Sanctæ Majestatis.

*Mansi T. I. Supplementi p. 766.*

*Ex MS. Andaginensis Monasterii S. Huberti, ante annos 800. excavato.*

# EPISTOLA GHAERBALDI (a) EPISCOPI LEODIENSIS, AD SUE DIOECESIS PRESBYTEROS,

*Ut solliciti sint, populos suos docere Orationem Dominicam,  
& Symbolum Apostolorum.*

**G**haerbaldus, Clementiâ Dei Episcopus, omnibus Presbyteris, qui infra parochia nostra consistunt, & Ecclesias Domini una nobiscum Deo auxiliante regunt, in Domino perpetuam optamus salutem.

Cognoscatis, quia Epistola Domini & Serenissimi Imperatoris nostri ad nos venit, quæ relicta in præsentiam nostram, ubi comperimus, quia dominus noster existimat, nostram esse negligentiam, ut non adnunciemus populum pleniter de oratione Dominicâ, ut sciant, & symbolum, quod Apostoli docuerunt: & Domino nostro dictum est, quia nostra pigritia sit, qui Sacerdotes sumus in populo, & prædicare & docere populum debemus; qualiter per rectam fidem, & orationem, & opus bonum, ad coelestia regna perveniant; & ex ea parte credo, quod vestra aliquorum negligentia sit: propterea mandamus vobis, atque contestamur per tremendam omnipotentis Majestatem, ut negligentes de hac re amplius non existatis, sed pleniter cum omni studio, & omni diligentia, ut unusquisque vestrum ad suam basilicam vel in quantascumque basilicas missarum solemnia celebrat, prædicare & commo-

nere unusquisque juxta modum capacitatis suæ faciat de præcepto Dei omnipotentis, & verbo Domini nostri Imperatoris sui, & parvitatibus nostræ, quia tantum pondus nobis suprapositum inter vos partire debemus, ut unusquisque orationem Dominicam, id est, *Pater noster*, qui es in celis, & reliqua, quæ sequuntur, & Symbolum, sicut docuerunt Sancti Apostoli, discere, & in memoriam retinere studeat, & ore proferre, quia sine fide impossibile est placere Deo, & opus bonum, & adnuncietis populo, quia hæc est arma, unde se contra diabolum defendere debent, & adversum generis humani inimicum pugnare debent. Hæc est arma Spiritus sancti, in qua vincitur diabolus, & gaudent de victoriâ illi, qui cum ista arma pugnant, id est, rectam credulitatem, fidem & rationem, & opus bonum sufficiant ista vobis. Caterum, si vos aliquando de ista adnunciatione negligentes eritis, arcus & distinctius vos distinguere debemus.

*Mansi T. I. Supplementi p. 767.*

*Ex MSS. Andaginensis Monasterii S. Huberti in Ardenna.*

(a) Anno DCCLXXXIV. Agilfridus Episcopus Leodiensis, Vir nobilis, præclarus, & in Caroli Magni Palatio nominatissimus obiit, sub quo Ecclesia Leodiensis multa acquisivit, sicut Privilegia à Carolo Rege concessa testantur. GERBALDUS vir nobilis & honestus ei successit.

*Anselmus de gestis Pontificum Leodiensium. Cap. 33.*

Fortè hæc Epistola in Synodo Dioecelana promulgata fuit, quæ majorem efficaciam suæ & Imperatoris monitioni tribueret.

GHAER-



# G H A E R B A L D I

## EPISCOPI LEODIENSIS,

### INSTRUCTIO PASTORALIS AD GREGEM SUUM.

*Ex MS. Andaginensi S. Huberti.*

**G**haerbaldus, (a) omnipotentis Dei misericordiâ Episcopus, omnibus Parochianis nostris in Pago Condrustinse, (b) Lomicensium, (c) Hasbanien- sium, (d) Ardanensium, filiis charissimis, in Domino plurimam salutem.

Commune nobis votum communis prosequatur oratio; ut quod nos debito- res sumus verbi Divini & prædicationis vobis impendere, vestra oratio suppleat; ut sicut dignum est, & Deo acceptabile, proferamus ad utilitatem & profectum animæ vestræ: quia commendatum gre- gem Christi, qui Christum diligit, pascat. Ergo, quia nobis sermo Divinus adhor- tatur & admonet, ut erga nobis com- missos non pigro vigilemus affectu, sed incessanter, & præsentî conloquio, & scriptis commoneamus eos, qui nobis commissi sunt; qualiter ad perpetuam vitam tendere, & pervenire, omnipotenti Deo auxiliante, valeant;

I. Primum quidem omnium mone- re vos volumus, ut jam dudum prædi- cavimus ipsi, & prædicare jussimus, de Fide Catholica & oratione Dominica. Inter cætera, quæ vobis sæpe prædicavi- mus, primum omnium fidem rectam & orationem, qua Salvator discipulis orare instituit, & discipuli nobis commissam tradiderunt, exemplum orandi & cre- dularitatis exemplum verbis paucis, sed in mysterio magnum, ubi salus nostra & spes omnium continetur. Est enim ora- tio Dominica, ubi dicimus: *Pater noster, qui es in cælis*, & cætera, quæ sequuntur. Symbolum verò, quod duodecim Apo- stoli, unusquisque versiculum suum edi- dit, sicut duodecim fuerunt Apostoli, duodecim versiculos ediderunt ad no- stram fidem & credulitatem. Sicut unus- quisque Christianus tenere & credere

debet atque profiteri, & quod in baptis- mo fidejussor ejus promisit credere de- beret, in his versiculis duodecim conti- netur, ubi salus nostra profiteri potue- rit, ita ut corde credat & ore profitea- tur, quia ut ait Apostolus: *Corde creditur ad justitiam, ore confesso fit ad salutem*. Ideo & unusquisque Christianus, qui profite- tur se Deum credere, debet ore confite- ri, quod corde credit, ut alii audiant, quomodo credat, & quomodo Deo fi- delis sit: quia si dicit, se Deum credere, & ore non profitetur, quis scit, utrum fi- delis, aut infidelis sit? Palam est, quod dicimus, & unusquisque vestrum, qui servum habet, exemplo illius capere po- test. Si servum quis habeat, & inter- roget eum, utrum ei fidelis sit; si tacet, & non respondet, utrum fidelis sit, Do- minus non bene credit ei, antequam pro- fiteatur se fidelem esse Domini sui; & post professionem fidelitatis; si non demon- stratur in opere, non placet Domini solis verbis profiteri fidelitatem, si opus non sequatur, & in opere demonstretur, qualiter fidelis sui Domini existat servus. Quapropter de hac re vobis exhortatio- nis & communionis nostræ causâ pasto- ralis direximus, ut amplius negligentia de vestra oratione, id est, Dominica, ubi diximus, *Pater noster, qui es in cælis*, & de Symbolo duodecim Apostolorum, quod inchoatur sic: *Credo in Deum Patrem omnipotentem*, & cæteri versiculi, qui se- quuntur, ut diximus, negligentes non existatis. Sed omnes, sive majores, sive minores, sive viri, sive feminae, sive infantes, qui discere possunt, omnes discatis, & in memoriam retineatis: quia hæc est salus vestra, & spes vestra, & arma justitiæ.

II. Istud enim admonere & prædi- care caritas Christi urget nos, & sollici- tudo

(a) Ghaerbaldus, seu Gerbaldus, præfuit Ecclesiæ Leodiensi annis viginti quinque: obiit 808.

(b) Pagus Condrustinlis, est Condrustiorum Regio Cæsari nota, cujus caput Hoyum.

(c) Lomicensium pagus est tractus inter Mosam & Sabin jacens.

(d) Hasbanie in Brabantica caput Trudonopolis.

(e) Ardennæ vastissimus tractus per Leodium, Luxemburgum, Eysaliam porrigitur.

tudo Domni, & Imperatoris nostri, qui circa omnem Religionem Ecclesiasticam sollicitissimam curam prævigilat, & excitat pigritiam nostram, ut non dormiamus, sed vigilemus in custodia mandatorum Domini, & prædicationis officium unusquisque consideret, quis sit talis, unde Propheta loquitur: *Vae, qui confurgitis manū ad ebrietatem sectandam, & potandum usque ad Vesperam, ut vino aestuetis, & cætera, & opus Domini non respicitis, nec opera manuum ejus consideratis.* Ad imaginem quippe Dei factus est homo, & unusquisque sublimitatem & nobilitatem conditionis humanæ considerare debet, quia ad imaginem Dei factus est, ut imaginem Dei, ad quam factus est, non faciat simile animalibus & pecoribus, qui nihil aliud quærunt, nisi quod terrenum est, id est, manducare, bibere, luxuriare, atque dormire. Illi, qui ad imaginem Dei facti sunt, discreti ab his sunt, qui sciunt rationem, & discretionem boni, & mali: neque de his solis, quæ videntur, cogitare debent, sed de his, quæ non videntur, & per fidem creduntur, & per spem expectantur, id est, æterna. *Quæ autem videntur, ait Apostolus, temporalia sunt: quæ autem non videntur, æterna sunt.* Item Apostolus: *Est autem fides sperandarum substantia rerum non apparentium.* Quæ autem videmus, in præsentī sunt. Quæ autem non videmus, speramus, & per patientiam expectamus. Ideoque non debetis ea sola sequi, quæ terrena, & negotiationis, atque ambitionis, terrenæ cupiditatis insistant, sed ea, quæ æterna sunt, & finem non habent, id est, vitam futuri sæculi, & lucem æternæ beatitudinis; quam lucem, non istam, quæ corporeis oculis videmus, sed illam, quæ est Christus, qui dixit: *Ego sum Lux mundi,* nec illam lucem, quam cum pecoribus communiter videmus, sed illam lucem, quæ est Jerusalem cælestem, quæ est visio pacis, in quā nulla perturbatio, sed summa pax & lux, ita ut scriptum est: *Civitas illa non eget sole, neque luna, nam claritas Dei illuminabit illa, & lucerna ejus est Agnus,* id est, Christus. Illam vitam & illam lucem toto affectu, totā mente, toto intellectu desiderare debetis, ut ad illam subvenire, & illam possidere possietis, protegente & adjuvante Domino Deo, & Salvatore nostro JESU CHRISTO,

Z z

qui omnes homines vult salvos fieri, & ad cognitionem veritatis venire. Via enim illa, quā illuc pervenitur, Christus est, qui dixit: *Ego sum via, & nemo venit ad Patrem, nisi per me.* Ideoque fides nostra vobis tenenda est, per quam veniamus ad viam, ut non erremus, sed per viam veniamus ad Patriam, ubi sine perturbatione, & absque ulla anxietate perpetuū cum Domino & Sanctis ejus vivere possimus.

III. Hæc autem omnia, ut promereamur, fide & operatione instantissimā pervenire debemus, quia fides sine operibus otiosa est, & opus sine fide inanis est: quia sine fide impossibile est placere Deo, & fides sine operibus inanis est. Et ideo in utrumque placere possumus Deo & fide cum operibus, & opus cum fide. Ideoque fides vera nobis tenenda est, per quam veniamus ad viam, ut non erremus, ut sit fides recta cum opere, & opus bonum cum fide. Unum sine altero non valet, & ad fidem rectissimam, & ad orationem instantes, & ad opus bonum promptissimos vos sollicitā commotione & prædicatione exhortor, ne forte in vacuum curram, aut excurrissem in vobis. Sæpē enim prædicatione nostrā, quamvis imperitus sermone, sed tamen sollicitā admonitione, prædicavimus in vobis verbum Domini. Unusquisque vestrum videat, ut aliquem fructum habeam in vobis, sicut credo, quod & habeam. Nam devotio vestra circa Ecclesias, & Convenus ad Missarum solemnia, & Vigiliis, & luminaria Ecclesiæ, sufficienter vos promptos, & Deo devotissimos existere novimus, nam de oratione & credulitatis vestræ fide sollicitiores & promptiores vos volumus esse. Nam & qui in posterum in Pascha & Pentecosten filios & filias de sacro fonte suscepturi sunt, sciant se orationem Dominicam, & fidem Symboli Apostolorum reddere rationem, ut sciamus, qualiter verus fidejussor sit unusquisque illius, quem suscepturus est à sacro fonte. *Legitur & qui dormiunt, nocte dormiunt; & qui inebriantur, ait Apostolus, nocte inebriantur.* Nos autem, qui dei sumus, sobrii sumus, & vigilemus in orationibus. Ante omnia autem in invicem caritatem habeamus, quia caritas operit multitudinem peccatorum. Et vos in omni opere bono fructificantes perveniatis ad gloriam,



riam, quam oculus non vidit, nec auris audivit, nec in cor hominis ascendit, quam præparavit Deus diligentibus se. His præmissis, moneo vos, sicut filiis charissimis, quia in omnibus carissimi nobis facti estis, ita ut sitis sinceres, & sine offensa, ut ait Apostolus, repleti

omnem fructum justitiæ in gloria & laudem Dei. Salutamur vobis iterum in Domino & Salvatore nostro JESU Christo perpetuam salutem.

*Ex MS. Andaginensi S. Huberti ante annos 800. exarato.*

*Manfi T.I. Supplementi p. 763. 764. &c.*

## ANTIQUUM CAPITULARE, PER MISSOS CAROLI MAGNI IMPERATORIS PROMULGATUM.

*Ex MS. Andaginensis Monasterii S. Huberti ante annos 800. exarato.*

**D**iligendo nobis in Domino illo comiti, Hadalhardus, (a) Fulradus, (b) Unrocius, (c) Senhrocculfus missi Domini Imperatoris, in Domino salutem.

Non incognitum bonitati vestræ, qualiter Dominus Imperator in istis partibus junctam nobis habuit legationem suam Radoni (d) scilicet, Fulrado & Unroco, ut nos, quantum voluissimus, & Dei & suam voluntatem in ipsa legatione agere decertaremus. Sed quia modo Rado ex parte infirmatus est, & hac vice in ipsa legatione, secundum quod necesse est, ire non potest, placuit Domni Imperatori, ut Adalhardum & Hrocculfum in supra dicta legatione adjungeret, qualiter omnes pariter, secundum quod tum ratio permittit, vel necessitas docet, sicut prædictum est, ad Dei & suam voluntatem peragendam decertando laboremur. Nos igitur in ipsa (e) lectione positi, idcirco ad vos hanc direximus Epistolam, ut vobis & ex parte Domni Imperatoris juberemus, & ex nostrâ parte exhortando precaremur, ut de omni re, quantum ad ministerium vestrum pertinet, tam ex his, quæ ad Dei cultum, quàmque ex his, quæ ad Domni nostri servitium, seu ad Christiani populi salvationem, vel custodiam pertinent, totis viribus agere studeatis. Præceptum est enim vobis omnino, & omnibus reliquis missis à Domino nostro,

ut medio Aprili ei veraciter renunciemus, quid in regno suo ex his, quæ ipse in istis annis per missos suos fieri jussit, factum sit, vel quid dimissum sit, ut facientibus gratias condignas reddat, & non facientibus, secundum quod ei placet, increpationes meritas rependat. Et quid plura vobis deinde dicere possumus? non vult omnino, nisi ut sic adimpletum ei nanciemus, sicut jussit, & quid exinde dimissum sit, & per cujus negligentiam dimissum sit. Nunc autem admonemus, ut capitularia vestra relegatis, & quæque vobis per verba commendata sunt, recolatis, & tale exinde certamen habere studeatis, pro quo & apud Deum mercedem, & apud ipsum magnum Dominum nostrum condignam retributionem suscipiatis.

I. Primò igitur inter cætera præcipimus, & admonemus, ut tam vos ipsi, quàmque omnes juniores, seu pagenses vestri Episcopo vestro hoc præsentis, seu per missum suum mandanti, per omnia, quantum ad suum Ministerium pertinet, obedientes sitis, & nullam exinde negligentiam habeatis: deinde & de justitiis Domni Imperatoris secundum quod vobis vel scriptum, vel verbis est dictum, tale certamen habeatis, sicut vos exinde debitores esse cognoscitis.

II. Deinde, ut justitias Ecclesiarum, vidua-

(a) Adalardus, Abbas Corbeienfis, Caroli Magni Patruelis, & Regni Italici sub Pippino Rege Administer.

(b) Fulradus, Abbas S. Quintini apud Augustam Veromanduorum, Adalardi Patruelis.

(c) Unrocius Comes, qui anno 811. interfuit pacto inter Carolum M., & Hemmingum Regem Danorum.

(d) Rado, Abbas Atrebatensis S. Vedasti, & Caroli M. Cancellarius, obiit 815.

(e) Forssè legatione.

viduarum, orfanorum & reliquorum omnium sinè ullo malo injusto pretio, vel sinè ulla dilatione, aut non necessaria ora (f) pleniter, & inreprehensibiliter, & justè, ac rectè per omnia faciat, sive ad vos ipsos, sive ad juniores vestros, seu ad quemcunque hominem pertinet, ut exinde & apud Deum mercedem, & apud Dominum nostrum bonam recipiatis retributionem.

III. Deinde, ut quicunque vobis rebelles, aut inobedientes fuerint, & vobis nec secundum justitiam auscultare voluerint, inbreviare illos, quantumque fuerint, & aut antea, si necesse fuerit, remandare, aut nobis ipsis, cum in simul fuerimus, dicite, ut exinde secundum quod Dominus noster commendatum habet, faciamus.

IV. Deinde, ut hoc certissimè provideatis, si aliquid est de omni illo mandato, sive secundum Deum, sive secundum sæculum, quod vobis Domini nostri, aut scribendo aut dicendo commendatum est, dubitetis, ut celeriter missum vestrum bene intelligentem ad nostras personas mittatis, qualiter om-

nia & bene intelligatis, & adjuvante Domino bene perficiatis.

V. Deinde observate etiam valde, ne aut vos ipsi, aut aliquis, quantum vos prævire potestis, in vestro Ministerio in hoc malo ingenio deprehensus fiat, ut dicatis: tacete, tacete, donec illi missi transeant, & postea faciamus nobis invicem justitias: & per illam occasionem ipsæ justitiæ aut remaneant, aut certè tardæ fiant; sed magis certate, ut antè factæ fiant, quàm nos veniamus ad vos.

VI. Nam si tale aliquod malum ingenium inter vos factum fuerit, aut si ipsæ justitiæ, quas sinè nobis facere potestis, aut per negligentiam, aut per malitiam tamdiu retractæ fuerint, donec nos veniamus, sciatis certissimè, quod grandem contra vos rationem habebimus.

VII. Deinde ut istam Epistolam & sæpius legatis, & bene salvam faciat, ut ipsa inter nos, & vos in testimonium sit, utrum sic factum habeatis, sicut ibi scriptum est, aut non habeatis.

(f) Fortè mora.

*Mansi Tomo I. Supplementi pag. 759.*

*Crombach. in Metropol. Colon. MS. refert ad annum 802.*

*Adde vel conjunge Sirmondi Tomo II. Concil. pag. 230. Titulum I. ex Capitulis Ecclesiasticis Carolinis pro honore Episcoporum.*

*Baluzii Capitulare Innum anni 802. Capitula data Missis Dominicis anno secundo Imperii.*

## SYNODUS APUD AQUIS PALATIUM.

Anno Christi DCCCII. Leonis III. Papæ VIII.  
Caroli Imp. II.

**A**NNO DCCCII. recordatus piissimus Carolus Imperator misericordiae suae de pauperibus, qui in universo ejus imperio erant, & justitias pleniter habere non poterant: noluit de infra Palatio pauperibus Vassos (a) transmittere (b) ad justitias faciendum propter munera; sed elegit in Regno suo

Archi-Episcopos & Abbates cum Ducibus & Comitibus, qui opus non habebant super innocentes munera accipere: & ipsos misit per universum Regnum, ut Ecclesiis, viduis, orphanis, & pauperibus, & cuncto populo justitiam facerent.

*Annales Canigonenses, & Anianenses, & Lambeciani.*

*Chronicon Moysiacense apud Baluzium in notis ad Capitularia Tomo II. pag. 1056.*

*Eckhart. verum Franc. Tomo II. pag. 10. Hansitz. in Metrop. Salisburg. pag. 117. 119. 806. 808.*

*Pagi in Critica ad hunc annum.*



- (a) Vassi, fideles servi, qui obsequium exhibent Regi, vel Duci, vel Comiti. Vassi Dominici: Vassalli Regii: Droudi à voce Germanica, fideles, treue.
- (b) Missi Dominici pro administranda Justitia per totum Imperium ab hoc anno secundo Imperii non erant soli Duces, vel Comites, sed mixti ex Clericis & Laicis: è Clericis Archi- & Episcopi, Abbates; è Laicis, Comites, Duces, & nobiliores Viri. Provincia, vel Regio, quæ Missis Dominicis assignabatur, vocabatur *Missaticus*, vel *Missaticum*. His Missis dabantur Capitula, seu Monita, juxta quæ in Statum Ecclesiasticorum, Monachorum, & Monialium, & Laicorum inquirere debebant: quæ verò ipsimet definire non poterant, ad Regem, vel Imperatorem referenda erant.
- Missorum hujusmodi Episcoporum & Comitum nomina, & Provincias lege apud *Baluzium*, *Eckhartum*, *Hansizium*, *Cointium* locis citatis,

## CAPITULA DATA MISSIS DOMINICIS (c) ANNO SECUNDO IMPERII.

### INCIPIUNT CAPITULA.

1. De Legatione à Domino Imperatore directâ.
2. De Fidelitate promittenda Domino Imperatori.
3. Ut unusquisque se in servitio Dei conservare studeat.
4. De perjuriis cavendis.
5. De Ecclesiis, viduis, orphanis, & peregrinis.
6. Ut beneficium Domini Imperatoris nemo deferret.
7. De hoste pergendî.
8. Ut bannum Domini Imperatoris, aut censum nemo marrive presumat.
9. De Justitia faciendâ.
10. Ut Episcopi & Presbyteri secundum Canones vivant, & ceteros doceant.
11. De officio Episcoporum, Abbatum, & Abbatissarum erga subditos.
12. Ut Monachi, & Canonici, & Sanctimonialles secundum Regulam vivant.
13. De Advocatis, Vicedominis, & centenariis Episcoporum, Abbatum, & Abbatissarum.
14. De concordia Episcoporum, Abbatum, & Abbatissarum cum comitibus.
15. Ut Abbates & Monachi subjecti sint Episcopis.
16. De ordinatione Clericorum, & Monachorum.
17. Ut Monachi secundum regulam vivant.
18. Ut Monasteria puellarum firmiter observata sint.
19. Ut Episcopi, & alii Clerici canes ad vendendum, aut acceptores non habeant.
20. Ut Abbatissæ, & Sanctimoniales intra claustra sua maneant, nec egrediantur absque licentia, & consilio Episcopi.
21. Ut Presbyteri Comitum Episcopis suis subjecti sint.
22. Ut Canonici pleniter vitam Canonicam observent.
23. Qualis debeat esse conversatio Clericorum, qui cum Presbyteris degunt.
24. Ne Presbyter, aut Diaconus mulieres in domo sua habeat.
25. Ut Comites, & Centenarii Justitias faciant.
26. Ut Judices judicent secundum legem.
27. De Hospitalitate.
28. Quam providentiam Comites, & Centenarii habere debeant erga Missos Dominicos.
29. De pauperibus non opprimendis.
30. De his, qui ad Imperatorem confugiunt.
31. De his, qui Justitiam Domini Imperatoris annuntiant.
32. De homicidiis cavendis, de compositione occisorum, & de penitentia homicidarum.
33. De incestis puniendis. Et de Friccone, qui incestum in Sanctimoniali perpetravit.
34. Ut omnes parati sint, quandocunque Dominus Imperator jussit.
35. De honore Episcoporum & Presbyterorum. Et de nuptiis illicitis.
36. Ut omnes Missi Dominicis consentientes sint ad Justitias faciendas. Et de perjuriis cavendo.
37. De patricidis, & fratricidis, & de eorum penitentia.
38. De illicitis & incestis conjunctionibus.
39. Ut nemo feramina furetur in forestibus Dominicis.
40. Capitula ad omnes generaliter.
41. Admonitio de Symbolo Fidei.

INCI-

- (c) Multoties Carolus & sequentes Imperatores delegarunt Episcopos cum Comitibus ad faciendas justitias in Regnis suis: Prima Missio instituta hoc anno 802. Aliæ aliis annis. Anno 853. Lotharius Imp. & Carolus Rex Valentianis varios missos Episcopos & Comites per Provincias destinavit. *Eckhart. T. II. rerum Franc. pag. 10. & 415.*

## INCIPIUNT SUPRASCRIPTA CAPITULA ET EORUM TEXTUS.

*De Legatione à Domino Imperatore directa.*

### I.

**S**erenissimus igitur & Christianissimus Domnus Imperator Carolus elegit ex optimatibus suis prudentissimos, & sapientissimos viros, tam Archi-episcopos, quàm & reliquos Episcopos, simulque & Abbates venerabiles, laicosque religiosos, & direxit in universum regnum suum; & per eos cunctis subsequenter secundum rectam legem vivere concessit. Ubi autem aliter, quàm rectè, & iustè in lege aliquid esset constitutum, hoc diligentissimo animo exquirere iussit, & sibi innotescere, quod ipse donante deo meliorare cupit. Et nemo per ingenium suum, vel astutiam præscriptam legem, ut multi solent, vel sibi suam iustitiam marrire audeat, vel prævaleat, neque Ecclesiis dei, neque pauperibus, nec viduis, nec pupillis, nullique homini Christiano. Sed omnes omnino secundum Dei præceptum iusta viverent rationem iusto iudicio, & unusquisque in suo proposito, vel professione unanimiter absque turpis lucris negotio pleniter observassent, Sanctimoniales sub diligenti custodia vitam suam custodirent, laici, & seculares rectè legibus suis uterentur absque fraude maligna, omnes in invicem in caritate, & pace perfectè viverent; & ut ipsi missi diligenter perquirerent, ubicunque aliquis homo sibi iniustitiam factam ab aliquo reclamasset, sicut dei omnipotentis gratiam ubi cupiant custodire, & fidelitatem sibi promissam conservare; ita ut omnino in omnibus ubicunque, sive in Sanctis Ecclesiis dei, vel etiam pauperibus, pupillis, & viduis, atque cuncto populo legem pleniter, atque iustitiam exhiberent secundum voluntatem, & timorem dei. Et si tale aliquid esset, quod ipsi per se cum Comitibus Provincialibus emendare, & ad iustitiam reducere nequivissent, hoc absque ulla ambiguitate cum brebitaliis suis ad suum referrent iudicium; & per nullius hominis adulationem, vel præmium, nulliusque consanguinitatis defensione, vel timore potentum, recta iustitia impeditur ab aliquo.

*De Fidelitate promittenda Domino Imperatori.*

### II.

Præcepitque, ut omnis homo in toto regno suo, sive Ecclesiasticus, sive laicus, unusquisque secundum votum, & propositum suum, qui antea sibi fidelitatem Regis nomine promississent, nunc ipsum promissum hominis Cæsari faciat. Et ii, qui adhuc ipsum promissum non perfecerunt, omnes usque ad duodecimum ætatis annum similiter facerent. Et ut omnibus tradetur publicè, qualiter unusquisque intelligere posset magna in isto Sacramento, & quàm multa comprehensa sunt, non ut multi usque nunc existimaverunt, tantum fidelitatem Domino Imperatori usque in vita ipsius: & ne aliquem inimicum in suum regnum causâ inimicitie inducat: & ne alicui infidelitate illius consentiant, aut retaciat; sed ut sciant omnes ista miserationem hoc Sacramentum habere.

*Ut unusquisque se in servitio Dei conservare studeant.*

III. Placuit, ut unusquisque ex persona propria se in Sancto Dei servitio secundum dei præceptum, & secundum sponsonem suam pleniter conservare studeant secundum intellectum & vires suas; quia ipse Domnus Imperator non omnibus singulariter necessariam potest exhibere curam, & disciplinam.

*De perjuriis cavendis.*

IV. Secundò, ut nullus homo neque cum perjuriis, neque aliis ullo ingenio, vel fraude, per nullius umquam adulationem, vel præmium, neque servum Domni Imperatoris, neque terminum, neque terram, nihilque, quod jure potestativo permaneat, nullatenus contradicat, neque abstrahere audeat, vel celare. Et ut nemo fugativos fiscales suos, qui se injustè, & cum fraude liberos dicunt, celare, neque abstrahere cum perjurio, vel alio ingenio præsumat.

*De Ecclesiis, viduis, Orphanis, & peregrinis.*

V. Ut Sanctis Ecclesiis Dei, neque Viduis, neque Orphanis, neque peregrinis fraudem, vel rapinam, vel aliquam inju-



injuriam quis facere præsumat: quia ipse Dominus Imperator post Domini & Sanctorum ejus, quorum & protector, & defensor esse, constitutus est.

*Ut beneficium Domini Imperatoris nemo desertet.*

VI. Ut beneficium Domni Imperatoris desertare nemo audeat, propriam suam exinde construere.

*De hoste pergendi.*

VII. Ut hostile bannum Domni Imperatoris nemo prætermittere præsumat, nullusque Comes tam præsumptuosus sit, ut illum de his, qui hostem facere debiti sunt, exinde vel aliqua propinquatis defensionem, vel cujus muneris adolationem dimittere audeat.

*Ut bannum Domni Imperatoris, aut censum nemo marrire præsumat.*

VIII. Ut nullum bannum, vel præceptum Domni Imperatoris nullus omnino in nullo marrire præsumat, neque opus ejus fricare, vel impedire, vel minuire, vel in alio contrarius fieri voluntati, vel præceptis ejus. Et ut nemo debitum suum, vel censum marrire ausus sit.

*De justitia facienda.*

IX. Ut nemo in placito pro alio rationare usum habeat defensionem alterius injuste, sive pro cupiditate aliqua minus rationare valente, vel pro ingenio rationis suæ justum judicium marrire, vel rationem suam minus valente opprimendi studio. Sed unusquisque pro sua causa, vel censu, vel debito rationem reddat, nisi aliquis sit infirmus, aut rationes nescius, pro quibus missi vel priores, qui in ipso placito sunt, vel Judex qui causam hujus rationis sciat, rationetur complacito: vel si necessitas sit, talem personam largiatur, ut rationem, qui omnibus probabilis sit, & qui in ipsa bene noverit causam. Quod tamen omnino fiat secundum convenientiam priorum, vel Missorum, qui præsentibus adfunt. Quod & omnimodis secundum justitiam legem fiat adque præmium, mercedem, vel aliquo malæ adulationis ingenio, vel defensione propinquitatis, ut nullatenus justitia quis marrire prævaleat. Et ut nemo aliquid alicui injuste concedat; sed omni studio, & voluntate omnes ad justitiam perficien-

dam præparati sint. Hæc enim omnia supra dicta imperiali Sacramento observari debentur.

*Ut Episcopi, & Presbyteri secundum Canones vivant, & ceteros doceant.*

X. Ut Episcopi, & Presbyteri secundum Canones vivant, & ita ceteros doceant.

*De Officio Episcoporum, Abbatum, & Abbatissarum erga subditos.*

XI. Ut Episcopi, Abbates, atque Abbatissæ, qui ceteris prælati sunt, cum summa veneratione, ac diligentia subiectis sibi præesse studeant, non potentivâ Dominatione, vel tyrannide sibi subiectos premant, sed simplici dilectione cum mansuetudine, & caritate, vel exemplis bonorum operum commissum sibi gregem sollicitè custodiant.

*Ut Monachi, & Canonici, & Sanctimonialia secundum regulam vivant.*

XII. Ut Abbates, ubi Monachi sunt, pleniter cum Monachis secundum regulam vivant, atque Canones diligenter discant, & observent. Similiter Abbatissæ faciant.

*De Advocatis, Vice Dominis, & Centenariis Episcoporum, Abbatum, & Abbatissarum.*

XIII. Ut Episcopi, Abbates, atque Abbatissæ Advocatos, atque Vice Dominos, Centenariosque legem scientes, & justitiam diligentes, pacificosque, & mansuetos habeant, qualiter per illosque Sanctæ dei Ecclesiæ magis præceptum, vel merces adcreseat. Quia nullatenus neque præpositos neque Advocatos damnosos, & cupidos in Monasteria habere volumus, à quibus magis nos blasphemia, vel detrimenta oriantur. Sed tales sint, quales eos Canonica, vel Regularis institutio fieri jubet, voluntati Dei subditos, & ad omnes justitiam perficiendi semper paratos, legem pleniter observantes absque fraude maligna, justum semper judicium in omnibus exercentes, præpositos vestros tales, quales sancta Regula fieri docet. Et hoc omnino observent, ut nullatenus à quibus magis nobis à Canonica, vel regulari norma discendant, sed humilitatem in omnibus habeant. Si autem aliter præsumperint, regularem disciplinam sentiant. Et si se emendare nolue-

noluerint, à præposito removeantur; & qui digni sunt, in loca eorum subrogentur.

*De concordia Episcoporum, Abbatum, & Abbatissarum cum comitibus.*

XIV. Ut Episcopi, Abbates, atque Abbatissæ, Comitèsque unanimiter invicem sint consentientes legem ad iudicium iustum terminandum cum omni caritate, & concordia pacis, & ut fideliter vivant secundum voluntatem Dei, ut semper, ubique, & propter illos, & inter illos iustum iudicium, ibique perficiantur pauperes, viduæ, orphani, & peregrini consolationem, & defensionem ab eis habeant; ut & nos per eorum bonam voluntatem magis præmium vitæ æternæ, quam supplicium mereamur.

*Ut Abbates, & Monachi subiecti sint Episcopis.*

XV. Abbates autem, & Monachi omnimodis volumus, & præcipimus, ut Episcopis suis omni humilitate, & obedientia sint subiecti; sicut Canonica constitutio mandat. Et omnes Ecclesiæ, atque basilicæ in Ecclesiastica defensione, & potestate permaneant. Et de rebus ipsius basilicæ nemo ausus sit in divisione, aut in forte mittere. Et quod semel offeritur, non revolvatur, & sanctificat & vindicet. Et si autem aliter præsumpserit, præsolvatur, & bannum nostrum componat: & Monachi ab Episcopo Provinciæ ipsius corripiantur. Quod si se non emendent, tunc Archi-Episcopus eos ad Synodum convocet. Et si neque sic se correxerint, tunc ad nostram præsentiam simul cum Episcopo suo veniant.

*De ordinatione Clericorum, & Monachorum.*

XVI. De ordinatione eligenda, ut Domnus Imperator jam olim ad Francorum banno concessit, ut Episcopi Abbatibus; ita etiam nunc & firmavit; eo tamen tenore, ut neque Episcopus, neque Abbas in Monasterio viliores meliori plus diligit, & eum propter consanguinitatem suam, vel aliqua adulationem melioribus suis præferre studeat, & talem nobis ducit ordinandum, cum meliorem eo habet occultatum, & oppressum. Quod nequaquam fieri volumus: quia inrisio, & delusio nostra hoc fieri vi-

detur. Sed tales in Monasteriis nutrantur ad ordinandum, in quibus & nobis merces, & profectus adcreseat commendatoribus suis.

*Ut Monachi secundum Regulam vivant.*

XVII. Monachi autem, ut firmiter, ac fortiter secundum Regulam vivant; quia displicere Deo novimus, quisquis in sua voluntate tepidus est, testante Joanne in Apocalypsin: *Utinam calidus esses, aut frigidus; sed quia tepidus es, incipiam te evomere ex ore meo.* Sæcularem sibi negligentiam nullatenus usurpent. Foris Monasterio nequaquam progrediendi licentiam habeant, nisi maximâ cogente necessitate. Quod tamen Episcopus, in cuius Dicecesi erunt, omnino procuret, ne foris Monasterio vagandi usum habeant, sed si necessitas sit, ad aliquam obedientiam aliquem foris pergere, & hoc cum consilio, & consensu Episcopi fiat: & tales personæ cum testimonium foris mittantur, in quibus nulla sit suspitio mala, vel à quibus nulla opinio mala oriatur. Foris verò peculium, vel res Monasterii sui Abbas cum Episcopi sui licentia, & consilio ordinet, qui provideat, non Monachum, nisi alium fidelem. Quæstum verò sæcularem, vel concupiscentiam mundanarum rerum omnibus modis devitent, quia avaritia, vel concupiscentia huius mundi omnibus est evitanda Christianis, maximè tamen his, qui mundo & concupiscentiis abrenuntiâsse videntur. Lites, & contentiones nequaquam neque infra, neque foris Monasterio movere præsumant. Qui autem præsumpserint, gravissimâ disciplinâ regulari corripiantur, ut taliter cæteri metum habeant talia perpetrandi. Ebrietatem & commestationem omnino fugiant; quia inde libidine maximè polluari omnibus notum est. Nam pervenit ad aures nostras opinio perniciosissima, in fornicatione, & abominatione, & immunditia multos jam in Monasteriis esse deprehenso, maximè contristat & conturbat, quod sine horrore magno dici non potest, ut inde maximam spem salutis omnibus Christianis oriri crederent, id est, de vita, & castitate Monachorum, in tantum, ut aliquis ex Monachis Sodomitas esse auditum. Unde rogamus, & contestamur, ut certissimè amplius ex his diebus omni custodia se



ex his malis conservare studeant, ut nunquam ampliùs tale quid ad nostras aures perveniat. Et hoc omnibus notum sit, quia nullatenus injusta mala in nullo loco ampliùs in toto Regno nostro consentire audeamus, quantò minùs inter eos, quos castitatis, & sanctimonie emendatioris esse cupimus. Certè ampliùs quid tale ad nostras aures pervenerit, non solum in eos, sed etiam & in ceteros, qui talia consentiant, talem ultionem facimus, ut nullus Christianus, qui hoc audierit, nullatenus tale quid perpetrare ampliùs præsumpserit.

*Ut Monasteria puellarum firmiter observata sint.*

XVIII. Monasteria puellarum firmiter observata sint, & nequaquam vagare sinantur, sed cum omni diligentia conserventur: neque litigationes, vel contentiones inter se movere præsument, neq; in ullo Magistris, & Abbatissis inobedientes, vel contrarie fieri audeant. Ubi autem regulares sunt, omnino secundum regulam observent. Non fornicationi deditæ, non ebrietati, non cupiditati servientes, sed omnimodis iustè, & sobriè vivant. Et ut in Clausura, vel Monasterium earum vir nullus intret, nisi ad Missam tantum & statim exeat. Et ut nemo alterius filiam suam in congregationem Sanctimonialium recipiat absque notitia, vel consideratione Episcopi, ad cuius Diocesim pertinet locus ille; & ut ipsè diligenter exquirat, qualiter in Sancto Dei servitio permanere cupiat, & stabilitatem suam ibidem firmare, vel professionem. Ancillæ autem aliorum hominum, vel tales feminae, quæ secundum morem conversationis in sancta congregatione vivere nolunt, omnes pleniter de congregatione ejiciantur.

*Ut Episcopi, & alii Clerici canes ad venandum, aut acceptores non habeant.*

XIX. Ut Episcopi, Abbates, Presbyteri, Diaconi, nullusque ex omni Clero canes ad venandum, aut acceptores, falcones, seu sparvarios habere præsument; sed pleniter se unusquisque in ordine suo Canonice vel regulariter custodiant. Qui autem præsumpserit, sciat unusquisque honorem suum perdere. Ceteri verò tale exinde damnum patiantur, ut reliqui metum habeant talia sibi usurpare.

*Ut Abbatissa, & sanctimoniales intra claustra sua maneant, nec egrediantur absque licentia, & consilio Episcopi.*

XX. Ut Abbatissæ unà cum sanctimonialibus suis unanimiter, ac diligenter intra claustra se custodiant, & nullatenus foris claustra ire præsument. Sed Abbatissæ cum propter aliquas de sanctimonialibus dirigere, hoc nequaquam absque licentia, & consilio Episcopi sui faciant. Similiter & cum ordinationem aliquam in Monasteriis agere debeant, vel aliquas Monasteriis receptiones facere, & hoc cum Episcopis suis pleniter antea retractent; & quod salubrius, vel utilius fieri disponat, Episcopi Archiepiscopo annuntient, & cum ejus consilio, quæ agenda sunt, perficiantur.

*Ut Presbyteri Comitum Episcopis suis subiecti sint.*

XXI. Ut Presbyteros, ac ceteros Canonicos, quos Comites suis in Monasteriis habent, omnino eos Episcopis suis subiectos exhibeant, ut Canonica institutio jubet, & his Episcopis suis pleniter sub sancta disciplina eos erudire sint consentientes, sicut nostram gratiam, vel suos honores habere desiderant.

*Ut Canonici pleniter vitam Canonicam observent.*

XXII. Canonici autem pleniter vitam Canonicam observent; & in domo Episcopali, vel etiam in Monasterio cum omni diligentia secundum Canonicam disciplinam erudiantur. Nequaquam foris vagare sinantur, sed sub omni custodia vivant non turpis lucri dediti, non fornicarii, non fures, non homicidæ, non raptores, non litigiosi, non iracundi, non elati, non ebriosi; sed casti corde, & corpore, humiles, modesti, sobrii, mansueti, pacifici, ut Filii Dei digni sint ad sacros ordines promoveri: non per vicos, neque per villas ad Ecclesiam vicini, vel terminantes finè magisterio, vel disciplina, qui Sabaiti dicuntur, luxuriando, vel fornicando, vel etiam cetera iniqua operando, quæ consentiri absurdum est.

*Qualis debeat esse conservatio Clericorum, qui cum Presbyteris degunt.*

XXIII. Presbyteri Clericos, quos secum habent, sollicitè prævideant, ut Canonice vivant, non inanis lusuibus, vel

vel conviviis secularibus, vel canticis, vel luxuriosis usum habeant; sed castè & sobriè vivant.

*Ne Presbyter aut Diaconus mulieres in Domo suâ habeant.*

XXIV. Si quis autem Presbyter, sive Diaconus post hoc in Domo sua secum mulieres extra Canonicam licentiam habere præsumpserit, honorem simul & hæreditatem privet utriusque ad nostram præsentiam.

*Ut Comites & Centenarii Justitias faciant.*

XXV. Ut Comites & Centenarii omnes ad justitiam faciendam compellant, & juniores tales in Ministeriis suis habeant, in quibus securi confidant, quia legem atque justitiam fideliter observent, pauperes nequaquam opprimant, fures, latronesque, & homicidas, adulteros, maleficos, atque incantatores, vel auguratrices, omnesque sacrilegos, nulla adulatione, vel præmio, nulloque sub tegimine celare audeant; sed magis prodere, ut emendentur, & castigentur secundum legem, ut Deo largiente omnia hæc mala à Christiano populo auferantur.

*Ut judices judicent secundum legem.*

XXVI. Ut judices secundum scriptam legem justè judicent, non secundum arbitrium suum.

*De Hospitalitate.*

XXVII. Præcipimusque, ut in omni regno nostro neque dives, neque pauper, peregrinis hospitium denegare audeant, id est, sive peregrinis, propter Deum ambulantibus per terram, sive cuilibet iteranti propter amorem Dei, & propter salutem animæ suæ, tectum, & focum, aquam nemo illi denegat: si autem amplius eis aliquis boni facere voluerit, à Deo sibi sciant retributionem optimam, ut ipse dixit: *Qui autem suscepit unum parvulum propter me, me suscipit: Et alibi: Hospes fui, & suscepistis me.*

*Quam providentiam Comites, & Centenarii habere debeant erga Missos Dominicos.*

XXVIII. De legationibus à Domino Imperatore venientibus, Missis directis, ut Comites, & Centenarii prævideant omni sollicitudine, sicut gratiam Domini Imperatoris cupiunt, ut absque

A a a

ullum (a) ort eant per Ministeria eorum, omnibusque omnino præcipiant, qui hoc debiti sunt, prævidere, ut nullam moram nusquam patiantur; sed cum omni festinatione eos faciant ire viam suam, & taliter providentiam suam habeant, ut Missi nostri disponant.

*De pauperibus non opprimendis.*

XXIX. De pauperibus verò, qui in suâ Eleëmofyna Dominus Imperator concedit, qui pro banno suo solvere debent; ut eos Judices, Comites, vel Missi nostri, pro concessio non habeant constringere pro arte sua.

*De his, qui ad Imperatorem confugiunt.*

XXX. De his, quos vult Dominus Imperator, Christo propitio, ut pacem ac defensionem habeant in regno suo, id sunt, qui ad suam Clementiam festinant, aliquid nuntiare cupientes, sive ex Christianis, sive ex paganis, aut propter inopiam, vel propter famem, suffragantiam quarunt; ut nullus eos sibi servitio constringere, vel usurpare audeat, neque alienare, neque vendere; sed ubi sponte manere voluerint, sub defensione domni Imperatoris, ibi habeant suffragia in sua Eleëmofyna. Si quis hoc transgredere præsumpserit, sciat se exinde damnum pati vitam præsumptiosus depositum iussu Domini Imperatoris.

*De his, qui justitiam Domini Imperatoris annuntiant.*

XXXI. Ut his, qui justitiam domini Imperatoris annuntiant, nihil læsionis vel injuriæ quis machinare præsumat, neque aliquid inimicitie contra eos movere. Qui autem præsumpserit, bannum Dominicum solvat. Vel si majoris debiti reus sit, ad suam præsentiam perducatur, iustum est.

*De Homicidiis cavendis, de compositione occisorum, & de penitentia homicidarum.*

XXXII. Homicidia, pro quibus multitudo perit populi Christiani, omni contestatione delerere ac vetare mandamus; quia ipse Dominus odia, & inimicitias suis fidelibus contradixit, multò magis homicidia; quomodo enim sibi Deum placatum fore confidit, qui filium suum, proximum sibi, occiderit. Qua-

liter

(a) Forè ullâ morâ.



liter verò Christum Dominum sibi propitium esse arbitretur, qui fratrem suum interfecerit? Magnum quoque & inhabitaculum periculum est, cum Deo Patre, & Christo, coeli, terræ Dominatore, inimicitias hominum movere, quos aliquid tempus latitando effugere potest, sed tamen casu aliquando in manus inimicorum suorum incidit; Deum autem ubi effugere valet, cui omnia secreta manifesta sunt, qui temeritatem ejus ira quis extimat de re. Quapropter ne populus nobis ad regendum commissus hoc malo pereat, hoc omni disciplina devitare prævidimus, quia nos nullo modo placatum, vel propitium habebit, qui sibi Deum iratum non formidaverit. Sed sævissima districtione vindicare volumus in eum, qui malum homicidii ausus fuerit perpetrare. Tamen ne peccatum adrefcat, & inimicitia maxima inter Christianos non fiat, vel suadente diabolo homicidia contingant, statim reus ad suam emendationem recurat, totaque celeritate perpetratum malum ad propinquos extincti digna compositione emendet. Et hoc firmiter bannimus, ut parentes interfecti nequaquam inimicitiam super commissum malum adaugere audeant, neque pacem fieri petenti denegare, sed datâ fide paratam compositionem recipere, & pacem perpetuam reddere, verum autem nullam moram compositionis facere. Ubi autem hoc peccatorum merito contingerit, ut quis vel fratres, vel propinquum suum occiderit, statim se ad poenitentiam sibi compositam sumit, & ita, ut Episcopus ejus sibi disponat absque ulla ambiguitate, sed juvante Domino perficere suum remedium studeat, & componat occisum secundum legem, & cum propinquis suis se omnino complaceat, & datâ fide nullam inimicitiam exinde movere nemo audeat. Qui autem dignam emendationem facere contempserit, hereditate privetur usque ad iudicium nostrum.

*De Incestis puniendis, & de Friccone, qui incestum in Sanctimoniali perpetravit.*

XXXIII. Incestuosum scelus omnino prohibemus. Si quis autem nefanda fornicatione contaminatus fuerit, nullatenus sine districtione gravi relaxetur; sed taliter ex hoc corripiatur, ut ceteri metum habeant talia perpetrandi, ut au-

feratur penitus immunditia à populo Christiano, & ut reus ex hoc per poenitentia amittat pleniter, sicut ei ab Episcopo suo disponatur, & eadem femina in manus parentum sit constituta usque ad iudicium nostrum. Si autem iudicium Episcopi ad suam emendationem consentire noluerit, tunc ad nostram præsentiam perducatur. Memores exempli, quod de incesto factum est, quod Fricco perpetravit in Sanctimoniali Dei.

*Ut omnes parati sint, quandocunque Dominus Imperator jussit.*

XXXIV. Ut omnes pleniter bene parati sint, quandocunque jussio nostra, vel annuntiatio advenerit. Si quis autem tunc se imparatum dixerit, & præterierit mandatum, ad palatium perducatur; & non solum ille, sed etiam omnes, qui bannum, vel præceptum nostrum transgredere præsumunt.

*De Honore Episcoporum, & Presbyterorum, & de nuptiis illicitis.*

XXXV. Ut omnes omnino Episcopos, & Presbyteros suos omni honore venerentur in servitio, & voluntate Dei; & ne incestis nuptiis, & se ipsos & ceteros maculare audeant; conjunctiones facere non præsumant, antequam Episcopi, Presbyteri, cum senioribus populi consanguinitatem conjungentium diligenter exquirant. Et tunc cum benedictione jungantur. Ebrietatem devitent, rapacitatem fugiant, furtum non faciant; lites, & contentiones, atque blasphemia, sive in conviviis, sive in conspectu omnino devitentur, sed cum caritate & concordia vivant.

*Ut omnes Missis Dominicis consentientes sint ad justitias faciendas, & de perjurio cavendo.*

XXXVI. Et ut omnes omnino ad omnem justitiam exequendam Missis nostris sint consentientes, & usum perjurii omnino non permittant; quia hoc pessimum scelus Christiano populo auferri necesse est. Si quis autem post hoc in perjurio probatus fuerit, manum dextera semper derideatur, tamen hereditate propria privetur usque ad nostrum iudicium.

*De Patricidis, & Fratricidis, & de eorum penitentia.*

XXXVII. Ut hii, qui patricidia; vel fratricidia fecerint: Avunculum, Patrum, vel aliquem ex propinquis occiderint, & iudicium Episcoporum, Presbyterorum, ceterorumque iudicium obedire, & consentire noluerint; quod ad salutem animæ suæ, iustumque iudicium solvendum Missi nostri, Comites in Italia custodiâ coarcent: ut salvi sint, nec ceterum populum coinquent, usque dum in nostra præsentia perducantur, & de res proprias suas interim nihil habeant.

*De illicitis, & incestis conjunctionibus.*

XXXVIII. Similiter & his fiat, qui illicitis & incestis conjunctionibus reprehensi sunt correpti, & nec se emendare volunt, neque Episcopis, nec Presbyteris suis obtemperare, & bannum nostrum præsumunt contemnere.

*Ut nemo feramina furetur in forestibus Dominicis.*

XXXIV. Ut in forestes nostras feramina nostra nemo furari audeat, quod jam multis vicibus fieri contraximus, & nunc iterum bannimus firmiter, ut nemo amplius faciat, sicut fidelitatem nobis promissam unusquisque conservare cupiat, ita sibi caveat. Si quis autem Comes, vel Centenarius, aut Bassus noster, aut aliquis de ministerialibus nostris feramina nostra furaverit, omnino ad nostram præsentiam perducantur ad rationem. Ceteris autem vulgis, qui ipsum furtum de feraminibus fecerit, omnino, quod iustum est, componat, nullatenusque eis exinde aliquid relaxetur. Si quis autem scierit alicui perpetratum, in ea fidelitate conservata, quam nobis promiserunt, & nunc promittere habent, nullus hoc celare audeat.

*Capitula ad omnes generaliter.*

XL. Novissimè igitur ex omnibus decretis nostris nôsse cupimus in universo regno nostro, Missos nostros nunc directos, sive inter Ecclesiasticos viros, Episcopos, Abbates, Presbyteros, Diaconos, Canonicos, omnes Monachos, sive Sanctimoniales, qualiter unusquisque in suo Ministerio, vel professione nostra bannum vel decretum habeat conservatum, vel ubi civibus ex his dig-

Aaa 2

num sit, ex bona voluntate sua gr̃atias agere, vel adjutoria impendere, vel, ubi aliquid adhuc necessitatis, emendare. Simili autem laicos, & in omnibus ubicunque locis. Si de mundeburde Sanctarum Ecclesiarum, vel etiam viduarum, & orphanorum, seu minimum potentium, atque rapina, nec non de exercitali placito instituto, & super ipsis causis, qualiter præcepto, vel voluntati nostræ sint obedientes, vel etiam qualiter bannum nostrum habeant conservatum, qualiterque super omnia unusquisque certamen habeat in sancto servitio seipsum custodire. Et si hæc omnia bona, & bene sunt ad Dei omnipotentis laudem, ei gratias referamus, ut dignum est. Ubi autem aliquid malum esse credimus, sic ad emendandum omne studio, & voluntate certamen habeamus, ut cum Dei adjutorio hoc ad emendationem perducamus, & ad nostram æternam mercedem, & omnium fidelium nostrorum. Similiter & de Comitibus & Centenariis ministerialibus nostris inter nos omnia supradicta esse cupimus feliciter.

*Admonitio de Symbolo fidei.*

XLI. Audite fratres dilectissimi! pro salute vestra hunc Missum, ut ammoneamus vos, quomodo secundum Deum justè & benè vivatis, & hoc secundum cum iustitia, & cum misericordia conversemur. Ammonemus vos in primis, ut credatis unum Deum Patrem omnipotentem, & Filium, & Spiritum Sanctum. Hic est unus Deus & verus, perfecta Trinitas, & vera unitas. Deus, creator omnium bonorum nostrorum. Credite Filium Dei, pro salute mundi hominem factum, natum de Spiritu Sancto, & Virgine Maria. Credite, quòd pro nostra salute mortem passus est, & tertiâ die surrexit à mortuis, ascendit in celo, sedet ad dexteram Dei. Credite eum venturum ad iudicandos vivos, & mortuos, & nunc reddet unicuique secundum opera sua. Credite unam Ecclesiam, id est, congregationem bonorum hominum per totum orbem terræ. Et scitote, qui illi soli salvi esse poterunt, & illi soli ad regnum Dei pertinent, qui in istius Ecclesiæ sedis & communione, & charitate perseverant.

*Bahz. Tomo I. Capitularium à pag. 361. ad 376.*

SYNO.



## SYNODUS WORMATIENSIS.

## TITULUS I.

## DE IMMUNITATE SACERDOTUM à BELLO.

SUPPLICATIO POPULI APUD CAROLUM MAGNUM PRO SACERDOTUM CAUSA, NE IN HOSTEM, AUT PUGNAM PERGERENT.

*Ex Capitulis Wormatiæ (a) Decretis.*

**F**lexis (a) omnes precamur poplitibus Majestatem vestram, ut Episcopi deinceps, sicut hactenus, non vexentur hostibus, sed quando nos, vósque in hostem pergitur, ipsi propriis resideant in Parochiis, Deoque fideliter famulari studeant, & eorum Sacrosancta Mysteria Canonice, & Deo placite, peragere satagant, atque pro vobis, & cuncto exercitu vestro, unà cum omnibus sibi commissis orare viriliter, Missasque decantare, & Litanias atque Eleemosynas facere decerent. Quosdam enim ex eis in hostibus, & præliis vulneratos vidimus, & quosdam periisse cognovimus. Hæc verò valde periculosa, & oppidò sunt cavenda, quæ idcirco fugerimus, ne pro talibus vos, & nos simul pereamus. Novit Dominus, quando eos in talibus videmus, terror apprehendit nos, & quidam ex nostris timore perterriti, propter hoc fugere, & inimicis terga vertere solent. Plures enim potestis habere præliatores, si illi propriis resident in Parochiis, quàm si vobiscum pergunt: quoniam illi, qui eos prævident, omnes tunc pugnabunt, quod modò nequaquam faciunt, sed eos tantummodo custodiunt. Nam sine dubio potius vobis, nobisque proficere possunt, si remanserint, quàm si in hostem, vel ad pugnam perrexerint, quia tunc eorum precibus adjuvamus, & modò eorum pressuris gravamur. Quando verò Moyses expansis ad Cælum manibus orabat, vincebat Israël, & quando à precibus cessabat, & manus ejus gravabantur, priusquam sustentatæ fierent, & ipse precibus insisteret, vincebatur, & terga vertebat. Talibus ergò, & multis aliis exemplis fulti, quorum prolixitatem vitantes modò non dicimus, quia sapienti femel

dicta sufficiunt; prædicta, obnixè omnes precamur; & ut concedantur, rogamus: quia nullatenus volumus assentire, ut nobiscum ad talia pergant, nisi duo, aut tres benè docti, electione videlicet cæterorum, ad benedictionem dandam, vel ad periclitantium reconciliationem faciendam; ne vos & nos simul cum pluribus pereamus, sed eorum precibus, ut jam memoratum est, fulciamur. Quam formam & de Sacerdotibus tenere optamus: id est, ut nec illi in hostem, nisi benè docti, & ipsi electione, atque permissione propriorum Episcoporum, qui tamen tales sint, de quorum scientia & vita, ac conversatione omnes secuti esse possimus. Illud tamen vobis & omnibus scire cupimus, quod non propterea hæc petimus, ut eorum res, aut aliquid ex eorum pecuniis, nisi ipsis aliquid sponte nobis dare placuerit, aut eorum Ecclesias dividuari cupiamus: sed magis eis, si Dominus posse dederit, augere desideramus: ut & ipsi, & vos, & nos salviore simus, & Deo potius, ipso adminiculante, placere mereamur. Scimus enim, res Ecclesiæ Deo esse sacratas: scimus, eas esse oblationes fidelium, & pretia peccatorum. Quapropter si quis eas ab Ecclesiis, quibus à fidelibus collatæ, Deoque sacratæ sunt, aufert, procul dubio sacrilegium committit; cæcus enim est, qui ista non videt. Quisquis ergo nostrum suas res Ecclesiæ tradit, Domino Deo illas offert, atque dedicat, suisque Sanctis, & non alteri, dicendo talia, & agendo ita. Facit enim Scripturam de ipsis rebus, quas Deo dare desiderat; & ipsam Scripturam coram Altari, aut suprà, tenet in manu, dicens ejusmodi loci Sacerdotibus, atque Custodibus: Offero Deo, atque dedico omnes res, quæ hæc

in

[a] Lindenbrogii L. VI. Capitulum hoc Cap. CCLXXXV. refert ex Capitulis Conventus Wormatiensis.

(b) Simondus hæc recitat inter Capitula selecta Ecclesiastica ab anno 768, ad 814. edita à Carolo, tum Rege, tum Imperatore. Secuti sunt eum alii Synodographi. Nos quærimus Canones & Capitula ad Synodos suas referre, quantum fas est. Hinc ea, quæ certæ invenimus attributa Synodo ad eam, ejusque annuos deferimus.

in chartula tenentur insertæ, pro remissione peccatorum meorum, ac Parentum, & filiorum, aut pro quocunque illas Deo liberare voluerit, ad serviendum ex his Deo in Sacrificiis, Missarumque solemnibus, orationibus, luminariis, pauperum, ac Clericorum alimonis, & cæteris Divinis Cultibus, atque illius Ecclesiæ utilitatibus. Siquis autem eas inde, quod fieri nullatenus credo, abstulerit, sub pœna sacrilegii ex hoc Domino Deo, cui eas offero, atque dedico, strictissimas reddat rationes. Ponit etiam in ea alias conjurationes, quas enumerare longum est. Nam qui eas inde postea aufert, quid agit nisi sacrilegium? Si ergo amico quidpiam rapere furtum est, Ecclesiæ verò fraudari vel auferri indubitanter sacrilegium est. Unde & in Sacris Canonibus, Spiritu Dei conditis, habetur ita: si quis oblationes Ecclesiæ extra Ecclesiam accipere, vel dare voluerit, præter Episcopi conscientiam, vel ejus, cui hujusmodi sunt officia commissa, nec cum ejus voluerit agere consilio, anathema sit. Absit enim, ut rerum Ecclesiarum cupiditate, vel ablatione sacrilegi, aut anathema efficiamur, aut talibus laqueis unquam devinciamur: quoniam scimus, anathematizatos homines, vel sacrilegos, non solum infames, & à confortio fidelium, priusquam hæc per publicam satisfactionem Ecclesiæ, & Episcoporum reconciliationem, manusque impositionem emendant, alienos esse; sed etiam à Regno Dei extorres fieri, si in talibus defecerint, non dubitamus. Ut ergo omnis suspicio à nobis, cunctis Sacerdotibus, & omnibus Christi, & Sanctæ Dei Ecclesiæ fidelibus funditus auferatur, profiteamur, omnes stipulas dextris in manibus tenentes, easque propriis è manibus ejicientes coram Deo, & Angelis ejus, ac vobis, cunctisque Sacerdotibus, & populis circumstantibus, nec talia facere, nec facere volentibus consentire, sed magis Deo auxiliante resistere. Et hoc vobis, omnibusque Fidelibus Sanctæ Dei Ecclesiæ, & nostris notum esse cupimus, quod cum his, qui absque voluntate, aut consensu, vel datione Rectoris illius Ecclesiæ, cui istæ res justè esse debentur, & maxime proprii Episcopi, res Ecclesiæ à Regibus perere, aut retentare, vel auferre, aut invadere, vel vastare præsumperint, nec

A a a 3

in hostem, nec ad pugnam ire, nec cibum sumere, nec ad Ecclesiam, vel ad Palatium, aut in itinere pergere, nec etiam nostros homines cum eorum hominibus, aut Caballos, vel reliqua pecora nostra cum eorum pecoribus, aut ad pastum ire, aut simul habitare, vel manere, nec ullam participationem cum eis, nisi pro emendatione, ante publicam emendationem, & Ecclesiæ satisfactionem, unquam scienter, aut libenter habere debeamus, ne pro eorum iniquitatibus, atque flagitiis, unà cum eis nos & nostri, quod absit, pereamus. Scimus enim, quia perit justus pro impio. Tales verò à nobis, si nos fideles habere vultis, segregate, & in ergastulum sub publica pœnitentia redigite, & postulara concedite. Ut ergo hæc omnia à vobis & à nobis, sive à successoribus vestris & nostris, futuris temporibus absque ulla dissimulatione conserventur, scriptis Ecclesiasticis inferere jubete, & inter vestra Capitula interpolare præcipite.

## CAPUT II.

*Concessio Domni Caroli Imperatoris, ne Episcopi ad bella pergant.*

Omnibus (d) notum esse volumus, quia non solum ea, quæ super Episcoporum, & Presbyterorum hostium vexationibus, & precibus pro nobis, & vobis fieri rogastis, concedere optamus: sed quidquid pro Sanctæ Dei Ecclesiæ, & Sacerdotum, sive totius populi, & vestra utilitate inveneritis, concedere paratissimi sumus, & modò ista, sicut petistis, concedimus: & quando vita comite, Deo auxiliante, ad generale placitum venerimus, sicut petistis, consultu omnium Fidelium nostrorum scriptis firmare nostris, nostrorumque, atque futuris temporibus irrefragabiliter manenda firmissimè, Domino adminiculante, cupimus. Modò ea, quæ generalia sunt, & omnibus conveniunt ordinibus, statuere, ac cunctis Sanctæ Dei Ecclesiæ, nostrisque Fidelibus, ob Dei omnipotentis amorem & recordationem tradere parati sumus, & ad proximum Synodalem nostrum Conventum, ac generale placitum, ubi plures Episcopi, & Comites convenierint, ista, sicut postulastis, firmabimus.

CA.

[d] Capitularium L. VI, Cap. CCXXXVI, Edition. Lindenbrogii.



## CAPUT III.

*Decretum Domni Caroli Regis Francorum, ut Servi Dei neque in hostem pergant, neque armaturam bajulent.*

Carolus gratiâ Dei Rex, Regniq[ue] Francorum Rector, (e) & devotus Sanctæ Ecclesiæ Defensor, atque Adjutor in omnibus, Apostolicæ Sedis hortatu, omniumq[ue] fidelium nostrorum, & maximè Episcoporum, ac reliquorum Sacerdotum consultu, Servis Dei per omnia omnibus armaturam portare, vel pugnare, aut in exercitum, & in hostem pergere, omnino prohibemus; nisi illi tantummodo, qui propter Divinum Ministerium, Missarum scilicet solemnja adimplenda, & Sanctorum Patrocinia portanda, ad hoc electi sunt, id est, unum, vel duos Episcopos cum Capellanis, Presbyteris, Princeps secum habeat, & unusquisque Præfectus unum Presbyterum, qui hominibus peccata confitentibus judicare, & indicare penitentiam possit.

## CAPUT IV.

*De hoste & pugna, atque armis Sacerdotibus prohibitis.*

Secundâ vice propter ampliorem observantiam, Apostolica auctoritate, & multorum, Sanctorum Episcoporum admonitione instructi, Sanctorumq[ue] Canonum Regulis edocti, consultu videlicet omnium Nobilium nostrorum, nosmetipsos corrigentes, posterisque nostris exemplum dantes, volumus, ut nullus Sacerdos in hostem pergat, nisi duo, vel tres tantum Episcopi, electione cæterorum, propter benedictionem, & prædicationem, populique reconciliationem; & cum illis electi Sacerdotes, qui bene sciant populis penitentias dare, Missas celebrare, de infirmis curam habere, sacratique olei cum sacris precibus unctionem impendere, & hoc maximè providere, ne sinè viatico quis de Sæculo recedat. Hi verò nec arma ferant, nec ad pugnam pergant, nec effusores sanguinum, vel agitatores fiant: sed tantum Sanctorum pignora, & Sacra Ministeria ferant, & orationibus pro viribus insistant: ut populus, qui pugnare debet, auxiliante

Domino, victor existat, & non sit Sacerdos, sicut populus. Reliqui verò, qui ad Ecclesias suas remanent, suos homines bene armatos nobiscum, aut, cum quibus jusserimus, dirigant: & ipsi pro nobis, & cuncto exercitu nostro, Missas, Litanias, Oblationes, Eleemosynas faciant, orantes Deum cœli, ut proficiamus in itinere, quo pergimus, victoresq[ue], Deo adminiculante, existamus. Gentes enim & Reges earum, quæ Sacerdotes secum pugnare permiserunt, nec prævalebant in bello, nec victores extiterunt: quia non erat differentia inter Laicos & Sacerdotes, quibus pugnare non est licitum. Hæc verò Galliarum, Spaniarum, Longobardorum, nonnullasq[ue] alias gentes, & Reges earum fecisse cognovimus, qui propter prædictum nefandissimum scelus, nec victores extiterunt, nec Patrias retinuerunt. Quam foveam caventes, malumus cum paucis, & licitis, Domino opem ferente, victores existere, quàm cum multis, & illicitis terga, quod absit, vertere, & cum prædictis gentibus perire. Qualis enim Victoria datur, ubi Sacerdotes unâ horâ Dominica pertractant Ministeria, & Christianis Dominicum porrigunt Corpus pro suarum animarum redemptione, & post Christianos, quibus hoc ministrare debuerant, aut Paganos, quibus Christum prædicare, propriis, sacrilegisq[ue] manibus necant? Præcipuè, dicente eis Domino: Vos estis sal terræ; quod si sal evanuerit, in quo condietur? Ad nihilum valet ultra, nisi, ut mittatur foras, & conculcetur ab hominibus. Et dum hæc ita se habeant, eligimus potius, Domino adminiculante, nobisque illis, & cunctis eorum Ecclesiis opem ferente, nec quidquam eis pro hoc de honoribus, vel Ecclesiarum rebus minuente, ut gradus eorum, & Sanctorum Canonum decreta custodiant; quam illi aut nobis imperantibus, aut consentientibus, contra hæc faciant, aut gradibus careant, aut pereant, & nos simul, quod absit, cum eis, & victoriâ careamus, vel pereamus. Quoniam peccatis exigentibus timemus, si talia, & tam illicita, aut imperemus, aut agere consentiamus, ut unâ cum eis pereamus: quia non solum, qui faciunt, sed & qui consentiunt facientibus, æquipiaculo rei sunt in conspectu Dei & Sanctorum

(e) Capitalorum L. VI. Cap. XCI. Edition. Liadenbrogii.

ctorum ejus. Si verò ista veraciter ex utraque parte fuerint custodita, credimus, quia corruent ante nos omnes paganæ gentes, & erimus Victores; insuper & bene agentes, Domino auxiliante, vitam possidebimus sempiternam.

## CAPUT V.

*De his, qui putaverunt idcirco præceptum fuisse, non ire ad pugnam Sacerdotes, ut honor eis minueretur.*

Quia instigante antiquo hoste audivimus, quosdam nos suspectos habere, propterea, quod concessimus Episcopis, & Sacerdotibus, ac reliquis Dei servis, ut in hostes, nisi duo, aut tres, à cæteris electi, & Sacerdotes similiter perpauci, ab eis electi, non irent, sicut in prioribus nostris continetur Capitularibus, nec ad pugnam properarent, nec arma ferrent, nec homines, tam Christianos, quam paganos necarent, nec agitatores Sanguinum fierent, vel quidquam contra Canones facerent; quod honores Sacerdotum, & res Ecclesiarum auferre, vel minorare eis voluissimus: Quod nullatenus facere velle, vel facere volentibus consentire, omnes scire cupimus. Sed quantum quis eorum amplius suam normam servaverit, & Deo servierit, tantò eum plus honorare, & cariorem habere volumus. Et ut hæc certius credantur, & per futura tempora conserventur; præcipimus, ut nullus res Ecclesiæ nisi precario possideat, & postquam ipsæ precariæ finitæ fuerint, faciant potestativè Speculatores Ecclesiarum, utrum elegerint, aut ut ipsas res recipiant, aut posteris eorum sub precario & censu habere permittant. Ita tamen, ut ipsi proprias & utiles res eisdem Ecclesiis, de quarum jure esse videntur, legaliter tradant, & sic à Rectoribus earundem Ecclesiarum precariæ, si renovandæ sunt, Canonicè renoventur. Novimus ergo multa regna, & Reges eorum propterea cecidisse, quia Ecclesias spoliaverunt, resque earum vastaverunt, abstulerunt, & pugnantibus dederunt. Quapropter nec fortes in bello, nec in fide stabiles fuerunt, nec victores extiterunt: sed terga multi vulnerati & plures interfecti venterunt, Regnæque, & Regiones, & quod pejus est, Regna cæle-

stia perdidierunt, atque propriis hæreditatibus caruerunt, & hæcenus carent. Quæ omnia vitantes, nec talia facere, nec consentire, nec infantibus, aut successoribus nostris exemplum dare volumus: sed quantum valemus, & possumus, adjuncto Leonis Papæ, & omnium Episcoporum, quorum consilio usi hoc egimus, Spiritu, nostro spiritui, per Deum, & omnium Sanctorum merita prohibemus, contestamurque, ne talia faciant, vel facere volentibus consentiant; sed adjuutores, & defensores, atque sublimatores Ecclesiarum, & cunctorum servorum Dei pro viribus existant; ne in foveam, in quam prædicti Reges, & regna ceciderunt, cadant, aut in profundum, quod absit, inferni demergantur. Et ut hæc devotius per futura tempora conserventur, præcipientes jubemus, ut nullus tam nostris, quam futuris temporibus, à nobis, vel successoribus nostris, ullo unquam tempore, absque consensu & voluntate Episcoporum, in quorum Parochiis esse noscuntur, res Ecclesiarum petere, aut invadere, vel vastare, aut quocunque ingenio alienare præsumat. Quod si quis fecerit, tam nostris, quam & successorum nostrorum temporibus, pænis sacrilegii subiaceat, & à nobis, atque successoribus nostris, nostrisque Judicibus, vel Comitibus, sicut sacrilegus, & homicida, vel fur sacrilegus, legaliter puniatur, & ab Episcopis nostris anathematizetur; ita, ut mortuus etiam sepulturâ, & cunctis Dei Ecclesiæ precibus, & oblationibus careat, nec elemosynam suam quisquam recipiat. Quod autem maximum sacrilegium sit, res Ecclesiæ auferre, invadere, alienare, vastare, vel subripi, maximè omnes Scripturæ Divinæ testantur, & Beatus Symmachus Papa Synodali sententiâ cunctos feriendo dicit. Iniquum est, inquit, & sacrilegii instar, ut quæ vel pro salute, vel pro requie animarum suarum unusquisque Venerabili Ecclesiæ, pauperum causâ, contulerit, aut certè reliquerit, ab his, quibus maximè servari convenerat, auferri, aut in aliud transferri. Et multa Sanctorum Canonum Decreta, & Sanctorum Patrum Edicta hæc eadem testantur, quæ scrutari & scire cupientibus perfacile patent.



## TITULUS II.

## DE PURGATIONE SACERDOTUM. (a)

## CAPUT I.

*Quid de Presbyteris criminosis, de quibus approbatio non est, agendum sit.*

**E**T hoc (b) vobiscum magno studio pertractandum est, quid de illis Presbyteris criminosis, unde approbatio non est, & semper negant, faciendum sit. Nam hoc sæpissimè à nobis, & à progenitoribus, atque antecessoribus nostris ventilatum, sed non ad liquidum hæcenus definitum. Unde ad consultandum Patrem nostrum Leonem Papam Sacerdotes nostros mittimus: & quidquid ab eo, vel à suis perceperimus, vobis una cum illis, quos mittimus, renuntiare non tardabimus. Vos interdum vicissim tractate attentius, quid ex his vobiscum constituamus unà cum prædicti Sancti Patris institutionibus: ut murmur cesset populi, & nos his satisfaciētes, illæsi, Domino auxiliante, ab utrisque maneamus. Sequitur constitutio memorata.

## CAPUT II.

*Decretum Caroli Regis ex consultu Leonis Papæ, de purgatione Sacerdotum.*

Omnibus, (c) vobis visu, aut auditu notum esse non dubitamus, quod sæpissimè, suadente antiquo hoste, Sacerdotibus crimina diversa objiciantur: sed quoniam, qualiter ex his rationabilis examinatio & satisfactio fiat, licet tempore bonæ memoriæ Domni genitoris nostri Pippini, sive prædicti genitoris Sancti Patris, & à reliquis bonæ devotionis hominibus sæpissimè ventilatum fuerit. Nos tamen pleniter, & ad liquidum definitum reperire minimè quivimus. Nostri quippe temporibus id ipsum à Sanctis Episcopis, & reliquis Sacerdotibus, & ceteris Ecclesiasticæ dig-

nitatis Ministris, nostris in regnis, seu in aliis degentibus, nobisque unà cum eis agentibus, sæpissimè propter multas, & nimias reclamaciones, quæ ex hoc ad nos ex diversis partibus venerunt, ventilatum est; sed qualiter consultu Domni, & Patris nostri Leonis Apostolici, ceterorumque Romanæ Ecclesiæ Episcoporum, & reliquorum Sacerdotum, sive Orientalium, & Græcorum Patriarcharum, & multorum Sanctorum Episcoporum, & Sacerdotum, nec non & nostrorum Episcoporum omnium, ceterorumque Sacerdotum, & Levitarum auctoritate, & consensu, atque reliquorum fidelium, & cunctorum Consiliariorum nostrorum consultu definitum est, vobis omnibus, utriusque Ordinis Ministris, scire volumus. Statutum est namque ratione, & necessitate, ac auctoritate prædicta, & consultu omnium, ut quotiescunque cuique Sacerdoti crimen imponitur, si ipse accusator talis fuerit, utrecipi debeat (quia quales ad accusationem Sacerdotum admitti debeant, in Canonibus pleniter expressum est,) si autem, ut dictum est, ille accusator, qui canonicè est recipiendus, eum cum legitimo numero verorum & bonorum testium approbare in conspectu Episcoporum poterit, tunc canonicè dijudicetur; & si culpabilis inventus fuerit, canonicè damnetur. Si verò, cum superscripto prætextu approbare ipse accusator minimè poterit; & hoc canonicè definitur. Ipse ergo Sacerdos, si suspiciosus, aut incredibilis suo Episcopo, aut reliquis suis Consacerdotibus, sive bonis, & iustis de suo populo, vel de sua plebe hominibus fuerit, ne in crimine, aut in prædicta suspitione remaneat, cum tribus, aut quinque, vel septem bonis, ac vicinis Sacerdotibus, exemplo Leonis Papæ, vel eo amplius, si suo Episcopo visum fuerit, aut necesse propter tumultum populi id esse prospexerit, & cum aliis bonis & iustis hominibus se

Sacra-

(a) Anno DCCCIII. Carolus è Bajoaria per Alamanniam ad civitatem Wormatiensem perrexit, & ibi de purgatione Sacerdotum sedentium secunda vice tulit. Nempe ex Decreto Leonis III. Papæ, & Gregorii II. vide illud Capitular. L. VII. Cap. CCV. edition. Lindenbruchii. Eckhart. Tomo II. rerum Francicar. p. 33.

(b) Lib. V. Capitularium C. XXXIII. Edition. Lindenbruchii.

(c) L. V. Capitularium Cap. XXXIV. ex Editione Lindenbrogii.

Sacramento, coram populo super quatuor Evangelia dato, purgatum Ecclesiæ reddat. Siquis autem scire desiderat, quales testes ad accusationem Sacerdotum recipi debeant, & quid de accusatore faciendum sit, pleniter in Canonibus reperire poterit.

## CAPUT III.

*Ut Presbyteri criminosi, ad Synodum venientes, in medium collocentur.*

Presbyteros (d) criminosos, canonicè ad Synodum venientes, iubemus juxta Decreta Papæ Innocentii, Capite trigesimo tertio, in medio collocari: difficultisque objectionibus, quæ ipsis Presbyteris impinguntur, si convinci potuerint, à Sacerdotali removeantur officio; quia, qui Sancti non sunt, tractare Sancta non possunt; atque alieni efficiantur à ministerio, quod vivendo illicitè polluerunt. Et si convinci non potuerint, secundum antè Capitulum, consule Leonis Papæ, & multorum Episcoporum, statutum cum aliis Presbyteris & Fidelibus, iustisque hominibus, satisfaciant Episcopo suo, & populo.

## CAPUT IV.

*De purgatione Sacerdotum, qualiter Wormatiæ secundà vice à Domino Carolo, & à suis tractata, atque sopita est.*

Omnibus (e) vobis tam præsentibus

bus, quàm & futuris, scire cupimus, quia ideo consulti Sedis Apostolicæ, & omnium nostrorum Episcoporum, ac reliquorum Sacerdotum, atque maximè cunctorum Fidelium nostrorum, de purgatione criminorum Sacerdotum tanta tractavimus, eamque cum testibus, sicut in anteriori Capitulari nostro continetur, fieri decrevimus: quoniam nesciebamus, eandem causam à Beato Gregorio Papa esse definitam. Nam cum Wormatiæ generalem Conventum habuissimus, allata est nobis à Riculfo, Moguntiacensi Metropolitano, Epistola Beati Gregorii Papæ, in qua inter cætera continebantur hæc: *De Presbytero verò, vel quolibet Sacerdote, à populo accusato, si certi non fuerint testes, qui crimini illato approbent veritatem; iusjurandum erit in medio, & illum testem proferat de innocentia suæ puritate, cui nuda & aperta sunt omnia, sicque maneat in proprio gradu.* Ista verò omnia, quia (g) vires nostras excedunt, in iudicio Episcoporum juxta Canonicam Sanctionem definienda relinquimus; ut hæc, quando orta fuerint, ita definire satagant, ut nec secundum Sæculum iustam reprehensionem, nec penes Deum, quod absit, damnationem; sed æternæ beatitudinis, ipso auxiliante, qui omnia infucata præstat, præmia consequantur.

(d) L. V. Capitularium Caput CCXVIII. Editionis Lindenbrogii.

(e) L. VII. Capitular. Cap. CCV. ejusdem Edition.

[f] Observa reverentiam & abstinentiam Caroli Imperatoris in dijudicandis Sacerdotibus etiam criminosis.

## AQUISGRANENSIS SYNODUS.

Anno Christi DCCCIII. Leonis III. Papæ IX.  
Caroli Imperii IV.

ACTIO I. *Relectio Canonum pro Episcopis, Presbyteris.*

ACTIO II. *Regulæ S. Benedicti inculcatio pro Abbatibus & Monachis.*

ACTIO III. *Psalmodiæ Romanæ Commendatio pro omnibus Episcopis & Presbyteris in omni Imperio Caroli.*

ACTIO IV. *Scholæ Cantorum constituendæ in omnibus Monasteriis.*

I. **A**NNO DCCCII. (a) Mense Octobri congregavit Carolus universam Synodum in Aquis, & ibi fecit (b) Episcopis, Presbyteris, Diaconibus prælegi universos Canones, quos Sancta

B b b

Synodus præcepit, & Decreta Pontificum: & pleniter iussit eos tradi coram omnibus Episcopis, Presbyteris & Diaconibus Mense Octobri.

II. Carolus in Sancta Synodo (Aquisgranensi)



*gravenfi*) congregavit universos Abbates, & Monachos, qui ibi aderant, & ipsi inter se Conventum fecerunt, & legerunt Regulam S. P. Benedicti, & tradiderunt eam sapientes in conspectu Abbatum & Monachorum: & tunc iussio generaliter super omnes Episcopos, Abbates, Presbyteros, Diaconos, seu universo choro Clericorum facta est, ut unusquisque in loco suo juxta constitutionem SS. Patrum, sive in Episcopalibus, sive in Monasteriis, aut per universas Ecclesias, ita, ut Canonici juxta Canones viverent, & quidquid in Clero, aut in populo de culpis & negligentis apparuerit, juxta

Canonum auctoritatem emendassent, & quidquid in Monasteriis, seu in Monachis, contra Regulam S. Benedicti factum fuisset, hoc juxta Regulam ejusdem emendare fecissent.

III. Mandavit autem, ut unusquisque Episcopus in omni Regno, vel Imperio suo ipsi cum Presbyteris suis officium, sicut psallit Ecclesia Romana, facerent.

IV. Nam & Scholas suas cantorum in loca congrua construi præcepit.

V. Similiter & in Monasteriis, S. Benedicti servantibus Regulam, ut officium ipsius facerent, sicut Regula docet.

*Annales Francorum editi à Marten. & Durand. T. VII. Collection. Monumentorum veterum.*

*Labbe ex Chronico Moissiacensi. Mansi Supplem. Tom. I. pag. 745. qui & S. Simpert Decreta regularia, à Sancta Synodo in Francia edita, verosimiliter ad hanc Synodum refert. p. 789.*

- (a) Chronicon Moissiacense ad annum 802. refert hanc Synodum, & Annales Lambeciani.  
(b) Annalistæ Francorum vocant hujusmodi Synodos Examinationes Episcoporum & Clericorum. *Eckhart. T. II. Franc. p. 10.*

## REGULARIA DECRETA, à SANCTA SYNO- DO IN FRANCIA (a) JUSSU CAROLI (b) MAGNI, (c) PATRITII, ET REGIS ROMANORUM CELEBRATA, AD MEMORIAM VERBO ET SCRIPTO, PRÆSENTIBUS FRATRIBUS MONASTERII MURBACEN- SIS PATEFACTA PER SIMPERTUM ABBATEM EJUSDEM LOCI, ET EPISCOPUM AUGUSTENSEM, CUI SYNO- DO INTERFUIT PERSONALITER.

**A**D memoriam vestram, fratres Charissimi, revocare scripto decrevimus ea, quæ verbis, & capitulis proximè à Sancta Synodo auribus vestris intimavimus, & in singulis Capitulis, quæ ibi digesta sunt, quasi recapitulationem facientes, possibilitatis, & necessitatis in eis commoda requisivimus: quia quædam ibi secundum auctoritatem regulæ, quædam verò usu & consuetudine prolata sunt: quæ consuetudo, si aliquo vitio correpta non fuerit, pro lege regulari inculpatè retineri poterit.

*Primo* enim Capitulo denuntiatur est, ut, cum Abbates ad propria loca

remeassent, regulam per singula discutientes relegerent, & adimplerent, quod à nobis in discussione verborum juxta modulum intelligentiæ nostræ actum est. Illa verò adimpletio, non in spatio temporis, sicut illa interpretatio, sed in cursu totius vitæ nostræ ponenda est, duobus modis, aut adimplendo, domino adjuvante, sponsonem nostram: aut si peccatis surripientibus pravificatores Sanctæ Regulæ existimus, emendando regularibus disciplinis.

*Secundo:* Ut, qui possunt, regulam memoriter discerent. Ubi jungendum putavimus, ut cum ex corde recitanda

- (a) Cum hæc Synodus in Francia dicatur coacta, non potest intelligi de Conventu Ratisbonensi in Bavaria.  
(b) Cum dicatur coacta sub Carolo, non potest differri ad tempora Ludovici Pii, vel annum 817.  
(c) *Magui* nomen Carolo vivo non fuit tributum à cœvo: Titulus igitur hic seriùs præfixus fuit.

tanda dicitur, à dictatoribus ordinatis stantibus interpretetur. Quosdam verò toram per ordinem memoriæ commendare iussimus, qui descripti in nostro Catalogo continentur, quorum numerus usque ad triginta sex excrevit. Quibusdam verò Capitula decem ex eadem regula denominata discenda injunximus, qui simili modo descripti noscuntur: nisi forè ætatis, aut visis impedimentum ad discendum obstiterit: saltem hæc clauso codice ex corde possunt proferre; qui verò nec ex integro, nec ex parte ista percurrere nequierint, audiendæ sententiæ singulorum penetrent, & menti repont, in quo se participes cæteris, si opere audita probaverint, esse non dubitent. Ubi etiam addendum est, ut nullus fratrum prætermittatur, qui in aliquâ meditatione lectionis Divinæ tempore ordinario occupatus non sit; *Verbi gratiâ*, ut scholastici, postquam Psalmi, cantica, & hymni memoriæ commendata fuerint, regula post regulæ textum committi, interim verò hitoriam Divinæ auctoritatis, & expositores ejus, nec non & Collationes Patrum, & vitas eorum legendo, Magistris eorum audientibus, percurrant. Postquam verò in istis probabiliter educati fuerint, ad artem Literaturæ, & spirituales se transferant flores. Qui verò de habitu sæculari conversi, notitiâ literarum indigent, post earum cognitionem orationem Dominicam, & symbolum, & sic deinceps pœnitentium psalmos, post hæc reliquos, usque dum vita, & virtus suppetit, discere non desinant.

*Tertio*: Ut omnes officium S. Benedicti faciant. Quod Capitulum illis observandum convenit; qui hætenus Romanæ Ecclesiæ officio sub Monachico habitu degentes usi sunt.

Nos verò, qui ab ipsis penè cunabulis à majoribus nostris eruditi, in eadem dispositione viximus, quidquid menti occurrit, quod negligentia prætermisit, emendatio supplere debet, id est, ut omnes horæ Canonice tam ad nocturnas vigilas, quàm ad diurnas horas, excepto completorio, Antiphonis terminentur. Hebdomadarii legentes in refectorio lectiones per singulas horas Canonicas, unicuique tempore congruentes, in Ecclesia recitant, quas per ordinem memoriæ commendent. Similiter

Bbb 2

& eas, quæ tempore æstivo ex Prophetis ad nocturnos decantandæ sunt, pronuntiationes in choro per tres horas Canonicas, id est, ad nocturnos, matutinis, & vespertinis conventibus sine intermissione fiant. Psalmi ordinatè, absque ullâ festinatione, divisionibus in versibus custoditis, psallantur: orationes, quæ à Sacerdote recitantur, usque ad divisionem versuum, ab eodem Sacerdote dicantur; ac deinde subsequencia congregatio respondeat. Quinquagesimus sine confusione alicujus præcipationis, choris alternantibus, dicatur: Kyrie eleyson in ordine suo simul stando ordinatè decantent. Ea verò, quæ in Regulari distributione Psalmorum de usu Romanæ Ecclesiæ addita sunt, & in quibusdam cœnobiis in usu non habentur, adhuc nobis retinenda censuimus, donec consulti meliorum, aut dimittantur, aut tenendum certiora reddantur.

*Quarto*: Ut Abbates communes esse debeant ejus Monachis in manducando, in bibendo, in dormiendo, seu in cæteris quibuslibet causis. In hoc quippe negotio uti regulari potestate volo, cui non præjudicat alicujus novæ constitutionis censura. Sive enim eommuni victu, seu in abstinentia singulari, quilibet rumore vulgi respergi poterit, quod & exemplo Salvatoris, & ejus præcursoris, factum dignoscitur. Nos verò sicut in conventu fratrum infirmitates corporis nostri exposuimus, non in tantum obtemperando gulæ illecebris, quantum consulendo necessitatibus corporis, sic victum nostrum, Domino moderante, disponere cupimus, ut & sustineat ad utilia, non noceat ad adversa.

*Quinto*, Ut fratres in coquina, in pistrino, & cæteris officiis artium, propriis manibus laborent, & vestimenta sua lavent. In lavatione vestium antiqua consuetudo teneatur, ut, qui per se possunt, faciant; qui verò senio, aut infirmitate deficiunt, curâ præpositi ab aliis adjuti eorum necessitas expleatur. In calceamentis verò, & vestimentis consuendis adhuc ordinatio nostra teneatur, ita, ut, qui per se hoc facere potuerint, faciant: quibus verò causa impossibilitatis suprâ descripta obstiterit; curâ præpositi, & Camerarii eorum necessitas sustentetur; ne ab aliis intus, forisquæ solatio eis ad hoc quærendi necessitas incumbat.



cumbat. Iterim verò, quo hæc taliter geruntur, instruendi sunt fullones, sartores, futores non forinsecus, sicut hætenus, sed intrinsecus, qui ista fratribus, necessitatem habentibus, faciant, quæ induciæ usque Calendas Septembris proximas dandæ sunt. In coquinandi verò, & pistrinandi arte in commune ab omnibus adjuvetur, tam à septemanariis, quam à reliquis omnibus, quibus solatio sint novitii, & pulsantes nostri ad hoc deputati; donec in supradicto spatio temporis fratres ad hoc eligantur, qui annuis temporibus excursis vicissim expleant, cæterorum omnium solatio, sicut hætenus adjuti.

*Sexto*, De modo vigiliarum observando, sicut in illo Capitulare continetur, sufficit nobis, id est, ut opus vigiliarum semper cum die finiatur: nisi fortè maturius contingat surgere, ubi necesse est, ut imbecillitas corporum somno refociletur.

*Septimo*, Ut à volatilibus omni tempore ab omnibus abstineatur, exceptâ causâ infirmitatis, licet hoc regulæ auctoritas non interdicat, sed quasi in arbitrio edendi, aut abstinendi derelinquat. Decreverunt in præfata Synodo Sancti Patres, quia optioni nostræ relictum est, religiosioris vitæ sumere disciplinam, suoque præcepto firmaverunt, ut à tali edulio Monachi abstinentiæ fræno omni tempore cohiberentur, exceptâ causâ necessitatis supra scripta.

*Octavo & nono Capitulis*, in quibus lavatio pedum in quadragesima, & cæna Domini describitur, facili ordine poterit observari, si Abbas præsens fuerit: si non præpositus, qui in vice ejus est, faciat locum, ita officium compleat.

*Decimo*, Ut Abbates frequenter villas non circumeant, nisi causâ necessitatis, nec fratribus illas custodiendas committant, ubi nostræ visitationis raritas utinam non noceat. Nam frequentationis circumitio inter villas ideo nunquam fit à nobis, quia aliud impedimentum nostræ occupationis nos fatigat, dum inter curas Episcopatus, & Palatinas ordinationes, nulla ad providendas possessiones nostras nobis licentia suppetit. Sed Deus est testis, qui conficius est cordis, quòd in terrenis occupationibus non sponte, sed invitus in hæreo, qui

quandoque à tributis Cæsaris nos absolvat, quibus obnoxii sumus; ut securius, quæ Dei sunt, quandoque nobis agere liceat. Fratres verò, qui in diversis Ministeriis foris occupati fuerant, medio Augusto, cum meditatio facienda erit, sive de cellis, sive de villis ad Cœnobiū redeant, quod antè nullatenus fieri potest, propter notitiam locorum, in quibus præsumt. Interim verò actores boni providendi sunt, qui prædicta loca in posterum provideant.

*Undecimo*: Ut poma & lactucæ, nisi cum alius cibus sumitur, non comedantur, quod, statim adimpletum est.

*Duodecimo verò Capitulo*, ut tempus phlebotomiæ certum non terminetur, nisi quando necessitas exposcit, concedatur. Ubi jungendum est, ut, qui tantummodo phlebotomantur, quadragesimali cibo recreentur; qui verò potionem pro certis, aut denominatis passionibus biberint, esu volatiliū reparentur. Et ideo volatilia, quæ de curtis nostris venire annuo tempore soliti fuerant, ad hoc reserventur. Quæ verò ex actō censu ab hominibus nostris venerant, pensandum, qualiter in fratrum necessaria utilis vertantur.

*Tertio decimo*, Ut mandatum post cœnam fiat, quod & antea similiter fecimus.

*Quarto decimo*, Ut mediocra vestimenta dentur. Ubi jungendum, caprina vestimenta, seu serico circumfuta, omnino Monachis interdicta sunt. Si verò apud aliquem hujuscemodi vestimentum cum velocitate consumptum, aut mutatum, ampliùs caveatur, ne addatur.

*Quinto decimo*, Quod de numero vestimentorum, seu calceamentorum, dictum est, & de datione uncti, & sapone, sicut hætenus à nobis observatum est, adhuc in antea teneatur: ut indigentibus vestimenta præbeantur, veteribus in præsentem redditis; quæ verò superabundant, Priori reddantur, propter pauperes consolandos. Corium verò confectum fratribus detur ad annum, sicut antè, usque dum futores nutriantur. Tunc calceamenta præbeantur, sicut in Synodo definitum est. Radendi verò usus, qui mediâ Quadragesimâ solebat fieri, in Sabbatum Sancti Paschæ differatur.

*Sexto*

*Sexto decimo* verò, & *decimo septimo Capitulo* nihil addendum est, quia sicut ante à nobis observatum est, sic in antea observabitur.

*Decimo octavo Capitulo*, In quo carcer talis fieri jubetur, ut focus in eo fieri possit: iste, quem hætenus habuimus, sufficiat. Usque dum plus necessaria ædificia, quæ igne consumpta sunt, restaurentur.

*Decimo nono Capitulo* de alleluja decantatione, sicut in eadem Synodo definitum est, Romanæ Ecclesiæ concorditer, ut in septuagesima dimittatur.

*Vicesimo Capitulo* de susceptione novitiorum, sicut Regula docet, ita agatur. Tonsura verò eorum, & mutatio vestimentorum, postquam promissionem suam firmaverint, agatur. De Sacerdotibus verò, vel scholasticis suscipiendis, præceptum Synodi non habemus, & ideo susceptio eorum regularis, quantum possibilitas finit, habeatur, usque dum decretum manifestius inde audiat.

*Vicesimo primo Capitulo* usus balnei interdictus omnino est, excepto, quibus necessitas infirmitatis insitit. Unde, non (a) considerantes infirmorum imbecillitates, ad initium quadragesimæ scaphas balneum concedimus. Interim verò fiant copæ balneariæ abundanter, Præpositi & Cellarii ordinatione factæ, in quibus fratres singillatim, & non communiter, cum necessitas exposcit, benedictione antea perceptâ, lavare possint, invicem sibi solatia præbentibus, sine accessu extraneorum. In hac dilatione non prævaricatores Synodi, quod absit, simus; sed induciis factis, usque dum necessitas procuretur, ut illicitum cautius auferatur.

*Vicesimo secundo Capitulo*, in quo præcipitur, ut Abbas ad portam cum hospitibus non convivet, quod nos in usum nunquam habuimus. In auditorio verò, ubi Abbas legere solet, & cum fratribus, & cum hospitibus vicissim, seu communiter, colloquium habere solitus est, comedere cum hospitibus valde rarè usi sumus. Quem usum, nisi certius interdicatur, habere volumus. Qui locus in confinio claustris, & januæ Monasterii situs est, ita, ut fratres sine impedimento hospitum, & hospites si-

B b b 3

ne fratribus ad colloquium recipere possint.

*Vicesimo tertio Capitulo*. Ut hospitibus, quibus licentia intrandi est in refectorium, dignè administretur, Abbas verò contentus sit cibo fratrum, quod facile observabitur, ut & Abbati dignè administretur, & hospitibus. Fratres etiam in adventu fratrum aliquatenus congaudeant, & abstinentiæ fræna relaxent.

*Vicesimo quarto, & quinto Capitulis*, quæ de lectoris cibo, & ministrorum refectioe descriptæ sunt, statim observata sunt.

*Ultima verò duo Capitula*, quæ de prohibitione osculi faminarum, & ut Monachi nudi non verberentur, istiusmodi usus apud nos nunquam fuit, nec, Domino adjuvante, in antea erit. De compatriatione & commatratione omnino caveatur, ne ab ullo Monachorum aliquâ occasione præsumatur: quia in veritate non expedit animabus eorum, & omnino alienum est à proposito eorum. Hætenus explicitis Capitulis, quæ proximè in sua (b) Synodo gesta sunt, & à nobis recapitulatis: supersunt aliqua, quæ illa schola Monachorum in usum habet, juxta quorum exempla nos informandis sumus.

Duas etenim silentii Regulas custodiunt, unam nocturnam, alteram diurnam. Illa cum nocturna à collatione vespertinali usque ad versum Capituli protrahitur. Illa verò diurna à versu Capituli usque ad suprâ dictam vespertinam collationem. In illo enim nocturnali silentio penitus loquendi licentia interdicta est. In diurnali verò, cum alter alterum appellaverit, sive junior à seniore aliquid requisierit; silenter absque ullo strepitu vocis, & humilis sit confabulatio, paucis valde & rationabilibus verbis, nullâque eis, aut simul standi, aut confedendi, aut coambulandi finitur mora, excepto discendi, aut cooperandi gratiâ, sed semper aut in lectione, aut in opere manuum, omnes horas diurnas consumant.

Intervallum, quod inter opus Dei, & horam refectiois contigerit, aut orando, aut legendo transigunt: excepto; si ad necessitatem naturæ quis ire debeat. Ubique gloria Sanctæ Trinitatis, sive in Oratorio, sive in quolibet loco insonuerit; si stantes sunt, propè

(a) Fortè nos

(b) Fors sanctâ



propè usque ad humum prosternuntur, usque cum Sancta Trinitas perdicatur. Si verò federint, ab humo surgentes gloriam resurgendo & inclinando deferunt Sanctæ Trinitati.

Obviantes sibi, juniores à prioribus, usque ad genudflexionem corpora humiliando, petunt benedictionem. Cùm in domum quamlibet intraverint, ubi Conventus Fratrum esse debet, genu flexo, & supplice dexterâ, petunt benedictionem, crucem adorando, & benedictionem postulando. In salutatione hospitem similiter & genuflectunt, & dexteram terratenus dimittunt.

Cùm tempus legendi est, nunquam sine Lectorivo suo residere audent, sed singuli singulos habentes lectionem suam in eis memores commendant, qui quomodo à nobis etiam facti fiant, à nobis ordinandum est. Jurandi usus apud eos penitus non habetur, quòd Evangelicum mandatum eum omnibus Christianis interdicit, quantò magis his, qui cum nomine Christiano etiam Sæculo abrenuntiaverunt?

Usum latinæ potius, quàm rusticæ, qui inter eos Scholastici sunt, sequuntur: in tali etiam confabulatione notitia scripturarum aliquotiens magis, quàm lectione penetratur, & dictandi usus discitur, & ad discendum sensus acuitur.

Hæc, & alia similia his, quæ menti non occurrunt, in suprà dictorum Cœnobarum conversationibus comperta habemus, ad quorum exempla informandos per universa Regni sui Cœnobia Monachos decrevit Imperiali censurâ; ut uno modo ea, quæ ex auctoritate Regulæ; seu illa, quæ ex consuetudinum adinventione aguntur, in usu habeantur. Unde necessarium reor, si vestræ placet dilectioni, ut in his ante præmoniti, certamen habeatis, in his omnibus instrui; ut bonis & honestis moribus exculi non tantum coram Deo laudabiles, sed etiam coram hominibus . . . . possit ad humilitatem & gratiarum actionem cæteros revocare. Interim providendi

sunt unus, aut duo, qui in unumquodlibet ex his Cœnobiis mittantur, ad speculandam vitam & habitum illorum, qui nos in omnibus, in quibus fortasse titubamus, certiores reddant, qui & illis boni exempli forma sint, ad quos intraverint, & nobis sine zizaniis mixtum triticum reponendum in horrea reportant. (a)

Super quibus omnibus & singulis, dum Reverendi, honorabiles, ac religiosi viri Domini Waltherus de Wiltspurg Abbas, Leonardus de Reichenstain Decanus, Capitulum, seu Conventus Imperialis Monasterii Murbacensis sibi à me, ut publico Notario subscripto, unum vel plura publicum, seu publica fieri petierunt tot, quot fuerint necessaria, instrumentum vel instrumenta.

Ad hæc sunt hæc anno, Indictione, die, mense dicti Maximiliani Romanorum Regis, tempore, loco, & horâ, quibus suprà, [8] præsentibus ibidem honorabili Domino, & discretis viris Joanne Ott Presbytero, Capellano Murbacensi, & Richardo Muling, atque Joanne de Wertheim ejusdem loci incolis, Laicis literatis, Basilienfis Diocesis, testibus, ad præmissa vocatis specialiter, & rogatis.

Et ego Wilhelmus de Hogenhem &c. &c. Laicus conjugatus, Constantiensis Doctor publicus, sacra Imperiali auctoritate Notarius, quia dictæ rotulæ pergaminæ, vetustæ, seu caræ statutorum, ac ceremoniarum regularium, tempore Sancti SIMPERTI usitatorum, præsentationi, receptioni, requisitioni, transumptioni, ac auscultationi, omnibusque aliis & singulis præmissis, dum, sicut præmittitur, fierent, & agerentur, unâ cum prænominatis testibus præsens interfui, eaque omnia & singula sic fieri vidi, & audiui. Idcirco præsens publicum transumpti instrumentum per me fideliter scriptum, exinde confecti, subscripti, publicavi, & in hanc publicam formam redegi, signoque & nomine meis solitis, & consuetis signavi, rogatus pariter & requisitus in fidem, & testimonium omnium, & singulorum.

Attamen, ut veritas magis elucescat, & fides plena adhibeatur, Reverendus semper, & Colendus Dominus Waltherus sæpè dictus Abbas Murbacensis præsens publicum transumpti instrumentum Sigilli ipsius appensione communiri fecit, ac jussit.

*Mansi Tomo I. Supplementi Concilior. à pag. 789.*

*Ex Petzio Tomi II. Anecdotorum Parte III.*

[a] Regulatia Statuta pro Monasterio Murbacensi omnes attribuunt S. Simperto, Episcopo Augustano, & Abbati Murbacensi. *Petzio Tom. II. Anecdotorum Parte III.* qui primus ea edidit. S. Simpertus à Stangelio ad annum 817. à Bucellino ad annum 809. vixisse scribitur. Corbi-

Corbinianus Khamm in *Hierarchia Augustana* anno inter 809. & 827. defunctum asserit, Ab Eckharto Lib. XXV. *Rerum Francia Orientalis* §. XLVII. idem Simpertus, horum statutorum Scriptor, dicitur *Episcopus Ratisbonensis*, nullo asseritionis suæ prolato argumento, pro his Statutis Ratisbonensi Antistiti attribuentis. Demum Bucellinus inter Ratisbonenses Episcopos recenset Simpertum; sed hunc fuisse Abbatem Murbacensem ignorat, cum sit diligentissimus, dum ordinis sui decora, Abbates, Episcopos recenser. Quâ in Synodo hæc Statuta collaudata fuerint, nescitur: Alii ad Francofordiensem anno 794.: Alii ad Synodum Aquisgranensem anni 803. vel 817. referunt; Hoc certum, sub Carolo Magno publicata, & alicubi approbata fuisse, adeoque ad 803. verosimiliter referuntur.

(b) Notarii Præfatio, qui hæc anno 1500. ex Archivo Murbacensi transcripsit, omissa est brevitatibus causâ.

## CONVENTUS AD SALTZ.

Anno Christi DCCCIV. Leonis III. Papæ IX.  
Caroli Imperii IV.

### I.

#### *De Ordinatione Ecclesiarum.*

UT Ecclesiæ Dei bene constructæ, & restauratæ fiant, & Episcopi unusquisque infra suam Parochiam exinde bonam habeat providentiam, tam de officio & luminariis, quamque & de reliqua instauratione.

### II.

#### *De Decimis & Donationibus Ecclesiarum.*

De Decimis, ubi antiquitus fuerunt Ecclesiæ Baptismales, & devotio facta fuit, juxta quod Episcopus ipsius Parochiæ ordinaverit, omnimodis fiant donatæ, & si donatione Regum, aut cæterorum, Deum timentium bonorum hominum, ad Episcopata, seu Monasteria, aliquæ res delegatæ sunt, & ex ipsis rebus antiquitus ad ipsas Ecclesias priores Decimæ datæ fuerint, ipsa antiqua donatio vel devotio firma & stabilis omnino permaneat: tamen, ut supra diximus, Decimas de ipsis rebus, qui ipsas possidere videtur, perfolvat.

### III.

*Ut propter novas Ecclesias, antiquiores suas Decimas non perdant.*

Quicumque voluerit in sua proprietate Ecclesiam ædificare: unâ cum consensu & voluntate Episcopi, in cuius Parochia fuerit, licentiam habeat. Verumtamen omnino providendum est, ut aliæ Ecclesiæ antiquiores propter hanc occasionem nullatenus suam iustitiam, aut decimam perdant, sed semper ad antiquiores Ecclesias perfolvantur.

### IV.

#### *De ordinandis Presbyteris.*

Ut unusquisque Episcopus in sua Parochia secundum Canonicam institutionem Presbyteros ordinari faciat.

### V.

#### *De Ingressu in Monasteria Puellarum.*

Ut nullus in Monasterio Puellarum, seu Ancillarum Dei, intrare præsumat, nec Presbyter, nec Diaconus, nec Subdiaconus, vel Clericus, aut Laicus, nisi tantum Presbyter, ad Missam celebrandam, tempore opportuno ingrediatur, salvâ necessitate Monasterii secundum Canonicam Institutionem, & juxta quod Episcopus ipsius Parochiæ ibidem ordinaverit, Presbyter autem, Missâ celebratâ, statim exeat.

### VI.

*Ut in Monasteriis Puellarum, ea solum infantes nutriantur, quæ in eo loco perseverantur sunt.*

Quicumque Filiam suam, aut Nepotem, aut Parentem, Deo omnipotenti offerre voluerit, licentiam habeat. Sin autem, domi infantes suas nutriet, & non aliam infra Monasteria mittere, nutriendi causâ, præsumat, nisi quæ in ipso loco firmiter in Dei servitio perseverare voluerit, vel secundum instituta Sanctorum Patrum, seu Canonicam Auctoritatem.

### VII.

*Ut Masculi in Monasteriis Puellarum non nutriantur.*

Omnino prohibemus, ut nullus masculum, filium, aut nepotem, vel Parentem



tem suum in Monasterio puellarum ad nutriendum commendare præsumat, nec quisquam illum suscipere audeat.

## VIII.

*Ut arma in Monasteriis Puellarum non deponantur.*

Ut nullus ex Clericali Ordine, Sacerdotes videlicet, aut alii Clerici, neque Laicus, bruneas, aut arma infra Monasteria Puellarum commendare præsumat, nec quisquam recipere audeat, excepto, si in Eleemosyna datum fuerit.

### ADMONITIO IMPERATORIS AD PRESBYTEROS.

**A**dmonere vos cupio, Fratres & Filii mei, ut ista pauca Capitula, quæ hinc scripta sunt, intentius audiat.

I. In primis, ut Sacerdos Dei, de Divina Scriptura doctus sit, & Fidem Trinitatis rectè credat, & alios doceat, & suum officium bene possit implere.

II. Ut totum Psalterium memoriter teneat.

III. Ut Signaculum, & Baptisterium memoriter teneat.

IV. Ut de Canonibus doctus sit, & suum poenitentiale bene sciat.

V. Ut cantum & compotum sciat.

VI. Ut nullus Sacerdos feminas secum habitare permittat, exceptâ Matre, sorore, vel amitâ.

VII. Ut Presbyteri in Tabernis bibere non præsumant.

VIII. Ut nullus avaritiam sectetur, nec sit superbus, non ebriosus, non violentus, nec somnolentus.

IX. Ut nullus præsumat in Cœna Domini jejunium solvere.

X. Ut nullus baptizare præsumat, nisi in Pascha & Pentecoste, excepto infirmo.

XI. Ut nullus Presbyter, nec Diaconus, nec Clericus, Chrisma alicui dare præsumat pro aliqua necessitate, qui, si hoc fecerit, degradetur.

XII. Ut nullus Presbyter ad Synodum contemnat venire, quod si aliter facere præsumperit, coactus veniat, & secundum Canones judicetur.

*Hardouin. Tomo IV. Conciliorum ad h. annum.*

## CONCILIUM TEGERNSEENSE.

*In Monasterio ejus nominis ad Lacum Tegurinum in Diœcesi Frisingensi habitum, pro lite quadam ejusdem Monasterii cum suo Episcopo.*

Anno Caroli Imperatoris IV. Christi DCCCIV.

Die XVI. Junii.

**B**revem Commemorationem de causâ SANCTÆ MARIÆ semper VIRGINIS, & Beati Corbiniani, Confessoris Christi, Domo Episcopali, qui dicitur Frisinga, quomodo Atto Episcopus interpellavit Adalbertum Abbatem, & Zachonem Vicarium ejus, pro causâ Sanctæ Mariæ, quæ abstracta injusto ordine fuit partibus illorum. Prorulit prædictus Episcopus sententiam suam coram Episcopis, & Abbatibus, quorum nomina hic scripta continentur. Erant enim congregati ad Ecclesiam Beati Emmerami Martyris Christi, quæ est sita prope civitatem, qui vulgò nominatur Reganespurc. Hæc sunt nomina virorum religiosorum, & prudentium. In-

primis Altheus Episcopus, Walterich Episcopus, Arn Episcopus, Iheri Abbas, Ato Diaconus sive Abbas, Hunrîh Abbas, Urolf Abbas, Reginperht Abbas, item Reginperht Capellanus Presbyter, Wolfheri Capellanus Presbyter, Perto Abbas, Cunzi Presbyter. Coram istis omnibus sponponderunt prædicti Abbates Adalperht, & Zacco omnia se reddituros ad domum Beatæ MARIÆ, quicquid exinde injusto ordine abstractum habuerunt, & per Wadium illorum utrique manibus suis, quasi coacti, in manu Episcopi Attonis dederunt, dicentes, se reddituros ex integro justitia secundum rectum judicium faciendam. Sed nihil profuit de his omnibus, unde Wadium

Wadium dederunt, nec quicquam de iustitia nostra ad illos invenire potuimus. Cum non post multum temporis contigit enim, ut Meginhart abbas ipsius domui vivente Zaccone accepit. Deinde venerandus vir Atto Episcopus, & Maginhardus Abbas pro hoc condixerunt publicum placitum fieri, & qualiter adunata est cohors, & stipata caterva in loco, qui dicitur Tegarinsæ, ad translationem corporis Sancti Martyris Christi Quirini hic intelligitur. Ipso die celsedentibus viris Illustrissimis Arnonem Archiepiscopum, Attonem Episcopum, Oadalhardum Episcopum, Hiltigero vocato Episcopo, Maginhardo Abbate, Cundhario Abbate, Ellanno Archipresbytero, Perhtrato Presbytero, & Capellano Domni Imperatoris, Oadalfrido Presbytero, Zacconi Monacho, qui quondam Abbas, Rihheri presbytero, & M. Isaac presbytero, & M. Lantolt, M. Eparhat, M. Arn, M. & omnis congregatio ipsius Monasterii: insuper Droant com. Pippimes com. Cundhart com. Reginbart cent. Domni Imperatoris: Maginhart, Amalrih, Sivarzolf, Hitto, Amo, & alii plurimi. Facta est ibi inquisitio, & ventilata causa inter Attonem Episcopum, & Maginhardum Abbatem ex ipso Monasterio jam dicto. Atto Episcopus, requirens Ecclesias baptismales ad suum Episcopatum legitime pertinentes, id fuerunt: ad Afewendingas, & ad Hartbeningas, ad Egilingas, Worm, Gojollinga, Tanchiricha, Lezinhusir, Holtzhufir, Hrodungeschiricha, Phunzina, Helphindorff, ad Funzinga, ad Pohloh, & decimam de Ecclesia ad Feldkirc, & Ecclesiam ad Holtzhufen, de traditione quondam novilissimi viri nomine dd, & illam Parrochiam ad Tankirc, & altaria duo consecrata; & ad Teorhage, eò quod injustè abstractæ essent de ipsum Episcopatum, & conlocatæ in illorum Monasterio multo jam tempore. Tunc ipse Maginhardus Abba juxta auditum, & dicta multorum hominum, qui illud adferebant, retinere temptabat in multitudine hominum traditionum ad ipsius Monasterii facta. Tunc Arn Pontifex. taliter adlerens ajebat: *Si illas Ecclesias & omnia, quicquid à te repetit Dominus Atto Episcopus habere vis, veniat advocatus tuus in præ-*

*sente, & faciat inde legem, & conquiratur ad ipsa casa Dei, quicquid legitime secundum ordinem conquiri potest; sin autem, reddatur, qua legitime possidere non queas.* Post hoc dictum venerunt iterum ipsi inter se, & placitaverunt, qualiter illos ad concordiam pacis revocare potuissent, quod ita & fecerunt. Tunc Maginhard Abba reddidit ipsas Ecclesias, & decima, & duo Altaria in ipso loco restituenda, quæ injustè abstractæ fuerunt, coram istis presentibus Attonem Episcopum per manus Arnonem Pontificem, & Ellannod Archipresbyterum, ea scilicet ratione, ut si valuisset investigare per veraces testes, quodd plus legitime ad ipsum suum Monasterium ob traditionem nobilium hominum pertinere deberent, quàm ad ipsum Episcopatum, ut hoc cum licentiam, & gratiam ipsius Episcopi requirere liceret, quæ secundum Canonicam institutionem fieri potuisset. Post eà verò Arn. Pontifex supplicavit Attonem Episcopum, ut ipsas Ecclesias per præstitum beneficii reddidisset hoc Maginhardum Abbatem, excepto illa decima, tali ordine, ut ipsa decima ad ipsas Ecclesias tali tenore accipiat, sicut solitus est accipere ipse Episcopus ad suos Parrochianos presbyteros; quod ita & factum est. Ecclesiam verò ad Tankirc, & Altaria supra scripta ipse Episcopus ad suum Episcopatum retineat cum omni decima sua; & ita statuerunt inter se, atque definierunt, ut si amplius nullam calumniam inde generaret, ipse Abbas partibus ipsum Pontificem eandem Ecclesias legitime visitare deberetur, excepto, sicut diximus, illa decima legitima, sicut superius intimavimus. Si verò pro eà ullam calumniam præsumeret generare ipse Abbas, & sui, & rebelles fieri, atque lites excitare superbiendo contra ipsum Pontificem, vel contra Canonicam institutionem, vel ipsam convenientiam irritam fieri potestatem, habeat ipse Episcopus ipsas Ecclesias supra memoratas ad suam revocare Episcopalem sedem. Actum Tegarinsæ Monasterio publico, XVI. Kalendas Julii, anno quarto Imperii Domini nostri Karoli, Serenissimi Augusti, indictione XII. in dei nomine feliciter. Amen.

BERHTHARIUS Notarius hanc noticiam subscripsit.

*Meißelbeck Histor. Frisingens. Tom. I. Part. II. pag. 92.*

*Ex quo Mansi Supplementi Tomo I. p. 747.*

C c c

D. MAN.



D. MANSI NOTA. Concilii hujus historiam suppeditat vetus documentum, quod ex vetusto codice Traditionum Frisingensium integrum refert P. Meichelbeck in Historiâ Frisingensi Tom. I. Part. II. pag. 92. Ex eo verò tota Concilii hujus historia deducitur: Tegernseensibus Monachis diem dixerat Atto Frisingensis Episcopus ad Concilium quoddam in Ecclesiâ S. Emmerami extra mœnia urbis Ratisbonensis cogendum, ut Ecclesias quasdam baptismales, id est, Parrochiales, quas illos contra jus & fas retinere contendebar, sibi Episcopo suo restituerent. Monachi jus suum pro viribus in eo defendebant; tandem ex sententia Concilii reddere omnia jussi sunt. Cùm dictis nequaquam stitissent, anno quarto Imperii Caroli, die XVI. Kal. Julius iterum ad Concilium, in eodem Tegernseensi Monasterio coactum, sistere se jussi sunt. Multa ibi pro se Monachi, sed cùm dicta sua scriptis documentis probare nequaquam potuerint, iterum victi causâ exciderunt. *Mansi Supplementi T. I. loc. cit.*

## CONVENTUS IN SALTZ.

Anno Christi (a) DCCCIV. Leonis III. PP. IX.

Caroli Imperat. IV.

*Pax perfecta Carolum inter & Saxones domitos, & horum Decimæ Sacerdotibus pendendæ.*

**A**Nno DCCCIII. Carolus Conventu habito in Palatio Saltz, Saxones antiqua libertate donavit, eosque pro conservandâ fide Catholicâ ab omni solvit tributo, excepto, quoddam omnes divites, ac pauperes totius suæ culturæ, ac nutrituræ Decimas, Christo & Sacerdotibus ejus fideliter reddere jussit.

*Chronicon Quedlinburgense. Leibnitz. Scriptor. Brunsvicensis. T. II.*

**N**obilis hic annus longi certamina belli,

Tandem Saxones inter, Francosque peracti,

Firmo perpetuæ conclusit fœdere pacis. Augustus pius ad sedem, Saltz nomine, dictam

Venerat: huc omni Saxonum nobilitate Collecta, simul has pacis leges inierunt, Ut toto penitus cultu, ritûque relicto Gentili, quem demonicâ prius arte colebant

Decepti, post hæc fidei se subdere vellent Catholicæ, Christoque Deo servire per ævum.

At verò censum Francorum Regibus ultimum

Solvere nec penitus deberent, atque tributum,

Cunctorum paritet statuit sententia concors:

Sed tantum decimas Divinâ lege statutas Offerrent, ac Præsulibus parere studerent,

Ipsorumque simul Clero, qui dogmata Sacra,

Quique fidem Domino placitam, vitamque doceret.

Tum, sub Judicibus, quos Rex imponeret ipsis,

Legatisque suis, permissi legibus uti Saxones patriis, & libertatis honore.

Hoc sunt postremo sociati fœdere Franciscis,

Ut gens & populus fieret concorditer unus,

Ac semper Regi parens æqualiter uni.

Si tamen hoc dubium cuiquam fortasse videretur,

De vitâ scriptum Caroli legat ipse libellum,

Quem Francos inter clarus, veraxque relator,

A summo prudens, Einhardus nomine, scripsit.

Hac igitur pacis sub conditione, fideles

Se Carolo, natisque suis, stirpique nepotum

Ipsius, juraverunt per sæcla futuros.

Quos per ter denos, & tres tam duriter annos

Linquere protracti penitus conamina belli

Plus Regis pietas & munificentia fecit,

Quam terror. Nam se quisquis commiserat ejus

Egregiæ fidei, ritus spernendo profanos, Hung

(a) Hermann. Contract. Chronograph. Saxo, Albertus Stadenis, Pfessinger ad Vitriarium L. I. Tit. II. pag. 224. finem belli Saxonici, pacemque in vitam referunt ad annum 804. Quare & hunc Conventum in eundem annum statuendum duxi, licet alii anno præcedenti adscribant.

Hunc opibus ditans, ornatu honoribus  
 amplis,  
 Copia pauperibus Saxonibus agnita pri-  
 mum  
 Tunc fuerat rerum, quas Gallia fert  
 opulenta,  
 Prædia præstiterat cùm Rex compluri-  
 bus illic,  
 Ex quibus acciperent pretiosæ tegmina  
 vestis,  
 Argenti cumulos, dulcisque fluentia  
 Lyæi.

His ubi primores donis illexerat, omnes  
 Subjectos sibimet, reliquos obtulerat  
 armis,  
 Et multis experta modis innotuit ejus  
 Tam dulcis pietas, quam formidabilis  
 ira,  
 Præfatum statuere fide servare perenni  
 Fœdus, & ulterius non id mutasse pro-  
 bantur.

Pœta Saxo, qui clauit sub Arnolfo  
 Imperatore.

Eckhart. Tomo II. Histor. Franc. p. 21.

## PRÆCEPTUM DE SCHOLIS GRÆCIS ET LATINIS,

INSTITUENDIS IN ECCLESIA OSNABRUGENSI,  
 DATUM ANNO DCCCIV.

**I**N nomine Sanctæ & Individuæ Trini-  
 tatis. Carolus Imperator Augustus,  
 Romanum gubernans Imperium, qui &  
 Rex Francorum, & Longobardorum,  
 nec non modò Dominator & Saxonum.  
 Notum sit omnibus Sanctæ Dei Ecclesiæ  
 fidelibus, nostrisque præsentibus scilicet  
 & futuris, qualiter nos ob nostræ mer-  
 cedis augmentum Wihoni Osnabruck-  
 genfi Episcopo, suæque Ecclesiæ, quam  
 nos primam omnium in Saxonia in hono-  
 re Sancti Petri, Principis Apostolorum,  
 & Sanctorum Martyrum Crispini, &  
 Crispiniani construximus, quoddam ne-  
 mus, vel forestum, infra hæc loca situm,  
 Farnevinkil, Rutanstein, Angeri, Of-  
 ning, Sinedi, Bergashovid, Dreyens-  
 meri, Etanarfeld, Dumeri, collaudatio-  
 ne illius Regionis potentum, cum omni  
 integritate, in porcis videlicet silvaticis,  
 atque cervis, avibus, & piscibus, om-  
 nique venatione, quæ sub banno usuali  
 ad forestum deputatur, ad similitudinem  
 foresti nostri Aquisgranum, pertinentis in  
 silva Oshingi, in perpetuum proprietatis  
 usum donavimus: eâ videlicet ratione,  
 quod si quisquam hoc idem nemus, no-  
 stro banno munitum, sine prædictæ fe-  
 dis Episcopi licentia, studio venandi, vel  
 silvam exstirpandi, vel aliquod hujusmo-  
 di negotium peragendi, umquam intrare  
 præsumpserit; sciat se tam Divinæ,  
 quam & Regiæ ultionis vindictam con-  
 cursurum, nec non pro delicto sexaginta  
 solidos nostri ponderis, quos nobis  
 pro banno violato deberi statuimus, red-  
 diturum. Insuper verò eidem Episcopo,  
 suisque successoribus perpetuam conce-

dimus libertatem, & ab omni regali  
 servitio confirmamus absolutionem. Ni-  
 si fortè contingat, ut Imperator Roma-  
 norum, & Rex Græcorum conjugalia  
 fœdera inter filios eorum contrahere  
 disponant, tunc Ecclesiæ illius Episco-  
 pus, omni sumptu à Rege, vel Impera-  
 tore adhibito, laborem simul & hono-  
 rem illius legationis assumat. Et hoc ea  
 de causâ statuimus, quia in eodem loco  
 græcas, & latinas scholas in perpetuum  
 manere ordinavimus, & nunquam  
 Clericos utriusque linguæ gnaros  
 ibidem deesse in Dei misericordia confidi-  
 mus. Et ut hæc auctoritas firmior ha-  
 beatur, ac diuturnis temporibus meli-  
 us conservetur; manu propriâ subter eam  
 roborare decrevimus, & de anulo no-  
 stro sigillare iussimus.

SIGNUM CAROLI PISSIMI  
 IMPERATORIS.

Amulbertus ad vicem Ercanbaldi  
 recognovi.

Data XIII. Kal. Januariæ  
 anno IV. Christo propitio  
 Imperii nostri, & XXXVII.  
 Regni nostri in Francia, at-  
 que XXXI. in Italia, actum  
 Aquisgrani Palatio in Dei  
 nomine feliciter. Amen.



Wilmus Fürstenbergius post Monumenta  
 Paderbornensia.  
 Inde varii, & Baluzius Tomo I. Capit.  
 pag. 417.

CAP.



## CAPITULARE DOMINICUM

DATUM ANNO INCARNATIONIS DOMINI NOSTRI JESU  
DCCC.V. AD THEODONIS VILLAM. LEONIS III. PP. XI.  
CAROLI IMPER. VI.

- |                                                                    |                                            |
|--------------------------------------------------------------------|--------------------------------------------|
| 1. De Lectionibus.                                                 | 9. De relinquentibus seculum.              |
| 2. De Cantu.                                                       | 10. De Laicis nuper conversis.             |
| 3. De Scribis & Notariis.                                          | 11. De servis propriis, vel ancillis.      |
| 4. De diversis disciplinis discendis.                              | 12. De Congregationibus superfluis.        |
| 5. De compoto & de arte medicina.                                  | 13. De non pulsatis secundum Regulam.      |
| 6. De Ecclesiis sine honore manentibus.                            | 14. De Infantibus puellis quando velentur. |
| 7. De iis, qui ad Monasterium nuper venerunt.                      | 15. De Præpositis Monachorum.              |
| 8. De iis, qui ad fugiendum debitum servitium, seculum relinquunt. | 16. De incestuosus.                        |

## I.

UT Lectiones in Ecclesia distinctè legantur.

## II.

Ut cantus discatur, & secundum ordinem & morem Romanæ Ecclesiæ fiat: & ut Cantores de Metis revertantur.

## III.

De Scribis, quod vitiosè non scribant. Ut unusquisque Episcopus, & Abba, & singuli Comites suum Notarium habeant.

## IV.

De cæteris disciplinis Ecclesiæ, ut secundum Canones vel Regulam fiant.

## V.

De compoto, ut veraciter discant omnes. De medicinali arte, ut infantes hanc discere mittantur.

## VI.

De Ecclesiis sine honore manentibus in luminariis, & officiis: & de his, qui Decimas quidem apprehendunt, & de Ecclesiis non curant, ut omnimodis emendetur: & de Altaribus, ut non superabundent in Ecclesiis.

## VII.

De nuper venientibus ad Monasterium, ut primò discant Regulam, antequam foras mittantur ad Ministeria, & quod non vadant ad judicia sæcularia.

## VIII.

De his, qui seculum relinquunt ad servitium Dominicum impediendum, & tunc neutrum faciunt; ut aut in seculo sint, aut plenè in Regula permaneant.

## IX.

Ut omnes Clerici unum de duobus eligant, aut pleniter secundum Canoniam, aut secundum Regularem Institutionem vivere debeant.

## X.

De Laicis noviter conversis, ne, antequam suam legem pleniter vivendo discant, ad alia negotia mittantur.

## XI.

De propriis servis & ancillis, ut non supra modum in Monasteria (a) sumantur, ne desertentur villæ.

## XII.

De congregationibus superfluis, ut nullatenus fiant: sed tantos congreget quis, quantis consilium dare possit.

## XIII.

De illis, qui non sunt secundum Regulam pulsati, ut deinceps emendentur, & pulsentur secundum Regulam.

## XIV.

Ut infantulæ ætatis puellæ non velentur, antequam illæ eligere sciant, quid velint, (b) & ut pulsentur salvâ Canonica sententiâ & auctoritate.

## XV.

Ut Laici non sint Præpositi Monachorum infra Monasteria, nec Archidiaconi sint Laici.

## XVI.

De Incestuosus, ut Canonicè examinentur, & nec propter alicujus amicitiam alii relaxentur, alii constringantur.

Eginhardus in Chronico, & Browerus  
L. VIII. Annal. Trever. referunt hæc  
Capitula ad annum Christi 806.

## ACTIO

(a) Sumantur alii mittantur.

(b) & ut pulsantur in codice Palatino omittitur.

## ACTIO II.

## CAPITULUM IMPERATORIS,

*De honore Episcoporum, & reliquorum Sacerdotum, datum in eodem loco, in quo sancita sunt superiora Capitula, id est, apud Theodonis villam.*

**V**olumus, atque præcipimus, ut omnes suis Sacerdotibus tam majoris ordinis, quam & inferioris, à minimo usque ad maximum, ut summo deo, cujus vice in Ecclesiâ legatione funguntur, obediētes existant. Nam nullo pacto agnoscere possumus, qualiter nobis fideles existere possunt, qui Deo infideles, & suis Sacerdotibus, apparuerint: aut qualiter nobis obediētes, nostrisque Ministris ac legatis obtemperantes erunt, qui illis in Dei causis, & Ecclesiarum utilitatibus, non obtemperant? Potius namque, juxta veritatis vocem, ille metuendus est, qui potest animam, & corpus perdere in Gehennam, quam ille, qui corpus torquere, & honores temporales potest auferre. De illis dictum est: *Qui vos audit, me audit. Et qui vos spernit, me spernit.* Et alibi: *Qui vos tangit, tangit pupillam oculi mei.* Et rursus: *Qui scandalizaverit unum de pusillis istis, melius illi, ut suspendatur mola asinaria in collo ejus, & demergatur in profundo maris.* Et iterum: *Qui vos recipit, me recipit. Et qui me recipit, recipit eum, qui me misit.* Et multa

alia, horumque familia. His ergo fultis oraculis, jubemus, ut omnes eis pro viribus ad eorum peragenda ministeria, & ad malos, & peccatores, atque negligentes homines distringendos summopere obediētes existant. Qui autem in his, quod absit, aut negligentes, eisque inobediētes fuerint inventi, sciant, se nec in nostro Imperio honores retinere, licet etiam filii nostri fuerint, nec in palatio locum, neque nobiscum, aut cum nostris societatem, aut communionem ullam habere; sed magis sub magnâ districtione, & ariditate pœnas luere. In his namque omnium nostrorum fidelium volumus agnoscere fidem ac benevolentiam. Quoniam si hæc fideliter & utiliter impleverint, tunc Deo & nobis fideles erunt. Si autem, quod absit, secus egerint, tunc non solum infideles, sed etiam infames atque reprobi manifestè apparentes notabuntur, eorumque domus publicabuntur, & ipsi exiliabuntur.

*Balz. Tomo I. Capitular. pag. 437.*

*Sirmondus pag. 230. ex Lib. VII. Capitularium N. CCCXC.*

## CONCILIIUM PROVINCIALE SALISBURGENSE.

Anno Christi DCCCVII. Leonis III. Papæ XII.  
Caroli Imper. VII.

### *De Distributione (a) Bonorum Ecclesiasticorum.*

**C**um se congregasset Synodus Episcoporum, Abbatum, ceterorumque Clericorum Bojoriæ Provinciae, ad Metropolim Salisburgensem, & ibidem non pauca utilitatis suæ pertractassent, moverunt iidem Episcopi, Arno Archiepiscopus, (b) Atto, Adalvinus, Emricus, Hatto, quaestiones de decima fidelium populorum, quæ affertur ad Ecclesias. Lectis in-

de Capitulis ex Canonum auctoritate, quid inde agi debuisset; invenerunt quatuor portiones fieri, unam Episcopo, alteram Clericis, tertiam pauperibus, quartam fabricis Ecclesiæ. Tum consenserunt ibi cuncti Abbates, qui præsentés aderant huic decreto secundum Canones, & reddiderunt portiones Episcoporum Episcopis, quæ illos contigisset, id est, Meynhart,



" hart, Vrolf, Joannes, Wolfdrege,  
" Wolfkanhart, Kerrich, Hepfilo, &  
" cæteri, unusquisque suo Episcopo, eâ  
" ratione, ut ulterius exinde nulla inter

" illos discordia deinceps semper ma-  
" neret.

" Aët. XVII. Kalen. Febr. Ann. VII.  
" Imperante Carolo glorioso Augusto  
" post consulatum ejus.

(a) Quoniam Acta hujus Concilii interciderunt, eorum summam ex vetusto codice Frisingensi Ecclesiæ descripsit *Brunerus L. VI. Annalium Boicorum*.

(b) Arno Salisburgensis Archiepiscopus, Atto Frisingensis, Adalwinus Ratisbonensis, Emricus Sabionensis, Hatto Passaviensis Episcopi erant *Judice Metzgero L. III. C. XI. Historia Salisburgensis*. *Hausitz. in Metropoli Salisburgensi pag. 119. Pagi in Critica ad h. annum.*

Ex hujus Concilii Decreto pater, bona Ecclesiastica in Germania & Bajoaria, nondum in beneficia singulis Clericis propria fuisse distributa, sed decimalium bonorum distributionem fuisse penes Episcopos juxta Decreta Simplicii & Gelasii Pontificum. *Nota Patris Biner Parte IV. Apparatus Eruditionis pag. 291.*

## CONVENTUS IN INGELHEIM.

Anno Christi DCCCVII. Leonis III. Papæ XII.  
Caroli Imper. VII.

**A**nno DCCCVII. Carolus Imperator perrexit ad Ingelaeim Palatium, & ibi habuit Conventum suum cum Episcopis & Comitibus, & aliis Fidelibus: & mandavit eis, ut justitias facerent in Regno ejus. Postea dedit eis licentiam, ad propria remeare, & quietè federe, & ut Deo gratias agerent, ad pacem & concordias ipsorum, & illum annum fecit sine hoste.

*Chron. vetus Canobii Moissiacensis.*

In eodem Palatio Ingelheimensi anni hujus, VII. idus Augusti, commutationem factam variorum bonorum inter Agilwardum Wirceburgensem Episcopum, & Audulfum gloriosum Comitem, ab Carolo Augusto Imperatore confirmatam fuisse, docet diploma autographum ex Archivio Wirceburgensis Ecclesiæ ab Eckharto productum.

*Tom. II. Hist. Franc. Eckhart. L. XXVII. pag. 51.*

## CONCILIIUM AQUISGRANENSE.

Anno Christi DCCCIX. Leonis III. PP. XV.  
Caroli Imper. X.

*De Processione Spiritus S. à Patre, Filióque.*

**E**odem tempore exorta est quaestio de Processione Spiritus Sancti, ventilata primum anno DCCLXVII in Synodo Gentiliacensi, dein anno DCCCIX. in Aquisgranensi, ac paulò post in collatione, eodem anno Romæ cum Leone Pontifice habita, cui Adalhardus Abbas Corbeienfis, jussu Caroli Magni, unâ cum Jesse Ambianensi, & Bernario Wormatiensi, Episcopis interfuit, comitante Smaragdo, Monasterii S. Michaelis in pago Virdunensi Abbate, qui prædictam collationem in litteras reducit. Dogma probavit

" singulari edito libello Theodulfus Episcopus Aurelianensis, cui Carolus Augustus hanc Provinciam demandaverat.

" Hujus Controversiæ occasio petita est ex more Gallorum, qui cum in Symbolo Constantinopolitano addidissent vocem: FILIOQUE, in quorundam reprehensionem incurrere, præcipuè Johannis Monachi Jerosolymitani. Is quippe anno jam dicto in Galliam missus ad Carolum, controversiam hac de re commovit, quæ ad Romanum Pontificis judicium delata. Gallorum

lorum sententiam probavit Leo PP. III, non factum: ratus nefas, quidquam contra Ecclesiæ universæ definitionem in Fidei Symbolum admittere: *Licet*, inquit, *docendo cantare, & cantando docere: sed illicitè in prohibitis, nec scribendo, nec cantando licet inferere.* Legatus persuadentibus consensit Pontifex, ut ne vox: FILIOQUE penitus expungeretur, ne videlicet id crederetur esse contra fidem; sed tamen, ut paulatim in Palatio intermitteretur, consuluit; quatenus aliæ Ecclesiæ ejus exemplo eam vocem cantare dedicerent. Verùm vox semel admissa revocari non potuit, immo propagatus est ejus usus ad alias Ecclesiæ, adeoque per totam Ecclesiam Latinam ante medium Sæculum nonum, testante Photio Patriarcha, qui litem de hac additione Latinis intentavit, ac post eum Michaël Cæcularius, Leonis Papæ IX Pontificatu, uti suo loco demonstrandum. Ab hac voce ventum est ad dogma ipsum, quod fuit Seminarium, & præcipua causâ funestæ discessionis Græcorum à Latinis, de qua etiam nunc ingemiscimus.

*Mabillon. in Præfatione Partis primæ Sæculi IV. Idem scripserant Annales Loiseliani, Laurisbamenses, Pitheoniani, & cæteri pæne isdem verbis:*

Bzovius ad hunc annum addit Synodum Romanam. Ab hac Synodo Bemarius, & Jesse Episcopi, cum Adelardo Abbate profecti, Romam advenere. In eorum gratiam Leo Papa in Secretario B. Petri Apostoli habito CONCI-

LIO decrevit, ne quicquam Symbolo aut adderent, aut ab eo detraherent. Hujus rei causâ duabus in laminis argenteis in altera Græcè, in altera Latinè, sine tamen aliqua additione insculpi jussit Leo idem Symbolum Constantinopolitanum, easque habitas præ foribus Basilicæ S. Petri affigi.

*Referenda est Romana Synodus ad annum 810. judice Pagio, quia Mense Novembri anni 809. fuit finita Synodus Aquisgranensis.*

Quæstio hîc est de Crinomeno Synodi Aquisgranensis anni 809. Illustrissimus Baronius existimat non dubitatum, nec tractatum in eo Concilio fuisse de Processione Spiritus S. à Patre & Filio; sed unicè controversum de additamento: FILIOQUE ad Symbolum Constantinopolitanum: cum quo augmento Symbolum canebant Hispani & Galli. Econtrario Pagius ex Annalistis Loiseliano, Fuldenfi, Bertiniano, Metensi, ex Eginhardo, monacho Egoismensi, Adone, & omnibus antiquioribus Scriptoris docet, agitatam fuisse in Concilio anni hujus Quæstionem hanc: *Utrum, sicut procedit Spiritus S. à Patre, ita procedat à Filio?*

2<sup>da</sup>. Idem probatur ex literis Caroli Imp. ad Leonem Papam scriptis, quæ nullum habent verbum de hoc additamento, sed totæ sunt in coacervandis testimoniis Scripturæ & Patrum pro Processione Spiritus S. à Patre & Filio.

3<sup>ta</sup>. Probatur ex libro Theodulfi, Aurelianensis Episcopi, pro hac causâ scripti jussu Caroli Imperatoris.

4<sup>ta</sup>. Probatur ex libro Alcuini pro hac eadem causâ scripti jussu Caroli, pro Episcoporum Germaniæ & Franciæ fide simul, & additamento ad Symbolum tuendo.

# EPISTOLA CAROLI MAGNI IMPERATORIS, AD LEONEM III. PAPAM URBIS ROMÆ DIRECTA POST CONCILIUM AQUISGRANENSE, ET à SMARAGDO (a) ABBATE EDITA.

Quæstio, quæ de Spiritus S. Processione est nuper exorta, jam dudum est diligentissimè à Sanctis Patribus ventilata. Sed quia jam diu à querentibus neglecta jacebat, non quievit quasi antiquitus ventilata: sed quasi quædam

his temporibus nobis subito emerfit occulta: quod divinitus spirarum fideliter credens non dubito. Crebris etenim quæstionum ictibus præfens Ecclesia tunditur, ut doctrinis Catholicis erudita, sanæque fidei confessionibus elimata, in æter-

(a) Smaragdus Abbas S. Michaëlis ad Mosam in Diocesi Virdunensi, Ord. S. Benedicti, scripsit Epistolam hanc ad Papam Leonem III., jussu Imperatoris Caroli Magni, de Processione Spiritus S. de qua ventilata quæstio fuit in Concilio Aquisgranensi anno 809.



æternum quandoque, hæreditate filiorum perceptâ, vivere cum Domino valeat feliciter regnatura. Sed quia, ut præfatus sum, hæc quæstio diu à quærentibus indiscussa jacebat, voluit omnipotens Deus in eamdem fuscitare corda Pastorum: ut negligentia tempore sublato exercitationis sanctæ brachio cœlestem valeant perfodere thesaurum. Sermonis etenim Dominici sarculo sæpius Divinarum scripturarum Pastores debent proscindere campum, ne zizania satoris iniqui, seménque malignum formosi tritici valeat opprimere fructum: aut volans passim volucris hæretica fermen Catholicum à cordibus rapiat parvulorum, horridaque spinarum emissio Domini nitidam possit suffocare segetem. Læctionis etenim sacre cognitio imbecillis baculum, nervosis arma ministrat, hostium subdolas fortiter premit infidias, & victoribus æternas promittit feliciter coronas. Ergo procul à Pastoribus negligentia torpor abscedat: procul à mentis acumine inertia damnoſa recedat, mollisque lascivia corporis membra relinquat, & altus sopor mollisque fomus in rigidas, lucrosasque læctionis emergat excubias; ut Ecclesiæ ager optimus, doctorumque semine satus, valeat centenos omnipotenti reddere fructus.

Jam nunc adgrediar de Spiritûs Sanctus processione. Quod Spiritus Patris sit in Filio, idémque Spiritus & Patris sit, & Filii, Esaias testatur, ubi vox Patris ait ad Filium: Spiritus (b) meus, qui est in te, & verba mea, quæ posui in ore tuo, non recedant de ore tuo, & de ore seminis tui à modo, & usque in sempiternum. Item in Esaiâ scriptum est: Ibi obviaverunt sibi cervi, & viderunt facies suas mutuo. Transierunt: unus ex eis non periit, & Spiritus ejus congregavit eos. Cervos hic Apostolos præfati Patres intellexerunt, quos Spiritus Christi in Hierusalem congregavit, ubi obviantes mutuo salutârunt. Igitur quod Patris sit Spiritus, ipse Dominus Apostolis ait: Non enim (d) vos estis, qui loquimini, sed Spiritus Patris vestri, qui loquitur in vobis. Et quod idem Spiritus Filii sit, Paulus testatur dicens: Si quis

autem (e) Spiritum Christi non habeat, hic non est ejus. Itémque in Epistola ad Galatas ait: Quoniam autem estis Filii Dei (f) misit Deus Spiritum Filii sui in corda nostra, clamantem: Abba Pater. Beatus quoque Petrus in Epistola sua ait: Reportantes (g) finem fidei vestræ, salutem animarum. De qua salute exquisierunt, atque scrutati sunt Prophetæ, qui de futura in vobis gratia prophetaverunt, scrutantes in quod, vel quale tempus significaret, qui in eis erat Spiritus Christi, prænuntians eas, quæ in Christo sunt passionēs, & posteriores glorias. Et Dominus in Evangelio ait: Cùm venerit (h) Paracletus Spiritus veritatis, qui à Patre procedit. Ubi suum esse Spiritum docuit, quia ipse est veritas, & Patris, à quo eum dixit procedere. Quod Spiritum Sanctum dedit Pater Apostolis, in Epistola ad Corinthios secunda scriptum est: ait enim inter cætera: Qui autem (i) confirmat nos vobiscum in Christo, & qui unxit nos Deus, & qui signavit nos, & dedit pignus Spiritûs in cordibus nostris. Item in Epistola ad Thessalonicenses prima: Non enim vocavit (k) ait, nos Deus in immunditiam, sed in Sanctificationem, itaque, qui hæc spernit, non hominem spernit; sed Deum, qui etiam dedit Spiritum suum Sanctum in nobis. Et quod eundem Spiritum Sanctum dedit & Filius, in Epistola Joannis scriptum est: In hoc intelligimus, (l) quoniam in eo manebimus, & ipse in nobis, quoniam de Spiritu suo dedit nobis. Quod Spiritum Sanctum effudit Pater in discipulos, in Epistola ad Titum scriptum est: Cùm autem (m) benignitas & humanitas apparuit Salvatoris nostri, non ex operibus iustitiæ, quæ fecimus nos; sed secundum suam misericordiam salvos nos fecit per lavacrum regenerationis & renovationis Spiritûs Sancti, quem effudit in nos abunde per Jesum Christum Salvatorem nostrum. Quod & eundem Spiritum Sanctum effudit Filius, in Actibus scribitur Apostolorum. Ajunt enim Apostoli inter cætera: Hunc (n) Jesum resuscitavit Deus, cujus nos omnes testes sumus. Dextera igitur Dei exaltatus & promissione Spiritûs acceptâ à Patre effudit hunc, quem vos videtis, & auditis. Item, quod una sit à Patre & Filio, Spiritûs Sancti effusio, Joële testante didicimus. Ait enim vox Patris simul &

Filii

(b) Esaiæ LIX. 21.

(f) Galat. IV. 6.

(i) 2. Corinth. V. 5.

(m) Titum III. 5.

(d) Matth. X. 20.

(g) 1. Petri I. II.

(k) 1. Thessalon. IV. 6, 7. 8.

(n) Actuum II. 33.

(e) Roman. VII. 9.

(h) Joannis XVI. 13.

[l] 1. Joannis III. 13.

Filii: Effundam de Spiritu (o) meo super omnem carnem, & prophetabunt filii vestri, & filiae vestrae. Senes vestri somnia somniabunt, & juvenes vestri visiones videbunt: sed & super servos meos, & super ancillas meas in diebus illis effundam de Spiritu meo, & dabo prodigia in celo, & in terra. Quod Spiritus Sanctus oris sit Patris, in Psalmo trigesimo secundo legitur: Verbo Domini (p) celi firmati sunt, & Spiritu oris ejus omnis virtus eorum. Et quod os sit Filii, in Esaia scriptum est: ait enim idem Propheta de Filio: Percutiet (q) terram virga oris sui, & Spiritu labiorum suorum interficiet impium. Qui sententiae concordans Paulus in Epistola ad Thessalonicenses ait: Et tunc (r) revelabitur ille iniquus, quem Dominus Jesus interficiet Spiritu oris sui, & destruet illustratione adventus sui. Quod Spiritus à Patre procedat, ipse Dominus testatur dicens: Spiritus, (s) qui à Patre procedit, ille me clarificabit. Et cætera talia plura in Evangeliiis inveniuntur testimonia. Et quod idem Spiritus procedat à Filio, liber Job, orè Dominico sacratus, testis est: ubi hæc inter cætera ait: Et audite (t) auditionem in terrore vocis ejus, & sonum de ore illius procedentem. Hoc in loco os Patris Filius est intelligendus, sonus verò de ore illius procedens Spiritus Sanctus, qui à Filio procedens cum sonitu super Apostolos in igne descendens apparuit, sicut Apostolorum testantur Actus, ubi scribitur: Dum (u) compleverunt dies Pentecostes, erant omnes pariter in eodem loco: & factus est repente de celo sonus, tanquam advenientis Spiritus validissimi, & replevit totam domum, ubi erant sedentes: & apparuerunt illis dispartitæ lingue tanquam ignis, seditque supra singulos eorum, & repleti sunt omnes Spiritu Sancto. Beatus autem Gregorius hunc supradictum libri Job versiculum exponens, inter cætera sic ait: Potest autem per os Dei unigenitus Filius designari; per sonum verò oris potest ejusdem Spiritus Sanctus designari: sonus igitur de ore Domini procedit, cum substantialis ejus Spiritus, ad nos per Filium veniens, furditatem nostræ insensibilitatis fumpsit. De hac igitur ipsa processione, quâ Spiritus Sanctus à Filio procedit, sicut procedit à Patre, Beatus

D d d

Athanasius in libro, quem scripsit contra Arium, inter cetera sic ait: Ego credo Filium in Patre, & Patrem in Filio: Spiritum quoque paracletum, qui procedit à Patre, & Filii ejus, & Patris, quia & à Filio procedit, sicut in Evangelio scriptum est, quod per insufflationem suam dederit in discipulis suis Spiritum Sanctum, dicens: Accipite Spiritum, Sanctum, quorum remisistis peccata; remittentur eis: & cetera. Cyrillus quoque de hac ipsa Spiritus Sancti processione contra Nestorium inter cetera sic ait: Quamvis enim in sua sit substantia Spiritus, & ejus intelligatur in persona proprietate, juxta id, quod Spiritus est, & non Filius; attamen alienus non est ab illo: nam Spiritus appellatus est veritatis, & veritas Christus est. Unde & ab isto similiter, sicut & à Deo Patre, procedit. Ambrosius inter cetera de Spiritu Sancto sic ait: Non enim quasi ex loco mittitur Spiritus, aut quasi ex loco procedit, quando procedit ex Filio. Hieronymus quoque de hac ipsa Spiritus Sancti Processione in Symboli expositione inter cetera sic ait: Spiritus, qui à Patre & Filio procedit, Patri, filioque coæternus, & per omnia coæqualis est. Hæc est Sancta Trinitas, id est, Pater & Filius, & Spiritus Sanctus; una est Deitas & potentia, una & essentia, id est, Pater, qui genuit, filiusque genitus, & Spiritus Sanctus, qui à Patre filioque procedit. Hæc tria unus Deus est. Augustinus quoque in expositione fidei Catholicæ inter cetera sic ait: In illa igitur Sancta Trinitate unus est Pater, qui solus de se ipso essentialiter unum genuit Filium: & unus Filius, qui de uno Patre solus est essentialiter natus: & unus Spiritus, qui solus essentialiter de Patre filioque procedit. Item ipse adversus Maximum hæreticum: Quæris à me, si de substantia Patris & Filius; de substantia Patris est etiam Spiritus Sanctus; cur unus Filius & alius non sit Filius? Ecce respondeo, siue capias, siue non capias. De Patre est Filius: de Patre & Spiritus Sanctus, sed ille genitus est, iste procedens: ideo ille Filius est Patris, de quo est genitus, iste autem Spiritus utriusque, quoniam de utroque procedit.

Et

(o) Joëlis II, 28.

(p) Psalmo XXXII, 9.

(q) Isaïæ XI, 14.

(r) II. Thessalon. II, 8.

(s) Joannis XVI, 14.

(t) Job. XXXVII, 2.

(u) Actuum II, 2.



Et post paululum ipse: Amborum est ergo Spiritus, procedendo de ambobus. Item ipse in libro de Trinitate inter cætera ait: Cùm per Scripturarum Sanctarum testimonia docuissim de utroque procedere Spiritum Sanctum, si ergo inquam, & de Patre, & de Filio procedit Spiritus Sanctus, cur Filius dixit: *De Patre procedit*? Cur putas, nisi quemadmodum solet ad eum referre, & quod ipse est, de quo ipse est; unde illud quod ait: *Mea doctrina non est mea, sed ejus qui misit me*. Si igitur hic intelligitur ejus doctrina, quam tamen dixit non esse suam, sed Patris; quantò magis illic intelligendus est, & de ipso procedere Spiritus Sanctus, ubi sic ait: *De Patre procedit*: ut non diceret; de me non procedit. A quo autem habet Filius, ut sit Deus? si enim de Deo Deus, ab illo habet utique, ut etiam de illo procedat Spiritus Sanctus: ac per hoc Spiritus Sanctus, ut etiam de illo proce-

dat, sicut procedit de Patre, ab ipso habet Patre. Item ipse Spiritus Sanctus. Spiritus verò Sanctus non, dum de Patre procedit in Filium, & de Filio procedit ad sanctificandum creaturam; sed simul de utroque procedit: quamvis hoc Filio Pater dederit, ut quemadmodum de se, ità quoque de illo procedat. Hæc à nobis, summo opitulante opifice, de Spiritu Sancti processione multiplicia Sanctarum Scripturarum adgregata sunt testimonia; ut Divinorum librorum sententiis victus, multorumque orthodoxorum nube testium pressus, veritati non valeat resistere inimicus, sed potius sententiis Catholicis, veridicisque suis testimoniis, reveratur ad tutissimum Ecclesiæ sinum: ut pariter Catholico educatus in gremio, quandoque æternum cum filiis mereatur accipere regnum.

*Holsteinius edidit. Harduinus recudit  
Tomo IV. Conciliorum.*

## RATIO, (a) QUÆ HABITA EST DE SYMBOLO FIDEI,

*In Secretario Sancti Petri Apostoli, inter Domnum Leonem Sanctissimum, & Coevangelicum Papam urbis Romæ, & Bernarium, atque Jesse Episcopos, seu Adalardum Abbatem, missos Domni Caroli Imperatoris per Indictionem II.*

**L**ECTIS à prædictis Missis per ordinem testimoniis, atque à Domno Apostolico diligentissimè auditis, ait: Ita sentio, ita teneo, cum his auctoribus, & Sacræ Scripturæ auctoritatibus. Si quis aliter de hac re sentire, vel docere voluerit, defendo; & nisi conversus fuerit, & secundum hunc sensum tenere voluerit, contraria sentientem funditus abjicio. His dictis, novi, quòd nonnulla colloquendo potius, quàm disputando præcesserunt: quorum series sensuum, seu verborum, nisi tantum, quod inde fuit, non satis memoriæ occurrit: cùmque eadem collatio ad hoc usque procederet, ut jam magis certa disputatio, quàm, ut supra, collocutio habenda esset; etsi non eadem fuit proprietates sermonum, in quantum recordari valeo, iste tamen cursus fuit sensuum, & summa conclusio no-

vissimarum definitionum. **MISSI**, Quia verò, ut dicitis, ita certissimum credendum est, credendo immutabiliter tenendum; tenendo verò, sicubi necesse fuerit, constantissimè defendendum est; numquid non id nescientes docendum; scientibus autem, ut id attentius teneamus, confirmandum est? **PAPA**. Ita est, **MIS- SI**. Si ita est, si quis hoc nescierit, vel ita non crediderit, num salvus esse poterit? **PAPA**. Quisquis ad hoc sensu subtiliore pertinere potest, & id scire, aut ita sciens credere noluerit, salvus esse non poterit. Sunt enim multa, è quibus istud unum est, sacræ fidei altiora mysteria, subtilioraque Sacramenta, ad quorum indagationem pertinere multi valent, multi verò aut ætatis quantitate, aut intelligentiæ qualitate præditi non valent. Et ideo, ut prædiximus, qui poterit

(a) *Ex Baronio, ad annum 809. auctore Smaragdo Abbate, qui & inter Missos Caroli Imp. ad Papam fuit.*

tuerit, & noluerit, salvus esse non poterit. MISSI. Si ergo ita est, immo quia ita est, quod non credere non licet, & non tacendo docere licet, cur non licet cantare, vel cantando docere? PAPA. Licet, inquam, licet docendo cantare, & cantando docere, sed illicitè in prohibitis, nec scribendo, nec cantando licet inferere. MISSI. Quia ergo utrique notum est, quòd idèd à vobis, ut in Symbolum cantando, vel scribendo inferatur, illicitum ducatur vel dicatur; quia illi, qui idem Symbolum condiderunt, non indiderunt, ut cetera: & sequentes principales Synodi, Chalcedonensis scilicet quarta, Constantinopolitana quoque quinta & sexta, ut novum ultra Symbolum à quoquam qualibet necessitate, seu salvandi homines devotione condere, & in veteribus tollendo, addendo, mutandòque quidquam inferere prohibuerunt, non est ibi diutius immorandum. Sed hoc quaro, hoc ut dicatur, rogo: quia id credere bonum est, bonum hodie sicut ad credendum, ita ad cantandum tunc esse, si ab eis insertum fuisset. PAPA. Bonum certè & valdè bonum, utpote tam fidei Sacramentum magnum, quod non licet non credere, quisquis ad hoc valet pertingere. MISSI. Numquid non bene idem tunc auctores fecissent, si quatuor tantum addendo syllabas, tam pernecessarium Fidei Sacramentum cunctis deinceps Sæculis perspicuum redderetur? PAPA. Sicut non audeo dicere, non bene fecisse, si fecissent; quia procul dubio sicut cetera, quæ vel omiserunt, scientes utique, & non tam humanà, quàm Divinà illuminati sapientià fecerunt: ita quoque non audeo dicere, istud eos nobis minùs intellexisse; perpendisse, cur dimiserunt, vel cur dimissum, ne ultra mitteretur, sicut & cetera prohibuere. Tu & tui videte, quid sentiat de vobis. Nam & ego me illis non dico, præferam, sed etiam illud absit, mihi ut cœquare præsumam. MISSI. Absit etiam, Pater! Deo nostro protegente, illud à nobis, ut non quidquam horum cogitemus vel dicamus, vel superbia inflati, vel in Divinis rebus humanæ laudis cupidine provocati, ac si nosmet illis non tantum præferre, verum etiam cœquare præsumamus: sed tantum secundum hujus temporis qualitatem, & imbecillitatem, fratrum nostrorum charitate

D d d 2

compatientes, illud quærimus, in eo laboramus, ut, quia finis mundi appropinquat, in quo sicut prædicta sunt tempora periculosa; etiam ideo inter cetera maximè fratribus nostris prodesse valeamus. Quo ergo fideles in Domino in Sacramento Fidei reddere studeamus, & idcirco, quia præfatum Symbolum à quibusdam ita cantari reperimus, & quod id Ecclesiasticæ congruere Fidei, sicut sentimus, atque per hoc & nunc, quàm plurimos doctos, & sine fine usque in finem Sæculi, de tanto Mysterio, si ita teneatur, instruendos esse cognovimus, qui nequaquam instruerentur, nisi cantaretur: melius nobis visum fuit, cantando tantos instruere, quàm tacendo indoctos relinquere. Si enim sciret Paternitas tua, quanta sunt hodie millia id scientium, quia cantatur, qui nunquam scituri essent, nisi cantaretur, fortasse nobiscum teneres, & id tuo etiam consensu, ut cantaretur, acquiesceres. PAPA. Interim assentio. Verumtamen quæso, responde mihi: Num universa hujusmodi Fidei mystica Sacramenta, quæ Symbolo non continentur, sine quibus quisque, qui ad hoc pertingere potest, Catholicus esse non potest, Symbolis inferenda, & propter compendium minùs intelligentium, ut cuique libuerit, addenda sunt? MISSI. Nequaquam, quia non aq̃e omnia necessaria sunt. PAPA. Etsi non omnia, certè plurima sunt his similia, quæ nisi à sapientibus credantur, Catholici esse non possunt. MISSI. Dabĩne aliquid, non dico sublimius, sed saltem huic simile, Symbolo deesse? PAPA. Nempe dabo, & abundanter dabo. MISSI. Da primò unum, & si necesse fuerit, da alterum. PAPA. Quia amica agitur contentione, quod agitur, & pro utrarumque partium quæritur salus, quod quæritur (atque utinam, quoties aliquid hujusmodi in majoribus, seu in minoribus Ecclesiasticis, vel Catholicis utilitibus quæritur, ita per omnia pacificè, sine perversà intentione quæreretur) ne quid forte de tam venerandis mysteriis temerè loquàmur, detur considerandi locus, & dabimus, quidquid de his dederit Dominus. *Et nocturnâ dilatione congruâ datâ, ait PAPA:* Numquid magis salutare est credere, periculosumve non credere, Spiritum Sanctum à Filio, sicut à Patre procedere, quàm Filium Sapientiam Deum à Sapientia

entia



entia Deo, Veritatem Deum, à Veritate Deo genitum esse: & tamen utrumque unam Sapientiam, unam Veritatem essentialiter Deum esse: cum tamen constet, id à Sanctis Patribus eidem Symbolo inditum non esse? Si ergo hæc duo, sicuti sapientes decet, in tam familiari disputatione ad hoc valent, ut nobiscum sentiatis, & cognoscatis, tot priores Catholicos Patres, qui hoc, unde agitur, vel Symbolis non inseruerunt, vel inferere, quemadmodum cætera, ut supra dictum est, prohibuere, non præsentī ignorantia, non futura negligenti providentia prætermisissē, & prætermisissum ne mitteretur, prohibuissē, à coacervandis testimoniis libentissimē quiescimus, sciendum verò non solum secundum essentiam Divinitatis, verum etiam secundum Mysterium Dominicæ Incarnationis tanta, Deo auctore, & eorundem Patrum auctoritate damus & talia, quanta non solum sapientibus satisfacere, sed etiam stultos valeant opprimere. **MISSI.** Non inquam necesse est in eo laborare, an nesciamus, quod scimus, quia quidquid exinde cæteri sciunt, nos Deo auctore scimus, aut scire possumus, si non scimus. **PAPA.** Hoc est, inquit, quod miramur, qui sine profectuofo labore potestis quiescere, laboratis, ne quiescatis. **MISSI.** Non ideo laboramus, ne quiescamus. Sed ne propter inertiam pii laboris præmium amittamus, & salva diligentiore inquisitione, declinatæque pertinaci contentione, adhuc magis æstimamus lucrum, quod per hoc in corde quærentium acquiritur, quàm detrimentum in eo fieri illorum, qui addiderunt, ac si per contumaciam contemptores Paternarum Constitutionum existerent. Aliud est enim, per arrogantiam transfiliendo bona contemnere, aliud bona per benevolentiam meliora efficere. **PAPA.** Istud quoque. Et si in quibusdam, ut agatur, bonum est, non tamen ideo ubique agendum est. Qua de re multa, id ita esse, probantia addi poterant testimonia, sed res per se admodum patet, quanto melius sit, ut quisque quodlibet bonum, ita ut est, utile reddere studeat, aut, si forte id ipsum bonum melius efficere nititur, hoc primò caveat, hoc magnopere perpendat, ne & se ultra, quàm debuit temerarium præsumendo, & illud, quod per se salubre erat, reddat noxium corrumpen-

do. Nisi quis forte asserere velit de præsentī, unde agitur, vel similibus Capitulis, quæ sine periculo suo docere licet & discere, ut ordo docendi licitus dimittatur; & ibi deserantur, ubi numquam deinceps docens aut discens innocens, sed semper sanè in transgressionis crimine merito culpabilis uterque judicetur. Quod te fortasse, si non dedigneris audire, non immerito tangit, qui hic, quod hæcenus in Ecclesia Dei & sibi quisque sapiens scire, & sine cogitatione delicti insipienter potuit docere, jam deinceps non dico stultus discere, sed nec ipse sapiens sine prævaricatione possit cantare, cantandove, ut vultis, quemquam docere: & dum multis alio, quàm debetis, tramite prodesse eligitis, nullum in hac dumtaxat parte dimittitis, cui, si vos secutus fuerit, non noceatis: nam de eo, quod supra docuistis, non æquè judicandus vel habendus sit ille, qui tale aliquid, devotè fructum quærendo, ageret, illo, qui hoc contumaci jussione præsumeret. Hæc defensio, vel, si dici liceat, tergiversatio non huc respicit, non istud intendit, quia non idem Patres discernendo vel decreverunt, nec sanxerunt, ut ipsum benevolus præsumeret, non malevolus, sed tantummodo nullus. **MISSI.** Numquid non à te id ipsum symbolum est data in Ecclesia cantandi licentia? Numquid à nobis huc usus ille cantandi processit? Hinc etenim illuc mos idem cantandi, non à nobis huc advenit, & quomodo illum usque hodie cantamus? **PAPA.** Ego licentiam dedi cantandi, non autem cantando quidpiam addendi, minuendi, seu mutandi: & ut expressiùs aliquid, quia vos cogitis, loquar, quamdiu vobis in hoc satisfuit, quomodo in hujusmodi cantando vel celebrando Sacrosanctis Mysteriis Sancta Romana tenet Ecclesia, nequaquam aut nobis in talibus laborare, aut aliis laborandi occasionem necesse fuit ingerere: quod vero asseritis, ideo vos ita cantare, quoniam alios in istis partibus vobis priores audistis cantasse, quid ad nos? Nos enim id ipsum non cantamus, sed legimus, & legendo docere, nec tamen legendo, aut docendo addere quidpiam, eidem symbolo inferendo, præsumimus. Quæ verò prædictis symbolis fidei tantum non congruentia deesse cognoscimus, non, ut sæpè dictum est, inferere præsumimus, sed locis, temporibusve oportu-

portunis, quibus competit, ministrare curamus. MISSI. Ergo, ut video, illud à vestra Paternitate decernitur, ut primò illud, de quo quæstio agitur, de sæpe facto Symbolo tollatur: & tunc demum à quolibet licitè ac liberè, sive cantando, sive tradendo, discatur & doceatur. PAPA. Ita procul dubio à nostra parte decernitur, ita quoque, ut à vestra assentiatur, à nobis omnimodis suadetur. MISSI. Quanquam ergo, ut suprà ipse dixisti, pro ambarum partium quæritur salute, quod quæritur, sublatis his, quæ vultis, bonum est, ut idem Symbolum canteretur. PAPA. Bonum sanè, quod tamen non imperando, sed, ut prius, permittendo dicimus; quia illud, sicuti tunc, ita & nunc, si sincerè agatur, utile indigentibus esse posse non ignoramus. MISSI. Quia verò, ut dicitis, & verum dicitis, bonum est cantare id ipsum Symbolum: Numquid enim, si sermo plenus recta fide è medio tollatur, idem sermo ab omnibus, ac si contra fidem sit

condemnabitur? Quale ergo dabis consilium, ne idipsum ad aliquod transeat exitium? PAPA. Si priusquam ita cantaretur, interrogatus essem; ne infereretur, utique respondissem. At nunc, quod tamen non affirmandò, sed vobiscum pariter tractando dico, quantum menti occurrit, ita mihi videtur posse utrumque fieri, ut paulatim in Palatio, quia in nostra Sancta Ecclesia non cantatur, cantandi consuetudo ejusdem Symboli intermittatur: sicque fiat, ut quod id ipsum, ut cantaretur, non quælibet imperantis auctoritas, sed potius id audiendi fecerat novitas; si dimittatur à vobis, dimittetur ab omnibus: & ita fortasse, quantum esse potest, non incongruè utrumque fieri possit: ut, quod jam nunc à quibusque prius nescientibus rectè creditur, credatur, & tamen illicita cantandi consuetudo sine cuiusque fidei læsione tollatur.

*Harduin. Tomo IV. Conciliorum. pag. 969.*

# CAROLI MAGNI

IMPERATORIS

## CAPITULARE INTERROGATIONIS,

*Quod anno Imperii sui undecimo edidit de iis, quæ pro communi omnium utilitate interroganda constituit.*

I.

IN primis separare volumus Episcopos, Abbates, & Comites nostros & singulariter illos alloqui. II. Quæ causæ efficiunt, ut unus alteri adjutorium præstare nolit, sive in marcha, sive in exercitu, ubi aliquid utilitatis defensione Patriæ facere debet? III. Unde illæ frequentissimæ causationes, in quibus unus alteri quærit, quicquid parem suum viderit possidentem. IV. De eo, quod quilibet alterius hominem ad se fugientem suscipit. V. Interrogandi sunt, in quibus rebus, vel locis, Ecclesiastici laicis, aut laici Ecclesiasticis Ministerium suum impediunt. In hoc loco discutiendum est, atque interveniendum, in quantum se Episcopus, aut Abbas rebus sæ-

D d d 3

cularibus debeat inferere, vel in quantum Comes, vel alter laicus, in Ecclesiastica negotia. Hic interrogandum est acutissimè, quid sit, quod Apostolus ait; *Nemo militans Deo, implicat se negotiis secularibus*, vel ad quos sermo iste pertineat. VI. Quid sit, quod unusquisque Christianus in baptismo, vel quibus abrenuntiet. VII. Quæ sectando, vel negligendo, ipsam suam renuntiationem, vel abrenuntiationem irritam faciat. VIII. Quòd ille bene in Deum non credit, qui præcepta ejus impunè se contemnere putat: vel qui ea, quasi non ventura, despiciat, quæ ille comminatus est. IX. Quòd in nobis despiciendum est, utrum verè Christiani sumus: quod in consideratione vitæ, vel morum nostrorum facillimè cog-

Anno DCCCXI. Imp. Carolus Verno tempore post pacem sancitam cum Hemmingo, Danorum Rege, Placitum generale secundum consuetudines aquis habuit. *Annales Bertiniani & Metenses. Tomo III. Du Chesne Scriptor. Francorum.*



cognosci potest, si diligenter conversationem coram discutere voluerimus. X. De vitâ & moribus Pastorum nostrorum, id est, Episcoporum, qui populo Dei non solum docendo, sed etiam vivendo exemplum bonum dare debent. Ipsi namque Apostolum dixisse credimus, ubi dicit: *Imitatores mei estote, & observate eos, qui ita ambulant, sicut habetis formam nostram.* XI. De vitâ eorum, qui dicuntur Canonici, qualis esse debeat. XII. De conversatione Monachorum, & utrum

aliqui Monachi esse possint præter eos, qui regulam sancti Benedicti observant. Inquirendum etiam, si in Galliâ Monachi fuissent, priusquam traditio regulæ Sancti Benedicti in has Parrochias pervenisset. XIII. Ista conservetis, sicut vobis decet: & in vobis confido, püssimi Pontifices, & in quantum investigare possum, vobis mittere, seu scribere non dubito: bene valete in Domino.

*Sirmondus Tomo II. Concilior. Galliæ.*

*Baluz. Tomo I. Capitularium pag. 477.*

## ITEM BREVIS CAPITULORUM, QUIBUS FIDELIS NOSTROS EPISCOPOS ET ABBATES ALLOQUI VOLUIMUS, ET COMMONERE.

*De communi omnium nostram utilitate.*

**P**rimò commemorandum est, quòd anno præterito tria tridua jejunia fecimus, Deum orando, ut ille nobis dignaretur ostendere, in quibus conversatio nostra coram illo emendari debuisset: quod nunc facere desideramus.

II. Quærendum est in primis Ecclesiasticis, id est, Episcopis, & Abbatibus, ut illi nobis patefaciant de conversatione suâ, qualiter vivere debeant, ut cognoscere valeamus, cui de illis aut bonum, aut aliud aliquid refrænati credere debeamus: & ut scire possimus, in quantum cuilibet Ecclesiastico, id est, Episcopo, vel Abbati, seu Monacho, sæcularibus negotiis se ingerere, aut quid propriè pertineat ad illos, qui dicuntur, & esse debent, Pastores Ecclesiæ, Patresque Monasteriorum, ut aliud ab eis non quæramus, quàm quod ipsis facere licet: & ut quislibet ex eis à nobis ea non quærat, in quibus eis consentire non debemus.

III. Interrogare volumus ipsos Ecclesiasticos, ut qui Scripturas Sanctas non solum ipsi discere, sed etiam alios docere debent, qui sint illi, quibus Apostolus loquitur: *Imitatores mei estote:* vel quis ille, de quo idem dicit: *Nemo militans Deo, implicat se negotiis sæcularibus,* aut qualiter Apostolus sit imitandus, vel quomodo Deo militet.

IV. Iterum inquirendum ab eis, ut nobis veraciter patefaciant, quid sit, quod apud eos dicitur, sæculum relinquere, vel in quibus internosci possint hi,

qui sæculum relinquunt, ab his, qui adhuc sæculum sectantur. Utrum in eo solo, quòd arma non portant, nec publicè conjugati sunt.

V. Inquirendum etiam, si ille sæculum dimissum habeat, qui quotidie possessiones suas augere quolibet modo, quolibet arte, non cessat, suadendo de cœlestis regni beatitudine; comminando de æterno supplicio inferni, & sub nomine Dei, aut cujuslibet sancti, tam divitem quàm pauperem, qui simplicioris naturæ sunt, & minus docti atque cauti inveniuntur, si rebus suis exspoliant, & legitimos hæredes eorum exheredant; ac per hoc plerisque ad flagitia, & scelera propter inopiam, ad quam per hoc fuerint devoluti, perpetranda compellant: ut quasi necessariò furta, & latrocinia exerceat, cui paternarum rerum hæreditas, ne ad eum perveniret, ab alio prærepta est.

VI. Iterum inquirendum, quomodo sæculum reliquisset, qui cupiditate ductus, propter adipiscendas res, quas alium vidit possidentem, homines ad perjuriam & falsa testimonia pretio conducit: & advocarum, sive Præpositum, non justum ac Deum timentem, sed crudelem ac cupidum, ac perjuriam parvipendentem inquit, & ad inquisitionem rerum non qualiter, sed quanta acquirant.

VII. Quid de his dicendum, qui quasi ad amorem Dei & Sanctorum, sive Martyrum, sive Confessorum, ossa

&

& reliquias Sanctorum corporum de loco ad locum transferunt, ibique novas Basilicas construunt, & quoscumque potuerint, ut res suas illuc tradant, instantissimè adhortantur. Ille siquidem vult, ut videatur quasi bene facere, seque propter hoc factum benemeritum apud Deum fieri, quibus potest, persuadere Episcopis. Palam fit, hoc ideo factum, ut ad aliam perveniat potestatem.

VIII. Miramur, unde accidisset, ut is, qui se confiteretur sæculum reliquisse, neque omnino vult consentire, ut ipse à quolibet sæcularis vocetur; armatus homo cum sit, & propria velit retinere: & ad eos, qui nondum in totum sæculum renuntiaverunt, hoc pertineat: ad Ecclesiasticos verò quomodo justè pertineat, penitus ignoramus; nisi illi nobis insinuerint, qui hæc, quasi licita, usurpare non dubitant.

IX. Quid unusquisque Christo in baptismo promittat, vel quibus causis abrenuntiet, quamvis unicuique Christiano considerandum sit; specialiter tamen ab Ecclesiasticis inquirendum: qui laicis ipsius promissionis & abrenuntiationis in suâ vitâ exemplum præbere debent. Hic diligentissimè considerandum est, & acutissimè distinguendum, quæ sectando, vel quæ negligendo, unusquisque nostrum ipsam suam promissionem, & abrenuntiationem vel conservet, vel irritam faciat. Et quis fit ille Satanas, sive adversarius, cujus opera, vel pompas in baptismo renuntiavimus. Hic autem conspiciendum est, ne perversa unusquisque faciendo, illum quislibet nostrum sequatur; cui jam dudum in baptismo renuntiavimus.

X. In quo Canonum, vel in cujus Sancti Patris regula constitutum sit, ut invitus quislibet, aut Clericus, aut Monachus fiat: aut ubi Christus præcepisset, aut quis Apostolus prædicasset,

ut de nolentibus & invitis, & vilibus personis congregatio fieret in Ecclesia vel Canonicorum, vel Monachorum.

XI. Quam utilitatem conferat Ecclesiæ Christi, quòd is, qui Pastor, vel Magister nec cujuscumque venerabilis loci esse debet, magis studet in suâ conversatione habere multos, quam bonos: & non tantum probis, quam multitudine hominum delectatur: plus studet, ut suus Clericus, vel Monachus, bene canter & legat, quam justè & beatè vivat. Quamquam non solum minimè in Ecclesiâ contemnenda sit cantandi, vel legendi disciplina, sed etiam omnimodis exercenda. Sed si utrumque cuilibet venerabili loco accedere non potest; tolerabilius tamen ferenda nobis videretur imperfectio cantandi, quam vivendi. Et quamvis bonum sit, ut Ecclesiæ pulcra sint ædificia; præferendus tamen est ædificiis bonorum morum ornatus & culmen. Quia in quantum nobis videtur, structio Basilicarum veteris legis quandam trahit consuetudinem; morum autem emendatio propriè ad novum testamentum, & Christianam pertinet disciplinam. Quod si Christus; & Apostoli, & qui Apostolos rectè secuti sunt, in Ecclesiasticâ disciplinâ sunt sequendi; aliter nobis in multis rebus faciendum est, quam usque modò fecissemus; multa de usu & consuetudine nostra auferenda; & non minis multa, quæ hactenus non fecimus, facienda.

XII. Quâ regulâ Monachi vixissent in Gallia, priusquam regula Sancti Benedicti in ea tradita fuisset, cum legamus Sanctum Martinum & Monachum fuisse, & sub se Monachos habuisse, qui multo ante S. Benedictum fuit.

XIII. De Sanctimonialium & ancillarum Dei conversatione.

*Sirmondus T. II. Concilior. Gallie.*

*Baluz. Tomo I. Capitularium p. 479.*

# EPISTOLA GENERALIS CAROLI MAGNI IMPERATORIS, AD ARCHIEPISCOPOS REGNI FRANCORUM.

**I**N nomine Patris, & Filii, & Spiritûs Sancti. Carolus Serenissimus Au-

gustus à Deo coronatus, Magnus, pacificus Imperator (Romanorum) gubernans



nans Imperium, qui & misericordia Dei Rex Francorum & Longobardorum, (a) Odilberto Archi-Episcopo in Domino Salutem. Sæpe tecum, immò & cum cæteris Collegis tuis familiare colloquium de utilitate Sanctæ Dei Ecclesiæ habere voluissimus, si absque molestia corporali id efficere potuisses. Sed quamvis Sanctitatem tuam in Divinis rebus tota intentione vigilare non ignoremus; omittere tamen non possumus, quin tuam Devotionem Sancto incitante Spiritu nostris apicibus compellamus, atque commoneamus, ut magis ac magis in Sanctâ Dei Ecclesiâ studiosè ac vigilantia cura laborare studeas in prædicatione sancta, & doctrina salutari: quatenus per tuam devotissimam solertiam verbum vitæ æternæ crescat, & currat, & multiplicetur numerus populi Christiani in laudem & gloriam Salvatoris nostri Dei. Nôsse itaque per tua scripta, aut per te ipsum volumus, qualiter, & tu, & Suffraganei tui, doceatis & instruat Sacerdotes Dei, & plebem vobis commissam, de Baptismi Sacramento, id est, cur primò infans Catechumenus efficitur, vel quid sit Catechumenus, de-

inde per ordinem omnia, quæ aguntur. De scrutinio, quid sit scrutinium. De symbolo, quæ sit ejus interpretatio secundum Latinos. De credulitate, quomodo credendum sit in Deum Patrem omnipotentem, & in Jesum Christum Filium ejus, & in Spiritum Sanctum, Sanctam Ecclesiam Catholicam, & cætera, quæ sequuntur in eodem Symbolo. De abrenuntiatione Satanæ, & omnibus operibus ejus & pompis. Quid sit abrenuntiatio, & quæ opera Diaboli, & pompæ ejus? Cur insufflatur, & cur exorcizatur? Cur Catechumenus accipit salem? Quare tangantur nares, pectus ungatur oleo? Cur scapulæ signantur, & quare pectus, & scapulæ lavantur? Cur albis induitur vestimentis? Cur sacro Chrismate caput perungitur, & mystico tegitur velamine? & cur corpore, & sanguine Dominico confirmatur? Hæc omnia subtili indagine per scripta nobis, sicut diximus, nuntiare satage; & si ita teneas, & prædices, aut in hoc, quod prædicas, te ipsum custodias. Benè vale, & ora pro nobis.

Baluz. Tomo I. Capitularium pag. 483.

[a] Odilbertus, Mediolanensis Archi-Episcopus, statim jussis Regiis paruit, & Librum de Baptismo scriptum, Carolo misit, quo XII. Capitibus responderet postularis Regiis. Laidradus Archiep. Lugdunensis etiam opus de Sacramento Baptismi Carolo inscripsit. Amalatus Archiep. Trev. de Sacro Baptismo ad Carolum scripsit, item Theodulfus Ep. Aurelianensis Librum de Ordine Baptismi. Jesse Ep. Ambianensis Sacerdotes suæ Diocesis de ordine Baptismi Epistolâ scriptâ instruxit. Nota Eckharti Tomo II. Fræcia Oriental. pag. 69.

## CAROLUS IMPERATOR CONTRO- VERSIAM FINIUM INTER ARCHI-EPIS- COPATUM AQUILEGIENSEM & SALISBURGENSEM DIRI-

MIT, DRAVO AMNE STATUTO LIMITE.

**I**N nomine Patris, & Filii, & Spiritus Sancti. Carolus Serenissimus Augustus, à Deo coronatus, Magnus, pacificus, Imperator, Romanorum gubernans Imperium, quia per misericordiam Dei Rex Francorum, & Longobardorum. Notum sit omnium fidelium nostrorum magnitudini, præsentium, & futurorum, qualiter viri venerabiles, URSUS Sanctæ Aquilegiensis Patriarcha, & ARNO Juvavenis Ecclesiæ Archi-episcopus, ad nostram venientes præsentiam, non minimam inter se con-

tentionem habuerunt de Carantanâ Provinciâ, quod ad utriusque illorum Diocesis pertinere deberet. Nam URSUS Patriarcha antiquam se auctoritatem habere asserbat, & quod tempore, antequam Italia à Longobardis fuisset invasâ, per *Synodalia Gesta*, quæ tum temporis ab antecessoribus suis Aquilegiensis Ecclesiæ rectoribus agebantur, ostendi posset, prædictæ Carantanæ Provinciæ civitates ad Aquilegiam esse subjectas. ARNO verò Episcopus asserbat, se habere auctoritatem Pontificum Sanctæ Roma-

Romanæ Ecclesiæ, ZACHARÆ, STEPHANI, atque PAULI, quorum præceptis, & confirmationibus prædicta Provincia tempore Antecessorum suorum ad Juvavenfis Ecclesiæ Diœcesin fuisset adjuncta.

Nos autem audita, & discussa eorum contentione; ut in unam eos caritatem, & concordiam revocemus, & ut in futurum tam inter ipsos, quàm & successores eorum omnis controversia, atque disceptatio fuisset penitus ablata, prædictam Provinciam Carantanum ita inter (eos) dividere jussimus, ut DRUVUS fluvius, qui per mediam Provinciam illam currit, terminus ambarum Diœcesum esset; & à ripa Australi ad Aquilegiensis Ecclesiæ Rectorem; ab Aquilonari verò ripa ad Juvavenfis Ecclesiæ Præfulem ipsius Provinciæ pertineret. Ecclesiæ verò, quæ in utraque ripâ fuissent constructæ, ubicunque possessiones suas iuste sibi collatas habere noscerentur, absque contradictione, & contentione ambarum partium haberent, quia compertum habemus, quod quædam Ecclesiæ in unâ ripâ fluminis prædicti sunt constructæ.

Hæc igitur definitione promulgatâ à nobis, præcipimus, atque iubemus, ut tam præsentēs viri venerabiles, MAXENTIUS videlicet, qui in locum nuper

virī venerabilis URSI, Patriarchæ, subrogatus est, & ARNONEM virum venerabilem Juvavenfis Ecclesiæ Archi-Episcopum decernere in futurum nulla controversia, aut quæstio moveatur, sed contenti sint, ex utraque parte nostro iudicio, quod inter eos secundum rectitudinis normam, propter charitatem, & pacem, quæ inter tales viros decet, conservandam iudicavimus. Neque enim iustior nobis, super huiusmodi disceptatione sententia proferenda videbatur, quàm ut divisio inter eos illius Provinciæ fieret, cuius ambo se auctoritatem habere asseriebant: quia nos eorundem auctoritatem neutiquam falsam, neutiquam infirmam facere volumus, quia una antiquitate, altera Sanctæ Romanæ Ecclesiæ sublimitate præcellebat. Hanc nostræ auctoritatis iussionem, ut maiorem per tempora vigorem fortiretur; firmiorque ab iis, qui post nos futuri sunt, hominibus haberetur, more nostro eam subscribere, & de Bullâ nostrâ iussimus sigillare. Datum XVIII. Kalend. Junii, anno XI. Christo propitio, Imperii nostri: XLII. Regni nostri in Francia; atque XXXVII. in Italia, Indictione quartâ. Actum Aquisgranī Palatii, in Dei nomine feliciter. Amen.

*Hansfz. Tomo II. Germaniæ Sacræ pag. 120.*

Aquilegienses olim Metropolitanum jus per Noricum Mediterraneum exercebant in Episcopos Tiburatiensem, Celestensem, Petovionensem. Subinde Francis valescentibus Gallicani Episcopi eis Ecclesiis curam adjecerant. Demum Virgilius Salisburgensis, converso ad Christum Sclavorum Duce, eas partes procurandas suscepit. Unde mota lis de finibus jam anno 798: quæ anno 811. ab utroque Archi-Episcopo delata ad Placitum Caroli Aquis habitum, hoc diplomate dirempta & finita fuit. *Hansfz. in Episcopatu Salisburgensi Germaniæ Sacræ Tom. II. p. 120. 121.*

## CONVENTUS AQUISGRANENSIS.

Anno Christi DCCCXII. Caroli Imperii XIII.

*De Monasterii Fuldensis Pace restaurata.*

**F**Acta est conturbatio porro non minima in Monasterio S. Bonifacii (id est Fuldensi) & Fratres XII. ex ipsâ familia perrexerunt simul cum Abbate Rargario (tertio loci Abbate) ad iudicium Imperatoris Caroli. Nec tamen ita commotio illa quievit. Sed post Ricolphus Archi-Episcopus Moguntiacensis, & Beontarius Episcopus civitatis Wangionum, & Hatto Episcopus Augusten-

sis, & Wolgarius Episcopus Ecclesiæ Wirzburg cum cæteris Fidelibus, quasi simul ad illud Placitum convenerunt iussu Imperatoris, sanaverunt commotionem illam in Monasterio S. Bonifacii.

*Chronicon Hildensheimense apud Duchesne Tomo III. Scriptor. Franc. pag. 509. ad annum XLIV. regni Caroli, qui juxta cum Scriptorum est 812. Christi.*

E e c

Mo-



Monachi recentis instituti zelo flagrantes, perire sibi veteris disciplinæ rigorem nolebant: at Ragharius summo jure Abbatis nunquam cessit, qui demum rogatu fratrum accusantium anno 817. depositus fuit, Sancto Eigile successore. *Pagi ad annum 812. N. XV.*

## LIBELLUS SUPPLEX MONACHORUM FULDENSII CAROLO IMPERATORI PORRECTUS.

*Hæc quoque Cenobium totum Fuldense rogavit  
AUGUSTUM CAROLUM, jura novare sibi.*

*Quæ cuncta honesta censebat Cæsar opinus,  
Et votum precibus jussit inesse piis.*

**I**N primis petimus Pietatem tuam, Clementissime Imperator, quod liceat nobis orationum, psalmodiæ, & vigiliarum modum tenere, quem Patres nostri habuerunt pro amicis nostris viventibus atque defunctis, id est, quotidianam precem pro te, Domine Auguste, & pro liberis tuis, & pro omni populo Christiano. Quam manè, quando in unum convenimus, & Capitulum de Regula coram fratribus legebatur, exsurgentes post lectionem, ter versum: *Deus in adiutorium meum intende, adjuncta Gloria Patri*, cantantes, flexis genibus Psal. L. cecinimus, simul cum versibus, & collecta. In secunda quoque feria unius cujusque septimanæ, orationem pro omnibus, nobis Eleëmofynas tribuentibus, id est, eundem Psalm. L. quem tota congregatio, juxta corpus B. Martyris simul prostrata, cantavit, cum oratione Dominica & Versibus. Pro defunctis ergo fratribus nostris commemorationem illam, quam quotidie bis habuimus, id est, post matutinam celebrationem & vespertinam, quæ est antiphona, videlicet: *Requiem æternam*, & prima post Psalmi: *Tu decet Hymnus Deus*. Versus & Collecta. In Kalendis verò omnium mensium unam vigiliam, & 2. Psalmos. Pro Sturmii quoque Abbate, & Fundatoribus Monasterii istius, in anniversaria obitus die, unam vigiliam, & unum Psalterium per singulos annos.

**II.** Quod Presbyteris concedatur Missas sæpius celebrare, & quod spatia eis ad hoc dentur, sicut à majoribus nostris dabantur. Quodque illi ad sacrum ordinem eligantur, qui eruditi sint verbo, & sancta conversatione probati, & nec fures, nec scelerati, & qui Sacerdotii juris penitus ignari sunt.

**III.** Ut Sanctorum honor & festivitas non detestetur, sed in Vigiliis & Missis eorum digna commemoratio fiat: &

quod in his festivitibus, quibus major veneratio convenit, fratribus ab opere ad lectiones & psalmodiam vacare liceat, sicut apud Majores nostros licitum est: id est, in festivitate Sanctæ Mariæ, & XII. Apostolorum, S. Stephani, & S. Laurentii, & cæterorum, quorum memoriæ apud Ecclesias Germaniæ celebres sunt, nec non & eorum, quorum corpora in his Regionibus habentur.

**IV.** Quod communicationem fratri panis ante cibum quotidie sumere, non respuatur, secundum exempla præcedentium Patrum.

**V.** Quod infirmorum major cura sit & miseratio, senum videlicet, & debiliū: neque penuriā victūs affligantur, neque vestitus paupertate contendantur, & nec ineptis aliquibus vexentur; ita ut nec baculum eis pro sustentatione ferre liceat, nec ad inclinatorium, quod nos formulam diximus, morando hæerere, quia cæcus, & claudus non possunt sine sustentatione baculi bene incedere, nec decrepitus sine formula genua flectere. Hoc rogamus, ut tales, propter fastidium, de Monasterio non ejiciantur, ne fortè in cellis, sub laicis constituti, sine confessione & necessario vitæ viatico moriantur.

**VI.** Quod omnibus, ad Monasterium, vitæ hujus amore venientibus, pietas congrua impendatur, & nec infirmi, neque seniores, neque delicati duritia aufugentur: sed omnes cum misericordia suscipiantur, & solatium, quod petierint, honestè infirmitati eorum impertiantur.

**VII.** Quod nullus ante probationem suscipiatur, neque corpori Monasterii societur; ne fortè aliquis magis propter commoda terrena, quam propter æternæ vitæ amorem se Monasterio sociare

sociare voluerit, & receptus inhonesto suo more conturbet fratres.

VIII. Ut nullus propter pecuniam, vel possessionem terrenam, fictis suasionibus seductus, & blanditiis deceptus, postquam in Monasterium susceptus fuerit, & non habens, quod sibi promittebat, tristitia, & poenitentia sæculi pereat; sed veritas unicuique ore proferatur, & opere impleatur.

IX. Quodd nullus vi Monachus fieri cogatur, nec ad Clerum tondeatur, sive liber sit, sive servus; quia tales in Monasterium suscepti auctores fiunt scelerum, & executores vitiolorum.

X. Quodd victum & vestitum, sicut majores nostri nobis constituerunt, habere liceat: quia primus Abbas noster Sturm, in Monasterio S. Benedicti per annum conversans, huc postea rediens, secundum electionem Sancti Bonifacii, habitum eorum, & victum dijudicantis, nobis istum constituit, cujus rei plures adhuc testes supersunt.

XI. Quodd commune (a) Magisterium à Decanis & Præposito omnibus fratribus fiat: quia hæ divisiones, quæ modò factæ sunt, occasiones sunt scandalorum, dissensionum, & contradictionum. Credimus enim, propter pacis caritatisque custodiam expedire, secundum priorem constitutionem communiter fratribus Decanos omnes constitui, ut communis cura cautelam præbeat, & dilectionem impendat.

XII. Ut ædificia imensa, atque superflua, & cætera inutilia opera omitantur, quibus fratres ultra modum fatigantur, & familiæ foris dispereunt; sed omnia juxta mensuram, & discretionem fiant. Fratribus quoque secundum regulam certis horis vacare lectio- ni liceat, & item certis operari.

XIII. Quodd peregrinorum susceptio, & lavatio in eis pedum non negligatur, sed secundum regulam, & secundum priorum nostrorum consuetudinem, quandocumque venerint, misericorditer suscipiantur, & ab omnibus fratribus lavatio pedum eis exhibeatur.

XIV. Quodd hospitalitas antiqua non obliviscatur, sed omnibus hospitibus congruus honor, & omnis humanitas exhibeatur. Quando autem plures si-

Ecc 2

mul advenerint, ut in Missa Sancti Bonifacii, consolatione undique facta, ab his, qui cellas provident, omnibus refectio præbeatur.

XV. Ut privata negotia, & sæcularia beneficia, & divisio possessionum atque agrorum, in ipso Monasterii loco non fiant, quia inde exoriuntur jurgia, contentiones, æmulationes, iræ, rixæ, inimicitia, dissensiones, invidia, furtivæ commestationes, & ebrietates, & pene omnia mala, & salutis nostræ contraria: sed omnes agri atque cellæ in communi omnium fratrum fiant; & omnes homines, qui in eodem Monasterii loco habitant, ab uno vestiario vestitum accipiant, prout Præpositus, sive Cellarius dispensaverint, nec mercimonia aliqua ab aliquibus ibi ventilentur, sed sint omnia omnibus communia.

XVI. Ut ipsa Monasterii ministeria per fratres ordinentur, id est, Pistrinum, hortus, Braciarium, coquina, agricultura, & cetera ministeria, sicut apud decessores nostros fuerunt; quia devotius, & dignius per fratres omne exercebitur officium, quam per laicum, aut servum malevolum.

XVII. Quodd malitiosæ, & furiosæ mentis homines, & ad cuncta flagitia perpetranda promptissimi, non colligantur intra Monasterium, sicut factum est de illo homicida Clerico, qui monachum interfecit: qui contra omnium fratrum voluntatem, & consensum locatus est in Monasterio; quia timemus, ne fortè cognati ipsius monachi, diabolica suasionem in ultionem ejus inflammentur, & homicidium augeatur. Quoddque ipsi, qui propter scelera sua, & improbitates, inter sæculares esse non possunt, in vicina Monasterii loca gregatim non collocentur, quia furto Monasteria deprædant, & proxima quæque loca latrocinii infestant.

XVIII. Quodd ipse Abbas corrigatur, ne institutis Sancti Bonifacii detrahat, dicens, quodd decreta ejus Synodus damnaverit; & quodd majores & cetera Monasteria non reprehendat, quasi regulariter non vivant.

XIX. Ut crucis gloriatio in singulis diebus Dominicis fiat ante Missam, fratribus omnibus circa vicina quæque loca

Mona-

(a) Forè Ministerium.



Monasterii crucem sequentibus, hymnos, & antiphonas cantantibus sicut apud majores nostros usus erat in diebus Dominicis, Passionis, & Resurrectionis Domini gloriam celebrari, quodd in diebus jejuniorum ab Episcopo decretis, crucem portare, & Litanias facere liceat.

XX. Hoc igitur, quod maximè nobis necessarium esse judicavimus, præ omnibus optabamus, id est, veritatem & concordiam cum Abbate nostro habere, sicut cum anterioribus nostris Abbatibus habuimus: & misericordiam, & familiaritatem, pietatem & modestiam in illo sentire: & ut esset benignus infirmis, propitius delinquentibus, affabilis fratribus, mæstorum consolator, laborantium adjutor, benevolorum auxiliator, bene certantium hortator, lassorum refocillator, cedentium sustentator, cadentium restaurator: omnes fratres amaret, nullum odiret,

& nullum zeli, vel livoris dolo persequeretur: fieretque non turbulentus vultu, non anxius animo, non nimius in iudicio, non obstinatus in consilio; sed hilaris facie, lætus mente, discretus in opere, consentiens in utilitate: & quando aliquis de fratribus præoccupatus fuerit in aliquo delicto, non statim tyrannicâ vindictâ illum excrucieret, sed misericorditer disciplinâ corrigere festinaret, concurrumque clementer susceperet, nec pravâ suspitione denuo illum fatigaret, neque perpetuo odio exterminaret.

His & talibus, Domine Imperator, apud priores nostros Abbates usi sumus, & de hoc istum Abbatem sæpissimè rogavimus, sed usque in præsentem diem imperare non potuimus.

*Bromerus L. III. Fuldens. Antiquitatum C. XII.*

**CONCILIIUM MOGUNTIIACUM,  
CAROLI MAGNI IMPERATORIS JUSSU, IN  
CLAUSTRO BASILICÆ S. ALBANI CELEBRATUM SUB DIE V.  
IDUS JUNIAS, INDICTIONE VI. ANNO CHRISTI DCCCXIII.  
LEONIS III. PAPÆ XVIII. CAROLI EJUSDEM REGIS  
ET IMP. XLV.**

**TITULI CANONUM.**

- |                                                                                                  |                                                                                        |
|--------------------------------------------------------------------------------------------------|----------------------------------------------------------------------------------------|
| 1. De Fide Catholicâ firmiter tenendâ.                                                           | 16. De eo, quid sit relinquere mundam.                                                 |
| 2. De spe habendâ in Deum.                                                                       | 17. De armis omittendis.                                                               |
| 3. De caritate ab omnibus conservandâ.                                                           | 18. De fictis virtutibus, & veris vitis discernendis.                                  |
| 4. De Sacramento Baptismi uniformiter celebrando.                                                | 19. Ut in Monasteria nimis multi homines non mittantur.                                |
| 5. De pace, & concordia, & unanimitate.                                                          | 20. De locis Monasteriorum, vel ædificiis providendis.                                 |
| 6. De Orphanis & exhereditatis subveniendo.                                                      | 21. Ut Episcopi sciant, qualiter Canonici, qui sunt cum Abbatibus, vivant.             |
| 7. Ut res pauperum, vel minus potentum, mala occasione non emantur.                              | 22. De Clericis vagis.                                                                 |
| 8. De potestate Episcoporum pro rebus Ecclesiasticis, ac de convenientia Episcoporum cum laicis. | 23. De Clericis injustè tonsuratis.                                                    |
| 9. De vitâ Canonicorum.                                                                          | 24. De Clericis adeuntibus Imperatorem.                                                |
| 10. Item de vitâ Clericorum.                                                                     | 25. Ut predicatio sancta assidue in Ecclesiâ fiat.                                     |
| 11. De vitâ Monachorum.                                                                          | 26. Presbyteri tantum ad Missarum solennia, introitum habeant ad Monasteria puellarum. |
| 12. Ne Monachi placita secularia adeant.                                                         | 27. Ut Presbyteri Christum diligenter custodiant.                                      |
| 13. De Sacris Virginitatibus.                                                                    |                                                                                        |
| 14. De negotio seculari, Clericis & Monachis interdicto.                                         |                                                                                        |
| 15. De Imitatione Apostolicâ.                                                                    |                                                                                        |

28. *Ut Presbyteri assidue utantur orationibus.*  
 29. *Ne Laici Presbyteros ejiciant de Ecclesiis, eorum in eis constituent absque Episcopi consensu.*  
 30. *Ne Laici à Presbyteris munera exigant.*  
 31. *De fugitivis Clericis.*  
 32. *Quid sit Litaniam; & quid exomologesis.*  
 33. *De Litaniam majore.*  
 34. *De quatuor temporibus observandis.*  
 35. *De indicto jejunio.*  
 36. *De Festivitatibus anni.*  
 37. *De Dominicis diebus cum veneratione observandis.*  
 38. *De Decimis, ut dentur.*  
 39. *Ut Ecclesie pacem habeant.*  
 40. *Ut in Ecclesiis placita secularia non fiant.*  
 41. *Ut antiquae Ecclesiae honorem suum habeant.*  
 42. *De Beneficiis Ecclesiasticis, ut qui hæc habent, ad Ecclesiarum restaurationem*

- adjuvent, & nonam, & decimam reddant.*  
 43. *Ne Presbyter solus Missam cantet.*  
 44. *De oblatione & pace in Ecclesia facienda.*  
 45. *Ut Symbolum & Orationem Dominicam omnes discant.*  
 46. *Ut malum ebrietatis omnino vitetur.*  
 47. *De spiritualibus filiis instruendis.*  
 48. *Ut canticum luxuriosum circa Ecclesias non canatur.*  
 49. *De subintroductis mulieribus.*  
 50. *De Praepositis, vel Advocatis; sive Vice-Dominis.*  
 51. *Ne corpora Sanctorum transferantur de loco ad locum.*  
 52. *Qui mortui in Ecclesia sepeliantur.*  
 53. *De incestuosis.*  
 54. *Ne proprius filius de Baptismo suscipiatur: & ne filiola, vel commater uxor ducatur.*  
 55. *De damnatis nuptiis.*

## P R Æ F A T I O.

**I**N nomine Patris, & Filii, & Spiritus Sancti. Gloriosissimo & Christianissimo Imperatori CAROLO Augusto, veræ Religionis Rectori, ac Defensori Sanctæ Dei Ecclesiæ, unâ cum prole suâ, ejusque fidelibus; vita & salus, honor & benedictio, cum victoria sine fine mansura. Almissæ Reverentiæ vestræ parefacimus nos humillimi famuli, ac missi vestri, Hildebaldus scilicet Sacri, Palatii Archi-Episcopus, Richolfus, & Arno Archi-Episcopi, seu Bernharius, unâ cum reliquis Coepiscopis; atque Abbatibus, & cætero Clero, quia venimus secundum iussionem vestram in civitatem Moguntiam; ibique pariter adunati primitus cum Litanis triduanum celebravimus jejunium, Divinam suppliciter postulantes Clementiam, quatenus sanctâ gratiâ suâ Conventum & Actionem ipsius Synodi sibi acceptabilem facere dignaretur, & Christiano populo proficientem ad salutem & vitam perpetuam, vobisque ad æternum honorem & gloriam. Tum verò sedentes in claustris Basilicæ Sancti Albani, Martyris Christi, consonâ voce gratias egimus Deo Patri omnipotenti, quia Sanctæ Ecclesiæ suæ, tam pium, ac devotum in servitio Dei concessit habere Rectorem, qui suis temporibus sacræ Sapientiæ fontem aperiens, oves Christi indefinenter sanctis reficit alimentis, ac Divinis in-

Ecc 3

struit disciplinis, Christianumque populum indefesso labore amplificare conatur, hilariterque Christi honorat Ecclesias; ac de fauce diri draconis multorum animas studet eripere, & ad sinum Sanctæ Matris Ecclesiæ revocare, atque ad gaudia Paradisi, & ad Regna cœlestia omnes communiter invitare, Sanctâ Sapientiâ suâ, devotissimôq; studio cæteros Reges transcendens. Incipientes igitur in nomine Domini, communi consensu & voluntate tractare pariter de statu veræ Religionis, ac de utilitate & profectu Christianæ plebis, convenit nobis, de nostro communi Collegio Clericorum, seu laicorum, tres facere turmas, sicut & fecimus. In prima autem turma confederunt Episcopi cum quibuscumque Notariis, legentes arque tractantes Sanctum Evangelium, nec non Epistolas, & Actus Apostolorum, Canones quoque, ac diversa Sanctorum Patrum opuscula, Pastoralémque librum Gregorii, cum cæteris sacris dogmatibus; diligenti studio perquirentes, quibus modis statum Ecclesiæ Dei, & Christianæ plebis profectum sanâ doctrinâ & exemplis justitiæ inviolatum, largiente gratiâ Dei, perficere & conservare potuissent. In alia verò turmâ confederunt Abbates, ac probati Monachi, Regulam Sancti Benedicti legentes, arque tractantes diligenter, qualiter Monachorum vitam in meliorem



liorem statum, atque augmentum cum Dei gratiâ perducere potuissent. In tertia denique turmâ federunt Comites & Judices, in mundanis legibus decertantes, vulgi iustitias perquirentes, omniumque advenientium causas diligenter examinantes, modis, quibus poterant, iustitias terminantes. In his itaque omnibus primò decrevimus, unicuique personæ, vel sexui congruum honorem impendere, secundum dictum Beati Petri, primi Pastoris Ecclesiæ, ubi ait: *Omnes honorate, fraternitatem diligite, Deum time, Regem honorificate. Servi subditi estote in omni timore Domini, non tantum bonis & modestis, sed etiam dycolis. Hæc est enim gratia in Christo JESU Domino nostro.* Hinc Paulus ad Timotheum scripsit, dicens: *Attende tibi & doctrinæ, instâ in illis. Hoc enim faciens, & te ipsum saluum facies, & eos, qui te audiunt. Seniores ne increpaveris, sed obsecra ut Patrem, juvenes ut fratres, anus ut matres, juvenculas ut sorores in omni castitate.* Insuper etiam congruum nobis esse videbatur, ut Sacerdotes Ecclesiæ Dei jure legitimo & inconvulso

honorarentur, de quibus Dominus ait: *Qui vos audit, me audit: & qui vos recipit, me recipit: qui autem me recipit, recipit eum, qui me misit.* Et Apostolus ad Hebræos: *Obedite, inquit, Præpositis vestris, & subiacete eis. Ipsi enim pervigilant, quasi rationem reddituri pro animabus vestris.* Nam de reverentia Ecclesiarum dicit Dominus: *Domus mea, domus orationis vocabitur cunctis gentibus.* De his tamen omnibus valde indigemus vestro adiutorio; atque sanâ doctrinâ, quæ & nos jugiter admoneat, atque clementer erudiat, quatenus ea, quæ paucis subter perstrinximus Capitulis, à vestrâ auctoritate firmetur, si tamen vestra pietas ita dignum esse judicaverit; & quicquid in eis emendatione dignum reperitur, vestra magnifica Imperialis Dignitas jubeat emendare: ut ita emendata, nobis omnibus, & cunctæ Christianæ plebi, ac posteris nostris proficiant ad vitam, & salutem, & ad gloriam sempiternam; Vobisque inde merces, honor, & laus, & benedictio, ac beatitudo permaneat in omnes æternitates sæculi. Amen.

## CANONES.

### I. De fide Catholicâ firmiter tenendâ.

**I**Nitium enim actionis nostræ de fide esse decrevimus, quæ honorum omnium est fundamentum, & quia sine fide, ut dicit Apostolus: *Impossibile est placere Deo.* Fides tamen indiget opere, quia fides sine operibus mortua est. Ideo Beatus Gregorius: Ille: inquit, verè credit, qui exercet operando, quod credit. Quapropter de verâ fide omnes omnino Christianos alterutrum inter se jugiter admonere, & docere oportet. Maximè tamen Domini Sacerdotes in eo certamine laborare decet, ut firmiter ab omnibus teneatur.

### II. De spe habenda in Deum.

Spes verò in Deum firmiter à cunctis Christianis tenenda est. Unde Psalmista commemorat: *Sperate in eo omnis congregatio populi, & reliqua.* Et iterum: *Spera in Domino, & fac bonitatem.* Et iterum: *Sperantes autem in Domino, misericordia circumdabit.* Et Apostolus: *Spe enim salvi facti sumus.*

### III. De caritate ab omnibus conservanda.

Caritas Deus est, ut ait Joannes Apostolus: *Qui manet in caritate, in Deo manet, & Deus in eo.* Item Paulus Apostolus: *Finis, inquit, præcepti est caritas de corde puro, & conscientia bona, & fide non ficta.* Caritatem ergo qui habet, omnia bona habet. Quam ideo commemoravimus, quia volumus, ut firmiter ab omnibus æquè Catholicis conservetur. Augustinus quoque in sermone de laude caritatis dicit: Si ergo non vacat, omnes paginas perscrutari, omnium scripturarum secreta penetrare, tene caritatem, ubi pendent omnia: ibi tenebis, quod ibi didicisti. Ille itaque tenet, & quod patet, & quod latet in Divinis sermonibus, qui caritatem tenet in moribus.

### IV. De Sacramento Baptismi uniformiter celebrando.

Sacramenta itaque Baptismatis volumus, ut sicut Sancta vestra fuit admonitio, ita concorditer, atque uniformiter in singulis Parochiis, secundum Romanum ordinem inter nos celebrentur, jugi-

jugiterque conserventur: id est, scrutinium ad ordinem Baptismatis, sicut in decretis Leonis Papæ sub duobus continetur Capitulis. In Capitulo XI. Duo tempora, id est, Pascha, & Pentecoste, ad baptizandum, à Romano Pontifice legitima præfixa sunt. Item Capitulo XII. Non interdicta licentiâ, quâ in Baptismo tribuendo quolibet tempore periclitantibus subvenitur. Et Siricius: Si in qualibet necessitate opus fuerit sacri unda Baptismatis, omni volumus celeritate succurri.

V. *De pace & concordia & unanimitate.*

Ut pax & concordia sit, atque unanimitas in populo Christiano: quia unum Deum Patrem habemus in cœlis, & unam matrem Ecclesiam, unam fidem, unum Baptisma. Ideo in unâ pace & unanimitate concorditer vivere debemus, si ad unam & veram hæreditatem regni cœlestis cupimus pervenire: quia non est dissensionis Deus, sed pacis, ut ipse ait: *Beati Pacifici, quoniam Filii Dei vocabuntur.*

VI. *De Orphanis & exhereditatis subveniendi.*

Propter istius itaque pacis concordiam conservandam, placuit nobis de Orphanis & pauperibus, qui debite & indebite dicuntur amisisse hæreditatem paterni vel materni juris, ad se legibus pertinentem; si alicubi inventi fuerint, quos patres vel matres propter traditiones illorum exheredes fecerunt, aliorum scilicet suasionibus, aut petitionibus, vel aliquo ingenio; omnino volumus, atque decrevimus emendari, quantum ad nos, vel ad nostram pertinet potestatem, juxta voluntatem Dei, & vestram sanctam admonitionem, & considerationem. Quod si forte extra officium nostrum alicubi inventum fuerit, admonere vestram Clementiam audeamus, ut emendetur.

VII. *Ut res pauperum, vel minus potentium malâ occasione non emanent.*

Propter provisiones pauperum, pro quibus curam habere debemus, placuit nobis, ut nec Episcopi, nec Abbates, nec Comites, nec Vicarii, nec judices, nullusque omnino sub mala occasione, vel malo ingenio, res pauperum, vel minus potentum, nec emere, nec vi tollere audeat. Sed si

quis ex eis aliquid comparare voluerit, in publico placito coram idoneis testibus, & cum ratione hoc faciat. Ubi cumque autem aliter inventum fuerit factum, hoc omnino emendetur per jussionem vestram.

VIII. *De potestate Episcoporum pro rebus Ecclesiasticis, ac de convenientia Episcoporum cum laicis.*

Ut Episcopi potestatem habeant, res Ecclesiasticas providere, regere, gubernare, atque dispensare secundum Canonicam auctoritatem, volumus: & ut laici in eorum ministerio obediant Episcopis, ad regendas Ecclesias Dei, viduas, & orphanos defendendos; & ut obedientes sint eis ad eorum Christianitatem servandam. Et Episcopi consentientes sint Comitibus & Judicibus ad justitias faciendas: & ut nullatenus per aliquorum mendacium, vel falsum testimonium, neque per perjurium, aut per præmium, lex justa in aliquo depraveretur.

IX. *De vita Canonicorum.*

In omnibus igitur, quantum humana permittit fragilitas, decrevimus, ut Canonici Clerici Canonicè vivant, observantes Divinæ Scripturæ doctrinam, & documenta Sanctorum Patrum, & nihil sine licentia Episcopi sui, vel Magistri eorum compositè agere præsumant in unoquoque Episcopatu: & ut simul manducent, & dormiant, ubi his facultas id faciendi superpetit, vel qui de rebus Ecclesiasticis stipendia accipiunt, & in suo claustris maneant: & singulis diebus manè primo ad lectionem veniant, & audiant, quid eis impereatur. Ad mensam verò similiter lectionem audiant, & obedientiam secundum Canones suis Magistris exhibeant.

X. *Item de vitâ Clericorum.*

Discretionem igitur esse volumus, atque decrevimus inter eos, qui dicuntur sæculum reliquisse, & adhuc sæculum sectantur. Placuit igitur Sancto Concilio, ut ita discernantur, sicut in Regula Clericorum dictum est. His igitur lege Patrum cavetur, ut à vulgari vitâ seclusi, à mundi voluptatibus sese abstineant; non spectaculis, non pompis intersint, convivia inhonesta & turpia fugiant. Tamen Hieronymus in  
Epi-



Epistolâ ad Nepotianum dicit: "Omni-  
um Christianorum domos, quasi propri-  
as, amare debemus, ut consolatores nos  
in mœroribus suis potius, quàm convi-  
vas in prosperis noverint. Item Isidorus:  
"Clerici tamen convivia privata non tan-  
tùm pudica, sed & sobria colant: usu-  
ris nequaquam incumbant, neque tur-  
pium occupationes lucrorum, fraudisq;  
cujusquam studium appetant." Amo-  
rem pecuniæ, quasi materiam cuncto-  
rum criminum fugiant: sæcularia officia,  
negotiâque abjiciant: honorum gradus  
per ambitionem non subeant: pro bene-  
ficiis medicinæ Dei munera non accipi-  
ant: dolos & conjurationes caveant:  
odium, æmulationem, obrectationem,  
atque invidiam fugiant. Non vagis ocu-  
lis, non infræni linguâ aut petulanti,  
timidoque gestu incedant: sed pudore  
ac verecundiam mentis simplici ha-  
bitu incessuque ostendant. Obsecrita-  
tem etiam verborum, sicut & operum,  
penitus execrentur. Viduarum atque  
Virginum visitationes frequentissimas fu-  
giant: contubernia sceminarum nullatenus  
appetant: Castimoniam quoque  
inviolati corporis perpetuò conservare  
studeant. Senioribus quoque debitam  
præbeant obedientiam; neque ullo ja-  
ctantiâ studio se attollant. Postremò in  
doctrina, in lectionibus, in Psalmis,  
hymnis & canticis, exercitio jugi in-  
cumbant. Tales enim debent esse, qui  
Divinis cultibus se mancipandos student  
exhibere: scilicet, ut dum scientiæ ope-  
ram dant, doctrinæ gratiam populis ad-  
ministrant.

#### XI. De vita Monachorum.

Abbates autem censuimus, ità cum  
Monachis suis pleniter vivere, sicut ipsi,  
qui in præsentì Synodo aderant, palam  
nobis omnibus promiserunt: id est, se-  
cundùm doctrinam Sanctæ Regulæ Be-  
nedicti, quantum humana permittit fra-  
gilitas. Ac deinde decrevimus, sicut  
Sancta Regula dicit, ut Monasterium,  
ubi fieri possit, per Decanos ordinetur:  
quia illi præpositi sæpe in elationem inci-  
dunt, & in laqueum diaboli.

#### XII. Ne Monachi placita sæcularia adeant.

Hoc tamen omnino volumus, ut Mo-  
nachi ad sæcularia placita nullatenus veni-  
ant, neque ipse Abbas sine consilio Episco-  
pi sui: & cum necessitas exigit, tunc per

jussione, & consilium Episcopi illuc  
vadat. Nequaquam tamen contentio-  
nes, aut lites aliquas ibi movere præsu-  
mat: sed quicquid quærendum, vel eti-  
am respondendum sit, per advocatos  
suos hoc faciat. Abbates & Monachi  
usque ad interrogationem silentium ha-  
beant: & cum interrogantur, cum hu-  
militate, & reverentia respondeant:  
alias querelas omnino devitent. In eo-  
rum claustro permaneant, nullusque ex  
eis foras vadat, nisi per necessitatem ab  
Abbate mittatur in obedientiam. Nec  
foris manducent, neque bibant, sine  
permissione Abbatis, nec ad convivia  
sæcularia vadant.

#### XIII. De Sacris Virginitibus.

Abbatissas cum Sanctimonialibus  
omnino rectè, & justè vivere censemus.  
Quæ verò professionem Sanctæ Regulæ  
Benedicti fecerunt, regulariter vivant.  
Sin autem, Canonice vivant pleniter,  
& sub diligenti curâ custodiam habeant,  
& in claustris permaneant, neque for-  
as exitum habeant. Sed & ipsæ Abba-  
tissæ in Monasteriis sedeant, nec foras  
vadant sine licentiâ, & consilio Episco-  
pi sui.

#### XIV. De negotio sæculari Clericis & Mo- nachis interdicto.

Ministri autem Altaris Domini, vel  
Monachi, nobis placuit, ut à negotiis  
sæcularibus omnino abstinere. Multa  
sunt ergo negotia sæcularia: de his ta-  
men pauca perstrinximus, ad quæ per-  
tinet omnis libido, non solum in im-  
munditia carnis, sed etiam in omni con-  
cupiscentia carnali. Quicquid plus ju-  
sto appetit homo, turpe lucrum est.  
Munera injusta accipere, vel etiam da-  
re: pro aliquo sæculari quæstu, pretio  
aliquem conducere: contentiones, &  
lites vel rixas amare, in placitis sæcula-  
ribus disputare, exceptâ defensione or-  
phanorum aut viduarum: conductores  
aut procuratores esse sæcularium rerum:  
turpis verbi, vel facti jocularitorem esse,  
vel jocum sæcularem diligere, aleas ama-  
re, ornamentum inconveniens propo-  
sito suo quærere, in deliciis vivere vel-  
le, gulam & ebrietatem sequi, pon-  
dera injusta, vel mensuras habere, nego-  
tium injustum exercere. Nec tamen  
justum negotium est contradicendum  
propter necessitates diversas; quia le-  
gimus

gimus Sanctos Apostolos negotiatis esse, & in Regula Sancti Benedicti præcipitur, prævidere, per quorum manus negotium Monasterii transeat. Canes, & aves sequi ad venandum, in omnibus quibuslibet sit causis, superfluum esse. Ecce talia, & his similia, ministris Altaris Domini, nec non & Monachis, omnino contradicimus. De quibus dicit Apostolus: *Nemo militans Deo, implicat se negotiis secularibus.*

#### XV. De Imitatione Apostolica.

Apostolus dicit: *Imitatores mei estote, & observate eos, qui ita ambulant, sicut habetis formam nostram: non eos observantes, qui sunt inimici Crucis Christi, quorum finis interitus, quorum Deus venter est, & gloria in confusione ipsorum, qui terrena sapiunt. Nostra autem conversatio in caelis est.* Sicut Hieronymus in Epistolam ad Galatas ait: *Æmulantur autem bene, qui cum videant, vel audiant, esse in aliquibus gratias, virtutisque, ipsi tales esse desiderant, & fidem, vitam, atque industriam eorum, per quæ illa meruerunt, nituntur imitari, ut possint ea quoque, quæ bonæ æmulatione digna sunt, consequi, magis quærentes spiritualia, quam carnalia, ut perseveranti gradu ad finem boni operis pervenire possint.* Augustinus in primo libro de agone Christianorum hanc sententiam interpretans, dicit: *Imitatores mei estote, sicut & ego Christi.* Quare intelligendum est, etiam ipsum Apostolum in semetipso triumphasse de potestatibus hujus mundi, sicut de Domino dixerat, cuius se imitorem esse profitetur. Imitemur ergo & nos illum, sicut hortatur: & castigemus corpus nostrum, & in servitutem redigamus, si mundum volumus vincere. Aliquando quidem suo Exemplo Christi nos fieri imitatores jubet, dicendo: *Imitatores mei estote, sicut & ego Christi.* Aliquando quidem de se reticens, ad ipsius nos imitationem Dei extendit, dicens: *Estote ergo imitatores Dei, sicut filii charissimi.* Jam verò demonstrans, quia nihil ita hanc imitationem pariat, quam si ita vivat aliquis, ut bonum ejus in commune proficiat, atque universis utiliora provideat, adjunxit: *Ambulate in caritate.* Ideo cum dixisset: *Imitatores Dei estote;* continuo de caritate differuit: quia hæc præ-

F f f

cipuè virtus homines Deo proximos faciat.

#### XVI. De eo, quid sit relinquere mundum.

Sæculum autem relinquere, est, sicut Gregorius dicit, sæculi voluptatibus contraire. Hinc Paulus admonet: *Qui emunt, tamquam non possidentes: & qui utuntur hoc mundo, tamquam non utantur.* Et Gregorius in libro Pastorum: *Ut videlicet sic vobis suppetant, & exterius serviant, quatenus à supernæ dilectionis studio animum non reflectant.*

#### XVII. De armis omitendis.

Nos autem, qui relinquimus sæculum, id modis omnibus observare volumus, ut arma spiritualia habeamus, secularia dimittamus. Laicis verò, qui apud nos sunt, arma portare non præjudicemus; quia antiquus mos est, & ad nos usque pervenit.

#### XVIII. De falsis virtutibus, & veris vitiis discernendis.

Dominus dicit in Evangelio: *Attendite à falsis Prophetis, qui veniunt ad vos in vestimentis ovium, intrinsecus autem sunt lupi rapaces.* Hinc Hieronymus in Commentario Matthæi dicit: *De omnibus quidem intelligi potest, qui aliud habitum, ac sermone promittunt, aliud opere demonstrant.* Item in alio loco: *Non omnis, qui dicit mihi, Domine, Domine, intrabit in regnum Cælorum.* Nec his quidem accommodanda fides est, qui, cum pollent integritate fidei, turpiter vivunt, & doctrinæ integritatem operibus destruunt. Utrumque enim Dei servus necessarium est, ut opus sermone, & sermo operibus comprobetur. Et Beda in tractatu in Evangelium Lucæ dicit: *" Ipse enim finis est, ut nihil duplici animo faciamus. Si veram, inquit, & non fictam vis habere justitiam; quæ verbis ostentas, etiam factis commensurare curato..."* Et Apostolus: *Dilectio sine simulatione, odientes malum, adhaerentes bono.*

#### XIX. Ut in Monasteria nimis multi homines non mittantur.

Ut plures non mittantur in Monasteria Canonicorum, vel Monachorum, aut etiam puellarum, quam sufferri possit.

XX.



XX. *De locis Monasteriorum, vel ædificiis providendis.*

Deinde dignum, ac necessarium est, ut Missi per quæque loca directi, simul cum Episcopis uniuscujusque Diocesis, perspiciant loca Monasteriorum, Canonicorum pariter, & Monachorum, similiterque puellarum, si in apto & congruo loco sint posita, ubi commodum necessarium possit acquiri, quod ad utilitatem pertinet Monasterii, sicut in Sancta Regula dicitur: " Monasterium autem ita debet constitui, ut omnia necessaria infra Monasterium exerceantur; ut non sit necessitas Monachis, vel Clericis, vagandi foras, quia omnino non expedit animabus eorum. Similiter quoque ædificia Monasteriorum supradicti Missi, & cum eis Episcopi, per diversa loca prævideant, si apta sint, & congruenter Sanctæ Professioni composita: vel si claustrum firmum habeant, in quo salvari possint animæ in eis commorantium sub disciplinâ Canonica, vel regulari. Ubi autem aliter inventum fuerit, hoc omnimodis Episcopus loci ipsius faciat emendari: ita ut condignam professioni eorum custodiam habeant Canonici, vel Monachi, atque Nonnanes, ne detur eis occasio malefaciendi, quod absit.

XXI. *Ut Episcopi sciant, qualiter Canonici, qui sunt cum Abbatibus, vivant.*

Præcipimus, ut unusquisque Episcopus sciat per singula Monasteria, quantos quisque Abbas Canonicos in Monasterio suo habeat: & hoc omnino ambo pariter provideant, ut, si Monachi fieri voluerint, regulariter vivant: sin autem, Canonicè vivant omnino.

XXII. *De Clericis vagis.*

De Clericis vagis, seu de acephalis, id est, de his, qui sunt sine capite, neque in servitio Domini nostri, neque sub Episcopo, neque sub Abbate, sed sine Canonica, vel regulari vitâ degentes, ut in libro Officiorum secundo, Capitulo tertio, de eis dicitur. " Hos neque inter laicos secularium officiorum studia, neque inter Clericos Religio tenet Divina, sed solutos, atque oberrantes sola turpis vita complectitur, & vaga: quæ dum nullum metuunt, explendæ voluptatis suæ licentiam sectantur, quasi animalia bruta, libertate, ac desi-

derio suo feruntur, habentes signum Religionis, non Religionis officium, hippocentauris similes, nec equi, nec homines. " Tales omnino, ubicunque inventi fuerint, præcipimus, ut Episcopi sine ulla morâ eos sub custodia constringant Canonicâ, & nullatenus eos amplius ita errabundos, & vagos secundum desideria voluptatum suarum vivere permittant. Sin autem Episcopis suis canonicè obedire noluerint, excommunicentur usque ad judicium Archi-Episcopi regionis illius. Si autem nec ille eos corrigere valuerit, tunc omnino sub vinculis constringantur, usque ad Synodum, ut ibi eis judicetur, utrum ad judicium Domini nostri, aut ad istam magnam Synodum adferantur sub custodia publica.

XXIII. *De Clericis injustè tonsuratis.*

De Clericis verò hoc statuimus, ut hi, qui hæcenus inventi sunt, sive in Canonico, sive in Monachico Ordine, tonsurati sine eorum voluntate; si liberi sunt, ut ita permaneant: & deinceps cavendum, ut nullus tondeatur sine legitima ætate, & spontaneâ voluntate, vel cum licentiâ Domini sui.

XXIV. *De Clericis adeuntibus Imperatorem.*

De Clericis adeuntibus Imperatorem, hoc placet omnibus modis observare, quod de eis in Sacris Canonibus constitutum est.

XXV. *Ut Prædicatio Sancta assidue in Ecclesiâ fiat.*

De officio Prædicationis, si fortè Episcopus non fuerit in domo suâ, aut infirmus est, aut aliâ aliquâ causâ exigente non valuerit; numquam tamen desit diebus Dominicis, aut Festivitatibus, qui Verbum Dei prædicet, juxta quod intelligere vulgus possit.

XXVI. *Presbyteri tantum ad Missarum Solemnia introitum habeant ad Monasteria Puellarum.*

Ut Presbyteris per Monasteria Puellarum opportuno tempore liceat Missarum Solemnia celebrare, & iterum ad proprias Ecclesias redire.

XXVII. *Ut Presbyteri Christmas diligenter custodiant.*

Presbyteri sub sigillo custodiant Christmas

Chrisma, & nulli sub prætextu medicinæ, vel maleficiæ, donare inde præsumant. Quod si fecerint, honore priventur.

XXVIII. *Ut Presbyteri assidue utantur orariis.*

Presbyteri sine intermissione utantur orariis propter differentiam Sacerdotii dignitatis.

XXIX. *Ne Laici Presbyteros ejiciant de Ecclesiis, eosque in eis constituent, absque Episcoporum consensu.*

Ut Laici Presbyteros non ejiciant de Ecclesiis, neque constituent sine consensu Episcoporum suorum.

XXX. *Ne Laici à Presbyteris munera exigant.*

Ut Laici omnino munera injusta non exigant à Presbyteris propter commendationem Ecclesiæ cuiquam Presbytero.

XXXI. *De fugitivis Clericis.*

Ut unusquisque Episcopus in sua Parochia diligenter Presbyteros, vel Clericos inquirat, unde sint, & si aliquem fugitivum invenerit, ad suum Episcopum redire faciat.

XXXII. *Quid sit Litania, & quid exomologesis.*

Litaniæ autem græco nomine appellantur, quæ latine dicuntur rogationes. Inter Litanias autem, & exomologeses hoc differt, quod exomologeses pro solâ peccatorum confessione agantur: Litanix verò indicantur propter rogandum Deum, & impetrandum in aliquo misericordiam ejus. Sed nunc jam utrumque vocabulum sub unâ designatione habetur.

XXXIII. *De Litania majore.*

Placuit nobis, ut Litania major observanda sit à cunctis Christianis diebus tribus, sicut legendo reperimus, & sicut Sancti Patres nostri instituerunt, non equitando, nec pretiosis vestibus induti, sed discalceati, cinere, & cilicio induti, nisi infirmitas impederit.

XXXIV. *De quatuor temporibus observandis.*

Constituimus, ut quatuor tempora anni ab omnibus cum jejuniis observentur, id est, in mense Martio hebdomada prima; & Feria IV., & Feria VI., & Sab-

Fff 2

bato veniant omnes ad Ecclesiam, hora nona cum Litanis ad Missarum solemnias. Similiter in mense Junio hebdomada secundâ, Feria IV., & VI., & Sabbato jejunetur usque ad horam nonam, & à carne ab omnibus abstinenceatur. Similiter in mense Septembrio hebdomada tertia, & in mense Decembrio hebdomada, quæ fuerit plena ante vigiliam Natalis Domini, sicut est in Romana Ecclesia traditum.

XXXV. *De indicto jejunio.*

Quod si quis indictum jejunium superbiendo contempserit, & observare cum Christianis noluerit, in Gangrensi Concilio præcipitur, ut anathematizetur, nisi emendare se studeat.

XXXVI. *De Festivitatibus anni.*

Festos dies in anno celebrare sancimus. Hoc est, diem Dominicum Paschæ, cum omni honore, & sobrietate venerari, simili modo totam hebdomadam illam observari decrevimus. Diem Ascensionis Domini pleniter celebrare. Item Pentecostem similiter, ut in Pascha. In Natali Apostolorum Petri, & Pauli diem unum, Nativitatem S. Joannis Baptistæ, Assumptionem S. Mariæ, Dedicationem S. Michaelis, Natalem S. Remigii, S. Martini, S. Andreae. In Natali Domini dies quatuor, Octavas Domini, Epiphaniam Domini, Purificationem S. Mariæ, Et illas Festivitates Martyrum, vel Confessorum observare decrevimus, quorum in unaquaque Parochia Sancta Corpora requiescunt. Similiter etiam Dedicationem templi.

XXXVII. *De Dominicis diebus cum veneratione observandis.*

Omnes dies Dominicos cum omni veneratione decrevimus observari, & à servili opere abstinere: & ut mercatus in eis minimè sit, nec placitum, ubi aliquis ad mortem, vel ad pœnam judicetur.

XXXVIII. *De Decimis, ut dentur.*

Admonemus, atque præcipimus, ut decimas Deo omnino dari non negligatur, quas Deus ipse sibi dari constituit: quia timendum est, ut quisquis Deo debitum suum abstrahit, ne fortè Deus per peccatum suum auferat ei necessaria sua.

XXXIX. *Ut Ecclesiæ pacem habeant.*

Reum, confugientem ad Ecclesiam, nemo



nemo abstrahere audeat, nec inde donare ad pœnam, vel ad mortem, ut honor Dei, & Sanctorum ejus conservetur: sed Rectores Ecclesiarum pacem, & vitam, ac membra ejus obtinere studeant: tamen legitime componat, quod iniquè fecit.

XL. *Ut in Ecclesiis placita secularia non fiant.*

Præcipimus, ut in Ecclesiis, aut in domibus Ecclesiarum, vel atriis, placita secularia minimè fiant.

XLI. *Ut antiquæ Ecclesiæ honorem suum habeant.*

Ecclesiæ antiquitatis constitutæ nec decimis, nec aliis possessionibus priventur, ita ut novis oratoriis tribuantur.

XLII. *De Beneficiis Ecclesiasticis, ut, qui hæc habent, ad Ecclesiarum restorationem adjuvent, & nonam, ac decimam reddant.*

Quicumque Beneficium Ecclesiasticum habent, ad recta Ecclesiæ restauranda, vel ipsas Ecclesias emendandas, omnino adjuvent, & nonam, & decimam reddant.

XLIII. *Ne Presbyter solus Missam cantet.*

Nullus Presbyter, ut nobis videtur, solus Missam cantare valet rectè. Quomodo enim dicit: Dominus vobiscum, vel sursum corda admonebit habere, & alia multa his similia, cum alius nemo cum eo sit?

XLIV. *De oblatione, & pace in Ecclesia faciendâ.*

Oblationem quoque, & pacem in Ecclesia facere, jugiter admoneatur populus Christianus: quia ipsa oblatio sibi, & suis magnum remedium est animarum, & in ipsa pace vera unanimitas, & concordia demonstratur.

XLV. *Ut Symbolum, & orationem Dominicam omnes discant.*

Symbolum, quod est signaculum Fidei, & orationem Dominicam discere semper admoneant Sacerdotes populum Christianum. Volumusque, ut disciplinam condignam habeant, qui hæc discere negligunt, sive in jejuniis, sive in alia castigatione emendentur. Propterea dignum est, ut filios suos donent ad scholam, sive ad Monasteria, sive foras Presbyteris, ut Fidem Catholicam rectè

discant, & orationem Dominicam, ut domi alios edocere valeant. Et qui aliter non potuerit, vel in sua lingua hoc discat.

XLVI. *Ut malum ebrietatis omnino vitetur.*

Magnum malum ebrietatis, unde omnia vitia pullulant, modis omnibus præcipimus cavere: & qui hoc vitare noluerit, excommunicandum eum esse decrevimus usque ad emendationem congruam.

XLVII. *De spiritualibus filiis instruendis.*

Deinde præcipimus, ut unusquisque Compater, vel proximi, spirituales filios suos Catholicè instruant.

XLVIII. *Ut canticum luxuriosum circa Ecclesias non canatur.*

Canticum turpe, atque luxuriosum circa Ecclesias agere omnino contradicimus. Quod & ubique vitandum est.

XLIX. *De subintroductis mulieribus.*

Omnibus igitur Clericis fœminas tecum in domibus suis habere ultra licentiam Canonum firmiter sit contradicendum.

L. *De Præpositis, vel Advocatis, seu Vice-Dominis.*

Omnibus igitur Episcopis, Abbatibus, cunctoque Clero omnino præcipimus, Vice-Dominos, Præpositos, Advocatos, sive defensores bonos habere, non malos, non crudeles, non cupidos, non perjuros, non falsitatem amantes, sed Deum timentes, & in omnibus justitiam diligentes. De Judicibus autem, vel Centenariis, atque Tribunis, seu Vicariis, dignum esse censemus, ut, si mali fuerint, de ministerio suo abjiciantur.

LI. *Ne Corpora Sanctorum transferantur de loco ad locum.*

Deinceps verò Corpora Sanctorum de loco ad locum nullus præsumat transferre, sinè consilio Principis, vel Episcoporum, & Sanctæ Synodi licentiâ.

LII. *Qui mortui in Ecclesia sepeliuntur.*

Nullus mortuus infra Ecclesiam sepeliatur, nisi Episcopi, aut Abbates, aut digni Presbyteri, vel fideles Laici.

LIII. *De Incestuosos.*

Ut Episcopi incestuosos pariter invest-

vestigare studeant, omnino præcipimus. Et si pœnitere noluerint, de Ecclesiâ expellantur, donec ad pœnitentiam revertantur.

LIV. *Ne in quartâ generatione conjugium copuletur.*

Contradicimus quoque, ut in quartâ generatione nullus ampliùs conjugio copuletur; ubi autem post interdictum factum inventum fuerit, separetur.

LV. *Ne proprius filius de Baptismo suscipiatur, & ne filiola, vel commater uxor ducatur.*

Nullus igitur proprium filium, vel filiam de fonte Baptismatis suscipiat: nec filiolum, nec commatrem ducat uxorem; nec illam, cujus filium, aut filiam ad

confirmationem duxerit. Ubi autem factum fuerit, separentur.

LVI. *De damnatis nuptiis.*

Siquis uxorem viduam duxerit, & postea cum filialtra sua fornicatus fuerit, seu duabus sororibus nupserit; aut si qua duobus fratribus nupserit, seu cum Patre & Filio, tales copulationes anathematizari, & disjungi præcipimus, nec umquam ampliùs conjugio copulari, sed sub magna districtione fieri.

Facta est autem hæc Synodus in civitate Moguntia, in clauistro Basilicæ S. Albani Martyris, anno Domini DCCC XIII., & Imperii Domni Caroli Imperatoris anno XIII. Indictione VI. V. Idus Junii. Ubi sederunt Episcopi XXX. Abbates verò XXV.

Concilium hoc Moguntinum à Crabbio, Surio, Binio, & post à Sirmondo editum, collatum fuit cum MS. Ecclesiæ nostræ Metropolitanæ, cujus *variantes* adscribo.

Præfatio codicis nostri uncialibus literis elegantissimè picta est hoc cum Titulo: PRÆFATIO CONCILII EPISCOPORUM MOGUNTIAE HABITA. Ante Canonem quartum erat hic Titulus prævius: *De Sacramento Ecclesiæ.* Canonis XIV. erat hic Titulus duntaxat: *De negotio seculari.* Cætera aberant. Canonis XXIX. erat hic Titulus solùm: *Ne Laici Presbyteros ejiciant de Ecclesiâ.* Canonis XXXVIII. hic solùm: *De Decimis.* Canonis XXXIX. ultima verba sic leguntur: *Tamen legitimè component, quod iniquè fecerunt.* Impressa leguntur numero singulari. Canonis XLVIII. hic erat titulus: *Ut canticum luxuriosum circa Ecclesias deferatur.* In fine KAROLI scribitur in MS. nostro per K., & Indictio V. loco sextæ.

Hactenus variantes Codicis Metropolitanæ Colonienfis ab impressis; in quo & Canones Conciliorum Arelatensis VI. Remensis II. Turonensis III. Cabillonensis II. eodem anno celebratorum asservantur memorando exemplo diligentiz Archi-Episcoporum nostrorum in servandis codicibus MSS. Conciliorum.

# CAROLI MAGNI

## IMPERATORIS

### CAPITULARE.

Anno Imperii ejus XIII. post Synodos præcedentes editum, de iis, quæ Episcopi congregati in unum observanda decreverant, & admonenda.

### TITULI CAPITULORUM.

1. De Baptismo ritè celebrando.
2. Ut Laici Presbyteros de Ecclesiâ non ejiciant.
3. Ut Laici pro datis Ecclesiis munera non exigant.
4. Ut Canonici, & Monachi secundum ordinem vivant.
5. Ut in Monasteriis Puellarum Presbyteri peractis sacris non subsistant.
6. Ut plures in Monasteriis, quam ferre possunt, non recipiantur.
7. De Decimis.
8. De incestuosis investigandis, & coercendis.
9. De pace, & concordia.
10. Ut Comites Episcopis obediant, & justitias faciant.
11. Ut tempore famis unusquisque suos alere studeat.



12. *Ut Episcopo liceat de Thesuro Ecclesiæ pauperibus erogare.*
13. *Ut iusta sint pondera, & mensuræ.*
14. *Ut prædicatio assidue fiat, & ab omnibus intelligatur.*
15. *De iis, quæ Dominico die fieri non debent.*
16. *Ut Episcopi Parochias suas circumeant.*
17. *Ut Christma sub sigillo custodiatur.*
18. *Ut Parentes, & Patrini filios suos doceant.*
19. *Ut Ecclesiis antiquis sua jura servantur.*
20. *In Ecclesiis sepelire quos liceat.*
21. *Ut placita in Ecclesiis, eorumve atriis non fiant.*
22. *Ut res pauperum fraudulenter non acquirantur.*
23. *Ut fugitivi Clerici redire compellantur.*
24. *Ut, qui Beneficium habet Ecclesiæ, ad ejus facta testis adjuvet.*
25. *Ut publici criminis rei publicæ penitentiae subiciantur.*
26. *Ut Presbyteri, quod docent, opere compleant.*
27. *De Presbyteris, qui confessiones revelare dicebantur.*
28. *De Tumultibus, quos fidosi homines excitabant.*

## CAPITULA.

## I.

UT unusquisque (a) Archi-Episcopus suos Suffraganeos diligenter, studiosèque admonere studeat, ut unusquisque suos Presbyteros pariter investigare non negligat, Baptismatis Sacramenta qualiter agant, & hoc eos studiosè doceant, ut ordinabiliter fiat.

## II.

Ut Laici (b) Presbyteros non ejiciant de Ecclesiis, nec alios mittere præsumant.

## III.

Ut Laici (c) omninò non audeant munera exigere à Presbyteris propter commendationem Ecclesiæ cuique Presbytero.

## IV.

Providendum (d) necesse est, qualiter Canonici vivere debeant, nec non & Monachi, ut secundum ordinem Canonicum, & regulare vivere studeant.

## V.

De Monasteriis (e) Puellarum, ut Presbyteros opportuno tempore ad Missarum solemnias liceat advenire, & iterum ad proprias Ecclesias redire.

## VI.

Ut plures non (f) mittantur in Monasteria Canonicorum, atque Monachorum, seu Puellarum, quam sufferri possit.

## VII.

De Decimis admonendis.

## VIII.

De incestuosis (g) omninò investigandum, ut ab Ecclesiâ expellantur, nisi penitentiam egerint.

## IX.

Ut pax sit (h) & concordia inter Episcopos, & Comites, & reliquos Clericos, & Monachos, & Laicos.

## X.

Ut Comites (i) & Judices, seu reliquus populus obedientes sint Episcopo, & invicem consentiant ad justitias faciendas, & munera pro judicio non accipiant, nec falsos testes.

## XI.

Ut unusquisque (k) propter inopiam famis suos familiares, & ad se pertinentes gubernare studeat.

## XII.

Ut unicuique (l) Episcoporum liceat de Thesuro Ecclesiæ pauperibus erogare, ad nutrimentum secundum Canones, cum testibus.

## XIII.

Ut pondera (m) & mensuræ ubique æqualia sint, & iusta.

## XIV.

De officio (n) Prædicationis, ut juxta, quod benè vulgaris populus intelligere possit, assidue fiat.

## XV.

Ne Dominicis (o) diebus mercatum fiat, neque placitum: & ut his diebus nemo

(a) Arelatense VI. can. III.

(d) canon. 6.

(g) Moguntinum can. 53.

(k) Ibid. can. 14.

(n) Mogunt. can. 25.

(b) Ibid. can. 4.

(e) Moguntinum can. 26.

(h) Arelatense VI. can. 13.

(l) Turonense III. can. 15.

(o) Arelat. can. 16.

(c) Ibid. can. 5.

(f) Ibid. can. 19.

(i) Ibid. can. 13.

(m) Arelat. VI. can. 15.

nemo ad poenam, vel ad mortem judicetur, & de operibus cavendis admoneatur.

## XVI.

Ut unusquisque (p) Episcopus interim circumeat Parochiam suam docendo & admonendo, & quæque sunt necessaria, emendare studeat, & si quid emendare nequiverit, ad prædictum placitum proferat.

## XVII.

Ut Presbyteri (q) sub sigillo custodiant Christum, & nulli sub prætextu medicinæ, vel maleficii, donare præsumant. Quod si fecerint, honore priventur.

## XVIII.

De fide (r) unusquisque Compater, vel Parentes, vel proximi filios suos spiritaliter Catholicè instruere, ita, ut coram Deo ratiocinare debeant.

## XIX.

Ut Ecclesiæ (s) antiquitus constitutæ, nec Decimæ, nec aliâ ullâ possessione priventur, ita ut novis tribuatur Ecclesiis.

## XX.

Ut mortui (t) non sepeliantur in Ecclesiâ, nisi Episcopi, vel Abbates, vel fideles, & boni Presbyteri.

## XXI.

Ut placita (u) in domibus, vel atriis Ecclesiarum minimè fiant.

## XXII.

Ut Comites, (x) vel Vicarii, seu Judices, ac Centenarii, sub mala occasione, vel ingenio, res pauperum non emant, nec cui tollant, sed quisquis hoc comparare voluerit, in publico placito coram Episcopo hoc faciat.

## XXIII.

Ut (y) unusquisque in suâ Parochiâ Presbyteros, vel alios Clericos diligenter inquirat, & fugitivos ad loca sua redire faciat, & ad proprium Episcopum suum.

## XXIV.

Ut quisque (z) Beneficium Ecclesiasticum habet, ad recta Ecclesiæ restau-

randa, vel ipsas Ecclesias omninò adjuvet.

## XXV.

Ut qui (aa) publico crimine convicti sunt rei, publicè judicentur, & publicam poenitentiam agant secundum Canones.

## XXVI.

Ut Presbyteri bene vivere studeant, & ita populum doceant.

## XXVII.

Ut hoc inquiratur, si de partibus Austriæ verum est, quod dicunt, an non: quoddam Presbyteri de confessionibus accepto pretio manifestent latrones.

## XXVIII.

Ut inquiratur diligenter de fideis hominibus, qui solent incongruas commotiones facere, tam in Dominicis diebus, quamque & aliis solemnitatibus, sicuti & in feriaticis diebus. Hoc omnino prohibendum est, ne facere præsumant.

Hactenus edicti hujus Capitula, vel summæ potius, ac breviora Capitulorum. In altero autem codice Gandavensi, ex quo & postrema duo Capita descripsimus, quæ in Metensi non sunt, sequebantur præterea hoc loco, repetebanturque ex superioribus Capitula duo, quartum nimirum & quintum, sed plena, atque integra in hunc modum:

## IV.

**P**rovidendum omnimodis, ac diligenter exquirendum, qualiter Canonici vivant, nec non & Monachi: ut unusquisque eorum secundum ordinem canonicè, ac regulariter vivant, & non similiter: Id est, ut refectoria & dormitoria unâ simul observentur, quemadmodum jam dudum in Capitulis nostris injectum habemus.

## V.

De Monasteriis Puellarum, ut Presbyteris certo tempore ad Missarum solemnia celebranda liceat ad eas in Ecclesia convenire, & mox ad proprias redire Ecclesias. Cæteri verò Clerici, vel Laici similiter observentur, ut nequaquam in eadem Monasteria ingredi audeant, nisi necessitatis causa ipsius Monasterii compulerit.

(p) Arelat. can. 17.

(s) Arelat. can. 20.

[x] Arelat. can. 23.

(aa) Ibid. can. 26.

(q) Ibid. can. 18.

(r) Mogunt. can. 52.

(y) Ibid. can. 24.

(r) Mogunt. can. 47.

[w] Ibid. can. 40.

[z] Ibid. can. 25.



pulerit. Hoc tamen cum summâ providentiâ Episcopi, vel Abbatissæ fiat. Similiter & hoc pleniter observandum sit, ut scemina per Domos Clericorum minime discurrant.

*CAROLI Magni Capitulare.* Titulus in codice Metensi simplex erat: de anno 13. In Gandavenſi plenior: *Hæc sunt Capitula, quæ Episcopi congregati in unum observanda decreverunt, & admonenda.* Et edita constat

in Conventu Aquisgranensi, in quo constitutionum, quæ in Synodis superioribus factæ fuerant, collationem coram Imperatore habitam, docet idem *Eginhartus*. Præter hæc autem, quæ tum à Carolo Imperatore sancita sunt, multa post hæc ex eandem Synodorum Canonibus ab Ansegisfo Abbate in *Librum II. Capitularium* translata, & à Benedicto rursus levita, tota propemodum additio III. ex iisdem Canonibus conflata. *Adnotatio Sirmondi.*

## CAPITULARE PRIMUM.

### INCERTI ANNI.

#### I.

**U**T eorum, qui ad ordinandum veniunt, fides, & vita, & scientia prius ab Episcopo discutiatur.

II. Ut fugitivi Clerici & peregrini à nullo recipiantur sine commendatitiis literis.

III. Ut Presbyteri, Diaconi, vel cæteri Clerici, mulierem extraneam in domo suâ non habeant.

IV. Ut Monachi & Clerici tabernas non ingrediantur edendi, vel bibendi causâ.

V. Ut ignota agendorum nomina nec fingantur, nec nominentur.

VI. Ut mulieres ad Altare non ingrediantur.

VII. Ut Canonici libri tantum legantur in Ecclesiâ.

VIII. Ut nullus per pecuniam ordinetur.

IX. Ut Monachus, vel Clericus ad secularia negotia non transeat.

X. Ut Clerici de civitate in civitatem non transmigrentur.

XI. Ut nullus absolute ordinetur.

XII. Ut Clerici, & Monachi in suo proposito permaneant.

XIII. Ut Clerici, inter se negotium habentes, à suo Episcopo dijudicentur, non à secularibus.

XIV. Ut Clerici & Monachi insidias contra Pastorem suum non faciant.

XV. Ut loca, quæ semel Deo dedicata sunt, ut Monasteria sint, maneant perpetuo Monasteria, nec possint ultra fieri secularia habitacula.

XVI. Ut nullus Presbyter contra suum Episcopum superbire audeat.

XVII. Ut Clerici Ecclesiastici ordinis, si culpam incurrerint, apud Eccle-

siasticos judicentur, non apud secularis.

XVIII. Ut qui commodaverit pecuniam, pecuniam accipiat: si speciem aliam, eandem speciem, quantum dederit, accipiat.

XIX. Ut ante viginti quinque annos ætatis nec Diacones ordinentur, nec Virgines consecrentur.

XX. Ut Virgines Deo Sacratæ, simul habitantes, invicem se custodiant, nec passim vagando Ecclesiæ lædant estimationem.

XXI. Ut falsa nomina martyrum non vernerentur.

XXII. Ut nec uxor à viro dimissa alium accipiat, vivente viro suo, nec vir aliam accipiat, vivente uxore priore.

XXIII. Ut Ecclesiastica jejunia sine necessitate rationabili non solvantur.

XXIV. Ut nullatenus Presbyter ante trigessimum ætatis suæ annum ordinetur.

XXV. Ut nulli Sacerdotum liceat ignorare Sanctorum Canonum instituta.

XXVI. Ut nullus Episcopus ad clericatus officium servum alterius, sine Domini sui voluntate, promovere præsumat.

XXVII. Ut Episcopi, & reliqui Sacerdotes Canones bene intelligant, & secundum Canonicam institutionem vivant.

XXVIII. Ut Episcopi discant diligenter per suas Parochias Presbyteros, eorum fidem, Baptisma, & Missarum celebrationes, & ut fidem rectam teneant, & Baptisma Catholicum observent, & Ecclesiam preces bene intelligant, & ut Psalmi digne secundum modulationes verbum modulentur.

XXIX.

XXIX. Ut fides Catholica ab Episcopis, & Presbyteris diligenter legatur, & omni populo prædicetur. Et Dominicam orationem ipsi intelligant, & omnibus prædicent intelligendam, ut quisque sciat, quid petat à Deo.

XXX. Ut omnis populus Christianus fidem Catholicam, & Dominicam orationem memoriter teneat.

XXXI. Ut inter Episcopos, Abbates, Comites, Judices, & omnes ubique seu majores, seu minores personas pax sit, & concordia, & unanimitas, quia nihil Deo finè pace placet.

XXXII. Ut Abbates, Canonici Canones intelligant, & Canones observent, & Clerici, Canonici secundum Canones vivant.

XXXIII. Ut Abbates regulares, & Monachi regulam intelligant, & secundum regulam vivant.

XXXIV. Ut Abbatissæ Canonicæ, & Sanctimoniales canonicè secundum canones vivant, & claustra earum ordinabiliter composita sint.

XXXV. Ut Abbatissæ regulares Sanctimoniales, in Monachico proposito existentes, regulam intelligant, & regulariter vivant, & claustra earum rationaliter disposita sint.

XXXVI. Ut Ecclesia Dei suum habeat honorem, simul & altaria secundum suam dignitatem venerentur. Et non sit domus Dei, & altaria sacra pervia canibus. Et ut sæcularia negotia, vel vaniloquia in Ecclesiis non agantur.

XXXVII. Ut Presbyteri, & Diacones, vel reliqui Clerici, arma non portent, sed confidant in defensione Dei, quàm in armis.

XXXVIII. Ut quibus data est potestas judicandi, justè vel judicent, non muneribus, quia munera excæcant corda prudentium. Et ut judices jejuni causas judicent, & discernant.

XXXIX. Ut omnes caveant perjurium, non solum in Sancto Evangelio, vel in Altare, seu in Sanctorum reliquiis, sed & in communi loquelâ. Et ut qui in sanctis habet jurare, hoc jejunis faciat cum omni honestate, & timore Dei. Et qui semel perjuratus fuerit, nec testis sit post

hæc, nec in sua causâ, nec in alterius jurator existat.

XL. Ut nemo sit, qui ariolos sciscitetur, vel somnia observet, vel ad anguria intendat. Nec sint malefici, nec incantatores, nec phitones, nec cauculatores, nec tempestarii, vel obligatores. Et ubicunque sunt, emendentur, vel damnentur.

XLI. Ut observationes, quas stulti faciunt ad arbores, vel petras, vel fontes, ubicunque inveniuntur, tollantur, & destruantur.

XLII. Ut homicidia infra patriam, nec causâ ultionis, nec avaritiæ, nec latrocinandi non fiant. Et non occidatur homo, nisi lege jubente.

XLIII. Ut furta, & injusta connubia, & illicitæ causæ prohibeantur.

XLIV. Ut æquales mensuras, & rectas, & pondera justa, & æqualia omnes habeant; & qui antea dedit tres modios, nunc det duos.

XLV. Ut mangones, & cociones, & nudi homines, qui cum ferro vadunt, non sinantur vagari, & deceptiones hominibus agere.

XLVI. Ut opera servilia diebus Dominicis non agantur. Et ut dies Dominica à vespere ad vespeream celebretur.

XLVII. Ut omnes fidelitatem promittant Domino Imperatori.

XLVIII. Ut Comites, & Judices confiteantur, quâ lege vivere debeant, & secundum ipsam judicent.

XLIX. Ut beneficia Domni Imperatoris, & Ecclesiarum considerentur, ne fortè aliquis alodem suum restaurans beneficia destruat.

L. Ut beneficia Saxonum in Franciâ considerentur, qualiter condirecta sint.

LI. Ut liberi homines pauperes à nullo injustè opprimantur.

LII. Ut omnes parati sint, quandocunque Domni Imperatoris jussio venerit.

LIII. Ut missi ad Domnum Imperatorem venientes, & ab eo directi, honorabiliter suscipiantur.

LIV. Ut hij, qui in Mundeburde Domni Imperatoris sunt, pacem, & defensionem ab omnibus habeant.

LV. Ut inquiratur, si aliquis homo propter justitiam Domni Imperatoris annun-



annuntiando occisus sit, vel aliquid mali passus sit.

LVI. Ut hij, qui per beneficium Domini Imperatoris Ecclesiasticas res habent, decimam, & nonam dare, & Ecclesiarum restaurationem facere studeant.

LVII. Ut bannus, quem per semetipsum Dominus Imperator bannivit, sexaginta solidos solvatur. Cæteri verò banni, quos Comites & iudices faciunt, secundum legem uniuscujusque componantur.

LVIII. Ut omnes bonos, & idoneos Vi-

cedominos, & Advocatos habeant, & iudices.

LIX. Ut Missi nostri, undecunque necesse fuerit, tam de justitiis Ecclesiarum Dei, viduarum, orphanorum, pupillorum, & cæterorum hominum inquirent, & perficiant, & quodcunque ad emendandum invenerint, emendare studeant, in quantum melius potuerint. Et quod per se emendare nequiverint, in præsentiam nostram adduci faciant.

*Ex Sirmondo Soc. Jesu recudit  
Baluz. Tomo I. Capitularium.*

## CAPITULARE SECUNDUM.

INCERTI ANNI.

*A Baluzio primum editum ex veteri Codice MS. Clarissimi Viri Philiberti de la Mare, Senatoris Divionensis.*

### CAPITULA à DOMNO KAROLO IMPERATORE, ET FILIO EJUS HLUDOWICO, AC SAPIENTISSIMIS IPSORUM EPISCOPIS EXCERTA.

*De commutationibus utilibus permanentis, inutilibusque delendis.*

I.

UBIcunque commutationes tam tempore nostro, quamque genitoris nostri legitimæ, & rationabiles, atque utiles inter Ecclesias Dei factæ sunt, permanent. Ubicunque verò inutiles, & incommodæ, atque inrationabiles factæ sunt, dissolvantur, & recipiat unusquisque, quod dedit. Ubi verò mortua manus interjacet, aut alia quælibet causâ, quæ rationabilis non esse videatur, inventa fuerit, diligenter describatur, & ad nostram notiam perferatur.

*De illis, qui res Ecclesiæ tenent.*

II. Si quis Ecclesiasticam rem tenet, & admonitus judicium declinaverit, quousque ad discussionem veniat, ut rem restituat Ecclesiasticam, à communione privetur.

*Quod res Ecclesiarum vota sint fidelium, pretia peccatorum, & patrimonia pauperum; quibus non solum collata conservanda, sed etiam augenda sunt.*

III. Quia juxta Sanctorum Patrum traditionem novimus, res Ecclesiæ

vota esse fidelium, pretia peccatorum, & Patrimonia pauperum, cui non solum habita conservare, verum etiam multa Deo opitulante conferre optamus, tamen ut ab Ecclesiasticis de non dividendis rebus illius Ecclesiæ suspicionem dudum conceptam penitus amoveremus, statuimus, ut neque nostris, neque Filiorum, & Deo dispensante, successorum nostrorum temporibus, qui nostram vel progenitorum nostrorum voluntatem, vel exemplum imitari voluerint, nullam penitus divisionem, aut jacturam patiatur Ecclesia.

*De prædiis Deo dicatis.*

IV. Placuit, ne prædia cælestium secretorum dicata, Deoque tradita à quibusdam aliquâ occasione vexentur, aut invadantur, sed sub immunitatis tuitione perpetuâ firmitate perdurent. Similiter & homines eorum, & omnia, quæ eis subjecta esse noscuntur. Si quis contra hæc venerit, componat, sicut de immunitate constituimus; & penitentiam publicâ à Sacerdotibus usque ad satisfactionem mulctetur.

*De*

*De his, qui fidelium oblationes auferunt, vel vastant, aut sine proprii Episcopi iussione dant, vel accipiunt.*

V. Qui fidelium oblationes ab Ecclesiis, vel à jure Sacerdotum auferunt, vel ablatas accipiunt, non solum aliena vota dirumpunt, sed & sacrilegium operantur, nec non & Ecclesiarum Dei fraudatores existunt. Quia Ecclesiarum aliquid fraudari, vel auferri, sacrilegium esse, à majoribus approbatur.

*De Privilegiis Ecclesiarum, vel Clericorum non corrumpendis.*

VI. Ut privilegia, quæ Ecclesiis, & Clericis ab antecessoribus nostris, vel à nobis concessa sunt, semper maneant incorrupta.

*De Privilegiis Ecclesiarum.*

VII. Ut Privilegia, quæ Sacrosanctis Ecclesiis, & Clericis à singulis Regibus, vel Episcopis, cæterisque rectoribus sunt concessa, semper maneant incorrupta.

*Quod sacrilegium sit, Ecclesie aliquid auferre, aut Sacerdotibus, vel ministris, aut ipso sancto cultui, locoque injuriam inferre. Cap. ex lege.*

VIII. Si quis in hoc genus sacrilegii proruperit, ut in Ecclesias, earumque res irruens, Sacerdotibus, ac Ministris, vel ipso cultui, locoque aliquid, quod non oportet, injuriæ inferat, divini cultus injuriam convictus, siue confessus reus, Capitali sententiâ noverit vindicandum. Nec expectetur, ut Episcopus injuriæ propriæ ultionem deponat, cui sanctitas ignoscendi soli gloriam dereliquit. Sitque cunctis non solum liberum, sed etiam laudabile, factas atroces Sacerdotibus, aut Ministris, injurias veluti publicum crimen persequi, ac de talibus reis, ultionem mereri.

*Quod hi, qui prædia Ecclesiastica diripiunt, vel vastant, sacrilegi sint, exilioque dammandi.*

IX. Ab omnibus illius usurpationis contumelia depellenda est, ne prædia sibi cælestium seceretorum dicata, à quibusdam irruentibus vexentur. Quod si quis præsumpserit, post debitæ ultionis acrimoniam, quæ erga sacrilegos jure promenda, exilio perpetuæ deportationis damnetur.

G g g 2

*Quod prædones Ecclesiarum sacrilegi sint, sicut Scripturæ testimonio comprobatur.*

X. Sacrilegi sunt Ecclesiarum prædones, unde & in consilio Agathensi sub quarto Capitulo decretum habetur ita: Amico quidpiam rapere, furtum est; Ecclesiarum verò fraudari, vel abstrahi, subripique, sacrilegium. Omnes enim contra leges facientes, resque Ecclesiarum diripientes, Ecclesias, sacerdotisque contra Divinas Sanctiones vexantes, sacrilegi vocantur, atque indubitanter infames, sacrilegi quæ habendi sunt.

*Quod ea, quæ Domino consecrantur, ad jus Ecclesiasticum pertinent.*

XI. Ea, quæ Domino offeruntur, vel consecrantur, ad jus pertinent Sacerdotum. Et sacrilegi sunt omnes, qui ea auferunt.

*Quod omnia, quæ Deo offeruntur, procul dubio & consecrantur.*

XII. Omnia, quæ Domino offeruntur, procul dubio & consecrantur. Et non solum sacrificia, quæ à Sacerdotibus super altare Domino consecrantur, oblationes fidelium dicuntur, sed quidquid ei à fidelibus offeruntur, siue in mancipiis, siue in agris, vineis, filvis, pratis, aquis, aquarumque decursibus, artificijs, libris, utensilibus, petris, ædificijs, vestimentis, pellibus, lanificijs, pecoribus, pascuis, membranis, mobilibus, & immobilibus, vel quæcunque de his rebus ad laudem Dei fiunt, vel supplementum Sanctæ Ecclesiæ, ejusque Sacerdotibus, atque ornatum præstare possunt, Deo, Ecclesiæque suæ à quibuscunque ultro offeruntur, Domino indubitanter consecrantur, & ad jus pertinent Sacerdotum. Et quia Christum, & Ecclesiam, unam personam esse veraciter agnoscimus, quæque Ecclesiæ sunt, Christi sunt, & quæ Ecclesiæ, vel in supradictis, vel in quibuscunque speciebus, siue pollicitationibus, siue pignoribus, siue scriptis, siue corporalibus rebus offeruntur, Christo offeruntur. Et quæ ab Ecclesia ejus quocunque commento alienantur, vel tolluntur, siue alienando, siue vastando, siue invadendo, siue minorando, siue diripiendo, Christo tolluntur. Et, si ab amico quippiam rapere, furtum est; præcipue Christo Domino nostro, qui est Rex Regum



Regum, & Dominus Dominantium, aliquid auferre, vel alienare, vel subripere, vel vastare, sacrilegium est. Omnes namque Ecclesiæ Prædones manifestissime sunt sacrilegi. Et nullus sacrilegus, nisi per puram, probatamque, atque publicam pœnitentiam, & per Ecclesiæ satisfactionem, Episcoporumque per manus impositionem, juxta Canonicas Sanctiones, reconciliationem, Regnum Dei possidebit, & non solum à Regno dei sit alienus, sed etiam à liminibus Sanctæ Ecclesiæ, & præcipuè ab illius, quàm læsit, usque ad prædictam satisfactionem extorris efficitur. Talium verò scelerum patratoribus, nisi post prædictam satisfactionem, nec vivis, nec mortuis communicare debemus. Quia, qui rapit pecuniam proximi sui, iniquitatem facit; qui autem pecuniam Ecclesiæ abstulerit, sacrilegium facit. Qui non solum sacrilegi, sed etiam fures sacrilegi, & lupi, atque homicidæ, pauperumque necatores sunt, & insuper anathematis vinculo damnati, coram Deo & Sanctis ejus efficiuntur.

*Us Ecclesiarum privilegia, vel facultates, sive quidquid ad easdem pertinet, nullus invadere præsumat.*

XIII. Præcipimus omnibus, ditioni nostræ subiectis, ut nullus privilegia

Ecclesiarum, vel Monasteriorum infrangere, resque Ecclesiarum invadere, vel vastare, aut alienare, vel facultates earum diripere præsumat, nec sine peccario possidere pertentet. Quia, sicut à Sanctis Patribus instructi sumus, gravissimum peccatum hoc esse dinoscitur, testante Sacra Scripturâ, quæ ait: Qui abstulerit aliquid Patri, vel Matri, & dicit, hoc non esse peccatum, particeps homicidæ est. Pater noster sine dubio Deus est, mater nostra Ecclesia, quæ nos in baptismo spiritaliter regeneravit. Ergo qui Christi pecunias, vel Ecclesiæ fraudat, vel rapit, sive vastat, vel alienat, homicidæ ante conspectum justis judicis esse deputabitur. De quo quidam sapientum dicit: qui rapit pecuniam proximi sui, iniquitatem facit; qui autem pecuniam Ecclesiæ abstulerit, sacrilegium facit.

*Quod homicide ante Deum deputentur, qui res Ecclesiæ vastant.*

XIV. Volumus omnes scire, quod qui Christi, & Ecclesiæ pecunias auferunt, resque ejus fraudant, rapiunt, vastant, vel diripiunt, homicidæ ante Deum esse deputantur: quia res pauperum, quos Ecclesia pascere debet, diripiunt.

*Baluzius Tomo I. Capitularium.*

HÆC SUNT CAPITULA  
S U B  
CAROLO MAGNO  
ANNI INCERTI,  
EX DIVINARUM SCRIPTURARUM SCRIPTA,  
QUÆ ELECTI SACERDOTES CUSTODIENDA, ATQUE  
ADIMPLENDA CENSUERUNT.

I. UT unusquisque Sacerdos Ecclesiam suam cum omni diligentia ædificet, & Reliquias Sanctorum cum summo studio vigiliarum noctis, & Divinis officiis conservet.

II. Ut omnes Sacerdotes horis competentibus diei, & noctis, suarum sonent Ecclesiarum signa, & sacra tunc Deo celebrent officia, & populos erudiant, quo-

modo, aut quibus Deus adorandus est horis.

III. (a) Ut omnibus Festis diebus, & Dominicis, unusquisque Sacerdos Evangelium Christi populo prædicet.

IV. (b) Ut unusquisque Sacerdos cunctos sibi pertinentes erudiat, ut sciant, qualiter decimas totius facultatis Ecclesiis Divinis debite offerant.

(a) Sirmondo IV.

[b] Sirmondo VI.

V.

*V. (c)* Ut ipsi Sacerdotes populi suscipiant decimas, & nomina eorum, & quæcumque dederint, scripta habeant, & secundum auctoritatem Canonicam coram testibus dividant, & ad ornamentum Ecclesiæ primam eligant partem, secunda autem ad usum pauperum, adque peregrinorum, per eorum manus misericorditer cum omni humilitate dispensant. Tertiam vero partem sibimetipsis soli Sacerdotes reservant.

*VI.* Ut unusquisque Sacerdos orationem Dominicam, & Symbolum populo sibi commissio curiosè infinent, ac totius Religionis studium, & Christianitatis cultum eorum mentibus ostendant.

*VII. (d)* Ut cuncti Sacerdotes precibus assiduis pro vitæ & Imperio Domni *(e)* Imperatoris, & filiorum, ac filiarum salute orent.

*VIII. (f)* Ut unusquisque Sacerdos quotidianis adsistat orationibus pro Pontifice, cujus gubernatur regimine.

*IX. (g)* Ut nullus Sacerdos in domibus, vel aliis locis, nisi in Ecclesiis Deo dicatis, celebrare Missas audeat.

*X. (h)* Ut cunctis Sacerdotibus jus, & tempus baptismatis temporibus congruis, secundum Canonicam Institutionem, cautissimè observetur.

*XI. (i)* Ut omnes Sacerdotes quibuscumque horis omnibus indigentibus Baptismum infirmitatis causâ diligentissimè tribuant.

*XII. (k)* Ut nullus Presbyter sacrum officium, sive Baptifinale Sacramentum, aut aliquid bonorum Spiritualium, pro aliquo pretio vendere præsumat, ne vendentes, & ementes in templo columbas imitentur, ut pro his, quæ adepti sunt gratiâ Divinâ, non pretia concupiscant terrena, sed solum Regni cœlestis gloriam promereantur accipere.

*XIII. (l)* Ut nullus Presbyter à sede propria Sanctæ Ecclesiæ, sub cujus titulo ordinatus fuit, ammonitionis causâ ad alienam pergat Ecclesiam, sed in eadem

Ggg 3

devotus usque ad vitæ permaneat exitum.

*XIV.* Ut nullus ex Sacerdotum numero ebrietatis initium (\*) nutriat, nec alios cogat per suam jussione inebriari.

*XV.* Ut nullus Sacerdos extranearum mulierum habeat familiaritatem, nec in suâ domo, in quâ ipse habitat, nullam mulierem unquam permittat habitare.

*XVI. (m)* Nulli Sacerdotum liceat fideiussorem esse, neque derelictâ propriâ lege, ad sæcularia judicia accedere præsumat.

*XVII. (n)* Nemo ex Sacerdotum numero arma pugnantium unquam portet, nec litem contra proximum ullam excitet.

*XVIII. (o)* Ut nullus Presbyter edendi, aut bibendi causâ ingrediatur in tabernis.

*XIX. (p)* Ut nullus Sacerdos quicquam cum juramento juret; sed simpliciter cum puritate & veritate omnia dicat.

*XX. (q)* Ut cuncti Sacerdotes omnibus, illis contentibus eorum crimina, dignam poenitentiam cum summâ vigilantia ipsis indicant: & omnibus infirmis ante exitum vitæ viaticum, & communionem Corporis Christi misericorditer tribuant.

*XXI. (r)* Ut secundum diffinitionem Sanctorum Patrum, si quis infirmatur, à Sacerdotibus oleo sanctificato cum orationibus diligenter unguatur.

#### XXII. De Nonis & Decimis.

Volumus, atque jubemus, ut de omni conlaboratu, & de vino, & feno fideliter, & pleniter ab omnibus nona, & decima perfolvatur. De nutrimine vero pro decima, sicut hætenus consuetudo fuit, ab omnibus observetur. Si quis tamen Episcoporum fuerit, qui argentum pro hoc accipere velit, in sua maneat potestate.

#### XXIII. De antiquis Ecclesiis, ut non rem suam habeant.

Ut nec Decimis, nec aliis possessionibus

(c) Sirmondo VII.

(d) Sirmondo Imum Tomo II. Concil. Gallix pag. 249.

(e) Mentio Caroli Imperatoris indicat, vel anno 801., vel posteriore hæc Capitula ab Episcopis congregatis statuta fuisse.

(f) Sirmondo II.

(g) Sirmondo IX.

(h) Sirmondo X.

(i) Sirmondo XI.

(k) Sirmondo XII.

(l) Idem.

(m) XVII. De Professione XXX. annorum Sirmondus interponit. (\*) Fortè vitium.

(n) Sirmondo XVIII.

(o) Sirmondo XIX.

(p) Sirmondo XX.

(q) Sirmondo XXI.

(r) Sirmondo XXII. ex codice S. Vincentii Metensis.



onibus priventur, ita ut oratoriis tribuantur.

*XXIV. De spiritalibus Filiois.*

Deinde præcipimus, ut unusquisque Compater, vel proximi, spiritales filios suos Catholicè instruant.

*XXV. De Sacerdotibus.*

Ut juxta Apostoli vocem irreprehensibiles sint, & moribus ornati, & nequaquam turpibus lucris deserviant, juxta illud, quod ait Scriptura: *Nemo militans Deo, implicat se negotiis secularibus, ut ei placeat, cui se probavit.* Et à turpibus lucris, & usuris non solum ipsi abstineant, verum etiam plebes sibi subditas abstinere instruant.

*XXVI. De incestuosis.*

Ut incestuosi juxta Canonicam sententiam poenitentia multentur. Qui verò decimas, post crebras admonitiones, & prædicationes Sacerdotum, dare neglexerint, excommunicentur. Juramento verò eos constringi nolumus.

Baluzius Tomo I. Capitularium idem ediderat, sed alio ordine Capitulorum, pag. 357. 358. Nam quod hic est Caput primum, Baluzio & Sirmondo est tertium. Quod nobis est septimum, Baluzio & Sirmondo est primum.

Iterum Baluzius non habet, nisi Capitula XXI. Martenius XXVII.

*XXVII. De discretione in Corporis, & Sanguinis Domini perceptione.*

Cavendum est enim, ne si nimium in longum differatur, ad perniciem animæ pertineat, dicente Domino: *Nisi manducaveritis carnem Filii hominis, & biberitis ejus sanguinem, non habebitis vitam in vobis.* Si verò indiscretè accipiatur, timendum est illud, quod ait Apostolus: *Qui manducat, & bibit indigne, judicium sibi manducat, & bibit.* Juxta ergo Apostoli documentum, probare se debet homo, & sic de pane illo manducare, & de calice bibere: ut videlicet abstinens se aliquot diebus ab operibus carnis, & purificans corpus, animamque suam, præparet se ad percipiendum tantum Sacramentum, exemplo David, qui, nisi se confessus fuisset, abstinuisse se ab opere conjugali ab heri, & nudius tertius, nequaquam panes propositionis à Sacerdote accepisset,

*Manfi Tomo I. Supplementi p. 773. 774.  
Ex Martenii veterum Monumentorum Tomo VIII.*

# CAPITULA SUB CAROLO MAGNO ANNI INCERTI.

*I.*

**S**icut Sancta Synodus Nicæna interdict, nullus unquam Presbyter in domo suâ habitare secum permittat mulierem extraneam, præter matrem, & fororem, atque amitam, vel materteram, vel etiam secretum cubiculi, vel cellario nullus Presbyter aliquam feminam adire permittat, quod si fecerit post hæc, sciat se honore Episcopatus deponi: quia hæc frequenter secundum Canonicè institutionem prohibuimus, & pleniter à Presbyteris observatum non fuit. Ideoque præcipimus, ut qui gradum honoris sui retinere vult, omnimodis à familiaritate extranearum mulierum se abstinere faciat, ut nulla occasio inimico pateat suggerendi peccatum, & famam malam à populo nullus eorum incurrat.

*II. Ut nullus Presbyter derelictâ suâ*

Ecclesiâ sanguinem seminare præsumat ad domum quamlibet ullius feminae, vel Deo dicatam, vel laicam, sed domum Ecclesiæ suæ unusquisque suam oportunitatem agat, ut ibidem ad Ecclesiam suam semper inveniatur expetenti aliqua ministeria ejus causa.

*III. Sicut dudum interdiximus, & Sancti Canones prohibent, nullus Presbyter arma portare audeat.*

*IV. Ut nullus Presbyter tabernas ingredi audeat ad bibendum: nec se misceat in tali conventu secularibus hominibus, ubi turpia verba audiat, aut loquatur, aut contentiones ibi aliquas audiat, aut intersit, sicut sæpe contingere solet.*

*V. Ut nullus Presbyter pro baptizandi*

zandi causa, & communionem tribuendi aliquod pretium exactare faciat, nec in minimum, nec in maximum: quia gratis accepimus, gratis dare debemus: quia nec vendere debent donum, & gratiam Dei, quod gratis datur. Quod si fecerit, & ad nostram notitiam pervenerit, sciat, se post hæc à gradu sui ordinis periclitari.

*VI.* Ut Presbyteri vocati ad convivium à quolibet de fidelibus, contentiones inter se non habeant de ullà re, nisi caritatis, & sobrietatis verba, & Deo placabilia, & continentiam honestam, ut det(\*) & Sacerdotibus.

*VII.* Ut nullus Presbyter basilicam suam petat, & nullus Presbyter aliam Ecclesiam accipere audeat infra Parochiam ad Missam celebrandum, nisi illam, ubi ordinatus est, absque licentia & permissionem Episcopi.

*VIII.* Ut unusquisque Presbyter omni hora, sive die, sive nocte, ad officium suum explendum paratus sit, si fortuito aliquis infirmus ad baptizandum venerit, pleniter possit implere officium suum: & ab ebrietate se caveat, ne propter ebrietatem non valeat adimplere officium suum, neque titubet in eo.

*IX.* Ut unusquisque secundum possibilitatem suam certare faciat de ornatu Ecclesiæ suæ, scilicet in patena & calice, planetam & albam, missale, lectionarium, martyrologium, pœnitentiale, psalterium, vel alios libros, quot potuerit, crucem, capsam, vel, ut diximus, juxta possibilitatem suam.

*X.* Ut qui de homicidio confessi fuerint, jubeat eos Presbyter abstinere XI. dies ab Ecclesia, & Communione, antequam ab Episcopo reconcilientur, aut Episcopus eos Presbyteris reconciliare jusserit.

*XI.* Ut omnis Presbyter curam, & sollicitudinem agat, ne aliquis in infirmitate positus, ad extremum veniens, sine viaticum permittat de hoc Sæculo exire eos, ad quos accedere potuerit: quod si exinde negligens fuerit, periculum sui honoris subiacebit.

(\*) Foris decet.

*XII.* Ut unusquisque Presbyter ad suam Ecclesiam admonitionem aliquam, & exhortationem ad populum faciat, ut unusquisque se corrigat ab iniquitate, & transeat ad bonitatem, sicut scriptum est, declinaverit.

*XIII.* Ut in Sacramento Corporis, & Sanguinis Domini semper aqua in calice misceatur.

*XIV.* Ut nullus Presbyter suam pecuniam ad usuram non donet, ne à quocumque plus recipiat, quàm commodaverit.

*XV.* Ut unusquisque Presbyter, si venerit ad infirmum, & ille jam privatus fuerit officium loquendi; si testes adsint, qui eum audierunt dicere, quod confessionem suam donare voluisset, omnia circa eum expleat secundum ministerium suum, sicut circa pœnitentem adimplere debet.

*XVI.* Ut Presbyter negotiator non sit, nec per ullum turpiloquium pecunias congreget.

*XVII.* Ut ullus Presbyter alicubi fidei jussor non existat.

*XVIII.* Ut nullus Presbyter ullum Clericum recipere præsumat de alièna Parochia.

*XIX.* Ut Presbyteri, quando ad infirmum accedunt, cum oleo consecrato veniant, & oleo sancto unguent eum in nomine Domini, & orent pro ipso, & oratio fidei, sicut scriptum est, salvet infirmum, & allevet eum Dominus, & si in peccatis fuerit, dimittantur ei.

*XX.* Ut Presbyter non sine Chrismate & Oleo sacro ad baptizandum alicubi proficiscatur, neque sine sacrificio, ut ubicumque contigerit, suum ministerium circa infirmos impleri possit. Et ipsum Oleum cum Chrismate, adque sacrificium cum omni custodia & reverentia, atque religione custodiat, nec per ebrietatem, aut per aliquod neglectum suum inhonoratum fiat sacrum illum suprà scriptum.

*Ex MS. Andaginenfis Monasterii S. Humberti. Mansi T. I. Supplementi pag. 761.*



# CAPITULA SUB CAROLO MAGNO ANNI INCERTI

I

**P**rimitus ergo quæ Christianæ legis adversa sunt, ea præponimus, scilicet qui orationem dominicam, & Symbolum fidei Christianitatis, memoriter non tenent, neque didicere volunt, eos notate, & ad præsentiam nostram veniant, seu majores, seu minores; sive nobiles, sive ignobiles omnes generaliter ante veniant, & dicant orationem Dominicam, & Symbolum Apostolorum; ubi Catholica fidei plenitudo continetur: quia impossibile est sine fide placere Deo.

II. Ut sic fidem uniuscujusque opera sequantur.

III. Ut si patrini, vel matrinæ, qui infantes de fonte suscipiunt, sive masculos, sive fœminas, si ipsum symbolum & orationem Dominicam sciunt, & filios & filias spirituales, quos, & quas de fonte susceperunt, pleniter instructos habeant de fide, de qua pro eis fidejussores extiterunt.

IV. Si omnes secundum legem domini, sive nobiles, sive ignobiles, uxores legitime sortitas habent, non uxores ab aliis dimissas, non Deo sacratas, non nanes, non raptis, & contraparentum voluntatem habentibus, non parentum, neque propinquitatis alicujus affinitate conjunctis, id est, primum non matris inceptor, non sororis, non materteræ, id est, matris sororis, non amicæ, id est, sororis Patris, non privignæ, id est, filiastræ, non fratris uxorem, non abunculi uxorem, non nepotis uxorem, non quis Patris uxorem concubito illicito violet, non consobrinam, id est, in tertiam generationem, vel de una in tertiam, de alia in quartam, vel ambabus in quartam generationem. Una lex, sive de viro, sive de fœmina, in istis generationibus conjunctis, sive aliquam fœminam, quam suus consobrinus, aut sobrinus in secundam, aut tertiam, aut quartam generationem accepit, id est, aut in tertium articulum; vel in quartum sibi de una parte in tertiam, & de alia in

quarta pertinentes fuerunt, post obitum defuncti propinqui ejus, uxorem illius accipere non potest.

V. Ut inquiretur ab omnibus in parochia nostra constitutis, si dies Dominicus secundum suam venerationem veneratur, & colitur, ut nullus homo opera servile in die isto sancto faciat. Quod si fecit, ante nos veniat, & in præsentia nostrâ rationem deducat, si sua præsumptuositate, aut cupiditate alicujus rei adquirendum hoc opus servile fecit, aut sui Domini jussionem.

VI. Si festivitates Sanctorum, qui prædicantur ab Episcopo, & Presbyteris, quas colere debent, & feriatos habere, si custodiantur, an non; & qui eas festivitates in contempto habet, & ad Missam venire despicit, & operatur in illis diebus.

VII. Si legitima jejunia per quatuor tempora celebrantur ab omnibus, & jejunent.

VIII. Si dictum jejunium, propter aliquam necessitatem denuntiatum quis infringere ausus fuit, & non secundum quod ei denuntiatum fuit à presbytero Ecclesiæ, vel à Comite, & Decanis, ut hoc sciamus, & ante nos veniant.

IX. Ut quisquis decimas pleniter non dedit de suâ conlaboratione, ut exinde ante nos rationes deducat, sive nobiles, sive servientes: & unusquisque sive Episcopus, sive Abba, sive Comes, sive vassus Dominicus, sive qui proprietate suâ habent, omnes suam familiam ante nos habeant, in locis, ubi per Epistolam nostram denuntiamus, si ita possibile fuerit.

X. Ut inquirentur sortilegi, & auruspices; & qui menses & tempora observent, & qui omnia observant, & ita filacteria circa collum portant, necimus quibus verbis scriptis & beneficiis, id est, quæ mulieres porciones aliquas donent, ut partes excutiant, & aliquas divinationes faciant, & pro hoc, ut à maritis suis majorem amorem habeant.

Omnes

Omnes malificos ante nos, de qualibuscumque causis blasphemantur, ante nos adducere faciatis, ut causa eorum ante nos discutatur.

XI. De homicidiis, & perjuriis, id est, qui homicidia egerunt, & de perjuriis reprobati sunt, & poenitentiam non egerunt, neque agunt: ut ipsi ante nos veniant, & si confessi fuerint, quod poenitentiam exinde accipissent à presbyteris, dicant, qualem poenitentiam agant, & qui presbyteri fuerint, qui eos dijudicassent de furtis, aut de perjuriis, aut de homicidiis, quas in quibuscumque peccaverunt.

XII. Si alicubi in nostrâ parochiâ locus talis est, aut ad fontes, aut arbores, aut ad petras: si aliqui stulti ibi vota faciant, aut observent pro aliquam sanitatem, aut devotionem aliquam; ut illos nobis notos faciatis, & ante nos adducite, & si alia loca, infra nostram parochiam innotescere faciatis, & iterum cultores, & vota oblationum.

XIII. Ut si presbyteri aliqui infra nostra parochia recepti sunt, non à nobis ordinati, neque ab antecessoribus nostris; si aliquis eos receptos habet ad suam basilicam, ante nos eos venire faciat, quicumque eos habuerit.

XIV. De presbyteris, qui infra nostra parochia constituti sunt, qualiter se habent: si infra suum officium se continent secundum Canonicam auctoritatem, & admonitionem nostram, aut non: vel quale testimonium inter eos habent, id est, in populo, aut bonam famam, aut malam. Et si bona est fama, denuntietur, & sciatur omnibus. Et si mala est fama, depublietur ab omnibus, non per invidiam, neque per alicujus mala

persuasione, sed ex veritate proferendum.

XV. Admonendum est, ut inquiratur, quod dici nefas est, eos, qui incontinentes, & per maximam libidinem se circumferentes, etiam cum quadripedibus miscuntur: si aliquis talem hominem habuerit, aut Pastorem, aut quascumque sit, qui in hoc crimine inventus, probatus fuerit, ante nos adducatur.

XVI. De his, qui commatres habent ad conjugium, de fonte, vel sacro. Chrismate ab Episcopo consignatum, id est, de confirmatione; si publicè eas habent, aut si adulteratur; similiter de filiis, quisquis eas de fonte suscepit, & cum ea adulteravit, vel ad manum Episcopi eam tenuerit, & postea in conjugium eam accepit, adulteravit.

XVII. Si quis vir filiastrum, aut filiastram ad manum Episcopi tenuit, id est, ad confirmationem, ubi septiformis gratia Sancti Spiritus datur, si quis in tali conjugium, aut adulterium miscuerit, ante nos venire faciatis: & quia dicitis, quia multa erga religionem Christianitatis apud pagenses vestros geruntur, in quantum recordare potuimus, in his capitularis commemoravimus modò, quia Domino Deo auxiliante, Domini nostri Imperatoris licentia, præsentem me ostendo, ad omnia emendanda, & in his causis, quæ in præfatis capitulis denuntiantur, & in cæteris, in quibus ante me proferuntur.

*Ex MS. Andaginenfis Monasterii ante annos 800. scripto, Mansi T. I. Supplementi p. 771. 772.*

## CAPITULARE CAROLI MAGNI REGIS FRANCORUM.

*Ex MS. Codice Bibliothecæ Chigianæ eruit Mabillonius, & vulgavit Martene vet. Monum. Tom. VII. pag. 5.*

I. DE Metropolitanis, ut suffraganei subiecti sint; & ea, quæ erga ministerium Episcopi eis secundum Canones illorum emendanda cognoscunt, libenti

XIII. prima Capita hujus Capitularis eadem sunt cum XIII. primis Capitibus Capitularis Duriensis anni 779. pag. 239. quæ Goldastus retulit ad 847. quasi Lotharius eadem denuo promulgasset: sed Amersbachius, Heroldus, Sirmondus, Baluzius ad annum 779. referunt sub Carolo M. Rege, Synodali Concilio statuta, & promulgata, quæ miror à Clarissimis Editoribus posterioribus non observata, quasi nova Martene edidisset.



beni animo emendent, atque corrigant.

*II.* De Episcopis, ut, ubi in præsens ordinati non sunt, sine tarditate ordinentur.

*III.* De Monasteriis, quæ regularia fuerunt, ut secundum Regulam vivant; nec non & Monasteria puellarum ordinem sanctum custodiant, & unaquæque Abbatissa sine intermissione in suo Monasterio resideat.

*IV.* Ut Episcopi Presbyteris & Clericis infra illorum Parochiam, vel de suo ministerio potestatem habeant, secundum Canones facere.

*V.* Ut Episcopi de incestuosis hominibus emendandi licentiam habeant ad regendum: & si de ipsis incestuosis aliquis post iudicium Episcopi in ipso incestuoso iterum miserint, si alaudem habuerint, ipsam Fiscus Regis recipiat.

*VI.* Nulli liceat alterius Clericum recipere, nec ordinare in aliquo gradu, sine dimissoria sui Episcopi, de cuius Parochia (existit.)

*VII.* De Decimis, ut unusquisque homo suam decimam donet, & per iustitiam, & consilium Episcopi, in cuius Parochia fuerint, dispensentur.

*VIII.* De homicidis, & cæteris malefactoribus, qui legibus, aut pro pace facienda mori debent, nemo eos ad excusationem in Ecclesiam suam introire permittat: & si absque voluntate Pastoris ibidem introierit: tunc ipse, in cuius Ecclesia est, nullum victum ei donet, nec alium dare permittat.

*IX.* Ut latrones de infra emunitatem illorum Iudices, & Advocati, ad Comitum placitum, quando eis annuaverint, præsentent: & si dixerint, quod illos latrones præsentare non potuissent; postquam eis denunciatum fuerit, nec pro nulla iustitia dilatanda illis latronibus non consensissent, nec pro causa dilationis de sua potestate, vel de suo ministerio ipsos latrones præsentare debeant ad iustitias faciendum. Similiter & vassi Dominici ipsum exemplum exinde sustineant, & qui supra scripta Sacramenta sine perjurio jurare non potuerint, si beneficium habuerint, aut actum per ipsum perdat: & si beneficium non habuerint, bannum Dominicum solvant.

*X.* Si quis perjurium fecerit, nullam redemptionem ei facere liceat, nisi manum perdat: & si ille, qui prius illi Sacramentum jurat, & de illo perjurio probatus fuerit, & aliqui de suis juratoribus dixerint, quod nesciens se sibi perjurasset, aut hoc apud iudicium Dei approbet verum esse: aut similiter manum perdat, de cuius causâ perjuria fecerit, sicut lex loci illius, ubi perjurium factum est, à longo tempore fuit: de quorum pretio emendare studeat; De furto videlicet, de minoribus causis instituiamus, si ille homo, cuius causâ jurata fuerit, dicere voluerit, quod ille, qui iuravit, se sciens perjurasset, stent ad crucem: & si ille, qui iuravit, victus fuerit, quod se perjurasset: superscriptam sententiam sustineat. De maioribus verò causis lex, quam à longo tempore habuerunt, observetur.

*XI.* De vindicta & iudicio in latrones, facto testimonio Episcoporum, absque peccato Comites facere possint, si ibi nec invidia, nec alia occasio mala, nec injuria non interposuerint, nisi vera iustitia ad perficiendum, & pacem confirmandam: ut si quis latro de uno furto probatus fuerit, oculum perdat: & si de duobus furtis probatus fuerit, oculum perdat, & nasum ei cappilletur: & si de tribus furtis probatus fuerit, moriatur. Et his duobus furtis, unde oculum unum, & nasum perdere deberet, constituimus, ut Domini servi illius secundum legem, cui facta furta fuerint, solvere debeat: de tribus verò furtis, unde mori debet, mors illius furta excludat. Et sic omne sine culpâ per invidiam, aut injustam occasionem, nisi per iustitiam & pacem faciendam, hominem disfecerit, honorem suum perdat, & legibus, contra quem iuste fecit, secundum pœnam, quam intulit, emendet.

*XII.* De causis verò, quas bonæ memoriæ Genitor noster Pipinus in suis placitis & Synodis constituit, conservare volumus.

*XIII.* De rebus verò Ecclesiarum, quæ usque nunc per verbum Domini Regis homines sæculares in beneficium habuerunt, ut in antea sic habeant, nisi per verbum Domini Regis ad ipsas Ecclesias fuerint revocatæ: & si inde usque  
nunc

nunc à parte Ecclesiæ decima & nona exivit, & nunc in antea faciat. Et insuper illas Ecclesias de quinquaginta cassatos solido uno reddat : de triginta medio solido uno reddat ; & de viginti tremisse, & quisque nunc alium censum dedit, in antea sicut prius fecit, ita faciat : & usque nunc nullum censum exivit, & ipsæ res Ecclesiæ, ubi sunt, censentur, & ubi non sunt, scribantur : & sit discretio inter precarias de verbo Dominico factas, & inter eas, quas Episcopi, & Abbates, & Abbatissæ eorum arbitrio, vel dispositione faciunt : ut liceat eis, quando quidem eis placuerit, res, quas beneficiaverint, ad partes ipsius Ecclesiæ recipere, facientes, ut unusquisque homo ad causam Dei in honore Deo fideliter, & firmiter deserviat.

XIV. Placuit nobis, Karolo magno Gloriosissimo Regi, ut vitia, quæ nostris temporibus in Sancta Dei Ecclesiâ emerſa sunt, eradicentur & evellantur.

XV. Volumus igitur, præordinante Deo, ecclesias nostras secundum auctoritatem Canonice ordinare, & ordinem Clericorum disponere.

XVI. Monasteria, quæ jam pridem regularia fuerunt, tam virorum, quàm puellarum, seu quæ sub nostro Dominio sita sunt, volumus, ut secundum regulam disponantur, & vivant : & si Abbates, vel Abbatissæ sine regulâ vivunt, seu inordinati inventi, vel inventæ fuerint ; si correpti, vel correptæ emendare noluerint, abjiciantur : & de ipsâ congregatione, si digni inventi fuerint, Abbas, vel Abbatissæ eligantur : sin autem, aliunde & de Monasteriis regularibus similiter.

XVII. (b) De Xenodochiis verò, nobis pertinentibus, quæ bene ordinata sunt, ipsa permaneant : quæ verò destructa sunt, secundum qualitatem temporum ad priorem cultum perducere cupimus : & ibi pauperes reficiantur, & per personas idoneas fiant ordinata, qui ea juxta Dominum regant, & de Eleëmofynis pauperum nihil subtrahant.

XVIII. De Ecclesiis baptismalibus ita censuimus, ut per presbyteros ordi-

H h h 2

nata sint, & nullam violentiam ab Episcopis suis, aut suppositam ab Episcopis suis patiantur, sed secundum Canonice institutionem, & antiquam consuetudinem faciant.

XIX. Quando Episcopus suam parochiam circumbeat, ne plus ab ea exigat, vel capiat, nisi secundum Canones, vel antiquam consuetudinem : & oppressionem ab episcopis, ejusdemque hominibus ipsa plebs non patiat : tam Episcopi, quàm presbyteri, seu diaconus, vel Abbas, & Monachi nullam venationem per se facere præsumant, aut ubi ipsi præsentibus sunt : neque illa jocorum genera ante se fieri permittant, quæ contra Canonum auctoritatem veniunt.

XX. De stipendiis quoque Clericorum, ut tam redditus, vel oblationes fidelium pleniter secundum Canones ipsi Clerici habeant.

XXI. Ut Præpositi cardinalium ecclesiarum obedientes sint episcopis suis, & episcopi eos à suis, vel aliis justis utilitatibus expellere non præsumant absque culpa, justa ratione, & nulla eis per violentiam imponatur.

XXII. Propter ordinationes, vel consecrationes presbyterorum, cæterumque Clericorum, nulla nos præmia amodo accepturos promittimus, neque ab ipsis, neque à parentibus, vel amicis.

XXIII. Exenia quoque, quæ Ecclesiis noviter imposita sunt, amputanda, & non majora, quàm consuetudo fuerat, accipienda censuimus.

XXIV. De decimis verò, quæ à populo in plebibus, vel baptismalibus Ecclesiis offeruntur, nulla exinde pastor Ecclesiæ, vel episcopo imponatur.

XXV. Nolumus, 1. ut neque Abbates, aut presbyteri, aut diaconi, neque quislibet de Clero de personis suis ad publica, vel sæcularia judicia trahantur, vel distringantur : sed à suis Episcopis adjudicati iustitias faciant. Si autem de possessionibus, seu ecclesiasticis, seu propriis, super eos clamor ad judicem venerit ; mittat judex clamantem cum misso suo ad episcopum, ut faciat eum per

(b) Hæc & sequentia XVII. Capitula refert Baluzius ad annum 793. Eckharius ad annum 783. quo Hildegardis Regina mortua est. Sed ea ipsa Capitula aliter ab iisdem, quàm hic, eduntur.



per advocatum justitiam recipere. Si verò talis aliqua contentio inter eos orta fuerit, quam per se pacificare non velint, aut non possint; tunc per advocatum episcopi, qualem jusserit ipse, causa ipsa ante Comitum, vel judicem veniat, & ibi secundum legem finiatur, ante posita persona Clericorum, sicut supra diximus.

*XXVI.* Ut Clerici, seu Monachi vagantes, sive de ipsa parochia, seu aliunde supervenientes, sine consensu episcopi à nemine suscipiantur.

*XXVII.* Ut Ecclesiæ baptismales ab his, qui debent, restaurentur, & singulis, prout ejus possibilitas fuerit, restaurandi mensura reputetur. Hoc ideo dicimus, quia in quibusdam locis quosdam per pecuniam consentientibus Magistris se subtrahant. Audivimus autem, homines ecclesiasticos pro Ecclesiæ Ministerio ordinari oportere.

*XXVIII.* Ut placita publica, vel secularia, nec à Comite, nec à nullo Ministro suo, vel judice, nec in ecclesia, nec in tectis ecclesiæ circumjacentibus, vel coherentibus nullatenus teneantur.

*XXIX.* Ut servi, Aldiones, libellarii antiqui, & alii noviter facti, qui non fraudem, neque per malum ingenium de publico servitio se subtrahentes, sed per solam necessitatem, & paupertatem terram ecclesiasticam vel colunt, vel colendam suscipiunt, non à Comite, vel aliquo Ministro illius, ad ullam angariam, seu servitium publicum, vel privatum cogantur, vel compellantur; sed quidquid ab eis justè agendum est, à Domino, vel Patrono suo ordinandum est. Si verò de aliquo crimine accusantur, Episcopus primò compellatur, & ipse per Advocatum suum, secundum quod lex est, juxta conditionem singularum personarum justitiam faciat. Si verò culpabilis fuerit, sicut in capitulari Domini Imperatoris scriptum est, ita fiat. Cæteri verò liberi homines, qui vel commendationem, vel beneficium ecclesiasticum habent, sicut reliqui homines justitiam faciant.

*XXX.* Audivimus etiam, quòd juniores Comitum, vel aliqui Ministri reipublicæ, sive etiam nonnulli fortiores vassi comitum, aliquas redhibitiones vel

collectiones, quidam per pastum, quidam etiam sine pasto, quasi deprecando à populo exigere solent. Similiter quoque operas collectionis frugum, arare, seminare, ruinare, carrucare, vel cætera his similia à populo per eandem, & per alias machinationes exigere consuevere, non tantum ab ecclesiasticis, sed etiam à reliquo populo, quæ justè removenda esse videntur, quia in quibusdam locis in tantum inde populus oppressus est, ut multi ferre non valentes, per fugam à Dominis, vel à Patronis suis lapsi fuerint, & terræ ipsæ in solitudinem redactæ sunt. Potentioribus autem vel ditioribus ex spontanea tantum voluntate, vel mutua dilectione volentibus solatia præstare invicem, minimè prohibemus.

*XXXI.* De pontibus verò, vel reliquis similibus operibus, quæ Ecclesiastici per justitiam, & antiquam consuetudinem cum reliquo populo facere debent, hoc præcipimus, ut Rector ecclesiæ interpellat ei, & solum, quod possibilitas fuerit, sua portio deputetur, & per alios exactores ecclesiastici homines non compellantur. Si verò opus suum constituto die impletum non habuerit; liceat Comiti, pro pena præpositum operis pignorare juxta æstimationem, vel quantitatem perfecti operis, quousque perficiat. Comes autem, si neglexerit, à Rege, vel missò Regis judicandus est.

*XXXII.* De decimis, ut dentur, & dare nolentes, secundum quod anno præterito denuntiatum est, à ministris reipublicæ exigantur, id est, obligantur quatuor, vel octo homines, vel prout opus fuerit, de singulis plebibus juxta æqualitatem, ut ipsi inter Sacerdotes, & plebem testes existant, ubi datæ, vel non datæ fuerint. Hoc ideo, ne ibi juramentum aliquod faciendi necessitas contingat. Non tamen ideo tantos testes mittendum dicimus, ut ipsi semper in dandis decimis præsentem esse pariter necesse sit: sed, ut dum pluribus committitur, minus graventur. In duobus autem, si affuerint, sufficere credimus. Negligentes autem à presbyteris admonentur ante ecclesias usque ad tertiam vicem, ut ipsam decimam dent. Quod si contempserint, ab introitu Ecclesiæ prohibeantur: & si tunc minimè emendave-

daverint , à ministris reipublicæ distri-  
cti, singuli per caput sex solidos ecclesiæ  
componant , & insuper decimam dare  
cogantur. Nam si iterum contempto-  
res extiterint , tunc per publicam au-  
thoritatem domus, vel casæ wissentur, (\*)  
quousq; pro ipsa decima, sicut supra di-  
ctum est, satisfaciant. Quod si denuo  
rebelles, vel contradictores esse voluerint,  
& super wissam suam auctoritate intra-  
re præsumperint ; tunc à ministris rei-  
publicæ in custodiam mittantur , usque  
dum ad iudicium publicum perducantur,  
& ibi secundum legem ad Comi-  
tem, vel parte publica componant: re-  
liqua autem , ut supra dictum est de de-  
cimis , & sex solidos contra ecclesiam  
satisfaciant. Hæc interim , ut suprâ di-

(\*) Id est, claudantur signo publico.

ctum est , inter cætera pia Christianitatis  
opera servare convenit , quo usque in  
sequenti conventu medio Octobris, ut  
conductum est , nisi fortè à Rege aliter  
præcipiatur , aliquid melius addendum,  
mutandum vel Deo Duce inveniat.

XXXIII. Qui Subdiaconum oc-  
ciderit, CCC. solidos componat , qui  
Diaconum, CCCC. qui Presbyteros,  
sexingentos, si episcopum CCC. CCC.  
CCC. qui autem Monachum CCCC.

XXXIV. Si quis immunitati ali-  
quod damnum fecerit CCC. CCC. soli-  
dos componat.

*Mansi Supplementi T. I. à pag. 753. ad  
758.*

## CONCILIIUM TREVERENSE,

*Cujus mentio fit in Epistola Frotharii, Tullensis Episcopi, Interroga-  
toria ad Metropolitam Trevirens. de Synodali Concilio.*

Anno Christi DCCCXIV. Leonis III. Papæ XX.  
Ludovici Pii Imp. anno I.

*Domino Beatissimo , & unicæ dilectionis affectu colendo HETTI, supremâ largiente  
Providentiâ Treverorum Ecclesiæ Archi-Episcopo , Frotharius Episcoporum  
extimus , in Christo salutem.*

**T**anto ardore æstuo, vestræ Paterni-  
tatis sublimitatem intuendi, atque  
al. audi, ac si multorum jam temporum  
labantur volumina, quibus vestro aspe-  
ctu, vel vestris colloquiis perfrui nequi-  
verim. Nam & inde me usquequaque  
fateor anxari, quod nuper mihi de Pa-  
latio regredienti, defuit facultas, vobiscum  
loquendi. Unde & inexplēbilibus desi-  
deriis ora dulcedudinis vestræ his in par-  
tibus citius invisere opto. Quapropter  
vestris litteris mihi significari expeto,  
quando huc pro legatione vobis injuncta  
venire, vel quando Synodale Concilium  
juxta modernam constitutionem debea-  
tis convocare. De his ob id præcipue  
sollicitus maneo, quia & ipse secundum  
Imperiale præceptum ad providendas

mansiones , in quibus legati suscipi de-  
bent, scilicet à monte Jovis usque Pala-  
tium Aquis ire debeo, & infra mensem  
Octobrem ingrediens ante solemnitatem  
Beati Andreae domum regredi cupio.  
Sed si vos infra eundem mensem has in  
partes proficisci cognovero, præsens ad-  
esse curabo, ut vestri famulator, & ad-  
jutor in omnibus exstans à vobis rur-  
sus, & in spiritalibus rebus congruum  
supplementum recipere merear. Nostri  
in omnibus reminiscem, vos in Chri-  
sto bene opto valere.

*Andreas Duchesnius Tomo II. Hist.  
Franciæ pag. 719. ex quo Hardouin.  
Tomo IV. Conciliorum.*



## CONVENTUS, SEU PLACITUM PADERBRUNNÆ.

Anno Christi DCCCXV. Leonis III. Papæ XXI.  
Ludovici Pii II.

KAL. JULII IN SOLEMPNI CURIA, QUAM IN PATHERBRUN HABUIT  
LUDOVICUS KARULI F., FUNDATIO CORBELÆ SAXONICÆ  
OB VOTUM PATRIS, ET LAUDABILEM PIETATEM  
REGIS, DECRETA, ET COEPTA EST.

**F**Actum est autem eodem tempore, ut Serenissimus Imperator Ludovicus haberet Placitum in Saxonia, in loco, qui dicitur Patherbrunna, in secundo anno Regni sui, Incarnationis verò Domini octingentesimo decimo quinto. Tunc accessit præfatus Abba (*Adalhardus junior, Abbas Corbeie Francicæ*) ad eum, & locutus est ei cum consilio, suadens, ut ad profectum Christianæ Religionis in eadem Provincia, Monasterium Monachorum construere juberet, quod, cum Pissimus Princeps benignè susce-

pisset, placuit accersere Episcopum nomine Hathumarum, ad cuius Diocesim pertinebat locus, <sup>(a)</sup> ubi construendum erat Monasterium, ut cum ejus fieret imperio, & voluntate, sicque factum est, ut ab ea die, & deinceps Religio Monachorum etiam in Religione Saxonica cresceret, atque proficeret. Eodem die remisit Dominus Imperator eidem Abbati omne servitium, quod ad serpentinebat, ut liberius sanctum opus implere quivisset.

*Historia Translationis Reliquiarum S. Viti. In actis SS. Antverpiæ die 15. Junii.*  
*Annales Corbeie Saxonice Francisci Paulini.*  
*Chronicon Hildesheimense, Tomo III. Scriptor. Francie Duchesne.*  
*Eginhardus in Chronico ad hunc annum.*

<sup>(a)</sup> Corbeia Saxonica ad Visurgim, cæpta ædificari anno 815. in sylvæ Sollingensis loco, qui dicitur Hethi, paululum remoto ab ea sede, quam nunc obtinet Corbeia, Seminarium & Schola fuit magnorum Antistitum, & Sanctorum, & eruditorum Virorum. *Schatenus in Annal. Paderbornens.* *Eckhart. in historia Francie Orientalis ad hunc annum.*

## CONCILIIUM AQUISGRANENSE,

IN QUO EDITA EST FORMA INSTITUTIONIS CANONICORUM, ET SANCTIMONIALIUM, LUDOVICI PII JUSSU IN AQUISGRANI PALATIO CELEBRATUM ANNO CHRISTI DCCCXVI. INDICTIONE X. STEPHANI IV. PAPÆ ANNO I. LUDOVICI EJUSDEM PII REGIS ET IMPERATORIS III.

### P R Æ F A T I O.

**C**um in nomine Sanctæ & Individuæ Trinitatis Christianissimus, ac Gloriosissimus HLUDOWICUS, superno

munere Victor Augustus, anno Incarnationis Domini nostri JESU CHRISTI DCCCXVI. Indictione X. Anno si-

quidem

<sup>(\*)</sup> Episcopos & Abbates CCCLXIII. convenisse Aquis, scribit Schatenus ex autore Anonymo, & hos inter Hildibaldus Colonienfis, Haystulphus Moguntinus Archi-Episcopi erant, Wal-

quidem Imperii sui tertio, Aquisgrani Palatio generalem, Sanctumque convocasset Conventum, (a) & cepisset secundum ardentissimam erga Divinum cultum sibi cœlitus inspiratam voluntatem, multa congrua, & necessaria de emendatione Sanctæ Ecclesiæ, illius videlicet amore, qui eam suo sancto, & pretioso redemit sanguine, eique se ad futurum usque ad consummationem pollicitus est sæculi, solerter, ac curiosè pertractare : eò usque inter cætera perventum est, ut eundem Sanctum & Venerabilem, Deo annuente, aggregatum Conventum consuleret, immò consulendo admoneret, super quibudam Ecclesiarum Præpositis, qui partim ignorantia, partim desidia, subditorum curam parvipendebant, & hospitalitatem minùs justò diligebant; quid factò opus esset. Adjunxit etiam monendo, ut, quia Canoniorum vita sparsim in Sacris Canonibus, & in Sanctorum Patrum dictis erat indita, propter simplices quosque, minùsque capaces, aliquam ex iisdem Sacris Canonibus, & Sanctorum Patrum dictis institutionis formam pari voto, parique consensu excerperent, per quam patenter Prælatorum & subditorum vita monstraretur : quatenus omnes, qui Canonica censetur professione, per viam propositi sui inoffensò gressu incederent, & in Christi militia devotius unanimes, atque concordēs existerent. Sed ut in nutu divino fieret, Dominum in commune humiliter exorandum præmonuit, ut servorum suorum ex oralibus pulsatus precibus, ejus admonitionem secundum suam voluntatem fieri, suæque gratiæ eam præcedere, & subsequi dignaretur. Ad quam etiam admonitionem sacer conventus intimo gaudio repletus, expansis in Cælum manibus Creatori omnium gratias agens, benedixit. Quippe qui talem, tam pium, tamque benignum Ecclesiæ suæ Sanctæ Principem, cunctisque ejus necessitatibus Sanctissimum ac devotissimum prætulit procuratorem. Suscipientes ergo libentissimè, hilaritèq; ejus saluberrimam, multis Deo miserante pro-

futuram, admonitionem, licèt plerique, auxiliante Christo, devotè, ac religiosè cum sibi subiectis Canonicam servant institutionem, & in plerisque locis idem ordo plenissimè servetur : omnium tamen id animis sedit, ut secundum ejusdem Principis admonitionem, unà Divino freti auxilio, & ejusdem piissimi Principis non modico adjuti juvamine, ejus videlicet liberalissimâ largitione, copiam librorum præ manibus habentes, ex canonicâ authoritate, & Sanctorum Patrum dictis, veluti ex diversis pratis quosdam flosculos carpentes, hanc institutionis formam excerperent, & Canonicis observandum conferrent : ut quorum fortè labore ob tarditatem ingenii, seu inopiam librorum sparsim digesta difficilè comprehendi posset, solerti studio in eodem opere breviter congesta perfacilè ab his reperiri posset : per quam, ut præmissum est, & Prælati recto tramite incederent, & subditis normam vivendi absque ignorantie obstaculo salubriter nôssent præbere. Vigilanti ergo studio eandem institutionis formam colligere studuerunt : in quâ plenissimè continetur, qualiter & Prælati vivere, & subiectos regere, eisque ecclesiasticos sumptus administrare, & in Dei servitio cōstringere, bene operantes quoque ad meliora provocare, protervos quosque, & negligentes debeant corripere. Cùm igitur hujus institutionis formam, coram memorato Glorioso Principe prolatam, sacer conventus laudibus extulisset, & ecclesiasticâ authoritate fulcitam, laudèque dignam, ac Sanctæ ecclesiæ utilissimam, atque proficiam cōsona voce prædicaret, nihilque in ea reprehensionis ab iis, qui sanum sapiunt, reperi posse profiteretur, ab eodem Victoriosissimo Principe, & ab omnibus, qui aderant, Deo gratias acclamatum est. Nec immeritò : quippe qui & occultâ suâ dispensatione, & gratissimâ inspiratione Principem, ut id fieri moneret, compulit, & ut ad effectum perduceretur, miserando adjuvit. Proinde omnium sententiâ statutum est, ab omnibus, qui in

candus Leodienſis, Meingardus Osnabrugensis, Theatgrimus Halberſtadienſis, Wolffgerus Herbipolenſis, Gerfridus Monasterienſis, Baduradus Paderbornenſis Episcopi. *Annal. Paderbornensium Lib. II. ad h. annum.*

Illius Baronius & Coinius induci ab auctore vitæ Ludovici Pii, & aliquibus Annalists Franco- rum, Conventus Aquisgrænſis ad hunc annum non meminerunt ? quos Pagius in critica corrigit ex Annalista Lambeciano, & Annalibus Hildesheimenſibus.



in Canonicâ professione Domino militant, hanc institutionis formam, tot ecclesiasticorum virorum vigilanti studio congestam, dignisque præconis laudatam, juxta virium possibilitatem, modis omnibus observandam: quatenus hanc, sive aliarum Sanctarum Scripturarum documenta sedulâ meditatione prælegentes & prælati, & subditi, vocatione, quâ vocati sunt, ope divinâ administrati, insatigabiliter ambulent, & pro tam piissimo Principe, qui ad lumen animarum hoc sacrum, & venerabile Concilium ad hanc formam congregandam, & statuendam salutiferis admonitionibus excitavit, modernis, futurisque temporibus Dei immensam Clementiam jugiter exorent. Nam & in altero libello idem sacer conventus, eodem

religiosissimo Augusto monente, quandam institutionis formulam ex Sanctorum Patrum dictis studiosè excerptis, & in unum breviter, satisque congruenter congestis, & Sanctimonialibus, Canonicè degentibus, tenendam percensuit. In quâ continetur, quales eis Abbatissæ præferendæ sint, qualiter eisdem sanctimonialibus infra Claustra Monasterii vivendum, quid à Prælati stipendiorum dandum, quibus documentis, & virtutum instrumentis exornandæ sint: quatenus hæc formulâ vivendi inspectâ, & Deo sibi adjutorium præbente, humiliter susceptâ, & efficaciter impletâ cum bonorum operum lampadibus venienti sponso apparere, atque ejus thalamum ingredi mereantur.

## INDEX CAPITUM

### LIBRI I.

- |                                                                                                 |            |                                                                                                                        |            |
|-------------------------------------------------------------------------------------------------|------------|------------------------------------------------------------------------------------------------------------------------|------------|
| 1. De Tonsurâ Clericorum.                                                                       | Isidori.   | 25. De Doctorum silentio.                                                                                              | Isidori.   |
| 2. De Ostiariis.                                                                                | Ejusdem.   | 26. Quod nihil profit Sacerdoti, etiamsi bene vivat, si male viventes tacendo non arguat.                              | Prosperi.  |
| 3. De Lectoribus.                                                                               | Ejusdem.   | 27. De Pastoribus non rectè gradientibus.                                                                              | Gregorii.  |
| 4. De Exorcistis.                                                                               | Ejusdem.   | 28. De negligentia Sacerdotis, qui doctrinâ suâ contraria agendo, personam non potest implere Doctorum.                | Prosperi.  |
| 5. De Acolytis.                                                                                 | Ejusdem.   | 29. De his, qui bene docent, & male vivunt.                                                                            | Isidori.   |
| 6. De Subdiaconibus.                                                                            | Ejusdem.   | 30. De exemplis pravorum Sacerdotum.                                                                                   | Ejusdem.   |
| 7. De Diaconibus.                                                                               | Ejusdem.   | 31. De Præpositis carnalibus.                                                                                          | Ejusdem.   |
| 8. De Presbyteris.                                                                              | Ejusdem.   | 32. Luctuosa descriptio carnaliter viventium Sacerdotum.                                                               | Prosperi.  |
| 9. De Sacerdotibus.                                                                             | Hieronymi. | 33. De iracundis Doctoribus.                                                                                           | Isidori.   |
| 10. De Episcopis.                                                                               | Ejusdem.   | 34. De zelo pastoralis officii erga subditos.                                                                          | Gregorii.  |
| 11. De Episcopis.                                                                               | Augustini. | 35. Quod Sacerdotes nihil proprium habeant, & Ecclesiæ facultates tanquam communes, Deo rationem reddituri suscipiant. | Prosperi.  |
| 12. De Pastoribus.                                                                              | Gregorii.  | 36. De disciplina Sacerdotum in his, qui delinquant.                                                                   | Isidori.   |
| 13. De Pastoribus, quales in Ecclesia eligi debeant.                                            | Ejusdem.   | 37. De collatâ Episcopis potestate ligandi, atque solvendi.                                                            | Gregorii.  |
| 14. De Pastoribus, ut indigni, atque imperiti ad Pastorale Magisterium accedere non præsumant.  | Isidori.   | 38. De Episcopis, qui pro ordinatione Sacerdotii munera libenter accipiunt.                                            | Ejusdem.   |
| 15. De indignis Præpositis.                                                                     | Ejusdem.   | 39. De subintroductis mulieribus.                                                                                      | Conc. Nic. |
| 16. De indoctis Præpositis.                                                                     | Gregorii.  | 40. De Clericis usuras accipientibus.                                                                                  | Ejusdem.   |
| 17. De his, qui in Regimine prodesse possunt, sed idem officium per quietem propriam refugiant. | Isidori.   | 41. De privilegiis Presbyterorum.                                                                                      | Ejusdem.   |
| 18. De Præpositis Ecclesiæ.                                                                     | Prosperi.  | 42. De Excommunicatis.                                                                                                 | Ejusdem.   |
| 19. Quod Sancti contemplativæ vitæ fieri participes possunt.                                    | Isidori.   | 43. Quod                                                                                                               |            |
| 20. De doctrinâ, & exemplis Præpositorum.                                                       | Gregorii.  |                                                                                                                        |            |
| 21. De humilitate Præpositorum.                                                                 | Isidori.   |                                                                                                                        |            |
| 22. De humilitate Præpositorum.                                                                 | Ejusdem.   |                                                                                                                        |            |
| 23. De doctrinâ discretionis.                                                                   | Gregorii.  |                                                                                                                        |            |
| 24. Qualiter Prælati subjectos doceant, ac semetipsos discretâ circumspectione prævideant.      |            |                                                                                                                        |            |

43. Quod non oporteat demigrare. Ejusd.  
 44. Non transmigrandum de civitate in civitatem. Conc. Chalcedonensis.  
 45. De his, qui in Ecclesiis, in quibus provecti sunt, minime perjuraverunt. Conc. Nic.  
 46. De flectendo genu. Ejusdem.  
 47. De damnatis, & ministrare tentantibus. Conc. Antiocheni.  
 48. De Clericis damnatis. Conc. Africani.  
 49. De peregrinorum susceptione. Conc. Antiocheni.  
 50. Quod non liceat Clerico in duarum civitatum Ecclesiis ministrare. Conc. Chalc.  
 51. Quod non oporteat peregrinos Clericos sine commendatitiis ministrare. Ejusdem.  
 52. Quod sine literis sacro ministerio servientes proficisci non debeant. Conc. Laod.  
 53. De Clericis à communione summotis, ab alio non recipiendis Episcopo. Conc. Sard.  
 54. Si quis Excommunicatus ante sententiam communicare presumpserit, ipse in se damnationem protulit. Conc. Carthag.  
 55. De non sollicitandis Clericis alienis. Conc. Sardic.  
 56. De his, qui semel legerint in Ecclesia, ab aliis non posse promoveri. Conc. Afric.  
 57. Si qui Clerici ab Episcopis suis promoti, contempserint, nec illic maneant, unde recedere noluerunt. Conc. Carth.  
 58. Ut nullus alienum Clericum sollicitare, vel tenere presumat, suo Episcopo non præbente consensum. Leonis Papæ.  
 59. Ut in Ecclesiis convivia minime celebrentur. Conc. Africani.  
 60. Quod nullus Ecclesiasticorum in tabernis comedere debeat. Conc. Laodic.  
 61. De avaritiâ. Conc. Carthag.  
 62. Quod usuram non solum Clerici exigere non debent, sed nec Laici Christiani. Leonis Papæ.  
 63. De his, qui esum carnum in Clero constituti diffugiunt. Conc. Ancyran.  
 64. De numero certo Diaconorum. Conc. Neocæsar.  
 65. De his, qui abominantur eos, qui carnis vescuntur. Conc. Gangrensis.  
 66. De his, que in usus pauperum conferuntur. Ejusdem.  
 67. De his, qui pro virginitate superbiunt. Ejusdem.  
 68. De his, qui dominico die jejunant, tanquam nihil præ ceteris differente. Ejusd.  
 69. De his, qui Ecclesiastica jejunia absque necessitate dissolvunt. Ejusdem.  
 70. De his, qui se à perceptione Sanctæ Communionis avertunt, & qui Excommuni-
- catis per domos communicant. Conc. Antioch.  
 71. De his, qui ab aliâ paroeciâ, præter conscientiam Episcoporum, suorum in aliis commorantur. Ejusdem.  
 72. De Clericis, vel Laicis excommunicatis. Ejusdem.  
 73. De Episcopis, & Clericis aduentibus Imperatorem. Ejusdem.  
 74. De damnatis Episcopis, aut Clericis aduentibus Imperatorem. Ejusdem.  
 75. Ut qui in Sacratio serviunt, usuras non exigant. Conc. Laodic.  
 76. De his, qui debeant in pulpito psallere. Ejusdem.  
 77. De honore, quem Presbyteris Diaconi, qui sub ipsis sunt, debeant exhibere. Ejusdem.  
 78. Quod Diaconi non debeant benedicere, vel benedictionem dare. Ejusdem.  
 79. De Exorcistis, qui non sunt ab Episcopis ordinati. Ejusdem.  
 80. In Ecclesia prandia fieri non debere. Ejusdem.  
 81. Quod præter Episcopi jussionem Clericus proficisci non debeat. Ejusdem.  
 82. Ut ad Sacrarium mulieres non introeant. Ejusdem.  
 83. Non licere Clericis, lubricis interesse spectaculis. Ejusdem.  
 84. Oblationes in domibus offerre non oportere. Ejusdem.  
 85. De Clericis, & Monachis, non manentibus in suo proposito. Conc. Chalcedon.  
 86. Quod non oporteat Clericos, habentes invicem negotium, proprium Episcopum relinquere, & ad secularia judicia convocari. Ejusdem.  
 87. Quod minime Clericos transmigrare conveniat. Ejusdem.  
 88. Quod non liceat Clericis, post mortem sui Episcopi, bona ejus diripere. Ejusdem.  
 89. Si quis Clericorum pauper promotus, in ordine postea habuerit aliquid, Ecclesiæ potestati subiciat. Conc. Carthagin.  
 90. Ut Clerici tabernas, nisi in peregrinis, non ingrediantur. Conc. African.  
 91. Ut alienus Clericus minime suscipiatur ab alio. Ejusdem.  
 92. Ut Clericus nec suo, nec alieno nomine famus exerceat. Leonis Papæ.  
 93. Ut Clerici nullas negotiationes inhonestas, & turpia lucra sectentur. Gelasii Papæ.  
 94. De vita Clericorum. Hieron. ad Nep.  
 95. De Institutione Clericorum. Ejusd. ad Paulinum.  
 96. Ex



96. *Ex Epistola Hieronymi, ad Rusticum.*  
 97. *Quid distet inter Monachum & Clericum.*  
 Ejusd. ad Heliodor.  
 98. *De vitâ Clericorum.* Ejusd. ad Oceanum.  
 99. *De Clericis.* Isidori.  
 100. *De regulis Clericorum.* Ejusdem.  
 101. *De generibus Clericorum.* Ejusdem.  
 102. *Quales oporteat Clericos esse.* Gregorii.  
 103. *De subjectis bonis sub pastoralis regimine constitutis.* Ejusdem.  
 104. *De subditis.* Isidori.  
 105. *De invidiis, & protervis subditis.* Greg.  
 106. *Quid secundum sermonem Prophetæ culpâ suâ peccant, qui Sacerdotum increpationes, perversâ voluntate contemnunt.* Prosperi.  
 107. *Cum quo damno animâ suâ ab Ecclesiâ, quæ pauperes pascit, accipiunt illi, qui sibi de suo sufficiunt.* Ejusdem.  
 108. *Qui sint, qui etiam cum profectu animæ suæ, opibus sustentantur Ecclesiæ.* Ejusd.  
 109. *Quid facere debeant Clerici, quorum infirmitas non potest sua contemnere.* Ejusd.  
 110. *Quæ sint vera gaudia, & vera divitiæ, & quid impediendi adferant bona præsentia amatoribus futurorum.* Ejusdem.  
 111. *Quomodo intelligatur, quod dicit Apostolus, qui in Sacratio operantur, qui de Sacratio non edant.* Ejusdem.  
 112. *De vitâ & moribus Clericorum.* Augusti.  
 113. *Item (a) de vitâ & moribus Clericorum.* Ejusdem Lib. 2.  
 114. *Quæ præcepta specialiter Monachis, quæ generaliter cæteris conveniant Christianis.*  
 115. *Quod Canonica institutio, Evangelicâ, & Apostolicâ auctoritate fulta, cæteris supereminet institutionibus.*  
 116. *Quid sint res Ecclesiæ.*  
 117. *Quod diligenter munienda sint Claustra Canonicorum.*  
 118. *Ut in congregandis Canonicis modus discretionis sit tenendus.*  
 119. *De his, qui in congregatione sibi commissa solummodo ex familiâ Ecclesiæ Clericos aggregant.*  
 120. *Qui Clerici, in congregatione Canonica constituti, Ecclesiastica accipere stipendia debeant.*  
 121. *Ut in congregatione Canonica equaliter cibis & potus accipiantur.*  
 122. *De mensurâ cibi & potûs.*  
 123. *Quod à Prælatibus gemina passio sit subditis impendenda.*  
 124. *Ut Canonici, sicut in cæteris, ita etiam in cultu vestium, modum teneant discretionis.*  
 125. *Ut Canonici cucullas Monachorum non induant.*  
 126. *Quâ auctoritate horæ Canonice celebrentur, quas scire, ac religiose observare Canonicos oportet.* Isidori.  
 127. *De Vespertinis.* Isidori.  
 128. *De Completis.*  
 129. *De Vigiliarum antiquitate.*  
 130. *De Matutinis.*  
 131. *Ut Canonici horas Canonicas religiose observent.*  
 132. *Quod cantantibus, & psallentibus Domino, Angelorum adsint præsidia.*  
 133. *Quales ad legendum, & cantandum in Ecclesiâ, constituendi sint.*  
 134. *Qui modus sit correctionis.*  
 135. *Ut erga pueros, qui nutriuntur, vel erudiuntur in congregatione Canonica, instantissima sit adhibenda custodia.*  
 136. *Ut omnes Canonici ad Completorium veniant.*  
 137. *De Cantoribus.*  
 138. *Quales vice Prælatorum in congregatione Canonica fungi debeant.*  
 139. *De Præpositis.*  
 140. *Qualis sit Cellarius constituendus.*  
 141. *Cui committi debeant stipendia pauperum.*  
 142. *De infirmorum ac senum cura fratrum.*  
 143. *Qualiter porta Canonicorum custodiantur.*  
 144. *Ut claustra Canonicorum diligenter custodiantur.*  
 145. *Epilogus breviter digestus.*

CON-

(a) Hactenus Capitula, ab Amalario Diacono ex Conciliis, & Ss. PP. collecta, & ab Concilio Aquisgranensi probata: Reliqua XXXII. ab ipsomet Concilio sua auctoritate addita & præscripta.

# CONCILII AQUISGRANENSIS

## LIBER I.

*Qui est de Institutione (\*) Canonorum.*

### CAPUT I.

*De Tonsurâ Clericorum.* Isidori.

**T**onsurâ (a) Ecclesiasticâ usûs à Nazaræis, nisi fallor, exortus est. Qui prius crine servato, denuo post magnam vitæ continentiam, devotione completâ, caput radebant, & capillos in igne Sacrificii ponere jubebantur, scilicet, ut perfectionem devotionis suæ Domino consecrarent. Hujus ergo exempli usûs ab Apostolis introductus est, ut hi, qui in Divinis cultibus mancipati, Domino consecrantur, quasi Nazaræi, id est, Sancti Dei, crine præcisio innoventur. Hoc quippe & Ezechieli Prophetæ jubetur, dicente Domino: *Tu (b) Fili hominis, sume tibi gladium acutum, & duces per caput tuum, & barbam.* Videlicet, quia & ipsi Sacerdotali genere Deo in ministerium Sanctificationis deserviebat. Hoc & Nazaræos illos, (c) priscillam & Aquilam, in Actibus Apostolorum primum fecisse legimus: Paulum quoque Apostolum, & quosdam Discipulorum Christi, qui in hujusmodi cultû mirandi extiterunt. Est autem in Clericis tonsura signum quoddam, quod in corpore figuratur, sed in animo agitur: scilicet, ut hoc signo in religione vitia ressecentur, & criminibus carnis nostræ, quasi crinibus exuamur, atque inde innovatis sensibus, ut comis rudibus enitescamus, *Exspoliantes (d) nos, juxta Apostolum, veterem hominem cum actibus suis, & induentes novum, (e) qui renovatur in agnitione Dei.* Quam renovationem in mente oportet fieri, sed in capite demonstrari, ubi ipsa mens noscitur habitare. Quod verò detonsio capite superius, inferius circuli corona relinquitur, Sacerdotium, regnûque Ecclesiæ in eis existimo figurari. Tiara enim apud veteres constituebatur in capite Sacerdo-

tum. Hæc ex bysso confecta rotunda erat, quasi sphaera media, & hoc significatur in parte capitis tonsa. Corona autem, latitudo aurei est circuli, quæ regum capita cingit; utrumque itaque signum in capite Clericorum exprimitur, ut impleatur etiam corporis quâdam similitudine, quod scriptum est, Petro Apostolo perdocente: *Vos estis (f) genus electum, regale Sacerdotium.* Quæritur autem, cur sicut apud antiquos Nazaræos, non antè coma nutritur, & sic tondetur? Sed qui hæc exquirunt, advertant, quid sit inter illud Propheticum velamentum, & hanc Evangelii revelationem, de quâ dicit Apostolus: *Cum (g) transferitis ad Christum, auferetur velamen.* Quod autem significabat velamen, interpositum inter faciem Moïsis, & adspæctum populi Israël, hoc significabat illis temporibus etiam coma Sanctorum. Nam Apostolus etiam comam (h) pro velamento esse dicit. Proinde jam non oportet, ut velen- tur crinibus capitâ eorum, qui Domino consecrantur, sed tantum, ut revelentur: quia, quod erat occultum in Sacramento Prophetiæ, jam in Evangelio declaratum est.

### II. De Ostiariis.

Isidori.

Ostiarii (i) sunt, qui in veteri testamento Janitores templi vocabantur, qui præerant portis Hierusalem, quique ordinati per vices omnia interiora templi vel exteriora custodiebant. Hi denique inter Sanctum, & iniquum discernentes, eos tantum in Ecclesiâ, qui sunt fideles, recipiunt. Intrare enim templum, nisi per hos, non possumus. Habent enim potestatem, tam bonos recipiendi, quàm rejiciendi indignos.

### III. De Lectoribus.

Isidori.

Lectorum (k) ordo formam & initium à Prophetis accepit. Sunt igitur Lecto-

(\*) Amalarius, Diaconus Metensis, acceptis Libris è Palatio Imperatoris Capita CXIII. hujus Libri condidit, quæ Synodus Aquisgranensis approbavit, & addidit XXXII. universum 145. *Pagi ad b. annum ex Ademaro in Chronico.*

(a) Isidor. Eccles. Offic. Lib. 2. Cap. 4. (b) Ezech. 5. 1.

(c) Ephes. 4.

(e) Coloss. 3.

(c) Act. 18.

(g) 2. Cor. 3. 16.

(h) 1. Cor. 11. 15.

(f) 1. Pet. 2. 9.

(i) Ibid. C. 11.

(k) Isidor. ibidem C. 14.



Lectores, qui verbum Dei prædicant, quibus dicitur: *Clama, (1) ne cesses, quasi tuba exalta vocem tuam.* Isti quippe dum ordinantur, primum de eorum conversatione episcopus verbum facit ad populum: deinde coram plebe tradit eis codicem Apicum Divinorum, ad verbum Dei annuntiandum. Qui autem ad huiusmodi provehitur gradum, iste erit doctri- nâ, & libris imbutus, sensuumque, ac verborum scientiâ perornatus: ita ut distinctionibus sententiarum intelligat, ubi finiatur junctura, ubi adhuc pendeat oratio, ubi sententiâ extremâ claudatur. Sicque expeditus, vim pronuntiationis tenebit, ut ad intellectum omnium mentes, sensumque promoveat, discernendo genera pronuntiationum, atque exprimendo proprios sententiarum affectus: modò indicantis voce, modò dolentis, modò increpantis, modò exhortantis, sive his similia, secundum genus propriæ pronuntiationis, in quo magis illa ambigua sententiarum adhibenda cognitio est. Multa enim in Scripturis sunt, quæ, nisi proprio modo pronuntientur, in contrariam recidunt sententiam, sicuti est: *Quis (m) accusabit adversus electos Dei? Deus, qui iustificat?* quòdque si confirmativè, non servato genere pronuntiationis suæ, dicatur, magna perversitas oritur. Sic ergo pronuntiandum est, ac si diceret: Deusne, qui iustificat? Subauditur, non. Necessè est ergo in tantis rebus scientiæ ingenium, quo propriè singula, convenienterque pronuntientur. Propterea & accentuum vim oportet lectorem scire, ut noverit, in quâ syllabâ vox protendatur pronuntiantis. Plerumque enim imperiti lectores in verborum accentibus errant, & solent irridere nos imperitiæ hi, qui videntur habere noticiam, detrahentes & jurantes, penitus nos nescire, quod dicimus. Porro vox lectoris simplex erit, & clara, ad omne pronuntiationis genus accommodata, plena succo virili, agrestem & subrusticum effugiens sonum: non humilis, nec adeò sublimis: (n) non fracta, non tenera, nihilque fœmineum sonans, neque cum motu corporis, sed tantum cum gravitatis specie. Auribus enim, & cordi consulere debet lector, non oculis: ne

potius ex se ipso expectatores magis, quàm auditores faciat. Vetus opinio est, lectores pronuntiandi causâ præcipuam curam vocis habuisse, ut exaudiri in tumultu possit. Unde & dudum lectores præcones, vel proclamatores, vocabantur.

#### IV. De Exorcistis. Isidori.

In ordine (o) & Ministerio Ecclesiæ decet esse Exorcistas, secundum officia, quæ in templo Salomonis erant disposita, quæque posterius sunt ab Esdrâ dispersita. Et invenimus eos, quos scilicet Esdras actores memorat templi, nunc esse Exorcistas in ecclesiâ Dei. Fuerunt enim sub Esdra actores templi, fervorum Salomonis filii, qui actum templi totius sub curâ suâ haberent, ac sacris oblationibus deservirent. Et cum fuissent ex ordine & Ministerio templi, longè fuerunt ab officio Altaris Dei: quia nec psalmistis, nec Ostiariis, nec sacrorum servis attingere licebat ad munera Altaris, nisi tantummodo Levitis. Quid ergo est? Nullam aliam curam habebant actores templi, nisi ad fartatecta facienda; ut quæcunque fuissent vexata in ædificiis templo, aut delapsa, per eosdem actores de thesauris dominicis reficerentur, atque excolerentur. Ergo actores templi, Exorcistæ sunt in templo Dei. Quomodo enim actor prudens, & bonus scit, quis sit Domini sui census, & omnis substantiæ modus, & redigit apud se totius possessionis instrumenta originalia: sic & Exorcista redigit in suam diligentiam totius regni Domini secreta; ut memoriæ mandet de Scripturarum Sacramentis, unde exerceat donum, quod illi est à Spiritu Sancto concessum, secundum Apostoli præconium, Exorcistas enim memorat Apostolus, cum dicit: *Nunquid omnes (p) donationes habent sanationum?* Hi enim cum ordinantur, sicut ait Canon, accipiunt de manu Episcopi libellum, in quo scripti sunt Exorcismi, accipientes potestatem, imponendi manus super Energumenos, sive Cathechumenos, sive baptizatos.

#### V. De Acolytis. Isidori.

Acolyti (q) græcè, latinè ceroferarii,

(1) Esaiæ 58. 1.

(m) Rom. 8. 33.

(n) Isidor. ibid. C. 13.

(o) Ibid. C. 15.

(p) 1. Cor. 12. 30. Conc. Carthag. IV. D. XXIII. Exorcistarum.

(q) Etymol. Lib. 7. C. 12.

rii, dicuntur à deportandis cereis, quando legendum est Evangelium, aut sacrificium offerendum. Tunc enim accenduntur luminaria ab eis, & deporantur, non ad fugandas tenebras, dum sol eo tempore rutilet, sed ad signum lætitiæ demonstrandum: ut sub typo luminis corporalis, illa lux ostendatur, de quâ in Evangelio legitur: *Erat lux, (r) quæ illuminat omnem hominem, venientem in hunc mundum.*

#### VI. De Subdiaconibus. Isidori.

Subdiaconi, (s) qui apud græcos Hypodiaconi vocantur, in Esdra inveniuntur, appellanturque ibi Nathinæi, id est, in humilitate Domino servientes. Ex eorum ordine fuit ille Nathanaël, qui in Evangelio Joannis Divinâ prodictione communitus, salvatorem meruit confiteri. Quique etiam ad primum divinitatis indicium fidelis enituit, protestante Domino, ac dicente: *Ecce verè Israëlitæ, (t) in quo dolus non est.* Denique isti oblationes in templo Domini suscipiunt à populis. Isti obediunt officiis Levitarum. Isti quoque vasa corporis & sanguinis Christi Diaconibus ad Altaria Domino offerunt. (u) De quibus quidem placuit Patribus, ut, quia Sacra Mysteria contrectant, casti & continentes sint ab uxoribus, & ab omni carnali immunditiâ liberi, juxta quod illis, Prophetâ dicente, jubetur: *Mundamini, (w) qui fertis vasa Domini.* Hi igitur cum ordinantur, sicut Sacerdotes & Levitæ, manus impositionem non suscipiunt: sed patenam tantum, & calicem de manu Episcopi, & ab Archidiacono scyphum aquæ cum aquamanili, & manutergium accipiunt.

#### VII. De Diaconibus. Isidori.

Diaconorum (x) ordo à tribu Levi accepit exordium. Præcepit enim Dominus Moysi, ut post ordinationem Aaron Sacerdotis, & Filiorum ejus, rursus Levi tribus in Divini cultus Ministerio ordinarentur, & consecrarentur Domino, pro omnibus primogenitis, & servirent pro Israël coram Aaron, & filiis ejus, in tabernaculo Dei, excubantes in templo die ac nocte. Ipsique gesta-

rent arcam & tabernaculum, & omnia vasa ejus, & in circuitu tabernaculi castra ipsi rursus constituerent, & in promovendo tabernaculo ipsi deponerent, rursus ipsi componerent. A viginti quinque annis, & supra, in tabernaculo servire, ipsis mandatum est. Quam regulam Sancti Patres & in novo testamento constituerunt. In Evangelio (y) autem primordia eorum, & in actibus Apostolorum ita leguntur: *Convocantes autem duodecim Apostoli multitudinem discipulorum dixerunt: non est æquum, nos relinquere verbum Dei, & ministrare mensis.* Quid ergo est Fratres? Considerate ex vobis viros boni testimonii septem, plenos Spiritu Sapientiæ, quos constituamus in hanc rem. Nos verò orationi & ministerio sermonis instantes erimus. Et placuit sermo eorum omni multitudinē. Et elegerunt statim Stephanum, virum plenum fide, & Spiritu Sancto, Philippum, Prochorum, & Nicanorem, & Timonem, & Parmenam, & Nicolaum advenam Antiochenum. Hi steterunt ante Apostolos. Et cum orassent, imposuerunt illis manus. Verbumque Dei crescebat, & multiplicabatur numerus credentium. Ex hinc jam decreverunt Apostoli, Apostolorumque successores, per omnes Ecclesias septem Diacones ordinandos esse, qui sublimiore gradu cæteris proximè circa aram Christi, quasi columnæ Altaris assisterent, & non sine aliquo septenarii numeri Mysterio: hi sunt enim, quos in Apocalypsi legimus, *septem Angeli (z) tubis camentes.* Hi sunt septem candeabra aurea, hi voces tonitruorum: ipsi enim clarâ voce in modum præconis admonent cunctos, sive in orando, sive in flectendis genibus, sive in psallendo, sive in lectionibus audiendis. Ipsi etiam, ut atres habeamus ad Dominum clamant. Ipsi quoque Evangelizant. Sinè ipsis Sacerdos nomen habet, officium non habet. Nam sicut in Sacerdote consecratio, ita & in Ministro dispensatio Sacramenti est. Ille orare, hic psallere mandat. Ille oblata sanctificat, hic sanctificata dispensat. Ipsi etiam Sacerdotibus propter præsumptionem non licet de mensâ Domini tollere

(r) Joan. 1. 9.

(t) Joan. 1. 47.

(w) Esaïæ 52. 11.

(z) Apoc. 8. & 10.

(x) De Officiis Lib. 2. Cap. 10. 1. Esdr. 2. & 8.

(u) Conc. Carth. IV. D. XXIII. Subdiaconi.

(v) Isidor. Lib. cit. C. 8.

(y) Cap. 6.



collere calicem, nisi eis traditus fuerit à Diacono. Levitæ inferunt oblationes in altaria: Levitæ mensam Domini componunt: Levitæ operiunt arcam testamenti. Non enim omnes vident alta Mysteriorum, quæ operiuntur à Levitis; ne videant, qui videre non debent, & sumant, qui servare non possunt. Qui propterea altari albis induti adsistunt, ut cœlestem vitam habeant, candidique ad hostias & immaculati accedant, mundi scilicet corpore, & incorrupti pudore. Tales enim decet Dominum habere ministros, qui nullo carnis corrumpantur contagio, sed potius eminenti castitate splendeant. Quales autem Diaconi ordinantur, Paulus Apostolus plenissimè scribit ad Timotheum: Nam (a) cum præmississet de Sacerdotum electione, continuo subiunxit: *Diaconi similiter irreprehensibiles*, hoc est, sinè maculâ, sicut Episcopi. *Pudici* utique, id est, à libidine continentes: *non bilingues*, scilicet, ne conturbent pacem habentes. *Non multo vino dediti*: quia ubi ebrietas, ibi libido dominatur, & furor. *Non turpe lucrum sectantes*, ne de cœlesti ministerio lucra terrena sectentur. Est quippe & turpis lucis appetitio, plus de præsensibus, quam de futuris cogitare. Post hæc subiiecit: *Hi autem probentur primum, & sic ministrent, nullum crimen habentes*. Hi utique, sicut Episcopi ante ordinationem probari debent, si digni sint, & sic postea ministrare.

#### VIII. De Presbyteris. Isidori.

Presbyterorum (b) ordo exordium sumpsit, ut dictum est, à filiis Aaron. Qui enim Sacerdotes vocabantur in veteri testamento, hi sunt, qui nunc vocantur Presbyteri. Et qui nuncupabantur Principes Sacerdotum, nunc Episcopi nominantur. Presbyteri autem interpretantur Seniores, quia Seniores ætate græci Presbyteros vocant. His enim, sicut Episcopis, dispensatio Mysteriorum Dei commissæ est. Præsunt enim Ecclesiæ Christi, & in confectioe Divini Corporis & Sanguinis confortes cum Episcopis sunt, similiter & in doctrinâ populorum, & in officio prædicandi. Sed solum propter auctoritatem Summi Sacerdotii, Clericorum ordinatio & consecratio reservata est, ne à multis disciplina Eccle-

siæ vindicata, concordiam solveret, scandala generaret. Nam Paulus Apostolus, eosdem Presbyteros, ut verè Sacerdotes, sub nomine Episcoporum ita asseverat, loquens ad Titum: *Hujus*, (c) inquit, *rei gratiâ reliqui te Cretæ, ut ea, quæ defunct, corrigas, & constituas per civitates Presbyteros, quemadmodum ego tibi disposui*. Si quis sinè crimine est, unius uxoris vir, filios habens fideles, non in accusatione luxuriæ, aut non subditos. Oportet enim Episcopum sinè crimine esse. Quâ sententiâ ostendit, etiam Presbyteros sub Episcoporum nomine taxari. Unde & ad Timotheum de ordinatione Episcopi, & Diaconi scribens, de Presbyteris (d) omninò tacuit, quia eos in Episcoporum nomine comprehendit. 2dus enim primo conjunctus est gradus. Sicut & ad Philippenses Episcopi & Diaconibus scribit, cum (e) una civitas plures Episcopos habere non possit. Et in Actibus Apostolorum Presbyteros Ecclesiæ, iturus Hierosolymam, congregavit, quibus inter cætera ait: *Videte* (f) *gregem, in quo vos Spiritus Sanctus Episcopos ordinavit*. Unde etiam tales in Ecclesiâ Presbyteros constituendos esse, sicut Episcopos, & Apostolus ad Titum (g) loquitur, & Canones ipsi testantur; *Presbyteros autem merito, & sapientiâ dici, non ætate*. Nam & Moysi præcipitur, ut eligat Presbyteros. Unde & in Proverbiis dicitur: *Gloria* (h) *senum canities*. Quæ est hæc canities, haud dubium, quin Sapientiâ, de qua scriptum est: *Canities* (i) *hominum prudentia est*. Cumque nongentos & amplius annos ab Adam, usque ad Abraham vixisse homines legerimus, nullus alius primus appellatus est Presbyter, id est, Senior, nisi Abraham, qui multo paucioribus annis vixisse convincitur. Non ergo propter decrepitam senectutem, sed propter sapientiam Presbyteri nominantur. Quod si ita est, mirum, cur insipientes constituantur.

#### IX. De Sacerdotibus. Isidori.

Veniamus (r) ergo nunc ad sacratissimos ordines, & singulariter demonstramus, quod est Sacerdotii fundamentum, vel quo autore Pontificalis ordo adolevit in sæculo. Initium quidem Sacerdotii Aaron fuit, quanquam & Melchise-

(a) 1. Timoth. 3. 8.

(d) 1. Timoth. 3.

(g) 1. Id. L. c. Cap. 1.

(b) Isidor. ibid. Cap. 7.

(c) Philipp. 1.

(h) Prov. 10. 29.

(e) 1. Id. L. c. Cap. 1. f.

(f) Act. 20. 28.

(i) Sap. 4.

(r) 1. Id. L. c. C. 5.

chisedech prior obtulerit Sacrificium, & post hunc Abraham, Isaac, & Jacob. Sed isti spontanea voluntate, non Sacerdotali autoritate ista fecerunt. Cæterum Aaron primus in lege Sacerdotale nomen accepit, primusque stolâ indutus victimas obtulit, iubente Domino, ac loquente ad Mosem: *Accipe*, inquit, *Aaron*, (s) & *Filios ejus*, & *applicabis ad ostium tabernaculi testimonium*. Cumque laveris *Patrem cum filiis aquâ*, indues *Aaron vestimentis suis*, id est; *linâ & tunicâ*, & *superhumerali*, & *rationali*, quod *constringes balteo*, & *pones tiaram in capite ejus*, & *laminam sanctam super tiaram*, & *oleum unctionis fundes super caput ejus*, atque hoc ritu consecrabitur. *Filios quoque illius applicabis*, & *indues tunicis lineis*, cingésque *balteo*, *Aaron scilicet*, & *liberos ejus*, & *impones eis mitras*, eruntque *Sacerdotes mei religione perpetuâ*. Quo loco contemplari oportet, Aaron summum Sacerdotem, id est, Episcopum fuisse, & filios ejus Presbyterorum figuram præmonstrasse. Fuerunt enim Filii Aaron & ipsi Sacerdotes, quibus meritò adstare debuissent Levitæ, sicut summò Sacerdoti. Sed hoc fuit inter Aaron summum Sacerdotem, & inter filios ejusdem Aaron, qui & ipsi erant Sacerdotes: Quod Aaron super tunicam accipiebat poderem, stolam sanctam, & coronam auream, mitram, & zonam auream, & superhumeralia, & cætera, quæ suprà memorata sunt. Filii autem Aaron super tunicas lineas cincti tantummodò, & tiarati astabant Sacrificio Dei. Sed forsitan quaeritur & hoc: ejus figuram faciebat Moyses? Si enim filii Aaron Presbyterorum figuram faciebant, & Aaron summi Sacerdotis, id est, Episcopi; Moyses ejus? Indubitanter Christi, & verè per omnia Christi: quoniam fuit similitudo Mediatoris Dei, qui est inter Deum & hominem JESUS Christus, qui est verus Dux populorum, verus Princeps Sacerdotum, & Dominus Pontificum, cui est honor & gloria in sæcula sæculorum. Amen.

Haftenus de primordiis Sacerdotalibus in veteri testamento: in novo autem testamento post Christum Sacerdotalis ordo à Petro cepit. Ipsi enim primum datus est Pontificatus in Ecclesiâ Christi.

Sic enim loquitur ad eum Dominus: *Tu es*, inquit, *Petrus*, (t) & *super hanc Petram edificabo Ecclesiam meam*, & *porte inferi non prævalerunt adversus eam*; & *tibi dabo claves Regni Cælorum*. Hic ergo ligandi, solvendi quæ potestatem primus accepit; primusque ad fidem populum virtute suæ prædicationis adduxit. Si quidem & ceteri Apostoli cum Petro par consortium honoris, & potestatis acceperunt. Qui etiam in toto orbe dispersi Evangelium prædicaverunt; quibuscumque decedentibus successerunt Episcopi, qui sunt constituti per totum mundum in sedibus Apostolorum. Qui non jam ex genere carnis & sanguinis eliguntur, sicut primum secundum Ordinem Aaron, sed pro uniuscujusque merito, quod in eum gratia Divina contulerit. Sicut etiam ad Heli Dominus prænuñtiavit, dicens: *Hæc (u) dicit Dominus Deus Israël: Dixi, domus tua, & domus Patris tui permanebunt coram me usque in æternum. Et nunc hæc dicit Dominus: Nequaquam, sed glorificantes me glorificabo. Qui me spernit, spernetur*. Quatuor enim sunt genera Apostolorum. Unum à Deo tantum; ut Moyses. Alterum per hominem & Deum, ut Josué. Tertium tantum per hominem, sicut his temporibus multi favore populi, & potestatum in Sacerdotium subrogantur. Quartum autem genus ecce est, sicut Pseudo-Prophtarum, & Pseudo-Apostolorum. Quid est autem nomen Apostolorum? Apostoli in latinâ linguâ Missi interpretantur, quia ipsos misit Dominus, evangelizare ad illuminationem omnium populorum. Episcopus autem, ut quidam prudentium ait, nomen est operis, non honoris. Græcum (w) est enim, atque inde ductum vocabulum, quoddam ille, qui præficitur, superintendit, curam scilicet subditorum gerens: *mi* quippè super, *exon*de autem intentio est; ergo Episcopum latinè super intendentem possumus dicere: ut intelligat, non se esse Episcopum, qui non prodesse, sed præesse dilexerit. Quod verò per manûs impositionem à præcessoribus Dei Sacerdotibus Episcopi ordinantur; antiqua est institutio. *Isaac (x)* autem Patriarcha Sanctus *ponens manum suam super caput Jacob benedixit ei*. Similiter & Jacob filiis suis benedictionem dedit. Sed & Moyses super

(s) Exod. 29. 4. (t) Matth. 16. 18.

[w] Aug. de civ. Dei L. 19, C. 19.

(u) 1. Reg. 2. 35.

[x] Gen. 27. 78.



super caput (y) Josuë manum suam imponens, dedit ei Spiritum virtutis, & ducatus in populo Israël. Sic & superimpletor legis, & Prophetarum Dominus noster, JESUS CHRISTUS, per manus impositionem Apostolos benedixit, sicut in Evangelio Lucæ scriptum est: *Et perduxit (z) illos trans Bethaniam: & elevavit manus suas, & benedixit eos. Factumque est, cum benedixisset illis, discessit ab eis: & ipsi reversi sunt in Hierusalem cum gaudio magno.* Et in Actibus Apostolorum ex præcepto Sancti Spiritus (a) Paulo & Barnabæ ab Apostolis manus imposita est in Episcopatum, & sic missi sunt ad evangelizandum. Quod autem à triginta annis Sacerdos efficitur, ab ætate scilicet Christi sumptum est, ex quâ idem orsus est prædicare. Hæc enim ætas profectu jam non indiget parvulorum, sed perfectionis vi plena est, & robusta, & ad omne disciplinæ ac Magisterii exercitium præparata. Quod verò unius virginalis matrimonii sint, qui eliguntur in ordine Pontificatus, & in veteri lege mandatum est, & plenius scribit Apostolus, dicens: *Unius (b) uxoris virum.* Sacerdotem (c) quærit Ecclesia, aut de monogamia ordinatum, aut de virginitate Sanctum. Digamus enim haud fertur agere Sacerdotium. Porro, quod Episcopus non ab uno, sed à cunctis Provincialibus Episcopis ordinatur, ideo institutum est, ne aliquid contra fidem Ecclesiæ unius tyrannica auctoritas moliretur. Propterea ab omnibus convenientibus constituitur, ac non minus, quàm à tribus præsentibus, cæteris tamen consentientibus testimonio literarum. Huic autem, dum consecratur, datur baculus, ut ejus indicio subditam plebem vel regat, vel corrigat, vel infirmitates infirmorum sustineat. Datur & annulus propter signum Pontificalis honoris, vel signaculum secretorum. Nam multa sunt, quæ carnalium, minusque intelligentium sensibus occultantes Sacerdotes, quasi sub signaculo condunt, ne indignis quibusque Sacramenta Dei aperiantur. Jam verò, quod sæculares viri nequaquam ad ministerium Ecclesiæ assumantur, eadem auctoritas Apostolica docet, & dicit: *Manus (d)*

*citò nemini imposueris.* Et iterum: *Non neophytum, ne in superbiam elatus putet, se non tam ministerium humilitatis, quàm administrationem sæcularis potestatis adeptum: & in condemnationem superbiæ, sicut diabolus, per jactantiam deiciatur.* Quomodo enim valebit sæcularis homo Sacerdotii magisterium adimplere, cujus nec officium tenuit, nec disciplinam cognovit? Aut quid docere poterit, cum ipse non didicerit? Nunc verò sæpe cernimus, plurimos ordinationem talibus facere: nec eligunt, quæ Ecclesiæ profunt, sed quos vel ipsi amant, vel quorum sunt obsequiis delinuti, vel pro quibus majorum quispiam rogaverit: Et, ut deteriora dicam, qui ut ordinarentur, muneribus impetrarunt. Taceo de reliquis. Alii successores filios, vel Parentes faciunt, vel conantur posteris præfulatûs relinquere dignitatem, cum hoc nec Moses, (e) amicus Dei, facere potuit, sed Josuë de aliâ tribu elegit, ut sciremus, Principatum in populo non sanguine defendendum esse, sed vitæ meritis. Interdum autem, & juxta meritum plebium eliguntur personæ Rectorum: unde noverint populi, sui fuisse meriti, regimen perverfi suscepisse Pontificis. Quod autem is, qui post Baptismum aliquo mortali peccato corruptus, ad Sacerdotium non provehatur, Lex ipsa testatur. Moses (f) enim in lege præcepit Sacerdotibus, *ne aliquid vitiatum ad aram Dei offerant.* Quod ipsum postea offerentibus Sacerdotibus Israël per Malachiam impropèravìt Deus, dicens: *Vos (g) Sacerdotes, qui pollucistis nomen meum, & dixistis: in quo polluimus eum? Offerentes super altare meum panem pollutum, & offeretis cæcum & languidum.* Unde (b) & in Numeris vitula rufa, cujus cinis expiatio est populi, non aliter jubetur offerri ad altare Domini, nisi quæ terrena opera non fecerit, jugumque delicti non traxerit, nec vinculis peccatorum fuerit alligata. Sed quid plura subjiciamus? Si enim is, qui in Episcopatu, vel Presbyterio positus, mortale aliquod peccatum admiserit, retrahitur: quantò magis ante ordinationem repudiari peccator inventus debet, ut non ordinetur? Quapropter quia

[y] Num. 27. 23.

(b) 1. Tim. 3. 2.

(c) Num. 27.

(d) Num. 19.

(z) Luc. 24. 50.

(e) Tit. 1.

(f) Levit. 1. &amp; 2.

(a) Act. 13.

(d) 1. Tim. 5. 22.

(g) Malac. 1. 7.

quia lex peccatores à Sacerdotio removeret, consideret se unusquisque: & sciens, quia potentes potenter tormenta patientur, retrahat se ab hoc non tam honore, quàm onere, & aliorum, qui digni sunt, locum non ambiat occupare. Qui enim in erudiendis, arque instruendis de virtute populis prærit, necesse est, ut in omnibus Sanctus sit, & in nullo reprehensibilis habeatur. Qui enim alium de peccatis arguit, ipse à peccato debet esse alienus. Nam quâ fronte subiectos arguere poterit, cum illi statim possit correptus ingerere: antè doce te, quæ recta sunt, Episcopo? Quapropter, qui negligit recta facere, definat recta docere. Prius quippe semetipsum corrigere debet, qui alios ad bene vivendum monere studet; ita ut in omnibus semetipsum formam vivendi præbeat, cunctisq; ad bonum opus, & doctrinâ, & opere provocet. Cui etiam scientia scripturarum necessaria est: quia si Episcopi tantum sit sancta vita, sibi soli potest prodesse sic vivens. Porro si & doctrinâ fuerit eruditus, potest cæteros quosque instruere, & docere suos, & adversarios repercutere. Qui nisi refutati fuerint, atque convicti, facile possunt simplicium corda pervertere. Hujus autem sermo debet esse purus, simplex, & apertus, plenus gravitate & honestate, plenus suavitate & gratiâ, tractans de Mysterio legis, de doctrinâ fidei, de virtute continentiae, de disciplinâ justitiæ: unumquemque diversa admonens exhortatione, juxta professionem, morumque qualitatem: videlicet, ut pernoscat, quid, cui, quando, vel quomodo proferat. Cujus præ cæteris speciale officium est, scripturas legere, percurrere Canones, exempla Sanctorum imitari. Vigiliis, jejniis, orationibus incumbere: cum fratribus habere pacem, nec quemquam ex membris suis discerpere. Nullum damnare, nisi comprobatum: nullum excommunicare, nisi discussum. Quique ita humilitate pariter, & auctoritate præstabit; ut nec per nimiam humilitatem suam, subditorum vitia convalescere faciat; nec per immoderatam auctoritatem severitatis potestatem exerceat: sed tantò cautius erga sibi commissos agat, quantò durius à Christo ju-

K k k

dicari formidat. Tenebit quoque illam supereminentem donis omnibus caritatem, sine quâ omnis virtus nihil est. Custos enim Sanctitatis caritas est: locus autem hujus custodis humilitas est. Habebit etiam inter hæc omnia & castitatis eminentiam, ita ut mens, Christi corpus confectura, ab omni inquinamento carnis sit munda & libera. Inter hæc oportet eum sollicitâ dispensatione curam pauperum gerere, esurientes pascere, vestire nudos, suscipere peregrinos, captivos redimere, viduas ac pupillos tueri, pervigilem in cunctis exhibere curam providentiâ & distributione discreta. In quo etiam & hospitalitas ita erit præcipua, ut omnes cum benignitate, & caritate suscipiat. Si enim omnes fideles illud Evangelicum audire desiderant: *Hospes (i) fui, & suscepisti me*, quantò magis episcopus, cujus diversorium cunctorum debet esse receptaculum? Laicus enim unum, aut duos suscipiens, implebit hospitalitatis officium: episcopus si omnes non receperit, inhumanus est. In negotiis autem sæcularibus dirimendis, oportet eum causam merito discernere, non gratiâ. Neque enim sic debet episcopus suscipere potentem, ut contristet contra justitiâ pauperem: neque pro paupere auferre justitiâ à potente. Non defendat improbum, nec sancta (k) indigno committenda arbitretur: neque arguat, aut impugnet, cujus crimen non reprehendit. Erit quoque illi etiam juxta Apostolum, mansuetudo, patientia, sobrietas, moderatio, abstinencia, sive pudicitia, ut non solum ab opere immundo se abstineat, sed etiam ab oculi, oris, & cogitationis errore. Ità ut dum nullum in se vitium regnare permittit, impetrare apud Deum veniam pro subditorum facinoribus valeat. Qui enim ista sectaverit, & Dei minister utilis erit, & perfectum Sacerdotium consummabit.

X. Excerptum Beati Hieronymi ex Epistola ad Titum.

Hujus rei (l) gratiâ reliqui te Crete, ut ea, quæ desunt, corrigas. Reliquit discipulum Titum Crete, ut rudimenta nascentis Ecclesiæ confirmaret, & si quid videbatur deesse, corrigeret: ipse pergens ad alias nationes, ut rursum

(i) Matth. 25. 36.

(k) 1. Tim. 3.

(l) Tit. 1. 3.



sum in eis Christi jaceret fundamentum. Quod autem ait, *ut ea, quæ defunt, corrigas*, ostendit, necdum eos ad plenam venisse scientiam veritatis : & licet ab Apostolo correcti fuerint, tamen adhuc indigere correctione. *Et constituas per civitates Presbyteros, sicut & ego tibi disposui.* Diligenter Apostoli attendamus verba dicentis : *Ut constituas per civitates Presbyteros, sicut & ego tibi disposui.* Qui qualis presbyter debeat ordinari, in consequentibus disserens hoc ait : *Si quis sine crimine est, unius uxoris vir, &c.* postea intulit : *Oportet enim Episcopum sine crimine esse, tanquam Dei dispensatorem.* Idem ergo est presbyter, qui Episcopus. Et antequam diaboli instinctu studia & schismata in religione fierent, ac diceretur in populis : *Ego sum Pauli, ego Appollo, ego autem Cepha*, communi presbyterorum consilio Ecclesiæ gubernabantur. Postquam verò unusquisque eos, quos baptizaverat, putabat suos, non Christi, in toto orbe decretum est, ut unus de presbyteris electus superponeretur cæteris, ad quem omnis cura Ecclesiæ pertineret, & schismatum semina tollerentur. Putat aliquis, non Scripturarum, sed nostram esse sententiam, Episcopum & Presbyterum unum esse, & aliud ætatis, aliud esse nomen officii ? Relegat Apostoli ad Philippen- ses verba, dicentis : *Paulus (m) & Timotheus servi Christi Jesu, omnibus Sanctis in Christo Jesu, qui sunt Philippis, cum Episcopis, & Diaconibus, gratia vobis & pax, & reliqua.* Philippi una est urbs Macedoniæ. Et certè in una civitate plures, ut nunc putatur, Episcopi esse non poterant. Sed quia eosdem episcopos illo in tempore, quos presbyteros appellabant, propterea indifferenter de episcopis, quasi de presbyteris est locutus. Adhuc alicui hoc videatur ambiguum, nisi altero testimonio comprobetur. In actibus Apostolorum scriptum est, quòd, cum venisset Apostolus Paulus Milerum, miserit Ephesum, & convocaverit Presbyteros ejusdem Ecclesiæ, quibus postea inter cætera fit locutus : *Attendite (n) vobis, & universo gregi, in quo vos posuit Spiritus Sanctus Episcopos, pascere Ecclesiam Domini, quam adquisivit per sanguinem suum.* Et hic dili-

gentiùs observate, quomodo unius civitatis Ephesi Presbyteros vocans, postea eosdem Episcopos dixerit. Videamus igitur, qualis presbyter, sive episcopus ordinandus sit. *Si quis est sine crimine, unius uxoris vir, filios habens fideles, non in accusatione luxuriæ, aut non subditos. Oportet enim Episcopum sine crimine esse, tanquam Dei dispensatorem.* Non protervum, non iracundum, non violentum, non percussorem, non turpis lucri appetitorem. Primum itaque sine crimine sit, quod puto alio verbo ad Timotheum, (o) irreprehensibilem nominatum. Non qui eo tantum tempore, quo ordinandus est, sine ullo sit crimine, & præteritas maculas novâ conversatione deleverit : sed ex eo tempore, quo in Christum renatus est, nulla peccati conscientia mordeatur. Quomodo enim potest præses Ecclesiæ auter malum de medio ejus, qui in delictum simile corruerit ? Aut quâ libertate corripere peccantem, cum tacitus sibi ipse respondeat, eadem se admisisse, quæ corripit ? Primum itaque dicendum est, quòd tam Sanctum sit nomen Sacerdotii, ut nobis etiam ea, quæ extra nos sunt posita, reputentur : non quòd propter vitia nostra Episcopi non fiamus, sed quòd propter filiorum incontinentiam ab hoc gradu arcendi simus. Quâ enim libertate possumus alienos filios corripere, & docere, quæ recta sunt, cum nobis statim possit, qui fuerit correptus, ingerere, antè doce filios tuos ? Aut quâ fronte extraneum corripio fornicantem, cum mihi conscientia mea ipsa respondeat : exhæreda ergo filium fornicantem, abjice filios tuos vitiiis servientes ? Cum autem nequam filius in unâ tecum convivatur domo, tu audes de alterius oculo festucam detrudere, in tuo trabem non videns ? Non itaque justus polluitur ex vitiiis filiorum, sed libertas ab Apostolo Ecclesiæ Principi reservatur, ut talis fiat, qui non timeat propter vitia liberorum extraneos reprehendere. Oportet enim episcopum sine crimine esse tanquam Dei dispensatorem. Quæritur ergo inter dispensatores, ut fidelis quis inveniatur : & non comedens & bibens cum ebriosis, percutiat servos & ancillas, sed incertum Domini expectet adventum, & des

(m) Philipp. 1. 2.

(n) Act. 20. 28.

(o) 1. Tim. 3. 2.

det conservis in tempore cibaria. Inter villicum autem & familiam hæc sola distantia est, quodd conservus præpositus est conservis suis. Sciat itaque episcopus & Presbyter, sibi populum esse conservum, non servum. Cætera quæ sequuntur, in nobis posita sunt. *Non protervum*, id est, non tumentem, & placentem sibi, quodd episcopus sit: sed quasi bonum villicum, id requirentem, quod pluribus profit. *Non iracundum*. Iracundus est, qui semper irascitur, & ad levem responsionis auram, atque peccati, quasi à vento folium commovetur. Neque verò, qui aliquando irascitur, iracundus est: Sed ille dicitur iracundus, qui crebrò hac passione superatur. Prohibet quoque episcopum esse vinolentum, ne sensu occupato vel exaltet risum contra gravitatis decorem, & labiis dissolutis cachinner: vel si paululum tristis cujusdam rei fuerit recordatus inter pocula, in singultus prorumpat & lacrymas. Longum est ire per singula, & infanias, quas ebrietas suggerit, explicare. Post vinolentiam etiam hoc præcepit, ne percussor sit. Quod quidem & simpliciter intellectum ædificat audientem, ne facilè manum porrigat ad cædendum, ne in os alterius verberandum insanus erumpat. Melius est autem, ut non percussorem illum esse dicamus, qui mansuetus & patiens, sciat in tempore; quid loquendum sit, quid tacendum, nec sermone inuili conscientiam percutiat infirmorum. Turpis quoque lucri appetitus ab eo, qui Episcopus futurus est, esse debet alienus. Sunt enim multi docentes, quæ non oportet, turpis lucri gratiâ, qui totas domus subvertunt, & putant quæstum esse pietatem. *Melior (p) est autem, juxta Salomonem, modica acceptio cum justitiâ, quàm multa genimina cum iniquitate: & magis diligendum in paupertate nomen bonum, quàm in divitiis nomen pessimum.* Episcopus, qui imitator Apostoli esse cupit, habens victum & vestitum, his tantum debet esse contentus. *Qui (q) Altario serviunt, de Altario vivant.* Vivant, inquit, & non divites fiant. Unde & æs nobis excutitur de zonâ, & unâ tantum tunicâ induimur, ne de crastino cogitemus. Turpis quoque lucri appetitio est, plus de

K k k 2

præsentibus, quàm de futuris cogitare. Hucusque quid non debeat habere Episcopus, sive presbyter, Apostoli sermone præceptum est: nunc è contrario, quid habere debeat, explicatur: *Sed hospitalem, bonorum amatorem, castum, justum, sanctum, continentem; abstinentem, obtinentem eum, qui secundum doctrinam est, fidelem sermonem, ut potens sit consolari in doctrinâ sanâ; & contradicentes arguere.* Ante omnia hospitalitas futuro Episcopo denuntiatur. Si enim omnes illud de Evangelio audire desiderant: *Hospes (r) fui, & suscepisti me*, quantò magis Episcopus, cujus domus omnium commune debet esse hospitium? Laicus enim unum, aut duos, aut paucos suscipiens, implevit hospitalitatis officium: episcopus nisi omnes receperit, inhumanus est. Quomodo itaque mansuetudo, patientia, sobrietas, moderatio, abstinentia lucri, hospitalitas quoque & benignitas præcipuè esse debent in Episcopo, & inter cunctos Laicos eminentia; sic & castitas propriè, & (ut ita dixerim) pudicitia Sacerdotalis: ut non solum ab opere se immundo abstineat, verum à jactu oculi, & cogitationis errore mens, Christi corpus confectura, sit libera. Justus quoque Episcopus esse debet & Sanctus, ut justitiam in populis, quibus præest, exerceat, reddens unicuique, quod meretur, nec accipiat personam in judicio. Inter Laici autem, & Episcopi justitiam hoc interest, quodd Laicus potest apparere justus in paucis: Episcopus verò in tot exercere justitiam, quot & subditos habet.

#### XI. Excerptum ex Epistola Hieronymi ad Oceanum.

*Si quis (s) Episcopatum desiderat, bonum opus desiderat.* Opus, non dignitatem: laborem, non delicias. Opus, quod per humilitatem decrescat, non intumescat fastigio. *Oportet ergo Episcopum irreprehensibilem esse.* Id ipsum quoque ad Titum: *Si quis (t) est sine crimine.* Omnes virtutes in uno sermone comprehendit, & penè rem contra naturam exigit. Si enim omne peccatum, etiam in otioso verbo, reprehensione dignum est: quis ille, qui absque peccato, id

(p) Prov. 16, 8.

(q) 1. Tim. 6.

(r) Matth. 25, 36.

(s) 12, Tim. 3, 1.

(t) Tit. 1, 6.



id est, finè reprehensione, versetur in mundo? Sed futurus Pastor Ecclesiæ talis eligitur, ad cuius comparationem rectè grex cæteri nominentur. Desiniunt Rhetores Oratorem, qui sit vir bonus, dicendi peritus. Ante vitam sit lingua irreprehensibilis, quaritur, ut doctus meritò suscipiatur. Perdit enim auctoritatem dicendi, cuius sermo opere destruitur. *Unius uxoris virum.* Certè de baptizatis sermo est, nemo dubitet. *Sobrium, prudentem, ornatum, hospitalem, Doctorem, pudicum &c.* (u) Sacerdotes, qui ministrant in templo Dei, prohibentur vinum & siceram bibere, ne crapulâ & ebrietate aggraventur corda eorum; & ut sensus, officium exhibens Deo, vigeat semper, & tenuis sit. Quod autem infert, *prudentem*, excludit eos, qui sub nomine simplicitatis excusant stultitiam Sacerdotum. Nisi enim cerebrum sanum fuerit, omnia membra in vicio erunt. *Ornatum.* Qui vitia non habet, irreprehensibilis appellatur: qui virtutibus pollet, ornatus est. Possumus & aliud intelligere ex hoc verbo, juxta illud Tullii: Caput est artis, decere quid facias. Sunt enim quidam ignorantes mensuram suam, & tantæ stoliditatis ac vecordiae, ut & in motu, & in incessu, & in habitu, & in sermone communi risum spectantibus tribuant: & quasi intelligentes, quid sit ornatus, comunt se vestibus & munditiis corporis, & lautiores mensæ epulas parant, cum omnis istiusmodi ornatus, & cultus sordibus fedior sit. Quod autem doctrina à Sacerdotibus expetatur, & veteris præcepta sunt legis, & ad Titum plenius scribitur: (w) Innocens enim, & absque sermone conversatio, quantum exemplo prodest, tantum silentio nocet. Nam latratu canum, baculòque pastoris, luporum rabies deterrenda est. *Non vinolentum, non percussorem.* Virtutibus vitia opposuit. Didicimus, quales esse debeamus: discamus, quales non esse debeant Sacerdotes. Vinolentia scurronum est, & comesatorum: ventèrque mero æstuans, citò despumat in libidines. In vino luxuria, in luxuriâ voluptas, in voluptate impudicitia est. Qui luxuriatur, vivens mortuus est: ergo qui inebriatur, & mortuus, & sepultus est. Noë (x)

ad unius horæ ebrietatem nudavit femora sua, quæ per sexcentos annos sobrietate contexerat. Loth (y) per temulentiam nesciens libidini miscet incestum: & quem Sodoma non vicerat, vina vicerunt. Percussorem autem Episcopum ille condemnat, qui dorsum posuit ad flagella, & maledictus non remaledixit. *Sed modestum.* Duobus malis unum opposuit bonum, ut temulentia & ira modestiâ frænentur. *Non litigiosum, non avarum.* Nihil enim impotentius arrogantia rusticorum, qui garrulitatem auctoritatem putant, & parati semper ad lites, in subjectum sibi gregem tumidis sermonibus tonant. Avaritiam in Sacerdote vitandam, & Samuel docet, Nihil (z) coram populo eripuisse se cuiquam probans: & Apostolorum paupertas, qui refrigeria sumptuum à fratribus accipiebant, & præter victum atque vestitum, nihil se aliud, nec habere, nec velle gloriabantur. Quam ad Timotheum avaritiam, ad Titum turpis lucri cupiditatem notat. *Domum (a) suam bene regentem.* Non ut opes augeat, non ut regias paret epulas, non ut cælatas patinas struat, non ut phasides aves lentis vaporibus coquat, qui ad ossa perveniant, & superficiem carniū non dissolvant artificii temperamento: sed ut, quod populo præcepturus est, prius à domesticis exigat. *Filios habentem subditos cum omni castitate.* Ne scilicet incontinentes imitentur filios Heli, (b) qui in vestibulo templi cum mulieribus dormiebant. *Non neophytum, ne in superbiam elatus in iudicium incidat diaboli.* Heri Catechumenus, hodie Pontifex: heri in amphitheatro, hodie in Ecclesiâ: vespere in circo, manè in altari: dudum fautor histrionum, nunc virginum consecrator. Quod autem ait: *Ne in superbiam elatus in iudicium incidat Diaboli*, quis non exemplo verum probet? Ignorat momentaneus Sacerdos humilitatem, & mansuetudinem rusticorum. Ignorat blanditias Christianas, nescit se ipsum contemnere. De dignitate transfertur ad dignitatem. Non jejunavit, non flevit, non mores suos sæpe reprehendit, & assiduâ meditatione correxit. Non substantiam pauperibus erogavit. De Cathedrâ quodam modo duci-

(u) Levit. 19.

[y] Gen. 19.

[b] 1. Reg. 2.

(w) Tit. 1. 9.

[z] 1. Reg. 12.

(x) Gen. 9.

[a] Tit. 1. 7.

ducitur ad Cathedram, id est, de superbiâ ad superbiam. Judicium autem & ruina Diaboli nulli dubium, quin arrogantia sit. Incidit in eam, qui in puncto horæ, necdum Discipuli, jam Magistri sunt. *Oportet autem eum testimonium habere bonum ab his, qui foris sunt.* Quale principium, talis & clausula. Qui irreprehensibilis est, non solum à domesticis, sed & ab alienis consono ore laudatur. Alieni extra Ecclesiam sunt Judæi, hæretici, atque gentiles. Talis ergo sit Pontifex Christi, ut qui religioni detrahunt, vitæ ejus detrahere non audeant. Hos in Sacerdotibus eligendis Canones observare oportet.

### XII. *Augustini de Pastoribus Ecclesie.*

Qui Pastorum (\*) nomina audire volunt, & Pastorum officium implere nolunt, quid ad eos per Prophetam dicitur, sicut lectum audivimus, recenscamus. Audite vos cum intentione, audiamus nos cum tremore : *Et factum (c) est Verbum Domini*, inquit Ezechiel, *ad me dicens : Fili hominis, propheta super Pastores Israël, & dic ad Pastores Israël.* Hanc lectionem modo, cum legeretur, audivimus. Hinc cum vestra Sanctitate aliquid loqui deerevimus. Adjuvabit ipse, ut vera dicamus, si non nostra dicamus. Nam si nostra dixerimus, pastores erimus, patientes nos, non oves. Si autem illius sunt, quæ dicimus, per quemlibet ipse vos pascit. Hæc dicit Dominus Deus : *O Pastores Israël, qui pascunt se solos.* Numquid non oves pascunt Pastores? Id est, non se pascunt Pastores, sed oves. Hæc prima causa est, quare arguantur isti Pastores, quia se ipsos pascunt, non oves. Qui sunt, qui se ipsos pascunt? De quibus Apostolus dicit : *Omnes (d) enim sua quarunt, non quæ JESU CHRISTI.* Nos enim, quos in loco isto, de quo periculosa ratio redditur, Dominus secundum dignationem suam, non secundum meritum nostrum constituit, habemus duo quædam : Unum, quod Christiani sumus : Alterum, quod Præpositi sumus. Illud, quod Christiani sumus, propter nos est : quod Præpositi sumus, propter vos est. In eo, quod Christiani sumus, attenditur utilitas nostra ; in eo, quod Præpositi sumus, non nisi vestra. Et sunt multi, qui Christiani, & non Præ-

K k k 3

positi, perveniunt ad Deum faciliore fortasse itinere, & tantò fortè expeditius ambulantes, quantò minorem sarcinam portant. Nos autem excepto, quod Christiani sumus, unde rationem reddemus Deo de vitâ nostrâ : sumus etiam Præpositi, unde rationem reddemus Deo de dispensatione nostrâ. Ad hoc istam difficultatem propono, ut compatiētes nobis, oretis pro nobis. Veniet enim dies, quo cuncta adducantur in judicium : & ille dies, si sæculo longè est, unicuique homini suæ vitæ ultimus prope est : tamen utrumque latere voluit Deus, & quando veniat finis sæculi, & quando sit in unoquoque homine hujus vitæ finis. Vis non timere diem occultum, dum venerit? Inveniat te paratum. Cum ergo Præpositi ad hoc sint, ut his, qui subjecti sunt, consulant ; nec ideo, quod præsumunt, omnino utilitatem suam attendant, sed eorum, quibus ministrant : quisquis ita præpositus est, ut in eo, quod præpositus est, gaudeat, & honorem suum quærat, & commoda sua sola respiciat, se pascit, non oves. Ad hos sermo dirigitur. Audite tamquam oves Dei, & videte, quemadmodum vos securos fecerit Deus. Qualescunque sint, qui vobis præsumunt, id est, qualescunque nos simus, vobis securitatem dedit, qui pascit oves Israël. Nam si Deus non deferit oves suas, & mali pastores debitas pœnas luent, & oves promissa percipient. Videamus ergò, quid alloquatur Pastores, se ipsos pascentes, non oves, sermo Divinus neminem palps : *Ecce (e) lac consumistis, & lanis vos tegitis, & quod crassum est, interficitis, & oves meas non pascitis. Quod infirmum est, non confortastis : & quod aegrotat, non corroborastis : & quod tribulatum est, non colligastis : & quod errabat, non revocastis : & quod periit, non requisistis : & quod forte fuit, confregistis : . . . Et dispersæ sunt oves meæ, ed quod non sit pastor.* Dicitur ad Pastores pascentes se ipsos, non oves, quid diligant, quid negligant. Quid ergò diligunt? *Lac consumitis.* Propter quod & Apostolus dicit : *Quis (f) plantat vineam, & de fructu ejus non sumit? Quis pascit gregem, & de lacte gregis non percipit?* Invenimus ergo lac esse gregis, quicquid à plebe distribuitur præpositis, ad eorum sustentandum victum temporalem.

(\*) Aug. lib. ad Pastores. Tom. 10.

(e) Ezech. 34. 2.

(d) Philipp. 2. 21.

(c) Ezech. 34. 3.

(f) 1. Cor. 9. 7.



lem. Inde enim loquebatur Apostolus, cum hæc diceret, quæ commemoravi. Et quidem Apostolus, quanquam elegerit manibus suis transigi, & nec ipsum lac quærere ab ovibus; tamen lactis percipiendi potestatem habere se dixit, & sic Dominum disposuisse, ut, qui Evangelium annuntiant, de Evangelio vivant. Et dicit, alios Coapostolos suos hac potestate usos fuisse, non usurpatâ, sed datâ. Plus ille fecit, ut nec, quod debebatur, acciperet. Ipse ergo donavit & debitum, sed ab aliis non exegit debitum. Ille plus fecit; fortassis enim ipsum significabat, qui ægrum cum adduceret ad stabularium, dixit: *Si quid (g) amplius erogaveris, in redeundo reddam tibi.* De his ergo, qui non indigent lacte gregis, quid plura dicamus? Misericordiores sunt, vel potius ipsius misericordiæ officium largiis impendunt. Possunt, & quod possunt, faciunt. Laudentur hi, nec damnentur illi. Nam & ipse Apostolus datum non quærebat, fructuosas tamen oves suas esse cupiebat, non steriles, sinè lactis ubertate. Itaque cum esset quodam tempore in magnâ indigentia, victus in confessione veritatis, missum est illi à fratribus, unde necessitati & indigentia ejus ministraretur. Respondit autem illis gratias agens, & dixit: *Bene (h) fecistis communicantes necessitatibus meis.* Ego enim didici, in quibus sum sufficiens esse. Scio & abundare, novi & penuriam pati. Omnia possum in eo, qui me confortat. *Veruntamen vos benefecistis vobis mittere meis.* Sed ut ostenderet in eo, quod illi benefecerunt, quid ipse quæreretur, ne inter illos esset, qui se ipsos pascunt, non oves; non tam suæ gaudet subventum esse necessitati, quàm illorum gratulatur fecunditati. Quid ergo ibi quærebat? Non quia quæro, inquit, datum, sed requiro fructum. Non ut ego, inquit, explear, sed ne vos inanes remaneatis. Qui ergo non possunt facere, quod Paulus, ut manibus suis se transigant, accipiant de lacte ovium: sustentent suam necessitatem, sed non negligant ovium infirmitatem. Non hoc ibi quærant tanquam commodum suum, ut ex necessitate penuriæ suæ videantur annuntiare Evangelium, sed hominibus illuminandis parent lucem

verbi veritatis. Sunt enim tanquam lucernæ, sicut dictum est: *Sint (i) lumini vestri præcincti, & lucernæ ardentes.* Et: *Nemo (k) accendit lucernam, & ponit eam sub modio: sed super candelabrum, ut luceat omnibus, qui in domo sunt.* Sic luceat lux vestra coram hominibus, ut videant opera vestra bona, & glorificent Patrem vestrum, qui in calis est. Si ergo tibi lucerna accendetur in domo, nonne adjiceres oleum, ne extingueretur? Porro, si lucerna accepto oleo non luceret, non erat planè digna, quæ in candelabro poneretur, sed quæ continuò frangeretur. Unde ergo vivitur, necessitatis est accipere, caritatis est præbere. Non tanquam venale sit Evangelium, ut istud sit pretium ejus, quod sumunt, qui adnuntiant, unde vivant. Si enim sic vendunt, magnam rem vili vendunt. Accipiant sustentationem necessitatis à populo, mercedem dispensationis à Domino. Non enim est idoneus populus, reddere mercedem illis, qui sibi in caritate Evangelii serviunt. Non exspectent illi mercedem ejus, nisi unde & isti salutem. Quid autem istis increpatur, unde arguuntur? Quia, cum lac sumerent, & lanis se tegerent, oves negligebant. Sua ergo tantum quærebat, non quæ JESU CHRISTI. Sed quoniam diximus, quid sit lac consumere: quæramus, quid sit lanis tegere. Qui præbet lac, potum præbet: & qui præbet lanam, honorem præbet. Ista sunt duo, quæ à pastoribus quæruntur, qui se ipsos pascunt, non oves. Commodum supplendæ necessitatis, & favorem honoris, & laudis quæruntur. Etenim vestimentum propterea bene intelligitur in honore, quia nuditatem contegit. Est enim unusquisque homo infirmus. Et quid est, quisquis vobis præest, nisi quod vos estis? Carnem portat, mortalis est, manducat, dormit, surgit, natus est, moriturus est. Si ergo cogites, quid sit, secundum se ipsum homo est: & tamen honorando eum velut Angelum, contegis, quod infirmum est. Videte, cujusmodi indumentum acceperat à bonâ Dei plebe idem Paulus, cum diceret: *Sicut Angelum (l) Dei exceperitis me.* Testimonium enim vobis perhibeo, quia si fieri posset, oculos vestros eruissetis, & dedissetis mihi. Sed cum tantus illi honor exhibitus esset, num-

(g) Luc. 10. 35.

(h) Philip. 4. 11. &amp; 14.

(i) Luc. 12. 33.

(k) Matth. 5. 15.

(l) Gal. 4. 14. 15.

numquid propter ipsum honorem sibi exhibitum, ne fortè negaretur, & minùs ille, cùm argueret, laudaretur, pepercit errantibus? Nam si hoc fecisset, esset inter illos, qui se ipsos pascunt, non oves. Diceret ergo apud se ipsum: Quid ad me pertinet? Quisque quod velit, agat. Victus meus salvus est. Honor meus salvus est, & lac, & lana satis est mihi. Eat quisque, quà potest. Ergo integra tibi sunt omnia, si eat quisque, quà potest? Nolo te præpositum facere: unum te constituo de ipsà plebe. Si patitur unum membrum, compatiuntur omnia membra. Proinde ipse Apostolus cùm eis commemorat, quales fuerint erga illum, ne quasi oblitus eorum honorificentia videretur, testimonium perhibet, quòd sicut Angelum Dei susceperint eum: quod si fieri posset, oculos suos vellent eruere, & illi dare. Et tamen accedit ad ovem languidam, ad ovem putridam, secare vulnus, non parcere putredini. Ergo, inquit, *inimicus factus sum, vobis prædicans veritatem?* Ecce & accepit de lacte ovium, sicut paulò ante commemoravimus, & indutus est lanis ovium, sed tamen oves non neglexit. Non enim sua quærebat, sed quæ JESU CHRISTI. Absit ergo, ut dicamus vobis: vivite, ut vultis: securi estote, Deus neminem perdet. Tantummodò Fidem Christianam tenete. Non perdet ille, quod redemit. Non perdet, pro quibus sanguinem fudit. Et si spectaculis volueritis oblectare animos vestros; ite, quid mali est? Et festa ista, quæ celebrantur per universam civitatem in latitiâ convivantium, & publicis mensis, se ipsos, ut putant, jocundantium, re verà perdentium, ite, celebrate securi: magna est Dei misericordia, quæ totum ignoscat. Coronate vos rosis, antequam marcescant. In domo Dei vestri, quando volueritis, convivamini: implemini cibo & vino cum vestris. Ad hoc enim data est illa creaturâ, ut fruamini eâ. Non enim pagani & impii dedit Deus, & vobis non dedit. Hæc, si dixerimus, fortè congregabimus turbas ampliores. Et si sunt quidam, qui sentiant, nos hæc dicentes non rectè sapere, paucos offendimus, sed multitudinem conciliamus. Quod si fecerimus, non verba Dei, non verba

Christi dicentes, sed nostra: erimus pastores pascentes nosmetipsos, non oves. Cùm autem dixisset, quæ diligant isti pastores, dicit & quæ negligant. Vicia enim ovium latè patent. Sanæ, atque crassæ oves perpaucæ sunt, id est, solidæ in cibo veritatis, utentes pascuis bene de munere Dei. Sed mali illi pastores non parcunt talibus. Parum est, quòd illas languentes, & infirmas, & errantes, & perditas non curant. Etiam istas fortes & pingues necant, quantum in ipsis est: & illæ, si vivunt, de misericordia Dei vivunt; tamen quantum ad pastores malos attinet, occidunt. Quomodo, inquit, occidunt? malè vivendo, malum exemplum præbendo. An frustra dictum est Servo Dei eminenti in membris Summi Pastoris: *Circa omnes te ipsum (m) bonorum operum præbens exemplum, & forma esto fidelibus?* Attendit enim, ovis, etiam fortis, plerumque præpositum suum malè viventem, si declinet oculos à regulis Domini. Intendit in hominem, incipit dicere in corde suo: si præpositus meus sic vivit, ego quis sum, qui non faciam, quod ille facit? occidit ovem fortem. Si fortem ergo occidit ovem, jam de cæteris quid faciet? qui illud, quod non ipse fructificaverat, sed forte, aut robustum invenerat, malè vivendo interfecit? Dico caritati vestræ, ac iterum dico, etsi vivunt oves, etsi fortes sunt oves in verbo Domini, & tenent illud, quod audierunt à Domino suo: *Quæ (n) dicunt, facite: quæ autem faciunt, facere nolite:* Tamen, qui in conspectu populi malè vivit, quantum in illo est, eum, à quo attenditur, occidit. Non sibi ergo blandiatur, quia ille non est mortuus: & ille vivit, & iste homicida est. Quomodo cùm lascivus homo intendit in mulierem ad concupiscendum eam, ecce illa casta est, & moechatus est iste: Domini enim vera & aperta est sententia: *Quisquis (o) viderit mulierem ad concupiscendum eam, jam mæchatus est eam in corde suo.* Non pervenit ad illius cubiculum, & in interiore suo cubiculo jam volutatur. Sic omnis, qui malè vivit in conspectu eorum, quibus præpositus est, quantum in ipso est, occidit etiam fortes oves. Qui ergo imitatur præpositum malum, moritur: qui non imitatur, vivit: tamen quantum ad illum pertinet, ambos occi-

(m) Tit. 2. 7.

(n) Math. 23. 3.

(o) Math. 25. 8.



occidit. *Et quod crassum est*, inquit, *interfecistis*, & *oves meas non pascitis*. Jam audistis, quid diligant: videte, quid negligent. *Quod infirmatum est*, non confortastis: & *quod malè habuit*, non corroborastis: & *quod contribulatum est*, & *quod confractum est*, non colligastis: & *quod errabat*, non revocastis: & *quod periit*, non inquisistis, & *quod forte fuit*, confregistis, interfecistis, occidistis. Infirmatur ovis, id est, infirmum cor gerit, ut possit cedere tentationibus, incauto & imparato supervenientibus. Pastor negligens, quando sic credit talis, non illi dicit: *Fili, (p) accedens ad servitutem Dei, sta in iustitia & timore*, & *præpara animam tuam ad tentationem*. Qui hæc enim loquitur, confortat infirmum, & ex infirmo facit firmum, ut non ille, cum crediderit, prospera hujus sæculi speret. Si enim doctus fuerit sperare prospera sæculi, ipsa prosperitate corrumpitur, supervenientibus adversitatibus sauciatur, aut fortassis extinguitur. Non ergo eum ædificat super petram, qui sic ædificat, sed super arenam ponit: *Petra autem erat Christus*. Christi passiones imitandæ sunt, non à Christianis deliciæ conquiendæ. Confortatur infirmus, cum ei dicitur, spera. Imminent quidem tentationes hujus sæculi, sed ab omnibus te eruet Dominus, si ab illo non recesserit retrò cor tuum. Nam ad confortandum cor tuum venit ille pati, venit ille mori, venit sputis illiniri, venit spinis coronari, venit opprobria audire, venit postremò ligno configi. Omnia hæc ille pro te: tu nihil pro illo, sed pro te. Quales autem sunt, qui timentes hos lædere, quibus loquuntur, non solum non præparant ad imminentes tentationes, sed etiam promittunt felicitatem hujus sæculi, quam Deus ipsi sæculo non promisit? Ille prædicit labores super labores, usque in finem venturos ipsi sæculo; & tu vis ab ipsis laboribus exceptum esse Christianum? quia Christianus est, aliquid plus passurus est in hoc sæculo. Etenim ait Apostolus: *Omnes (q) qui volunt in Christo piè vivere, persecutionem patientur*. Jam si tibi placet pastor sua quærens, non quæ Jesu Christi, ille dicat: omnes, qui volunt in Christo

piè vivere, persecutionem patientur: & tu dic, si in Christo piè vixeris, abundabunt tibi omnia bona. Et si filios non habes, suscipies, & nutries omnes, & nemo tibi morietur. Hæccine est ædificatio tua? Attende, quid facias, ubi ponas. Super arenam est, quod constituis. Venturus est imber, influxurus est fluvijs, flaturus est ventus, & impingent in domum istam, & cadet, & fiet ruina ejus magna. Leva de arenâ, pone supra petram: in Christo sit, quem vis esse Christianum. Attendat ad passiones Christi indignas. Attendat illum sine ullo peccato, quæ non rapuit, exolvemtem. Attendat scripturam dicentem sibi: *Flagellat (r) omnem filium, quem recipit*. Et tu dicis: fortè exceptus eris? si exceptus à passione flagellorum, à numero filiorum. Itane, inquires, flagellat omnem filium? Proflus flagellat omnem filium, ut & unicum. Unicus ille de Patris substantiâ natus, æqualis Patri in formâ Dei, Verbum, per quod facta sunt omnia, non habebat, unde flagellaretur. Ad hoc carne indutus est, ut sine flagello non esset. Qui ergo flagellat unicum sine peccato, relinquit cum peccato adoptatum? In adoptionem vocatos nos esse Apostolus dicit: *Adoptionem (s) filiorum accepimus*, ut essemus unico cohæredes, essemus etiam hæreditas ejus. *Postula à me, & dabo tibi gentes hæreditatem tuam*. Exemplum nobis proposuit in passionibus suis. Sed planè, ne in futuris tentationibus deficiat infirmus, nec fallâ spe decipiendus est, nec terrore frangendus. Dices ei: *Præpara animam tuam ad tentationem*. Et fortè incipit labi, contremiscere, nolle accedere. Habes & aliud: *Fidelis (t) Deus, qui non vos sinet tentari, supra quàm potestis ferre*. Illud enim promittere, & prædicere venturas passiones, infirmum confirmare est. Timenti autem nimium, & ex hoc deterrito, cum polliceris misericordiam Dei, non quia tentationes deerunt, sed quia non permittit tentari supra, quàm ferre potest, fructum colligere est. Sequitur: *Quod infirmatum est*, inquit, non confortastis. Pastoribus malis dicit, Pastoribus falsis, Pastoribus sua quærentibus, non quæ Jesu Christi, & commodo lætis & læanæ gaudentibus, oves omni-

(p) Eccles. 2. 1.

[s] Gal. 4. 5.

(q) 1. Tim. 2. 12.

(r) 1. Cor. 10. 15.

(r) Hæbr. 12. 6.

omnino non curantibus. *Et quod malè habuit, non corroborasti.* Inter infirmum, id est, non firmum, & ægrotum, id est, malè habentem, hoc mihi videtur interessè. Etenim inter ista, fratres, quæ distinguere utcumque conamur, fortè & nos possumus majori diligentia meliùs distinguere, & alius peritior, vel lumine cordis plenior. Interim ne fraudemini, quod sentio, loquor. Infirmo, ne accidat tentatio, & eum frangat, timendum est. Languens autem jam cupiditate aliquà ægrotat, jam cupiditate aliquà impeditur ab intrandâ viâ Dei, à subeundo jugo Christi. Qui ergo videtur fervere in operibus bonis, sed imminentes passionibus tolerare nolle, aut non posse, infirmi sunt: qui verò aliquà cupiditate malâ amatores mundi, ab ipsis bonis operibus revocantur, languidi, & ægroti jacent. Quippe, qui in ipso languore tanquam sinè ullis viribus nihil boni possent operari. Sequitur: *Et quod (u) errabat, non revocasti: & quod periit, non inquisisti.* Hic inter manus latronum, & dentes luporum furentium utcumque veriamur: & contumaces sunt oves, quia quæruntur errantes. Alienas se à nobis dicunt, errore suo, & perditione suâ. Quid nos vultis, inquirunt, quid nos quæratis? Si in errore, inquit, sum, si in interitu, quid me vis? quid me quæris? Quia in errore es, revocare volo: quia periisti, invenire volo. Sic volo errare, sic volo perire. Sic vis errare? Sic vis perire? Quanto meliùs ego nolo? Prorsus audeo dicere, importunus sum. Audio dicentem Apostolum: *Prædica (w) verbum, infra opportunè, importunè.* Quibus opportunè? Quibus importunè? Opportunè utique volentibus, importunè nolentibus. Prorsus importunus sum, audeo dicere. Tu errare? Tu vis perire? Ego nolo. Revocabo errantem, requiram perditam, velis, nolis, id agam, est me inquirentem laniant vepres sylvarum, per omnia angusta me coarctabo. Omnes sepes excutiam, quantum mihi virium terrens Dominus donat. Omnia peragrabo, revocabo errantem, requiram pereuntem. Timeo, ne negligens te, etiam, quod forte est, occidam. Vide enim quid sequitur: *Et quod forte fuit, confregistis.* Si neglexero

errantem, atque pereuntem, & eum, qui fortis est, delectabit errare, atque perire. Cupio lucra exteriora, sed timeo plùs damna interiora. Si indifferenter habuero errorem tuum, attendit qui fortis est, cum te perditum non requiro, & putat nihil esse, ire in hæresim? Non frustra ergo, cum jam dixisset superiùs: quod crassum est, interfecistis: Hic iterum in novissimo posuit, & quod forte fuit confregistis. Proinde audi, quid sequatur de istâ negligentia malorum, imò falsorum Pastorum: *Et disperse sunt oves meæ, ed quod non sit Pastor, & factæ sunt in comesturam omnibus bestiis agri.* Furantur lupi insidiantes, rapiunt leones frementes, cum oves adhærent Pastori. Nam præsens est Pastor, sed malè agentibus non est Pastor: & inhærent Pastoribus, non Pastoribus, se ipsos videlicet, non oves pascentibus: & lethalis error consequitur. Eunt in Bestias deprædantes se, & de illarum morte se satiare cupientes. Tales enim sunt omnes, qui gaudent de erroribus alienis. Dispersæ sunt, & erraverunt oves meæ in omnem montem, & in omnem collem altum: hoc est, in omnem tumorem terrenæ superbiæ. Mons enim & collis, tumor terrenus, & superbia sæculi intelligitur. Sunt enim & montes boni, de quibus Propheta dicit: *Levavi (x) oculos meos in montes, unde veniet auxilium mihi.* In omnem montem, & in omnem collem, & in omnem faciem terræ lucent, & in omnem faciem terræ dispersæ sunt, omnia terrena sectantes. Ea, quæ in faciem terræ lucent, ipsa amant, ipsa diligunt. Nolunt mori, ut abscondatur vita eorum in Christo. Propterea Pastores audite sermonem Domini: *Vivo ego, dicit Dominus Deus: Ecce ego ipse requiram oves meas, & visitabo eas, sicut visitat Pastor gregem suum.* Non curaverunt mali Pastores, non enim suo sanguine redemerunt. *Sicut visitat, inquit, Pastor gregem suum in diem.* In qualem diem? Cum fuerit nimbus & nubes, id est, in pluviam, & in nebulâ. Pluvia & nebula, error sæculi hujus, caligo magna surgens de cupiditatibus hominum, & nebula valida conterens (\*) terram. Et difficile est, ut non errent oves in ista nebula: sed Pastor non deserit eas, in-

(u) Ezech. 34. 4.

(w) 2. Tim. 4. 2.

(x) Psal. 120. 1.

(\*) Fortè: contegens.



inquit eas, penetrat nebulam oculis validis, & acutissimis, non impeditur caligine nubium. Videt undique, errantem revocat. Tantum ut fiat, quod dicit in Evangelio: *Quæ (y) sunt oves meæ, audiant vocem meam, & sequuntur me.* In medio ovium disperfarum: sic inquiram oves meas, & reducam eas ab omni loco, quod disperfæ sunt illic. In die nubis & nimbi, quando difficile est inveniri eas, tunc ego inveniam. Crassa est nebula, pinguis nimbus est; oculos ejus nihil latet. Et educam eas de gentibus, & colligam eas de regionibus, & inducam eas in terram earum, & pascam eas super montes Israël. Constituit super montes Israël Authores scripturarum Divinarum. Ibi pascite, ut securè pascatis. Quidquid inde audieritis, hoc vobis bene sapiat: quidquid extra est, respuite. Ne erretis in nebula, audite vocem Pastoris: colligite vos ad montes Scripturæ Sanctæ. Ibi sunt delicæ cordis vestri. Ibi nihil venenosum, nihil alienum. Uberrima pascua sunt. Vos tantum sanæ venite, sanæ pascimini in montibus Israël, & in rivis, & in omni habitatione terræ. A montibus enim, quos ostendimus, manaverunt rivi prædicationis Evangelicæ, cum in omnem terram exivit sonus eorum. Et facta est omnis habitatio terræ pascendis ovibus læta, atque fecunda. In pascuis bonis pascam eas, & in montibus altis Israël: & erunt stabula earum illic, hoc est, ubi requiescant, ubi dicant: bene est, verum est, & manifestum est. Non fallimur. In gloria Dei requiescent, tanquam in stabulis illis, & dormient, hoc est, requiescent in deliciis suis bonis, & in pascuis pinguibus pascuntur super montes Israël. Sequitur: quod enim primum curavit, iterum dicit: *Hæc dicit Dominus Deus: quod periit, inquiram: & quod erravit, revocabo: & quod imminutum, colligabo: & quod exanime est, confortabo: & quod pingue est, & forte, custodiam.* Quod non faciebant mali Pastores, se ipsos pascen- res, non oves. Non ait Dominus, constituam alios bonos Pastores, qui faciant hæc; sed ego, inquit, faciam: oves meas nulli committam. Securi vos fratres, securæ vos oves. Nobis vide-

tur timendum, quasi desit bonus Pastor. Et addit sic: *Et pascam eas eum judicio.* Vide, quia sic solus pascit cum judicio pascens. Quis enim homo certum judicat de homine? Temerariis judiciis plena sunt omnia. De quo desperavimus, subito convertitur, & fit optimus: de quo præsumpsimus, subito deficit, & fit pessimus. Nec timor ergo noster certus est, nec amor noster certus. Quid sit hodie quisque homo, vix novit ipse homo: tamen, utcumque ipse quid hodie; quid autem cras, nec ipse. Pascit ergo ille cum judicio, dispersiens propria propriis. Novit enim, quid agat. Cum judicio pascit, quos judicatus redemit. Sequitur. Absint, ut desint modò boni Pastores. Absint à nobis, ut desint. Absint à misericordiâ ipsius, ut non eos gignat atque constituat. Utique si sunt bonæ oves, sunt & boni Pastores. Nam de bonis ovibus fiunt boni pastores. Sed omnes boni Pastores in uno sunt, unum sunt. Illi pascant, Christus pascit. Sint ergo omnes in pastore uno, & dicant vocem pastoris unam, quam audiant oves & sequantur pastorem suum, & non illum, aut illum, sed unum. Et omnes in illo una voce dicant, diversas voces non habeant.

XIII. *De Pastoribus animarum, quales in Ecclesiâ eligi debeant.* Gregorii.

Cum rerum (z) necessitas exposcit, pensandum valde est, ad culmen quisque regiminis qualiter veniat: atque ad hoc ritè perveniens qualiter vivat, & bene vivens, qualiter doceat, & rectè docens, infirmitatem suam quotidie quantà consideratione cognoscat: ne aut humilitas accessum fugiat, aut perventioni vita contradicat; aut vitam doctrina destituat, aut doctrinam præsumptio extollat. Prius ergo appetitum timor temperet: post autem magisterium, quod non à quærente suscipitur, vita commendet. Ac deinde necesse est, ut Pastoris bonum, quod vivendo ostenditur, loquendo propagetur. Ad extremum verò superest, ut perfectæ quæque opera consideratione propriæ infirmitatis deprimat, ne hæc ante occulti arbitri oculos tumor elationis extinguat. Esaias quoque ait: *Clama, (a) ne cesses: sicut tu-*

(y) Joan. 10. 17.

(a) Esa. 58. 1.

(z) Pastoralis. p. 1. in Prooëmio.

*ba exalta vocem tuam.* Præconis namque officium fuscipit, quisquis ad Sacerdotium accedit, ut ante adventum judicis, qui terribiliter sequitur, ipse scilicet clamando gradiatur. Sacerdos (b) ergo, si prædicationis est nescius, quam clamoris vocem daturus est præco mutus? Fortes, perseverantesque doctores, velut imputribilia ligna quærendi sunt, qui instructioni sacrorum voluminum semper inhærentes, Sanctæ Ecclesiæ unitatem denuntiant, & quasi intromissi circuli arcæ Domini portent. Vestibus arcæ Testamenti portare, est bonis Doctoribus Sanctam Ecclesiam ad rudes infidelium mentes prædicando deduci. Qui auro quoque jubentur operiri, ut cum sermone aliis insonant, ipsi etiam vitæ splendore fulgeant. Necesse est igitur, ut, qui ad officium prædicationis excubant, à sacræ lectionis studio non recedant. Ad hoc namque vestes esse in circulis arcæ semper jubentur, ut cum portari arcam opportunitas exigit, de intromittendis vestibus portandi tarditas nulla generetur: quia videlicet, cum spiritale aliquid à subditis pastor inquiritur, ignominiosum valde est, si tunc quærat discere, cum quæstionem debet enodare. Circulis arcæ fœderis vestes inhæreant, ut Doctores semper in suis cordibus eloquia sacra meditates, testamenti arcam sinè mora elevent, si quidquid necesse est, protinus docent. Unde bene primus Pastor Ecclesiæ Pastores cæteros admonet, dicens: *Parati (c) semper estote, ad satisfactionem de ea, quæ in vobis est, spe.* Ac si apertè dicat, ut ad portandam arcam mora nulla præpediat, vestes à circulis nunquam recedant. Sancti (d) viri, dum præsumunt, non in se potestatem ordinis, sed æqualitatem conditionis attendant: Nec præesse gaudeant hominibus, sed prodesse. Sciant enim, quod antiqui Patres nostri, non tam Reges hominum, quam Pastores pecorum fuisse memorantur. Cum Noë Dominus, filiisque ejus post diluvium diceret: *Crescite (e) & multiplicamini, & implete terram.* Subditur: *Et terror vester, ac tremor sit super cuncta animalia terræ.* Homo quippe animalibus irrationalibus, non autem cæteris hominibus naturâ

LII 2

prælati est. Idcirco ei dicitur, ut ab animalibus, non ab homine timeatur; quia contra naturam superbiere est, ab æquali velle timeri. Cuncti, (f) qui præsumunt, non in se potestatem debent ordinis, sed æqualitatem pensare conditionis. Nam sicut præfati sumus, antiqui Patres nostri Pastores pecorum, & non Reges hominum fuisse memorantur. Necesse est ergo, ut Rectores à subditis timeantur, quando ab iisdem Deum minime timeri deprehendunt: ut humanâ saltē formidine peccare metuant, qui Divina judicia non formidant. Nequaquam Præpositi ex subditorum timore superbiant, in quo non suam gloriam, sed subditorum justitiam quærunt. In eo autem, quod metum sibi à perversè viventibus exigunt, quasi non hominibus, sed animalibus dominantur: quia videlicet, ex quâ parte bestiales sunt subditi, ex eâ debent etiam formidini jace-re substrati. Facies Sanctæ Ecclesiæ sunt hi, qui in locis regiminum positi apparent primi, ut ex eorum specie honor sit fidelis populi, etiam si quid in corpore latet deforme. Qui nimirum prælati plebibus, plangunt culpas infirmantium, séque sic de alienis lapsibus, ac si de propriis affligunt. Sæpe rectores boni, dum quosdam vident ad veniam post culpas redire, quosdam verò in iniquitate persistere, occulta omnipotentis Dei judicia mirantur, sed penetrare nequeunt. Obstupefcunt enim, (g) quæ non intelligunt. Ille modis omnibus debet ad exemplum vivendi pertrahi, qui cunctis carnis passionibus moriens, jam spiritaliter vivit: qui prospera mundi postposuit, qui nulla adversa pertimescit, qui sola interna desiderat, cujus intentioni bene congruens, nec omnino per imbecillitatem corpus, nec valde per contumaciam repugnat spiritus. Ipse nihilominus ad dignitatem pastoralis officii debet provehi, qui ad aliena capienda non ducitur, sed propria largitur: qui per pietatis viscera citius ad ignoscendum flectitur, sed non plùs, quàm decet, ignoscens, ab arce rectitudinis inclinatur: qui nulla illicita perpetrât, sed perpetrata ab aliis, ut propria deplorat: qui ex affectu cordis alienæ

[b] Pastor. p. 2. Cap. 11.

[c] 1. Pet. 3. 14.

(d) Moral. Lib. 21, Cap. 10.

(e) Gen. 9. 2.

(f) Pastor. part. 2. Cap. 16.

(g) Pastor. Lib. 1. Cap. 10.



alienæ infirmitati compatitur, sicque in bonis proximi, sicut in suis proVectibus lætatur. Ad dignitatem Pontificalis Excellentia rectè pervenit, qui ita se imitabilem cæteris in cunctis, quæ agit, insinuat, ut inter eos non habeat, quod saltem de transactis mens erubescat: qui sic studet vivere, ut proximorum quoque corda arentia doctrinæ valeat fluentis irrigare: qui orationis usû experimento jam didicit, quod obtinere à Domino, quæcunque poposcerit, possit: cui prophetica voce jam quasi specialiter dicitur: *Adhuc (\*) loquente te, dicam, ecce adsum.* Si fortasse quisquam veniat, ut pro se ad intercedendum nos apud potentem quempiam virum, qui sibi iratus, nobis verò est incognitus, ducat, proinus respondemus: ad intercedendum venire non possumus, quia familiaritatis ejus notitiam non habemus. Si ergo homo apud hominem, de quo minime præsumit, fieri intercessor erubescit; quâ mente apud Dominum intercessionis locum pro populo arripit, qui familiarem se ejus gratiæ esse per vitæ meritum nescit? Aut ab eo quomodo aliis veniam postulat, qui, utrum sibi sit placatus, ignorat? Quâ in re est adhuc aliud sollicitius formidandum, ne, qui placare iram posse creditur, hanc ipse ex proprio reatu mereatur. Cuncti liquidò novimus, quia cum is, qui displicet, ad intercedendum mittitur, iratus animus ad deteriora provocatur. Qui adhuc terrenis desideris adstringitur, caveat, ne districti iram judicis gravius accendens, dum loco delectatur gloriæ, fiat subditis auctor ruinæ. Solerter se quisque metiatur, ne locum regiminis assumere audeat, si adhuc in se vitium damnabiliter regnat: ne is, quem crimen depravat proprium; intercessor fieri appetat pro culpis aliorum.

XIV. *Ut indigni ac imperiti ad pastorale Magisterium accedere non præsumant.* Gregorii.

Sunt (b) plerique Pastorum, qui dum metiri se nesciunt, quæ non didicerunt, docere concupiscunt. Qui pondus magisterii tantò levius æstimant, quantò vim magnitudinis illius ignorant.

Ut quia indocti, ac præcipientes doctrinæ arcem tenere appetunt, à præcipationis suæ ausibus in ipsâ locutionis janua repellantur. Nulla ars doceri præsumitur, nisi intentâ prius meditatione discatur. Ab imperitis ergo pastorale magisterium, quâ temeritate suscipitur, quando ars est artium, regimen animarum? Quis autem cogitationum vulnera occultiora esse nesciat vulneribus viscerum? Et tamen sæpe, qui nequaquam spiritalia præcepta cognoverunt, cordis se medicos profiteri non metuunt: dum qui pigmentorum vim nesciunt, videri medici carnis erubescunt. Sunt nonnulli, qui intra Sanctam Ecclesiam per speciem regiminis gloriam affectant honoris. Videri Doctores appetunt, transcendere cæteros concupiscunt, attestante Veritate: *Primos (i) recubitis in canis, primas in conventibus cathedras querunt:* qui susceptum curæ pastoralis officium ministrare dignè tantò magis nequeunt, quantò ad humilitatis magisterium ex solâ elatione pervernerunt. Ipsa quippe in magisterio lingua confunditur, quando aliud discitur, & aliud docetur. Contra indignos Pastores Dominus per Prophetam queritur, dicens: *Ipsi (k) regnaverunt, & non ex me: Principes extiterunt, & non cognovi.* Ex se namque, & non ex arbitrio Summi Rectoris regnant, qui nullis fulti virtutibus, nequaquam Divinitus vocati, sed suâ cupiditate accensi culmen regiminis rapiunt potius, quàm assequuntur. Inutiles Sacerdotes internus iudex & provehit, & non cognoscit; quia quos permittendo tolerat, profectò per judicium reprobationis ignorat. Unde ad se quibusdam, & post miracula venientibus, dicit: *Recedite (l) à me operarii iniquitatis: Nescio, qui estis.* Pastorum imperitia voce veritatis increpatur, cum per Prophetam dicitur: *Ipsi (m) Pastores ignoraverunt intelligentiam.* Quos rursus Dominus detestatur, dicens: *Et tenentes (n) legem, nescierunt me.* Et nesciri ergo se ab eis veritas conqueritur, & nescire se principum nescientium se protestatur: quia profectò hi, qui ea, quæ sunt Domini, nesciunt, à Domino nesciuntur, Paulo attestante, qui ait: *Si quis (o) autem ignorat, ignorabitur.* Plerumque Pastorum

impe-

(\*) Isaia 58.

(k) Osee 8. 4.

(n) Hier. 2. 8.

(b) Greg. in Prol. Pastoralis,

(l) Luc. 13. 17.

(o) 1. Cor. 14. 39.

(i) Math. 23. 6.

(m) Eisa 56. 11.

imperitia meritis congruit subjectorum: quia quamvis lumen scientiæ suâ culpâ exigente non habeant: districto tamen iudicio agitur, ut per eorum ignorantiam etiam hi, qui sequuntur, offendant. Hinc namque in Evangelio per semetipsam Veritas dicit: *Si cæcus (p) cæco ducatum præbeat, ambo in foveam cadunt.* Hinc Psalmista non optantis animo, sed prophetantis mysterio denuntiat, dicens: *Obscurentur oculi eorum, ne videant, & dorsum eorum semper incurva.* Oculi quippe sunt, qui in ipsa honoris summâ facie positi, providendi itineris officium susceperunt. Quibus hi nimirum, qui subsequenter inhærent, dorsa nominantur. Obscuratis ergo oculis dorsum flectitur: quia cum lumen scientiæ perdunt, qui præeunt, profectò ad portanda peccatorum onera curvantur, qui sequuntur. Indigni quippe tanti reatus pondera fugerent, si veritatis sententiam sollicitâ cordis aure pensarent, qui ait: *Qui (q) scandalizaverit unum de pusillis istis, qui in me credunt, expedit ei, ut suspendatur mola asinaria in collo ejus, & demergatur in profundum maris.* Ne temerare sacra regimina, quisquis his impar est, audeat: & per concupiscentiam culminis ducatum suscipiat perditionis. Hinc enim piè Jacobus prohibet, dicens: *Nolite (r) plures Magistri fieri, fratres mei.* Hinc ipse Dei, hominûmque Mediator regnum percipere vitavit in terris: qui supernorum quoque spirituum scientiam sensumque transcendens, ante sæcula regnat in cœlis. Plerumque adversitatis magisterio sub disciplinâ cor premitur: quod, si ad regiminis culmen eruperit, in elationem protinus usu gloriæ permutatur. Sic Saul, qui indignum se prius considerans, fugerat: mox, ut regni gubernacula suscepit, intumuit: honorari namque coram populo cupiens, dum reprehendi publicè noluit, ipsum tamen, qui in Regem se unxerat, absceidit. David Propheta, Authoris sui iudicio penè in cunctis actibus placens, mox, ut pressuræ pondere caruit, in tumorem vulneris erupit: factusque est in morte viri crudeliter rigidus, qui in appetitu feminæ enerviter fuerat flexus. Et, qui malis antè piè noverat parcere, in bonorum quoque nece post didicit sinè obstaculo

LII 3

retractationis anhelare. Prius quippe ferire deprehensum persecutorem noluit, & post cum damno desudantis exercitûs etiam devotum militem extinxit. Quem profectò ab electorum numero culpa longius raperet, nisi hunc ad veniam flagella revocassent. Plerumque qui subire magisterium (s) pastorale cupiunt, nonnulla quoque bona opera animo proponunt. Et quamvis hoc elationis intentione appetant, operaturos tamen se magna pertractant. Fitque, ut aliud in imis intentio suprimat, aliud tractantis animo superficies cogitationis ostendat. Nam sibi ipsa de se mens sæpe mentitur, & fingit se de bono opere amare, quod non amat: de mundi autem gloriâ non amare; quod amat. Sæpe mens principi appetens, fit ad hoc pavida, cum quærit: audax, cum pervenerit. Tendens enim, ne non perveniat, trepidat: sed repentè perveniens jure sibi hoc debitum, ad quod pervenerit, putat. Cumque percepto principatûs officio perfrui sæculariter caperit, libenter obliviscitur, quidquid religiosè cogitavit. Necessè est enim, ut cum cogitatio extra usum ducitur, protinus mentis oculus ad opera transacta revocetur: ac penset quisque, quid subiectus egerit. Et repentè cognoscit, si Præatus bona agere, quæ proposuerit, possit. Quia nequaquam valet in culmine humilitatem discere, qui in imis positus non desit superbire. Nescit laudem, cum suppetit, fugere; qui ad hanc didicit, cum deesset, anhelare. Nequaquam vincere avaritiam potest, quando ad multorum sustentationem tendit is, cui sufficere propria nec soli potuerunt. Ex antea actâ ergò vitâ se quisque inveniat, ne in appetitu se culminis imago cogitationis illudat. Plerumque in occupatione regiminis ipse quoque boni operis usus perditur, qui in tranquillitate tenebatur: quia quieto mari rectè navem & imperitus dirigit; turbato autem tempestatum fluctibus etiam peritus se nauta confundit. Quid est potestas culminis, nisi tempestas mentis, in quâ dum cogitationum semper procellis navis cordis quatitur, huc, illucque incessanter impellitur, ut per repentinos excessus oris & operis, quasi per obviantia saxa frangatur? Inter hæc, quæ protulimus, quid

(p) Matt. 15. 14.

(q) Matt. 18. 6.

(r) Jac. 3. 1.

(s) Greg. l. cit. C. 9.



quid sequendum est, quid tenendum, nisi ut virtutibus pollens, coactus ad regimen veniat; virtutibus vacuus, nec coactus accedat? Ille si omnino renititur, caveat, ne acceptam pecuniam in sudario ligans, de ejus occultatione judicetur. Pecuniam quippe in sudario ligare, est, percepta dona sub otio lenti torporis abscondere. At contra iste, cum regimen appetit, attendat, ne per exemplum pravi operis Phariseorum more ad ingressum Regni tendentibus obstaculum fiat. Qui juxta vocem (r) Magistri, nec ipsi intrant, nec alios intrare permittunt. Considerandum quoque est, quia cum causam populi electus præful suscipit, quasi ad ægrum medicus accedit. Si ergo adhuc in ejus opere passiones vivunt, quâ præsumptione percussus mederi properat, qui in facie vulnus portat?

#### XV. De indignis Præpositis.

Isidori.

Non sunt (u) promovendi ad regimen Ecclesiæ, qui adhuc vitiis subjacent. Hinc est, quod præceptum est David, non ædificare visibile templum, quia sanguinum vir belli frequentia esset. Quâ figurâ illi spiritaliter admonentur, qui vitiorum adhuc corruptioni sunt dediti, ne templum ædificent, hoc est, Ecclesiam docere præsumant. Non debet honorem ducatus suscipere, qui nescit subiectis tramite vitæ melioris præire. Neque enim quisque ad hoc præficitur, ut subditorum culpas corrigat, & ipse vitiis serviat. Qui se indignum ad Episcopatum existimat, locum ejus, qui dignus est, occupare non præsumat. Nam tam Sanctum est Sacerdotii nomen, ut nulla vitiorum notâ maculari se sinat. Gravius enim condemnabitur, qui indignus suscipit; quod non meretur. Qui regimen Sacerdotii contendit appetere, ante in se discutiatur, si vita honori sit congrua. Quod si non discrepat, humiliter ad id, ad quod vocatur, accedat. Reatum quippe culpæ geminat, si quis cum culpâ ad Sacerdotale culmen aspirat. Uniuscujusque casus tantò majoris est criminis; quantò priusquam caderet, majoris erat virtutis. Præcedentium namque magnitudo virtutum cres-

cit ad cumulum sequentium delictorum. Plerique Sacerdotes suæ magis utilitatis causâ, quàm gregis præesse desiderant: nec ut profint, præfules fieri cupiunt: sed magis, ut divites fiant, & honorentur. Suscipiunt enim sublimitatis culmen, non pro pastoralis regimine, sed pro solius regiminis, vel honoris ambitione: atque abjecto opere dignitatis, solam nominis appetunt dignitatem. Dum mali Sacerdotes Deo ignorante non fiant, tamen ignorantur à Deo, ipso per Prophetam testante: *Principes (w) extiterunt, sed non cognovi.* Sed hic nescire Dei, reprobare est: nam Deus omnia novit.

#### XVI. De indoctis Præpositis.

Isidori.

Sicut iniqui (x) & peccatores ministerium Sacerdotale assequi prohibentur, ita indocti & imperiti, à tali officio retrahuntur. Illi enim exemplis suis vitam bonorum corrumpunt: isti suâ ignaviâ iniquos corrigere nesciunt. Qui enim docere poterunt, quod ipsi non didicerunt? Desinat locum docendi suscipere, qui nescit docere. Ignorantia quippe Præfulum, vitæ non congruit subditorum: *Cæcus enim, (y) si cæco ducatum præbeat, ambo in foveam cadunt.* Sacerdotes indoctos per Esaiam Prophetam ita Dominus improbat: *Ipsi, inquit, Pastores (z) ignoraverunt intelligentiam.* Et iterum: *Speculatorum ejus cæci omnes, id est, imperiti Episcopi: Nesciunt, inquit, universi canes muti, non valentes latrare:* hoc est, plebes commissas non valentes, resistendo malis, per verbum doctrinæ defendere.

#### XVII. De his, qui in regimine prodesse possunt, sed idem officium per quietem propriam refugiunt. Gregorii.

Sunt (a) nonnulli, qui nimia virtutum dona percipiunt, & pro exercitatione cæterorum magnis muneribus exaltantur. Qui studio castitatis mundi, abstinentiæ robore validi, doctrinæ dapibus referti, patientiæ longanimitate humiles, autoritatis fortitudine erecti districti sunt. Qui nimirum culmen regiminum, si vocati suscipere renuunt, ipsa sibi plerumque dona adimunt, quæ non pro

[r] Matth. 23. 13.

[x] Isidor. l. cit. C. 35.

[u] Greg. Pastor. Lib. 1. Cap. 5.

[w] Lib. 3. Sententiarum. Cap. 34.

[y] Matth. 23. 14.

(w) Osee 8. 4.

[z] Esa. 56. 11.

pro se tantummodo, sed etiam pro aliis acceperunt. Cumque sua & non aliorum lucra cogitant, ipsis se, quæ privata habere appetunt, bonis privant. Hinc itaque ad Discipulos Veritas dicit: *Non potest (b) civitas abscondi super montem posita: neque accendunt lucernam, & ponunt eam sub modio, sed super candelabrum, ut luceat omnibus, qui in domo sunt.* Hinc Petro Dominus ait: *Simon (c) Joannis, amas me?* Qui cum se amare protinus respondisset, audit: *Si diligis me, pascere oves meas.* Si ergo dilectionis est testimonium, cura pactionis: quisquis virtutibus pollens, gregem Dei renuit pascere, Pastorem summum convincitur non amare. Si nostri, sicut proximi, curam gerimus, quasi utrumque pedem per calceamentum munimus. Qui verò sua cogitans, utilitatem proximorum negligit, quasi unius pedis calceamentum cum dedecore amittit. Sunt nonnulli, qui magnis muneribus ditati, dum solius contemplationis studiis inardescunt, parere utilitati proximorum in prædicatione refugiunt. Secretum quieris diligunt, secessum speculationis appetunt: de quo si districtè judicentur, ex tantis procul dubio rei sunt, quantis venientes ad publicum prodesse potuerunt. Quam enim mente is, qui proximis profuturus enitesceret, utilitati cæterorum secretum præponit suum: quando ipse summi Patris unigenitus, ut multis prodesset, de sinu Patris egressus est, ad publicum nostrum? Sunt nonnulli, qui ex sola humilitate refugiunt, ne his, quibus se impares æstimant, præferantur: quorum profectò humilitas, si cæteris quoque virtutibus cingitur, tunc ante oculos Dei vera est, cum ad respuendum hoc, quod utiliter subire præcipitur, pertinax non est. Neque enim verè est humilis, qui superni nutus arbitrio, ut debeat præesse, intelligit, & tamen contemnit. Divinis dispositionibus subditus, arque à vitio obstinationis alienus, cum sibi regiminis culmen imperatur, si jam donis præventus est, quibus & aliis profit, & ex corde debet rugere, & invitus obedire.

# XVIII. De proposito Ecclesie. Isidori.

Vir (d) Ecclesiasticus & crucifigi mundo, per mortificationem propriæ

carnis debet, & dispensationem Ecclesiastici ordinis, si ex Dei voluntate provenerit, nolens quidem, sed humilis gubernandam suscipiat. Multis intercipit satanas fraudibus eos, qui vitæ & sensus utilitate præstantes, præesse & prodesse aliis nolunt: & dum eis regimen animarum imponitur, renunt, consultius arbitantes, otiosam vitam degere, quam lucris animarum insistere. Quod tamen decepti agunt, per argumentum Diaboli, fallentis eos per speciem boni: ut, dum illos à pastoralis officio retrahit, nequaquam proficiant, qui eorum verbis, & exemplis instrui poterant. Viri Sancti nequaquam occupationum sæcularium curas appetunt: sed occulto ordine sibi superimpositas gemunt. Et quamvis illas per meliorem intentionem fugiant, tamen per subditam mentem portant. Quas quidem summopere, si liceat, vitare festinant: sed timentes occultam dispensationem Dei suscipiunt, quod fugiunt: exercent, quod vitare nesciunt. Intran enim ad cor, & ibi consulunt, quid velit occulta voluntas Dei: seseque subditos debere esse summis ordinationibus cognoscentes, humilient cervice cordis jugo Divinæ dispensationis.

## XIX. Quod Sacerdotes Sancti contemplativæ vitæ fieri participes possunt.

Prosperi,

Qui diligenter (e) de vitâ contemplativâ considerat, & sufficienter instructus intelligit, quando, & ubi possit ejus perfectio comprehendi: non dubitabit, Ecclesiarum Principes vitæ contemplativæ posse, & debere fieri sectatores. Quia sive secundum opinionem quorundam nihil aliud sit vita contemplativa, quam rerum latentium futurarumque notitia: sive vacatio ab omnibus occupationibus mundi, sive divinarum studium literarum, sive, quod his probatur esse perfectius, ipsa visio Dei: non video, quid impedimenti Sanctis Sacerdotibus possit afferri, quò minus ad hæc quatuor, quæ commemoravi, perveniant. Duo enim, imum & ultimum, id est, rerum latentium, futurarumque notitia, & ipsa visio Dei, incomparabiliter præstantiora erunt in illa

(b) Matth. 5. 14.

(c) Joan. 21. 15.

(d) Isidor. Lib. 3. Sent. Cap. 33.

(e) Prosp. de vita contempl. L. 1. Cap. 13.



illâ vitâ Beatâ, quam in istâ diversis erroribus implicatâ? Quandoquidem tam rerum omnium notitiâ, quàm ipsâ Dei substantiâ plenè, ac perfectè videbitur. Duo autem media, vacationem videlicet ab omnibus occupationibus mundi, & divinarum studium literarum, etiam hic possunt habere pontifices. Sed illi, qui se ab omnibus implicamentis negotiorum secularium removens, non torpent otio, sed insistant perfectionis suæ negotio, & ab stultitiâ sapientiæ secularis averſi, verbo Dei infatigabiliter vacant, sapientes veraciter fiunt, cælestia sapiunt, terrena despiciunt, contradicentes sanæ doctrinæ redarguunt, obediētes instituunt, sanctis virtutibus, quibus in dies singulos fiant Deo propinquiores, incumbunt: & tam suis, quàm omnium, qui per eos erudiuntur, provechibus clari, hic quidem velut gustum quandam contemplativæ vitæ, quod ad eam ferventiùs provocentur, accipiunt: sed ibi jam in æternum felices effecti, de ejus perfectione gaudebunt. Proinde non instantur, quia hic omnium fidelium Catholicorum honorantur ut Capitula: sed lætantur potiùs, quia ibi Christi, qui est Sacerdotum, ac omnium fidelium caput, clariora membra futuri sint. At si, quod absit, secularibus negotiis implicati, fundorum terminos, sinè termino cupiditatis extendant, ac se passim exquisitis deliciis addicant, quæ animam corpûsque debilitant: si gloriam non Christi, sed suam, decepti vulgi adulantis honoribus, quærant: plûsque de se alienæ linguæ, quàm suæ conscientiæ credant: si omne gaudium suum, non in futurorum remuneratione, nec in sanctitate vitæ, sed in suâ tantùm dignitate constituent, & dum tales esse, quales creduntur, amant, nunquam sibi displiceant: ac placentes sibi, non sint de suâ correctione solliciti: quis non intelligat tales, si in talibus perseverent, nec se ante finem præsentis vitæ emendent, contemplativæ vitæ participes esse non posse? Ad quam non perveniunt, nisi qui studuerint esse, quod facti sunt, nec affectant videri, sed esse, quod sunt. Non alienis laudibus, sed moribus suis eximii: nec solum de suâ dignitate, sed potiùs de sacerdotalis vitæ nobilitate conspicui: qui sunt non appellatione tenus,

sed virtute pontifices, vitæ contemplativæ capaces, & gaudiorum cælestium cohæredes.

XX. *De doctrinâ & Exemplis præpositorum.* Isidori.

Tam (f) doctrinâ, quàm vitâ clare debet Ecclesiasticus Doctor. Nam doctrina sinè vita arrogantem reddit: vita sinè doctrina inutilem facit. Sacerdotis prædicatio operibus confirmanda est, ita, ut, quod docet verbo, instruat exemplo. Vera enim est illa doctrina, quam vivendi sequitur forma. Nam nihil turpius est, quàm si bonum, quod sermone quisque prædicat, explere opere negligat. Tunc enim prædicatio utiliter profertur, quando efficaciter adimpletur. Unusquisque Doctor, & bonæ actionis, & bonæ prædicationis habere debet studium. Nam alterum sinè altero non facit perfectum. Sed præcedat justus bene agere, ut sequenter possit bene docere. Sicut in numismate metallum, figura, & pondus inquiritur, ita in omni Doctore Ecclesiastico quid sequatur, quid doceat, quomodo vivat. Per qualitatem igitur metalli doctrina: per figuram similitudo Patrum: per pondus humilitas designatur. Qui ergo ab his tribus discrepaverit, non metallum, sed terra erit.

XXI. *De humilitate præpositorum.* Gregorii.

Sit rector (g) discretus in silentio, utilis in verbo: ne aut tacenda proferat, aut proferenda reticescat. Nam sicut incauta locutio in errorem pertrahit, ita indiscretum silentium hos, qui erudiri poterant, in errore derelinquit. Sit rector (h) bene agentibus per humilitatem socius, contra delinquentium vitia per Zelum justitiæ erectus: ut & bonis in nullo se præferat, & cum pravorum culpa exigit, potestatem protinus sui prioratûs agnoscat: quatenus & honore suppresso æqualem se subditis bene viventibus deputer, & erga perversos jura rectitudinis exercere non formidet. Omnes homines natura æquales genuit: sed variante meritorum ordine, alios aliis culpa postponit. Ipsa autem diversitas, quæ accessit ex vitio, divino Judicio dispensatur: ut, quia omnis homo æquè

stare

(f) Isidor. Lib. 3. Sænt. Cap. 36.

(g) Greg. Paster. Lib. 2. Cap. 4.

(h) Ibid. Cap. 16.

stare non valet, alter regatur ab altero. Unde cuncti, qui præsunt, non in se potestatem debent ordinis, sed æqualitatem pensare conditionis: nec præesse hominibus gaudeant, sed prodesse: quam videlicet potentiam bene regit, qui & tenere illam noverit, & impugnare. Bene hanc regit, qui scit per illam super culpas erigi, scit & cum illa cæteris æqualitate componi. Quam tamen potestatem rectè dispensat, qui sollicitè noverit, & sumere ex illa, quod adjuvat, & expugnare, quod tentat: & æqualem se cum illa cæteris cernere, & tamen se peccantibus zelo ultionis anteferre. Prædicator quisque studeat, ut minas potentium rationatione mitiget, & oppressorum angustias, quantum prævalet, ope levet: ut foris resistentibus opponat patientiam, & intus superbientibus exhibeat cum patientiâ disciplinam: ut erga errata subditorum sic mansuetudo zelum temperet, quatenus à iustitiæ studio non enervet: sic ad ultionem zelus ferveat, ne tamen pietatis limitem fervendo transcendat. Rectoris officium esse debet, ut ingratos beneficiis ad amorem provocet, ut gratos quoque ministeriis in amore servet: ut proximorum mala, cum corrigere non valet, taceat: & quæcunque corrigi loquendo possunt, silentium consensum esse pertimescat.

## XXII. De humilitate Præpositorum.

Isidori.

Qui (i) præficitur ad regimen, taliter erga disciplinam subditorum præstare se debet, ut non solum autoritate, verum etiam humilitate clarescat, sed tamen ita in eo erit virtus humilitatis, ne dissolvatur vita subditorum in vitiis: atque ita autoritas aderit potestatis, ne per tumorem cordis severitas existat immoderationis. Hæc est in Dei Sacerdotibus vera discretio, quæ nec per libertatem superbi, nec per humilitatem sunt remissa. Hinc est, quod Sancti cum multa constantia redarguerunt etiam Principum vitia: in quibus cum summa esset humilitas, loco tamen necessario, liberè transgressores iustitiæ increpabant. Aliquando etiam subditis nos oportet animo esse humiliores, quoniam facta subditorum judicantur à nobis,

M m m

nostra: verò Deus iudicat. Agnoscat Episcopus servum se esse plebis, non Dominum. Verum hæc caritas, non conditio exigit.

## XXIII. De doctrinæ discretione.

Isidori.

Non omnibus (k) una eademque doctrina est adhibenda: sed pro qualitate morum, diversa exhortatio erit Doctorum. Nam quosdam increpatio dura, quosdam verò exhortatio corrigit blanda. Sicut periti medici ad varios corporis morbos diverso medicamine serviunt, ita, ut juxta vulnere varietates, medicina diversa sit; sic & Doctor Ecclesiæ singulis quibusque congruum doctrinæ remedium adhibebit, & quid cuique oporteat pro ætate, pro sexu, ac professione, adnuntiabit. Non omnibus ea, quæ sunt clausa, aperienda sunt. Multi sunt enim, qui capere non possunt: quibus, si indiscrète manifestentur, statim aut detrahunt, aut negligunt. Prima quippe prudentiæ virtus est, eam, quam docere oporteat, existimare personam. Rudibus populis, sed carnalibus, plana atque communia, non summa atque ardua prædicanda sunt, ne immensitate doctrinæ opprimantur potius, quam erudiantur. Unde & Apostolus Paulus ait: *Non potui vobis loqui, quasi spiritalibus, sed quasi carnalibus; tanquam parvulis in Christo, lac vobis potum dedi, non escam.* Carnalibus quippe animis, nec alta nimis de cælestibus, nec terrena convenit prædicare: sed mediocriter, ut initia eorum, moresque desiderant, edoceri. Cum corvus suos pullos viderit albi coloris, nullis eos cibis alit: sed tantumdem attendit, donec paterno colore nigrescant, & sic illos frequenti cibo reficit. Ità & Ecclesiæ Doctor strenuus, nisi eos, quos docet, viderit ad suam similitudinem poenitentiae confessione nigrescere, & nitore sæculari deposito, lamentationis habitum de peccati recordatione induere, utpote adhuc exterioribus, hoc est, carnalibus, non aperit intelligentiæ spiritalis profundiora mysteria: ne, dum audita non capiunt, prius incipiant contemnere, quam venerari mandata cælestia. Aliter est agendum erga eos, qui nostro committuntur regimini, si offendunt:

[i] Isidor. Lib. 3. Sent. Cap. 42.

[k] 1. Cor. 3. 2.

(k) Isidor. Lib. 3. Sent. Cap. 43.



dunt: atque aliter cum his, qui nobis commissi non sunt. Qui, si iusti sunt, venerandi sunt: si verò delinquant; pro solâ caritate, ut locus est; corripiendi sunt: non tamen cum severitate, sicut hi, qui nobis regendi sunt commissi. Prius docendi sunt seniores plebis, ut per eos infra positi facilius doceantur. Unde & Apostolus: *Hæc, inquit, commenda (m) fidelibus hominibus, qui idonei sunt & alios docere.* Ingenium boni Doctoris est, incipere à laudibus eorum, quos salubriter objurgatos corrigere cupit, sicut Apostolus (n) ad Corinthios facit, quos à laudibus inchoat, & increpationibus probat. Sed & erant apud Corinthios, qui & laude, & increpatione digni essent. Ille verò indiscretè loquitur; qui sic utraque omnibus loquitur, ut omnibus utraque convenire videantur.

XXIV. *Qualiter Prælati subiectos doceant, ac semetipsos discretâ circumspicione prævideant.* Gregorii.

Quia (o) igitur, qualis esse debeat Pastor, superius ostendimus: nunc qualiter doceat, demonstramus. Non una eademque cunctis exhortatio congruit, quia nec cunctos par morum qualitas adstringit. Sæpe namque aliis officium, quæ aliis profunt. Quia & plerumque herbae, quæ hæc animalia nutriunt, alia occidunt. Et lenis sibilus equos mitigat, catulos instigat: & medicamentum, quod hunc morbum imminuit, alteri vires jungit: & panis, qui vitam fortium roborat, parvulorum necat. Pro qualitate igitur audientium, formari debet sermo Doctorum: ut & ad sua singulis congruat, & tamen à communis ædificationis arte nunquam recedat. Quid enim sunt intentæ mentes auditorum, nisi, ut ita dixerim, quædam in citharâ tensiones tractæ chordarum? Quas tangendi artifex, ut non sibimetipsi dissimile canticum faciat, dissimiliter pulsât: & idcirco chordæ consonam modulationem reddunt, quia uno quidem plectro, sed non uno impulsu feriuntur. Doctor quisque, ut in una virtute caritatis cunctos ædificet, ex una doctrina, non unâ eademque exhortatione, tangere corda audientium debet. (p) Doctor etenim, qui loci sui necessitate

exigitur summa dicere, hac eadem necessitate compellitur summa demonstrare. Illa namque vox libentius auditorum cor penetrat, quam dicentis vita commendat? Quia, quod loquendo imperat, ostendendo adjuvat, ut fiat. Hinc enim per Prophetam Dominus dicit: *Super (q) montem excelsum ascende tu, qui evangelizas Sion.* Ut videlicet, qui cælesti prædicatione utitur, ima terrenorum operum deferens, in rerum culmine stare videatur, tantoque facilius subditos ad meliora pertrahat, quantum per vitæ meritum de supernis clamat. Rectè etiam Sacerdos superhumeralis ex auro, hyacintho, & purpurâ, cocco bis tincto, & bysso retorta factum habere præcipitur: ut quanta virtutum diversitate clarescere debeat, demonstraretur. In Sacerdotis quippe habitu omnia aurum fulget, ut in eo intellectus sapientiæ principaliter emicet. Cui Hyacinthus, qui æthereo colore resplendet, adjungitur, ut per omne, quod intelligendo penetrat, non ad favores infimos, sed ad amorem cælestium surgat: ne, dum suis incautus laudibus capitur, ipso etiam veritatis intellectu vacuetur. Auro videlicet, Hyacintho, ac purpurâ bis tinctus coccus adjungitur, ut ante interni iudicis oculos omnia virtutum bona ex caritate decorentur, & cuncta, quæ coram hominibus rutilant, hæc in conspectu occulti arbitri flamma intimi amoris accendat. Quæ scilicet caritas, quia Deum simul ac proximum diligit, quasi ex duplici tincturâ fulgescit. Qui sic ad authoris speciem anhelat, ut proximorum curam negligat: vel sic proximorum curam exequitur, ut à Divino amore torpescat: qui unum horum quodlibet negligit, in superhumeralis ornamento habere coccum bis tinctum nescit. Cum rector se ad loquendum præparat, sub quanto cautela studio loquatur, attendat: ne, si inordinatè ad loquendum rapitur, erroris vulnere audientium corda feriantur: & cum fortasse sapiens videri desiderat, unitatis compagem insipienter abscindat. In Evangelio Veritas ait: *Habete sul (r) in vobis, & pacem habete inter vos.* Per sul quippe verbi sapientia designatur. Qui igitur loqui sapienter nititur, magnopere metuat, ne in ejus eloquio audien-

tium

(m) Tim. 2. 2.

(n) 1. Cor. 1

(o) In Prologo Lib. 3, Pastor.

(p) Pastor. Lib. 2. Cap. 5.

(q) Esaiæ 40. 9.

(r) Marc. 9. 49.

tium unitas confundatur. Hinc Paulus ait: *Non plus (s) sapere, quam oportet sapere, sed sapere ad sobrietatem*. Ne igitur Rector incautus ad loquendum proruat, hoc, quod jam præmisimus, per semetipsam Discipulis veritas clamat: *Habete sal (t) in vobis, & pacem habete inter vos*. Ac si figuratè per habitum Sacerdotis dicat: mala punica tintinnabulis iungite, ut per omnia, quæ dicitis, unitatem fidei cautâ observatione teneatis. Sacerdos semper vocem prædicationis habeat, ne superni spectatoris iudicium ex silentio offendar. Scriptum quippe est: (\*) *Audiatur sonitus; quando ingreditur, aut egreditur Sanctuarium in conspectu Domini, & non moriatur*. Sacerdos in tabernaculum ingrediens vel egrediens moritur, si de eo sonitus non auditur: quia iram contra se oculi iudicis exigit, si finè prædicationis sonitu incedit. Aptè tintinnabula vestimentis Pontificis describuntur inserta. Vestimenta etenim Sacerdotis, quid aliud, quam recta opera debemus accipere, Prophetâ attestante, qui ait: *Sacerdotes (v) tui induantur iustitiam*? Vestimentis itaque illius tintinnabula inhærent, ut vitæ viam cum linguæ sonitu, ipsa quoque opera Sacerdotis clament. Nos quia infirmi homines sumus, cum de Deo hominibus loquimur, debemus primum meminisse, quid sumus: ut ex propriâ infirmitate pensemus, quo docendi ordine infirmos fratres consolemur. Consideremus igitur, quia aut tales sumus, quales nonnullos corrigimus: aut tales aliquando fuimus, etsi jam Divinâ gratiâ operante non sumus: ut tantò eos temperantiùs corde humili corrigamus, quantò nosmetipsos veriùs in his, quos emendamus, agnoscimus. Si nos Sacerdotes tales nec sumus, nec fuimus, quales adhuc illi sunt, quos emendare curamus: ne cor nostrum fortè superbiat, & de ipsâ innocentia in pejus ruat, quorum mala corrigimus, alia eorum bona nobis ante oculos revocemus: quæ si omnino nulla sunt, ad occulta Dei iudicia recurramus. Quia sicut nos nullis meritis hoc ipsum bonum, quod habemus, accipimus: ita illis quoque potest gratia supernæ virtutis infundere, ut excitati posterius etiam possint ipsa bona,

M m m 2

quæ nos ante accepimus prævenire. Quis enim crederet, quod per Apostolaris meritum Saulus lapidatum Stephanum præcursum erat, qui in morte ejus lapidantium vestimenta servabat? His ergo primum cogitationibus humiliari cor debet, & tunc demum delinquentium iniquitates increpare.

## XXV. De Doctorum silentio. Ifidori.

Pro malo (w) merito plebis auferatur doctrina prædicationis: pro bono merito audientis tribuitur sermo Doctoris. In potestate divinâ consistit, cui velit Deus doctrinæ verbum dare, vel cui auferre: & hoc aut pro dicentis, aut pro audientis fit merito, ut modo pro culpâ plebis auferatur sermo Doctoris, modò verò pro utilitate rectoris tribuatur. Nam & bonus docet bonum, & malus malum: & bonus malum, & malus bonum: quod tamen fit juxta meritum populorum. Non omnia tempora congruunt doctrinæ, secundum Salomonis sententiam, dicentis: *Tempus (x) tacendi, & tempus loquendi*. Non quidem per timorem, sed per discretionem propter malorum incorreptibilem iniquitatem, nonnunquam electos oportet à doctrinâ cessare. Interdum Doctores Ecclesiæ calore caritatis ardentis conticescunt à docendo, quia non est, qui audiat, testante Propheta: *Civitates (y) Austri clausæ sunt, & non est, qui aperiat*. Qui docendi accipit officium, interdum ad tempus facta proximi taceat, quæ statim corrigere nequaquam existimat. Nam si corrigere potest, & dissimulat, verum est, quod consensum alieni erroris habeat. Plerique sancti Doctores pro mali pertinaciâ, quia iniquos emendare nequeunt, his tacere disponunt: sed calorem Spiritûs, quo aguntur, ferre non sustinentes iterum in increpationes prosiliunt impiorum.

## XXVI. Quod nihil profit Sacerdoti, etiam si bene vivat, si malè viventes tacendo non arguat. Prosperi.

Quod (z) verò dicit Apostolus: (\*\*) Ut nos formam debeamus exhibere fidelibus. Quid valebit, si is, cui vel exhortandi bonos, vel castigandi malos cura commissâ est, bene vivendo se imitan-

dum

(s) Rom. 12. 3.

(t) Marc. 9. 49.

(w) Lib. 3. Sent. Cap. 44.

(x) Eccl. 3. 7.

(z) De vitâ Contemplat. Lib. 1. Cap. 20.

(\*) Exod. 28.

(\*\*) Psal. 131. 16.

(y) Hier. 13. 19.

(\*\*\*) 2. Thess. 3. 9.



dum bonis exhibeat ; & malos tacendo non arguat ? Ad hoc enim , nisi me fallit opinio , sanctè vivendum est Sacerdori , ne dicta sua repugnantibus factis evacuet. Si , quod prædicat fieri debere , non faciat , aut si , quod non facit , prædicare præsumpserit , nihil apud eos , qui ejus vitam novère , proficiet. Quia ad hoc est Ecclesiæ Dei præpositus , ut non solum bene vivendo alios exemplo suæ conversationis instituat ; sed etiam fiducialiter prædicando singulis ante oculos peccata sua constituat : quæ ptena maneat duris , quæ gloria obedientibus , ostendat. Nullius salutem desperando contemnat , animas emendari nolentium plangat , imitatus Apostolum , qui ait : *Ut lugeam* (a) *multos ex his , qui ante peccaverunt , & non egerunt penitentiam.* Et iterum : (b) *Quis infirmatur , & ego non infirmor ? Quis scandalizatur , & ego non uror ?* Quapropter sciens , quod si quibuslibet divitiis , ac potentibus malè viventibus parcat , aut foveat eos ; perdat simul & pereat : & sanctè debet vivere propter exemplum , & piè docere propter suæ administrationis officium : certus , quod ei nihil sua justitia suffragetur , de cujus manu anima pereuntis exigitur. Quando quicunque alius perierit , quem nulla docendi necessitas manet , solus pœnas sui sceleris dabit. Ille autem , cui dispensatio verbi commissæ est , etiam si sanctè vivat , & tamen perditè viventes arguere aut erubescat , aut metuat ; cum omnibus , qui eo tacente perierint , perit. Et quid ei proderit , non puniri suo , qui puniendus est alieno peccato ? Mentior , nisi hoc Dominus per Ezechielem Prophetam sub cuiusdam terroris denuntiatione loquitur , dicens ad eum : *Et tu* (c) *filii hominis , speculatorem dedi te , domui Israël.* Nec hoc transeunter debemus audire , quod Sacerdotem speculatorem appellat : ut sicut speculatoris est , de loco editiore prospicere , & plus omnibus contemplari , ita Sacerdos debet esse propositi sublimitate celsior cunctis , ac majoris scientiæ habere gratiam , quâ possit sub se viventes instruere. Videamus jam , quid divinus sermo contineat. *Audies* , inquit , *sermonem* (d) *ex ore meo , & annuntiabis eis ex me : Ut hoc dicat Sacerdos , quod ex divinâ lectione didicerit , quod illi*

Deus inspiraverit , non , quod præsumptione humani sensû inveniit. Annuntiabis eis , inquit , *ex me.* Ex me , & non ex te. Mea verba loqueris eis , non est , quod ex eis , tanquam de tuis inferis. Ex me , inquit , eis annuntia. Sed jam , quid annuntiet , audiamus : *Si me dicente ad impium , impie , morte morieris , non fueris locutus , ut se custodiat impius à viâ suâ , ipse impius in iniquitate suâ morietur.* Sanguinem verò ejus de manu tuâ requiram. Quid expressius , quid apertius potest dici ? Si impio , inquit , locutus non fueris , ut se ab impietate custodiat , & ille perierit ; sanguinem ejus de manu tuâ requiram. Hoc est dicere : si ei peccata sua non annuntiaveris , si eum non argueris , ut ab impietate suâ convertatur , & vivat : & te , qui non increpasti , & ipsum , qui te tacente peccavit , flammis perennibus perdam. Quis rogo tam faxei pectoris , quis tam ferreus erit , quem sententia ista non terreat ? Quis tam alienus à fide , qui sententiæ isti non credat.

XXVII. *De Pastoribus non rectè gradientibus.* Gregorii.

Sunt (e) nonnulli , qui solerti curâ spiritalia præcepta perscrutantur : sed quæ intelligendo penetrant , vivendo conculcant. Repentè docent , quæ non opere , sed meditatione didicerant. Et quod verbis prædicant , moribus impugnant. Unde fit , ut , cum Pastor per abrupta graditur , ad præcipitium grex sequatur. Per Prophetam Dominus contra contemptibilem Pastorum scientiam queritur , dicens : *Cum ipsi* (f) *limpidissimam aquam biberetis , reliquam pedibus vestris conculcabatis : & oves meæ , quæ conculcata pedibus vestris fuerant , pascebantur : & quæ pedes vestri turbaverant , hæc bibebant.* Aquam quippe limpidissimam Pastores bibunt , cum fluentia veritatis rectè intelligentes hauriunt. Sed eandem aquam perturbare , est sanctæ meditationis studia malè vivendo corrumpere. Aquam scilicet , Pastorum turbatam pedibus , oves bibunt , cum subiecti quique non sectantur verba , quæ audiunt , sed sola , quæ conspiciunt , exempla pravitatis imitantur. Qui cum dicta siliunt , quæ per opera pervertuntur , quasi corruptis fontibus in potibus lutum sumunt. Nemo amplius

(a) 2. Cor. 12. 21.

(d) Ezech. 3.

(b) 2. Cor. 11. 29.

(e) Past. L. 2. C. 2.

(c) Ezech. 3. 17.

(f) Ezech. 34. 18.

plius nocet in Ecclesiâ, quàm qui per-  
versè agens, nomen vel ordinem Sancti-  
tatis habet. Delinquentem namque hunc  
redarguere nullus præsumit : & in ex-  
emplum culpa vehementer extenditur,  
quando pro reverentiâ ordinis peccator  
honoratur. Qui ad Sanctitatis speciem  
deductus, vel verbo ceteros destruit,  
vel exemplo; melius profectò fuerat, ut  
hunc ad mortem sub exteriori habitu ter-  
rena acta constringerent, quàm sacra of-  
ficia in culpâ cæteris imitabilem demon-  
strarent : quia nimirum, si solus cade-  
ret, utcunque hunc tolerabilior inferni  
pœna cruciaret. Sæpe suscepta (g) cu-  
ra regiminis cor per diversa diverberat :  
& impar quisque invenitur ad singula,  
dum confusâ mente dividitur ad multa.  
Unde quidam Sapiens providè admonet,  
dicens : *Fili, (h) ne in multis sint actus*  
*tui*. Quia videlicet nequaquam plenè in  
uniuscujusq; operis ratione colligitur, dum  
mens per diversa sparsa partitur. Cùm-  
que foras per insolentem curam trahitur,  
à timoris intimi soliditate vacuatur. Dum  
mens in exteriorum fit dispositione so-  
licita, suâ est solummodò ignara : & scit  
multa cogitare, se nesciens. Nam cùm  
plus, quàm necesse est, se exterioribus  
implicat, quasi occupata in itinere, obli-  
viscitur, quò tendebat : ità, ut ab stu-  
dio suæ inquisitionis aliena, ne ipsa qui-  
dem, quæ patitur, damna consideret,  
& per quanta delinquit, ignoret. Eze-  
chias Rex (i) peccare se minimè credi-  
dit, cùm venientibus ad se alienigenis,  
cellas aromatum ostendit : sed in damna-  
tione securitatis prolis ex eo iram judicis  
pertulit, quod se licenter facere exi-  
stimavit. Sæpe dum multa suppetunt,  
dumque agi possunt, subjecti, quæ acta  
sunt, admirantur, in cogitatione se ani-  
mus elevat, & planè in se iram judicis  
provocat, quamvis per iniqua foris ope-  
ra non erumpat. Intus quippe est, qui  
judicat, intus, qui judicatur. Cùm ergo  
in corde delinquimus, latet homini-  
bus, quid apud nos agimus : sed tamen  
ipso iudice teste peccamus. Hæc pro-  
ferentes, non potestatem regiminis repre-  
hendimus : sed ab appetitu illius cordis  
infirmiorem munimus, ne imperfecti  
quique culmen arripere regiminis au-  
deant : & qui in planis stantes titubant,

M m m 3

in præcipiti pedem ponant. Cæcus Pa-  
stor est, (k) qui supernæ lumen con-  
templationis ignorat, qui præsentis vitæ  
tenebris pressus, dum venturam lucem  
nequaquam dirigendo conspicit, quo  
gressum operis ponat, nescit. Claudus  
verò rector est, qui quidem, quò per-  
gere debeat, adspicit : sed per infirmita-  
tem montis vitæ viam perfectè non valet  
tenere, quam videt : quia ad virtutis  
statum, dum fluxâ consuetudine non  
erigitur, quò per desiderium enititur,  
illuc gressus efficaciter non sequuntur.  
Parvo autem naso est, qui ad tenendam  
mensuram discretionis idoneus non est,  
Naso quippe odores, fautoresque discer-  
nimus. Rectè ergo per nasum discretio  
exprimitur, per quam virtutes eligimus,  
delicta reprobamus. Sed sunt nonnulli,  
qui dum æstimari se hebetes nolunt, sæpe  
se in quibusdam inquisitionibus plus  
quàm necesse est, exercentes, ex nimia  
subtilitate falluntur. Unde hic (l) quo-  
que subditur : *Vel grandi & torto naso*.  
Nasus etenim grandis, & tortus, est discre-  
tionis subtilitas immoderata. Quæ dum  
plus, quàm decet, excreverit, actionis  
suæ rectitudinem ipsa confundit. Fra-  
cto autem pede, vel manu est, qui viam  
Dei pergere omnino non valet, atque à  
bonis actibus funditus exors vacat : qua-  
tenus hæc, non ut claudus, saltem cum in-  
firmitate teneat, sed ab his omnimodo  
alienus existat. Gibbus verò est, quem  
terrenæ sollicitudinis pondus deprimit,  
ne unquam ad superna respiciat, sed so-  
lis his, quæ in infimis calcantur, inten-  
dat. Qui etsi aliquando aliquid ex bono  
Patriæ cælestis audierit, ad hoc nimirum  
perversæ consuetudinis pondere prægra-  
vatus, cordis faciem non attollit : quia  
cogitationis statum erigere non valet,  
quem terrenæ sollicitudinis usus curvum  
tenet. Lippus namque est, cujus qui-  
dem ingenium ad agnitionem veritatis  
emicat, sed tamen hoc carnalia opera  
obscurant. In lippis quippe oculis pu-  
pillæ sanæ sunt : sed humore defluente  
infirmatæ palpebræ grossescunt. Quæ  
quia infusione crebrâ atteruntur, acies  
pupillæ vitiatur. Et sunt nonnulli, quo-  
rum sensum carnalis vitæ operatio lau-  
ciat, qui videre recta subtiliter per inge-  
nium poterant, sed usu pravorum actuum  
cali;

(g) Greg. L. 2. Past. Cap. 4.

(h) Eccl. 11. 10.

(i) Esaie 39.

(k) L. 2. Past. Cap. 11.

(l) Levit. 21.



caligant. Lippus itaque est, cuius sensum natura exacuit, sed conversationis pravitas confundit. Cui bene per Angelum dicitur: *Collyrio (m) inunge oculos tuos, ut videas*. Collyrio quippe oculos, ut videamus, inungimus, cum ad cognoscendam veri luminis claritatem, intellectus nostri aciem medicamine bonæ operationis adjuvamus. Albuginem tolerans, nihil videt: albuginem habet. Sacerdos in oculo, qui veritatis lucem videre non finitur, quia arrogantia sapientiae, sive iustitiae cæcatur. Pupilla namque oculi nigra, videt: albuginem tolerans, nihil videt: quia videlicet sensus humanæ cogitationis, si stultum se, peccatoremque intelligit, cognitionem intimæ claritatis apprehendit: si autem candorem sibi iustitiae, sive sapientiae tribuit, à luce se supernæ cognitionis excludit: & eo claritatem veri luminis nequaquam penetrat, quo se apud se per arrogantiam exultat, sicut de quibusdam dicitur: *Dicentes (n) enim se esse sapientes, stulti facti sunt*. Jugem verò habet scabiem in corpore, cui carnis petulantia sine cessatione dominatur in mente. In scabie etenim fervor viscerum ad cutem trahitur, per quam rectè luxuria designatur: quia si cordis tentatio usque ad operationem profilit, nimirum fervor intus usque ad cutis scabiem prorupit. Et foris jam corpus fauciatur, quia dum in cogitatione voluntas non reprimitur, etiam in actione dominatur. Quasi enim cutis pruriginem Paulus curabat abstergere, cum dicebat: *Tentatio (o) vos non apprehendat, nisi humana*. Ac si apertè diceret: humanum quidem est, in corde tentationem perpeti: demoniacum verò est, tentationis certamine in operatione superari. Impetiginem quoque habet in corpore, quisquis avaritiâ vastatur in mente. Quæ si in parvis non compescitur, nimirum sinè mensurâ dilatatur. Impetigo quippe sinè dolore corpus occupat, & absque occupati tædio excrecens, membrorum decorem fœdat: quia & avaritia captivam animam, dum quasi delectat, exulcerat: dum adipiscenda quæque cogitationi objicit, ad inimicitias accendit: & dolorem in vulnere non facit, quia æstuanti animo ex culpâ abundantiam promittit. Decor membro-

rum per impetiginem perditur, quia aliarum quoque virtutum per avaritiam pulchritudo depravatur. Et quasi totum corpus exasperat, quia per universa vitia animum supplantat, Paulo attestante, qui ait: *Radix (p) omnium malorum est cupiditas*. Ponderosus est, qui turpitudinem non exercet opere, sed tamen ab hac cogitatione continua sinè moderamine gravatur in mente. Qui nequaquam usque ad opus quidem nefarium rapitur, sed ejus animus voluntatē luxuriæ sinè ullo repugnationis obstaculo delectatur. Vitium quippe est ponderis, cum humor viscerum ad virilia labitur, quæ profectò cum molestiâ dedecoris intumescunt. Ponderosus ergo est, qui totis cogitationibus ad lasciviam defluens, pondus turpitudinis gestat in corde. Et quamvis prava non exerceat opere, ab his tamen non evellitur mente: nec ad usum boni operis in aperto valet assurgere, quia gravat hunc in abditis pondus turpe. Quisquis ergo quolibet horum vitio subigitur, panes Domino offerre prohibetur: ne profectò diluere aliena delicta non valeat is, quem adhuc propria devassant. Cum (q) Sacerdos non agit bona, quæ loquitur, ei etiam sermo subtrahitur, ne loqui audeat, quod non operatur, sicut per Prophetam dicitur: *Peccatori (r) autem dixit Deus, quare tu enarras justitias meas, & assumis testamentum meum per os tuum? Unde etiam deprecatur, dicens: Et ne (s) auferas de ore meo verbum veritatis usquequaque*. Perpendit namque, quod omnipotens Deus veritatis verbum facientibus tribuit, & non facientibus tollit. Qui ergo hoc de ore suo non auferri petiit, quid aliud, quàm gratiam bonæ operationis quæsit? Ac si apertè diceret: à bono opere errare me non sinas, ne, dum amitto ordinem bene vivendi, rectitudinem perdam loquendi. Plerumque Doctor, (t) qui docere audet, quod negligit agere, cum desierit bona loqui, quæ operari contempsit, docere subiectos incipit prava, quæ agit: ut iusto omnipotentis Dei iudicio in bono jam nec linguam habeat, qui habere bonam vitam recusat: quatenus, dum mens ejus terreno amori intenditur, de terrenis rebus

(m) Apoc. 3. 18.

(p) 1. Tim. 6. 10.

(n) Psal. 118. 43.

(o) Rom. 1. 22.

(q) Moral. XI. Cap. 9.

(r) Moral. XI. Cap. 10.

(s) Cor. 10. 13.

(t) Psal. 42. 16.

rebus semper loquatur : unde in Evangelio Veritas dicit : *Ex abundantia (v) enim cordis os loquitur. Bonus homo, de bono thesauro profert bona, & malus homo, de malo thesauro profert mala.* Hinc & Joannes ait : *Ipsi (w) de mundo sunt, ideo de mundo loquuntur.*

XXVIII. *De negligentia Sacerdotis, qui doctrinæ suæ agendo contraria, personam non potest implere Doctoris.*

Prosperi.

Recolite (x) ergo, quanta & qualia, me audiente atque probante, dicere solebatis de administratione Pontificis, qui populi sibi commissi curam post habitam, ardentius bona presentia desiderat, quam futura : & oblitus, quod non solum de se, sed etiam de grege sibi credito rationem Pastori Pastorum omnium reddet, sua, suorumque detrimenta non cogitat. Quem non delinquentium peccata contristant, nec proficientium bona lætificant, sed de se tantum, plerumque autem nec de se omnino sollicitus, quid a suis boni, malive geratur, ignorat. Qui non prædicat perseverantiam justis, poenitentiam pravis ; contemptum mundi conversis, futuras poenas averfis. Qui non potest dicere contemptoribus admonitionis suæ, futurum cogitare iudicium, quod ipse forte non cogitat. Amatoribus mundi, *Nolite (y) diligere mundum* : si eum mundi amor oblectat. Ambitiosis, ambitioni jam finem imponite, si eum ambitio ruinosa præcipitat. Ebriosi, ebrietatem cavete, si se mero usque ad alienationem mentis ingurgitat. Sumptuosius dapibus gravidus, non potest suis abstinentiam laudare, quam calcat. Vitio cupiditatis addictus, cupidus amorem non potest dissuadere pecuniæ. Inimicitiarum tenax, non valebit animos dissidentium sacerdotali tranquillitate componere. Justitiam prædicare iudicibus erubescit, quam ipse personæ potentis favore corrumpit : nec defendit oppressos, si personas aut honorat, aut despicit : & quidquid boni non facit, aut mali committit, nec jubebit fieri, nec vetabit, quia necessariam docendi auctoritatem,

contrarietate suæ actionis, aut amittit, aut minuit.

XXIX. *De his, qui bene docent, & malè vivunt. Isidori.*

Interdum (z) Doctoris vitæ etiam ipsa verax Doctrina vilescit. Et qui non vivit, sicut docet, ipsam quam prædicat, veritatem contemptibilem facit. Arcus perversus est lingua Magistrorum docentium bene, & viventium malè : & ideo quasi ex perverso arcu sagittam emittunt, dum suam pravam vitam proprio linguæ ictu confodiunt. Qui bene docet & malè vivit, tanquam æs, aut cymbalum, sonum facit aliis, ipse tamen sibi manet insensibilis. Qui bene docet, & malè vivit, quod docet, bene viventibus proficit : quod verò malè vivit, se ipsum occidit. Sicut Sacerdos, qui si dignè se agit, ut Sacerdotem decet, ministerium ejus, & ipsi, & aliis utile est. Indignè autem vivens, aliis quidem utilis est loquendo, se autem interficit pravè vivendo. Ac per hoc, quod in illo mortuum est, proprium ejus est : quod verò vivit in eo, id est, sacrum ministerium, alienum est. Qui bene docet, & malè vivit, videtur ut cæceus, qui aliis bonam novit lucem præstare, se verò in malis suis consumere atque extinguere. Qui bene docet, & malè vivit, videtur bonum malo conjungere, lucem tenebris miscere, veritatem mendacio mutare.

XXX. *De exemplis pravorum Sacerdotum. Isidori.*

Sæpe (a) per quos justitia docetur, per ipsos peccati morbus irrepit, & mors ad plebes pertransit : scilicet vel dum mala docent, vel dum faciunt prava. Plerique Sacerdotes & Clerici pravè viventes, forma cæteris in malum existunt, qui in bonis exemplum esse debuerunt. Hi enim quoscunque exemplo malæ conversationis suæ perdunt, de illis rationem sine dubio reddituri sunt. Ex carnalium præpositorum exemplo plerumque fit vita deterior subditorum ; & plebis merito sunt tales Sacerdotes, qui exemplo deteriore popu-

(u) Matth. 12. 35.

(w) 1. Joan. 4. 5.

(x) De vitâ Contempl. Lib. 1. Cap. 15.

(z) Lib. 3. Sent. Cap. 37.

[y] 1. Joan. 2. 15.

(a) Ibid. Cap. 38.



populum destruant, non ædificent. Ex merito enim plebis nonnunquam Episcopi depravantur, quatenus proclivius corruant; qui sequuntur. Capite languesciente cætera corporis membra inficiuntur. Unde & scriptum est: *Omne caput (b) languidum. & omne cor mærens, à plantâ pedis usq; ad verticem capitis non est in eo sanitas.* Caput enim languidum, Doctor est agens peccatum: cuius malum ad corpus pervenit, dum eo vel peccante, vel pravè docente, pestifer languor ad plebes subditas transit. Deteriores sunt, qui sive doctrinis, sive exemplis vitam morèsq; bonorum corrumpunt, his, qui substantias aliorum prædiæque diripiunt. Hi enim ea, quæ extra nos, sed tamen, quæ nostra sunt, auferunt. Corruptores verò morum propriè nos ipsos diripiunt: quoniam divitiarum hominum mores eorum sunt. Multùm ergo distant damna morum, à damnis temporalium rerum, dum ista extra nos sint, mores verò in nobis.

XXXI. *De Præpositis carnalibus.*  
Isidori.

Providentiâ (c) plerùmque divini consilii ordinantur præpositi, mundana, & exteriora sectantes, ut dum temporalibus rebus se totos impendunt, spirituales tutiorem vitam contemplationis exerceant. Quia duræ sunt quietè vivere volentibus sarcinæ curarum Episcopatum, providet sæpe Deus curis deditos secularibus ad susceptionem regiminis: ut dum hi exteriora sine tædio procurant, spirituales rebus interioribus sine impedimento rerum terrenarum deserviant. Dei ergo ordinem acculant, à quo instituuntur, qui Episcopos condemnant, dum minùs spiritalia, sed magis terrena sectantur. Ex divini enim tabernaculi dispositione, ob injurias mundi ferendas & turbines, quosdam institui Episcopos, secularibus curis insistentes: ut hi, qui interius superna desiderant, nullo terreno obstitente negotio, liberiùs hoc, quod amant, intendant. Non est itaque judicandus à plebe rector inordinatus, dum magis noverint populi, sui fuisse meriti, perversi regimen suscepisse pontificis. Nam pro meritis plebium disponitur à Deo vita recto-

rum. Exemplo David peccant, ad comparisonem Principum, qui ex merito plebis prævaricantur. (d) Sententia damnantur Cham filii Noë, qui suorum præpositorum culpas in publico produnt, sicut Cham, qui Patris pudenda non operuit, sed deridenda monstravit. Habituri sunt Sem meritum & Japhet, qui reverenter operiunt, quæ Patres suos excessisse cognoscunt. Si tamen Patrum facta non diligant, sed tantùm operiant, nec imitentur. Nam sunt, qui præpositos suos perversè judicant, dum terrenis studiis eos plus viderint esse intentos, si vel parum jam ipsi de spiritualibus cognoverint. Rectores ergo judicandi à Deo sunt, à suis autem subditis nequaquam judicandi sunt, exemplo Domini, qui per se vendentes columbas, & nummulariorum menfas proprio everit flagello, & projecit à templo. Vel etiam sicut dicit Psalmista. *Deus stetit (e) in Synagogâ Deorum, in medio autem Deos discernit.* Quod si à fide exorbitaverit rector, tunc erit arguendus à subditis. Pro moribus verò reprobis tolerandus magis, quàm distringendus à plebe est.

XXXII. *Luctuosa descriptio carnaliter viventium Sacerdotum.*  
Prosperi.

Sed nos (f) præsentibus delectati, dum in hac vitâ commoda nostra & honores inquirimus, non ut meliores, sed ut ditiores, nec ut sanctiores, sed ut honoratiores simus, cæteris præesse festinamus. Nec gregem Domini, qui nobis pascendus, tuendùsque commissus est, sed nostras voluntates, Dominationem, divitias, & cætera blandimenta carnaliter cogitamus. Pastores dici volumus, nec esse contendimus, officii nostri vitamque laborem, appetimus dignitatem. Immundorum spirituum feras à grege dilacerando non pelimus: & quod eis remanserit, ipsi consumimus, quando peccantes divites vel potentes, non solum non arguimus, sed etiam veneramur, ne nobis aut munera solita offensi non dirigant, aut obsequia desiderata subducant. Ac sic muneribus eorum & obsequiis capti, imò per hæc illis addicti, loqui

(b) Esaiæ 15.

(c) Psal. 81, 2.

(d) Isid. lib. cit. Cap. 30.

(e) De vitâ Contempl. l. 1. C. 21.

(f) Gen. 9.

loquii eis de peccato suo, aut de futuro iudicio formidamus: & idèd minaciter superbiam nostram divinus sermo contundit, sed noster auditus nihil, unde proficiamus, admittit; quia præsens vitæ capti dulcedine, quæ pœna negligentiam nostram maneat in æternum, nolumus cogitare. In Pastores ergo ista dicuntur, de quorum nobis inani appellatione blandimur: Hæc dicit Dominus Deus: *Væ Pastoribus (g) Israël, qui pascabant semetipsos. Nonne greges pascuntur à Pastoribus? Lac comedebatis & lanis operiebimini. Quod crassum erat, occidebatis, gregem autem meum non pascabatis: quod infirmum fuit, non consolidastis, & quod egrotum, non sanastis; quod fractum est, non alligastis: & quod abjectum, non reduxistis: quod perierat, non quaesistis: sed cum austeritate imperabitis eis, & cum potentia: & dispersæ sunt oves meæ, cò quod non esset Pastor, & factæ sunt in devorationem omnium bestiarum agri. Et paulò post: Propterea, Pastores, audite verbum Domini: Vivo ego, dicit Dominus Deus, quia pro eo, quod facti sunt greges mei in rapinam, & oves meæ in devorationem omnium bestiarum agri, cò quod non esset Pastor: neque enim quaesierunt Pastores gregem meum, sed pascabant Pastores semetipsos, & gregem meum non pascabant. Propterea, Pastores, audite verbum Domini: Hæc dicit Dominus Deus: Ecce ego ipse super Pastores requiram gregem meum de manu eorum, & cessare eos faciam, ut ultra non pascant gregem, nec pascant amplius Pastores semetipsos. Quis adhuc non contremiscat? Quis ista sine intolerabili metu futuræ examinationis accipiat, nisi qui aut non intelligit, aut futura non credit? Sed quia omnia, quæ Deus observari voluit, tam apertè posuit, & ità sui nominis autoritate firmavit, ut ea faciliùs, quod dictu quoque nefas est, contemnamus, quàm nos non intelligere, vel non credere, tam aperta & divina fingamus. Quando audimus, hæc dicit Dominus, quis non futurum esse credat, quod dicit Dominus, nisi qui Deo non credit? Quod autem dicit, *væ Pastoribus*; istud *væ* pro maledicto poni, & Pastorum nomine nos significari, quis non intelligat, nisi qui futurum non cogitat? Greges Domini pascendos Pastores facti suscipimus, & nos ipsos pascimus, quando non gregum utilitati prospici-*

N n n

mus, sed quod foveat, & augeat nostras voluptates, attendimus. Lac & lanas ovium Christi, videlicet oblationes quotidianas, ac decimas fidelium, gaudentes accipimus: & curam pascendorum gregum, ac reficiendorum, à quibus perverso ordine volumus pasci, deponimus. Non sanamus spiritali consilio peccatis infirmum: non sacerdotali ope consolidamus, aut reficimus diversis tribulationibus fractum: non ad viam salutis sollicitudine pastoralis veniæ desperatione jam perditum, ad hoc tantum potentes effecti, ut nobis in subiectos dominationem tyrannicam vindicemus, non ut afflictos contra violentiam potentum, qui in eos ferarum more sæviunt, defendamus. Inde est, quòd non tam à potentibus hujus mundi, quàm à nobis, quod pejus est, nonnulli graviter fatigati depereunt: quos se de manu nostrà Dominus requisitum terribiliter comminatur, dicens: *Requiram oves meas de manu Pastorum, & cessare eos faciam, ut ultra jam non pascant greges meos. Quod quid est aliud, quàm Pastores, qui semetipsos, non greges meos pascunt, sublimitate suæ dignitatis expoliabo, & inter reprobos, quia honorem suum noluerunt custodire, projiciam? Horum & his similium consideratione perterritus Propheta: Timor (h) & tremor, inquit, venerunt super me, & contexerunt me peccatorum meorum tenebræ. Et dixi, quis dabit mihi pennas sicut Columbæ, & volabo, & requiescam? Et hoc est totum, propter quod imperitiæ meæ, ac futuri finis recordatus ingemui, & volui, sarcinà Episcopatus mei deposità, elongare fugiens, & manere in solitudine, & ibi expectare Dominum, qui salvum me faceret à pusillanimitate meà, & ab ipsà intolerabilem mihi sollicitudinum tempestate.*

## XXXIII. De iracundis Doctores.

Iridori.

Iracundi (i) Doctores, per rabiem furoris disciplinæ modum ad immanitatem crudelitatis convertunt: & unde emendare subditos poterant, inde potius vulnerant. Ideo sine mensurà ulciscitur culpas Præpositus iracundus; quia cor ejus dispersum in rerum curis, non colligitur in amorem unius Deitatis.

Mens

(g) Ezech. 34. 2.

(h) Psal. 54. 6.

(i) Lib. 3. Sent. Cap. 40.



Mens enim soluta in diversis, catenâ caritatis non adstringitur: sed malè laxata, malè ad omnem occasionem movetur.

XXXIV. *De zelo pastoralis officii ergo subditos.* Gregorii.

Omnis (k) spiritalis zelus Doctoris animum frigit: quia valde cruciatur, dum infirmos quosque æterna deferere, & rebus temporalibus delectari conspiciat. Nullum quippe omnipotenti Deo tale est sacrificium, quale est zelus animarum, sicut Psalmista ait: *Zelus (l) domus tuæ comedit me.* Paulus Apostolus zelo animarum cruciatus, dicebat: *Quis infirmatur, (m) ego non infirmor? Quis scandalizatur, & ego non uror.* Ipsum suum cor, quod animarum zelo succenderat, quid aliud, quàm quasi sartagine fecerat, in quo amore virtutum contra vitia ardebat: quod enim urebatur, sartago erat. Inardescere enim & coquebatur, quia incendebatur amaritudine, sed virtutum alimenta præparabat ex suâ afflictâ cogitatione. Sed quid est, quod Ezechiel Propheta (n) eandem sartagine inter se, & civitatem murum ferreum ponit, nisi quod idem fortis zelus, qui nunc in mente Doctoris agitur, in die extremi iudicii, inter eum & animam, quam à vitiis zelatur, testis est? Ut etsi audire is, qui docetur, noluerit, Doctor tamen pro zelo, quem exhibet, de auctoris negligentia reus non sit? Murum ergo ferreum Propheta inter se & civitatem ponit: quia in ultionis tempore, inde Doctor à damnationis periculo munitur, unde nunc per zelum custodiæ cordis frixuram patitur. Quantum frixura cordis, quæ spiritali zelo agitur, omnipotenti Domino Deo placeat, aperte ostenditur, cum offerri per legem similia in Sacrificium iubetur. Scriptum quippe est: *In sartagine (o) oleo conspersa frigitur, offeretque eam calidam in odorem suavissimum Domino Sacerdos, qui Patri iure successerit, & tota cremabitur in Altari.* Tunc similia in sartagine frigitur, cum munda mens iusti per zeli sancti ardorem crematur. Quæ conspergi oleo præcipitur, id est, caritatis misericordiâ misceri, quæ in conspectu omnipotentis Dei ardet & lucet. Conspergatur ergo

oleo mens, quæ in sartagine frigitur: quia sancti zeli distinctio necesse est, ut ex misericordiæ virtute & ardeat, & clarescat. Amat enim eundem ipsum, quem insequi videtur. Unde & calida in odorem suavissimum Domino offerri præcipitur: quia, si amorem zelus non habet, ea, quæ de sartagine offertur, calorem similia amisit. Notandum valde est, quis similia offerri præcipitur, videlicet Sacerdos, qui Patri iure successerit. Ille enim Sacerdos Patri iure successit, qui se esse omnipotentis Domini Filium, moribus demonstrat, atque à nobilitate intima operum suorum ignobilitate non discrepat. Quæ in altari tota cremari præcipitur, ut videlicet holocaustum fiat. Similia itaque in sartagine, est munda mens iusti, in zeli spiritalis afflictione, quæ per sollicitudinem animarum frigitur: & non solum sacrificium, sed etiam holocaustum Domino esse deputatur. Sumamus igitur sartagine ferream, & ponamus eam murum ferreum inter nos & civitatem, id est, assumamus zelum fortem, ut inter nos & auditoris nostri animum, inveniamus hanc postmodum fortem munitionem. Tunc enim hunc murum ferreum inventuri sumus, si tunc eum fortiter tenemus; videlicet docendo, custodiendo, suadendo, increpando, mulcendo, terrendo, aliquando verò etiam severius agendo. De quâ severitate per Ezechiëlem rectè subditur: *Et obfirmabis (p) faciem tuam ad eam, & erit in obfisionem.* Quid est, obfirmare faciem ad Ierusalem in latere descriptam, nisi ut ei animæ, cui cælestis pacis visionem Doctor denuntiat, si adhuc eam infirmari in suis actibus conspiciat, remissioem & clementiorem se minime ostendat? Unde scriptum est: *Filiæ (q) tibi sunt? serva corpus illarum, & non ostendas bilarem faciem tuam ad illas.* Infirmæ quippe animæ, atque ad appetitum mundi deditæ, aliquando melius ex severitate servantur, ut obfirmata facies, id est, per severitatis custodiam ab omni spe frivola remissionis abducta, inconstantem animam terreat, atque à delectatione vitiorum, distractionis vigore constingat. Quod, cum à Doctore agitur, semper necesse est,

(k) Lib. 1. Super. Ezech. hom. 12.

[l] Psal. 68. 10.

(m) 2. Cor. 11. 29.

(n) Cap. 4.

(o) Levit. 6. 21. 22.

(p) Ezech. 4. 3.

(q) Eccl. 7. 26.

est, ut dulcedo & humilitas in corde teneatur; quatenus & multum amet, & nunquam contra eum per elationem superbiat: cui tamen amorem suum & humilitatem pro utilitate ejus prodere recusat. Sequitur. *Et circumdabis eam.* Circumdat Doctor auditoris animam, cum omne, quod in hac vita agitur, in tentationum laqueos apponi posse denuntiat: ut dum ubique fit mens pavida, ubique circumspecta, quando timidior, tanto vigilantior vivat. Ipse (r) namque zelus rectitudinis, dum inquietudine mentem agitat, ejus mox aciem obscurat, ut altiora in commotione non videat, quæ bene prius tranquilla cernebat. Sed inde subtilius ad alta reducitur, unde ad tempus, ne videat, reverberatur. Nam ipsa recti æmulatio, æterna post paululum in tranquillitate largius aperit, quæ hic interim per commotionem claudit: & unde mens turbatur, ne videat, inde proficit, ut ad videndum verius clarescat. Sicut infirmati oculo, cum collyrio immittitur, lux penitus negatur. Sed inde eam post paululum veraciter recipit, unde hanc ad tempus salubriter amittit. Nunquam verò commotioni contemplatio jungitur, nec prævalet mens perturbata conspiciere, ad quod vix tranquilla valet inhiare: quia nec solis radius cernitur, cum commotæ nubes cœli faciem obducunt, nec turbatus fons respicientis imaginem reddit, quam tranquillus propriè ostendit: quia, quo ejus unda palpitat, in eo se spem similitudinis obscurat. Sed cum per zelum animus movetur, curandum summopere est, ne hæc eadem, quæ instrumento virtutis assumitur, menti ira domineatur: nec quasi Domina præeat, sed velut ancilla ad obsequium parata, à rationis tergo nunquam recedat. Tunc enim robustius contra vitia erigitur, cum subdita rationi famulatur. Nam quantumlibet ira ex zelo rectitudinis surgat, si immoderata mentem vicerit, rationi protinus

N n n 2

servire contemnit. Et tantò se impudentius dilatat, quantò impatientiæ vitium virtutem putat. Unde necesse est, ut hoc ante omnia, qui zelo rectitudinis movetur, attendat, ne ira extra mentis dominium transeat, sed in ultione peccati, tempus, modumque considerans, surgentem animi perturbationem subtilius retractando restringat, animositatem reprimat, & motus fervidos sub æquitate disponat: ut eò fiat justior ultor alienus, quo prius exiit victor suus. Qui zelo rectitudinis movetur, sic culpas delinquentium corrigat, ut ante ipse, qui corrigit, per patientiam crescat, ut fervorem suum transcendendo dijudicet, ne intemperanter excitatus ipso zelo rectitudinis longè à rectitudine aberret.

XXXV. *Quòd Sacerdotes nihil proprium (\*) habeant, & Ecclesiæ facultates, tanquam communes, Deo rationem reddituri suscipiant.* Prosperi.

Expedi (s) facultates Ecclesiæ possideri, & proprias perfectionis amore contemni. Non enim propriæ sunt, sed communes, Ecclesiæ facultates: & ideo quisquis omnibus, quæ habuit, dimissis, aut venditis fit rei suæ contemptor, cum Præpositus fuerit factus Ecclesiæ, omnium, quæ habet Ecclesiæ, efficitur dispensator. Denique Sanctus Paulinus, ut ipsi melius nostis, ingentia prædia, quæ fuerant sua, vendita pauperibus erogavit. Sed cum postea factus esset Episcopus, non contempsit Ecclesiæ facultates, sed fidelissimè dispensavit. Quo facto satis ostendit, & propria debere propter perfectionem contemni, & sine impedimento perfectionis posse Ecclesiæ facultates, quæ sunt profectò communia, possidere. Quid Sanctus Hilarius? Nōne & ipse omnia sua, aut parentibus reliquit, aut vendita pauperibus erogavit? Is tamen cum merito perfectionis suæ fieret Ecclesiæ Arelatensis Episcopus, quod illa tunc habebat Ecclesiæ, non solum possedit, sed etiam accep-

(r) Moral. Lib. 5. Cap. 30.

(\*) Ex hoc Capitulo, & Capitulis CXX, CXXI, CXXII. liquet, Canonicis suaderi, ut facultates, quas ex patrimonio, aut alio iusto titulo possident, relinquunt, & vel Pauperibus, vel Ecclesiæ dent: ceterum nullo voto paupertatis astringebantur; & nonnulli Canonici bona sua & domos retinebant, etsi parciùs de communi massa perciperent, ut infra dicitur: *Thomasinus vet. & nova disciplina Parte III. Lib. III. Cap. VII.* ubi respondet S. Petro Damiani Canonicos proprietarios illimitatè damnandi. *Van Espen Parte I. Tit. VII. Cap. I. Eckhart. Historia Francia Lib. XXVIII. Nro. CXXII.*

(s) De vitâ contempl. Lib. 2. Cap. 9.



acceptis fidelium numerosis hæreditatibus ampliavit. Isti ergo tam Sancti, tamque perfecti Pontifices; factis evidentibus clamant, posse, & debere fieri, quod fecerunt. Qui utique homines, tam sæcularium, quam Divinarum literarum sinè ambiguitate doctissimi, si scirent res Ecclesiæ debere contemni, nunquam eas haberent, qui omnia sua reliquerant. Unde datur intelligi, quod tanti, ac tales viri, qui volentes fieri Christi discipuli, renuntiaverunt omnibus, quæ habebant, non ut possessores, sed ut procuratores facultates Ecclesiæ possidebant. Et idcirco scientes, nihil aliud esse res Ecclesiæ, nisi vota fidelium, pretia peccatorum, & patrimonia pauperum, non eas vendicaverunt in usus suos, ut proprias, sed ut commendatas pauperibus diviserunt. Hoc est enim possidendo contemnere, non sibi, sed aliis possidere: nec habendi cupiditate Ecclesiæ facultates ambire, sed eas pietate subveniendi suscipere. Quod habet Ecclesia, cum omnibus nihil habentibus habet commune; nec aliquid inde eis, qui sibi de suo sufficiunt, debet erogare: quando nihil aliud sit, habentibus dare, quàm perdere.

XXXVI. De disciplinâ Sacerdotum, in his, qui delinquant. Isidori.

Sacerdotes (†) pro populorum iniquitate damnantur, si eos aut ignorantes non erudiant, aut peccantes non arguant, testante Domino ad Prophetam: *Speculatorem* (u) *Domui Israël dedi te. Si non fueris locutus, ut se custodiat impius à viâ suâ ille in iniquitate suâ morietur. Sanguinem verò ejus de manu tuâ requiram.* Sic enim (w) Heli Sacerdos pro filiorum iniquitate damnatus est, & licet eos delinquentes admonuit, sed tamen non, ut oportebat, redarguit. Sacerdotes exquirere debent peccata populorum, & sagaci sollicitudine unumquemque probare juxta testimonium Domini ad Jeremiam loquentis: *Probatorem*, (x) inquit, *dedi te in populo meo robustum: & scies, & probabis vias eorum.* Sacerdotes studio corrigendi facta perscrutari debent subditorum, ut emendatos lucrificare possint. Sicut autem peccatorem convenit argui, ita

justum non exulcerari. Sacerdotes curam debent habere, de his, qui pereunt, ut sacerdotali redargutione, aut corrigantur à peccatis, aut si incorrigibiles existunt, ab Ecclesia separentur. Atrociter arguuntur, qui decipiendo peccantes non solum non arguunt pro peccato, sed etiam adulanter decipiunt, dicente Prophetâ: *Et erunt*, (y) *qui beatificant populum istum seducentes: & qui beatificantur, præcipitati.* Atrociter iterum arguuntur, qui peccantem non recipiunt, sed despicunt, & spernunt, nec alterius delictum, tanquam proprium, ingemiscunt. De talibus per Esaiam Dominus comminans dicit: *Qui dicunt*, (z) *recede à me: non appropinques mihi, quia immundus es, isti fumus erunt in furore meo, ignis ardens totâ die.* Inde est, (a) quod & Apostolus omnibus omnia factus est, non imitatione erroris, sed compassionis miseratione, scilicet, ut ita vitia aliena fieret, quemadmodum si tali & ipse implicaretur errore. Boni Pastores populi debent delicta deslere, & totos se planctibus tradere, imitantes Jeremiam Prophetam, dicentem: *Quis dabit* (b) *capiti meo aquam, & oculis meis fontem lacrymarum, & plorabo die ac nocte interfectos populi mei?* Tanquam propria igitur delicta, plebis peccata Sacerdos flere debet: sed affectu compatiendi, non actione commissi. Nonnulli Præsules gregis quosdam pro peccato à communione ejiciunt, ut pœniteant: sed quali forte vivere debeant, ad melius exhortando non visitant. Quibus congruè increpans sermo Divinus comminatur: *Pastores*, (c) *qui pascunt populum meum, vos dispersistis gregem meum: ejecistis, & non visitastis eos; ecce ego visitabo super vos malitiam studiorum vestrorum.* Bonorum studia Sacerdotum multâ diligentia etiam parva plebium facta perquirunt, ut, dum in minimis subditorum peccatis se acerrimos præstant, de majoribus malis cautos sibi subditos, ac sollicitos faciant. Sicut medici morbos imminentes curandos suscipiunt, futuros verò ne irreperant, medicinæ objectu quâdam præscientiâ antecedunt: ita & Doctores boni sic ea, quæ malè acta sunt, refecant, ut ea, quæ admitti possunt, ne perpetrentur doctrinâ succurrente præveniant. Qui blando

fer-

(†) Lib. 3. Sent. Cap. 46.

(x) Jerem. 6. 27.

[a] 1. Cor. 9.

(u) Ezech. 3. 17.

[y] Esa. 9. 16.

[z] Jerem. 9. 1.

(w) 1. Reg. 2. 4.

[x] Esa. 65. 5.

(e) Hieron. 23. 24.

sermone castigatus non corrigitur, acrius necesse est, ut arguatur. Cum dolore enim abscindenda sunt, quæ leniter sanari non possunt. Admonitus secretim, si corrigi de peccato negligit, publicè arguendus est: ut vulnus, quod occultè sanari nescit, manifestè debeat emendari. Manifesta peccata non sunt occultà correctione purganda. Palàm enim sunt arguendi, qui palàm nocent, ut dum apertà objurgatione sanantur, qui eos imitandò deliquerant, corrigantur. Dum unus corripitur, plurimi emendantur. Necesse est enim, ut pro multorum salvatione unus condemnatur, quam pro unius licentià multi periclitentur. Ita erga delinquentem sermo est proferendus, sicut ejus, qui corripitur, exposulat salus. Quod si opus est, aliquam medicamenti salutem verbo increpationis aspergere, lenitatem tamen corde opus est retinere. Doctores nonnunquam duris feriunt increpationibus subditos, qui tamen à caritate eorum, quos corripiunt, non recedunt. Sæpe Ecclesiæ censura arrogantibus videtur esse superbia: & quod à bonis piè fit, crudeliter fieri putatur à pravis: quia non discernunt recto oculo, quod à bonis recto fit animo. Notandum ab omni Pontifice vehementer, ut tantò cautiùs erga commissos agat, quantò duriùs à Christo judicari formidat. Nam sicut scriptum est: (d) *In quâ mensurâ mensi fueritis, remetietur vobis.* Quotidie namque omnes delinquimus, & in multis erroribus labimur. Qui enim in nostris delictis clementes sumus, in alieno peccato rigorem tenere, nequaquam debemus. Multi aliorum vitia cernunt, sua non adspiciunt. Et cum ipsi maximis criminibus obnoxii teneantur, minora peccata fratribus non dimittunt. Hypocritæ trabem in oculo suo consistentem non sentiunt, & hærentem festucam in lumine fratris intendunt. Faciliùs reprehendimus vitia aliena, quam nostra. Nam sæpe, quæ perversa in aliis judicamus, in nobis nobilia minùs esse sentimus: & quod in aliis reprehendimus, agere ipsi non erubescimus. Faciliùs vitia uniuscujusque, quam virtutes intendimus: nec quid boni quisque gesserit, agnoscere, sed quod malè gent, perscrutamur.

N n n 3

XXXVII. *De collatâ Episcopis potestate ligandi, atque solvendi.* Gregorii.

Prædicatores (e) sancti, qui districtum Dei Judicium metuunt, animarum judices fiunt: & alios damnant & liberant, qui semetipsos damnari metuebant. Horum profectò nunc in Ecclesiâ Episcopi locum tenent: solvendi atque ligandi auctoritatem suscipiunt, qui gradum regiminis sortiuntur. Grandis honor Pontificalis, sed grave pondus istius est honoris. Durum quippe est, ut qui nescit tenere moderamina vitæ suæ, iudex vitæ fiat alienæ. Plerùmque contingit, ut ipse judicii locum teneat, cui ad locum vitæ minimè concordat. Ac proinde sæpe agitur, ut vel damnet immeros, vel alios ipse ligatus solvat. Sæpe in solvendis, ac ligandis subditis suæ voluntatis motus, non autem causarum merita sequitur. Unde fit, ut ipsa & ligandi & solvendi potestate se privet, qui hanc pro suis voluntatibus, & non pro subditorum meritis exercet. Sæpe fit, ut erga quemlibet proximum odio vel gratiâ moveatur Pastor. Judicare autem digne de subditis nequeunt, qui in subditorum causis sua vel odia, vel gratiam sequuntur: Unde rectè per Prophetam dicitur: *Mortificabant (f) animas, quæ non moriuntur, vivificabant animas, quæ non vivunt.* Non morientem quippe mortificat, qui justum damnat: & non victurum vivificare nititur, qui reum à supplicio absolvere conatur. Deus omnipotens (g) ut nos à præcipitatâ sententiæ prolatione compesceret, cum omnia nuda & aperta sint oculis ejus, mala tamen Sodomæ noluit audita judicare, *Clamor Sodomorum (h) & Gomorrhæorum multiplicatus est, & peccatum eorum aggravatum est nimis. Descendam & videbo, utrum clamorem, qui venit ad me, opere compleverit, an non est ita, ut sciam.* Omnipotens itaque Deus, & omnia sciens, cur ante probationem quasi dubitat, nisi ut gravitatis nobis exemplum proponat, ne mala hominum ante præsumamus credere, quam probare. Quid hoc exemplo nisi nos admonemur, ne ad proferendam sententiam umquam præcipientes esse debeamus, ne temerè indiscussa judicemus, ne quælibet mala audita nos moveant, ne passim

(d) Matth. 7. 2.

(e) Homil. XXVI. in Joan. 20.

(f) Ezech. 13. 19.

(g) Moral. Lib. 19. Cap. 14.

(h) Gen. 18. 20.



passim dicta finè probatione credamus ? (i) Causæ videlicet pensandæ sunt , & tunc ligandi , atque solvendi potestas exercenda. Videndum est , quæ culpa præcessit , aut quæ sit pœnitentia secuta post culpam : ut quos omnipotens Deus per compunctionis gratiam visitat , illos Pastoris sententia absolvat. Tunc enim vera est absolutio præsentis , cum interni arbitrium sequitur iudicis. Quod bene quadriduanis mortui resuscitatio illa significat , quæ videlicet demonstrat , quia prius mortuum Dominus vocavit & vivificavit , dicens : *Lazare (k) veni foras*. Et postmodum is , qui vivus egressus fuerat , à discipulis est solutus , sicut scriptum est : *Cumque egressus esset qui fuerat ligatus in istis , tunc dixit discipulis suis : solvite eum , & finite abire*. Scilicet ut Pastores Ecclesiæ ei pœnam debeant amovere , quam meruit , qui non erubuit confiteri , quod fecit. Sub magno moderamine Pastores Ecclesiæ vel solvere studeant , vel ligare. Sed utrum iustè , an iniustè obliget Pastor , Pastoris tamen sententia gregi timenda est , ne is , qui subest , & cum iniustè forsitan ligatur , obligationis suæ sententiam ex aliâ culpa mereatur. Pastor quisque vel absolvere indiscretè timeat , vel ligare. Is autem , qui sub manu Pastoris est , ligari timeat vel iniustè : nec Pastoris sui iudicium temerè reprehendat , ne etsi iniustè ligatus est , ex ipsa tumidæ reprehensionis superbiâ , culpa , quæ non erat , fiat.

XXXVIII. *De Episcopis , qui pro ordinatione Sacerdotii munera libenter accipiunt.*

Gregorii.

Nonnulli (l) Episcoporum donum accepti Spiritûs , in usum solent negotiationis inflectere , & miraculorum signa ad avaritiæ obsequium declinare. Hinc est enim , quod Simon (m) per impositionem manûs edita miracula conspiciens percipere donum Spiritûs Sancti pecuniâ voluit : scilicet , ut deterius venderet , quod malè comparasset. (n) Redemptor noster flagello de resticulis facto , de templo turbas eiecit , cathedras vendentium columbas evertit. Columbas quippe vendere , est impositionem manûs ,

quâ Spiritus Sanctus accipitur , non ad vitæ meritum , sed ad præmium dare. Sed sunt nonnulli , qui nummorum quidem præmia ex ordinatione non accipiunt , & tamen sacros ordines pro humanâ gratiâ largiuntur , atque de largitate eadem laudis solummodo retributionem quærunt. Hi nimirum , quod gratis acceptum est , gratis non tribuunt : quia de impenso officio Sanctitatis , nummum favoris expectunt. Unde bene , cum iustum virum describeret Esaias Propheta , ait : *Qui excutit (o) manus suas ab omni munere*. Neque enim dicit , qui excutit manus suas à munere ; sed adjunxit , ab omni : quia aliud est munus ab obsequio , aliud munus à manu , aliud munus à linguâ ; munus , quippe ab obsequio , est subiectio indebitè impensa ; munus à manu , pecunia est. Munus à linguâ , favor. Qui ergo sacros ordines tribuit , tunc ab omni munere manus excutit , quando in divinis rebus non solum nullam pecuniam , sed etiam humanam gratiam non requirit. Plerumque fit , ut quisque eorum , vel bona corporalia ab hominibus accipere contemnat : sed quia hæc non accipit , majores ab eis recipere laudes quærat. Et fortasse munus se accepisse non existimat , qui bona corporalia accipere recusat. Sicut scriptum est superius , aliquando munus à manu , aliquando verò ab ore porrigitur. Nam qui nummum tribuit , munus ex manu dedit : qui autem verbum laudis impendit , munus ab ore protulit. Plerumque Sacerdos , etsi exteriora dona , quæ terrenæ forsitan necessitati congruunt , pro impositione manuum accipere recusat : plus est , quod sibi retribui appetit , cum ultra meritum laudari desiderans , munus ab ore quærit.

XXXIX. *De Subintroductis mulieribus.*  
Ex Concilio Nicæno.

Interdixit (p) per omnia magna Synodus , non Episcopo , non Presbytero , non Diacono , nec alicui omnino , qui in Clero est , subintroductam habere mulierem : nisi fortè aut matrem , aut sororem , aut amitam , vel eas tantum personas , quæ suspiciones effugiunt.

XL.

(i) Homil. 26. in Joan. 20.

(k) Joan. 11.

(l) Homil. 4. in Evang. Matth. 10. *Miser Dominus.*

(m) Act. 8.

(n) Joan. 2.

(o) Isa. 33. 15.

(p) Concilium Nicænum Can. 3.

XL. *De Clericis usuris accipientibus.*  
Ex eodem Concilio.

Quoniam (q) multi sub regulâ constituti, avariciam, & turpia lucra sectantur, oblique divinæ scripturæ dicentis: *Qui pecuniam suam non dedit ad usuram*, mutuū dantes, centesimas exigunt: iustè censuit sancta & magna Synodus, ut si quis inventus fuerit post hanc definitionem usuras accipiens, aut ex inventione aliquâ, vel quolibet modo negotium transigeas, aut hemiola, id est, fescupla, exigens, vel aliquid tale prorsus excogitans turpis lucri gratiâ, deiciatur à clero, & alienus existat à regulâ.

XLI. *De Privilegiis Presbyterorum.*  
Ex eodem Concilio

Pervenit ad sanctum, magnūque Concilium: quod in quibusdam locis & civitatibus Presbyteris gratiam sacræ Communionis Diaconi porrigant, quod nec regula, nec consuetudo tradidit, ut ab his, qui potestatem non habent offerendi, illi, qui offerunt, Christi corpus accipiant. Nec non & illud innotuit, quod quidam Diaconi ante Episcopos sacra oblata contingant. Hæc igitur omnia rescendentur, & in suâ Diaconi mensurâ permaneant, scientes, quodd Episcoporum quidem ministri sint, inferiores autem Presbyteris habeantur. Per ordinem ergo post Presbyterum gratiam sacræ Communionis accipiant, aut Episcopo eis, aut Presbytero porrigente. Sed nec sedere in medio Presbyterorum Diaconis liceat: quia si hoc fiat, præter regulam & ordinem probatur existere. Si quis autem etiam post has definitiones obedire noluerit, à ministerio cessare debet.

XLII. *De excommunicatis, quomodo tractandi sint, & quomodo Concilia quot annis celebranda.* Ex eodem Concilio.

De his (s) qui Communionem privantur, seu ex Clero, seu ex laico ordine ab Episcopis, per unamquamque Provinciam sententia regularis obtineat, ut hi, qui abiciuntur, ab aliis non recipiantur. Requiritur autem, ne pusil-

lanimitate, aut contentione, vel alio quolibet Episcopi vitio videatur à congregatione seclusus. Ut hoc ergo decentiùs inquiratur, bene placuit, annis singulis per unamquamque Provinciam bis in anno Concilia celebrari, ut communiter omnibus simul Episcopis congregatis Provinciæ, discutiantur huiusmodi quæstiones: & sic, qui suo peccaverunt evidenter Episcopo, excommunicari rationabiliter ab omnibus æstimentur, usquequò vel in comuni, vel Episcopo placeat humaniorem pro talibus ferre sententiam. Concilia verò celebrentur, unum quidem ante quadragesimam paschæ, ut omni diffensione sublata, munus offeratur Deo purissimum: secundum verò circa tempus Autumni.

XLIII. *Quodd non oporteat demigrare.* Ex eodem Concilio.

Propter (t) multam perturbationem, & seditiones, quæ fiunt, placuit consuetudinem omnimodis amputari, quæ præter regulam in quibusdam videtur admixta, ita ut de civitate ad civitatem, non Episcopus, non Presbyter, non Diaconus transferatur. Si quis autem post diffinitionem sancti & magni Concilii, tale quid agere tentaverit, & se huiusmodi negotio manciparit, hoc factum prorsus in irritum ducatur, & restituatur Ecclesiæ, cui fuit Episcopus, aut Presbyter, aut Diaconus ordinatus.

XLIV. *Non transmigrandum de civitate in civitatem.* Ex Concilio Chalcedon.

De his, (u) qui transmigrant de civitate in civitatem, Episcopis, aut Clericis, placuit, ut Canones, qui de hac re à sanctis Patribus statuti sunt, habeant propriam firmitatem.

XLV. *De his, qui in Ecclesiis, in quibus provecti sunt, minimè perduraverunt.* Ex Concilio Nicæno.

Quicumque (w) temerè ac periculosè, neque timorem Dei præ oculis habentes, nec agnoscetes Ecclesiasticam regulam, discedunt ab Ecclesiâ Presbyteri, aut Diaconi, vel quicumque sub regulâ prorsus existunt, hi nequaquam debent in aliam Ecclesiam recipi, sed om-

[q] Ex eodem Concilio can. 17.

[s] Concil. Nicæni can. 6.

(t) Conc. Nicæni can. 15.

(u) Conc. Chalcedon. can. 5.

[w] Conc. Nicæni can. 16.



omnem necessitatem convenit illis imponi, ut ad suas parochias revertantur. Quod si non fecerint, oportet eos communione privari. (x) Si quis autem ad alium pertinentem audacter invadere, & in suâ Ecclesiâ ordinare tentaverit, non consentiente Episcopo, à quo discessit is, qui regulæ mancipatur, ordinatio hujuscemodi irrita comprobetur.

XLVI. *De flectendo genu.* Ex eodem Concilio.

Quoniam (y) sunt quidam in die Dominico genu flectentes, & in diebus pentecostes, ut omnia in universis locis consonanter observentur, placuit sancto Concilio, stantes Domino vota persolvere.

XLVII. *De damnatis, & ministrare tentantibus.* Ex Concilio Antiocheno.

Si quis (z) Episcopus damnatus à Synodo, vel Presbyter, aut Diaconus à suo Episcopo, ausi fuerint aliquid de ministerio sacro contingere, sive Episcopus, juxta præcedentem consuetudinem, sive Presbyter aut Diaconus; nullo modo liceat ei nec in alia Synodo restitutionis spem, aut locum habere satisfactionis. Sed & communicantes ei omnes abjici de Ecclesia, & maximè si postea, quam didicerint, adversus memoratos prolatam fuisse sententiam, eisdem communicare tentaverint.

XLVIII. *De Clericis damnatis.* Ex Concilio Africano.

Et illud (a) petendum, ut statuere dignetur, ut si quis cujuslibet honoris Clericus judicio Episcoporum quocumque crimine fuerit damnatus, non liceat eum, sive ab Ecclesiis, quibus præfuit, sive à quolibet homine defensari, interpositâ penâ damni pecuniæ atque honoris, quo nec ætatem, nec sexum excusandum esse præcipiant.

XLIX. *De peregrinorum susceptione.* Ex Concilio Antiocheno.

Nullus (b) peregrinorum sinè paci-

ficus, id est, commendatitiis suscipiatur epistolis.

L. *Quòd non liceat Clerico in duarum civitatum Ecclesiis ministrare.*

Ex Concilio Chalcedonenſi.

Non licere (c) Clericum in duarum civitatum conscribi simul Ecclesiis, sed in quâ ab initio ordinatus est, non ad quam confugit, quasi ad potiorē, ob inanis gloriæ cupiditatem. Hoc autem facientes revocari debere ad suam Ecclesiam, in quâ primitus ordinati sunt, & ibi tantummodo ministrare. (d) Si verò quis jam translatus est ex aliâ in aliam Ecclesiam, prioris Ecclesiæ, vel Martyriorum, quæ sub eâ sunt, aut Ptochodochiorum, aut Xenodochiorum rebus in nullo communicet. Eos verò, qui ausi fuerint post diffinitionem magnæ & universalis hujus Synodi quidquam ex his, quæ sunt prohibita, perpetrare, decrevit Sancta Synodus, à proprio hujusmodi gradu excludere.

LI. *Quòd non oporteat peregrinos Clericos sinè commendatitiis ministrare.*

Ex eodem Concilio.

Peregrinos (e) Clericos & Lectores in alia civitate, præter commendatitias literas sui Episcopi, nusquam penitus ministrare debere.

LII. *Quòd sinè literis sacro ministerio servientes proficisci non debeant.*

Ex Concilio Laodicensi.

Quòd (f) non oporteat Sacerdotem, vel Clericum sinè literis proficisci Canonicis.

LIII. *De Clericis, à communione summoſis, ab alio non recipiendis Episcopo.*

Ex Concilio Sardicensi.

Oſus (g) Episcopus dixit: Hoc quoque omnibus placet, ut sive Diaconus, sive Presbyter, sive quis Clericorum ab Episcopo suo communione fuerit privatus, & ad alterum perrexerit Episcopum, & sciërit ille, ad quem confugit, eum ab Episcopo suo fuisse abjectum; non oportet, ut ei communionem in-

[x] III. D. LXXI. Si quis ausus. (y) Conc. Nicæni can. 20. (z) Conc. Antioch. can. 4.

(a) Conc. Africani can. 29. (b) Conc. Antiocheni can. 7.

(c) Conc. Chalcedonenſ. can. 10. qu. 1. Clericum in duas. (d) Qu. 2. Si quis jam translatus.

(e) Conc. Chalcedon. can. 13. (f) Conc. Laodicensis can. 41. (g) Conc. Sardic. can. 16.

indulgeat. Quod si fecerit, sciat se convocatis Episcopis causas esse dicturum. Universi dixerunt: Hoc statutum & pacem servabit, & concordiam custodiet.

LIV. Si quis excommunicatus ante audientiam communicare præsumperit, ipse in se damnationem protulit.

Ex Concilio Carthaginensi.

Item (b) placuit universo Concilio, ut, qui excommunicatus fuerit pro suo neglectu, sive Episcopus, sive quilibet Clericus, & tempore excommunicationis suæ ante audientiam communionem præsumperit, ipse in se damnationis judicetur protulisse sententiam.

LV. De non sollicitandis Clericis alienis.

Ex Concilio Sardicensi.

Januarius (i) Episcopus dixit: Illud quoque statuat Sanctitas vestra, ut nulli Episcopo liceat alterius Episcopi civitatis Ministrum Ecclesiasticum sollicitare, & in suis Parochiis ordinare. Universi dixerunt: Placet, quia ex his contentionibus solet nasci discordia: & ideo prohibet omnium sententia, ne quis hoc facere audeat.

LVI. De his, qui semel legerint in Ecclesiâ, ab aliis non posse promoveri. Ex Concilio Africano.

Item placuit, (k) ut quicumque in Ecclesiâ vel semel legerit, ab alia Ecclesiâ ad Clericatum non teneatur. Et subscripserunt. Aurelius Episcopus, Ecclesiæ Carthaginensis huic decreto consensit, & perlecto subscripsi. Similiter & ceteri Episcopi subscripserunt.

LVII. Si qui Clerici ab Episcopis suis promoti contempserint, nec illic maneant, unde recedere noluerunt. Ex Concilio Carthaginensi.

Item placuit, (l) ut quicumque Clerici, vel Diaconi, pro necessitatibus Ecclesiarum non obtemperaverint Episcopis suis, volentibus eos ad honorem ampliorem in sua Ecclesiâ promovere, nec

O o o

illic ministrent in gradu suo, unde recedere noluerunt.

LVIII. Ut nullus alienum Clericum sollicitare, vel tenere præsumat, suo Episcopo non præbente consensum. Ex Decretali Leonis Papæ.

Alienum (m) Clericum invito Episcopo ipse, nemo suscipiat, nemo sollicitet, nisi fortè ex placito caritatis id inter dantem, accipientemque conveniat. Nam gravis injuriæ reus est, qui de fratris Ecclesiâ id, quod est utilius, aut pretiosius, audet vel allicere, vel tenere. Itaque, si intra Provinciam res agatur, transfugam Clericum de Ecclesiâ suâ, Metropolitanus redire compellet. Si autem longius recessit, sui præcepti autoritate revocabitur, ut nec cupiditati, nec ambitioni occasio relinquatur.

LIX. Ut in Ecclesiâ convivium minimè celebrentur. Ex Concilio Africano.

Ut nulli (n) Episcopi, vel Clerici in Ecclesiâ conviventur, nisi fortè transeuntes hospitiorum necessitate illie reficiant. Populi etiam ab hujusmodi convivii, quantum fieri potest, prohibeantur.

LX. Quod nullus Ecclesiasticorum in tabernis comedere debeat. Ex Concilio Laodicensi.

Quod (o) non oporteat sacro ministerio deditos, à Presbyteris usque ad Diaconos, & reliquum Ecclesiasticum ordinem, id est, usque ad Subdiaconos, Lectores, Cantores, Exorcistas, & Ostiarios, & ex numero continentium & Monachorum, ingredi tabernas.

LXI. De avaritiâ. Ex Concilio Carthaginensi.

Aurelius (p) Episcopus dixit: Avaritiæ cupiditas, quam rerum omnium malarum matrem esse, nemo est, qui dubitet, proinde inhibenda est: & ne quis alienos fines usurper, aut per præmium terminos Patrum staturos transcendat. Nec omnino cuiquam Clericorum

(b) Conc. Carthaginen. can. 29.

(k) Conc. Africani can. 57.

(m) Leo Epist. 82. ad Anastasium Thess. Cap. 9. XIX. Quæ 2. Alienum Clericum.

(n) Conc. Africani can. 9.

(o) Conc. Laodic. D. XLIV. Non oportet Clericum,

(p) Conc. Carthagin. can. 5.



corum liceat, de quolibet re sœnus accipere. Quanquam novellæ suggestiones, quæ vel obscuræ sunt, vel sub genere latent, inspectæ à nobis formam accipient. Cæterum, de quibus apertissimè divina Scriptura sanxit, non est differenda sententia, sed potius exequenda. Proinde, quod in laicis reprehenditur, id multò magis debet in Clericis prædamnari. Universum Concilium dixit: Nemo contra Prophetas, nemo contra Evangelia facit sinè periculo.

LXII. *Quòd usuram non solum Clerici exigere non debent, sed nec Laici Christiani.*

Ex Decretali Leonis Papæ.

Nec hoc (q) quoque prætereundum esse duximus, quòdam lucri turpis cupiditate captos, usurariam exercere pecuniam, & tenore velle ditescere. Quod nos, non dicam, in eos, qui sunt in Clericali officio constituti, sed in Laicos cadere, qui Christianos se dici cupiunt, condolemus. Quod vindicari acrius in eos, qui fuerint confutati, decernimus, ut omnis peccandi opportunitas adimatur.

LXIII. *De his, qui esum carnum in Clero constituti diffugiunt.* Ex Concilio Ancyritano.

Hi, (r) qui in Clero sunt Presbyteri, & Diaconi, & à carnibus abstinent, placuit eas quidem contingere, & ita, si voluerint, continere. Quòd si in tantum eas abominantur, ut nec olera, quæ cum eis coquantur, existiment comedenda, tanquam non consentientes regulæ, ab ordine cessare debebunt.

LXIV. *De numero certo Diaconorum.* Ex Concilio Neocæsariensi.

Diaconi (s) septem esse debent juxta Regulam, licet & valde magna sit civitas. Idipsum autem & Actuum Apostolorum liber insinuat.

LXV. *De his, qui abominantur eos, qui carnibus vescuntur.* Ex Concilio Gangrensi.

Si quis (t) carnes edentem, præter

sanguinem & idolis immolatum, & suffocatum, cum religione & fide condemnat, velut spem propter hujusmodi perceptionem non habentem, anathema sit.

LXVI. *De his, quæ in usus pauperum conferuntur.* Ex eodem Concilio.

Si quis (u) dederit, vel acceperit oblata præter Episcopum, vel eum, qui constitutus est ab eo, ad dispensandam misericordiam pauperibus; & qui dat, & qui accipit, anathema sit.

LXVII. *De his, qui pro virginitate superbiunt.* Ex eodem Concilio.

Si quis (w) ex his, qui virginitatem propter Dominum servant, extollitur adversus conjugatos, anathema sit.

LXVIII. *De his, qui dominico die jejunant, tanquam nihil præ cæteris differente.*

Ex eodem Concilio.

Si quis (x) propter continentiam, quæ putatur, aut contumaciam, in die Dominico jejunat, anathema sit.

LXIX. *De his, qui Ecclesiastica jejunia absque necessitate dissolvunt.* Ex eodem Concilio.

Si quis (y) eorum, qui continentia student, absque necessitate corporeâ, tradita in commune jejunia, & ab Ecclesiâ custodita, superbiendo dissolvit stimulo suæ cogitationis impulsus, anathema sit.

LXX. *De his, qui se à perceptione Sanctæ Communionis avertunt, & qui excommunicationis per domos communicant.* Ex Concilio Antiocheno.

Omnes, (z) qui ingrediuntur Ecclesiam Dei, & Scripturas Sacras audiunt, nec communicant in oratione cum populo, sed pro quâdam intemperantia se à perceptione sanctæ communionis avertunt, hi de Ecclesia removeantur, quamdiu per confessionem penitentia fructus ostendant, & precibus indulgentiam consequantur.

LXXI.

[q] Leo Epist. 1. XIV. Qu. 4. Nec hoc prætereundum. (r) Conc. Ancyritani can. 13.  
[s] Conc. Neocæsariensis can. 14. D. XCIII. Diaconi septem. Act. 6.  
[t] Conc. Gangrensis can. 2. D. XXX. Si quis carnem. [u] Ibid. can. 8.  
[w] Ibid. can. 10. 4. D. XXX. Si quis propter Deum.  
[x] Ibid. can. 18. 7. D. XXX. Si quis tanquam hoc.  
[y] Ibid. can. 19. 8. D. XXX. Si quis eorum. [z] Conc. Antiocheni can. 2.

LXXI. *De his, qui ab aliâ parochiâ, præter conscientiam Episcoporum suorum, in aliis commorantur.* Ex eodem Concilio.

Si quis (a) Presbyter, aut Diaconus, & omnino quilibet ex Clero Parochiam propriam deferens, ad aliam properavit, dein omnino demigrans, in alia parochia per multa tempora nititur immorari, ulterius ibidem non ministret: maximè si vocanti suo Episcopo, & regredi ad propriam parochiam commonenti, obedire contempserit. Quòd si in hac indisciplinatione perdurat, à ministerio modis omnibus removeatur, ità ut nequaquam locum restitutionis inveniatur. Si verò pro hac causâ damnatum alter Episcopus suscipiat, hic etiam à communi coerceatur Synodo, velut, qui Ecclesiastica constituta dissolvat.

LXXII. *De Clericis excommunicatis, vel Laicis.* Ex eodem Concilio.

Si quis (b) à proprio Episcopo communione privatus est, non ante suscipiatur ab aliis, quàm suo reconcilietur Episcopo: aut certè ad Synodum, quæ congregatur, occurrens, pro se satisfaciatur.

LXXIII. *De Episcopis, & Clericis adeuntibus Imperatorem.* Ex eodem Concilio.

Si quis (c) Episcopus, aut Presbyter, aut quilibet regulæ subiectus Ecclesiæ, præter consilium, & literas Episcoporum Provinciae, & præcipuè Metropolitanæ, adierit Imperatorem, hunc reprobari, & abjici oportere, non solum à communione, verum & ab honore, cujus particeps videtur existere; quia venerandi Principis auribus molestiam tentavit inferre contra leges Ecclesiæ. Si igitur adire Principem necessaria causa deposcit, hoc agatur cum tractatu & consilio Metropolitanæ, & cæterorum Episcoporum, qui in eadem Provincia commorantur. Qui etiam proficiscentem suis prosequantur epistolis.

O o o 2

LXXIV. *De damnatis Episcopis, aut Clericis, adeuntibus Imperatorem.* Ex eodem Concilio.

Si quis (d) à proprio Episcopo Presbyter, aut Diaconus, aut à Synodo fuerit Episcopus fortè damnatus, & Imperatoris auribus molestus extiterit, oportet ad majus Episcoporum conventi Concilium: & quæ putaverint habere iusta, plurimis Episcopis suggerant, eorumque discussiones ac iudicia præstolentur. Si verò hæc parvi pendentes, molesti fuerint Imperatori, hos nullâ veniâ dignos esse, nec locum satisfactionis habere, nec spem futuræ restitutionis penitus opperiri dijudicamus.

LXXV. *Ut qui in Sacrario serviunt, usuras non exigant.* Ex Concilio Laodicensi.

Quòd (e) non oporteat Sacerdotes & Clericos fœnerantes usuras, vel, quæ dicuntur fescupla, id est, & summam capitis, & dimidium summæ, percipere.

LXXVI. *De his, qui debeant in ambone, id est, in pulpito psallere.* Ex eodem Concilio.

Quòd (f) non oporteat amplius præter eos, qui regulariter Cantores existunt, qui & de codice cantunt, alios in pulpitu concendere, & in Ecclesiâ psallere.

LXXVII. *De honore, quem Presbyteris Diaconi, qui sub ipsis sunt, debeant exhibere.* Ex eod. Concilio.

Quòd (g) non oporteat Diaconum coram Presbytero sedere, sed iussione Presbyteri sedeat. Similiter autem & Diaconus in honore habeatur ab obsequentibus, id est, Subdiaconis, & omnibus Clericis.

LXXVIII. *Quòd Subdiaconi non debeant benedicere, vel benedicta tribuere.* Ex eodem Concilio.

Quòd (h) non oporteat Subdiaconos

(a) Conc. Antiocheni can. 3. 24. VII. qu. 1. Si quis Presbyter.

(b) Ibid. can. 6. 2. XI. qu. 3. Si quis à proprio.

(c) Ibid. can. 11. 21. XXIII. qu. 8. Si quis Episcopus.

(d) Ibid. can. 12. 2. XXI. qu. 5. Si quis à proprio Episcopo.

(e) Conc. Laodicensis can. 6. 9. D. XLVI. Non licet fœnerari.

(f) Ibid. can. 15.

(g) Ibid. can. 20. 15. D. XCIII. Non oportet;

(h) Ibid. can. 25. 16. D. XCIII. Non oportet Subdiaconos.



nos panem dare , & calicem benedicere.

LXXIX. *De Exorcistis , qui non sunt ab Episcopis ordinati.* Ex eodem Concilio.

Quodd (*i*) hi, qui non sunt ab Episcopis ordinati, tam in Ecclesiis, quam in domibus, exorcizare non possint.

XXC. *In Ecclesia prandia fieri non debere.* Ex eodem Concilio.

Quodd (*k*) non oporteat in domiciliis divinis, id est, in Domini Ecclesiis, convivium, quæ vocantur agapæ, fieri, nec intra domum Dei comedere, vel acubitus sternere.

XXCI. *Quodd præter Episcopum Clericus proficisci non debeat.* Ex eodem Concilio.

Quodd (*l*) non oporteat Sacerdotem, vel Clericum, præter iussuam sui proficisci Pontificis.

XXCII. *Ut ad Sacrarium mulieres non introeant.* Ex eodem Concilio.

Quodd (*m*) non oporteat ingredi mulieres ad altare.

XXCIII. *Non licere Clericis, lubricis, vel publicis spectaculis interesse, nec congruere penitus Christianis, commessationibus interesse.* Ex eodem Concilio.

Quodd (*n*) non oporteat Sacerdotes, aut Clericos, quibuscunque spectaculis in scenis, aut in nuptiis interesse: sed antequam thymelici ingrediantur, exurgere eos convenit, atque inde discedere. Nec oporteat Sacerdotes, aut Clericos, ex collatis, vel commessationibus convivium celebrare. Hoc autem nec Laicis posse congruere.

XXCIV. *Oblationes offerri in domibus non oportere.* Ex eodem Concilio.

Quodd (*o*) non oporteat in domibus oblationes celebrari ab Episcopis, vel Presbyteris,

XXCV. *De Clericis, & Monachis, non manentibus in suo proposito.* Ex Concilio Chalcedonensi.

Qui (*p*) semel in Clero deputati sunt, aut Monachorum vitam expetiverunt, statuimus, neque ad militiam, neque ad dignitatem aliquam venire mundanam; aut hoc tentantes, & non agentes poenitentiam, quod minus redeant ad hoc, quod propter Dominum primitus elegerunt, anathematizari.

XXCVI. *Quodd non oporteat Clericos, habentes invicem negotium, proprium Episcopum relinquere, & ad secularia judicia convocari.*

Ex eodem Concilio.

Si quis (*q*) Clericus adversus Clericum habet negotium, non deserat Episcopum proprium, & ad secularia percurrat judicia: sed prius actio ventiletur apud Episcopum proprium, vel certè consilio ejusdem Episcopi, apud quos utraq; partes voluerint, iudicium obtinebunt. Si quis autem præter hæc fecerit, Canonici correctionibus subiacet. Quodd si Clericus habet causam adversus Episcopum proprium, vel adversus alterum, apud Synodum Provinciae judicetur. Quodd si adversus ejusdem Provinciae Metropolitanum Episcopus, vel Clericus habet querelam, petat Primatem Dioceseos, aut sedem Regiæ urbis Constantinopolitanæ, & apud ipsum judicetur.

XXCVII. *Quodd minimè Clericos transigrari oporteat.* Ex eodem Concilio.

Clericos (*r*) in Ecclesia ministrantes, sicut jam constituimus, in alterius civitatis Ecclesiam statutos fieri non oportet, sed contentos esse, in quibus ab initio ministrare meruerunt, exceptis illis, qui proprias admittentes Provincias, ex necessitate ad aliam Ecclesiam transierunt.

XXCVIII.

(*i*) Conc. Laodicensis can. 26. 2. D. LX. Non oportet exorcizare.

(*k*) Ibid. can. 28. 4. D. XLII. Non oportet in Basil.

(*m*) Ibid. can. 44.

(*n*) Ibid. can. 54. de Consec. Dist. 5. Non oportet Ministros.

(*o*) Ibid. can. 54. 10. D. XLIV. Non oportet.

(*p*) Conc. Chalcedon. can. 7. 20. qu. 3. Eos, qui semel.

(*q*) Ibid. can. 9. 46. XI. qu. 1. Si Clericus.

(*r*) Ibid. can. 20. 4. D. LXXI. Clericos in suis.

XXCVIII. *Quòd non liceat Clericis, post mortem sui Episcopi, bona ejus diripere.*  
Ex eodem Concilio.

Non (r) licere Clericis post obitum sui Episcopi, res ad eum pertinentes diripere, sicut antiquis quoque est Canonibus constitutum. Quòd si hoc facere tentaverint, graduum suorum periculo subjacebunt.

XXCIX. *Si quis Clericorum pauper promotus, in ordine postea habuerit aliquid, Ecclesiæ potestati subiciat.* Ex Concil. Carthagenensi.

Item (z) placuit, ut Episcopi, Presbyteri, Diaconi, vel quicumque Clerici, qui nihil habentes ordinantur, & tempore episcopatus, vel Clericatus sui, agros, vel quæcumque prædia nomine suo comparant, tanquam rerum dominicarum invasionis crimine teneantur, nisi admoniti in Ecclesia eadem ipsa contulerint. Si autem ipsis propriè aliquid liberalitate alicujus, vel successione cognationis obvenit, faciant inde, quod eorum proposito congruit. Quòd si à suo proposito retrorsum exorbitaverint, honore Ecclesiastico indigni, tamquam reprobis, judicentur.

XC. *Ut Clerici tabernas, nisi in peregrinis, non ingrediantur.* Ex Concilio Africano.

Ut Clerici (u) edendi, vel bibendi causâ tabernas non ingrediantur, nisi peregrinationis necessitate compulsi.

XCI. *Ut alienus Clericus minimè suscipiatur ab alio.* Ex eodem Concilio.

Epigonius (w) Episcopus dixit: In multis Conciliis hoc statutum est, etiam nunc hoc confirmandum est à vestra prudentia, beatissimi Fratres, ut Clericum alienum nullus sibi præcipiat Episcopus, præter ejus arbitrium, cujus fuerit Clericus.

XCII. *Ut Clericus nec suo, nec alieno nomine sanus exerceat.* Ex Decretali Leonis Papæ.

Illud (x) etiam duximus præmo-

O o o 3

nendum, ut sicut non suo, ita nec alieno nomine aliquis Clericorum exercere fœnus attentet. Indecens enim est, crimen suum commodis alienis impendere. Fœnus autem hoc solum aspicere & exercere debemus, ut quod hic misericorditer tribuimus, ab eo Domino, qui multipliciter, & in perpetuum manfura retribuet, recipere valeamus.

XCIII. *Ut Clerici nullas negotiationes inonestas, & turpia lucra seculentur.* Ex Decretali Gelasii Papæ.

Consequens (y) fuit, ut illa quoque, quæ de Picensi partibus nuper ad nos missa relatio nuntiavit, non prætereunda putaremus, id est, plurimos Clericorum negotiationibus inhonestis & lucris turpibus imminere, nullo pudore ænentes Evangelicam lectionem, quâ ipse Dominus (z) noster negotiatores è templo verberatos flagellis, asserit expulisse: nec Apostoli verba recolentes, quibus ait: *Nemo militans (a) Deo, implicat se negotiis secularibus*: Psalmistam quoque David furdâ dissimulantes aure cantantem: *Quoniam (b) non cognovi negotiationes, introibo in potentias Domini*. Proinde hujusmodi aut ab indignis post hæc quæstibus noverint abstinendum, & ab omnibus cujuslibet negotiationis ingeniis, cupiditatèque cessandum, aut in quocumque gradu sint positi, mox à Clericalibus officiis abstinere cogantur: quoniam domus Dei domus orationis & esse debet & dici, ne officina negotiationis, & spelunca potiùs sit latronum.

XCIV. *Excerptum ex Epistola S. Hieronymi Presbyteri ad Neporianum de vitâ Clericorum.*

Petis à me, Nepotiane carissime! literis transmarinis, & crebrò petis, ut tibi brevi volumine digeram præcepta bene vivendi, & quâ ratione is, qui sæculi militiâ derelictâ, cæperit esse Clericus, rectum Christi tramitem teneat, ne ad diversa vitiorum diverticulâ rapiatur. Scio quidem ab avunculo tuo Beato Heliodoro, qui nunc Pontifex Christi est, te & didicisse, quæ sancta sunt, & quo-

(r) Conc. Chalcedon. can. 22. 43. XII. qu. 2. Non liceat Clericis.

(s) Conc. Carthagin. can. 32.

(u) Conc. Africani can. 7.

(w) Ibid. Can. 21.

(x) Leonis Papæ Epist. 1. Cap. 4.

(y) Gelasii Papæ Epist. I. Cap. 15. 2. D. XXCVIII. Consequens.

(z) Math. 21.

(a) 2. Tim. 2. 4.

(b) Psal. 70. 16.



quotidie discere, normamque te ejus exemplo habere virtutum. Sed & nostra, qualiacunque sunt, suscipe: & libellum hunc libello illius copulato, ut cum ille te monachum erudierit, hic Clericum doceat esse perfectum. Igitur Clericus, qui Christi servit Ecclesiæ, interpretetur primò vocabulum suum: & nominis definitione prolata, nitatur esse, quod dicitur. Si enim Cleros græcè, latinè fors appellatur; propterea vocantur Clerici, quia de sorte sunt Domini, vel, quia Dominus ipse fors, id est, pars Clericorum est. Qui autem vel ipse pars Domini est, vel Dominum partem habet, talem se exhibere debet, ut ipse possideat Dominum, & ipse possideatur à Domino. Qui possidet Dominum & cum Propheta dicit: *Pars (c) mea Dominus*, nihil extra Dominum habere potest. Quòd si quippiam aliud habuerit præter Dominum, pars ejus non erit Dominus. Verbi gratia: si aurum, si argentum, si possessiones, si variam suppellectilem; cum istis partibus Dominus pars ejus fieri non dignatur. Si autem ego pars Domini sum, & funiculus hereditatis ejus; nec accipio partem inter ceteras tribus, sed quasi Levita & Sacerdos vivo de decimis; & altari serviens, altaris oblatione sustentor; habens victum & vestitum, his contentus ero, & nudam crucem nudus sequor. Obsecro itaque te, & repetens iterum, iterumque monebo, ne officium Clericatus genus antiquæ militiæ putes: id est, ne lucra sæculi in Christi quæras militiâ: nec plus habeas, quàm quando Clericus esse cæpisti, & dicatur tibi: *Cleri eorum (d) non proderunt eis*. Mensulam tuam pauperes & peregrini, & cum illis Christus conviva noverit. Negotiatorem Clericum, & ex inope divitem, ex ignobili gloriosum, quasi quandam pestem fuge. *Corrumpunt (e) mores bonos consabulationes pessimæ*. Tu aurum contemnitis, alius diligit. Tu calcas opes, ille secatur. Tibi cordi est mansuetudo, silentium, secretum: illi loquacitas, attrita frons; fora placent, & plateæ, & medicorum tabernæ. In tantâ morum discordiâ, quæ potest esse concordia? Hospitolum tuum aut rard, aut nunquam mulierum pedes terant. Omnes puellas, & virgines Christi, aut

æqualiter ignora, aut æqualiter dilige. Ne sub eodem tecto maneris, nec in præteritâ castitate confidas. Nec David sanctior, nec Salomone potes esse sapientior. Memento semper, quòd paradisi colonum de possessione suâ mulier ejecerit. Ægrotanti tibi sanctus quilibet frater assit, & germana, vel mater, aut probatæ quælibet apud omnes fidei. Quòd si hujusmodi non fuerint consanguinitatis, castimoniarumque personæ; multas anus nutrit Ecclesia, quæ & officium præbeant, & beneficium accipiant ministrando, ut infirmitas quoque tua fructum habeat Eleemosynæ. Scio quosdam convalescere corpore, & animo ægrotare cæpisse. Periculose tibi ministrat, cujus vultum attendis frequenter. Si propter officium Clericatus aut vidua visitatur, aut Virgo: nunquam domum solus introcas, talesque habeto socios, quorum contubernio non infameris. Si lector, si acolytus, si psalteres te sequitur, non ornatur veste, sed moribus: nec calamistro crispent comas, sed pudicitiam habitu polliceantur. Solus cum solâ secretè, & absque arbitro, vel teste non sed eas. Si familiarius est aliquid loquendum, habet nutricem majorem domus, virginem, viduam, maritam. Non est tam inhumana, ut nullum præter te habeat, cui se audeat credere. Caverò omnes suspiciones: & quidquid probabiliter fingi potest, ne fingatur, ante devita. Crebra munuscula, & sudariola, & vasculos, & vestes ori applicatas, & oblatos, ac degustatos cibos, blandasque ac dulces literulas sanctus amor non habet. Mel meum, lumen meum, meumque desiderium, Christus est. Natus in paupere domo, & tugurio rusticano, qui vix milio & cibario pane rugientem satiare ventrem poteram, nunc similibus & mella fastidio. Novi & genera, & nomina piscium: in quo litore conchæ lectæ sint, calleo: saporibus avium discerno Provincias: & ciborum raritas, ac novissimè damna ipsa delectant. Tu quidem divinas scripturas sæpius lege, immò nunquam de manibus tuis sacra lectio deponatur. Disce, quod doceas. Obine cum, qui secundum doctrinam est, fidelem sermonem, ut possis exhortari in doctrinâ sanâ

(c) Psal. 115. 5.

(d) Jerem. 12. 23.

(e) 1. Cor. 15. 33.

sanâ & contradicentes revincere. Permane in his, quæ didicisti, ac credita sunt tibi, sciens, à quo didiceris, semper paratus ad satisfactionem omni poscenti te rationem de eâ, quæ in te est, spe. Non confundant opera sermonem tuum, ne, cùm in Ecclesiâ loqueris, tacitus quilibet respondeat: Cur ergo hæc, quæ dicis, ipse non facis? Delicatus Magister est, qui pleno ventre de jejuniis disputat. Accusare avaritiam & latro potest. Sacerdotis Christi os, mens, manûque concordent. Esto subiectus Pontifici tuo, & quasi animæ parentem suscipe. Amare filiorum, timere fervorum est. Si pater (f) sum, inquit, ubi est honor meus? Si Dominus ego sum, ubi timor meus est? Melius est, carissime, non habere, quod tribuas, quàm impudenter petere, quod des. Sed & genus arrogantia est, clementiorem te velle videri, quàm Pontifex Christi est. Non omnia possumus omnes. Alius in Ecclesiâ oculus est, alius lingua, alius manus, alius pes, auris, venter, & cætera. Legè Pauli Epistolam ad Corinthios, quomodo *diversa membra unum corpus* efficiunt. (g) Nec rusticus tamen & simplex frater ideo se sanctum putet, si nihil noverit: nec peritus & eloquens linguâ æstimet sanctitatem: multoquæ melius est è duobus imperfectis, rusticitatem habere sanctam, quàm eloquentiam peccatricem. Multi ædificant parietes, & columnas Ecclesiæ substruunt: marmora nitent, auro splendent laquearia, gemmis altare distinguitur; & ministrorum Christi nulla electio est. Nunc verò portemus crucem Christi, & divitias lutum putabimus. Quid miramur, quodd Christus vocat iniquum Mammona? (h) quid suspicimus & amamus, quodd Petrus se non habere testatur? Convivia tibi detestanda sunt sæcularium, maxime horum, qui honoribus tument. Turpe est, ante fores Sacerdotis Christi, Crucifixi & pauperis, & qui cibo quoque vesceretur alieno, lictores consulum, & milites excubare: judicemque Provinciæ melius apud te prandere, quàm in palatio. Quodd si obrederis, facere te hæc, ut roges pro miseris,

atque subiectis: judex sæculi plus desert Clerico continenti; quàm diviti: & magis Sanctitatem tuam venerabitur, quàm opes. Aut si talis est, qui non audiat Clericos, nisi inter phialas, libenter carebo hujuscemodi beneficio, & Christum rogabo pro iudice, qui magis potest, & citius subvenire. *Melius est enim considerare in Domino, quàm considerare in homine. Melius est sperare in Domino, quàm sperare in Principibus.* Numquam vinum redoleas, ne audias illud Philosophi: hoc non est osculum porrigere, sed vinum propinare. Violentos Sacerdotes (i) & Apostolos damnat, & vetus lex prohibet. *Qui altario serviunt, vinum, & siceram non bibent.* (k) Siceram Hebræo sermone omnis potio nuncupatur, quæ inebriare potest, sive illa, quæ frumento conficitur, sive pomorum succo, aut cum favi decoquuntur in dulcem & barbaram potionem, aut palmarum fructus exprimuntur in liquorem, coctisque frugibus aqua pinguior coloratur. Quidquid inebriat, & statum mentis evertit, fuge similiter ut vinum. Nec hoc dico, quod Dei creatura à nobis damnetur. Siquidem & Dominus vini potator est appellatus (l): & Timotheo dolenti stomachum, (m) vini modica sorbitio relaxata est. Sed modum pro ætatis & valetudinis, & corporum qualitate exigimus in potando. Quod si absque vino ardeo adolescentiâ, & inflammor calore sanguinis, succulento, validoque sum corpore; libenter carebo poculo, in quo suspicio veneni est. Pulchrè dicitur apud Græcos, sed nescio, utrùm apud nos æquè resonet: pinguis venter, non gignit sensum tenuem. Tantum tibi jejuniis impone, quantum ferre potes. Sint tibi jejunia pura, casta, simplicia, moderata, & non supersticiosa. Quid prodest, oleo non vesci, & molestias quasdam, difficultatésque ciborum querere, carycas, piper, nuces, palmarum fructus, simillam, mel, pistacia? Tot hortorum cultura vexatur, ut cibario non vescamur pane. Audio præterea, quosdam contrarum hominumque naturam, aquam non bibere, nec vesci pane, sed sorbitiunculas delicatas, & contrita olera, betarumque succum non calice sorbere, sed

(f) Malach. 1. 6.

(g) 1. Cor. 12.

(h) Act. 3.

(i) Tit. 2.

(k) Levit. 10. 9.

(l) Matth. 11.

(m) 1. Tim. 5.



sed conchâ. Fortissimum jejunium est aqua & panis. Sed quia gloriam non habet, & omnes pane & aqua vivimus, quasi publicum & commune, jejunium non putatur. Cave, ne hominum rumulos aucuperis, ne in offensam Dei populorum laudem commutes. *Si adhuc, inquit Apostolus (n), hominibus placerem, Christi servus non essem.* Desiit placere hominibus, & servus factus est Christi. Per bonam & malam famam, à dextris, & à sinistris Christi miles graditur: nec laude extollitur, nec vituperatione frangitur: non divitiis tumet, non contrahitur paupertate: & lata contemnit, & tristitia. Per diem sol non urit eum, neque luna per noctem. Nolo te orare in angulis platearum, ne rectum iter precum tuarum frangat aura popularis. Nolo te dilatare fimbrias, & ostentui habere phylacteria: & conscientia repugnante, Pharisaica ambitione circumdari. Inde pendet Evangelium, inde Lex & Prophetæ. Fidelis mecum lector intelligis, quid taceam, & quid magis tacendo loquar. Tot te regulæ, quot species gloriarum percurrant. Quanto melius erat, hæc non in corpore, sed in corde gestare? Et Deum habere fautorem, non aspectus hominum? Vis scire, quales Dominus quærat ornatus? Habeto justitiam, prudentiam, temperantiam, fortitudinem. His cæli plagis includere, hæc te quadriga velut aurigam Christi, ad metam concita ferat. Nihil hoc monili pretiosius, nihil hac gemmarum varietate distinctius. Ex omni parte decoraris: cingeris, atque protegeris: & ornamento tibi sunt, & munimento: gemmæ vertuntur in scuta. Cave quoque, ne aut linguam, aut aures habearis prurientes, id est, ne aut ipse aliis detrahas, aut alios audias detrahentes. *Sedens, inquit, adversus fratrem tuum loquebaris detrahendo, & adversus filium matris-tuæ ponebas scandalum.* &c. (o) Parce à detractione linguæ, custodi sermones tuos, & scito, quia cuncta, quæ de aliis loqueris, tua sententia judicaris: & in his ipse deprehendendus eris, quæ in aliis arguebas. Neque verò illa justa est excusatio: referentibus aliis injuriam facere non possum. Nemo invito auditori libenter refert. Officii ergo tui sit, carissime! non solum oculos castos servare,

sed & linguam. Numquam de mulierum formis disputes, nec quid in cujusquam domo agatur, alia domus per te noverit. Omnium Christianorum domos, quasi proprias ama. Facilius contemnitur Clericus, qui sæpe vocatur ad prandium, & non recusat. Nunquam petentes, raro accipiamus rogati. *Beatus enim est magis dare, quam accipere.* Nescio enim, quomodo etiam ipse, qui deprecatur, ut tribuat. Cum acceperis, viliores te judicat. Et mirum in modum, si eum rogantem contempseris, plus te posterius veneratur. Procuratores atque dispensatores domorum alienarum, atque villarum, quomodo esse possunt Clerici, qui proprias jubentur contemnere facultates? Amico rapere quippiam furtum est: Ecclesiam fraudare sacrilegium est. Accipisse pauperibus erogandum, & esurientibus plurimis, vel cautum esse velle, vel timidum, aut, quod apertissimi sceleris est, aliquid exinde subtrahere, omnium prædonum crudelitatem superat. Alter fame torquetur, & tu judicas, quantum ventri ejus satis sit. Aut divide statim, quod acceperis: aut si timidus dispensator es, dimitte largitorem, ut sua ipse distribuat. Nolo, sub occasione meâ, sacculus tuus plenus sit. Nemo mea melius me servare potest. Ipse est optimus dispensator, qui nihil sibi reservat. Coëgisti me, Nepotiane carissime! talia scribendo confodiendum me omnium linguis prodere. Aut enim nihil scribendum fuit, ne hominum judicium subiremus, quod tu facere prohibuisti: aut scribentes nôsse, adversum nos cunctorum maledicorum tela esse torquenda. Quos obsecro, ut quiescant, & desinant maledicere. Non enim, ut adversariis, sed ut amicis scripsimus. Nec inveci sumus in eos, qui peccant, sed ne peccent, monuimus: neque in illos tantum, sed in nos ipsos severi iudices fuimus, volentesque festucam de oculo alterius tollere, nostram prius trabem ejecimus. Nullum læsi, nullius nomen meâ scripturâ designatum est. Neminem specialiter meus sermo pulsavit. Generalis de vitiis disputatio est. Qui mihi irasci voluerit, prius ipse de se, quod talis sit, confitebitur.

XCV.

[n] Gal. 1. 10.

(o) Psal. 49. 19.

XCV. *Excerptum B. Hieronymi de institutione Clericorum. Ex Epistolâ ad Paulinum Presbyterum.*

Obsecro te, Carissime, ut multitudines hominum, & officia, & salutationes, & convivâ, veluti quasdam catenas fugias voluptatum. Sit vilis tibi & vespertinus cibus. Olera & legumina, interdumque pisciculos pro summis ducas deliciis. Qui Christum desiderat, & illo pane vescitur, non quæret magnopere, de quàm pretiosis cibis sterco conficiat. Quidquid post gulam non sentitur, idem tibi sit, quod panis & legumina. Semper in manu tua sacra lectio sit. Frequenter orandum, & flexo corpore mens erigenda ad Dominum. Crebræ vigiliæ, & ventre vacuo sæpius dormiendum. Rumusculos & gloriolas, & palpantes adulatores, quasi hostes fuge; pauperibus & fratribus refrigeria sumptuum manu propriâ distribue. Humilitatem vestimenti animo non appetas. Sæcularium & maximè potentium consortium devita. Habeto simplicitatem columbæ, ne cuiquam machineris dolos: & serpentis astutiam, ne aliorum supplanteris insidiis. Non multum distat in vicio, vel decipere posse, vel decipi Christianum: Templum Christi, anima credentis est: illam exorna, illam vesti, illi offer donaria, in illâ Christum suscipe. Nescio, quomodo plus placeat mundo, qui Christo displicet.

XCVI. *Ejusdem. Ex Epistolâ ad Rusticum.*

Dico autem, si Clericatus titillat te desiderium, discere, quod possis docere, & rationalem hostiam offer Christo. Ne sis miles, antequam tiro: ne prius Magister sis, antequam discipulus. Non est humilitatis meæ, neque mensuræ, judicare de Clericis, & de Ministris Ecclesiarum sinistram quippiam dicere. Habeant illi ordinem & gradum suum: quem si tenueris, quomodo tibi in eo vivendum sit, editus ad Nepotianum liber docere te poterit. Volo ergo, ut sine intermissione, oratio, & vigil tibi sit sensus, nec vagis cogitationibus patens. Corpus pariter & animus tendatur ad Dominum. Iram vince patientiâ. Ama scientiam scripturarum, & carnis vitia non amabis. Nec vacet mens tua variis perturbationi-

P P P

bus, quæ, si pectori infederint, dominabuntur tui, & te deducunt ad delictum maximum. Fac aliquid operis, ut semper te Diabolus inveniat occupatum. Memento, quia & Apostoli Christi, habentes potestatem de Evangelio vivere, laborabant manibus suis, ne quem gravarent: & aliis tribuebant refrigeria, quorum pro spiritualibus debebant metere carnalia. Ità ergo age, & vive in Monasterio, ut Clericus esse merearis, ut adolescentiam tuam nullâ sorde commacules, ut ad altare Christi, quasi de thalamo virgo procedas, & habeas deforis bonum testimonium. Fœminæ, quæ nomen tuum noverint, vultum nesciant. Cùm ad perfectam ætatem veneris, si tamen vita comes fuerit, & te vel populus, vel Pontifex civitatis ad Clericum adlegerint; agito, quæ Clerici sunt, & inter ipsos sectare meliores: quia in omni conditione & gradu, optimis mixta sunt pessima. Multo tempore discere, quod doceas. Ne credas laudatoribus tuis, imò irrisoribus aurem, ne libenter accom-

XCVII. *Ejusdem. Ex Epistolâ ad Heliodorum, quid distet inter Monachum & Clericum.*

Monachum autem perfectum esse nolle, delinquere est. Sed de hoc gradu pulsus provocabis ad Clericos. An de his aliquid audeam dicere, qui certè in suis urbibus commorantur? Absit autem, ut quidquam de his sinistram loquar, qui Apostolico gradui succedentes, Christi corpus sacro ore conficiunt, per quos nos etiam Christiani sumus: qui claves regni cælorum habentes, ante iudicii diem judicant, qui sponsam Domini sobriâ castitate conservant. Sed & alia, quæ ante perstrinxi, Monachi causa est, alia Clericorum. Clerici oves pascunt, ego pascor. Illi de altario vivunt: mihi quasi instructuosa arbori securis ponitur ad radicem, si munus ad altare non deferro. Nec possum obtendere paupertatem, cùm in Evangelio anum viduam, duo, (g) quæ sibi sola supererant, ara mittentem, laudaverit Dominus. Mihi ante Presbyterum sedere non licet: Illi, si peccavero, licet tradere me satanæ in interitum carnis, ut spiritus salvus sit in die Domini JEſu. Et in veteri quidem lege,



lege, quicumque Sacerdotibus non obtemperasset, (q) aut extra castra positus lapidabatur à populo, aut gladio cervice subiecta, contemptum expiabat cruore. Nunc verò inobediens spiritali mucrone truncatur: aut ejectus de Ecclesia, rabido dæmonum ore discerpitur.

XCVIII. Ejusdem. *Ex Epistola ad Oceanum, de vitâ Clericorum.*

Deprecatus es, ut tibi breviter exponerem, qualiter Clerici victitâre debeant. Hinc me plerique è maledictis æmulis præstolantur, quia non fileo veritatem. Prima quidem tentamenta sunt Clericorum, fœminarum frequentes accessus. Iste sexus reprehensibiles exhibet Clericos. Quid tibi reverâ cum fœminis, qui ad altare cum Domino fabularis? Te cuncti in publico, te in agro rustici aratores ac vinitores quotidie graviter lacerabunt, si contra dispositum fidei, cum fœminis habitare contendis. Et quia, ut arbitror, concupiscis irreprehensibilis inveniri, testimonio bono munire. Numquid in choro Apostolorum fœminæ affuerunt? Prohibe virgines tecum commorari, etiam, quæ de genere tuo sunt. Diligis eas? exterius ordina, frequenter visita junctus obsequio Clericorum, ne dum secretaliter, ac solus ingrederis, macules testimonium tuum. Aliter namque conjugati, aliter continentes edocentur Ecclesiasticum subire ministerium & onus. Fœminarum cum Clericis nullo pacto conjuncta præcipitur conversatio. Janua diaboli, via iniquitatis, scorpionis percussio, nocivumque genus est fœmina. Cùm proximat stipula, incendit ignem. Flammigero igne percutit fœmina conscientiam pariter habitantis, exuritque fundamenta montium. Ego judico, si cum viris fœminæ habitant, viscarium non deerit diaboli, qui ex eis auspicatus est ab initio peccatum. Ferreas mentes libido domat: si alligaverit quis ignem in sinu suo, vestimenta ejus non comburentur? Aut si quis ambulaverit super carbones ignis, pedes suos non comburent? Mihi crede, non potest toto corde habitare cum Domino, qui fœminarum accessibus copulatur. Sed dicis: *Qui ambulat*, (r) inquit, *simpliciter, ambulat confidenter*. Bene & argutè. Sed oportet testimonium bonum ha-

bere ab his, qui foris sunt. Licet coram Domino incedas, tamen coram hominibus bona providenda sunt: quia astutiores sunt filii tenebrarum, super filios lucis. Cùm à te hoc genus non amputatur, das reprehendentibus te locum. Ipse te detrahentium morsibus tradidisti, si agapetarum consortium non dimiseris. Benignus es? gaudeo. Pudicus? Falsum est. Si pudicitiam quæris, fœminam, quam videris bene conversantem, mente dilige, non corporali frequentes ornatu. Non vestis tenera Clericum facit, aut Sacerdotem, sed casta mentis intentio. Hæc enim devotionem honoris in te custodit. Honorem quidem gloriosius boni operis fama conservat. Sacerdotes quippe decet, vel ceteros quidem Clericorum gradus, ut suprâ dictum est, à fœminis segregari. Si igitur generis gratiâ judicas easdem nullo pacto dimittere, memento, quod Thamar ab Amnon (s) fratre suo corrupta sit. Idipsum persequor, Dilectissime! ubi unius est tabernaculi conversatio, carnis non facile tollitur delectatio. De duobus enim, quod unus desiderat, si loqui non potest, vel tentatur. Remotio igitur viri castitatis collocat arma, construit in melioribus castra, pudoris honorem consolatur. Potuit enim & Maria Mater Domini de choro Apostolorum non discedere, si liceret. Tecla post tentationem passionis Antiochiæ, à Paulo prohibetur pariter pergere. Nemo miles cum uxore pergit ad bellum. Non invideo caritati: sit tibi cum castis virginibus longæva dilectio. Tunc in bono meritum collocabis, & famam meliorabis. Sed de congregatione puellarum pulchrè censo, in hebdomada secunda visitatione ad benedicendam congregationem convenies, sed non solus, ne rumigeruli linguis te lacerantibus macerent. Alienam enim cupiunt vicini discutere vitam, non suam. Propterea dignè accipe nostrorum præcepta verborum, & monita humilitatis, quæ fraterno affectu, calamo imperante expressimus, dulciter lege. Jam verò, ut reprehensibilis Divini Altaris non sit Sacerdos, pauca de reliquis Apostoli testimoniis, quantum Dominus donat, exponam. Sufficiant superiores causæ, quæ dictæ sunt. Verum ne aliquis minus intelligens, ad Episcopos sentiat

(q) Deut. 17.

(r) Prov. 10. 9.

[s] 2. Reg. 13.

tat Apostolum fuisse locutum; quid de Diaconibus ad Timotheum præceptum est, quid de Presbyteris ad Titum, commemorare delectat. Sed prætereundum non est, superiorem explanare sententiam. *Unius uxoris virum* & nova, & vetus præceptio Sacerdotem censuit eligendum. Quia digamos ad ministerium plerique Episcopi applicuerunt, sic asseruerunt: Concubina fuit illa, hæc uxor. Quasi non hæc eadem sint commercia fœditatis in illa, quæ in hac exercentur, quæ uxor asseritur. Aut quia conjugii tabulas non fecit, concupiscentia alia non fuit. Nullo pacto digamos, vel concubinarum catenis insertos decet subire Sacerdotii ministerium. In Levitico (x) scriptum est, ac præfinitum, quales eligi debeant Sacerdotes. Si ergo Clericus monogamus fuerit, & uxor ejus digama, noli eum ad ministerium applicare. Hæc Tito præcepta idem Apostolus de ordinandis Clericis dedit. (u) Et quia liber finem expectat; ad id redeamus, unde digressi sumus. Nec si duæ, aut tres pariter Dei ancillæ morentur, solum ad eas decet ingredi Sacerdotem. Si quis hæc præcepta non observaverit, hostis est animæ suæ. Quod si post nostra monita agapetas aliquis Clericus ampliùs quæsierit amare, quàm Christum, secundum synodalem regulam conveniatur, & præcepta Patrum in Nicæa (w) diffinita ei legantur. Jam verò, si conventus, prædicta fugerit, & reliquerit, consecuti sumus maximum lucrum. Alioquin talis ab Ecclesia anathematizandus est. Germinant enim feminæ spinas cum viris habitantes, & arcana mentium acuto mucrone percutiunt. Proh nefas! dolor est dicere, sed præterire non decet. Christo istæ noverunt nubere, non Clericis. Clericum solitudo facit, non publicum. Lege, quia talis debet esse solitarius, qualem Jeremias descripsit: *Sedebit* (x) *solitarius, & tacebit*. Et quia JESUS relictis Apostolis solus ibat orare. (y) Mariam in penetralibus Angelus solum invenit, non cum agapeta loquentem, & illa virilem introitum trepidavit. *Hospitalam* (z) præcepit Apostolus Clericum ordinandum. Hoc præcepto Pater Abraham & Loth (a)

P p p 2

Angelos susceperunt, quia hospites dilexerunt: sic & Onesiphorus Paulum doctrinæ fontem suscepit. Hæc imitationes sint vestræ, & ne sinatis incolam præterire, qui apud vos non comederit panem. Sequitur: *Non percussorem*. Non enim pugilem describit Apostolus, sed qui conscientias non percutiat singulorum. Sit modestus, non infletur, non inebrietur, suæ domui bene præsit: perquam erit horribile, si domui Clerici detrahatur. Lædit Sacerdotis opinionem in plebe, quando de proximis ejus male loquitur populus. Super omnia præcepit boni testimonii Clericos fundamenta componere, ut bonorum operum testificatio casto confirmetur affectu.

XCIX. Isidori. *Ex libro officiorum.*  
*De Clericis.*

Itaque omnes, qui in Ecclesiastici ministerii gradibus ordinati sunt, generaliter Clerici nominantur. Cleros autem, vel Clericos hinc appellatos, Doctores nostri dicunt, quia Matthias: *Sorte electus est*, (b) quem primum per Apostolos legimus ordinatum. Sic & omnes, quos illis temporibus Ecclesiarum Principes ordinabant, sorte eligebant. Nam Cleros fors interpretatur. Unde & hæreditas græcè cleronomia appellatur, & hæres cleronomus. Proinde ergo clerici vocari ajunt, eò quòd in sorte hæreditatis Domini dentur, vel pro eo, quòd ipse Dominus fors eorum sit, sicut de eis scriptum est, loquente Domino: *Ego* (c) *hæreditas eorum*. Unde oportet, ut, qui Deum hæreditate possident, absque ullo impedimento sæculi Deo servire studeant, & pauperes Spiritu esse contendant, ut congruè illud Psalmistæ dicere possint: *Dominus* (d) *pars hæreditatis meæ*.

C. *De regulis Clericorum.* Isidori.

His (e) igitur lege Patrum cavetur, ut à vulgari vitâ seculi, à mundi voluptatibus se se abstineant. Non spectaculis, non pompis intersint, convivia publica fugiant: privata non tantum pudica, sed & sobria colant. Usuris nequaquam incumbant, neque turpium occupationes

(x) Levit. Cap. 21.

(z) Thren. 3.

(a) Gen. 18. &amp; 19.

(d) Psal. 15. 5.

(u) Tit. 1.

(y) Math. 14.

(b) Act. 1.

(e) De Officiis Lib. 1. C. 2.

(w) Conc. Nicæn. can. 3.

(z) Tit. 1.

[c] Num. 18. 20. Deut. 18. 1.



nes lucrorum, fraudisve cujusquam studium appetant. Amorem pecuniæ, quasi materiam cunctorum criminum, fugiant: sæcularia officia, negotiæque abjiciant: honorum gradus per ambitiones non subeant: pro beneficiis medicinæ Dei, munera non accipiant. Dolos, & conjurationes caveant, odium & æmulationem, obreftationem, atque invidiam fugiant: non vagis oculis, non infræni linguâ, aut petulanti tumidoque gestu incedant, sed pudorem, ac verecundiam, mentis simplici habitu, incessûque ostendant. Obscœnitatem etiam verborum, sicut & operum penitus execrentur: viduarum ac virginum vilitationes frequentissimas fugiant. Congubernia extranearum feminarum nullatenus appetant. Castimoniam quoque inviolati corporis perpetuò conservare studeant, aut certe unius matrimonii vinculo fœderentur. Senioribus quoque debitam præbeant obedientiam, neque ullo jactantiæ studio semetipsos attollant. Postremò in doctrinâ, in lectionibus, psalmis, hymnis, canticis, exercitio jugi incumbant. Tales enim esse debent, quicunque divinis cultibus se se mancipandos student, scilicet, ut, dum scientiæ operam dant, doctrinæ gratiam populis administrent.

CI. De generibus Clericorum.

Isidori.

Duo (f) sunt genera Clericorum, unum Ecclesiasticorum, sub regimine Episcopali degentium: alterum Alcephalorum, id est, sine capite, qui quem sequantur, ignorant. Hos neque inter Laicos sæcularium officiorum studia, neque inter Clericos religio retentat divina: sed solutos, atque oberrantes, sola vaga vita complectitur: quique, dum nullum metuentes, explendæ voluptatis suæ licentiam confectantur, quasi animalia bruta, libertate, ac desiderio suo feruntur, habentes signum religionis, non religionis officium, hippocentauris similes, qui nec equi, nec homines, mixtûmque, ut ait Poëta, (g) genus, prolesque biformis: quorum quidem fordida atque infami numerositate, satis superque nostra pars occidua pollet. (\*)

CII. Quales oporteat Clericos esse.  
Gregorii.

Clericus admonendus est, quatenus sic vivat, ut bonum exemplum vitæ suæ sæcularibus præbeat. Et in Clero, si quid justè reprehenditur, ex ejus vitio ipsa religionis nostræ æstimatio gravatur. Clerici discant, ut quæ à senioribus suis jubentur, impleant, ut humiliter eorum imperiis subjaceant, ut nec subiectio eos conterat, nec locus superior extollat. Clerici discant, quòd ante occulti arbitri oculos per humilitatem & obedientiam sua interiora componant: quatenus non cum reprobis puniantur, sed cum electis æterna præmia fortiantur. Admonendi sunt Clerici, ut tantò circa se sollicitiùs vivant, quantò eos aliena cura non implicat. Dicendum est Clericis, ne præpositorum suorum vitam temerè judicent, si quid eos fortasse agere reprehensibiliter videant: ne, unde rectè mala redarguunt, inde per elationis impulsu in profundiora mergantur. Admonendi sunt Clerici, ne cum culpam suorum præpositorum considerant, contra eos audaciores fiant: sed sic eorum prava apud semetipsos dijudicent, ut tamen divino timore constricti, ferre sub eis jugum reverentiæ non recusent: quia facta præpositorum oris gladio ferienda non sunt, etiam cum rectè reprehendenda judicantur. Plerosque Clericos, impudentiæ vitio, non nisi increpatio dura compescit: quia cum se delinquere nesciunt, necesse est, ut à plurimis increpentur.

CIII. De subiectis bonis sub pastoralis regimine constitutis.  
Gregorii.

Admonendi (b) sunt subditi, ne præpositorum suorum vitam temerè judicent, si quid eos fortasse agere reprehensibiliter vident: ne, unde rectè mala redarguunt, inde per elationis impulsu in profundiora mergantur. Admonendi sunt subditi, ne, cum culpas præpositorum considerant, contra eos audaciores fiant: sed sic, si qua valde eorum sunt prava, apud semetipsos dijudicent, ut tamen divino timore constricti, ferre sub eis jugum reverentiæ non recusent. Quod melius ostendimus, si Davidis (i) factum ad medium deducamus.

(f) De Officiis Lib. 2. C. 3.

(b) Pastor Lib. 3, Admon. 8.

(g) Æneid. 6.

[i] 1. Reg. 24.

(\*) Al. polluitur.

camus. Saul quippe persecutor, cum ad purgandum ventrem speluncam fuisset ingressus, illic cum viris suis David inerat, qui jam tam longo tempore persecutionis ejus mala tolerabat. Cumque eum viri sui ad feriendum Saul accenderent, fregit eos responsionibus, quia manum mittere in Christum Domini non deberet: qui tamen occultè surrexit, & oram chlamydis ejus abscidit. Quid per Saul, nisi mali rectores? Quid per David, nisi boni subditi designantur? Saulem igitur ventrem purgare est, pravorum prappositos conceptam in corde malitiam, usque ad opera miseri odoris ostendere, & cogitata apud se noxia, factis exterioribus exequendo monstrare. David namque Saulem ferire metuit, quia pia subditorum mentes, ab omni se peste obrectationis abstinens, prappositorum vitam nullo linguæ gladio percutiunt, etiam cum de imperfectione reprehendunt. Boni subditi, quando pro infirmitate se se abstinere vix possunt, ut extrema quædam, atque exteriora prappositorum mala, sed tamen humiliter, loquantur, quasi oram chlamydis silenter incidunt: quia videlicet, dum prælatæ dignitati saltem innoxie & latenter derogant, quasi Regis superpositi vestem secant. Sed tamen ad semetipsos redeunt, sequæ vehementissimè vel de tenuissimâ verbi laceratione reprehendunt. Unde bene & illic scriptum est: *Post hæc David percussit (k) cor suum, eò quod abscidisset oram chlamydis Saul.* Facta prappositorum oris gladio ferienda non sunt, etiam cum rectè reprehendenda judicantur. Si quando verò contra eos, vel in minimis linguæ labitur, necesse est, ut per afflictionem pœnitentiæ cor prematur, quatenus ad semetipsum redeat. Et cum quis prappositæ potestati deliquerit, ejus contra se judicium, à quo sibi prælatus est, perhorrescat. Nam cum in prappositos delinquimus, ejus ordinationi, qui eos nobis prætulit, obviamus. Unde Moyses cum contra se, & Aaron, conqueri populum cognovisset, ait: *Nos enim (l) quid sumus? Nec contra nos est murmur vestrum, sed contra Dominum.* Admonendi sunt benevoli subditi, ut sic alienis bonis congaudeant, quatenus habere & propria concupiscant: sic proximorum facta diligendo

P p p 3

laudent, ut ea etiam imitando multiplicent. Ne si in hoc præsentis vitæ stadio ad certamen alienum devoti fautores, sed pigri spectatores adsistant, & post certamen sine bravio remaneant, qui nunc in certamine non laborant; & tunc eorum palmas afflicti respiciant, in quorum nunc laboribus otiosi perdurant. Valde quippe peccamus, si aliena bene gesta non diligimus: sed nihil mercedis agimus, si ea, quæ diligimus, in quantum possumus, non imitamur. Dicendum est benevolis subditis, quia si imitari bona minimè festinant, quæ laudantes approbant; sic eis virtutum sanctitas, sicut stultis spectatoribus ludicrarum artium vanitas placet. Illi namque aurigarum, ac histrionum gesta favoribus efferunt: nec tamen tales esse desiderant, quales illos conspiciunt esse, quos laudant. Mirantur eos placita egisse, sed tamen similiter devitant placere. Dicendum est benevolis subditis, ut eum proximorum facta conspiciunt, ad suum cor redeant: & de alienis actibus non præsumant, ne bona laudent, & agere reculent. Gravius quippe extremâ ultione feriendi sunt, quibus placuit, quod imitari noluerunt.

## CIV. De subditis. Isidori.

Propter (m) peccatum primi hominis humano generi pœna divinitus illata est servitutis, ita, ut quibus adspicit non congruere libertatem, his misericordius irroget servitutem. Et licet peccatum humanæ originis, per Baptismi gratiam cunctis fidelibus dimissum sit, tamen æquus Deus ideo discrete hominibus vitam, alios servos constituens, alios dominos, ut licentia malè agendi servorum, potestate dominantium restringatur. Nam si omnes sine metu fuissent, quis esset, qui à malis quæpiam prohiberet? Et inde in gentibus Reges, Principesque electi sunt, ut terrore suo populos à malo coercerent, atque ad rectè vivendum legibus subderent. Quantum attinet ad rationem, non est personarum acceptio apud Deum, qui mundi elegit ignobilia, & contemptibilia, & quæ non sunt, ut ea quæ sunt, destrueret; ne gloriatur omnis caro, hoc est, carnalis potestatis

(k) II, Reg. 24. 6.

(l) Exodi 16.

(m) Lib. 3. Sent. Cap. 17.



tia coram illo. Unus enim Dominus æqualiter, & dominis fert consultum, & servis. Melior est subiecta servitus, quàm elata libertas. Multi enim inve- niuntur Deo liberè servientes, sub Domi- nis constituti flagitiosis: qui, etsi subje- cti sunt illis corpore, prælati tamen sunt mente.

CV. *De invidiis, & protervis subditis.*

Gregorii.

Plerumque (n) subditi sub pastorali regimine constituti, dum valde de se elati præsumunt, exprobrando cæteros de- dignantur, dum singulariter summa ex- istimant cuncta, quæ agunt. Subtiliter itaque ab arguente discutienda sunt ope- ra protervorum, ut, in quo sibi placent, ostendantur, quia Deo displicent. Tunc protervos melius corrigimus, cum ea, quæ bene egisse se credunt, malè acta monstramus: ut, unde adepta gloria creditur, inde utilis confusio subsequatur. Nonnunquam subditi, cum se vi- tium proterviæ minimè perpetrare cog- noscunt, compendiosius ad correctio- nem veniunt, si alterius culpæ manife- stioris, & ex latere requisitæ, improprio confundantur: ut ex eo, quod defen- dere nequeunt, cognoscant se tenere im- probè, quod defendunt. Cum proter- vè Paulus Corinthios (o) adversum se temerè videret inflatos, ut alius Apollo, alius Pauli, alius Cephæ, alius Christi se esse diceret, incestus culpam in me- dium deduxit, quæ apud eos & perpe- trata fuerat, & incorrepta remanebat, dicens: *Auditur inter vos fornicatio, & ta- lis fornicatio, qualis nec inter gentes, ita, ut uxorem Patris quis habeat. Et vos inflati estis, & non magis luctum habuistis, ut tol- leretur de medio vestrum, qui hoc opus fecit.* Ac si apertè dicat: Quid vos per proter- viam, hujus, vel illius dicitis, qui per dissolutionem negligentia nullius vos esse monstratis? Admonendi sunt invidi subditi, ut perpendant, quantæ cæcita- tis sint, qui alieno profectu deficiunt, alienæ exaltatione contabescunt: quantæ infelicitatis sint, qui melioratione proxi- mi deteriores fiunt: dumque augmenta alienæ prosperitatis adspiciunt, apud se- metipsos anxie afflicti, cordis sui peste

moriuntur. Quid invidis infelicius, quos, dum conspecta felicitas afficit, pœ- na nequiores reddit? Aliorum verò bo- na, quæ habere non possunt, si dilige- rent, sua fecissent. Nostra nimirum (p) sunt bona aliorum, quæ, etsi imitari non possumus, amamus in aliis: & aman- tium sunt, quæcunque amantur in no- bis. Hinc ergo pensent invidi, caritas quantæ virtutis est, quæ alieni laboris opera, nostra sinè labore facit. Dum se invidi à livore minimè custodiunt, in antiquam versuti hostis nequitiam de- merguntur. De illo namque scriptum est: *Invidia (q) Diaboli mors intravit in orbem terrarum.* Quia enim ipse cælum perdidit, condito hoc homini invidit: & damnationem suam perditus, adhuc alios perdendo cumulavit. Cognoscant invidi, quantis lapibus subrescentis ruinæ subiaceant: quia dum livorem à corde non projiciunt, ad apertas ope- rum nequitias devolvuntur. Nisi enim Cain invidisset acceptam fratris hostiam, minimè pervenisset ad ejus extinguen- dam vitam. Unde scriptum est: *Et re- spexit (r) Dominus ad Abel, & munera ejus, ad Cain verò, & ad munera ejus non respexit. Iratusque est Cain vehementer, & concidit vultus ejus.* Itaque livor sacrificii, fratricidii seminarium fuit. Nam quem meliorem se esse doluit, ne utcumque esset, amputavit. Dicendum est in- vidiis, quia dum se ista intrinsecus peste consumunt, etiam quidquid in se aliud boni habere videntur, interimunt. Un- de scriptum est: *Vita carniū, (s) san- tas cordis: putredo ossium invidia.* Per li- voris vitium ante Dei oculos pereunt, etiam quæ humanis oculis fortia viden- tur. Ossa quippe per invidiam putref- cere, est quædam etiam robusta deperi- re. Ille est verè humilis subiectus in bonis, qui non est defensor in malis. Nam dum de malis suis subiectus argui- tur, & contra verba arguentis accendi- tur, quando de bonis suis quasi humiliter titubet, per humilitatis vocem ornari appetit, non doceri.

CVI.

(n) Pastor. P. III. Admon. 9.

(q) Sapient. 2. 24.

(o) 1. Cor. 5.

(r) Gen. 4. 4.

(p) Greg. ibid. & Moral. Lib. 6. Cap. 4:

[s] Prov. 14. 30.

CVI. *Quodd secundum sermonem Prophetæ culpâ suâ pereant, qui Sacerdotum increpationes, perversâ voluntate contemnunt. Prosperi.*

Ad hæc, (t) quæ prædicta sunt, ego tunc : Sic, inquam, ista, invidiosis questibus jactas, & in suggillationem Pontificum, vel certè ipsius Pontificatûs exaggeras, quasi non, ubi ista legisti, quibus rationabiliter permoveris; ibi etiam illa sint, quæ à vobis prætermissa, breviter in excusationem officii sacerdotalis attingemus. Post illa verba, quibus negligentium finis Sacerdotum ostenditur, de Pontifice officium suum curante, Propheta sic loquitur : *Si autem (u) annuntiante te ad impium, ut à viis suis convertatur, non fuerit conversus à viâ suâ; ipse impius in iniquitate suâ morietur, & tu animam tuam liberasti.* Hic certè satis evidenter ostenditur, quodd, siue proficiant, siue non proficiant auditores, tacere eis non debeant Sacerdotes : nec ideo rei sint, si forè eorum verba populi non audiunt, vel audita contemnunt, sed, si ab eis corrigendis abstant. Quia si nec exemplo vitæ Præpositorum suorum, nec verbo doctrinæ populi contumaces emendati proficiunt, ipsi sibi causæ suæ perditionis existunt, & Doctores suos, quorum exempla simul ac verba despiciunt, involvere criminibus suis omnino non poternut. Quod idem Propheta evidentiùs alio loco profequitur, dicens : *Speculator (w) cum viderit gladium venientem super terram, & cecinerit buccina, & annuntiaverit populo : audiens, quisquis ille est, sonum buccinæ, & non se observaverit, veneritque gladius, & tulerit eum; sanguis ipsius super caput ejus erit. Sonum buccinæ audivit, & non se observavit, sanguis ejus in ipso erit. Si autem se custodierit, animam suam salvabit.* Hic quoque quid agere debeat, qui fungitur speculatoris officio, divinus sermo satis ostendit : scilicet, ut quando viderit venientem gladium super terram, hoc est, iram Dei super peccatores, operibus terrenis addictos, omnino non taceat, arque eis, quamdiu inhæserint iniquitatibus suis, imminere divinæ indignationis interitum, denuntiare non desinat, sed clarè ac publicè arguat : quia hoc Buccinæ nomen insinuat, ut se à suis criminibus

emendantes, supplicium futuræ damnationis effugiant. Quodd si corripientem, si iram futuram, quæ contemptoribus jam imminet, nuntiantem homines terreni despiciunt : sanguis eorum in ipsis erit, & Sacerdos, qui eis peccata eorum non tacuit, pœnæ, quæ eos expectat, particeps esse non poterit.

CVII. *Cum quo damno animæ suæ ab Ecclesiâ, quæ pauperes pascit, accipiant illi, qui sibi de suo sufficiunt.*

Prosperi.

Nec illi, (x) qui sua possidentes dari sibi aliquid volunt, sine grandi peccato suo, unde pauper victurus erat, accipiunt. De Clericis quidem Spiritus sanctus dicit : *Peccata (y) populi mei comedunt.* Sed sicut nihil habentes proprium, non peccata, sed alimenta, quibus indigere videntur, accipiunt : ita possessores non alimenta, quibus abundant, sed aliena peccata, suscipiunt. Ipsi quoque pauperes, si se possunt suis artificio, aut laboribus expedire, non præsumant, quod debet debilis & infirmus accipere ; ne forè Ecclesiâ, quæ potest omni solatio destitutis necessaria ministrare, si omnes, etiam nihil indigentes, accipiant, gravata, illis, quibus debet, subvenire non valeat. Qui autem Ecclesiæ serviunt, & labori suo, velut debita, reddi oportere credentes, ea, quibus opus non habent, aut accipiunt libenter, aut exigunt ; nimis carnaliter sapiunt, si putant, quodd Ecclesiæ fideliter servientes stipendia terrena, ac non potiùs præmia æterna percipiant. Sæcularis quippe militia, quia cælestia non habet, terrena strenuè militantibus præstat. Unde satis indignum est, si fidelis & operosa devotio Clericorum propter stipendium temporale præmia sempiterna contemnat. Quodd si quilibet minister Ecclesiæ non habeat, unde vivat, non ei reddat hic, sed necessaria præster Ecclesiâ, ut in futuro præmium laboris recipiat, quod in hac vitâ jam spe Dominicæ promissionis expectat. Illi quoque, qui velut idonei, nihil sibi quidem dari velut debitum possunt, sed tamen Ecclesiæ sumptibus vivunt ; non est meum dicere, quali peccato cibos pauperum præsumendo suscipiant, qui Ecclesiâ, quam juvare de propriis

(t) De vitâ Contempl. L. 1. Cap. 12.

(x) De vitâ Contempl. Lib. 2. C. 19.

(y) Ezech. 33. 2.

(w) Osee. 4. 8.

[w] Ezech. 33. 2.



propriis facultatibus debuerant, suis expensis insuper gravant: propter hoc fortassis in congregatione viventes, ne aliquos pauperes pascant, ne advenientes excipiant, aut ne suum censum expensis quotidianis imminuant. Quod si aliquid de fructibus suis Ecclesiæ, velut pro ipsa expensa suâ contulerint, non se præferant inani jactantiâ illis, quos nihil habentes pascit & vestit Ecclesiæ: quia perfectior est ille, qui se mundi rebus exspoliât; aut, qui, cum nihil habuerit, nec habere desiderat; quàm ille, qui ex multis, quæ possidet, Ecclesiæ aliquid præstat, ac se de eo, quod præstiterit, forsitan jactat. Dura sunt, quæ dico, nec ego diffiteor, dura sunt, sed observare nolentibus. Cæterum si fiant ista, quæ difficilia non facientibus sunt, statim facilia facientibus fiunt. Non ergo ea, quæ nolumus observare, impossibilitas nobis facit dura, sed novitas. In usum veniant, & neminem frequentata conturbabunt. Nam quæro, quid sit eorum, quæ dixi, difficile? Ut homo id, quod opus non habet, ab Ecclesiâ non accipiat? An, ut, quod habet, sine causâ contemnat? Si propter hoc non vult sua relinquere, ut habeat, unde vivat; ut quid accipit, unde rationem reddat? Ut quid peccatis alienis sua multiplicat?

**CVIII.** *Qui sint, qui etiam cum profectu animæ suæ, opibus sustentantur Ecclesiæ.*

Prosperi.

Itaque (z) Sacerdos, cui dispensationis cura commissâ est, non solum sine cupiditate, sed etiam cum laude pietatis, accipit à populo dispensanda, & fideliter dispensat accepta, qui omnia sua aut reliquit, aut Ecclesiæ rebus adjunxit, & se in numero pauperum paupertatis amore constituit, ita, ut unde pauperibus subministrat, inde & ipse tanquam pauper voluntarius vivat. Clerici quoque, quos pauperes aut voluntas, aut nativitas fecit, cum perfectione virtutis, vitæ necessaria, sive in domibus suis, sive in congregatione viventes, accipiunt: quia ad ea accipiendi non eos habendi cupiditas ducit, sed cogit vivendi necessitas.

(z) De vitâ Contempl. Lib. 2. Cap. 11.

(b) De vitâ Contempl. Lib. 2. Cap. 13.

**CIX.** *Quid facere debeant Clerici, quorum infirmitas non potest sua contemnere.*

Prosperi.

Illi (a) autem, qui tam infirmi sunt, ut possessionibus suis renuntiare non possint, si ea, quæ accepturi erant, dispensatori relinquunt, nihil habentibus conferenda, sine peccato possident sua, quia & ipsi quodammodo sua relinquunt, quando propriis contenti rebus, nihil eorum, quæ labori, vel ordini suo debere arbitrantur, accipiunt. Quod si putant, ideo accipi debere eorum, quæ conferuntur Ecclesiæ, portionem, ne eam videantur abjicere, se verò non posse sua relinquere, quod eis deforme sit, inter suos pauperes reddi: noverint esse deformius; possessores de Eleëmofynis pauperum pasci.

**CX.** *Quæ sint vera gaudia, vel veræ divitiæ, & quid impediementi adferant bona præsentia amatoribus futurorum.*

Prosperi.

Heu (b) quàm subtiliter nos ille decipiendi artifex fallit: quantâ cæcitate oculos nostræ mentis obducit, ne discernamus gaudendi avidi, unde justius gaudeamus: aut ne cupientes augeri divitiis, noverimus, quas, quibus incomparabiliter præferamus. Nam gaudere quidem bonum est: sed qui gaudet, si non inde gaudet, unde debet, non potest bonum esse, quod gaudet. Si quidem gaudet & raptor, cum desiderata rapuerit: gaudet & ebriosus, cum exoptatæ occasionem potationis invenerit: gaudet & adulter, cum ad delectationem fruendi corporis concupiti pervenerit. Sed cum sit gaudere bonum; de his, atque de hujusmodi gaudere grande est malum. Hæc & his similia sunt, unde nos gaudere vult mundus, cum suis amatoribus periturus. Hæc sunt, quæ repudiare debemus, ut de bonâ conscientia, de sanctitate morum, de acquisitione virtutum, de dono Dei, & de promissione futuri regni, ineffabiliter gaudeamus. Ditari quoque divitiis, grande est bonum. Sed inde ditari, unde non debeas, non est habenda facultas, sed detestanda calamitas. Nihil est enim calamitosius, nihilque miserioris

eo,

[a] De vitâ Contempl. Lib. 2. Cap. 12.

eo, qui iniquis acquisitionibus crescit, quem locupletem fraudes faciunt, atque rapinae. Illæ nobis sunt ambiendæ divitiæ, quæ nos ornare possunt pariter & munire: quas nec acquirere possumus inviti, nec perdere: quæ nos contra impetus hostiles armant, à mundo determinant, Deo commendant, ditant animos nostros, atque nobilitant: nobiscum sunt, intra nos sunt. Divitiæ nostræ credendæ sunt, pudicitia, quæ nos pudicos, justitia, quæ justos, pietas, quæ pios, humilitas, quæ humiles, mansuetudo, quæ mansuetos, innocentia, quæ innocentes, puritas, quæ puros, prudentia, quæ prudentes, temperantia, quæ temperantes, & caritas, quæ nos facit Deo & hominibus caros, virtutum potentes, sæculi contemptores, ac bonorum omnium sectatores. Hæc sunt non omnium, sed Sanctorum Sanctæ Virtutes: non divitum superborum, sed humilium pauperum facultates: patrimonium cordium, divitiæ incorruptibiles morum: quibus non abundant nisi, qui illis carnalibus ex corde renuntiant. Quæ quamvis & ipsa sint bona, utpote à bono Deo creata, tamen quia sunt bonis malisque communia, student ea Spirituales viri contemnere, quod possint ad illa incomparabiliter meliora, quæ sunt bonorum omnium propria, pervenire. Quoniam non est tale bonum, quod habent & mali, quale illud, quod non habent, nisi boni. Corporale bonum, quando habent iniqui, ipsorum est præmium: quando habent justi, non est eorum præmium, sed temporale solatium. Item boni temporalis amissio fit exercitium justii, & injusti supplicium: quia & justus desiderio cælestium captus, omnia temporalia, siue habeat, siue amittat, omnino non sentit. Et iniquus id, quod cum delectatione habuit, siue dolore non perdit. Propterea igitur eis, qui militant Deo, fugiendæ sunt ex toto corde divitiæ. Quas qui habere volunt, siue labore non quaerunt, siue difficultate non inveniunt, siue curâ non servant, siue anxîa delectatione non possident, siue dolore non perdunt. Apostolus autem Christi militibus dicit: *Polo vos (c) sine sollicitudine esse. Et: Radix omnium*

Q q q

*malorum avaritia. Quam (d) quidam appetentes erraverunt à fide, & inferuerunt se doloribus multis. Ac sic census iste terrenus eis, à quibus vitiosè diligitur, non est voluptatum materia, sed dolorum. Quapropter expedit, facultates Ecclesiæ possideri, ut inde vivant, qui non sæculo, cujus gaudia fugitiva repudiant, sed Deo deserviunt, cujus ineffabilia bona desiderant.*

CXI. *Qualiter intelligatur, quod dicit Apostolus, qui in Sacrario operantur, quæ de Sacrario sunt, edunt.*  
Prosperi.

De talibus (e) dicere videtur Apostolus: *Qui in sacrario operantur, quæ de sacrario sunt, edunt: & qui altario deserviunt, cum altari participant. Qui, nisi hoc de contemptoribus facultatum suarum vellet intelligi, nunquam secutus adjungeret: Ita & Dominus ordinavit his, qui Evangelium annuntiant, de Evangelio vivere. De Evangelio vivunt, qui nihil proprium habere volunt: qui nec habent, nec habere aliquid concupiscunt, non suorum, sed communium possessores. Quid est aliud de Evangelio vivere, nisi laborantem inde, ubi laborat, necessaria vitæ percipere? Apostolus tamen, qui sic Evangelium prædicavit, ut nec de Evangelio viveret, sed necessaria sibi suis manibus ministraret, de se confidenter eloquitur: *Ego autem nullo horum usus sum. Et quare hoc dixerit, secutus aperuit, dicens: Expedit mihi mori magis, quàm ut gloriam meam quis evacuet. Evacuari dicit gloriam suam, si ab eis, qui bus prædicabat, voluisset accipere vitæ temporalis expensam. Nolebat quippe in præsentem laborem sui fructum, sed in futuro recipere. Si ergo ille, qui nihil habebat, noluit de Evangelio, ubi laborabat, sed suis manibus vivere, ne gloriam suæ mercedis amitteret: quid nos, qui propria nolumus, amore possidendi, non vivendi necessitate, relinquere, & accipere insuper volumus, non unde vivamus, sed unde censum nostrum incrementis damnabilibus augeamus?**

CXII. *De vitâ & moribus Clericorum.*  
Augustini.

Propter quod volui & rogavi hereterno

(c) 1. Cor. 7. 32.

(d) 1. Tim. 6. 10.

(e) De vitâ Contempl. Lib. 2, Cap. 14. 1. Cor. 9. 13.



sterno die , ut hodie frequentius conveniretis , hoc est , quod dicturus sum. Vobiscum hic vivimus , & propter vos vivimus , & intentio , votumque nostrum est , ut apud Christum vobiscum sine fine vivamus. Credo autem ante oculos vestros esse conversationem nostram , ut & nos dicere fortassis audeamus , quamvis multum illi impares , quod dixit Apostolus : *Imitatores (f) mei estote , sicut & ego Christi*. Et ideo nolo , ut aliquis de nobis inveniat malè vivendi occasionem. *Providemus (g) enim bona* , ait idem Apostolus , *non solum coram Deo , sed etiam coram hominibus*. Propter nos conscientia nostra sufficit nobis : propter vos fama nostra non pollui , sed pollere debet in vobis. Tenete , quod dixi , atque distinguite. Duæ res sunt , conscientia & fama. Conscientia tibi , fama proximo est necessaria. Qui fidens conscientia suæ , negligit famam suam , crudelis est , maxime in loco isto positus , de quo dicit Apostolus , scribens ad discipulum suum : *Circa omnes (h) te ipsum bonorum operum præbe exemplum*. Ut ergo non vos diu teneam , præsertim quia ego sedens loquor , vos stando laboratis ; Nôstis omnes , aut penè omnes , sic nos vivere in eâ domo , quæ dicitur domus Episcopi , ut quantum possumus , imitemur eos Sanctos , de quibus loquitur liber Actuum Apostolorum : *Nemo (i) dicebat aliquid proprium ; sed erant illis omnia communia* , quia fortè aliqui vestrum non sunt tam diligentes vitæ nostræ scrutatores , ut hoc , sic noverint , quomodo volo vos nôsse : dico , quid sit , quod breviter dixi. Ego , quem Deo propitio videris Episcopum vestrum , juvenis veni ad istam civitatem , ut multi vestrum noverunt. Quærebam , ubi constituerem Monasterium , & viverem cum fratribus meis. Spem quippe omnem sæculi reliqueram , & quod esse potui , nolui : non quæsi tamen , quod sum. *Elegi in domo Dei abjectus esse magis , quam habitare in tabernaculis peccatorum*. Ab eis , qui diligunt sæculum , secrevi me : sed eis , qui præsumt populis , non me coæquavi : nec in convivio Domini mei superioriorem locum elegi , sed inferiorem , & abjectum. Et placuit illi dicere mihi , ascende sursum. Usque aded autem ti-

mebam Episcopatum , ut quoniam cæperat esse jam alicujus momenti inter Dei servos fama mea , in quo loco sciebam non esse Episcopum , non illo accederem. Cavebam hoc , & agebam , quantum poteram , ut in loco humili salvarer , ne in alto periclitarer. Sed , ut dixi , Dominus servo contradicere non debet. Veni ad istam civitatem propter videndum amicum , quem putabam me lucrari posse Deo , ut nobiscum esset in Monasterio , quasi securus , quia locus habebat Episcopum. Apprehensus Presbyter factus sum , & per hunc gradum ad Episcopatum perveni. Non attuli aliquid , nisi cum his indumentis , quibus illo tempore vestiebar , & quia hoc disponebam esse in monasterio cum fratribus , cognito instituto & voluntate meâ , beate memoriæ senex VALERIUS , dedit mihi hortum illum , in quo nunc est monasterium. Cæpi boni propositi fratres colligere compares meos , nihil habentes , sicut habebam nihil , & imitantes me , ut quomodo ego tenuem paupertatulam meam vendidi , & pauperibus erogavi , sic facerent & illi , qui mecum esse voluissent , ut de communi viveremus : commune autem nobis esset magnum & uberimum prædium ipse Deus. Perveni ad Episcopatum : vidi necesse habere Episcopum exhibere humanitatem assiduam quibusque venientibus , sive transeuntibus. Quod si non fecisset Episcopus , inhumanus diceretur. Si autem ista consuetudo in Monasterio permixta esset , indecens esset : & ideo volui habere in domo ista Episcopi mecum Monasterium Clericorum. Ecce quomodo vivimus. Nulli licet in societate nostrâ habere aliquid proprium. Sed fortè aliqui habent , nulli licet. Si qui habent , faciunt , quod non licet. Bene autem sentio de fratribus meis , & semper bene credens , ab hac inquisitione dissimulavi : quia & ista querere , quasi malè sentire videbatur. Noveram enim , & novi , omnes , qui mecum viverent , nôsse propositum nostrum , nôsse legem vitæ nostræ. Venit ad nos etiam presbyter Januarius , qui videbatur sua honestè erogando quasi consumpsisse , sed non consumpsit. Reman-

fit

(f) 1. Cor. 4. 16. &amp; 11. 1.

(g) Rom. 12. 17.

(h) Tit. 2. 7.

(i) Act. 2. &amp; 4.

sit illi quædam pecunia, id est, argentum, quod diceret esse filię suæ. Filia ipsius, Deo propitio, in Monasterio sceminarum, & bonæ spei est. Gubernet illam Dominus, ut impleat, quod de illâ speramus, in illius misericordia, non in ejus meritis. Et quia infra annos erat, & de suâ pecuniâ nihil facere poterat; quamvis enim videremus fulgorem professionis, tamen lubricum timebamus ætatis: factum est, ut ipsum argentum quasi puellæ servaretur, ut, cum ad legitimos annos veniret, faceret inde, quod virginem Christi deceret, quando optimè jam facere posset. Dum hæc expectantur, cepit ille morti propinquare. Qui diu tanquam de suo vivens, quia ipsius erat, non filię, testamentum fecit. Testamentum, inquam, fecit Presbyter socius noster, nobiscum manens, de Ecclesiâ vivens, communem vitam profitens. Testamentum fecit, hæredes instituit. O dolor illius societatis, O fructus natus de arbore, quam non plantavit Dominus! sed Ecclesiam scripsit hæredem. Nolo munera ista, non amo amaritudinis fructum. Ego illum Deo quærebam, societatem professus erat, hanc teneret, hanc exhiberet. Nihil habebat? Testamentum non faceret. Habebat aliquid? non se nostrum socium, quasi Dei pauperem fingeret. Magnus mihi inde dolor est fratres. Dico caritati vestræ. Propter hunc dolorem statui, hæreditatem ipsam in Ecclesiâ non suscipere. Filiorum ipsius sit, quod reliquit. ipsi inde faciant, quod voluerint. Videtur enim mihi, quia, si eam suscepero, in isto facto, quod mihi displicet, & quod doleo, ejus particeps ero. Hoc volui non latere caritatem vestram. Filia ipsius in Monasterio est sceminarum, & filius ipsius in Monasterio virorum est. Ambos exheredavit: illam cum laude, istum cum elogio, id est, cum vituperatione. Commendavi autem Ecclesiæ, ut non accipiant ipsas portunculæ, quæ pertinent ad exheredatos, nisi, cum ad legitimam ætatem pervenerint. Hoc eis reservat Ecclesia. Deinde litem dimisit inter filios suos, in quâ laboro. Puella dicit, meum est, nôtis, quia hoc dicebat semper Pater meus. Puer dicit, credatur Patri meo,

quia moriens mentiri non potuit. Et ista contentio, quale malum est? Sed si pueri ipsi servi Dei sunt, litem hanc inter illos citò finimus. Audio illos, ut Pater, & fortè melius, quàm Pater ipsum. Videbo, quid sit juris. Sicut Dominus voluerit, cum paucis fratribus fidelibus honoratis, Deo propitio, de numero vestro, id est, de plebe istâ, audio inter illos causam, & sicut Dominus donaverit, finio. Tamen, rogo vos, nemo me reprehendat, quia ejus hæreditatem nolo suscipiat Ecclesia. Primò, quia factum illius detestor. Deinde, quia institutum meum est. Multi laudant, quod dicturus sum, sed aliqui & reprehendunt: utrisque facere satis difficile est. Audistis modò cum Evangelium legeretur: (k) *Cantavimus vobis, & non saltastis: planximus, & non luxistis. Venit Joannes Baptista non manducans, neque bibens, & dicunt, demonium habet. Venit Filius hominis manducans & bibens, & dicunt, ecce homo vorax; potator vini, & amicus publicanorum.* Quid ergo facio inter illos, qui parant me reprehendere, & dentes in me ducere, si suscepero hæreditates eorum, qui filios suos irati exheredant? Iterum, quid sum facturus eis, quibus canto & nolunt saltare, qui dicunt, ecce, quare nemo donat Ecclesiæ Hipponensî aliquid? Ecce, quare non eam faciunt, qui moriuntur, hæredem? Quia Episcopus Augustinus de bonitate sua (laudando enim mordent, labiis mulcent, & dentem figunt) donat totum, non suscipit. Planè suscipio. Profitetur me suscipere oblationes bonas, oblationes sanctas. Si quis autem irascitur in filio suo, & moriens exheredat eum, si viveret, non eum placarem? Non ei filium reconciliare deberem? Quomodo ergo cum filio suo volo ut habeat pacem, cujus appeto, hæreditatem? Sed planè, si faciat, quod sæpè hortatus sum. Unum filium habet? Putet Christum alterum: duos habet? Putet Christum tertium: decem habet? Christum undecimum faciat, & suscipio. Quia ergo feci hoc in quibusdam rebus, jam volunt bonitatem meam, vel commendationem famæ meæ in aliud vertere, ut alio modo me reprehendant, quia oblationes devotorum hominum nolo suscipere. Considerent, quam

Q992

(k) Matth. 23. 17.



quàm multa susceperim. Quid opus est ea numerare? Ecce unam dico, filii Juliani hæreditatem suscepi. Quare? quia sinè filiis defunctus est. Bonifacii hæreditatem suscipere nolui, non misericordià, sed timore. Naviculariam nolui esse Ecclesiam Christi. Multi sunt quidem, qui etiam de navibus acquirunt. Tamen una tentatio si esset, si iret navis & naufragaret, homines ad tormenta daturi eramus: ut de submersione navis secundum consuetudinem quæreretur, & torquerentur à iudice, qui essent de fluctibus liberati. Sed non eos daremus. Nullo pacto enim hoc facere deceret Ecclesiam. Onus ergo fiscale persolveret, sed unde persolveret? Enthecam nobis habere non licet. Non est Episcopi servare aurum, & revocare à se mendicantis manum. Quotidie tam multi perunt, tam multi gemunt, tam multi nos inopes interpellant, ut plures tristes relinquamus, quia, ut possimus dare omnibus, non habemus. Non habemus ergo enthecā. Propter naufragium ergo hoc vitandum feci, non donando. Nemo ibi me laudet, sed nemo & vituperet. Planè, quando donavi filio, quod iratus Pater moriens abstulit, benefeci. Laudent, qui volunt: parcant, qui laudare nolunt. Quid pluribus fratres mei? Quicumque vult, exhæredato filio, hæredem facere Ecclesiam, quærat alterum, qui suscipiat, non Augustinum: immò, Deo propitio, neminem inveniat. Quàm laudabile factum sancti & venerandi Episcopi Aurelii Carthaginensis, quomodo implevit os omnium, qui sciunt, laudibus Dei? Quidam, cum filios non haberet, neque speraret, res suas omnes, retento sibi usufructu, donavit Ecclesiæ. Nati sunt illi filii, & reddidit Episcopus nec opinanti, quæ illi donaverat. In potestate habebat Episcopus non reddere: sed jure fori, non jure cæli. Sanè etiam hoc noverit caritas vestra, dixisse me fratribus meis, qui mecum manent, ut quicumque habet aliquid, aut vendat, aut eroget, aut donet, aut commune illud faciat. Ecclesiam habet, per quam nos Deus pascit. Et dedi dilationem usque ad Epiphaniā propter eos, qui vel cum fratribus suis non diviserunt, & dimiserunt, quod habent, apud fratres suos: vel nondum de re suā aliquid ege-

runt, quia expectabatur ætas legitima. Faciant inde, quod volunt, dum tamen sint pauperes mecum, simul expectemus misericordiam Dei. Si autem nolunt, qui fortè nolunt, certè ego sum, qui statueram, sicut nōstis, nullum ordinare Clericum, nisi, qui mecum vellet manere: ut si vellet discedere à proposito, rectè illi tollerem Clericatum, quia deferret sanctæ societatis promissum, cæptumque consortium. Ecce in conspectu Dei & vestro muto consilium. Qui volunt habere aliquid proprium, quibus non sufficit Deus & Ecclesia ejus, maneat, ubi vult, & ubi possunt; non eis aufero Clericatum. Nolo habere hypocritas. Malum est, quis nesciat? Malum est, cadere à proposito: sed pejus est, simulare propositum. Ecce, dico, audite: qui societatem communis vitæ jam susceptam, quæ laudatur in Apostolorum Actibus (1) deserit, à voto suo cadit, à professione sanctâ decedit. Observevet judicem, sed Deum, non me: ego ei non aufero Clericatum. Quantum sit periculum, ante oculos ejus posui, faciat, quod vult. Novi enim, quia si aliquem hoc facientem degradare voluero, non ei deerunt patroni, non ei deerunt suffragatores, & hic, & apud Episcopos, qui dicant: quid mali fecit? Non potest tecum tolerare vitam istam? extra Episcopium vult manere, de proprio vivere: ideòne debet perdere Clericatum? Ego scio, quantum mali sit, profiteri sanctum aliquid, nec implere. *Vovete*, (m) inquit, & reddite Domino Deo vestro. Et: *Melius* (n) est non vovere, quàm vovere, & non reddere. Virgo est, etsi nunquam fuerit in monasterio, & virgo sacra est; nubere illi non licet, esse in monasterio, non compellitur. Si autem cœpit esse in monasterio, & deseruit, & tamen virgo est, dimidia ruit. Sic & Clericus duas res professus est, & Sanctitatem & Clericatum; interiùs Sanctitatem. Nam Clericatum propter populum suum Deus imposuit cervicibus ipsius. Magis onus est, quàm honor. Sed quis sapiens, & intelligit hæc? Ergo professus est Sanctitatem, professus est communiter vivendi societatem; professus est, quàm bonum, & quàm jucundum habitare fratres in unum. Si ab hoc proposito ceciderit, & extra manens Clericus fuerit, dimi-

(1) Cap. 2. &amp; 4.

(m) Psal. 75. 12,

[n] Eccl. 5. 4.

dimidius & ipse cecidit. Quid ad me? non eum judico. Si foris servat sanctitatem, dimidius cecidit. Si intus habuerit simulationem, totus cecidit. Nolo habeat necessitatem simulandi. Scio, quomodo homines ament Clericatum. Nemini eum tollo nolenti mecum communiter vivere: habet Deum, qui mecum manere vult. Si paratus est pasci à Deo per Ecclesiam ipsius, non habere aliquid proprium, sed aut erogare pauperibus, aut in commune mittere, maneat mecum. Qui hoc non vult, habeat libertatem. Sed videat, utrum habere possit felicitatis æternitatem. Sufficient hac nunc interim caritati vestræ: quod egero cum fratribus meis, annuntiabo vobis. Spero enim bona, quod omnes mihi libenter obediant, nec inventurus sum aliquos habere aliquid, nisi aliquā necessitate religionis, non occasione cupiditatis. Quod ergo egero post Epiphaniā, caritati vestræ in Domini voluntate nuntiabo. Et quomodo litem finiero inter duos fratres, filios Presbyteri Januarii, non vobis tacebo. Multa locutus sum, date veniam loquaci senectuti, sed timidæ infirmitati. Ego sicut videtis, per ætatem modò senui: sed per infirmitatem corporis olim senex fui. Tamen, si Deo placet, quod dixi, modò ipse det vires, non vos desero. Orate pro me, ut quantum inest anima in hoc corpore, & qualescumque vires suppetunt, in verbo Dei serviam vobis. Amen.

XCIII. Sermo II. *De vitâ & moribus Clericorum.* Augustini.

Caritati vestræ de nobis ipsis hodie sermo reddendus est. Quod enim ait Apostolus: *Spectaculum (o) facti sumus mundo, & Angelis, & hominibus.* Qui nos amant, quærun, quod laudent in nobis: qui autem nos oderunt, detrahunt nobis. Nos autem in utroque medio constituti adjuvante Domino Deo nostro, & vitam nostram, & famam nostram sic custodire debemus, ut non erubescant de detractoribus laudatores. Quomodo autem vivere velimus, quomodo Deo propitio jam vivamus, quamvis de Scripturâ Sanctâ multi noveritis, tamen ad commemorandos vos, ipsa de libro Actuum Apostolorum vobis lectio

Q 99 3

recitabitur, ut videatis, ubi descripta sit forma, quam desideramus implere. Dum ergo recitatur, vos intentissimos esse volo, ut post ejus recitationem, quod constitui loquar, Domino donante, intentioni vestræ. Cùmque Diaconus Lazarus legeret: Cum (p) orassent, motus est locus, in quo erant congregati, & impleti sunt omnes Spiritu Sancto, & loquebantur Verbum Dei cum fiducia omni volenti. Multitudinis autem credentium erat anima una & cor unum: & nemo eorum, quæ possidebat, dicebat aliquid suum esse, sed erant illis omnia communia. Et virtute magnâ reddebant testimonium Apostoli resurrectionis Domini JESU, gratiâque magna erat super omnes illos. Neque enim egens quisquam fuit inter illos. Quotquot enim possessores prædiorum vel domorum erant, vendentes afferebant pretia illorum, & ponebant ante pedes Apostolorum. Distribuebatur autem singulis, prout cuique opus erat. Cùm Lazarus Diaconus recitaret, & Episcopo codicem tradidisset, Augustinus Episcopo dixit: Et ego legere volo: plus enim me delectat hujus verbi esse lectorem, quam verbi mei disputatorem. Cùm orassent, motus est locus, in quo erant congregati, & impleti omnes Spiritu Sancto, loquebantur Verbum Dei cum fiducia omni volenti. Multitudinis autem credentium erat anima una & cor unum. Et nemo eorum, quæ possidebat, dicebat aliquid suum esse, sed erant illis omnia communia. Et virtute magnâ reddebant testimonium Apostoli resurrectionis Domini JESU, gratiâque magna erat super omnes illos. Neque enim egens quisquam fuit inter illos. Quotquot enim possessores prædiorum, vel domorum erant, vendentes afferebant pretia eorum, & ponebant ante pedes Apostolorum. Distribuebantur autem singulis, prout cuique opus erat. Cùmque Episcopus legisset, dixit: Audistis, quid velimus, orate, ut possimus. Contigit autem quædam necessitas, ut hæc diligentius agerem. Quoniam sicut jam nôstis, Presbyter in nostrâ societate constitutus, quali societati perhibet testimonium lectio, quam modò, cùm recitarem, audistis; moriens testamentum fecit, quia habuit, unde faceret. Erat, quod diceret suum, cùm in eâ societate viveret, ubi nemini licebat dicere aliquid suum, sed

(o) 1. Cor. 4. 9.

[p] Act. 4. 31.



sed esse illis omnia communia. Si quis dilector & laudator noster apud detractorem nostrum prædicaret istam societatem, & diceret, cum Episcopo Augustino sic vivunt omnes cohabitatores ejus, quomodo scriptum est in Actibus Apostolorum, continuò ille detractor caput movens, dentem promovens, diceret: ita verò, sic ibi vivitur, quomodo dicis? Quare mentiris? Quare falsâ laude honoras indignos? Nonne ibi modò in eorum societate positus Presbyter testamentum fecit, & quod habuit, quomodo voluit, disposuit, & reliquit? Certè omnia ibi sunt communia! Certè nemo dicit aliquid suum! Sub his verbis, quid ageret laudator meus? Nonne os ejus quasi plumbo oppillaret ille detractor? Nonne illum laudâsse pœniteret? Nonne reverentiâ perfusus, & illius sermone confusus, vel nobis, vel testatori illi malediceret? Hæc fuit necessitas, ut ad illam diligentiam veniremus. Nuntio ergo vobis, unde gaudeatis. Omnes Fratres & Clericos meos, qui mecum habitant, Presbyteros, Diaconos, Subdiaconos, & Patricium nepotem meum, tales inveni, quales desideravi. Sed sunt, qui de suâ qualicunque paupertate, quod statuerant, nondum fecerunt. Hi sunt Valens Subdiaconus, & paulò ante dictus nepos meus Subdiaconus. Et matris vita impediēbat, quia indè vivebat. Expectabatur in illo etiam legitimæ ætatis accessus, ut, quod faceret, firmissimè faceret. Nondum autem fecit, quia ipsos agellos habet cum suo fratre communes, & subdivisos eos possident. Sic autem eos cupit Ecclesiæ conferre, ut inde alantur, qui sunt in proposito sanctitatis, quousque in hac vitâ degunt. Scriptum est enim, & hoc Apostolus loquitur: *Quisquis (q) autem suis, & maxime domesticis, non providet, fidem denegat, & est infidelis deterior.* Adhuc autem sunt ei mancipia similiter cum fratre communia, nondum divisa. Disponit ea manumittere: non potest, antequam dividantur: quid enim ad se pertineat, adhuc ignorat. Ad ipsum sanè, quia major est, pertinet divisio, & ad fratrem ejus electio, & ipse frater ejus Deo servit, & Subdiaconus est cum Sancto Fratre meo, & Coepiscopo Severo in Ecclesiâ Milevitana. Hoc agitur, hoc sinè dilatione

peragendum est, ut illi servuli dividantur, & manumittantur, & sic det Ecclesiæ, ut eorum excipiat alimentum. Nepos autem meus, ex quo conversus est, & mecum esse cœpit, impediēbatur & ipse aliquid de agellis suis agere invitâ usufructuariâ matre sua, quæ hoc anno defuncta est. Inter ipsum & forores ejus sunt quædam, in Christi adjutorio citò finienda, ut & ipse faciat, quod Dei servum decet, & quod ipsa professio, & ista exigit lectio. Diaconus Faustinus (sicut penè omnes nōstis) hic de militiâ sæculi ad monasterium conversus est. Hic baptizatus, inde Diaconus ordinatur. Sed quia exiguum est, quod videtur possidere, sicut juris periti loquuntur, jure, non corpore, reliquerat illud, & ab ejus fratribus tenebatur. Nunquam inde cogitavit, ex quo conversus est, nec ipse aliquid quæsivit à fratribus suis, nec ab illo aliquid est quæsitum. Modò quia ventum est ad hunc articulum temporis, cum consilio meo divisit ipsam rem: & dimidiam donavit fratribus suis, dimidiam Ecclesiæ pauperi, in loco eodem constitutæ. Diaconus Severus, sub quâ Dei disciplinâ & flagello sit, nōstis: lumen tamen non perdidit mentis. Unam domum hic emerat propter matrem & sororem suam, quas de suâ patriâ huc desiderabat adducere, emerat autem non suâ pecuniâ, quam non habebat, sed ex consolatione religiosorum virorum, quos mihi querenti etiam nominans indicavit. De ipsâ non possum dicere, quid fecerit; aut quid disponer, nisi, quia ipse totum in meâ posuit voluntate, ut quidquid ipse vellem, hoc inde fieret. Sed habet quasdam causas cum matre suâ, quarum earum me judicem poscit: ut cum illæ causæ fuerint terminatæ, fiat de ipsâ domo, quod ego voluero. Quid autem velle potero, Deo regente, nisi, quod justitia jubet & pietas postulat? Habet etiam in Patriâ suâ aliquos agellos: disponit eos sic distribuere, ut etiam illic in ipso loco posita pauperi largiatur Ecclesiæ. Diaconus Hipponensis homo pauper est, quid alicui conferat, non habet: tamen de laboribus suis, antequam esset Clericus, emerat aliquos servulos, hodie illos in conspectu vestro manumissurus est Episcopalibus gestis. Diaconus Eradius ante vestros

vestros oculos versatur : opera ejus lucent coram oculis nostris : De opere ejus & expensâ pecunia memoriam Sancti Martyris habemus. De pecuniâ suâ emit etiam possessionem ex consilio meo. Nam ipsam pecuniam volebat per manus meas erogari, sicuti mihi placeret. Ego, si pecuniâ avidus essem, aut necessitates ipsas meas, quas pro pauperibus habeo, in hac causâ plus curarem, pecuniam acciperem. Quare ? dicit aliquis. Quia possessio illa, quæ ab illo empta, & Ecclesiæ donata est, adhuc nihil præstat Ecclesiæ. Minus enim habebat ad pretium. Et quia mutuatus fuerat, hoc de ejus adhuc fructibus redditur. Homo sum senex : quantus mihi de illâ possessione potest fructus accedere ? Numquid promitto mihi tot annos esse victurum, donec suum pretium illa persolvat ? Quod ergo vix diu partibus reddit, de proximo haberem totum, si accipere voluisssem. Non feci, aliud attendi. Fateor enim vobis, & ipsa suspecta mihi adhuc ætas fuit : ac verebar, ne fortè, ut sunt hominès, matri ejus hoc displiceret, & diceret, indutsum à me fuisse adolescentem, ut bona ejus paterna consumerem, & eum egen-tem relinquerem. Ideo volui ejus pecuniam, in illâ possessione servari, ut si aliquid ( quod Deus avertat ) aliter, quam volumus, evenisset, redderetur villa, ne culparetur Episcopi fama. Scio enim, quantum vobis sit necessaria fama mea. Nam mihi sufficit conscientia mea. Emit etiam spatium ab ista postea Ecclesiâ, notum vobis : & suâ pecunia ædificavit domum, & hoc nôstis. Ante paucos dies, priusquam sermonem de hac re haberem vobiscum, eam donavit Ecclesiæ. Expectabat enim, ut eam perficeret, & perfectam donaret. Fabricandi autem domum necessitas illi nulla erat, nisi quia cogitavit matrem suam huc esse venturam. Si antè venisset in re filii sui habitaret : modò si venerit, in opere filii sui habitabit. Testimonium ei perhibeo : pauper remansit, sed in caritatis possessione permansit. Aliqui servuli ei reliqui fuerant, jam quidem in Monasterio viventes, quos tamen Gestis Ecclesiasticis manumissurus est hodie. Nemo ergo dicat, dives est ; nemo existimet, nemo malè loquatur, nemo se ipsum & animam suam dentibus laniet. Pe-

cuniam nullam habet servatam, utinam, quam debet, restituat. Ceteri, id est, Subdiacones pauperes sunt, Deo propitio, misericordiam Dei expectant. Unde ipsi faciant, non habent : nullas habentes facultates, finierunt mundi cupiditates. Vivunt nobiscum in societate communi. Nemo eos distinguit ab eis, qui aliquid attulerunt. Caritatis unitas præponenda est terrenæ commodo hæreditatis. Restant Presbyteri. Sic enim ad eos gradatim ascendere volui. Citò dixerim, pauperes Dei sunt, nihil ad domum societatis nostræ attulerunt, nisi ipsam, quâ nihil est carius, caritatem. Veruntamen quoniam scio, natos fuisse rumores de divitiis ipsorum, non à me ad aliquid compellendi, sed vobis meo sermone purgandi sunt. Vobis dixi, qui fortè nescitis. Nam vestrum plurimi sciunt. Presbyterum Leporium, quamvis sæculi natalibus clarum, & apud suos honestissimo loco natum, tamen jam Deo servientem, cunctis, quæ habebat, relictis, inopem suscepi. Non, quia nihil habuit, sed quia jam fecerat, quod lectio ista persuadet. Hic non fecit, sed nos scimus, & ubi fecit. Unitas Christi est, Ecclesia una est. Ubique fecit opus bonum, pertinet & ad nos, si congaudeamus. Hortus est unus, ubi nôstis. Ibi Monasterium suis constituit, quia & ipsi Deo serviunt. Ille hortus ad Ecclesiam non pertinet, nec ad ipsum. Et ad quem ? dixerit aliquis : Ad illud, quod ibi est, Monasterium. Sed, quod verum est, usque ad hoc tempus curam pro illis ita gerebat, ut sumpticulos, quibus sustentantur, apud se haberet, & eis ipse, ut videbatur, impenderet. Sed ne propter hoc daretur locus hominibus suspiciones suas rodentibus, & ventrem non implentibus, hoc placuit & mihi, & ipsi, ut sic se illi transigant, quasi iste jam de sæculo exierit. Numquid enim, cum obierit ipse, illis dispensaturus est aliquid ? Melius est, ut videat illos bene versantes, & regente Deo, in disciplinâ Christi viventes, ut de illis tantummodò gaudeat, non eorum necessitatibus occupetur. Pecuniam non habet, quam suam dicere possit. Habebat Xenodochium ædificandum, quod modò videtis ædificatum. Ego illi injunxi, ego jussi : obrem-



obtemperavit mihi libentissimè, & sicut videtis, operatus est. Quomodo etiam meo jussu Basilicam ad octo martyres fabricavit, de his, quæ per vos Deus donavit. Cæpit enim de pecuniâ, quæ data erat Ecclesiæ propter Xenodochium. Et, cum cœpisset ædificare, ut sunt religiosi desiderantes opera sua in Cælo scribi, adjuverunt, prout quisque voluit, & fabricavit. Opus ante oculos habemus. Omnis homo, quid factum sit, videt. De pecuniâ, quia non habet, mihi credant. Dentem compescant, ne frangant. Emerat de ipsâ pecuniâ Zenodochii quandam domum in carraria, quam sibi existimabat propter lapides profuturam. Sed lapides ejus domûs, fabricæ necessarij non fuerunt, quoniam aliunde provisi sunt. Domus ergo ipsa sic remansit. Pensionem præstat, sed Ecclesiæ, non presbytero. Nemo ampliùs dicat, in domum Presbyteri, ad domum Presbyteri, ante domum Presbyteri. Ecce ubi est domus Presbyteri: ubi est domus mea, ibi Presbyteri. Alibi non habet domum, sed ubicunque habet Deum. Quid ampliùs quæritis, nisi quia me illud meminisse etiam promississe, ut ad vos perferrem, quid egissem inter duos, fratrem videlicet & sororem, filios. Januarii Presbyteri, quia orta inter illos fuerat controversia pecuniaria: sed tamen sicut inter fratres, salvâ, Deo propitio, caritate. Promiseram ergo audire, ut inter illos, quidquid esset judicandum, finirem. Paraveram me judicem, sed antequam judicarem, ipsi, quod judicaturus eram, finiêrunt. Non inveni, unde judicarem, sed unde lætarer. Acquieverunt omnino concorditer voluntati meæ, & consilio meo, ut pares essent in pecuniâ, quam reliquit Pater eorum, Ecclesiâ renuntiante, post sermonem meum. Locuturi sunt homines. Sed & quodlibet homines loquantur, qualicunque aurâ flante perduceretur inde aliquid ad aures meas: & si tale fuerit, ut sit iterum necesse nos purgare, respondebo maledicis; respondebo detractoribus, respondebo incredulis, non nobis credentibus præpositis suis. Respondebo, ut potero, quod Dominus dederit. Interim modò non est necesse, quia nihil forè dicturi sunt. Qui nos amant, liberè gaudebunt: qui nos oderunt, ta-

cite dolebunt: tamen si linguas exercuerint, audient Deo propitio vobiscum responsum meam, non litem meam. Non enim homines nominaturus sum, & dicturus, ille hoc dixit, ille sic detraxit: cum fortasse etiam ad me falsâ, quia & hoc potest fieri, perferantur. Veruntamen quæcunque perlata fuerint, si oportere videbitur, loquar inde caritati vestræ. Ante oculos vestros volo sit vita nostra. Scio, quia quærentes licentiam malè faciendi, quærunt sibi exempla malè viventium, & multos infamant, ut locios invenisse videantur. Ideo, quod nostrum est, fecimus, plus quid faciamus, non habemus. Ante vestros oculos sumus, nullius aliquid desideramus, nisi bona opera vestra. Et vos exhortor Fratres mei, si aliquid vultis Clericis dare, sciatis, quia non debetis vitia eorum fovere contra me. Omnes offerite, quod vultis, offerite de voluntate vestrâ. Quod commune erit, distribuetur unicuique, prout cuique opus erit. Gazophylacium attendite, & omnes habebimus. Valde me delectat, si ipsum fuerit præsepe nostrum, ut nos simus jumenta Dei, vos ager Dei. Nemo det bîrrum, vel lineam tunicam, seu aliquid, nisi in commune. De communi accipiam mihi ipsi, cum sciam commune me velle habere, quidquid habeo. Nolo talia offerat sanctitas vestra, quibus ego solus, quasi decentius utar. Offeratur mihi verbi gratiâ bîrrum pretiosum. Fortè decet Episcopum, quamvis non deceat Augustinum, id est, hominem pauperem de pauperibus natum. Modò dicturi sunt homines, quia inveni pretiosas vestes, quas non potuissim habere vel in domo Patris mei, vel in illâ sæculari professione meâ. Non decet. Talem debeo habere, qualem possum, si non habuerit, fratri meo dare, qualem potest habere presbyter, qualem potest habere decenter Diaconus, & Subdiaconus, talem volo accipere, quia in commune accipio. Si quis meliorem dederit, vendo: quod & facere soleo, ut quando non potest vestis esse communis, pretium vestis sit commune, vendo & ergo pauperibus. Si hoc eum delectat, ut ego habeam, talem det, de quâ non erubescam. Fateor enim vobis, de pretiosâ veste erubesco: quia non decet hanc professionem

nem , non decet hanc admonitionem , non decet hæc membra , non decet hos canos. Etiam illud dico , si fortè in nostrâ domo , in nostrâ societate æger est aliquis , vel post ægritudinem , ut necesse sit cum ante horam prandii reficere , non prohibeo religiosos , vel religiosas mittere eis , quod videtur , ut mittant. Prandium tamen & cœnam extra nemo habebit. Ecce dico , auditis ? Audiunt. Qui habere voluerit proprium , & de proprio vivere , & contra ista præcepta nostra facere , parum est , ut dicam , non mecum manebit , sed nec Clericus erit. Dixeram enim , & scio me dixisse , ut si nollent suscipere socialem vitam mecum , non illis tollerem Clericatum : sed seorsum manerent , & seorsum viverent , quomodo nôssent , Deo viverent , & tamen ante oculos posui , quantum mali sit à proposito cadere. Malui enim habere cæcos , vel claudos , quàm plangere mortuos. Qui enim Hypocrita est , mortuus est. Quomodo ergo , quicumque voluisset , extrâ manere , & de suo vivere , & ei tollerem Clericatum : itâ modò , quia placuit illis , Deo propitio , socialis hæc vita , quisquis cum Hypocritâ vixerit , quisquis inventus fuerit habens proprium , non illi permitto , ut inde faciat Testamentum , sed delebo eum de tabulâ Clericorum. Interpellet contra me mille Concilia , naviget contra me , quò voluerit , sit certè ubi potuerit. Adjuvabit me Dominus , ut ubi ego Episcopus sum , ille Clericus esse non possit. Audistis ? Audierunt. Sed spero in Deum nostrum & misericordiam ejus , quia , sicut dispositionem meam istam hilariter acceperunt , sic eam purè fidelitèrque servabunt. Dixi aliquid suum non habere Presbyteros cohabitatores meos , inter quos est & Presbyter Barnabas. Sed & de illo audiui quædam fuisse iactata. Ante omnia , quia emit villam à dilecto & honorabili filio meo Eleusino , Hoc falsum est. Monasterio donavit ille , non vendidit. Ego sum testis. Quid amplius quæritis ignoro. Ego sum testis. Donavit ille , non vendidit. Sed dum non creditur donare potuisse , creditus est vendidisse. Beatus homo , qui tam bonum opus fecit , ut non crederetur. Tamen vel modò credite , vel detractores audire libenter desinite. Jam dixi ,

R r r

ego sum testis. Dictum est de illo , quoddam anno præposituræ suæ per industriam debita fecerit , ut dum volo ego reddi debita , darem illi licentiam pœcendi fundum Viçtorianensem , tanquam dixisset mihi , ut reddam debita mea , da mihi in decem annos fundum Viçtorianensem. Et hoc falsum est : sed fuit , unde rumor nasceretur. Fecit debita reddenda , à nobis reddita sunt partim , unde potuerunt. Remansit aliquid , quod non debebatur etiam Monasterio illi , quod per ipsum Deus instituit. Cùm ergo remansisset , cœpinus quærere , unde debitum redderemus. Ad conductionem ipsius fundi nullus accessit , nisi quadraginta solidorum offerens pensionem. Sed vidimus fundum amplius posse dare , ut celeritèr debitum redderetur. Et commisi fidei ejus , ut de ipsâ conductione lucra non requirerent fratres : sed quidquid daret fundus , de ipsis fructibus imputarent ad debitum. Fide agitur. Paratus est Presbyter , ut alium constitutam , qui de fructibus fratribus reddat. Ex numero vestro sit aliquis , cui hoc committam , ex numero ipsorum , qui ad nos talia pertulerunt. Sunt enim in vobis homines religiosi , si qui eum rumorem falso reprehensum esse doluerunt , & tamen crediderunt factum. Ex ipsis ergo aliquis veniat ad nos , suscipiat possessionem. Omnes fructus pretiis suis fideliter vendat , ut reddi possit facilius , quod debetur , & hodie recedat inde cura Presbyteri. Locus etiam ipse , ubi Monasterium constitutum est , à memorato honorabili filio meo Eleusino , ipsi presbytero Barnabæ donatus est. Antequam ordinaretur Presbyter , in ipso loco Monasterium instituit. Sed tamen , quia nomine ipsius donatus erat locus , mutavit instrumenta , ut nomine Monasterii possideatur. De fundo Viçtorianensi , ego rogo , ego peto , ut si quis religiosus est , fide agat , & exhibeat Ecclesiæ istam operam , ut citò debitum reddam. Quod si nemo de Laicis fuerit inventus , ego præpono alium , iste illic non accedet. Quid vultis amplius ? Nemo laceret servos Dei , quia non expedit lacerantibus. Servis Dei quidem merces falsis detractionibus crescit , sed crescit etiam pœna detrahentibus. Non sine causâ dictum est , *Gaudete (r) & exultate* , quando detrahunt de vobis di-

cen-



centes fallā : *Quia merces vestra magna est in Cælis.* Nolumus cum detrimento vestro magnam habere mercedem. Minus ibi habeamus, & tamen vobiscum ibi regnemus. Amen.

## EXPLICIT.

Quia ergo constat, Sanctam Ecclesiam prædictorum Patrum exempla sequi debere, quorum noscitur documentis post Apostolica instituta ubertim corroborare: debent non solum prælati imitando, verum etiam subditi obsequendo usquequaque studere, qualiter eorum exemplis & doctrinis parentes, ad felicitatis gaudia, quod illi præcesserunt, valeant pervenire. Quoniam sicut hi, qui eorum doctrinis & exemplis summa devotione obediunt, æternis gaudiis inferuntur: ita nimirum ea sectari nolentes, æternis suppliciis mancipantur. Memoratas itaque sanctorum Patrum sententias, quibus Clericalis ordo ad bene vivendum instruitur, sedulè perlegat, & diligenter pertractet, quisquis Canonicam professus est vitam. Quas, cum bene perscrutatus fuerit, patenter inveniet, quod illi non enervare, sed religiosè vivendum sit.

CXIV. *Quæ præcepta specialiter Monachis, quæ generaliter cæteris conveniant Christianis.*

Propter quorundam Simplicium verba, qui religiosi, & eruditis viris se admonentibus ac redarguentibus plerumque objicere solent, solos Monachos Scripturarum Sanctorum præcepta observare debere; operæ pretium duximus, quædam Evangelica, atque Apostolica quam brevissimè ad medium deducere præcepta, ut hæc hujuscemodi imperiti homines audientes, hisque aures cordis accommodantes, intelligant, quæ sibi, quæ Monachis conveniant, observare præcepta. Qui enim mente & corpore vult contemnere sæculum, & pauperem sequi Christum, audiat ipsum dicentem in Evangelio: Si vis (s) perfectus esse, vade & vende omnia, quæ habes, & da pauperibus: & veni, sequere me. Et iterum: Omnis, (t)

qui reliquerit domum, aut fratres, aut Patrem, aut Matrem, aut agros propter me, centuplum accipiet, & vitam æternam possidebit. Ad discipulos autem: Vos, inquit, qui reliquistis omnia, & secuti estis me, sedebitis super sedes duodecim, judicantes duodecim tribus Israël. Hæc & hujuscemodi præcepta solis specialiter congruunt Monachis: & quanto singularia, tanto & præcipua. Dicit etiam idem Salvator generaliter omnibus: Omnis, (u) qui venit ad me, & non odit Patrem suum, & Matrem, & uxorem, & filios, & fratres, & sorores, adhuc autem & animam suam, non potest meus esse discipulus. Et iterum: Qui (w) amat filium, aut filiam super me, non est me dignus. Et: Qui non accipit crucem suam, & sequitur me, non est me dignus. Et iterum: Qui non renuntiaverit omnibus, quæ possidet, non potest meus esse discipulus. Et iterum: Omnia, (x) quæcunque vultis, ut faciant vobis homines, & vos facite illis. Et iterum: Attendite, (y) ne justitiam vestram faciatis coram hominibus, ut videamini ab eis: alioquin mercedem non habebitis apud Patrem vestrum. Item: Thesaurizate (z) vobis thesauros in cælo, ubi nec ærugo, nec tinea demolitur. Item: Attendite (a) vobis, ne fortè graventur corda vestra in crapulâ & ebrietate, & curis hujus vitæ. Item: Dico (b) autem vobis, nolite resistere malo. Et: Diligite inimicos vestros: benefacite his, qui vos odierunt, & orate pro persequentibus, & calumniantibus vos. Item: Omnis, (c) qui irascitur fratri suo, reus erit iudicio. Qui autem dixerit racha, reus erit Concilio. Qui dixerit fatue, reus erit gehennæ ignis. Item: Nolite (d) jurare, neque per cælum, neque per terram. Sit autem sermo vester: est, est, non, non. Item: Omne (e) verbum otiosum, quod locuti fuerint homines, reddent de eo rationem in die iudicii. Item: Si quis te percusserit in dextera maxilla, præbe illi, & alteram. Item: Estote (f) misericordes, sicut & Pater vester misericors est. Item: Si peccaverit (g) in te frater tuus, dimitte ei septies: & non solum septies, sed usque septuagesies septies. Item: Si non remiseritis hominibus de cordibus vestris, nec Pater vester cælestis dimittet vobis peccata vestra. Item: Quarite (h) primum Regnum Dei,

(t) Math. 19. 21.  
(w) Math. 10. 37.  
(z) Math. 6. 20.  
(s) Ibid. 22.  
(f) Luc. 6. 36.

(t) Ibid. 29.  
[x] Math. 7. 12.  
(a) Luc. 21. 34.  
(d) Ibid. 34.  
(g) Math. 18. 22. & 35.

(u) Luc. 14.  
(y) Math. 6. 1.  
(b) Math. 5. 39. & 44.  
(e) Math. 12. 36.  
(h) Math. 6. 33.

Et iustitiam ejus, & hæc omnia adjicientur vobis. Et cuidam diviti: Si, (i) inquit, vis ad vitam ingredi, serva mandata, id est, non homicidium facies, non adulterabis, non furtum facies, non falsum testimonium dices, non concupisces rem proximi tui, honora Patrem tuum, & Matrem tuam, & diliges proximum tuum sicut te ipsum. Et cuidam legis Doctori, se interroganti, quod esset mandatum magnum in lege, ait: Diliges (k) Dominum tuum ex toto corde tuo, & ex totâ animâ tuâ, & ex totâ mente tuâ: hoc est maximum, & primum mandatum. Secundum autem simile est huic, diliges proximum tuum, sicut te ipsum. In his duobus mandatis tota lex pendet, & Prophetæ. Paulus quoque Apostolus dicit: Qui (l) diligit proximum, legem implevit. Nam non adulterabis, non occides, non furaberis, non falsum testimonium dices, non concupisces rem proximi tui, & si quod est aliud mandatum, in hoc verbo instauratur, diliges proximum tuum, sicut te ipsum. Idem item: Patientes (m) estote ad omnes; videte, ne quis malum pro malo alicui reddat, sed semper, quod bonum est, sectamini invicem, & in omnes. Hæc enim est voluntas Dei. Omnia autem probate, quod bonum est, tenete. Ab omni specie malâ abstinetes vos. Item idem: Mortificate (n) membra vestra, quæ sunt super terram: fornicationem, immunditiam, libidinem, concupiscentiam malam, & avaritiam. Item idem: Nunc autem deponite & vos iram, indignationem, malitiam, blasphemiam, & turpis sermo de ore vestro non procedat. Item idem: Induite vos viscera misericordiæ, benignitatem, humilitatem, modestiam, patientiam, supportantes invicem. Item idem: Nolite mentiri invicem. Item idem: Si consurrexistis (o) cum Christo, quæ sursum sunt, querite: Item idem: Estote invicem benigni, misericordes, donantes invicem, sicut & Deus in Christo donavit vobis. Item idem: Omnis (p) amaritudo, & ira, & indignatio, & clamor, & blasphemia tollatur a vobis, cum omni malitia. Item idem: Fornicatio, (q) & omnis immunditia, aut avaritia, nec nominetur in vobis, sicut decet sanctos, aut turpitudinis, aut sultiloquium, aut scurrilitas. Item idem: An nescitis, (r) quia iniqui

Rrr 2

Regnum Dei non possidebunt? Nolite errare, Deus non irridetur: quia neque fornicarii, neque idolis servientes, neque adulteri, neque molles, neque masculorum concubitores, neque fures, neque avari, neque ebriosi, neque male-dici, neque rapaces, Regnum Dei possidebunt. Item idem: Omnis (s) fornicator, aut immundus, aut avarus non habet hereditatem in Regno Christi, & Dei. Item idem: Imitatores (t) mei estote, sicut & ego Christi. Item idem: Pacem (u) sequimini cum omnibus, & sanctimoniam, sine qua nemo videbit Dominum. Item idem ad Timotheum: Discedat, (w) inquit, omnis ab iniquitate, qui nominat nomen Domini: Apostolus quoque Joannes ait: Nolite (x) diligere mundum, neque ea, quæ in mundo sunt: quia, si quis diligit mundum, non est caritas Patris in eo. Item idem: Qui dicit, (y) se in Christo manere, debet, sicut ille ambulavit, & ipse ambulare. Item ipse: Omnis, (z) qui odit fratrem suum, homicida est: & omnis homicida non habet vitam æternam in se manentem. Jacobus autem Apostolus ait: Quicumque (a) voluerit amicus esse sæculi hujus, inimicus Dei constituitur. Multa quidem & innumera legalia, Prophetica & Evangelica, atque Apostolica poterant proferri documenta, quibus infatigabiliter, atque inexcusabiliter devotio famulari debet Christiana: sed propter eos, quos supra memoravimus, hæc pauca breviter adnumerare studuimus, qui insipienter asserunt, solos Monachos arctam sectari debere viam, cum utique Dominus arctam & angustam viam dicat esse, quæ ducit ad vitam, & nemo, nisi per eam in vitam ingredi possit æternam. Non solum igitur Monachis & Clericis, verum etiam omnibus, qui Christiano censentur vocabulo per hanc arctam & angustam intrandum est viam. Quid ergo arctius, quam id, quod præcipitur: Diligite (b) inimicos vestros, & nolite resistere malo: & qui irascitur fratri suo, reus erit judicio: & qui viderit mulierem ad concupiscendam eam, jam machatus est eam in corde suo; & cætera talia? Hæc quippe arcta sunt, sed saluberrima: & quanto arctiora, tanto potentiora & eminentiora. Oportet itaque omnes

(i) Matth. 19. 17.

(m) 1. Thess. 5. 14.

(p) Ibid. 3. 1.

(s) Ephes. 5. 5.

(w) 2. Tim. 2. 19.

(z) 1. Joan. 3. 15.

(k) Matth. 22. 37.

(n) Coloss. 3. 5.

(q) Ephes. 5. 3.

(r) 1. Cor. 4. 6.

(x) 1. Joan. 2. 15.

(a) Jac. 4. 4.

(l) Rom. 13. 8. 9.

(o) Ephes. 4. 32.

(t) 1. Cor. 6. 9.

(u) Hebr. 12. 14.

(y) Ibid. 6.

(b) March. 5.



omnes, qui (c) juxta Apostolum, in Christo baptizati sumus, Christumque inuimus, in novitate vite ambulare, semperque ante oculos ponere pactum, quod cum Deo in Baptismate fecimus, ubi abrenuntiavimus Satanæ, & omnibus pompis ejus, & omnibus operibus ejus. Quod pactum tunc irritum fit, cum in fide quis permanendo, vitiis, aut à fide exorbitando, idolorum cultibus, aut hæresum erroribus implicatur. Quia ergo, sicut scriptum est: Corpus, (d) quod corrumpitur, aggravat animam, & deprimit terrena inhabitatio sensum multa cogitantem, & fragilitas humana post Baptismi gratiam peccatorum sordidatur illecebris, eadèmq; peccata Baptismatis iteratione nequaquam deleri possunt: necesse est, ut pœnitentiæ lamentis, & Eleemosynarum largitionibus, & cæteris bonorum operum executionibus, quàm celerrimè deleri procurentur. Et quia unus est Pater noster, & Magister, & Dominus, una Fides, unum Baptisma, una Mater Sancta Ecclesia; instantèr & vigilantèr ab omnibus certandum est, quanquam diversorum donorum modis curratur, qualiter unà ad sanctam & supernam Hierusalem matrem nostram tendamus, quo finè cum Domino vivere mereamur. Illud quoque sciendum, quia quantò quisque se in præsentì sæculo pro Christi amore abjectiorem fecerit, tantò magis in futuro feliciorem remunerationem percipiet.

CCV. *Quod Canonica institutio, Evangelicà, & Apostolicà auctoritate fulta, cæteris supereminet institutionibus.*

Quia evidenti auctoritate liquet, Canonicam institutionem cæteris præstare institutionibus, debent, necesse est, qui hujus professionis censentur nomine, procurare, qualiter in semetipsis eandem institutionem vitæ & moribus exornent potius, quàm dehonestent. Quoniam, qui tantæ auctoritatis institutione polent, & se aliis imitabiles præbere debent, verendum est, ne, si, quod absit, à proposito exorbitaverint, Regno Dei indigni fiant. Quanquam enim Canonicis, quia in Sacris Canonibus illis prohibito non legitur, liceat (\*) linum in-

duere, carnibus vesci, dare & accipere, proprias res & Ecclesiæ cum humilitate, & justitiâ habere, quod Monachis, qui secundum regularem institutionem, arctiorem ducunt vitam, penitus inhibitus est; non tamen in cavendis vitiis, & amplectendis virtutibus, eorum à Monachorum distare debet vita. Monachi namque, qui Evangelicum præceptum sequentes, distractis, atque renuntiatis Patrimoniis, sua Christo dedere, meritò de facultatibus Ecclesiæ subsidium accipiunt temporale: ut quia toto mentis desiderio cælestia appetunt; sic in hac peregrinationis viâ sumptibus Dominicis sustententur, quatenus ad ea, quæ contempserunt, minime redire qualibet necessitatis causâ compellantur. Et quia nihil sibi proprium reliquerunt, manifestum est, illos copiosioribus Ecclesiæ sumptibus, quàm Canonicos, qui suis & Ecclesiæ licite utuntur rebus, indigere. *Unusquisque* (e) enim, ut ait Apostolus, proprium domum habet à Deo.

CCVI. *Quid sint res Ecclesiæ.*

Res Ecclesiæ, sicut à Sanctis Patribus traditur, & in superioribus Capitulis continetur, vota sunt fidelium, pretia peccatorum, & patrimonia pauperum. Fideles namque fidei ardore & Christi amore succensi ob animarum suarum remedium, & cælestis patriæ desiderium suis propriis facultatibus sanctam locupletem fecerunt Ecclesiam; ut his & milites Christi alerentur, & Ecclesiæ exornarentur: pauperes recrearentur, & captivi pro temporum opportunitate redimerentur. Quapropter vigilantè ac solerti curâ providendum est his, qui ejus facultates administrant, ne eas in suos solummodò usus convertant, sed magis juxta possibilitatem rerum, Christo famulantium, immò eorum, in quibus Christus pascitur, & vestitur, curam gerere, penitus non negligent. Sed & sententia Beati Hieronymi non solum Prælati, sed etiam cæteris, qui rebus utuntur Ecclesiæ, vigilantèr pendenda est, qui ita in commentario Matthæi Evangelistæ ait: "Omnes igitur, qui stipe templi, & his, quæ conferuntur ad usus Ecclesiæ, abutuntur in aliis rebus, quibus suam

ex-

[c] Rom. 6.

(d) Sap. 9. 15.

(\*) Observa discrimen inter Monachos & Canonicos Sæculi IX.

(e) 1. Cor. 7. 7.

" expleant voluntatem, similes sunt Scribarum & Sacerdotum, redimentium mendacium, & Salvatoris sanguinem. Ergo res Ecclesiæ pauperibus & militibus Christi stipendiariæ debent intelligi. Unde totis nîsibus Prælati satagendum est, ut Sanctorum Patrum dictis, & exemplis obsequentes, de rebus sibi commissis, ut præmissum est, & subditos gubernent, & pauperes foveant, cunctisque utilitatibus, ac necessitatibus Ecclesiæ fideliter administrando consulant, quatenus de fidei administratione ab ipso, cujus ministri esse noscuntur, ineffabiliter remunerari mereantur.

CXVII. *Quòd diligenter munienda sint  
Clausura Canoniorum.*

Præpositorum officii est, ut subditorum mentes Sanctarum Scripturarum Lectionibus assidue muniant, ne lupus invisibilis aditum inveniat, quo ovile Domini ingredi, & aliquam ovium furripere valeat. Et quanquam ab his hoc instantissimè spiritaliter fieri oporteat; necesse est tamen, ut claustra, in quibus Clero sibi commissio canonicè vivendum est, firmis undique circumdant munitio- nibus, ut nulli omnino intrandi, aut ex- eundi, nisi per portam pateat aditus. Sint etiam interius dormitoria, refecto- ria, cellaria, & cæteræ habitationes, usibus fratrum in unâ societate viventium necessariæ. Qui verò hæc, quæ præ- missa sunt, juxta quod possibilitas suppetit, agere renuerit, impar, minùsque idoneus ad cætera Ecclesiastica officia per- agenda habendus est. Et quanquam divinâ ultione sit dignus, synodali tamen est sententiâ feriendus.

CXVIII. *Ut in congregandis Canonicis  
modus discretionis sit tenendus.*

Cavendum summopere Præpositis Ecclesiarum est, ut in Ecclesiis sibi commissis non plures admittant Clericos, quàm ratio finit, & facultas Ecclesiæ suppetit: ne si indiscretè & extraordinariè plures aggregaverint; nec ipsos gubernare, nec cæteris Ecclesiæ necessita- tibus, ut oportet, valeant adminiculari. Sunt namque nonnulli vanam gloriam ab hominibus captantes, qui numerosam Cleri congregationem volunt habere, cui nec animæ, nec corporis curant solatia

R r r 3

exhibere. Hi namque taliter aggregati, dum à Prælati stipendia necessaria non accipiunt, neque Canonicum servant ordinem, nec divinis officiis insistant: claustra, societatemque cæterorum relin- quentes, efficiuntur vagi & lascivi, gulæ & ebrietati, & cæteris suis voluptatibus dediti. Quidquid sibi libitum est, licitum faciunt. Proinde Præpositis soler- ter providendum est, ut in hoc negotio modum discretionis teneant. Scilicet, ut nec plus, quàm oportet, & possibilitas Ecclesiæ suppetit, in congregationem ad- mittant: nec eos, quos rationabiliter gubernare possunt, causâ avaritiæ abji- ciant.

CXIX. *De hiis, qui in congregatione sibi  
commissâ solummodo ex familiâ Ec-  
clesiæ Clericos aggregant.*

Sunt nonnulli, qui tantum ex fami- liâ Ecclesiasticâ Clericos in sibi commissis congregant Ecclesiis: & hoc ideo facere videntur, ut si quando eis aliquid incom- modum fecerint, aut stipendia oppor- tuna subtraxerint, nihil quærimoniæ con- tra se objicere præsumant; timentes sci- licet, ne aut severissimis verberibus afficiantur, aut humanæ servituti denudè crudeliter addicantur. Hoc autem non ideo dicitur, ut ex familiâ Ecclesiæ prob- abilis vitæ in congregatione non sint admittendi, præsertim, cum apud Deum non sit personarum acceptio: sed potiùs, ut, propter quam intulimus occasionem, nullus Prælatorum seclusis nobilibus, vi- les tantum in suâ congregatione admit- tant personas.

CXX. *Qui Clerici, in congregatione Cavo-  
nicâ constituti, Ecclesiastica accipere  
stipendia debeant.*

Quia Sanctorum Patrum supra no- tatæ sententiæ docent, Clericos non di- vitiarum sectatores esse, nec res Eccle- siarum inofficiôsè accipere debere; non ab re putavimus, nonnulla Capitula li- bri Prosperi ad medium, & exempli causâ deducere, in quibus ita legitur: " Qui (f) Ecclesiæ serviunt, & ea, quibus " opus non habent, aut libenter acci- " piunt, aut exigunt, nimis carnali- " ter sapiunt." Item ibi: Satis quippe " indignum est, si fidelis & operosa de- " votio Clericorum propter stipendium " sæcu-

(f) De vitâ Contempl. Lib. 2. Cap. 10.



"seculare, præmia sempiterna con-  
 "ternat." Item ibi: Si propter hoc non  
 "vult sua quisque relinquere, ut ha-  
 "beat, unde vivat: ut, quid accipit,  
 "unde rationem reddat? Ut quid pec-  
 "caris alienis sua multiplicat? His igitur  
 & cæterorum Patrum dictis diligen-  
 ter animadversis, studeant necesse est  
 Clerici in accipiendis Ecclesiasticis sumptibus  
 suum evitare periculum. Proinde, qui  
 suas, & Ecclesiæ habent facultates,  
 & utilitatem Ecclesiæ, aut interiorius,  
 aut exteriorius conferunt; accipiunt  
 in congregatione cibum & potum, &  
 partes eleemosynarum, & his contenti  
 sint, ne plus accipientes, pauperes  
 gravare videantur; perpendentes sen-  
 tentiam Prosperi, quæ dicitur: "Qui (g)  
 "sua possident, & dari sibi aliquid vo-  
 "lunt, sine grandi peccato suo, unde  
 "pauper victurus erat, non accipiunt.  
 Hi verò, qui nec suis rebus abundant,  
 nec Ecclesiæ habent possessiones, &  
 magnam utilitatem Ecclesiæ conferunt,  
 accipiant in canonicâ congregatione vi-  
 ctum & vestitum, & Eleemosynarum  
 partes: quia de talibus ita in libro Prosperi  
 scribitur: "Clerici, (h) quos volun-  
 "tas aut nativitas pauperes fecit, in con-  
 "gregatione viventes, necessaria vitæ  
 "accipiant: quia ad ea accipienda non  
 "eos habendi ducit cupiditas, sed co-  
 "git vivendi necessitas. Porro si tales  
 fuerint, qui nec suas, nec Ecclesiæ ve-  
 lint habere possessiones, horum neces-  
 sitatibus providentissimâ gubernatione de  
 facultatibus Ecclesiæ debent subvenire  
 Prælati, attendentes illud Prosperi: "(i)  
 "Quod habet, inquit, Ecclesia, cum om-  
 "nibus nihil habentibus commune ha-  
 "bet, sed & illorum curam nihilominus  
 "gerere debet, quos aut infirmitas, aut  
 "senectus aggravat, quos etiam constat  
 "olim in utilitatibus Ecclesiæ defudasse.

CXXI. *Ut in congregatione Canonica æqualiter  
 cibus & potus accipiat.*

Solet in plerisque Canonicorum  
 congregationibus irrationabiliter atque  
 indifcretè fieri, ut nonnulli Clerici, qui  
 divitiis affluunt, & aut parum, aut  
 nihil utilitatis Ecclesiæ conferunt, ma-  
 jorem cæteris divinum strenuè peragen-  
 tibus officium annonam accipiant: cum  
 hoc ita fieri debere nusquam nec in au-

toritate Scripturarum, nec in tradi-  
 tionibus Sanctorum Patrum possit quo-  
 quo modo sancitum reperiri. Sed quia  
 hujuscemodi factum nullâ autoritate  
 fulcitur, sed magis gulæ, imò avaritiæ  
 causâ constat esse inolitum: restat, ut  
 talce justitiæ refectetur, & æquitatis  
 censurâ ab iisdem locis, in quibus fit,  
 prorsus abdicetur. Est nempe rationa-  
 bile justumque coram Deo & homini-  
 bus, ut in unâquâque Canonica con-  
 gregatione à minimo usque ad maxi-  
 mum, cibum & potum omnes æqualiter  
 accipiant, hi videlicet, qui propter  
 aliquam utilitatem in numero Cano-  
 nicorum fuerint admissi. Quanquam  
 enim plerique subditorum à Prælati-  
 bus, rebus quibuscumque aliis plus cæteris meri-  
 to soleant honorari, in hac tamen socie-  
 tate, seclusâ personarum acceptione  
 una debet cibi & potus æqualitas esse.

CXXII. *De mensurâ cibi & potus.*

Illud quoque congruentissimè &  
 rationabiliter tenendum esse censuimus,  
 ut in singulis locis, in quibus socialiter  
 canonicè Domino militatur, panem, &  
 pulmentum, & Eleemosynarum partes  
 æqualiter Canonici accipiant. Et  
 quanquam decentissimum foret, ut si-  
 militer æquè potum acciperent, non tã-  
 men id æqualiter in omnibus locis, nec  
 Ecclesiarum diversissimæ facultates, nec  
 terrarum qualitates, nec eventuum si-  
 nunt fieri posse varietates. Unde neces-  
 sarium duximus, ut in hoc negotio mo-  
 dum discretionis tenendum describere-  
 mus. Quapropter communi voto, com-  
 muniqué consensu Sacro Conventui sta-  
 tuere placuit, ut in omnibus locis ma-  
 joribus scilicet, & minoribus, acci-  
 piant singuli Canonici per singulos dies  
 libras vini quatuor. In locis verò, ubi  
 majores facultates sunt Ecclesiæ, verbi  
 gratiâ, tria, aut quatuor, aut certè  
 octo; & ed ampliùs millia mansi: si ea-  
 dem regio vini ferax fuerit, accipiant  
 per singulos dies quinque libras vini, si  
 tamen sterilitas impedimento non fuerit  
 temporis. Si verò vinifera plenè non  
 fuerit, tres libras vini, & tres cervisiæ.  
 Et si penitibus vini ferax non fuerit, ac-  
 cipiant libram vini, & quinque libras  
 cervisiæ. In mediocribus enim locis  
 mille aut mille quingentos, vel certè  
 duo

(g) Ibid. Cap. 11.

(h) Ibid. Cap. 12.

(i) Ibid. Cap. 9.

duo millia mansos habentibus, si Regio (ut præmissum) vini ferax fuerit, quatuor libras vini: & si plenè vini ferax non fuerit, duas libras vini, & tres potùs ex diversis materiis confecti. Quod si etiam vini ferax minimè fuerit, quatuor libras memorati potùs, & libram vini accipiant. Porro in minoribus locis, ducentos aut trecentos mansos habentibus, accipiant duas libras vini. Quòd & si eadem Regio, ut jam dictum est, vineis caruerit, tribuantur eis tres libræ cerevisiæ, & si facultas suppetit, libra vini. Licet enim in nonnullis Provinciis copia desit vini, satagendum est tamen Prælati, ut ex circumjacentibus vineis Provinciis vinum habeant. Quoniam quamquam in plerisque Regionibus vineæ non sint, abundat tamen Sancta Dei Ecclesia, Domino attribuent, aliarum rerum copiis, è quibus industriâ Prælatorum ex aliis Provinciis vinum adipisci, sibi que subditis juxta facultatem pocula conferre possunt. In locis igitur, ubi per modicæ sunt res Ecclesiæ, aut fortè quorundam abstractu valde attenuatæ, pauci numero, magni tamen constituentur officio; quibus saltem præmissa minor mensura sine difficultate dari possit. Diebus verò festis, sicut moris est Ecclesiæ, juxta quod melius Prælati possunt, fratribus cibum, potumque ministrent. In his itaque locis, ubi fortè nonnulli Prælati piorum Prælatorum imitantes Exemplum magis subditis dare soliti sunt, nullatenus bonum, quod faciunt, obmittant. Sed & si cui ob æternam retributionem magis subditis supererogare libuerit, hilariter, quod potuerit, tribuat. Sin autem, nullatenus mensuram prædictam absque inevitabili causâ eis subtrahat. Quando igitur tempus sterilitas vini extiterit, sicut crebrò peccatis præpedientibus solet, & Prælati, quantum debent, dare vinum Canonicis nequiverint, id quod dederint, sic discretè & temperatè distribuunt, ut omnes communiter eo utantur. Non autem id murmurantes, sed magis cum gratiarum actione, quod dari potest, accipiant, & socialiter in sancto proposito perseverent. Idcirco prospicere sibi debent Canonici, ut vinum, aut quemlibet alium potum, in Eleemosyna sibi datum in communi recon-

dant cellario: quatenus imminente hujuscemodi sterilitatis tempore, suis eo suffragentur communiter necessitatibus. Non tamen eis propter hoc à Prælati potus debitus penitus subtrahatur, si est, unde detur. Qui verò & suis, & Ecclesiæ abundant rebus, instante sterilitatis tempore, eis, quos pauperes pascit Ecclesia, suis facultatibus cum caritate & humilitate, suffragari procurent, ut juxta Apostolum: *Frater (k) fratrem adjuvet, & ambo consolentur.* Non tamen ob id se superbiendo extollant: quia sicut in libro Prosperi legitur: "Non se debent hujuscemodi inani jactantiâ præferre his, quos nihil habentes pascit ac vestit Ecclesia." Illud interea semper caveant Prælati, ne id, quod dare debent, aut possunt, quolibet dissimulatione, aut tenacitate subditis subtrahant, ne paupertatis occasione compulsi, per diversa vagari, ac turpibus se implicare negotiis cogantur: reliquæque Ecclesiastico officio incipiant indisciplinatè vivere, & propriis voluptatibus deservire: & Prælati, qui eis necessaria largiendo, à Domino remunerari poterant, distictè & severè judicentur. Dent quippe eis pulmentum, juxta quod vires suppetunt, & loca eis congrua attribuant, in quibus nutrimina fiant, unde necessaria pulmenta habeant, exceptis his, quæ de Ecclesiæ villis, vel oblationibus fidelium accipiunt. Habeant itaque iidem Canonici hortos oleorum, unde cum cæteris additamentis aliquod pulmentum quotidie in refectorio sibi vicissim ministrent. Propter diversitates namque, & inæqualitates mensurarum, quæ apud plerosque non æquè secundum Domini legem, sed secundum uniuscujusque Provinciæ usum habentur, mensuram cibi, & potùs ponderis ratione Canonicis dandam esse censuimus. Et hoc ideo, quia cum hujuscemodi mensuræ diversissimæ & inæquales soleant haberi, publicum tamen pondus Provinciis, civitatibus, metallisque inditum nihil diversitatis aut inæqualitatis pati debet: quatenus sicut idem pondus æquum permanet, ita etiam eadem mensura æquè illis tribuatur. Noverint tamen generaliter omnes, libram non amplius, quam duodecim uncis constare debere.

(k) Rom. 15.



CXXIII. *Quod à Prælatiſ gemina paſtio fit ſubditis impendenda.*

Solenter Prælatiſ fatagendum eſt, ut eos, quibus præſunt, verbis, & exemplis ad bene vivendum informet: fixoque corde tenendum, ne eos, quaſi proprios, ſed ut Domini ſui gregem tractare meminerint, juxta illud, quod Petro dicitur: *Si (1) diligis me, paſce oves meas.* Meas, inquit, non tuas. Et hoc ideo dicimus, quia ſunt nonnulli, qui oves Chriſti, non amore Chriſti, ſed ſuæ vel gloriæ, vel dominationis, vel quæſtûs gratiâ paſcunt. Sed & hoc vigilanter perpendere debent, quòd eadem paſtio gregis Dominici, non uniformi, ſed multimodâ eſt ſollicitudine gerenda: ſcilicet, quia & terrena ſubſidia diligenter illis præbere, & exempla virtutis ſimul cum verbo prædicationis debent ſollicitè impendere. Quapropter ſtudeat unusquisque Prælatuſ, ut familiæ Chriſti annonam ſpiritualem, carnalẽque fideliter ſubminiſtret, ut effici mereatur ille Evangelicuſ ſervuſ, de quo dicitur: *Fidelis (m) ſervuſ, & prudens, quem conſtituit Dominuſ ſuper familiam ſuam, ut det illis in tempore tritici menſuram.* Ergo ſicut ſubditis neceſſaria corporis tribuunt, ita nihilo minùſ ſtudere debent, ut iidem religioſiſſimè ordinem Canonicum ſervent, & Prælatiſ ſuiſ ac Magiſtriſ honorem debitum humiliter impendant. Ut horiſ Canonicis Divinum officium devotiſſimè expleant. Intuſ forſique non ſolùm habitu & actu, ſed etiam ipſo inceſſu irreprehenſibiles exiſtant. Ut non otio vacent, non vaniloquiis inſerviant, non detractiõibus, & cæteriſ vitiorum illecebris incumbant: ſed potiùſ aut orationi, aut lectioni, aut quibuſlibet Eccleſiæ, aut certè propriiſ utilitatibuſ vacent; aut etiam doctriſ ſaniſ, & diverſarum artium erudiantur diſciplinis: ita videlicet, ut nulluſ in congregatione inutiliſ, aut otioſuſ exiſtens, ſtipendia Eccleſiæ inofficioſè accipiat. Ut quotidie ad collationem veniant; ubi & hanc inſtitutionem, & aliarum Scripturarum Sanctarum lectioneſ perlegant, & pro admiſſiſ veniam poſtulent, & ſententiam pro qualitate admiſſi ſuſcipiant: ubi etiam de communi profectu & utilitate Eccleſiæ pertractent. Ut omneſ in dormitorio,

nifi quem infirmitaſ, aut ſenectuſ id facere prohibuerit, dormiant. In reſectorio quotidie unâ reſiciantur, niſi fortè quem neceſſitaſ abeſſe compulerit, & hoc non ſinè licentiâ Magiſtri fiat. Illiſ quoque comedentibuſ, & ſilentium religioſè tenentibuſ continuatim legatur lectio, & ab hiſ intentiſſimè audiat. Ut viſiſſim in reſectorio, & cæteriſ communibuſ neceſſitatibuſ, ſibi fraternitatiſ officio ſerviant. Ut nulluſ foras, niſi per licentiam, egrediatur, egreſſuſ quoque, nullum de ſe detractiõni locum det, ſed magiſ imitabilem ſe cunctiſ exhibeat. Hanc igitur geminam paſtionem Prælati ſibi commiſſiſ ovibuſ impendere inſtanter procurent, utpote pro animabuſ eorum Domino rationem redditori. Quatenuſ videlicet eaſ Paſtori omnium Chriſto, ſummo Pontifici, ſecum in tremendi examiniſ die illaſ præſentanteſ, non cum reprobis, & Divinâ ultione feriendis damnentur, ſed potiùſ cum electiſ Paſtoribuſ, perpetuâ felicitate à Domino remunerentur.

CXXIV. *Ut Canonici, ſicut in cæteriſ, ita etiam in cultu veſtium, modum teneant diſcretioniſ.*

Quærere potiùſ Deum cultum cordiſ, quàm corporiſ, evidentibuſ Scripturæ Sanctæ patet indiſciſ. Proinde Canonicis totiſ viribuſ elaborandũ eſt, ut & indumenta virtutuſ habeant interiùſ, & per immoderatum cultum caveant dehoneſtare Religioniſ dignitatem exteriùſ. Quantum etiam à ſuperfluo, & immoderato cultu veſtium, ſe compſcere debeant, multiſ Sanctorum Patrum documentiſ perdoceri poteſt. Dicit enim Beatuſ Hieronymuſ in Epistolâ ad Euſtociuſ: " Sunt quidam mei ordinis, qui bus omniſ cura eſt de veſtibuſ, ſi bene oleant, ſi peſ laxâ pelle non folleat, Crineſ calamitriſ veſtigio rotantur, digiti de anuliſ radiant, & ne plantæ humidior via ſpargat, vix imprimunt ſumma veſtigia. Taleſ, inquit, cùm videriſ, ſponſoſ magiſ æſtimato, quàm Clericoſ." Et B. Gregoriuſ: "(n) Nemo, inquit, æſtimet in luxu, atque in ſtudio pretioſarum veſtium peccatum deeſſe: quia, ſi hoc culpa non eſſet, nullo modo Joannem Dominuſ de

[1] Joan. 21. 17.

(m) Matth. 24. 45.

Luc. 12. 42.

(n) Hom. 6. in Evangel.

" de vestimenti sui asperitate laudasset.  
 " Si cultus vestium culpa non esset, ne-  
 " quaquam Paulus Apostolus per Episto-  
 " lam fœminas à pretiosarum vestium  
 " appetitu compesceret, dicens: *Non in*  
 " (o) *veste pretiosa.* Pensandum nobis  
 " summopere est de cultu vestium, quæ  
 " culpa sit hoc etiam viros appetere, à  
 " quo curavit Pastor Ecclesiæ & fœminas  
 " prohibere." Quapropter oportet Ca-  
 " nonicos Sanctarum Scripturarum aucto-  
 " ritati parere, Sanctorumque Patrum do-  
 " cumenta vigilantè perpendere, ut hu-  
 " militatem, quam corde gestant, actu, ha-  
 " bitu, incessu, ipsa etiam equitatione, re-  
 " ligiosissimè demonstrent, plûsque velint  
 " sanctâ conversatione, eximîisque mori-  
 " bus, quàm ornatu vestium, fulgere. Si  
 " enim more conjugatorum in se ornandis,  
 " nitore vestium, faleris equorum, cæte-  
 " risque humanæ vanitatis rebus abusi fue-  
 " rint, scilicet, ut se similibus uti debere  
 " contendant, in quo eorum conversatio  
 " à laicorum distare videbitur? Decet por-  
 " rò, ut eorum talis sit vestium cultus, qui  
 " occasione vanitatis careat, & nihil novi-  
 " tatis, nihil superfluitatis redolet, nihil-  
 " que reprehensionis, aut detractionis ha-  
 " beat. Non enim specialiter præsumi  
 " debet ab aliquo, quod non generaliter  
 " teneatur ab omnibus, id est, nec plûs  
 " iusto cultior vestis, nec insolita, atque  
 " deformis: quia in utroque illorum, aut  
 " elationis, aut certè simulationis noxa  
 " patefcet. Inter utrumque enim virtus  
 " discretionis moderatissimè tenenda est.  
 " Quæ plenissimè in vitâ B. Augustini, in  
 " laudem illius prolata, ita legitur: " Ve-  
 " stis (p) ejus & calceamenta, vel le-  
 " ctualia, ex moderato, & competenti  
 " habitu erant, nec nitida nimium, nec  
 " abjecta plurimum: quia his plerique,  
 " vel jactare se se insolenter homines so-  
 " lent, vel abjicere, ex utroque, non,  
 " quæ Jesu Christi, sed, quæ sua sunt,  
 " querentes. At iste, ut dixi, medium  
 " tenebat, neque ad dextram, neque ad  
 " sinistram declinans.

CXXV. *Ut Canonici cucullas Monachorum  
 non induant.*

Reprehensibilem, & Ecclesiasticâ  
 emendatione dignum apud plerisque Ca-  
 nonicos inolevisse comperimus usum,  
 S s s

eo quod contra morem Ecclesiasticum,  
 cucullas, quibus solis Monachis uten-  
 dum est, induant, cum itaque illorum  
 habitum penitus usurpare non debeant,  
 à quorum proposito quodammodò dis-  
 stant: quia sicut indecens est, ut arma  
 militaria more laicorum gestent, ita ni-  
 mirum inhonestum, & valdè indecorum  
 est, ut alterius propositi indumenta sibi  
 imponant. Habitus namque singulorum  
 ordipum idcirco in Ecclesiâ ab invicem  
 discreti sunt, ut his visis, cujus propositi  
 sit gestans, vel in quâ professione Domi-  
 no militet, liquidò cognoscatur. Nam  
 & Domini lege *vir (q) muliebrem & mulier*  
*virikem* prohibetur *induere vestem*, scilicet,  
 ut uterque sexus sibi convenienti veste  
 indutus incedat. Sicut enim turpe est  
 virum vestem muliebrem, & mulierem  
 vestem virilem induere: ita valde inde-  
 corum est, Canonicum vestem monasti-  
 cam induere, nisi tamen cum veste etiam  
 propositum voluerit assumere. Et quia  
 hujuscemodi usus nullâ auctoritate ap-  
 probatur, sed potiùs ab his, qui sanum  
 sapiunt, meritò reprehenditur, & repu-  
 diatur, oportet, ut abhinc, ne fiat, pe-  
 nitus inhibendum sit.

CXXXVI. *Excerptum ex Libro Officiorum  
 Isidori. Quâ auctoritate horæ Canonice cele-  
 brentur, quas scire, ac religiosè obser-  
 vare Canonicos oportet.*

Horam (r) tertiam, sextam, &  
 nonam, Daniel & tres pueri (s) sup-  
 plicationibus devoverunt, scilicet, ut ab  
 ortu Diei in tempus supplicationis tres  
 horæ porrectæ, Trinitatis nobis reveren-  
 tiam declararent: paritèrque à tertia &  
 sexta, usque inde ad nonam, per lucis  
 intervalla ratis dimensionibus terminata,  
 Trinitas ter in die rogata coleretur. Il-  
 lud etiam occurrit ad probationem Ve-  
 nerabilis Trinitatis, quòd Spiritus San-  
 ctus hora tertia, hoc est, suo loco, &  
 numero, & tempore descendit ad terras,  
 impleturus gratiam, quam Christus  
 promisit. Nam & sextâ horâ Christus  
 passus, in nonam patibuli cruciamenta  
 porrexit. Tali enim Sacramento legiti-  
 mis ad precem temporibus per ternas  
 horas Trinitatis perfectio, aut laudatur  
 celebratibus, aut precibus impetratur.  
 Licèt, & si computetur diurna celebri-  
 tas,

(o) 1. Tim. 2.

(r) Lib. 1. C. 19.

(p) Vit. S. Aug. Cap. 22.

(q) Dan. 6.

[g] Deut. 22.



tas, per quaternarium usque in vespertinum officium, hoc est, quater ternis significatur, quia mundus quadrifariò divinus in Trinitate salvatus. Siquidem & in nocte stationes vigiliæ militaris in quatuor partes divisæ, ternis horarum spatiis secernuntur, ut & in ipsis nocturnis, mundialibusque officiis Trinitatis Mysterium veneretur.

## CXXXVII. De Vespertinis.

Vespertinum (f) diurni finis officium, & alternæ lucis occasus est. Cuius ex veteri Testamento solennis est celebratio. Denique (u) hoc tempore veterum sacrificia offerri, adolerique altario aromata & thura mos erat. Testis est Hymnicus ille, Rëgio ac Sacerdotali perfunctus officio, dicens: *Dirigatur* (w) oratio mea, sicut incensum in conspectu tuo, elevatio manuum mearum sacrificium vespertinum. In novo quoque Testamento eo tempore Dominus, & Salvator noster cœnantibus Apostolis mysterium sui corporis & sanguinis initio tradidit, ut tempus ipsum sacrificii, vespertinum ostenderet sæculi. Proinde in honore ac memoriâ tantorum Sacramentorum, his temporibus adesse nos decet Dei conspectibus, & personare in ejus cultibus, orationum nostrarum illi sacrificium offerentes, atque in ejus laudibus pariter exultantes. Vesperum autem nominatum à sidere quod vesper vocatur, & decidente sole exoritur. De quo Propheta dicit: *Et* (x) *vesperum super filios hominum prodire facis.*

## CXXXVIII. De Completis.

De completis (y) autem celebrandis, id etiam in Patrum invenitur Exemplis, David Prophetâ dicente: *Si ascendero* (z) *in lectum strati mei, si dederò somnum oculis meis, & palpebris meis dormitationem, & requiem temporibus meis, donec inveniam locum Domino, tabernaculum Dei Jacob.* Quis non stupeat tantam in Dei amore animi devotionem, ut somnum sibi, sinè quo utique corpora humana deficiunt, penitus interdixerit, donec locum ac templum Domino fabricandum in pectore suo Rex & Prophe-

ta reperiret? quæ res nos debet fortiter admonere, ut si ipsi locus Domini esse volumus, & tabernaculum ejus, aut templum cupimus haberi, in quantum possumus, Exemplis Sanctorum imitemur, ne de nobis dicatur, quod legitur: *Dormierunt* (a) *somnum suum, & nihil invenerunt omnes viri divitiarum in manibus suis.*

## CXXXIX. De Vigiliarum antiquitate.

Antiqua (b) est vigiliarum devotio, familiare bonum omnibus sanctis. Isaias denique Propheta exclamat ad Dominum dicens: *De nocte* (c) *vigilat Spiritus meus ad te Deus, quia lux præcepta tua sunt super terram.* Item David, & Rëgio, & Prophetico sanctificatus unguento, ita canit: *Media* (d) *nocte surgebam ad confitendum tibi super judicia justitiæ tuæ.* Hoc namque tempore vattator Angelus transiens primogenita Ægyptiorum percussit. Unde & nos vigilare oportet, ne periculo Ægyptiorum admisceamur. iisdem etiam horis venturum se esse in Evangelio Salvator asseruit. Unde ad vigilandum auditores suos exuscitans dicit: *Beati* (e) *servi, quos, cum venerit Dominus, invenerit vigilantes.* Et si *vespertinâ* (f), inquit, *hora venerit, & si mediâ nocte, & si galli cantu, & invenerit eos vigilantes, Beati sunt servi illi.* Itaque & vos estote parati, quia nescitis, quâ hora filius hominis venturus est. Siquidem nec verbis solum docuit vigilas, sed etiam confirmavit exemplo: nam testatur Evangelium: *Quia erat* (g) *Jesus pernoctans in oratione Dei.* Paulus quoque & Silas in custodia publicâ: *circa* (h) *medium noctis orantes, hymnum audientibus cunctis dixisse memorantur.* Ubi repente terræ motu factò, & concussis carceris fundamentis, & januæ sponte apertæ, & omnium vincula sunt soluta. Unde oportet his horis psallendi, orandique frequentiam nos in Sanctis habere Officii, finemque nostrum, vel si advenerit, sub tali actu expectare securi. Est autem quoddam genus hæreticorum, superfluas æstimantium sacras vigilas, & Spirituali opere infructuosas, dicentium jura temerari divina, qui noctem fecit

[f] Isidor. Ibid. C. 20.

[x] Job. 38. 32.

[a] Psal. 75. 6.

[d] Psal. 118. 62.

[g] Luc. 6. 12.

[u] Exod. 29.

[f] Isidor. Ibid. Cap. 21.

[b] Isidor. Ibid. C. 22.

[c] Matth. 24. 46.

[h] Act. 16. 15.

(w) Psal. 140. 2.

[z] Psal. 131. 3. 4. 5.

(e) Esa. 26. 9.

[f] Luc. 12. 38.

fecit ad requiem , sicut diem ad laborem. Qui hæretici græco sermone Nyctages , hoc est , somniculosi vocantur.

CCXX. *De Matutinis.*

De matutinorum (i) antiquitate & authoritate testis est idem David Propheeta , dicens : *In matutinis* (k) *meditabor in te , quia fuisti adiutor meus* : & alibi : *Prævenere oculi mei ad te diluculo , ut meditarer eloquia tua.* Cassianus autem dicit (l) matutinæ solemnitatis officium , novo adhuc tempore institutum , primitus in Betlehem Monasterio , ubi Dominus noster Jesus Christus pro redemptione humanæ salutis ex Virgine nasci dignatus est : sicque ex illo per universum mundum ejusdem celebrationis invaluit consuetudo. Diluculo autem proinde oratur , quod resurrectio Christi celebretur. Matutinâ autem luce radiante , Dominus & Salvator noster ab inferis resurrexit , quando cepit oriri fidelibus lux , quæ moriente Christo occiderat peccatoribus. Siquidem & eodem tempore cunctis spes futuræ resurrectionis creditur , cum iusti & omnes ab hac temporali morte , quasi à sopore somni resurgentes , evigilabunt.

CCXXXI *Ut Canonici horas Canonicas religiosè observent.*

Studeant summopere Canonici , prædictas horas vigilantissimâ curâ custodire , & in his divinum officium humiliter , ac devotè persolvere. Mox enim ut auditum fuerit signum , festinatò omnes ad Ecclesiam conveniant , quam non pompaticè , aut inhonestè , vel incompositè , sed cum reverentiâ & Dei timore ingrediantur. Nec cum baculis in choro , exceptis debilibus , sed religiosissimè illis standum & psallendum est. Sunt etenim quidam Clericorum , qui in sæcularibus negotiis & discrepationibus penè totum infatigabiliter deducunt diem , & mox , ut Ecclesiam ad divinum officium peragendum intraverint , ita fatigati videntur , ut nec orationi vacare , nec ad psallendum stare queant : sed potius sedentes non divinis , sed vanis solent instare loquelis , ac sæcularia verba , & quod nefas est dictu , turpia & obscena invicem proferunt.

SSS 2

Oportet itaque , ut ab his , qui faciunt , & ab illis , qui eos fortè imitari volunt , iste execrabilis usus radicitus evellatur : quia secundum Domini sententiam : *Domus* (m) *ejus , domus orationis vocanda est.* Omnes igitur ab otiosis sermocinationibus auditum pariter castigent & linguam , & in Ecclesiâ cum timore , & veneratione stantes , aut orent , aut cantent , aut legant , aut audiant. Verba verò turpia , & livida ac sæcularia , nec ipsi proferant , nec alios proferre sinant. Quinimò laudes Deo in commune persolventes , pro suis , populorumque , quorum oblationibus vivunt , delictis Dominum exorent. Debent quoque juxta Apostolum primò omnium ab his fieri : *Obsecrationes* (n) *orationes , postulationes , gratiarum actiones pro omnibus hominibus , pro Regibus , & omnibus , qui in sublimitate sunt constituti , ut quietam & tranquillam vitam agamus in omni pietate & castitate.* Hoc enim , inquit Apostolus , bonum est , & acceptum coram Salvatore nostro Deo. Caveant etiam , ne pro requie sibi in locis divino cultui mancipatis concessâ otio torpeant : sed magis in persolvendis divinis laudibus promptiores , ac devotiores existant : ut per hanc quietem benè operantes , ad eam , quæ sine caret , pervenire valeant. Qui verò has horas frequentare , & in his , ut dignum est , celestè neglexerit officium persolvere , dignâ invectione corripiatur , ut & ipse emendetur , & ceteri timorem habentes hujuscemodi negligentiam caveant. Sed quoniam aliud est , ex toto omittere , aliud pigrè occurrere , qui segniter , aut tardè ad matutinum , aut ad aliud quodlibet divinum obsequium peragendum occurrerit , dignum est , ut non cum aliis in choro , sed omnium ultimus , aut certè ut erubescere discat , in loco hujuscemodi negligentibus à Prælati constituto stet : foris verò nullatenus remanere præsumat , ne otio & fabulis vacet , & à Dei laudibus penitus alienus existat. Custodes præterea Ecclesiæ harum horarum distinctiones benè norint , ut scilicet signa certis temporibus pulsant. Luminaria verò cum omni diligentia concinnanda provideant , sit-  
que

(i) Isidor. Ibid. Cap. 23.

(k) Psal. 62. 7.

(l) Cassian. de Instit. Cœnob. Lib. 3. Cap. 4.

(m) Matth. 21.

(n) 1. Tim. 2.



que eorum studii, ut nihil de sibi commissis rebus Ecclesiæ pereat.

CXXXII. *Quod cantantibus, & psallentibus Domino, Angelorum adsit præsentia.*

Psallentium in Ecclesiâ Domino mens concordare debet cum voce, ut impleat illud Apostoli: *Psallam* (o) *spiritu, psallam & mente.* Quoniam quamvis ubique Dominum per potentiam divinitatis noverimus esse, præcipue tamen eum, cum divino assistimus officio, per gratiam nobis credimus adesse. De quâ Beda venerabilis Presbyter in expositione Evangelii Lucæ ita dicit: "Non latet Angelos crebro electis invisibili adesse" præsentia, ut eos vel ab hostis callidi defendant insidiis, vel majori caelestis desiderii gratiâ sustollant, Apostolo attestante, qui ait: *Nonne* (p) *omnes sunt administratori spiritus, in ministerium missi propter eos, qui hereditatem capiunt salutis?* Maxime tamen angelici nobis spiritus adesse credendi sunt, cum divinis specialiter mancipamur obsequiis, id est, cum Ecclesiam ingressi, vel lectionibus sacris aurem accommodamus, vel psalmodiæ operam damus, vel orationi incumbimus, vel etiam Missarum solemniam celebramus. Unde ait Propheta: *In conspectu* (q) *Angelorum psallam tibi.* Nec dubitari licet, ubi corporis & sanguinis Dominici geruntur mysteria, supernorum civium adesse conventus. Unde studendum solerter est, ut, cum Ecclesiam, vel ad Divinæ laudis debita solvenda, vel ad agenda Missarum solemniam intramus, semper Angelicæ præsentiae memores, cum timore & veneratione competenti, caeleste compleamus officium: ne, si, quod absit, id negligenter, aut inhonestè vel tepidè expleverimus, & ad perficiendum pigri advenimus, in sententiam, quâ dicitur: *Maledictus* (r) *homo, qui opus Dei fecerit negligenter,* miserabiliter labamur. Ergo solerti industriâ nobis observandum est, ne quid in Ecclesiâ ineptum, ne quid perversum, ne quid indecens, aut cogitatione, aut verbis, aut actibus perpetremus, quatenus & conspectu Angelorum digni efficiamur, & Dominus ad nos veniens, non quod condemnet in

nobis, sed potiùs, quod remuneret, inveniat.

CXXXIII. *Quales ad legendum, & cantandum in Ecclesiâ, constituendi sint.*

Tales ad legendum, cantandum, & psallendum in Ecclesiâ constituantur, qui non superbè, sed humiliter debitas Domino laudes perfolvant, & suavitate lectionis, ac melodiæ & doctos demulceant, & minùs doctos erudiant; plùsque velint in lectione, vel cantu populi edificationem, quàm popularem vanissimam adulationem. Qui verò hæc doctè peragere nequeunt, erudiantur priùs à Magistris: & instructi, hæc adimplere studeant, ut audientes ædificent.

CXXXIV. *Qui modus sit correptionis?*

Quancumque contemptores Canoniarum institutionum Episcopali præcipue iudicio plectendi sint, quâ poena, ut ait Beatus Augustinus, in Ecclesiâ nulla major esse potest; demonstrandum tamen est, qualem ceteri Prælati, qui illis dignitate inferiores esse noscuntur, in locis sibi commissis, in quibus canonicè vivitur, erga subiectos quosque delinquentes, & ea, quæ propriè ad eorum propositum pertinent, observare nolentes, adhibere debeant correptionis modum. Sed quia omnis ætas, vel uniuscujusque intelligentiæ capacitas, proprias debet habere mensuras, & juxta modum culparum, mensura extendenda est correptionum, & hæc omnia jure in Prælatorum pendent iudicio, quo & discretissimè temperanda sunt: necesse est, ut idem Prælati circa delinquentes medici peritissimi imitentur factum: scilicet, ut adhibita magnæ discretionis cura, quid cuique congruat, quidve conveniat, adhibeant: hoc summopere perpendentes, ut juxta quantitatem vulnèrum, exhibeant fomenta curationum, quatenus nec alteri dent, quod noceat, nec alteri subtrahant, quod juvat. Omisissis igitur his, quorum ætati delinquenti parcendum non est, sed potiùs juxta Salomonem, *Eorum* (s) *latera, ne indurescant, virgis assidue tundenda sunt;* qualiter erga ceteros delinquentes juxta auctoritatem Divinam, & Sanctorum Patrum

(o) 1. Cor. 14.

(r) Hierem. 48. 19.

(p) Heb. 1. 14.

(q) Eccli. 30.

(s) Psal. 137. 2.

Patrum exempla, traditionesque id fieri oporteat, strictim, breviterque ostendatur. Si quis frater in congregatione Canonicâ constitutus, horas Canonicas frequentare neglexerit, Ecclesiâque non religiosè, sed pompaticè vel incompòsitè intraverit, & opus Dei negligenter executus fuerit, ad collationem venire distulerit, obedientiam à Magistris sibi injunctam agere recusaverit, in legendo, vel cantando, vel in cæteris Ecclesiasticis disciplinis juxta vires studium non exhibuerit, ad mensam non necessitate, sed vicio tardè occurrerit, è claustris sine licentiâ exierit, per licentiam vestri ingressus, contra constitutum sibi placitum moras fecerit, in plateas ire, aut in bivis residere tentaverit, in dormitorio aliquid indecens, aut inhonestum, verbis aut actibus perpetraverit, alicubi, nisi in dormitorio, cum cæteris absque causâ inevitabili dormire præsumpserit, fratribus caritatis officio obedienter servire neglexerit, *discordiam, quam* (dicente Scriptura) *Dei (t) anima detestatur*, inter fratres seminaverit, & huic institutioni contumax, aut superbus, seu murmurans, aut in aliquo contrarius extiterit, & cætera hujuscemodi agere tentaverit: hic primò secundum Dei præceptum, non solum semel, & secundò ac tertio, quinimò crebrius admonetur: & si his admonitionibus non cesserit, publicâ objurgatione corripiatur. Quod si & his renisus fuerit, cæteris ubi alimentis interdictis, panem tantum usque ad dignam satisfactionem utatur, & aqua. Si verò nec sic se correxerit, separetur à mensa, & à societate fratrum in choro psallentium removeatur, & seorsim in loco hujuscemodi negligentibus à Prælati constituto, stare cogatur, ut saltem rubore sequestrationis emendetur. Dein si his modis correptus incorrigibilis extiterit, & ætas permiserit, quia juxta Salomonis vocem *Stultus (u) verbis non corrigitur*, congrua ei verberum adhibeatur castigatio, quibus utpotè filius verberetur, quatenus secundum Beati Gregorii sententiam, qui jubentis verba non audiunt, verberibus admonentur, ut ad bona desideria poenæ trahant, quos præmia non invitant. Cæterum si talis fuerit, quem aut ætas, aut qualitas

S s s 3

personæ verberari non fiverit, publicâ objurgatione, & continuâ jejuniorum afflictione, & sequestrationis rubore, hujusmodi corripiatur, usque dum digna poenitentiae satisfactione veniam consequatur. Si verò utrèque, & qui flagellatur, & quem flagellari ætas, aut qualitas personæ prohibent, adhuc incorrigibiles extiterint: sit locus intra claustra Canonicorum, sicut multis in locis noscitur esse, quo ad tempus retrudantur, & secundum modum culpæ castigentur, ut juxta Apostolum *Traditi (w) satanæ in interitum carnis Spiritus salvus sit in die Domini*. Quod si etiam tot saluberrimis admonitionibus & castigacionibus necdum paruerint, fiat pro eis ab omni congregatione communis oratio, ut à Domino sanentur. Postmodò si prorsus inemendabiles, & incorrigibiles apparuerint, ne per plures eorum serpant contagia dira, necesse est, ut à cæterorum societate, utpote oves morbidæ, secreti, ante præsentiam deducantur Episcopi, ut ab eo Canonicâ auctoritate publicè damnentur. Si verò quis in Collegio Canonicorum culpam criminalem admisit, huic nulla est danda dilatio, quin aut sponte poenitentiam pro admisso crimine gerat, aut si id agere refutaverit, coram Episcopo deducatur, ut ab eo publicâ mulctur poenitentia. Meminisse enim oportet rectores, quia columba est in Divinis Scripturis Ecclesia appellata, quæ non unguibus lacerat, sed alis piè percutit. Unde etiam illis summo perè observandum est, ut, sicut præmissum est, juxta modum culparum, & personarum, atque ætatum, omnino ipsa temperata sit correptio, ut nec vitium desidie inolecat, nec correptio mansuetudinis modum excedat, ne, ut ait B. Maximus, aut solutio lenitas conniventiam præbeat peccati, aut immoderata severitas à lapsu non revocet delinquentem. Sed & hoc illis nihilominus cavendum est, ne errata delinquentium alicujus rei livore feriant, sed potius, ut ait Beatus Augustinus, sint *criminum persecutores, & bonorum liberatores*. *Oderint vitia, diligant homines*. *Oderint, quod instinctu diaboli ingestum est, diligant, quod Dei bonitate creatum est*. Teneant in manu baculum, & virgam. Baculum vide-

(t) Prov. 6.

(u) Prov. 18. &amp; 29.

(w) 1. Cor. 3.



videlicet, quo aliorum virium imbecillitates spiritualiter sustentent: virgam verò, quæ vitia delinquentium Zelo reſtitutionis feriant. Delinquentibus interea, & excommunicatis fratribus nequaquam cæteri fratres debent favere, aut eos ſuis adulationibus decipere, aut eorum errata defendere: ſed potiùs opem ferre, ut æqualitatis cenſura diſtrictè corrigantur.

CXXXV. *Ut erga pueros, qui nutriuntur, vel erudiuntur in congregatione Canonica, iſtantiſſima ſit adhibenda cuſtodia.*

Solenter Rectores Eccleſiarum vigilare oportet, ut pueri & adoleſcentes, qui in Congregatione ſibi commiſſa nutriuntur vel erudiuntur, ita jugibus Eccleſiaſticis diſciplinis conſtringantur, ut eorum laſciva ætas, & ad peccandum valdè proclivis, nullum poſſit reperire locum, quo in peccati facinus proruat. Quapropter in huiſcemodi cuſtodienſis, & Spiritualiter erudiendis talis à Prælatiſ conſtituendus eſt vitæ probabilis frater, qui eorum curam ſummâ gerat induſtriâ, eoſque ita arctiſſimè conſtringat, qualiter Eccleſiaſticis doctrinis imbuti, & armis Spiritualibus induci, & Eccleſiæ utilitatibus decenter parere, & ad gradus Eccleſiaſticos quandòque dignè poſſint promoveri. Libuit præterea ob ædificationem congruam, & inſtructionem negotii, de quo agitur, quandam Sanctorum Patrum ſententiâ huic operi inferere, quæ ita ſe habet: prona eſt omnis ætas ab adoleſcentiâ in malum. Nihil incertius, quàm vita adoleſcentium. Ob hoc conſtituendum oportuit, ut, ſi quis in Clero puer eſt, aut adoleſcentes exiſtunt, omnes in uno conclave atrii commorentur & lubricæ ætatis annos non in luxuriâ, ſed in diſciplinis Eccleſiaſticis agant, deputari probatiſſimo Seniori, quem & Magiſtrum doctrinæ, & teſtem vitæ habeant, &c. Hiſ ita præmiſſis oportet, ut probatiſſimo ſeniori pueri ad cuſtodienſum, licet ab alio erudiantur, deputentur. Frater verò, cui hæc cura committitur, ſi eorum curam parvi penderit, & aliud quàm oportet, docuerit, aut eis in aliquo cujuſlibet læſionis maculam ingeſſerit, ſeveriſſimè correptus, ab officio amoveatur: & fratri alii id

committatur, qui eos & innocentis vitæ exemplis informet, & ad opus bonum peragendum excitet.

CXXXVI. *Ut omnes Canonici ad Completorium veniant.*

Expletis religioſiſſimo obſequio horis competentibus, diurnis officiis, ab omnibus Canoniciſ, dato ſigno, devotiſſimè ad Completorium celebrandum veniendum eſt. Quo completo, oportet, ut non epuliſ, & potationibus, vaniſque inſerviant loquelis, ſed hiſ penitus poſtpoſitiſ, humiliter, & honeſtè dormitorium petant: & nequaquam duo in uno, ſed ſinguli in ſinguliſ lectis quieſcant. Lucerna quoque in eodem dormitorio noctiſ tempore jugiter ardeat. Nihil denique inhoneſtum, aut indecens in dormitorio geratur ab aliquo, nec quiſpiam aliquem inquietare præſumat, nec ad verba inutilia & otioſa prorumpere cogat. Huius verò Capituli contemptor ſpecialiter à Prælatiſ & Magiſtriſ ſeveriſſimè corripitur.

CXXXVII. *De Cantoribus.*

Studendum ſummoperè cantoribus eſt, ne donum, ſibi divinitus collatum, vitiis ſedent, ſed potiùs illud humilitate, caſtitate, & ſobrietate, & cæteriſ Sanctarum virtutum ornamentis exornent: quorum melodia animoſ populi circumſtantiſ ad memoriam, amorèque caeleſtium, non ſolùm ſublimitate verborum, ſed etiam ſuavitate tonorum, quæ dicuntur, erigat. Cantorem autem, ſicut traditum eſt à Sanctiſ Patribuſ, & voce & arte præclarum, illuſtreque eſſe oportet, ita ut per oblectamenta dulcediniſ animoſ incitet audientium. &c. Cantoreſ itaque non propter donum ſibi collatum ſe cæteriſ ſuperbendo præferant, ſed humiliter ſocioſ exhibeant. Et providendum eſt illiſ, quando temperatè, quandòque ſubmiſſè divinum agatur officiũ: ſcilicet, ut ſecundum numerum Clericorum, & officiũ qualitatẽ, & temporis prolixitatẽ, cantum protendant, & voceſ moderentur cæterorum. Sonum etiam vocalium literarum benè, atque ornate perſtrepant. Hiſ verò, qui huius artiſ minùſ capaceſ ſunt, donec erudiantur, meliùſ convenit, ut ſileant, quàm cantare volendo, quod neſciunt, alio-

aliorum voces dissonare compellant. Psalmi namque in Ecclesiâ non cursim & excelsis, atque inordinatis, seu intemperatis vocibus, sed planè, ac dilucide & cum compunctione cordis recitentur: ut & recitantium mens illorum dulcedine pascatur, & audientium aures illorum pronuntiatione demulceantur. Quoniam, quamvis cantilenæ sonus in aliis officiis excelsâ soleat edi voce, in recitandis tamen Psalmis hujuscemodi vitanda est vox. Constituuntur interea seniores fratres, probabilioris scilicet vitæ, qui tempore statuto vicissim *cum cantorum schola* sint, ne hi, qui discere debent, aut otio vacent, aut inanibus, & supervacuis fabulis insistent. Si verò cantores superbi extiterint, & artem, quam divinitus adjuti didicerint, aliis insinuare renuerint, graviter, ac severè judicentur, ut emendati, atque correcti talentum, sibi à Deo collatum, aliis erogare procurent. Hujuscemodi autem correptionis modus erga eos, qui quarumlibet artium disciplinis eruditi sunt, & de talento, sibi divinitus collato, magis se aliis superbiendo præferre, quàm id cum caritate insinuare gestiunt, à Prælati obnixè tenendus est.

CXXXVIII. *Qualis vice Prælatorum in congregatione Canonica fungi debeant.*

Oportet Ecclesiæ Prælatos, ut de congregatione sibi commissâ tales eligant boni testimonii fratres, in quibus onera regiminis securè possint parti. Quibus etiam talem conferant potestatem, ut vice illorum fungentes, & inobedientes Canonicâ censurâ corrumpere, & obediens hortando ad meliora valeant provocare. Non enim constituendi sunt personaliter, aut eo ordine, quo in collegio fratrum admissi sunt; sed secundum vitæ meritum, & Spiritualium donorum prærogativam. Qui & in congregatione assidui sint & fratrum curam pervigili studio gerant: & sicut alios præcedunt magisterio, ita nimirum innocentis vitæ informant exemplo, ut juxta Apostolum (x) exemplo sint cæteris in verbo, in conversatione, in caritate, in fide, in castitate. Qui etiam, si prioratus sui causâ intumescere cæperint, & curam fratrum nihili pen-

derint, si crebro admoniti incorrigibiles extiterint, à ministerio propellantur, aliique in loco illorum, qui id strenuè peragere possint, substituantur.

CXXXIX. *De Præpositis.*

Quamvis omnes, qui præsunt, præpositi ritè dicantur, usus tamen obtinuit, eos vocari præpositos, qui quandam prioratûs curam sub aliis Prælati gerunt. Hi tamen, qui juxta hunc morem præpositi vocantur, tales, & tam strenui constituendi sunt, qui & vitæ probabilis sint, & ea, quæ sibi injuncta sunt, fideliter, humiliterque expleant. Et pro eo, quod aliis Prælati sint, nequaquam parvi pendant canonica instituta: sed quanto plus implicantur in fratrum curis, tanto magis studeant cælestibus obtemperare monitis. Debent igitur cunctæ congregationi utiles esse, & de ministerio sibi commissio fideliter prodesse. Ea verò, quæ fratribus dare debent, cum caritate tempore opportuno incunctanter præbeant, quatenus à Domino de fidei administratione gradum bonum acquirant. Erga hujuscemodi verò delinquentes, & obedienciam sibi commissam benè non administrantes modus superiùs comprehensus tenendus est.

CXL. *Qualis sit Cellarius constituendus.*

Debet procurare Prælati, ut fratribus cellarium, non violentum, non superbum, non tardum, non prodigum, sed moribus honestum, ac Deum timentem constituat. Qui & stipendia fratrum fideliter servet, & diligenti curâ administret, & in administrando nullatenus fratres contristet. Cui etiam pistrinum fratrum committendum est, ut illud ita vigilantissimâ curâ custodiat, ne ministri ibidem deputati, annonam fratrum, aut furtim subripendo, aut alio quolibet modo negligenter vivendo, dissipent. Hi verò famuli eligantur de fidelissimâ Ecclesiæ familiâ, & his officiis diligenter erudiantur, ut scilicet & pistoriâ arte, & fidei puritate necessitatibus fratrum opportunissimè valeant suffragari. Eadem quoque forma de cocis servanda est. Inutiles denique inobedientes cellarii, secundum superiùs comprehensam sententiam judicentur.

CXLI.

(x) 1. Tim. 4.



## CXLI. Cui committi debeant stipendia pauperum.

Evangelicis, atque Apostolicis instruimur documentis, in colligendis hospitibus ante omnia operam dare debere, ut meritò de nobis dicatur à Domino: *Hospes (y) fui, & collegistis me*, &c. Proinde oportet, ut Prælati Ecclesiæ præcedentium Patrum exempla sectantes, aliquod præparent receptaculum, ubi pauperes colligantur, & de rebus Ecclesiæ tantum ibidem deputent, unde sumptus necessarios juxta possibilitatem rerum habere valeant, exceptis decimis, quæ de Ecclesiæ villis ibidem conferuntur. Sed & Canonici, tam de frugibus, quàm etiam de omnibus eleemosynarum oblationibus, in usus pauperum decimas libentissimè ad ipsum conferant hospitale. Et boni testimonii de ipsâ congregatione frater constituatur, qui hospites, & peregrinos advenientes, utpote Christum in membris suis, suscipiat, eisque necessaria libenter pro viribus administret: qui etiam ea, quæ in usus pauperum cedere debent, nequaquam in suos usus reflectat: ne cum Judâ, loculos Domini furante, sententiam damnationis excipiat. Sed & Prælatorum debet vigilare industria, ne eum, cui hospitale pauperum committitur, res pauperibus deputatas in aliquo minuere, aut his, quasi beneficiario munere concessis, sinant uti, quod à Prælatis quibusdam, curam pauperum parvi pendentibus, fieri comperimus. Clerici namque, si aliis temporibus nequeunt, saltem quadragesimæ tempore pedes pauperum in competenti lavent hospitali, juxta illud Evangelicum: *Si ego (z) Dominus & Magister lavi vobis pedes, quanto magis vos debetis alter alterius lavare pedes?* &c. Quapropter expedit, ut in competenti loco hospitale sit pauperum, ubi perfacilis ad illud veniendi conventus possit fieri fratrum. Quòd si is, cui hospitale commissum est, curam pauperum neglexerit, eorumque res in suos usus retorserit, quanquam divinâ ultione dignus sit, severius tamen, quàm cæteri delinquentes, à Præpositis judicandus, & à ministerio removendus est. Nec immeritò: quippe qui & pretia peccatorum, & alimenta pauperum, & thesaurum cælo recondendum, suis (quod fas non fuit) aptavit usus.

## CXLII. De infirmorum, ac senum cura fratrum.

Quamvis Canonicis proprias licitum sit habere mansiones, debet tamen à Prælato mansio infirmorum & senum intra claustra Canonicorum fieri, ut, qui suam fortè non habent, in eadem suam aptissimè possint tolerare imbecillitatem: quatenus ibidem, & subsidiis Ecclesiasticis, quibus indigent, & fratrum adminiculis, misericorditer sustententur. Erga quos oportet, ut cæteri fratres magnam exhibeant caritatem: scilicet, ut eis compatiendo subveniant, & assiduis visitationibus, & Scripturarum Sanctarum consolationibus, nec non & propriarum rerum facultatibus, adminicula necessaria præbeant, ut impleatur in eis illud Evangelicum: *Infirmus (a) fui, & visitastis me.*

## CXLIII. Qualiter porta Canonicorum custodiatur.

Eligatur necesse est, à Prælato, ex congregatione sibi commissâ frater probabilis vitæ, cui officii sit portam Canonicorum cum summâ obedientiâ & humilitate, competenti tempore claudere, ac referare, ut nulli per eam, nisi per licentiam, aditus pateat intrandi, aut exeundi. Cui etiam observandum est, ne eis, quibus cordi est plus otii vacare, quàm divinis obsequiis incubare, foras evagandi locum præbeat, & eorum nugurum, quod nefas est, particeps fiat. Debet præterea advenientes quosque cum caritate suscipere, & Priori adventum eorum, causamque nuntiare. Expleto namque vespertino, & completorio officio, observatisque portis, claves earum idem portarius; ei, qui vicem Prælati tenet, ferat, ut nulli horis incompetentibus intrandi, aut exeundi maneat facultas: quas etiam ab eodem in crastinum tempore accipiat constituto. Si verò inobediens, atque protervus idem repertus fuerit portarius, sicut de aliis ministris negligentibus superius dictum est, judicetur.

## CXLIV. Ut claustra Canonicorum diligenter custodiantur.

Oportet claustra Canonicorum ita diligenter custodiri, ut grex Dominicus fraternâ concorditer fruatur pace: & si quem-

[y] Matt. 25. 36.

(z) Joann. 13. 14.

(a) Matth. 25. 36.

quemlibet Prælatus, aut qui ejus vice fungitur, aut fortè quilibet alius spiritalis frater intra claustra quempiam inhonestè agentem, aut extra in bivis, & plateis otio, vanisque confabulationibus vacantem, reperit, primò secretà admonitione eum corripiat, & post, si necesse fuerit, coram fratribus idem negligens acriùs judicetur, ut deinceps emendatus in melius proficiat. Fœminis namque non solum in mansionibus, & claustris Canonorum prandendum, aut requiescendum non est, quin potius nec in ea intrandi, excepto in Ecclesiam, ulla tribuenda facultas, quia valde hoc à Sanctis Patribus legiti inhihitum. Si quid verò caritatis officio illis attribuendum est, extra claustra constituatur locus, in quo id accipiant: Nullus tamen fratrum cum ipsis, nisi testes coram fuerint, loquatur. Qui verò secus, quàm præmissum est, agere tentaverit, ita se veriter à Prælati, & Magistris corrigatur, ut cæteris, ne quid tale agere perentent, exemplo correptionis sibi exhibitæ terrorem incutiat.

CXLV. *Epilogus breviter digestus.*

Quamquam à Sanctis Patribus in superioribus hujus libelli partibus satis sit dilucidatum, qualiter Clerici vivere debeant, aded, ut, qui hæc, quæ superius comprehensa sunt, sedulâ meditatione perlegerit, perspicuè in his reperire valeat, qualis ejus debeat esse fidei devotio, actuum morumque exornatio, ac divinorum cultuum executio: propter pleurosque tamen simplices, minusque capaces hæc strictim, breviterque replicanda pernecessarium duximus: ut, qui hæc aut legere, aut fortè ab aliis lecta plenè intelligere nequiverint, utantur hac desolatiunculâ, utpote calathò diversorum florum vernantium nectare refo, & discant, quid illis agendum, quidque vitandum sit. Legalibus interea institutis, & Evangelicis saluberrimis monemur Præceptis, ut Dominum Deum nostrum totis præcordiis diligamus, & proximum, tanquam nosmetipsos &c. Si igitur ab omnibus fidelibus his salutiferis præceptis totis nisibus est favendum: quanto magis ab his, qui divinis cultibus mancipati sunt, & aliis exemplo

virtutum condimentum esse debent? Proinde oportet, ut primò omnium Dominum Deum diligant, ex toto corde, ex totâ animâ, totâ virtute, & proximos tanquam se ipsos: & nosse, quia in his duobus præceptis tota Lex pendet, & Prophetæ. Non occidant, neque fratrem soderint, quia: (ut ait Apostolus) *qui (b) fratrem suum odit, homicida est.* Non adulterent, non furtum faciant, non concupiscant rem alienam, non falsum testimonium dicant, &, quod sibi nolunt fieri, alteri ne faciant. Non sint superbiâ tumidi, non detractionibus affucti, non ebrietati servientes, non luxuriâ enervati, non iracundiâ turbidi, non quibuslibet aliis vitiis substrati, non vaniloqui, non invidi, non somnolenti, non pigri, non murmuratores, non susurriones, non vinolenti, non multum edaces. Fraudes & dolositates caveant: usuris nequaquam inserviant. Non jurent, ne fortè perjurent. Malum pro malo non reddant. Cùm in se aliquid boni viderint, Deo, & malum cùm viderint, sibi deputent. Discordiam fugiant, & quos discordantes invenerint, ad caritatis concordiam revocent, & juxta vocem Psalmistæ, [c] declinent à malo, & faciant bonum. Attendant & Apostolum prohibentem: *Non, inquit, in (d) commensationibus & ebrietatibus, non in cubilibus & impudiciis, non in contentione & emulatione, sed induimini Dominum Jesum Christum.* Animadvertant enim, quod ab his vitiis ab Apostolo prohibitis omnium vitiorum seges emergat: & quod horum morborum mater superbia sit. Oportet etiam, ut animam, corpusque suum ab omni inquinamento carnis, & spiritus custodiant, ut juxta Apostolum (e) integer spiritus eorum, & anima & corpus, sinè querelâ in adventu Domini nostri JESU Christi servetur. Sobriè, justè, & piè vivant, sæcularia negotia prorsus abjiciant: quia juxta eundem Apostolum, *Nemo (f) militans Deo, implicat se negotiis sæcularibus, ut ei placeat, cui se probavit.* Jejunium ament, hospites colligant, pauperes recreent, nudos vestiant, infirmos visitent, mortuos sepeliant, in tribulatione positis opem ferant, dolentes consolentur. Amori Christi nihil præponant;

(b) 1. Joan. 3.

[c] Psal. 33.

(d) Rom. 13. 13.

(e) 1. Thess. 5.

(f) 1. Tim. 2.



ponant, caritatem non derelinquant: pacem, si fieri potest, cum omnibus hominibus habeant: diem iudicii timeant, vitam æternam spiritualiter concupiscant. Spem suam Deo committant, proprio Episcopo in omnibus secundum Canonicam Institutionem obtemperant, Magistratos suos non temerè reprehendant. Postremò doctrinis spiritualibus operam dent. Lectionibus, Psalmis, Hymnis, Canticis, & cæterorum bonorum operum exercitiis jugiter incumbant. In dormitorio, nisi quem infirmitas detinuerit, omnes dormiant: In refectorio pariter reficiantur, quotidie ad collationem veniant. Mox, ut signum datum fuerit, ad Ecclesiam omnes festinatò veniant, & horas Canonicas non negligenter, sed cum omni religione pariter celebrent. Ecclesiam non pompaticè, sed reverenter ingrediantur. In choro non cum baculis stent, vaniloquiis nequaquam insistant, sed cum omni devotione, & veneratione divinæ servitutis opus peragant, scientes Angelorum præsentiam semper illic adeste. E claustris non nisi per licentiam egrediantur, egressi irreprehensibiliter vivant, ut ab his, qui foris sunt, bonum testimonium habeant, & religionem, ac propositum suum actibus illicitis nequaquam maculent, sed potius omnes, quibus se conjunxerint, sale sapientiæ & bonorum operum exemplis condiant. Contubernia foeminarum nulloatenus appetant; non vanis oculis, aut petulant, tumidoque gestu, ac dissolutis renibus incedant: non spectaculis, non pompis secularibus intersint; non aleæ, non quibuslibet venationibus inserviant. Apostoli namque instructi documento, quo ait: *Non (g) in veste pretiosa, nequaquam pretiosis delectentur vestibus.*

(g) 1. Tim. 2.

(h) 2. Theff. 3.

Caveant summopere, ne extra claustra moras faciant, nisi prout sibi à Priore constitutum fuerit, & opportunitas temporis dictaverit. Intrà claustra positi, non otio vacent, sed aut divinis officiis, aut propriis utilitatibus, aut certè Magistrorum jussionibus pareant. Ne otio torpentes ab Apostolo audiant: *Qui (h) non vult operari, nec manducet.* Seniores spiritualiter juniores diligant: juniores senioribus obsequium dignum exhibeant. Doctiores minùs doctis nequaquam se præferant, sed magis eos cum caritate ædificent: neque hi, qui nobilitate generis, aut virtutum donis pollent, cæteris se tumidè superextollant. Omnes in congregatione vicissim sibi caritatis officio serviant. Quibus etiam in refectorio comedentibus, & religiosè silentium tenentibus, continuatim legatur lectio. Delinquentes zelo rectitudinis pariter arguant, & castigent, pueros & adolescentes negligentes verborum disciplinis corripiant. Singuli juxta capacitatem suam, diversarum artium erudiantur disciplinis, ut nullus in Collegio Canonico inutilis appareat, nec vota fidelium otiosus comedat. Tales quippe esse, immò & taliter conversari decet omnes, qui divinis officiis se manciparunt. Quapropter studeant hæc breviter collecta sedulà meditatione perlegere, & memoriæ commendare, & divinà adjuvante gratià juxta vires adimplere, quò faciliùs, & liberius majora à Sanctis Patribus edita exequi valeant. Vocatione ergo, quæ vocati sunt, nec ad dextram, nec ad sinistram declinantes, ambulent: quatenus divinis jussionibus obtemperantes, ad Christum, in cujus sorte esse noscuntur, qui via, veritas, & vita est, eo opitulante, pervenire mereantur.

## CONCILII AQUISGRANENSIS

### LIBER II,

### QUI EST DE INSTITUTIONE

### SANCTIMONIALIUM.

*Hanc Constitutionem sacer Conventus anno Incarnationis Domini DCCCXVI. Indictione X. anno siquidem Gloriosissimi LUDOVICI IMPERATORIS tertio, in Aquisgrani Palatio, eodem monente Prin-*

Principe, ob animarum sanctimonialium, canonicè degentium, salutem Divinà inspirante Gratia, & Sanctorum Patrum auctoritatibus, velut ex pratis vernantibus quosdam flosculos collegit, & in unum congescit, atque communi voto, communique consensu, Sanctimonialibus tenendam, observandamque percensuit.

## INDEX CAPITUM LIBRI II.

- I. Excerptum ex Epistola HIERONIMI ad Eustochium.  
 II. Ejusdem, ad Demetriadem excerptum.  
 III. Item ejusdem, ex Epistola ad Furiam.  
 IV. Excerptum ex Epistola CYPRIANI de habitu Virginum.  
 V. Ex Sermonem S. CÆSARII Episcopi Sanctimonialibus directo.  
 VI. Sancti ATHANASII ad Sponsas Christi.  
 VII. Quales in Monasteriis Puellaribus debeant esse Abbatissæ.  
 VIII. De congregandis in Monasteriis Sanctimonialibus.  
 IX. Qualiter his, quæ Monasterium expetunt, de rebus propriis agendum sit.  
 X. Qualiter in Monasterio Sanctimonialibus conversandum sit.  
 XI. Ut Monasteria puellarum undique muniantur, & necessariæ habitationes interius præparentur.  
 XII. Ut Sanctimoniales in una societate viventes, æqualiter cibum, & potum accipiant.  
 XIII. Qualiter Sanctimoniales stipendia accipere debeant necessaria.  
 XIV. Quod gemina Abbatissis Sanctimonialibus impendenda sit passio.  
 XV. Ut ad horas Canonicas celebrandas incunctanter conveniant Sanctimoniales.  
 XVI. De instantia orationis.  
 XVII. Ut Completorium pariter Sanctimoniales celebrent.  
 XVIII. Qui modus correptionis erga Sanctimoniales delinquentes adhibendus sit?  
 XIX. Ut Abbatissæ Virorum frequentias vident.  
 XX. Ut Sanctimoniales Virorum caveant frequentias.  
 XXI. Ut Sanctimoniales erga famulas, sibi servientes, pervigilem adhibeant custodiam.  
 XXII. Ut erga puellas, in Monasteriis erudiendas, magna adhibeatur diligentia.  
 XXIII. Ut in Monasteriis Puellaribus domus propter anus, & infirmas sit.  
 XXIV. Quales sint præpositæ constituendæ?  
 XXV. Qualis constituenda sit cellaria?  
 XXVI. De portaria Monasterii constituendâ.  
 XXVII. Ut non nisi statuto tempore Presbyteri, eorumque Ministri Monasteria Puellarum ingrediantur.  
 XXVIII. Ut Hospitale pauperum extra Monasterium sit puellarum.

## CAPUT I.

**A**udi Filia (a) & vide, & inclina aurem tuam, & obliviscere populum tuum, & domum Patris tui, & concupiscet Rex decorem tuum. In quadagesimo quarto Psalmo Deus ad animam loquitur humanam: ut secundum exemplum Abrahamæ exiens de terra sua, & de cognatione sua, relinquat Chaldaeos, qui, quasi dæmonia, interpretantur. Et habitat in Regione viventium, quam alibi Propheta suspirat dicens: Credo (b) videre bona Domini in terra viventium. Verum non sufficit tibi exire de Patria tua,

T t t 2

nisi & obliviscaris populi, & domus Patris tui. ITEM IBI. non expedit apprehenso aratro respicere post tergum, nec de agro reverti domum, nec post Christi tunicam ad tollendum aliud vestimentum tecta descendere. Grande miraculum! Pater Filiam cohortatur, ne meminerit Patris. Vos (\*) de Patre diabolo estis, & defileria Patris vestri cultis facere, dicitur ad Judæos: & alibi: Qui (\*\*) facit peccatum, ex diabolo est. Tali primum parente generati nigri sumus: & post penitentiam nec dum culmine vir-

[a] Psalmo 44.  
 (\*\*\*) Joan. 3.

(b) Psalmo 26.

(\*) Joan. 8.



virtutis ascenso dicimus: *Nigra (c) sum, sed & formosa, Filia Jerusalem.* Exivi de domo infantiae meae, oblitus sum Patris, renascer in Christo. Quid pro hoc mercedis accipio? sequitur: *Et (d) concupiscet Rex decorem tuum.* Hoc ergo magnum illud est Sacramentum. Propter hoc relinquet homo patrem, & matrem, & adhærebit uxori suae, & erunt ambo, jam non, ut ibi, in unâ carne, sed in uno Spiritu. Non est sponsus tuus arrogans, non superbus, Aethiopiſſam duxit uxorem. Statim ut volueris ſapientiam veri audire Salomonis, & ad eum veneris, confitebitur tibi cuncta, quæ novit; & inducet te Rex in cubiculum ſuum: & mirum in modum, colore mutato, ſermo tibi ille conveniet: *Quæ eſt iſta, quæ aſcendit dealbata?* ITEM IBI. Nolo tibi venire ſuperbiam de propoſito, ſed timorem. Onuſta incedis auro, latro vitandus eſt. Stadium eſt hæc vita mortalibus, hic contendimus, ut alibi coronemur. Nemo inter ſerpentes & ſcorpiones ſecurus ingreditur. *Et (e) inebriatus* (inquit Dominus) *gladius meus in cælo:* & tu pacem arbitraris in terra, quæ tribulos generat, & ſpinas, quam ſerpens comedit? *Non eſt nobis colluctatio adverſus carnem & ſanguinem, ſed adverſus principatus, & poteſtates hujus mundi, & reſtores tenebrarum harum, adverſus ſpiritualia nequitiae in cæleſtibus.* Magnis inimicorum circumdamur agminibus: hoſtium plena ſunt omnia. Caro fragilis, & cinis futura poſt modicum, pugnat ſola cum pluribus: cum autem fuerit diſſoluta, & venerit Princeps mundi iſtius, & invenerit in ea nihil, tunc ſecura audiet per Prophetam: *Non (f) timebis à timore nocturno, & ſagitta volante per diem, & à negotio perambulante in tenebris, ab incurſu & demonio meridiano.* Cadent à latere tuo mille, & decem millia à dextris tuis, ad te autem non appropinquabunt. Quod ſi eorum te multitudo turbaverit, & ad ſingula incitamenta vitiorum cæperis æſtutare, & dixerit tibi cogitatio tua, quid faciemus? reſpondebit tibi Eliſæus. *Noli (g) timere, quoniam plures nobiſcum ſunt, quam cum illis.* SEQUITUR IN

EADEM. Quamdiu hoc fragili corpusculo detinemur: quamdiu habemus Theſaurum iſtum in vaſis fictilibus, & concupiſcit Spiritus adverſus carnem, & caro adverſus Spiritum, nulla eſt certa victoria. Adverſarius noſter diabolus, tanquam leo rugiens, aliquem devorare quærens circuit: Non quærit diabolus homines infideles, non eos, qui foris ſunt, & quorum carnes Rex Aſyrius in olla ſuccendit, ſed de Eccleſia Chriſti rapere feſtinat. *Non (h) venit Salvator pacem mittere ſuper terram, ſed gladium.* ITEM POST PAUCA. Si poſt nuditatem, jejunia, famem, carcerem, flagella, ſupplicia, in ſemet reſerſus Apoſtolus exclamat: *Infelix (i) ego homo, quis me liberabit de corpore mortis bujus?* Tu te putas ſecuram eſſe debere? Cave, quæſo, ne quando de te dicat Deus: *Virgo Iſraël cecidit, & non eſt, qui ſuſcitet eam.* Audenter loquar, Cum omnia poſſit Deus: ſuſcitare virginem non poteſt poſt ruinam. Valet quidem liberare de pena, ſed non vult coronare corruptam. Timeamus illam Prophetiam, ne in nobis etiam compleatur: *Virgines (k) bonæ deficient.* Obſerva, quid dicat. *Virgines bonæ deficient:* quia ſunt & Virgines malæ. *Qui (l) viderit* (inquit) *mulierem ad concupiſcendam eam, jam mechatus eſt eam in corde ſuo.* Perit ergo & mentē Virginitas. Iſtæ ſunt Virgines malæ, Virgines carne, non Spiritu: Virgines ſtultæ, quæ oleum non habentes excluduntur à ſponſo. Si autem & illæ, quæ Virgines ſunt, ob alias tamen culpas Virginitate corporum non ſalvantur: quid fiet illis, quæ proſtituerunt membra Chriſti, & mutaverunt templum Sancti Spiritus in lupanar? Illico audient: *Descende (m) ſede in terra, Virgo filia Babylonis: ſede in terra, non eſt Thronus filiae Chaldeorum: non vocaberis ultra mollis, & delicata.* Reſtius fuerat ſubiſſe conjugium; ambulâſſe per planā, quā ad altiora tendentem in profundum inferni cadere. ITEM POST PAUCA. Non ſolvatur ſcaſcia peſtoralis: ſed ſtatim ut libido titillaverit ſenſum, & blandum voluptatis incendiū dulci nos calore perſuderit, erumpamus

(c) Cantic. 1.

(f) Pfal. 90.

(g) Amos. 5.

(m) Iſai. 47.

(d) Pfal. 44.

(g) 4. Reg. 6.

(k) Ibidem 8.

(e) Iſai. 34.

(b) Rom. 7.

(l) Matth. 5.

pamus in vocem : Dominus (n) *Auxiliorum meus, non timebo, quid faciat mihi caro.* Et cum paululum interior homo inter vitia, & virtutes cœperit fluctuare, dicito : *Quare (o) tristis est anima mea, & quare conturbas me ? Spera in Deo, quia confitebor illi, salutare vultus mei, & Deus meus.* Nolo finas cogitationem crescere : nihil in te Babylonium, nihil confusio- nis adolescat. Dum parvus est hostis, interfice : nequitia, ne zizania crescant, elidat in femine : audi Psalmistam lo- quentem : *Filia (p) Babylonis misera ! beatus, qui retribuet tibi retributionem tuam, quam retribuisti nobis. Beatus, qui tenebit, & illudet parvulos tuos ad petram.* Quia enim impossibile est in sensum hominis non ir- ruere innatum medullarum calorem ; ille laudatur, ille prædicatur beatus, qui statim, ut cœperit cogitare fordida, statim interficit cogitatus, & elidit eos ad petram : petra autem erat Christus. ITEM IBI. Si autem hæc sustinent illi, qui ex se corpore solis cogitationibus oppugnantur, quid patitur puella, quæ delitiis fruitur ? Nempe illud Apostoli : *Vivens (q) mortua est.* Si quid itaque in me potest esse consilii, si experto cre- ditur ; hoc primum moneo, & hoc obte- stor, ut sponsa Christi vinum fugiat pro veneno. Hæc adversus adolescentiam prima arma sunt demonum. Nec sic avaricia quatit, inflat superbia, delectat ambitio. Facile aliis caremus vitiis, hic hostis intus inclusus est, quocunque per- gimus, nobiscum portamus inimicum. Vinum, & adolescentia, duplex incen- dium voluptatis. Quid ardenti corpus- culo fomenta ignium ministramus ? Pau- lus ad Timotheum : *Jam (r) noli (in- quit) aquam bibere, sed vino modico utere, propter stomachum, & frequentes tuas infir- mitates.* Vide, quibus causis vini potio concedatur : ut ex hoc stomachi dolor, & frequens medeatur infirmitas, & ne nobis forsitan de ægrotationibus blandi- remur, modicum præcepit esse sumen- dum, Medici potius consilio, quàm Apostoli. Alioquin idem Apostolus ali- bi se dixisse meminerat : *Et (s) vinum, in quo est luxuria : Et : Bonum est homini vinum non bibere, & carnem non manducare.*

T t t 3

Noë vinum bibit, & inebriatus est, ru- di adhuc sæculo, & tunc primum plan- tata vinea, inebriare vinum forsitan nes- ciebat. Et ut intelligas Scripturæ in om- nibus Sacramentum ( margaritum quippe est sermo Dei, & ex omni parte forari potest ) post ebrietatem nudatio femo- rum obscuta est, libido juncta luxuria. Prius enim venter extenditur, & sic cæ- tera membra concitantur. Manducavit enim populus, & bibit, & surrexerunt ludere. Loth amicus Dei in monte sal- vatus, & de tot millibus populi solus justus inventus inebriatur à filiabus suis. Et licet illæ putarent genus humanum de- fecisse, & hoc facerent liberorum magis desiderio, quàm libidinis, tamen scièbant virum justum hoc, nisi ebrium, non esse facturum. Denique, quod fecerit, ignoravit. Et, quamquam voluntas non sit in crimine, error in culpa est. ITEM IN EADEM. Innumerabilia sunt de Scripturis responsa Divina, quæ gulam damnent, & simplices cibos præbeant. Verùm quia nunc non est propositum de jejunii disputare, & universa exsequi sui est tituli & voluminis, hæc sufficiant pauca de pluribus. Alioquin ad exem- plum horum poteris tibi ipsa colligere, quomodo & primus de Paradiso homo, ventri magis obediens, quàm Deo, in hanc lacrymarum dejectus est vallem ; & ipsum Dominum Satanas fame tentaverit in deserto ; & Apostolus clamat : *Esca (t) ventri, & venter escis : Deus autem, & hunc, & illas destruet.* Et de luxuriosis : *Quorum (u) Deus venter est.* Idem enim colit unusquisque, quod diligit. Ex quo sollicitè providendum est, ut, quos saturi- tas de Paradiso expulit, reducat esuries. Quod si volueris respondere, te nobili stirpe generatam, semper in delitiis, sem- per in plumis, non posse à vino, & esculentioribus cibis abstinere, nec his legibus vivere districtius respondebo : Vive ergo lege tuâ, quæ Dei non potes. Non quòd Deus universitatis Creator, & Dominus, intestinorum nostrorum rugi- tu, & inanitate ventris, pulmonumque delectetur ardore : sed quòd aliter pudicia tuta esse non possit. Job Deo carus, & testimonio ipsius immaculatus, & sim- plex,

[\*] Psalm. 117.

[g] 1. Tim. 5.

[r] 1. Corinth. 6.

[o] Psalm. 42.

[r] Ibidem.

[s] Philipp. 3.

[p] Psalm. 136.

[t] Ephes. 5. Rom. 14. Genes. 31.



plex, audi quid de Diabolo suspicetur: *Virtus* (p) *ejus in lumbis, & potestas in umbilico.* Omnis igitur adversus viros diaboli virtus in lumbis est: Omnis in umbilico contra feminas fortitudo. Vis scire ita esse, ut dicimus? Arripe exempla. Samson (q) leone fortior, & saxo durior, & qui unus, & nudus mille persecutus est armatos, in Dalila mollescit amplexibus. SEQUITUR POST PAUCA. Piget dicere, quot quotidie Virgines ruant, quantas de suo gremio mater perdat Ecclesiar, super quot sydera superbus inimicus ponat thronum suum, quot petras excaver, & habitet coluber in foraminibus earum. Videas plerasque viduas, antequam nuptas, infelicem conscientiam mentis tantum veste protegere. Quas nisi tumor uteri, & infantum prodiderit vagitus, sanctas, & castas se esse gloriantur, & erecta cervice, & ludentibus pedibus incedunt. Aliæ verò sterilitatem præbunt, & nec dum sati hominis homicidium faciunt. Nonnullæ cum se fenterint concepisse de scelere, abortii venena meditantur: & frequenter etiam ipsæ commortuæ trium criminum reæ ad inferos perducuntur: homicidæ suæ, Christi adulteræ, necdum nati filii parricidæ. Istæ sunt, quæ solent dicere: omnia munda mundis: sufficit mihi conscientia mea. Cor mundum desiderat Deus: cur me abstineam à cibis, quos creavit Deus ad utendum? Et si quando lepidè & festivè volunt vivere, ubi se mero ingurgitaverint, ebrietati sacrilegium copulantes, ajunt: absit, ut ego à Christi sanguine me abstineam. Hæ sunt, quæ per publicum notabiliter incedunt; & furtivis oculorum nutibus adolescentium greges post se trahunt: quæ semper audiunt per Prophetam: *Facies* (r) *meretricis facta est tibi.* Nolo habeas consortium matronarum; Nolo ad nobilium domos accedas; nolo te frequenter videre, quod contemnens virgo esse voluisti. Neque verò earum tantum te cupio declinare congressus, quæ maritorum inflantur honoribus; quas eunuchorum greges sepiunt, & in quarum vestibus attenuata in filum auri metalla texuntur: sed etiam eas fuge: quas viduas necessitas fecit. Sint tibi sociæ, quas jejunia te-

nuant, quibus pallor in facie est, quas probavit & vita; quæ quotidie in cordibus suis canunt: ubi pascis, ubi cubas in meridie? quæ ex affectu dicunt: cupio dissolvi, & esse cum Christo. Sit itaque tibi moderatus cibus, & nunquam venter expletus. Plures quippe sunt, quæ, cum vino sint sobriæ, ciborum largitate sunt ebræ. Ad orationem tibi nocte surgenti non indigestio ructum faciat, sed inanitas. Crebrius lege, discere quamplurima. Tenenti codicem somnus obrepit, & cadentem faciem pagina sancta suscipiat, sint tibi quotidiana jejunia, & refectio satietatem fugiens: nihil prodest biduo, triduoque transmissio vacuum portare ventrem, si pariter obruatur, si compensetur saturitate jejunium. Illico mens repleta torpescit, & irrigata humus spinas libidinum germinat. Si quando fenteris exteriorem hominem florem adolescentiæ suspirare; & accepto cibo, cum te in lectulo compositam dulcis libidinum pompa concusserit, arripe scutum fidei, in quo ignitæ diaboli extinguntur sagittæ. Omnes adulterantes, quasi clibanus corda eorum. SEQUITUR IN EADEM. Difficile est humanam animam aliquid non amare; & necesse est, ut in quoscumque mens nostra trahatur affectus, carnis amor spiritus amore superetur. Desiderium desiderio restinguitur: quidquid inde minuitur, hic crescit, quin potius semper ingemina: *Super* (s) *lectulum meum in noctibus meis quæsi, quem diligit anima mea.* Mortificate (t) igitur (ait Apostolus) *membra vestra, quæ sunt super terram.* Unde & ipse confidenter aiebat: *Vivo* (u) *autem, jam non ego, vivit verò in me Christus.* Esto cicada noctium. Lava per singulas noctes lectum tuum, lacrymis stratum tuum riga. Vigila, & fias, sicut passer in solitudine. Psalle spiritu, psalle & sensu. Benedic anima Domino, & ne obliviscaris omnes retributiones ejus; qui propitiatur cunctis iniquitatibus tuis, qui sanat omnes infirmitates tuas, & redimit ex corruptione vitam tuam. Illud quoque tibi vitandum est cautius, ne vanæ gloriæ ardore capiaris. *Quomodo*, (w) inquit Jesus, *potestis credere, gloriam ab hominibus accipientes?* Vide quale malum sit, quod qui

[p] Job. 40.

[q] Cant. 3.

[w] Joan. 3.

[q] Judic. 16.

[r] Coloss. 3.

[r] Jerem. 3.

[u] Galat. 2.

qui habuerit, non potest credere. Nos verò dicamus: *Quoniam* (x) *gloriatio mea tu es.* Et: *Qui* (y) *gloriatur, in Domino gloriatur.* Et: *Si adhuc* (z) *hominibus placerem, Christi servus non essem.* Et: *Mihi* (a) *autem absit gloriari, nisi in cruce Domini nostri JESU CHRISTI, per quem mihi mundus crucifixus est, & ego mundo.* Et illud: *In te* (b) *laudabimur totâ die, in Domino laudabitur anima mea.* Cum facis eleemosynam, Deus solus videt. Cum jejunas, læta sit facies tua. Vestis nec satis munda, nec sordida. ET MOX. Nec satis religiosa velis videri, nec plus humilis, quàm necesse est, ne gloriam fugiendo quæras. Plures enim paupertatis, misericordiæ, atque jejunii arbitros declinantes, hoc ipso cupiunt placere, quod placere continentium: & mirum in modum laus, dum vitatur, appetitur. Sunt quippe non nullæ exterminantes facies suas, ut pareant hominibus, jejunantes, quæ statim ut aliquem viderint, ingemiscunt, demittunt supercilium, & operta facie, vix unum oculum liberant ad videndum: vestis pulla, cingulum sacceum, & sordidis manibus, pedibusque, venter solus, quia videri non potest, æstuat cibo. His quotidie Psalmus iste canitur: *Dominus* (c) *dissipabit ossa hominum sibi placentium.* ITEM IBI. Post hæc quamquam Apostolus semper orare nos jubeat, & Sanctis etiam ipse somnus oratio sit, tamen diversas orandi horas debemus habere: ut si fortè aliquo fuerimus opere detenti, ipsum nos ad officium tempus admoneat. Horam tertiam, sextam, nonam, diluculum quoque, & vesperam, nemo est, qui nesciat. Nec cibi fumantur, nisi oratione præmissâ: nec recedatur à mensâ; nisi referatur creatori gratia. Noctibus his, tæque surgendum, revolvenda, quæ de scripturis memoriter retinemus. Ad omnem actum, ad omnem incessum manus pingat crucem. Nulli detrahas, nec adversus filium matris tuæ ponas scandalum. Nec si biduo jejunaveris, putes te non jejunantibus esse meliorem. Tu jejunas, & irasceris: ille comedit, & fronte blanditur. Tu vexationem mentis, &

ventris esuriem rixando digeris: ille moderatius alitur, & Deo gratias agit; unde quotidie clamat Isaias: *Non* (d) *tale jejunium elegi* (Dicit Dominus) *in diebus jejuniorum vestrorum inveniantur voluntates vestrae.* Nec illarum tibi exempla proponas, quæ carnis curam facientes, possessionum reditus, & quotidianas domus impensas supputant. Nec dicas: illa, & illa suis rebus fruitur, honoratur ab hominibus; fratres ad eam conveniunt, & sorores; numquid ideo virgo esse desit? Primum dubium est, an virgo sit talis. Non enim quomodo videt homo, videt Deus. Homo videt in facie; Deus autem in corde. De hinc etiamsi in corpore virgo est, an Spiritu virgo sit, nescio, Apostolus autem ita Virginem definivit: *Ut sit* (e) *Sancta corpore, & Spiritu.* Hæc omnia, quæ digessimus, dura videbuntur ei, quæ non amat Christum. Qui autem omnem sæculi pompam pro purgamento habuerit, & vana duxerit universa sub sole, ut Christum lucrifaciat, qui commortuus est Domino suo & confurrexit, & crucifixit carnem cum vitis & concupiscentiis, liberè proclamabit: Quis nos separabit à caritate Christi? An tribulatio? An angustia? An persecutio? An fames? An nuditas? An periculum? An gladius? Et iterum: certus sum, quia neque mors, neque vita, neque Angelus, neque principatus, neque potestates, neque instantia, neque futura, neque fortitudo, neque excelsum, neque profundum, neque alia creatura poterit nos separare à caritate Dei, quæ est in Christo Jesu Domino nostro. Habeto in mente, quomodo in Apocalypsi in virginitate permanentes laudantur: *Virgines* (f) (inquit Joannes) *permanferunt. Hi sunt qui sequuntur agnum, quocumque vadit.* Quotiescumque te vana sæculi delectaverit ambitio, quoties in mundo videris aliquid gloriosum, ad paradysum mente transgredere. Esse incipe, quod futura es, & audies à sponso tuo: *Pone* (g) *mè sicut umbraculum in corde tuo, sicut signaculum in brachio tuo; & opere pariter ac mente munita, clamabis, & dices: aquæ* (h) *multæ non poterunt extinguerè*

(x) Psalm. 3.

(y) Galat. 6.

(z) Isai. 58.

(a) Cantic. 8.

(y) 12. Cor. 10.

(b) Psalm. 43.

(c) 1. Cor. 7.

(d) Ibidem.

(z) Galat. 4.

(e) Psalm. 52.

(f) Apoc. 4.



guere caritatem, & flumina non operient illam.

## II.

Unum illud tibi, nata Deo! præque omnibus unum prædicam, & repetens iterum, iterumque monebo: ut animum tuum sacræ lectionis amore occupes, nec in bona terra pectoris tui fementem lolii, avenarumque suscipias: ne dormiente Patrefamilias, inimicus homo zizania superfeminet; sed semper loquaris, in noctibus quæsi, quem diligit anima mea: & adhæsit post te anima mea, me suscepit dextera tua. Quando eras in sæculo, ea, quæ erant sæculi, diligebas: nunc autem, quia sæculum reliquisti, & secundo post baptismum gradu inisti pactum cum adversario tuo: dicens ei: Renuntio tibi; diabole! & sæculo tuo, & pompæ tuæ, & operibus tuis: serva fœdus, quod pepigisti. & esto consentiens, pactumque custodiens cum adversario tuo, dum es in via hujus sæculi, ne fortè tradat te Judici, tradarisque ministro; & non inde exeas, nisi solvas novissimum quadrantem, id est, minimum quodque delictum. Quia & pro otioso verbo reddituri sumus rationem in die iudicii. Hæc dicta sint non infausto contra te vaticinio; sed pavidi, cautique monitoris officio, ea quoque in te, quæ tuta sunt, formidantis, si (i) Spiritus, inquit, potestatem habentis ascendit super te, locum tuum ne dimiseris. Vult nos loco movere hostis, & de gradu excedere: sed solidanda sunt vestigia; & dicendum: statuit supra petram pedes meos, &c. Si in cogitationes tuas coluber ascenderit, serva cor tuum, & cum David canito: Ab (k) occultis meis munda me; & ab alienis parce servo tuo. Claude cubiculum pectoris, & crebro signaculo crucis munias frontem tuam, ne exterminator Ægypti in te locum reperiat. Post cogitationum diligentissimam cautionem, jejuniorum tibi arma sumenda sunt, & canendum cum David: Humiliori (l) in jejuniis animam meam; & cinerem, tanquam panem manducavi. & cum molesti essent mihi, induebar cilicio. Salvator generis humani, qui virtutum,

& conversationis suæ nobis reliquit exemplum, post baptismum statim assumitur à Spiritu, ut pugnet contra diabolum; & oppressum eum atque contritum tradidit discipulis conculcandum. unde & Apostolus loquitur: Deus (m) autem conteret satanam sub pedibus vestris velociter. Et tamen hostis antiquus post quadraginta dierum jejunium, per cibum molitur insidias, & dicit: Si Filius (n) Dei es, dic, ut lapides isti panes fiant. In Job scriptum est de dracone: Virtus ejus (o) in lumbis ejus, & fortitudo ejus super umbilicum ventris ejus. Adversum juvenes, & puellas ætatis ardore hostis noster abutitur, & inflamat rotam nati-vitatis nostræ; & implet illud Osee: Omnes (p) adulterantes, quasi clibanus corda eorum. Quæ Dei misericordia, & juniorum frigore restinguuntur. Hæc sunt ignita diaboli jacula, quæ simul & vulnerant, & inflamment. Sic quoque debes jejunare, ut fracto corporis appetitu, nec in lectione, nec in Psalmis, nec in Vigiliis solito quid minus facias. Jejunium non perfecta virtus, sed ceterarum virtutum fundamentum est: & sanctificatio, atque pudicitia, sine qua nemo videbit Deum, gradus præbet ad summa scandentibus. Legamus (q) Evangelium sapientum, & stultarum Virginum, quarum aliæ cubiculum ingrediuntur sponfi, aliæ bonorum operum oleum non habentes, extinctis lampadibus excluduntur. Disce, quid boni habeat continentia, & quid è contrario mali saturitas. Scurrilitas, lascivia te præsentem non habeant locum. Numquam verbum inhonestum audias, aut si audieris, non inesceris. Perditæ mentis homines uno frequenter, levique sermone tentant claustra pudicitiae. Ridere, & rideri sæcularibus derelinque, gravitas tuam personam decet. Superfluum reor te monere contra avaritiam; cum Apostolus doceat, avaritiam esse (r) idolorum cultum: laudent te esurientium viscera, non ructantium opulenta convivium. (s) Christum vestire in pauperibus, & pacere in esurientibus. Et præter Psalmorum, & orationis ordinem, quod tibi hora tertia, sexta, nona

(i) Eccle. 10.

(k) Psalm. 18.

(l) Psalm. 94.

(m) Rom. 16.

(n) Matth. 4.

(o) Job. 4.

(p) Osee. 7.

(q) Matth. 25.

(r) Ephes. 5.

(s) Hic desunt quedam, supplenda ex Epistola VIII. Hieronymi ad Demetriadem. Nota Harduini.

na, ad vesperum, media nocte, & manè semper est exercendum; statue, quot horis Sacram Scripturam edificare debeas, quanto tempore legere; non ad laborem, sed ad delectationem, & instructionem animæ. Cùmque hæc finieris spatia, & frequenter te ad figenda genua sollicitudo animæ suscitaverit; habeto lanam semper in manibus, vel staminis pollice fila deducito, vel ad torquenda subtegmina in alveolis fusa verantur, aliarumque neta aut in globum collige, aut texenda compone. Si tantis operum varietatibus fueris occupata, numquam tibi dies longi erunt. Hæc observans, & te ipsam salvabis, & alias: & eris magistra sanctæ conversationis: multarumque castitatem lucrum tuum facies, scriptura dicente: *In desideriis est omnis anima otiosi.* Ideo enim tibi cum omnibus laborandum est, ut per occasionem operis nihil aliud cogites, nisi quod ad Domini pertinet servitutem. Simpliciter loquar. Quamvis omnem censum tuum in pauperes distribuas, nihil apud Christum erit pretiosius, nisi quod manibus tuis ipsa confeceris vel in usus proprios, vel in exemplum virginum cæterarum. Bonum est igitur obedire majoribus, parere perfectis; & post regulas Scripturarum vitæ suæ tramitem ab aliis discere: nec præceptore uti pessimo, scilicet præsumptione sua. Matronarum, maritis, ac sæculo servientium tibi consilia declinentur, ne sollicitetur animus, & audias, quid vel maritus uxori, vel uxor locuta sit viro. Venenatæ sunt hujusmodi confabulationes, super quarum damnatione sæcularem versum assumens Apostolus, fecit Ecclesiasticum: *Corrumpunt (t) mores bonos confabulationes malæ.* Graves feminæ tibi comites eligantur, quarum probata est conversatio, sermo moderatus, sancta verecundia. Fuge lasciviam puellarum, quæ ornant capita, crines à fronte demittunt. Illa tibi sit pulcra, illa amabilis, illa habenda inter focias, quæ se nescit esse pulcram. Felix illa conscientia, & beata virginitas, in cujus corde præter amorem Christi, qui est sapientia, castitas, patientia, atque iustitia, cæteræque virtutes, nullus alius versatur amor, nec ad recordationem hominis aliquando suspirat, nec vi-

V v v

dere desiderat, quem cùm viderit, non lit dimittere. Sanctarum Virginum propositum, & cælestium confimilem gloriam, quarundam non bene se agentium nomen infamat. Finem jungo principio, nec semel monuisse contentus sum. Ama Scripturas Sanctas, & amabit te sapientia. Dilige eam, & servabit te: honora illam, & amplexabitur te. Hæc monilia in peccatore, & in auribus tuis hæreant. Nihil aliud noverit lingua, nisi Christum: nihil possit sonare, nisi quod sanctum est.

## III.

Arripe quæso occasionem, & fac de necessitate virtutem. Non quaruntur in Christianis initia; sed finis. Paulus malè cœpit, sed bene finivit, Judæ laudantur exordia; sed finis proditioe damnatur. Meretrix illa in Evangelio baptizata, lacrymis suis, & crine, quo multos ante deceperat, pedes Domini tergens, salvata est. Non habuit crispantes mitras, nec stridentes calceolos, nec orbes stibio fuliginatos; quanto scædior, tanto pulcrior. Vidua, quæ marito placere desivit, & juxta Apostolum vere vidua est, nihil habet necessarium, nisi perseverantiam. Ardentes diaboli sagittæ jejuniorum, & vigiliarum rigore restinguendæ sunt. Aut loquendum nobis est, ut vestiti sumus, aut vestiendum, ut loquimur. Quid aliud pollicemur, & aliud ostendimus? Lingua personat castitatem, & totum corpus profert impudicitiam. Hoc quantum ad habitum pertinet, & ornatum. Cæterum vidua, *Quæ (u) in delitiis est* (non est meum; sed Apostoli) *vivens mortua est.* Quid sibi vult hoc, quod ait; *vivens mortua est?* Vivere quidem videtur ignorantibus, & non esse peccato mortua: sed Christo, quem secreta non fallunt, mortua est. Apostolus macerat corpus suum, & animæ subjicit imperio, ne, quod aliis præcipit, ipse non servet: & adolescentula, fervente cibis corpore, de castitate secura est? Neque verò hæc dicens condemno cibos, quos Dominus creavit ad utendum cum gratiarum actione: sed juvenibus, & puellis incentiva assero esse voluptatum. Non Æmæi ignes, non Vulcania tellus, non Vesiuvius, & Olympus tan-

tis

(t) 1. Cor. 15.

(u) 1. Tim. 5.



tis ardoribus æstuant, ut juveniles medullæ vino plenæ, & dapibus inflammatae. Grandis ergo virtutis est, & sollicitæ diligentiae, superare quod nata sis: in carne non carnaliter vivere, tecum pugnare quotidie, & inclusum hostem Argi, ut fabulæ ferunt, centum oculis observare. Primum igitur, si firmitas stomachi patitur, donec puellares annos transeas, aquam in potu fume, quæ natura frigidissima est: aut si hoc imbecillitas prohibet; audi cum Timotheo: *Vino (x) modico utere propter stomachum, & frequentes tuas infirmitates.* Deinde in ipsis cibis calida quæque devita. Non solum de carnibus loquor, super quibus vas electionis profert sententiam: *Bonum (y) est non manducare carnem, & non bibere vinum:* sed etiam in ipsis leguminibus infantia quæque, & gravida declinanda sunt. Nihil ita scias conducere Christianis adolescentibus, ut esum oleum. Unde & in alio loco: *Qui (z) infirmus est,* ait, *olera manducet:* Ardorque corporum frigidioribus epulis temperandus est. Nihil sic inflamat corpora, aut tierrat membra genitalia, sicut indigestus cibus, ructusque convulsus. Malo apud te, Filia! verecundia parum per, quam causa periclitari. Quidquid seminarium voluptatis est, venenum putatur. Parcus cibus, & venter semper esuriens, triduanis jejuniis præferatur. Et multo melius est quotidie parum, quam raro satis sumere. Pluvia illa optima est, quæ sensim descendit in terram: subitus, & nimius imber in præceps arva subvertit. Quando comedis, cogita, quodd statim tibi orandum, illico & legendum sit. De Scripturis Sanctis habeto fixum versum numerum. Illud pensum Domino tuo redde. Nec ante quieti membra concedas; quam calathum pectoris tui hoc subtegmine impleveris. Post Scripturas Sanctas, doctorum hominum tractatus lege eorum dumtaxat, quorum fides nota est. Amorem monilium, atque gemmarum, fericarumque vestium transfer ad scientiam scripturarum. Fac tibi amicos de inimico mammona, qui te recipiant in æterna tabernacula. Juvenum fuge consortia: comatulos, comptos, atque lascivos, domus tuæ recta non videant.

Cantor pellatur, ut noxius. Fidicinas, & psalterias, & istiusmodi chorum diaboli, quasi mortifera Sirenarum carmina, proturba ex ædibus tuis. Noli in publicum subinde procedere. Pessimæ consuetudinis est, cum fragilis sexus, & imbecilla ætas, suo abutitur arbitrio, & putat licere, quod libet: omnia quidem licere, sed non omnia expediunt.

## IV.

Nunc nobis, inquit, ad virgines fermo est, quarum quo sublimior gloria est, major & cura est. Flos est ille Ecclesiastici geminis, decus atque orna mentum gratiæ spiritalis, læta indoles, laudis, & honoris opus integrum, & incorruptum, Dei imago respondens ad Sanctimoniam Domini, illustrior portio gregis Christi. Gaudet per illas, & in illis largiter floret Ecclesiæ matris gloriosa fecunditas: quantoque plus copiosa virginitas numero suo addit, tanto plus gaudium matris augetur. Ad has loquimur, has adhortamur affectione potius, quam potestate. Ut quæ se Christo dicaverint, & à carnali concupiscentiâ recedentes, tam carne, quam mente, se Deo voverint, consumment opus suum, magno præmio destinatum nec ornari jam, nec placere cuiquam, nisi Domino suo, studeant, à quo & mercedem virginitatis expectant. SEQUITUR. Quod si Christum continentia sequitur, & regno Dei virginitas destinatur, quid est illis cum terreno cultu, & cum ornamentis, quibus, dum hominibus placere gestiunt, Deum offendunt, non cogitantes esse prædictum: *Qui (a) hominibus placent, confusi sunt; quoniam Deus nihil fecit illos?* Et Paulum quoque gloriosè, & sublimiter prædicasse: *Si (b) hominibus placere vellem, Christi servus non essem?* Continentia verò, & pudicitia non in sola carnis integritate consistit, sed etiam in cultûs, & ornâtis honore pariter, ac pudore: ut secundum Apostolum, quæ innupta est, sancta sit & corpore, & spiritu. SEQUITUR. Virgo non esse tantum, sed & intelligi debet, & credi: ut nemo, cum virginem videt, dubitet, an virgo sit. Parem se integritas in omnibus præstet, nec bonum corporis cultus infamet. Quid

(x) 1. Tim. 5.  
(a) Psalm. 52.

(y) Rom. 14.  
(b) Galat. 1.

(z) Rom. 14.

Quid ornata, quid compta procedit, quasi maritum aut habeat, aut quærat? Timeat potius placere, si virgo est: nec periculum sui appetat, quæ ad meliora, & divina se seruat. Quæ virum non habent, cui placere se simulent, integræ & puræ, non tantum corpore, sed etiam spiritu perseverent. Neque enim fas est, virginem ad speciem formæ suæ comi, aut de carne, & de ejus pulcritudine gloriari; cum nulla sit illi magis, quam adversus carnem, colluctatio, & vincendi corporis, ac domandi obstinata certatio. SEQUITUR. Neminem Christianum decet, & maxime virginem non decet, claritatem ullam computare carnis, & honorem: sed solum appetere sermonem Dei, bona in æternum mansura completi. SEQUITUR. Scriptum est, & legitur, & auditur, & in exemplum nostræ Ecclesiæ ore celebratur: *Qui (c) dicit se in Christo manere; debet, quomodo ille ambulavit, & ipse ambulare.* Ambulandum est vestigiis paribus, æmula ingressione nitendum est. Tunc respondet ad fidem nominis sectatio veritatis, & credenti præmium datur, si quod creditur & geratur. Locupletem te dicis, & divitem: sed divitiis tuis Paulus occurrit, & ad cultum, atque ornatum tuum iusto fine moderandum suâ voce præscribit: *Sint (d) inquit, mulieres cum verecundia & pudicitia componentes se, non intortis crinibus, neque auro, neque margaritis, aut veste pretiosa, sed, ut decet mulieres promittentes castitatem per bonam conversationem.* Item Petrus ad hæc eadem præcepta consentit, & dicit: *Sit (e) in muliere non exterior ornamentum, aut auri, aut vestis cultus, sed cultus cordis.* Quod si illi mulieres quoque admonent coërcendas, & ad Ecclesiasticam disciplinam religiosa observatione moderandas, quæ excusare cultus suos soleant per maritum: quanto id magis observare virginem fas est, cui nulla ornatus sui competat venia, nec derivari in alterum possit mendacium culpæ, sed sola ipsa remaneat in crimine? Locupletem te dicis, & divitem: sed non omne, quod potest, debet & fieri; cum scriptum sit: *Omnia [\*] licent, sed non omnia expediunt, omnia licent, sed non omnia edificant.* Cæterum, si tu te sumptuosius comas, & per publicum notabiliter incedas, oculos in te juventutis illicias,

V v v 2

suspiria adolescentium post te trahas, concupiscendi libidinem nutrias, sperandi fomenta succendas, ut, etsi ipsa non pereas, alios tamen perdas: & velut gladium te, & venenum videntibus præbeas; excusari non potes, quasi mente casta sis, & pudica. Redarguit te cultus improbus, & impudicus ornatus: nec computari jam poteris inter puellas, & virgines Christi, quæ sic vivis, ut possis adamari. Ornamentorum, ac vestium insignia, & lenocinia formarum, non nisi prostitutis, & impudicis feminis congruunt. Fugiant castæ virgines & pudicæ incestarum cultus, habitus impudicarum, lupanarium insignia, ornamenta meretricum. Hoc Deus culpæ, hoc denotat. Sericum, & purpuram indutæ, Christum induere non possunt: auro & margaritis, & monilibus adornatæ, ornamenta cordis, ac pectoris perdidit. Virgines certè, quibus hic sermo nunc consulit, quæ se ejusmodi artibus comperint, inter virgines se non putent debere numerari. Audite itaque virgines, ut parentem, audite, quæso vos, docentem pariter, ac monentem, audite utilitatibus, & commodis vestris fideliter consulentem. Estote tales, quales vos Deus artifex fecit: estote tales, quales vos manus Patris instituit. Maneat in vobis facies incorrupta, cervice pura, forma sincera. Vince vestem, quæ virgo es? quæ Deo servis; vince aurum, quæ carnem vincis, & sæculum. Arcta, & angusta est via, quæ ducit ad vitam: durus & arctus est limes, qui tendit ad gloriam. Lata & spatiosa itinera vitæ lethalis: illic illecebræ, & mortiferæ voluptates; illic diabolus blanditur, ut fallat, aridet, ut noceat, illic, ut occidat. Servate virgines, servate, quod esse cœpistis, Servate, quod eritis. Magna vos merces manet, præmium grande virtutis, munus maximum castitatis. Quod futuri sumus, jam vos esse cœpistis. Vos resurrectionis gloriam in isto sæculo jam tenetis. Per sæculum sine sæculi contagione transistis: cum castæ perseveratis, & virgines, Angelis Dei estis æquales. Tantum maneat, & duret solida, & illæsa virginitas: & ut cœpit fortiter, jugiter perseveret: nec monilium, aut vestium quærat ornamenta, sed morum. Deum spectet, & cælum!

(c) 1. Joan. 2.

(d) 1. Tim. 2.

(e) 1. Petr. 30.

(\*) 1. Cor. 6.



cælum: neque oculos, aut sublime porrectos, ad carnis & mundi concupiscentiam deprimat, aut ad terrena deponat &c. *Primus* (f) *homo*; inquit, *de terræ limo*; *secundus homo de cælo*. *Qualis ille de limo*, *tales* & *qui de limo*: & *qualis cælestis*, *tales* & *cælestes*. *Quomodo portavimus imaginem ejus, qui de limo est*; *portemus* & *imaginem ejus, qui de cælo est*. Hanc imaginem virginitas portat; portat integritas, sanctitas portat; & veritas: portant discipulæ Dei memores; justitiam cum religione retinentes; stabiles in fide, humiles in timore, ad omnem tolerantiam fortes; ad sustinendam injuriam mites; ad faciendam misericordiam faciles, fraternâ pacē unanimēs, atque concordēs. Quæ vos singula; ô bonæ virgines, observare, diligere, implere debetis: quæ Deo, & Christo vacantes, ad Dominum, cui vos dicatis, & majore & meliore parte præceditis. Profectæ ætatis junioribus facite magisterium. Minores natu, præbete majoribus ministerium; comparibus incitamentum. Hortamentis vos mutuis excitate; æmulis de virtute documentis ad gloriam provocate. Duratē foriter, spiritaliter pergite, pervenite feliciter.

## V.

Gaudete & exultate in Domino, venerabiles Filix, & gratias illi jugiter uberes agite, qui vos de tenebrosâ hujus sæculi conversatione ad portum quietis, & religionis attrahere, & provocare dignatus est. Cogitate jugiter, unde exiistis, & ubi pervenire meruistis. Reliquistis fideliter mundi tenebras, & lucem Christi feliciter videre cœpistis. Contempsistis libidinis incendium, & ad castitatis refrigerium pervenistis. Respuistis gulam, & abstinentiam elegistis. Respuistis avaritiam atque luxuriam; & castitatem, vel misericordiam tenuistis. Et quamvis vobis usque ad exitum vitæ non desit pugna, tamen Deo donante securi sumus de vestra victoria. Sed rogo vos, venerabiles Filix! ut quanto estis securæ de præteritis, tanto sitis sollicitæ de futuris. Omnia enim crimina, vel peccata cito ad nos revertuntur, si non quotidie bonis operibus expugnentur. Audite Apostolum Petrum dicen-

tem: *Sobria* (g) *estote*, & *vigilate*, *quia adversarius vester diabolus, tamquam leo rugiens; aliquid devorare querens circuit*. Quamdiu in hoc corpore vivimus, die, nocteque, Christo adjutore, vel duce, contra diabolum repugnemus. Sunt enim aliquæ, quod pejus est, negligentes, & repidæ, quæ de solo Christianitatis vocabulo gloriaatur: & putant, quodd illis sufficiat, vestem mutasse, & religionis tantum habitum suscepisse; nescientes illud Propheticum: *Fili* (h) *accedens ad servitutem Dei sta in justitia*, & *timore*, & *præpara animam tuam ad tentationem*. Nec sententiam Psalmistæ considerantes: *Propter* (i) *verba laborum tuorum ego custodi vias duras*. Et illud, quod Apostolus dixit: *Per* (k) *multas tribulationes oportet nos intrare in regnum celorum*. Vestes enim sæculares deponere, & religiosas assumere unius horæ momento possumus: mores verò bonos jugiter retinere, vel contra malas, dulcesque voluptates sæculi hujus, quamdiu vivimus, Christo adjutore, laborare debemus: quia non qui cœperit, sed qui perseveraverit usque in finem, hic salvus erit. Inprimis ergo omnis anima, quæ religionem servare desiderat, gulæ concupiscentiam vincere, & ebrietatem vitare, tota fidei virtute contendat: & ita temperatum convivium, mensamque mediocrem habere studeat, ut caro illius nec nimietate abstinentiæ debilitetur, nec per deliciarum abundantiam ad luxuriam provocetur. Deinde abjectâ superbiâ, cui Deus resistit, profundæ humilitatis jaciatur fundamentum: invidiam, velut vipereum venenum, detestetur, ac fugiat, linguam refrenet, detractionem, quasi venenum, respuat, verba otiosa nec ipsa proferat, nec ab aliis prolata auribus suis libenter admittat. Vestimentorum habitum nec nimis abjectum, nec notabiliter pomposum, aut periculosè elegantem habere consuecat. Lectionem aut ipsa frequentius legat, aut legentis verba totâ pectoris aviditate suscipiat. De Divinis Scripturarum fontibus jugiter aquam salutis hauriat: illam utique, de qua Dominus dicit: *Qui* (l) *credit in me, flumina de ventre ejus fluent aquæ vivæ*. De paradisi etiam floribus, hoc est, sanctarum Scripturarum sensibus, anima sancta se

(f) 1. Cor. 15.  
(i) Psal. 16.

(g) 1. Petr. 5.  
(k) Act. 14.

(h) Eccles. 2.  
(l) Joan. 7.

jugiter ornare contendat. Ex ipsis pretiosas margaritas auribus suis indefinenter appendat: ex ipsis anulos, & dextralia, dum exercet opera bona, sibi componat. Ibi vulnerum medicamentâ, ibi castitatis aromata, ibi compunctionis holocausta requirat. Quæ verò religionem immaculato corde, & puro corpore conservare desiderat, aut numquam in publicum, aut certe non nisi pro grandi, & inevitabili necessitate procedat. Nolite, quæso vos, nolite quibuscumque aut occasionem dare, aut familiaritatem tribuere. Quæ verò libidinem, Christo adjuvante, desiderat vincere, familiaritatem debet refugere: & quæ indignam familiaritatem non sperverit, aut se, aut alium citò perdet. Sed fortè dicit aliqua, ideo familiaritatem non fugio, quia volo habere, quod vincam, & adversarium meum cupio tenere captivum. Vide, ne contra te adversarius incipiat rebellare; vide, ne te ducat captivitas ista captivam. Audi Apostolum dicentem: *Fugite (m) fornicationem.* Contra reliqua vitia oportet nos omni virtute resistere: contra libidinem non expedit repugnare, sed fugere. Esto ergo libidinis fugitiva, si vis esse castitatis pugnatrice egregia. Sed quod dixi, diligenter attendite. Quando sola aliqua libidinis stimulis incitatur, Christo adjuvante repugnet, quantum prævalet contra se, quia non habet, quo possit fugere. Quando vero per alterius sodalitatem, opportunitatem voluptatis diabolus subministrat: ipsam familiaritatem, quantum prævalet, ut diximus, anima sancta refugiat. Sed ut hæc omnia servare possimus, abstinentiam rationabilem teneamus, quia vera est illius Sanctissimi Viri sententia: "Prout continueris ventrem, ita & venenosos motus ejus." Humilitatem etiam veram, quantum possumus, conservemus. Non enim diu carnis integritas servatur, ubi animus superbiæ tumore corrumpitur: præcipue si iracundiæ flamma frequentius surgit, castitatis, & virginitatis flores citò consumit. Casta enim, & Deo devota anima, non solum extraneorum, sed etiam Parentum suorum familiaritatem habere non debet. Si enim vasa, quæ Ecclesiæ offeruntur, ut in sacrosanctis Altaribus ponantur,

sancta ab omnibus appellantur, & nefas est, ut de Ecclesiâ postmodum in domum laicam revocentur, aut usibus humanis aptentur: putas, qualem dignitatem apud Deum habet anima ad ejus imaginem procreata? Sicut ergo vasa sancta humanis usibus servitura nec possunt, nec debent de Ecclesiâ revocari: sic religiosam quampiam non oportet, non decet, non expedit parentum suorum multis obligationibus implicari, aut quorumcumque extraneorum perniciosâ familiaritate constringi. Illud ante omnia admoneo, ut æmulationis malum, quasi venenum vipereum, fugiatis, & ita inter vos caritatis dulcedinem conservetis, ut vobis invicem per sancta colloquia medicamentâ spiritualia præparetis. Sunt enim, quod pejus est, aliqua, quæ, quando se pariter jungunt, magis sibi detrahendo, vel contra prepositas murmurando, vulnera faciunt, quam spiritualia medicamenta componunt. Vos vero, sanctæ, ac venerabiles Filie, si aliquam videtis pusillanimum, consolationem impendite; si superbientem, humilitatis medicamentum apponite: si iracundam videritis, refrigerium patientiæ ministrare. Si nobiles nate estis, magis de religionis humilitate, quam de sæculi dignitate, gaudete. Tenete ergo firmiter manus in aratro, & nolite respicere retrò. Mementore uxoris Loth, quæ respiciens retrò versa est in statuum salis. Numquam juramentum, numquam maledictum de Virginis ore procedat. Non solum enim corpora, sed etiam corda vestra omni sollicitudine custodite, propter illud, quod scriptum est: *Omni (n) custodia serva cor tuum.* Et illud, quod Dominus in Evangelio dixit: *De (o) corde exeunt cogitationes malæ.* Si enim in corde nihil malè cogitatur, quidquid sanctum est, ex ore profertur: quia sicut scriptum est: *Ex abundantia (p) cordis os loquitur.* Hoc enim lingua proferre consuevit, quod ex officina cordis conscientia ministraverit. Et ideo, si ex ore vultis bona proferre, semper in corde, quæ sancta sunt, cogitate. Sic lectioni & orationi debetis incumbere, ut ante omnia etiam manibus possitis aliquid exercere, secundum illud, quod Apostolus ait: *Qui (q) non operatur, nec manducet.*

Melio-

V v v 3

(m) 1. Cor. 6.  
(p) Matth. 12.(n) Prov. 4.  
(q) 2. Thess. 3:

(o) Matth. 15:



Meliorem quoque diei partem sancto operi dedicate: lectioni vacare consuecite, oratio vestra ita cum silentio procedat ex corde, ut vix audiat in ore. Nam qui altâ voce orare voluerit, & sibi, & alteri multum nocet, dum per suam garrulitatem alterius mentem ab oratione sanctâ & secretâ suspendit. Pompôsâ indumenta, quæ non utilitati, sed vanitati serviunt, fastidite, atque contemnite. Multæ enim, quod in moribus diligunt, hoc etiam in operibus suis ostendunt: præparant sibi ornamenta sæcularia sæculum diligentes, & voluptati servientes, vel luxuriæ. Vobis verò nihil sit commune cum talibus, sed omnia ornamenta, quibus ad luxuriam caro componitur, velut inimica, & contraria à vestro proposito respuantur. Sunt enim, quod pejus est, quæ pro vanitate sæculi istius plus student terrenis cupiditatibus operam dare, quàm lectioni divinæ justitiæ: dum volunt stragula pulchra, & picta tapetia, plumaria etiam, & reliqua his similia, cum ingenti sumptu, & superfluâ expensâ ad oculorum libidinem præparare: nescientes illud, quod Dominus per Joannem Evangelistam clamat, & dicit: *Nolite (r) diligere mundum, neque ea, quæ in mundo sunt, quoniam omne, quod in mundo est, concupiscentia carnis, & concupiscentia oculorum, & ambitio sæculi est.* Quid prodest virgini integritatem corporis custodire, si oculorum concupiscentias noluerit evitare? Vos vero, sanctæ & Deo dignæ animæ, totum spiritaliter agite. Sequimini Christum tenendo perseveranter, quod vovistis ardentem. Iterum, atque iterum, sanctæ, & Deo dignæ animæ, rogo, & cum omni humilitate pro conservando virginitatis præmio consilium do, ut familiaritatem incongruam à vobis, vel à vestris animis totis viribus repellere laboretis. Nam ad conservandam sanctæ religionis dignitatem singularitas testis sanctissima est. Familiaritas enim cujuslibet, si frequens esse cœperit, nonnisi corruptionem feminat, vitia pullulat, libidinem concipit, ignominiam parit, rabiem concitat, lasciviam pascit, petulantiam nutrit, casus exaltat, ruinas ædificat, confusionem mer-

catur, thesaurizat opprobrium, criminationes exaggerat, excusationes inflamat, & catervatim simul in fascem conglomerat. Nam si anima sancta secretum suum custodire voluerit, & assidue familiaritatis malum totâ animi virtute fugerit; ipsa sancta singularitas munimen illi invictum est sanctimonix, expugnatio fortis infamix, exercitium continentix, evacuatio luxuriæ, pax secunda virtutum, & impugnatio inquieta bellorum; puritatis culmen, & libidinis carcer; honestatis portus, & ignominix naufragium; virginitatis mater, & hostis immunditiæ, integritatis dignitas; & fornicationis abdicatio; voluntas bonorum operum, & afflictio vitiorum; refrigerium pudicitix, & pœna petulantix, acquisitio triumphorum, & facinorum detrimentum, requies salutis, & perditionis exilium; vita spiritûs, & carnis interitus. Hæc omnia mala fortiter, Deo adjuvante, repellentur, & illa, quæ diximus, bona feliciter acquiruntur, si ab animabus sanctis familiaritas inordinata respuatur. Attendite vos, ô animæ sanctæ, quia inter omnia certamina, quibus semper comes est Christiana militiæ, sola duriora sunt prælia castitatis, ubi quotidiana pugna est, & rara victoria, castitatis dura sunt prælia, sed majora sunt præmia, castitatis palmam nemo securus accipit, cui, quantum duri sunt exitus, tantum gloriosi sunt fructus. Ut ergo castitatis præmia, & virginitatis coronam feliciter, Deo remunerante, possitis accipere, periculosam familiaritatem à vobis semper excludite. Currite fideliter, ut possitis pervenire feliciter, adjuvante Domino nostro JESU Christo, qui vivit & regnat in sæcula sæculorum. Amen.

## VI.

Quantam in cœlestibus (s) beatitudinem Virginitas Sancta possideat, præter Scripturarum testimonia, Ecclesiæ etiam consuetudine edocemur, quæ addiscimus, peculiare illi subsistere meritum, cujus specialis est consecratio. Nam cum universa turba credentium paria gratiæ dona percipiat, & iisdem omnes Sacramentorum benedictionibus glorien-

(r) 1. Joann. 2.

(s) Hæc parenensis multo integrior edita est in appendice codicis Regularum, pag. 9. Edit. Rom. anno 1661. operâ Luca Holstenii. Nacti Harduini.

gloriantur ; ista ad proprium aliquod præcæteris habendum , de illo sancto , & immaculato Ecclesiæ grege , quasi sanctiores , purioresque hostiæ , & pro voluntatis suæ meritis à Sancto Spiritu eliguntur , & per summum Sacerdotem Dei offeruntur altario. Possidet ergo virginitas , & quod alii habent , & quod alii non habent , dum communem , & peculiarem obtinet gratiam , & proprio , ut ita dixerim consecrationis privilegio gaudet. Nam & Christi sponsas virgines dicere Ecclesiastica nobis permittit autoritas , dum in sponsarum modum , quas consecrat , Domino velat : ostendens eas vel maximè habituras spirituale connubium , quæ subterfugerint carnale consortium. Et dignè Deo per matrimonii comparisonem spiritaliter copulantur , quæ ejus dilectionis causâ humana connubia sperverunt. In his quàm maximè impletur illud Apostoli : *Qui autem adhæret Domino , unus Spiritus est.* Et quoniam multa sunt , quæ bono proprio carent , nisi aliarum rerum juventur auxilio ; attentius prævidendum est , ne fortè & virginitati aliqua sint necessaria , sinè quibus nequaquam fructum afferre sufficiat : & tantus nihil proderit labor , dum vane prodesse creditur , quod absque rebus necessariis possidetur. Æternam verò vitam non nisi per omnem divinorum præceptorum custodiam promereri posse scriptura testatur : *Si vis (a) inquit , ad vitam ingredi , serva mandata.* Vitam ergo non habet , nisi qui legis mandata servaverit : & , qui vitam non habuerit , cælestis regni non potest esse possessor. Ergo pudicitiam , integritatèque servantibus , & ejus remunerationem à Dei æquitate sperantibus , ante omnia mandatorum sunt custodienda præcepta , ne gloriosæ castitatis , & continentiæ labor in irritum deducatur. Cupiens divinum implere consilium , ante omnia serva mandatum : volens virginitatis præmium consequi , vitæ amplectere merita , ut sit , cujus remunerari castitas possit. Nam ut vitam præstat observatio mandatorum , ita eorum è contrario generat prævaricatio mortem. Et qui per prævaricationem in morte fuerit , virginitatis coronam sperare non poterit , neque pudicitæ præmium ex-

spectare constitutus in pœna. Nolo enim putes in hoc constare justitiam , ut malum non facias ; cum & bonum non facere malum sit , & in utroque legis prævaricatio committatur ; quoniam , qui dixit : *Recede (b) à malo* , ipse dixit , & *fac bonum*. Si à malo recesseris , & non feceris bonum , transgressor es legis , quæ non tantum in malorum actuum abominatione , sed etiam in bonorum operum perfectione completur. Nolo enim in hoc tibi blandiaris , si aliqua non feceris , qui aliqua feceris , cum scriptum sit : *Qui (c) universam legem servaverit , offendat autem in uno , factus est omnium reus.* Adam enim semel peccavit , & mortuus est : & tu te vivere posse existimas , illud sæpe committens , quod alium , dum semel perpetrasset , occidit ? Memento Adam , & Evam virgines deliquisse , nec integritatem corporis profuisse peccantibus. Licitum quippe est matrimonii inire consortium. Nam quæ connubia deserunt , non illicita , sed licita spernunt. Ejusmodi autem si jurent , si maledicant , si detrahant , si detrahentes patiantur audire , si malum pro malo reddant , si cupiditatis in alienis , aut avaritiæ in propriis crimen incurrant ; si zeli , aut livoris venena possideant , si contra legalia , & Apostolica instituta indecens aliquid aut loquantur , aut cogitent , si in carne placendi studio compætæ , & ornata procedant , si alia , ut asolet , illicita faciant ; quid proderit eis sprevisse , quod licuit , & exercere , quod non licet ? Si vis prodesse tibi , quod licite contempsisti , vide , ne quid eorum , quæ non licent , facias. Stultum est enim , timuisse , quod minus est , & non timere , quod majus est. Dicit enim Apostolus : *Imnupta (d) cogitat , quæ Domini sunt , quomodo placeat Deo , ut sit Sancta corpore , & Spiritu : quæ autem nupta est , cogitat , quæ sunt mundi , quomodo placeat viro.* Dicat ergo mihi , quæ virum non habet , & tamen quæ mundi sunt cogitat , cui placere desiderat ; nonne incipiat illi nupta præponi ? quia illa cogitando , quæ mundi sunt , complacet vel marito : ista verò nec marito , quem non habet , potest placere , nec Deo. Sed nec illud silentio præterire nos convenit , quod dixerit : *Imnupta cogitat , quæ Dei sunt , quomodo placeat Deo ,*  
ut

[a] Matth. 19.

[b] Psalm. 33.

[c] Jac. 2.

[d] I. Cor. 7.



*ut sit sancta corpore & spiritu.* Quæ sunt ergo Domini, dicat Apostolus: *Quæcunque sunt sancta, quæcunque sunt iusta, quæcunque amabilia, quæcunque bonæ famæ: si qua virtus, si qua laus disciplinæ.* Ista sanctæ, veræ, & Apostolicæ virgines die, noctæque sinè ullo temporis intervallo meditantur. Sequitur: *Quæ Dei sunt, quomodo placeat Deo,* Deo inquam non hominibus: *Ut sit sancta corpore & spiritu.* Non dixit, ut sit sancta membro, aut corpore tantum: sed: *Ut sit sancta corpore & spiritu.* Membrum enim una corporis pars est, corpus verò omnium compago membrorum est. Cùm ergo dicit: *Ut sit sancta corpore,* omnibus membris eam debere sanctificari testatur. Quia non proderit cæterorum sanctificatio membrorum, si inveniatur vel in uno corruptio. Et jam non erit sancta corpore, quod ex omnibus constat membris, quæ vel unius fuerit coinquinatione polluta. Unde quæso te, virgo, neque in solâ tibi pudicitia blandiaris, ne in unius membri integritate confundaris. Sed secundum Apostolum soli Deo conserva corporis sanctitatem. Munda ab omni inquinamento caput: quia crimen est, illud post chrisimatis sanctificationem, cujuslibet pigmenti fūco, vel pulvere fordidari; aut auro, vel gemmis, vel quâlibet aliâ terrenâ specie componi. Munda frontem, ut humana, non divina opera erubescat, & illam confusionem recipiat, quæ non peccatum, sed Dei gloriam parit. Munda collum, ut non aurea ex capillis portet suspensâ monilia; sed illa potiùs ornamenta circumferat, de quibus scriptura dicit: *Miseriordia (e) & veritas non deficiant à te: suspende autem illa in collo tuo.* Munda oculos, dum eos ab omni concupiscentia retrahis, & ab intuitu pauperum numquam avertis. Munda linguam à mendacio, quia os, quod mentitur, occidit animam; à detractione, à juramento, à perjurio: cohibe linguam tuam à malo, & labia tua, ne loquantur dolum. Et memor esto Apostolum dicentem: *Benedicite (f) & nolite maledicere.* Nefas est enim, ut labia illa, quibus Dominum confiteris, rogas, benedicis, & laudas, alicujus polluantur forde peccati. Nescio, quâ conscientia ea

lingua quis Dominum rogat, quâ aut mentitur, aut detrahit. Labia enim Sancta exaudit Deus: & ipsis annuit citò precibus, quas lingua immaculata pronuntiat. Munda aures, ut non nisi sermonibus sanctis auditum præbeant: ut numquam obscena, aut turpia, aut secularia verba fuscipiant, aut aliquem de altero audiant derogantem, propter illud quod scriptum est: *Sepi (g) aures tuas spinis, & noli audire linguam nequam.* Manus ne porrectæ ad accipiendum sint, nec ad ferendum paratæ, sed ad omnia misericordiæ & pietatis opera satis promptæ. Munda pedes, ne latam, & spatiofam pergant viam, quæ ducit ad splendida sæculi, & pretiosa convivia: sed arduum magis & angustum gradientur iter, quod tendit ad cælum. Agnosce tibi à Deo artifice non ad vitia, sed ad virtutem membra formata; & cùm universos artus mundaveris ab omni forde peccati, & toto fueris sanctificata corpore, tunc tibi castitatem intelligas profuturam & cum omni fiducia palmam virginitatis expecta. O virgo serva propositum tibi magno præmio destinatum: agnosce statum tuum, agnosce locum; agnosce propositum. Christi sponsa diceris, vide, ne quid indignum eo, cui desponsata videris, admittas. Christum sponsum habes, à domesticis, & familiaribus ejus interroga, & strenuè, ac solerter inquire in quibus præcipuè delectetur: qualem compositionem in te vestium diligit, cujusmodi concupiscat ornatum. Dicat tibi ejus familiarissimus Petrus, qui nec nuptiis quidem corporalem permittit ornatum, sicut in Epistola sua scripsit: *Mulieres (h) similiter subjectæ sunt suis viris, ut & si qui non credunt verbo, per mulierum conversationem sinè verbo lucrifiant, considerantes in timore Dei castam conversationem vestram. Quarum sit non extrinsecus capillatura, aut circumdatio auri, aut indumenti vestimentorum cultus, sed qui absconditus est cordis homo, in incorruptibilitate quieti & modesti Spiritus, qui est in conspectu Dei locuples.* Dicat & alius Apostolus Beatus Paulus: *Mulieres (i) similiter in habitu ornato cum verecundia, & sobrietate ornantes se, non intortis crinibus, aut auro, aut Margaritis vel veste pretiosa: Sed quod decet mulieres, promitten-*

tes

(e) Prov. 3.

(b) 1. Petr. 3.

(f) Rom. 12.

(i) 1. Tim. 2.

(g) Eccl. 28.

res castitatem per bonam conversationem. Sed tu forsitan dicis : cur hæc iidem Apostoli non iusserunt ? Quia non necessarium iudicabant, ne talis virginibus commonitio potius injuria, quàm emendatio videretur. Sed nec eos umquam tantæ temeritatis fore credidissent, ut nec nuptæ concessa carnalia ornamenta, & terrena præsumerent. Revera ornare se, & componere virgo debet : nam quomodo sponso suo placere poterit, nisi composita & ornata processerit ? Ornetur planè, sed interioribus ornamentis, & spiritaliter, non carnaliter componatur : quia Deus non corporis, sed animæ decorem in illa considerat. Ergo & tu, quæcumque animam tuam à Deo diligi, & inhabitari concupiscis, omni eam diligentia compone, & spiritalibus indumentis exorna. Nihil in ea dedecorum, nihil sœdum appareat. Resplendeat auro justitiæ, gemmis refulgeat sanctitatis, ac pretiosissimo pudicitiae margarito coruscet. Pro bysso, & serico, misericordiae & pietatis tunica vestiatur : secundum quod scriptum est : *Induite ergo vos (k) sicut electi Dei, sancti & dilecti, viscera misericordiae, benignitatem, humilitatem.* &c. Hujusmodi Deus quærit ornatum, & animam taliter compositam concupiscit. Memento te Dei filiam dici ; secundum quod ait : *Audi (l) filia, & vide.* Sed & tu ipsa, quotiescumque Dominum Patrem nominas, Dei te filiam esse testaris. Ergo si Dei filia es, vide, ne quid eorum facias, quæ Deo Patri incongrua sunt ; sed age omnia, quasi filia Dei. Originem tuam respice, genus intueri, gloriam nobilitatis adverte. Agnosce te non hominibus, sed Dei divinitatis nobilitate decoratam. Ità te exhibe, ut in te celestis nativitas pareat, ut ingenuitas divina clarescat. Sit in te nova gravitas, honestas admirabilis, stupenda verecundia, mira patientia, virginalis incensus, & veræ pudicitiae habitus, & sermo semper modestus, & suo in tempore proferendus, ut quisquis te viderit, admiretur, & dicat : Quæ hæc novæ inter homines gravitatis patientia est ? quæ pudoris verecundia ? quæ honestatis modestia ? quæ maturitatis sapientiae ? Non est ista humana institutio, nec disciplina mortalis : celeste

X x x

mihî aliquid in terreno corpore redolet. Puto enim, quoddam habitat in quibusdam hominibus Deus. Et cum te Christi famulam esse cognoverit, majore stupore teneatur ; & cogitet, qualis sit ille Dominus, cujus talis & ancilla est. Si vis esse cum Christo, & cum Christo partem habere, Christi tibi exemplo vivendum est, qui ab omni malitia fuit extraneus. Nemo te circumveniat ; nemo fallaci te sermone seducat. Non nisi sanctos & simplices, & innocentes, & puros celestis aula suscipit : & nullum apud Deum habet malitia locum. Ab omni nequitia & dolo mundum esse necesse est, qui cupit regnare cum Christo. Nolo enim illas respicias, quæ sæculi, non Christi sunt virgines : quæ propositi sui, & professionis immemores gaudent in delictis, in opibus delectantur. Tu autem quæcumque Christi, non sæculi virgo es, omnem præsentis vitæ gloriam fuge, ut eam, quæ in futuro promittitur, consequaris. Contentionum verba, & animositatis causas, & litium occasiones subterfuge. Nam si juxta Apostoli doctrinam (m) servum Domini litigare non oportet, quanto magis Dei ancillam, cujus quo verecundior est sexus, animus debet esse modestior ? Linguam à maliloquio cohibe ; & ori tuo frenum legis impone, ut tuac fortè loquaris, quando tacere peccatum sit : secundum id, quod Apostolus dicit : *Omnis (n) sermo malus ex ore vestro non procedat.* Semper linguam tuam de bonis loqui assuesce, & auditum tuum ad laudem bonorum magis, quàm ad malorum vituperationem commoda. Vide, ut omnia, quæcumque bene facis, propter Dominum facias : sciens ejus rei tantum te à Domino recepturam esse mercedis, quantum ejus timoris, & dilectionis causâ perfeceris. Sancta magis esse, quàm videri stude. In jejuniiis verò magis, quàm in epulis delectare : illius viduæ memor, quæ non discedebat de templo, jejuniiis & obsecrationibus serviens Domino nocte, ac die. Divinæ magis lectionis convivium dilige, & spiritalibus te saturari dapibus concupisce ; & illos potius quære cibos, quibus anima magis, quàm corpus reficiatur. Carnis, & vini species, quasi caloris fomenta, & libidinis incitamenta fuge.

(k) Coloss. 3.

(l) Psalm. 44.

(m) 2. Tim. 2.

(n) Ephes. 4.



fuge. Iracundiam vince, animositatem cohibe, & quidquid illud est, quod post factum penitentiam ingerit, velut proximi criminis abominationem declina. Satis tranquillam & quietam convenit esse mentem, & ab omni perturbatione furoris alienam, quæ Dei habitaculum esse desiderat. Cum orationem celebrare desideras, talem te exhibe, quasi quæ sis cum Domino locutura. Cum Psalmum dicis, cujus verba dicis, agnosce: & in compunctione magis animi, quam in tinnulæ vocis dulcedine, delectare. Lacrymas enim psallentis Deus magis, quam vocis gratiam comprobatur. Omnium operum, & cogitationum tuarum speculatorem Deum crede: & cave, ne quid, quod divinis oculis indignum sit, aut opereris, aut cogites. Crescat in te cum annis gratia, crescat cum ætate justitia. Omne tempus, in quo te non meliorem senseris, hoc te æstima perdidisse. Cæptum virginittis propositum ad finem usque conserva: quia non inchoasse tantum, sed perfecisse virtutis est. Esto ergo omnibus vivendi forma, esto exemplum. Virginem te in omnibus exhibe. Sit & inviolabilis conversatio: ut, quisquis vitam tuam audire saltim contigerit, in tantum sibi intelligat gratiam ex tua conversatione transfundi, ut, dum te imitari concupiscit, Dei sacrificio & ipse sit dignus.

Ecce, quibus saluberrimis documentis sanctissimi, & eruditissimi viri Deo dicatas ad castimoniale propositum servandum instituunt. Ecce, quibus insignium virtutum indumentis eas exornant, ut illius sponsi, cui se dicaverunt, amplexibus dignæ fiant. Unde solerter sanctimonialibus vigilandum est, ut tantorum Patrum obedienter obtemperent monitis: ne scilicet his resultando, cum fatuis virginibus reproberentur; sed potius parendo cum prudentibus Christi thalamo admittantur. Diligenter itaque eorundem Sanctorum Patrum sententiis prælibatis, dignum, & necessarium judicavimus, per singula capita distinguere, quid Prælati, quidve subditi observandum sit. Et quoniam subditarum vita prælatarum est exemplis informanda, primum, quales Abbatissæ debeant constitui, qualiter eis vivendum, qualiter subditas gubernandum, qualiterve in Monasteriis residendum, & instanter Domino totâ mentis, & corporis devotione serviendum; Dein quid sub-

jectis specialiter observandum sit, ponendum censuimus.

## VII.

Tales Abbatissæ regendarum animarum curam suscipere debent, quæ subditis verbis, & exemplis ducatum præbeant sanctæ religionis: quæ non propriis voluntatibus deserviant, sed magis subditarum solertissimam curam gerant: quæ se etiam, illasque, utpote vasa sancta, in quibus instanter incensum orationis Deo digne offerri possit, ab omni labe vitiorum custodire norint: & ita eas secum in sancto proposito pervigiles reddant, ut unâ ad vitam tendentes æternam, societate supernorum civium mereantur perfrui. Quâ igitur auctoritate, aut quibus sanctorum Patrum documentis, sibi attribuunt licentiam foras vagandi, aut per villas residendi, aut sericas vestes induendi, aut pompis vanis inserviendi? sed quia hoc nullâ auctoritate sibi licitum facere possunt, præsertim cum à sanctis Patribus in superioribus capitulis id penitus sanctimonialibus legatur inhibuit; restat ut ab hinc hujuscemodi usus ab his, modis omnibus, quantum Dominus posse dederit, caveatur. Quia quamvis in sæculari dignitate positæ multigenis deliciis voluptuose hujuscemodi soleant uti; in Monasteriis tamen, in quibus Christi sponsæ sumptibus Dominicis communiter sunt gubernandæ, prorsus est hoc censurâ æquitatis inhibendum. Nosse etenim eas oportet, quia non ideo prælatæ sunt, ut se solummodo, sed potius, ut se, subditasque pascant; carnaliter videlicet, & spiritaliter: nec ut præsent tantum, sed ut prosint à Domino sunt aliis prælatæ. Ergo necesse est, ut se, sibi que subditas in proposito sanctæ religionis solerter constringant. Et sicut alias præcedunt prioratûs honore, præcedant etiam piæ conversationis exemplo: & quæ aliis facere prohibent, nullatenus perpetrent: Rectè enim, ut habet Beatus Gregorius, aliarum errata corrigit, qui ea, quæ reprehendit, minimè agit. Sed quia pastoris absentia ovium solet fieri præda: necesse est, ut Abbatissæ in Monasteriis consistent assidue, & ovium sibi subditarum vigilantissimam curam gerant, ne illis absentibus prædæ fiant subditæ invisibilis lupi. Quales etiam esse debeant ductrices animarum, Sanctus Cæsarius in Epi-

Epistola, quam ad Oratoriam Abbatissam scripsit, plenissimè docet: ex qua quedam capitula ob instructionem Abbatissarum excerpere, & huic capitulo annexere curavimus. Dicit etiam ita: audi ergo me dulcissima soror, & filia! Tu quantumcumque semper in studiis spiritalibus occupari desideras, propter sorores, tamen aliquando etiam exteriora tibi erunt negotia dirimenda. Curandum ergo tibi summo opere est, ut si temporalia quasi pro tempore agas; at semper tenaciùs in spiritali devotione, & amore inhæreas: ut, cum temporalia citiùs dispensaveris, ad orationem illico, vel lectionem, quasi ad matris sinum, recurras. Optare quippe debes, ut objecta solitudine mundi, semper cogites de servitio Christi, propter illud, quod dicitur: *Nemo (o) militans Deo implicat se negotiis secularibus*, & cætera. In omnibus, juxta Apostolum temetipsum præbe exemplum bonorum operum, vitæque tuæ velut pennatum animal ad alta semper per desiderium evolet, per verbum resonet, luceat per exemplum. Cum verò ad annuntiandum verbum Dei te sororibus affectaveris, priùs cautâ consideratione pensa, ut, quod ore promissis, factis impleas, & quod aliis prædicas, operibus præbeas. Prior in Ecclesia inveniaris, postrema ex eas. Par sis in communi cibo, cum quibus pari uteris in mensa confectui. Abstinendum, quam lingua prædicat, proximæ fauces, vel vicinus stomachus sentiat: ne forsitan subditæ audientes, tacitis cogitationibus dicant: O quam pulcre nobis abstinendam prædicat plenus venter! Et in his omnibus, ceterisque, hoc tibi noveris convenire, ut angusti callis itinera, per quæ socias admones gradiendum, prior ipsa gradiaris. Non sis vestibus ornatiore ceteris, sed moribus: non quæ tibi vultu, intuituque placuerit, non quam tibi ad oculum cognoveris, vel cujus blandiori obsequio fueris delinita, sed quam amor Christi, & religiosior demonstraverit vita, præponas. Oportet enim, te propter quasdam cultum nonnunquam habere in gutture, cauterium in lingua gestare, virgam tibi, & baculum in manu ferre: ut per cultum desceas vitia, per cauterium verò ad sanitatem

X x x 2

secta reducas, per virgæ disciplinam corrigas, per baculum verò disciplinam sustentens. Si quando verò cum sæcularibus ad colloquendum fueris evocata, priùs arma frontem trophæo crucis, vexillo Christi pectus ingemina, ut cum sua virguncula Christus comitari digatur. Confabulatio verò tua semper sit mixta gravitate, atque dulcedine: & tantum loquaris, quantum opportunitas flagitaverit rei, ac temporis. Si quid verò ab eis petitum fuerit, quod præstare deliberas, cum vultu hilari præsta. Si quid verò præstare non convenit, petitionem illorum saltem honestate sermonis mollifica. Nomen tuum plures noverint, beneficia tua, in quantum prævales, plures sentiant, vultum rari cognoscant. Si quando autem tibi per necessitate Monasterii seorsum fuerit colloquendum, cum duabus, vel certè cum tribus electis sororibus facito. Quia opinio bonæ famæ, sicut etiam perfectæ vitæ custodia, tibi necessaria est, & tunc primùm despicienda humana detractio, cum Christus in causâ est. Omnis quoque actio tua semper sit propter Deum, semper de Deo cogitatio in Deum. Et exceptis vitiis, quibus non compassio, sed recitudo debetur, omnibus te cupio esse compassibilem, omnibus gratam, omnibus te præfectam piam. Ut videlicet (p) juxta Paulum sis sancta corpore, & spiritu, ipsò sponso, & Domino tuo mentem tuam regente, & vias tuas sanctas disponente, qui vivit, & regnat in sæcula sæculorum. Amen.

## VIII.

Studendum summo opere Abbatissis est, ut tot talesque in Monasteriis admittant sanctimoniales, quæ & morum probitate commendentur, & Ecclesiasticis possint rationabiliter sustentari stipendiis. Quæ verò adhuc carnalibus delectationibus irretiantur, nequaquam sunt in Monasteriis admittendæ. Quia satius est illis, juxta Paulum Apostolum foris nubere, tantùm in Domino, quam in Monasteriis admitti, & sub imagine simulatæ sanctitatis dissolutè vivere. Cum igitur hujusmodi Religionis gratiâ Monasteria expectaverint, non eis facilis tribuatur ingressus, donec priùs eis hæc

legan-



legantur capitula : ut his perlectis noverint , quid eis in castimoniali proposito observandum , quidve vitandum sit. Quia postquam se Domino in hac militia devinxerint , nequaquam sibi licitum erit propriis uti consiliis , nec sæcularibus penitus posse implicari negotiis : nec frequentiam virorum , aut colloquutionem familiarem absque causâ inevitabili habere debent. Proinde scrutentur prius arcana cordis sui , simulque super annotatas Sanctorum Patrum sententias assidua meditatione perlegant : ne inconsultè , & minùs cautè vinculum continentiae , & virginitatis arripientes , redeant post fatan , & fiant , sicut canis reversus ad vomitum.

## IX.

Providendum est his , quæ ob amorem Christi castimoniam se dicaverint , & in collegio sanctimonialium se admitti postulaverint , ut res suas , antequam Monasterium ingrediantur , ita sapienter , prudentèrque deliberent , atque disponant , ut ad vitam tendentes æternam , nullam earum occasione patiantur perturbationem. Proinde si aliqua sanctimonialium res suas proprias Ecclesiæ ita contulerit , ut nihil ex his sibi proprium vindicare , sed tamen rebus sustentari velit Ecclesiæ , huic sufficienter in congregatione stipendia largiantur necessaria. Si autem Ecclesiæ eas traderit , & usufructuario habere voluerit , quæstor Ecclesiæ eas , utpote Ecclesiæ , defendat. Quod si eas Ecclesiæ conferre noluerit , Abbatisa , & ceteris sanctimonialibus conniventiam adhibentibus , committat eas per scriptum publicè roboratum , aut propinquo , aut alio cuilibet bonæ fidei amico , qui eas jure fori defendat. Secundùm hanc igitur constitutionis formam sanctimonialia suas proprias res deliberent , & disponant : & aut servis , aut certè aliis , quibus illis libuerit , eas ad procurandum , sibi que fideliter earum fructus administrandum , commendent. Quoniam ante ingressum Monasterii , cuncta ut præmissum est , rationabiliter illis disponenda sunt ; ut remotâ quarumlibet forensium rerum occupatione , suum liberius & quietius possint custodire depositum. Sed & de adolescentulis , &

de his , quarum conversatione simultates , & dissensiones plerùmque pati solent Monasteria , cavendum abbatissis est , ne incautè , & indiscrètè eas in congregatione admittant , ne forè earum admisso aliquid in posterum generet scandalum.

## X.

Meminisse debent , quæ se castimonialis nominis professione Domino devinxerunt , in Monasteriis jugiter residere , & Domino totâ mentis & corporis intentione instantèr deservire debere , nec solum velamentum corporis sine ornamento mentis sibi prodesse posse. Quoniam nihil prodest corpus velare , & mentem vitiorum portentis maculare. Quid enim prodest corpus velare , & animum habere venenatum ? quid prodest nigris vestibus indui , & à detractione linguam non cohibere ? cùm Apostolus dicat : *Si quis (q) putat se religiosum esse , non refrenans linguam suam , sed seducens cor suum , hujus vana est religio.* Numquid enim velamentum corporis celare potest cupiditatem mentis ? Quia igitur oculis Dei cuncta opera filiorum Adam nuda , & aperta sunt , & humilitas vestium nihil valet sinè humilitate mentium , & quia non nisi corde mundo Deus videri potest ; necesse est , ut quod habitu demonstrant , opere perficiant ; & humilitas , quam in corpore gestant , in mente possimum resplendeat. Nam si , quemadmodum apud Salomonem legitur , in domo patris positæ , instantèr sunt monitis paternis erudiendæ ; & nexu conjugali devinctæ , juxta Apostolum , debent viris esse subditæ , quantò magis in domo Dei , quæ se religiosè vivere devoverunt , divinis sunt erudiendæ disciplinis , & sponso suo Christo Domino cum omni humilitate , & castitate subditæ esse ? Illud namque quod in domo patris & in vinculo conjugali constitutis prorsus fuit illicitum ; quâ autoritate , immò qua dementia in Monasteriis positæ sibi , nisi ob suam perniciem , facere poterunt licitum ? Præsertim cùm Beatus Hieronymus dicat ; pessimæ esse consuetudinis , cùm fragilis sexus , & imbecillis ætas suo arbitrio abutitur , & putat licere , quod non licet. Quapropter oportet , ut sibi illi-

illicita nequaquam faciant licita : sed earum voluntas Domini voluntati, immo servituti succumbat. In Monasteriis quoque positæ non otio torpeant : non detractionibus, & obscenis confabulationibus incumbant : sed aut Psalmorum modulationibus, aut manuum operationibus insistant, aut certè divinis lectionibus aurem accommodent. Frequentias, & familiaritates, atque confabulationes virorum, sicut à Sanctis Patribus inhibetur, modis omnibus caveant. Omnes in dormitorio dormiant, singulæ scilicet in singulis lectis. In refectorio quotidie pariter reficiantur, nisi quam infirmitas aut ætatis imbecillitas id facere prohibuerit. Omnes sibi caritatis officio vicissim serviant. Illis namque in refectorio comedentibus, & religiosè silentium tenentibus, continuatim legatur lectio, & intentissimè ab his audiat. Ad collationem quotidie veniant, & hanc institutionem, sive aliarum divinarum scripturarum lectiones perlegant, & de animæ suæ salute pertractent. Ubi etiam delinquentes juxta modum delicti corripiantur. Horas canonicas cum omni devotione custodiant, & his divinum officium honestè expleant. Honorem sibi invicem humiliter deferant. Minores natu eas, quæ provectæ sunt ætatis, obsequio sanctitatis venerentur. Provectæ quoque annis, juniores dictis, & exemplis ad bene vivendum informant. Nobiles genere nequaquam ignobilioribus se præferant, scientes quia personarum acceptor non est Deus. Neque enim quæ castitate, & ceterorum bonorum operum prærogativis, aut scientiæ doctrinis pollent, se ceteris præferant : sed potius de muneribus, sibi divinitus collatis, Deo gratias agentes, ceterarum imbecillitatibus caritatis officio humiliter condescendant : semper illud Apostoli perpendentes, quod dicitur : *Qui (r) se putat stare, videat, ne cadat.* Et illud Hieronymi : timendum, inquit, & cavendum est, ne veterem gloriam, & solidam firmitatem unius horæ procella subvertat.

## XI.

Summa intentione abbatissis satagendum est, ut Monasteria puellarum ita undique firmissimis circumdant muni-

X x x 3

tionibus, ut nulli intrandi, aut exeundi, nisi per portam, pateat aditus : quatenus nec viri quidquam, quod non deceat, in earum claustris agendi, nec sanctimoniales foras vagandi habeant facultatem. Habeant itaque interiùs sanctimoniales refectoria, cellaria, dormitoria, & ceteras suis usibus habitationes necessarias præparatas ; uti quæ Domino devoverunt, postposita omni excusatione, inviolabiliter custodire valeant.

## XII.

Usus reprehensibilem, & emendatione dignum, in nonnullis Monasteriis puellaribus esse comperimus, eo quod sanctimoniales stipendia Ecclesiastica non æqualiter accipiant : cum utique hoc ita fieri debere nusquam sancitum possit reperiri. Sed quia hoc nulla auctoritate fulcitur, sed magis avaritiæ causâ, aut personarum acceptione constat esse inolitum ; necesse est, ut æquitatis censura ab eisdem locis, in quibus sit, prorsus abdicetur. Dignum namque justumque est coram Deo & hominibus, ut omnes, quæ ob amorem Christi in castimoniali proposito, in una videlicet societate se vivere proposuerunt, seclusâ causâ avaritiæ, & personarum acceptione, cibum & potum æqualiter accipiant.

## XIII.

Quia perspicuè compertum est, nonnullas abbatissas negligenter & tepidè subditis stipendia necessaria conferre ; opportunissimè, immo rationabiliter statutum est, ut in omnibus Monasteriis puellaribus, in quibus canonice vivitur, singulæ sanctimoniales per dies singulas tres libras panis accipiant ; & in his regionibus, quæ viniferæ sunt, tres libras vini, si sterilitas temporis non impedierit : si autem plenè eadem regio vini ferax non fuerit, duas libras vini, & duas cervisæ ; & si minimè vini ferax fuerit, tres libras cervisæ, & si facultas permiserit, libram vini. In locis verò minoribus, accipiant duas libras vini ; & si eadem regio, ut præmissum est, vini ferax non fuerit, duas libras cervisæ, & si facultas suppetit, libram vini. Licet enim in nonnullis provinciis



vinciis copia desit vini, abundat tamen sancta Dei Ecclesia, Domino attribuentem, aliarum rerum copiis, è quibus industria prælatarum ex aliis provinciis vinum adipisci, sibi que subditis juxta facultatem pocula conferre possunt. In locis igitur, ubi permodicæ sunt res Ecclesiæ, aut fortè quorundam abstractu valde attenuatæ; tot, talesque admittantur, quibus saltem præmissa minor mensura potius sine difficultate dari possit. In his itaque locis, ubi fortè nonnullæ prælatæ piarum prælatarum imitantes exemplum, magis subditis dare solitæ sunt, nullatenus bonum, quod faciunt, omittant. Sed & si cui ob æternam retributionem magis subditis supererogare libuerit, hilariter, quod poterit, tribuat: sin autem, nullatenus mensuram prædictam eis subtrahat. Diebus verò festis, & sicut moris est Ecclesiæ, prout melius possunt, sanctimonialibus stipendia administrent. In pulmentis namque eis dandis nihilominus solertissimè vigilare debet Abbatissarum industria, ut juxta possibilitatem eis carnem, pisces, legumina, & olera, ligna, & cætera necessaria attribuant, ut his adminiculatæ promptiores in Dei constanti servitio. Nam & talia eis debent constituere loca, in quibus aptissimè nutriant pecora, & horri olerum possint fieri, unde pulmenta habeant: exceptis his, quæ de villis Ecclesiæ, & de eleemosynarum oblationibus accipiant. Caveant siquidem, ne propter earum incuriam, & insolentiam aliquam in Monasteriis patiantur inopiam: ut nec sibi in peccatum, nec sanctimonialibus proveniat in murmurationis lapsum. Sint quoque eis in refectorio convivæ; quatenus sanctimonialibus alimenta uberius administrentur, & quæ fortè minus habentur, æquiori animo communiter tollerentur. Quoniam si earum societatem, curamque parvipendentes, lautiores sibi cibos privatim domi præparaverint, exceptâ causâ infirmitatis, aut hospitum, præcul dubio in detractionis, aut murmurationis noxam sibi subditas corrumpere compellent. Dent etiam eis annis singulis lanam, & linum, è quibus sibi conficiant necessaria indumenta: exceptis infirmis, & debilibus, quæ propter corporis incommoditatem, hæc sibi conficere nequeunt, & his, quæ nihil

proprium habere velint, quibus misericorditer studeant necessaria quæque præbere. Eleemosynarum verò oblationes æqualiter accipiant.

## XIV.

Sicut ea, quæ superius præmissa sunt, Abbatissis ob necessitates corporum impendenda sunt sanctimonialibus: ita necesse est, ut in agro mentium sibi subditarum studeant plantare documenta virtutum; sèque in omnibus illis, vita, moribus, actu, habitu, ipso etiam incessu irreprehensibiliter vivendo imitabiles exhibeant: ne per earum exempla perversitatum in lapsum occurrant voraginum. Doceant ergo eas, qualiter vitent superbiam, quæ radix est omnium malorum, avaritiam, invidiam, odium, detractionem, susurrationem, murmurationem, scurrilitates, bilinguitates, dissensiones, simulationes, vanas verborum confabulationes, & cætera his similia, quæ suos sectatores ad interitum pertrahunt. Curiositates etiam nihilominus vitent, quibus femineus sexus potissimum implicatur. Desinant propria, aliena curiosè non interrogent: attendentes illud Hieronymi: "Sufficit (inquit) uni" cuique sua plangere, non aliena carere." Instruant etiam eas ad sectandas bonorum operum virtutes, videlicet caritatem, humilitatem, patientiam, castitatem, continentiam, sobrietatem, benignitatem, obedientiam, mansuetudinem, & cæteras virtutes, quibus animus christianus, ad æternam patriam tendens, jugiter famulari debet. Provideant etiam, ut otio vacare non possint: sed potius orationi, aut lectioni, aut manuum operationi insistant, aut certè divinis lectionibus aurem accommodent. Quatenus sibi subditis hanc geminam passionem tribuentes, quæ cavenda sunt vitare, quæque facienda sectari eas docentes, non de infideli, & negligenti administratione condemnari; sed potius de fideli à Domino mereantur feliciter remunerari. Meminisse itaque, & ante oculos ponere eas oportet, quòd de sibi commissis Domino procul dubio reddituræ sunt rationes.

## XV.

Oportet, ut remoto totius excusationis obstaculo, expeditè, atque honestè

sæ sanctimoniales Dei exsequantur ministerium : sitque earum vigilantissima cura, ut ad horas canonicas, mox ut signum datum fuerit, impigrè occurrant: Ecclesiâque cum Dei timore & reverentia ingredientiæ, divinæ potentie famulatui religiosissimè inserviant. Illudque semper caveant, ut in his domo Dei nihil inhonestatis corde, aut lingua vel opere perpetrent, sed potius aut orent, aut legant, aut audiant. Si verò fuerit aliqua, exceptis his, quæ aut quâdam incommoditate corporis, aut obedientiæ sibi injunctâ detinentur, quæ præfatas horas canonicas frequentare, diligentèrque custodire, & in his, ut dignum est, cæleste neglexerit officium persolvere, dignâ invectione corripiatur. Custodes namque Ecclesiæ harum horarum spatia bene norint, ut scilicet signa certis temporibus pulsant. Quibus etiam sit studii, ut nihil de sibi commissis rebus Ecclesiæ pereat.

## XVI.

Ad implorandæ divinæ pietatis solatia, hæc Domini verba potentium animum informant: *Petite, (s) inquit, & dabitur vobis; quærite, & invenietis, pulsate, & aperietur vobis.* Sed si nobis pulsantibus aperiri gestimus, oportet ut Domino ad nos venienti, & ostium mentium nostrarum pulsanti, aditum dignum pandamus: ut impleatur illud: *Si quis (t) aperuerit mihi, intrabo ad illum, & cenabo cum illo, & ipse mecum.* Quia ergo constat, assiduitate orationum remissionem adipisci posse peccatorum, si tamen labia cordi non discrepaverint; studeant sanctimoniales mentem noxiis cogitationibus mundare, & Deum jugiter orando placare: scientes, quia tunc mens bene Deum orando contempletur, quando nullis terrenarum rerum curis, aut vitiorum illecebris implicatur. Quoniam, ut ait Isidorus, necesse est, ut cum ad impetranda muneribus suffragia assistitur, munda, simplèxque acies cordis ad Dominum dirigatur: quatenus illuc dirigatur deprecantis oratio, quo Propheta suam dirigi optabat, dicens: *Dirigatur (u) oratio mea, sicut incensum in conspectu tuo Domine.* Oratio namque, ut ait beatus Gregorius, cordis debet esse, non laborum: quia nequaquam Deus verba

deprecantis intendit; sed orationis cor adspicit.

## XVII.

Vespertinis officiis devotissimo obsequio celebratis, & collatione divinarum Scripturarum solemnitèr habitâ, dato signo ad completorium celebrandum sanctimoniales pariter devotissimè occurrant. Quo expleto, non ad epulandum, & bibendum, & supervacuis loquelis instandum se convertant: sed his postpositis honestè dormitorium petant. Caveatur etiam ab illis, ut nihil inhonestum, aut indecens in dormitorio geratur: nec aliqua aliquam inquietare præsumat, nec ad verba inutilia, & otiosa prorumpere cogat. Si qua verò id fecerit, severissimâ invectione corripiatur. Lucerna quoque noctis tempore in eodem dormitorio jugiter ardeat.

## XVIII.

Studendum vigilanter Abbatissis est, ut subditarum vitia nullatenus dissimulent; sed mox ut oriri cæperint, ea radicitus evellant: ne per earum scilicet desidiam, atque incuriam, animæ illarum laqueis irretiantur Diaboli. Quanto enim idem sexus fragilior esse dignoscitur, tanto necesse est majorem erga eum custodiam adhiberi. Modus verò correctionis circa delinquentes sanctimoniales, omiſſis his, quarum latera, juxta Salomonem, ne indurescant, virgis tundenda sunt, iste obnixè ab Abbatissis teneatur. Si aliqua in congregatione sanctimonialium horas canonicas frequentare neglexerit, & opus Dei negligenter exsecuta fuerit, ad collationem venire distulerit, obedientiam sibi injunctam agere recusaverit, in discendis bonorum operum instrumentis juxta vires operam non dederit, in dormitorio aliquid indecens, aut inhonestum verbis, aut actibus perpetraverit, alibi, quàm in dormitorio, absque causa inevitabili dormire præsumpserit; fororibus caritatis officio servire neglexerit, iræ, detractioni, susurratori, scurrilitati, bilinguitati, verbositati, dissensionibus, simulationi, curiositati, vanisque verborum confabulationibus inservierit; discordiam inter sorores seminaverit, huic institutioni contumax, aut superba, aut murmurans, seu in aliquo contraria existi-

[s] Matth. 7.

(t) Apoc. 3.

(u) Psalm. 140.



existit, & cætera hujusmodi agere tentaverit: primò secundum Domini præceptum, non solum semel, & secundò, ac tertio, quin etiam crebrius admoneatur; & si his admonitionibus non paruerit, publicâ oburgatione corripiatur. Quod si & huic renitens fuerit, cæteris alimentis sibi interdictis, pane tantum usque ad dignam penitentiam satisfactionem utatur, & aqua. Si verò nec sic se correxerit, separetur à mensâ, & à cæterarum sanctimonialium in choro psallentium societate, & seorsum in loco, hujusmodi negligentibus ab Abbatissis constituto, stare cogatur; ut statim rubore sequestrationis emendetur. Si autem his modis admonita, atque castigata, incorrigibilis adhuc existit, (w) congruet, si tamen ætas permiserit, verberum adhibeatur castigatio. Verum si talis fuerit, quam aut ætas, aut qualitas personæ verberari non siverit, hæc & publicâ oburgatione, & juniorum continuatione, & sequestrationis rubore tamdiu corripiatur, donec dignâ penitentiam satisfactione veniam consequi posse videatur. Si igitur ea, quæ flagellatur, & ea, quam flagellari, aut ætas, aut qualitas personæ prohibet, incorrigibiles apparuerint; sit locus intra claustra, quo ad tempus retrudantur; & secundum modum culpæ castigentur. Quod si etiam aliqua in tantam insaniam devenerit, quæ post tot saluberrimas admonitiones, & castigationes necdum se correxerit, deprecetur pro ea communi voto ab omni congregatione, ut ab illo, cui nihil est impossibile, sanetur. Postremò, si his omnibus exhibitis inemendabilis, atque incorrigibilis apparuerit, quia nullatenus huic sæculum repetere fas est, advocetur, si necesse est, Episcopus, & illius sapientissimo, ac discretissimo iudicio, ita ejusdem vitæ, quæ se tot vitiis frædando, & in pertinacia permanendo, à collegio sanctimonialium quodammodo secrevit, intra septa monasterii morderetur: quatenus & penitentiam sibi ab eo injectam salubriter gerat, & cæteris nullius contagionis morbum inferre valeat. Quæ autem criminale peccatum commiserit, huic nullatenus differenda est correptionis utilitas, quin aut sponte peccati sui facinus penitendo abluat, aut si id agere renuerit, ab Episco-

(w) lege: congrua.

po, ut præmissum est, juxta modum taxatum sententiam excommunicationis, & modum penitentiam excipiat. In castigandis namque, atque corrigendis delinquentibus, opem ferre non desistant Abbatissæ cæteræ sanctimoniales.

#### XI X.

Scripturarum Sanctarum doctrinis demonstratur, quòd subditarum vitæ prælatarum sit exemplis informanda. Et quia sanctimoniales, secundum Patrum documenta, virorum debent vitare familiaritates, & sermocinationes, decet, ut Abbatissæ, sicut in cæteris, ita quoque & in virorum confabulationibus, bonum sibi subditis exemplum præbeant. Si quando autem eis sermocinandi necessitas incubuerit, juxta supra notatam sententiam beati Casarii, adhibitis secum sanctimonialibus, quas & ætas, & morum probitas, & vitæ innocentia commendant, id faciant, & quod deliberandum est, prudenter deliberent; & quod disponendum, utiliter disponant. Quia, si earum consilio, & præsentia usæ fuerint, & morum detractionis vitabunt, & exemplum sibi subditis salubrius præbeant, licet enim hujusmodi sanctimoniales talium negotiorum experientiam non habeant, earum tamen præsentia capaces boni consilii castique factæ sunt.

#### X X.

Quia virorum frequentias sanctimoniales, juxta superiorum Patrum sententias, penitus vitare debeant, satis liquidò patet: restat, ut imminente inevitabili necessitate qualiter id facere debeant, demonstretur. Decet porro, ut abbatissæ tres, aut quatuor sanctimoniales vitæ probabilis constituent, coram quibus ceteræ sanctimoniales, aut cum propriis equis, aut cum propriis servis res sibi necessarias deferentibus tempore competenti, in loco videlicet ad hoc negotium constituto, loquantur, & id, quod delatum fuerit, recipiant. Ut videlicet hujusmodi confabulatio nullam possit in quoquam sinistræ opinionis suspensionem asserre. Sed & tempore novarum frugum, coram memoratis sanctimonialibus, quidquid eis recipiendum aut recondendum est, recipiant, & recondant. Similiter quoque, quan-

do

do eis in propriis mansuiculis aliquid operis agendum est, quod non sine virorum labore perfici potest, hæ sanctimonialia coram sint, ut nullus in his negotiis possit oriri detrahendi, aut peccandi locus. Sed & hoc Abbatissæ, non solum præpositarum suarum curâ, & memoratarum sanctimonialium instantissimâ procuratione, verum etiam suo studio; immò sepius in investigatione scrutari, atque solemter inquirere debent, ne quid inhonestatis in mansuiculis sanctimonialium; aut in earum claustris quispiam quolibet modo perpetrare; aut ab aliqua alicujus familiaritatis occasione suscipi, aut clanculo abscondi possit. Tanta igitur sanctimonialibus in confabulando cum viris pudicitia fiduciâ inesse debet, ut aliis aspicientibus minime erubescant. Ut enim Beatus Hieronymus dicit: "Speculum (x) mentis est facies, & taciti cordis fatentur arcana. Unde ait & quidam: Frons hominis propriæ mentis depromit amicum: Qualis vultus erit, talia corda gerit. Si qua verò inventa fuerit his confabulationibus dedita, ita juxta superiorem modum corripiatur; ut & ipsa emendetur, & ceteræ timorem habentes nihil tale agere pertentent.

## XXI.

Quia licitum est Deo dicatis canonicè viventibus, vernulas secum famulandi gratia in Monasteriis habere, cavendum est illis, ut in eis animæ potius salutem, quam commodum terrenum, querant. Solent enim hujuscemodi, effrenes, & impudicæ effectæ, cultu meretricio ornata incedere, & turpia quæque, & obscena, quæ foris vagando viderint, aut audierint, auribus Dominarum suarum impudenter ingerere, & animos earum à rigore divinæ servitutis emollire. Quapropter necesse est, ut in talibus congregandis modum adhibeant discretionis: ut non amplius, quam necessitas exigit; sibi ad serviendum congregent, & erga congregatas curam adhibeant, ne illis, quolibet peccato ruentibus, illarum ruinæ participes existant. Si verò hæ famulæ, aut Abbatissarum, aut certè sanctimonialium, in claustris

Y y y

Monasterii quidpiam indecens admiserint, & crebrò admonitæ atque correptæ non se correxerint, extra claustra Monasterii procul ejiciendæ, atque eliminandæ sunt.

## XXII.

Religio Ecclesiastica docet, ut puellæ, quæ in Monasteriis erudiuntur, cum omni pietatis affectu, & vigilantissimæ curæ studio nutriantur, ne si lubricæ ætatis annos indisciplinatè vivendo transegerint, aut vix, aut nullatenus postea corrigi possint. Quapropter præferuntur eis ex sanctimonialibus tales magistræ, quæ utique & probabilis sint vitæ, & erga eas talem exhibeant curam, ut nequaquam huc, atque illuc possint habere progressum, & aut desidæ, aut lasciviæ vitio maculentur: quin potius sacris imbuantur disciplinis, quatenus his mancipatæ vagandi otio careant. Sed qui modus hujuscemodi erudiendis tenendus sit, Beatus Hieronymus in epistola, quam ad Latam de institutione filia scriptit, plenissimè docet, dicens: "Igitur, quæ de repromissione nata est, dignam habeat ortu suo institutionem parentum. Samuel enim in templo nutritus est: Joannès in solitudine præparatur, locustis alitur, & melle Sylvestri, & in typum poenitentia prædicandæ tortuosissimi animalis vestitus exuviis. Sic erudienda est anima, quæ futura est templum Domini. Nihil aliud discat audire, nihil loqui, nisi quod ad timorem Dei pertinet: turpia verba non intelligat, cantica mundi ignoret. Adhuc tenera lingua psalmis dulcibus imbuatur: procul sit ætas lasciva puërorum: Habeat modestam gerulam, nutricem gravem. Discat in pueritia, cui Imperatori tiruncula nutriatur. Ipse habitus, & vestitus doceat eam, cui promissa sit. Aures ejus non perforentur, nec ora Christo consecrata, cerussa & purpurisso depingantur: nec aurum, & margaritæ collum ejus depressant, nec caput sacrarum gemmis oneretur: sed habeat alias margaritas, quibus postea venditis emptura est pretiosissimum margaritum. Sit nutrix (y) ejus sollicita & prudens, ut ea, quæ

(x) In Epist. ad Euviam.

(y) Ex Hieronymi Epist. 7. ad Latam, legi oportet: Si nutrix ejus sollicita provideat, ut ea, quæ nutritur, ne fiat a vipera; eadem cura provideat, ne bibat de aureo calice &amp;c.



" quæ nutritur, ne percutiatur à vipera.  
 " Ne bibat de aureo calice Babylonis;  
 " nec cum Dina egrediatur videre filias  
 " regionis; ne ludat pedibus, & trahat  
 " tunicas: quia venena non dantur, nisi  
 " melle circumlita, & vitia non decipiunt,  
 " nisi sub specie virtutum. Postquam  
 " grandiuscula fuerit, & in exemplum  
 " sponfi sui sapientiâ, ætate, & gratiâ  
 " apud Deum & homines crescere cœpe-  
 " rit, pergat ad templum veri patris cum  
 " parentibus suis: sed cum illis non  
 " egrediatur è templo, & nusquam ab  
 " eis inveniatur, nisi in auditu sacrarum  
 " Scripturarum. Nusquam exeat foras,  
 " ne inveniatur eam, qui circumeunt ci-  
 " vitarem, & vulnerent pudicitiam ejus,  
 " auferentes theristrum, & nudam in  
 " sanguine derelinquant. Non vescatur  
 " in publico, ne videat cibos, quos desi-  
 " deret. Discat jam nunc vinum non  
 " bibere, in quo est luxuria: usque ad  
 " perfectam tamen ætatem propter indul-  
 " gentiam modico utatur vino, & car-  
 " nium edulio sustentetur. Nullus ei ju-  
 " venis, nullus cincinnatus arrideat. Vi-  
 " giliarum dies, & solemnes pernoctatio-  
 " nes sic celebret, ut ne transversum  
 " quidem unguem à nutrice discedat.  
 " Non cum ancillis in auribus susurret,  
 " sed quod uni loquitur, omnes intelli-  
 " gant. Sit ei comes non compta, atque  
 " formosa, quæ gutture carmen dulce  
 " moduletur: sed gravis, pallens, sub-  
 " tristis, & pudicitie veterana, quæ illam  
 " doceat, & affluat exemplo, ad ora-  
 " tiones, & psalmos nocte confurgere,  
 " manè hymnos canere, & stare in acie,  
 " quasi bellatricem Christi. Horarum  
 " diei cursu peracto, accensaque lucer-  
 " nula, reddat sacrificium vespertinum.  
 " Sic dies transeat, sic nox inveniatur labo-  
 " rantem. Cibus ejus olusculum sit, &  
 " fimila, raroque pisciculi. Sic come-  
 " dat, ut semper esuriat, ut statim post  
 " cibum possit legere, orare, & psallere.  
 " Non habeat colloquia sæcularium pu-  
 " ellarum, & malarum virginum contu-  
 " bernis non misceatur. Balnearum ve-  
 " rò fomitibus sopitos non suscitetur ignes.  
 " Pro gemmis, & serico, divinos codi-  
 " ces amet. Discat primò psalterium:  
 " erudiatur in Proverbiis Salomonis ad  
 " vitam: consuescat in Ecclesiaste cal-  
 " care, quæ mundi sunt. Sectetur in Job

" virtutis, & patientiæ exempla. Ad  
 " Evangelia transeat, numquam ea po-  
 " situra de manibus. Apostolorum acta,  
 " & epistolas totâ cordis imbibat volun-  
 " tate. Et sic per ordinem seriem novi,  
 " veterisque testamenti. Cùmque pec-  
 " toris sui cellarium his opibus locupleta-  
 " verit, tunc virtutum floribus adornata,  
 " soli sponso cœlesti, cui commissa est,  
 " calcatis cunctis, quæ mundi sunt, pla-  
 " cere studeat.

## XXIII.

Quamquam intra claustra Monaste-  
 rii sanctimoniales, canonicè viventes,  
 proprias solitè sint habere mansiunculas;  
 propter anus tamen, & infirmas, de-  
 bet intra claustra ab Abbatissis mansio fie-  
 ri; ubi earum, quæ fortè suas non ha-  
 bent, imbecillitatibus, atque infirmita-  
 tibus misericordissime possit opulari. Qua-  
 rum curam Abbatissæ, utpote spirituales  
 matres, ante omnia gerere debent, ut  
 his ea, quibus opus habent, misericor-  
 diter administrent. Sed & ceteræ sancti-  
 moniales, accessu eas frequenti visitan-  
 tes, Divinarum Scripturarum colloca-  
 tionibus demulceant, & suis facultati-  
 bus imbecillitates, & infirmitates cum  
 caritate æquanimiter portent; ut meritò  
 à Domino eis dicatur: *Infirmus (z) fuisti  
 & visitasti me, &c.*

## XXIV.

Quia constat Abbatissas exteriorum,  
 & interiorum pondere gravatas, adeo,  
 ut prapediente ignorantia fragilitatis hu-  
 manæ multa nesciant, quæ in Monaste-  
 riis negligenter fiunt; necesse est, ut  
 tales sub se constituent, cum quibus se-  
 curè possint partiti onera regiminis. Qui-  
 bus etiam talem conferent potestatem,  
 ut vice sua fungentes, & bene agentes  
 in melius proficere dictis, & exemplis  
 exhortentur, & delinquentium errata  
 districtissimâ invectione corripiant: &  
 quæ in Monasteriis ab Abbatissis, ob  
 diversarum curarum occupationes, per-  
 fici minime possunt, ab his dignè &  
 utiliter perficiantur. Quibus etiam ex-  
 pedit, ut se imitabiles ceteris præbeant,  
 quatenus irreprehensibiliter vivendo, &  
 sanctarum virtutum exempla præbendo,  
 cœtibz sanctarum feminarum mereantur  
 adscisci. Quod si negligenter vixerint,  
 &

& his, quibus bene vivendo prodesse debuerant, exemplo suæ perversitatis aliquam læsionis maculam ingesserint, juxta modum præmissum judicentur: & si inemendabiles extiterint, à ministerio amoveantur, alique in loca earum probabilis vitæ constituentur.

## XXV.

Expedit Abbatissis, ut de congregatione, sibi commissâ, tales eligant, quibus alimenta sanctimonialium committant, quæ non sint criminatrices, non vinolentæ, non prodigæ, & ceteris vitiis illecebris mancipatæ; sed magis, quæ vitæ sint probabiles, & inviolabiliter congregata conservent, & fideliter ea, atque humiliter sanctimonialibus administrent, ut de fidei administratione à remuneratore omnium bonorum Deo fideliter remunerentur. Erga hujusmodi verò delinquentes & inobedientes modus præmissus obnixè tenendus est.

## XXVI.

Oportet ad portam Monasterii talis constitui sanctimonialis, quæ ætate & morum probitate ceteris emineat: ut neque propter personarum acceptionem, neque propter alicujus adulationem, aut timorem, porta Monasterii, nisi horis statutis, referetur. Quia nisi talis ad portam constituta fuerit, magnum procul dubio in Monasteriis degentibus poterit provenire periculum. Quod si alicujus gratiâ contra hanc institutionem facere tentaverit, & admonita non se correxerit, digna invectione correpta à ministerio amoveatur.

## XXVII.

Presbyteris, qui in Monasteriis puellaribus Missarum solemnia celebrare debent, extra Monasterium sit locus, & Ecclesia, ubi cum ministris suis habitent, & divinæ servitutis obsequium expleant: & non nisi statuto tempore Monasterium ingrediantur puellarum, & cum eis Diaconus tantum, & subdiaconus, qui scilicet & vitæ honestate clarescant, & non se, sed Christum amare cupiant; nec sua querant, sed quæ Jesu Christi, & non ampliùs ibi immorentur, nisi in Missarum celebrationibus, ad sanctimoniales publicè faciendis. Quibus ritè, ac devotè celebratis, illico foras egre-

Y y 2

diantur. Sanctimoniales namque velo ante posito, ut moris est, horas canonicas, & Missarum solemnia celebrent. Sed & hoc caveant, ut nulla earum cum eisdem Presbyteris, eorùmque ministris aliquam sermocinationem familiarem habeat. Si qua igitur peccata sua sacerdoti confiteri voluerit, id in Ecclesia faciat, ut ab aliis videatur, sicut in dictis Sanctorum Patrum, continetur: exceptis infirmis, quibus in domibus id facere necesse est. Nam Presbyter Diaconum, & Subdiaconum, qui utique boni sint testimonii, ob detractorem vitandam secum habeat, à quibus scilicet videatur, & suæ innocentiae bonum testimonium exhibeatur.

## XXVIII.

Quia Sanctorum Scripturarum auctoritatibus liquido demonstratur, quodd hospitalitas modis omnibus sit diligenda; & res Ecclesiæ oblationes sint fidelium, pretia peccatorum, patrimonia pauperum: quamquam ad portam Monasterii locus talis sit ritè habendus, in quo adventantes quique suscipiantur; oportet tamen, ut extra, juxta Ecclesiam scilicet, in qua Presbyteri cum ministris suis divinum expleant officium, sit hospitale pauperum: cui etiam præsit talis, qui & avaritiam oderit, & hospitalitatem diligit. Et exceptis decimis, quæ de Ecclesia villis ibidem conferuntur, de rebus Ecclesiæ, prout facultas suppetit, eidem deputeretur hospitali, unde pauperes ibidem recreentur, & foveantur. Sed & de oblationibus, quæ fidelibus sanctimonialibus deferuntur, decimæ dentur ad eorundem sustentationem pauperum. Is namque, cui hospitale committitur, nequaquam res pauperum in suos usus retorqueat, nec cum Juda, loculos Domini furante, sententiam damnationis excipiat: sed etiam intra Monasterium receptaculum, ubi viduæ, & pauperculæ tantummodo recipiantur, & alantur: & si non possint alio, saltem quadragesimæ tempore, sanctimoniales, Domini implentes præceptum earum lavare pedes, juxta illud: Si ego (aa) Dominus, & Magister vester lavi vobis pedes, quanto magis vos debetis alter alterius lavare pedes.

Hardouin. Tomo IV. Conciliorum pag. 1147. & seqq.

EPIS-



# EPISTOLA AD ARNONEM,

ARCHI-EPISCOPUM SALZBURGENSEM.

*De confirmatione Regule Canoniorum, decretæ in Concilio Aquisgranensi anno DCCCXVI.*

**I**N nomine Domini Dei, & Salvatoris nostri JESU Christi, Hludouvicus divinâ ordinante providentiâ Imperator Augustus, venerabili Arnoni Archiepiscopo in Domino Salutem. Sacrum, & memorabile Concilium divino nutu, nostrôque studio in Aquisgrani Palatio nuper adgregatum, in quo multa ad propagandam Ecclesiasticam dignitatem, præcedente, & subsequente gratiâ Christi, diligenter tractata, atque instituta sunt, tuam nullatenus credimus latere Sanctitatem. Sed quia contigit eidem Sancto, & Venerabili Concilio tuam non interfuisse Paternitatem, ad tuam destinare decrevimus Beatitudinem, per præsentem Missum nostrum nomine Nothonem, formulam canonicæ institutionis ab eodem sacro Conventu ex Sanctorum Patrum sparsim digestis sententiis collectam, atque in unum congestam; quam etiam idcirco penes Palatium nostrum diligenter scribi fecimus, ut nihil in se scriptorum vitio depravationis, aut detruncationis habens, ad te usque incolumis perferretur. Quapropter volumus, atque decernimus, ut juxta Metropolitanæ Sedis tibi canonicè collatam dignitatem, nostræque auctoritatis sanctionem Diœceseos tuæ Episcopos, & cæteros Ecclesiæ Prælatos tempore, & loco congruenti ad te accersere facias, & his coram capitulatum memoratam institutionis formulam prælegi jubeas, & quod ob exaltandum Ecclesiastici culminis fastigium, & animarum salutem idem sacer conventus eam ediderit, liquidò demonstras, sed & his, qui in uno collegio canonicè degunt tenendam, observandamque coram memorato Misso nostro conferas. Ac si alicujus cordis obtusio eam intelligere nequiverit, huic sive abs te, sive ab aliis Episcopis, Comprovincialibus scilicet tuis, doctrinæ fulgore renitentibus, sobriè tradatur. Sed & in hoc nihilominus circumspèctam monemus esse tuam prudentiam, ut ab iis, qui eam transcripturi

sunt, ita transcribatur, ut nec depravata vitio scriptoris, nec detruncata ab aliquo fiat; sed sicut à prædicto Misso nostro eis demonstratum fuerit, absque aliqua depravatione, aut detruncatione transcribatur.

Noveris etiam, quia ideo illius exemplum apud armarium Palatii nostri detentum est, ut eo probari patenter possit, quis eam incuriosè transcripserit, vel quis aliquam ejus partem detruncarit. Ut enim comperimus, dum in eodem sacro Concilio perlegere, antequam coram nobis ab eodem Concilio prolata, & necdum mensura cibi, & potûs statuta fuisset, quidam magna ex parte illam detruncantes, quædam capitula inconsultè ex eâ transcripserunt. Unde necesse, ut, si aliquem in tuâ Diœcesi tale fecisse reperiis, hujusmodi factum coram provincialium tuorum Episcoporum Conventu, & coram præscripto Misso nostro frustreris, & hanc authenticam, ut præmisimus, diligenter, sicut Missus noster eis insinuaverit, transcribi percontes. Omnes ergo tuæ Diœceseos Episcopi, & cæteri Prælati eam vigilantî curâ transcribere, solerti studio intelligere, instantissimæ assiduitatis exercitio divinitus adjuti operibus complere decertent; ut cum nos hujus rei gratia inquirendæ venturis Kalendis Septembribus, sicut eidem sacro, & memorabili Concilio meminimus nos dixisse facturos, Missos nostros per imperium à Deo nobis collatum destinaverimus, remotâ cujuslibet difficultatis oppositione, ejusdem salutiferæ institutionis Prælati, & subditi, prout Dominus posse iis dederit, strenui inveniantur operadores. Quoniam diligenti indagine, vitâ comite, perquirere jubebimus, quis Prælatorum injunctum sibi officium strenuè peregerit, vel quis in claustris Canoniorum, & in necessariis stipendiis eis tribuendis, & in domibus ad receptacula pauperum reparandis, San-

Sanctioni nostræ paruerit, quisve Clerum suum eadem institutione, & cæteris spiritualibus documentis instruere curaverit, vel quis causa avaritiæ eos, quos Christi militia rationabiliter alere poterat, propulerit: quia unius anni spatium dedimus, ut ea, quæ præmissa sunt, absque ullius difficultatis excusatione perfici, ubi necdum facta erant, facillimè possent. Proinde, qui hoc anni tempore in hoc negotio nostræ admodum iussioni pro viribus obedire neglexerit, cæteris sinè dubio terrori erit, ne tale præsumant admittere. Direximus sanè tibi institutionis formulam, quam ejusdem sacri Concilii par consensus, & parque studium ex Sanctorum Patrum dictis enucleatim excerptis, & castimoniarum dicatis in una societate canonicè degentibus observandam statuit. Quam volumus à te, sive à tuis comprovincialibus Episcopis studiosè jubere transcribi, & Monasteriis puellaribus, in tuâ Diœcesi consistentibus, in quibus scilicet canonicè vivitur, tenendam conferri, qualiterque ab Abbatissis, & cæteris sanctimonialibus religiosissimè, ac devotissimè observari debeat, apertissimè perdoceri. Quoniam, nisi quando nos aliquam Abbatisarum nostram adire jusserimus præsentiam, alio tempore volumus in Monasteriis resideant, & secundum ejusdem institutionis formam vitam ducant, sibi que subditas in sancto religionis proposito constringant. Et nulla illarum foras evagandi, aut occasione qualibet acceptâ per villas residendi, suisque voluptatibus deservendi licentiam sibi attribuat. Quamquam enim nonnulli Clerici Monasteria puellarum, & nonnulli laici Monasteria viro- rum etiam, & puellarum habeant, tua tamen debet prævidere solertissima industria, ut in omnibus locis sub tua Diœcesi constitutis, ubicunque congregationes Clericorum, & sanctimonialium sunt, juxta possibilitatem, & facultatem rerum secundum hujus institutionis formam vivant. Quia nulla est omnino Ecclesia, quæ facultates habeat, ubi non possint tot, talesque gubernari, qui divinum expleant officium, & ubi hospitalitas juxta vires non possit diligi. Nos quoque præfatum Missum nostrum ad tuam Sanctitatem ideo direximus, ut tuum, cæterorumque Ecclesiasticorum in tuâ

Diœcesi existentium diligenter, atque subtiliter in hoc negotio intueretur studium, & tibi opem in cæteris commo- nendis ferret: qui etiam nobis referret, qualiter Prælati, & Prælatæ eas formulas libenter susceperint, diligenter transcribere studuerint, & devotè adimplere juxta vires curarint. Quoniam tamdiu illum in tuâ, vel comprovincialium tuorum Diœcesi immorari, & discurrere unâ cum Misso tuo jussimus, donec ab omnibus memoratæ formulæ transcriberentur; ut videlicet cuncta procurans, diligenterque perficiens, cum ad nos redire illum opere expleto tempus permiserit, cuncta, quæ acta sunt, vestro utrorumque scripto notentur, atque per ipsum, tuumque commissum nostræ dignoscentiæ intimentur; ut sciamus, quibus gratiarum actiones referre, quosque etiam dignis correptionibus corrigere debeamus. Si verò aliquis tuæ Diœceseos eidem institutioni, vestræque admonitioni procaciter reniti voluerit, & eam, quæ ab eodem sacro Conventu constituta, atque decreta est, pro viribus observare neglexerit, & deinde admonitus non se correxerit, quicumque ille est; ante præsentiam nostram tuâ, vel Missi nostri admonitione venire festinet, quatenus à nobis juxta quantitatem culpæ dignè corrigatur. Direximus præterea tibi pondus, & mensuram, secundum quæ Clericis, & sanctimonialibus panis, & potus æquabiliter tribuenda sunt: quæ ut ab omnibus firmissimè, atque inviolabiliter teneatur, decrevimus, & nequid incrementi, aut detrimenti à quoquam patiantur, modis omnibus inhibemus. Tuam igitur in calce epistolæ admonemus Sanctitatem, ut secundum ministerium tibi divino munere collatum nostræ in hoc negotio saluberrimæ admonitioni obedierit, atque inexcusabiliter pareas, & cæteris in parendo bonum exemplum tribuas. Dignum quippe, justumque est, ut quanto sublimius Sacerdotii dignitate aliis superemines, & à nobis venerabiliter diligeris, tantò magis ad Dei, nostramque voluntatem exequendam devotiorem te, atque promptiorem exhibeas. Vale in Domino, & ora pro nobis.

*Balar. Tomo I. Capitularium.*



## CAPITULARE AQUISGRANENSE

ANNI DCCCXVI.

*Anno DCCCXVI. Incarnationis Domini nostri JESU CHRISTI  
Hludouicus Imperator Christianissimus, ac Piissimus ex omni Imperio  
suo fecit Conuentum Episcoporum, Abbatum, Comitum, vel majo-  
rum natu Francorum, ut sancirent Capitula pro utilitate  
totius Ecclesie. Quod ita factum est.*

INCIPIT PROLOGUS  
HLUDOUICI IMPERATORIS.

**Q**uia juxta Apostolum, quamdiu in hoc sæculo sumus, peregrinamur à Domino; & nihil in præsentī fixum, nihil immobile, sed cuncta veloci pervolant cursu, & Scriptura testatur, quodcunque possumus, instanter operari debemus, quia nulli ad bene operandum crastinus dies promittitur omnēque secundū Apostolum ante tribunal Christi stabimus, ut unusquisque rationem pro his, quæ gessit, reddat, nobis præcipuè, qui ceteris mortalibus conditione æquales existimus, & dignitate tantū superiores sumus, secundū Scripturam Sacram, quæ dicit, Quoniam interrogabit opera nostra, & cogitationes scrutabitur, rationes reddituri sumus, sollicitā circumspectione, totaque mentis intentione satagendum est, ut bonis operibus jugiter insistendo, his, quibus præesse videmur, modis omnibus, quantum nobis divinā suffragante misericordia facultas attributa fuerit, prodesse curemus. Sed quia omne datum optimum, & omne donum perfectum de sursum est, debemus, continuis precibus Dominum humiliter exorare, faciēque illius humili confessione, & congruā, prout ipse posse dederit, emendatione prævenire; ut sicut ejus est muneris, quod regnamus, ejus sit pietas, quod feliciter regnamus, quatenus, eo miserante, & regni gubernacula æquissimo libramine tenere, & ad eum, qui Rex Regum est, & Dominus Dominantium, cum multiplici fructu administrationis nostræ, justitia scilicet, & pietate, atque humilitate, sine fine cum eo regnaturi mereamur pervenire. Et quoniam per Apo-

stolum suum nos adjutores suos appellare dignatus est, & Sancta Ecclesia, ejus videlicet sponsa, in Scripturis Sacris hortus est appellata, quotidianis exercitiis adhibito sarculo bonæ operationis est excolenda; ut sicut semper nociva in ea, velut in bono agro emergunt, ita semper laboris boni studio eradicentur noxia, plantentur utilia. Oportet & nos cunctis ejus necessitatibus, nris, quibus possumus, devotè consulere: quatenus in ejus emendatione, quantum Dominus posse dederit, tota cum mentis devotione elaborantes, in aliquā parte ædificiorum illius, à fabricatore ejus, Domino scilicet Jesu Christo aptari mereamur, Proinde notum sit omnibus fidelibus Sanctæ Ecclesiæ Dei, nostrisque Domino dispensante successoribus, quia, cum nos nullis existentibus meritis divina pietas, genitore nostro à rebus humanis exempto, ad ejus imperii culmen provexisset, quomodo, aut qualiter desiderium divini cultus, quod ab incunte ætate Christo inspirante mente conceperamus, ad effectum Domino suffragante perduceremus, & quid studii, quidve laboris progenitores nostri, præcipuè tamen piæ recordationis genitor noster in utilitatibus Sanctæ Dei Ecclesiæ exhibuerit, adverteremus, & pia illorum facta non solum inviolata conservare, sed etiam imitari pro viribus nobis à Domino concessis optaremus, scilicet, ut quidquid sive in Ecclesiasticis negotiis, sive in statu Reipublicæ, emendatione dignum prospexissemus, quantum Dominus posse dedit, nostro studio emendaretur. Et hæcenus hinc inde mundanorum

norum turbinum procellis emergentibus, diversissimisque occupationibus præpediti, ut optaveramus, efficere nequivillemus tertio anno imperii nostri, accersitis nonnullis Episcopis, Abbatibus, Canonicis, & Monachis, & fidelibus, obtutibus nostris, studuimus eorum consulta sagacissima investigare inquisitione, qualiter unicuique ordini, Canonicorum videlicet, & Monachorum, & Laicorum, juxta quod ratio dicebat, & facultas suppetebat, Deo opem ferente confuleremus. Et quoniam, licet sæpe de statu Ecclesiarum, & de ritibus præterito tempore ordinassetur, & missos nostros per singula loca destinassetur, sed invidente diabolo per tyrannicam pravitatem præpeditum fuisset, oportebat, ut hoc tempus pacis indultum ad communem Sanctæ Dei Ecclesiæ, & omnium nostrorum utilitatem impenderemus, tribus videlicet modis; ut, quæ bene inchoata erant, Deo auxiliante effectum obtinerent; & si quæ bona voluntate, sed incautâ discretionem, variis præpeditibus causis inchoata fuissent, ut diligenter inspicerentur, & discretè, prout facultas suppetebat, corrigerentur; si quæ etiam de his, quæ necessaria erant, deesse videremus, ut quærentur, &

Deo auxiliante ad effectum perducerentur: quatenus deinceps opus nostrum à nemine justè posset reprehendi, & tam nostris, quam futuris temporibus multorum salutis proficeret, & Deo opitulante stabile permaneret. Sed qualiter de his Divinâ cooperante gratiâ, consultu fidelium, pro viribus, & temporis brevitate, licet non, quantum debuimus, & voluimus, sed quantum à Deo posse accepimus, egerimus, & quid unicuique ordini communi voto, communique consensu consulere studuerimus, ita, ut quid Canonicis propriè de his, quidve Monachis observandum, quid etiam in legibus mundanis, quid quoque in capitulis inferendum foret, adnotaverimus; & singulis singula observanda contraderemus, tamen ut sive nostris, sive successorum nostrorum temporibus rata forent, & inviolabiliter Deo annuente conservarentur, libuit nobis ea, quæ gesta sunt, ob memoriarum, firmitatisque gratiam, in unum strictim congerere, & subjectis Capitulis annotare, & in publico archivo recondere; ut successores nostri Deo dispensante nostra pia facta conservantes, & ipsi nihilominus bona facta sua successoribus suis servanda perdoceant.

## EXPLICIT PROLOGUS.

*Hæc Capitula propriè ad Episcopos vel Ordines quosque Ecclesiasticos pertinentia, quæ non solum ipsi observare, sed etiam sibi subiectis, vel commissis faciendâ perdocere debent.*

## INCIPIUNT CAPITULA.

1. De rebus Ecclesiæ non dividendis.
2. De Episcopis eligendis.
3. De dictis Patrum congestis pro canonica professione, quia debonefiabatur.
4. De collatis Ecclesiæ dividendis.
5. De Abbatibus eligendis.
6. De Ordinatione servorum.
7. De personis, à quibus non sunt res accipiendæ.
8. Ut nullus Presbyter aliquâ cupiditate quemquam tonsurare suadeat.
9. De Presbyteris constituendis.
10. De mansis uniuscujusque Ecclesiæ.
11. De Presbyteris uniuscujusque Ecclesiæ.
12. De villis novis, & Ecclesiis in eis noviter constitutis.
13. De sacris vasis Ecclesiæ in pignus datis.
14. De Ecclesiis destructis, vel de nonis, & decimis.
15. De Ecclesiarum honore.
16. De Episcopis Italia.
17. De Presbyteris, qui faminas in domibus habent.
18. De Presbyteris, qui pro Chrismate in cænâ Domini veniebant.
19. De prædicatione, & confirmatione Episcoporum.
20. De pueris tondendis, & puellis velandis.
21. De feminis viros amittentibus.
22. De raptis, & de earum raptoribus.
23. De puellis raptis, necdum desponsatis.

24. De



24. *De desponsatis, & ab alijs raptis.*

25. *De his, qui virginibus Deo ducatis se sociant.*

26. *De puellis, quo tempore velentur.*

27. *De examinatione Sanctæ Crucis non faciendi.*

28. *De pabulo verbi Divini nuntianlo.*

29. *De incestis nuptiis, & de Ecclesijs non dividendis.*

## INCIPIUNT SUBSCRIPTA CAPITULA, ET EORUM TEXTUS.

*De rebus Ecclesiæ non dividendis.*

### I.

**Q**uia juxta Sanctorum Patrum traditionem novimus, res Ecclesiæ esse vota fidelium; pretia peccatorum; & protrimonia pauperum; cuique non solum habita conservare, verum etiam multa, Deo opitulante, conferre optamus. Tamen ut ab Ecclesiasticis de non dividendis rebus illis suspicionem dudum conceptam penitus amoveremus, statuimus; ut neque nostris; neque filiorum, & Deo dispensante; successorum nostrorum temporibus, qui nostram, vel progenitorum nostrorum voluntatem, vel exemplum imitari voluerint, ullam penitus divisionem; aut iacturam patiantur.

*De Episcopis eligendis.*

2. Sacrorum canonum non ignari; ut in Dei nomine Sancta Ecclesia suo liberius potiretur honore, ad sensum ordine Ecclesiastico præbuimus, ut scilicet Episcopi per electionem Cleri, & populi secundum statuta canonum de propria Diocesi, remota personarum; & munus acceptione, ob vitæ meritum, & sapientiæ donum eligantur, ut exemplo, & verbo sibi subjectis usquequaque prodesse valeant.

*De dictis Patrum congestis pro canonica professione, quia debonestabatur.*

3. Quia verò canonica professio à multis, partim ignorantia partim desidia, dehonestabatur, operæ pretium duximus, Deo annuente, apud sacrum conventum ex dictis Sanctorum Patrum, velut ex diversis pratis, quosdam vernantes flosculos carpendo, in unam regulam Monachorum, & Canonicarum congerere, & canonicis, vel sanctimonialibus servandam contradere, ut per eam canonicus ordo absque ambiguitate possit servari. Et quoniam illam sacer

conventus ita etiam laudibus extulit, ut usque ad unum iota observandam percereret, statuimus; ut ab omnibus in ea professione degentibus indubitanter teneatur, & modis omnibus sive à canonicis, sive à sanctimonialibus, canonicè degentibus, deinceps observetur.

*De collatis Ecclesiæ dividendis.*

4. Statutum est, ut quicquid tempore imperii nostri à fidelibus Ecclesiæ sponte conlatum fuerit; in ditioribus locis duas partes, in usum pauperum; tertiam in stipendia cedere Clericorum; aut Monachorum, in minoribus verò locis æquè inter Clerum; ac pauperes fore dividendum; nisi fortè à datoribus, ubi specialiter dandæ sint, constitutum fuerit.

*De Abbatibus eligendis.*

5. Monachorum siquidem causam qualiter Deo opitulante ex parte dispo. fuerimus, & quomodo ex se ipsis sibi eligendi Abbates licentiam dederimus; & qualiter Deo opitulante quieti vivere, propositumque suum indefessè valerent, ordinaverimus, in alia schedula diligenter adnotari fecimus, & ut apud successores nostros ratum foret, & inviolabiliter conservaretur, confirmavimus.

*De ordinatione servorum.*

6. De servorum verò ordinatione, qui passim ad gradus Ecclesiasticos indifcretè promovebantur, placuit omnibus, cum sacris canonibus concordari debere. Et statutum est, ut nullus Episcoporum deinceps eos ad sacros ordines promovere præsumat, nisi prius à Dominis propriis libertatem consecuti fuerint. Et si quilibet servus Dominum suum fugiens, aut latitans, aut adhibitis testibus munere conductis, vel corruptis, aut qualibet calliditate, vel fraude, ad gradus Ecclesiasticos pervenerit, decre-

decretum est, ut deponatur, & Dominus ejus recipiat eum. Si verò avus, vel pater ab alia patria in aliam migrans, in eadem provincia filium genuerit, & ipse filius ibidem educatus, & ad gradus Ecclesiasticos promotus fuerit, & utrū servus sit, ignoraverit, & postea veniens Dominus illius legibus eum adquisiverit, sancitum est, ut, si Dominus ejus illi libertatem dare voluerit, in gradu suo permaneat. Si verò eum catenā servitutis à castris Dominicis extrahere voluerit, gradum amittat; quia juxta sacros ordines vilis persona manens Sacerdotii dignitate fungi non potest. De rebus verò illorum vel peculiari, qui à Dominis propriis libertate donantur, ut ad gradus Ecclesiasticos jure promoveantur, statutum est, ut in potestate Dominorum consistat, utrū illis concedere, an sibi vindicare velint. Cæterum, si post ordinationem aliquid adquisiverint, illud observetur, quod in Canonibus de consecratis nihil habentibus constitutum est. De Ecclesiarum verò servis communi sententiā decretum est, ut Archiepiscopi per singulas Provincias constituti nostram auctoritatem, Suffraganei verò illorum exemplar illius penes se habeant. Et quodcumque de familiā Ecclesiæ utilis inventus aliquis ordinandus est, in ambone ipsa auctoritas coram populo legatur, & coram Sacerdotibus, vel coram fidelibus laicis ante cornu altaris, sicut in nostra auctoritate continetur, remotā qualibet calliditate libertatem consequatur, & tum demum ad gradus Ecclesiasticos promoveatur. Similiter quoque de his agendum est, quos laici de familiā Ecclesiarum ad sacros ordines promovere voluerint. Sed & de his, quos Præpositi Canoniorum, aut Monachorum ordinandos expectaverint, eadem forma servanda est.

*De personis, à quibus res non sunt accipiendæ.*

7. Statutum est, ut nullus quilibet Ecclesiasticus ab his personis res deinceps accipere præsumat, quarum liberi, aut propinqui hâc inconsultâ oblatione possint rerum propriarum exheredari. Quòd si aliquis deinceps hoc facere tentaverit, ut & acceptor, synodali, vel imperiali sententiâ districtè feriat, & res ad exheredatos redeant.

*Ut nullus Presbyter aliquid cupiditate quemquam tonsurare suadeat.*

8. Statutum est etiam, ut nullus in canonicā, aut regulari professione constitutus aliquem tonsurare propter res adipiscendas deinceps persuadeat: & qui hoc facere tentaverit, synodali, vel imperiali sententiâ modis omnibus feriat.

*De Presbyteris constituendis.*

9. Statutum est, ut finè auctoritate, vel consensu Episcoporum Presbyteri in quibuslibet Ecclesiis nec constituentur, nec expellantur. Et si laici Clericos probabilis vitæ, & doctrinæ Episcopis consecrandos, suisque in Ecclesiis constituendos obtulerint, nulla qualibet occasione eos rejiciant.

*De mansis uniuscujusque Ecclesiæ.*

10. Statutum est, ut unicuique Ecclesiæ unus mansus integer absque ullo servitio adtribuatur, & Presbyteri in eis constituti non de decimis, neque de oblationibus fidelium, non de domibus, neque de atris, vel hortis juxta Ecclesiam positis, neque de præscripto manso aliquid servitium faciant præter Ecclesiasticum. Et si aliquid ampliùs habuerint, inde senioribus suis debitum servitium impendant.

*De Presbyteris uniuscujusque Ecclesiæ.*

11. Statutum est, postquam hoc impletum fuerit, ut unaquæque Ecclesia Presbyterum suum habeat, ubi id fieri facultas providente Episcopo permiserit.

*De villis novis, & Ecclesiis in eis noviter constitutis.*

12. Sancitum est, de villis novis, & Ecclesiis in eis noviter constructis, ut decimæ de illis villis ad easdem Ecclesias conferantur.

*De sacris vasis Ecclesiæ in pignus datis.*

13. De sacris vasis Ecclesiæ, quæ in pignus à nonnullis in quibusdam locis dari comperimus, inhibetum est, ne deinceps à quoquam fieri præsumatur, nisi solummodo necessitate redimendorum captivorum compellente.



*De Ecclesiis destructis, vel de nonis,  
& decimis.*

14. De Ecclesiis sanè destructis, vel de nonis, & decimis, sive de claustris Canonicorum, qualiter constitui, & ordinari nobis placuerit, aliis capitulis subter adnotavimus.

*De Ecclesiarum honore.*

15. Sed & de Ecclesiarum honore, quomodo Deo adjuvante, quantum in nos est, vigeat, similiter in subter adnotatis capitulis insertum esse dinoscitur.

*De Episcopis Italiae.*

16. De Episcopis verò in Longobardiâ constitutis, qui ab his, quos ordinabant, sacramenta, & munera contra Divinam & canonicam auctoritatem accipere, vel exigere soliti erant, modis omnibus inhibitu est, ne ulterius fiat: quia juxta sacros Canones uterque à gradu proprio talia facientes decidere debent.

*De Presbyteris, qui feminas in domibus habent.*

17. Statutum est ab Episcopis de Presbyteris, qui feminas secum indifferetè habitare permittunt, & propter hoc malæ opinionis suspicione denotantur, ut, si deinceps admoniti non se correxerint, velut contemptores sacrorum Canonum, canonicâ invectione feriantur.

*De Presbyteris, qui pro Chrismate in cœna Domini veniebant.*

18. De Presbyteris, qui accipiendi Chrismatis gratiâ ad civitates in cœna Domini venire soliti erant, sancitum est, ut de his, qui longè positi sunt, de octo, vel decem unus ab Episcopo eligatur, qui acceptum Chrisma sibi, & sociis diligenter perferat. Hi verò, qui non longius à civitate, quàm quatuor, aut quinque milibus habitant, more solito ad accipiendum Chrisma per se veniant. Discendi verò gratiâ alio non quadragesimæ tempore ad civitates convocentur.

*De prædicatione, & confirmatione Episcoporum.*

19. Ne verò Episcopi occasione prædicandi, aut confirmandi oneri essent

populis, à nobis admoniti polliciti sunt se deinceps hoc cavere velle, & eo tempore suum ministerium, in quantum facultas dabatur, exequi, quo eorum profectio, quantum in illis erat, his quibus prodesse possunt, & debent, non sit importuna, vel onerosa.

*De pueris tonsendis, & puellis velandis.*

20. Ne pueri verò sinè voluntate parentum tonsuerentur, vel puellæ velentur, modis omnibus inhibitu est; & qui hoc facere tentaverit, multam, quæ in capitulis legis mundanæ à nobis constitutis continetur, persolvere cogatur.

*De feminis viros amittentibus.*

21. De feminis, quæ viros amittunt; placet, ne se sicut hæctenus indifferetè velent, sed ut triginta dies post decessum viri sui expectent, & post tricesimum diem per consilium Episcopi sui, vel si Episcopus absens fuerit, consilio aliorum religiosorum Sacerdotum, suorumque parentum, atque amicorum, id, quod eligere debent, eligant. Et quia à sacro conventu rogati, ut hi, qui publicam gerebant poenitentiam, & feminæ, quæ viros amittebant, nostrâ auctoritate, donec deliberent, quid agant, tuerentur, specialiter pro his capitula fieri, & legis mundanæ capitulis inferenda decrevimus.

*De raptis, & de earum raptoribus.*

22. De raptis verò, & de raptoribus quamquam specialiter decrevissemus; quid pari debeant, qui hoc nefas deinceps facere tentaverint, quid tamen super his sacri canones præcipiant, hic inferendum necessarium duximus, quatinus omnibus pateat, quantum malum sit, & non solum humanâ, sed etiam divinâ authoritate constrikti, abhinc malum hoc caveatur.

*De puellis raptis, necdum desponsatis.*

23. De puellis raptis, necdum desponsatis, ita in Concilio Chalcedonensi, ubi DCXXX. Patres adfuerunt, capitulo XXXVIII. habetur: "Eos qui rapiunt puellas sub nomine simul habitandi, cooperantes, & cohibentes raptoribus, decrevit sancta Synodus, siquidem Clerici sunt, decident gradu proprio,



"prio ; si verò Laici anathematizentur. Quibus verbis apertè datur intelligi , qualiter hujus mali autores damnandi sunt , quando participes , & cohibentes tantò anathemate feriuntur , & quod juxta canonicam auctoritatem ad conjugia legitima raptas sibi jure vindicare nullatenus possunt.

*De desponsatis , & ab aliis raptis.*

24. De desponsatis puellis , & ab aliis raptis ità in Concilio Ancyrano capitulo decimo legitur : "Desponsatas puellas , & post ab aliis raptas placuit erui , & eis reddi , quibus antè fuerant desponsatae , etiamsi eis à raptoribus vis illata consisterit. Proinde statutum est à sacro conventu , ut raptor publicà poenitentia multetur , raptæ verò , si sponsum eam accipere noluerit , & ipsa eidem crimini consentiens non fuit , licentia nubendi alii non negetur. Quòd si & ipsa consensit , simili sententia subjaceat. Quod si ipsi post hæc se conjungere præsumpserit , utrique anathematizentur.

*De his , qui Virginitas Deo dicatis se fociant.*

25. De his verò , qui sacris Virginitas se fociant , ità in decretis Papæ Gelasii capitulo vigesimo continetur : "Virginitas sacris temerè se quoddam sociare cognovimus , & post dictum Deo positum incesta federa , sacrilegæque miscere , quos protinus æquum est à sacra communione detrudi , & nisi egerint publicam , probatamque poenitentiam , omnino non recipi ; aut his certè viaticum de sæculo transeuntibus , si tamen poenituerint , non negetur." Si verò de copulatione sacrarum Virginitatum severè feriuntur , quantò severius feriendi sunt , qui eas rapiunt ? Ideo , sicut præmissum est , necesse est , ut ab omnibus in Christiana religione consistentibus rigore auctoritatis Divinæ , vel humanæ hoc malum radicis amputetur ,

*De Puellis , quo tempore velentur.*

26. Ne verò puellæ indiscretè velentur , placuit nobis etiam de sacris canonicis qualiter observandum sit , hic inferre. De tempore velandarum puellarum in Africano Concilio capitulo decimo sexto continetur , ut non ante vi-

ginti quinque annos consecrentur. Item in eodem Concilio capitulo XCIII. de virginibus velandis ità continentur : "Item placuit , ut quicumque Episcoporum , necessitate periclitantis pudicitiae virginis , cum vel petitor potens , vel raptor aliquis formidatur , vel si etiam aliquo mortis periculoso scrupulo compuncta fuerit , ne non velata moriatur , aut exigentibus Parentibus , aut his , ad quorum curam pertinet , velaverit virginem , seu velavit ante viginti quinque annos ætatis , non ei obstit Concilium , quod de isto annorum numero constitutum est." Unde colligitur , quia juxta priorem sanctionem virginis vigesimo quinto ætatis suæ anno ritè consecrandæ sint. Quòd si præmissæ necessitates antè id fieri compulerint , nullum possit Episcopo afferre præjudicium consecranti.

*De examinatione sanctæ Crucis non faciendæ.*

27. Sanctum est , ut nullus deinceps quamlibet examinationem facere præsumat ; ne , quæ Christi passione glorificata est , cuiuslibet temeritate contemptui habeatur.

*De pabulo verbi divini nuntiando.*

28. Episcopos verò , ut sive per se , sive per vicarios , pabulum verbi divini sedulo populis adnuntient ( quia , ut ait Beatus Gregorius , iram contra se occulti judicis excitat sacerdos , si sine prædicationis sonitu incedit ) & ut Clerum sibi commissum in sobrietate , & castitate nutrant , divinisque officiis imbuant , quo ritè ad Sacrosanctos Ecclesiasticos ordines promoveri possint , & ut operam dent , quatenus presbyteri Misalem , & Lectionarium , sive ceteros libellos sibi necessarios bene correctos habeant , & qualiter Ecclesias destructas sibi pertinentes juxta vires emendant , qualiter etiam viduas diligenter instruant , quomodo etiam secundum Apostolicam auctoritatem conversari debeant , edoceant , & ut superstitiones , quas quibusdam in locis in exequiis mortuorum nonnulli faciunt , eradiciant , & ut exemplo suæ innocentiae alios ad bene vivendum provocent , & cunctis Ecclesiasticis negotiis , in quantum Dominus juverit , totis viribus consulere satagent , diligenter admonimus



mus, & ut liberiùs exequi valeant, nos, in quantum Dominus posse dederit, opem ferre modis omnibus optamus.

*De incestis nuptiis, & de Ecclesiis non dividendis.*

29. Nonnulla verò capitula, sicut de incestis nuptiis, nec non & de Ecclesiis, quæ inter coheredes dividuntur, & tali occasione proprio honore carent, sive de his Ecclesiis, quæ nimium rebus propriis sunt adtenuatæ, vel certè de his rebus, quæ nuper, necessitate

compellente, à nonnullis Ecclesiasticis sunt ablata, & si qua sunt talia sive in Ecclesiasticis, sive in publicis rebus emendatione digna, quæ pro temporis brevitate efficere nequivimus, in tantum differendum illud dignum judicamus, donec Domino favente consultu fidelium facultas nobis id efficiendi ab eo tribuatur. Inventa verò, ut Deo opitulante effectum obtineant per tempora, jam emendata, & correctæ, ac restituta scriptis confirmare optamus.





10 vol  
collated paper  
B. B. B. B. B.  
B. B. B. B. B.

10 vol

Bibles  
1666



